

**INSTITUTIONES
THEOLOGICAE AD
USUM
SEMINARIORUM
AUCTORE...**





HAG 1202

INSTITUTIONES THEOLOGICÆ
AD USUM SEMINARIORUM

AUCTOR

GASPARE JUENIN

ORATORII GALLICANI PRESBYTERO

Et in Seminario Eminentiss. Cardinalis DE NOAILLES Archiepiscopi
Parisiensis Sacræ Theologiæ Professore.

EDITIO OMNIUM RECENTISSIMA

QUATUOR TOMIS DIVISA

In qua nunc primum accedunt in calce Tomi hujus Opuscula nonnulla ex Car-
dinali de LAUREA, & JACOBO BOUDART excerpta
ad majorem Operis illustrationem.

Adduntur præterea in Tomo Quarto Compendium ipsarum Institutionum Theologicarum,
necnon Index locupletissimus Materialium totius Operis, qui in antea-
ctis Editionibus desiderabatur.



TOMUS TERTIUS.



VENETIS,
Sumptibus HEREDIS NICOLAI PEZZANA.

M D C C L X X V I I I .
S U P E R I O R U M F A C U L T A T E .

THE UNIVERSITY OF CHICAGO

LIBRARY OF THE UNIVERSITY OF CHICAGO
520 EAST 58TH STREET, CHICAGO, ILL. 60637

I N D E X.

PARS V. De Deo auctore Legum.

pag. I.	
Diff. I. De Lege in communi.	2
Quæst. I. Utrum Lex sit actus ratio- nis.	ibid.
Quæst. II. Utrum Lex essentialiter ad commune bonum referri debeat.	4
Quæst. III. A quo Lex condi debeat.	5
Quæst. IV. An promulgatio sit de essen- tia legis.	ibid.
Diff. II. De Lege aeterna.	6
Quæst. I. De existentia Legis aeternæ.	7
Quæst. II. De essentia Legis aeternæ.	8
Quæst. III. Utrum Lex aeterna sit om- nibus nota.	ibid.
Quæst. IV. Utrum Lex omnis ab æ- terna derivetur.	9
Quæst. V. Utrum omnia aeterna Legi subjiciantur.	11
Diff. III. De Lege naturali.	13
Quæst. I. Quid sit Lex naturalis.	ibid.
Quæst. II. Utrum in Lege naturali sit unum primum præceptum, ad quod cetera reducantur.	15
Quæst. III. Utrum omnes actus virtu- tum sint de Lege naturali.	16
Quæst. IV. Utrum Lex naturalis sit una apud omnes.	17
Quæst. V. Utrum Lex naturalis sit mu- tabilis.	18
Quæst. VI. Utrum Lex naturalis pos- sit ex hominum mente deleri.	24
Quæst. VII. Quanam in specie sint Le- gis naturalis præcepta.	25
Diff. IV. De Lege positiva Divina.	27
Quæst. I. De Lege veteri.	ibid.
Cap. I. An Lex vetus sit bona.	ibid.
Cap. II. Utrum Lex vetus sit a Deo.	31
Cap. III. Utrum Lex antiqua mediant- ibus Angelis data fuerit.	32
Cap. IV. Utrum Lex vetus omnibus data sit.	33
Cap. V. Utrum omnes homines Lege veteri tenerentur.	35
Cap. VI. Utrum Lex vetus convenien- ter data fuerit.	ibid.
Cap. VII. De Abrogatione veteris Legis.	36

Cap. VIII. De præceptis veteris Legis.	41
Art. I. De primo decalogi mandato.	ib.
Art. II. De secundo decalogi mandato.	42
Art. III. De tertio decalogi mandato.	45
Art. IV. De quarto Decalogi mandato.	49
Art. V. De quinto decalogi mandato.	51
Art. VI. De sexto decalogi mandato.	55
Art. VII. De septimo decalogi manda- to.	56
Art. VIII. De octavo decalogi manda- to.	57
Art. IX. De nono & decimo decalogi mandato.	60
Quæst. II. De Lege nova.	61
Cap. I. De Lege nova secundum se.	ib.
Cap. II. De Lege nova præ veteri.	62
Cap. III. De iis qua in Lege nova con- tinentur.	65
Diff. V. De Lege humana.	ibid.
Quæst. I. Utrum homines possint Leges condere.	ibid.
Quæst. II. De objecto Legum humani- rum.	68
Quæst. III. De subjecto Legum huma- narum.	72
Quæst. IV. Utrum Leges humanæ obli- gent in foro interiori.	74
Cap. I. Utrum in foro interiori civilis & canonica Lex obligent.	ibid.
Cap. II. Quando nam Leges humanæ obli- gent sub mortali aut veniali peccato.	75
Cap. III. Utrum Lex humana obliget cum vitæ periculo.	76
Cap. IV. Utrum Lex pœnalis obliget in conscientia.	78
Cap. V. Utrum Lex in falsa præsum- ptione fundata, obliget in conscientia.	80
Quæst. V. De variis modis, quibus Lex humana mutari potest.	81
Cap. I. De epikia.	ibid.
Cap. II. De Dispensatione.	82
Cap. III. De privilegio.	85
Cap. IV. De tolerantia, derogatione, abrogatione, irritatione.	86
Cap. V. De consuetudine.	87
Diff. VI. De speciebus Legis humanæ.	88

* 2

Quæst. I.


- Quæst. I. De Lege civili. 89
 Quæst. II. De Lege canonica. ibid.
 Cap. I. Quid & quotuplex sit Lex Canonica. 90
 Cap. II. De summorum Pontificum re-scriptis. 91
 Cap. III. De promulgatione Legum canon. 94
 Cap. IV. De acceptatione Legum canon. 95
 Pars VI. De Deo auctore gratia. 97
 Diff. I. De gratia actuali. ibid.
 Quæst. I. De diffidiis quæ circa gratiam orta sunt. ibidem.
 Quæst. II. De necessitate gratia in homine lapsa ad cognoscendum verum. 99
 Cap. I. An gratia necessaria sit ad fidem. ibidem.
 Cap. II. Utrum gratia sit necessaria ad cognoscendum verum naturale. 102
 Quæst. III. De necessitate gratia ad bonum agendum. 105
 Cap. I. An homo per peccatum lapsus possit sine gratia bonum aliquod operari. ibid.
 Art. I. Utrum gratia habitualis sit necessaria ad agendum bonum morale, quod sit ordinis naturalis. ibid.
 Art. II. Utrum aliqua gratia actualis requiratur ad agendum bonum morale, quod ordinis sit naturalis. 107
 Art. III. Quæ gratia actualis necessaria sit, ut actus deliberati ad ultimum finem referantur. 108
 Cap. II. An præcepta decalogi sine gratia servari possint. 110
 Cap. III. Quenam gratia requiratur ad observandum etiam quoad substantiam decalogi mandata. 114
 Cap. IV. Utrum gratia homini lapsa sit necessaria ad Deum diligendum. 116
 Cap. V. Utrum gratia sit homini lapsa necessaria ad tentationes superandas. 119
 Cap. VI. Utrum gratia necessaria sit ad vitandum peccatum. 123
 Cap. VII. Utrum gratia in statu naturæ lapsæ iusto necessaria sit ad perseverandum. 126
 Cap. VIII. Utrum homini lapsa gratia sit necessaria ad singulos actus. 130
 Cap. IX. Utrum homo innocens indiget gratia. 133
 Quæst. IV. De gratuitate gratia. 136
 Cap. I. Quæ gratia non datur secundum nostra merita. 137
 Cap. II. Utrum hoc fidei dogmate, Gratia secundum merita nostra non datur, excludatur qualibet ad gratiam præparatio, quæ sit ex solis naturæ viribus. 140
 Quæst. V. De divisione gratia actualis. 147
 Cap. I. De gratia gratis data. ibid.
 Cap. II. Utrum gratia gratum faciens dividatur in operantem & cooperantem. ibid.
 Cap. III. Utrum gratia gratum faciens dividatur in prævenientem & subsequenter. 148
 Cap. IV. Utrum gratia gratum faciens dividatur in excitantem & adjuvantem. 150
 Cap. V. Utrum gratia gratum faciens dividatur in sufficientem & efficacem. 151
 Cap. VI. De gratia sufficiente in specie. 156
 Art. I. Utrum gratia sufficiens detur omnibus parvulis. ibid.
 Art. II. Utrum gratia sufficiens ad salutem infidelibus conferatur. 159
 Art. III. Utrum gratia sufficiens detur fidelibus obcatis & induratis. 162
 Art. IV. Utrum gratia sufficiens detur hominibus iustis. 172
 Cap. VII. De gratia efficaci in specie. 173
 Art. I. Unde gratia suam habeat efficaciam. ibid.
 §. I. Utrum gratia sit efficax ex voluntatis consensu. ibid.
 §. II. Utrum gratia sit efficax ex auxilii divini cum humana voluntate attemperatione, quæ subsit scientiæ mediæ. 178
 §. III. Utrum efficacia gratia peti debeat ex intrinseco illius operandi modo. 186
 Art. II. Utrum gratia ad orationem requisita sit efficax. 195
 Art. III. De natura physica gratia efficaci. 196
 Art. IV.

- Art. IV. *Utrum gratia efficax creaturae innocenti necessaria fuerit.* ibid.
 Diff. II. *De gratia habituali.* 198
 Quæst. I. *An & quid sit gratia habitualis.* ibid.
 Quæst. II. *De subiecto gratia habitualis.* 199
 Quæst. III. *De effectibus gratia habitualis.* 200
 Cap. I. *De justificatione impii.* ibid.
 Art. I. *De obiecto fidei justificantis.* ib.
 Art. II. *Utrum sola fides justificet.* 201
 Art. III. *De essentia justificationis.* 202
 Art. IV. *De incertitudine justificationis.* 203
 Art. V. *De mutabilitate justificationis.* ibidem.
 Art. VI. *De inequalitate justificationis.* 204
 Cap. II. *De merito iusti.* 205
 Art. I. *Utrum iusti per opera pietatis mereantur.* ibid.
 Art. II. *Quanam conditiones ad meritum requirantur.* 206
 Eminentissimi Cardinalis DE NOAILLES Mandatum circa Prædestinationem & Gratiam. ibid.
 Vera doctrina Ecclesiæ circa Gratiam excerpta ex Tournelio. 217
 Pars VII. *De Deo ultimo fine.* 258
 Diff. I. *De ultimo fine incommuni.* ib.
 Quæst. I. *Utrum homo agat semper propter finem ultimum.* ibid.
 Quæst. II. *Utrum homo possit agere propter duos fines ultimos.* 259
 Quæst. III. *De ultimo fine tum obiectivo, tum formali.* ibid.
 Diff. II. *De actibus humanis in genere.* 262
 Quæst. I. *De essentia actuum humanorum.* ibid.
 Cap. I. *Quid sit voluntarium, & quot modis res aliqua possit esse voluntaria.* ibid.
 Cap. II. *De iis quæ minuunt, augent, aut tollunt voluntarium.* 263
 Cap. III. *De variis voluntariis speciebus.* 265
 Art. I. *Utrum indifferentia sit de essentia libertatis.* 266
 Art. II. *Quæ indifferentia ad libertatem requiratur.* 273
 Art. III. *De radice libertatis.* 276
 Quæst. II. *De Moralitate actuum humanorum.* 278
 Cap. I. *De principiis Moralitatis.* 279
 Cap. II. *De variis speciebus Moralitatis.* 281
 Art. I. *Utrum dentur actus indifferentes.* ibid.
 Art. II. *Utrum actus exterior, interioris bonitatem, aut malitiam augeat.* 286
 Art. III. *In quo posita sit malitia moralis.* ibid.
 Quæst. III. *De regulis actuum humanorum.* 288
 Cap. I. *Quid & quotuplex sit conscientia.* ibid.
 Cap. II. *Utrum conscientia sit regula morum.* 289
 Cap. III. *De conscientia probabili.* 290
 Art. I. *An liceat sequi opinionem probabilem, quæ favet hominis libertati, in concursu alterius æque probabilis, quæ stat pro præcepto.* 291
 Art. II. *De opinione minus probabili in concursu probabilioris.* 298
 Art. III. *De opinione probabiliori in concursu minus probabilis.* 300
 Art. IV. *Quæ sit Ecclesiæ Gallicanæ de probabilitate doctrina.* 301
 Art. V. *Solvuntur argumenta, quæ in probabilitatis defensionem afferuntur.* 302
 Diff. III. *De virtutibus in communi.* 310
 Quæst. I. *De essentia & subiecto virtutis.* ibid.
 Quæst. II. *De proprietatibus & divisione virtutis.* ibid.
 Diff. IV. *De virtutibus Theologicis.* 312
 Quæst. I. *De virtute fidei.* ibid.
 Cap. I. *De essentia & divisione fidei.* ib.
 Cap. II. *De obiecto materiali fidei.* 313
 Art. I. *Quodnam sit obiectum materiale fidei.* ibid.
 Art. II. *Quibus ex articulis constet obiectum materiale fidei.* 314
 Art. III. *De Symbolis in quibus fidei articuli continentur.* 315
 §. I. *De Symbolo Apostolorum.* ibid.
 §. II. *De Symbolo Nicæno.* 322
 §. III. *De Symbolo Constantinopolitano.* 324
 §. IV.

§. IV. De Symbolo Athanasiano.	327	§. III. Quibus in temporibus obliget speciale preceptum Caritatis.	364
Cap. III. De objecto formali fidei.	328	Art. II. De ordine Caritatis.	366
Art. I. De objecto formali quod, & formali quo fidei.	ibid.	§. I. An, & quotuplex sit ordo in Caritatis exercitio servandus.	ibid.
Artic. II. In quid fides ultimo resolvatur.	329	Art. III. Quid ex parte nostra exigit Caritas Deo debita.	368
Cap. IV. De principiis fidei.	330	§. I. Utrum amor Deo debitus debeat esse summus.	ibid.
Art. I. An & quomodo tum intellectus, tum voluntas ad fidem concurrant.	ib.	§. II. Utrum amor Deo debitus debeat esse universalis.	ibid.
Art. II. An & quomodo credibilitatis motiva ad fidem conferant.	331	§. III. Utrum hominis in Deum Caritas debeat esse perfecta.	370
Cap. V. De subjecto fidei.	333	Art. IV. Quid ex parte nostra exigit Caritas proximo debita.	371
Cap. VI. De proprietatibus fidei.	335	§. I. Per quid fiat satis precepto Caritatis in proximum.	ibid.
Artic. I. De certitudine fidei.	ibid.	§. II. Utrum correptio fraterna ex vi precepti caritatis debeatur proximo.	372.
Art. II. De obscuritate fidei.	336	§. III. Utrum elemosyna proximo debeatur.	374
Art. III. De necessitate fidei.	338	§. IV. Utrum preceptum Caritatis sese ad inimicos extendat.	376
§. I. De necessitate interioris actus fidei.	ibid.	Cap. V. Quae sit Cleri Gallicani doctrina de precepto Caritatis tum in Deum, tum in proximum.	378
§. II. De necessitate exterioris actus fidei.	341	Diff. V. De Virtutibus Moralibus.	379
Cap. VII. Quae sit Cleri Gallicani doctrina de virtute fidei.	343	Quaest. I. De Prudentia.	ibid.
Quaest. II. De Virtute Spei.	344	Quaest. II. De Iustitia.	381
Cap. I. De essentia & divisione Spei.	ibidem.	Cap. I. Quid & quotuplex sit iustitia.	ibidem.
Cap. II. De objecto Spei.	345	Cap. II. De Objecto & Subjecto iustitiae.	ibid.
Art. I. De objecto materiali Spei tum Primario, tum Secundario.	ibid.	Cap. III. De Dominio.	382
Art. II. De objecto formali tum quod, tum quo Spei.	ibid.	Art. I. De Objecto Domini.	ibid.
Cap. III. De Subjecto Spei.	347	Art. II. De Subjecto Domini.	384
Art. I. Utrum Spes sit in iis, qui iam sunt in termino.	ibid.	§. I. An Religiosis dominium conveniat.	ibidem.
Art. II. Utrum Spes sit in iis, qui sunt in via.	348	§. II. De Dominio Clericorum in redditus Ecclesiasticos.	ibid.
Cap. IV. De proprietatibus Spei.	351	§. III. Utrum Clerici, quibus satis est patrimonii, possint ex Ecclesia redditibus sustentationem accipere.	392
Quaest. III. De Caritate.	353	Art. III. De dominiarum origine.	397
Cap. I. De essentia & divisione Caritatis.	ibid.	Art. IV. De modis quibus dominium transferri potest.	398
Cap. II. De objecto Caritatis.	355	§. I. Utrum per ludum alearum dominium transferatur.	ibid.
Art. I. De objecto materiali Caritatis.	ibid.	§. II. Utrum per contractum qui jure civili nullus est, dominium transferatur.	399
Art. II. De objecto formali Caritatis.	356.	§. III.	
Cap. III. De Subjecto Caritatis.	357		
Cap. IV. De proprietatibus Caritatis.	358		
Art. I. De necessitate Caritatis.	ibid.		
§. I. Utrum preceptum Caritatis sit speciale.	ibid.		
§. II. Utrum actus Caritatis sit necessarius.	362		

- §. III. *Utrum dominium transferatur per Prescriptionem.* 400
 Cap. IV. *De contractibus in communi.* 401
 Art. I. *De essentia Contractuum.* ib.
 Art. II. *De iis, qui contrahere possunt.* 402
 Cap. V. *De Contractibus in particulari.* 403
 Art. I. *De emptione & venditione.* ibid.
 Art. II. *De Mutuo, Commodato, Precario, Deposito.* 404
 Art. III. *De Locatione, Promissione, Donatione, & contractu Dotali.* ibid.
 Art. IV. *De Contractu Societatis.* 406
 Art. V. *De Contractu Cambii.* ibid.
 Art. VI. *De Assecuratione, & fidei jussione.* 407
 Art. VII. *De Testamentis.* 408
 Cap. VI. *De Restitutione.* 409
 Art. I. *Unde oriatur restitutionis obligatio.* ibid.
 §. I. *De restituendi obligatione ex parte acceptionis.* ibid.
 §. II. *De restituendi obligatione ex parte cooperationis.* 411
 §. III. *De obligatione restitutionis ex parte rei accepta.* 413
 Art. II. *De necessitate restitutionis.* 414
 Art. III. *De causis a restitutione exemptis.* 415
 Art. IV. *Quinam in restitutione sit ordo servandus.* 417
 Cap. VII. *Doctrina Cleri Gallicani de Justitia.* 418
 Cap. VIII. *De virtutibus Justitiæ annexis.* 419
 Art. I. *De Oratione.* ibid.
 §. I. *De Oratione in genere.* ibid.
 §. II. *De Oratione Dominica.* 420
 §. III. *De Horis Canonicis.* 422
 §. IV. *De Oratione Mentali.* 425
Quietistarum doctrina de oratione quietis. ibid.
Argumenta, quibus Quietistarum doctrina potest impugnari. 426
 Art. II. *De Voto.* 428
 §. I. *Quid & quotuplex sit votum.* ib.
 §. II. *De materia & forma voti.* 429
 §. III. *De iis qui votare possunt.* ibid.
 §. IV. *De votorum effectibus, & modis quibus mutari possunt.* 430
 Quæst. III. *De Fortitudine.* 431
 Quæst. IV. *De Temperantia.* 432
 Cap. I. *De Essentia & Objecto Temperantiae.* ibid.
 Cap. II. *De variis Temperantiae speciebus, & virtutibus illi annexis.* ibid.
 Cap. III. *De Jejunio.* 433
 Art. I. *Quo jure jejunium præcipiatur, & quinam ad illud teneantur.* ibid.
 Art. II. *An unica in die refectio ad jejunium requiratur, & qua hora solvi possit.* 434
 Art. III. *Quibus cibis jejuniarum diebus uti liceat.* 435
 Diss. VI. *De peccatis in genere.* 436
 Quæst. I. *De essentia peccati.* ibid.
 Quæst. II. *De materiali, & formali subiecto peccati.* 437
 Quæst. III. *De causis peccati.* 438
 Cap. I. *Utrum ignorantia, & concupiscentia, sint causa peccati.* ibid.
 Cap. II. *Utrum mundus & diabolus sint causa peccati.* 439
 Cap. III. *Utrum Deus sit causa peccati.* 440
 Quæst. IV. *De distinctione peccatorum ab invicem.* 441
 Quæst. V. *De connexion peccatorum.* 442
 Quæst. VI. *De peccatorum inaequalitate.* 443
 Quæst. VII. *De effectibus peccatorum.* 444
 Quæst. VIII. *De divisione peccatorum.* 446
 Quæst. IX. *Qua sit doctrina Cleri Gallicani de peccatis.* 447
 Dissert. VII. *De peccato originali.* 448
 Quæst. I. *Utrum existat peccatum originale.* ibid.
 Cap. I. *Proferuntur Scripturae testimonia pro existentia peccati originalis.* ib.
 Cap. II. *Profertur argumentum ex Traditione petatum pro existentia peccati originalis.* 455
 Cap. III. *Existentia peccati originalis asseritur ratione.* 456
 Cap. IV. *Solvuntur quæ adversus peccati originalis existentiam objiciuntur.* 457
 Quæst. II. *Quid sit peccatum originale.* 461
 Quæst. III. *De causa proxima transfusionis peccati originalis.* 463
 Quæst. IV.

- Quæst. IV. De subiecto peccati originalis. 464
- Quæst. V. De pœnis peccato originali in altera vita debitis. 465
- Cap. I. An parvuli sine baptismo mortui, immunes sint ab interno animi dolore. ibid.
- Cap. II. Utrum infantes sine baptismo mortui ignis pœnam patiantur. 467
- Cap. III. Utrum parvuli sine baptismo mortui beatitudine naturalifruantur. 470.
- Cap. IV. Solvuntur qua contra duorum præcedentiam capitum doctrinam obijciuntur. 471
- Diff. VIII. De peccato actuali in genere. 476
- Quæst. I. Utrum peccatum mortale & veniale differant. ibid.
- Quæst. II. De regulis quibus peccatum mortale potest a veniali discerni. 478
- Quæst. III. Utrum peccatum mortale possit fieri veniale, & e contra. ib.
- Quæst. IV. Utrum cum peccato originali solum veniale reperiri possit. 479
- Diff. IX. De peccato actuali in specie. 480.
- Quæst. I. De Peccatis ignorantie. ibid.
- Cap. I. Utrum dentur ignorantie peccata. ibid.
- Cap. II. Utrum ignorantia invincibilis operantem excuset a peccato. 481
- Quæst. II. De peccatis infirmitatis & malitia. 482
- Quæst. III. De peccatis commissionis & omissionis. 483
- Quæst. IV. De usura peccato. 484
- Cap. I. Quid & quotuplex sit usura. 485.
- Cap. II. Quo jure usura prohibeatur. ibidem.
- Cap. III. De titulis, quibus aliquid a mutuante, præter sortem, exigere potest. 486
- Cap. IV. De iis, qui mutuum subusura accipiunt. 488
- Quæst. V. De Simonia. ibid.
- Cap. I. Quid, quotuplex, ac quo jure simonia prohibita sit. ibid.
- Cap. II. De pretio simonia. 489
- Cap. III. Quenam sint objectum simonia. 490
- Cap. IV. De simoniacorum pœnis canonicis. 491
- Cap. V. Quæ sit Cleri Gallicani doctrina circa usuram & simoniam. ibidem.
- Propositiones de Usura. 492
- Propositiones de Simonia. ibid.
- De Beneficiis conferendis. ibid.
- Eminentissimi Cardinalis DE NOAILLES, Archiepiscopi Parisiensis, Mandatum de promulganda censura a Clero Gallicano anno 1700. in Comitibus Generalibus lata. 493
- Doctrina D. Augustini de Gratia ex Cardinali de Laurea excerpta. 496
- De Gratia Dei per Redemptionem quæ est in Christo Jesu, ex Manuali Jacobi Boudart, 503



INSTITUTIONES
THEOLOGICÆ
AD USUM
SEMINARIORUM.

PARS QUINTA.

De Deo Auctore Legum.

LEX apud Auctores profanos nonnumquam latissime sumitur, pro quacumque nimirum regula, naturæ, artis, & morum. Sic dicitur: Lex est naturæ, ut levia sursum, gravia deorsum ferantur; Lex musicæ, ut numerorum & sonorum proportio servetur: Lex morum, ut bonum agatur, & malum declinetur. Aliquando sumitur minus late, scilicet pro Constitutione, quam majores natu cum populo sanxerunt: *Quod enim* (ait Isidorus libro etymologiarum c. 10.) *Rex aut Imperator edictis, Constitutio, vel Edictum vocatur.*

Apud auctores sacros Lex sæpe sumitur pro sola Mosaica Lege, idque per oppositionem ad Evangelium: quod nimirum Mosaica lex sit, quæ Evangelii gratiam non continet. Eo sensu accipitur ab Apostolo in Epistolis ad Rom. ad Galatas, ad Hebræos. Ab auctoribus sacris sumitur pro ordinatione rationis ad commune bonum, ab eo qui curam habet communis, promulgata.

Circa Legis etymologiam non una est scriptorum opinio. S. Thomas 1. 2. q. 90. art. 1. censet, Legem dici a ligando, quod nimirum subditos liget, seu, aliquid aut omitendi, aut agendi debitum imponat. Eorum auctorum sententia nititur Scripturis: nempe Jeremiz 2. de eo qui legem infregit, dicitur: *Confregisti jugum meum, confregisti vincula mea.* Matt. 23. de Phariseis qui leges a Deo minime præscriptas populis imponebant, dicitur: *Alligant onera gravia.* Quidam alii volunt, Legem dici a legendo, quod nimirum plerumque scriptis mandetur; & in hoc a consuetudine differt, quæ usu potius quam scripto continetur; juxta illud Isidori loco proxime laudato: *Inter legem & morem hoc interest, quod lex scripta est; mos vero est vetustate probata consuetudo.* Aliis placet, legem dici a legendo, prout vox illa *legendo*, idem est, ac *eligendo*: scilicet quod multorum consultatione præ aliis mediis ad finem conducentibus eligatur; aut (ut alii volunt) quod efficiat, ne lateat, quod præ ceteris agendum est, aut omittendum: *Legem* (inquit Augustinus q. 20. in Leviticum) *a legendo, id est, ab eligenda Latini auctores appellatam esse dixerunt.* Consonant hæc Ps. 118. *Lucerna pedibus meis verbum tuum & lumen semitis meis.*

Dux sunt Legis species, Divina nimirum, quæ a Dei auctoritate vim habet immediate; & humana, quæ ab hominibus immediate fertur, licet potestate a Deo accepta. Prior, triplex est, Æterna, Naturalis, & Positiva. Posterior est tantum duplex, Ecclesiastica videlicet & Civilis. Quæ ad Legem in communi sensu quo sumitur a Theologis, & quæ ad singulas mox allatas illius species spectant, in hac quinta parte nostrarum Institutionum pertractabimus.

A

DIS.

DISSERTATIO PRIMA.

De Lege in communi.

Not. 1. Sanctus Thomas 1. 2. q. 90. quatuor articulis complectitur, quæ pertinent ad Legem in communi sumptam. Docet nimirum 1. opus esse rationis: Cum lex (inquit art. 1.) sit quædam regula, & humanorum actuum mensura, necessario ad ipsam rationem spectat. Docet 2. essentialiter ipsi esse, ut ad commune bonum ordinetur: Cum lex (ait art. 2.) sit regula humanorum actuum, quorum ultimus finis est beatitudo, & quidem communis; necesse est, eam semper ad bonum commune ordinari. Docet 3. legem condi ab eo tantum posse, qui communis regimini præpositus est. Cum (ait articulo 3.) lex ordinet hominem in bonum commune, non cuiuslibet ratio facere potest legem, sed multitudinis, vel Principis vicem multitudinis gerentis. Docet 4. promulgari eam debere, ut subditos liget: Cum (inquit art. 4.) lex per modum regule, quæ bis, quibus imponitur, applicari debet, constituatur; eam, ut obligandi vim habeat, promulgari, & ad eorum qui legi subjiciuntur, notitiam deduci oportet.

Not. 2. Ex iis S. Thomæ documentis colligitur, Legem in communi sic recte defini-ri: Lex est ordinatio rationis ad commune bonum, ab eo qui communis curam habet, promulgata. Dicitur 1. ordinatio rationis, eo quod decernat, quid agendum, quidve omit-tendum sit; illud autem decretum sit verbo interiore mentis; mentis enim est judicare, quid honestum, quidve inhonestum sit. Di-citur 2. Ad bonum, seu ad pacem, quæ qui-dem (ut ait Augustinus lib. 19. de Civitate Dei, cap. 13.) nihil aliud est, quam tran-quillitas ordinis: ordo vero, ex eodem S. Doctore, est parium dispariumque rerum sua cuique loca tribuens dispositio. Hanc tran-quillitatem lex naturæ efficit in corpore per tem-peraturam partium, in brutis per requiem appetituum, & in anima rationali per rectam cognitionis & actionis consensionem: Pax itaque corporis (inquit Augustinus) est ordinata temperatura partium. Pax animæ ir-rationalis, ordinata requies appetitionum. Pax animæ rationalis, ordinata rationis actionisque consensio. Pax corporis & animæ, ordinata vi-ta, & salutis animantis. Dicitur 3. esse ad bonum commune, ad hominum scilicet in re-pública, tum Civili, tum Ecclesiastica, con-cordiam: Pax hominum (ait ibidem Augu-stinus) ordinata concordia. Pax domus, ordi-nata imperandi atque obediendi concordia co-habitantium. Pax civitatis, ordinata imperan-di atque obediendi concordia civium. Pax ca-lesse civitatis, ordinatissima & concordissima

societas fruendi Deo & invicem in Deo. Di-citur 4. esse ab eo qui curam habet communi-tatis, communis quidem perfectæ, hoc est, quæ sibi sufficiat ad artes, ad judicia, ad bellum; quæ enim in communitate im-perfecta statuuntur, ut est ea quæ reperitur inter conjugatos, inter patrem familias, & filios, & servos, dicuntur Mandata, Impe-ria, Statuta, non autem Leges. Dicitur de-nique 5. Promulgata, quia nisi lex populis innotescat, populi ad illius observationem cogi minime possunt.

Not. 3. Optimam esse traditam Legis de-finitionem, his rationibus ostenditur. Allata definitio convenit 1. omni legi, sive sit di-vina, sive sit humana. Convenit 2. soli legi: nempe quatenus est ad bonum, differt ab eo quod ordinem iustitiæ pertrahat; pro-ut vero refertur ad bonum commune, discre-pat a præcepto, quod quidem respicit bo-num privatum, ut privati sunt; prout de-nique promulgata est ab eo, qui curam habet perfectæ communis, differt a Statutis, quæ in civitatibus sibi non sufficientibus, aut in Congregationibus ecclesiasticis, sive secularibus, sive regularibus, ferri solent.

Not. 4. Licet ex iis, quæ hucusque dicta sunt, Legis definitio satis & explicata & as-serita sit, operæ tamen præteritum est, ut juxta S. Thomæ methodum, terminos, ex quibus constat, paullo uberius exponamus: In hac igitur dissertatione queremus 1. utrum lex sit actus rationis, an voluntatis: 2. utrum essentialiter ad bonum commune referri de-beat: 3. a quo Superiore lex condi possit: 4. tandem utrum promulgatio sit de illius essentia.

QUÆSTIO PRIMA.

Utrum lex sit actus rationis.

Not. 1. Lex prout in Legislatore conside-ratur, includit plures, tum in-tellectus, tum voluntatis, species distinctas. Nam 1. includit intentionem boni commu-nis procurandi. 2. iudicium speculativum de quorundam mediorum aptitudine ad procu-randum bonum commune; 3. iudicium pra-cticum, dictans hæc esse vitanda subditis, aut amplectenda; 4. voluntatem, qua Le-gislator vult quædam fieri vel non fieri; 5. aliam specialem voluntatem, qua idem Le-gislator vult subditos obligare ad servanda suæ legis mandata; 6. tandem ejusdem Le-gislatoris imperium, quo scilicet præcipit subditis, ut sanctam a se legem observent.

Not. 2. Quæstio est inter Theologos in quo ex iis quinque Legislatoris actibus po-sita sit legis essentia. Circa eam quæstionem duplex est auctorum sententia. Prima, quæ est Durandi, Alphonsi a Castro, & aliquo-rum aliorum, docet, legem essentialiter po-sitam

fitam esse & in actu intellectus & in actu voluntatis. Altera, quæ est S. Thomæ, contendit, legis essentiam in solo actu intellectus positam esse.

CONCL. Essentia Legis posita est in solo actu intellectus.

Probatur duplici argumento, quo S. Thomas 1. 2. q. 90. art. 1. utitur. 1. Lex, illius est facultatis, cuius est præcipuus actus legis: atqui præcipuus actus legis est intellectus, nempe præcipuus legis actus est imperare, imperium autem est actus intellectus: *Imperans enim* (ait S. Thomas 1. 2. q. 17. art. 1.) *ordinat eum, cui imperat, ad aliquid agendum, intimando vel denuntiando: sic autem ordinare per modum cuiusdam intimationis, est rationis.* 2. Lex est essentialiter regula pravi & recti, seu mensura, ad quam honestum aut inhonestum exigi debent: sed regula, seu mensura, sunt in solo intellectu; regula enim & mensura sunt idea quædam, cui ea, quæ regulæ aut mensuræ subjacent debent esse conformia: idea autem est in intellectu, non in voluntate, cum sit representatio quædam, seu forma, seu exemplar, cui conformes esse debent voluntatis operationes: ergo lex sumpta secundum essentiam, est in solo intellectu.

Confirmatur duplex illud argumentum; 1. ex Scriptura, quæ non semel legem vocat lumen ac lucem: Pl. 4. *Signatum est super nos lumen vultus tui Domine.* Pl. 118. *Lucerna pedibus meis verbum tuum.* Psal. 18. *Præceptum Domini lucidum, illuminans oculos:* at lumen, illuminatio proprie solius sunt intellectus: ergo & lex quoad essentiam sumpta est a solo intellectu. Confirmatur 2. ex August. qui lib. 1. de lib. arb. c. 6. legem definit, rationem summam, cui semper obtemperandum est: quibus consonant hæc Ciceronis verba in lib. de Legibus: *Lex naturalis est ratio summa, insita in natura, quæ jubet ea quæ facienda sunt, prohibetque contraria.*

Objicies 1. ex Scriptura. Lex variis Scripturarum locis vocatur voluntas, Pl. 39. *In capite libri scriptum est, ut facerem voluntatem tuam*, id est, legem, juxta hæc verba quæ immediate subsequuntur præcedentia: *Deus meus volui, & legem tuam in medio cordis mei.* Pl. 102. *Notas fecit vias suas Moysi.* Ex autem viæ non aliud sunt quam ipsa Dei Lex, quæ immediate post dicitur Dei voluntas: *filiis Israel voluntates suas.* Lib. 2. Machab. c. 1. *Det vobis cor omnibus, ut colatis eum, & faciatis ejus voluntatem*, id est, legem illius observetis: ergo lex est in voluntate, non autem in intellectu; non enim ratione subjecti ac principii, a quo elicitur, potuit a Scripturis appellari voluntas.

Resp. 1. retorquendo argumentum. Lex vocatur lumen, lucerna, illuminans oculos: sed hæc ad intellectum pertinet: ergo lex

est intellectus, non voluntatis. Resp. 2. dist. ant. Lex in Scripturis vocatur voluntas signi, conc. ant. voluntas beneplaciti, neg. ant. Ista de qua dicitur: *Omnia, quæcumque voluit, fecit*, hæc dubie ad intellectum non pertinet: secus illa, scilicet voluntas signi non aliud est, quam signum, quo nobis innotescit, quid Deus aut prohibeat, aut permittat, aut jubeat; permittere autem, jubere, prohibere, ad intellectum, non ad voluntatem pertinent. Resp. 3. dist. iterum ant. Lex vocatur voluntas, præsuppositive, conced. ant. elicitive, neg. ant. hoc est, lex præsupponit quidem voluntatem Legislatoris; neque enim omnis idea Legislatoris lex est, sed ea tantum, quæ præsupponit actum, quo vult, ut lex illa suos subditos obliget: sed actus ille voluntatis nec est immediate operativus legis, nec ipsa lex essentialiter sumpta: sicut tabella non est in pictore immediatum opus voluntatis, sed rationis, quamvis pictor ad delineandam tabellam voluntate moveatur.

Objicies 2. Lex essentialiter est actus illius potentie, cuius est ordinare in finem; nempe definitur ordinatio in finem: atqui voluntatis est, non autem intellectus, ordinare in finem: siquidem ejus est potentie ordinare in finem, quæ per se respicit finem, seu cuius objectum est ipsemet finis; sed voluntatis est, non vero intellectus, per se respicere finem: ergo, &c.

Resp. ad 1. conc. maj. neg. min. Ad 2. dist. maj. Quæ per se respicit finem, ostendendo quæ conferunt ad finem, conc. maj. appetendo finem, neg. maj. Hoc modo voluntas finem respicit, illo vero intellectus: ac proinde cum lex, quæ se habet per modum regulæ, & finem & ea quæ sunt ad finem ostendat, ad intellectum, non autem ad voluntatem pertinet.

Objicies 3. Lex & regula sunt unum & idem: atqui ratio regulæ pertinet ad voluntatem; nempe in tantum quis ad rectam regulam exigit sua facta, in quantum illius facta sunt conformia divinæ voluntati: unde cum Augustinus lib. 23. contra Faustum c. 17. peccatum sic definiisset, *Factum vel conceptum contra legem æternam*, subdit: *Lex æterna est ratio, vel voluntas divina:* ergo &c.

Resp. ad 1. neg. min. Ad 2. dist. ant. In quantum sunt conformia divinæ voluntati, quæ sit voluntas signi, conc. ant. quæ sit voluntas beneplaciti; neg. ant. Hæc non est regula morum, cum eam non cognoscamus; sed illa tantum, utpote quæ in præceptis & aliis exterioribus signis posita sit. Ad 3. dicendum est, Augustinum loco laudato disjunctive loqui; *vel*, inquit; ac proinde questionem, an lex in intellectu potius quam in voluntate, aut in voluntate potius quam in intellectu posita sit, minime dirimit.

A 2

QUÆ-

QUÆSTIO II.

Utrum Lex essentialiter ad commune bonum referri debeat.

Not. **L** Ex duobus modis potest respicere sui, vel ex parte Legislatoris. Non est hic quaestio, an lex, ut vera sit, ex parte legislatoris debeat ad bonum commune referri: scilicet licet legislator pravam sibi intentionem proponens peccet, fieri tamen potest, ut lex ab eo sancita vera sit lex, quæ communi bono consulat: *Fieri enim potest* (inquit Augustinus lib. 1. de libero arbit. c. 5.) *ut lex bona a non bono feratur*: sed quaestio est de lege in se sumpta, seu prout abstrahit ab intentione legislatoris, a quo fertur, & ab intentione populorum quibus præscribitur.

CONCL. Lex in se sumpta essentialiter referri debet ad bonum commune.

Probatur 1. Bonum commune, & pax, sunt unum & idem; scilicet ex Augustino lib. 19. de Civitate Dei, cap. 13. Pax non aliud est, quam tranquillitas ordinis: ordo vero, ex eodem S. Doctore, est parium, dispariumque rerum sua cuique loca tribuens dispositio: atqui lex in se sumpta essentialiter referri debet ad pacem, sive naturalem, sive supernaturalem, sive Ecclesiasticam, sive civilem: est enim ordinatio rationis, at ratio jubet, ut omnia sint ordinatissima, hoc est, ut in eo sint loco, in eo situ, in eo statu, qui sibi convenient, ac proinde fruantur pace, cum pax non in alio posita sit, quam ut quæque res in loco, in situ, in statu sibi conveniente constituta sit.

Probatur 2. Lex ex se referri debet ad illud bonum, propter quod instituta est a Deo publica potestas: atqui publica potestas a Deo instituta est ad commune bonum; in hoc enim differt a privata potestate; unde publica potestas nonnunquam propter bonum commune vult malum privatarum personarum; ut patet in Iudice, qui flagitiosos & facinorosos homines damnat morte, ut publicæ securitati consulat; sic etiam propter publicam pacem permittit, ut quis invito priore domino, bona titulo præscriptionis possessa retineat. Sic tandem ut commune bonum procuretur, patitur aliquando, ut privatis hominibus, licet minime reis, damnum aliquod inferatur.

Obijcies 1. Dantur plura præcepta, quæ ad bonum privatum referuntur: huiusmodi sunt ea quibus quisque privatus jubetur vitam propriam conservare, eleemosynam erogare pauperibus; peccata singulis annis confiteri; proximum peccantem corrigere: sed ea præcepta sunt veri nominis leges: ergo

non est de legis essentia, ut ad bonum publicum referatur.

Resp. dist. maj. quæ ad bonum privatum, tanquam ad finem proximum, referuntur; conc. maj. tanquam ad finem ultimum, neg. maj. Nam 1. ideo lege naturali quisque tenetur vitæ propriæ salutem consulere, quia respública ex privatis coalescit; 2. Ideo præscribitur eleemosyna, quia interest publicæ societatis, ne pauperes qui sunt illius membra, fame, aut aliis incommodis pereant; 3. Ideo quisque fidelis ad annuam confessionem tenetur, quod reipublicæ plurimi referat, ut Deus, a quo pacem sperat, honore debito colatur; 4. Ideo fraterna correptio præcipitur, quod interfit publicæ societati, ne qui in ea sunt, se se peccatis dedant. Tandem in his aut similibus præceptis bonum publicum reperitur semper, quod huiusmodi præceptorum observatione servetur ordinis tranquillitas, in eo posita, ut quisque modo sibi convenienti pace fruatur.

Obijcies 2. Cessante bono publico non desinit lex: ergo non est essenziale legi, ut ad bonum publicum referatur. Probatur ant. Lex de vitando hoc vel illo excommunicato non desinit, quamvis bonum publicum per societatem cum illo non lædatur, ut revera non læditur, cum id sit aut sine scandalo, aut sine ipsiusmet excommunicati detrimento: v. g. cum ea societas non impedit, ne excommunicatum criminis poeniteat, supplicique ab Ecclesia absolutionem deprecetur: ergo, &c.

Resp. ad 1. neg. ant. Ad 2. neg. in eo casu non lædi bonum publicum: scilicet toties bonum publicum læditur, quoties leges publicæ auctoritate publica non abrogata infringuntur, etiamsi legum motivum desierit. Id evidenter patet in matrimonio, quod si quis clandestine in loco, ubi promulgatum est Concilii Tridentini decretum, contraxerit, irritum est; quamvis illius decreti motiva, innumera nimirum fraudes, quas sacra Synodus præcavere voluit, in aliquo particulari casu desierint.

Obijcies 3. Leges politicæ, quibus tributorum & vectigalium persolutio mandatur, sunt veri nominis leges: atqui leges illæ non respiciunt bonum publicum, sed tantum privatum Principis bonum: ergo, &c.

Resp. conc. maj. dist. min. Privatum Principis bonum proxime respiciunt, conc. min. ultimo, neg. min. Equidem ex tributorum & vectigalium persolutione augetur Principis commodum: sed illud commodum ultimo refertur ad bonum publicum; ideo enim tributa Principibus persolvuntur, ut reipublicæ paci adversus malos, & illius securitati adversus hostes consulere possint: unde Christus Matth. 22. subditis imperat, ut in tributis Regi persolvendis fidelitatem suam

suam probent: *Reddito* (inquit), *qua sunt Caesaris, Casari.*

Objicies 4. Privilegium est vera lex: sed privilegium non respicit bonum publicum, sed tantum privatum bonum personæ, cui conceditur: ergo, &c.

Resp. 1. neg. maj. Privilegium enim non est lex, sed exemptio a lege. Resp. 2. dist. min. Privilegium respicit immediate & proxime bonum privatum; conc. min. ultimo & remote, neg. min. Interest nimirum reipublicæ privilegia concedere, ut per ea privati ad bonum publicum per opera quædam insignia & ardua promovendum accendantur. Unde injusta sunt, cum iis conceduntur, qui de republica nec bene meriti, nec bene merendi sunt.

Ex iis quæ tota hac quæstione dicta sunt, colligendum est, veri nominis leges non esse, quæ justitiæ adversantur; tantum enim abest, ut sint propter bonum commune, quin potius illud evertant: hincque sequitur, præceptum de occidendis masculis Hebræorum a Pharaone latum, non fuisse legem, sed tyrannidem. Idem quoque judicium ferri debet de mandato Saulis, de interficiendis Domini Sacerdotibus, in quos (ut habetur 1. Reg. 22.) servi Regis manus suas extendere noluerunt. Idem pariter dici debet de lege, qua Christiani ab apostata Juliano alias prohibiti sunt artibus liberalibus operam dare.

Q U Æ S T I O III.

A quo Lex condi debeat.

CONCL. 1. Lex a solo superiore condi potest. Probatur. Ab eo tantum lex condi potest, qui potest imperare; actus enim principis legis est imperium: atqui solus superior potest imperare; ergo & legem condere.

Objicies 1. Responsa Prudentum aliquando vocantur Leges; unde nonnullæ dicuntur Leges Licurgi v. g. aut Platonis, quod a Licurgo, aut Platone conditæ fuerint; atqui Prudentes non sunt superiores: ergo, &c.

Resp. dist. maj. vocantur Leges post datam eis a Superioribus, Republica nimirum aut Principe, confirmationem, conc. maj. ante datam a Superioribus confirmationem, neg. maj. Licurgus, Plato, & alii Prudentes, dicuntur certarum Legum auctores, quod eorum opera, aut excogitata fuerint, aut in eum ordinem digestæ, qui postea a Superioribus probari & confirmari meruerint.

Objicies 2. In his est potestas condendi leges, qui possunt homines ad commune bonum ordinare, nempe lex definitur ordinatio rationis ad commune bonum: atqui privati possunt homines ad commune bonum ordinare: ergo, &c.

Resp. dist. maj. Qui possunt homines ad commune bonum ordinare per imperium, *Jus. Inst. Theol. Tom. III.*

conc. maj. per consilium tantum, neg. maj. Hoc tantum, non autem illo modo, privati possunt alios homines ad commune bonum ordinare, proindeque leges ferre non possunt, cum sit de ratione legis, ut liget eos, quibus præscribitur.

CONCL. 2. Non omnis Superior, sed is tantum, qui præest perfectæ communitati, potest leges condere.

Probatur. Is tantum potest leges condere, cui convenit potestas jurisdictionis in ordine ad bonum commune, quia (ut ex dictis patet) lex est ordinatio ad commune bonum: atqui is tantum, qui præest in communitate perfecta, jurisdictionem habet in ordine ad bonum commune; & in hoc differt ab eo qui præest in communitate imperfecta, ut est familia, aut societas quæ membra sunt reipublicæ.

Hinc concluditur 1. Ecclesiam (quod fuscè probabitur inferius) posse leges condere: Ecclesia enim est communitas perfecta, hoc est, sufficit sibi ad finem, ad quem instituta fuit a Christo; nimirum ad promovendam æternam salutem membrorum, ex quibus coalescit. Concluditur 2. regnum quod est ab alio independens, posse pariter leges condere: regnum enim illud sufficit sibi ad judicia, ad bella, & ad alia hujusmodi, per quæ consuli potest communi civium bono, quod quidem non aliud est, quam pax & tranquillitas publica. Concluditur 3. (quod & jam superius observavimus) regulas quas paterfamilias domesticæ, aut religionis alicujus Præpositus præscribit suis religiosis, non esse leges proprie dictas, sed aut præcepta, aut statuta tantum.

Non interest autem, an perfecta illa communitas sit Monarchica, quæ scilicet ab unius arbitrio pendet, an Aristocratica, quæ ex sententia bonorum & peritorum regitur, an Democratica, quæ populi suffragiis administratur, an denique ex iis mixta sit.

Q U Æ S T I O IV.

An promulgatio sit de essentia Legis.

Not. **C**irca eam quæstionem duplex est; etiam inter S. Thomæ discipulos, sententia. Prima docet, promulgationem esse de essentia legis, idque (ajunt) juxta S. Thomæ mentem, qui in legis definitione meminit promulgationis: Altera contendit, promulgationem requiri quidem ut lex eos obliget, quibus præscribitur, sed asserit non requiri eam, ut lex in suo esse essentiali constituatur.

CONCL. 1. Ut lex obliget, necessaria est illius promulgatio.

Probatur 1. Ut lex obliget, debet iis applicari, quibus præscribitur; siquidem lex (ut superius observatum est) se habet per modum regulæ & mensuræ actuum humanorum; atqui lex non applicatur, nisi per promulgationem: nempe promulgatio nihil aliud est,

est, quam applicatio ad subditos, quibus fit illa promulgatio. 2. Ut lex obliget, requiritur illius sufficiens cognitio; nempe lex se habet per modum præcepti; præceptum autem non obligat, nisi cognitum fuerit, aut saltem cognosci potuerit: atqui sine promulgatione non habetur sufficiens legis cognitio: ergo, &c.

Objicies. Lex æterna obligat, & tamen nusquam promulgata est: ergo ut lex obliget, non requiritur illius promulgatio.

Resp. dist. anr. Lex æterna nusquam per signum aliquod exterius (ut solent humane leges) promulgata fuit, conc. ant. per signum interius, neg. ant. Scilicet promulgata fuit per legem naturalem, quæ cuilibet homini indita est: lex enim naturalis non aliud est (ut infra dicetur) quam quædam legis æternæ participatio per innatam creaturæ rationali inspirationem luminis & amoris, quibus bonum cognoscitur & amatur.

CONCL. 2. Promulgatio non est de essentia legis.

Probatur 1. Lex (ex dictis) se habet per modum regulæ; & promulgatio per modum applicationis: atqui applicatio non est de essentia regulæ: regulam enim præsupponit in suo esse constitutam: ergo, &c. 2. Lex est imperium, quod per se aptum est obligationem imponere: sed ejusmodi imperium stat essentialiter, antequam actu promulgetur; nempe per se aptum est obligationem imponere, licet sine promulgatione eam non imponat: ergo, &c.

Objicies 1. Quod reperitur in definitione legis est de illius essentia; nam (ut docent Logici) definitio naturam definiti explicat per genus & differentiam: atqui promulgatio reperitur in definitione legis: Lex (inquit S. Thomas 1. 2. q. 90. art. 4.) *nihil aliud est, quam quædam rationis ordinatio ad commune bonum ab eo, qui curam communitatis habet, promulgata.*

Resp. neg. maj. nonnunquam enim in definitionibus rerum, & præsertim earum quæ ad mores spectant, nonnulla ponuntur quæ ad illarum rerum essentiam non pertinent, sed tantum ad ea quæ requiruntur, ut habeant actum secundum sibi debitum. Hujusmodi autem est promulgatio respectu legis: nam quamvis lex sine promulgatione aptitudinem habeat ad obligandum, actu tamen non obligat, nisi promulgata, cum per solam promulgationem legislatoris voluntas populis innotescat.

Objicies 2. Gratianus c. 1. In istis, dist. 4. sic loquitur: *Leges instituuntur, cum promulgantur*: sic etiam S. Thomas: *Promulgatio ipsa necessaria est ad hoc quod lex habeat suam virtutem*: ergo promulgatio est de essentia legis.

Resp. dist. ant. Leges complete, seu quæ

ad vim obligandi, & quoad ipsam actualem obligationem, instituuntur, cum promulgantur, conc. ant. instituuntur incomplete quoad solam vim & aptitudinem obligandi, sine obligatione actuali, neg. ant. De illa, non autem de ista institutione loquitur Gratianus: nec enim Princeps ad Metaphysicam rerum naturam, sed ad eam tantum, quæ ad praxim pertinet, attendit. Non aliud quoque voluit S. Thomas loco qui nobis objectus fuit: id est, locutus est de lege & quoad vim obligandi, & quoad ipsum obligandi actum accepta; idque patet ex eo, quod S. Doctor legem comparat regulæ: at regulæ essentia non pendet ab illius applicatione.

Quæres, quid nomine promulgationis intelligatur.

Resp. 1. quod si quæstio sit de lege naturali, aut divina positiva, lex sufficienter promulgata censeatur, cum alicui, etiam nulla adhibita exteriori sollemnitate, innotescit; nempe juris naturalis aut divini positivi vis est prorsus independens a sollemnitatibus humana lege aut consuetudine in rem publicam investitis. Resp. 2. humanas leges, sive Canonice sint, sive Civiles, non censi promulgatas, ob hoc solum quod ad Ecclesiam, aut reipublicæ membrorum cognitionem venerint: sed præterea requiritur, ut auctoritate publica præscriptis jure aut consuetudine regulis ac sollemnitatibus servatis, publicentur: quamvis autem sint eæ regulæ ac sollemnitates, dicetur inferius, ubi expresse de humanarum legum promulgatione disseretur.

Quæres 2. utrum ad necessariam legis humane promulgationem requiratur, ut lex cuique singulari auctoritate publica intimetur.

Resp. negative. Ratio est, quia alioquin vix esset lex aliqua humana, quæ sufficienter promulgata esset; scilicet plures sunt semper, ad quos legis humane cognitio nequaquam pervenit. Unde (ut advertit Sylvius) Princeps in ferendis legibus dicere non solet: *Præcipimus vobis, qui præsentis estis, vel qui auditis*: sed vobis generaliter, qui sub nostra ditione estis. Itaque satis est ad debitam promulgationem, ut lex, servatis servandis, a publico ministro, sive verbo, sive scripto, ita promulgetur, ut ad singulorum notitiam pervenire possit. Hinc Innocentius III. cap. *Ad hæc* de postulatione Prælatorum, expresse asserit, non esse necessarium ad sufficientem legis promulgationem, ut per speciale mandatum, vel litteras, cuique particulari significetur.

DISSERTATIO SECUNDA.

De Legi æterna.

Nor. S. Sanctus Thomas de lege æterna quærit 1. utrum existat: 2. quid sit: 3. utrum

utrum sit omnibus nota: 4. utrum omnes aliae leges oriantur ab aeterna: 5. an omnia, sive necessaria, sive contingentia, aeternae legi subjiciantur. Ad eam S. Doctoris methodum hic de aeterna lege disseremus.

QUESTIO PRIMA.

De existentia Legis aeternae.

Not. **N**omine legis aeternae intelligitur idea, ad quam exigitur directio rerum omnium in fines sibi convenientes. Conveniunt quidem omnes, in Deo existere ab aeterno ideam illam, sed nonnulli recentiores contendunt ideam illam non esse vere ac proprie dictam legem, sed metaphorice tantum: alii vero asserunt eam esse vere ac proprie dictam legem. Quid nos sentiamus, duabus sequentibus conclusionibus aperietur.

CONCL. 1. In Deo datur aliqua lex aeterna.

Probat. Lex aeterna, est idea practica, directiva rerum omnium in finem eis convenientem, ut quastione sequente dicetur: atqui in Deo datur hujusmodi idea: siquidem in eo qui res omnes dirigit ad finem eis convenientem, debet esse idea, ad quam directionem illam exigit, seu debet esse idea, quae sit regula, juxta cujus praescriptum omnia ad debitum sibi finem per media hujusmodi fini proportionata dirigantur, nam sicut in Deo creatore existit idea rerum omnium, quae ex nihilo eductae sunt; sic quoque debet esse idea mediorum omnium, quibus creaturas ad suos fines dirigit; non enim minus est rerum gubernator, quam creator.

CONCL. 2. Lex aeterna est lex vere ac proprie dicta.

Probat. Lex proprie dicta nihil aliud est, quam ordinatio rationis ad commune bonum, ab eo qui curam habet communitatis, promulgata: atqui lex aeterna est hujusmodi. Nam 1. est *ordinatio rationis*; discernit enim, quid agendum aut omittendum sit, ut creaturae ad finem suum dirigantur: 2. est *ad commune bonum*, pacem nimirum, ad quam quilibet res fertur modo sibi conveniente: 3. est *ab eo, qui curam habet communitatis, promulgata*: Deo scilicet, qui sicut est rerum omnium creator, ita etiam est earum gubernator, resque omnes ad fines sibi convenientes movet ac dirigit.

Objicies 1. Lex aeterna non aliud est, quam idea rerum in mente divina existens; atqui idea illa non est lex vere ac proprie dicta; tum quia est mere speculativa: tum etiam quia non aliud est, quam forma, ad quam res quae sunt, exiguntur; sicut idea artificis non aliud est, quam forma, seu exemplar, ad cujus similitudinem fit artefactum.

Resp. dist. maj. Idea quae respicit rerum

creationem, non est lex proprie dicta, conc. min. quae respicit rerum gubernationem, neg. min. Hanc, non autem illam, aeterna lex respicit; ac proinde differt ab idea simpliciter & absolute dicta. Sed ut clarius pateat solutio, recensenda sunt varia discrimina, quae inter ideam simpliciter dictam, & legem aeternam reperiuntur. 1. Idea simpliciter & absolute dicta respicit (ut mox observatum est) rerum creationem; aeterna vero lex respicit earum gubernationem. 2. Idea simpliciter dicta est mere speculativa: e contra lex aeterna est practica, quia Deum ipsum movet, ut haec aut illa media eligat, quibus creaturas dirigit ad fines sibi convenientes. 3. Idea simpliciter dicta respicit rerum substantiam & entitatem; lex vero aeterna respicit earum actiones: unde Augustinus lib. 1. de libero arbitrio c. 6. dicit, legem aeternam esse *rationem in mente Dei existentem, qua res omnes per congrua media in suos fines ordinantur & diriguntur*.

Objicies 2. Promulgatio est de ratione legis proprie dictae: sed nulla lex potuit ab aeterno promulgari: ergo nulla idea potuit ab aeterno esse lex vere ac proprie dicta.

Resp. neg. maj. Nimirum (ut superius dictum est) promulgatio actualis non est de essentia legis, sed tantum promulgatio possibilis, hoc est, quae aliquando fieri possit; ac proinde cum lex aeterna semper potuerit promulgari, quia creaturae, quibus promulgaretur, fuerunt semper possibiles, jure ac merito vocatur lex proprie dicta. 2. Dici potest, legem, aeternam ab aeterno promulgatam fuisse Verbo divino: expressa nimirum in eo fuit substantialis imago directionis rerum omnium in fines sibi convenientes; scilicet idea rerum in finem, cum in Deo sit aliquid absolutum, per generationem aeternam Verbo divino fuit communicata. Id indicare voluit S. Th. cum 1. 2. q. 91. art. 1. sic loquitur: *Ad secundum dicendum, quod promulgatio fit & verbo & scripto; & utroque modo lex aeterna habet promulgationem ex parte Dei promulgantis; quia & Verbum divinum est aeternum, & scriptura libri vna est aeterna; sed ex parte creaturae audientis, aut insipientis, non potest esse promulgatio aeterna*.

Objicies 3. Lex, cujus subjectum non est capax legis vere ac proprie dictae, non est lex vere ac proprie dicta: atqui subjectum legis aeternae non est capax legis vere ac proprie dictae; siquidem non tantum creaturae rationales, sed etiam irrationales legi aeternae subjiciuntur, ut docet S. Thomas 1. 2. q. 91. art. 4. & 5. at creaturae rationales non sunt capaces legis proprie dictae: ergo, &c.

Resp. dist. maj. Non est lex vere ac proprie dicta respectu subjecti, quod hujusmodi legis est incapax, conc. maj. respectu subjecti, quod illius est capax, neg. maj. Lex

æterna respectu irrationalium nihil aliud est, quam idea, ad quam exigitur impressio principii necessario moventis ad finem eis convenientem, seu ad requiem appetituum, qui creaturis irrationalibus inditi sunt: ac proinde illorum respectu non est lex proprie dicta, sed metaphorice tantum: unde in Scripturis dicitur lex præceptum: *Præceptum posuit* (inquit Rex Propheta, Ps. 148.) *& non præteribis*. E contra respectu creaturarum rationalium est lex proprie dicta, quia regula est, ad quam suas actiones morales (quæ sunt objectum legis proprie dictæ) exigere tenentur.

Q U Æ S T I O II.

De essentia Legis æternæ.

Not. **N**on est hic quæstio de essentia legis æternæ sumpta secundum substantiam; cum enim sic sumpta sit attributum Dei, idem omnino est, ac Deus ipse: sed quæstio est de lege æternæ sumpta secundum objectum, quod ab ea respicitur.

CONCL. Lex æterna, sumpta secundum objectum, quod ab ea respicitur, recte definitur, *Summa ratio directiva omnium actionum & motionum*.

Probatur & simul explicatur conclusio. Lex æterna dicitur 1. *Ratio*, eo quod (ut superius observatum est) lex qualibet sit *ordinatio rationis*, seu mentis. Dicitur 2. *ratio Summa*, quia ultima est, & suprema regula, ad quam creaturarum ordinatio in finem exigitur. Dicitur 3. *Directiva omnium actionum & motionum*, quia versatur circa actiones & motiones, eo quod motiones & actiones sint media, per quæ creaturæ qualibet tendit ad debitum sibi finem.

Probatur 2. auctoritate S. Augustini, qui legem æternam sic definit l. 22. contra Faustum c. 24. *Lex æterna, est ratio divina, vel voluntas Dei ordinem naturalem conservari jubens, perturbari vetans*. Naturalis autem ordo creaturæ rationalis est, ut per amorem subdita sit Deo, & qualibet creatura, etiam seipsa, per eundem amorem superior sit: ordo naturalis creaturæ irrationalis est, ut in eo sit situ, & in eo loco, in quo universi ordo naturalis exigit. Iterum ab eodem S. Doctore lib. 1. de libero arbitrio cap. 6. sic definitur: *Æterna lex est ea, quæ iustum est, ut omnia sint ordinatissima*. Ex vero Augustini definitiones in eam incidunt, quam ex S. Thoma in nostra conclusione excerptimus, ut attendenti facile patebit.

Obijcies. Lex æterna & providentia sunt unum & idem: providentia enim non minus quam lex æterna, res omnes dirigit in fines, qui illis convenient: atqui providentia non est summa ratio directiva omnium actio-

num & motionum; scilicet providentia potius versatur circa res particulares, quam circa universales: cum e contra summa ratio directiva omnium actionum & motionum, circa res universales versetur.

Resp. neg. maj. Ratio est, quia lex æterna in multis differt a providentia. Nam 1. lex æterna (ut jam observatum est) per se primo respicit commune bonum universi; providentia bonum singulare cujuscunque creaturæ. 2. Lex æterna ex se vim habet obligandi, non vero providentia. 3. Providentia minus late patet, quam lex æterna; nempe providentia præsupponit legem æternam: Deus enim ex illius dictamine res omnes singulares regit, ac moderatur.

Quæres, utrum in Deo sint plures leges æternæ secundum nostrum concipiendi modum, sicut sunt plures ideæ.

Resp. non esse in Deo plures leges æternas etiam secundum nostrum concipiendi modum, licet sint plures ideæ. Ratio est, quia multiplicitas idearum in Deo petitur ex multiplicitate objectorum specie diversorum, quæ in ideis continentur: at non sunt plures fines specie diversi, circa quos lex æterna versetur; immo est unicus, commune nimirum bonum universi: unde quemadmodum plures non sunt in Deo providentiæ, licet plura ei subiciantur, ita nec sunt plures leges æternæ, quamvis ex ejus dictamine plura specie diversa gubernentur.

Q U Æ S T I O III.

Utrum lex æterna sit omnibus nota.

Not. **L**ex æterna potest considerari, vel secundum existentiam, vel secundum essentiam, vel secundum effectus. Non est hic quæstio, utrum lex æterna considerata secundum existentiam, sit omnibus nota: siquidem certum est, eam sic acceptam, cognitam esse iis omnibus, quibus persuasum est Deum existere, eumque creata omnia regere; norunt enim regimen illud esse non posse, nisi ad aliquam legem constantem & permanentem exigatur. Non est quoque quæstio de lege æternæ sumpta secundum essentiam: cum enim sic accepta sit idem cum Deo, non potest nisi a beatis, ut in se est, cognosci. Itaque quæstio est de lege æternæ considerata secundum effectus, hoc est, an in suis effectibus aliquo modo omnibus cognita sit, licet tamen non sub ratione legis æternæ.

CONCL. Lex æterna est aliquo modo omnibus nota.

Probatur. Ea lex est aliquo modo omnibus nota, quæ in omnibus ratione utentibus per imperfectam sui communicationem reperitur; atqui lex æterna per imperfectam sui communicationem in omnibus ratione utentibus

tibus reperitur, siquidem lex aeterna (Augustino teste in libro de vera religione cap. 31.) est veritas incommutabilis; sed veritas incommutabilis per imperfectam sui communicationem reperitur in omnibus ratione uerentibus; nullus enim est ratione praeditus, qui veritatem, saltem secundum communissima eorum principia, non cognoscat; v. g. quod bonum agendum sit, & malum vitandum; ergo ab omnibus aliquo modo lex aeterna cognoscitur.

Obijcies 1. Apostolus 1. ad Corint. 2. sic loquitur: *Qua sunt Dei, nemo novit, nisi Spiritus Dei*; atqui lex aeterna est Dei, hoc est, in Deo existit; ergo, &c.

Resp. dist. maj. Nemo novit cognitione comprehensiva, conc. maj. cognitione non comprehensiva; neg. maj. Et sane multa Dei attributa a nobis, dum in terris versamur, in eorum effectibus cognoscuntur; nihil igitur impedit, quin lex aeterna aliquo modo nobis innotescat, non quidem clare & intuitive, ut in beatis contingit, sed abstractivè, in illius nimirum participatione quadam & imperfecta irradiatione, quae in omnibus hominibus reperitur.

Instabis. Nonnulli sunt, qui licet plures veritates cognoscant, Dei tamen existentiam non admittunt; ergo, si saltem, non cognoscunt legem aeternam, etiam in aliqua illius participatione, aut irradiatione.

Resp. conc. ant. dist. conseq. Non cognoscunt legem aeternam formaliter sumptam, hoc est, sub ratione legis aeternae; conc. conseq. materialiter & secundum se, neg. conseq. Athei non judicant, eam quam habent veritatis cognitionem esse idem cum aeterna Dei lege; tamen cum, ut ex dictis patet, sic realiter idem cum aeterna Dei lege, fieri non potest, ut dum cognoscunt veritatem aliquam, non cognoscant etiam a parte rei aeternam Dei legem.

Obijcies 2. Ut cognoscatur aeterna Dei lex, necesse est, ut cognoscatur justum esse, ut omnia sint ordinatissima: nam lex aeterna definitur ab Augustino in libro de libero arbitrio c. 31. ea qua justum est, ut omnia sint ordinatissima; atqui non est notum omnibus, quod omnia sint ordinatissima: Quis enim (ait Apostolus) novit sensum Domini, aut quis consiliarius ejus fuit?

Resp. dist. maj. Necesse est, ut in communi cognoscatur, omnia esse ordinatissima, conc. maj. ut cognoscatur in specie modus, quo res quilibet sunt ordinatissima, neg. maj. Ratio est, quia ad cognoscendum in specie modum, quo res quilibet sunt ordinatissima, necesse esset comprehendere legem aeternam, hoc est, totaliter eam cognoscere, seu cognoscere res omnes, ad quas se extendit, modum quo illas attingit; sed nulla substantia creata potest aeternam legem comprehendere; quia (ut dictum est) lex aeterna est idem cum essentia divina, quae

quidem, ut harum Institutionum tom. 1. probavimus, est prorsus intellectui creato incomprehensibilis.

Obijcies 3. Unusquisque potest judicium ferre de eo, quod cognoscit: sic qui cognoscit sphaeram, potest de sphaera judicare; atqui, ex Augustino in libro de vera religione, c. 3. homines de lege aeterna judicare non possunt; ergo nec eam cognoscere.

Resp. dist. maj. Unusquisque potest judicium ferre de eo, quod cognoscit, secundum modum quo illud cognoscit, conc. maj. secundum modum, quo id non cognoscit, neg. maj. Mens creata (ut jam observatum est) cognoscit legem aeternam in genere, hoc est, existere legem aliquam, per quam omnia sint ordinatissima, & secundum illum respectum potest de ea judicium ferre, seu revera potest asserere, omnia esse ordinatissima; at vero non cognoscit modum legis aeternae, hoc est, cur lex aeterna praescribat, ut res omnes in specie hoc vel illo modo sint ordinatae; ac proinde non potest de lege aeterna secundum illum respectum considerata judicare.

Q U A E S T I O . IV.

Utrum lex omnis ab aeterna derivetur.

CONCL. **L**ex omnis ab aeterna tanquam causa derivatur.

Probatur 1. ex Scriptura, quae de aeterna sapientia, quae idem est cum aeterna lege, Proverb. 8. sic loquitur: *Per me Reges regnant, & legum conditores justa decernunt*. Sic etiam Apostolus ad Rom. 13. *Non est potestas, nisi a Deo*. Unde sic arguitur: Ab ea lege lex omnis derivatur, per quam legum conditores justa decernunt, quae est idem cum Deo: sed per legem aeternam, &c. ergo, &c.

Probatur 2. auctoritate Augustini, qui asserit 1. nihil esse justum in humanis legibus, quod ab aeterna non derivetur: *Simul etiam*, inquit libro 1. de libero arbitrio, c. 6. *se videre arbitror in illa temporali (lege) nihil esse justum atque legitimum, quod non ex hac aeterna sibi homines derivaverint*. Asserit 2. principes in legibus ferendis attendere debere ad legem aeternam, ut sciant, quid jubere, quidve prohibere teneantur. *Conditor legum temporalium*, ait in libro de vera religione, c. 32. *si vir bonus est, & sapiens, illam ipsam consulit aeternam, de qua nulli anima judicare tantum est, ut secundum ejus incommutabiles regulas quid sit pro tempore jubendum, vitandumque discernat*. Asserit 3. quemque etiam privatum consulere debere legem aeternam, ut sciat, quid sibi agendum sit, quidque aliis imperandum. *Lex Dei*, inquit quest. 67. in Exodum, *semper*

piterna est, quam consulant omnes pie mentes, ut quod in ea invenerint, vel faciant, vel jubent, vel verent secundum quod illa incommutabili veritate perceperint.

Probatur 3. rationibus theologicis. 1. Primum in unoquoque genere, est causa ceterorum: sic prima causa efficiens, prima causa exemplaris, prima causa finalis, est causa omnium causarum efficientium, exemplarium, finalium: atqui lex aeterna est prima omnium legum, tum in ratione causae efficientis; omnis enim potestas inferiorum legislatorum, ac proinde inferiorum legum, est a Deo legislatore, & a lege aeterna; tum etiam in ratione causae exemplaris, quia lex aeterna est exemplar, cui aliae leges, ut iustae sint, debent esse conformes; ergo lex aeterna est causa omnium aliarum legum. 2. Leges per participationem derivantur ab ea lege, quae est lex per essentiam; quemadmodum omnia entia physica participata derivantur ab ente quod est ens per essentiam, hoc est, ens ex se, & independens ab alio; atqui leges omnes inferiores, sunt leges per participationem, & lex aeterna, est lex per essentiam: ergo omnes inferiores leges a lege aeterna derivantur.

Obijcies 1. Lex aeterna non est causa exemplaris omnium aliarum legum; ut enim esset aliarum legum causa exemplaris, necesse esset, ut legum conditores possent illam intueri, ut quisque privatus in agendis & vitandis eam consulere posset: atqui nec legum conditores legem aeternam intueri, nec privati eam consulere possunt; neque enim aut in se ipsa videri potest, cum sit ipse Deus, nec in aliquo medio, in quo vis ejus & forma eluceant: ergo, &c.

Resp. ad 1. neg. min. Ad 2. dicendum est, legem aeternam videri & consuli posse in lumine naturali: in ipso enim non obscura illius vestigia Deus impressit hominum menti; illa autem vestigia nihil aliud sunt, ex Augustino in libro de vera religione, quam communis idea unitatis, seu convenientiae ac aequalitatis, secundum quam homines judicant de omnibus artefactis, & de omnibus rebus naturalibus: haec forma virtute & potentia major est omnibus, & supra mentem ipsam, quia mens mutabilis est, ipsa autem immutabilis, nec facta est ab anima, sed in anima inventa. Ubi (ait Augustinus in libro de vera religione, cap. 39.) *videmus haec, ibi est lumen sine spatio, decorum, & temporum, & sine illo spatio, & talium phantasmate. Numquid illo ex aliqua parte corrupti possunt, etiamsi omnis ratiocinatio intereat, aut apud carnales inferos veterascat? Non enim ratiocinatio talia facit, sed invenit. Ergo antequam inveniantur, in se manent, & cum inveniuntur, non mutantur.*

Obijcies 2. Lex fomitis est vera lex, juxta illud Apostoli, *Sentis in membris meis legem repugnantem legi mentis meae*: atqui lex fomitis non derivatur ab aeterna lege: lex enim fomitis non aliud est, quam prudentia carnis: atqui prudentia carnis non derivatur ab aeterna lege: illud enim a lege aeterna non derivatur, quod ei non potest esse subiectum; sed prudentia carnis (Apostolo teste ad Rom. 8.) non potest esse subiecta legi aeternae: ergo, &c.

Resp. 1. dist. maj. Lex fomitis est lex aequivoce sumpta, conc. maj. habet enim de lege proprie sumpta, quod moveat & excitet: proprie & vere sumpta, neg. maj. Lex enim proprie sumpta movet & excitat ad bonum, cum sit, (ut dictum est) ordinatio rationis ad commune bonum.

Resp. 2. cum S. Thoma, conc. maj. dist. min. Lex fomitis, quatenus inclinat ad aliquid oppositum rationi, non derivatur ab aeterna lege, conc. min. quatenus est poena consequens peccatum, neg. min. Exigit nimirum lex aeterna, ut peccatum puniatur, ac proinde exigit, ut homo reus sentiat in membris suis legem repugnantem legi mentis suae; neque enim sub Deo iusto fieri potest, ut miser non sit, qui peccaverit.

Obijcies 3. A lege aeterna nihil iniquum derivari potest: neque enim quod per se iustissimum est, potest esse iniquitatis causa. Sed multae sunt leges iniquae, juxta illud 1. Saiz 19. *Vo qui conduint leger iniquas*; ergo omnes leges ab aeterna non derivantur.

Resp. 1. concedendo totum argumentum; neque enim leges iniquae, sunt verae leges: siquidem lex est essentialiter ordinatio rationis, hoc est, ordinatio conformis rectae rationi; ac proinde cum leges iniquae sint contra rationem, non possunt habere rationem legis. Resp. 2. dist. maj. A lege aeterna nihil iniquum derivari potest, prout iniquum est, conc. maj. prout non est iniquum, neg. maj. In legibus iniquis, est quidem aliquid iniquum, & hoc non derivatur ab aeterna lege; sed praeterea est aliquid bonum; potestas nimirum, per quam ab eo qui curam habet communicatis, conduntur; & haec potestas est ab aeterna lege: *Non est enim potestas* (ait Apostolus ad Rom. 10.) *nisi a Deo.*

Obijcies 4. Lex naturalis, est lex vere & proprie dicta: atqui lex naturalis ab aeterna non derivatur: siquidem lex aeterna, est Dei ordinatio ad commune bonum: Sed lex naturalis ab ea ordinatione non derivatur; siquidem quae per legem naturalem praecipuntur, aut prohibentur, bona sunt, aut mala independentem a qualibet Dei ordinatione creata; v. g. amor in Deum esset bonus ac praeceptus, si furtum esset malum ac vetitum, etiamsi de illo amore, de furto nulla praecessisset aeterna Dei ordinatio.

Resp.

Resp. ad 1. conc. maj. neg. min. Ad 1. neg. maj. Ad 3. dist. ant. Quae per legem naturalem praecipuntur, aut prohibentur, bona sunt, aut mala, bonitate aut malitia fundamentali & materiali, conc. ant. nempe in se & independentia quolibet Dei actu quaedam includunt, aut convenientiam, aut disconvenientiam, ratione quarum praebent fundamentum, ut per Dei ordinationem, aut praecipiantur, aut prohibeantur: bonitate, aut malitia formali, neg. ant. quia bonitas, aut malitia formalis sumuntur ex dictamine legis naturalis, quod quidem dictamen praesupponit aeternum decretum, quo Deus statuit, ut quae conveniunt, vel disconveniunt, praecipiantur, aut prohibeantur; ac proinde bonitas, aut malitia sic acceptae, ab aeterna Dei lege derivantur. Praeterea dici potest, argumentum esse de non supponente, nempe supponit, quod etiam si non existeret aeterna lex, aliqua lex naturalis esset vera lex, quod est falsum: hincque sequitur, abstrahendo ab illa aeterna lege, nihil esse bonum aut malum.

Obijcies 7. Lex humana non derivatur ab aeterna; siquidem si ab ea derivaretur, ab ea participaret vim obligandi; quod falsum est; alioquin obligaret jure divino, sicut lex aeterna de jure divino obligat: ergo &c.

Resp. ad 1. neg. ant. Ad 2. dist. ant. Ab aeterna lege participarent mediate vim obligandi, conc. ant. nempe cum potestas, qua homines pollent, ferendi leges, derivetur a Deo, necesse est, ut leges ab eis conditae, mediate habeant a Deo vim obligandi. Participarent immediate, neg. ant. obligant enim immediate, ex eo quod ab iis ferantur, quibus potestatem eas ferendi Deus concessit; ac proinde obligant humano, non divino jure.

Obijcies ultimus. 1. Leges humanae sunt mutabiles: 2. plerumque sibi invicem sunt contrariae: 3. nonnunquam mala permittunt: ergo non derivantur ab aeterna lege, quae quidem nec mutabilis est, nec sibi contraria, nec permittit, quae mala sunt.

Resp. ad 1. quod licet lex aeterna sit immutabilis: Neque enim (ait Evodius apud Augustinum lib. 1. de libero arbitrio, cap. 6.) ulla vis, ullus casus, ulla rerum labes unquam effecerit, ut justum non sit, omnia esse ordinatissima: lex tamen humana suam mutabilitatem habet ab aeterna lege. Scilicet exigit lex aeterna, ut humana lex pro variis temporum, locorum, & personarum circumstantiis mutetur; nam sine illa mutatione omnia non forent in variis circumstantiis ordinatissima: inde tamen non sequitur, aeternam legem mutari. Ut ait medicina (inquit Augustinus libro de vera religione, c. 17.) cum eadem maneat, neque ullo pacto ipsa mutetur, mutantur tamen praecepta languentibus, quia mutabilis est nostra valetudo: Ita divina providen-

tia, cum sit ipsa omnis immutabilis, mutabili tamen creatura varie subvenit, & pro diversitate morborum alia aliter jubet aut vetat; ut a vitio, unde mors incipit, & ab ipsa morte ad naturam suam & essentiam ex qua deficiunt, id est, ad nihilum tendunt, reducat & firmet.

Resp. ad 2. idem dicendum esse quoad primum, nimirum legem aeternam exigere, ut leges humanae nonnunquam sint sibi invicem contrariae; contrarii enim plerumque sunt populorum mores, diversa gentium genera: ut igitur debitus ordo (ad quem potissimum tendit aeterna lex) servetur, necesse est, ut contrariae pro loco & tempore leges a Principibus sanciantur.

Resp. ad 3. humanas leges, si iustae sint, numquam permittere quae mala sunt, permissione approbativa; licet nonnunquam ea permittant permissione tolerantiae, hoc est, licet in ea poenis non animadvertant. Tolerantiam autem illam quibusdam in casibus ipsa lex aeterna praescribit: exigit enim, ut gravium malorum vitandorum causa, quibus humana lex propter populorum duritiam mederi non potest, quaedam minora mala impunita remaneant. Sic Deus ipse sese quondam gessit erga Judaeos, quibus divortium permisit ad duritiam cordis, ne scilicet occiderent uxores, quas dimittere non potuissent; sic etiam usuram in alienigenas eis permisit, ne eam in fratres exercerent.

Q U A E S T I O V.

Utrum omnia aeternae legi subjiciantur.

Nota. **Q**Uae existunt, vel sunt aeterna, vel temporalia. Ex temporalibus vero nonnulla sunt necessaria, alia contingentia, alia libera; hic igitur quaerendum est 1. utrum Deus qui solus est ab aeterno, aeternae legi subjiciatur: 2. an subjiciantur ei quae sunt necessaria: 3. an quae sunt contingentia: 4. denique an quae libera.

CONCLUSIO. 1. Nec essentia divina, nec illius aut attributa, aut actiones immanentes subjiciuntur aeternae legi.

Probatur. Quae non subjiciuntur gubernationi divinae, non subjiciuntur aeternae legi; aeterna nimirum lex est ratio gubernationis rerum, ac proinde quae non subjiciuntur gubernationi, aeternae legi non subjiciuntur: atqui nec essentia divina, nec illius attributa, aut actiones immanentes subjiciuntur divinae gubernationi; sunt enim prima & universalissima lex; non habent igitur superiorem aliam, per quam gubernari possint: ergo &c.

Obijcies. Voluntas Dei subjicitur aeternae legi; nimirum est recta & iusta: ergo per conformitatem ad aliquam, seu regulam, seu legem; rectitudo enim & iustitia supponunt aliquam regulam, aliquam legem, ad quam

exigantur; sed illa lex non alia potest esse, quam æterna: ergo Dei voluntas æternæ legi subijcitur.

Resp. dist. ant. Voluntas Dei quantum ad ea quæ ab ea distinguuntur, subijcitur æternæ legi, conc. ant. quantum ad ea quæ ab ea non distinguuntur, neg. ant. hoc est, voluntas Dei quantum ad actus qui proxime ad Deum terminantur, ut est amor quo Spiritus sanctus producit, aut intellectio quæ Verbum generatur, non subijcitur æternæ legi, quia quantum ad illos actus est essentialiter idem cum æterna lege; e contra vero quantum ad actus qui proxime ad creaturas terminantur, subijcitur æternæ legi; eos enim actus non operatur nisi ex dictamine legis æternæ, cum illi actus ad gubernationem pertineant: gubernatio vero recta non est, nisi ad alicujus legis superioris dictamen redigatur. Desumpta est illa responsio ex S. Thoma, qui 1. 2. q. 93. art. 4. sic loquitur: *Ad primum ergo dicendum, quod de voluntate Dei dupliciter possumus loqui. Uno modo quantum ad ipsam voluntatem, & sic cum voluntas Dei sit ipsa essentia ejus, non subditur gubernationi divinæ, neque legi æternæ; sed idem est, quod lex æterna. Alio modo possumus loqui de voluntate divinæ quantum ad ipsa quæ Deus vult circa creaturas: quæ quidem subiecta sunt legi æternæ, in quantum bonorum ratio est in divinæ sapientia, & ratione quorum voluntas Dei dicitur rationalis: alioquin ratione ipsius magis est dicenda ipsa ratio.*

CONCLUSIO 2. Alia a Deo, quæ sunt necessaria, subijciuntur æternæ legi.

Probatur. Alia a Deo, etiamsi necessaria sint, subijciuntur gubernationi divinæ; ergo & æternæ legi; neque enim recta est gubernatio, nisi fiat ex alicujus legis dictamine. Ea autem lex non alia est in Deo, quam æterna: ergo alia a Deo, licet sint necessaria, æternæ legi subijciuntur.

Objicies. Quæ aliter sese habere non possunt, non subijciuntur æternæ legi, nempe directione non indigent: ergo nec lege, per quam dirigantur: Sed quæ sunt necessaria, sese aliter habere non possunt, ut patet in essentialibus & substantialibus metaphysicis rerum: essentia v. gr. hominis non potest non esse posita in animali, quod mente præditum sit. Si enim cogitetur animal, quod mente non sit præditum, non erit homo: ergo &c.

Resp. dist. maj. Quæ aliter sese habere non possunt, non subijciuntur æternæ legi, si independenter ab æterna lege aliter sese habere non possint, conc. maj. Si dependenter ab æterna lege, neg. maj. Essentialibus & substantialibus metaphysicis rerum ideo aliter sese habere non possunt, quod sic ordinatione divinæ dispositum fuerit; ideo autem sic est ordinatione divinæ dispositum, quod sic æterna lex exigeret.

CONCLUSIO 3. Omnia contingentia naturalia subijciuntur æternæ legi.

Probatur 1. ex Scriptura. Proverb. cap. 8. hæc habentur: *Quando circumdabat mari terminum suum, & legem ponebat aquis, ne transirent fines suos. Ps. 148. Ignis, grando, nix, glacies, spiritus procellarum quæ faciunt verbum ejus. Matth. 6. Respiciite volatilia cæli, quoniam non serunt, neque metunt, neque congregant in horrea: & Pater vester cælestis pascit illa.* Ex iis Scripturæ locis sic arguitur. Ea subijciuntur æternæ legi, quibus Deus legem constituit; quæ faciunt verbum Dei, hoc est, quæ Deo legislatori obediunt; quæ Dei regimini subijciuntur: atqui (ut ex laudatis textibus patet) Deus contingentibus naturalibus, ut sunt aquæ, legem constituit; contingentia naturalia, ut sunt ignis, grando, nix, faciunt Dei verbum; ac præterea ut patet in volatilibus cæli, subijciuntur regimini Dei: ergo contingentia naturalia subijciuntur æternæ legi.

Probatur 2. ex Augustino, qui libro 19. de Civit. Dei, cap. 12. omnia omnino subijcit Dei legibus: *Nihil (inquit) a legibus summi creatoris, ordinatorisque sub trahitur, a quo pax universitatis administratur.* Idem Sanctus Doctor in libro 83. quæstionum, quæst. 27. scribit, Dei legem omnia prorsus moderari: *Lex ipsa (ait) incommutabilis manet, & omnia mutabilia pulcherrima gubernatione moderatur.* Ex iis locis sic conficitur argumentum: Si contingentia naturalia non subessent æternæ legi, esset aliquid quod summi creatoris, ordinatorisque legibus subtraheretur; lex æterna non moderaretur omnia; sed hæc, ex Augustino, falsa sunt: ergo &c.

Probatur 3. ratione theologica, quam tradit S. Thomas 1. 2. q. 93. art. 5. Ea subijciuntur æternæ legi, quibus Deus ex dictamine legis æternæ impressit instinctum, per quem in finem sibi convenientem feruntur: atqui Deus ex dictamine legis æternæ contingentibus naturalibus impressit instinctum, per quem in finem sibi convenientem feruntur, ille enim instinctus non aliud est, quam principium motus & operationem, quæ in contingentibus naturalibus reperiuntur: sed Deus ex dictamine legis æternæ, principium illud contingentibus naturalibus impressit; neque enim cæco modo, sed multa cum sapientia Deus principium illud contingentibus naturalibus impressit: ergo ex dictamine ipsius divinæ sapientie, ac proinde dictamine legis æternæ, quæ quidem non est aliquid aliud ab æterna lege.

Objicies 1. Contingentia naturalia non sunt capacia legis, juxta Augustinum quæst. 74. in Leviticum. 1. Eis lex intimari non potest; cum enim sint ratione destituta, intimationem, seu promulgationem intelligere non valent. 3. Contingentia naturalia non semp

agunt ex motione legis aeternae, immo & contra praescriptam ab ea regulam nonnunquam moventur, ut cum gravia sursum, & levia deorsum feruntur: ergo &c.

Resp. ad 1. Augustinum loqui de lege prout est praecipiva, non autem prout est directiva tantum. Sicilicet prout est praecipiva, supponit subjectum capax pracepti, hoc est, subjectum quod praceptum intelligere valeat, & illud exequi ex dictamine rationis: e contra prout lex est directiva, non supponit subjectum, quod directionem intelligere possit, sed tantum subjectum capax directionis passivae: at huiusmodi directionis passivae capacia sunt contingentia omnia naturalia, quia recipere possunt, & revera a Deo receperunt formam, qua talia sunt, ac proinde principium, per quod modo sibi conveniente ad suos fines dirigantur.

Resp. ad 2. legem aeternam intimari, seu promulgari contingentibus naturalibus, quatenus per formas sibi inditas a Deo moventur ad fines qui sibi convenient: unde impressio principii operativi, quod eis inditum est a Deo, est aeternae legis veluti intimatio, & quaedam species promulgationis; hincque explicatur qua ratione Dei vocem audiant: audiunt nimirum, cum suas operationes ad illius nutum & motum exercent, juxta illud Hieronymi ad haec verba Matth. 8. *Venti & mare obediunt ei. Ex hoc loca intelligimus, quod omnes creatura sentiant creatorem. Quas increpavit, & quibus imperavit, sentiunt imperantem, non errore haereticorum, qui omnia putant animantia, sed maiestate conditoris. Quae apud nos insensibilia, illi sensibilia sunt.*

Resp. ad 3. neg. contingentia naturalia aliquando moveri contra legis aeternae praescriptum: quamvis enim moveantur contra principium sibi intrinsicum, ut cum gravia sursum feruntur; ille tamen motus non est contra legem aeternam, quia oritur ab aliquibus causis extrinsecis, quae effectum illum producant ex aeternae legis regimine; fert enim regimen illud, ut causae particulares contra innatum sibi principium agant, cum ad id a causis extrinsecis, quarum vis est major, impelluntur.

CONCLUSIO 4. Contingentia libera subjiunguntur aeternae legi.

Probat. Contingentia libera, sunt actiones humanae, aut bonae, aut malae: atqui actiones humanae, sive bonae, sive malae sint, aeternae legi subjiunguntur: Bonae quidem, cum ex illius directione & motu fiant; malae vero, cum permittantur, ut in poenis quibus postea castigantur, eluceat justum Dei iudicium; unde Augustinus lib. 19. de Civit. Dei, cap. 13. haec de Angelo praevicatore scribit: *In veritate non stetit, sed veritatis iudicium non evasit, quia in ordine tranquill-*

tate non remansit; nec idea tamen a potestate ordinata effugit,

DISSERTATIO TERTIA.

De Lege naturali.

Not. S. Sanctus Thomas 1. 2. quæst. 94. de lege naturali quærit 1. quid sit: 2. utrum unum sit legis naturalis præceptum: 3. utrum omnes actus virtutum sint de lege naturæ: 4. utrum lex naturalis sit una apud omnes: 5. utrum sit mutabilis: 6. utrum ab hominis mente deleri possit: 7. tandem, quænam in specie sint legis naturalis præcepta. Eam Sancti Doctoris methodum secuti, septem huiusce dissertationis quætionibus difficultates illas exponemus.

QUÆSTIO PRIMA.

Quid sit lex naturalis.

Not. UBI exposuerimus, quid sit lex naturalis, quæremus, utrum admitenda sit, id est: postquam dixerimus de illius essentia, existentiam illius asseremus.

CONCLUSIO. 1. Lex naturalis recte definitur: *Participatio legis aeternae, creatura rationali per inspirationem luminis & amoris impressa.*

Explicatur definitio. 1. Lex naturalis dicitur *participatio legis aeternae*: & in hoc convenit cum legibus positivis, quæ omnes (ut precedenti dissertatione probatum fuit) ab aeterna lege, tamquam rivuli a fonte promanant. 2. Per hanc vocem, *impressa*, differt a legibus positivis, quæ nobis intrinsicæ non sunt, seu mentibus nostris nequaquam impressæ, sed sunt omnino extrinsecæ, quippe quod nullum illarum vestigium in accepta a creatore natura reperiamus, sed libere aut a Deo aut ab hominibus sancitæ sunt. 3. Haec verba, *Per inspirationem luminis & amoris*, exponunt duo legis naturalis officia, in eo posita, quod lex naturalis & ostendat bonum, & ad illud per modum præcepti & suasionis inclinet.

Quæres 1. utrum lex naturalis sit actus, an habitus.

Resp. 1. legem naturalem non esse habitum proprie dictum. Nam 1. habitus proprie sumptus, est id quo quis agit: sic grammaticus est habitus, quia per grammaticam grammaticus operatur; atqui lex naturalis non est id quo quis agit, sed est id ad cuius normam aliquis agit. 2. Habitus proprie sumptus denominat subjectum in quo recipitur: sic ex grammatica Petrus dicitur grammaticus:

cus : at lex naturalis non denominat subiectum, in quo recipitur. 3. Habitus proprie sumptus, non se habet per modum præcepti & imperii: at lex naturalis sic se habet: ergo non est habitus proprie sumptus.

Resp. 2. legem naturalem esse habitum improprie sumptum. Ratio est, quia id dicitur habitus improprie sumptus, quod in aliquo prædicato convenit cum habitu proprie sumpto: sed lex naturalis in aliquo prædicato convenit cum habitu proprie sumpto; sicut enim habitus proprie sumptus, non est transiens, sed permanens: in dormientibus nimirum & non advertentibus remanet: ita etiam lex naturalis non est aliquid quod transeat, sed e contra est aliquid permanens, licet subiectum, in quo recipitur, aut dormiat, aut ad illud non advertat. Hincque colligitur, esse in homine legem naturalem, non tantum cum actu hocce iudicium efformat: *Bonum est agendum: malum est vitandum*: sed etiam antequam de illo iudicio cogitaverit.

Quæres 2. utrum sit aliquod discrimen inter synderesim, conscientiam, & legem naturalem.

Resp. legem naturalem differre 1. a synderesi, quia synderesis est habitus proprie dictus, quo creatura rationalis inclinatur ad assentiendum principiis practicis, ut sunt ista: *Bonum est agendum: Malum est fugiendum*. E contra lex naturalis non est habitus proprie dictus, sed potius est actus, quo praxis boni, & mali fuga præcipiuntur. 2. Differt a conscientia, tum quod sit de agendis aut fugiendis in genere; conscientia vero de iis quæ hic & nunc agenda, aut fugienda sunt, tum quod lex naturalis sit certa & vera, conscientia e contra nonnunquam dubia sit & falsa: tum denique quod lex naturalis sit tantum de agendis aut vitandis, conscientia vero præterea est de actis & vitatis.

Quæres 3. quid physicum dicant lumen & amor, in quibus constituta est essentia legis naturalis.

Resp. 1. illud lumen & illum amorem non esse substantiam ipsius creaturæ rationalis: cum enim creaturæ rationalis substantia sit defectibilis, non potest habere rationem regulæ, ac proinde nec legis; cum regulæ & lex per se indefectibiles esse debeant.

Resp. 2. Illud lumen, ille amor non sunt creata qualitas physica, quæ ab animæ substantia realiter distincta sit: ea enim qualitas esset, utpote creata, defectibilis, sique non posset esse lex aut regulæ, cui certo ad hærendum sit.

Resp. 3. lumen & amorem, in quibus posita est legis naturalis essentia, esse ipsam Dei veritatem, quæ creaturæ rationali intime præsens est, illamque ad bonum per modum præcepti excitat, & movet. Ita docet Augustinus in libro 14. de Trinitate

cap. 15. ubi sic loquitur: *Nam hinc est, quod etiam impii cogitant aternitatem, & multa resse reprehendunt, resseque laudant in bonum moribus. Quibus ea tandem regulis iudicant? nisi in quibus vident, quemadmodum quisque vivere debeat, etiam si nec ipsi eodem modo vivant? Ubi eas vident? Neque enim in sua natura, cum procul dubio, mente ista videantur; eorumque mentes constet esse mutabiles, [har vero regulas immutabiles, videat quisque in eis & hoc videre poterit; nec in habitu sua mentis, cum illa regulæ sint justæ, mentes vero eorum constet esse injustas. Ubi sunt istæ regulæ scriptæ, ubi quid sit justum & injustum agnoscat, ubi cernit habendum esse, quod ipse non habet? Ubi ergo scriptæ sunt, nisi in libro lucis illius quæ veritas dicitur? Unde omnis lex iusta describitur, & in cor hominis qui operatur iustitiam, non migranda, sed tamquam imprimendo, transfertur; sicut imago ex annullo in ceram transit, & annullum non relinquit.*

CONCLUSIO 2. Lex naturalis existit.

Probatur 1. ex Scripturis. Lex naturalis (ut superius probatum fuit) est inspiratio luminis quo bonum agendum cognoscimus, & amoris quo in bonum illud cognitum ferimur: atqui existit inspiratio illa luminis & amoris. Nam 1. Scriptura teste, signatum est super nos divini vultus lumen, hoc est, Deus per boni cognitionem & amorem mentibus nostris impressit quamdam sui ipsius similitudinem. 2. Quoties Deus nostri nos admonet officii, jubet, ut ad nos ipsos redeamus, hoc est, ut in nobis quæramus bonum quod amplecti jubemur, & cognitionem mali quod fugere tenemur. *Redite* (ait Deus ipse, Isaia 46.), *prævaricatores, ad cor.* 3. in Epistola ad Romanos Apostolus expresse testatur gentes in seipsis reperire legem, quam omnes in praxi servare tenentur: *Cum gentes* (inquit cap. 2.) *quæ legem* (exterius scriptam,) *non habent, naturaliter ea quæ leges sunt, faciunt, ejusmodi legem, scriptam, non habentes, ipsi sibi sunt lex, qui assendunt opus legis scriptum in cordibus suis, testimonium reddente illis conscientia ipsorum, & inter se invicem cogitationibus accusantibus, aut etiam defendentibus.*

Probatur 2. ex traditione. 1. S. Justinus legis illius meminit in Apologia ad Senatuum, ubi scribit, insita esse nobis virtutum semina. 2. Origenes de illa hæc habet libro quinto contra Celsum: *Sunt duæ leges in genere: altera naturæ lex, cujus lator est Deus; per creationem nimirum: altera scripta, valens in civitatibus.* 3. S. Joannes Chrysostomus Hom. 12. ad populum Antiochenum asserit, didicisse nos ex naturæ lege, fornicationem esse quid malum: *Non opus* (inquit), *habemus discere, quod malum est fornicari, & bonum contineri: sed ab ista hoc scimus.*

Idem.

Idem dicit de homicidio : *Quare* (inquit) *qui dixit : Non occides , non addit , quod malum cades ? quoniam preveniens conscientia nos hoc docuit , & tamquam scientibus & intelligentibus ita loquitur .* 4. S. Ambrosius Epist. 41. & legis naturalis existentiam & naturam hisce verbis tradit : *Ea igitur lex non scribitur , sed innascitur : nec aliqua percipitur electione , sed profluo quodam natura fonte in singulis exprimitur , & ingenio humanis hauritur .* 5. S. Augustinus lib. de Magistro c. 11. scribit , doceri nos interius a veritate , hancque consulendam esse , cujus lumen pro vario consulentis affectu , aut clarius , aut obscurius percipitur .

Idem S. Doctor , Epist. 157. editionis novæ , docet , legem naturalem scriptam esse in hominum cordibus : *Proinde* (inquit) *quoniam lex est etiam in ratione hominis , qui jam utitur arbitrio libertatis , naturaliter in corde conscripta , qua suggeritur , ne aliquid faciat quisque alteri , quod pati ipse non vult : secundum hanc legem pravaricatores sunt omnes , etiam qui legem per Moysen datam non receperunt , de quibus in Psalmo legitur : Pravaricatores asstimavi omnes peccatores terra .*

QUÆSTIO II.

Utrum in lege naturali sit unum primum præceptum , ad quod cetera reducantur .

Not. **P**Ræcepta duplicis sunt generis , nonnulla dicuntur primaria , alia vero secundaria ; illa non continentur in aliis universalioribus , ista vero in aliis magis universalibus continentur . Hic igitur querendum est , utrum in lege naturali sit unum primum præceptum , ad quod alia omnia reducantur .

CONCLUSIO . In lege naturali datur unum primum præceptum , in quo alia omnia continentur .

Probat. Idem de agendis ferri debet iudicium , ac de cognoscendis ; atqui in cognoscendis datur aliquod primum principium , in quo cetera omnia continentur : istud nimirum , ut docent Metaphysici : *Impossibile est idem simul esse & non esse* : ergo in agendis datur quoque primum principium in quo cetera omnia contineantur : sed lex naturalis est de agendis , hoc est , objectum illius sunt actiones humanæ : ergo in lege naturali datur aliquod primum principium , in quo cetera omnia contineantur .

Quæres , quodnam sit illud primum legis naturalis principium , in quo cetera omnia continentur .

Resp. esse illud , *Bonum est faciendum ,*

& malum est fugiendum . Ratio est , quia tres conditiones quæ ad primum principium requiruntur , reperiantur in isto : *Bonum est faciendum , & malum est fugiendum .* Nam 1. est per se notum : nempe neminem , quantumcumque sit rudis , quantumvis obsecutus , fugit , ut superius ex Augustino demonstratum est . 2. A nullo alio principio pendet ; neque enim in agendis potest cogitari aliud principium superius & magis universale . 3. Alia omnia legis naturalis principia in illo continentur : triplicis enim generis sunt in lege naturali præcepta : nonnulla naturam respiciunt , & omnibus entibus communia sunt : alia speciem naturæ , animalem nimirum , respiciunt : alia denique versantur circa ens magis speciale , quam animal ; rationale nimirum : Atqui in hoc præcepto : *Bonum est faciendum , & malum est fugiendum* , præcepta tum quæ naturam , tum quæ animal , tum quæ rationale spectant , continentur : siquidem præcepta quæ pertinent ad naturam , non alia sunt , quam insita cuilibet enti propensio ad sui conservationem ; quæ vero ad animal , sunt inclinatio ad conservationem tum corporis per cibum & potum , tum speciei per generationem animalis sibi similis ; quæ vero ad rationale , sunt amor societatis , tum cum ceteris hominibus , tum etiam cum Deo auctore hominum : Sed præcepta illa continentur in isto : *Bonum est faciendum , malum est fugiendum .* Nempe ea omnia , ad quæ homo naturaliter propendet , ab eo sub ratione boni apprehenduntur ; ea contra a quibus naturaliter abhorret , apprehenduntur sub ratione mali ; ergo quæcumque agat , sive ut naturam conservet , sive ut generet prolem , sive ut cum ceteris hominibus , & cum illorum auctore Deo conjungatur , agit ex motu hujus universalissimi præcepti : *Bonum est faciendum seu prosequendum , malum est fugiendum* ; ac proinde in illo præcepto alia omnia continentur .

Objicies . Concupiscentia , quæ non aliud est quam propensio fruendi creatura , seu amandi creaturam propter ipsam creaturam , est de lege naturali ; id enim ad legem naturalem pertinet quod creaturæ rationali naturale est ; sed nec concupiscentia , nec illius motus continentur in isto præcepto ; *Bonum est faciendum , seu prosequendum , & malum est fugiendum* ; ergo omnia præcepta , erga omnes motus legis naturalis in illo præcepto ; *Bonum est faciendum , &c.* minime continentur .

Resp. neg. maj. Scilicet ea tantum sunt de lege naturali , quæ sunt effectus Dei creatoris ; ergo cum concupiscentia non sit hujusmodi ; neque enim instituti est hominis , sed damnati , hoc est , non pertinet ad hominis naturam , sed est peccati ab eo admissi supplicium ; non potest esse de lege naturali ,

ac

ac proinde mirum non est, quod illius motus in hoc præcepto, *Bonum est prosequendum, & malum fugiendum*, minime contineantur.

Q U Æ S T I O III.

Utrum omnes actus virtutum sint de lege naturali.

Actus virtutum duobus modis considerari possunt, 1. in genere, 2. in specie. Actus virtutum in genere, sunt actus virtutum prout sunt virtutes, hoc est prout sunt actiones, quæ rationi consentaneæ sunt. Actus virtutum in specie, sunt actus virtutum prout in hac vel illa specie, in hoc aut illo statu, in hac vel illa hominis conditione considerantur: quærendum est igitur, utrum actus virtutum secundum duplicem illum respectum considerati, sint de lege naturali.

CONCLUSIO 1. Actus omnes virtutum sumptarum in genere, sunt de lege naturali.

Probatur. Id omne est de lege naturali, ad quod homo naturaliter propendit: Atqui homo naturaliter propendit ad omnes actus virtutum in genere sumptarum: siquidem ad id homo naturaliter propendit, ad quod propendit ex inclinatione propriæ suæ formæ; Sed ex inclinatione propriæ formæ propendit in omnes actus virtutum sumptarum in genere; nempe propria hominis forma est ratio; atqui ex inclinatione rationis homo propendit in omnes actus virtutum sumptarum in genere, cum (ut jam observatum est) actus virtutum in genere sumptarum, nihil aliud sint, quam actus qui rationi conformes sint: ergo, &c.

Obijcies 1. *Esse de lege naturali, & esse de præcepto naturali*, sunt unum & idem: atqui dantur actus virtutum etiam in genere sumptarum, qui non sunt de præcepto naturali, ut patet in actibus consiliorum; sicut enim consilia non sunt de præcepto, ita nec actus consiliorum.

Resp. neg. maj. Ratio est, quia esse de lege naturali, non aliud est, quam esse conforme legi naturali; esse vero de præcepto, præter illam conformitatem, dicit debitum seu obligationem agendi strictè sumptam: hincque mirum non est quod praxis consiliorum sit de lege naturali, quamvis non sit de præcepto naturali.

Obijcies 2. Actus fidei, spei, caritatis, contritionis, sunt actus virtutum: sed illi actus non sunt de lege naturali, neque enim ratio dicit actus supernaturales, ut sunt actus fidei, spei, caritatis, & alii similes, quibus impius justificatur.

Resp. ad 1. neg. min. Ad 2. dist. ant. Ratio non dicit actus supernaturales sumptos in specie virtutum supernaturalium, conc. ant.

sumptos in genere virtutum ut sic, neg. ant. Hoc est dicitur lex naturalis, conforme esse rationi, ut homo Deo revelanti credat, ut in eum sibi ut objectum beatitudinis supernaturalis revelatum speret, & ut eum sic cognitum amet; sed non dicitur, ut, abstrahendo ab illa revelatione, actus illos eliciat; immo, abstrahendo a revelatione, mens de illis actibus supernaturalibus ne cogitat quidem.

CONCLUSIO 2. Omnes actus virtutum sumptarum in specie, non sunt de lege naturali.

Probatur. Virtutes in specie, sunt virtutes quæ in hac aut illa specie, in hoc aut illo statu, in hac vel illa hominis conditione considerantur; atqui actus virtutum sic sumptarum non sunt de lege naturali: neque enim lex naturalis præcipit, quid in omni statu, omni hominis conditione agendum sit; id nimium habet homo ab experientia, & variis circumstantiis, in quibus repertus est, & ex quibus collegit, quid sibi deinceps in simili statu, in similibus circumstantiis in ordine tum ad bonum publicum, tum ad proprium agendum esset: Hinc multæ sunt leges politicæ, quæ per inquisitionem eorum, quæ ad bonum publicum conferrent, excogitatae sunt.

Desumpta est illa ratio ex S. Thoma, qui 1. 2. q. 94. art. 3. sic loquitur: *Sed si loquamur de actibus virtuosorum secundum seipsos, prout scilicet in propriis speciebus considerantur, sic non omnes actus virtuosorum sunt de lege naturalis. Multa enim secundum virtutem sunt, ad quæ natura non primo inclinat, sed per rationis inquisitionem ea homines adinvenierunt, quasi utilia ad bene vivendum.*

Obijcies. Quod recta ratio dicitur, est de lege naturæ: Sed recta ratio dicitur actus omnes virtutum etiam in specie sumptarum: sic dicitur peccare eum contra justitiam, qui spiritualia charismata dividit; dicitur, recte eum agere, qui Christo legislatori morem gerit; ergo omnes actus virtutum etiam in speciebus particularibus sumptarum sunt de lege naturæ.

Resp. dist. maj. Quod ratio dicitur sine medio aliquo iudicio, sunt de lege naturali, conc. maj. medio aliquo iudicio, neg. maj. Quod charismata spiritualia divendi non possunt, pendet a iudicio aliquo medio, quod non est de lege naturali, scilicet pendet a iudicio quod sunt spiritualia; iudicium autem illud non est de lege naturæ, sed ex revelatione positivæ legis, ac proinde secundum rationem specificam, non est de lege naturæ, sed tantum secundum rationem genericam, hoc est, secundum istud generale principium: *Non licet id vendere, cuius dominium non habemus.*

QUÆ-

QUÆSTIO IV.

Utrum lex naturalis sit una apud omnes.

Not. **L**ex naturalis potest considerari vel secundum principia communia, vel secundum conclusiones particulares, quæ ex eis inferuntur: illa vero tum principia communia, tum conclusiones particulares spectari possunt vel secundum rectitudinem, seu veritatem quam in se continent, vel secundum notitiam, hoc est secundum cognitionem, quam de illis homines habere possunt. Hic igitur querendum est 1. utrum lex naturalis, sumpta secundum principia communia, sit una apud omnes tum quoad rectitudinem, tum quoad notitiam: 2. Utrum sit pariter, sumpta secundum conclusiones quæ ex ea colliguntur.

CONCLUSIO 1. Lex naturalis sumpta secundum principia communia, est una apud omnes, tum quoad rectitudinem, tum quoad notitiam.

Probat. Se habet lex naturalis sumpta secundum principia communia, sicut se habet ratio in speculativis: quemadmodum enim ratio in iis quæ mere speculativa sunt, nullam variationem patitur; ita nec ratio naturalis sumpta secundum principia communia, aliquam variationem patitur; scilicet variatio petitur a circumstantiis particularibus, quæ quidem in principiis communibus locum non habent: atqui ratio in speculativis, sumpta secundum principia communia, una est apud omnes tum quoad rectitudinem, tum quoad notitiam; æqualiter nimirum certum est in se, & notum apud omnes, quod affirmatio & negatio de eodem secundum idem dici non possint: ergo lex naturalis sumpta secundum principia communia est una apud omnes, tum quoad rectitudinem, tum quoad notitiam.

CONCLUSIO. 2. Lex naturalis secundum conclusiones quæ proxime sequuntur ex primis principiis legis naturalis, una est apud omnes tum quoad rectitudinem, tum quoad notitiam: quæ vero minus proxime, nec quoad rectitudinem, nec quoad notitiam semper apud omnes una est.

Probat. prior pars. Primum principium legis naturalis, est quod juxta rationis dictamen agendum sit, ac proinde quod bonum prosequi, malum fugere debeamus: atqui lex naturalis secundum conclusiones, quæ ex illo primo principio proxime sequuntur, plerumque apud omnes una est, tum quoad rectitudinem, seu veritatem, tum quoad notitiam. Hujusmodi sunt istæ: *Alteri ne feceris, quod tibi fieri non vis. Depositum est reddendum. Parentes colendi sunt.* Ex nimirum conclusiones recte sequuntur ex primo principio: *Agendum est ex rationis dictamine;* &

Juvenin. Theol. Tom. III.

præterea conclusiones illæ omnibus omnino hominibus cognitæ sunt: ergo lex naturalis sumpta secundum conclusiones, quæ proxime sequuntur ex primis principiis, una est apud omnes, tum quoad rectitudinem, tum quoad notitiam.

Probat. altera pars. 1. Esse quasdam conclusiones, quæ recte deducuntur ex principiis generalibus, quæ tamen rectæ non sunt, sic ostenditur: Quod depositum legitimo illius domino reddendum sit, est principium generale: atqui ex illo principio recte deducitur conclusio quæ non est recta, seu vera; deducitur enim hæc conclusio: Depositum reddendum est Petro qui eo aut in sui, aut in reipublicæ perniciem usus est: scilicet verus (ut supponitur) ac legitimus est illius dominus: ea autem conclusio licet recta, vera non est, quippe constat, depositum in ea circumstantia reddi non debere legitimo illius domino: tunc enim reddere depositum, esset aut contra caritatem, aut contra justitiam; ergo nonnullæ sunt conclusiones, quæ recte sequuntur ex principiis generalibus, quæ tamen veræ dici non possunt. 2. Esse etiam quasdam conclusiones a principiis generalibus magis distantes, quæ apud omnes eadem non sunt quoad notitiam, sic ostenditur. Ex conclusiones non sunt eadem apud omnes quoad notitiam, quæ ab aliquibus judicantur sequi ex principiis generalibus, ab aliis vero judicantur ex eis minime sequi: atqui sic est de quibusdam conclusionibus a principiis generalibus magis distantibus; principium verb. grat. generale est: *Furari non licet*: ex eo principio sequitur hæc conclusio: *ergo usura non est licita*: usura enim est quædam furti species, cum, ut suo loco dicitur, sit contra justitiam. Sed ea conclusio non est una apud omnes quoad notitiam, seu omnes non cognoscunt, sequi eam ex principio generali: *Furari non licet*: Plures nimirum gentes reperiuntur quæ censent, usuram non esse prohibitam. Sic etiam ex hoc magis communi principio: *Alteri ne feceris, quod tibi fieri non vis*: evidenter quidem sequitur, non esse ferendum falsum testimonium adversus proximum; sed non æque evidenter sequitur, non esse mentiendum pro vita hominis conservanda. Ex eodem quoque principio, *Alteri ne feceris, quod tibi fieri non vis*, sequitur evidenter, non esse adulterandum; æque enim evidenter sequitur, adulterium committi non posse sine alterius injuria: sed non æque evidenter sequitur, fornicandum non esse: unde apud Turcas, plarimalque alias gentes, simplex fornicatio inter crimina non recensetur; immo repertum sunt aliqui Theologi qui docuerunt, sed falso, eam non esse contra jus naturale: ergo lex naturalis sumpta quoad conclusiones, quæ magis remote distant a principiis generalibus, non est quoad notitiam una apud omnes.

B

Obji-

Obijcies 1. In speculativis omnes conclusiones quæ recte deducuntur ex principiis generalibus, sunt veræ: ergo veræ sunt pariter, quæ in rebus practicis recte deducuntur ex principiis generalibus.

Resp. conc. ant. neg. conseq. Ratio disparitatis est, quia veritates speculativæ, nec in principiis, nec in conclusionibus varietatem patiuntur, quia sunt de rebus omnino necessariis, quæ aliter atque aliter sese habere non possunt: e contra veritates practicæ varietatem in conclusionibus particularibus patiuntur; plures nimirum occurrunt circumstantiæ, quæ varietatem illam exigunt; nec mirum, cum veritates practicæ sint de contingentibus, nimirum de humanis actionibus, quas propter varias particulares circumstantias mutari necesse est; hincque fit, ut in practicis conclusio in casibus particularibus nonnumquam falsa sit, quamvis ex generalibus principiis recte deducatur.

Desumpta est illa responsio ex Sancto Thoma qui 1. 2. q. 94. art. 4. sic loquitur: *Aliter autem circa hoc se habet ratio speculativa, & aliter practica. Quia enim ratio speculativa precipue negotiatur circa necessaria, quæ impossibile est aliter se habere, absque aliquo defectu invenitur veritas in conclusionibus propriis, sicut & in principiis communibus. Sed ratio practica negotiatur circa contingenta; in quibus sunt operationes humane; & ideo et si in communibus sit aliqua necessitas, quanto magis ad propria descenditur, tanto magis invenitur defectus. Sic igitur in speculativis est eadem veritas apud omnes tam in principiis quam in conclusionibus, licet veritas non apud omnes cognoscatur in conclusionibus, sed solum in principiis quæ dicuntur communes conceptones. In operativis autem non est eadem veritas vel rectitudo practica apud omnes quantum ad propria, sed solum quantum ad communia: & apud illos apud quos est eadem rectitudo in propriis, non est æqualiter omnibus nota. Sic igitur patet, quod quantum ad communia principia rationis, sive speculativa, sive practica, est eadem veritas, seu rectitudo apud omnes, & æqualiter nota. Quantum vero ad proprias conclusiones rationis speculativa, est eadem veritas apud omnes, non tamen æqualiter omnibus nota: apud omnes enim verum est, quod triangulus habet tres angulos æquales duobus relictis; quamvis hoc non sit omnibus notum. Sed quantum ad conclusiones rationis practica non est eadem veritas seu rectitudo apud omnes, nec etiam apud quos est eadem, & æqualiter nota: apud omnes enim nec rectum est, ut secundum rationem agitur. Ex hoc autem principio sequitur quasi conclusio propria; quod deposita sint reddenda; & hoc quidem ut in pluribus verum est, sed potest in aliquo casu contingere, quod sit damnosum, & per consequens irrationabile, si deposita reddantur; puta si aliquis velit ad*

impugnandam patriam: & hoc tanto magis invenitur, quanto magis ad particularia descenditur, puta si dicatur, quod deposita sint reddenda cum tali cautione, vel tali modo: quanto enim plures conditiones particulares apponuntur, tanto pluribus modis poterit deficere, ut non sit rectum, vel in reddendo, vel non reddendo. Hactenus S. Doctor.

Obijcies 2. Nulla potest afferri ratio, cur ratio in practicis recta sit apud omnes quoad principia communia, deficiat vero in plerisque quoad conclusiones, quæ ex communibus principiis practicis deducuntur: ergo si lex naturalis sit una apud omnes quoad principia communia, debet quoque esse una apud omnes quoad conclusiones particulares.

Resp. neg. ant. Ratio nimirum illa petitur, aut ex rationis per passionem depravatione, aut ex præjudiciis, quibus in aliquibus ratio præoccupata est, aut ex iniqua educatione, aut ex aliis similibus capitibus; unusquisque enim de particularibus practicis judicare solet, prout affectus est.

Responsionem illam tradit S. Thomas 1. 2. q. 94. art. 4. ubi hæc habet: *Et hoc propter hoc, quod aliqui habent depravatam rationem ex passione, seu ex mala consuetudine, seu ex mala habitudine nature. Sic apud Germanos olim latrocinium non reputabatur iniquum, cum tamen sit expresse contra legem nature, ut refert Julius Caesar in libro de bello Gallico.*

QUÆTIO V.

Utrum lex naturalis sit mutabilis.

Not. **M**utatio variis modis alicui legi potest accidere; 1. per additionem; 2. per subtractionem; 3. per abrogationem; 4. per irritationem; 5. per interpretationem; 6. per materiam subtractionem; 7. tandem per dispensationem. Hic igitur querendum est, utrum lex naturalis aliquo ex iis modis mutari possit.

CONCL. 1. Lex naturalis mutari potest per additionem.

Probatur. Ea lex potest per additionem mutari, cui alie leges addi possunt: atqui legi naturali alie leges addi possunt: revera enim addita est illi divina lex positiva, tum Vetus, tum Nova; additæ sunt quoque leges Canonicae & Civiles. Respondens dicendum inquit S. Thomas 1. 2. q. 94. art. 5. *quod lex naturalis potest intelligi mutari dupliciter. Uno modo per hoc quod aliquid ei addatur. Et sic nihil prohibet, legem naturalem mutari: multa enim supra legem naturalem superaddita sunt ad humanam vitam utilia.*

CONCLUSIO 2. Lex naturalis mutari non potest per subtractionem.

Proe

Probatur. Mutatio per subtractionem est diminutio legis quoad aliquam illius partem: atqui lex naturalis minui non potest quoad aliquam sui partem, seu fieri non potest, ut quod prius erat lege naturali præscriptum, præscriptum esse desinat: siquidem lex naturalis est (ut superius dictum fuit) quoad omnes suas partes, æternæ legis participatio: sed lex æterna minui non potest quoad aliquam sui partem: alioquin quoad aliquam partem ordo tolleretur: nempe (ut suo loco dictum est) ea est qua iustum est, ut omnia sint ordinatissima, seu (ut Aug. ait lib. 22. contra Faustum, cap. 27.) est ea quæ ordinem naturalem conservari jubet, perturbari vetat: ergo &c.

CONCL. 3. Lex naturalis mutari non potest per abrogationem.

Probatur. Mutari per abrogationem, est desinere quoad omnes sui partes: in hoc enim abrogatio discrepat a subtractione, quod hæc vim legis tollat quoad aliquam illius partem tantum; illa vero quoad omnes: atqui lex naturalis desinere non potest quoad omnes sui partes: neque enim communia illius principia: *Bonum est agendum, Malum est fugiendum: Alteri ne feceris, quod tibi fieri noluisti*, desinere possunt: alioquin (ut jam observatum est) desineret ipsa lex æterna, ex qua principia illi tamquam rivuli a fonte promanant: quod est impossibile, cum (ut dictum est) lex æterna non aliud sit, quam ipsa divina sapientia, quæ non magis mutabilis est, quam Deus ipse.

CONCLUSIO 4. Lex naturalis mutari non potest per irritationem.

Probatur. Mutatio legis per irritationem est ea qua fit, ut cessent illius vis & obligatio legis naturalis, neque secundum præcepta illius communia; neque secundum conclusiones quæ proxime sequuntur ex primis principiis, neque secundum conclusiones quæ etiam remote ex illis inferuntur: siquidem conclusiones illæ, cujuscumque sint generis, virtualiter & necessario in primis illis principiis continentur; ac proinde cessare non potest earum obligatio, nisi cesset etiam obligatio primorum principiorum: ergo cum (ut jam dictum est) cessare non possit obligatio primorum principiorum; ita nec obligatio conclusionum, quæ ex illis, aut proxime, aut remote sequuntur.

CONCLUSIO 5. Lex naturalis mutari potest per interpretationem.

Probatur. Mutatio per interpretationem est ea quæ fit per explicationem alicujus præcepti, quod in aliqua lege continetur: atqui lex naturalis sic potest mutari: v. g. præceptum de Sabbato sanctificando, quo opus quodlibet servile prohibetur, mutatur per explicationem, cum nimirum dicitur, quod intelligi non debeat de operibus servilibus

quæ necessaria sunt, aut ad vitæ, aut ad bonorum conservationem: ut Christus ipse declaravit Matthæi cap. 12.

CONCLUSIO 6. Lex naturalis mutari potest per particularis alicujus materiæ subtractionem.

Probatur. Mutatio per materiæ subtractionem est ea, per quam efficitur, ut aliquid, quod in genere sumptum, erat materia legis, in casu aliquo particulari desinat esse ejusdem legis materia; sic v. g. si quis per artem chymicam vinum in alium liquorem mutaret, efficeret, ut desineret in casu particulari esse materia Eucharistiæ: atqui effici potest, ut id quod erat materia legis naturalis, desinat esse illius materiæ: siquidem lex naturalis est, ut alienum, invito domino, non retineatur: lex est naturalis, ut qui rei alicujus dominus est, eam alteri donare possit: sed effici potest, ut quod erat materia duplicis illius legis, desinat esse illarum materiæ: nempe per præscriptionem efficitur, ut alienum desinat esse alienum, ac proinde, ut invito domino retineri possit. Vetant quorundam locorum consuetudines, ne uxor viro, aut uxor vi quidquam per contractum aliquem donent aliud a bonis, quæ per contractum matrimonialem sibi invicem dederant: ergo effici potest, ut quod in se erat materia legis naturalis, desinat esse materia in aliquo casu particulari.

CONCL. 7. Lex naturalis mutari non potest per dispensationem, quæ humana potestate concedatur.

Probatur. Mutatio per dispensationem est, alicujus particularis respectu, exemptio a lege cujus vis remanet integra: atqui lex naturalis mutari non potest per exemptionem, quæ humana potestate concedatur: scilicet inferior solvere non potest ligatum a superiore: sed potestas humana inferior est lege naturali: hæc enim est ex ordinatione legis æternæ, ac proinde ex ordinatione Dei, cui nulla potestas humana potest æqualis esse: ergo &c.

Obicies 1. Potestas Ecclesiastica quæ humana est, dispensat 1. circa personalem residentiam Pastorum, quæ (ut ex Concilio Tridentino colligitur) est de jure naturali. 2. Summus Pontifex circa vota perpetuæ castitatis dispensat; licet obligatio implendi ejusmodi vota lege naturali præscripta sit. 3. Lex de sanctificatione Sabbati est lex naturalis, cum in Decalogo contineatur: in ea tamen lege per homines dispensatum fuit 1. Machab. 2. *Omnia homo qui venerit ad nos in bello die Sabbatorum; pugnetis adversum eum*: ergo lex naturalis mutari potest per dispensationem quæ humana potestate concedatur.

Resp. dnt. ant. Ecclesia circa Pastorum residentiam, circa vota, circa sanctificationem Sabbathi, dispensat improprie, conc. ant.

B 2

dis-

dispensat proprie, neg. ant. hoc est, cum Ecclesia in iis casibus dispensare dicitur, sensus non est, quod, remanente debito formalis residentiz, remanente votorum obligatione, remanente lege de sanctificatione Sabbathi, aliquam particularem personam eximat ab obligatione, aut residentiz, aut votorum, aut sanctificationis Sabbathi; sed sensus est, quod Ecclesia declaret, pastorum residentiam, votorum redditionem, sanctificationem Sabbathi non esse in quibusdam particularibus materiam legis de personali residentia, de votorum redditione, de sanctificatione Sabbathi: hoc est, declarat, legem naturalem non prescribere pastoribus personalem residentiam, cum eos alio vocant aut utilitas publica, aut necessitas communis; declarat, votorum redditionem non prescribi, cum redditi nocet aut voventis saluti, aut communi reipublice bono; declarat, legem de sanctificando Sabbato non vetare opera servilia, cum ad vite conservationem necessaria sunt.

Desumpta est illa responsio ex S. Thoma, qui 1. 2. quæst. 100. art. 8. ad 3. sic loquitur: *Sic igitur præcepta ipsa Decalogi, quantum ad rationem iustitiae, quam continent, immutabilia sunt; sed quantum ad aliquam determinationem per applicationem ad singulos actus, ut scilicet hoc vel illud sit homicidium, furtum, vel adulterium, aut non: hoc quidem est mutabile, quandoque sola auctoritate divina, in his scilicet quae a solo Deo sunt instituta, sicut in matrimonio, & in aliis huiusmodi; quandoque etiam auctoritate humana, sicut in his quae sunt commissae hominum jurisdictioni: quantum enim ad hoc homines gerunt vicem Dei, non autem quantum ad omnia.* Ibidem in responsione ad quartum sic loquitur: *Dicendum, quod illa exegesis magis fuit interpretatio præcepti, quam dispensatio. Non enim intelligitur violare Sabbatum, qui facit opus quod est necessarium ad salutem humanam, sicut Dominus probat, Matthæi 12.*

Objicies. Leges civiles in aliquibus casibus dispensant a lege naturali: ergo lex naturalis mutari potest per dispensationem, quæ humana potestate concedatur. Probatur ant. Lex naturalis fert, ut res aliena non retineatur invito rationabiliter illius domino; atqui leges civiles in eo præcepto dispensant; nimirum axioma est civilium legum, cum, qui legitime præscripserit, posse alienum servare, invito post præscriptionem vero illius domino: ergo &c.

Resp. ad 1. neg. ant. Ad 2. neg. min. Ad 3. dist. ant. Axioma est civilium legum, cum qui legitime præscripserit, posse alienum servare, quod defuerit esse alienum, conc. ant. quod non defuerit esse alienum, neg. ant. Præscriptio dominum rei ab eo qui ante præscriptionem verus erat illius dominus, transfert in eum qui legitime præscripserit, cum enim natura cuique pro-

prium non assignet, patet, ut id fiat legum civilium ministerio.

CONCL. 8. Lex naturalis mutari non potest per dispensationem, quæ a Deo concedatur.

Probatur argumento S. Thomæ 1. 2. q. 100. art. 8. Lex naturalis continet præcepta duplicis generis, affirmativa nimirum, quibus aliquid præcipitur; & negativa, quibus aliquid prohibetur: atqui lex naturalis nec in præceptis affirmativis, nec in negativis, mutari potest per dispensationem, quæ a Deo concedatur: Siquidem præcepta affirmativa continent id quod iustum est, hoc est quod iustitiæ legibus est conforme; præcepta vero negativa, quod est iniquum, hoc est, quod repugnat iustitiæ legibus: atqui Deus dispensare non potest in iis quæ aut conformia, aut dissimilanea sunt iustitiæ legibus; alioquin enim malum permetteret permissione approbativa, quod repugnat infinitæ illius sanctitati; ageret contra legem æternam, hoc est, contra se ipsum: lex enim æterna jubet, ut omnia sint ordinatissima, ac proinde præcipit, ut agatur ad iustitiæ & æquitatis regulas; vetat, ne quid fiat contra easdem iustitiæ & æquitatis regulas; ergo Deus, nec in legis naturalis præceptis affirmativis, nec in negativis dispensare potest.

Objicies 1. cum Ochamo in 2. Sent. dist. 19. Deus potest præcipere odium sui: id enim non implicat contradictionem ergo dispensare potest in lege naturali, etiam circa præcepta quæ præcepta primæ tabulæ dicuntur.

Resp. neg. ant. & ejus probationem. Nempe Deus se ipsum negare non potest: ac proinde cum sit infinite iustus, permittere non potest permissione approbativa id, quod est essentialiter injustum, ut est revera odium Dei: repugnat enim æternæ legi quæ præscribit, ut creatura suo creatori per amorem subiciatur, ita ut sit extra ordinem, quem lex æterna conservari jubet, si alteri a Deo se per amorem dominantem subiciat.

Objicies 2. cum Durando. Deus dispensare potest circa quartum præceptum Decalogi: *Honora Patrem tuum, &c.* Ille enim circa parentum cultum dispensare potest, qui potuit hominem sine parentum ministerio creare: nempe si sine parentum ministerio hominem creare possit, potest eum in iis quæ ad ejusmodi dependentiam spectant, dispensare: atqui Deus id potuit; nimirum id cujuslibet hominis respectu potuit; quod respectu Adam & Evæ; sed Adam & Evam sine parentum ministerio creavit: ergo, &c.

Resp. ad 1. neg. ant. Ad 2. neg. maj. Ratio est, quia ex suppositione, quod Deus aliquem per parentum ministerium creaverit, non potest efficere, quin a parentibus pendeat, juxta illud Ecclesiastici 3. *Memento, quoniam nisi per illos natus non fuisset;* ac proinde efficere non potest, qui in homi-

hominibus fundamentum sit colendi parentes: ubi autem est illud fundamentum, recta ratio contra quam Deus, cum sit infinite sapiens, nihil omnino moliri potest, exigit, ut cultus eis exhibeatur.

Obijcies 3. Deus id potest, quod non semel præstitit: atqui Deus non semel in lege naturali dispensavit.

Et quidem 1. dispensavit cum Abrahamo, cum nempe Genesis 22. præcepit ei, ut Isaacum innocentem occideret.

Dispensavit 2. cum Osea, cui iussit (Osee cap. 1.) ut meretricem assumeret, gigneretque ex ea filios.

Dispensavit 3. cum Israelitis, ut Ægyptiorum vasa aurea & argentea furarentur. Exodi 11.

Dispensavit 4. cum eisdem Israelitis Deuteronomii 23. cum nempe, indulget eis, ut cum alienis fornicarentur; fornicatio enim, seu usura, est quadam furti species.

Disputavit 5. cum Patriarchis veteribus, quibus polygamiam, quæ legi naturali contraria est, permisit.

Dispensavit 6. cum Judæis omnibus, quibus (ut habetur Deuteronomii 24.) facultatem fecit solvendi, per uxoris dimissionem, matrimonii vinculum, licet lege naturali sit omnino indissolubile: Si acceperit homo uxorem, & habuerit eam, & non invenerit gratiam in oculis ejus propter aliquam faditatem, scribet libellum repudiij, & dabit in manu illius, & dimittet eam de domo sua: illam vero dimissionem non esse a thoro tantum, sed etiam a vinculo matrimonii, demonstrant hæc verba, quæ mox laudatis subjiciuntur: Cumque egressa alterum maritum duxerit, & ille quoque oderit eam, dederitque ei libellum repudiij, & dimiserit de domo sua, vel certo mortuus fuerit, non poterit prior maritus recipere eam in uxorem, quia polluta est, & abominabilis facta est coram Deo.

Dispensavit denique 7. circa mendacium, cum nempe obstetricibus Ægyptiis permisit, ut mentirentur, earumque in Israelitarum mendacium compensavit, ædificando (inquit Scriptura) eis domos. Ergo Deus in lege naturali non semel dispensavit.

Resp. conc. maj. dist. min. Deus non semel in lege naturali dispensavit dispensatione improprie sumpta, conc. min. dispensatione proprie sumpta, neg. min. Dispensatio proprie sumpta, posita est (ut superius observavimus) in relaxatione legis, immutata materia præcepti: contra (ut ibidem dictum est) dispensatio improprie sumpta, posita est in relaxatione legis, mutando præcepti materiam, seu efficiendo, ut id quod prius erat præcepti materia, desinat esse materia ejusdem præcepti: hæc, non autem illa dispensationis specie Deus in casibus, de quibus agitur in argumento, dispensavit.

Et quidem 1. quod spectat ad Isaacii innocentis occisionem Abrahamæ præceptam, dispensationem. Inj. Theol. Tom. III.

cendum est per hujusmodi divinum præceptum defuisse eam esse materiam legis, qua homicidium prohibetur: tunc enim tantum est materia legis, cum privata sit auctoritate, non autem cum sit auctoritate divina; scilicet cum Deus sit vitæ & necis dominus, sive per se immediate, sive per homines, tanquam ministros, potest ipsis etiam innocentibus, ubi id ad illius gloriam contulerit, vitam eripere.

2. Quod spectat ad præceptum Osee impositum, dici potest, factum illud defuisse tunc esse materiam legis, qua cum adulterium, tum fornicatio simplex prohibentur: scilicet tunc tantum commixtio maris cum femina est, aut adulterium, aut simplex fornicatio, cum femine corpus non est maris, seu cum mas ad actum conjugalem dominium non habet in femine corpus: at Oseas ad actum illum dominium habuit in corpus meretricis, ad quam a Deo iussus est accedere; nempe dominium illud a Deo ipso, cujus sunt omnia, accepit; ac proinde actus ille in eo casu non fuit legis naturalis injustam maris cum femina conjunctionem prohibentis materia. Desumpta est illa responsio ex Sancto Thoma, qui 1. 2. q. 100. art. 8. sic loquitur: *Et similiter etiam Osee accedens ad uxorem fornicariam, vel mulierem adulteram, non est meretrice, vel fornicatus, quia accessit ad eam, quæ sua erat secundum mandatum divinum, qui est auctor institutionis matrimonii.*

Dici potest iterum, Oseam iussum fuisse in matrimonium ducere meretricem illam, antequam ex ea prolem generaret. Nec enim erat necesse, ut absque matrimonio ad illam accederet, cum, eo etiam supposito, satis adumbraretur mysterium, propter quod Deus voluerat, ut Propheta ex meretrice filios procrearet: nempe spiritualis filiorum generatio ex Ecclesia Gentili, quæ quidem, antequam Christus, ex ea sibi in cruce desponsata, filios spirituales gigneret, innumeris corrupta erat sceleribus, juxta illud Scripturæ: *Sub omni quercu frondosa tu prosternaberis meretrici, tu fornicata es cum amatoribus alienis; verum tamen revertere, &c.* Augustini est illa responsio libro contra Secundianum, c. 21. ubi hæc habet: *Qui inimicus fidei Christianæ, si meretrici relicta fornicatione in casum conjugium commutetur?* Sic etiam paullo post prosequitur. *Cum meretricem Propheta fecit uxorem, & ad vitam corrigendam mulieris consultum est, & figura sacramentum expressum.* Quod vero dicitur: *Pac tibi filios fornicationum*, habet multum sensum, vel ut adoptaverit sibi filios ex fornicatione genitos, vel ut genuerit filios ex casto conubio, qui tamen dicti sunt filii fornicationum, quia ex matre quæ erat fornicata; vel denique ut a cultu Dei veri filii isti recesserint, idolis cultum supremum exhibituri, quod

quod genus est fornicationis, juxta phrasim Scripturæ in Psalm. *Maledixi qui fornicantur abs te: mihi autem adhaerere Deo, bonum est.*

2. Falsum est quoque quod Deus in furto cum Israelitis proprie dispensaverit, quando Exodus 11. sic Moysen allocutus est: *Dices omni plebi, ut possulet vir ab amico suo, & mulier a vicina sua vasa aurea & argentea.* Scilicet furtum est subreptio rei alienæ invito domino; at vasa illa defuerunt esse res alienæ; Deus enim & titulo supremi dominii, quo in res omnes creatas fruitur, & titulo mercedis quæ Israelitis ab Ægyptiis debeatur, dominium in vasa ab Ægyptiis mutuo accepta Israelitis concessit. Et ideo (inquit S. Thomas) quando filii Israel præcepto Dei tulerunt Ægyptiorum spolia, non suis furtum, quia hoc eis debebatur ex sententia Dei. Utramque illam rationem tradit Augustinus libro 21. contra Faustum c. 7. *Ægyptiis* (inquit) *erant sacrilegi, & iniqui: nam ex auro illo, male utentes ad Creatoris injuriam, suis idolis serviebant, & homines peregrinos labore gratuito iniuste ac vehementer affligebant.*

4. Supponit argumentum, Deum permissione approbativa permisisse Judæis ut cum alienigenis fenerarentur, hoc est, pecuniam darent ad usuram: at falsa est illa suppositio: id enim permisit tantum tolerando, hoc est, prohibendo, ne per legem in Judæos usuræ reos animadverteretur, idque ad duritiam cordis eorum, hoc est, minus malum censuit tolerandum ad vitandum majus, ne scilicet Judæi rebus caducis & temporalibus omnino dediti, fenus, seu usuram in fratres suos exercerent. Ita respondet S. Thomas 2. 2. quæst. 78. art. 1. ad 1.

Dici potest iterum, fenus Judæis cum alienigenis permissum, fuisse fenus non re, sed nomine tantum; quod enim ab alienigenis ultra sortem mutuo datam exigebant, alienum non erat, sed proprium, sive titulo donationis a Deo sibi factæ eorum quæ Amoræorum erant, sive jure belli quod Israelitis in populos sibi vicinos præceperat. Ambrosii est ea doctrina: sic enim loquitur in libro de Tobia: *Ab illo exige usuram, cui merito nocere desideras: cui jure inferuntur arma, huic legitime auferuntur usura, quem bello vincere non potes: ab hoc usuram exige, quem non sit crimen occidere: sine ferro dimicat, qui usuras flagitat: sine gladio se de hoste ulciscitur, qui fueris usurarius exactor inimici: ergo ubi jus est belli, jus est usurae.*

5. Argumentum ex polygamia veterum Patriarcharum evanescit omnino in eorum sententia, quibus placet, polygamiam sola Evangelii lege, non autem lege naturali, prohibitam esse: scilicet in ea suppositione negandum erit, quod Deus cum antiquis Patriarchis ad plures uxores simul habendas dispensaverit.

Nullius pariter est roboris in eorum sententia, qui contendunt, polygamiam esse ipsam etiam lege naturali vetitam: nempe in ea suppositione dicendum est, polygamiam in se sumptam, & abstrahendo a circumstantiis, in quibus necessaria non est ad propagandum Dei populum, esse quidem contra legem naturalem; spectatam vero in iis circumstantiis, in quibus est prorsus necessaria ad populum Dei propagandum, desinere, si Dei mandatum accedat, esse legis naturalis materiam: at cum Patriarcharum tempore Dei populus ordinarie generatione carnali, non autem sola veritatis prædicatione, propagaretur, opus fuit, ut homines cum multis simul uxoribus, non quidem ex libidinis, sed ex prolis amore, nuberent. Vide quæ in Commentario nostro historico & dogmatico de Sacramento, de veterum polygamia, in Dissertatione de matrimonio diximus.

6. In uxorum dimissione duo erant, scriptio nimirum libelli repudii, & facultas uxorem dimittendi. Primum non erat contra legem naturalem, immo rationi consentaneum erat, ut libellus repudii ab eo scriberetur, qui uxorem a se dimitteret; tum ne dimissio illa temerario fieret; tum etiam ne ad eandem uxorem redire posset. Alterum, non fuit permissa approbativa, sed tolerativa tantum, hoc est, tolerantia fuit minoris mali, ut gravius, occisio nimirum uxoris, vitaretur: unde Christus in Evangelio docet, dimissionem illam Judæis fuisse permissam ad duritiam cordis eorum; ac proinde nulla in matrimonii indissolubilitate, quæ juris est naturalis, Judæis per Moysen concessa fuit dispensatio.

Aliis tamen placet, veram Judæis ad dimittendas uxores dispensationem concessam fuisse, per eamque matrimonii vinculum divinitus solutum fuisse: sed addunt, indissolubilitatem matrimonii non esse de jure naturali in iis circumstantiis, in quibus Deus, ejus dominio subjacent matrimonii jura, propter commune aliquod bonum, dissolvendum esse duxerit. De eo argumento vide nostrum de Sacramentis Commentarium historicum & dogmaticum.

7. In obtetricibus Ægyptiis duo considerari possunt, intentio nimirum, & medium quo usæ sunt, ut intentionem illam executioni mandarent. Intentio non alia fuit, quam ut prodescent Hebræorum masculis, quos Pharaon præfocari jussit; medium, quod adhibuerunt, fuit mendacium. Intentioni Deus mercedem improprie dictam, bona nimirum temporalia, rependit; mendacium vero damnavit, seu (ut clarius loquamur) benevolentia quæ in eo facto emicuit, non fallacia; benignitas mentis, non iniquitas mentientis, remunerata fuit; hincque patet Deum nullo modo cum obtetricibus Ægyptiis in mendacio dispensasse.

Obj-

Obijcies 5. Matrimonium inter fratrem & sororem est contra legem naturalem; nam propter eam rationem Ecclesia non potest in eo dispensare: atqui in matrimonio illo Deus in mundi exordio dispensavit cum Adami filiis & filiabus; ergo &c.

Resp. Theologos omnes non convenire, quod matrimonium inter fratrem & sororem, etiam extra casum summæ necessitatis, prohibetur lege naturali; hincque cum Cajetano & nonnullis aliis concludunt, Ecclesiam propter urgentissimas causas posse in eo dispensare. Verum cum in nostro Commentario historico de Sacramentis contrarium asseruerimus, alia ad argumentum proferenda est responsio. Itaque dist. maj. Matrimonium illud extra casum summæ necessitatis est contra legem naturalem, conc. maj. in casu summæ & extremæ necessitatis, ut fuit mundi initio, neg. maj. tunc enim recta ratio suadebat eiusmodi matrimonium, tamquam quod ad propagationem generis humani absolute necessarium esset.

Obijcies 6. S. Bernardus in libro de præcepto & dispensatione, aperte docet Deum in præceptis secundæ Tabulæ Decalogi, quæ haud dubie legis sunt naturalis, posse dispensare. Nempe S. Doctor necessarium dividit in stabile, inviolabile, incommutabile: Quamobrem (inquit cap. 2.) fortassis tunc potissimum congrua & luculenta magis eadem divisio apparebit, si ejus membrum, quod dictum est necessarium, rursus in tria hæc subdividatur, stabile, inviolabile, incommutabile.

Stabile refert in humanas Constitutiones. Et quidem (ait) stabile dixerim, quod ita est necessarium, ut non cuilibet hominum illud mutare fas sit, nisi solis dispensatoribus mysteriorum Dei, id est, Prælati, v. g. Regule sanctorum Basilii, Augustini, Benedicti, nec non & authentici Canones, & si quæ sint alia Ecclesiastica instituta dignæ auctoritatis. Necessarium inviolabile refert in præcepta, quæ in secunda Decalogi tabula continentur; Necessarium deinde (ait. c. 3.) quod inviolabile nominavi, illud intelligo, quod non ab homine traditum, sed divinitus promulgatum, nisi a Deo qui tradidit, mutari omnino non patitur; ut exempli causa: Non occides, non machaberis, non furtum facies, & reliqua illius tabulæ legisita. Necessarium incommutabile refert ad ea omnia, quæ in sermone Domini in monte continentur: Jam vero necessarium incommutabile quid accipi velim? ... Sub hoc genere est omnis illa sermone Domini in monte habita spiritualis traditio, & quicquid de dilectione, humilitate, mansuetudine, ceterisque virtutibus, tam in novo, quam in veteri Testamento spiritualiter observandum, traditur.

His præmissis, idem S. Bernardus docet 1. Ecclesiæ Prælatos posse, ubi caritas postula-

verit, dispensare in iis quæ ad necessarium primi generis pertinent: *Quandiu ergo (inquit c. 2.) caritati militant; immobiliter fixa sunt, mutarique omnino, ne ab ipsis quidem præpositis, sine offensa possunt. At si e contrario contraria forte aliquando caritati visa fuerint, his dumtaxat, quibus hoc posset videre datum est, & providere creditum est: nonne iustissimum esse liquet, ut quæ pro caritate inventa fuerunt, pro caritate quoque, ubi expedire videbitur, vel omittantur, vel intermittantur, vel in aliud forte commodius demutentur?*

Docet 2. necessarium, quod inviolabile appellavit, a Deo ipso mutari posse, Deum in eo posse dispensare, illius violationem, nisi Deus dispensaverit, ingens esse crimen, cum e contra si tamen dispensaverit, nulla omnino sit culpa: *Ergo (inquit c. 3.) nullam prorsus humanam dispensationem admittunt, nec cuiquam hominum ex his aliquo modo solvere, aut licuit, aut licebit: Dominus autem horum quod voluit, quando voluit, solvit: sive cum ab Hebræis Ægyptios spoliari, sive quando Propheetam cum muliere fornicaria misceri præcepit. Quorum utique alterum, quid nisi grave sceleris facinus: alterum, quod nisi flagitii turpitudine reputaretur, si non excusasset utrumque auctoritas imperantis?*

Docet denique 3. necessarium, quod appellat incommutabile, nullo modo, etiam per Dei dispensationem, mutari posse: *Jam (inquit c. 3.) necessarium incommutabile quid accipi velim? Equidem nihil congruentius, quam quod divina ita constet, & æterna ratione ita firmatum, ut nulla ex causa possit, vel ab ipso Deo, aliquatenus immutari. ... hæc quippe talia sunt, quæ nec licent, nec expediunt aliquando non haberi. Eo siquidem immobiliter, quæ & naturaliter bona, nunquam nisi innocenter, nunquam nisi salubriter aut imperantur, aut observantur. Omni tempore, omni persona, morte contempta, custodita, salutem operantur.*

Ex his quæ hucusque ex Bernardo laudata sunt, sic argumentum conficitur. Necessarium quod Bernardus appellat inviolabile, pertinet ad legem naturalem; Decalogo nimirum prohibetur; Atqui Bernardus expresse docet, necessarium illud, Deo dispensante, mutari posse; in hoc enim opponitur necessario incommutabili, quod quidem, ex eodem Bernardo, nullam omnino mutationem, nullam, ne divinam quidem, mutationem pati potest. Ergo Bernardus censuit, legem naturalem quoad aliqua capita mutari posse per dispensationem divinam.

Resp. conc. maj. dist. min. Bernardus docet necessarium, quod appellat inviolabile, Deo dispensante, mutari posse improprie, conc. min. proprie, neg. min. Mutatio propria est illa quæ fit in aliquo facto, quod præcepti materia

remaneat. E contra mutatio impropria, est ea quæ fit in facto, quod non remanet præcepti materia. Hanc, non autem illam, in exterioribus secundæ tabulæ præceptis Deus per suam dispensationem efficere potest; hoc est, potest externa facta, quæ secundæ tabulæ præceptis vetantur, subtrahere ex materia illorum præceptorum; seu, quod idem est, efficere, ut facta exteriora quæ prius erant illorum præceptorum materia, designant propter circumstantias quas Deus ipse eis adjicit, esse eorundem præceptorum materia: Id evidenter patet ex Israelitarum apparenti furto, & apparenti Osee fornicatione, quæ idem Bernardus profert, ut Præceptorum secundæ tabulæ mutabilitatem asserat, & de quibus in responsione ad tertium argumentum fufe superius diximus.

Q U Æ S T I O VI.

Utrum Lex naturalis possit ex hominum mente deleri.

Not. **A**D legem naturalem pertinent 1. quædam præcepta universalissima, quæ omnibus nota sunt; 2. præcepta quædam minus universalia, quæ ex universalissimis, tamquam proximæ conclusiones, sequuntur: Sunt 3. alia præcepta, quæ ex primis sequuntur quidem, sed sicut remotæ quædam conclusiones. Quærendum est igitur, utrum lex naturalis quoad tres illas præceptorum species ex hominum mente deleri possit.

CONCLUSIO. 1. Lex naturalis, quoad universalissima præcepta, deleri non potest ex hominum cordibus.

Probatur 1. auctoritate Augustini, qui lib. 2. Confessionum cap. 4. sic loquitur: *Lex scripta est in cordibus hominum, quam nec ulla quidem delet iniquitas.* 2. Universalissima morum præcepta se habent, sicut universalissima principia cognitionis speculativæ: sed universalissima principia cognitionis speculativæ deleri non possunt ex hominum mente: neque enim quemquam qui terminos noverit, fugere potest cognitio harum propositionum: *Impossibile est idem esse simul & non esse.* De eodem circa idem affirmatio & negatio dici non possunt. Totum est majus sua parte: is enim quem earum propositionum cognitio fugeret, non esset homo, seu animal mente præditum, sed brutum.

CONCLUSIO 2. Lex naturalis, sumpta secundum universalissima præcepta, potest ex hominum cordibus deleri, quantum ad particulare operabile.

Probatur: Legem naturalem, secundum universalissima præcepta sumptam, deleri ex hominum cordibus quantum ad particulare

operabile, est deleri eam quantum ad applicationem particularis operabilis: Atqui sic ex hominum cordibus deleri potest: scilicet applicationem illam per accidens nonnumquam impedit concupiscentia, vel aliqua passio, quemadmodum principiorum universalissimorum in speculativis applicatio ad conclusiones particulares, nonnumquam variis ex causis impeditur; hincque fit ut ex universalissimis principiis falsæ conclusiones nonnumquam inferantur.

CONCLUSIO 3. Lex naturalis sumpta secundum præcepta minus universalia, quæque ex universalissimis proxime sequuntur, potest ex hominum cordibus deleri.

Probatur. Præcepta quæ expresse in Decalogo continentur, sunt præcepta minus universalia, quæ ex universalissimis proxime sequuntur: Scilicet haud difficili negotio ab homine qui attenderit ad universalissima principia cognosci possunt. Qui enim Dei existentiam noverit, quam quidem facile quis inferre poterit ex rerum contingentium existentia, & ex eo, quod cuique notum sit, nihilum non posse sibi ipsi dare esse, haud difficile concludet, Deo soli deberi adorationem ac amorem qui cordi prædominetur. Inferet quoque quantumcumque plumbens sit, illius, utpote entis sanctissimi, nomen assumi non debere in vanum, ac nonnulla eligenda esse tempora, quibus creatura rationalis specialiter illius cultui vacet. Præterea qui ad hoc præceptum affirmativum attenderit, *Alteri feceris quod tibi fieri velis*, proximum suum diligendum esse intelliget, & in primis eos homines qui sibi parentum loco sunt; qui vero ad istud negativum: *Alteri ne feceris quod tibi fieri nolit*, concludet facile nemini vel per furtum, vel per adulterium, vel per aliquid aliud irrogari debere injuriam. Atqui præcepta quæ expresse continentur in Decalogo, possunt ex hominum cordibus deleri: non pauci enim reperti sunt qui idololatriam, (ut gentiles omnes) furtum ut olim Germani, adulterium (ut Platon in sua republica, in qua uxorum communatatem permisit) licita esse crediderunt: Ergo lex naturalis sumpta secundum præcepta minus universalia, ea etiam quæ proxime sequuntur ex universalissimis, potest ex hominum cordibus deleri.

CONCLUSIO 4. Lex naturalis, sumpta secundum præcepta, quæ remote ex universalissimis sequuntur, quæque expresse non continentur in Decalogo, potest ex hominum cordibus deleri.

Probatur 1. ex eo, quod præcepta quæ proxime ex universalissimis sequuntur, possint (ut dictum est in præcedenti conclusione) ex hominum cordibus deleri: ergo tertio deleri possunt, quæ ex iisdem universalissimis

mis præceptis remotè tantum, hoc est, adhibito multiplici ratiocinationum anfractu, sequuntur. 2. Revera lex naturalis quoad præcepta de quibus agitur, deleta fuit ex nonnullorum hominum cordibus: Siquidem apud Indos, parentes senio confecti olim sub pietatis obtentu enecabantur. Reperti sunt, qui filios & filias suas dæmonibus immolarent. Pharisei apud Judæos, licet externos concupiscentiæ actus damnarent, contendebant tamen, internos lege prohibitos non fuisse: unde Christus in Evangelio necessarium duxit, ostendere, eos Decalogo jam alias prohibitos fuisse: Si quis (inquit) viderit mulierem ad concupiscendum eam, jam meretrice factus est in corde suo. Huc etiam referri possunt tot contra legem naturalem opinionum portenta, quæ in recentioribus quibusdam, alioquin Christianis Catholicis, casuum arbitris leguntur, quæque tum Alexandri Papæ VII. tum Innocentii XI. tum repetitis Cleri Gallicani decretis proscrip-
ta sunt.

Quæ hucusque dicta sunt, confirmari possunt auctoritate, & argumento S. Thomæ, qui 1. 2. q. 94. art. 6. sic loquitur: Ad legem naturalem pertinent, primo quidem præcepta universalissima, quæ sunt omnibus nota: Secundaria autem quædam præcepta magis propria, quæ sunt conclusiones quasi propinquæ principiis. Quantum ergo ad illa principia communia, lex naturalis nullo modo potest a cordibus hominum deleri in universali: deletur autem in particulari operabili, secundum quod ratio impeditur applicare commune principium ad particulare operabile propter concupiscentiam, vel aliquam aliam passionem, ut supra dictum est. Quantum vero ad alia præcepta secundaria, potest lex naturalis deleri de cordibus hominum, vel propter malas persuasiones (eo modo quo etiam in speculativis errores contingunt circa conclusiones necessarias) vel etiam propter pravas consuetudines, & habitus corruptos: Sicut apud quosdam non reputabantur latrocinia peccata, vel etiam vitia contra naturam, ut etiam Apostolus dicit ad Rom. 1.

Q U Æ S T I O VII.

Quanam in specie sint legis naturalis præcepta.

Nos. IN lege naturali præcepta duplicis sunt generis: alia sunt affirmativa, quibus nimirum actus aliquis præcipitur; alia negativa, quibus actus aliqui prohibentur: de illis igitur hic nonnulla ad mentem S. Augustini, & S. Thomæ dicenda sunt.

CONCLUSIO 1. Præcipua præcepta affirmativa legis naturalis reducuntur ad dilectionem Dei, animæ nostræ, animæ proximi, & nostri corporis dilectionem.

Probatur. Lex naturalis est ordo amoris; sicut enim lex æterna ordinem conservari jubet, & perturbari vetat; ita etiam lex naturalis, cum (ut dictum est) sit æternæ legis participatio per inspirationem luminis & amoris: Atqui ordo amoris reducit ad Dei, animæ nostræ, animæ proximi, & nostri corporis dilectionem: Quatuor sunt diligenda (inquit Augustinus lib. 1. de doctrina christiana cap. 23.) Unum quod supra nos est, Deus nempe: alterum quod nos sumus, anima nimirum nostra: tertium quod infra nos est, anima proximi: quartum quod animæ conjunctum est. Creaturas alias a nostro corpore odisse quidem non debemus, cum sint Dei opus; sed eas non debemus diligere, licet eis uti nobis necesse sit: Diligenda quidem non sunt (ait Augustinus lib. 7. de civitate Dei cap. 22.) quia eis uti licet, non autem frui. Corpus autem nostrum, quia quodam modo particeps est beatitudinis, potest dilectione caritatis amari.

Primum itaque affirmativum legis naturalis præceptum est, de Deo diligendo. Scilicet illud præceptum est primum, quod aliis omnibus præsupponitur: Atqui præceptum de Deo diligendo aliis omnibus præsupponitur, nimirum, finis, ad quem alia omnia præcepta referuntur, est præceptum de Deo diligendo: alia enim a Deo propter se ipsa ultimo diligi non debent, sed propter Deum tantum: ac proinde præceptum illud aliis omnibus præsupponitur, sicut finis præsupponitur mediis, quibus comparari potest: Sed nec se ipso (inquit Augustinus lib. 1. de doctrina christiana cap. 22.) quisquam frui debet, si liquido adverteat: quia nec se ipsum debet propter se ipsum diligere, sed propter illum, quo fruendum est. Tunc est quippe optimus homo, cum tota vita sua pergit in incommutabilem vitam, & toto affectu inhaeret illi.

Secundum legis naturalis generale præceptum, est de diligenda anima nostra. De hoc, & de quarto, quod est de dilectione corporis nostri lex scripta tacuit, eo quod ex mente nostra deleri non possit: e contra vero meminit primi & tertii, quod natura per peccatum corrupta eorum facile oblivisci possit: Ergo (inquit Augustinus lib. 1. de doctrina christiana cap. 26.) quoniam præcepto non opus est, ut se quisque & corpus suum diligat, id est quoniam id quod sumus, & id quod infra nos est, ad nos tamen pertinet, inconcussa natura lege diligimus, quæ in bestiis etiam promulgata est (nam & bestie se, atque corpora sua diligunt) restabat ut de illo quod supra nos est, & de illo quod iuxta nos est, præcepta sumeremus.

Tertium legis naturalis præceptum, est de diligenda proximi anima; distinguiturque a se-

a secundo quod est de propria anima diligenda eo quod homo, prius quam proximum, se se diligere debeat: prius enim in se ipso, quam in aliis, id deprehendere solet, propter quod & se ipsum, & proximum diligere tenetur; nempe vel Deum inhabitantem, vel Dei possidendi capacitatem.

Amor proximi ex Dei amore proficisci debet, & ad illum referri: Si enim (ait Augustinus lib. 1. de Doctrina Christi na c. 29.) in theatris nequitia qui aliquem diligit histonem, & tamquam magna, vel etiam summo bono ejus arte perfruitur, omnes diligit, qui eum diligunt secum, non propter illos, sed propter eum quem pariter diligunt; & quanto est in ejus amore ferventior, tanto agit quibus potest modis, ut a pluribus diligatur, & tanto pluribus eum cupit ostendere, & quem frigidiores videt, excitat eum quanta potest laudibus illius; si autem contravenientem invenit, odit in illo vehementer odium dilecti sui, & quibus modis valeat, instat ut auferat: quid nos in societate dilectionis Dei agere convenit, quo perfrui beate, vivere est, & a quo habent omnes qui eum diligunt, & quod sunt & quod eum diligunt: de quo nihil metumus, ne cuiquam cognitus displicere, & qui se vult diligi, non ut sibi aliquid, sed ut eis qui diligunt aeternum primum conferatur, hoc est, ipse quem diligunt?

Quantum denique legis naturalis preceptum est illud, quo jubemur proprium nostrum corpus diligere, in quantum scilicet futurum est eternae beatitudinis particeps: & ideo jubemur ei bene velle ut ei aliquando bene sit: Nemo ergo se amat (inquit lib. 1. de Doctrina Christiana c. 24.) Et hinc quidem nulla cum aliqua secta quaestio fuit. Sed neque corpus suum quisquam odit: verum est enim quod ait Apostolus: Nemo unquam carnem suam odia debuit. Et quod nonnulli dicunt, malle se omnino esse sine corpore, omnino falluntur: non enim corpus suum, sed corruptionem ejus, & pondus oderunt. Non itaque nullum corpus, sed incorruptum, & celerimum corpus volunt habere.

Corpus autem ita diligendum est ut subditum sit animae Deo per amorem praevalentem inhaerenti: Immortalitas enim (ait Augustinus lib. 1. de Doctrina Christiana c. 23.) & incorruptio corporis, de sanitate animi existit: sanitas autem animi est firmissime inhaerere posteriori, hoc est, incommutabili Deo. Cum vero etiam eis qui sibi naturaliter pares sunt, hoc est, hominibus, dominari afficiat, intolerabilis omnino superbia est.

Preceptum de diligendo proprio nostro corpore, ultimum est ex quatuor, quae ex Augustino ad legem naturalem pertinent, quia plus diligenda est proximi anima, quam proprium nostrum corpus: Etsi Deus (ait sanctus Augustinus in l. 1. de Doctrina Chri-

stiana, c. 27.) omni homine amplius diligendus est, amplius quisque debet Deum diligere, quam se ipsum. Item amplius alius homo diligendus est, quam corpus nostrum: quia propter Deum omnia ista diligenda sunt, & potest nobiscum alius homo Deo perfrui, quod non potest corpus, quia corpus per animam vivit, qua fruimur Deo.

CONCLUSIO 3. Legis naturalis preceptum negativum, ad quod alia referuntur, est illud, quo prohibetur cupiditas.

Probatur. Cupiditas definitur, motus animi ad fruendum se & proximo, & quolibet corpore, non propter Deum: Atqui legis naturalis precepta negativa non aliud prohibent, quam illum motum: Id enim solum precepta negativa prohibent, quod perturbat ordinem naturalem; lex nimirum naturalis, cum sit ordo amoris, & aeternae legis participatio, quae ordinem naturalem conservari jubet, & perturbari vetat, non aliud prohibere potest, quam id quo ordo ille naturalis perturbari potest; sed sola concupiscentia naturalem illum ordinem perturbat, inclinat nimirum creaturam rationalem, ut se & rebus corporeis, propter se & non propter Deum, fruatur ergo &c.

CONCLUSIO 4. Ex praeceptis de amore, recte colligi possunt omnia Decalogi mandata.

Probatur. Omnia Decalogi mandata oriuntur ex praeceptis de Innocentia & de Benevolentia: Atqui ex praeceptis de amore, colliguntur praecepta de Innocentia, & de Benevolentia: ergo & omnia Decalogi mandata. Major propositio est certa: Scilicet Innocentia ab Augustino in Psalmum 100. definitur, virtus per quam quis nec sibi nocet, nec alteri: Innocens est (inquit) qui nec sibi nocet, nec alteri. Ideo dicitur, Dilectio proximi malum non operatur, & Non facies alteri, quod tibi fieri non vis. Benevolentia vero definitur, virtus per quam quis ad Deum alios adducere satagit: Benevolus est autem (ait idem S. Doctor) qui ad quod ipse tendit, alios adducere satagit, ad Dominum scilicet: Unde dicitur, Quaecumque vultis, ut faciant vobis homines, & vos facite illis. Sed ex virtute, qua quis nec sibi, nec alteri nocet, ex virtute qua quis alios ad Deum adducere satagit, oriuntur omnia Decalogi praecepta. Et quidem 1. ea quae in priore tabula continentur: si enim quis ea infregerit, nocet sibi, animae nimirum quae per infractionem praeceptorum primae tabulae extra rectum ordinem ponitur. 2. Oriuntur quoque quae in secunda tabula reperiuntur: Qui enim ea infregerit, proximo nocet, ac proinde non est innocens in Augustini sensu, hoc est, non nocens. Minor prioris argumenti propositio non est minus evidens, seu ex praeceptis de amore Dei & proximi colligit praecepta de Innocentia & Benevolentia. Nam qui Deum dili-

diligit, sibi per mandatorum, quæ ab eo constituta sunt, infractionem non nocet; qui vero proximum, benevolus est ei, nullaque ratione nocet; ac proinde servat mandata omnia, quæ ad proximi dilectionem referuntur.

Ex his colligendum est 1. Præcepta Decalogi ad legem naturalem non pertinere, nisi in quantum cum Innocentia & Benevolentia concurrunt, v. g. lege Decalogi non prohibetur homicidium, nisi in quantum cum illis duabus virtutibus concurrat: Hinc fit ut ei, qui auctoritatem habet, prohibitum non sit malefactores occidere, quia *sicut non est beneficentia*, (inquit Augustinus in Psalmum 57.) *adjuvando efficere ut bonum, quod majus est, omittatur: ita non erit Innocentia, parcendo finire ut in malum gravius incidatur.* Hinc etiam fit ut Abraham non peccarit cum gladium in Isaac distinxit; cum enim hominis, etiam innocentis, occisio sit Dei iussu, neque contra benevolentiam, neque innocentiam peccatur. Colligendum est 2. multa lege naturali & prohiberi & præcipi, quæ aperte in Decalogo non exprimuntur, omnia nempe quæ ad benevolentiam & innocentiam pertinent: Sic quamvis eleemosyna, gratitudo, conservatio pacis in civitate, correctio fraterna, lege naturali præcipiantur, in Decalogo tamen aperte non exprimuntur: Sic etiam quamvis in Decalogo expresse non prohibeatur, ne (ut ait Augustin. epistol. 139.) scandalum in rebus licitis inferamus proximo, ne (ut ait idem Sanctus Doctor libro de mendacio, cap. 13.) innocentem virum ad mortem petitem prodamus, ne proximum in re injusta vexemus, ea tamen omnia lege naturali prohibentur, quia sunt contra innocentiam & benevolentiam.

CONCLUSIO 5. Ex præceptis de Innocentia & Benevolentia, jura gentium deducuntur.

Probatur. Jura gentium (ex Sancto Thoma 1. 2. quæst. 95. art. 4.) sunt jura inter nationes omnes constituta: Atqui ea jura ex præceptis de Innocentia & Benevolentia deducuntur. Scilicet jura gentium duplicis sunt generis: quædam enim non aliud supponunt quam legem naturalem, suntque tamquam conclusiones quæ ex ea deducuntur, qualia sunt jura societatis in religione, in artibus, in procuracione rerum humanarum, quia nemo sibi sufficit neque ad ea quæ ad Deum colendum pertinent, neque ad procuracionem rerum vitæ sustentandæ necessariarum: Inde nascuntur matrimoniorum fœdera, cognationes, affinitates. Quædam e contra ex gentium juribus supponunt aliquid quod toti humano generi superacciderit, ut est originale peccatum, quo factum est ut nova jura quæ lex naturalis per se non præscribit, oportuerit constituere; hinc nata sunt discreta dominia: probabile est enim quod stante natura, in

innocentiæ statu, omnia futura fuissent communia: natæ sunt servitutes, scilicet. (ut ait Augustinus lib. 19. de Civit. Dei, cap. 23.) servitus non est homini naturalis; natæ sunt etiam manumissiones; nata sunt quoque jura belli, & alia hujusmodi, quæ ad humanam societatem conservandam, supposito peccato originali, necessaria sunt.

DISSERTATIO QUARTA.

De Lege Positiva Divina.

Not. **L** Ex positiva divina est quæ Dei ipsius auctoritate lata est, ut pax homini mortali cum Deo immortali fieret, seu ut ordinata esset hominum in fide sub æterna lege obedientia. Duplex est, Vetus, & Nova: de utraque igitur duplici quæstione dicendum est.

QUÆSTIO PRIMA.

De Lege veteri.

Not. **D** E lege veteri differit Sanctus Thomas 1. 2. quæst. 98. de eaque quærit sex. 1. Utrum sit bona. 2. An sit a Deo. 3. Utrum sit a Deo mediantibus Angelis. 4. Utrum data sit omnibus. 5. Utrum omnes obliget. 6. Quænam fuerint illius præcepta. 7. Doctoris methodum secuti, illa subsequenter capitibus expendemus.

CAPUT I.

An lex vetus sit bona.

Not. 1. **N** Omine legis veteris intelligitur ea quam Moyses acceptam a Deo promulgavit. Tota continetur in Lege, in Prophetis, & Psalmis. Per *Legem* intelliguntur quinque libri Moyse: ideoque & leges omnes quæ Adamo, Noë, Abrahamo & aliis sanctis Patribus ad Moysen inclusive datæ sunt. Quæ Moyses postea docuit, eadem, quoad plura capita, ab Abrahamo servata sunt; quæ autem ab Abrahamo, eadem & Noë & Enoch agnoverunt, munda ab immundis distinguentes. Abel quoque eadem, quæ ab Adamo didicerat, obtulit Deo; Adamus vero Dei ipsius magisterio instructus fuerat. Per *Prophetas* intelligitur, quidquid scriptum est a Josue; a Samuele, ab Esdra, a Prophetis sexdecim, & aliis Historiæ sacræ scriptoribus. Tandem per *Psalmos* intelliguntur Davidis & Salomonis Libri, & alii ejusdem generis, quorum harum Institutionum Tom. I. Catalogum tenuimus.

Not. 2. Cajani, Marcionitæ, & Manichæi, alique plures trium priorum sæculorum se-

cularii,

Starri, Augustino teste in libro de hæresibus, docuerunt, legem veterem non fuisse bonam, sed malam omnino, tum ratione auctoris; contendebant enim, a Principio nequam constitutam fuisse: tum ratione præceptorum quæ per eam hominibus imposita sunt. Catholici e contra docent, legem veterem fuisse bonam, & ratione auctoris, a quò sancita est; & ratione præceptorum, quæ in ea continentur: addunt tamen, eam, licet bonam, imperfectam tamen fuisse.

CONCLUSIO 1. Lex vetus fuit bona.

Probatur. Lex vetus fuit bona 1. ratione auctoris. Is enim Deus est ipse, ut hujusce questionis c. 2. dicitur. Bona est 2. ratione præceptorum: *Lex quidem sancta* (inquit Apost. ad Rom. 7.) *& mandatum sanctum, & iustum, & bonum.* Bona est 3. ratione mysterii; significabat enim quæ sanctiora sunt in lege nova: *Omnia* (ait Apostolus) *in figura contingebant illis.* 4. Eam ut bonam Christus implevit: *Non veni* (ait ipse Matth. 5.) *solvere legem, sed adimplere.* Executi sunt quoque illius mandata Prophetæ, Apostoli & quotquot antiquitus vera sanctitate commendati sunt. Bona erat 5. ratione finis: lata enim erat, ut homines cum Deo, sancto fœdere, conjungeret: *Dominiun elegisti hodie* (inquit Scriptura, Deuteronomii c. 26.) *ut sis tibi Deus, & ambules in viis ejus, & custodias caeremonias illius, & mandata, atque judicia, & obedias ejus imperio.* Et Dominus elegit te hodie, ut sis ei populus peculiaris, sicut locutus est tibi, *& custodias omnia præcepta illius.* De eo argumento vide Augustinum in libris contra Faustum, Tertullian. in libris contra Marcionem.

Probatur iterum ratione S. Thomæ. Ea lex est bona, quæ rectè rationi consentanea est: Atqui sic erat lex vetus, tum quod concupiscentiam comprimeret, ut patet ex illo mandato, *Non concupisces*, tum quod peccata omnia, (quæ haud dubie sunt contra rectam rationem) prohiberet, ut probat Apostolus ad Rom. 7. Ergo lex vetus erat bona.

Objicies 1. Ezechielis c. 20. Deus ipse sic de lege veteri loquitur: *Dedi eis præcepta non bona, & judicia in quibus non vivunt:* ergo &c.

Resp. laudati ex Ezechiele textus varias esse solutiones. Nam 1. Sanctus Hieronymus in eum locum, contendit nomine præceptorum, & judiciorum, non intelligi Legem veterem, sed leges iniquas gentilium, quibus Judæi dispersi propter iniquitates suas traditi sunt. Nec obstat, quod dicitur, *Deum ea præcepta tradidisse:* Tradidit enim non positive, sed permissive tantum, hoc est, in pœnam peccatorum permisit ut Judæi iniquis illis legibus manciparentur. *Commixti sunt inter gentes* (ait Script. Pl. 105.) *& didicerunt opera eorum, & servierunt sculptis-*

bus eorum, & factum est illis in scandalum, & immolaverunt filios suos, & filias suas demoniis. Confirmatur ex eo, quod in eodem capite Deus leges suas opponat præceptis quæ vocantur præcepta non bona: *Dedi eis* (ait Deus) *præcepta mea, & judicia mea ostendi eis, quæ faciens homo vivet in eis.*

2. Gregorius magnus lib. 28. Moral. c. 7. fatetur quidem Ezechielis textum intelligi de lege veteri; sed ait præcepta illius dici non bona comparate ad legem novam, non autem simpliciter & absolute: neque enim lex vetus, sicut nova, satis erat ut homines ad justitiam perduceret: *Hec* (inquit) *paucos infantia, quos inebriantibus dedit, ipse per Prophetam Dominus reprehendit dicens, Ego dedi eis præcepta non bona; mala esse desinunt comparatione peiorum, & bona, quasi bona non sunt comparatione meliorum.* Nam sicut pejus delinquenti iudex de Sodoma atque Samaria dicitur; *Justificasti sorores tuas in omnibus abominationibus tuis quas operata est;* ita melioribus Novi Testamenti præceptis subsequentibus, *præcepta bona quæ rudibus data sunt, non bona esse memorantur.* (Tradit eandem solutionem S. Thomas): *Ad primum ergo dicendum* (inquit) *quod Dominus loquitur ibi de præceptis caeremonialibus, quæ quidem dicuntur non bona, quia gratiam non conferebant, per quam homines a peccato mundarentur, cum tamen per hujusmodi se peccatores ostenderent.* Unde signanter dicitur: *Et judicia in quibus non vivunt, id est, per quæ vitam gratia obtinere non possunt; & postea subditur, Et pœnalus es tu muneribus suis, id est, pœnitentia ostendit, cum offerrent omne quod aperit vulvam propter delicta sua.*

Objicies 2. Lex quæ culpa non vacat, est mala: Atqui Lex vetus culpa non vacabat, hæc enim habet Apostolus ad Hebr. 8. *Stil- lud prius* (Testamentum) *culpa vacasset, non utique secundi loci inquireretur: ergo &c.*

Resp. dist. min. Lex vetus non vacavit culpa improprie sumpta, conc. min. proprie sumpta, neg. min. Culpa proprie sumpta, est reatus peccati, improprie vero sumpta, est defectus qui peccatum non est. Lex vetus culpam non habuit primo modo sumptam: dicit enim Apostol. ad Rom. 7. *Quid ergo dicemus? Lex peccatum est? absit,* sed habet culpam secundo modo acceptam, tum quod relinqueret in culpa, tum quod per accidens esset occasio culpæ proprie sumptæ, juxta illud ejusdem Apost. ad Rom. 7. *Occasione autem accepta peccatum per mandatum operatum est in ea me omnem concupiscentiam:* Ita nimirum comparati sunt homines per peccatum corrupti, ut quo arctius ab aliquo opere prohibentur, eo ardentius in illud ferantur, juxta illud Poetæ quod sæpe laudavit Augustinus, *Nititur in vestrum.*

Objicies 3. Ea lex non fuit bona, quæ non fuit

fuit hominibus salutifera: est enim de ratione legis, ut communi salutis proficiat: Atque lex vetus non fuit salutifera, immo nociva fuit & mortifera: dicit enim Apostolus ad Rom. 7. *Sine lege peccatum mortuum erat; ego autem vivebam sine lege aliquando: sed cum venisset mandatum, peccatum revixit, ego autem mortuus sum.* In eadem epist. c. 5. *Lex subintravit, ut abundaret delictum:* ergo &c.

Resp. ad 1. neg. min. Ad 2. dist. primam partem ant. Cum venisset mandatum, hoc est, cognitum fuisset, conc. ant. cognitum non fuisset, neg. ant. Ante legem peccatum erat in homine, id est, homo sine cupiditate serviebat nesciens, quod ei serviendo peccaret: sed ubi venit lex, homo cognovit, quod obedientia, quam cupiditati praecebat, esset peccatum, juxta illud Apostoli ad Rom. 3. *Per legem cognitio peccati;* & ut dicitur ibi. c. 8. *Peccatum non cognovi, nisi per legem: nam concupiscentiam nesciebam, nisi lex diceret: Non concupisces.* Dist. pariter alteram antecedentis partem, Lex subintravit, ut ex occasione sumpta ex parte hominis abundaret delictum, conc. ant. ex fine legis & intentione Legislatoris, neg. ant. Deus non dedit legem, ut causa esset peccati, sed tamen facta est causa peccati ex occasione, quae se tenet ex parte hominis corrupti, tum quod peccatum post legem factum sit gravius, tum etiam quod concupiscentia creverit; vehementius enim & ardentius ea appetimus, quae nobis prohibentur. Jam vero quod solum ex occasione ex nobis sumpta, lex fuerit causa peccati, docet Apostolus ad Rom. 7. *Occasione accepta, peccatum per mandatum operatum est in me omnem concupiscentiam.*

Objicies 3. Lex vetus fuit 1. superstitiosa: prohibuit enim usum ciborum, qui Dei creatoris benedictione consecrati fuerant.

2. Contraria fuit pietati: inter immundos enim recepsabat eos, qui mortuorum cadavera sepelissent.

3. Adversabatur aequitati & justitiae, tum quod Deuteronomii 25. cuique facultatem faceret, tantum de vinea proximi sumere, quantum veller; tum quod Deuteronomii 24. vetuerit accipere pignus a debitore; tum quod Levitici 25. jussit, ut anno Jubilei omnia debita remitterentur; tum denique quod Deuteronomii 23. vetuerit, ne servus profugus domino restitueretur.

4. Fovit concupiscentiam per legem talionis, Exodi 21. unde Christus Matthaei 5. legem illam damnat, ac rejicit: *Audistis, quia dictum est, dentem pro dente, oculum pro oculo: ego autem dico vobis non resistere malo.*

5. Peccavit contra discretionem; tantum enim fuit illius jugum, ut portari minime potuerit, juxta illud Petri Actorum 15. *Quid temeris imponere jugum super cervicem*

discipulorum, quod neque nos, neque patres nostri, portare posuimus?

6. Sapiebat crudelitatem & tyrannidem: Chananzos enim & Amalecitas una cum liberis adhuc lactentibus interfici jussit: Ergo lex vetus non fuit bona.

Resp. ad 1. induxisse ciborum delectum, tum ad comprimendam gulam, tum ad formandum hominem ad jejunium, tum ad monendum hominem, ut fugeret vitia, quae cibis quibusdam adumbrantur. Ita respondet Tertullianus l. 2. contra Marcionem, c. 18.

Resp. ad 2. neg. quod Judaei immunditiam etiam legalem, ex mortuorum sepultura contraherent; scilicet id apud Judaeos officium erat pietatis, juxta illud Script. de Tobia, c. 1. *Esurientes aliebat, nudisque vestimenta praebebat, & mortuis atque occisis sepulturam sollicitus exhibebat.* Quod quidem officium sic cap. 12. Angelus Raphael commendat in eodem Tobia: *Quando orabas cum lacrimis & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino.* Fatemur quidem, quod in aliis casibus ex mortuorum contactu Judaei legaliter polluerentur: sed id non vacabat mysterio; nempe docebantur, impares esse sacrificio offerendo qui immundi essent animo, immunditia illa spiritali quae per immunditiam extrinsecam & legalem adumbrabatur.

Resp. ad 3. facultatem de vitis ex aliena vite sumendis factam fuisse pietatis causam, ut nimirum pauperes famem aut sitim extinguere possent: unde non licebat domum quicquam ex vitis fructibus deferre: *Foras autem ne auferas tecum falcem autem non metes.* Addendum est, prohibita fuisse cetera, vel in gratiam pauperum, ne scilicet opprimerentur, si dum in necessitate pecuniam mutuo accipientes, pignus dare cogerentur; vel ne familiae confunderentur, nisi agri ad debitores redirent; vel denique ne servi profugi occiderentur, si domino redderentur.

Resp. ad 4. cum Augustino lib. 19. contra Faustum, c. 25. quod lex Talionis non fuerit sones, sed limes furoris; hoc est, non ut accenderetur ad vindictam laesus, sed ut injuria acceptae mensuram nullo modo dolor vindicantis excederet, ut ait idem Sanctus Doctor libro contra Adimantum, capite 8. & sic rudi populo constitutus est primus lenitatis gradus, nobis autem sancita perfectio, ut scilicet non vindicemus.

Resp. ad 5. cum Sancto Thoma, qui 1. 2. q. 98. art. 1. sic loquitur: *Ad tertium dicendum, quod jugum legis servari non potuit sine gratia adjuvante, quam lex non datur, dicitur enim ad Rom. 9. Non est volentis, neque currentis: scilicet velle & currere.*

currere in præceptis Dei; sed misericordis Dei. Unde Ps. 118. dicitur, vltim mandatorum tuorum cucurri, cum dilatasti cor meum, scilicet per donum gratiæ & caritatis.

Resp. ad 6. legem in Chanaanos latam, aequissimam fuisse. Par enim fuit ut cumulo peccatorum jam impleto, Chananæ omnes interficerentur. Cum Amalecitis quoque actum fuit cum æquitate: scilicet (ut habetur lib. 1. Regum cap. 15.) populo Israelitico in terram promissam proficiscenti summa cum iniuria obstitit. Ideo autem venia non est indulta parvulis, quod sæpius parentibus gravior sit poena quæ liberis infligitur, quam sit ea qua in ipsos animadvertitur.

Objicies 4. Lex Vetus plures ex antiquis commendat, qui tamen gravissimis flagitiis & facinoribus se ipsos commacularunt, Abraham nimirum, Lot ejus nepotem, Isaacum, Jacobum, Saram, Rebeccam, Davidem, Salomonem & plures alios: ergo lex vetus non erat bona. Ita ratiocinatur Faustus Manichæus apud Augustinum libro 22. contra Faustum.

Resp. 1. Legem Veterem recensendo crimina quibus nonnulli veteres se ipsos commacularunt, nec ea excusare, nec laudare, ut supposebat Faustus: *Nos tamen* (inquit Aug. c. 24. de Lot ebrietate & incestu loquens) *Scripturas sanctas, non hominum peccata defendimus.* Resp. 2. fictitia esse crimina quæ Faustus Abrahamo, Isaac, Jacobo, Saræ, Rebeccæ tribuit. Vide August. libro 22. contra Faustum, ubi fusc diluit argumenta quibus Faustus sanctorum illorum hominum facta reprehenderat.

CONCL. 2. Licet Lex Vetus in se fuerit bona, non fuit tamen perfecta.

Probatur 1. ex Scriptura. Apostolus in Epistola ad Hebræos asserit ideo reprobam a Christo fuisse legem veterem, quod infirma esset; *Reprobatio quidem fit* (inquit) *precedentis mandati propter infirmitatem ejus, & inutilitatem: nihil enim ad perfectum adduxit lex.* In Epistola ad Galatas idem Apostolus docet legem satis non fuisse ad consequendam Justitiam: *Sed ex lege iustitia* (ait c. 2.) *ergo gratis Christus mortuus est.* Capite 4. scribit eam egenam & infirmam fuisse: *Quomodo* (ait) *convertimini iterum ad egena & infirma elementa.* Ad Rom. 8. scribit impossibile fuisse, ut lex homini justitiam conferret: *Quod erat impossibile legi in quo infirmabatur secundum carnem.*

Probatur 2. ex Augustino. S. Doctor in suis operibus totus est ut probet insufficienciam legis adversus Pelagianos, qui eam cum exemplo Christi conjunctam contendebant, homini satis esse, ut justitiam consequatur. Epistola 157. idem docet, sic enim loquitur: *Oportebat itaque, ut abdito mandato, cujus vox est, Non concupisces, superbo peccatori*

etiam pravaricationis crimen accederet: atque ita, gratia medicinam, non sanata per legem, sed convulsa infirmitas quæreret.

Objicies 1. Si lex fuit imperfecta, dicendum erit, eam quoque fuisse inutilem; sed absurdum est consequens: nihil enim a Deo, cum sit sapientissimus, inutile fieri potest: ergo &c.

Resp. neg. maj. Ad plura nimirum lex contulit. Nam data est 1. ut quadam cælesti disciplina rudes homines imbueret, eosque pœnarum metu ab externis saltem flagitiis & facinoribus deterreret: *Scimus* (inquit Apost. 1. ad Timoth. 1.) *quia bona est lex, si quis ea legitime utatur: Scimus hoc, quia lex iusto non est posita, sed non iustis & non subditis, impiis & peccatoribus, sceleratis & contaminatis, parricidis & matricidis, fornicariis, masculorum concubitoribus, plagiaris, mendacibus, & perjuris, & si quis aliud sana doctrina adversatur.*

Data est 2. ut ipsis oculis objiceret legem naturalem, ad quam homines dediti sensibus attendere volebant: *Sed* (inquit Augustinus in Ps. 57.) *ne sibi homines aliquid defuisse quererentur, scriptum est & in Tabulis, quod in cordibus non legebant: non enim scriptum non habebant, sed legere volebant. Oppositum est oculis eorum quod in conscientia videre cogerentur. Et quasi forissecus admoda voce Dei, ad interiora sua homo compulsus est.*

Data est 3. lex vetus, ut per varias figuras, varia sacramenta, homines ad Christi fidem disponderet; *Lex* (inquit Apostolus ad Galatas 3.) *Pædagogus noster fuit in Christo, ut ea fide iustificemur. At ubi venit fides, jam non sumus sub Pædago.* Cur autem lex sit Pædagogus, Hieronymus in eum locum hisce verbis tradit: *Pædagogus parvulis assignatur, ut lascivienti refrænaretur ætas, & prope in vitia corda teneantur, dum teneris studii eruditur infantia, & ad majores disciplinas metu pœne correctis preparatur. Itaque & lascivienti populo lex Moysi adinstar Pædagi senioris opposita est, ut custodiret nos, & futura fidei prepararet.*

Objicies 2. Ea lex fuit perfecta, in qua plures justitiam & sanctitatem consecuti sunt: atqui in lege veteri plures justitiam & sanctitatem consecuti sunt, Prophetæ v. g. alique Sancti, qui ante Christum in Judaismo vixerunt: ergo &c.

Resp. dist. maj. Si justitiam consecuti sint vi illius legis, conc. maj. vi fidei in Christum, neg. maj. hac via, non illa, justitiam consecuti sunt sancti omnes, qui ab Adami lapsu ad Christum usque, vera sanctitate commendati sunt: *Eadem namque fides* (inquit Aug. Epist. 157.) *est; & nostra & illorum: quoniam hoc illi crediderunt futurum, quod & nos credimus factum: unde dicit Apostolus: habentes eundem spiritum fidei.*

Hinc

Hinc idem S. Augustinus l. 3. ad Bonifacium c. 3. infert justos, qui sub veteri lege vixerunt, licet non nomine ipsa tamen fuisset Christianos: *Veteris quidem Testamenti* (inquit) *dispensatores & gestatores, sed novi demonstrantur heredes. Nondum nomine, sed re ipsa fuerunt Christiani.*

CAPUT II.

Utrum Lex vetus sit a Deo.

Not. 1. **D**UO hic expendemus, 1. utrum lex vetus lata fuerit a Deo, Patre Domini nostri Jesu Christi; 2. utrum tota sit a Deo Legislatore, an vero nonnulla in ea sint quæ Moyses tamquam Legislator instituerit.

Not. 2. Cerdoniani (Augustino teste libro de hæresibus, hæresi 21.) putarunt, Deum Legis & Prophetarum non esse patrem Christi. Idem senserunt postea Manichæi, eodem Augustino teste hæresi 46. scilicet asseruerunt Deum, qui in lege & Prophetis locutus est, non esse Deum bonum, sed malum, & unum de principibus tenebrarum. Ptolomæus de quo S. Epiphanius lib. 1. Tom. 2. veterem legem partim Deo, partim Moyse, partim Senioribus adscripsit; Deo quidem, ea quæ nihil aliud quam veritatem sapiunt; Moyse, quæ videntur a recta ratione recedere, ut sunt divortium, & lex talionis, nec non ea omnia quæ ad duritiam & infirmitatem rudis populi sancita sunt; Senioribus tandem, traditiones quarum fit mentio Isaia 29. & Matth. cap. 15.

CONGL. 1. Lex vetus lata est a Deo, patre Domini nostri Jesu Christi.

Probatur 1. ex Scriptura. Christus Matthæi 15. legem vero Deo tribuit: *Irritum* (inquit Phariseos alloquens) *fecistis mandatum Dei propter traditionem vestram.* 2. Deo quoque Zacharias veterem legem tribuit: *Benedictus* (ait Lucæ 1.) *Dominus Deus Israel, quia visitavit & fecit redemptionem plebi suæ..... Sicut locutus est per os sanctorum quæ a saculo sunt Prophetarum ejus.* 3. Eodem modo loquitur Virgo Deipara in suo Cant. *Suscepit Israel puerum suum, recordatus misericordie suæ: sicut locutus est ad Patres nostros, Abraham & semini ejus in sacula.* 4. hæc habet S. Petrus Actor. 3. *Deus autem qui prænuñtiavit per os sanctorum pati Christum suum, sic implevit.* 5. S. Paulus ad Rom. 1. vocatus Apostolus segregatus in Evangelium Dei, quod ante promiserat per Prophetas suos in Scripturis. Ad Hebræos 1. *Multifariam multisque modis olim Deus loquens Patribus in Prophetis, novissime diebus istis locutus est nobis in Filio.*

Probatur 2. ex Patribus, Iræneo nimirum

lib. 4. cap. 26. Tertulliano in libris contra Marcionem, & Hieronymo in præfatione Epistolæ ad Titum, Augustino in libris contra Faustum, & contra adversarium legis & Prophetarum.

Probatur 3. ratione. Si vetus Testamentum a Deo vero non esset, Christus non asseruisset se in eo prænuñtatum fuisse: *Operet* (inquit Lucæ ult.) *impleri omnia, quæ scripta sunt in lege & in Psalmis, & in Prophetis de me.* Judæis missionem suam non probasset ex antiqua lege; *Si crederetis Moysi* (inquit Joan. cap. 5.) *crederetis forsitan & mihi, de me enim ille scripsit.* Immerito tandem Apostolus asseruisset Christum esse finem legis: *Finis* (inquit) *Legis Christus ad justitiam omni credenti.* Immerito dixisset legem esse prædagogum qui nos ad Christum perducat: *Lex prædagogus noster fuit in Christo*; ergo vetus Testamentum latum est a Deo, patre Domini nostri Jesu Christi.

Objicies 1. Deuteronomii 32. Dei perfecta sunt opera: atqui lex vetus non fuit perfecta: ergo non est a Deo.

Resp. dist. min. Lex vetus non fuit simpliciter & absolute perfecta, conc. min. secundum quid, & respectively, neg. min. Scilicet conveniens fuit statui infirmo, & rudis, in quo, cum lata est, Judæi versabantur.

Objicies 2. Ecclesiast. c. 3. hæc habentur: *Didici, quod omnia opera, quæ fecit Deus, perseverent in æternum.* Sed lex vetus non perseveravit in æternum; ait enim Apostolus ad Hebræos 7. *Reprobatio fit quidem præcedentis Mandati propter infirmitatem ejus & inutilitatem*: ergo &c.

Resp. dist. maj. Dei opera quæ sic facta sunt, ut in æternum perseverent, perseverant in æternum, conc. maj. quæ sic facta sunt, ut aliquando desinerent, neg. maj. Ad tempus tantum, donec scilicet veniret, quod perfectum est, lata fuit lex antiqua: mirum igitur non est, quod ubi venit, quod perfectum est, gratia nimirum Novi Testamenti, lex, non tamquam mala, sed tamquam infirma, & inutilis aboleretur.

CONCLUSIO 2. Antiquum Testamentum, totum & secundum omnes suas partes, est a Deo Legislatore,

Probatur 1. ex Scriptura. Moyses (ut habetur Exod. c. 24.) narravit plebi omnia verba Domini, atque judicia: responditque populus una voce: *Omnia verba Domini, quæ locutus est, faciemus.* Eodem c. v. 7. *Assumensque Moyses, volumen fœderis legis audiente populo, quod dixerunt: Omnia quæ locutus est Dominus, faciemus.* Non unam igitur tantum legis partem, sed omnes omnino tum Moyses, tum populus Deo tamquam Legislatori tribuunt: unde ipsa etiam præcepta caeremonialia Lucas Evangelii cap. 2. Deo adscribit: *Tulerunt* (inquit) *illum in*

Jern-

Jerusalem, ut *essent cum Domino, sicut scriptum est in lege Domini*. Præterea sententia quam hic impugnamus, omnem auctoritatem detrahit toti veteri Testamento, cum scerni non possint partes, quæ Deo, quæ Moyse, quæ Senioribus tribui deberent: unde eas partes nec Christus ipse, nec Apostoli, nec Patres aliquando secuisse leguntur.

Objicies 1. Moyses, non Deus, legem de repudii libello sancivit; id enim Christus testatur Matthæi cap. 19. scilicet cum Pharisei proposuissent, an liceret quacumque ex causa uxorem dimittere, respondit Christus, non licere. Christi responso Pharisei opposuerunt Moyse verba: *Quid ergo Moyses mandavit dare libellum repudii, & dimittere?* Oppositionem illam solvit Christus reponens id, ut ipsi asseruerant a Moyse præceptum: *Moyse ad duritiam cordis vestri permisi vobis dimittere uxores vestras: ergo &c.*

Resp. dist. ant. Reponit Christus Moysen tamquam promulgatorem legis a Deo sanctæ, mandasse dare libellum repudii, & dimittere, conc. ant. tamquam primarium & præcipuum legislatorem, neg. ant. Non magis ex verbis, de quibus est quæstio, colligi potest Moysen fuisse auctorem legis de repudio, quam ex istis, quæ leguntur Marci 7. *Moyse enim dixit: Honora patrem tuum*, illum esse auctorem legis de colendis parentibus. Præterea præceptum caeremoniale de leprosis, Matthæi 8. ab ipsomet Christo Moyse tribuitur; *Offer* (ait Christus leproso, quem mundaverat) *munus quod præcepit Moyses*: & tamen idem concludi non potest, Moysen fuisse legis illius auctorem, nempe Levitici cap. 14. expresse Deo Legislatori tribuitur: *Lectusque est Dominus ad Moysen dicens: Hic est ritus leprosi, quando mundatus est.*

Objicies 2. Pharisei Matthæi 15. cum Seniorum traditiones Apostolis objecissent: *Quare discipuli tui transgrediuntur traditionem Seniorum?* hæc a Christo audierunt: *Quare & vos transgredimini mandatum Dei propter traditionem vestram?* ergo nonnullæ traditiones Seniorum, Christi tempore, insertæ erant veteri Testamento.

Resp. neg. conseq. Illæ nimirum Seniorum traditiones, quas Pharisei objiciebant, recentes admodum erant, nec scriptæ erant in Lege, sed in privatis Commentariis, ut testatur S. Epiphanius contra Ptolomæum lib. 1. num. 2.

C A P U T III.

Utrum Lex antiqua mediantibus Angelis data fuerit.

Not. 1. **C**ertum est 1. legem antiquam per Moysen datam fuisse. *Lex* (ait Joannes) *per Moysen data*: unde Lucæ 1. lex

Moyse dicitur. Certum est 2. Moysen legem a Deo accepisse per Angelum: *Qui accepistis legem* (ait Stephanus Actorum 7.) *in dispositione Angelorum*: sed quæstio est, quid iis in locis Angelorum nomine intelligatur.

Not. 2. Dux sunt sententiæ. Prima est multorum, qui censent Angeli nomine intelligi debere Verbum divinum corpori humano, non hypostatice quidem, sed per modum formæ assistentis unitum, quodque in Scripturis dicitur magni consilii Angelus. Ita Irenæus, Justinus, Athanasius, pluresque alii, qui ante Augustini tempora scripserunt. Altera sententia est Augustini, qui primus ex Latinis Patribus censuit Angelorum nomine in locis de quibus agitur, intelligi substantias spirituales, quæ passim in Scripturis, Angelorum, hoc est, ministrorum nomine vocantur. In eam opinionem abiit S. Doctor, ut Arianis eriperet argumentum, quod adversus Verbi cum Patre consubstantialitatem movebant, contententes Verbum in Scripturis dici Angelum, seu Ministrum Patris, ac proinde non esse ejusdem cum eo substantiæ.

CONCLUSIO. Lex vetus data fuit per substantias spirituales creatas, quæ vocantur Angeli, non autem per Verbum divinum, quod in humana specie apparuerit.

Probatur 1. ex Scriptura, quæ docet, legem per *Angelos* in plurali numero datam fuisse: *Accepistis legem* (Act. 7.) *in dispositione Angelorum*: at vox Angeli dici non potest de Verbo in numero plurali, sed tantum de iis substantiis, de quibus habetur in Scripturis: *Omnes sunt administratorii spiritus propter eos qui hereditatem capiunt salutis*. Præterea Apostolus in Epistola ad Hebræos legem novam supra veterem extollit, quod illa per Dei filium data sit, hæc vero per Angelos: *Si enim* (inquit c. 2.) *qui per Angelos dictus est sermo, factus est firmus, & omnis pravariatio & inobedientia accepit justam retributionis mercedem, quomodo nos effugiemus, si tantam neglexerimus salutem?* atqui caderet argumentum illud Apostoli, si lex vetus, æque ac nova, per Verbum data fuisset.

Confirmatur argumento S. Thomæ. Conveniens fuit (inquit) ut lex illa quæ minus perfecta fuit, daretur per eum qui longe inferior esset eo per quem data est lex perfectior: quo enim opus aliquod est perfectius, eo magis auctor illius debet esse perfectus: atqui lex vetus minus est perfecta quam sit lex nova: hac nimirum dat salutem, illa vero ad eam per modum dispositionis se habuit.

Objicies 1. Lex vetus ab Angelo, qui Deus sit, tradita est: *Lectusque est Dominus* (inquit Scriptura Exodi 20.) *sermones vos*: quis autem sit Dominus ille, statim hisce verbis aperitur: *Ego enim sum Dominus Deus tuus*: atqui non alius Dominus, non alius Deus, An-

Angeli nomine intelligi potest, quam Verbum divinum: ergo &c.

Resp. dist. maj. Qui Deus sit officio, conc. maj. essentia, neg. maj. hoc est, lex vetus tradita est per Angelum, qui cum Dei vices ageret, ejus nomine locutus est: Cum (ait August. lib. 3. de Trin. cap. 1.) *verba iudicii praeo pronuntiat, non scribitur in gestis. Ille praeo dixit, sed iste iudex: sit etiam loquente Propheta sancto, etsi dicamus, Propheta dixit, nihil aliud quam Dominum dixisse volumus, & si dicamus, Dominus dixit, Prophetam non abstrahimus, sed quid per eum dixerit, admonemus.*

Eadem est Gregorii sententia, quam hisce verbis refert S. Thomas: *Ad primum ergo dicendum, quod sicut Gregorius dicit in principio Moralium: Angelus qui Moyse apparuisse describitur, modo Angelus, modo Dominus memoratur; Angelus videlicet propter hoc quod exteriori loquendo serviebat: Dominus autem dicitur, quia interiori praesidens loquendi efficaciam ministrabat; & inde est etiam quod quasi ex persona Domini Angelus loquebatur.*

Obiicies 2. Per eum data est lex, qui Moyse immediate locutus est: sed Deus Moyse immediate loquebatur, juxta illud Exodi 33. Loquebatur Dominus ad Moysen facie ad faciem, sicut loqui solet amicus ad amicum suum: ergo lex immediate Moyse a Domino Deo tradita est.

Resp. dist. maj. Qui Moyse immediate locutus est in rei veritate, conc. maj. secundum solam populi opinionem, neg. maj. hoc tantum, non autem illo modo, Deus immediate Moyse locutus est: *Quod ergo (inquit August. 12. in Gen.) dicitur quod ei loquebatur facie ad faciem, secundum opinionem populi loquitur Scriptura, qui putabat Moysen ore ad os loqui cum Deo, cum per subiectam creaturam, id est, per Angelum & nubem ei loqueretur, & appareret.*

C A P U T IV.

Utram Lex vetus omnibus data sit.

Not. S Tatus quaestionis est 1. an Judæis solis lex fuerit data: 2. Cur solis Judæis tradita sit: 3. an etiam ad Christianos pertineret.

CONCL. 1. Lex vetus solis Judæis data est.

Probatur ex Scriptura. Deuteron. 4. hæc habentur: *Quæ est alia gens tam inclusa, quæ habeat caeremonias ac iussa iudicia? Pl. 75. Notus in Judea Deus, in Israel magnum nomen ejus. Plalm. 147. Non fecit taliter omni nationi, & iudicia sua non manifestavit eis. Ad Rom. 3. Quid ergo amplius Judæa est? Multum quidem per omnem mundum, primum quidem quia creata sunt eis eloquia Dei: ergo aliis a Judaica gente data non est Iuvenin. Theol. Tom. III.*

lex vetus: nimirum posita est in caeremoniis ac iudiciis, in sincera Dei cognitione, in eloquiis divinis.

CONCLUSIO 2. Lex vetus Judæis data non est in suæ virtutis mercedem.

Probatur. Judæi in deserto antequam legem acciperent, lapsi fuerant in idololatriam; Numquid (ait Deus Amos 5.) *hostias & sacrificium obtulistis mihi in deserto quadraginta annis, domus Israel? & portastis tabernaculum Moloch deo vestro, & imaginem Idolorum vestrorum sydus Dei vestri, quæ fecisti vos.* 23 Expresse dicitur Deuteronomii cap. 9. *Scito quod non propter iustitias tuas Dominus Deus tuus dedit tibi terram hanc in possessionem, cum durissima cervicis sis populus.*

CONCL. 3. Lex vetus Judæis data est vi solius promissionis, quæ Patriarchis divinitus facta fuerat.

Probatur ex Deuteronomii c. 9. ubi asseritur datam fuisse legem, ut compelleret verbum suum Dominus quod sub iuramento pollicitus est patribus suis Abraham, Isaac, & Jacob. Quid autem Deus Patribus pollicitus fuisset, docet Apostolus ad Galatas 5. dicens: *Abrahæ dicta sunt promissiones & semini ejus; non dicit, seminibus quasi in multis, sed quasi in uno: Et semini ejus qui est Christus Deus.* Itaque Abrahæ promissiones factæ sunt, quod Christus ex illius semine nasciturus esset. Decebat vero (inquit S. Thomas), ut ille populus ex quo Christus nasciturus erat quadam speciali sanctificatione polleret, secundum illud quod dicitur Levitici 19. *Sancti eritis, quia ego sanctus sum.*

Quæres, cur Deus Abrahæ pollicitus sit futurum ex illius semine Messiam?

Resp. factum id non fuisse propter Abrahæ merita; nulla enim futura in eo erant independenter a Messie meritis: unde Deuteronomii c. 4. dicitur: *Audiistis verba illius de medio ignis, quin dilexit Patres tuos, & elegit semen illorum post illos.* Si autem (ait S. Thomas) rursus quaeratur, quare hunc populum elegit, ut ex eo Christus nasceretur, & non alios; convenit responsio Augustini quam dixit super Joannem: *Quare hunc trahat, & illum non trahat; noli velle dijudicare, si non vis errare.*

CONCLUSIO 4. Lex vetus quondam Judæis data est propter Christianos.

Probatur 1. Propter eos data est lex vetus, ad quos legis promissiones maxime pertinebant: atqui promissiones legis ad Christianos maxime pertinebant; pertinebant enim ad Israelitas & filios Abrahæ, non qui secundum carnem, sed qui ex fide tuturi erant illius filii: id nimirum demonstrat Apostolus in Epistolis ad Romanos, ad Galatas, ad Corinthios, ad Hebræos. Hincque factum est, ut eadem promissiones in Christo, & mysticis illius membris completæ sint, &

C in dies

in dies compleantur: ergo lex vetus propter Christianos Judæis carnalibus data est.

Obijcies 1. Propter eos lex vetus data non est, qui privati sunt hereditate, quæ in antiqua lege promittitur: atqui Christiani privati fuerunt hereditate quæ in veteri lege promittitur, terra nimirum Chanaan, quæ iis tantum data est, qui legis caeremonias observarent: An ignoras Testamentum vetus Chanaanæ terram repromittere? Sed eam tamen Judæis, id est, circumcisis, & sacrificantibus, & abstinentibus a porcina, ac reliquis carnalibus, quas immunda Moyses appellat? Quæ quia Christianorum placere nemini, neque enim quisquam nostrorum excusodit, dignum est, ut cum reclusa hereditate reddamus tabulas. Verba sunt Fausti Manichæi apud Augustinum lib. 4. contra eundem Faustum.

Resp. ad 1. conc. maj. neg. min. Ad 2. dist. ant. Promittitur terra Chanaan mystice sumpta, scilicet pro bonis spiritualibus, quæ per eam adumbrantur, conc. ant. sumpta physice, & ad litteram tantum, neg. ant.

Petita est illa responsio ex Augustino, qui loco in objectione laudato sic loquitur: Temporalium quidem rerum promissiones Testamento veteri contineri, & ideo vetus Testamentum appellari, nemo nostrum ambigit; & quæ æternæ vitæ promissio, regnumque celorum ad novum pertinet Testamentum: sed in illis temporalibus figuræ fuisse futurorum quæ impleverunt in nobis, in quos finis seculorum obvenit, non suspicio mea, sed Apostolicus intellectus est, auctente Paulo, cum de talibus loqueretur, hæc omnia figura nostra fuerunt. Et iterum, hæc omnia in figura contingebant illis; scripta sunt autem propter nos, in quos finis seculorum obvenit. Non ergo vetus Testamentum ad consequendas illas promissiones, sed ad intelligendas in eis novi Testamenti prænantiationes accipimus: veteris quippe testificatio, fidem non conciliat.

Non multo post idem S. Doctor asserit Patriarchas, & Prophetas non fuisse his terrenis deditos: Intelligebant enim (inquit) revelante filii Spiritu Dei, quid tempori illi congrueret, & quibus modis Deus per illas res omnes gefas & aïctas, futura figuranda & prænantiantia discerneret, magisque desiderium eorum de novo Testamento erat: sed præsens functio corporalis, ad significanda nova ventura, sollicitationibus veteribus præbatur. Ita illorum hominum non tantum lingua, sed & vita, prophetica fuit. Carnalis autem populus promissæ vitæ præsentis inhaerebat. De quo tamen etiam populo nihilominus significabantur futura.

Obijcies 2. Nullus Christianus observat legis veteris mandata: ergo lex vetus ad Christianos nulla ratione pertinet.

Resp. dist. ant. Nullus Christianus observat legis veteris mandata vitæ significandæ,

conc. ant. vitæ agendæ, licet utraq; cum nondum mysteria completa essent, ab antiquis servarentur, neg. ant.

Desumpta est ea responsio ex Augustino, qui libro 6. contra Faustum Manichæum cap. 2. sic loquitur: Respondeo istos omnes nescire quid interest inter præcepta vitæ agendæ, & præcepta vitæ significandæ. Exempli gratia, Non concupisces, præceptum est agendæ vitæ. Circumcides omnem masculum octavo die, præceptum est significandæ vitæ. Ex hac quippe imperitia Manichæi, & omnes quibus displicent litteræ veteris Testamenti, quidquid Deus mandavit priori populo ad celebrandum umbram futurorum non intelligentes, & ea modo non observari animadvertentes, ex more præsentis temporis illa reprehendunt, quæ utique illi tempori congruebant, quo ista quæ nunc manifesta sunt, ventura significantur. Ubi idem S. Doctor laudavit Apostoli verba: Omnia in figura contingebant illis, sic prosequitur: Cum enim dicit: Scripta sunt propter nos, procul dubio demonstrat quanta nobis cura legenda & intelligenda, & in quanta auctoritate habenda sint; quia propter nos utique scripta sunt; Cum vero dicit: Figura nostra fuerunt, & in figura contingebant illis, ostendit jam non opus esse, ut cum res ipsas manifestatas agimus, figurarum prænantiantium celebrationi serviamus.

Obijcies 3. Promissiones terrenæ quæ in veteri Testamento recensentur, tam longe distant a regno caelesti quod in novo Testamento promittitur, ut etiam si promissa gratis darentur, contemptui habenda forent. Ita ratiocinatur Faustus: Secunda vero causa est (ait) quod tam etiam misera ejus & corporalis, ac longe ab animæ commoatæ hereditas est, ut post beatam illam novi Testamenti sollicitationem, quæ celorum mihi regnum, & vitam perpetuam repromittit, etiam si gratis mihi testator suus ingereret, fastidirem.

Resp. dist. ant. Promissiones terrenæ, sumptæ secundum litteram, contemptui habendæ sunt, conc. ant. sumptæ secundum sensum mysticum, seu secundum res, quas representant, neg. ant. hinc factum est, ut promissa ad litteram sumpta veteribus Sanctis fastidio fuerint; sumpta vero quoad sensum mysticum, fuerint in ardentissimis eorum votis. Idque patet ex Davide, qui cum Psalmo 143. terrenam felicitatem his verbis descripsisset: Quernum filii sicut novella plantationes, addidissetque: Beatum arxerunt populum cui hæc sunt; statim id improbat, dicens: Beatus populus, cujus Dominus Deus ejus. Hinc Augustinus libro 4. contra Faustum merito sic loquitur: Non itaque spiritus nostra in temporalium rerum promissione afixa est, quanaquidem nec ipsos illius temporis sanctos & spirituales viros, Patriarchas & Prophetas, his terrenis rebus fuisse deditos credimus.

CA-

CAPUT V.

Utrum omnes homines Lege veteri tenerentur.

Not. IN veteri lege erant præcepta Moralia, & præcepta Cæremonialia. Illa non aliud erant quam lex naturalis, quæ in Decalogo compendiose continetur; ista vero erant, quæ præceptis moralibus superaddita sunt, quæque pertinent ad sacrificia, ad purificationes, & ad alios ejusmodi ritus.

CONCL. 1. Omnes homines lege veteri tenebantur, quantum ad præcepta moralia.

Probatur. Omnes homines obligati semper fuerunt ad ea facienda, quæ recta ratio præscribit, & ad ea omittenda, quæ eadem ratione prohibentur: id nimirum jubet lex æterna, quæ ordinem naturalem conservari jubet, perturbari vetat: atqui recta ratio præscribit præcepta moralia, ea nimirum quæ in Decalogo continentur, aut quæ ad illum reducuntur: ergo omnes homines tenebantur lege veteri quantum ad præcepta moralia.

CONCL. 2. Omnes homines non tenebantur lege veteri quantum ad præcepta cæremonialia, aut judicialia.

Probatur 1. si non tenebantur lege veteri quantum ad præcepta cæremonialia, aut judicialia, quibus lex vetus quoad illa capita imposita non fuerat: atqui (ut capite præcedenti dictum est) lex vetus quoad illa capita omnibus hominibus imposita non fuerat, sed tantum Abraham per Isaacum posteris: ergo &c.

Probatur 2. ratione S. Thomæ. Quæ statuuntur ad specialem aliquorum sanctificationem non obligant nisi illos: sic quæ statuuntur ad peculiarem Clericorum, aut Religiosorum sanctificationem, non obligant aut laicos, aut eos qui Religiosi non sunt: atqui lex vetus statuta fuerat ad specialem Judæorum sanctificationem, idque propter reverentiam Christi, qui ex Judaica gente nasciturus erat: ergo lex vetus sumpta secundum præcepta cæremonialia & judicialia non obligabat omnes homines.

Objicies 1. si omnes lege veteri tenebantur, qui subditi erant auctori legis veteris; qui enim alicui Principi subicitur, tenetur latis ab eo legibus parere: atqui omnes homines subditi erant auctori legis veteris, qui quidem (ut dictum est superius) non alius est quam Deus: ergo &c.

Resp. ad 1. neg. maj. Ad 2. dist. ant. Qui alicui Principi subicitur, tenetur latis ab eo legibus, quæ ipsi proposuere fuerint, conc. ant. quæ ipsi proposuere non fuerint, neg. ant. hincque sequitur, quod cum Deus legem ve-

terem solis Judæis proposuerit, ac propter eos tantum eam condiderit, soli Judæi ad illius observationem obligati fuerint.

Objicies 2. Gentiles olim salvari non poterant, nisi Judaicam legem observarent: si enim absque illius ministerio salutem consequi potuissent, melioris fuissent conditionis quam Judæi: isti scilicet præter legem naturalem debuerant observare Mosaicam, cum e contra Gentiles ad solam legem naturalem obligati fuerint: sed absurdum est consequens: ergo &c.

Resp. ad 1. neg. ant. Ad 2. neg. pariter ant. Ad 3. dist. ant. Judæi præter legem naturalem debuerunt observare Mosaicam, & sic facilius quam Gentiles consequi salutem, conc. ant. & non consequi facilius, neg. ant. Pejor conditio non sumitur a multitudine observandorum: multitudo enim observandorum magis cum Deo conjungit, sed sumitur a majori remotione a salute, quæ haud dubie major fuit in gentibus legis lumine destitutis, quam in Judæis, quos lex antiqua tanquam Pædagogus ad Christum perduxit.

Quæres 1. Utrum Gentiles potuerint olim amplecti legem veterem.

Resp. potuisse 1. per aggregationem ad populum Judaicum, juxta illud Exodi 12. *Si quis peregrinorum in vestram voluerit transire coloniam, & facere Phasce Domini, circumcideretur prius omne masculinum ejus: & tunc rite celebrabit, erisque sicut indigena terra.* Potuerunt 2. sine aggregatione ad populum Judaicum plura ex præceptis veteris legis, aliis omnibus, in sui regimen seligere: si tamen in reverentiam legis ante Christi mortem circumciderentur, totius legis debitores erant; quemadmodum qui in statu gratiæ, baptismo initiatur, omnes Christi & Ecclesiæ leges observare tenetur; unde est illud Apostoli ad Galatas 5. *Testificor autem rursus omni homini circumcidenti se, quoniam debitor est universæ legis facienda.* Qui vero inter Christianos in honorem Synagogæ mortuæ circumcisi sunt, legalibus nequaquam tenebantur: neque enim Timotheus, quem Paulus circumcidit, obligatus fuit ad Legalia.

CAPUT VI.

Utrum Lex vetus convenienter data fuerit.

Not. QUæremus hic 1. utrum lex vetus convenienti tempore data fuerit: 2. quandonam vetus Testamentum inceperit; 3. quibus cum sollemnitatibus lex data fuerit.

CONCL. 1. Lex vetus data fuit convenienti tempore.

Probatur argumento S. Thomæ. Lex duobus

C. 2

bus

bus hominum generibus imponitur, malis nimirum, ut in officio contineantur, & bonis ut ad bonum adjuvantur: atqui utrorumque respectu lex vetus data fuit convenienti tempore. Et quidem 1. respectu malorum convenienti tempore, quo data est: per proprium nimirum experimentum ab Adami lapsu ad Moysen usque didicerant, rationem naturalem satis non esse ad vitandum malum & agendum bonum: 2. Convenienti quoque fuit respectu bonorum; nempe data est lex in auxilium; quod quidem tunc maxime populo necessarium fuit: multo enim ante, Abraham nimirum tempore, defectu cognitionis in gravissima scelera, ipsam etiam idololatriam, lapsus fuerat. Itaque par fuit, ut ante legem flueret tempus, quo superbus homo suam experiretur imbecillitatem: par quoque fuit, ne ulterius differretur illius promulgatio, ne diuturniori tempore nimium obtenebresceret illius ratio.

CONCL. 2. Vetus Testamentum sumptum pro pacto, quod Deus de gentibus in Christo benedicendis pepigit, incepit in Abrahamo: Sumptum vero pro preceptis caeremonialibus & judicialibus, incepit tantum Moysis aetate.

Probatur prima pars. Pactum de gentibus in Christo benedicendis, sancitum fuit cum Abrahamo, juxta illud ad Galat. 3. *Abraham dictae sunt promissiones & semini ejus; non dicti, Es seminibus, quasi in multis, sed quasi in uno; & semini tuo qui Christus est. Hoc autem dico, testamentum confirmatum a Deo.*

Probatur altera pars. Excepto precepto de circumcisione, quod Abraham datum est; excepta etiam distinctione mundorum animalium ab immundis, quae coepit in ipso mundi exordio, caeremoniae quae in antiqua lege reperiuntur, nusquam ante Moysen ab Israelitis usurpatae sunt: ergo Moysis solum aetate coeperunt; hoc est, triginta annis supra quadraginta a promissione Abraham facta: *Qua (ait Apostolus ad Galatas 3.) post quadringentos & triginta annos facta est lex, non irritum facit ad evacuandam promissionem.*

C A P U T VII.

De abrogatione veteris Legis.

Not. **Q**uaremus hic 1. utrum lex vetus abrogata fuerit; 2. quandonam desierit; 3. utrum statim post illius abrogationem mortifera fuerit.

CONCLUSIO 1. Lex vetus omnino abrogata est.

Probatur 1. ex Scriptura. Lucæ 16. hæc habentur: *Lex & Propheta usque ad Joannem.* 2. Apostolus in epistola ad Galatas, c. 3.

& 4. variis argumentis probat abrogatam esse legem veterem, asseritque Christum nihil eis profuturum qui crediderint eam adhuc vigere: *Si circumcidimini (inquit) Christus nihil vobis proderit.* Et postea: *Evacuati estis a Christo qui in lege justificamini.* Idem etiam demonstrat in epistola ad Hebræos: *Translato (ait. c. 7.) sacerdotio, necesse est ut legis translato fiat;* ergo cum Aaronicum Sacerdotium in Christum translatum sit, necesse est legem veterem translata, hoc est, abrogatam fuisse.

Probatur 2. ratione. Lex vetus abrogari debuit, ubi venit plenitudo temporis: neque enim sancita fuerat ut in æternum staret, sed tantum (ut ait Apostolus ad Galat. 4.) *Donet veniret plenitudo temporis;* atqui jam venit plenitudo illa temporis, Christus nimirum: ergo lex vetus abrogata est.

Confirmatur. Lex umbrarum & figurarum abrogari debuit, cum res umbris illis & figuris significatae acciderunt: sicut orto sole necesse est, ut desinant umbræ: atqui acciderunt res, novum scilicet Testamentum, legis figuris & umbris significatae: ergo &c.

Objicies 1. Lex vetus in Scripturis appellatur perpetua. Baruch. 4. *hic est liber mandatorum Dei, & lex quæ est in æternum.* 2. Christus expresse ait in Evangelio: *Non veni solvere legem, sed adimplere.*

Resp. ad 1. dist. ant. Lex est in æternum, improprie, in quantum scilicet æternum (ut sapius fit in Scripturis) pro longiori tempore sumitur, conc. ant. proprie, in quantum perpetuam durationem, ad mundi finem usque, significat, neg. ant. Addi potest legem dictam esse perpetuam non ratione litteræ, sed ratione mysteriorum quæ in ea significabantur, hoc est, ratione Evangelii quod ad finem usque sæculorum perdurabit.

Resp. ad 2. dist. ant. Christus non venit solvere legem quantum ad ea quæ significabat, immo quantum ad hoc eam implevit, conc. ant. quantum ad illius corticem & litteram, neg. ant.

Objicies 2. Lex vetus adhuc stat quoad præcepta moralia, nempe quoad Decalogum, ad quem omnia morum præcepta reducuntur: non minus enim tempore legis novæ obligant Decalogi mandata, quam obligarent antequam Christus novam legem instituisset: ergo lex vetus non est omnino abrogata, sed tantum secundum aliqua, nimirum quoad præcepta caeremonialia & judicialia.

Resp. ad 1. neg. ant. Ad 2. dist. ant. Non minus nunc in lege nova quam olim in veteri obligant Decalogi mandata vi legis naturalis & Evangelicæ, conc. ant. vi legis veteris, neg. ant. Judæi, qui infringebant Decalogi mandata, prævaricatores erant, tum in legem naturalem, tum in legem scriptam; Christiani vero eum ea non observant,

vant, rei sunt legis naturalis & legis Evangelicæ, in qua iterum confirmata & renovata fuerunt.

CONCL. 2. Lex vetus abrogata non fuit ante Christi mortem.

Probatum 1. Christus ipse & Apostoli veterem legem accurate observarunt, juxta illud Evangelii; *Non veni solvere legem, sed adimplere*: unde Judæi nec Christum, nec Apostolos ante mortem Domini usquam accusarunt quod promulgatam a Moyse legem infregerint; id alioquin accusationis non prætermisuri ut Christum & Apostolos in inviam apud plebem adducerent, si constitutis a Moyse caeremoniis non adhæsisent. 2. Ante mortem Domini completa non fuerunt præcipua mysteria, quæ de Christo prænnuntiata fuerant, mors illius, v. g. passio & resurrectio. 3. Tunc tantum lex antiquari debuit, cum ejus sacerdotium translatum est: atqui quoad actum præcipuum, veri scilicet agni in lege prænnuntiati immolationem, ante mortem Domini translatum non fuit sacerdotium: ergo &c.

Obijciens. Lucæ 16. hæc habentur: *Lex & Prophetæ usque ad Joannem*: ergo ubi Joannes in lucem editus est, aut saltem ubi prædicationis suæ fecit initium, lex abrogata fuit.

Resp. dist. ant. Lex & Prophetæ usque ad Joannem, quantum ad modum prænnuntiandi Christum, conc. ant. quantum ad legis substantiam, neg. ant. Sensus allatæ ex Luca sententiæ est, Joannem digito monstrasse Messiam, quem lex & Prophetæ futurum tantum prædixerant.

CONCL. 3. Lex vetus abrogata est in Christi morte.

Probatum 1. In Christi morte translatum fuit legis veteris sacerdotium in Christum, cum seipsum hostiam obtulit in cruce: *Translatum sacerdotio* (ait Apostolus ad Hebræos) *neceste est, ut legis translatio fiat*. 2. In Christi morte velum Templi scissum est; hoc est, refferatum est id quod figuris obtektum erat. 3. Patres hanc Christi in cruce pendentis vocem, *Consummatum est*, interpretati sunt de legis antiquatione, quasi Christus dixisset, lex consummata est, seu desit plane illius virtus, desit vis obligandi.

CONCL. 4. Quamvis lex vetus quoad illius vim obligandi, plane desierit in Christi morte, non statim tamen facta fuit mortifera.

Probatum. Ea lex statim post Christi mortem non fuit mortifera, cujus ritus aliquandiu postea licite observari potuerunt: atqui aliquandiu post Christi mortem ritus legis veteris licite observari potuerunt. Nam & illos Paulus redigit ad præxim: nempe Timotheum ex matre Judæa natum, ut habetur Actuum 16. circumcidit; eorundem Actuum c. 21. suadente Jacopo legali purificatione usus est, & purificatus cum Judæis in-

Juvenin. Inst. Theol. Mor. Tom. III.

gressus est in Templum. 2. Tota Ecclesia ad 1. Concilium generale Jerosolymis coacta ritus illos, saltem ex parte (ut legitur Actuum 15.) gentibus ad Christum conversis, observari præcepit: *visum est Spiritui sancto & nobis* (ajunt Apostoli ad Synodum congregati) *nihil ultra vobis imponere oneris quam hæc necessaria, ut abstinatis vos ab immolatis simulacrorum, & sanguine, & suffocato, & fornicatione*.

Obijciens 1. Apostoli post Christi mortem legalia sincere non servarunt, sed tantum simulatorie, hoc est, non servarunt in honorem legis: seu iis usi non sunt ad Dei cultum; sed ea servarunt tantum tamquam res plane indifferentes, veluti si quis nunc a suffocatis & sanguine temperaret non religionis, sed solius sanitatis causa: ergo ex Apostolorum factis colligi non potest, legem statim post mortem Christi non fuisse mortiferam.

Resp. neg. ant. Nam 1. nullum ejusmodi simulationis extat in Scripturis fundamentum. 2. Actor. 21. Jacobus Paulo auctor fuit, ut se ipsum cum quatuor qui se voto obstrinxerant, sanctificaret: vox autem illa, *Sanctificaret*, simpliciter sumpta non simulatoriam, sed veram sanctificationem, hoc est, ad Dei cultum relatum significat. 3. Paulus ex Jacobi consilio, seipsum sanctificavit, ut ostenderet se (ut a quibusdam calumniatus fuerat) non docere aliud quam quod Moyses docuerat, *Et scient omnes* (verba sunt Jacobi) *quia quæ de te audierunt, falsa sunt, sed sequeris & ipse custodient legem*: atqui si Paulus simulatione se ipsum sanctificasset, hoc est, si legalem sanctificationem, non in Dei cultum, sed ad aliam causam retulisset, facto suo non probasset, se per Evangelii prædicationem a Moyse non discedere.

3. Augustinus in Epistola ad Hieronymum sic in illud Jacobi consilium loquitur: *Si vero sic ea reprobares quemadmodum de illo auditum erat, & ideo celebranda susciperes, ut actione simulata suam occultares sententiam, non ei diceret Jacobus, & scient omnes; sed diceret, & putabunt omnes, quoniam quæ de te audierunt, falsa sunt*. 4. Si Scriptura sinceram, hoc est, in Dei cultum relatum, legalium observationem significare voluisset, uti non potuisset clarioribus verbis, quam sint ea quæ adhibuit cum de Pauli sanctificatione, ex Jacobi consilio, locuta est: ergo de vera, non autem de simulatoria observatione intelligi debet.

4. Si Apostoli post Christi mortem animo tantum simulatorio legalia servassent, rei facti fuissent mendacii, & irreligionis & scandalii. Mendacii quidem, nam mendacium in eo positum est quod adhibeantur falsa signa ad ingenerandam falsam opinionem cum intentione fallendi: atqui id Apostoli

præstitissent: eis nimirum signis usi fuissent, ut Judæis ad Christi fidem conversis persuadere possent, se per illa signa Deum religiose colere, cum tamen id non haberent in animo. Irreligionis quoque rei fuissent: siquidem irreligio in eo posita est, quod quis ritus falsæ religionis assumat ea intensione, ut alii credant se illam religionem profiteri: atqui si Apostoli post Christi mortem animo simulatorio usi fuissent legalibus, signa falsæ religionis seu mortiferæ assumpsissent ex intensione, ut alii crederent, se adhuc illam religionem profiteri. Rei quoque fuissent scandalum. Nempe in eo positum est scandalum quod quis proximum suum suo exemplo confirmet in operatione rei alicujus malæ ac mortiferæ, aut quod quis suo exemplo proximum suum inducat ad faciendam rem mortiferam: atqui si Apostoli animo simulatorio legalia, alioquin in se mortifera, servassent, proximum exemplo suo in operatione rei malæ confirmassent, eumque suo exemplo ad eandem rem malam faciendam induxissent.

5. Tota ratio cur jam temporis legalia servari non possint, est quod jam sint mortifera: ergo si statim post Christi passionem mortifera fuissent, Apostolis non licuisset ea servare etiam animo simulatorio.

Instabis 1. Paulus id sincere non observavit, quod ipse docuit fuisse mortiferum: atqui Paulus docuit legalium observationem fuisse mortiferam: sic enim loquitur in Epistola ad Galatas cap. 5. *Si circumcidamini, Christus nihil vobis proderit*; ergo &c.

Resp. 1. Apostolum eo in loco non distinguere inter sinceram, hoc est, ad Dei cultum relatam circumcisionem, & circumcisionem simulatam, sed simpliciter & absolute dicit, *Si circumcidamini, Christus nihil vobis proderit*: ergo utramque in Galatis damnat tamquam mortiferam. Augustini est illa observatio, sic enim loquitur Epist. 19. *Nec est, si circumdamini veraciter, sicut nec fallaciter; sed sine ulla exceptione dixit: Si circumcidamini, Christus nihil vobis proderit. Sicut ergo tu (Hieronymus alloquitur) vis hic locum dare sententia tua, ut velis subintelligi, nisi fallaciter: ita non impudenter flagito, ut etiam nos illi intelligere suas eis dictum; si circumcidamini, qui propterea volebant circumcidi, quod aliter se putabant in Christo salvos esse non posse. Hoc ergo animo, hac voluntate, ista intensione quisquis tunc circumcidebatur, Christus ei nihil omnino proderat.*

Resp. 2. dist. maj. Paulus, id sincere non observavit, quod ipse docuit fuisse mortiferum, si assumeretur propter necessitatem salutis, conc. maj. si propter solam œconomiae necessitatem, neg. maj. Galatæ a quibusdam pseudoprophetis decepti, censabant legalium observationem non minus in Evangelio quam in veteri Testamento ad salutem requiri:

Circumcisionem igitur cum impio illo errore conjunctam damnat Apostolus, non autem circumcisionem assumptam propter solam œconomiae necessitatem: qua quidem œconomia licet nec Galatæ, nec aliæ gentes ad fidem conversæ uti non potuerint, eo quod nulla eos urgeret necessitas significandi se ritus Moïsaicos tamquam malos & idololatricos non detestari, illos tamen Apostoli adhibere potuerunt ejusdem œconomiae causa, ut scilicet Judæis conversis persuaderent falsæ esse, quæ de illis a quibusdam malevolis dicta fuerant, detestari nimirum eos, tamquam idololatricos ritus, legalia quæ in lege Moïsis præscripta fuerant.

Instabis 2. Ille sincere non observavit legalia, qui Petrum ea sincere observantem arguit Antiochiæ: atqui Paulus Petrum legalia sincere observantem arguit Antiochiæ, & quidem merito, ut ipsemet testatur in Epistola ad Galatas c. 2. *Cum autem (inquit) venisset Cephas Antiochiam, in faciem restiti, quia reprehensibilis erat. Prius enim quam venirent quidam a Jacobo, cum gentibus edebat; cum autem venissent, subtrahabat & segregabat se timens eos, qui ex circumcissione erant. Et simulationi ejus consenserunt ceteri Judæi, ita ut & Barnabas duceretur ab eis in illam similitudinem: Sed cum viderem quod non recte ambularet ad veritatem Evangelii, dixi Cepharum omnibus: Si tu, cum Judæis sis, gentiliter vivis & non judaice, quomodo gentes cogis judicare?*

Respondet Hieronymus in Epistola ad Augustinum, nec Petrum vere reprehensibilem fuisse, nec vere a Paulo fuisse reprehensum: in specie nimirum tantum Petrum reprehensibilis fuit, & simulate solum a Paulo fuit reprehensus. Petrus (inquit laudatus Pater) eo animo se subduxit a gentiliū mensa, ea mente legalia cum Judæis observavit, ut Pauli reprehensioni locum daret, eaque apparenti reprehensione Judæi intelligerent posse christianos, etiam Judæos, cum gentibus ad fidem conversis non observare legalia.

Sed falsa est illa responsio, seu falsum est Petrum simulate cum Judæis conversis observasse legalia; falsum est quoque eum simulate tantum a Paulo fuisse reprehensum.

Nam 1. Apostolus in Epistola ad Galatas scribit, Petrum fuisse reprehensibilem: *Reprehensibilis erat*: 2. Testatur, eum non recte ad Evangelii veritatem ambulasse: *Sed cum viderem quod non recte abularet ad veritatem Evangelii*; atqui falsum id esset, si Petrus simulate tantum Antiochiæ legalia servasset, si Paulus simulate tantum eum arguisset: immo Petrus laudari debuisset, si ex composito a gentibus discessisset, ut inani Judæorum ad fidem conversorum scrupulo mederetur. 3. Idem Apostolus cap. 1. Epistolæ ad Galatas asserit, & quidem cum juramento, vera eum

quæ-

quæcumque in Epistola illa continentur: *Quæ autem* (inquit) *scribo vobis, ecce coram Deo, quia non mentior; sed si simulate tantum Petrus observasset legalia, si simulate tantum cum Paulus arguisset, quæ in eo capite a Paulo scripta sunt in Epistola ad Galatas, vera non essent, seu verum non esset, Petrum reprehensibilem fuisse: eum recte non ambulasse ad veritatem Evangelii. Augustini est illud argumentum: sic enim Epistola 19. loquitur: Si hoc fecit Petrus quod facere debuit: mentitus est Paulus quod eum viderit non recte ingredientem ad veritatem Evangelii. Quisquis enim hoc facit, quod facere debet, recte utique facit; & ideo falsum de illo dicit, qui dicit eum non recte fecisse quod eum novit facere debuisse. Si autem verum scripsit Paulus, verum est quod Petrus non recte tunc ingrediebatur ad veritatem Evangelii: Id ergo faciebat quod facere non debebat; & si tale aliquid Paulus ipse jam fecerat, correctum potius etiam ipsum credam Coapostoli sui correctionem non potuisse negligere, quam mendaciter aliquid in sua epistola posuisse, & in epistola qualibet, quanta magis in illa, in qua prælocutus ait: Quæ autem scribo vobis, ecce coram Deo, quia non mentior.*

Respondeo igitur neg. maj. Ratio est, quia in iis circumstantiis, Paulus legalia observavit, in quibus eorum observatio tantum abest, ut fuerit scandalo, quin e contra ædificationi fuerit: e contra Petrus ea Antiochiæ servans, Gentibus ad fidem conversis, a quibus se subtraxit, ut judaice viveret, scandalo fuit, licet incautus: scilicet exemplo suo gentes a quibus discessit, induxit ad id faciendum ad quod non tenebantur, induxit quoque ad credendum ad id se teneri, ad quod revera non tenebantur, hoc est, in tempestiva sua praxi gentes induxit, ut crederent, legalium observationem ad salutem in Evangelio requiri: Si tu (ait Paulus Petrum arguens) cum *Judeis sis, gentilibus vivis, & non judaice, quemadmodum gentes cogis judaizare?*

Instabis 3. Apostolus Petri factum simulationem bis vocat: *Es simulatione eius.* (inquit in Epistola ad Galatas cap. 2.) *consenserunt ceteri Judæi, ita ut & Barnabas duceretur ab eis in illam simulationem:* ergo Petrus Antiochiæ non sincere, sed simulate tantum, legalia servavit.

Resp. dist. ant. Apostolus Petri factum simulationem vocat in se, conc. ant. in animo Petri, neg. ant. Petri factum in se fuit simulatio, quia in se fuit signum quod legalium observatio a gentibus ad fidem conversis usurpari deberet: sed non fuit simulatio in animo Petri: hoc est, Petrus non observavit legalia ut persuaderet se ea in Dei cultum non observare, cum tamen alia ex causa ea servaret. Id enim a parte demon-

strant, quæ huc usque a nobis relata sunt momenta.

Instabis 4. S. Hieronymus pluribus in Epistolis docet, Apostolos post Christi mortem simulate tantum servasse legalia: ergo ex legalium observatione ab Apostolis usurpata colligi non potest, sinceram, hoc est, adhibitam in Dei cultum, legalium observationem, post Christi passionem, non fuisse mortiferam.

Resp. conc. ant. neg. conseq. Neque enim Hieronymus (ut pluribus Epistolis Augustinus demonstravit) assecutus est eo. in capite germanum scripturæ sensum. Præterea Hieronymus lectis Augustini Epistolis, tandem a priore sua sententia discessit, abiitque in eam quam Augustinus defenderat; scilicet lib. 1. contra Pelagianos cap. 8. Petrum recenset inter eos qui licet maxima sanctitate commendati sint, peccatis tamen venialibus sunt obnoxii; idque probat ex eo, quod (ait) *Paulus dicat de Petro, quod non recto pede incesse in Evangelii veritate; & in tantum reprehensibilis fuerit, ut & Barnabas adductus fuerit in eandem simulationem. Quis indignabitur id sibi denegari quod princeps Apostolorum non habuit?* Eam Hieronymi mutationem pluribus commendat S. Augustinus in Epistola 260. quæ est ad Oceanum.

Quæres 1. in quo circa legalium observationem Hieronymus, & Augustinus convenirent: & in quo præcise dissentirent.

Resp. Hieronymum & Augustinum in multis circa legalium observationem convenisse. Scilicet conveniebant 1. legalium observationem aliquo modo post Christi mortem fuisse licitam: 2. post Christi mortem licitum non fuisse uti caeremoniis Moisaicis tamquam vim aliquam, & efficaciam habentibus, multoque minus tamquam necessariis ad salutem; 3. non licitum fuisse iis uti tamquam significantibus futura; 4. Eas post sufficientem Evangelii promulgationem factas fuisse mortiferas.

Dissentiebant vero, quod Hieronymus vellet eas post Christi mortem statim fuisse non solum mortuas, hoc est, vi carentes, sed etiam mortiferas, id est, mortem spirituales iis inferre qui eas in Dei cultum usurpassent; Augustinus e contra mortuas quidem esse fateretur, sed negaret fuisse tunc mortiferas: 1. Quod Hieronymus contenderet Apostolos nunquam sincere, hoc est, ad cultum Deo exhibendum, usos fuisse legalibus, sed simulatorie dumtaxat, id est, absque animo exhibendi cultum Deo per illorum usum; Augustinus e contra doceret, Apostolos ex animo & sincere aliquandiu post Domini mortem usurpasse legalia. 3. Quod Hieronymus post Origenem, Didymum, Apollinarem, & S. Joannem Chrysostomum, contenderet, Petrum ne levioris quidem culpæ reum fuisse cum Antiochiæ gentes judaizare coegit; e contra Augusti-

nus affirmaret post Cyprianum Epist. 71. Ambrosium in locum Epistolæ ad Galatas de quo agitur, sanctum Petrum venialiter peccasse defectu debitæ attentionis ad scandalum quod prævidere debuit oriturum esse ex suo legalium usu, & ex sua præposita in Iudæos conversos œconomia. 4. Quod Hieronymus doceret simulatorie tantum arguisse Paulum; Augustinus e contra vellet, Paulum sincere arguisse Petrum, quod vere reprehensibilis esset, recteque ad Evangelii veritatem non ambularet.

Quæres 2. an Cephæ quem Paulus arguit, fuerit Petrus Apostolorum Princeps, an vero unus ex septuaginta discipulis.

Resp. aliquos ex veteribus, inter quos Clemens Alexandrinus apud Eusebium libro hist. cap. 12. censuisse, Cephæ illum non fuisse Petrum Apostolorum Principem, sed aliquem ex septuaginta discipulis. Vera est tamen proposita sententia: nam 1. & Cephæ quem Paulus arguit, & Jacobus, & Joannes dicuntur columnæ Ecclesiæ, ac dextræ Paulo & Barnabæ dedisse: at Petrus alius ab Apostolorum Principe adjungi non potuit Jacobo & Joanni, tamquam Ecclesiæ columnæ, nec Paulo dextræ dedisse: nec obest quod Paulus Petri Apostoli adventum Antiochiam non recensuerit: scilicet, ut ipse Paulus fatetur, multa in Epistola ad Galatas omissa sunt.

Quæres 3. cur Paulus, idem agens quod Petrus, nullius vel levioris noxæ reus fuerit.

Resp. Paulum nullius noxæ reum fuisse quod (ait S. Thomas in hunc locum) debitam diligentiam adhibuerit, ne id fieret in iis circumstantiis, in quibus alicui posset esse scandalo; Petrus e contra (ut jam dictum est) non attenderit ut (cum pastor esset) attendere debuerat, ad scandalum quod ex illius facto in gentibus exortum est.

CONCL. 5. Destructo a Romanis Hierosolymitano Templo, quadragesimo circiter anno post Christi mortem, legalia fuerunt mortifera.

Probatur 1. Ideo statim post Christi mortem legalia non fuerunt mortifera, quod (ut ait Augustinus) synagoga cum aliquo honore sepelienda esset: Sed non itabat illa ratio post destructum a Romanis Hierosolymitanum Templum: plane nimirum sepulta fuit, & extincta per Templi, in quo uno licebat offerre sacrificia, destructionem. 2. Opus non erat œconomia diuturniori cum Iudæis, promulgato latius Evangelio. 3. Periculum erat, ne diuturnior legalium observatio favoriseret errori Ebionis & Cerinthi, contententium eam observationem esse christianis necessariam ad salutem. Periculum erat pariter, ne scandalo esset gentibus ad fidem conversis: si enim vidissent tanto tempore servari legalia, arbitrati fuissent, vel Christi merita non fuisse sufficientia ad ju-

stificationem, vel ipsum esse gratis mortuum.

Nec contrarium probat exemplum Asiaticorum, qui Iudæorum adinstar ad Victorem Papam usque Pascha celebrarunt luna 14. Mensis Martii, in quamcumque hebdomadæ diem incideret.

Non obstat quoque auctoritas Tertulliani, qui ineunte tertio sæculo Gentiles exprobrantes Christianis, quod in suis conventibus humanam carnem ederent, hoc argumentum confutat: *Erubescat error vester christianis, qui ne animalium quidem sanguinem in esculentis habemus; qui propterea quoque a suffocatis & morticinis abstinemus.*

Non obstant (inquam) duo illa argumenta. Nam 1. ita se gesserunt Asiatici, tum quod crederent suam disciplinam circa diem paschatis esse ex Evangelii præscripto, tum quod eis persuasum esset, eam a prioribus Asiæ Episcopis, ipso etiam Evangelista Joanne, observatam fuisse. Utramque illam rationem objecit olim Victori Papæ Polycrates data ad ipsum Epistola, quam Eusebius historiz lib. 5. cap. 23. describit. 2. Christiani, tempore Tertulliani, a suffocatis, morticinis, & sanguine animalium temperarunt, non ex virtute & præscripto legis Moisaicæ, sed ex vi consuetudinis quæ apud eos invaluisse; aut vi præcepti Ecclesiastici, quod ab Apostolis in primo Concilio Hierosolymitano gentibus ad fidem conversis impositum fuerat.

De eo Ecclesiastico præcepto hæc habet Augustinus lib. 22. contra Faustum cap. 13. *Et in Actibus Apostolorum hæc lege præceptum ab Apostolis, ut abstinerent gentes tantum a fornicatione, & ab immolatis, & a sanguine, id est, ne quidquam ederent carnis, ejus sanguis non esset effusus. Quod alii non sic intelligunt; sed a sanguine præceptum esse abstinendum, ne quis homicidio se contamineat. Hoc nunc discutere longum est, & non necessarium: quia & si Apostoli tunc præceperunt, ut ab animalium sanguine abstinerent Christiani, ne suffocatis carnibus vescerentur, elegisse mihi videntur rem facilem, & nequaquam observantibus onerosam, in qua cum Israelitis etiam gentes, propter angularem illum lapidem duos in se condentem, aliquid communiter observarent, & simul admonerentur, in ipsa arca Noë, quando Deus hoc jussit, Ecclesiam omnium gentium fuisse figuratam: cujus facti prohibitio jam gentibus ad fidem accedentibus inciperet impleri.*

CAPUT VIII.

De praeceptis veteris Legis.

Not. 1. **L** Ex vetus tria praeceptorum genera complectebatur, Moralia, Cereemonialia, & Judicialia, juxta illud Deuteronomii 5. *Loquar tibi mandata mea, & caeremonias atque judicia.*

Not. 2. Praecepta Moralia sunt ea, quae ad mores ad rectae rationis normam exigendos conferunt. Haec, licet ad legem naturalem pertineant, veteri tamen legi tribuuntur: c) quod in ea renovata fuerint, ac simul cum caeremonialibus & judicialibus tradita. Praecepta Cereemonialia sunt ea, quibus certus ritus ad Dei cultum praescribuntur. Hujusmodi sunt Templum, Sacrificia, Levitae, immunditiae, Purificationes, & ejus generis alia. Praecepta Judicialia sunt ea, quae certum modum praescribunt justitiae inter Judaeos servandae.

Not. 3. De praeceptis Moralibus multa quaerit & docet S. Thomas 1. 2, tota quaestione 100. De caeremonialibus vero ac judicialibus agit a quaestione centesima prima usque ad centesimam quintam inclusive. Quaestiones illas Lector adire poterit. De Moralibus tantum, quae (ut dictum est) ad Decalogum reducuntur, nonnulla hic inferenda esse censuimus.

De Decalogo.

Not. 1. Deus Decalogi legem scripto mandari voluit, quod ex corruptis hominum cordibus fere delata esset; nec ad id quod spiritualis hominis residuum erat, homines carnales vellent attendere, nisi per ipsosmet sensus ad id cogerentur: *Sed ne sibi homines (inquit Augustinus in Psal. 57.) aliquid defuisse quaerentur; scriptum est in Tabulis, quod in cordibus non legebant: Non enim scriptum non habebant; sed legere nolebant: oppositum est oculis eorum quod in conscientia legere cogerentur, & quasi forisfusus auctore Dei, ad interiora sua homo compulsum est.*

Not. 2. Hic in Decalogo servatus est ordo, quod quae ad Deum pertinent, tria priora praecepta complectantur; quae vero ad proximum, posteriora septem: his autem verbis Decalogus Exod. c. 20. describitur.

Primum Mandatum: Non habebis deos alienos coram me: non facies tibi sculptile, neque omnem similitudinem quae est in caelo desuper, & quae in terra deorsum, nec eorum quae sunt in aquis sub terra. Non adorabis ea, neque coles.

Alterum: Non assumes nomen Dei tui in vanum: nec enim habebit infontem Dominus cum qui assumpserit nomen Dei sui frustra.

Tertium: Memento ut diem Sabbati san-

ctifice. Sex diebus operaberis, & facies omnia opera tua. Septimo autem die, Sabbatum Domini est. Non facies omne opus in eo tu & filius tuus, & filia tua, servus tuus & ancilla tua, jumentum tuum, & advena, qui est intra portas tuas. Sex enim diebus fecit Dominus caelum & terram, & mare, & omnia quae in eis sunt; & requievit in die septimo, idcirco benedixit Dominus diei Sabbati & sanctificavit eum.

Quartum: Honora patrem tuum & matrem tuam, ut sis longaevus super terram, quam Dominus Deus tuus dabit tibi.

Quintum: Non occides.

Sextum: Non moechaberis.

Septimum: Non furtum facies.

Octavum: Non loqueris contra proximum tuum falsum testimonium.

Nonum, & Decimum: Non concupisces domum proximi tui: nec desiderabis uxorem ejus, non servum, non ancillam, non bovem, non asinum, nec omnia quae illius sunt.

Eodem ordine Decalogus traditur Deuteronomii capite 5.

ARTICULUS I.

De primo Decalogi mandato.

IN his verbis: *Non habebis Deos alienos coram me*, quibus continetur primum Decalogi mandatum, duo sunt, quorum alterum jubendi, alterum prohibendi vim habet; ea etenim est illorum verborum sententia, *Me verum Deum coles: alienis Diis cultum non exhibebis.*

Priori igitur parte homini praecipitur, ut Deo adorationem exhibeat, seu ut supremum illius in creata omnia dominium per fidem agnoscat; illi subiciat se per caritatem, & in eo tamquam omnipotentissimo, ac maxime benefico, spem colloquet tuam. Imungitur itaque trium virtutum Theologicarum, Fidei, Spei, & Caritatis exercitium: quod quidem Christus his verbis apud Joannem significatum voluit: *Veri adoratores adorabunt Patrem in Spiritu & veritate.* Nec mirum: exterior enim corporis incurvatio, imperfectus est cultus; cum ex Augustino, si ab aliqua ex illis virtutibus non imperaretur, ficta sit & adumbrata tantum adoratio. Quid earundem virtutum actus complectantur, quoque tempore specialiter elici debeant, dicetur inferius ubi de illis Theologicis virtutibus expresse disseremus.

Posteriore parte huius praecipi: *Non habebis Deos alienos coram me*: vetamur ne cuiquam alteri divinum cultum exhibeamus, ut solebant permulti Judaeorum; qui, licet se verum Deum colere profiterentur, Deorum tamen multitudinem venerabantur, quique (ut eis Elias objiciebat) in duas partes claudiebant, quod & Samaritae fecerunt, qui simul Deum Israelis, & deos gentium colebant.

Pec-

Peccant igitur contra alteram hujus præcepti partem; 1. qui contra fidem peccant, ut Ethnici, qui sufficienter Evangelium docentur: 2. hæretici, qui nolunt ea credere, quæ sancta mater Ecclesia credenda proponit: 3. ii omnes qui somniis, auguriis, ceterisque vanissimis rebus credunt: 4. qui peccant in spem, cujusmodi sunt ii qui de sua salute desperant: qui non confidunt divinæ bonitati: qui divitiis aut aliis animi, corporis, aut fortunæ bonis tantum inniuntur: 5. denique, qui in caritatem peccant, ut sunt ii quibus amor creaturæ dominatur, quique statutis temporibus speciales illius actus non eliciunt. Vide quæ inferius in tractatu de fide, spe, & caritate dicentur.

Quares qua ratione cultus, qui uni Deo debetur, concilietur cum cultu, quo Catholici Angelos ac sanctos prosequuntur: & quomodo imaginum usus & cultus cum primo illi mandato stare possint.

Resp. de duplici illa quæstione fusa a nobis actum fuisse harum Institutionum Tom. 2. ubi egimus de adoratione, Christo, & illius imaginibus a Catholicis exhiberi solita.

ARTICULUS II.

De secundo Decalogi mandato.

Alterum hoc Decalogi præceptum: *Non assumes nomen Dei tui in vanum*, ex priore sequitur: nam is qui Deo, prout primo mandato jubemur, cultum debitum tribuit, cavet in primis ne quidpiam agat contrarii, proindeque sedulo satagit, ne assumendo nomen illius in vanum, alicujus in eum irreverentiæ reus constituatur.

Deus præceptum de quo agitur, sancire voluit, ut homines facilius intelligerent quam grave esset periculum in vanum assumere, non syllabas quibus constat Dei nomen, sed rem ipsam illis syllabis significatam, seu essentiam divinam, aut attributa, aut personas, aut alias illius perfectiones.

Hæc de jurejurando lex duabus partibus constat. Priore jubemur divino numini honorem tribuere; posteriore vero, prohibemur, non quidem ne omnino, sed ne per ipsum, aut falsum, aut frustra, aut temere juremus, ac ea ratione illius nomini contumeliā irrogemus. Sed ut materies hæc eo, quo par est, modo pertractetur, agendam est 1. de juramenti essentia: 2. de conditionibus ad ipsam requisitis: 3. de illius tum materia, tum forma: 4. de subiecto, seu de personis, quæ juramenti capaces sunt: 5. de variis illius effectibus: 6. denique de modis, quibus tolli potest obligatio, quam quis juramento contraxerit.

De essentia juramenti.

Juramentum recte definitur: Attestatio divini Numinis ad fidem faciendam, aut firmandam promissionem.

Explicatur definitio. Juramentum dicitur 1. *Attestatio divini Numinis*, quod nempe sit actio per quam Deus vocatur in testem disti aliquid affirmantis, aut negantis, aut promittentis. Vocatur (inquam) ut supremus testis, ac omni exceptione major, rogaturque ut infallibili sua asseveratione veritatem latentem aperiat, quando ei visum fuerit, saltem in die judicii, ut ait Apostolus 1. ad Cor. 4. *Illuminabit abscondita tenebrarum, & manifestabit consilia cordium*. Juramentum dicitur 2. *Ad faciendam fidem*; idque in juramento assertorio; *Ad promissionem vero firmandam*, in juramento promissorio.

Ex his patet, juramentum esse actum religionis, ac cultus latræ: qui enim jurat, implicite profitetur Deum esse primam veritatem, fatetur, eum esse omnipotentem, omniscium, universi provisorum, & gubernatorem. Patet 2. juramentum in debitis circumstantiis adhibitum, non esse prohibitum secundo Decalogi mandato, e contra sequitur, illud esse non tantum rem licitam, sed bonam & piam. Hinc Deus per semetipsum jurat Genesis 22. ad Hebræos 6. filio suo Christo æternum sacerdotium cum juramento pollicetur. Hinc etiam Apostolus jurare non timuit 1. ad Corinth. 15. *Per vestram gloriam*, & c. 10. *Deum testem invoco*, ad Galat. 1. *Ecce coram Deo, quia non mentior*.

Nec est, quod quis objiciat 1. hæc Christi apud Matth. verba, *Dico vobis non jurare omnino*: 2. nec ista alia apud eundem Matthæum, cap. 5. *Sis autem sermo vester, est, est: non, non: quod autem his abundantius est, a malo est*. Nam prior locus damnat illud solum juramentum, quod debitis comitibus, judicio nimirum, justitiæ, & veritate destitutum fuerit: *Et ideo attendendum* (verba sunt S. Th. 2. 2. q. 89. art. 2. ad 2.) *quod sicut Augustinus dicit in libro de mendacio, quod Apostolus in epistolis suis jurans ostendit, quomodo accipiendum esset, quod dictum est, Dico vobis non jurare omnino, ne scilicet jurando ad facilitatem jurandi perveniatur, & ex facilitate jurandi ad consuetudinem, & a consuetudine ad perjurium decidatur; & ideo non invenitur jurasse nisi scribens, ubi consideratio cautior non habet linguam præcipiendam*. Alter locus sic exponitur ab Augustino, in lib. de Sermone Domini in monte: *juratio a malo est, non jurantis, sed incredulitatis ejus qui jurare cogit*. Nec mirum: qui enim juramentum exigit, cum diffidat homini affirmanti, aut neganti, aut promittenti, infirmus est. *A malo est* (inquit) *illius, cujus infirmitate jurare cogit*.

De

De juramenti comitibus.

Tres Comites, seu conditiones, requiruntur, ut juramentum sit licitum, juxta illud Jeremiae 4. *Jurabis, vivis Dominus, in veritate, & in judicio, & in justitia*. Itaque requiritur 1. ut id, quod asseritur, sit verum, vel certo existimetur verum, *in veritate*; qui enim falsum jurat, aut quod falsum, aut dubium patet, reus est maximae in Deum irreverentiae; cum scilicet vocans in testem mendacii, seu cum invocans ut mendacium confirmet.

Requiritur 2. ut *in judicio fiat*, hoc est, cum discretionem, seu solum cum urget gravis necessitas, aut magna utilitas speratur, scilicet peccant in honorem Deo debitum, qui pro re levi, aut temere, Deum in testem vocant. Quapropter (inquit Augustinus lib. 1. de Sermone Domini in monte) *quo intelligit non in bonis, sed in necessariis jurationem habendam, refranat se quantum potest ut non ea utatur nisi necessitate; cum videt pigres esse homines ad credendum quod eis utile est credere, nisi juratione firmetur*. Serm. 18. de verbis Apostoli; *Homines enim falsum jurant, vel cum fallunt, vel cum falluntur, aut putat homo verum esse quod falsum est, & temere jurat*.

Requiritur 3. ut id quod juramento promittitur, sit licitum, *in justitia*; neque enim Dei omnipotentia invocari potest ad executionem rei malae; unde Canone Qui Sacramento 12. q. 4. haec habentur. *Qui Sacramento se obligaverit, ut litigant cum quolibet, ad pacem nullis modo redeat, pro perjurio, uno anno a communione corporis & sanguinis reatum suum elemosynis, fletibus, & quantis potuerit, jejuniis, absolvat*.

De materiali & formali juramenti.

Materiale juramenti est id quod affirmatur, negatur, promittitur, cum invocatione divini Numinis: scilicet est id, ex quo juramentum constat, & circa quod versatur.

Nec est, quod quis dicat, multa in Scripturis juramenta reperiri, in quibus nulla est divini numinis invocatio. Nam etsi in eis semper explicita non sit, est tamen implicita: quia cum juratur per creaturas v. g. non juratur (inquit S. Thomas) prout in se sunt, sed prout in eis divina veritas elucet: sic juramus per Evangelium, id est, per Deum, cujus veritas in eo manifestatur, & per Sanctos qui eandem veritatem & crediderunt, & observarunt.

Duplex est jurandi modus, per simplicem nimirum contestationem; sitque cum DEUS simpliciter invocatur ad fidem faciendam; Per execrationem, cum nempe inducitur creatura aliqua in quam divinum judicium exerceatur:

Et sic (ait Sanctus Thomas) solet homo jurare per caput suum, aut per filium suum, aut per aliquam aliam rem, quam diligit; sic & Apostolus juravit 2. ad Cor. 1. dicens: *Ego autem Deum invoco in animam meam*: sic etiam Joseph Genesis 42. per salutem Pharaonis jurasse legitur.

Formale juramenti est intentio faciendi fidem. Scilicet qui jocosè exterius proferit verba, ex quibus juramentum constat, & non habet intentionem ut credatur, quamvis graviter peccet, quod nomine divino abutatur; tamen non censetur formaliter perjurus. Necessè est ergo ut in jurante sit intentio, saltem extrinseca, faciendi fidem per invocationem divini Numinis. Adest autem semper illa intentio, quoties ita a jurante verba juramenti proferuntur, ut qui audiunt, credant ea proferri ad faciendam fidem.

Hinc autem colligitur, juramentum non solvi: 1. terminis ambiguis & æquivocis; 2. nec malitiosa intentionis retentione; nec dolosis restrictionibus mentalibus; nec verbis occulte prolatis; nec fallacia quacumque.

Confirmari possunt illationes illae, auctoritate S. Aug. qui epist. 224. sic loquitur: *Perjuri sunt qui servatis verbis expeditionem eorum, quibus juratum est, decipiunt*. Confirmatur 2. ex decreto Cleri Gallicani ad Comitia generalia congregati anno 1700. scilicet a quibusdam recentioribus haec tres propositiones circa juramentum prolatae fuerant in medium: 1. *Cum causa licitum est jurare sine animo jurandi, sive res sit levis, sive gravis*. 2. *Qui jurandi intentionem non habet, licet falso juret, non pejerat, etsi alio crimine tenetur, puta mendacii alicujus*. 3. *Qui jurat cum intentione non se obligandi, non obligatur ex vi juramenti*: his autem propositionibus quasum prima jam ab Innocentio Papa XI. damnata fuerat, Clerus Gallicanus hanc censuram inussit: *Haec propositiones sunt temerariae, scandalosae, bonae fidei illudenter, & Decalogo contrariae*.

Iterum in quorundam libris haec alia propositio legebatur: *Si quis vel solus, vel coram aliis, sive interrogatus, sive propria sponte, sive recreationis causa, sive quocumque alio sine jurat se non fecisse aliquid, quod revera fecit, intelligenda intra se aliquid aliud quod non fecit, vel aliam viam ab ea, qua fecit, vel quodvis aliud additum verum, revera non mentitur, nec est perjurus*. Illi vero propositioni jam antea sine speciali qualificatione ab Innocentio Papa XI. proscripta, inusitatae sunt ab eodem Clero Gallicano haec speciales censurae: *Haec propositio temeraria est, scandalosa, perniciofa, illusoria, erronea; mendacis, fraudibus, & perjuriis viam aperit, & sacris Scripturis adversatur*.

Iterum hanc aliam defenderant nonnulli: *Qui mediante commendatione, vel munere ad magistratum vel officium publicum promotus est, pote-*

poterit cum restrictione mentali praeferre iuramentum, quod de mandato regis a similibus exigi solet, non habito respectu ad intentionem exigentis; quia non tenetur fateri crimen occultum. Eam autem propositionem jam ante ab eodem Innocentio damnatam, hac speciali censura idem Clerus Gallicanus notavit: *Hec propositio scandalosa est, perniciofa, patrocinatur humanae ambitioni, perjuriam excusat & publice potestati contra Dei mandatum adversatur.*

De iuramenti subiecto.

Subiectum iuramenti est omnis qui potest iurare. Jure naturali quilibet homo, modo sit rationis compos, potest iurare: potest enim assertionis, aut promissionis, Deum in testem vocare. Unde perjurii capaces sunt non modo masculi, sed etiam feminae; non tantum senes, sed etiam pueri, qui rationis usum adepti sunt; non tantum clerici, sed etiam laici. Jure humano: 1. pueri ante annum sextatis 14. ad iurandum compelli non debent, infames qui de perjurio semel convicti fuerunt, ad iurandum, aut testimonium ferendum admitti non debent; quia (inquit S. Thomas 2. 2. q. 89. art. 10.) *Ex retroactis praesumitur quod debitam reverentiam Sacramento non exhibebunt.* 3. Clerici apud Gratianum causa 22. q. 5. c. 22. licet vocati, coram laicis iudicibus iuramentum praestare vetantur; sed lex illa non obtinet in Galliis.

Quaeres 1. Utrum ab infideli, qui praevideatur iuraturus per idola, iuramentum exigere liceat.

Resp. 1. non esse licitum exigere ab infideli, ut per idola, vel falsum aliquem prophetam, aut falsam religionem juret: per idola nimirum, falsum Prophetam, falsam religionem, iurare, res est intrinsece mala: cum per eam iuramenti speciem ratio entis immutabilis ac primae veritatis idolo, pseudoprophetae, auctori falsae religionis tribuatur.

Resp. 2. licitum esse ab infideli exigere ut sua promissa, aut assertiones suas, cum gravis urget necessitas, per iuramentum confirmet; modo tamen iuramentum illud (ut dictum est) ab exigente ad idola non determinetur. Ratio est, quia in eocasu exigitur res, quae, urgente causa iusta, est bona & laudabilis.

Confirmatur responsio ex his Augustini verbis cap. 154. ad Publicolam: *Alia ergo quaestio est, utrum non peccet qui per falsos Deos sibi jurari facit, quando ille qui ei jurat, iurat per Deos falsos quos colit.* Cui quaestioni possunt illa testimonia suffragari quae ipse commemorasti de Laban & Abimelech, si tamen Abimelech per Deos suos iuravit, sicut Laban per Deum Jacob: hac (ut dixi) alia quaestio est, quae me merito fortassis moveret, nisi illa exempla occurrissent de Isaac & Jacob. Sic etiam cum in libro Machabeorum Romani leguntur pacem firmasse cum Iudaeis, intelligenda sunt jurasse per falsos Deos, sicut Iudaei iuraverunt per Deum verum.

Quaeres 2. utrum quis ab eo, quem pejeraturum novit, iusjurandum exigere tuta conscientia possit.

Resp. 1. non licere homini privato. Ratio est, quia pejeraturi peccatum nulla iusta utilitate compensari potest: unde qui ab eo iuramentum exigit: particeps est irreverentiae, quam in Deum committit, & praeterea occidit ejus animam: *Si scit cum fecisse contrarium ejus quod jurat* (inquit S. Thom. 2. 2. q. art. 4.) *& cogit cum iurare, homicida est;* hausit illam doctrinam S. Thomas ex Augustino, qui erm. 28. de verbis Apostoli sic loquitur: *Qui exigit iuramentum, multum interest, si nescit illum, falsum juraturum, an scit. Si enim nescit, ideo dicit, iura mihi, ut fides ei fiat, non est peccatum, tamen humana tentatio est. Si autem scit cum fecisse, novit fecisse, videt fecisse, & cogit iurare, homicida est: ille enim suo se perjuriam perimit; sed iste manum interficientis compressit & pressit.*

Resp. 2. personam publicam, ut est Iudex, secundum quod exigit ordo juris, ad petitionem alterius iuramentum posse exigere ab eo quem scit pejeraturum. Ratio est, quia: *Non videtur* (ait S. Thomas 2. 2. q. 98. art. 4.) *ille exigere, sed ille ad cuius instantiam exigit.* Sed antea, (ait Sylvius) iudex ille nullum non debet movere lapidem, ut impediatur ne litigantium alter a pejeraturo iusjurandum requirat.

De effectibus iuramenti.

Duplex est iuramenti effectus. Iuramenti assertorii effectus est finis omnium controversiarum, ut Apostolus ad Hebraeos 6. definit. Iuramenti vero promissorii effectus, est ligare jurantem: *Dicendum* (ait S. Thomas) *Quod, quicumque jurat se aliquid facturum, obligatur ad id faciendum, ad hoc quod veritas impleatur, si tamen duo comites adsint, scilicet iudicium & iustitia.*

Non solvitur vinculum illud ex eo, quod iuramentum per metum gravem extortum sit: *In iuramento* (ait idem S. Doctor 2. 2. q. 89. art. 7.) *quod quis coactus facit, duplex est obligatio, una quidem qua obligator homini sui promittit; & talis obligatio tollitur per coactionem. Alia autem est obligatio qua quis Deo obligatur, ut impleat quod per nomen ejus promissit, & talis obligatio non tollitur in foro conscientiae, quia debet magis damnum temporale substinere, quam iuramentum violare.*

Nec est, quod quis dicat, iuramentum vi extortum non magis ligare jurantem, quam vota ex extrinseco & injusto metu emissa votentem ligent. Nam 1. id habent ea vota ex jure Ecclesiastico, quo homines quibus injustus

me-

metus incutitur, inhabiles ad vovendum declarantur: 2. ex ipsa vororum natura, quæ quidem posita est in rei alicuius promissione, quam DEUS acceptavit: at DEUS promissiones vi extortas non acceptat. E contra 1. jus Ecclesiasticum iuramenta sic peracta declarat valere: 2. iure divino & naturali, iusjurandum, cui deest veritas, malum est, proindeque etiam ex injusto metu contra veritatem jurare non licet.

De modis quibus debitum ex iuramento contractum solvitur.

Multis modis tolli potest debitum quod quis ex iuramento promissorio contraxerit.

Tolli nimirum potest 1. per condonationem factam ab homine cui quis suam fidem obstrinxit. Tolli potest 2. per auctoritatem Superioris, qui vetet ne promissio executioni mandetur. Tollitur 3. per irritationem, cum nempe inferior pollicitus est rem potestati Superioris subjectam. Tollitur 4. per dispensationem; tunc enim efficitur, ut id quod erat materia iuramenti, desinat esse materia: quia (ut supponitur) quamvis non sit contra bonum iurantis, est tamen contra bonum publicum, proindeque contra iustitiam. Sic Papa, & Episcopi possunt absolvere a iuramento quo quis coactus, pecuniam latroni promittit: *Materia iuramenti promissori est aliquid futurum, quod variari potest* (ait S. Thom. 2. 2. q. 89. art. 9.) ita scilicet quod in aliquo eventu potest esse illicitum, vel nocivum: & per consequens, non esse debitam materiam iuramenti: Et ideo dispensari potest in iuramento promissorio; quia talis dispensatio respicit materiam iuramenti, & non contrariatur precepto divino de iuramenti observatione.

Peti vero potest ea dispensatio etiam ab eo, qui iuravit se non petiturum; deest enim novo illi iuramento iustitia, ut ejusdem q. 89. art. 7. his verbis docet Angelicus Doctor; *Potest tamen repetere in iudicio quod solvit, vel Prelato denuntiare, non obstante quod contrarium iuravit; quia tale iuramentum vergit in deteriolem exitum: esset enim contra iustitiam publicam.*

ARTICULUS III

De tertio Decalogi mandato.

QUÆ spectant ad tertium Decalogi mandatum, quod quidem Exodi 20. his verbis expressum est: *Memento ut diem Sabbati sanctifices*, ad subiequentes quaestiones reducuntur: 1. quid Sabbati sanctificandi nomine intelligatur: 2. quid vetet lex de sanctificatione Sabbati: 3. quid eadem lege præcipiatur: 4. quinam sit modus Sabbati sanctificandi: 5. denique quinam sint homines qui Sabbathum sanctificare tenentur.

Quid sit Sabbati sanctificatio.

Sabbati sanctificatio, est religiosa certæ diei observatio ad colendum in communi Deum.

Explicatur allata definitio. 1. *Est observatio religiosa*, quia a virtute religionis imperatur. 2. *Observatio certa diei*, id est, determinata: eo quod alioquin fideles convenire non possent ad gratias Deo agendas, aut petenda illius beneficia. 3. *Ad colendum Deum*, tum interno cultu per devotionem & orationem, tum externo per adorationem, oblationem, sumptionem divinum, & per exercitium externum fidei, spei, caritatis, & aliarum virtutum.

Quæres 1. cur Deus in antiqua lege septimæ diei observationem præceperit: 2. cur in Ecclesia Christiana dies illa mutata fuerit in diem Solis, seu in diem, quam dicimus Dominicam: 3. utrum illa mutatio facta fuerit ab Apostolis.

Resp. 1. sanctificationem septimæ diei antiquitus præceptam fuisse 1. ad gratias Deo agendas propter factam intra sex dies rerum omnium creationem: 2. in honorem cessationis ab actione creativa. Utramque illam rationem his verbis tradit Scriptura, Exod. 20. *Memento ut diem Sabbati sanctifices. . . . Sex enim diebus fecit Deus calum & terram, & mare, & omnia quæ in eis sunt, & requievit in die septimo: idcirco benedixit Deus diei Sabbati & sanctificavit illum.*

Respondet ad 2. Augustinus Sermone 151. de tempore: *Dominicum diem Apostoli, & apostolici viri ideo religiosa sollemnitate habendum sanxerunt, quia in eodem Redemptor noster a mortuis resurrexit. Apparet autem hunc etiam in Scripturis sanctis esse sollemnem: ipse enim est primus dies sæculi; in ipso formata sunt elementa mundi, in ipso creati sunt Angeli, in ipso a mortuis resurrexit Christus; in ipso de Cælis Spiritus sanctus super Apostolos descendit; manna in eodem in eremo primus de celo datum est.*

Resp. ad 3. ab ipsis Apostolis illam, de qua agitur, mutationem factam fuisse. Dominicæ diei tamquam diei apud Christianos jam sua ætate sollemnis, meminit Joannes Apocalypseo, c. 1. *Fui in Spiritu in Dominica die.* Ea ipsa die ad exhibendum Deo cultum convenisse fideles, ostendunt hæc 1. ad Corinth. 16. *Per unam Sabbati unusquisque vestrum apud se seponat recondens quod ei bene placuerit, ut non, cum venero, collata fiant.* Idem innuunt hæc Actor. 20. *Una autem Sabbati, hoc est, septimanæ, cum convenissemus ad frangendum panem; hoc est, ad sumendam Eucharistiam: in quæ quidem verba, sic loquitur Augustinus Epistola 86. ad Casulanum; Una Sabbati, appellatur dies, qui nunc Dominicus appellatur, quod in Evangelii apertius in-*

invenitur : nam dies resurrectionis Domini , prima Sabbati a Matthæo , a ceteris autem tribus una Sabbati dicitur .

Mutationem illam Sabbati in diem Solis , seu in Dominicum diem , factam ab Apostolis antiqui Patres accurate observarunt . Justinus in fine alterius Apologiæ quam pro Christianis obtulit Antonino Imperatori , asserit suæ ætatis fideles in unum convenire solitos fuisse ut sacrificium offerrent : *Solis* (inquit) *qui dicitur , die* . Tertullianus in libro de Idololatria , c. 14. eandem Christianorum consuetudinem recenset , cum hæc ait : *Omelior fides Nationum in suam sectam , quæ nullam sollemnitatem Christianorum sibi vindicat , non Dominicum diem , non Pentecosten !*

Quæres 2. an lex de sanctificando Sabbato sit de jure naturali .

Resp. legem illam esse de jure naturali , quatenus præscribit aliquod tempus , quo homo vacet divino cultui per speciale exercitium fidei , spei , & caritatis ; esse vero de jure positivo , quatenus tempus determinat , quo cultus Deo debet exhiberi . Docet nimirum ratio naturalis , aliquod tempus infumendum esse , ut creatura rationalis divinis det operam . Illi temporis lex positiva divina quondam pro Judæis Sabbati diem assignarat ; Ecclesia vero Christiana propter rationes superius allatas diem Solis , seu primam hebdomadæ diem .

Colligitur hæc responsio ex Sancto Thoma , qui 1. 2. q. 122. art. 4. ad 1. sic loquitur : *Dicendum quod præceptum de sanctificatione Sabbati literaliter intellectum , est partim morale , partim autem ceremoniale ; Morale quidem , quantum ad hoc quod homo deputet aliquod tempus vite sue ad vacandum divinis : Inest enim hominibus naturalis inclinatio ad hoc quod cuilibet rei necessaria deputet aliquod tempus , sicut corporali refectio , somno , & aliis hujusmodi : Unde etiam spiritali refectio , quæ mens hominis in Deo reficitur , secundum dictamen naturalis rationis aliquod tempus deputatum , ad vacandum divinis , cadit sub præcepto morali . Sed in quantum in hoc præcepto determinatur speciale tempus in signum creationis mundi , est præceptum ceremoniale . Similiter ceremoniale est secundum allegoricam significationem , prout fuit signum quietis Christi , quæ fuit septima die : Et similiter secundum moralem significationem significat cessationem ab omni actu peccati , & quietem mentis in Deo : Et secundum hoc , quodammodo est præceptum generale : Similiter ceremoniale est secundum significationem anagogicam , prout scilicet præfigurat quietem fruitionis Dei , quæ erit in Patria : Unde præceptum de sanctificatione Sabbati ponitur inter præcepta Decalogi , in quantum est præceptum morale , non vero in quantum est ceremoniale .*

Quæres 3. utrum præter Dominicum diem

Ecclesia aliquorum aliorum dierum sanctificationem Christianis injungere potuerit .

Resp. affirmative . Ratio est 1. quia , cum nec ratio , nec Christus determinaverit in specie tempus , quo ex lege naturali homo tenetur vacare divinis , faciendæ determinationis hujusmodi potestas data est reipublicæ Christianæ quando Christus eam Matthæi 18. sic allocutus est : *Amen dico vobis , quæcumque alligaveritis super terram , erunt ligata & in calis* . 2. Ecclesia a primis suis incunabulis (ut mox ostensum fuit) Christianos ad diei Dominicæ sollemnitatem adstrinxit ; non enim divina lege dies illa cultui divino assignata fuit , sed Ecclesiastico tantum : ergo & alios dies potest eidem cultui consecrare . 3. Fideles nusquam reluctati sunt , immo gesserunt semper morem Ecclesiæ antiquæ , quæ præter diei Dominicæ sanctificationem , aliorum etiam dierum sollemnitatem præcepit , Incarnationis , v. g. Nativitatis Domini , Epiphaniæ , Mortis Christi , Resurrectionis , Ascensionis , & Pentecostes : illi enim dies tamquam sanctissimi a veteribus Patribus non raro recensentur . 4. Priorum sæculorum fideles , ex Episcoporum præscripto , coluerunt dies , quibus Martyres extremam diem clausurant , ut videre est apud Eusebium , qui hist. Eccles. lib. 4. cap. 15. refert Epistolam , quam de celebranda Polycarpi morte Smyrnenfis Ecclesia conscripsit . Vide illud argumentum fuscè pertractatum ad calcem Tomi 2. harum Institutionum Theologicarum .

Quid veter Lex de Sabbati sanctificatione .

Lex de sanctificatione Sabbati multa prohibentur .

Primo , jure naturali diebus festis ea prohibentur , quæ ita mentem a divino cultu possunt avocare , ut postea homo ineptus sit ad cogitandum de Deo , ad ipsum orandum , &c. sive sint opera corporalia , servilia , aut libera , nugacitatis , aut meræ inertie ; sive sint opera peccati mortalis ; nihil enim magis quam peccatum opponitur sanctificationi Sabbati ; nempe non mentem tantum , sed & cor ipsum avertit a Deo .

Desumpta est ea doctrina ex S. Thoma , qui in Opusculo 4. sic loquitur : *Opus servile non facietis in ea , patet intelligi de peccato : Et ideo contra præceptum hoc facit quis , quando in Sabbato peccat , quia operando & peccando offenditur Deus .*

Idem docet max laudatus Doctor 2. 2. q. 122. ubi hæc scribit in responsione ad tertium argumentum : *Opus servile dicitur a servitute . Est autem triplex servitus , una quidem qua homo servit peccato ... alia vero qua homo servit homini ... tertia est servitus Dei ...*

Opus

Opera servilia quæ dicuntur servilia primo vel secundo modo contrariantur observantia Sabbati, in quantum impediunt applicationem hominis ad divina. Et quia homo magis impeditur a rebus divinis per opus peccati, quam per opus licitum, quamvis sit corporale, ideo magis contra hoc præceptum agit qui peccat in fæsto, quam qui aliud corporale opus licitum facit.

Eandem doctrinam tradit Synodus Lingonensis, quam legere est apud Bochellum Decretorum Ecclesiæ Gallicanæ lib. 4. *De festis diebus & veneratione Sanctorum*, tit. 7. cap. 2. pagina (ut refert Merbesius) 575. hæc sunt laudata Synodi verba: *Homines utriusque sexus in festis diebus debent esse plurimum intenti divinis, puta orando, Ecclesiastica officia, & divina, ac sermones verbi Dei audiendo, de Deo & de Sanctis loquendo: & ut his verbis melius possint intendere, debent abstinere ab omni opere servili, & potissimum a peccato, quia graviter peccat in fæsto, quam qui in alienis diebus hoc facit.*

Idem quoque visum est S. Bonaventuræ: credidit nimirum circumstantiam illam diei esse, ita aggravare peccati malitiam, ut detegenda sit in sacramentali confessione: *Interrogandus est penitens* (inquit in Opusculo quod inscripsit, Confessionale, decircumstantiis c. 2. particula 20. *de tempore quo peccatum perpetravit, utrum videlicet in tempore festivo, vel non festivo.* Existimavit Seraphicus ille Doctor, peccatum die festivo commissum quamdam esse sacrilegii speciem, sicut est illud, quod in loco sacro committitur.

2. Jure positivo divino vetabantur omnia opera servilia: *omne opus servile non facietis in eo*, seu opera quibus homo alteri homini servit; sive quod idem est, opera corporalia, cum homo non sit servus alterius secundum mentem, sed secundum corpus. Non omnia tamen opera corporalia vetantur divina lege, sed ea tantum quæ proprie pertinent ad servientes, nec communia sunt liberis & servis: *Opera etiam corporalia ad spirituales Dei cultum non pertinentia* (ait S. Thomas 2. 2. q. 112. art. 4. ad 3.) *in tantum servilia dicuntur, in quantum proprie pertinent ad servientes: in quantum vero sunt communia & servis & liberis, servilia non dicuntur.*

3. Jure positivo humano vetantur 1. Venatio in Concilio Meldensi cap. 77. in Capitularibus Caroli Magni c. 22. *Non venationes exercentur*. 2. Judicia, *Nec ad placita conveniant*. Ibidem: *Debet judicialis strepitus diebus conquiescere festalibus*. 3. In Decretalibus Gregorii IX. lib. 2. Tit. de Feriis c. 5. vetatur ne quis ad juramentum admittatur: *Sacramenta non nisi pro pace, vel alia necessitate præstentur*. 4. Prohibentur Notariorum opera: *Cessent Notariorum instrumenta* (inquit Concilium Bituricense habitum anno 1583.) *nisi quæ ex necessitate testamentorum,*

aut matrimoniorum causa non differri possunt. Vetatur pictura: est enim inter opera servilia, præsertim si lucri causa ex officio fiat. 6. Feminarum opera textoria, acupitilia in Concilio Aquisgranensi cap. 22. prohibentur. 7. Barbæ aut crinium tonsio, S. Carolus in tertio Concilio Mediolanensi: nec immerito: actio enim illa per tonsores ex officio, proprie servilis est: Tonsores tamen non peccare, si aliunde non habeant victui necessaria, docet Sambovius Tom. 1. Resolutionum casuum conscientiarum. 8. Prohibetur mercatus: *Ne quid ematur aut vendatur* (ait S. Carolus in Concilio Mediolanensi primo) *nisi quod ægrotis, aut illius diei victui necessarium est.* Excipiuntur tamen ab illa regula rustici, qui cum in urbes solis festivis diebus accedere valeant, possunt emere (sed occulte & sine scandalo) ea quibus jure indigent. Excipiuntur etiam peregrini, qui ex urbe immediate post festum discedere coguntur, multisque indigent quæ per emptionem tantum sibi comparare possunt. 9. Prohibentur itinera, quæ privati lucri causa fiunt, & non propter bonum publicum, aut justam aliquam necessitatem: Idem enim de itineribus ferri debet judicium ac de operibus servilibus. 10. Vetantur choreæ, tripudia & saltationes: non tantum naturali jure, cum hominem ad peccatum inclinent, sed & positivo Ecclesiastico, ut probant hæc ex Capitularium lib. 6. *Ne in illo sancto die vanis fabulis aut locutionibus, sive cantationibus, vel saltationibus, aut derisionibus, flando in hiviis, aut plateis, ut solet, interserviant.* Probant quoque hæc illa Concilii Turonensis habiti anno 1583. *Diebus Dominicis præsertim, & aliis festis commensationes, convivia publica, tripudia, saltationes, strepitus, & choreas fieri, venatu, & aucupatu tempus terere . . . sub anathematis pena prohibet hæc sancta Synodus.* Decretorum illorum Ecclesiasticorum observationem Reges Galliarum tamquam Canonum executores præceperunt in suo regno; sic enim habet vernaculum Edictum ab Henrico III. in Comitibus Blesensibus latum anno 1579. *Enjoignons à tous Juges de faire garder & observer exactement les défenses portées par les Ordonnances d'Orléans, tant pour le regard des foires, marches, & danses publiques, que contre les joueurs de farces, Bataleurs, Cabaretiens, Maîtres de jeu, de Paume, & d'Escrime; sur les peines portées, ordonnées.*

Quæres, an in nullo casu liceat diebus festis vacare servilibus operibus.

Respondet S. Thomas Opusculo 4. his verbis: *Sciendum quod opera corporalia possunt fieri in Sabbato propter quatuor.* 1. *Propter necessitatem: unde Dominus excusavit discipulos evellentes spicas in Sabbato: ut Matthæi*

12. di-

12. dicitur . 2. Propter Ecclesie utilitatem : unde dicitur in Evangelio , Matth. 10. quod Sacerdotes faciebant omnia , quae erant necessaria in Templo die Sabbati . 3. Propter proximi utilitatem , unde Dominus curavit in die Sabbati habentem manum aridam , & confutavit Judaeos reprehendentes eum , ponens exemplum de ove , Matth. 12. 4. Propter Superioris auctoritatem : unde Dominus praecepit Judaeis ut circumciderent in die Sabbati , ut dicitur Joannis 7. Haecenus S. Doctor.

Quid Lege de sanctificando Sabbato praecipatur.

Lege de sanctificando Sabbato multa fidelibus injunguntur.

Fideles divino jure iubentur toto die festo piis operibus vocare : Memento ut diem Sabbati sanctifices . Qui ergo audito Sacro , tota illa die , aut dormiret , aut luderet , aut nugis tereret tempus , praecepto divino non faceret satis.

Præterea jure Ecclesiastico praecipitur fidelibus ut integram Missam audiant . Vide quæ in nostro Tractatu de Sacramentis dicta sunt de conditionibus necessariis , ut quis illi debito faciat satis . Iubentur etiam ut fiant se praesentes Parochiali Missæ , si id commode fieri possit , & iis in locis , ubi hoc in capite vis juris positivum non desit , ut revera in Gallis non desit , ut fuisse probavimus in nostro Commentario historico & dogmatico de Sacramentis .

Ecclesiae Gallicanae ea de re Decreta nonnulli tribus hisce propositionibus impugnaverant : 1. Nullus in foro conscientiae Parochiae suae interesse tenetur , nec ad annuam confessionem , nec ad missas Parochiales , nec ad audiendum verbum Dei , divinam legem , fidei rudimenta , morumque doctrinam , quæ ibi in catechesibus annuntiantur , & docentur . 2. Talem legem in hac materia , nec Episcopi , nec Concilia Provinciarum , nec Nationum , sancto : nec delinquentes aliquibus poenis , aut Ecclesiasticis censuris mulctare possunt . 3. Plebs virtute Concilii Tridentini cogi non potest censuris , & poenis Ecclesiasticis , ut eas ad suam Parochiam diebus Dominicis ad audiendam Missam , Parochialem scilicet .

Eas propositiones jam in Comitibus Cleri Gallicani anno 1656. damnatas , speciali hac censura notavit idem Clerus Gallicanus ad Comitata Generalia anno 1700. coactus : Harum propositionum doctrina (inquit) falsa est , temeraria , scandalosa , jam a Clero Gallicano graviter condemnata , sacris Canonibus , Concilio Tridentino , & Apostolica traditione contraria , dicente Apostolo : non deferentes collectionem nostram sicut consuetudinis est quibusdam .

Quæ sit forma , seu modus sanctificandi Sabbati ,

Modus sanctificandi Sabbati est interior

Dei cultus . Scilicet is , qui exteriori Deo cultum exhibet sine interiori , Judæus est , non vero Christianus .

Eum sanctificandi Sabbati modum Ecclesia praescribit , quem Deus : nam præceptum Ecclesiasticum de die Dominica , & festis Martyrum , aliorumque sanctorum sanctificandis , est determinatio præcepti divini , quo hominibus aliquorum dierum in genere sanctificatio praescribitur : at Deus interiori præcipue cultum injunxit : juxta illud Evangelii : Veri adoratores adorabunt Patrem in spiritu & veritate : nam & Pater tales querit .

Præterea pietatis opera externa , quæ sine cultu interiore fiunt , ab Ecclesia non probantur , ut demonstrant hæc sacri Concilii Tridentini verba , sess. 22. in Decreto de observandis : Ne patiantur sacrum hoc sacrificium peragi , nisi prius qui interfuit , decenter composito corporis habitu , declaraverint se mente etiam , ac devota cordis affectu , non solum corpore , adesse .

Doctrinam illi quam hucusque tradidimus contrariam propugnaverunt recentiores quidam , qui has nimirum propositiones scriptis mandaverant : 1. Satisfacit præcepto Ecclesiae de audiendo Sacro , qui duas ejus partes , immo quatuor , simul a diversis celebrantibus audit . 2. Eidem præcepto satisficit per reverentiam exteriorum tantum , animo licet voluntario in aliena , immo & prava , cogitatione defixo . 3. Præcepto Ecclesiastico orandi satisficit , qui voluntarie labiis tantum , non autem mente , orat &c.

Primam ex illis propositionibus jam ab Innocentio XI. proscriptam , hac speciali censura notavit Clerus Gallicanus ad Comitata Generalia anno 1700. coactus : Hac propositio absurda est , scandalosa , illusoria , communitate Christianorum sensui repugnat . Alteram , cui hæc alia addita est in Censura Cleri : Præcepto communionis annua satisficit per sacrilegam Corporis Domini manducationem ; hac speciali nota idem Clerus proscripsit : Doctrina his duabus propositionibus contenta , temeraria est , scandalosa , erronea , impietati & sacrilegio favet , & præceptis Ecclesiae illudit . Tertia hæc quoque specialis nota innotuit : Hac propositio est obsona , verbo Dei contraria , hypocrisis inducit a Prophetis a Christo damnata : his verbis : Populus hic labiis me honorat : cor autem eorum longe est a me . Vide eandem Cleri Gallicani censuram de multis aliis propositionibus eodem tendentibus .

Quinam ad Sabbati sanctificationem teneantur .

Quilibet homo qui sua ratione fruitur , tenetur ad sanctificationem Sabbati .

Ratio est . Præmo quia præceptum , quo homines interdum aliquos dies sanctificare iubentur , est (ut dictum fuit superius)

rius) de iure naturali; omnes igitur homines obligat.

2. Determinatio diei Dominicæ, aliorumque festorum est ex Ecclesiastica traditione & præcepto; quod quidem ad omnes baptizatos spectat. Ex quo infertur hæreticis non licere, festivis in Ecclesia diebus, operibus servilibus vacare. Illis operibus prohibiti sunt semper in Galliis tolerati quondam Calvinistæ, ut patet ex his verbis Edicti lati a Carolo nono, anno 1561. *Seront tenus ceux de la nouvelle Religion garder nos loix politiques, mesme celles qui sont reves en l'Eglise Catholique en fait des festes & jours chomables.*

4. Præceptum de quo agitur, eo fine latum fuit ab Ecclesia, ut determinarentur dies quibus locorum incolæ divinis vacare debent. Unde concluditur peccare artifices, qui consulto recedunt a suis Parochiis, in quibus non est festus dies, operibus servilibus dent operam, nisi tamen non sine magna difficultate inceptum opus intermittere non possint. Nec mirum: agunt enim illi artifices in fraudem legis, inanemque reddunt sanctam, quam mox recensuimus, Ecclesiæ intentionem.

4. Præceptum de sanctificando Sabbato, prout injungit Missa, verbi Dei, & vesperrarum auditionem, est omnino Ecclesiasticum: Divinum vero est ac naturale prout injungit in genere aliqui pietatis opera. Ergo ab omnium operum pietatis exercitio non solvitur, qui diebus festis non potest se sistere præsentem Sacrificio, Vesperis, & audire Dei verbum: Ergo Pastores qui coguntur invigilare suis ovibus, quamdiu pascunt in agris, tenentur aliquandiu orare, cum id commode possunt. Confirmatur ex l. 6. Capitularium Caroli Magni; jubentur enim c. 22. diebus festis recitare Litanias, dum exeunt in agrum, & cum ex illo redeunt.

Quæres, utrum præceptum de sanctificando Sabbato obliget sub poena peccati mortalis.

Respondent nonnulli recentiores casuum arbitri negative: unde hanc propositionem propugnaverunt: *Præceptum servandi festa non obligat sub mortali, seposito scandalo, si absit contemptus*: Verum illam propositionem quam multis ab hinc annis jam Innocentius Papa XI. damnaverat, hac speciali censura notavit Clerus Gallicanus in Comitibus Generalibus ann. 1700. *Hæc propositio est scandalosa, ad violandas leges, tum civiles, tum Ecclesiasticas, vel etiam Apostolicas etiam operis ac provincie superiorum auctoritate prohibenda*. Nec mirum: nam 1. gravem obligationem eo præcepto imponi ex duobus colligitur, 1. ex verbis legis, *Memento*: 2. ex eo quod Ecclesia in contumaces excommunicationis fulmen intorqueat.

ARTICULUS IV.

De quarto Decalogi Mandato.

QUARTUM Decalogi mandatum his scripturæ verbis Exodi 20. continetur: *Honora patrem tuum & matrem tuam, ut sis longævus super terram, quam Dominus Deus tuus dabit tibi*. De illo autem mandato quærendum est 1. quis patris & matris nominibus intelligatur: 2. in quo positus sit honor eis debitus: 3. in quo posita sit merces quam Deus filiorum in parentes pietati ac reverentia rependit: *Ut sis longævus super terram.*

Quinam intelligendi sint parentum nomine.

Parentum nomine intelligendi sunt 1. præcipue ii ex quibus carnaliter generati sumus, de quibus dicitur Ecclesiastici 3. *Qui times Dominum honorat parentes, & quasi Dominis serviet iis qui se genuerunt.*

Intelligendi sunt 2. Ecclesiæ Pastores, juxta illud 1. ad Cor. 4. *Si decem millia Pedagorum habeatis in Christo, sed non multos Patres. Nam in Christo Jesu per Evangelium ego vos genui.*

Intelligendi sunt 3. ii quibus Imperium, aut Magistratus, aut Potestas ad publicum regimen commissa sunt: sic enim famuli Naaman lib. 4. Regum c. 5. cum Patrem appellant; *Pater* (inquiunt) *et si rem grandem dixisset tibi Propheta, certe facere debuisset.*

Intelligendi sunt 4. ii, quorum curæ, fidei, probitati, sapientiæque traditi sumus, ut sunt Tutores, Curatores, Pedagogi, & Magistri; unde lib. 4. Regum, c. 4. filii Prophetarum, ipsique Reges Israel, Eliam patrem vocant: *Ascendit Elias per turbinem in calum; Eliseus autem videbat & clamabat, Pater mi.* Deinde c. 23. *Eliseus egrotabat infirmitate, qua & mortuus est. Descenditque ad eum Joas Rex Israel, & stabat coram eo, dicebatque: Pater mi, currus Israel & auriga ejus.*

Intelligendi sunt 5. Sedes, præsertim si probatæ sint vitæ. Unde Levitici 13. Deus præcepit: *Coram cano capite consurge, & honora personam senis, & time Dominum Deum tuum. Ego Dominus.*

Verum licet mandatum Decalogi de omni parentum genere intelligatur, de illis tamen (ut jam dictum est) præcipue Lex loquitur, ex quibus geniti sumus: Sunt enim (inquit Catechismus ad Parochos) *immortalis Dei quasi quædam simulacra, in iisque ortus nostri imaginem intuemur; ab iis vita nobis data est; iis Deus usus est ut nobis animam, mentemque impertiret; ab iis Sacramenta derivata, ad Religionem, ad humanum cultum, civilemque instituti, ad morum integritatem & sanctitatem eruditi sumus.*

In quo positus sit honor parentibus debitus.

Honor, quem parentibus exhibere jubemur, positus est 1. in honorifico de iis sensu, & externo eorum cultu. Sic Joseph Ægypti Prærex Jacob in Patrem suum se gessit Gen. 46. Juncto Joseph curru suo ascendit obviam patri suo ad eundem locum. Vidensque eum tremit super collum ejus, & inter amplexus flexit. Unde rei sunt nati, quibus, etiam interius, parentes sunt despectui, qui maledicunt eis, qui ipsos verberant, irident, de eis erubescunt. Hinc Levitici 20. dicitur: *Qui maledixerit patri suo, aut matri, morte morietur.*

Honor parentibus debitus ex interno amore proficiatur oportet: si enim proximum quemque interiori amore prosequi debemus, ut lex præcipit: quanto magis eos, qui erga nos ita sunt affecti, nullum ut laborem, nullaque pericula nostri causa refugiant? Hincque patet non licere mortem eis optare, de illorum morte gaudere, licet mors illa non ut eorum malum, sed ut natorum bonum consideretur. Quidam recentiores Casuistæ contrarium hac propositione asseruerant: *Licetum est filio gaudere de parricidio parentis a se in ebrietate perpetrato propter ingentes divitias ex hereditate consecutas*: verum hocce de ea judicium tulit Clerus Gallicanus in Comitibus Generalibus anni 1700. *Hæc propositio est falsa, scandalosa, execranda, pietati erga parentes contraria, viam crudelitatis & avaritiæ aperiens*. Proscripsit quoque hanc aliam Innocentius Papa XI. *Licetum est absoluto desiderio cupere mortem patris, non quidem ut malum patris, sed ut bonum cupientis, quia nimirum et obventura est pinguis hereditas.*

Positus est 2. honor debitus parentibus in eo quod nati debeant opem fere parentibus, tum in iis quæ ad salutem æternam, tum ad corpoream spectant. Honor enim in Scripturis non solum sumitur pro cultu, sed etiam pro cura ejus cui honor exhibendus est: *Honora* (inquit Apostolus 1. ad Tim. 5. *viduas quæ vere viduæ sunt*: quod & alio loco sic idem Apostolus monet: *Qui bene præsentunt Presbyteri, duplici honore digni habeantur: maxime qui laborant in verbo & doctrina*. Dicit enim Scriptura: *Non alligabis os boni trituranti*. Idem etiam Christi testimonio comprobatur, qui Phariseorum impietatem Matthæi 23. arguit, quod vellent natos esse immunes ab obsequiis præstandis, cum suas opes in Dei honorem consecrare vellent.

Hincque colligitur 1. peccare in hoc præceptum natos qui parentibus suis res magni momenti occulte surripiunt: Qui subtrahit aliquid (inquit Scriptura Proverbiorum capit. 28.) a patre suo, & a matre, & dicit hoc non esse peccatum, particeps homicidæ est.

Colligitur 2. veram esse hanc Angelici Doctoris sententiam. Quodlibeto 10. q. 5. art. 1. *Dicunt aliqui quod si aliquis habet parentem indigentem, debet ei dimittere, si quid habet, ad ejus sustentationem, & sic potest licite religionem intrare*. Sed quia hæc opinio nimis videtur aspera, ideo melius videtur dicendum, quod aut iste qui habet propositum intrandi religionem, videt se in sæculo non posse vivere sine peccato mortali, vel non de facili. Si tamen sibi periculum peccati mortalis, cum magis teneatur salutem animæ suæ providere, quam corporali necessitati parentum, non tenetur in sæculo remanere. Si autem videt se posse in sæculo conversari absque peccato, distinguendum videtur: Quia si sine ejus obsequio parentes nullo modo vivere possunt, sic tenetur eis servire, & alia opera perfectionis prætermittere: & peccatis eos dimittere: si vero sine ejus obsequio possunt aliquantulum sustentari, non autem honorifice, non propter hoc tenetur opera perfectionis prætermittere. E contra si jam sit religiosus professus, sic ex eodem Sancto Thoma, ibid. debet se gerere: *Secus autem est de illo qui jam religionem intravit: quia cum jam sit mortuus mundo per professionem, solutus est a lege, qua in mundanis obsequiis parentibus tenebatur*. In aliis autem spiritualibus (puta orationibus & hujusmodi) eis tenetur servire. Et hoc quod dictum est de introitu religionis, potest etiam de observantia virginitalis, & de aliis operibus perfectionis dici.

Honor quem præcipimur in Decalogo parentibus exhibere, positus est 3. in obedientia quam in rebus magni momenti illis debemus, juxta illud Apostoli: *Filii obedite parentibus in Domino: hoc enim justum est*. Unde idem Apostolus in epistola ad Romanos cap. 2. inter gentium crimina recenset filiorum inobedientiam: *Parentibus (inquit) non obediens*.

Inde vero colligitur peccare lethaliter filios qui in gravibus negotiis parentes non consulunt, & a fortiori qui mandata eorum executioni mandare detrectant. Hujusmodi sunt 1. qui in rebus ad disciplinam & curam domesticam spectantibus eos non audiunt: Secus vero in iis quæ ad eligendum statum, qui ordinem dicat ad salutem, spectant: *Non tenentur* (inquit S. Th. 2. 2. q. 104. art. 5.) *nec servi dominis, nec filii parentibus obedire de matrimonio contrahendo, vel virginitate servanda, aut aliquo alio hujusmodi*. Sed in his quæ pertinent ad dispositionem actuum & rerum humanarum tenetur subditus suo Superiori obedire secundum rationem superioritatis: Sicut miles duci exercitus, in his quæ pertinent ad bellum: Servus domino in his quæ pertinent ad servitii opera exsequenda: Filius patri in his quæ pertinent ad disciplinam vitæ, & curam domesticam.

Hujus-

Hujusmodi 2. sunt ii qui nubunt, sive in-consultis, sive invitis parentibus: connubium enim ad domesticam disciplinam pertinet; & res est magni momenti, ut videre est in Concilio Trid. Inter eos 3. recenseri debent qui ab aliis, noxiis societatibus, colloctionibus periculosis, jubentibus parentibus, temperate nolunt.

In quibus filiis parentibus obedire non debeant.

Filii parentibus, aut aliis superioribus obedire non debent in iis quæ Evangelicis sive præceptis, sive consiliis adversantur. Tunc enim servanda est Apostolorum Principis regula Act. 5. *Oportet obedire Deo magis quam hominibus.* Unde est illud ipsiusmet Christi: *Qui amat patrem, aut matrem plusquam me, non est me dignus; in quam quidem sententiam hæc habet Bernardus epist. 3. Sola causa qua non liceat obedire parentibus, Deus est: ipse enim dicit, &c.*

Hinc vero colligitur filiam non teneri obedire matri præcipienti ut se conferat ad comœdias, choreas, spectacula, cœtusque alios, in quibus salutis periculum incurrit. Non sit etiam inobedientiæ rea quando non nubit cum viro, vel impio, vel indole parum commoda, quamvis parentes id imperent propter divitias, quibus ille vir fruitur.

Quæ de filiabus in parentes dicta sunt, in aliis subditis respectu quorumcumque superiorum intelliguntur. Illi doctrinæ adversatur hæc quorundam casuistarum propositio: *Famulus qui submissis humeris scienter adjuvat herum suum ascendere per fenestras ad stuprandam virginem, & multoties eidem subservit deferendo scalam, aperiendo januam, aut quid simile coperando, non peccat mortaliter, si id faciat metu notabili detrimenti, puta ne a Domino male tractetur, ne torvis oculis aspiatur, ne domo expellatur.* Verum eam propositionem jam ab Innocentio XI. proscriptam, hæc censura notavit Clerus Gallicanus in Comitibus generalibus anni 1700. *Hæc propositio scandalosa est, perniciofa, verbis Dominicis aperte contraria, & hæretica: Quam enim dabit homo commutationem pro anima sua? Quæ de eo facto particulari dicta sunt, locum habent in aliis omnibus, in quibus famuli, scientes, suorum herorum iniquitati serviunt.*

Quæ sit merces filiarum in parentes honori promissa.

Merces filiorum in parentes honori promissa, hisce verbis Exodi 20. continetur: *ut sis longævus super terram.*

Merces illa temporalis non omnibus absolute promittitur; sed iis tantum, quibus ad salutem expedierit: scilicet plurimi (scriptura teste) rapiuntur, ne malitiâ mutet intellectum eorum, aut ne impendentibus calamitatibus opprimantur.

Nomine longioris vitæ, non ipsa vitæ prolixitas tantum intelligitur, sed etiam otium, quies, incolumitas, quibus tranquille vivitur: quæ quidem omnia intermixtam calamitatibus prolixiorẽ vitam maxime superant.

ARTICULUS V.

De quinto Decalogi mandato.

UT quinti Mandati, quod perspicuis his verbis, *Non occides*, in Decalogo legitur, ac quo homicidium prohibetur, integer ac germanus sensus tradatur, observandum est cum auctoribus Catechismi Romani, duo ea lege contineri: Alterum, ne occidamus; quod a nobis fieri vetitum est; Alterum, quod facere jubemur: ut nempe concordie amicitia ac caritate proximum nostrum, ipsos etiam inimicos prosequamur. De hoc postremo capite nihil hic scribemus: quæ enim ad illud spectant, de virtute Caritatis agentes inferius pertractabuntur. Circa prius autem quæremus 1. an cædes quovis in casu prohibeatur. 2. An id liceat pro conservatione bonorum, quæ fortunæ dicuntur. 3. An pro conservanda pudicitia. 4. An denique in vitæ propriæ defensionem, injustum invasorem occidere liceat.

Quæ cædes prohibeantur.

1. Bestias occidi prohibitum non est: datæ sunt enim in usum nostrum a Deo ipso: *Omne* (inquit Deus Genesis 9.) *quod movetur & vivit, erit vobis in cibum; quasi altera virentia tradidit vobis omnia:* Unde Augustinus sic, adversus Manichæos agens, loquitur: *Cum audimus, Non occides, non accipimus hoc dictum esse de fœveris, quia nullus eisensus: nec de irrationalibus animalibus, quia nulla nobis ratione sociantur.*

2. Cædes quam Magistratus adversus facinorosos imperant, hoc eodem præcepto non vetatur: *Non enim* (inquit Apostolus ad Rom. c. 13.) *sine causa gladium portas, Magistratus: Dei enim minister est, vindex in iram et qui male agit.* Nec mirum: malefactoribus enim morte per auctoritatem publicam illata, bonorum vitæ consulitur. *Non est igitur iniquitatis* (inquit Augustinus epist. 65. ad Macedon. cap. 6.) *sed potius humanitatis societate devinctus, qui propterea est hominis persecutor, ut sit hominis liberator.*

Infantes tamen Magistratibus occidere licitum non est, dicente Domino (Exodi 33.) *Non occides: quia avertere templum.* Unde Respublica Tyranno, aut hosti publico, caput innocentis postulanti tradere jure non potest, quamvis de Reipublicæ ipsius salute agatur, sed cum duntaxat, qui juris ordine servato, capitalis sceleris reus convincitur: Alioquin enim Judex in illud Scripturæ, *Deu-*

teronomii c. 16. peccabit, *juste quod justum est persequaris.*

Nota est opinio S. Thomæ docentis licere judici capitale sententiam proferre in hominem, quem certo novit innocentem, si, servato juris ordine, nocens convincatur: *Judex* (inquit 2. 2. q. 64. art. 6. in resp. ad 3.) *si scit aliquem innocentem esse, qui falsis testibus convincitur, debet diligentius examinare testes, ut inveniat occasionem liberandi innocentem, sicut Daniel fecit. Si autem hoc non potest, debet eum superiori relinquere judicandum. Si autem hoc nec potest, non peccat, secundum allegatam sententiam ferens, quia ipse non occidit innocentem, sed illi qui eum offerunt nocentem. Minister autem judicis condemnantis innocentem, si sententia intolerabilem errorem contineat, non debet obedire. alius excusarentur carnifices qui Martyres occiderunt. Si vero non continet manifestam injustitiam, non peccat præceptum exequendo; quia ipse non debet discutere Superioris sententiam: Nec ipse occidit innocentem, sed Judex cui ministerium exhibet.* Verum licet ea de iudicibus S. Thomæ opinio, speculative vera foret, ad praxim tamen eam reduci non debere non ultimi ordinis Theologi contendunt: eo quod (inquiunt) occisio ejus quem quis innocentem certo noverit, legi naturali repugnat, etiam si de bono publico agatur.

Judices, ne infracti præcepti, *Non occides*, rei fiant, in causis capitalibus, judicare non debent solis præsumptionibus, aut indiciis, quamvis in speciem gravissimis, quod nonnumquam fallant, sed plenis clamtaxat probationibus, sive legitimis testimoniis, aut propria rei confessione decernenda est capitalis sententia.

In mitiorem quoque partem semper inclinare debent iudices, cum est quaestio de causis ubi sanguis fundendus est, modo tamen mitiorem illam partem leges approbent. Ita docet Aug. Epist. 64. ad Macedonium cap. 3.

3. In quintum Decalogi præceptum, *Non occides*, non peccant, qui iusto bello, non cupiditate, aut crudelitate impuls, sed solo publica utilitatis studio vitam hostibus adiungunt: *Miles* (inquit August. in lib. 1. de Civ. Dei, c. 20.) *cum obediens potestati sub qua legitime constitutus est, hominem occidit, nulla sua civitatis lege reus est homicidii. Immo nisi fecerit, reus est imperii contempti. Quod si sua sponte et auctoritate fecisset, in crimen effusæ humani sanguinis incidisset. Quæ adversus eam doctrinam objici possunt ex Can. xxi. Concilii Nicæni 1. nec non ex Tertulliano, solvimus harum Institutionum Tom. 1.*

Nec est militum expendere belli causas: in favorem scilicet Principis judicare debent, si enormis error non appareat, ut revera apparet semper quoties subditus in suum legitimum principem belia movet.

Naturali nimirum & divino jure cuilibet subito præcipitur ut Principi morem gerat: ac proinde eodem jure vetatur ne quid unquam tentet quod obedientiæ & obsequio illi debito adversetur: Petri scilicet documentum est 1. ep. cap. 2. *Deum time, Regem honorifica, Servi subditi elate in omni timore dominis, non tantum bonis, & modestis, sed etiam discoloris.*

4. Nec etiam ejus præcepti rei fiunt, qui non sponte, neque mediate, sed fortuito hominem occidunt. Excipi tamen debent, qui rei injustæ dantes operam, proximum interimunt, ut in eo videre est, qui pugno aut calce gravidam mulierem percutiens, fetui, quem mulier illa in sinu gestat, mortem infert, quamvis fetus mors præter percipientis voluntatem accideret.

E contra rei sunt homicidii 1. quicumque privata auctoritate hominem licet reum occidunt: *De occidendis* (inquit Augustinus epist. 154. ad Publicolam) *hominibus ne ab eis quisquam occidatur, non mihi placet consilium; nisi forte sit miles, aut publica functionis teneatur.* Principium illud convellit hæc propositio a recentioribus quibusdam propugnata: *Non peccat maritus occidere propria auctoritate uxorem in adulterio deprehensam; sed scandalo, quod ea propositio pepererat, occurrit primum Alexander Papa VII. a quo proscripta est, occurrit & Clerus Gallicanus ad Comitia generalia anno 1700. convocatus: hæc enim censura eam propositionem notavit: Hæc propositio est erronea, crudelitatem, privatamque vindictam approbat. Nec obest, quod leges Civiles in eum initium non animadvertant: Nam sicut ait Sanctus Thomas in 4. Sent. dist. 37. quest. 2. art. 1.) *Ecclēsia in hoc non est adstricta legibus humanis, ut judicet, cum sine reatu poenæ æternæ, vel poenæ eo iudicis infligendæ ex hoc quod est sine reatu poenæ infligendæ per iudicium saculare. Et ideo in nullo casu licet viro interficere uxorem propria auctoritate.**

Peccant 2. in eandem legem qui aliquem malefactorem publicum privata auctoritate occidunt. Scilicet ad eos omnes qui auctoritate privata homicidium commiserint extenduntur hæc Christi verba, Matthæi c. 26. *Omnes qui acceperint gladium, gladio peribunt.* Idem confirmari potest variis aliis tum Scripturæ, tum Patrum sententiis.

Peccant 3. in idem Decalogi Mandatum, qui sibi ipsis violentas manus inferunt. *Peior est* (ait Augustinus lib. de patientia, c. 3.) *qui se occidit, quam parricida, quia nemo est hominū se ipsa propinquior.* Ejusdem facinoris reus est, qui damnatus ut fame pereat, cibum sibi occulte oppositum non comedit, vel damnatus ut veneno extinguatur, sumit venenum sibi propinatum. Quamvis enim reus iuste condemnatus vim ministris infer-

inferre non possit, non potest tamen aliquid per se gerere, ex quo mors ipsa sequatur: Sicut etiam (ait Sanctus Thomas 2. 2. q. 69. art. 4. ad 2.) si aliquis sit condemnatus, ut fame moriatur, non peccat, si cibum sibi occulte ministratum sumat, quia non sumere, esset seipsum occidere. Rei sunt quoque infractae ejusdem legis, qui per crapulam, ebrietatem aut obscenas libidines, seipsum occidunt: In multis eset (inquit Scriptura, Eccli. cap. 37.) erit infirmitas... propter crapulam multi obierunt.

Peccant 4. in idem præceptum Medici qui mulieri prægnanti, in certo etiam mortis periculo constituta, potionem ad procurandum abortum porrigunt sive fetus sit animatus, sive inanimatus. Ratio est, quia procuratio abortus est res intrinsece mala, iuxta illud Tertulliani Apolegetici cap. 9. Homicidii festinatio est prohibere nasci unde merito hæc habet Ambrosius in Jure Canonico laudatus, Causa 14. q. 5. Canone, Denique: Si non potest subveniri alteri, nisi alter ledatur, commodius est neutrum juvari, quam gravare alterum.

An liceat occidere ad conservationem bonorum, quæ bona fortuna dicuntur.

Non licet occidere ad conservationem bonorum, quæ bona fortunæ dicuntur:

Nam 1. Contraria sententia Scripturæ repugnat, quæ præcipit ut iis beneficiamus, qui nobis injuriam, vel verbis, vel facto inferunt: at cum ea caritate cædes latronis qui bona fortunæ per viam eripit, componi non potest.

2. Repugnat Traditioni. Scilicet Augustinus lib. 1. de lib. arbitrio, cap. 1. approbat hanc Exodi Sententiam: Quomodo enim apud eam (Dei providentiam) sunt isti peccato liberi qui pro iis rebus, quas continent operiet, humana cæde polluti sunt?

3. Pugnat pariter cum ratione: Eripitur nimirum vita, non corporalis modo, sed & spiritualis, & perpetuæ damnationi addicitur, pro minori bono, ut sunt divitiæ. Hinc in antiquo Testamento prohibetur, ne iur qui diurnus dicitur, quod bonis fortunæ tantum, non autem vitæ, insidiari censeatur, occidatur: Quod si orto sole (ait Lex, Exodi 22.) hoc fecerit, seu occiderit furem qui domum effringit, homicidium perpetravit, & ipse morietur.

An pro conservanda pudicitia occidere liceat.

Virgini, aut mulieri conjugatæ non licet occidere injustum pudicitiae invasorem.

1. Ita sensit Augustinus; scilicet cum libro 1. de libero arbitrio, cap. 9. hanc ei objectionem Evodius proposuisset: Non ergo Lex iusta est, quæ dat potestatem femina ut juveni, iust. Theol. Mer. Tom. III.

violenter sui stupratorem irrumpentem, aut illaturum stuprum, si possit, interimat, sic S. Doctor Evodii argumentum solvit: Legem quidem non reprehendo, quia tales (stupratorem & latronem qui occisionem tentat) permitti: interfici: sed quo pacto istos defendam, quos interficiunt, non invenio.

2. Femina de qua est quaestio, vel stupratorem interficeret, ne pateretur detrimentum virtutis castitatis, vel ut suæ apud homines famæ consulere: atqui neutrum illam eximit a peccato. Non primum: cum non in corpore, sed in animo, castitatis virtus suam sedem habeat: De pudicitia vero (inquit Augustinus) quis dubitaverit, quin ea sit in ipso animo constituta, quandoquidem virtus est. Unde a violento stupratore eripi nec ipsa potest. Non secundum; scilicet ut infra dicitur, homicidii rei sunt qui pro sua apud homines fama proximo vitam eripiunt.

3. Non obstant leges politicæ, quibus mulieri sit facultas occidendi violentum stupratorem. Nam 1. ex eo quod leges Civiles in quædam facta non animadvertant, non sequitur innoxia esse facta huiusmodi; multa quippe majoris mali vitandæ causâ Respublica tolerat, quæ tamen Deus odit ac detestatur, ut patet in meretricio publico, quod aliquibus in locis legibus non castigatur. 2. Augustinus loco superius laudato, argumento ex legibus civilibus petito sic occurrit: Nescio utrum non aliqua vehementiore ac secretissima lege (de æterna loquitur) teneantur, si nihil servum est quod non administret divina providentia. An liceat interficere ad honoris conservationem.

Nemini unquam licet proximo vitam eripere, ut suæ apud homines famæ consulat.

1. Qui iniquum honoris invasorem occidit, vitam aufert, quæ principem inter bona naturalis ordinis locum tenet; ac præterea certæ ac perpetuæ damnationi eum addicit.

2. Nec Scriptura, nec Traditio, cum de quinto Decalogi mandato loquuntur, usquam ealum, de quo agitur, excipiunt, at (ex Aug. l. 10. de civitate Dei, c. 21.) his exceptis quæ vel lex iusta generaliter, vel ipso facti iustitia Deum specialiter occidi jubet, quisquis hominem, vel seipsum, vel quemlibet occiderit, homicidii crimine invehitur.

3. Cum patientia, quæ nobis in Evangelio jubetur, conciliari non potest sententia quæ docet licitam esse occisionem ad honoris mundani conservationem: quis enim patientem eum dixerit, qui propter alapam, aut verbum contumeliosum, aut calumniam aliquam, hominem occiderit? Qui ergo (inquit August. epist. 5. ad Marcellinam) vincis bono malum, patienter amittis temporalia commoda, ut doceat quæ pro fide, atque iustitia contemnenda sunt, quæ ille nimis amando sit malus.

4. Propter ejus rei conservationem propter quæ

D. 3. age-

agere peccatum est, non licet hominis occisio: atqui agere non licet propter humanam famam: Qui laudari vult ab hominibus, vituperante te (ait Augustinus lib. 10. Confessionum, cap. 39.) non defendatur ab hominibus, judicante te, nec eripietur, damnante te.

5. Falsum est principium quo nititur opposita sententia: *Honor carior est quam vita.* Nam 1. nullum exilius est bonum, quam illud quod non in homine ipso, sed in alieno iudicio positum est, ac proinde contra aequitatem peccat; qui vitam qua nihil naturale pretiosius est, proximo adimit. 2. Licet detur famam quæ ad aliorum etiam utilitatem refertur, esse aliquod magnum bonum, non inde tamen sequitur quod facinore conservari possit.

6. Nullus inter Christianos illud doctrinæ portentum, quod ad defensionem suæ apud homines existimationis, proximo vitam & temporalem, & æternam eripere liceat, ante centum ab hinc annos protulit in medium: ergo plusquam falsa est sententia, qua id asseritur.

Utrum iniustum vitæ inuasorem occidere liceat.

Qui cum moderamine inculpatæ tutelæ, iniustum vitæ inuasorem occidit, speculative loquendo, non est reus homicidii.

Id expresse docet S. Thomas 2. 2. q. 64. art. 7. ubi sic loquitur: *Si aliquis ad defendendam propriam vitam utatur maiori violentia quam oporteat, erit illicitum: Si vero moderate violentiam repellat, erit licita defensio. Nam secundum iura vim ubi repellere licet cum moderamine inculpatæ tutelæ. Nec est necessarium ad salutem, ut homo actum moderate tutelæ prætermittat, ad evitandam occisionem alterius, quia plus tenetur homo vitæ suæ providere, quam vitæ aliene.*

Præctice loquendo, illicita est iniusti vitæ inuasoris occisio ad vitæ conservationem.

Ratio est, quia vix, aut potius nunquam, in praxi servari possunt conditiones quæ ad moderamen inculpatæ tutelæ requiruntur. Nam 1. defensor non debet plus agere quam sit opus ad declinandam mortem, quam inuasor ei comatur inferre. 2. Non debet velle, proindeque nec tentare mortem aggressoris: alioquin enim in licita defensione non staret, sed iniquæ vindictæ reus constitueretur. 3. In iis quæ sunt præter defensionem debet se habere mere passive, ita ut si aggressori lethale vulnus intligatur, id accidat præter defendentis intentionem, sed id contingat ex ipso aggressore, qui irrumpit in defensoris ensem.

Desumptæ sunt illæ ad inculpatæ tutelæ moderamen requisitæ conditiones ex Sancto Thoma, qui loco proxime laudato sic loquitur: *Sed quia occidere homines non licet nisi publica auctoritate, propter bonum commune: il-*

licitum est quod homo intendat occidere hominem, ut seipsum defendat, nisi ei qui habet publicam auctoritatem, qui intendit hominem occidere ad sui defensionem, refert hoc ad publicum bonum, ut patet in milite pugnante contra hostes, & in ministro Judicis pugnante contra latrones, quamvis & isti peccent, si privata libidine moveantur.

Ea, qua dictum est, ratione explicato moderamine inculpatæ tutelæ, sententia S. Thomæ facile conciliatur cum S. Augustini doctrina: nempe docet S. iste Doctor eum, qui vitam suam corporalem conservat cum dispendio æternæ salutis sui proximi, violare naturalem caritatis ordinem, in eo positum quod majus bonum præferatur minori, ut est vita corporis respectu salutis animæ. Docet 2. servata proportionem idem de vita corporea, ac de pudicitia ferri debere iudicium: *De vitæ enim* (ait l. 1. de libero arbit. c. 1.) *fortasse cuiusdam sit dubium, utrum anima nullo pacto auferatur, dum hoc corpus interimitur. Sed si auferri potest, contemnenda est: si non potest, nihil metuendum.*

Ex iis quæ hucusque dicta sunt, colligitur 1. eum esse reum homicidii, qui interficit aggressorem fugientem, aut ita vulneratum ut nocere non possit. Colligitur 2. eodem facinore damnari, qui, cum suæ salutis aut per fugam, aut veniam petendo, aut tradendo pecuniam, aut aliquo alio modo consulere possit, eripit vitam aggressori.

Clerici Gallicani doctrina de Homicidio.

De homicidio nonnulli recentiores Casuum arbitri varias propositiones defenderant, postremis hisce temporibus, quarum plures prædamnata fuerant a summis Pontificibus. Clerus Gallicanus ad Comitia Generalia anno 1700. congregatus, speciali Censura eas notavit, quam quidem censuram ad confirmationem eorum omnium quæ superius dicta sunt, operæ pretium est, ut hic exscribamus.

I. *Propositio.* Est licitum religioso, vel clerico, calumniatorem gravia crimina de se, vel de sua religione spargere minantem occidere, quando alius modus defendendi non suppetit, uti suppetere non videtur, si calumniator sit paratus, vel ipsi religioso, vel ejus religioni, publice & coram gravissimis viris prædicta impingere, nisi occidatur.

II. *Propositio.* Licet interficere falsum accusatorem, falsos testes, ac etiam Judicem, a quo iniqua certo imminet Sententia, si alia via non potest innocens damnum vitare.

Censura. Hæ duæ propositiones sunt scandalosæ, erroneæ, decalogo aperte repugnant, eadibus patrocinantur, & magistratibus, ipsique humanæ societati perniciem intentant.

III. *Propositio.* Fas est viro honorato occidere inuasorem, qui nititur calumniam inferre, si aliter hæc ignorantia vitari nequit: idem quoque dicendum, si quis impingat aliam,

pam, vel fuisse percutiat, & post impactam alapam, vel ictum fustis fugiat.

Censura. Hæc propositio est scandalosa, erronea, mandano honori servit, ultionem & homicidia excusat.

IV. *Propositio.* Licet procurare abortum ante animationem fetus, ne puella deprehenfa grvida occidatur aut infametur.

V. *Propositio.* Videtur probabile omnem foetum, quandiu in utero est, carere anima rationali, & tunc primum incipere eandem habere cum paritur; ac consequenter dicendum, in nullo abortu homicidium committi.

Censura. Hæc propositiones sunt scandalosæ, erroneæ, intandis homicidiis, & parricidiis procurandis aptæ: homicidii enim festinatio est prohibere nasci; nec refert natam quis eripiat animam, aut nascentem disturbet.

VI. *Propositio.* Regulariter possum occidere furem pro conservatione unius aurei.

VII. *Propositio.* Licitum est, tam heredi quam legatario, contra injuste impediens, ne vel hereditas adeatur, vel legata solvantur, se taliter defendere (defensione occisiva) sicut & jus habenti in cathedram vel præbendam, contra eorum possessionem injuste impediens.

VIII. *Propositio.* Non solum vitam, sed etiam bona temporalia, quorum jactura esset damnum gravissimum, licitum est defensione occisiva defendere... Fatemur rarius licitum esse Ecclesiasticis... Si tamen aliquando futurum contingat tale malum (id est, gravissimum damnum) etiam ipsis licitum erit bona ista cum occisione furis defendere.

Censura. Hæc propositiones legi Dei (Exodi 22.) & ordini caritatis divinitus instituto contra iæ sunt, perniciosæ, & erroneæ.

IX. *Propositio.* Quando quis decrevit te occidere, & hoc alicui manifestavit, sed nondum coepit id exequi, potes cum prævenire (occidendo) si aliter non potes effugere; ut si maritus pugionem habeat sub cervicali ad occidendam noctu conjugem: si quis venenum tibi propinandum paraverit; si Rex unus adversus alium classem adornarit.

X. *Propositio.* Si arma quidem nedum paravit, sed habet tantum decretum firmum & efficax te occidendi, quod tibi vel revelatione divina, vel manifestatione confidenter amicis facta innotescat, potes prævenire; quia per illud decretum, etsi pure internum, sufficienter censetur esse aggressor.

Censura. Doctrina his duabus propositionibus contenta, juri naturali, divino, positivo, & gentium contraria est, nefandis cædibus, & tanatimo viam sternens, societatis humanæ perturbativa, regibus quoque præsentissimum periculum creat.

XI. *Propositio.* Ubi est scripta expressa permissio a Deo, ut reges & reipublica possint interficere reos? An est in Scriptura? An

in Traditione? Est ne fidei articulus? Si solo lumine naturali eo ducimur, patere ut ex eodem lumine naturali judicemus, quid cuique privato liceat in occidendo aggressore non solum vitæ, verum etiam honoris & rei.

Censura. Doctrina hæc propositione contenta & illata, scandalosa est, erronea & hæretica, regibus & rebus publicis iniuriosa, variis ratiociniis & regulis vitam hominum & morum decreta subjiciens.

XII. *Propositio.* Vir equestris ad duellum provocatus potest illud acceptare, ne timiditatis notam apud alios incurrat.

XIII. *Propositio.* Potest etiam duellum offerre, si non aliter honori consulere possit.

Censura. Doctrina his propositionibus contenta, falsa est, scandalosa, contraria juri divino & humano, tam Ecclesiastico quam civili, immo & naturali.

ARTICULUS VI.

De sexto Decalogi Præcepto.

Sexti præcepti Decalogi: *Non machaberis*, duplex est vis: Altera qua adulterium vetatur; Altera quæ jubet ut animi corporisque castitatem servemus.

Quanam velentur Sexto Decalogi mandato.

Sexto Decalogi mandato prohibentur inhonesta omnia & impudica: *Nomine Machie* (inquit Augustinus libro 8. questionum in Exodum) *illicitus concubitus atque illorum membrorum non legitimus usus, prohibitus debet intelligi.*

Hinc inferitur 1. prohiberi sex luxuriæ species, Fornicationem nimirum, Adulterium, Incestum, Stuprum, Raptum, Peccatum contra naturam, Sacrilegium.

Cum absolutio a pluribus speciebus ad luxuriam spectantibus, Episcopis reservetur, tradenda est hic uniuscujusque definitio. Itaque Fornicationis nomine intelligitur commixtio soluti cum soluta. Adulterium est concubitus contra pactum conjugale cum altera matrimonio conjuncta. Incestus est cum quis fruitur muliere cum qua per consanguinitatem, aut affinitatem conjunctus est. Stuprum est actus venereus, quo virgo defloratur. Raptus est commixtio cum invita, aut consentiente quidem, sed quæ aut invitis parentibus, aut tutoribus per vim rapta fuerit. Vitium contra naturam consistit in actibus venertis, ex quibus generatio consequi non potest; ejus generis sunt mollicies, sive pollutio voluntaria; bestialitas, sodomia; requisitus ad generationem non servatus concumbendi modus. Sacrilegium denique est actus venereus, habitus aut in loco sacro, aut cum persona, quæ, vel per aliquem e sacris ordinibus, vel per vota, Deo consecrata sit.

Inferitur 2. non tantum illarum specierum luxuriæ actus externos sexto Decalogi man-

D 4

dato

dato prohiberi; sed etiam internos, cum ad idem obiectum spectent, ad quod externi. Unde Christus in Evangelio Phariseos arguit, quod Legem de externis tantum luxuriæ actibus intelligeret: *Audistis quia dictum est: Non machaberis. Ego autem dico vobis: Quia omnis qui viderit mulierem ad concupiscendum eam, jam machatus est in corde suo.*

Inferitur 3. quoslibet luxuriæ actus juri naturali repugnare: prohibentur etiam sexto Decalogi mandato, quod (sicut & cetera ejusdem decalogi mandata) juris est naturalis. Unde Alexander Papa VII. merito hanc propositionem damnavit: *Mollities jure naturalis prohibita non est: unde si Deus eam non interdixisset, sape esset bona, & aliquando obligatoria sub mortali.*

Quenam præcipiantur sexto Decalogi mandato.

Ipsamet castitas, ac media quæ ad illius conservationem necessaria sunt, sexto Decalogi mandato præcipiuntur.

Scilicet Apostolus 1. ad Thessalonicenses 4. sic loquitur: *Hæc est voluntas Dei sanctificatio vestra, ut abstinatis vos a fornicatione, ut sciat unusquisque vestrum vas suum possidere in sanctificatione & honore, non in passione desiderii, sicut & Gentes quæ ignorant Deum.*

Hinc patet præcipi 1. ut quisque impudicas cogitationes abjiciat: neque enim eas animo volvere potest, quin aut consentiat, aut iis delectetur; aut saltem quia sit delectationis, vel consensus periculum.

Præcipitur 2. ut quisque a tactibus, osculis, aspectibus, sive in proprio corpore, sive in alieno, aliisque hujusmodi actibus temperet, quibus ipsi etiam conjugati interdiciuntur, cum ad ædum conjugalem, procreandæ prolis, aut reddendi debiti causa non referuntur. *De longe* (inquit August. in Pl. 50.) *vidit David illam in qua captus est. Mulier longe, libido prope. Alibi erat quod videret, in isto unde caderet.*

Præcipitur 3. ut nullo motu corporeo, qui venereus sit, libere delectetur; nullum omnino appetat sive sanitatis, sive vitæ causa: sunt enim intrinsece mali, & æterna lege damnati. Hinc ista Quietistarum propositio: *Non refert quid sensus agat, vel quid sentiat corpus, modo animus Deo jungatur*, hæretica est, ad fræna libidinibus laxanda viam aperiens. Non abfimilis est doctrina illius propositionis, ab ea quam in Beguadis & Beguinis Clemens Papa V. in Concilio Viennensi damnavit in Clementina: *Ad nostrum*. Tit. de hæreticis, ubi sic habetur: *Quod jejuna non oportet hominem, nec orare, postquam gradum perfectionis hujusmodi fuerit affectus: Quia tunc sensualitas est ita perfecte spiritui & rationi subiecta, quod homo potest libere concedere spiritui quidquid placeat.*

Præcipitur 4. ut quisque occasiones fugiat, quæ ad luxuriam provocant, ut sunt amatorii

libri, comœdiæ, saltationes, colloquutiones cum personis diversi sexus. Unde S. Carolus Confessarius injunxit ne eos absolvant, qui non pollicentur, se nuntium remissuros iis vanissimis, periculosissimisque rebus.

Præcipitur denique 5. sed indirecte, precum ac mortificationis praxis; luxuria enim ejus est generis, ut non nisi in oratione & jejunio expellatur.

Cleri Gallicani doctrina de sexto Decalogi mandato.

Aliquibus abhinc annis nonnulli recentiores inter alias perniciosas circa sextum Decalogi mandatum propositiones, has promulgarunt, quas Clerus Gallicanus ad Comitia Generalia congregatus, an. 1700. speciali censura notavit.

I. Propositio. Tam clarum videtur fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum esse videatur.

II. Propositio. Copula cum conjugata, consentiente marito, non est adulterium, adeoque sufficit in confessione dicere se esse fornicatum.

Censura. Doctrina his propositionibus contenta, scandalosa est, perniciosa, castarum & piarum aurium offensiva, & erronea.

III. Propositio. In hac vi & metu infamiae, mortisque, poterat Susanna dicere: non consentio actui, sed patiar & tacebo, ne me infametis & adigatis ad mortem... Forte Susanna id vel non sciebat, vel non cogitabat; sic enim honestæ castæque virgines putant se esse reas, seque consensisse lenonibus, si non clamore, manibus, totisque viribus resistant... Potuisset Susanna in tanto periculo infamiae & mortis, negative se habere, ac permittere in se eorum libidinem, modo interno actu in eam non consensisset, sed eam detestata, & execrata fuisset: quia majus bonum est vita & fama, quam pudicitia; unde hanc pro illa exponere licet.

Censura. Hæc propositio temeraria est, scandalosa, castarum aurium offensiva, erronea, & legi Dei (Deuteron. c. 22.) contraria.

A R T I C U L U S IV.

De septimi Decalogi mandato.

SEPTIMI Decalogi mandato: *Non furtum facere*, hæc vis est, ac sententia 1. ut prohibeamur fortunæ bona, quæ proximi sunt, eo invito accipere, aut accepta servare nobis: 2. ut in proximum beneficii finis ac liberales.

Quid prohibeatur septimo Decalogi mandato.

Duobus modis rei cujusque dominus potest esse

esse invitus, per ignorantiam nempe, aut per violentiam: Proindeque hocce præcepto, *Non furtum facies*, duo peccata prohibentur, furtum scilicet & rapina: Illud, est alienæ rei occulta ablatio; istud vero, est ablatio per violentiam. Furtum in tot species dividitur quot sunt bona specie diversa, quæ clanculum a domino possunt auferri. Quadruplicis vero generis sunt ea bona; Si ad privatum hominem pertineant, eorum ablatio simplex furtum appellatur; si publica, dicitur peculatus; si homo liber, vel alienus servus abducatur in servitutem, vocatur plagiat; si bona quæ subripiuntur, divino cultui consecrata sint, aut in aliquo loco sacro continentur, illorum subreptio dicitur sacrilegium.

Rapina plures sub se species continet. Nam 1. qui operarii debitam mercedem non persolvunt, raptores sunt. 2. Eiusdem facinoris rei sunt latrones, qui vias publicas obfident, sive eadem viatoribus inferant, sive non inferant. 3. Rapinæ rei sunt decimarum, vestigalium, seu tributorum defraudatores. 4. Rapinas faciunt nummarii Judices, qui venalia habent judicia. 5. Ad idem genus spectant rerum sibi creditarum inficiatores. 6. Non alio feneratorum reducendi sunt. 7. Qui in debitores sævi sunt ac crudeliter. 8. Tandem inter raptores computandi sunt, qui in frugum inopia comprimunt frumentum, faciuntque ut per suam culpam carior sit ac durior annonæ.

De variis modis, quibus alienum, aut occulte, aut violenter auferri potest, nihil amplius dicemus: quod nempe majori ex parte alienæ rei detentores recensendi sint inferius, cum de Contractibus, aut de Dominio, aut de Restitutione iis locis agemus, ubi differemus de virtute iustitiæ.

Quid jubeamur septimo Decalogi mandato.

Septimo Decalogi mandato, *Non furtum facies*, non solum prohibemur ne proximi bonis, quæ bona fortunæ dicuntur, detrimentum aliquod inferamus; sed etiam (ut jam observatum est) jubemur, ut in illum sumus beneficii ac liberales, cum nostra indiget opera.

De superfluis igitur illius miseriam sublevare naturali ac divino jure tenemur, immo & de necessariis, cum extrema est calamitas quam patitur. Superfluum autem nomine ea intelliguntur, quæ supersunt honestæ sustentationi secundum cuiusque statum ac conditionem, non vero secundum eum quem inani gloria ductus ambire posset: alioquin enim nec in ipsis etiam Magnatibus quidquam esset superfluum, nusquamve eleemosynam largiri tenerentur.

Cleri Gallicani doctrina de furto.

Iis quæ hucusque dicta sunt, adversantur

variae propositiones a recentioribus arbitris casuum propugnatae, quas cum multis quæ, cum de virtute iustitiæ agemus, a nobis referuntur, speciali censura notavit Clerus Gallicanus ad Comitata generalia coactus anno 1700.

I. Propositio. Permissum est furari non solum in extrema necessitate, sed etiam in gravi.

Censura. Hæc propositio quatenus furtum permittit in gravi necessitate, falsa est, temeraria, & reipublicæ perniciosa.

II. Propositio. Famuli & Famulæ domesticæ possunt occulte heris suis surripere ad compensandam operam suam, quam majorem judicant salario, quod recipiunt.

Censura. Hæc propositio falsa est, furtis viam aperit, & famulorum fidem labefactat.

III. Propositio. Potest uxor viro surripere pecuniam, etiam ad ludendum, si mulier talis sit conditionis, ut ludus honestus pariloco cum alimentis ac victu habeatur.

Censura. Hæc propositio temeraria est, scandalosa, & familiarum pacem perturbat. Quod autem de ludo alimentis æquipare additur, furti iniquitati pessimas fallendi artes adjungit; in vitam humanam necessitates inducit a Christiana simplicitate, & honestate abhorrentes.

IV. Propositio. Vix in secularibus invenies, etiam in regibus, superfluum statui: & ita vix aliquis tenetur ad eleemosynam, quando tenetur tantum ex superfluo statui.

Censura. Hæc propositio est temeraria, scandalosa, erronea, evangelicum de eleemosyna præceptum pessumdat.

ARTICULUS VIII.

De octavo Decalogi mandato.

IN hujusce præcepti, *Non loqueris contra proximum tuum falsum testimonium*, quod octavo loco in Decalogo recensetur, explicatione, eadem est adhibenda methodus, quæ in præcedentium expositione a nobis adhibita fuit. Quærendum scilicet est 1. quid prohibeat; 2. quid præcipiat; 3. quænam sit de eo præcepto Cleri Gallicani doctrina.

Quid prohibeatur octavo Decalogi mandato.

Præcepto, *Non loqueris contra proximum tuum falsum testimonium*, prohibetur 1. mendacium, quippe quod essentialiter sit malum, utpote veritati, ac æternæ legi, quæ ordinem naturalem conservari jubet, perturbari vetat, omnino oppositum: Unde mendacio nusquam uti licet, sive ut quis suæ, aut aliorum salutis consulat, sive ut maximum bonum operetur, sive ut summum malum declinet: non enim facienda sunt mala, ut eveniant bona. Vide Augustinum libris duobus, *De mendaciis & contra mendacium*.

Quid autem sit mendacium explicat S. Doctor Enchiridii cap. 22. ubi sic loquitur: *Omnis mendacium ideo dicendum esse peccatum, quia homo non solum quando scit ipse quod verum*

verum sit: sed etiam si quando errat, & fallitur sicut homo, hoc debet loqui quod animo gerit. Hec illud verum sit, siue putetur, & non sit. Omnis autem qui mentitur, contra id quod animo sentit, loquitur voluntate fallendi. Et utique verba propterea sunt instituta, non per quae homines se invicem fallant, sed per quae in alterius quisque notitiam cogitationes suas proferat. Verbis ergo uti ad fallaciam, non ad quod instituta sunt, peccatum est. Nec ideo ullum mendacium putandum est non esse peccatum, quia possumus aliquando alicui prodesse mentiundo: Possumus enim & furando, si pauper, cui palam datur, sentit commodum, & dives cui clam tollitur, non sentit incommodum. Nec ideo tale factum quisquam dixerit non esse peccatum Plurimum quidem ad bonum proferisse homines, qui nonnisi pro salute hominis mentiuntur; non est negandum: sed in eorum tali profectu merito laudatur, vel etiam temporaliter remuneratur benevolentia, non fallacia, quae ut ignoscatur sat est, non ut etiam predicetur, maxime in beatoribus Testamenti Novi, quibus augetur: Sit in ore vestro, Est, Est, Non, Non; quod enim amplius est, e malo est.

Hinc rei sunt iudices qui mendacia comminiscuntur ut a reis veritatem extorqueant. 2. Ipsimet rei, qui inficiantur commissa a se facinora, arbitrati se posse mentiri, saltem si iudice non interrogentur. 3. Rei quoque sunt, qui cum mortem filii alicujus hominis agrotantistacere non possint, affirmant minime mortuum, neeo nuntio audito agrotus moriatur; ita Augustinus in lib. contra mendacium cap. 17. Idem dicit de eo qui mentitur, ne prodatur innocentem, ne pudicitiae suae detrimentum patiat.

Prohibetur 2. usus restrictionum mentalium, terminorum aquivocorum, amphibologicorum: qui enim utitur restrictione mentali, aut terminis aquivocis, aut amphibologicis, seu terminis, quorum sensus naturalis, & ordinarius, alius est a sensu in quo a loquente sumuntur, fallit expectationem hominis, cui loquitur, ac proinde reus est mendacii, juxta illud Augustini in libro de Mendacio, cap. 3. Ille mentitur, qui aliud habet in animo, & aliud verbis, vel quibuslibet significationibus denuntiat. Unde etiam duplex cor dicitur mentientis, id est, duplex cogitatio: una rei ejus quam veram esse, vel scit, vel putat, & non profert; altera ejus rei, quam pro ista profert, sciens falsam esse vel putans.

Prohibetur 3. tum in judicio, tum extra judicium, falsum testimonium, quo nempe alicui crimen inponitur. Hinc infra de divinae legis rei sunt 1. qui ut testibus auctoritatem detrahant, fictitia crimina eis obijciunt. 2. Notarii qui falsa instrumenta conscribunt, etiam iis in casibus, in quibus

iis, in quorum favorem sunt, jus habent in rem aliquam, immo actu eam possident; evincendi alioquin eo quod schedulam obligatoriam adversae partis amiserint: unde Theologiae facultas Parisiensis anno 1665. die 31. Februarii declaravit doctrinam contrariam, falsam esse, scandalosam, & reipublicae perniciosam.

Prohibetur 4. Detractio qua quis occultum crimen detegit. Illud enim testimonium licet veritate nitatur, falsum est tamen ratione circumstantiae, quod is nimirum de quo detrahitur, jus ad suam famam habeat. Detractionis rei sunt 1. qui licet proximi detrimentum non intendunt, de eo tamen detrahunt, ut intemperanti suae linguae faciant satisfactis: 2. Qui detractionibus aures praebent, si enim auditores non essent, nulli detractores reperirentur: 3. qui cum possint detractionem impedire, silent tamen dum quis detrahit. Sed advertendum est detractoribus non debere accenseri, qui crimen occultum ad Superiorem prudentem deferunt, a quo reus paterne moneatur, aut cuiusdam amico retineant, ne eidem amico iniqui illius hominis familiaris societas noceat.

Quid praecipitur octavo Decalogi mandato.

Altera octavi mandati parte, quae affirmativa est, unum tantum praecipitur, nimirum ut veritas pro loco & tempore aperiat, juxta illud Apostoli ad Ephesios c. 4. Veritatem facientes in caritate, crescimus in illo per omnia. Propter quod deponentes mendacium loquimini veritatem unusquisque cum proximo suo; quoniam sumus invicem membra.

Ea lege dicendi veritatem, tenetur reus secundum ordinem juris interrogatus; hoc est, tenetur confiteri crimen de quo, servato juris ordine, interrogatur? Quicumque (ait S. Thomas 2. 2. quaest. 69. art. 1.) facit contra debitum justitiae, mortaliter peccat. Pertinet autem ad debitum justitiae quod aliquis obediat suo Superiori in his, ad quae jus praelationis se extendit; iudex autem superior est respectu ejus qui judicatur; & ideo ex debito tenetur accusatus iudici veritatem exponere, quam ab eo secundum formam juris exigit: & ideo si confiteri noluerit veritatem, quam dicere tenetur, vel si eam mendaciter negaverit, mortaliter peccat: si vero iudex hoc exquirat, quod non potest secundum ordinem juris, non tenetur ei accusatus respondere; sed potest vel per appellationem, vel aliter licite subterfugere: mendacium tamen dicere non licet.

Eadem est doctrina Catechismi Romani ad Parochos: De rebus autem (inquit) & sensibus vult eos Deus, verum confiteri; cum eo-judicii formula interrogantur. Est enim testimonium ac praenotatio quaedam, illa confessio laudis & gloriae

ria Dei ex ipsius Josue sententia, qui Acham ad veri confessionem adhortatus inquit: Filii mei, da gloriam Domino Deo Israel: Josue VII. Secundum vero formam juris, reus interrogatur cum de crimine præcessit infamia, vel expressa indicia, vel semiplena probatio.

Nec obstat, quod reo ex occulti sui criminis revelatione, periculum capitis imminet. Nam ipse lubens per suum scelus in illud periculum incidit: Unde concluditur, eum in foro interno absolvi non debere, nisi polliceatur se confessurum esse veritatem: immo, cum quotidiana constet experientia reos eo in capite suis promissis non stare: plerumque promissio illa, etiamsi fieri supponatur, non est vera ac sincera voluntas confitendi crimen, sed velleitas tantum: unde ordinarie ante definitivam judicis sententiam absolvi non debent.

Desumpta est ea doctrina ex S. Thoma, qui 2. 2. q. 69. art. 1. ad 1. sic loquitur: *Mentiri ad liberandum aliquem a morte cum injuria alterius non est mendacium simpliciter officiosum; sed habet aliquid de premissio admixtum. Cum autem aliquis mentitur in judicio ad excusationem suam, injuriam facit ei, cui obedire tenetur, dum sibi debeat quod ei debet, scilicet confessionem veritatis.* Idem ab eodem Sancto Doctore docetur Quodlibeto V. quæst. VIII. art. 2. quæst. enim, Utrum mulier accusata de adulterio occulto, teneatur suum peccatum judici confiteri; sic vero respondet: *Si adulterium sit omnino occultum, non debet peccatum suum in judicio confiteri; nec debet ab ea exigi juramentum de veritate dicenda; quia oculis soli divino judicio reservantur. Sed quando ex adulterio procedit infamia, vel aliqua signa evidenter apparent, quæ vehementem suspicionem facere possunt; vel quando est semiplene probatum, tunc debet ab ea exigi juramentum de veritate dicenda, & ipsa tenetur confiteri veritatem.*

Quod de confessione criminis proprii dictum est, locum etiam habet in complicibus; hoc est, reus servato juris ordine interrogatus, eos revelare tenetur, si infamia præcesserit, vel indicia vehementia, aut si jam unius testis accusatione proditi fuerint; immo & sine infamia præcedente, sine indiciis, sine accusatione vel unius testis, reus tenetur complices revelare in casibus jure expressis, hæresis nimirum, sortilegii, læsæ Majestatis, aut patriæ, falsæ monetæ, veneficii, publici latrocinii, &c.

Cleri Gallicani doctrina circa octavum Decalogi mandatum.

Plures propositiones a quibusdam recentioribus adversus Octavum Decalogi mandatum prolatas, damnavit Clerus Gallicanus in Co-

mitiis Generalibus anni 1700. Duas hic cum affixa eis speciali censura recensebimus, quod expressius octavo Decalogi mandato adversentur.

I. Propositio. Patriarchæ & Prophetæ, Angeli, ipse Christus, nedum viri justi & sancti, æquivocationibus, & amphibologiis, & restrictionibus mentalibus usi sunt.

Censura. Hæc propositio scandalosa est, temeraria: mystice, parabolice, sive œconomice ad insinuandum altius veritatem dicta, vel tacita, cum vulgaribus gestis confundit: SS. Patrum acta ludibrio vertit; ipsis etiam Angelis injuriosa, erga Christum contumeliosa & impia.

II. Propositio. Probabile est non peccare mortaliter qui imponit falsum crimen alicui, ut suam injustitiam & honorem defendat: & si hoc non sit probabile, vix ulla erit opinio probabilis in theologia.

Censura. Hujus propositionis doctrina (jam ab Innocentio Papa XI. damnata) falsa est, temeraria, scandalosa, erronea, spatiosam calumniarioribus & impostoribus portam aperit; & clare detegit, quam nefaria placita probabilitatis nomine inducantur.

Nihil est quod æquivocationibus favet.

Nihil prorsus est in Scripturis quod æquivocationibus, restrictionibus mentalibus, amphibologiis patrocinetur. Si quæ æquivocationes hujusmodi, restrictiones mentales, amphibologiæ in Scripturis referantur, historice narrantur, dogmatice vero non probantur, sicut nec quædam scelera quæ in ea a nonnullis perpetrata fuisse leguntur.

I. Sara neptis erat Abraham ex fratre Aram; potuit igitur dicere, ut vitæ suæ consuleret, esse sororem suam, non negando uxorem: consanguinei nimirum in Scripturis non semel fratrum & sororum nomine vocantur; 2. de Jacob qui se Isaac primogenitum dixit, hæc scribit Augustinus libro contra mendacium, cap. 10. *Verax ergo significatio nullo modo mendacium recte dici potest. Ut autem in facto, ita & in verbo. Nam cum ei pater dixisset, Qui es tu fili? Ille respondit; Ego sum Esau, primogenitus tuus. Hoc si referatur ad illos duos geminos, mendacium videbitur. Si autem ad illud propter quod significandum ista gesta, dictaque, conscripta sunt, ille hic est intelligendus in corpore suo, quod est ejus Ecclesia, qui de hac re loquens, ait; Cum videritis Abraham, Isaac & Jacob, & omnes Prophetas in regno Dei; vos autem expelli foras. Et venient ab Oriente & Occidente, & Aquilone, & Austro, & accumbent in regno. Et ecce sunt novissimi qui erant primi, & sunt primi qui erant novissimi: Sic enim quadammodo minor majoris primatum frater abstulit, atque in se transfudit fratris. Cum igitur tam vera, tamque signi-*

beneficentur veraciter, quid hic debet putari falsum, dictum mendaciter?

II. Quæ Angelus Raphael cum Tobia & dixit & egit, parabola quædam fuerunt, quæ peractis iis quæ agenda erant, explicari debuit, & revera ab ipso Raphael explicata est; Parabola autem quæ, ubi oportet, explicanda est, mendacium non est: sed veritas in ænigmate proposita.

III. Cum Christus, Lucæ 24. appropinquans castello Emmaus finxit se longius ire, nihil aliud egit quam vultum componere, & accingere se per modum ulterius profecturi, quidem revera profecturi, nisi discipulorum hospitalitate, & caritate impeditus fuisset; ac proinde Christus factis illo minime mentitus est.

IV. Æquivocatione pariter, aut restrictione mentali usus non est, cum Matthæi 13. dixit nescire se extremam iudicii diem; *De die autem illa vel hora nemo scit, neque Angeli in celo, neque Filius, nisi Pater*. Siquidem sciebat se Apostolis loqui, qui cum certo scirent, Christum esse Deum & hominem, noverant, quæ de se ipso affirmabat, aut negabat, convenire ipsi vel ut homini, vel ut Deo; ac proinde ad illorum mentem respondit Christus, asserens se, prout erat homo viator, nescire extremam iudicii diem. Præterea nescire se dixit figurata locutione, quia nimirum non faciebat discipulos suos horam illam scientes. Nec is loquendi usus infrequens est in Scripturis; *Nunc cognovi*, id est, cognoscere feci, *quod timeat Deum*, ait Deus ipse, Abraham alloquens Genes 22.

V. Apertus est quoque sensus horum Christi verborum, Joannis 7. *Ego non ascendo ad diem festum istum*; nempe 1. non dixit; *Non ascendam*, sed, *Non ascendo*, quæ verba tempus præsens significant, quasi dixisset; *ubi scum non ascendo*, quamvis opportuno tempore ascensurus sim. 2. In textu Græco legitur adverbium, *Nondum*, præfixum verbo *Ascendo*; ac proinde nulla tunc CHRISTUS restrictione mentali, nullis terminis æquivocis usus est.

ARTICULUS IX.

De novo & decimo Decalogi mandato.

Nonum Decalogi, mandatum Deuteronomii cap. 5. hisce verbis exprimitur: *Non concupisces uxorem proximi tui*: Decimum vero, his aliis: *Non domum, non agrum, non servum, non ancillam, non bovem, non asinum, & universa quæ illius sunt*.

Quamvis duo illa præcepta sint idem cum sexto, *Non machaberis*, & cum septimo, *Non furtum facies*; qui enim actum externum operis alicujus prohibet, censetur & internum prohibere: conveniens tamen fuit, ut distinctius, & explicitius traderentur: ita enim

comparati erant Judæi carnales, ut solos actus externos prohibitos esse censerent, justosque se putarent, modo in externos moechiæ, & furti actus non prorumperent: unde Matthæi 5. quamvis hæc explicite tradita fuissent, Pharisei actus internos non damnavant: *Andistis* (ait Christus ipse, pravam illam expositionem rejiciens) *quia dictum est Antiquis; Non machaberis. Ego autem dico vobis, quia omnis qui viderit mulierem ad concupiscendum eam, jam machatus est eam in corde suo*. Præterea sexto præcepto: *Non machaberis*, prohibita tantum videbatur concupiscentia uxoris alienæ adhuc sub viri potestate constitutæ: non vero prohibetur desiderium uxoris alienæ per divortium (quod apud Judæos erat in usu) repudiatæ; ita ut prohibeatur ne rivales ad divortium maritos impellant animo fruendi eorum uxori-bus per matrimonium sibi postea jungendis.

Itaque duobus his præceptis prohibetur omnis voluntarius concupiscentiæ motus; hoc est, mali alicujus desiderium. Cum autem motus iste feratur aut ad jucunda, aut ad utilia, duobus specialibus præceptis prohibendus fuit; id est, necesse fuit, ut prohiberemur voluptatem querere propter ipsam voluptatem, & bona proximi, licet nobis utilia, desiderare.

Peccant igitur contra nonum præceptum: 1. qui concupiscentiæ motibus ad voluptatem impellentibus consensum præbent, aut qui eos, cum orti fuerint, non comprimunt: *Hic consentitis*, (ait Augustinus in libro de spiritali & lit. cap. 26.) *peccatum erit hominis ex fide viventis aliquando alicui delectationi illicitæ consentire; non tantum in horrendis illis facinoribus & flagitiis perpetrandis, verum etiam in levioribus; ne vel aures alicui voci quæ audienda non esset, vel linguam alicui qui dicenda non esset accommodet; vel ipso corde aliquid ita cogitare, ut mallet licitum quod male delectat, & per præceptum scitum illicitum: Etiam ista quippe consensio est ad peccatum, quod utique feret, nisi pena terneret*.

Peccat 2. in idem præceptum, & quidem lethaliter, qui alienam uxorem desiderat, ut ea fruatur etiam in matrimonio cum ea post mariti mortem contrahendo: *Qui alterius uxorem concupiscit* (inquit Catechismus Romanus ad Parochos) *facile ex una in aliam incidet cupiditatem: aut enim illius virum mori, aut adulterium admittere cupiet*. Hinc patet nemini licere verbo, vel scripto, vel aliquo alio signo alicui mulieri significare se, si uxor moreretur, eam ducturum esse in matrimonium.

Peccant in decimum præceptum qui proprii questus causa alienum incommodum, publicas calamitates appetunt: *Peccant etiam graviter in hoc præceptum mercatores* (inquit Catechismus ad Parochos) *qui rerum penuriam, annonæque caritatem expetunt, atque id egro-*

ferunt, ut alii præter ipsos sint qui vendant, aut emant, quo carius vendere aut vilius emere possint. Item qui alios egere cupiunt, ut aut vendendo, aut emendo, ipsi lucrentur. Letaliter etiam peccant milites, qui bellum expetunt, ut furari eis liceat. Medici item qui morbo desederant, Jurisconsulti, Judices, Advocati, Procuratores, Aëtuarii, sive Scribae qui causarum, litiumque vim & copiam concupiscunt. Sed hæc satis sint de Decalogi præceptis.

QUÆSTIO II.

De Lege Nova.

Not. 1. DE Lege Nova, seu Evangelica Sanctus Thomas agit 1. 2. a q. 106. ad 108. inclusive. Eam vero perpendit 1. in se ipsa; 2. per comparisonem ad veterem legem; 3. per comparisonem ad ea quæ in illa continentur.

Not. 2. Circa primum quærit 1. utrum lex nova sit scripta; 2. utrum justificet; 3. quando incæperit; & tandem 4. quousque duratura sit.

Not. 3. Circa secundum, idem Sanctus Doctor quærit 1. utrum lex nova sit alia a veteri; 2. utrum lex nova impleat veterem; 3. utrum in veteri contineatur; 4. an sit gravior veteri.

Not. 4. Circa tertium quærit 1. utrum lex nova debeat opera exteriora præcipere, vel prohibere; 2. utrum sufficienter se habeat in exterioribus actibus præcipiendis, vel prohibendis; 3. utrum convenienter instituat homines quantum ad actus interiores; 4. denique utrum convenienter superaddat consilia præceptis.

CAPUT PRIMUM.

De Lege Nova secundum se.

CONCLUSIO 1. Lex nova præcipue scripta est interiorius in corde; secundario vero scripta est extrinsecus.

Probatur prima pars. Jeremiæ 31. sic Deus ipse de nova lege loquitur: *Dabo legem meam in visceribus eorum, & in cordibus eorum scribam eam.* 2. Lex nova secundum præcipuum ejus partem est gratia Spiritus sancti quæ fidelibus datur per fidem Christi, juxta illud ad Rom. 8. *Lex Spiritus vitæ in Christo Jesu liberavit me a lege peccati & mortis*; atque gratia Spiritus sancti scripta est interiorius in corde. Juxta illud Apostoli *Cor vitæ Dei diffusa est in cordibus nostris per Spiritum sanctum qui datus est nobis.* 3. Idem asseritur ab Augustino in libro de Spiritu & littera, c. 26. ubi ait (inquit) *lex sanctorum scripta fuit in tabula lapideâ, hæc lex fidei scripta est in cordibus fidelium.*

Probatur altera pars. Lex nova secundum ea quæ in illa minus præcipua sunt, sunt facta Christi, præcepta ab eo tradita, leges positivæ ab eo sancitæ; quæ quidem suo modo aut disponunt ad consequendam gratiam, aut ad rectum illius usum; Sed hæc conveniens fuit scriptis mandari, ut ea fideles & docerentur & retinerent: ergo lex nova secundario scribi debuit extrinsecus.

Objicies. Lex naturalis indita est homini; juxta illud ad Romanos 2. *Gentes quæ legem non habent, naturaliter ea quæ legi sunt factum, offendendo opus legis scriptum in cordibus suis*; ergo ut lex nova differret a lege naturali, debuit extrinsecus scribi.

Resp. dist. ant. Lex naturalis, indita est homini per modum indicantis agenda & fugienda, conc. ant. per modum adjuvantis ad faciendam & fugiendam, neg. ant. In hoc lex nova differt a lege Naturæ, quod hæc demonstrat quæ faciendæ sunt, illa vero præbeat vires, quibus faciamus quæ faciendæ sunt, juxta illud Scripturæ: *Faciatis, ut in præceptis meis ambuletis.*

CONCLUSIO 2. Lex nova sumpta quoad præcipuum sui partem justificat; non justificat vero sumpta quoad ea quæ in illa minus præcipua sunt.

Probatur prima pars. Lex nova, ex dictis, quantum ad præcipuum sui partem, est gratia Spiritus sancti: sed gratia Spiritus sancti per se justificat: ergo & lex nova: *Ibi* (ait Augustinus in libro de Spiritu & littera) *lex extrinsecus est posita, quæ injusti terrentur: Hic, scilicet in Evangelio, intrinsecus data est, quæ justificarentur.*

Probatur altera pars. Lex nova, ex dictis, secundario sumpta, nihil aliud est quam præcepta fidei & morum, quæ in Evangelio continentur: præcepta illa per se non justificant: reducuntur enim ad litteram quæ occidit, juxta illud Augustini in libro de Spiritu & littera, cap. 14. *Per litteram intelligitur qualibet Scriptura extra homines existens, etiam moralium præceptorum, qualia continentur in Evangelio. Unde etiam littera Evangelii occideret, nisi adesset interior gratia fidei salvans.*

CONCLUSIO 3. Lex nova dari non debuit a mundi exordio.

Probatur 1. Lex nova quæ principaliter est gratia Spiritus sancti, dari non debuit antequam impedimentum peccati ab humano genere per Christum tolleretur, juxta illud Apostoli ad Rom. 8. ubi postquam pramissit de Lege Spiritus vitæ, subiungit: *Deus Filium suum mittens in similitudinem carnis peccati, de peccato damnavit peccatum in carne, ut justificatio legis impleveretur in nobis.* 2. Lex nova, est lex perfecta; sed quod perfectum est, statim dari non debet; sed quodam (ait Sanctus Thomas) temporali

luc-

successionis ordine, sicut aliquis fit puer, & postmodum vir. Traditur ea ratio ab Apostolo: *Lex* (inquit ad Galat. 3.) *Paedagogus noster fuit in Christo, ut ex fide iustificemur: at ubi venit fides, jam non sumus sub paedago.* 3. Par fuit ut homo per peccata suam experiretur infirmitatem, & cognosceret se gratia indigere, juxta illud Apostoli ad Rom. 5. *Lex subintravit, ut abundaret delictum: ubi autem abundavit delictum, superabundavit & gratia.*

Dices: Videtur quod quædam fuerit acceptio personarum; nempe legem novam, seu gratiam hominibus certo tempore contulit, quam præcedenti aliquo tempore minime contulerat.

Respondet Sanctus Thomas his verbis: *Ad primum ergo dicendum quod humanum genus propter peccatum primi parentis meruit privari auxilio gratia, & ideo quibuscumque non datur, hoc est, ex justitia: quibuscumque autem datur, hoc est, ex gratia, ut Augustinus dicit in libro de perfectione justitiæ. Unde non est acceptio personarum apud Deum ex hoc, quod non omnibus a principio mundi legem gratia proposuit, quæ erat debito ordine præponenda.*

CONCLUSIO 4. Lex nova perdurabit usque ad sæculorum consummationem.

Probatur 1. Ex Scripturis. Psal. 100. hæc de nova lege prædicantur: *Redemptionem misit populo suo, mandavit in æternum testamentum suum.* Hæc quoque Baruch. c. 2. *Statuam illis testamentum sempiternum.* Hæc etiam habentur ad Hebræos 13. *in sanguine testamenti æterni.*

Probatur 2. ratione S. Thomæ. Ea lex usque ad sæculorum consummationem perdurabit, quæ in statu viæ dari non potest perfectior: ideo enim ad tempus data fuit lex antiqua quod esset imperfecta: atqui dari non potest in statu viæ lex quæ Nova sit perfectior. Siquidem perfectio legis sumitur ex modo quo cum ultimo fine conjungit; scilicet lex omnis pro fine habet conjunctionem cum beatitudine; proindeque cum ultimo fine: Sed dari non potest lex aliqua in statu viæ, quæ magis, quam Nova hominem cum ultimo fine jungat: suppeditat enim Mediatorem Deum qui per sui sanguinis effusionem meruit auxilia omnia quibus indigemus ut finem ultimum in clara Dei visione positum adipiscamur; unde est illud Apostoli ad Hebræos 10. *habentes autem fratres, fiduciam in introitu sanctorum in sanguine Christi, quæ intulit nobis vitam novam, accedamus, ergo &c.*

Objicies 1. Lex nova est imperfecta, juxta illud Apostoli; *Ex parte cognoscimus, & ex parte prophetamus*; atqui lex imperfecta non perdurabit usque ad sæculorum consummationem: ergo neque lex nova.

Resp. dist. maj. Lex nova, est imperfecta comparata ad statum in quo erimus in patria, conc. maj. dicit enim Apostolus 1. ad Cor. 13. *Cum venerit, quod perfectum est, evacuabitur quod ex parte est*; est imperfecta, comparata ad statum viæ, neg. maj. in ea nimirum sunt omnia quæ homines viatores ad Dei possessionem perducere possunt.

Objicies 2. Lex in qua non est cognitio omnis veritatis, non est perfecta; sed in lege nova non est cognitio omnis veritatis: nondum enim Ecclesia consecuta est, quod Christus discipulis suis promisit Joannis 16. *cum venerit Paraclitus docebit vos omnem veritatem*: ergo &c.

Resp. dist. min. In lege nova non est cognitio omnis veritatis quoad eventus futuros, qui ad salutem necessarii non sunt, conc. min. Dicitur enim Actorum 1. *Non est vestrum nosse tempora, vel momenta, quæ Pater posuit in sua potestate.* Non est cognitio omnis veritatis quæ ad credenda, aut agenda spectet, neg. min. Scilicet promissio Apostolis facta, die sacra Pentecostes, quæ in eos Spiritus Sanctus effusus est, completa fuit; ac proinde docti sunt omnem veritatem, quæ ad salutem spectat. Hinc patet, quam turpiter erraverint Manichæi, cum asseruerunt in sua sæcæ principe, Mæne nimirum, completum fuisse promissum illud.

Objicies 3. Lex nova perdurare debuit tantum, donec ubique Evangelium prædicaretur, juxta illud Christi Matthæi 24. *Prædicabitur hoc Evangelium regni in universo orbe, & tunc veniet consummatio*: atqui jamdiu ubique prædicatum fuit Evangelium; ergo jamdiu desisse debuit lex nova; ac proinde & alia successisse.

Resp. neg. maj. Hæc enim Christi verba: *Et tunc veniet consummatio*, non intelliguntur de lege nova, quasi desisse debuerit statim atque in universo orbe Evangelium regni prædicatum fuit; sed intelliguntur de excidio urbis Jerosolymitanæ, quod quidem accidit non multo post mortem Apostolorum, quorum tempore Evangelium Christi (ut docet Chrysostomus) apud omnes nationes innotuit, aut saltem paucæ admodum fuerunt gentes, quibus tunc Evangelium Christi cognitum non fuerit.

C A P U T II.

De lege Nova per comparisonem ad Veterem.

CONCLUSIO 1. Lex nova non differt a veteri quantum ad finem ultimum; sed tantum quantum ad modum, quo ad ultimum finem perducit.

Probatur prima pars. Utriusque legis, veteris & novæ, & unus & idem est finis ultimus, utraque nimirum eo tendit ultimo, ut homines subdantur Deo, qui quidem non alius

alius est in lege nova, quam fuerit in veteri, juxta illud ad Rom. 3. *Unus est Deus, qui justificat circumcissionem ex fide, & praeputium per fidem*; ergo lex nova, quantum ad finem ultimum, ad quem tendit, non est alia a lege veteri.

Probatur altera pars. Ea lex quantum ad modum, quo ad ultimum finem perducit, est alia a veteri, quæ propinquius, hoc est per media propinquiora, homines cum Deo, ultimo fine, conjungit; atqui (ut dictum est superius) lex nova propinquius homines cum Deo, ultimo fine, conjungit, quam olim lex vetus conjunxit. Ista enim (ex Apostolo ad Galatas 3.) fuit quasi Pædagogus puerorum, illa vero est terminus, ad quem antiquus ille Pædagogus perducebat, seu est lex caritatis, ad quam antiqua lex homines per umbras & figuras disponebat; lex autem caritatis est (ut ait Apostolus ad Colossenses 5.) vinculum perfectionis.

Objicies 1. Ea lex non est alia a veteri, cujus fides est eadem cum fide veteris legis: atqui fides novæ legis est eadem cum fide veteris legis, juxta illud ad Hebræos 11. *Sine fide impossibile est placere Deo*: ergo &c.

Resp. dist. min. Eadem est fides, sumpta quoad ultimum finem, conc. min. utriusque nimirum legis fides, cum sit virtus theologica, habet & eundem finem ultimum pro objecto, seu Deum ipsum. Est eadem quoad statum, & modum, neg. min. Siquidem quod in veteri lege celebratur futurum; in nova lege tamquam factum creditur.

Objicies 2. Ea lex non est alia a veteri, in qua non aliæ sunt promissiones, nec alia media consequendi promissiones: atqui in lege nova non aliæ sunt promissiones, nec alia media consequendi promissiones, quam fuerint in lege veteri. Nam 1. non minus in antiqua lege, quam in nova; promissiones sunt de spiritualibus & æternis, juxta illud Apostoli ad Hebræos 11. de veteribus loquentis: *Nunc autem meliorem partem appetunt, id est, celestem*. 2. Non minus in antiqua lege, quam in nova, per caritatem comparari debebant promissiones factæ: filiis enim veteris Testamenti non minus præceptum erat, ut Deum diligerent, quam nunc filiis novi Testamenti præceptum sit: nempe Levitici 19. hæc habentur: *Diliges proximum tuum*, & Deuteronomii 6. *Diliges Dominum Deum tuum*. 3. In nova lege sicut & in veteri, homines a peccato per poenarum timorem coercentur. 4. denique in nova lege sicut in veteri, quædam temporalia promittuntur, juxta illud Marci 10. *Accipietis centes tantum in tempore hoc, domos & fratres*: ergo &c.

Resp. conc. maj. dist. min. In lege nova non aliæ fuerunt promissiones, non alia media consequendi promissiones, quam fuerint

in veteri, sed alius fuit modus habendi illa media, conc. min. & non fuit alius modus, neg. min. Scilicet lex vetus per se non conferebat caritatem, cujus præcepta hominibus imponebat; e contra vero lex nova & caritatem præcipit, & eam confert: quod enim præcipuum est in lege nova, est Spiritus Sanctus, qui nobis datur, & per quem (ut ait Apostolus ad Rom. 5.) *caritas Dei diffusa est in cordibus nostris per spiritum sanctum qui datus est nobis*. Si qui vero fuerint in antiqua lege quibus Spiritus sanctus datus fuerit, non pertinuerunt illi ad legem veterem, sed ad novam: sicut ad veterem pertinent, qui tempore Evangelii propter sola promissa temporalia, vel ex solo timore poenarum operantur.

Desumpta est ea responsio ex S. Thoma, qui 1. 2. q. 107. art. 1. ad 2. sic loquitur: *Fuerunt tamen aliqui in statu veteris Testamenti, habentes caritatem & gratiam Spiritus sancti, qui principaliter expectabant promissiones spirituales, & æternas, & secundum hoc pertinebant ad legem novam. Similiter autem in novo Testamento sunt aliqui carnales nondum pertingentes ad perfectionem novæ legis, quos oportuit etiam in novo Testamento induci ad virtutis opera per timorem poenarum, & per aliqua temporalia promissa: Lex autem vetus etiam præcepta caritatis daret, non tamen per eam dabatur Spiritus sanctus, per quem diffunditur caritas in cordibus nostris, ut dicitur Rom. 5. Itaque discrimen novæ legis a veteri duplex est præcipuum: 1. quod illa per se habeat promissa spiritualia; ista vero temporalia: 2. quod illa per amorem quem inspirat, inducat ad præceptorum observationem; ista vero per poenarum timorem: unde Augustinus in libro contra Adimantum c. 17. merito sic loquitur: *Brevis differentia Legis & Evangelii est timor & amor*. Hincque S. Doctor concludit legem cohibuisse manum, non animum; e contra vero Evangelium, cum sit lex amoris, & manum & animum cohibet a præceptorum infractione.*

Objicies 3. Lex nova non minus est lex factorum, quam fuerit vetus; non minus enim quædam facta in novo lege, quam in veteri, præcipiuntur: ergo lex nova non est alia a veteri.

Resp. dist. ant. Lex nova secundum partem sui minus præcipuam, est lex factorum, conc. ant. secundum partem sui præcipuam, neg. ant. Pars novæ legis præcipua est gratia fidei & caritatis, minus vero præcipua, sunt præcepta de credendis & agendis: e contra vero præcipua & unica pars veteris legis fuit lex credendorum & agendorum, sine ulla Spiritus sancti justificantis subministratione: non enim (ut dictum est) lex vetus, sicut nova, per se Spiritum sanctum filiis suis conferebat.

Petita est illa responsio ex S. Thoma, qui 1. 2. q. 107. art. 1. sic loquitur: *Ad tertium dicendum quod (sicut supra dictum est) lex nova dicitur lex fidei, in quantum ejus principalitas consistit in ipsa gratia, qua interius datur credentibus, unde dicitur gratia fidei. Habet autem secundario aliqua facta & moralia & sacramentalia, sed in his non consistit principalitas legis novae, sicut principalitas veteris legis in eis consistebat. Illi autem qui in veteri Testamento Deo fuerunt accepti per fidem, secundum hoc ad novum Testamentum pertinebant: non enim justificabantur, nisi per fidem Christi, qui est auctor novi Testamenti. Unde & de Moyse dicit Apostolus ad Hebraeos 11. quod majores divitias estimabas thesauros Aegyptiorum improprium Christi.*

CONCLUSIO 2. Lex nova veterem legem explevit.

Probatur. Lex Nova explevit omnia quae legi veteri defuerunt. Nam 1. justificat homines, quod quidem lex vetus efficere non poterat: unde est illud Apostoli ad Rom. 8. *Quod impossibile erat legi, Deus filium suum mittens in similitudinem carnis peccati, damnavit peccatum in carne.* 2. Lex nova praesentia exhibuit, quae lex vetus promiserat, secundum illud 2. ad Corinth. 1. *Quotquot promissiones Dei sunt, in illo est, id est in Christo.* 3. Lex nova clare exhibet, quae in veteri perobscurae sub figuris adumbrata erant. 4. Christus ipse praecepta veteris legis adimplevit & opere & doctrina: opere quidem, quia circumcidi voluit, & alia observare quae in lege praescripta fuerant juxta illud ad Galatas 4. *Factum sub lege.* Sua autem doctrina adimplevit praecepta legis tripliciter: Primo quidem verum legis intellectum aperiendo, sicut patrum homicidio & adulterio, in quorum prohibitionem Scribae & Pharisei non intelligebant, nisi exteriorem actum prohibitum. Secundo adimplevit Dominus praecepta legis observando, ostendens, quomodo tutius observaretur id, quod lex vetus statuerat; sicut lex vetus statuerat, ut homo non peccaret; & hoc tutius observatur, si omnino a juramento absteineat, nisi in causa necessitatis. Tertio adimplevit Dominus praecepta legis, superaddendo quaedam perfectionis consilia; ut patet Matthaei 19. ubi dicenti se observasse praecepta legis, dicit: *Unum tibi deest: si vis perfectus esse, vende & venas omnia quae habes.*

CONCLUSIO 3. Lex nova in veteri continebatur.

Probatur. Se habuit lex vetus ad novam, sicut umbra ad veritatem; sicut semen ad arborem; sicut spica ad frumentum: atqui umbra continet veritatem, saltem implicite, semen arborem, & spica frumentum in virtute: ergo lex vetus novam continebat. Hinc S. Joannes Chrysostomus exponens illud Marci 4. *Utro terra fructificat, primum herbam,*

deinde plenum frumentum in spica, sic loquitur: Primo herbam fructificat in lege naturae, postmodum spicam in lege Moysi, postea plenum frumentum in Evangelio.

CONCLUSIO 4. Lex vetus fuit lege nova gravior praeceptorum multitudine, sed levior fuit quoad ea, quae expresse praecipiebat.

Probatur prima pars. Ea lex fuit quoad praeceptorum multitudinem gravior nova, quae multo plura opera exteriora praecipit: atqui lex vetus multo plura opera exteriora praecipit, quam nova praecipiat; siquidem lex nova legi naturali paucissima addidit, cum e contra lex vetus praeter legem naturalem infinitum propemodum caeremoniarum numerum Judaeis injunxerit; unde in Actis dicitur, jugum quod neque nos, neque Patres nostri portare potuimus.

Nec obstat, quod in lege nova praeter sanctitas a Christo leges, sint plures aliae, quas Ecclesia Christiana ad populi fidelis regimen condidit. Nam 1. paucae sunt numero leges illae, si cum Judaicis conferantur. 2. Ecclesiae Pastores in edendis legibus parci admodum & moderati esse debent, ne conversatio fidelium onerosa reddatur: unde exquisita est Augustini in Epistola ad Januarium de quibusdam querimoniis, qui ipsam (aut ait) religionem nostram quam in manifestissimis, & paucissimis celebrationum sacramentis, Dei voluit misericordia esse liberam; servilibus premunt oneribus; adeo ut tolerabilior esset conditio Judaeorum, qui legalibus sacrificiis, non humanis praesumptionibus subiacentur.

Probatur altera conclusionis pars. Ea lex est gravior veteri quoad interiores actus virtutum, quae multo plures praecipit, quam olim, saltem expresse, praeeperit lex vetus: atqui lex nova multo plures virtutum actus praecipit, quam olim, saltem explicite, lex vetus praeeperit: quamvis enim aliquos expresse praeeperit, ut in primo & nono Decalogi praecepto videre est; multi sunt tamen qui expresse praecepti non fuerunt, plures quoque mali qui expresse prohibiti non sunt, nec poena apposita est iis, qui parvos illos actus interiores exercerent, ut patet in divortio, & in usura respectu exterarum gentium: ergo quoad hoc lex nova gravior est veteri. Verum observandum est difficultatem illam se tenere ex parte objecti, non autem ex parte principii: siquidem principium actuum interiorum, alioquin in se difficile, est voluntas hominis quae Dei gratia movetur: at actus interiores considerati ex parte voluntatis, quae Dei gratia movetur, non sunt difficiles: scilicet is est gratiae effectus ut suavia reddat, quae alioquin in se maxime ardua sunt: unde est illud 1. Joannis 5. *Mandata ejus gravia non sunt: quam sententiam exponens Augustinus avertit, ea non esse amanti gravia, sed non amanti tantum.*

CAPUT III.

De iis quæ in Lege nova continentur.

CONCL. 1. Quædam, non interna tantum, sed etiam exteriora opera in lege nova convenienter aut præcipiuntur, aut prohibentur.

Probatur 1. ex Scriptura. In lege, cujus subditi sunt filii lucis, quædam opera exteriora convenienter aut præcipiuntur, aut prohibentur, juxta illud Apostoli ad Ephesios 5. *Eratis aliquando tenebræ, nunc autem lux in Domino, ut filii lucis ambulate*; atqui subditi legis novæ, sunt (si ad suæ vocationis normam vitam suam exigant) filii lucis: ergo in lege nova quædam opera exteriora convenienter aut præcepta, aut prohibita fuerunt.

Probatur 2. Conveniens fuit, ut in ea lege, cujus præcipua pars est caritas per Spiritum sanctum collata, quædam etiam exteriora opera præciperentur, aut prohiberentur: quædam enim opera exteriora tanquam instrumentales causæ, ut sunt sacramenta a Christo instituta, conferunt ad gratiam recipiendam; quædam vero sunt ipsiusmet gratiæ effectus, ut est confessio exterior nominis Christi; quædam denique contraria sunt divino ipsiusmet gratiæ motui: ergo in lege nova quædam, etiam exteriora, opera convenienter aut præcepta, aut prohibita fuerunt.

Obijcies 1. Regnum Dei est omnino spirituale, juxta illud Lucæ 17. *Regnum Dei intra vos est*; nec non est istud aliud ad Rom. 14. *Regnum Dei est justitia, & pax, & gaudium in Spiritu sancto*: atqui in regno spirituali, ut est lex nova, convenienter exteriora opera nec præcipiuntur, nec prohibentur: ergo &c.

Resp. dist. maj. Regnum Dei secundum præcipuam sui partem, est omnino spirituale, conc. maj. sic enim sumptum, nihil est aliud quam caritas quæ diffusa est in cordibus nostris per Spiritum sanctum, qui datus est nobis; secundum partem minus præcipuam est omnino spirituale, neg. maj. siquidem si caritas, si justitia, si gaudium Spiritus sancti, sunt id quod in regno Dei, seu in nova lege principem tenet locum, necesse est, ut actus etiam externi, qui illi caritati, illi justitiæ, illi gaudio convenient, aut disconveniunt, præcipiantur, aut prohibeantur.

Obijcies 2. Lex nova est lex Spiritus, ut dicitur ad Rom. 8. atqui in lege Spiritus opera exteriora nec præcipi, nec prohiberi debent: ea nimirum sive præceptio, sive prohibitio arctant hominis libertatem; at in nova lege arctari non debet hominis libertas, quia (ut ait Apostolus 2. ad Corinth. 3.) *ubi Spiritus Domini, ibi libertas*: ergo &c.

Juræn. Inst. Theol. Mor. Tom. III.

Resp. ad 1. neg. min. Ad 2. dist. maj. Præceptio aut prohibitio arctant libertatem iniquam, conc. maj. libertatem æquam & rectam, neg. maj. Libertas justa & æqua in eo posita est, ut homo in omnibus Deo perfecte subdatur; ac proinde ut ea exequatur, quæ subjectionem illam aut promovent, ut sacramentorum receptio, aut quæ ex illa proficiuntur, ut sunt opera virtutis, sive in Deum, sive in proximum; & ea declinet, quæ illi subjectioni adversantur, ut sunt opera omnia quæ justitiæ & caritati, sive in proximum, repugnant. Vide quæ de libertate Christiana dicemus inferius, ubi de justificatione differemus.

CONCLUSIO. 2. In lege nova triplicis generis præcepta continentur.

Probatur. In lege nova continentur 1. præcepta moralia, & quidem eadem quæ in veteri lege continebantur; siquidem præcepta moralia sunt ex lege naturali: quæ autem sunt ex lege naturali, eadem omnino fuerunt in utroque testamento: sed illud est discrimen inter præcepta moralia novæ legis, & præceptis moralibus veteris legis, quod actus illorum interiores clarius expressi sunt in nova lege, quam in veteri, ac præterea quod in Evangelio vindicata sint a Phariseorum corruptelis. Sunt 2. præcepta cæremonialia, ut sunt ista: *Baptizantes eos in nomine Patris, &c. Hoc facite in meam commemorationem*. Sunt denique 3. præcepta judicialia, cujusmodi est illud: *Si Ecclesiam non audieris, sit tibi sicut ethnicus & publicanus*. In eo autem judicialia legis novæ præcepta differunt a præceptis judicialibus veteris legis, quod ista quoad formam & quoad pœnam, specialia essent: illa vero generica tantum, hoc est in genere tantum præceptum est fidelibus, ut Ecclesiam tanquam matrem & judicem audiant.

DISSERTATIO QUINTA.

De Lege Humana.

Not. 1. **H** Ac in dissertatione dicemus 1. de lege humana in genere; 2. de lege Civili; 3. denique de lege Canonica.

Not. 2. De lege humana in genere spectata multa expendenda sunt; 1. Utrum homines possint leges condere; 2. Quodnam sit objectum legum humanarum; 3. Quodnam sit earum subjectum, id est, quinam humanis legibus teneantur; 4. utrum obligent in conscientia; 5. denique quænam sint ea, per quæ mutari possunt.

QUÆSTIO PRIMA.

Utrum homines possint leges condere.

CONCL. 1. Potestas Ecclesiastica potest leges condere.

E Pro-

Probatur conclusio. 1. Id jam potest Ecclesia quod potuit Apostolorum tempore: nimirum Ecclesia jam non minus est Christi sponsa quam fuerit, dum viverent Apostoli: Dotes & Privilegia quæ ei a Christo concessa sunt, non ad unum tempus constantur, sed se ad omnia sæcula extendunt: atqui Ecclesia potuit leges condere Apostolorum tempore: revera enim nonnullas condidit ipsis Apostolorum temporibus. Nam 1. Concilio primo Jerosolymitano (ut habetur in Actis c. 15.) ab ipsis Apostolis edita est lex quæ gentes ad fidem conversas, jussit a suffocato & idolotrythis abstinere. 2. Paulus 1. ad Tim. 3. & ad Titum c. 1. legem condidit, per quam prohibitum est, ne bigami & neophyti ad Episcopatum assumerentur. 3. Lex de Eucharistia a jejuniis tantum, extra casum necessitatis sumenda, ab ipsismet Apostolis (Augustino teste in Epistola ad Januarium) edita est. 4. Eandem condendi leges facultatem agnovit trium priorum sæculorum Ecclesia, ut patet ex Canonibus qui iis temporibus circa disciplinam conditi sunt. 5. Necessaria est ea potestas in Ecclesia: si enim non adesset, Ecclesia demandatum sibi a Christo ministerium exequi non posset, seu non posset eos coercere, qui a lege divina deficiunt; non posset (quod tamen olim Paulus egit adversus Corinthium incestuosum) pertinaces & flagitiosos publicos a suo coetu repellere; non posset ordinis, & disciplinæ vigorem conservare: sed hæc absurda sunt: ergo potestas Ecclesiastica potest leges condere.

Quæres 1. unde Ecclesia habeat facultatem condendi leges.

Resp. Ecclesiam ab ipsomet Christo accepisse facultatem condendi leges. Nam 1. sic Christus Lucæ 10. Apostolos, eorumque in Ecclesiastico regimine successores allocutus est: *Qui vos audit, me audit; & qui vos spernit, me spernit.* 2. Apostolus primæ ad Thessalonicenses, c. 4. scribit se non ex sumpta sibi tenere, sed accepta divinitus potestate, leges præscriptisse: *Scitis enim quæ præcepta dederim vobis per Dominum Jesum.* 3. Eandem potestatem ipse Christus expressit hisce verbis Apostolos alloquens Matthæi 18. *Si autem Ecclesiam non audierit, sit tibi sicut erubescens & publicanus;* declaravit insuper se ratum habiturum in cælis quod ipsi in terris acturi essent: *Quaecumque alligaveritis super terram, erunt ligata & in cælo, & quaecumque solveritis super terram, erunt soluta & in cælo.*

Quæres 2. quinam in Ecclesia possint leges condere.

Resp. 1. id juris esse penes Concilium Oecumenicum. Ratio est 1. quia Concilium Oecumenicum universam Ecclesiam repræsentat: ergo si (ut prædictum est) Ecclesia potest leges condere, jus illud est penes Concilium

Oecumenicum. 2. Apostoli (ut jam fuit observatum) leges ad disciplinam spectantes condiderunt (ut habetur Actuum 15.) in Concilio Jerosolymitano, quod quidem fuit primum Concilium Oecumenicum: sed eadem vis est in aliis Conciliis Oecumenicis, ac fuit in primo Concilio Jerosolymitano: cum Ecclesia quovis tempore sit eadem: ergo, &c. 3. In Concilio Nicæno 1. & in aliis, quæ subsequuta sunt, multi conditi sunt Canones, multæ leges sancitæ: ergo illorum Conciliorum Patribus persuasum fuit Concilia Oecumenica posse legem condere.

Resp. 2. esse quoque penes Romanum Pontificem leges condere, quæ, servatis servandis, ubique gentium fideles ligent. Nam 1. usus est ea potestate sæculo secundo Victor Papa, dum Asiaticis cum Judæis, luna scilicet decimaquarta in quamcumque hebdomada diem incideret, Paschatis diem celebrantibus, sub anathematis poena præscripsit, ut ad aliarum Ecclesiarum normam ritum suum exigerent, hoc est, ut Pascha non celebrarent, nisi die Dominica, quæ aut incideret in lunam decimam quartam Martii, aut illam immediate sequeretur. Conquesti sunt quidem nonnulli Prælati, quod ob id minas excommunicationis Asiaticis Victor intenteret, sed ultro agnoverunt in eo potestatem, legem de Paschali observatione Asiaticis præscribendi. 2. Eadem potestate eodem sæculo usus est Zephyrinus Papa, cum (ut habet Eusebius hist. l. 5. c. 34.) statuit, ut mœchi & fornicarii poenitentia perfuncti, absolutione donarentur. 3. Stephanus Papa I. medio tertio sæculo prohibuit, ne baptizati ab hæreticis, alio baptismo in Ecclesiæ sacrum (contra quod Cyprianus sentiat) admitterentur. 4. Tandem eandem potestatem in seipsis agnoverunt alii Pontifices, eamque humilissime in eis venerati sunt, quotquot extitere fideles: innumeras enim eorum constitutiones, seu leges, tum in Decreto Gratiani, tum in Gregorii IX. Decretalibus legere est.

Resp. 3. Cardinales, vacante Romana Sede, si ab electione per vim majorem impediuntur, posse decreta provisionalia ferre ad Ecclesiasticæ disciplinæ defensionem: Scilicet Cardinales locum tenent Cleri Romani: at Clerus Romanus Sede vacante, si periculum disciplinæ alioquin immineat, nec ipsi liceat eligere Pontificem, potest ad ejusdem disciplinæ defensionem ferre quadam decreta provisionalia; ita nimirum se gerit post mortem Fabiani Papæ, cum (ut patet ex illius epistola ad Cyprianum) statuit provisionaliter decreto, ut lapsi, si vitæ periculum immineret, antequam omnibus præscriptis sibi poenitentia laboribus functi fuissent, absolutione & Eucharistia donarentur. Si vero Cardinales non impediuntur ab eligendo Pontifice,

fice, unice vacari debent Pontificis electioni, ut constat ex Clementina: *Ne Romani*, de Elect. in Sexto.

Resp. 4. Episcopos omnes pro suis diocesisbus posse leges condere, quibus disciplinæ vigori consulatur. Idque patet 1. ex Cypriano, qui sapius asserit, Episcopos in suis diocesisbus, servata tamen debita subordinatione, id posse secundum canones, quod Romanus Pontifex in singulis orbis Ecclesiis. 2. Idem S. Martyr in epistola ad Rogitianum de aliquo suo Diacono jure conquerentem, scribit, eum pro Episcopatus vigore, & Cathedre auctoritate, posse in Diaconum illum secundum regulas ecclesiasticas animadvertere. 3. In epist. 68. quæ est ad Clerum & ad plebem in Hispaniis constitutam, sic idem S. Cyprianus Doctor loquitur: *Non sit tamen, quamvis non essetis temporibus, in Ecclesia Dei, aut Evangelicus vigor cecidit, aut Christianæ virtutis, aut fidei robur elanguit, ut non super sit portio sacerdotum: qua minime ad has entias, & fidei uanfragia succumbat: sed fortis & stabilis honorem divinæ Majestatis, & Sacerdotalem dignitatem plenæ timoris observatione tueatur.* 4. Plures leges, plaudente postea tota Ecclesia, in suis diocesisbus condiderunt privati Præsules, ut videre est in Epistolis Gregorii Thaumaturgi ad Amphilo- chium: ergo penes est Episcopos leges ferre, quibus illorum diocesis teneantur.

Resp. 5. Abbates exemptos, alioque Prælatos, si vere sint Ordinarii, & quasi Episcopalem jurisdictionem habeant, nisi id de jure aut consuetudine prohibiti sint, posse leges condere, quibus eorum subditi ligentur. Ratio est, quia Abbates illi id possunt, quod locorum Ordinarii: ergo cum potestas ferendi leges sit penes Ordinarios, Abbates illi eodem jure fruuntur.

Resp. 6. Prælatos inferiores Episcopis, quique non habent jurisdictionem quasi Episcopalem, non posse ferre leges proprie dictas. Ratio est, quia Prælati illi non habent primariam illam potestatem, quæ ad leges ferendas requiritur. Nec obstat, quod in Conciliis suam sententiam ferant: tunc enim, aut id concessum est eis ex privilegio, ut Ordinum Præpositis Generalibus indultum est, vel suffragium ferunt, non quidem nomine proprio, sed Episcoporum, quorum sunt Vicarii & Procuratores.

Resp. 7. Concilia Provincialia posse leges ferre, quæ in tota Provincia obtineant, scilicet Prælati, ex quibus illa Concilia constant, repræsentant totius Provinciæ Ecclesiam; ac proinde idem habent jus quod totius Provinciæ Ecclesiæ competit.

Resp. 8. Capitula Cathedralia, Sede vacante, cum jurisdictionem Episcopalem habent tantum per modum transeuntis, non posse leges ferre quæ in tota diocesi obtineant, nisi provisionaliter, cum id nimirum ne-

cesse est ad ecclesiasticæ disciplinæ defensionem: unde in Jure Canonico statutum est, ne quid, Sede vacante, innovetur.

Resp. 9. Universitates & Facultates posse quidem Statuta condere, quibus earundem Facultatum membra teneantur, sed non posse ferre leges proprie dictas. Ratio est, quia facultates perfectam communitatem non constituunt, sed imperfectam tantum: at jus condendi leges proprie dictas non pertinet, nisi ad communitatem perfectam, ut agentes de lege in communi, diximus.

Obijcies 1. In lege veteri nullæ fuerunt ecclesiasticæ leges, seu leges ad disciplinam spectantes, ab hominibus ecclesiasticis conditæ; immo ne aliquas ferrent, prohiberi leguntur Deuteronomii 4. & a Christo Matthæi 15. & Marci 7. reprehensi sunt Judæi, qui id posterioribus temporibus tentassent: ergo neque in lege Nova Ecclesiasticæ leges condi debuerunt.

Resp. conc. ant. neg. conseq. Ratio disparitatis est, quia Deus per semetipsam omnibus contulerat, quæ ad populi Judaici regimen spectabant: at sic Christus Ecclesiæ suæ conferre noluit, non quidem amoris defectu, sed honoris causa suam ipsi potestatem contulit, juxta illud Evangelii: *Qui vos audit, me audit; qui vos spernit, me spernit*; voluitque jus illud eis committere, quos Spiritus sanctus posuit Episcopos regere Ecclesiam Dei.

CONCL. 2. Potestas Civilis potest leges condere.

Probatur 1. Eam facultatem Civili potestati concessam fuisse docet Christus Lucæ 20. *Reddite ergo quæ sunt Cæsaris Cæsari, & quæ sunt Dei Deo.* 2. Eandem facultatem in potestate seculari agnoverunt Apostoli, & quidem divinitus ipsi concessam: *Omnis anima* (ait Apostolus ad Romanos 13.) *Potestatis sublimioribus subdita sit: non est enim Potestas nisi a Deo.* Paullo post sic prosequitur: *Ideo enim & tributa præstatis: ministrant enim Dei sunt, in hoc ipsum servientes. Reddite ergo omnibus debita: cui tributum, tributum: cui vestigal, vestigal: cui honorem, honorem.* 3. Christus ipse seipsum civilis Potestatis legibus subiecit: Principi nimirum tributum solvit, & ab aliis solvi jussit.

Probatur 2. ex traditione. Patres unanimi consensu eam, de qua agitur, facultatem agnoverunt in seculari Potestate. Sanctus Polycarpus apud Eusebium histos. lib. 4. c. 15. sic Ethnicum Prælatum alloquitur: *Tibi quidem rationem reddere non me piget: præceptum enim nobis est, ut Magistratibus & Potestatibus a Deo constitutis honorem debitum exhibeamus, qui nobis ipsi nihil noceat.* Hæc etiam habet Sanctus Justinus in Apologia ad Antoninum Imperatorem: *Vestigalia sane & collationes eis, qui a vobis sunt ordinati, exactoribus, præ omnibus ubique inferre intendimus, quem-*

admodum ab eo sumit institui. Videri in eundem finem possunt Tertullianus in Apologetico c. 30. Origenes lib. 1. & 4. contra Celsum, Dionysius Alexandrinus apud Eusebium hist. lib. 4. cap. 10. Athanasius in Apologia ad Constant. Augustinus lib. 4. de Civitate Dei, cap. 33. & alii omnes Patres, qui ab Ecclesie exordio ad hac usque tempora scripserunt.

Quares, quinam sint inter Sæculares, qui leges condere possunt.

Resp. questionem illam solutam a nobis fuisse iis locis, ubi de legis in communi sumptæ natura disseruimus.

QUÆSTIO II.

De objecto Legum humanarum.

Not. **H**ic objecti nomine intelligimus materiam, de qua leges humanæ feruntur: de ea autem materia quaeremus 1. quamnam ea sit quæ propria est legi Civili; 2. quamnam legi Canonice; 3. utrum lex Canonica possit actus internos præcipere; 4. utrum lex humana possit sese ad actus præteritos extendere.

CONCLUSIO. 1. Potestas Civilis non potest leges ferre de rebus spiritualibus.

Probatur. Res spirituales, sunt vel sacramenta, vel fidei quæstiones, vel res ad Ecclesie disciplinam spectantes; atqui Potestas Civilis 1. de Sacramentis legem ferre non potest, cum Christus solis Apostolis, & eorum in Episcopatu & Sacerdotio successoribus, dispensationem commiserit: Apostolos enim alloquebatur, cum dixit: *Baptizantes vos in nomine Patris, & cum dixit: Quorum remisistis peccata, remittuntur eis, & quorum retinueritis, retenta sunt;* & ita de aliis Sacramentis. 2. Non potest quoque ferre leges de fidei quæstionibus: sola enim Ecclesia prout Clericos complectitur, constituta est iudex controversiarum, quæ ad fidem spectant, ut harum Institutionum Tom. I. fuse probavimus. 3. Non potest etiam leges condere circa exteriorem Ecclesie disciplinam: ea nimirum facultas solis ecclesiasticis Pastoribus divinitus tradita est: *Quicumque ligaveritis super terram, erunt ligati & in calis.* Nec mirum est quod civilis potestas se se ad ea quæ spiritualia sunt, non extendat: scilicet a Deo tantum constituta est, ut paci terrentæ & tranquillitati temporali consulat.

Obijcies. Imperatores sæpius de rebus spiritualibus leges condiderunt. Nam 1. Theodosius Junior, Cyrillo Alexandrino, & Joanni Antiocheno prohibuit, ne ordina- rent Episcopos, nisi prius pacem inter se emisissent. 2. Quidam Imperatores ipsa Concilia Generalia confirmarunt. 3. Justinianus

Imperator multa sanxit, quæ ad Ecclesie disciplinam pertinent: ergo res spirituales sunt materia Legum Civilium.

Resp. ad 1. Theodosio Juniori persuasum fuisse, Canones vetare, ne Episcopi etiam Catholici, ordinationes celebrent, aut clericos ab officio deponant, cum immineret schismatis periculum, ut imminere credidit, cum Cyrillus Alexandrinus, & Joannes Antiochenus, post Nestorii in Concilio Ephesino depositionem, cui Joannes Antiochenus nolebat adherere, mutuis inter se anathematismis pugnarent. Itaque eo in casu Theodosius Imperator se se gessit, non tamquam legis alicujus conditorem, sed solum tamquam Canonum executorem.

Resp. 2. datam ab Imperatoribus Generalibus Synodis confirmationem, intelligi debere de confirmatione per executionem, non autem de confirmatione per iudicis potestatem: hoc est, adhæseunt latis a Synodis legibus, easque tamquam canonum custodes in imperio sibi subdito voluerunt executioni mandari. Vide quæ de eo argumento harum institut. Tom. 1. de Conciliis agentes diximus.

Resp. ad 3. Justinianum multa in negotiis Ecclesiasticis sumptisse sibi, quæ jure illi minime competeabant. Dicit potest præterea, Justiniani de Ecclesiastica disciplina leges vim non habere, nec alias habuisse, nisi in quantum aut expresse, aut implicite suo consensu ab Ecclesia confirmata sunt. Sed iis quæ mox dicta sunt lux affulgebit ex iis quæ proxime sequenti Conclusionem statuuntur.

CONCLUSIO 2. Quamvis sæculi principes de rebus spiritualibus leges ferre non possint, possunt tamen, immo & debent, curare, ut Ecclesiasticæ leges executioni mandentur.

Probatur ex Scriptura. Leges quæ circa Dei cultum in Pentateucho continentur, executioni mandari iussit David Rex lib. 1. Paralipomenon cap. 13. ubi plebe advocata, Sacerdotes, ipsumque summum Sacerdotem sanctificare iussit, & Dei arcam deferre. Cap. 16. coram arca constituit Levitas, qui ministrarent & recordarentur operum ejus, & glorificarent atque laudarent Dominum Deum Israel. Secundi Paralip. c. 17. Josaphat Rex, Sacerdotes & Levitas percurrere iussit Judææ civitates, ut Dei legem populos docerent. Ejusdem lib. cap. 14. Joas, auctore summo Sacerdote Josada, ædificiorum templi curam demandavit. Lib. 4. Regum cap. 23. Josias Helicæ pontifici, & Sacerdotibus secundi ordinis præcepit, ut vasa idolo Baal consecrata ex Domini templo prolicerent.

Nec dici potest quod reges illi quippiam eo in capite, quod sui non esset officii, tentaverint.

Scilicet usurpatum officium Deus inultum non reliquisset, idemque experti fuissent quod Olias Rex, qui sacro thuribulo manum admovent, hæc 2. Paralip. c. 26. audita piissimo

piissimo Sacerdote: Non est tui officii, Oras, ut adoleas, incensum coram Domino, sed Sacerdotum, hoc est, filiorum Aaron qui consecrati sunt, ad huiusmodi ministerium.

Probatur 2. Exemplis christianorum Imperatorum. 1. Constantinus Magnus a Donatistis rogatus, tres Gallicanos Episcopos designavit a quibus eorum cum Catholicis causa discuteretur. Concilium Romanum & Concilium Arelatense in quibus mota de Donatistis quaestio iterum ageretur, indixit, ut ipse in sua ad Cellum Africae Vicarium epistola testatur. Curavit semper ut latum de Ariana haeresi, & de celebratione paschatis Nicanae Synodi decretum accurate servaretur. Congregatos ad Synodum Nicenam Patres, Eusebio teste libro 4. de Constantini vita, sic allocutus est: Vos quidem in eis quae intra Ecclesiam sunt, Episcopi estis, Ego vero in eis quae extra geruntur, Episcopus sum a Deo constitutus.

2. Theodosius in epist. ad S. Cyrillum & ad Metropolitanos in Concilio Ephesino lecta sic loquitur: Ante omnia autem operam damus, ut Ecclesiasticus Status ejusmodi sit, qui & Deum deceat, & temporibus nostris quam maxime congruat; idemque ex omnium concordia & consensione suam tranquillitatem obtineat, cum per ecclesiasticarum controversiarum pacem a nobis, & seditionibus liber existat: dum demum ut pia religio ab omni omnino nota & reprehensione immunis perseveret: eorumque vita qui vel inter Clericos consentiunt, vel magno quoque inter illos Sacerdotio funguntur, omni profus novo & culpa vacet.

3. Innumera quoque Galliarum Regum decreta existunt, quibus curarunt ut latae in Conciliis leges accuratissime a Clero servarentur. Videri possunt, quae Carolus IX. in Articulo 12. Decretorum Aurelianensium, & Henricus III. in Comitibus Blensis de ecclesiastica disciplina Canonibus & Conciliis firmata statuerunt. Tantum autem abest, ut Ecclesia Imperatorum illorum eo in capite factum arguerit, quin e contra id eorum officii esse declaraverit. Hinc Leo Magnus Leonem Imperatorem Epist. 75. cap. 3. sic alloquitur: Debes incunctanter advertere, Regiam potestatem tibi non solum ad mundi regimen, sed maxime ad Ecclesiam praesidium esse collatam, ut ausus nefarios comprimendo, & quae bene sunt statuta defendas, & veram pacem his quae sunt turbata, restituas; depellendo scilicet perversos iuris alieni, & antiquae fidei Seaem Alexandrina Ecclesia reformando. Hinc etiam S. Augustinus Epistola 50. sic loquitur: Servant Reges terra Christo, etiam leges ferendo pro Christo: terror temporalium potestatum, quando veritatem oppugnat, iustis fortius gloriosa probatio est, infirmis periculosa tentatio; quando autem veritatem pra-

Iustin. Inst. Theol. Tom. III.

dicat, errantibus & discredentibus utilis admonitio est, & iustis inutilis afflictio.

CONCLUSIO 3. Materia propria legum Canoniarum sunt res spirituales.

Probatur. Ea materia propria est legum Canoniarum, quae ad fidelium aeternam salutem confert: nempe non ob aliud instituta est a Christo potestas ecclesiastica quam ut homines ad aeternam salutem promoveat: Atqui res spirituales ad aeternam fidelium salutem conferunt: Ergo res spirituales sunt materia propria legum canoniarum.

Confirmatur 1. ex ipsiusmet Christi verbis, qui aperte Joannis 18. profitetur, suum regnum non esse de hoc mundo: Regnum meum (inquit) non est de hoc mundo. Si ex hoc mundo esset regnum meum, ministri mei utique decertarent, ut non traderer Judaeis; nunc autem regnum meum non est hinc. Hinc idem Christus non alia arma suae Ecclesiae contulit, quam spiritualia: Arma militiae nostrae (inquit Apostolus 2. ad Cor. 10.) non carnalia sunt, sed potentia Deo ad destructionem munitio, consilia destruentes: In quae quidem Apostoli verba sic loquitur Bernardus lib. 4. de Consideratione cap. 3. Fac opus Evangelistae, & pastoris opus implesti: aggredere verbo, non ferro. Eiusdem operis lib. 2. cap. 6. sic Eugenium Papam alloquitur: Disce sarculo tibi opus esse, non serpe, ut opus facias Prophetae. Et quidem ille non regnaturus ascendit, sed extirpaturus. Ibidem scribit, Petrum suis successoribus aurum non tradidisse, nec argentum; indeque concludit, Eugenium Papam illa non habere Apostolico jure: Ego (inquit) ut alia quacunque ratione hac tibi vindices, sed non Apostolico jure. Nec enim tibi ille dare, quod non habuit; potuit: quod habuit, hoc dedit, sollicitudinem, ut dixi, super Ecclesias: nunquid dominationem?

Confirmatur 2. ex Athanasio, qui in sua ad Constantinum Apologia, sic loquitur: Tibi Deus imperium commisit, nobis, quae sunt Ecclesiae, concedidit. Et quemadmodum qui tuum imperium malignis oculis carpit, contradicit ordinationi divinae; ita & tu cave, ne quae sunt Ecclesiae, ad te trahens, magno crimini obnoxius fias. Date, scriptum est, quae sunt Caesaris, Caesari, & quae Dei, Deo: Neque enim fas est in terris imperium tenere, neque tu thymiamatum & Sacrorum habes Imperator.

CONCL. 4. Materia legum humanarum non sunt tantum actus externi, sed etiam interni, hoc est, non solum actus externi, sed etiam interni, subjacent humanis legibus.

Probatur. Actus interni sunt quintuplicis generis. 1. Nonnulli habent connexionem essentiali cum actibus externis consideratis in genere moris. 2. Nonnulli se habent per

modum dispositionis ad actum externum debite exercendum. 3. Aliqui per signa quædam externa manifestantur. 4. Alii se habent per modum finis respectu externorum qui præcipiuntur. 5. Tandem aliqui sunt qui nec sunt essentielles actibus externis consideratis in genere morum; nec dispositiones ad actus externos debite exercendos, nec per signa aliqua extrinseca manifestantur, nec se habent per modum finis respectu externorum qui ab humana lege præcipiuntur: Atqui omnes illæ actuum internorum species sunt materia humanæ legis, seu subjacent humanæ legis directioni: Ergo actus interni sunt materia humanarum legum. Minor argumenti propositio sic per partes ostenditur.

1. Idem ferri debet iudicium de omnibus actibus internis qui habent essentialem connexionem cum actibus externis lege humana præscriptis, ac de horarum canonicarum recitatione quam Ecclesia clericis injungit: non enim potior est ratio de uno, quam de alio: Atqui actus interni, attentio nimirum mentalis, subjacent ecclesiasticæ legi, scilicet illi actus subjacent ecclesiasticæ legi, sine quibus ipsa lex ecclesiastica non impletur: Sed lex ecclesiastica de recitatione horarum canonicarum non impletur sine actibus internis, attentione nimirum. Cum enim nonnulli Casuistæ recentiores hanc propositionem in medium protulissent: *Præcepto (de horis Canonicis) satisficit, qui voluntariis labiis tantum, non autem mente orat. Respondes me tota hebdomada, toto mense, toto anno legisse (horas) sine culpa veniali; & me non peccavisse venialiter tam certo scire, ut possim juramento firmare... homo sum... distractiones non evito, involuntarias mihi, interdum etiam voluntarias; & nihilominus nullo crucior scrupulo, nullo dubio augeor; quia prudenter suppono me ad actionem internam non teneri; eam habere, bonum esse, & ea carere, nequidem levem esse culpam, me ad lectionem tantum & attentionem externam obligari*: Cum (inquam) nonnulli recentiores Casuistæ eam propositionem in medium protulissent, Clerus Gallicanus ad Comitia generalia anno 1700. coactus, hac eam speciali censura notavit: *Hæc propositio est absurda, verbo Dei contraria, hypocrisis indutis a Prophetis & Christo damnatam, his verbis: Populus hic labiis me honorat; cor autem eorum longe est a me.*

2. Actus interni qui se habent per modum dispositionis ad actus externos debite exercendos subjacent quoque humanæ legi: nempe qui actus externos ab Ecclesia præscriptos debitis iis dispositionibus vacuus exercet, præcepto de iis actibus externis ab ea lato non satisficit: Ecclesia enim non tantum actuum substantiam præscribit, sed etiam modum quo recte fieri debent, ut ipsum divi-

num præceptum de iis actibus externis exercendum adimpleatur. Negant id nonnulli recentiores, a quibus duæ subsequentes propositiones propugnatae fuerant. *Ecclesia præcepto (audiendi Sacram) satisficit per reverentiam exterioriorem tantum, animo licet voluntarie in aliena, immo & prava cogitatione defixo.* 2. *Præcepto communionis annuæ satisficit per sacrilegam Corporis Domini manducationem.* Verum Clerus Gallicanus in Comitiis generalibus anni 1700. eas propositiones hinc verbis damnavit: *Doctrina his duabus propositionibus contenta, temeraria est, scandalosa, erronea, impletati & sacrilegio faveat, & præceptis Ecclesia illudit.*

3. Ratum est apud omnes, actus internos, qui per aliquod signum extrinsecum produntur, subjacere Ecclesiæ legibus, non directivis tantum, sed etiam coactivis. Scilicet Ecclesia in hujusmodi actus poenis canonicis animadvertit, ut patet ex Martino Papa V. qui in Concilio Constantiensi sess. 45. Inquisitoribus præscribit, ut de hæresi suspectos diligenter interrogent, num pro defunctis Joanne Hus, Joanne Wicleff, & Hieronymo a Praga preces fuderint; an eis, licet ab Ecclesia præscissis, cultum exhibuerint, qui piis & sanctis viris post mortem exhiberi solet.

4. Videtur etiam esse extra controversiam, actus internos, qui externorum respectu se habent per modum finis, humanis legibus subjici. Cum enim v. g. Ecclesia præcipit jejunium, ut inter christianos principes pacem a Deo obtineat, singulis fidelibus præcipit, ut illum finem mente sibi proponant; alioquin enim frustraretur sine quem intendit: Propter quod unumquodque tale, & illud magis.

5. Tandem ex Conciliis colligitur, actus internos qui nec essentielles sunt externis consideratis in genere moris, nec eis per modum dispositionum præsupponuntur, nec per externos manifestantur, nec sunt eorum finis, præcipi aut vetari aliquando legibus humanis: Siquidem Ecclesia imperat actum internum fidei ab externo omnino distinctum, ut videre est in his sacre Tridentinæ Synodi verbis in proemio sess. 6. *Districte inhibendo, ne deinceps audeat quisquam aliter credere, prædicare aut docere, quam præsentis decreto statuitur, ac declaratur.*

Obijcies 1. Eos actus aut præcipere, aut vetare non possunt leges humanæ, de quibus potestas humana judicare non potest; frustra enim præcipiuntur, quæ si omitantur, puniri non possunt: Atqui leges humanæ judicare non possunt de actibus internis; sicut enim de ignotis nulla est cognitio, ita nec potest esse iudicium.

Resp. neg. maj. Ratio est, quia cognitio actuum requiritur quidem ad vim coactivam,

vam, quæ posita est poenis, quibus in prævaricatores animadvertitur; ut enim prævaricatores puniantur, necesse est, ut de prævaricatione convincantur: sed ea cognitio non requiritur ad vim directivam; possunt enim humanis legibus imperari, quæ an possent a subditis fiant, aut non fiant, ignorantur. Nec inde sequitur, quod humanum præceptum de eis fiat: licet enim prævaricatores, per prævaricationis manifestationem, apud homines non sint, rei tamen apud Deum constituuntur.

Objicies 3. Nec finis, nec modus legis cadunt sub præceptum: Ergo nulla lex humana potest præcipere actus internos, sive necessarii sint, ut externi pie exerceantur, sive sint externorum finis. Probatur ant. ex præcepto de jejuniis, cui haud dubie sit satis ab eo, qui propter inanem gloriam a cibis temperat.

Resp. dist. ant. Nec finis, nec modus legis cadunt sub illud præceptum speciale, quo actus præcipitur, conc. ant. Non cadunt sub aliud præceptum generale, quo nimirum Ecclesia fidelibus injungit, ut actus externi, quos imperat sint actus veræ & christianæ virtutis, neg. ant. Hinc vero patet solutio ad argumentum petita a jejuniis: Patet quod hæc propositio ab Alexandro Papa VII. cum multis aliis damnata: *Qui facit Confessionem voluntarie nullam, satisfacit præcepto Ecclesie*, merito hac speciali censura a Cætero Gallicano in Comitibus generalibus anni 1700. notatam fuisse: *Hæc propositio temeraria est, erronea, sacrilegia favet, & præcepto Ecclesie illusoria*. Patet 3. ex mox laudata censura, eam qui facit confessionem voluntarie nullam, non tantum reum esse infraacti præcepti divini, quo vetatur, ne fiat confessio voluntarie nulla; sed etiam reum esse præcepti Ecclesiastici, quo jubetur confessio: At non ob aliud reus est Ecclesiastici præcepti, quam quod præcepti Ecclesiastici debitam modum non servaverit.

Objicies 3. auctoritatem S. Thomæ, qui 1. 2. q. 91. art. 4. sic loquitur: *De his potest homo legem facere, de quibus potest judicare: Judicium autem hominis esse non potest de interioribus motibus qui latent, sed solum de exterioribus actibus qui apparent. Et tamen ad perfectionem virtutis requiritur quod in utrisque actibus homo rectus existat: & ideo lex humana non potest cohibere & ordinare sufficienter interiores actus, sed ad hoc necessarium fuit, quod superveniret lex Divina*. Ex eo S. Doctoris textu evidenter patet 1. actus mere internos, cujuscumque sint speciei, non subjacere legibus humanis. Patet 2. rationem cur eis subjacere non possint, peti ex eo, quod de iis actibus homo judicare non possit. Patet 3. solius legis divinæ esse præcipere ac ordinare actus, qui mere sunt

interni, nulloque signo exteriori manifestantur.

Resp. 1. S. Thomam loqui de lege secundum vim coactivam, non autem secundum vim directivam. Resp. 2. eundem S. Doctorem velle, divinam legem fuisse necessariam, ut homo per peccatum excrucatus doceretur internorum actuum rectitudinem, seu, ut sciret quoddam motivum sibi in iis actibus proponere debeat, & quo modo ab eo debeant exerceri; sed S. Thomas non negat, potestatem Ecclesiasticam posse pariter præcipere rectitudinem quam divinæ legis ope fideles detexerint; nec id mirum est: nimirum ea rectitudo est omnino necessaria ad fidem supernaturalem, ad quem ordinat actus externos quos injungit.

CONCLUSIO 4. Lex humana non potest se extendere ad actus præteritos.

Probatur 1. Ut lex aliqua se extendat ad actus præteritos debet efficere, ut quod actum est ante legem, sit peccatum: sed id efficere non potest; peccatum enim supponit legem cui adversetur: nempe definitur ab Augustino, dictum, factum, vel concupitum contra legem; unde ubi non est lex, ait Apostolus, non est prævaricatio.

Probatur 2. ex Leg. 7. Cod. tit. de legib. ubi hæc habetur. *Leges & Constitutiones futuris certum est dare formam negotiis, non ad facta præterita revocari, nisi nominatim & de præterito tempore & adhuc pendentibus negotiis cautum sit.*

Confirmatur ex eo, quod lex vel præcipit quod agendum est, vel vetat quod non est agendum, vel perimit, quod agi aut non agi potest: ergo lex est tantum aut de præteritis, aut de præsentibus.

Objicies 1. Contractus præteritus irritari potest per subsequentem legem: ergo pariter lex subsequens potest efficere ut, quod non erat peccatum ante legem, fiat peccatum post legem.

Resp. conc. ant. neg. conseq. Ratio disparitatis est, quia contractus, ut valeat, indiget approbatione Superioris, ac proinde si illa approbatio non subsequatur, & a fortiori si per legem subsequentem negetur, necesse est, ut irritus fiat: e contra actus præteritus malitiam non recipit a lege subsequente; ac proinde per eam legem fieri non potest ut sit peccatum.

Objicies 2. Multæ sunt humanæ leges, quibus declaratur actus præteritos esse malos & iniquos: ergo leges humanæ sese extendunt ad actus præteritos.

Resp. dist. ant. Multæ sunt humanæ leges quibus declaratur actus quoddam præteritos esse iniquos dependentes ab aliqua lege quæ illos actus præcesserit, conc. ant. independentes ab illa lege, neg. ant. hoc est, leges declaratorias supponunt obligationem, qui

propter legem aliquam priorem, sive æternam, sive naturalem, sive positivam divinam, aut humanam, quæ in usu esset, subditi tenebantur. Addita sunt hæc verba, *aut humanam legem quæ in usu esset*, ut ostenderetur, declarationem non se extendere ad actum præteritum veritum per legem, quæ usu recepta non sit: unde S. Gregorius Magnus (ut suo loco dicitur) merito judicavit, durum esse Petrum in Sicilia Subdiaconum cogere, ut se ipsum separaret ab uxore sua, cum praxim continentia Subdiaconis diu ante præscriptam, in sua provincia usu receptam non invenisset, nec antea promississet continentiam.

QUÆSTIO III.

De subiecto legum humanarum.

Not. **H**ic querendum est 1. Utrum iusti humanis legibus subiciantur. 2. Utrum ipsi legum conditores. 3. Utrum Clerici politicis legibus teneantur. 4. An peregrini tum civilibus, tum Ecclesiasticis legibus subiciantur.

CONCL. 1. Iusti & quoad vim directivam, & quoad vim coactivam humanis legibus subiciuntur.

Probatur 1. pars 1. ex Apostolo, qui ad Rom. 13. sic loquitur: *Omnis anima potestatibus sublimioribus subdita sit*. Terminus iste universalis, *Omnis*, homines omnes complectitur, ergo & iustos & peccatores. Altera pars non minus est evidens: Ille enim humanis legibus quoad vim coactivam subicitur, qui potest deficere: Siquidem qui deficere potest, a legislatore potest puniri: Atqui homines etiam iusti, deficere possunt, hoc est per legis prævaricationem fieri possunt iniqui: ergo subiacent humanis legibus etiam quoad vim coactivam.

Obicies 1. Iusti spiritu ducuntur: sed qui ducuntur spiritu, non sunt sub lege, juxta illud Apostoli: *Si spiritu ducimini, non estis sub lege*. Præterea idem Apostolus absolute dicit: *Iuxta lex non est posita*.

Resp. ad 1. dist. min. qui ducuntur spiritu, non sunt sub lege secundum quid, conc. min. non sub lege absolute, neg. min. Sensus Apostoli est, quod iusti legibus humanis non teneantur, seu quod non agant ex timore legis, sed ex amore quo moveantur & impelluntur, juxta illud 1. Petri 2. *Subditi estote omni humane creature propter Deum*. Ad 2. dist. ant. iusto non est posita lex quæ terreatur, conc. ant. qua diligat, neg. ant. Hoc est, iustus non servat legem ex timore poenæ, quam lex minatur, sed ex amore iustitiæ, quem lex naturalis & divina præcipiunt.

CONCLUSIO 2. Legislatores tenentur suis legibus quoad vim directivam, non autem quoad vim coactivam.

Probatur prior pars. Legislatores, cum sint reipublicæ capita, illius inferioribus partibus tamquam membris cum quibus cohererent, debent se conformes exhibere in iis quæ in eo statu in quo eminent, indecentiam non arguunt: hincque fit, ut Episcopus qui subditis sibi Clericis tabernas aut ludos prohibet, ea licite frequentare non possit. Præterea leges feruntur ad commune bonum: sed Legislatores non minus quam subditi ad commune bonum tenentur: ergo & legibus quibus bono communi consulitur.

Probatur altera conclusionis pars. Vis coactiva supponit superiorem, a quo, si quis legem infringat, puniatur: atqui Legislator, ut supponitur, superiorem non habet respectu legis quam ipse sancivit: ergo suis legibus non subiacet, quoad vim coactivam. Hincque colligitur Episcopum qui sub poena suspensionis ipso facto incurrendæ Clericis suis tabernas prohibuit, aut vestem talarum injunxit, non incidere in suspensionem, si aut tabernas frequentet, aut vestem talarum non deferat.

Obicies 1. Nemo se ipsum ligare potest, quia nemo potest sibi imperare: atqui si Legislator latis se legibus teneretur, idem se ipsum ligaret: ergo, &c.

Resp. dist. maj. Nemo quoad vim coactivam se ipsum ligare potest, conc. maj. quoad vim directivam. neg. maj. Cum enim quis communitatis leges præscribit ad commune bonum, debet suo exemplo, illi communi bono consulere.

Obicies 2. Nihil obstat, quo minus Legislator puniatur poena per ipsam illius legem constituta: ergo Legislatores, etiam quoad vim coactivam, suis legibus subiciuntur.

Resp. neg. ant. Obstat nimirum quod poena infligi debeat a persona quæ distincta sit ab ea cui infligitur.

Quæres, quo jure Legislatores suis legibus quoad vim directivam teneantur.

Resp. ad id teneri eos lege naturali: Scilicet lex naturalis jubet, ut caput membris quibus coheret, ubi agitur de communi bono, conforme se ipsum exhibeat: alioquin enim turbaretur debitus ordo, quem ipsa lex naturalis servari jubet, perturbari vetat.

CONCLUSIO 3. Clerici tenentur parere legibus civilibus, salva Ecclesiarum, & personarum Ecclesiasticarum immunitate.

Probatur prima pars. Illi tenentur parere civilibus legibus: qui sunt reipublicæ cives: partes enim aliis partibus, in iis quæ statum suum non dedecent, debent se conformes exhibere: atqui Clerici sunt reipublicæ cives: cum enim Ecclesia sit in reipublica, necesse est, ut Ecclesiæ ministri sint ejusdem reipublicæ cives. Hinc non ad laicos tantum, sed etiam ad clericos spectant hæc Christi verba: *Reddite quæ sunt Cæsari, Cæsari; &*

qua

que sunt Dei, Deo. Ad clericos pariter non minus quam ad laicos, spectat illud Apostoli ad Titum 3. *Admone illos Principibus, & Potestatibus subditi esse, dicto obedire*; nec non & illud 1. Petri 1. *Subditi estote Regi quasi precellenti, sive ducibus tamquam ab eo missis*. Nec enim Evangelium, nec Apostoli iis in locis inter clericos & laicos distinxerunt: Unde Theodoretus in cap. 13. Epistolæ ad Romanos, sic loquitur; *Et Sacerdos, & Antistes, & Monasticam vitam professus, iis debent parere, quibus demandati sunt Principatus*.

Probatur altera pars ex Conc. Trid., quod sessione 25. de Reform. cap. 20. asserit: *Ecclesia & personarum Ecclesiasticarum immunitatem, Dei ordinatione, & Canonicis Sanctionibus constitutam esse*: Personarum autem Ecclesiasticarum immunitatis forma, non eadem est in singulis orbis Christiani provinciis.

Dices. Principes seculares nonnunquam bonis Ecclesiasticis utantur, ut reipublicam adversus hostes tueri possint: ergo saltem in bonis Ecclesiasticis, nulla est immunitas.

Resp. dist. ant. Principes seculares ex Ecclesiæ concessionem utuntur bonis Ecclesiasticis, conc. ant. sine Ecclesiæ concessionem, neg. ant. Admonebat nuper Eminentissimus Cardinalis de NOAILLES in Oratione apud Regem Christianissimum habita post Generalia Cleri Gallicani Comitata anni 1701. Gallicanos Praefules in difficilibus regni temporibus, Regibus Christianissimis pecuniam summam ex Ecclesiasticis redditibus collectam concedere solitos esse, ut ea Cleri subventionem pauperes, vestigalibus quibus solvendis impares sunt, liberentur: quo in casu, hoc est, cum agitur de pauperibus sublevandis, sanctissimi Ecclesiæ Praefules vendi volunt (addebat) ipsa etiam vasa sacra, Principes (ajebat) non in alium finem redditibus sibi ab Ecclesia concessis uti possunt.

CONCLUSIO 4. Subditi alicujus Principis, extra regnum degentes, tenentur legibus personalibus, & iis etiam quæ ad commune bonum reipublicæ, cuius sunt cives, spectant.

Probatur prima pars. Leges personales subditos comitantur ubicumque degerint; iis ergo legibus parere tenentur. Hinc subditi extra regnum degentes, nunquam in proprium Principem bellum movere possunt. Altera vero pars non minus est evidens; quælibet enim pars tenetur pro viribus conculcare bono communi totius, cuius est pars: ergo ubicumque sint alicujus reipublicæ cives, tenentur legibus quæ ad commune reipublicæ bonum pertinent.

CONCLUSIO 5. Peregrini & advenæ non tenentur patriis legibus localibus; sed tenentur legibus, & consuetudinibus locorum, ad quæ veniunt, vel in quibus versantur, quamvis solummodo transiendi & non commorandi intentionem habeant.

Probatur prima pars. Legislatoris jurisdictio extra proprium territorium non extenditur: ergo extra illud existentes ligare non potest legibus, quæ personæ conditionem non sequuntur. Hinc inferitur 1. eum qui extra propriam parochiam peregrinatur, non teneri ad festum quod in ea celebratur. Inferitur 2. hominem Gallum qui extra regnum, non quidem in fraudem legis circa matrimonium in Gallia receptæ, præscripto per jus & consuetudinem tempore commoratus est, posse nubere non servatis legibus, quæ circa matrimonii celebrationem in Galliis observantur.

Probatur altera conclusionis pars 1. Absentia peregrinos a legibus patriis eximit: ergo eos subicit legibus locorum: par est enim, ut qui ex absentia commodum sentit, sentiat & onus, 2. Aequum est, ut peregrini aliquibus legibus subiciantur: nempe nemo privatus exlex esse debet: ergo cum (ut mox dictum fuit) patriis legibus non ligentur, par est, ut teneantur legibus locorum per quæ transeunt, aut in quibus commorantur. 3. Ibi quis lege ligatur, ubi sortitur forum: ergo cum peregrini & advenæ sortiantur forum in locis per quæ transeunt, in quibus commorantur; æquitati consonum est, ut locorum illorum legibus teneantur.

Confirmatur auctoritate & rationibus Augustini. S. Doctor lib. 3. Confessionum cap. 8. sic loquitur: *Quæ contra mores hominum sunt flagitia, pro morum diversitate vitanda sunt, ut pactum inter se civitatis aut gentis consuetudine, vel lege firmatum, nulla civis aut peregrini libidine violatur. Turpis enim omnis pars est suo universo non congruens*.

In Epistola quæ in veteri editione est numero 86. ad Casulanum, refert Ambrosium suasse piæ matri sollicitæ de jejuniis, quod aut Romæ, aut Mediolani servabatur, ut pro locis, in quibus degeret, jejunium observaret, aut non observaret: *Quando hic sum (verba sunt Ambrosii) non jejuno Sabbato: quando Roma sum, jejuno Sabvato. Et ad quamcumque Ecclesiam veneritis, ejus morem servate, si pati scandalum non vultis, aut facere*. Eam regulam secutus est Augustinus ipse: *Sed quoniam (inquit) contingit, ut una Ecclesia, vel unius regionis Ecclesia, alios habeant Sabbato prædantes, alios jejunantes; inter eorum mihi sequentur videtur, quibus eorum populus congregati, regenda commissæ est*.

Idem S. Doctor Epist. 118. quæ est ad Januarium, eandem regulam præclara hac sententia confirmat: *Nec disciplina ulla est (inquit) in his melior gravi prudentique Christiano, quam ut eo modo agat quo agere viderit Ecclesiam, ad quam forte diverterit. Quod enim neque contra fidem, neque contra bonos mores esse convincitur, in*
diffe

differentes est habendum, & propter eorum, inter quos vivitur, societatem servandam est.

Hinc autem colligi potest 1. peregrinum, qui toto mane peregrinatur in parochia, in qua festus aliquis dies celebratur, teneri ad audiendum Sacrum, & ad abstinendum a quolibet opere servili. Colligi potest 2. cum qui mane discessit a loco, in quo servatur jejunium, posse serotinis horis cœnare, & comedere carnes in loco, in quo idem jejunium non servatur.

Q U Æ S T I O IV.

Utrum leges humanae obligent in foro interiori.

Nos. **E**Xpendendum est hic 1. utrum leges humanæ tum Ecclesiasticæ, tum Civiles obligent coram Deo, & in foro interiori conscientiæ: 2. quando obligent sub pœni peccati mortalis, aut venialis: 3. utrum obligent cum periculo vitæ: 4. utrum lex, quæ Pœnalis dicitur, obliget in conscientia.

C A P U T P R I M U M.

Utrum in foro interiori civilis & canonica lex obligent.

CONCLUSIO. Leges humanæ tum Ecclesiasticæ, tum Civiles, subditos obligant coram Deo, & in foro interiori conscientiæ.

Est contra Valdenses, Anabaptistas, Lutheranos, & Calvinistas, qui contendunt humanas leges obligare tantum in foro exteriori, indeque concludunt eas illæ conscientia infringi posse, si absit scandalum. Est quoque contra Gersonium, qui libro de vita spirituali, lectione 4. docet, leges humanas prout humanæ sunt, non obligare sub peccato; sed tantum quatenus illarum transgressores impingunt in præceptum divinum. Addit, legis humanæ esse determinare tempus, modum, aut opus, ad quod indeterminate divina lex obligat. Auctoris illius sententia differt ab opinione Sectariorum, quibus placet non esse penes Superiores Ecclesiasticos determinare, aut modum, aut tempus, quo jus divinum obligat.

Probatur prima pars conclusionis contra Hæreticos. 1. Leges Ecclesiasticas veram coram Deo obligationem imponere habetur ex Scriptura. Nam Matthæi 18. dicitur, *Si Ecclesiam non audierit, sit tibi sicut Ethnicus, & Publicanus*: Sed qui tamquam Ethnicus & Publicanus haberi debet quod Ecclesiam non audierit, gravis peccati coram Deo reus est. Lucæ 10. sic Christus suos Apostolos, earumque in Episcopali officio successores alloquitur: *Qui vos audit, me audit*: ergo qui non audit Ecclesiam aliquid præcipientem,

reus est, quasi Christum ipsum non audierit. Sic etiam loquitur Apostolus ad Hebræos cap. 13. *Obedite præpositis vestris, & subiacete eis*. Præpositorum igitur leges præcepti vim habent, cuius infractio vera fit inobedientia: inobedientia autem est peccatum coram Deo: ergo qui leges Ecclesiasticas infringunt, vere coram Deo peccant. Idem ostenditur ex Conciliis œcumenicis quæ hucusque in Ecclesia Christiana celebrata sunt. Nempe nonnunquam in eos qui legibus Ecclesiasticis non parent, pœna suspensionis, depositionis, immo & anathematis, animadvertunt: at gravissimæ illæ pœnæ non infliguntur nisi iis, qui coram Deo rei fuerint.

Probatur eadem conclusionis prima pars contra Gersonem. 1. Ab Ecclesia nonnulla præcipiuntur quæ nec sunt juris naturalis, nec divini, ut demonstrant hæc Pauli verba 1. ad Corinth 7. *Præcipio ego, non Dominus*. 2. Multa sunt in Canonibus, quæ nec jus naturale, nec divinum præcipiunt, quæ tamen si non observentur, gravissimis pœnis puniuntur, ut patet de calibatu eorum qui in sacris ordinibus constituti sunt. 3. Per absurdum est asserere, filios quos Deus iussit obedire parentibus, non teneri coram Deo iis obedire, nisi in iis quæ juris sunt naturalis & divini: ergo pariter per absurdum est asserere, fideles quos Deus iussit obedire Præpositis, teneri tantum coram Deo iis obedire, cum aliquid præcipiunt, quod juris est naturalis, aut divini.

Probatur altera conclusionis pars, quæ est de legibus Civilibus, tum adversus Hæreticos, tum contra Gersonium. Apostolus in Epistola ad Romanos cap. 13. expressè asserit, eum qui potestati non obtemperat, Dei ordinationi resistere: *Itaque (inquit) qui potestati resistit, Dei ordinationi resistit*: at qui Dei ordinationi resistit, coram Deo reus est: ut ibidem ait Apostolus: *Qui autem resistunt, ipsi sibi damnationem adquirunt*. Idem Apostolus aperte ait, fideles subditos esse oportere potestati non tantum propter pœnam quam potest prævaricatoribus infligere, cum gladium portet: sed etiam propter conscientiam, hoc est, ad vitandum peccatum, quod in foro conscientiæ ab eo admittitur qui Potestatis legem intregerit: *Ideo (ait) necessitate subditi estote non solum propter iram, sed etiam propter conscientiam*. Ex eo principio idem Apostolus concludit subditos teneri legibus quæ a Potestate Civili de vetergalibus & tributis latæ fuerint: *Ministri enim (inquit) Dei sunt, in hoc ipsum servientes; Reddite ergo omnibus debita: Cui tributum, tributum: Cui velligal, velligal: Cui timorem, timorem: Cui honorem, honorem*. Idem aperte docet Apostolus Petrus, cum jubet, ut propter Deum Regi & ministris ab eo constitutis a fidelibus obedi-

diatur: *Subditi* (ait 1. epist. cap. 1.) *omni humana creatura propter Deum, sive Regi tanquam precellenti, sive Ducibus tanquam ab eo missi ad vindictam malefactorum, laudem vero bonorum, quia sic est voluntas Dei.*

Hinc patet, quam merito Clerus Gallicanus ad Comitia Generalia anno 1700. congregatus hanc propositionem: *Subditi possunt iussa tributa non solvere*, hac speciali censura notaverit: *Hæc propositio seditiosa est, Apostolica doctrina, ac dictis Dominicis aperte contradiçit.*

Obijcies 1. Potestas Civilis mere temporalis est, ordinata nimirum, ut foveat terrenam inter cives pacem: ergo non potest per suas leges spirituale debitum hominibus sibi subditis imponere.

Resp. dist. ant. Mere temporalis est ratione objecti, conc. ant. quippe quæ versetur tantum circa res labentis ac fluxæ naturæ, cujuscumodi est reipublicæ pax, quam sibi ultimo proponit. Mere temporalis est ratione debiti quod imponit, neg. ant. Scilicet potestas civilis est emanatio & participatio potestatis divinæ, juxta illud Apostoli ad Romanos 13. *Non est enim potestas nisi a Deo*: ergo quemadmodum Potestas divina debitum imponit spirituale, ita etiam & Potestas civilis, causæ enim quæ a superiore emanant, superioris vim participative habere censentur.

Obijcies 2. Habere vim obligandi, saltem sub poena peccati mortalis, est habere vim auferendi gratiam sanctificantem: atqui nulla lex humana habet vim auferendi ab anima subditorum gratiam sanctificantem: cum enim gratia sit effectus Dei, a solo Deo auferri potest; ergo &c.

Resp. dist. min. Nulla lex humana vim habet gratiam sanctificantem auferendi physice & efficienter ab anima subditorum; conc. min. non physice, sed moraliter tantum, neg. min. Lex humana consequenter ad actum demeritorium suorum subditorum, aufert moraliter gratiam sanctificantem, quatenus se se habet per modum conditionis, quam si subditus non impleat, meretur a Deo privari gratia sanctificante.

C A P U T II.

Quandonam leges humane obligent sub mortali, aut veniali peccato.

CONCLUSIO 1. Quoties quis legem humanam infringit ex contemptu, peccat lethaliter.

Probatur 1. Contemptus non in hominem a quo lex sancita est; sed in ipsum Deum qui homini potestatem suam contulit, refunditur: *Non est enim* (ait Apostolus) *potestas nisi a Deo.*

Probatur 2. Ex Bernardo qui in libro de

præcepto & dispensatione, c. 8. sic loquitur; *Hæc ergo generalis regula sit universorum, quæ per se nec bona, nec mala sunt; aut divina institutione, aut propria cujusque professione, fixa non sunt, ut non iussa quidem, licite utrumlibet vel admittantur, vel non admittantur: iussa vero, sine culpa non omittantur, sine crimine non contemnantur. Ubique enim & culpabilis negleçitur, & contemptus damnabilis. In quo autem negleçtus & contemptus differant, sic idem S. Doctor exponit: Differunt autem quod negleçtus quidem languor inertia est; contemptus vero, superbia tumor. Porro contemptus in omni specie mandatorum pari pondere gravis, & communiter damnabilis est.*

Ne quis vero verba illa de contemptu legum in gravi tantum materia interpretetur, obstant quæ Bernardus ejusdem libri c. 11. de peccatis ratione materiæ levibus scribit: *Peccata sunt* (inquit), *& Deus prohibet omne peccatum, & tamen venialis, non criminalia reputatur, excepto cum per contemptum vertuntur in usum & consuetudinem. Et tunc non peccati species, sed peccantis intentio pensatur. Elatis quippe contentmentis, atque impenitentis obstinatis, in minimis quoque mandatis culpam facit non minimam, & convertit in crimen gravius rebellionis navum satis levem simpliciter transgressionis.*

Probatur 3. ex S. Thoma, qui 2. 2. q. 186. docet, contemptum in legem esse semper peccatum mortale, & explicat in quo præcise positus sit ille contemptus: *Tunc* (inquit) *committit aliquis, vel transgreditur ex contemptu, quando voluntas ejus renuit subjici ordinationi legis vel regulæ: & ex hoc procedit ad faciendum contra legem vel regulam. Quando autem propter particularem aliquam causam, puta concupiscentiam vel iram, inducitur ad aliquid faciendum contra statuta legis, vel regulæ, non peccat ex contemptu, etiam si frequenter ex eadem causa, vel alia simile peccatum iteret.*

CONCLUSIO 2. Lex humana, sive Canonica, sive Civilis, obligat sub mortali, quando materia quæ præcipitur est gravis; sub veniali vero tantum, quando materia est levis.

Probatur 1. Id habetur ex communi Ecclesiæ consensu. 2. Se habet quoad debitum lex humana, sicut divina; sive naturalis sit, sive positiva: Sed lex divina in materia gravi obligat sub poena peccati mortalis; in materia vero levi, sub poenæ solum venialis, ut patet in levi mendacio, in levi furto, in levi irreverentia erga parentes: ergo & humana.

Quæres 1. quandonam censeatur esse gravis materia quæ humana lege præcipitur:

Resp. gravem esse materiam posse cognosci ex multiplici capite. 1. Ex ipsis verbis quibus lex exprimitur, idque præsertim in legibus Canonicis, in quibus hæc commina-

tiones

tionis formula nonnumquam reperitur: *Sub indignatione Dei omnipotentis, sub interminatione divini iudicii*. Dignoscitur 2. ex gravitate poenae quae in legem peccanti infligitur. Huiusmodi sunt in iure Ecclesiastico, excommunicatio, suspensio, depositio, interdictum personale: in Civili vero, poena capitis, servitutis, carceris perpetui, publicationis bonorum, &c. Dignoscitur 3. ex circumstantiis quae occurrunt, v. g. cum Respublica praecipit civibus, ut premente anno frumentum suum iusto pretio dividant, aut ne extra regnum illud transferant. Dignoscitur 4. ex fine magni momenti, quem sibi Legislator proponit: cuiusmodi sunt commune bonum, publica fidelium edificatio.

Quaeres 2. utrum Legislator possit in materia levi obligare suos subditos sub mortali.

Respondet Bellarminus lib. de Laicis cap. 1. negative; nec immerito; Siquidem naturalis & necessarius effectus legis est obligare sub mortali in materia gravi, & sub veniali tantum in materia levi. Confirmatur ex eo quod lex humana, quae materiam, spectatis omnibus circumstantiis, levem sub peccato mortali praecipiet, esset iniusta; neque enim conformis esset aeternae, aut naturali legi, quae quicem (ut iam observatum est) non obligant sub mortali in materia quae sit levis, tum ratione sui, tum ratione circumstantiarum in quibus aut admittitur, aut omittitur materia levis. Hinc S. Augustinus monet Superiores, ut legem aeternam consulant, antequam leges aliquas ferant; *Conditor (inquit in libro de vera Religione, c. 31.) legum temporalium, scilicet bonus est, & sapiens, illam ipsam consulit legem aeternam, ut secundum ejus immutabiles regulas, quid sit pro tempore vitandum, juvandumque decernat.*

Quaeres 3. qua ratione subditi se se gerere debeant, cum nec eis, nec aliis viris sapientibus constat, materiam legis esse gravem, aut levem materiam.

Resp. teneri eos praepositis suis obedire; in dubiis enim standum est tutoribus, & judicandum in favorem Legislatorum, qui nonnumquam ad commune bonum promovendum, ad vitandum scandalum, aut declinandum gravis mali periculum, sub interminatione divini iudicii, sub poena gravis inobedientiae, sub poena peccati mortalis, res etiam leves, prohibere coguntur.

C A P U T III.

Utrum lex humana obliget cum vitae periculo.

CONCLUSIO. Leges humanae non semper, sed in aliquibus tantum casibus, obligant ad sui observationem cum periculo vitae.

Probatur prior pars. 1. Non major est vis

humanae legis, quam legis naturalis; illa enim est istius participatio; atqui lex naturalis (exceptis iis quae prohibendi vim habent) non obligat semper cum periculo vitae; ut patet in filio qui parentem exterius non colit, cum illi ex eo cultu vitae periculum imminet; modo tamen nihil faciat, dicatve contra cultum, quem ei iure naturali tenetur exhibere. Patet iterum ex lege depositi, quod quidem licet jus naturale praecipiat, ut reddatur; retineri tamen potest, si vitae periculum imminet. 2. Neque etiam lex divina positiva obligat semper cum vitae periculo; neque enim peccavit David, cum ad necessitatem redactus, comedit panes propositionis, quibus ex lege divina solis Sacerdotibus vesci licitum erat.

Hinc sequitur 1. fideles, secluso scandalo, non teneri ad jejunium Ecclesiasticum, ad horas Canonicas, ad audiendam missam festivis diebus, ad annuatim communionem, tum confessionem, cum leges illas cum vitae periculo, immo & cum non sine gravi valetudinis, aut bonorum detrimento, servari non possunt. Sequitur 2. licere propter gravem necessitatem cum excommunicatis, etiam expresse denunciatis, communicare; lex enim de vitandis excommunicatis non debet esse poena respectu eorum qui innoxii sunt, sed eorum tantum qui rei sunt. Sequitur 3. ipsis etiam excommunicatis in gravi necessitate constitutis licere cum fidelibus communicare.

Quaeres 1. an Lex seu Constitutio Carthusianorum de abstinencia carnum, eos obliget in extremo vitae periculo.

Respondet Sylvius ad quaestionem illam 1. Carthusianum in ea extrema necessitate positum, cui nulli alii cibi praeter carnes suppetere, posse ac debere vesci carnibus. Probat 1. quia ut habetur capite *Sicut, de consecr. dist. 1.* extrema necessitas excusat ab observatione legis humanae. 2. Quando duae leges inter se pugnant, minor debet cedere majori; ergo & in eo casu lex Carthusianorum debet cedere legi naturali quae major est, & quae vitae conservationem praecipit. 3. Carthusianus qui in ea, de qua agitur, circumstantia carnibus non vesceretur, esset sui ipsius homicida, juxta illud Ambrosii; *Pasce fame morientem; si non paveris, occidisti.* 4. Sequeretur alioquin Carthusianum in iis circumstantiis constitutum, damnatum esse ut fame periret. 5. Lex Carthusianis de abstinencia carnum imposita, non exprimit casum, de quo agitur; ergo ad illam extendi non debet; cum (ut habetur in iure) favores sint ampliandi, & odia restringenda, praesertim cum agitur de vitae conservatione. 6. Nec obstat, quod inde oriretur scandalum; scandalum enim in eo casu non foret datum, sed acceptum; cuique enim evi-

dens esse debet, quod in extrema necessitate actus ille sit licitus.

Respondet 2. Idem auctor, Carthusiano aegrotanti non licere, etiam secreto, vesci carnibus, si alii cibi adsint, quibus impedire possit ne fame pereat.

Probat 1. quia consuetudo abstinendi a carnibus, etiam in morbis periculosissimis, vim habet præcepti & legis, & quidem toto approbante Ordine; iustam autem esse illam consuetudinem evincitur ex eo, quod cedat in bonum spirituale totius Ordinis; plurisque referat ut privatus aliquis religiosus vitam amittat, quam ut infringatur lex quam totus Ordo servavit semper, & per quam a ceteris omnibus differt.

Probat 2. Si (inquit idem auctor) occasione morbi etiam gravissimi, Carthusianis liceret vesci carnibus, facile totius Ordinis disciplina tepesceret: ita namque inciperet dispensatio, primo quidem in casibus periculosis; deinde vero paulatim ad multos alios casus traheretur; ita ut omnes graves morbi essent occasio solvenda carniū abstinentiæ. Et cum Medici sæpe inveniant morbos, quibus curandis, vel utilem, vel etiam necessarium judicent esum carniū, Carthusiani passim in infirmariis vescerentur carnibus. Ut igitur (prosequitur Auctor) ista sancta Religio maneat in suo vigore, laudabile ac honestum est, quod etiam in articulo mortis a carnibus se abstineant; idque non tantum coram aliis, sed etiam in secreto. Dum enim scitur eam Constitutionem ita strictè observari, ut ne secreto quidem carnibus vesci liceat, sit quod religiosi eam exactissime servent, neque dispensationes quærant.

Probat 3. Lex (inquit Sylvius) de vita propria conservanda, non obligat simpliciter & absolute pro omni casu vel eventu, sed sub conditione, hoc est, nisi causa aliqua honesta & gravis aliud postulet.

Probat 4. Si Medicus (sunt ejusdem auctoris verba) iudicet esse necessarium ut infirmus patriam, aut aerem mutet si vitam conservare velit, ipse non tenetur patriam deserere; & in externas regiones proficisci: sicut etiam non tenetur, vel delicatissimis cibis, vel medicinis pretiosissimis uti, etiam si medicorum iudicium sit, ejusmodi esse illi necessaria.

Ex his tunc rationibus, tam solutionibus ad argumenta partis adversæ mox laudatus scriptor hanc conclusionem elicit: Quapropter (ait) cum Carthusianis sit honesta, etque valde rationalis causa abstinendi a carnibus, etiam in extremo mortis ejusque periculo; si licet ne eorum regula relaxetur; lex naturalis de vita propria conservanda non obligat ipsos, ut cum alii cibi non desunt, ad ejus conservandam utantur carnibus, nisi alioquin sint morituri.

Quæres 2. utrum Idolothytis vesci liceat.

Resp. Sylvius 1. licitum esse vesci Idolothytis in extrema necessitate, quando alioquin esset fame moriendum; modo omne pusillorum scandalum evitetur. Ratio est, quia Idolothytis vesci, non divina Evangelii legē, sed humana tantum, Actuum 15. vesci prohibitum est: ea autem humana lex ab Apostolice Ecclesie Prætoribus ad quamdam œconomiam lata, jampridem abrogata fuit. Præterea antequam esset abrogata, secundum se non obligabat eam vita dispendio: quia, cessante scandalo, & idololatriæ tum specie, tum periculo, nullum erat publicum commune bonum, propter quod ea lex cum tanto discrimine obligaret.

Resp. 2. idem auctor, quod, etiam extra necessitatem extremam, vescilicet idolothytis, modo tamquam cibi communes edantur, & nullum sit periculum, neque quod infirmi exemplo illo inducantur ad comedendum, aut in honorem idoli, aut contra conscientiam qua existiment, carniū idolis immolari sumptionem esse, quamdam immolationis speciem; neque quod is, qui iis vescitur, existimandus sit falsam deorum religionem, vel quid simile, profiteri.

Illam responsionem mox laudatus scriptor probat ex generalibus istis Apostoli sententiis: *Omnia mihi licent*, 1. ad Corinth. 10. *Omnia sunt munda*, ad Rom. 14. *Omnia munda mundis*, ad Titum 1. *Nihil rejiciendum, quod cum gratiarum actione percipitur*, 1. ad Tim. 4.

Probat iterum ex S. Thoma, qui 1. 2. q. 103. art. 4. ad 3. asserit, comestionem idolothytorum fuisse pro illo tantum tempore prohibitam, quoniam necesse erat, judæos & gentes in unum convenire: eam vero prohibitionem desuisse manifestata Evangelica doctrina veritate, in qua Dominus docet, quod nihil, quod per os intrat, inquinat hominem; ut dicitur Matth. 15. *Et quod nihil est rejiciendum, quod cum gratiarum actione percipitur*, ut 1. ad Timoth. 4. dicitur.

Probat tandem ex eo, quod nec S. Augustinus, nec S. Leo Magnus, nec Sanctus Hieronymus, qui mox dictis in speciem repugnare videntur, revera non repugnent. Nam 1. Augustinus epistola 154. respondens ad Publicolam, quærentem de Christiano famis necessitate victu, si nihil uspiam invenerit, nisi cibum in idolis positum, ubi nullus est alius hominum, utrum ei satius sit mori, quam illud in cibum sumere; Augustinus (inquit Sylvius) hisce verbis, quibus Publicola quætionem solvit: *Si certum est esse (Idolothytum) melius Christiana veritate respuitur*, nec non his aliis in libro de bono conjugali, c. 16. *Satius est mori fame, quam Idolothytis vesci*: non dicit illicitum fore eo in casu idolothytis vesci; sed tantum quod idolothytum melius Christiana veritate respuitur. Addit idem auctor, S. Do-

8. Doctorem loqui ex suppositione, quod infirmus quispiam venturus esset in suspicionem editæ a Christiano carnis in idolio repertæ, ac proinde Augustinum supponere, comestionem eo in casu pusillo postmodum futuram esse scandalo. 2. Cum Sanctus Leo Epistola 79. c. 3. jubet, ut satisfactione purgentur quidam Christiani, qui a Barbaris in captivitatem abducti, comederant idololothya: *Ut penitentia satisfactione purgentur, sive terror extorserit, sive fames suaserit*; intelligendus est de casu, aut in quo non adfuisset extrema necessitas, aut id cum scandalo, & in religionis injuriam factum fuisset, 3. Cum S. Hieronymus in c. 15. Matthæi scribit, cibos per se non esse malos, sed fieri immundos ex demonum invocatione: *Scendum* (inquit) *quod ipsi quidem tibi, & Dei creatura omnis munda sit, sed idolorum ac demoniorum invocationibus fiat immunda*: intelligi debet de immunditia quæ accidit cum iis qui idololothya comedunt, aut ipsi invocant idola, aut invocantibus consentiunt.

CAPUT IV.

Utrum Lex pœnalis obliget in conscientia.

Not. **L**ex vulgo triplex distinguitur; nempe alia est, aut mere præceptiva, aut mere prohibitiva; alia mere pœnalis; tertia est mixta. Prima definitur, ea quæ actum aliquem præcipit aut prohibet, nulla facta mentione pœnæ quæ transgressori infligatur. Hujusmodi sunt leges de Missa festivis diebus audienda, de solvendis vestigalibus, de non evehendo ex patria frumento. Secunda est, quæ præter præceptum, aut prohibitionem, pœnam in transgressores decernit: hujusmodi esset ea, quæ hæc verbis exprimeretur: *Nemo pecuniam extra regnum extrahat, & qui extraxerit, solvet nummos centum*. Ea autem pœna vel copulative, vel disjunctive in lege exprimitur. Tertia tandem est ea, quæ non expresso præcepto, aut non expressa prohibitionem, operis alicujus pœnam decernit in eos qui opus illud egerint: sicut si lex dicat, qui frumentum ex regno exportaverit, solvet centum aureos.

CONCLUSIO 1. Lex pure præceptiva, hoc est, in qua pœna non apponitur, aut prohibitiva, obligat sub reatu culpæ, sive sit Canonica, sive sit Civilis.

Probatur. Ex dictis superius, aliquæ leges, tum Canonice, tum Civiles, obligant sub reatu culpæ: ergo ex præsertim quæ pure præceptivæ sunt, aut prohibitivæ: evidenter enim notam faciunt Legislatoris intentionem; ac proinde qui leges illas non observat, resistit Potestati, & (ut addit Apostolus) Dei etiam ordinationi, a quo est omnis potestas.

CONCL. 2. Lex pœnalis mixta obligat sub

reatu culpæ ad actum, aut ponendum, aut omittendum, qui aut præcipitur, aut prohibetur.

Probatur. Lex mere præceptiva, aut prohibitiva, obligat (ut dictum est) sub reatu culpæ: ergo etiam & lex pœnalis mixta; siquidem additio pœnæ nihil detrahit ex vi præcepti, aut prohibitionis; immo vim illam augeat & confirmat: idque patet 1. ex hac lege divinæ Genesis 2. *De ligno scientiæ boni & mali ne comedat*; in quacumque enim die comederis ex eo, mortis morieris. Idem in hac alia, quæ habetur Exodi 12. videre est: *Septem diebus fermentum non apparebit in domibus vestris. Qui comederit fermentatum, peribit anima ejus de castris Israël*. Patet 2. in lege Canonica de paschali communione: *Omnis utriusque sexus, quæ habetur titulo de panis. & cui pœna in pravariatores additur: Alioquin & vivens ab ingressu Ecclesie arceatur, & moriens christiana careat sepultura*. Patet 3. in lege Civili de armis noctu non ferendis sub pœna carceris: ea enim pœna ideo infligitur, quod arma noctu ferens fiat inobediens legi: omnis autem inobedientia per se peccati rationem habet. Addendum est, pœnam addi legi, ut lex fidelius observetur; at id verum non esset, si additio pœnæ vim obligandi a lege detraheret.

CONCL. 3. Lex etiam mere pœnalis obligat sub reatu culpæ, tum ad subeundam pœnam, tum ad ponendum actum lege præceptum, tum ad omittendum lege prohibitum.

Probatur 1. Lex mere pœnalis præcipit, ut pœna subeatur: ergo sub reatu culpæ obligat ad solvendam pœnam: qui enim non solvit, fit legi solutionem præcipienti inobediens. 2. Obligit quoque ad omittendum, aut ponendum actum lege aut prohibitum, aut præceptum, quia pœna iuste infligi non potest, nisi ei qui prius peccaverit, juxta illud Aug. l. 1. Retract. c. 9. *Omnis pœna, si iusta est, peccati pœna est, & peccatum nominatur*. 3. Infligitur pœna virtualiter includit Legislatoris præceptum, aut prohibitionem; ideo enim pœnam infligit, ut actus omittatur, aut fiat; ac proinde nulla datur lex ita mere pœnalis, ut non sit, saltem virtualiter, mixta.

Objicies 1. Ex Sancto Thoma 2. 2. quæst. 186. art. 9. ad 1. statuta quædam sunt in religionibus, quæ ad culpam non obligant, sed tantum ad pœnam: Sed ideo statuta illi ad culpam non obligant, quod sint leges mere pœnales: ergo lex mere pœnalis non obligat sub reatu culpæ ad actum, cujus omnino pœna aliqua contingatur.

Resp. dist. maj. Statuta &c. non obligant ad culpam per accidens, conc. maj. per se, neg. maj. Ratio est, quia auctores statutorum, de quibus agitur, clare, ut supponitur, mentem suam expresse, se nimirum non velle in quibusdam exterioribus actibus sub reatu

reatu culpæ obligare, sed tantum ad subeundam poenam, quam infligi duxerunt iis, qui illos actus aut agerent, aut omitterent. Huiusmodi sunt Dominicorum, aliorumque plurimorum Religiosorum hominum constitutiones, cur ad disciplinam exteriorem spectant: unde Constitutiones illæ in eo capite non tam dici debent leges, quam ordinationes quædam & directiones, quibus religiola disciplina promovetur.

Objicies 2. Leges quædam sic disjunctive exprimuntur: *Nemo in sylva regia lignum cadat, aut si ceciderit, duplionem arario publico solvat. Nemo vinum extra regnum evehat, vel solvat viginti nummos*: atqui leges quæ sic disjunctive exprimuntur, non obligant sub reatu culpæ. Nam 1. cum lex aliqua est disjunctiva, relinquit subdito, utrumlibet voluerit, eligere: ergo si quis mulctam solvere velit, non tenetur omittere actum lege prohibitum, aut ponere præceptum. 2. Se habet subditus respectu legis mere poenalis quæ disjunctive exprimitur, sicut is qui vovit respectu voti, quod disjunctive emisit, v. g. si quis dicat, Voveo me alea nusquam lusurum, aut si ludam, duplionem erogabo pauperibus: atqui is qui sic vovit, non tenetur ad non ludendum, si pauperibus duplionem erogat: ergo neque subditus tenetur actum ponere lege expressum, si velit poenam subire, quæ disjunctive in lege exprimitur.

Resp. leges poenales, in quibus actus & poena disjunctive exprimuntur, non obligare ad duo membra, sed ad unum tantum, scilicet aut subeundam poenam seu mulctam iis qui actum præceptum omiserint, aut prohibitum posuerint, impositam, vel ad ipsum actum vetitum omittendum, aut ad ponendum præceptum. Sed advertendum est, ea quæ mox dicta sunt, locum non habere in actibus qui aut divina aut naturali lege prohibentur: unde si lex mere poenalis cum disjunctione statueretur de non cadendis lignis in proximi nemore, aut de non ducendis animalibus ad aliena pascua; lex illa obligaret sub reatu culpæ ad omittendum actum, qui per eam prohiberetur: scilicet est contra legem naturalem, ut quis proximi aut lignum, aut pascua furetur. Non habent quoque locum in lege humana mere poenali, etiam disjunctive expressa, si alia lex mixta, quæ sit in usu, præcesserit: sic nec a peccato, nec a restitutionis debito excusaretur, qui iusta tributa non solveret sub eo obtentu, quod paratus esset subire mulctam quæ iis imponitur, qui tributa per fraudem non solverint: v. g. stante hac lege: *Nemo in urbem evehet merces extra regnum conquistæ, non liberaretur a culpa, si revera merces illas eveheret in urbem, quamvis paratus esset mulctam subire, confiscationem nimirum mercium, si in fraude & simulatione sua deprehenderetur,*

Quæres, utrum leges poenales obligent ad poenam statim solvendam, hoc est, an qui leges poenales transgrediuntur, teneantur poenam constitutam subire, antequam a Iudice vel ipsi condemnentur, vel eorum crimen declaratur.

Resp. 1. remm, hoc est, eum qui legem poenalem infringit, non teneri ad subeundam poenam ante latam a Iudice sententiam, si poenam in lege exprimitur, prout ferenda tantum; ut cum dicitur, *sub poena excommunicationis, sub poena publicationis bonorum*, aut cum hisce aut similibus terminis exprimitur, qui hoc egerit, suis bonis privetur, solvat centum aureos, excommunicetur. Ratio est, quia (ut habet Regula juris 49. in sexto) *In poenâ benignior est interpretatio faciendâ*: at non foret benignior interpretatio, si dum lex significat poenam esse ferendam, sic interpretaremur, ut actu ferretur absque ulla Iudicis sententia: id enim interpretari, poenam, quæ decernitur ferenda, jam esse latam.

Resp. 2. quod quando lex continet poenam latam, sed quæ requirit ipsiusmet rei, seu transgressoris, actionem, reus ordinariæ non teneatur subire poenam ante sententiam Iudicis, nisi forte ad Canonicam aut religiosam disciplinam pertineat, ut sunt jejunium, oratio, &c. aut nisi ipsismet verbis legis significetur, non esse expectandam Iudicis declarationem.

Ratio primæ partis est, quia cum (inquit Sylvius) leges ex se sint mutæ & inanimatæ, opus est actione Iudicis, qui illarum executionem promoveat. Præterea a recepta consuetudine alienum est, ut reus sponte, & absque ulla condemnatione vel declaratione, in iis quæ crudelitatem & inhumanitatem sapiunt, in seipsum legis executionem promoveat: Hincque patet, reum qui aut suspendio, aut mutilatione damnatus est, non posse illam sententiam adversus seipsum exequi. Ratio alterius partis est, quia reus tenetur parere justæ legi, cujus verba perspicua sunt. Unde (inquit Natalis Alexander) si reus exilio damnatus sit, aut mulcta pecuniaria, sponte in exilium abire, aut mulctam solvere tenetur ex officio conscientiæ: ex nimirum actiones nihil inhumani, nihil crudelitatis includunt.

Respondet 3. Sylvius. Quando lex continet poenam latam in mera privatione consistentem, sive quando lex ante sententiam Iudicis ipso facto privat transgressorem jure, vel commodò, vel actione, vel aliquo alio bono, quatenus illa poena non requirit aliquam actionem, ut executioni mandetur, nec quidquam continet juri naturali repugnans, statim incurritur, statimque subiri debet. Sic censura quæ lex dicit ipso facto incurri, statim obligant absque ulla Iudicis declaratione: & bonorum, quæ ipso facto

facto confiscantur, dominium statim amittitur. Idem esse debet iudicium de privatione vocis activæ aut passivæ, quam lex ipso facto incurrendam decernit. Idem quoque de beneficii Ecclesiastici titulo ac proprietate in clerico, qui crimen admisit, propter quod lex eum ipso facto privatum esse decernit.

Sed observandum est 1. quod ipse reus ante iudicis declarationem non tenetur seipsum abdicare possessione beneficii, cuius titulo excidit; nec debeat restituere fructus ex eo perceptos, modo officia, & onera beneficio annexa exequatur. Ad id enim titulum coloratum satis esse doctissimi Theologi censent, eaque est Gallicanæ jurisprudentiæ praxis.

Excipiendus est tamen ab ea regula casus quo lex expresse definit, non esse expectandam iudicis sententiam, ut reus & titulo beneficii, & possessione, & fructibus ex eo praeceptis spoliatur, & perceptos restituat. Tunc enim lex est aperta & iusta, ac proinde reus statim illi parere tenetur.

Observandum est iterum, quod si ante iudicis declarationem reus aliquem iurisdictionis actum exercent, valeat actus ille, quamvis ex parte ipsius rei sit illicitus. Hincque concluditur, acta Parochi qui peccavit in legem quæ aliud precipit, vel prohibet sub pena beneficii ipso facto incurrenda, valide exerceri: unde valet absolutio sacramentalis quam impendit, valet matrimonium castæ celebrationi interest. Nec mirum, nam Ecclesiæ Acta illa probat, ut consulat quieti fidelium, & ne ex Parochi inobedientia innoxius populus detrimentum aliquod patiat.

Observandum est tandem, clericum de quo agitur, ea tantum lege posse (ut dictum est) ante iudicis declarationem retinere fructus beneficii, cuius jure ipso facto excidit, ut onera illi annexa adimpleat; contrarium docuerant nonnulli recentiores, cum hanc propositionem promulgarunt: *Restitutio a Pio V. imposta beneficiariis non rectamibus, non debetur in concupiscentia ante sententiam declarationem iudicis, eo quod sit pena*. Verum Clerus Gallicanus ad Comitæ Generalia anno 1700. coactus, hac speciali censura propositionem illam notavit, quam jam ante Alexander VII. proseripserat; *Hæc propositio falsa est, temeraria, cavillatoria, ac præceptis Ecclesiasticis illudit.*

C A P U T V.

Utrum lex in falsa presumptione fundata, obliget in conscientia.

Nec **V**ARIIS modis lex aliqua fundari potest in falsa presumptione; juxta varios nec modos variæ conclusiones statuendæ sunt.

CONCL. 1. Lex quæ aliquid precipit, quod præsumitur esse licitum, & tamen a parte rei est illicitum, non obligat in conscientia.

Probatur 1. Non est vera lex; est enim de ratione legis, ut iusta sit, hoc est, ut objectum illius sit licitum & honestum: 2. Lex illa obligaret ad peccatum, quod est absurdum: 3. In eo præsertim casu locum habet illa juris regula: *Lex in presumptione fundata non obligat in conscientia, quando præsumptio falsa est.*

Hinc vero concluditur, eum qui habet impedimentum occultum dirimens, nec petere, nec reddere debitum posse vi legis quæ decerneret, ut ii omnes qui in facie Ecclesiæ matrimonium celebrant, more maritali vivant; immo teneretur potius excommunicationem externam ferre, quam eo in casu exire aut reddere debitum conjugale.

CONCL. 2. quando Legislator in quovis casu singulari aliquid suspicatur, & ratione ejusmodi suspicionis legem generalem constituit, quia in singulis actibus ita præsumit, ea lex in conscientia non obligat hominem, in quo præsumptio illa locum non habet.

Probatur 1. In eo casu locum habet axioma juris superius relatum. 2. Quemadmodum veritati manifestæ consuetudo cedere debet (ut habetur c. *veritatem*, dist. 8.) ita æquum est, ut eidem veritati præsumptio cedat.

Ejus generis lex invenitur in c. *Veniens*, nec non & in capite, *Qui fidem*, titul. *De Specialibus*, ubi statuitur, quod sponsalia de futuro, in matrimonium legitimum transcant per carnalem copulam subsecutam; fundetur enim in presumptione, quod ea copula non ut plurimum, sed in quovis casu fiat animo maritali; hoc est, ex intentione perficiendi matrimonium; & propterea si illa intentio ex parte alterutrius defuerit (sicut ipse potest optime novisse) lex illa non obligat ad simul manendum, & conjugaliter vivendum. Nec id mirum est: siquidem de ratione matrimonii est mutuos partium consensus, qui quidem per nullam humanam potestatem suppleri potest; sed si quis eorum post hujusmodi copulam alteri nupserit, hoc aliud matrimonium est validum; ita ut non possit cum priore conjugaliter vivere absque mortali peccato, quidquid iudex contrarium præceperit.

CONCL. 3. Quando Legislator ex falsa presumptione definitiva facti, legem generalem constituit, si præsumptio sit falsa, lex, propter quam factum illud condit, non obligat.

Probatur. Tunc lex non obligat, cum Legislator non intendit, ut obliget; vis enim legis præcipue petitur ex intentione Legislatoris: atqui Legislator non vult, ut lex a se lata obliget, cum lata est ex falsa præsumptione.

ptione definitiva facti: factum enim, quod falso supponit esse verum, est causa legis: ergo, &c. Hincque Sylvius colligit 1. sententiam, qua Judex ex falso allegatis & probatis aliquem damnat, aut ad restituendam rem alienam, aut dimissionem possessionis rei suae, non obligare in conscientiae foro, nisi ut scandalum vitetur, si sit illius periculum. Colligit 2. in hujusce nostrae conclusionis casu locum habere axioma juris, quod superius laudatum est: *Lex fundata in praesumptione non obligat, quando praesumptio est falsa.*

CONCLUSIO 4. Quando lex fertur in casibus, qui ut plurimum accidunt, obligat in conscientia eum etiam in quo ratio legis locum non habet.

Probatur 1. in casu de quo agitur, legislator ad vitanda incommoda, quae alioquin ut plurimum acciderent, intentionem habet omnes sibi subditos obligandi: ergo lex ab eo lata unumquemque subditum obligat, etiam in foro interiori. 2. Se habet lex in eo casu, sicut in casu de armis noctu minime ferendis: atqui in casu de armis noctu minime ferendis, lex obligat etiam eum, in quo ratio legis locum non habet, hoc est, quamvis ea non ferat, ut alicui noceat, propter quam tamen unam rationem, lex illa (ut supponitur) lata fuit. 3. In casu, de quo est quaestio, lex non minus vim habet suam, quam in casu de sollempni professione monastica non edenda ante decimum sextum aetatis annum: atqui lex illa de professione monastica vim habet suam, etiam in eo in quo locum non habet juris praesumptio, hoc est, in eo qui ante decimum sextum aetatis annum maturo est iudicio: ergo quando lex fertur in casibus, qui ut plurimum accidunt, obligat in conscientia eum etiam in quo ratio legis locum non habet.

Q U A E S T I O V.

De variis modis, quibus Lex humana mutari potest.

Not. Leges humanae variis modis mutari possunt: 1. per Epikiam; 2. per Dispensationem; 3. per Privilegium; 4. per Tolerantiam; 5. per Derogationem; 6. per Abrogationem; 7. per Irritationem; 8. denique per consuetudinem contrariam. De variis illis legum humanarum mutationibus in hac quaestione agendum nobis incumbit.

C A P U T P R I M U M.

De Epikia.

CONCL. 1. Epikia recte definitur, Interpretatio legis ab homine privato secundum jus magis universale, vel quod magis viget.

Probatur 1. Epikiam esse legis interpretationem, patet ex eo, quod sit actus, quo aliquis iudicat, legem quae generatim lata est, in quodam particulari casu, in quibusdam singularibus circumstantiis non obligare. 2. Epikiam fieri ab homine privato, clarum est ex eo, quod in hoc differat a juridica legis interpretatione; haec enim fit aut ab ipso legislatore, aut per potestatem publicam cui legislator jus de suis legibus interpretandis facultatem fecerit. 3. Adduntur haec verba: *Secundum jus magis universale*, eo quod legem interpretari non liceat, nisi eam comparando ad aliam legem superiorem. Sic lex de debito conjugali reddendo, comparata ad aliam legem superiorem, ut est ea qua prohibetur, ne abortus fiat, nec non ea qua prohibetur, ne quis vitae periculo se ipsum exponat: illae nimirum leges magis sunt universales, quam lex quae praecipit reddi debitum conjugale: unde mulier, quae in alterutro ex iis casibus non reddit debitum, legem per Epikiam interpretatur, hoc est, iudicat, non fuisse mentem legislatoris, ut lex ab eo lata in iis casibus obligaret.

CONCLUSIO 2. Legis interpretatio per Epikiam est licita.

Probatur 1. Interpretatio legis per Epikiam est interpretatio legis ad mentem legislatoris: atqui licita est interpretatio illa, cum per eam legislator finem assequatur suum, bonum scilicet commune, ad quod lex quaelibet debet essentialiter ordinari. 2. Necesse est, ut quis aliquando per Epikiam legem interpreteretur: ergo licita est. Probatur ant. Legislator humanus non potest in condenda lege omnes & singulos casus praevire; unde leges suas proponit secundum ea, quae in pluribus accidunt, suamque intentionem dirigit ad utilitatem communem. Necesse est igitur, ut si quis existat in particularibus casibus, quem humanus legislator non praeviderit, legem illius per Epikiam interpreteretur.

Quaeres, utrum Epikia locum habeat non solum in lege humana, sed etiam in lege divina, tum naturali, tum positiva.

Resp. affirmative. Ioque patet 1. ex lege de reddendo debito, quae licet sit juris naturalis, utpote ad iustitiae virtutem pertinet, explicatur tamen per Epikiam a conjuge, quae debitum non reddit, cum adest abortus periculum. Id etiam patet 2. in lege de reddendo deposito, quae quidem per Epikiam

F

judi-

judicatur non obligare, cum redditio depositi potest esse noxia, aut depositi domino, aut alicui alteri homini. Id quoque patet 3. in lege de sanctificando sabbato, quam quidem, licet divinam, Machabæi per Epikiam judicarunt non obligare in ea circumstantia, in qua violatio sabbati ad vitæ conservationem necessaria foret.

Monitum hic lectorem volumus, Epikiam in lege naturali, aut positiva divina locum habere tantum, cum lex quæ per Epikiam explicatur, stare non potest cum alia lege magis universali: e contra vero ex alio etiam capite lex humana Epikiam patitur per quamdam veluti correctionem, hoc est per judicium, quo quis judicat legislatorem humanum non prævidisse casum particularem, in quo lex ab eo universim lata in republicæ detrimentum vergeret.

C A P U T II.

De Dispensatione.

Not. **Q**UÆRIMUS hic 1. quid sit dispensatio: 2. utrum & a quibus concedi possit: 4. quid requiratur, ut sit licita, tum ex parte dantis, tum ex parte utentis: 4. an illicita dispensatio valeat.

CONCLUSIO 1. Dispensatio recte definitur, Exemptio a lege, auctoritate Superioris facta, sed non in perpetuum.

Explicatur definitio. Dispensatio dicitur 1. *Exemptio a lege*, & in hoc cum privilegio convenit, per utrumque enim privati a lege quæ viget eximuntur. 2. Dicitur *auctoritate Superioris facta*, quia ad legis relaxationem inquiritur jurisdictio: at jurisdictio nonnisi Superioribus competit. Dicitur 3. *facta, non in perpetuum*; & in hoc disconvenit a privilegio; quod quidem (ut infra dicetur) non confertur ad tempus, sed in perpetuum.

CONCLUSIO 2. Legitimi Superiores ex causa in legibus humanis dispensare possunt.

Probatur. Legitimi Superiores possunt (ut superius dictum est) leges condere: ergo possunt quoque, urgente causa, earum obligationem relaxare: quippe quod non major potestas ad relaxandam obligationem legis requiratur, quam ad imponendam ejusdem legis obligationem.

Quæres 1. quoniam in specie sint Superiores, qui jus habent dispensandi in legibus humanis.

Respondeo, jus illud pertinere 1. ad Superiores qui leges humanas tulerunt: 2. ad rectores multitudinis, licet legislatore inferiores, cum ab ipso legislatore jus illud specialiter commissum est, aut cum ita fert consuetudo recepta, aut urget gravis necessitas: sic Episcopus dispensat in lege de cibis pro-

hibitis, licet lex illa ab iis lata sit, qui Episcopo superiores sunt.

Quæres 2. an perantiquus sit usus concedendi dispensationes in legibus canonicis.

Resp. proferri posse plura exempla, quibus probetur, antiquitus dispensationes concessas fuisse in poenis, quæ per canones iis infliguntur, qui peccaverint. Nam 1. Augustino teste libro 1. contra Parmenianum, poenitentia, seu satisfactoria poenæ Canonibus præstare remitti solebant, quando, alioquin, imminere præsens schismatis periculum. 2. Hæreticis ad Ecclesiam redeuntibus, nonnumquam contra Canones suis Episcopali-bus Sedibus restituti sunt, ut videre est in Concilio Nicæno primo, Novatianorum respectu: videre est etiam in variis Conciliis, quæ in causa Donatistarum habita sunt. 3. Anno 374. Bigami ad Diaconatum, Presbyteratum, vel Episcopatum contra Canones ordinati; tolerati fuerunt a Siricio & aliis summis Pontificibus. 4. Adolescentibus post actam publicam poenitentiam conjugem ducere contra regulas indultum est a Leone Magno, Epistola 92. quæ est ad Rusticum Narbonensem. Evidens est igitur, nonnumquam primis Ecclesiæ temporibus aliquando dispensatum fuisse in poenis, quæ prævaricatoribus infligere fuerant a lege.

Resp. iterum antiquitus concessas etiam fuisse dispensationes non tantum in poenis, sed etiam a legibus servandis. Et quidem 1. indultum est Ambrosio adhuc Neophyto, & nondum baptizato, ut ad Episcopatum Mediolanensem eligeretur, quamvis id & per Apostolum, & per Canones vetitum fuisset. 2. Fabianus Papa, annuentibus Clero & plebe, Novatianum Clinicum, hoc est, baptizatum in gravi morbi periculo, presbyterum, Eusebio teste, hist. l. 6. cap. 43. consecravit. 3. Synodus Ancyrana, quæ circa annum 414. & 415. celebrata fuit, canone 10. declaravit Diaconos, qui cum ordinarentur, protestati fuerant se non posse temperare ab usu uxorum quas ante suam ordinationem duxerant, posse circa castitatis legem per canones Diaconis impositam dispensari. 4. Gelasius Papa I. ut Italicarum Ecclesiarum viduitati consulere, epistola prima in lege de interstitiis servandis dispensavit: indulgit nimirum, ut monachi intra annum Presbyteri consecrari possent, laici vero intra octiduum menses. 5. Symmachus Papa circa annum 501. in Epistola ad Avitum Viennensem expresse docuit, quandoque a Canonibus dispensandum esse in iis casibus, quibus ab ipsa lege cautum fuisset, si prævidisset singulares illos casus, addiditque, crudelitatem sapere eorum agendi modum, qui legi insistant, cum illius observantia Ecclesiis infert præjudicium: leges enim ea intentione latae sunt, ut proficiant, non ut noceant. 6. Gregorius

rius Magnus circa annum 590. Anglis recenter ad fidem ab Augustino monacho conversis indulgit, ut extra quartum consanguinitatis & affinitatis gradum nubere possent, quamvis quæ tunc vigeant leges, vetarent, ne nuptiæ intra septimum consanguinitatis, aut affinitatis gradum celebrarentur. 7. Eidem quoque Augustino propter necessitatem, quæ tunc urgebat, facultatem fecit, ut solus Episcopus in Anglia consecraret, quinvis canonicis injunctum fuisset, ut Episcopus non nisi a tribus Episcopis consecraretur. 8. Concilium Meldense anno 845. celebratum, canone 64. Nothos, alioquin Canonicis prohibitos, ordinari permittit. Ex iis quæ hucusque dicta sunt, patet, veram non esse eorum sententiam, quibus placet, nullas a legibus Ecclesiasticis ante sæculum undecimum dispensationes concessas fuisse.

CONCL. 3. Superioribus licitum non est a lege sine causa dispensare.

Probatur 1. Id non licet Magistratui Politico. Ratio est quia dispensans sine causa peccat contra fidem, quam Reipublice debet. Peccat quoque contra prudentiam; eximio nimirum ab onere communi eum qui eximendus non est. Peccat denique nonnumquam contra justitiam; scilicet reus sit acceptionis personarum, quæ quidem est vitium justitiæ distributiæ oppositum.

Probatur 2. Id de quo agitur in conclusione, non licet Superiori Ecclesiastico. Nam vel ipse condidit leges, in quibus dispensat; vel illæ leges latæ sunt Canonicis, vel denique statutis monasticis & regularibus. Si primum, propter easdem rationes reus est, propter quas peccat Magistratus Politicus, cum sine causa dispensat. Si secundum, dissipationis crimine tenetur, non dispensatoris laude commendatur; cum enim ex officio legum observationi invigilare teneatur, non potest sine peccato earum infractioni connivere, & a fortiori non potest positive annuere, ut violentur. Si tertium, peccat pariter, propter eandem rationem: scilicet statuta monastica non permittuntur Superioris arbitrio, sed prudentiæ; ac proinde cum non addit prudentia, ubi nulla est dispensandi causa, reus fit, cum a statutis monasticis sine causa dispensat.

Confirmatur ex S. Bernardo, qui libro 3. de consideratione cap. 4. sic loquitur: *Quid ergo prohibeo dispensare? Non sum tam ruit, ut ignorem, posito vos dispensatores, sed in adificationem, non in destructionem. Denique quaritur inter dispensatores ut facili quis inveniat. Ubi necessitas urget, excusabilis dispensatio est. Ubi utilitas provocat, dispensatio laudabilis est. Quænam autem sit ea necessitas, utrim illic terminis aperit: Utilitas, dico, communis, non propria. Nam cum nihil*

horum est, non plane fidelis dispensatio, sed crudelis dissipatio est.

Idem Sanctus Doctor in libro De precepto & dispensatione, eandem regulam tradit; sic enim cap. 2. loquitur: *Stabile dixerim, quod ita est necessarium, ut non cuilibet hominum illud mutare fas sit, nisi solis dispensatoribus Mysteriorum Dei, idest, Prepositis, verbi gratia, Regule sanctorum Basilii, Augustini, Benedicti, nec non & authenticis Canonibus; & si quæ sunt alia Ecclesiastica Instituta digna auctoritatis. Quæ quoniam a sanctis tradita sunt, sancta stabiliter perseverent, nec omnino cuius subiectorum ea aliquo modo variare, vel mutare conceditur. Quia tamen ab hominibus, etiam per homines loco & officio illis canonica electione succedentes, licite interdum, innoxieque pro causis, personis, locis, & temporibus dispensantur: Porro inventa atque instituta fuerant, non quia aliter vivere non liceret, sed quod ita magis expediret, nec plane ad aliud, quam ad lucrum, custodiamque caritatis. Quamdiu ergo caritati militant, immobiliter fixa sunt, mutarique omnino ne ab ipsis quidem Prelatis sine offensa possunt. At si e contrario contraria forte aliquando visa fuerint, his dumtaxat, quibus hoc posse videre datum est & providere creditum est.*

Ex eo principio idem S. Doctor primum hanc elicit conclusionem: *Nonne iustum esse liquet, ut quæ pro caritate inventa fuerint, pro caritate quoque, ubi expedire videbitur, vel omittantur, vel intermittantur, vel in aliud forte commodius demutentur?* Elicit quoque hanc aliam: *Sicut e regione procul dubio foret, si statuta pro sua caritate contra caritatem tenerentur. Tenent ergo firmam, fixamque immobilitatem etiam apud Prelatos, quæ ex stabili necessario sunt; sed quatenus caritati deserviunt.*

Duplicem illam regulam idem Bernardus auctoritate Patrum confirmat: *Numquid autem hoc ego, vel solus sentio, vel primus dico? Annon hoc ipsum & Papa Gelasius sensit? At siquidem: Ubi (inquit) necessitas non est, inconvertibilia mancant Sanctorum Patrum Decreta. Leo quoque Papa: Ubi (inquit) necessitas non est, nullo modo Sanctorum Patrum constituta violentur. Et infero: Ubi ergo necessitas fuerit, ad utilitatem Ecclesiæ, si potestatem habet, ea dispenset. Ex necessitate enim fit mutatio legis.*

Sanctus Doctor idem asserit de statutis Monachorum, quod & de sacris Canonibus: *Quidquid (inquit in libro de Precepto & Dispensatione, cap. 4.) de spiritualibus in regula tractatum est, in manu Abbatis nequaquam relinquatur. Deinde reliqua pars, quæ in corporalibus constat observantibus, ne ipsa quidem in ejus voluntate posita est, ut ejus-*

dem deserviat voluntati ; sed magis caritas . Neque enim Abbas supra Regulam est , cui semel & ipse spontanea se professione submisit , nisi (quod negandum non est) Dei regula , caritas , regula S. Benedicti iure præponitur . Esto proinde ut interdum Regula littera cedat pro tempore caritati , cum ratio necessitatis vel caritatis exegerit : Absit tamen , ut hominis cuiuspiam subdantur voluntati .

Rationem reddit : Super (inquit) fratrum sane transgressionem , non super Patrum traditionem , non constituitur , qui Abbas eligitur , mandatorum cultor , & ultor vitiatorum . Arbitror namque sanctas illas Observantias , Prælatorum prudentia & fidei creditas , non subditi voluntati . Hinc est , quod idem Legislator in his quæ Abbati dispensanda reliquit , caute nusquam (ut memini) voluntatem , sed aut considerationem , aut dispositionem , aut providentiam , aut certe arbitrium , seu aliquid huiusmodi ponit : Volens nimirum providum si-
cunque dispensatorem , rationis , ubi forte dispensat , sequi iudicium , non suæ placitum voluntatis . Unde & intimat ei non semel , quod de omnibus iudiciis suis Deo redditurus sit rationem . Hinc vero patet , quam rei sint religiosorum Ordinum præpositi , qui , aut nec invigilant regularum observationi , aut qui in eis sine causa dispensant , hoc est , ubi dispensationem caritas non exigit .

Patet 2. quam immerito nonnulli decuerint , eos qui præsentibus Ecclesiis , posse pro arbitrio in legibus Canonicis dispensare ; neque enim dominium habent in Canones , sed executionem tantum , hoc est , in Ecclesiarum speculis a Deo constituti sunt , ut executioni sacrorum Canonum invigilent . Id vero potest ex Concilio Tridentino confirmari , quod quidem vetat , ne aliqua dispensatio concedatur , nisi dispensatio illa in bonum commune cedat ; *Non nisi* (inquit sess. 25. de reformat. cap. 18.) *pro communi utilitate concedantur* . Idem docet sessio 24. de reformat. cap. 5. in secundo gradu (ait) *numquam dispensetur , nisi inter Magnos Principes , & ab ipsorum causam* .

CONCL. 3. Illicitus est usus dispensationis , quum aperte constat sine causa fuisse concessam .

Probatum . Quisque legi subditus tenetur in foro conscientie eam servare , quamdiu ab ea legitime exemptus non fuit ; eo enim in casu vigent in privatum quemque vis & pondus legis : ergo illicitus est usus dispensationis , quam constat sine debita causa fuisse concessam . Regulæ quam nostra conclusio tradit , ad hærendum censet Bellarminus in admonitione ad suum nepotem , ubi sic loquitur : *Sciendum est , Pontificiam dispensationem , quando non adest iusta causa dispensandi , valere in foro fori , sed non in foro poli .*

CONCL. 4. Dispensatio a Canonibus , quæ sine causa concessa fuerit , nonnunquam irritari potest , antequam executioni mandata sit : Si autem jam mandata sit executioni , aliquando non potest irritari , aliquando vero potest .

Probatum prima pars . Ex dispensationes possunt ab iis , ad quos spectat , irritari , quæ possunt declarari subreptitiæ : atqui dispensationes quæ sine causa concessæ fuerint , nonnunquam , saltem antequam executioni mandata fuerint , possunt ab iis , ad quos spectat , irritari , ut probant hæc Concilii Trid. verba sess. 25. de reformat. cap. 18. *Sciatis universi* (inquit sacra Synodus) *sacratissimi Canonis exakte ab omnibus & quod ejus fieri poterit , indistincte observandos . Quod si turgens , iustaque ratio , & major quondamque utilitas postulaverit cum aliquibus dispensandum esse , id , causa cognita , ac summa maturitate , atque gratis , a quibuscumque , ad quæ dispensatio pertinebit , erit præstandum , aliterque facta dispensatio subreptitia censetur* .

Probatum altera conclusionis pars . Fert unanimis Ecclesie consensus , ut valeant quædam dispensationes , quæ illicite & petite & data fuerint . Scilicet eæ praxis admissæ , quod alioquin Ecclesie pax perturbaretur . Unde sic res quæ ex obtenta dispensatione illicita ad iudicium Ecclesiasticum deferatur , nonnunquam irritari non debet . Hincque sequitur 1. eos qui in occultis irregularitatibus dispensati sunt , ut ordinentur , aut ut beneficii Ecclesiastici capaces fiant , a iudice Ecclesiastico declarari non posse inhabiles ad Ordines quos receperint , aut ad beneficium , quod vi huiusmodi dispensationis fuerint consecuti : modo tamen dispensanti nihil falsi expositum fuerit ; ut ab ea irregularitate dispensatio obtineretur . Sequitur 2. eum qui in tertio , vel in quarto consanguinitatis , aut affinitatis gradu , etiam sine causa , dispensatus est a Romano Pontifice , impediri non debere , ne conjugem accipiat , nec contractum ex vi illius dispensationis matrimonium posse in aliquam nullitatis suspensionem venire , nec natos ex illo matrimonio filios posse spurios & illegitimos declarari .

Probatum tertia pars , seu dispensationes illicitas aliquando , etiam post rei , ad quam data fuerant , executionem , invalidas esse etiam quoad forum externum . Scilicet res nonnullæ sunt , in quibus Ecclesie recepta consuetudo dispensationes non admittit , & præsertim in Galliis , ut videre est in articulo quadragesimo secundo Libertatum Gallie , hoc est , Canonum qui in Galliis constanti consuetudine servantur . Hinc si dispensatio in primo gradu ad matrimonium contrahendum

con-

concederetur, in Gallis hujusmodi dispensatio declararetur irrita; & matrimonium sic contractum, a iudice Ecclesiastico dissolveretur. Similiter si aliquis ex Ordinibus Mendicantium permetteretur, aut Canonicatum, aut Ecclesiam parochialem regere, collatio pro nulla & invalida haberetur: Id nimirum vetitum est Gallorum usibus ut patet ex Edicto Caroli VII. ad cuius quidem normam iudices Ecclesiastici lites ex usu Gallicæ Ecclesiæ dirimere consueverunt.

C A P U T III.

De Privilegio.

Nos. **E**Xponendum est hic 1. quid sit privilegium: 2. quotuplex sit: 3. quomodo irritum sit, ac nullum: 4. quænam sint juris regulæ circa privilegia.

CONCLUSIO 1. Privilegium recte definitur, Exemptio a lege servanda in favorem aliquorum per modum legis perpetuæ facta.

Explicatur conclusio. Privilegium dicitur 1. *Exemptio a lege servanda*, & in hoc convenit cum dispensatione; utrumque enim concedit exemptionem a lege quæ viget. 2. Dicitur *Exemptio facta per modum legis perpetuæ*, & in hoc differt a dispensatione, quæ quidem nec per modum legis, nec in perpetuum, sed ad tempus tantum conceditur. Hincque patet, quod privilegia debeant esse in commune bonum, cum (ut dictum est) per modum legis concedantur: lex enim essentialiter statui debet ad commune bonum.

CONCL. 2. Privilegium multipliciter dividitur.

Probatur enumeratione. Privilegium aliud est locale, aliud personale, aliud corporale. Primum, est illud quod Ecclesiæ, Dignitatibus, Civitati, vel alicui loco, aut aliquibus personis ratione loci conceditur. Ejusmodi vero privilegium, perpetuum est, seu vim habet, donec locus, dignitas, Ecclesiæ consistunt, nisi totum, aut ex parte revocetur: id nimirum statuitur cap. *Recolentes*, Extr. *De statu Monachorum*. Si tamen ipsa res, Ecclesiæ, vel locus, cui privilegium annexum est, non Superioris auctoritate, sed hostis incursione destruat, privilegio fruatur, ut decernitur c. *Qua semel*, Causa 19. q. 3.

Alteri privilegii species, dicitur privilegium personale, definiturque privilegium, quod alicui, vel aliquibus, & quidem propriis nominibus expressis, conceditur: hujusmodi privilegium personam sequitur, & extinguitur cum persona, ut habetur in septima Regula juris in Sexto, nec non cap. *Mandata*, Extr. *De presumptionibus*.

Tertia privilegii species, dicitur privilegium

corporale, & est illud quod alicui Universitati, Societati, Ordini, Capitulo, vel Collegio ita conceditur, ut quodlibet illius membrum illo privilegio juret: hujusmodi autem privilegium perdurat, donec aut definit corpus civile, aut Ecclesiasticum, cui concessum est, aut donec a concedentis successoribus revocatum fuerit.

CONCL. 3. Privilegium variis modis irritum est, ac nullum.

Probatur enumeratione, quam apud Sanctum Antonium 1. part. Tit. 19. cap. 1. legere est: Primo irritum est, si per subreptionem obtentum fuerit: quæ enim sic obtinentur, non juvant impetrantem, ut habetur cap. *Litteris*, Extr. *De Rescriptis*, & c. *Cum olim*, Extr. *De sensent. & re judicat.* 2. Si alicui constitutioni contrarium sit, cujus expresse non meminerit, c. *Cum eis*, Extr. *De his que sunt a Prælati sine consensu capituli*. 3. Si tollat consuetudinem, & eam expresse recenscat, c. *Licet* Tit. *De Constitutionibus*, in Sexto. 4. Si contra Sententiam latam, & de ea nullam mentionem fecerit, cap. *Inter dilectos*, Extr. *De fide instrumentorum*. 5. Si, lite pendente, sit impetratum, nisi de ea circumstantia mentio expresse fiat, c. *Causam*, Extr. *De testibus*. 6. Cessante privilegii causa, cessat privilegium, c. *Cum cessante*, Extr. *De appellationibus*. 7. Excidit privilegio, qui agit contra Privilegii tenorem, c. *Porro*, & c. *Concessionibus*, Extr. *De privilegiis*. 8. Cessat privilegium, cum alicui nocere incipit, vel etiam ei cui concessum est: *Quod enim* (ait Regula juris 61. in Sexto) *ob gratiam alicujus conceditur, non est in ejus dispendium retorquendum*: Unde & est illud Simplicii Papæ, *Privilegium meretur amittere, qui concessa sibi abutitur potestate*. 9. Desinit per ejus, ad quem spectat, revocationem: & re ipsa revocari debet cum est in aliorum gravamen, & communi bono minime subservit. 10. Tollitur per ejus, cui concessum est, renunciationem, cap. *Nuper*, Extr. *De Decimis*.

CONCLUSIO 4. Nonnullæ sunt regulæ, quæ circa privilegiorum usum servandæ sunt.

Probatur enumeratione. 1. Ita restringi debent privilegia, ut ultra id quod expresse in eis conceditur, non extendantur: scilicet privilegia sunt quædam species rei odiosæ, cum legi contraria sint, & non raro Ecclesiæ disciplinam enervent: unde Concilium Tridentinum sess. 24. de reform. cap. 11. asserit: *Privilegia & exemptiones, quæ variis titulis, plerisque conceduntur, hodie perturbantem in Episcoporum jurisdictione excitare, & exemptis occasionem laxioris vite præbere*.

II. Qui se per Sedis Apostolicæ privilegia exemptos asserunt, a locorum Ordinariis requisiti, hujusmodi privilegiorum authenticum exhibere debent, ac ad legendum tra-

dere, nec non de articulis, de quibus controversia fuerit, transcriptum in manus dare tenentur. Si autem immunitatem suam Canonica præscriptione tueantur, de præscriptione debent facere fidem. Id nimirum expresse decernitur cap. *Accepimus*, Extr. *De fide Instrumentorum*: Ratio est, quia privilegia non inspecta, non valent argui falsitatis.

III. Privilegium & quodcumque aliud instrumentum, cujus litteræ legi non possunt, maxime in nota temporis quo datum est, vel cujus carta est vetusta, scriptura vero alicubi saltem, est recentior; vel cujus sigillum non est authenticum, fidem non facit: Ita statuitur cap. *Inter dilectos*, Extr. *De fide Instrumentorum*.

IV. Falsa latinitas privilegium & quodvis aliud Summi Pontificis rescriptum vitiat, cap. *Ad audientiam*, Extr. *De rescriptis*. Si tamen in narratione facti, vel in nominibus possessionum abrasum sit privilegium, vel quodlibet aliud instrumentum, aut rescriptum; propterea tamen venire non debet in suspicionem falsi, cap. *Ex litteris*, Extr. *De fide Instrumentorum*. Si aliquarum tantum litterarum in loco minime suspecto rasura deprehendatur, privilegium, aut rescriptum non censetur irritum, cap. *Ex conscientia*, Extr. *De crimine falsi*. Multo minus rescriptum vitiat unius tantum litteræ defectus, cap. *Ex parte*, Extr. *De fide Instrumentorum*.

V. Privilegia uni, vel certis quibusdam personis concessa, ad alias personas non extendantur propter paritatem rationis: unde sic habet regula juris 28. in Sexto, *Qua a jure communi exorbitant, nequaquam ad consequentiam sunt trahenda*. Sic etiam 24. *Quod aliui gratiose conceditur, trahi non debet ab aliis in exemplum*.

VI. Privilegio exciderunt, qui spatio annorum quadraginta eo non sunt usi. Ita statuit Alexander III. cap. *Accedentibus*, Extr. *De privilegiis*. Exemptus ratione unius rei vel loci, non censetur exemptus ratione aliarum, sive rerum, sive locorum, cap. *Cum capella*, Extr. *De Privilegiis*. Privilegia quæ derogant jurisdictioni Ordinarii, post Concilium Tridentinum censeri solent subreptitia. Privilegia, quibus conceditur, ne is, aut ille excommunicari, aut interdicti possit, nisi sint Reges, aut Regina, vel ipsorum filii, in Galliis non recipiuntur, hoc est, non sunt in usu. Vide caput, *Ne aliqui*, Titul. *De privilegiis*, in Sexto.

Quæres, an valeant privilegia, antequam privilegiato innotuerint.

Resp. privilegia valere statim atque a procuratore privilegiati acceptata fuerint, modo tamen ejus sint naturæ, ut privilegiatus eis licite uti possit antequam sibi innotuerint: secus vero cum eis sine peccato uti non po-

test, antequam in illius noticiam venerint. Ratio est, quia probabile non est, eum qui privilegia concedit, velle iniquo usui occasionem præbere.

C A P U T IV.

De Tolerantia, Derogatione, Abrogatione, Irritatione.

CONCLUSIO 1. Tolerantia definitur, Permissio negativa rei prohibita, seu, est legis adhuc vigentis infractio, quæ videtur, nec tamen punitur, aut arguitur.

Infractæ legis tolerantia nonnunquam necessaria est, tum ut vitetur majus malum, tum ne Republicæ, sive Politicæ, sive Ecclesiasticæ, pax turbetur: *Terrena civitas* (inquit Augustinus lib. 15. de Civ. Dei c. 18.) *scortorum usum impunitam turpitudinem facit*. Idem docetur a Cypriano Ep. 55. *Remitto* (inquit) *omnia, multa dissimulo studio & voto colligenda fraternitatis*.

Ubi vero definit urgere necessitas, legislatores, aut ii qui ex officio curare debent, ut leges serventur, tolerantia licite uti non possunt, ut Epist. 22. cap. 5. hisce ve bis docet Innocentius Papa I. *Quod pro remedio ac necessitate statutum est, constas primitus non fuisse. Ergo quod necessitas pro remedio invenit, cessante necessitate, debet utique cessare pariter quod urgebat, quia aliud ordo legimus, aliud usurpatio quam ad præsent fieri tempus impellit*.

CONCL. 2. Derogatio nihil aliud est, quam legis, quæ viget, imminutio secundum aliquam sui partem, v. g. cum ovorum usus quadragesimali tempore permittitur.

Derogatio a lege fieri tantum potest a Superiore, & quidem cum causa, quæ bonum commune respiciat, cum sit quædam veluti a lege secundum aliquam sui partem dispensatio.

CONCL. 3. Abrogatio est antiquatio legis secundum omnes suas partes.

Probitur. Abrogatio non in alio differt a Derogatione, quam quod ista sit legis tantum imminutio, illa vero, totius legis abrogatio. Sic lex Moysis per Evangelium abrogata dicitur, quod secundum omnes suas partes essentielles, caeremoniales nimirum, antiquata fuerit; juxta illud Apostoli ad Hebræos 2. *Translatio Sacerdotio, necesse est, ut Lex translatio fiat*. Sic etiam lex canonica de temperando a iurlocatis, quæ ab Apostolis in primo Concilio Jerosolymitano lata fuerat, abrogata fuit per contrariam consuetudinem.

CONCL. 4. Irritatio est, cum lex, etiam si lata fuerit, sit nulla & invalida, antequam recipiatur.

Probatur. Non ob aliam rationem irrita facta est lex, quam Imperator Mauricius tulerat de militibus non admittendis ad monachatus professionem: nempe ideo irritata dicitur, quod cura Gregorii Magni in irritum abierit, antequam vigeret.

Quæres, quot modis irritatio legis fieri possit.

Resp. legem humanam irritari, vel cum propter contrariam & usu receptam consuetudinem ab hominibus sapientibus & fidelibus executioni non mandatur, vel cum in legistatorem defuerunt, aut potestas, aut voluntas. Sic irritantur leges humanæ, quæ naturali, aut divino juri contrariæ sunt, aut quæ supponunt aliquod factum, tanquam verum, quod tamen a parte rei falsum est.

Sed lectorem monitum velim, non omne quod illicitum est, esse irritum: scilicet matrimonii contractus post emissum simplex castitatis votum, licet illicitus sit, non est tamen irritus, nec ab humana aliqua potestate irritandus. Aliquæ tamen illicitæ (ut dictum est) irritæ sunt, sed id (ut observatum est) non oritur ex parte ejus qui illicitum fecit, sed ex defectu aut voluntatis aut potestatis in eo qui legem tulit: sic irriti sunt contractus omnes, qui ad turpem causam a duobus ejusdem flagitii reis celebrantur; neque enim lex aliqua potest crimina, sive sint flagitia, sive facinora, jubere.

C A P U T V.

De consuetudine.

CONCL. 1. Consuetudo recte definitur, Jus moribus utentium introductum, ubi lex ipsa deficit, vel cum ejus sensus dubius est.

Explicatur definitio. Consuetudo dicitur 1. Jus quia (ut infra dicitur) si legitime conditiones adfint, vim legis habet: 2. Dicitur Jus moribus utentium introductum: neque enim origo consuetudinis petitur a legislatore, sed ab usu quem populus invenit. Dicitur 3. Jus introductum, ubi lex ipsa deficit, quia est ipse legis, quæ non extat, aut non viget, veluti supplementum. Dicitur 4. vel cum legis sensus dubius est: consuetudo enim optima est legis interpret; unde consulitur, quoties circa legis sensum dubium occurrit.

CONCLUSIO 2. Consuetudo multipliciter dividitur.

Probatur. Consuetudo dividitur 1. in generalem & particularem. Illa, totius est Rei publicæ, seu Civilis, seu Ecclesiasticæ: illa vero est particularis Republicæ, sive Civilis, sive Ecclesiasticæ.

Consuetudo generalis totius Ecclesiæ, cujus origo non reperitur, ad ipsorum Apostolorum,

aut pleneriorum Conciliorum institutionem refundi debet, juxta illud Augustini Epistola 118. veteris Editionis, quæ est ad Januarium: *Illæ quæ non scriptæ, sed traditæ custodimus, quæ quidem toto terrarum orbe observantur, debent intelligi vel ab ipso Apostolis, vel plenariis Conciliis, quorum est in Ecclesia saluberrima auctoritas, commendata atque statuta retineri, sicut quod Domini Passio & Resurrectio & Ascensio in calum, & Adventus de calo Spiritus Sancti anniversario sollempnitate celebrantur, & si quid aliud tale occurrerit, quod servatur ab universa quacumque se diffundit Ecclesia.*

Eas vero generales Ecclesiæ consuetudines esse Legis scriptæ loco, tradit ibidem Augustinus, c. 3. *Si quid tota per orbem frequenter Ecclesia, quin ita faciendum sit, disputare, insolentissima insensata est.* Idem ab eodem S. Doctore docetur Epistola 36. quæ est ad Casulanum, ubi sic loquitur: *Quisquis hunc diem (qui nunc dicitur Dominicus, & olim dies Solis) jejuniis deducendum putaverit, sicut quidam jejunantes Sabbatum observant, non prava scandala erit Ecclesiæ: nec immerita: in his enim rebus, de quibus nihil certa statuit Scriptura divina, mori populi Dei, vel instituta Majorum præ lege tenenda sunt.*

Consuetudo particularis, seu quæ est loci alicujus, aut Ecclesiæ cujusdam, si nihil contineat quod fidei aut moribus repugnet, observanda est ab iis qui in eo loco, aut in ea Ecclesia morantur, aut qui peregrini ad eam locum, aut ad eam Ecclesiam accedunt. Consuetudines quæ per loca terrarum regionesque variantur (ait August. Epist. 118. ad Januarium) sicut est, quod alii jejunant Sabbato, alii vero non: alii quotidie communicant Corpori & Sanguini Domini, alii certis diebus accipiunt: totum hoc genus rerum liberat habet observationes: nec disciplina ulla est in his melior gravi, prudentique Christiano, quam ut eo modo agat, quo agere videris Ecclesiam, ad quamcumque forte devenerit. Quod enim neque contra fidem, neque contra bonos mores injungitur, indifferenter est habendum, & procerum, inter quos vivitur, societate servandum est.

Idem docet Gregorius Magnus in responsis ad Augustinum Anglorum Episcopum, & habetur apud Gracianum, cap. Noverit, Dist. 12. sic autem loquitur: *Mibi placet, ut sive in Romana, sive in Gallicana, nec in quilibet Ecclesia, aliquid invenisti, quod plus omnipotentis Deo placere possit, sollicite eligas: & ut Anglorum Ecclesia, quæ adhuc in fide nova est, institutione præcipua, quæ de multis Ecclesiis intelligere poteris, infundas. Non enim pro locis res, sed pro rebus loca amanda sunt. Ex singulis ergo quibusque Ecclesiis, quæ præ, quæ religiosa, quæ recta sunt, elige: & hæc quasi in fasciculam collecta, apud Angelorum mentes in consuetudinem depone.*

Consuetudines particulares locorum, si nec rectæ fidei nec bonis moribus repugnent, facile immutari non debent: *Ipsa mutatio consuetudinis* (ait Augustinus Epist. 118. ad Januarium, c. 5.) *etiam quæ adiuvant utilitate, novitate perturbat. Quapropter quæ utilis non est, perturbationis infertuosa consequenter noxia est.* Monet idem S. Doctor Epistola 119. ne usurpentur consuetudines, quæ salubrius ad pietatem homines promoveant, quæque in seipsis sunt utiliores, si infirmis quibusdam hominibus sint offendiculo: *Si aliquorum* (inquit) *infirmas non ita impedit, ut amplius detrimentum sit. Si enim eo modo impediatur, ut maiora studiorum lucra speranda sint, quam calumniarum detrimenta metuenda, sine dubitatione faciendum est, maxime id quod etiam de Scripturis defendi potest, sicut de Hymnis & Psalmis canendis, cum & ipsius Domini, & Apostolorum habeamus documenta, & exempla, & præcepta.*

CONCLUSIO. 3. Consuetudo in multis vim legis habet.

Probatur. Primo, consuetudinem generalem, hoc est, quæ ab universa servatur Ecclesia, vim legis habere, evidens est ex locis, quæ ad defensionem & explicationem præcedentis conclusionis allata sunt. 2. Id pariter evidens est de consuetudinibus particularibus respectu eorum, qui aut in locis in quibus vigent, commorantur, aut qui ad ea loca peregrini accedunt.

Probatur iterum variis exemplis. 1. Consuetudo satis est ad firmandum jurisdictionem, ut patet ex Gregorio Magno lib. 1. Epist. 75. ubi Numidiz consuetudines in Primatibus constituendis approbat, ut nimirum ex Ordinationis tempore, non ex electione, non ex Sede, Primatus habeatur, non solum excepto Carthaginensi. 2. Valet etiam consuetudo ad introducenda matrimonii impedimenta, ut videre est in Basilio in Epistola ad Diodorum, ubi docet, non licere demortuæ uxoris sororem in Matrimonium ducere. *Propter morem* (inquit) *qui vim legis habet.* Nec obstat, quod in canonibus Apostolorum jam antea vetitum esset: nempe Basiliæ ætate Canones, qui dicuntur Apostolici, nondum vim legis habebant.

CONCL. 4. Consuetudo certis quibusdam conditionibus vestita, abrogat legem antea latam.

Probatur. Consuetudo legitime præscripta vim legis habet, ut superius ostensum est: ergo si contraria sit legi, quæ ante lata fuerit, eam abrogat, efficitque, ut abeat in desuetudinem, ac proinde ut vim amittat suam; lex enim quæ in desuetudinem, & a fortiori, quæ in contrariam consuetudinem abiit, non obligat.

Verum, ut nova consuetudo, aut ex parte, aut ex toto, vim legis tollat, tres in ea conditiones requiruntur. Nempe requiritur 1. ut non sit contra jus naturale, aut divinum positivum: 2. Ut nec legislator, nec ii quibus ex officio incumbit, ut legum observationem curent, ei non contradixerint: aut si aliquando contradixerint, desierint postea contradicere. 3. Ut a legitimo tempore, hoc est, tempore ad præscriptionem requisito, sit in usu; ac proinde cum in iure Civili præscriptio locum non habeat ante decem annos, & in iure Ecclesiastico ante quadraginta, ita nec consuetudo ante illud temporis spatium antiquiorem legem abrogare potest.

Defectu primæ conditionis, consuetudo, quam nonnulli molliores ministri in administratione Sacramenti Pœnitentiæ sequuntur, dum levissimas quasdam satisfactiones pro gravissimis sceleribus injungunt, ministros illos a peccato non eximit: scilicet opposita est iuri divino, quo præscribitur, ut convenientes pro qualitate criminum satisfactiones imponantur. Eiusdem conditionis defectu, consuetudo pecuniam mutuo dandicū obligatione reddendi aliquid, sive certum, sive incertum, præter sortem mutuantibus non exculat ab usuræ crimine; usura enim (ut suo loco dicitur) est contra jus naturale & divinum. Defectu alterius conditionis, praxis laicorum quorundam, qui raro admodum, aut nunquam sistunt se præsentibus Missæ Parochiali, non est legitima consuetudo in Galliis, ubi Concilia Provincialia, Decreta Cleri Gallicani ad Comitæ Generalia congregati, ac specialia Episcoporum Statuta, obstitunt. Defectu tertiæ conditionis, praxis eorum, qui consuetudines legi contrarias invehunt, innoxia non est, quamvis ii qui longo post tempore eam sequuntur, non peccent, juxta tritam hanc Vincentii Lirinensis sententiam: *Condemnantur magistri, absolvuntur discipuli.*

DISSERTATIO SEXTA.

De speciebus Legis humanæ.

Not. **D**UÆ sunt legis humanæ species, Civilis nimirum & Canonica. Prior, est quæ in terrena civitate ad pacem terrenam fertur a Principibus sæcularibus; posterior vero quam in Christiana religione ad pacem cælestis civitatis ferunt Ecclesiæ Prælati; hincque patet, illam dirigi ad bonum temporale, istam vero tendere ad promovendam fidelium æternam salutem. De utraque illa humanæ legis specie seorsim est hic agendum.

QUÆ-

QUÆSTIO PRIMA.

De Lege Civili.

Nos. DE lege Civili quæri potest 1. quotuplex sit: 2. Quænam illius promulgatio requiratur, ut obliget: 3. An vis illius ab acceptance populi pendeat.

CONCLUSIO 1. Jus Civile, duplex apud Gallos distinguitur, Romanum & Gallicum.

Probatur. Apud Gallos Judices duplicis illius juris auctoritate pendentes lites dirimant: ergo jus civile duplex est apud Gallos.

Quæres 1. quid nomine Romani juris intelligatur.

Resp. nomine Romani juris intelligi Constitutiones, quæ reperiuntur 1. in Codice Theodosii; 2. in Pandectis, seu in libris Digestorum; qui quidem nihil aliud sunt, quam collectio Sententiarum, quæ ex veteribus Jurisconsultis excerptæ fuerunt, 3. in Codice Justiniani; 4. in libro Novellarum, quæ & Authentica nonnumquam appellantur, 5. in quatuor Institutorum libris. Monitum tamen hic volumus lectorem, Francos per jus Romanum, illud tantum intellexisse, quod in codice Theodosii legitur. Illius sic sumpti meminit Concilium Aurelianense, quod anno 528. celebratum est, can. 1. Meminit quoque can. 20. & 21. Concilium Turonense, quod quidem anno 568. habitum est.

Quæres 2. quid sit Jus Gallicum.

Resp. Jus Gallicum consuetudine magis, quam scriptis legibus contineri. Complectitur tamen, præter consuetudines, varias Regum Franciæ Constitutiones, quarum nonnullæ sunt in usu, aliz vero non observantur. Sed de his Jurisconsulti. Nobis interim pliusquam satis est, quod ea indicaverimus.

CONCLUSIO 2. Habita ratione solius juris naturalis, lex Civilis obligat statim atque subditis innotuit. Stando autem in jure positivo, varia pro varietate nationum promulgatio requiritur.

Probatur prima pars. Legis Civilis promulgatio ideo fit, ut in subditorum notitiam veniat: ergo stando in jure naturali, obligat statim atque in subditorum notitiam venerit: venit autem passim, cum in Curia Principis promulgatur; facilis enim est, & frequentissimus ex provinciis ad Curiam, & a Curia ad provincias conmeatus.

Probatur altera pars. 1. Leges Imperiales non obligant, nisi post duos menses ab earum sollemni promulgatione facta in Metropoli, in qua quis degit. Id nimirum colligitur ex Authentica quæ incipit, *Ut nove Constitutiones*. 2. In Galliis consuetudo obliget, ut leges Civiles non obligent, nisi Parliamenta, ut vocant, in singulis provinciis eas a Rege vere emanasse declaraverint;

a Parliamentis vero mitti solent ad inferiora subcellia, in quibus iterum promulgantur. Defectu specialis illius promulgationis, quædam Gallicanæ leges vim habent in Normannia, quæ tamen in Burgundia nullum robur habent.

CONCLUSIO 3. Vis legis Civilis non pendeat absolute ex acceptance populi.

Probatur 1. ex eo, quod vis legis Civilis pendeat ex ipsa populi subjectione in iis quæ ad pacem terrenam spectant, & ab obedientia, quam jure divino populi suo Principi debent: at illa subjectio, illaque ad obediendum obligatio, a populi consensu minime pendeat. 2. Alioquin Princeps juste (ut supponitur) exigeret executionem legis a se sanctæ; & ex altera parte populus juste pariter ejusdem legis acceptance, ac executionem detestaretur, quod est absurdum, ut probat censura quam Alexander Papa VII. & postea Clerus Gallicanus ad Comitium Generalia anno 1700. congregatus huic propositioni iniecit: *Populus non peccat, etiam si absque ulla causa non recipiat legem a Principe promulgatam*.

Id tamen non impedit, quin populus, hoc est, major & sanior populi pars, Principem humillime monere possit vel factum falsum, quod lata ab eo lex supponit, vel illius cum avita consuetudine oppositionem, vel impedimentum quod præstat majori provinciarum bono. Nempe sapientes Principes declararunt, moneri se velle de legis incommodo, si quod in ea prudentiores, antequam executioni mandetur, detexerint. Si tamen post humillimam illam monitionem Princeps suæ legis executionem urgeat, populus ei morem gerere tenetur, modo tamen in ea nihil sit, quod legi naturali, aut divinæ positivæ repugnet. Ratio est, quia populus eo in casu judicare debet, exigere Reipublicæ bonum, ut nulla antiquæ suæ consuetudinis ratio habeatur.

Quod si Princeps intelligat, legem a se latam, a populo receptam non fuisse, eumque impositis poenis ad receptionem non compellat, tacito suo consensu legi suæ derogasse, & ab ea firmitatem abstulisse, censendus est: unde est illud Gratiani dist. 4. *Leges instituantur cum promulgantur: firmantur, cum moribus ventium approbantur*.

QUÆSTIO II.

De Lege Canonica.

Nos. DE hac humanæ legis specie quæremus eadem, quæ de Civili: 1. Nempe quid & quotuplex sit: 2. Agemus de Rescriptis summorum Pontificum: 3. Expendedimus ubinam fieri debeat illius promulgatio: 4. An fideles obliget independentem ab eorum consensu, & acceptance.

CA-

CAPUT PRIMUM.

Quid & quatuorplex sit lex Canonica.

CONCLUSIO 1. Lex Canonica recte definitur, Lex quæ ab Ecclesiæ Prælati ad promovendam fidelium salutem sancitur.

Explicatur definitio. Primo, Lex Canonica dicitur sanciri ab Ecclesiæ Prælati; eos enim, non autem sæculares Principes Christus alloquebatur, cum dixit: *Quaecumque ligaveritis super terram, erunt ligata & in caelis: & quaecumque solveritis super terram, erunt soluta & in caelis*. Dicitur 2. quæ sancitur ad promovendam æternam fidelium salutem, & in hoc (ut superius observatum est ex Augustino) lex Canonica differt a Lege Civili: hæc enim non ob aliud fertur, quam ut inter cives terrenæ paci consulatur.

CONCLUSIO 2. Lex Canonica, seu Jus Canonicum, duplex est, Vetus & Novum.

Probatur. Jus Canonicum triplici Codice continetur, Orientali, Africano, & Occidentali: Sed in illo triplici Codice aliud est jus Vetus, & aliud Novum. Scilicet in illo triplici Codice nonnullæ sunt Constitutiones, quæ antiquitus servabantur quidem, sed jam temporis nullam omnino vim habent: Aliæ vero reperiuntur, quæ his quoque temporibus vigent, ut ex mox dicendis constabit.

Quæres 1. quid nomine Codicis Orientalis intelligatur.

Resp. Codicem Orientalem complecti 1. collectionem quinquaginta Canonum, qui vulgo dicuntur Apostolici, non quidem quod Apostoli sint illorum auctores, sed quod ab Ecclesiarum Apostolicarum Episcopis per duo priora sæcula, & medium tertium conditi, in unum volumen Firmiliani Cæsareæ in Cappadocia Episcopi tempore redacti sint. Gelasius Papa volumen illud anno 492. rejecit inter Apocrypha, hoc est, inter libros quorum auctoritas non valeret ad dirimendas aut fidei, aut morum, aut disciplinæ controversias. 2. Idem Codex Orientalis complectitur collectionem Canonum Concilii Nicæni primi, Constantinopolitani primi, multarumque Synodorum Provincialium, quæ quarto sæculo ineunte in Oriente celebratæ fuerunt: Sunt autem illæ Synodi, Neocæsariensis, Gangrensis, Antiochena, Ancyranæ, & Laodicea.

Quæres 2. quas Constitutiones, quasve Leges, Codex Africanus dictus, complecteretur.

Resp. Codicem Africanum continere Canones qui in Africa editi sunt usque ad annum 419. quo quidem anno in Concilio Carthaginiensi probata fuit illorum collectio.

Quæres 3. quarum Synodorum decreta Codex Occidentalis complectatur.

Resp. 1. Codicem Occidentalem per quatuor priora sæcula complexum fuisse solos Nicænos Canones: *Canonibus parvo obsequendum esse sensimus* (inquit Innocentius Papa I. in Epistola ad Clerum Constantinopolitanum) *qui Nicæa sunt decreti: quos solos confectari docet Ecclesiam Catholicam, & juxta eos judicare*.

Resp. 2. Codicem Occidentalem post quartum sæculum fuisse complexum decreta Conciliorum Orientalium, seu collectionem quæ apud Orientales dicebatur Codex universæ Ecclesiæ. Aberant ab illa collectione Canones Apostolici, Africani, Sardicenses, nec non Canones Synodorum quæ ad ea usque tempora in Occidente habitæ fuerant, ut sunt Arelatensis prima & Eliberitana.

Resp. 3. illi eidem Codici interjam postea fuisse collectionem Dionysii, qui vulgo *Exiguus* dicebatur. Nimirum laudatus Abbas veteri collectioni, quam nova translatione donavit, quinquaginta Canones Apostolicos, Synodi Sardicensis quinque supra viginti, Africanos 138. tres Constantinopolitani primi Concilii addidit. Non addidit Ephesinos, sed Chalcedonenses 27. Addidit quoque Decretales Epistolas Romanorum Pontificum a Siricio ad Hormisdam usque conscriptas: non enim antiquiores aliquas repererat. Statim (Cassiodoro teste) ab Ecclesia Romana approbatus & receptus fuit ille Dionysii Exigui liber; obtinuit pariter in Galliis tempore Concilii Aurelianensis anno 538. exceptis tamen Canonibus Apostolorum, qui quidem ætate Caroli Magni recipi cœperunt una cum Gallicanarum Synodorum Canonibus.

Resp. 4. circa annum 781. emeruisse collectionem aliam, quam Riculphus Moguntinus ex Hispania adduxit sub nomine Isidori Hispalensis. Ea Riculphi collectio præter Codicem Dionysianum complectebatur decreta ad disciplinam spectantia, quæ Romani Pontifices ad Siricium usque tulisse ferebantur: quæ quidem decreta esse suppositicia, nunc Eruditi omnes conveniunt. Eorum decretorum auctoritatem Gallicanæ Ecclesiæ sæculo nono, instante licet Nicolao Papa I. admittere noluerunt. Nec mirum; ferebant enim, nullam Synodum cogi posse sine auctoritate Romani Pontificis, nec eo inconsulto posse judicari causas Episcoporum; quæ quidem duo capita contraria erant disciplinæ, quam ad ea usque tempora Galli servaverunt. Anno 1010. Burchardus eisdem Romanorum Pontificum, qui ante Siricium vixerant, Epistolas Decretales novæ suæ collectioni inseruit, nec non ann. 1100. operi a se adornato Yvo Carnotensis multa quoque ex Digestis, Codice, & Novellis addidit, proindeque Codicem composuit, qui, tum ex Canonibus, tum ex legibus Civilibus constaret.

Resp.

Resp. 5. anno 1150. prodidisse Decretum Gratiani, Benedictini Monachi, Bononiensis. Addidit Isidori collectioni ea quæ ab Yvone collecta fuerant, & præterea plurima veterum Patrum loca laudavit.

Gratianum opus suum, quod inscripsit *Concordantia discordantium Canonum*, in tres divisit partes. Prima, Distinctiones unam supra centum continet, in quibus agit de jure divino, de jure humano, de iis quæ pertinent ad mores componendos, & ad ecclesiasticam disciplinam. Altera pars, complectitur causas sex supra triginta, quas quidem in varias quæstiones distribuit; causæ autem trigesimæ sextæ inseritur Tractatus de poenitentia, qui quinque Distinctionibus absolvitur. Tertia denique pars, quæ inscribitur, *de Consecratione*, quinque Distinctionibus perficitur.

Resp. 6. anno 1136. Gregorium Papam IX. promulgasse librum Decretalium, seu Epistolarum, quas variis de causis Summi Pontifices ad diversarum Provinciarum Episcopos miserant ab eo tempore; quo Gratianus suum Decretum publici juris fecerat. Illæ autem Epistolæ collectæ fuerunt & redactæ in compendium opera S. Raymundi ex Ordine Prædicatorum, & divisæ in libros quinque, quibus ann. 1296. Bonifacius Papa VIII. sextum addidit, constans ex Epistolis Pontificum, quæ Ecclesiæ Romanæ a Gregorio IX. ad suam usque ætatem præfuerant, nec non ex Decretis Conciliorum Lugdunensium, & ex pluribus aliis, quæ ipse Bonifacius ediderat. Hic Sextus Decretalium nullo unquam tempore in Galliis fuit in usu.

Resp. 7. anno 1317. Joannem Papam XXII. promulgasse Clementinas in quinque libros distributas. Continent Clementinæ decreta Concilii Viennensis, cui ipse Clemens Papa V. præfuerat: Clementinis Joannes XXII. duas ipse addidit Decretales, quæ quidem Extravagantes dicuntur, quod extra corpus juris vagentur; nec non multas alias Extravagantes, quæ solent appellari Communes, eo quod non unius, sed multorum sunt Romanorum Pontificum.

Hinc censemus, lectorem moneri debere, nec Gratiani Decretum, nec Gregorii IX. Decretales, nec Clementinas, nec Extravagantes Joannis XXII. nec Extravagantes Communes in usu esse apud Gallos, nisi in iis rebus, in quibus cum antiquis Gentis moribus, & receptis in regno Synodis coherent.

CONCLUSIO 3. Multiplex est discrimen inter disciplinam quæ jus novum invexit, & eam quæ jure antiquo obtinebat.

Probat. Jus novum differt a veteri, 1. in eo quod potestas, qua in plerisque causis judicandis Synodi Provinciales fruebantur, jure novo ad solum Romanum Pontificem

pertinere videatur; indeque orta sit nova judiciorum Ecclesiasticorum forma ad cognitiones causarum per Pontificum Romanorum Rescripta in Provinciis constituendas. Hinc etiam emanarunt innumera eorum Pontificum Constitutiones, quæ hisce temporibus in formulis actionum & in usu fori accurate servantur.

2. Beneficia quæ olim in ipsa ordinatione conferebantur, sicut nunc in ordinatione Episcopali Cathedrales Ecclesiæ conferuntur, ab ipsa ordinatione distincta sunt, & Clerici sub titulo patrimonii majoribus ordinibus adscribuntur. Indeque natæ sunt regulæ de beneficiis acquirendis, amittendis, commutandis, & resignandis in Romana Curia.

3. Poenitentiarum publicarum rigor maxime temperatus est, dispensationumque Apostolicarum usus in matrimoniis, in votis, aliisque permultis rebus frequens factus fuit. Capitulis pariter concessæ fuerunt exemptiones ab Episcopali jurisdictione, introductæque Monachorum, & Ordinum, sive Mendicantium, sive aliorum privilegia.

4. Tandem multiplices Monachorum species, & Religiosarum Societatum diffusa per totam Ecclesiam multitudo, quæ ab Episcoporum sollicitudine libera, novis regulis & institutis, a Romano Pontifice reguntur.

C A P U T II.

De Summarum Pontificum Rescriptis.

Dispositiones quæ ab Apostolica Sede proficiuntur, dividi solent in Privilegia, Mandata, & Rescripta. Ipsa etiam Rescripta subdividuntur in Rescripta gratiæ, & Rescripta justitiæ: utraque vero pro formarum, in quibus expediri solent, diversitate, dicuntur Signaturæ, Brevia, Bullæ, Constitutiones. De Privilegio satis superque dictum est a nobis superius; de reliquis igitur Pontificum Romanorum dispositionibus hic agendum nobis incumbit.

1. Mandatum Apostolicum in jure frequens est illud quo Papa significat Ordinarius, ut certæ alicui personæ de beneficio provideat, cap. *Mandatum*, Tit. *de Rescriptis*. Ejusmodi Mandata pro odiosis habentur, quod juri communi opposita sint, & Ordinariorum canonicam potestatem plurimum coarctent. Mandata circa præbendas quæ nondum vacant, quæque litteræ Expectativæ dicuntur, damnavit Bonifacius Papa VIII. cap. *Detestanda*, Titul. *De Concession. Præbendarum* in Sexto. Concilium Basileense, & in regno Galliæ Pragmatica Sanctio Mandata omnia de providendo, & beneficiorum expectationes, quæ in iisdem Galliis patrio idiomate *Survivantes* dicuntur, omnino sustulit.

Stule-

stulerant. Verum Concordantiis inter Leonem Papam & Franciscum I. Galliarum Regem Bononiæ initis, & in Concilio Lateranensi postmodum approbatis, Mandata ita temperata sunt, ut quilibet Summus Pontifex semel in vita sua Ordinarium in regno cui decem præbendarum collatio competit, in una possit, (ut loquuntur) gravare, & cum cui jus est conferendi quinquaginta, vel plurium, in duabus. Tandem Concilium Tridentinum sessione 14. de Reformat. capite 19. omnes omnino Expectativas, omniaque Mandata de providendo penitus abstulit.

2. Signaturæ Apostolicæ circa diversa servantur, sive circa concessionem beneficii, quod quis per supplicationem petierit: sive circa absolutionem, aut dispensationem, aut rehabilitationem (ut vocant) in favorem supplicantis. Signaturæ in papyro conscribuntur, neque muniuntur sigillo, & ut plurimum hisce verbis exprimuntur: *Fiat ut petitur.*

3. Breve Apostolicum, est contracta & brevis Scriptura, quæ in negotiis, quæ non sunt magni momenti, conceditur: ea vero vel in papyro, vel in membrana indifferenter conscribi solet, muniri quoque sigillo in cera, aut rubea, aut viridi, sub annulo Piscatoris, ac præterea Secretarii subscriptione. In Apostolicis litteris quæ Brevia dicuntur, non autem in aliis, earundem litterarum speciebus fit mentio annuli Piscatoris: *Datum sub annulo Piscatoris.*

4. Bullæ sunt concessionēs, aut ordinationes in rebus gravioribus, nec nisi in membranis describuntur, aliquantoque sunt Brevibus prolixiores, utpote præfectionem & clausulam, quæ in Brevibus supprimuntur, continentes. Sigilla Bullarum plumbea sunt, ac præferunt Petri & Pauli Apostolorum effigiem. Quoties Bulla in materia gratiæ conscribitur, appenditur sigillum e filis sericis. Si vero Bulla sit in materia iustitiæ, aut si sit executoria, filis canabis plumbum appenditur. Ob eam rationem in Consistorialibus provisionum Bullis, quæ Romæ pro Gallicani regni prælaturis conceduntur, canabeus laqueus inseritur: Scilicet post Concordata inter Leonem Papam & Franciscum I. Francorum Regem inita, collationes quæ ad Regis Christianissimi nominationem ac præsentationem sunt, iustitiæ sunt (ait Cabasutius noster) & necessitatis.

5. Itaque Rescripta Iustitiæ ea sunt, quæ debitum auxilium petentibus impertiunt, & ut plurimum ad lites, ac iustitiæ in exteriori foro administrationem pertinent; ejusmodi vero sunt Evocationes, Delegationes judicum in partibus. E contra litteræ quæ gratiæ Rescripta dicuntur, ex mera liberalitate

ac clementia Pontificis impetrantur, ut in Dispensationibus, Indulgentiis, Remissionibus, Absolutionibus, Rehabilitationibus, Provisionibus de dignitatibus ac beneficiis tam in forma gratiæ vel pauperum, quam in forma Digni. Hinc patet, Rescripta quæ iustitiæ dicuntur, nullum jus novum ei conferre, cui conceduntur: sed jus antea quæsitum, vel confirmant, vel jubent, ut de eo cognoscatur. Rescripta vero gratiæ, impetranti jus novum attribuant, nec exigunt causæ cognitionem, cum sint (ut loquuntur) meræ voluntatis, nisi tamen falsitatis, vel obreptionis arguantur, aut nisi nominatim & expresse eis inserta sit aliqua conditionis clausula, cujusmodi est hæc, *Si dignus est*, in commissariis beneficiorum collationibus, ut in cap. *Cum ades*, de Rescript. aut ista communis, *Si ita est.*

Tandem Rescriptorum, seu Litterarum iustitiæ a Rescriptis, seu Litteris gratiæ, discrimen vel ex primo illorum intuitu dignoscitur; nempe Litteræ quæ iustitiæ dicuntur, per verbum *Placet* subscribi solent; litteræ vero gratiæ, per hoc aliud verbum *Fiat*. Præterea in gratiæ Rescriptis Papæ nomen, per capitales & majusculos characteres scribitur integrum; in Rescriptis vero iustitiæ primus tantum character nominis Papæ majusculus est, reliqui e contra ejusdem nominis characteres minusculi sunt. In Bullis quoque speciale discrimen se prodit: scilicet (ut jam observatum est) laqueis sericis, & laqueis cannabineis plumbum appenditur.

6. Litteræ gratiosæ per aliquem tertium, etiam laicum, & nullo speciali mandato munitum, impetrari possunt. Hinc fit, ut laicus pro clerico etiam infcio beneficium impetrare possit, nec non & aliz gratiæ, cujuscumque sint generis; ut patet ex cap. *Nonnulli sunt & alii*, de rescript. E contra ut quis pro alio iustitiæ Litteras impetret, necesse est, ut ad id speciali mandato muniatur: Rebuffus tamen in *praxi Benef.* Titulo *Different.* inter Rescripta num. 18. monet, in Regni Franciæ Curia indifferenter admitti Litteras, sive iustitiæ, sive gratiæ, quæ sine speciali mandato per tertiam personam impetrata fuerint.

7. Litteræ iustitiæ, si executioni mandatæ non fuerint, post annum expirant, cap. *Si autem*, & cap. *Plerumque*, de Rescript. E contra Litteræ gratiosæ perpetuam vim habent. L. *Falso*, Cod. *De diversis Rescript.* æquum enim est, ut concessa per Principem gratia perpetuo permaneat, cap. *Si cui* de præbendis in Sexto. Nisi tamen quis ultra modum negligentiam suam protraxerit, cap. *Si Clericus*.

8. Posterius in eodem negotio Rescriptum, quod

quod altera pars impetraverit, irritum est, ac nullum, si expressam de priore mentionem non fecerit; unde prius rescriptum in omni suo robore permanet. Sed si rescriptum posterius de priore mentionem faciat, illud abrogat in eo capite, in quo est cum posteriori incompatible, cap. *Ceterum*, de Rescript. Hincque fit, ut in collatione beneficii posterius rescriptum, in quo prioris mentio facta non fuit, pro subreptione & pro nullo habeatur, c. *Cum olim* de Sentent. & de re Judic.

9. Expressio falsi, quæ obreptio dicitur; itemque suppressio veri, quæ subreptio dici solet, si sit malitiosa, rescriptum reddit invalidum; cap. *Dicenti* 25. quæst. 2. Sed si ex ignorantia sola, vel mera simplicitate processerit, sic (inquit Caballutius) est distinguendum: vel enim impetrans, re etiam integre & vere expressa, iudicio viri prudentis petitiū obtinisset saltem in forma communi; eoque in casu iudex per illud Rescriptum delegatus procedere debet servato juris ordine, non vero secundum specialem, & extraordinariam Rescripti formam. Sed si delegatus apud se iudicet, quod rei veritate plane manifesta, & absque interventu obreptionis, aut subreptionis Papa rescriptum concessurus non fuisset, eo in casu delegatus eadem ratione se se gerere debet, ac si rescriptum nullo modo fuisset impetratum, cap. *Super litteris*, de rescript.

10. Per rescriptum quo Papa mandat Ordinario, ut iure Diocesis Clericos corrigat, non datur eidem iurisdicção in exemptos, cap. *Grave*, nec excluditur appellatio ad Metropolitanum, nisi tamen in Litteris apposta sit clausula, *De nostra auctoritate*; tunc enim appellatio immediate ad Apostolicam Sedem devolveretur.

11. Cum quis ad gratiam per rescriptum restituitur, id semper est intelligendum, salvo iure, alteri ante hanc restitutionem quæsito: nisi, dilerte contrarium exprimat, cap. *Quomodo* 8. de rescript. in. 6.

12. Innocentius III. statuit in Concilio Lateranensi, & habetur in cap. *Nonnullis*, de rescript. ne quisquam per Apostolicas Litteras trahatur ultra duas dioceses extra suam diocesim, nisi vel constet, has litteras de partium consensu impetratas fuisse, vel huic constitutioni expresse in illis litteris derogetur. Quin etiam posterior Bonifacii Constitutio prohibet, ne causæ committantur ultra diatam unam a finibus diocesis computandam. Ubi vero reus & actor fuerint diversarum diocesium, diata ista computetur a finibus diocesis ipsius rei. cap. *Statutum*, §. *Cum vero*, & §. *Cum autem*, de rescript. in. 6.

13. Ubi quis contra suos adversarios re-

scriptum impetraverit, nec illud, si ex malitia, si ex negligentia, intra annum, ex quo iudicium habuit copiam, produxerit; sed postea illud idem proferre voluerit ad eludendum posterius rescriptum ab adversa parte impetratum, statuitur quasi invalidum, eo quod mentionem non fecerit oppositi anterioris rescripti; cap. *Plerumque* de rescript. E contra posterius valet, & nullatenus primum. Nec mirum, nemini siquidem sua fraus patrocinari debet.

14. Quoties Pontifex Maximus suo rescripto mandat aliquem externæ iurisdictionis actum, non committit Clericum, nisi qui in ecclesiastica dignitate constitutus sit, vel habeat personatum, aut ad minus Ecclesiæ Cathedralis Canonatu potiatur; frequentius vero Vicarium, aut Officialem generalem, nusquam tamen Officialem Foraneum, eo quod illius potestas sit tantum particularis, cap. *Statutum* de rescript. in. 6. & in Clementina *Etsi*, eodem Titulo, nec non in Concilio Tridentino sess. 4. cap. 19. de reform.

15. Notatu (inquit Caballutius) maxime dignum est caput *Significat*, de officio iudic. ordin. ubi cum aliqui nuptias in gradu prohibito contraxissent, & huiusce scandalosæ & incestuæ conjunctionis querela ad Summum Pontificem delata fuisset, delegatus ab eo fuit index Ecclesiasticus in eadem diocesi ad inquirendum & definitive iudicandum in causa: verum delegatus executionem mandans neglexit, permisitque partes in pristino scandalo permanere. Admonitus denum Pontifex, rescripsit, Episcopum non in hac solum, sed generaliter in omnibus similibus causis, posse vel malitiam Apostolici delegati supplere, & huiusmodi causas ex officio cognoscere, partesque ligare, aut solvere, prout expedire iudicaverit.

16. Rescripta, & Litteræ, tam Papæ quam Legati, quibus communi Ecclesiæ disciplinæ derogatur, aut imminuunt Ordinariarum auctoritatem canonicam ac iurisdictionem, ut sunt exempli causa dispensationes circa Monialium clausuram, aut ea rescripta quæ publicam habent executionem, debent antea Ordinariis exhiberi, quorum officii est, ut expendant, utrum suppressione veri, aut suppositione falsi, aliove gravi defectu Apostolicæ Litteræ vitientur; adeoque suum (ut vocant) *Visa*, & approbationem scripto apponere, vel denegare, aut recusare, executionem permittere aut prohibere, aut suspendere, c. *Quod super his*, de fide instrum. & cap. *Porro* de privil. Concilium Tridentinum sessione 13. cap. 5. & sessione 22. cap. 5. nec non sessione 24. cap. 11. discernit, Episcopos in ejusmodi litterarum examine esse delegatos Apostolicos.

17. Circa Litteras Apostolicas observatu dignum est caput *Finale* de officio iud. deleg.

deleg. decernens, si delegati a Papa electa sit industria, non posse hunc delegatum subdelegare: electa vero censetur particularis personæ industria, quando ea persona proprio exprimitur nomine, & non tantum officii, aut dignitatis designatione in litteris delegationis.

Præterea si nudum in delegatione ministerium alicui, etiam proprio nomine non designato, summus Pontifex injunxerit, hic non poterit subdelegare: ut si Mandato de prædicanda Cruce, certam aliquam personam sui officii admonere, clanculum de aliquo facto inquirere, & similia. In his enim censetur electa personæ industria particularis.

Tandem absolutionis beneficium, etiam circa casus Episcopo reservatos, potest ab Apostolico Delegato, si ejus electa fuerit dignitas, vel officium, alteri personæ ab eodem subdelegari; sed non poterit, si proprio nomine fuerit appellatus etiam cum officii, vel dignitatis expressione, cap. *Finalis* de offic. judic. ordin. Idem statuit Concilium Tridentinum sess. 14. cap. 4. de Casibus reservatis, & sess. 24. cap. 6. de reformatione.

18. In Galliarum Regno, producenti Signaturas, aliasve Curia Romanæ expeditiones nulla fides habetur, si non sint (ut loquuntur) certificata duobus trapezitis, aut expeditionariis, in ipso originali attestantibus & subscriptis, ut statuitur edicto quod a Ludovico XIV. Titul. 15. art. 8. latum est. Vide de his omnibus caput sextum libri 1. quem Cabassutius noster inscripsit, *Juris Canonici Theoria & Praxis*, ex quo quæ hucusque dicta sunt, exscripsimus.

C A P U T III.

De promulgatione Legum Canonicarum.

Not. **N**eminus dubium est, quin Legum Canoniarum promulgatio requiratur, ut fideles iis legibus teneantur; neque enim populi ligantur legibus positivis, quas invincibiliter ignoraverint: sed quaestio est, ubinam promulgari debeant; an satis sit, ut in civitate primaria alicujus ditionis promulgentur, an vero requiratur, ut in singulis provinciis publicentur.

CONCLUSIO. Lex Canonica, quæ nova sit, non obligat in Provinciis, in quibus non est specialiter promulgata. Ita docet Cabassutius noster cap. 4. lib. 1. *Juris Canonici Theoria & Praxis*.

Probatur 1. ex comparatione legum canoniarum cum legibus civilibus. Leges civiles (ut superius dictum est) non obligant in Provinciis, in quibus specialiter promul-

gatae non fuerunt: ergo neque novæ leges canonicae. Probatur consequ. 1. Leges canonicae imitantur civiles, cum istae illius non sunt oppositae. 2. Ideo leges civiles in singulis Provinciis promulgari debent, quod alioquin in notitiam subditorum sufficienter pervenire non censeantur: Sed ea ratio valet pariter in novis legibus canonicis. 3. Ideo leges civiles promulantur in singulis Provinciis, quod subditi alioquin existimare possint, quod eas leges non fuerint a Principe latae; vel si latas credant, putent non esse Principis mentem, ut in singulis Provinciis obligent: atqui rationes illae idem robur habent in novis legibus canonicis: ergo leges canonicae non obligant in provinciis, in quibus promulgatae non fuerunt.

Probatur 2. exemplis ab Ecclesia vetere petitis. In more nimirum fuit apud Majores nostros, ut sua decreta in singulas Provincias dirigerent. Tertullianus lib. de pudicitia c. 1. scribit, Decretum quod Zephyrinus Papa edidit de admittendis ad divina mysteria moechis poenitentia functis, valvis Ecclesiarum affixum fuisse, & in Provinciis Ecclesiis lectum. Cyprianus Epistola septuagesima quarta, quæ est ad Pompejum, fidem facit, Stephanum Papam litteras suas de non iterando baptismo de hæreticis collato, ad omnes tum Orientis, tum Africae Provincias direxisse. Marius Victorinus lib. 2. testatur, Nicæna Decreta per totum orbem fuisse missa. Theodoretus hist. lib. 1. c. 9. monet, Concilii Sardicensis Canones una cum Nicænis Canonibus in Provincias transmissos fuisse. Leo Magnus Epist. 65. scribit, Chalcedonense Concilium a se per Provincias ad Episcopos directum fuisse.

Probatur 3. Defectu promulgationis in Provinciis plurimæ Constitutiones Canonicae, nec olim in omnibus Provinciis, nec modo in quibusdam vim habent. Nam 1. Epist. Siricii Papæ ad Himerium Tarracensem, de Continentia Diaconorum, licet ubique fere promulgata fuisset, in Galliis tamen statim vim legis non habuit, eo quod in Galliis specialiter publicata non fuisset: id patet ex 2. Can. Concilii, quod postea Turonis habitum est. 2. Leonis Magni Epist. 84. de continentia Subdiaconorum, quod specialiter in Sicilia promulgata non fuisset, nondum in eo regno vigeat, definente sæculo sexto, ut apud Greg. Magnum l. 1. Epist. 42. videre est. 3. Non ob aliam rationem in Galliis, in Germania superiore, in Polonia, in Anglia non est in usu Constitutio: Sicut ad sacrorum, data Romæ ann. 1564. qua Pius Papa IV. declaravit, Concilium Trident. non tantum in fide & moribus, sed etiam in capitibus quæ ad disciplinæ reformationem spectant, ubique gen-

gentium obligare. §. Ipsorum etiam Conciliorum Generalium decreta, quæ ad disciplinam pertinent, in singulis Provinciis specialiter promulgari debent; nimirum deſcru specialis huiusmodi promulgationis matrimonia clandestina, hoc est, quæ sunt sine Parochi & testium presentia, valent in pluribus orbis christiani provinciis, quamvis Concilium Tridentinum ea nulla esse ac irrita declaraverit.

Obijcies 1. Romæ toti orbi christiano jus dicitur secundum usus Romanos, licet usus illi specialiter in provinciis promulgati non fuerint: ergo Romani iudices supponunt, capita quæ spectant ad disciplinam, licet in Provinciis specialiter minime promulgata, omnes Christi fideles obligare.

Resp. 1. Plura negotia Romæ non judicari, sed committi in Provinciis secundum usus regnorum, & antiquam praxim quæ in iis regnis viget.

Resp. 2. dist. ant. Jus Romæ dicitur toti orbi habendo rationem legum & consuetudinum quæ vigent in Provinciis, conc. ant. non habendo rationem illarum legum & consuetudinum, neg. ant. Nec enim Romani iudices Gallis, Angelis, Polonis, jus dicunt secundum dispositionem Tridentinæ Synodi, quamvis alioquin per Constitutiones Pii Papæ IV. declaratum fuerit, causas omnes ad præscriptam in laudata Synodo reformationem judicari debere.

Resp. 3. Romanos iudices pro ea qua polent æquitare & sapientia, cum jus secundum usum Romanum dicunt distis Roma Provinciis, supponere, usus illos in iis Provinciis vigere, ac fuisse promulgatos.

Obijcies 2. Qui in aliqua diœcesi nominatim, servatis servandis, excommunicatione innodatus est, ubique vitari debet, quamvis lata in eum excommunicationis sententia in aliis diœcesibus promulgata non fuerit: Ergo leges obligant etiam in Provinciis, in quibus specialiter promulgata non fuerunt.

Resp. conc. ant. neg. conseq. Ratio est, quia particularis excommunicatio lata in privatum aliquem, non est lex, sed applicatio legis de vitandis excommunicatis, quæ ubique gentium recepta fuit, ac promulgata. Verum si nova aliqua lex ferretur, qua ipso facto excommunicarentur ii qui in hoc vel illud crimen incidissent, non obtineret, nec in usu esset in Provinciis, in quibus specialiter promulgata non fuisset.

Obijcies 3. Canones qui aut ad fidem, aut ad mores pertinent, obligant iis etiam in locis, ubi specialiter promulgati non fuerunt: ergo a pari obligant leges quæ ad disciplinam spectant, quamvis in provinciis specialiter publicatæ non fuerint.

Resp. conc. ant. neg. conseq. Ratio dispa-

ritatis est, quia canones qui ad fidem aut ad mores pertinent, nihil aliud sunt, quam juris naturalis, aut juris divini declaratio: ac ius tum naturale, tum divinum positivum sufficienter promulgatum est; ac proinde mirum non est, quod obliget, etiamsi de novo specialiter in provinciis non promulgetur. Contra novæ leges humanæ nunquam (ut supponitur) in provinciis specialiter publicatæ fuerunt: atque ita mirum non est quod in iisdem Provinciis non sint in usu, nec vim aliquam habeant.

Quæres, in quo diœcesis loco promulgari debeant Episcoporum leges.

Resp. leges Episcoporum, ut obligent, promulgari debere in Pronis missarum Parochialium, saltem regulariter loquendo. Si autem quibusdam in diœcesibus aliæ consuetudines vigent, in praxi standum est huiusmodi consuetudinibus.

C A P U T IV.

De acceptance Legum Canoniarum.

Not. **N**ON est hic quæstio de legibus, quæ continentur in Canonibus qui jam & recepti sunt, & promulgati: constat nimirum obligare populos independentem a nova populorum acceptance: sed quæstio est de novis legibus, quæ in receptis Canonibus non contineantur.

CONCLUSIO 1. Novæ leges Ecclesiasticæ quæ de novo feruntur, non sunt in usu, nec obligant, nisi cum acceptatæ fuerint ab iis, qui saniozem Ecclesiarum particularium partem constituunt. Ita Cabassutius noster loco in capitulis superioris conclusionem laudato.

Probatum 1. auctoritate, & ratione Gratiani, Canone *In istis*, §. *de legibus*, ubi sic loquitur: *Leges* (quoad vim obligandi) *instituantur cum promulgantur, firmanur autem cum moribus utentium comprobantur.*

Probatum 2. Æquitatis est, ac rectæ rationis ut nova disciplina generalis non sanciat, quæ populos ad majus bonum non promoveat, & cujus ipsimet populi non sint capaces: ergo si vel una ex iis conditionibus alicui novæ legi Ecclesiasticæ defuerit, lex illa robur habere non potest: atqui deest aliqua ex iis conditionibus, cum sanior subditorum pars novam illam legem non admittit. Sanioris nimirum partis subditorum, non autem superiorum qui longius distant, quique populorum, a quibus absunt, genium & mores non noverint, est expendere, an novæ leges temporibus, locis, genitiis convenient, & judicare, an pacem promoturæ sint, aut perturbaturæ. Eo, quod explicatum est, de novarum Legum acceptance

tione principio, nituntur Galli in defensione suarum Immunitatum, quas quidem immunitates, Ecclesiarum Gallicanarum Libertates vocare consueverunt. Scilicet *Libertates* illarum, si ut par est intelligantur, nihil aliud sunt, quam veterum Canonum, & receptorum in regno consuetudinum observatio.

Objicies 1. Leges Civiles, si justae sint, vim legis habent, etiam si a subditis non acceptentur: ergo & novae leges Ecclesiasticae; non enim potior est ratio de uno, quam de alio.

Resp. 1. Principes qui sapientia commendati sunt, non solere legibus a se de novo latis insistere, cum sanior, & major subditorum parseas non admittit: immo per quandam aequanimitatem illarum executionem ad tempus magis opportunum protrahunt: aut per conniventiam patiuntur, ut leges illae per contrarium usum in consuetudinem abeant. Vide quae de legibus Civilibus superius dicta sunt.


Resp. 2. conc. ant. neg. conseq. Ratio disparitatis est, quia cum in novis legibus civilibus non est evidens suppositio falsi; aut cum nihil contra Dei aut Ecclesiarum mandata praecipunt, subditorum non est expendere, utrum ad commune bonum conferant: sed (ut jam dictum est) debent illas admittere, nec Princeps Politicus tenetur rationem reddere, cur novas illas leges condiderit. Econtra sanioris & majoris fidelium partis est expendere, an novae leges Ecclesiasticae gentis & moribus populorum conveniant; praesertim si legum illarum conditores longius a Provinciis absint. Caritas non minus quam potestas in Ecclesiasticarum legum conditoribus elucere debet: nam (ut ait Christus in Evangelio) *Reges gentium dominantur eorum,*

vos autem non sic: ergo ubi Provinciarum Ecclesiasticarum pars major & sanior censet, novas Ecclesiasticas leges admitti non debere, Pastores, pro sua in oves caritate, illarum executionem urgere non debent.

Objicies 2. Legislatores Ecclesiastici, & in primis Romanus Pontifex, a Deo habent potestatem condendi leges, & ubique gentium fidelem populum ligare: ergo leges Ecclesiasticae vim habent, etiam si a saniori ac majori fidelium parte in quibusdam Provinciis non acceptentur.

Resp. conc. ant. neg. conseq. Ratio est, quia quod novae leges vim non habeant in Provinciis, in quibus non acceptantur, non oritur ex defectu potestatis in Legislatoribus, & praesertim in Romano Pontifice, cui in persona Petri dictum est a Christo, *Pasce agnos meos, Pasce oves meas*; sed id oritur ex defectu voluntatis: neque enim Legislatores Ecclesiastici, in primis Romanus Pontifex, (cum non quærant, quae sua sunt, sed quae Jesu Christi, hoc est, quae corpori illius mystico prodesse possint) non censentur velle, ut novae leges a se latae vim habeant in locis in quibus sanior & major fidelium pars judicat Provinciarum genio, moribus, tempori, non convenire.

Confirmatur illa responsio ex eo, quod nova decreta, licet in se ipsis optima sint, per accidens tamen, habita nimirum ratione circumstantiarum in quibus populi fideles quibusdam in Provinciis versantur, Reipublicae Ecclesiasticae pacem perturbare possint, aut saltem Ecclesiis particularibus non prodesse. Nec id diffitebantur, qui ad praecalam hanc Augustini sententiam Ep. 118. attenderint: *Ipsa quippe mutatio consuetudinis, quae adjuvat utilitate, novitate perturbat.*



97

INSTITUTIONES THEOLOGICÆ AD USUM SEMINARIORUM.

PARS SEXTA.

De Deo Auctore Gratiæ.

GRATIA inde nomen accepit, quod gratis detur: *Gratia* (inquit Aug. in Psal. 44.) *merito nominatur, quia gratis datur*: hinc fit, ut opponatur debito; juxta illud Apostoli ad Rom. 4. *Ei autem, qui operatur, merces non imputatur secundum gratiam, sed secundum debitum.* Et ad Rom. 11. *Si autem gratia, jam non ex operibus; alioquin gratia jam non est gratia.*

Illud autem gratiæ nomen tribus modis in Scripturis accipitur: 1. late, nimirum pro eo omni quod gratis datur, seu absque debito ex parte conferentis, & merito ex parte recipientis, sive sit naturale, sive sit supernaturale. Eo sensu creatio, conservatio, providentia generalis, gratia dicuntur: *Quadam* (inquit August. Epist. 95.) *non improbanda ratione dicitur gratia Dei, qua creati sumus: & de hoc tanto beneficio gratias agere debemus: unde merito & ista gratia dici debet, quia non precedentium aliquorum meritis, sed gratuita Dei bonitate donata est.* Nec obstat, quod dona naturalia videantur esse debita, ac proinde gratiæ nomen, quod quidem significat id quod gratis datur, donis naturalibus tribui non possit. Non obstat (inquam) eo quod licet dona naturalia debeantur conditioni subiecti, cui conferuntur, ut intellectus homini; non debentur tamen precedentibus subiecti meritis.

Sumitur 2. stricte, nempe pro beneficiis supernaturalibus creaturæ rationali collatis, sive sint ex Christi meritis, sive non sint. Ea ratione auxilia quæ Deus Angelis, & Adamo innocenti in ordine ad salutem contulit, gratiæ nomen sibi vindicant, ut apud Augustinum libro de Concept. & grat. cap. 11. videre est: *Quid ergo (ait S. Doctor) Adam non habuit Dei gratiam? immo vero habuit magnam, sed disparem.*

Sumitur 3. strictissime, scilicet pro beneficiis supernaturalibus, quæ homini indigno & peccatori ex Christi merito conferuntur. De gratia eo sensu sumpta loquitur Apostolus ad Rom. 3. *Justificati gratis per gratiam* *Juenin. Inst. Theol. Tom. III.*

ipsum, per redemptionem quæ est in Christo Jesu. Quibus in verbis Apostolus non dicit tantum, *justificati gratis*, sed addit, *per gratiam ipsum, & per redemptionem quæ est in Christo Jesu*; nimirum ut significet, justificationem post lapsum Adami, non solum gratis dari, sed etiam indignis & peccatoribus dari, qui nisi per secundum Adamum redimerentur, iræ filii & servi Diaboli permanerent.

De gratia in eo ultimo sensu sumpta dicemus in hac institutionum nostrarum parte: quam quidem methodi causa in varias dissertationes dividemus, in quibus agemus primum de iis quæ ad gratiam actualem spectant, postea de iis quæ pertinent ad gratiam habituales, & tandem de Justificatione & Merito disputabimus.

DISSERTATIO PRIMA.

De Gratiæ Actuali.

Not. 1. **N**omine gratiæ actualis intelligitur actio divina, per quam creatura rationalis adjuvatur ad omnes operationes, quæ vires illius naturales superant, quæque ad æternam illius felicitatem ordinantur.

Not. 2. Gratiæ autem actualis sic definitæ exponemus necessitatem, gratuitatem, divisiones, & tandem de gratia sufficiente, & de gratia efficaci fuse differemus. Verum antequam id tentemus, nonnulla parcius dicenda sunt de dissidiis, quæ circa gratiam, tum hisce temporibus, tum etiam antiquioribus, orta sunt.

QUÆSTIO I.

De Dissidiis, quæ circa gratiam orta sunt.

HÆresis, quæ postea a Promotore Pelagio nomen accepit, auctorem habuit Origenem: *Doctrina tua* (ait Hieronymus de Pelagio gens in Epistola ad Ctesiphontem) *Origenis ramusculus est.*

Rufinus Monachus Aquilejensis Origenem secutus, prævit etiam Pelagio. Haussit hæresim ex Diaymo Origenista, quem (ut ipse fateatur lib. 2. Invectivarum contra Hieronymum) Alexandria per sexennium audiit.

G

Pe.

Pelagius, a quo jam diximus, Secta nomen accepit, ex sancto Prospero initio carminis de ingratis patria Brito fuit, professione vero (ut Augustinus asserit lib. de hæres. c. 88.) Monachus, impia sua dogmata palam prodidit anno 412. in sua epistola ad Demetriadem ex nobili Aniciorum familia, quæ abdicatis fortunis & sæculo, suadente Augustino, virginitatem suam Deo consecraverat.

Anno 415. Eros & Lazarus Episcopi Gallicani, qui in Orientem secesserant, adversus Pelagium Eulogio Cæsariensi Palæstinorum Primati libellum accusationis obtulerant. Is ut litem dirimeret, Lyddæ, quæ alio nomine Diospolis vocabatur, Synodum indixit. Lectis capitulis, quorum reus exposculabatur Pelagius, Synodus delatum absolvit, quod aut negarit objecta, aut per æquivocationes laudatæ Synodi Patribus illulerit; & quidem eo facilius quod Latine non loquerentur, nec Eros, aut Lazarus propter unius ægritudinem Concilio adesse potuerint.

Cælestius patria (ut vult Hieronymus in præmio libri tertii in Jeremiam) Scotus, professione Monachus, sed postea in Asia Presbyter consecratus, Romæ Rufinum & Pelagium audiit. Tantam Sectæ navavit operam, ut Pelagiani (Augustino teste, cap. 88. de hæresibus) Cælestiani passim nuncuparentur: nec enim alio nomine in Ephesina Synodo damnati sunt.

Julianus damnatæ Pelagianorum causæ, mortuo Zosimo, Pontificatum ineunte Bonifacio, patrocinium in se suscepit. Anianus Diaconus ei quoque promovendæ non segnem navavit operam. Anno 493. iis in Piceno se adjunxit Seneca nullius eruditio- nis vir.

Pelagiani damnati sunt in Concilio Carthaginensi anno 412. in Diospolitano anno 415. in Carthag. & Milevitano ann. 416. in plenario totius Africæ ann. 417. in Ephesino primo ann. 431.

Proscripti quoque fuerunt ab Innocentio Papa I. a Zosimo, a Bonifacio, a Sixto, a Leone Magno, a Gelasio, ab Hormisda in sua ad Possessorem Epistola.

Pelagiani idem senserunt de homine innocente, ac de homine lapso: seu easdem ei misérias adscripserunt. Contenderunt, homines nasci sine peccato originali: unde negarunt, concupiscentiam, ignorantiam, mortem, esse illius effectus. Docuerunt, veram Christi gratiam, quæ in luminis & amoris inspiratione posita est, non esse necessariam ad aliquod pietatis opus. Post sollemnem tamen suæ hæreseos condemnationem, eam admiserunt quidem, sed quæ humanis meritis impetrari posset, & quæ ad facilius, non autem ad absolute operandum requireretur.

Joannes Cassianus, primus Semipelagianismi auctor prædicatur. Hæresim illam docuit in suis Collationibus, ac præsertim 13. Si- quidem c. 8. docet, initium bonæ voluntatis a nobis esse, Deumque ad illius intuitum nobis gratiam suam largiri. Cap. 11. negat, exemplis a Zachæo & pro latrone petitis, principia bonæ voluntatis a Deo esse. Cap. 12. contendit, Centurionis fidem non fuisse Dei donum.

Vincentius Lirinensis in Commonitorio quod anno 434. publici juris fecit, Cassiano adhæsisse videtur. Vide doctissimi Norisii rationes in historia Pelag. Faustus Rejen- sis in suis de gratia & libero arbitrio libris non Semipelagianum tantum, sed & Pelagianum se probat.

Gennadius Presbyter Massiliensis anno 490. librum edidit *de viris illustribus*, in quo commendavit Fausti libros, Cassiani opera; Profperum vero vocavit infamatorem. Vitalis Presbyter Carthaginensis, & ipse cum Augustinus ante Episcopatum, Semipelagianismo laboravit. Vide ejusdem Augustini Epist. ad Vitalem, & c. 3. libri de prædest. Sanctorum.

Semipelagiani damnati sunt a Cælestino Papa I. scilicet in suis ad Galliarum Episcopos litteris imponi jubet silentium Massiliensibus Augustini obrectatoribus, probatque ea omnia, quæ idem Augustinus adversus fidei hostes de divina gratia scripserat. Proscripti sunt quoque ab Hormisda Papa, a quo in specie probati sunt ejusdem Augustini de prædestinatione SS. & de dono perseverantiæ libri. Eos quoque damnavit Felix Papa IV. in Capitulis quæ ad Cæsarium Arelatensem transmissit, quibusque A-rausicana secunda Synodus subseripsit.

Quamvis Semipelagiani faterentur, Dei gratiam ad quodcumque opus bonum, sive incipiendum, sive perniciendum, necessariam esse; contendeabant tamen eam absolute non requiri ad initium fidei, cui initio conjunctum esse volebant desiderium sanctitatis, quod precibus expressum esset. Idem de perseverantia, ac de fide docebant, seu volebant, penes hominem esse eam suis precibus, quas Deus in eo non operaretur a Deo impetrare. Ægre ferebant distinctionem gratiæ hominis lapsi a gratia hominis sani, quam Augustinus in libro de Correp. & Gratia asseruerat, istam vocans auxilium *sine quo*, illam vero, auxilium *quo*. Ut intelligatur germana Semipelagianorum doctrina, legendæ sunt Epistolæ Prosperi & Hilarii ad Augustinum, nec non ejusdem Augustini libri de Prædestinatione SS. & de dono perseverantiæ.

Medio sæculo 19. Gottschalkus, patria Germanus, professione Monachus, de prædestinatione ad mortem, de voluntate Dei circa

circa hominum salutem; de morte Christi, graves inter Rabanum Moguntinum, Hincmarum Remensem, Pardulum Laudunensem ex una parte, & ex alia inter Remigium Lugdunensem, & Concilium Valentinum, discordias excitavit. Legendi sunt ea de controversia Hincmarus in Opusculo de prædest. & Remigius in lib. de tribus Epistolis, nec non Concilii Valentini Canones.

Anno 1567. occasione librorum Michaelis Baji Pius Papa V. Constitutionem promulgavit, in qua sex supra septuaginta propositiones proscriptæ sunt.

Anno 1586 Academia Lovanienfis, cui & postea Duacensis adhaesit, censura notavit varias de prædest. & gratia propositiones, quas Lessius & Hamelius Lovanii promulgarant.

Anno 1594. occasione Concordiæ Ludovici Molinæ, graves in Hispania Prædicatores inter & Jesuitas contentiones exortæ sunt. in Congregatione de Auxiliis. Litæ postea in suspenso posuit Paulus Papa V.

Anno 1653. occasione libri cui titulus, *Augustinus Cornelii Jansenii, Trensii Episcopi*, prodijt Innocentii Papæ X. Constitutio, qua famosæ quinque propositiones damnatæ sunt, affixa unicuique speciali censura.

Eam Innocentii Constitutionem subsequuta est alia, qua anno 1656. Alexander Papa VII. declaravit, quinque illas propositiones damnatas fuisse, & a se iterum damnari in sensu a Jansenio intento. Idem Alexander ann. 1664. edidit Formularium hisce verbis conceptum: *Ego N. Constituenti Apostolica Innocentii X. data die 31. Maji anno 1653. & Constitutioni Alexandri VII. data die 16. Octob. 1656. summorum Pontificum me subiecto, & quinque Propositiones ex Cornelii Jansenii libro, cui nomen Augustinus, excerptas, & in sensu ab eodem Auctore intento, prout per illas prædictas Constitutiones Sacre Apostolicæ damnatis, sincero animo rejecto, ac damno, & ita juro: Sic me Deus adjuvet, & hac sancta Dei Evangelia.*

Occasione dissidiorum quæ circa Formularii subscriptionem orta fuerant in Belgio, ab Innocentio XII. duo Brevia emanarunt. Priore idem Pontifex has regulas præscripsit: *Quare precipimus, ut quemadmodum ii, qui ad juramentum assensum sunt, illas præstare debent sincere, absque ulla distinctione, restrictione, seu expositione, damnanda eas Propositiones ex libro Jansenii excerptas IN SENSU ORATIO, quem ipsæmet Propositionum verba præferunt, prout sensum illum damnarunt Summi Pontifices, Prædecessores Nostri, damnatumque haberi, coluerunt a Christi fidelibus: ita per P.ternitates V. ra. ab his quæ Formularia præscripto subscribunt, ac juramentum præstabunt. præter Formulam ipsam traditam, verbaque in Constitutione Apostolica præ-*

scripta, quidquid aliud vel minimum declarationis, interpretationis, aut explicationis, verbo vel scripto non exigitur, etiam subprætextu quod Additiones ad Nos transmissæ comprehenduntur, seu contineantur in Formulario Alexandri VII.

Altero Brevi prius confirmatum est. Ex *isdem autem litteris* (verba sunt secundi Brevis ad Belgarum Episcopos dati Romæ die 24. Novem. 1696.) aperte deprehendimus *malam, quæ quoad Jansenismum exponitur, non procedere ex eo quod Brevi a Nobis die 6. Febr. anni 1694. ad vos dato, facti ipsi non sit consultum; sed potius quia idem Breve executioni fortasse, uti par esset, non mandetur, cum illud nulla prorsus indigeat explicatione, aptumque sit, ubi in ipso præscripta adimpleantur, efficax atque opportunum offerre remedium.*

Illæ Innocentii XII. Brevia promulgarunt in Galliis primum Eminentissimus Cardinalis DE NOAILLES, Archiepiscopus Parisiensis, in Mandato, seu Instructione Pastoralis de Prædestinatione & Gratia anno 1696. postea Illustrissimus Carolus Mauricius le Tellier Archiepiscopus, Dux Remensis, in Instructione Pastoralis anno 1697. & tandem Clerus Gallicanus ad Comitæ Generalia anno 1700. congregatus, a quo brevior illa dicta sunt *æquissima & ab omnibus approbata*. In praxi standum est laudatis Brevibus, & usurpandum illud Augustini contra Pelagianos: *Duo Rescripta venire, finitatis est*. Utinam & contentiones!

QUÆSTIO II.

De necessitate Gratia in homine lapsæ ad cognoscendum verum.

Not. **V**erum vel est ordinis supernaturalis, quod nempe sine Dei revelatione sciri non potest; vel naturalis, quod per hominum doctrinam potest haberi. Primi generis veritates passim appellantur veritates fidei: quæ vero secundi generis, dicuntur veritates rationis. De necessitate gratiæ per respectum ad verum, secundum diversas illas rationes consideratum, hic nobis agendum incumbit; hoc est, quærendum est 1. utrum gratia sit necessaria ad fidem; 2. utrum requiratur ad cognoscendum verum naturale.

CAPUT PRIMUM.

An Gratia necessaria sit ad fidem.

Not. **I**n fide tria considerari possunt, cogitatio de mysteriis quæ per fidem creduntur, affectus credendi, seu imperfectum desiderium fidei, & tandem ipse fidei actus. Pelagiani docuerunt, sive ad cogita-

tionem de mysteriis fidei, sive ad affectum credendi, sive ad ipsummet fidei actum, homini lapsio satis esse externam revelationem cum interiori mentis illuminatione. Semipelagiani, ii præsertim de quibus Prosper & Hilarius ad Augustinum scripserunt, fatebantur quidem, ipsum actum fidei a Deo esse per gratiam voluntatis, etiam per se efficacem; sed contendebant, Deum in nobis non operari primum affectum fidei, seu imperfectum illius desiderium: docebant e contra, primam illius velleitatem esse a nobis. Nonnulli Scholastici, inter quos Ludovicus Molina in sua Concordia quæst. 14. art. 13. disp. 7. §. *Illud tamen*, asseruerunt, liberum arbitrium posse actu mere naturali iis assentiri, quæ fides docet: non ita tamen, ut assensus ille fiat, prout oportet, hoc est, ita ut conferat ad salutem.

CONCLUSIO 1. Gratia est simpliciter necessaria ad eliciendum actum fidei, prout oportet; est contra Pelagianos.

Probatur 1. elicere actum fidei, sicut oportet, quatuor modis intelligi potest; 1. ita ut per illum actum fiat satis præcepto, quo actus fidei præcipitur: 2. ut ille actus ad justificationem conferat: 3. ut fiat ex pio in Deum revelantem affectu; 4. ut ille actus sit ita certus ex parte credentis, ut ipse credens paratus sit mortem subire pro veritate quam credit: Atqui gratia est simpliciter necessaria ad eliciendum actum fidei, prout oportet, quocumque ex iis quatuor modis hæ voces, *prout oportet*, sumantur.

Nam 1. præcipitur actus fidei, qui sit supernaturalis; nempe præcipitur actus qui nobis utilis sit. Sed supernaturalis actus fidei non potest elici sine gratia, cum natura sibi relicta non possit ea, quæ ejus conditionem excedunt: nullam enim cum iis proportionem habet. 2. Gratia est etiam necessaria ad eliciendum actum fidei qui ad justificationem præparet; id nempe expresse definitum est in Concil. Trid. sess. 6. can. 3. Necessaria est quoque gratia, ut quis ex pio in Deum affectu credat: siquidem pius ille in Deum affectus, est initium bonæ voluntatis: at bona non est in Deum voluntas sine gratia: *Quasi vero* (inquit Augustinus libro de Gratia Christi, c. 21.) *aliud sit bona voluntas, quam caritas, quam Scriptura nobis esse clamat ex Deo, & a Patre datam, ut filii ejus essemus.* Gratia est etiam necessaria, ut habeatur tanta certitudo, quanta requiritur, ut quis pro veritate quam credit, mortem subire paratus sit: neque enim aliunde, quam ex Dei adjutorio, oriri potest tanta illa certitudo de mysteriis quæ in speciem plerumque pugnant cum ratione naturali, & de quibus, cum sint fidei, non habetur demonstratio. Ergo gratia est simpliciter necessaria, ut quis actum fidei eliciat, sicut oportet.

CONCL. 2. Ad affectum credendi sicut oportet, hoc est, ad desiderium, vel tenuissimum, habendæ fidei; vera & efficax per Christum gratia simpliciter & absolute requiritur. Est contra Semipelagianos.

Probatur 1. argumentis quæ tradit Augustinus lib. de prædestinatione SS. c. 2. Ad Rom. 21. hæc habentur: *Quis prior dedit illi, & retribuetur ei? Quoniam ex ipso, per ipsum, & in ipso sunt omnia:* ergo Deus est ipsum etiam initium fidei: qui enim dicit *Omnia*, nihil omnino excipit.

Hæc quoque leguntur ad Philippenses. 1. *Vobis donatum est pro Christo, non solum ut credatis in eum, sed etiam ut pro illo patiamini:* in quæ quidem verba sic loco mox laudato loquitur Augustinus: *Utrumque enim ostendit Dei donum, quia utrumque dixit esse donatum. Nec ait, ut plenius & perfectius credatis in eum; sed ut credatis in eum. Nec seipsum misericordiam consecutum dixit (1. ad Timoth. 1.) ut fidelior, sed ut fidelis esset; quia sciebat, non se initium fidei sua priorem dedisse Deo, & retributum sibi ab illo ejus augmentum, sed ab eo se factum fidelem, a quo & Apostolus factus est.*

Hæc etiam habentur 1. ad Corinth. 4. *Quid habes, quod non accepisti? Si autem accepisti, quid gloriaris, quasi non acceperis?* At in systemate Semipelagianorum nullum esset argumentum, quo ad deprimendum hominem Apostolus utitur, si initium fidei ab homine, non a Deo, esset: homo nimirum posset respondere, se quidem habere fidem a Deo, sed initium habere a seipso. Tanti momenti Augustino visum est illud argumentum, ut coegerit eum ad discedendum a semipelagianismo, quo ante suum Episcopatum laboraverat: quo præcipue testimonio (inquit libro de Prædest. Sanct. cap. 3.) *etiam ipse convictus sum, cum similiter errarem, putans, fidem qua in Deum credimus, non donum Dei, sed a nobis esse in nobis, & per illam nos impetrare Dei dona, quibus temperanter, & jussu, & pie vivamus in hoc sæculo.*

Tandem si initium fidei non a Deo, sed ex nobis sit, illudque fidei initium a Deo ipsam fidem impetret, gratia secundum merita nostra dabitur; quod quidem damnatum est in Pelagio; dabitur enim illi initio fidei, illi bono affectui credendi, inchoatæ illi bonæ voluntati. Augustinus urget illud argumentum in lib. de Prædest. Sanct. cap. 2.

Probatur 2. eadem nostra conclusio auctoritate Concilii Arausiaci II. cujus doctrinam amplexæ sunt omnes orbis Ecclesiæ. Canone 5. expresse definitum est, initium fidei, ipsum credulitatis affectum, qui hominem aliqua ratione disponit ad justitiam, non minus esse Dei donum, quam ejusdem fidei incrementum, seu actum quo Deo revelanti rei-

re ipsa credimus: *Si quis, sicut augmentum, ita etiam initium fidei, ipsum credulitatis affectum, quo in eum credimus qui iustificat impium, & ad regenerationem baptismatis pervenimus, non per gratia donum, id est, per inspirationem Spiritus Sancti, corrigentem voluntatem nostram ab infidelitate ad fidem, ab impietate ad pietatem; sed naturaliter nobis inesse dicit, Apostolicis dogmatibus adversarius approbatur.*

Obijcies 1. Apostolus asserit quidem, gratiam non esse ex operibus, sed non dicit eam non esse ex fide: ergo dici potest, quod fides precedat gratiam, ac proinde quod gratia ad fidem non requiratur.

Resp. conc. ant. neg. conseq. Ratio disparitatis est, quia opera quædam possunt esse sine gratia, cum e contra fides sine ea esse non possit: nec mirum, nam idem Apostolus asserit ad Galat. c. 3. hominem non ex operibus, sed ex fide justificari, ac proinde supponit, fidem esse omnino supernaturalem. Augustini est ea responsio: nempe sic loquitur lib. de Prædest. Sanct. cap. 7. *Ex fide autem ideo dicitur justificari hominem, non ex operibus, quia ipsa prima datur, ex qua impetrentur cetera, quæ propriè opera nuncupantur, in quibus iuste vivitur.*

CONCL. 3. Cogitationes de amplectenda fide, quæ, audita Evangelii prædicatione, subeunt mentem hominis infidelis, sunt a gratia.

Probatur 1. Ex cogitationes influxum, saltem remotum, habent in actum fidei; ac proinde non sunt naturalis ordinis: quod enim est ordinis mere naturalis, nullum omnino habet influxum in actum omnino supernaturalem, alioquin ad eum disponeretur; quod tamen, tum ex Concilio Arausicano II, tum ex Concilio Tridentino superius laudatis, dici minime potest.

2. Concilium Arausicanum II. expresse definit, nullum bonum per naturæ vigorem cogitari posse sicut expedit: *Si quis (inquit canon 711.) per naturæ vigorem bonum aliquod, quod ad salutem pertinet vitæ æternæ, cogitare, ut expedit, confirmat... hæretico fallitur spiritu.*

3. Augustino ita persuasum fuit, fidei cogitationem quæ sit salutaris, haberi non posse sine gratia, ut inde a fortiori concluderit, fidei initium haberi non posse sine gratia. Postquam enim laudavit hanc Apostoli sententiam 1. ad Cor. 3. *Non quod sufficienter finis cogitare aliquid a nobis, quasi ex nobis, sed sufficientia nostra ex Deo est;* sic adversus Semipelagianos dilcurrit libro de Prædest. Sanct. cap. 2. *Attendant hic, & verba ista perpendant, qui putant ex nobis esse fidei initium, & ex Deo esse finis supplementum. Quis enim non videat prius esse cogitare, quam credere? Nullus quippe creavit aliquid, nisi prius cogitaverit esse credendum.*

Jansen. Inst. Theol. Tom. III.

CONCLUSIO 4. Liberum arbitrium non potest actu mere naturali iis assentiri, quæ fides docet. Est contra Ludovicum Molinam.

Probatur 1. Patres, cum pelagianos & Semipelagianos impugnarunt, absolute & simpliciter asseruerunt, hominem lapsum non posse sine gratia revelatis assentiri, nec distinxerunt inter assensum qui ad salutem conferat, & inter eum qui minime conferat: ergo censuerunt, assensum per actum mere naturalem admitti non debere.

Probatur 2. Assensus datus veritati revelatæ, vel est ex motivo divinæ revelationis, vel ex aliquo alio. Si secundum, non erit actus fidei, quia non habebit illius objectum formale quo, quod quidem (ut dicemus in Tractatu de fide) est sola divina revelatio: per illud enim motivum fides ab aliis virtutibus Theologicis distinguitur. Si primum, assensus ille erit omnino supernaturalis; habebit enim specificativum supernaturale, divinam nimirum revelationem, ac proinde eliciri non poterit per actum mere naturalem.

Probatur 3. Non alium ob finem excogitatus videtur assensus ille per actum mere naturalem, quam ut, aut ex occasione, aut pacto, aut per se, Deum moveat ad conferendam gratiam, quæ ad eliciendum supernaturalem actum fidei requiritur: At sic assensus per actum mere naturalem defendere, ut sit via ad assensum supernaturalem, videretur esse sententia Cassiani damnata in Concilio Arausicano II. & impugnata a S. Prospero libro contra Collatorem cap. 36.

Obijcies. Intellectus potest propriis viribus attingere veritates omnes supernaturales: ergo eis quoque per easdem vires potest assentiri. Probatur ant. Intellectus potest propriis viribus attingere id omne, quod continetur intra specificativum illius objectum: atqui veritates omnes intra ipsum continentur: si enim non continerentur, intellectus, licet divino adjutus auxilio, eas attingere non posset, cum nulla potentia ferri possit extra suum objectum specificativum: siquidem propter eam rationem oculus non potest audire, nec auris videre: ergo &c.

Resp. ad 1. neg. ant. Ad 2. dist. maj. Si illud objectum sit potentia proportionatum, conc. maj. si non sit proportionatum, neg. maj. Veritates supernaturales, licet continentur intra objectum specificativum intellectus, quod est omne verum, nullam tamen cum eo habent proportionem, cum sint ordinis omnino diversti.

Confirmatur solutio. Licet lux solis contineatur intra objectum specificativum visus, quod est corpus coloratum, quia tamen ob nimium ejus splendorem non est intra objectum proportionatum oculi corporei, ab eo videri nequit, nisi virtute aliqua speciali

& extraordinaria roboretur : Ita similiter quamvis veritates supernaturales, & mysteria fidei sint intra objectum essentielle & specificativum nostri intellectus, quod est verum, ut abstrahit a naturali & supernaturali, a creato & increato, a spirituali & corporeo; quia tamen non continentur intra ipsius objectum proportionatum & connaturale, non possunt ab eo naturæ viribus attingi; sed cum eo debent per gratiæ auxilium fieri proportionatæ.

Quæres 1. utrum gratia, quæ requiritur ad fidem, sit solum gratia intellectus, an etiam voluntatis.

Resp. gratiam, de qua est quæstio, esse gratiam & intellectus & voluntatis; Ratio est 1. quia intellectus & voluntas concurrunt ad actum fidei, ille quidem, cogitando, ista vero, assentiendo; nempe credere, ex Augustino lib. de Prædest. Sanct. cap. 2. *nihil aliud est, quam cum assensione cogitare*; cogitare autem est actio intellectus, sicut & assentire est actio voluntatis: ergo necesse est, ut utraque potentia adjuvetur a Deo ad eliciendum actum fidei. 2. Nemo credit, nisi ex affectu crudelitatis, hoc est, nisi illius voluntas prius bene afficiatur circa veritates fidei: at affectus ille credulitatis ex gratia est; ita enim definit Concilium Arausicanum II. superius relatum. 3. Actus fidei est iustitiæ, hoc est, bonæ voluntatis initium, quod quidem a Deo esse credit Ecclesia contra Semipelagianos: *Tu* (inquit August. in Epist. ad Vitalem) *initium fidei, ubi est etiam initium bonæ, hoc est piæ voluntatis, non vis domum esse Dei.*

Quæres 2. an vera sit fides in iis qui ad credendum ex pravo affectu, regnandi v. g. præcipue moventur.

Resp. negative. Ratio est 1. quia affectus credendi est donum Dei: at id de affectu pravo dici non potest, cum sit peccatum. 2. Affectus credendi (ut ex Augustino probatum est) est initium bonæ voluntatis: pravus affectus e contra est initium malæ voluntatis. 3. Credens ex affectu pravo se habet, sicut qui propter vanam gloriam eleemosynam largitur: ergo sicut in eo homine non est vera misericordiæ virtus; ita nec in credente ex affectu pravo est vera fides. Ideo enim in homine illo non est vera misericordiæ virtus, quod finis vanæ gloriæ imperet eleemosynam: sed pariter in credente, de quo agitur, pravus finis imperaret assensum, qui veritatibus fidei præberetur.

Quæres 3. Utrum gratia fidei sit prima gratia, hoc est, utrum fides sit in homine primus effectus gratiæ prævenientis.

Resp. in fide quatuor considerari posse; 1. cogitationes de fide amplectenda, si idonea sint credendi motiva; 2. voluntas Evangelium audiendi ex desiderio salutis, 3. bonus in Evangelium auditum affectus; & tandem

4. ipse actus fidei, seu consensus; quam voluntas præbet revelatis in Evangelio. De cogitationibus hæc habet Augustinus in libro de prædest. Sanct. cap. 2. *Quamvis enim raptim, quamvis celerrime credendi voluntatem antevolent, moxque illa ita sequatur, ut quasi conjunctissima comitetur, necesse est tamen, ut omnia quæ creduntur, præveniente cogitatione credantur.* Voluntas Evangelium audiendi ex proprio salutis desiderio eluxit in Proconsule Sergio, antequam fidem amplecteretur: *Hic* (inquit Lucas Actor. 13. *acceritis Barnabam & Saulo, desiderabas audire verbum Dei.* De affectu credulitatis insignis est locus in Concilio Arausicano II. Can. v.

His præmissis, ad quæstionem propositam respondendum est, fidem sumptam pro consensione, quam voluntas præbet revelatis, non esse primum effectum gratiæ; si nomine effectus id omne intelligatur, quod in homine est a gratia: scilicet cogitationes de amplectenda fide, voluntas audiendi Evangelium, bonus in Evangelium auditum affectus, sunt (ut superius ex Augustino & Concilio Arausicano II. probatum est) effectus gratiæ; at ex cogitationes, ea voluntas, ille affectus, præcedunt actualem voluntatis consensionem.

Verum si fides sumatur pro actu supernaturali in suo genere completo, dicendum erit, eam esse primum effectum gratiæ actualis: Siquidem Deus neminem movet ad aliarum virtutum supernaturalium actus, nisi prius ei fidem tribuerit, juxta illud Augustini in Epistola ad Sixtum: *Restat igitur, ut ipsam fidem, unde omnis iustitia sumit initium, non humano, quod isti extollunt, tribuamus arbitrio, nec ullis præcedentibus meritis, quoniam inde incipiunt bona quæcumque sunt merita: sed gratuitum Dei donum esse fateamur; si gratiam veram, id est, sine meritis cogitamus.* Alia in eundem finem S. Doctoris loca referentur inferius, ubi de gratiæ ad agendum bonum necessitate differemus.

C A P U T II.

Utrum Gratia sit necessaria ad cognoscendum verum naturale.

Not. VERUM ordinis naturalis duplex est, speculativum & practicum. Prius, est illud, quod non pertinet ad operationem, sed sinit in mera cognitione; alterum ordinatur ad operationem, quod nempe vel ad eam moveat, vel ipsam dirigat. Verum, five sit speculativum, five practicum, considerari potest, vel divisive, vel collective: priori modo sumptum, est verum ab alio separatim; posteriori modo, est verum cum aliis conjunctum.

Not. 1. Certum est, gratiam Creatoris, seu

feu auxilium Dei prout est auctor naturæ, requiri ad cognitionem cuiuscumque veri, sive speculativi, sive practici, sive divisively sumatur, sive collective. Scilicet necesse est, ut Deus intellectum conserve, eumque per suum concursum adjuvet ad operationes, quæ non superant naturales illius vires. Eam Creatoris gratiam S. Thomas passim appellat auxilium Dei moventis, unde in omnibus articulis, in quibus agit de necessitate gratiæ, semper asserit, & homini innocenti, & homini lapsi, sive ad cognitionem veri, sive ad operationem boni, necessarium esse auxilium Dei moventis. Illud Dei Creatoris auxilium duplex est, ordinarium, & extraordinarium. Prius nihil aliud est, quam concursus, quo tamquam provisor universalis omnes omnino causas adjuvat ad effectus, qui illarum naturæ conveniunt; posterius positum est in quadam speciali providentia, per quam creaturas quasdam in iis circumstantiis ponit, in quibus tanta ad operandum non occurrunt impedimenta, quanta occurrerent, si in aliis circumstantiis constitutæ fuissent. Nemo dubitat, quin istud quoque posterius auxilium, sit necessarium respectu quarundam veritatum naturalium, ad quarum cognitionem, & multum laboris, & multum otii requiruntur. Itaque quæstio de qua hocce capite agitur, est de auxilio Dei moventis, per Christum, hoc est, quæstio est, utrum gratia, quam Christus per mortem suam nobis promeruit, necessaria sit ad cognoscendum verum ordinis naturalis, sive sit speculativum, sive sit practicum, sive divisively, sive collective sumatur.

Not. 3. Circa quæstionem, ea, qua dictum est, ratione explicatam, duplex est Theologorum sententia. Prima docet quodcumque verum ordinis naturalis cognosci posse, saltem divisively, sine gratia Dei per Christum, sive sit speculativum, sive sit practicum, sive ad bonum operandum moveat, sive non moveat. Ita passim recentiores Thomistæ. Altera, quæ est Gregorii Ariminensis, Capreoli, & Vasquezii, contendit, verum, sive speculativum, sive practicum, sive collectivè, sive divisively sumptum, si ad bonum operandum moveat, ab homine lapsi cognosci non posse sine actuali gratia per Christum.

CONCLUSIO 1. Veritates, sive speculativæ, sive practicæ, quæ sunt ordinis naturalis, quæque ad bonum operandum non movent, divisively cognosci possunt sine gratia Dei per Christum, non autem collectivè.

Probatur prima pars. Gentiles in disciplinis, tum physicis, tum moralibus, plures veritates, & quidem abstrusissimas (ut ex eorum libris patet) cognoverunt: atque eas veritates non cognoverunt ex auxilio gratiæ per Christum: Nam 1. prima gratia per Christum est (ut capite superiori dictum est) fides, aut saltem motus ad fidem: qui quidem mo-

tus Gentilibus illis, cum nihil audierint de Christo, nusquam concessus est. 2. Gratia per Christum non datur, nisi in ordine ad salutem: neque enim Christus mortuus est, ut humanarum disciplinarum, quæ ad salutem non conferunt, cognitionem homini lapsi mereretur: *Abjiciatur a Christianorum cordibus ista fallacia* (verba sunt Augustini, Pelagium in Epistola ad Sixtum impugnantis, quod gratiam, cujus necessitatem in Concilio Diospolitano confessus fuerat, liberum arbitrium in creatione nobis concessum interpretaretur) *Nam omnino non istam gratiam commendat Apostolus, qua creati sumus, ut homines effemur. sed qua iustificati sumus, ut homines iusti effemur. Illa est enim gratia per Jesum Christum Dominum nostrum. Et enim Christus non pro nullis, ut homines conderentur, sed pro impiis mortuus est, ut iustificarentur: quippe homo erat, qui dicebat: Miser ego homo, quis me liberabit de corpore mortis huius? Gratia Dei per Jesum Christum Dominum nostrum: Ergo sine gratia per Christum Gentiles comparant humanarum disciplinarum cognitionem, eamque nunc temporis Christiani comparant, cum per se ad salutem nulla ratione conferant, nisi ad adificationem Ecclesiæ, hoc est, ad eam advertus illius hostes defendendam, a Christianis ordinentur.*

Probatur altera conclusionis pars. Ut veritates quæ sunt ordinis naturalis, collectivè cognoscantur, non satis est in homine potentia physica: sed præterea requiritur potentia moralis, hoc est, potentia ab omnibus impedimentis libera: atqui in homine lapsi non reperitur potentia moralis respectu omnium veritatum, licet sint ejusdem cum eo ordinis. Plura nimirum, & quidem insuperabilia, impedimenta occurrunt, quibus ejusmodi cognitio fit ei moraliter impossibilis. Nam 1. brevior est vita, quam ut satis sit ad tot tantarumque rerum cognitionem comparandam. 2. Acumen ingenii continuo ac indefesso, qualis requiritur, labore propter debilia sensuum organa prorsus obtunditur; juxta illud Sapientiæ 9. *Corpus, quod corrumpitur, aggravat animam, & terrena inhabitatio deprimit sensum multa cogitantem.* 3. Nullus unquam post Adami lapsum omnium omnino veritatum naturalium cognitionem assecutus est, quæcumque valuerit ingenio, quantumcumque diligentiam adhibuerit: ergo ea cognitio est homini lapsi moraliter impossibilis.

CONCLUSIO 2. Aliquæ veritates morales, licet ad bonum honestum moveant, cognosci possunt sine auxilio gratiæ per Christum.

Probatur. Veritates quæ Decalogo continentur, per se movent & excitant voluntatem ad bonum honestum; vix enim fieri potest, ut quis de hac veritate, *Parentes sunt colendi*, serio cogitet, quin ad cultum parentibus

tibus exhibendum excitetur: atqui veritates quæ decalogo continentur, possunt cognosci sine gratia per Christum. Quamvis enim intellectus humanus in naturalibus per peccatum originale debilitatus fuerit, tantum tamen infirmitatem non contraxit, ut adhibito diligenti & indefesso labore, colligere non possit conclusiones practicas, quæ proxime factem (ut Decalogi præcepta) ex primis morum principiis sequuntur. 2. Gentiles olim multa ex officio bona & honesta operati sunt, & nunc etiam operantur sine auxilio gratiæ per Christum: ergo a fortiori sine eodem auxilio potuerunt cognoscere veritates, quarum cognitio ad illa opera ex officio bona & honesta movere potuit.

Objicies 1. Nullum omnino verum cognosci potest sine cognitione, quia cognitio est essentialiter cogitatio: atqui nihil cogitare possumus sine Dei gratia per Christum, Apostolo teste 2. ad Corinth. 3. *Non quod (inquit) sumus sufficientes cogitare aliquid ex nobis, quasi ex nobis, sed sufficientia nostra ex Deo est.*

Concilium Milevitanum cap. 4. asserit, rerum agendarum cognitionem non minus esse donum Dei, quam ipsummet agere: *Utrumque (ait) Dei donum est, scire quid agere debeamus, & diligere ut faciamus*: ergo sine gratia veritates morales, saltem quæ ad praxim spectant, sine Dei per Christum gratia cognosci non possunt.

Concilium Arausicanum secundum Can. 9. expresse asserit, quod quicquid habemus veritatis, non ex nobis, sed ex Deo fit: *Divini muneris est, cum recte cogitamus*. Et ne quis rectam illam cogitationem ad supernaturalem cogitationem restringat, Concilium Can. 22. docet quod *Nemo habet de suo, nisi peccatum & mendacium*.

Resp. ad 1. Apostolum loqui de cogitatione, quæ ad salutem, ejusque consequendam media ordinem dicit: *Quod ergo (inquit Augustinus lib. 2. de Prædestin. Sanct. cap. 2.) pertinet ad religionem atque pietatem, de qua loquebatur Apostolus, si non sumus idonei cogitare aliquid quasi ex nobismetipsis, sed sufficientia ex Deo est; profecto non sumus idonei credere aliquid quasi ex nobismetipsis, quod sine cogitatione non possumus, sed sufficientia nostra, quo credere incipimus, ex Deo est.*

Resp. ad 2. Milevitanum Concilium loqui de cognitione eodem modo sumpta, quo cogitatio, de qua in loco mox laudato loquitur Apostolus. Ratio est, quia Concilii definitio est contra Pelagianos, qui fatebantur quidem, cognitionem legis observandæ esse Dei donum: *Adjuvat enim nos Deus per doctrinam & revelationem suam (inquit Pelagius apud Augustinum in libro de Gratia Christi, cap. 7.) dum cordis nostri oculos aperit, dum nobis: ne presentibus occupemur, fu-*

tura demonstrat, dum diaboli pandit insidias, dum nos multiformi, & ineffabili dono gratiæ celestis illuminat: sed negabant, dilectionem boni agendi esse donum Dei, seu negabant gratiam actionis: *Istam quippe gratiam, qua justificamur, id est, qua caritas Dei diffunditur in cordibus nostris per Spiritum Sanctum, qui datus est nobis, in Pelagii & Celestii scriptis, quacumque legere potui (ait idem Augustinus in eodem libro de gratia Christi, cap. 30.) nusquam eos inveni, quemadmodum confitenda est, confiteri*. Unde Concilium Milevitanum supponens, quod Pelagiani fatebantur, *donum Dei esse scire quid agere debeamus*, docet, id non satis esse, sed præterea credendum esse, Dei quoque donum esse, *diligere ut faciamus*. Unde consequens est, idem Milevitanum Concilium laudato canone loqui de cognitione, quæ ad justificationem conferat; non autem de cognitione, quæ ad illam nullum omnino ordinem dicat, cujasmodi est ea, quam in nostra conclusione ostendimus haberi posse sine Dei gratia per Christum.

Resp. ad 3. Concilium Arausicanum de cogitatione loqui eodem sensu sumpta, quo Concilium Milevitanum. Ratio est 1. quia loquitur de cogitatione, quæ cum animo a peccatis temperante conjuncta est: *Divini est muneris (inquit) cum & recte cogitamus, & pedes nostros a falsitate & injustitia continemus*. 2. Idem Concilium Can. 7. expresse ad salutis negotium determinat, ac restringit cogitationem, quam Canone 9. divini esse muneris definiit: *Si quis (inquit) per naturæ vigorem bonum aliquod, quod ad salutem pertinet vitæ æternæ, cogitare ut expedit, confirmat... heretico fallitur spiritu*. 3. Concilii Arausicani definitio est adversus Semipelagianos, qui initium salutis homini tribuebant: ut autem illud principium avertat, asserit, ne ipsam boni quidem agendi cogitationem, quæ primum inter preparatorios ad justificationem actus locum tenet, a nobis esse, sed ab illuminatione Spiritus Sancti.

Objicies 2. Quod a Deo postulamus, non est a nobis, sed contra Dei donum est: *Oratio (inquit August. Epist. 95.) est clarissima gratiæ testificatio*: atqui a Deo postulamus cognitionem veri, ac præsertim moralis, quod Decalogo continetur: *Da mihi intellectum (ait Rex Propheta Pl. 118.) & scrutabor legem tuam*: ergo verum morale, licet ordinis sit naturalis, cognosci non potest sine gratia per Christum.

Resp. conc. maj. dist. min. A Deo postulamus cognitionem veri in ordine ad Dei gloriam, & ad nostram salutem; conc. min. sine ordine ad Dei gloriam & nostram salutem, neg. min. Res quas non referimus ad Dei gloriam, male petuntur, ac proinde non petuntur per Christum: Christus enim mortuus non est, ut consuleret temporalibus bonis

bonis nostris, saltem in se sumptis; sed ut per ea ad spiritualia nos promoveret. Hincque patet, cognitionem veri, quod ad salutem non ordinatur, a Deo per orationem ab Ecclesia non peri, ac proinde male ex oratione concluditur, verum quod ad salutem non confert, sine gratia cognosci non posse.

Obijcies 3. Cognitio Decalogi, quæ movet affectum ad observanda Decalogi præcepta, disponit ad justificationem, saltem remote: ergo sine gratia comparari non potest.

Resp. dist. ant. Si illa cognitio moveat ad observationem Decalogi tamquam ad bonum conferens ad salutem, conc. ant. tamquam ad bonum honestum tantum, sed rationi naturali consonum, neg. ant. Ratio est, quia in multis Gentilibus fuit non tantum affectus, sed etiam ipsamet observatio plurium præceptorum Decalogi propter bonum honestum, saltem tamquam finem proximum; & tamen ille affectus, illa observatio non fuerunt ex gratia, cum ex Augustino libro 1. ad Simplicianum cap. 2. Deus in eligendis aut vocandis hominibus, ejusmodi affectus, aut observationis nullam omnino rationem habuerit.

Obijcies 4. Homo per peccatum factus est omnino cæcus: Unde a Gregorio Magno Hom. 11. in Evang. adumbratus dicitur cæcus illo, cui (ut habetur Luc. 18.) Dominus visum restituit. Atqui cæcus cæcitate mentis nullam veritatem per proprias vires potest cognoscere cujuscumque generis sit ea veritas: ergo, &c.

Resp. dist. ant. Homo per peccatum factus est omnino cæcus quoad veritates ordinis supernaturalis, hoc est, quæ conferunt ad salutem, conc. ant. scilicet amisit lumen fidei & scientiæ, quod Deus primis parentibus infuderat; quoad veritates ordinis naturalis, saltem divise sumptas, neg. ant. Alioquin enim homo lapsus nec prima etiam principia, *Totum est majus sua parte: bonum est faciendum, malum fugiendum*, per naturæ vires cognoscere posset, quod est absurdum.

Quares 2. utrum sine gratia elici possit actus prudentiæ.

Resp. elici posse circa aliqua: sic absque gratiæ auxilio, intellectus judicare potest præceptum de colendis parentibus, hic & nunc quoad substantiam saltem, seu quoad officium, observandum esse: E contra prudentia circa omnia præcepta, sine speciali auxilio Dei per Christum haberi non potest. Ratio est, quia prudentia circa omnia præcepta, etiam quoad substantiam & quoad officium sumpta, supponit appetitum circa omnia præcepta rectum & ordinatum: intellectus enim judicat pro variis voluntatis affectibus: at sine speciali per Christum gratia appetitus non est circa omnia præcepta rectus. Hinc licet Philosopho per demon-

strationem persuasum sit, Deum esse super omnia diligendum; non esse tentationi consentiendum: sine gratia tamen non judicat, hic & nunc Deum esse super omnia diligendum; hic & nunc non esse consentiendum tentationi: nec mirum; siquidem judicium illud semper cum praxi conjunctum est, nempe includit imperium, quo voluntas id agere jubetur, quod intellectus hic & nunc agendum esse judicat.

Q U Æ S T I O III

De necessitate Gratia ad bonum agendum.

Not. **E**Xpendendum est hic, utrum sine gratia bonum aliquod fieri possit; an sine illius auxilio servari possint Decalogi præcepta, saltem quoad substantiam; an necessaria sit ad diligendum Deum; ad superandas tentationes; ad vitandam peccatum mortale; ad vitanda venialia; ad perseverantiam finalem; ad resurgendum a peccato; & tandem an ad singulos actus requiratur.

Moveri autem possunt ex difficultates vel de homine per peccatum lapsus, vel de homine stante in originali justitia. Necesse est igitur, ut quæramus 1. utrum homo per peccatum lapsus aliquid ex iis, quæ mox appellata sunt, possit sine gratia; 2. an homo stans in justitia originali nonnulla, sine ejusdem gratiæ auxilio, potuerit.

C A P U T P R I M U M.

An homo per peccatum lapsus possit sine gratia bonum aliquod operari.

Not. **N**ON est hic quæstio de bono supernaturalis ordinis: Si enim (ut quæstione præcedenti dictum est) homo gratia destitutus, ne cogitare quidem possit de bono supernaturali, à fortiori illud sine gratia nec velle, nec operari potest. Tota igitur difficultas est de bono morali, quod sit ordinis naturalis, seu quod ad æternam salutem nihil omnino, sive remote, sive proxime, conferat.

A R T I C U L U S I.

Utrum Gratia habitualis sit necessaria ad agendum bonum morale, quod sit ordinis naturalis.

CONCLUSIO. Gratia habitualis, seu, quod idem est, gratia sanctificans, non est necessaria ad agendum bonum, quod sit ordinis naturalis.

Probatum 1. Gratia habitualis non est necessaria ad agendum bonum opus supernaturale, seu

seu quod ad salutem æternam disponit ac præparat: ergo a fortiori non requiritur ad bonum opus morale, quod sit ordinis naturalis, seu quod ad salutem æternam nec disponat, nec præparet.

Enthymematis antecedens sic ostenditur. Si gratia habitualis ad bonum opus supernaturale foret necessaria, sequeretur 1. opera impii, hoc est, hominis jacentis in statu peccati mortalis, etiam ex motu gratiæ propter Deum facta, esse peccata: nimirum impius, quamdiu est impius, non habet gratiam habitualement; quippe quod justificatio impii sit necessarius gratiæ habitualis effectus: atqui opera impii ex motu gratiæ propter Deum facta, non sunt peccata: *Si quis dixerit* (inquit Concilium Tridentinum sess. 6. can. 7.) *omnia opera quæ ante justificationem fiunt, vere esse peccata, anathema sit.*

Sequeretur 2. Dei mandata esse impio simpliciter & absolute impossibilia: scilicet, adjutus gratia etiam efficaci, ea observare non posset; quod tamen sine hæresi affirmari non potest: Nam (inquit post Augustinum Tridentina Synodus sess. vi. cap. xi.) *Deus impossibilia non jubet, sed jubendo monet facere quod possis, & petere quod non possis, & adjuvat ut possis.*

Sequeretur 3. impium in omnibus suis actibus, etiam ex gratia elicitis, servire cupiditati, quod est falsum: nempe damnata est hæc propositio a Pio Papa V. *in omnibus suis actibus peccator servit dominanti cupiditati.* Damnata est & hæc alia: *Omne quod agit peccator, vel servus peccati, peccatum est.*

Sequeretur 4. actus fidei, spei, caritatis inchoati, & poenitentia, qui ab impio ante justificationem eliciuntur, esse peccata, quod est hæreticum, cum ii actus impium ad justificationem præparent; ut definiit Concilium Tridentinum sess. 6. cap. 6.

Sequeretur tandem 5. omnia opera infidelium esse peccata; tantum enim abest, ut habeant gratiam habitualement, quin & actuali destituti sint ii qui nihil unquam de Evangelio audire potuerunt. At id falsum est; damnata enim fuit hæc Propositio a Pio Papa IV. *Omnia opera infidelium sunt peccata.*

Probatur 2. Ea gratia non est necessaria ad bonum agendum, sine qua fieri potest opus ex omni parte bonum, hoc est, tum ratione officii, tum ratione finis: atqui opus ex omni parte bonum fieri potest sine gratia habituali. Nam 1. Nemo dubitat, quin opus bonum ratione officii, fieri possit sine gratia habituali, cum & a Gentilibus (ut mox dicetur) fieri possit. 2. Non minus certum est, quod opus bonum ratione finis, sine eadem gratia fieri possit: nempe per fidem & inchoatam caritatem ad Deum referri potest: ergo, &c. Huc referri possunt tum Scri-

pura, tum Patrum sententiæ, quibus impij admonentur, ut se per fidei, caritatis, elemosynæ, aliorumque operum exercitium ad justitiam præparent: *Date elemosynam* (ait Christus Lucæ 11.) *& omnia munda sunt vobis. Facite* (inquit Joannes Baptista Matthæi 3. Phariseos & Sadduceos alloquens) *fructum dignum poenitentia.*

Objicies 1. In Scripturis eo nomine plura opera, alioquin in se optima, rejiciuntur, quod ab impiis fiant: *Quare* (inquit Deus ipse Ps. 29. peccatorem alloquens) *tu enarras justitias meas, & assumis testamentum meum per os tuum?* Isaïæ 1. *Ne offeratis* (ait Deus) *sacrificium frustra, incensum abominatio est mihi: ergo ad opus undequeque bonum, in operante requiritur gratia sanctificans.*

Resp. neg. ant. Siquidem opera, alioquin in se optima, quorum meminit argumentum, rejiciuntur, quod fierent ab impoenitentibus, immo & ad quodcumque scelus paratis, unde laudatis ex Psalmo 49. verbis hæc alia subjiciuntur: *Tunc vero odisti disciplinam, & projecisti sermones meos retrorsum. Si videbas furem, currebas cum eo, & cum adulteris portionem tuam ponebas.* Dici iterum potest, rejici ea, quod ob pravam finem, nimirum vanam gloriam, a Judæis fierent, aut saltem quod in iis exterioribus actibus, contempto interno Dei cultu, totam suam justitiam collocarent: *Populus hic* (ait Deus Isaïæ 29.) *labiis me honorat, cor autem eorum longe est a me.*

Objicies 2. Homo gratia sanctificante destitutus refert omnia sua opera in pravam finem, ad objectum nempe, in quo suum finem ultimum constituit; ergo quodcumque illius opus est malum, saltem ratione finis.

Resp. neg. ant. Nam 1. sicut homo justus non refert omnia ad Deum, licet in eo suum ultimum finem constituat, cum nonnunquam venialiter peccet: ita nec impius omnia refert ad eam creaturam, in qua finem suum simpliciter ultimum constituit. 2. Impius non agit semper tamquam impius, hoc est, ex cupiditate; sed agit aliquando ex motu Spiritus Sancti, nondum quidem inhabitantis, sed moventis, ex motu imperfectæ saltem & inchoatæ caritatis, id est, nondum quidem dominantis, sed impellentis & excitantis; at opus quod fit ex motu Spiritus Sancti, licet nondum inhabitantis, ex motu caritatis, quamvis nondum dominantis, non refertur in pravam finem: ac proinde quodcumque peccatoris opus non est peccatum. In homine impio, saltem quem excitat & movet Dei gratia, duæ sunt arbores; una, quæ mala est, cupiditas nimirum; altera, quæ bona est, caritas: utraque affert fructum sibi convenientem; mala quidem fructum malum, hoc est, peccatum; bona vero

vero fructum bonum, id est, integrum. Augustini est illud argumentum in libro de Gratia Christi c. 18.

ARTICULUS II.

Utrum aliqua gratia actualis requiratur ad agendum bonum morale, quod ordinis sit naturalis.

Not. 1. IN bono morali tria considerari possunt, substantia operis quod agitur; finis honestus ad quem ex se tendit; & tandem finis ultimus ad quem ultimo ab operante referri debet: sic in eleemosyna erogatio pecuniz, aut alterius rei utilis, est opus quod agitur; sublevatio alienz miserie, est finis ad quem ultimo ab operante referri debet.

Not. 2. Nemini dubium est, quin substantia operis alicujus moralis ab homine lapsio fieri possit sine gratiz actualis auxilio: sed questio est 1. an ab eodem homine operante substantia operis moralis possit sine gratia referri ad finem honestum; 2. an quoque sine ejusdem gratiz auxilio ad debitum finem ultimum ab operante referri valeat; 3. quodnam in specie sit ejusmodi gratiz auxilium.

CONCL. 1. Homo per peccatum lapsus potest sine gratia opus aliquod referre ad finem honestum.

Probatur. Finis honestus est ille qui recte rationi conveniens est, hoc est, quem approbat & precipit recta ratio: atqui homo lapsus potest aliquod opus referre in finem qui recte rationi conveniens sit, hoc est, quem approbet & prescribat recta ratio: ergo, &c. Probatur min. 1. Relatio, de qua agitur, ordinis est omnino naturalis. 2. Plerumque est omnino facilis, cum operans in aliquibus saltem casibus innata propensione in eam feratur, ut patet in matre, quz filio suppeditat alimenta, quz ad illius vitam sustentandam necessaria sunt: nempe movet eam amor quo filium deperit, ut erogationem alimentorum referat ad filii sustentationem, quz haud dabie finis est rationi conveniens. 3. Gentiles absque omni gratiz auxilio aliquando ejusmodi bona quondam operati sunt, hoc est, nonnulla ex suis operibus retulerunt ad finem rationi consentaneum: scilicet visi sunt aliqui, qui pudicitiam conjugalem servaverint, quod fides tori eam prescriberet; steterint promissis, quod id recta ratio juberet: *Alteri nefeceris, quod tibi fieri non vis*; depositum reddiderint, quod judicarent injustum esse retinere; operuerint nudos, ut eorum sublevarent miseriam; jus alteri fideliter dixerint, ut aequitati consulerent. 4. Quamvis ratio per peccatum debilitata fuerit, quamvis voluntas maximam contraxerit infirmitatem, nec illa quoad omnis veri moralis cognitionem, nec ista quoad

omnis moralis boni executionem omnino extincta est; ergo voluntas, absolute loquendo, potest sine gratia bonum aliquod ad finem honestum referre. De ea boni specie intelligendus est Augustinus in libro de Spiritu & littera, cap. 27. ubi asserit, apud impios Deum verum minime colentes, reperiri quzdam facta, quz, cum proximum finem honestum habeant, secundum justitie regulam non solum vituperare non possumus, verum etiam merito recteque laudamus.

Verum quamvis, absolute & metaphysice loquendo, homo lapsus nonnumquam propter finem honestum, hoc est, rationi convenientem, sine gratia operari possit; perraro tamen id in praxi contingit.

Et sane concupiscentia qua ardet, quzque in eo est altera veluti natura, fere semper eum pertrahit, ut bonum, etiam in seipso honestum, vel ad voluptatem, vel ad vanum aliquem alium finem referat: at cum urget ejusmodi tentatio, voluntas nunquam, si absit gratia, haret in operis honestate; scilicet (ut inferius suo loco dicitur) nulla omnino tentatio, ne levis quidem, sine gratiz auxilio superari potest.

Præterea ut homo lapsus operis honestati inhæreat, necesse est, ut statim post peractum opus alio mentem avocet suam: nempe summum alioquin erit periculum, ne ex operis honesti consideratione voluntas sibi complaceat: quo autem magis honestum fuerit peractum opus, eo præsentius imminet inanis gloriæ periculum, ut docet Augustinus in libro 4. contra Julianum cap. 3.

Hominem lapsum perraro inhærare honestati operum moralium, nisi Dei adjutorio roboretur, facile colligi potest ex veterum, qui sapientes habebantur, exemplo: nempe aut voluptati, aut humanæ laudi, aut ceteris animi libidinibus servierunt in iis etiam factis, quz maximam præ se ferebant honestatem.

Epicurei omnia sua studia in voluptatem, animi saltem, contulerunt: *Quales virtutes* (ait Augustinus capite 3. libri 4. contra Julianum, solvens hominis illius Pelagiani argumentum, petiit contra gratiz necessitatem ex antiquorum infidelium præclare factis) *Epicurus induxit voluptatis ancillas, quæ omnino quidquid facerent, propter illam vel adipiscendam facerent, vel tuendam.*

Stoici ipsa operum honestate, alioquin in se bona, ipso virtutum decore, gloriati sunt: nec mirum: quo enim (ut jam observavimus ex Augustino) mens sibi videretur melior, eo magis, si per gratiam non impediatur, in se ipsa tumescit: *Virtutes* (ait idem Augustinus libro 19. de Civitate Dei, cap. 25.) *cum ad se ipsas referuntur, nec propter aliud expetuntur, etiam tunc inflatz & superbae sunt:* (per accidens tamen, eo quod

quod tunc sint homini vano inanis complacentiæ occasio) & idcirco non virtutes, sed vitia iudicanda sunt.

Nulla gens præclare factis magis se commendavit, quam Romana, ita ut propterea Augustinus Epistola 107. asseruerit, *diabolum finire aliquos habere nonnulla veluti opera, in quibus laudantur per quasque gentes, præcipueque in gente Romana, qui præclare, glorioseque vixerunt.* At in illis præclare factis, Romani non eorum factorum honestati, sed inani gloriæ servierunt: *Veteres, primique Romani* (ait Augustinus lib. 15. de Civ. Dei, cap. 18.) *quantum eorum docet, & commendat historia, laudis avidi, pecuniæ libenter erant, gloriæ ingentem, divitiarum honestas volebant: hanc ardentissime dilexerunt, propter hanc vivere voluerunt, pro hac & mori non dubitarunt. Ceteras cupiditates hujus unius ingenti cupiditate prefferunt: ipsam denique patriam, quoniam servire videbatur inglorium, prius omni studio liberam, deinde dominam esse concupierunt.*

Quod generaliter de tota gente Romanorum asseruerat Augustinus, asseruit quoque de privatis, qui præ ceteris virtuti studuisse videbantur. Nam de Bruto qui liberos suos pro patriæ incolumitate interemerat, ait, *quod eum vicerit laudis immensa cupido.* De Camillo, quod Patriam iacirco a Gallis iterum liberaverit, *quia non habebat potius, ubi posset vivere gloriosus.* De Marco Pulvillo qui filium insepultum abjici præceperat, *quod in ejus corde orbitatis dolorem gloriæ cupiditas vicerat.* De Marco Regulo, quod ideo reversus fuerit ad Carthaginienses, quia, sicut ipse responderat: *Postquam Afris servierat, dignitatem illic honesti civis habere non poterat.* De Lucii Valerii, Quinti Cincinnati, Fabricij, & similium paupertate, divitiarumque contemptu, quod sic vixerint *pro conservanda gloria Romanorum.* De Catone, quod honores quos petiit, petere non debuerit. De Cajo Casare, quod *laudis aviditate, gloriæque cupiditate exercitum, bellumque novum expectaret.* Ubi S. Doctor hæc de probatoribus Romanis fuisse prosecutus est, hanc de ceteris sententiam profert: *Hæc sunt duo illa, libertas & cupiditas laudis humane, quæ ad facta compulere miranda Romanos.*

CONCL. 2. Homo lapsus non potest sine gratia deliberatum aliquod opus ad debitum finem ultimum referre.

Probat. Debitus ultimus finis cujuscunque actus deliberati est solus Deus: atqui homo lapsus non potest sine gratia deliberatum aliquod opus ad Deum referre: ergo nec ad debitum finem ultimum.

Major argumenti Propositio variis rationibus ostenditur hujus operis parte 7. ubi dicemus de præcepto, quo quilibet homo iure naturali tenetur omnia in Dei gloriam

referre. Minor itaque sic ostenditur: Creatura rationalis non potest aliquod suum opus ad Deum referre, nisi illum amet, saltem imperfecte: Nemo enim agit propter aliquem finem, nisi pondere aliquo in eum feratur: *pondus* (inquit Augustinus Enarratione 1. in Psal. 29.) *est impetus quidam cujusque rei conantis ad locum suum.* Pondus autem creature rationalis non aliud est, quam illius amor: *Amor meus* (ait idem S. Doctor lib. 15. Confessi. 9.) *pondus meum, illo feror quocumque feror.* Sed homo lapsus non potest sine gratia Deum amare, vel imperfectissime, nec ut auctorem naturæ, nec ut auctorem gratiæ. Scilicet sine gratia non potest agere contra ardentissimum & efficacissimum amorem, quo seipsum & res creatas prosequitur: ac proinde suum affectum convertere non potest ad Deum, a quo per peccatum originale omnino averfus factus est. Vide quæ hujusce capituli articulo 3. de eodem argumento dicuntur.

ARTICULUS III.

Quæ gratia actualis necessaria sit, ut actus deliberati ad ultimum finem referantur.

Not. Auctores, quibus placet, hominem lapsum non posse sine gratia referre aliquod opus ad debitum finem ultimum, non conveniunt, cujus generis sit ejusmodi actualis gratia.

Gregorius Ariminensis, Cardinalis Rosensis, & plures alii, contendunt, esse gratiam fidei, hoc est, gratiam, quæ concedatur homini jam in Deum ex revelatione credenti, aut saltem homini jam per divinum auxilium habenti affectum illum credulitatis, de quo loquitur Concilium Arausicanum II.

Contentonius, ex inelyto Dominicanorum Ordine pius & doctus Theologus, scripsit, eam gratiam non semper in subjecto, cui conceditur, præsupponere fidem, aut effectum credulitatis; immo contendit dari nonnumquam iis qui de revelatione nihil audierunt, ita ut (inquit) is cui lumine naturali persuasum est Deum existere, illumque esse summum creature rationalis bonum, auxilio moveatur & excitetur ad referendum suum opus ad Deum.

Gabriel Valquez, qui censet hominem non teneri omnia sua opera deliberata ad finem simpliciter ultimum, hoc est, ad Deum, referre, docet tamen, opus aliquod referri non posse in finem honestum, seu rationi consentaneum, sine speciali Dei auxilio; quod quidem, quamvis sit ex meritis Christi, ordinis tamen sit omnino naturalis, tum quod ad finem naturalem referatur, scilicet ad honestatem rationi convenientem: tum

quod

quod non supponat motivum aliquod supernaturale; ac proinde ad salutem nihil omnino conferat.

CONCLUSIO. Gratia actualis quæ necessaria est, ut homo lapsus opera sua in debitum ultimum finem, Deum nempe, referat, in subiecto præsupponit gratiam fidei.

Probatur 1. Fides, aut quæ ordinantur ad fidem, ut cogitatio de revelatione, affectus credulitatis, auditus Evangelii ex illo credulitatis affectu, sunt primus gratiæ actualis effectus: ergo ante gratiam fidei non datur aliqua gratia actualis, per quam non credens opus suum ad Deum referat. Probatur ant. ex Augustino, qui libro de Prædestinatione Sanctorum sic loquitur: *Fides prima datur, ex qua impetrentur cetera.* Idem S. Doctor in Præfatione in Pl. 31. expresse docet, quod, ubi non est fides, non sit aliquod opus bonum bonitate petita ex relatione ad debitum ultimum finem; nam S. Doctor (ut huiusce capituli articulo 1. ostendimus) agnovit posse reperiri ante fidem bonum opus bonitate petita ex fine proximo, seu ex operis honestate, quam operans sibi proponere potest: *Nemo, inquit, computet bona opera sua ante fidem: ubi fides non erat, bonum opus non erat.* Nec mirum, nempe ad opus bonum bonitate finis ultimi requiritur, ut operans sibi finem illum ultimum proponat: at sibi eum non proponit, nisi per fidem dirigatur: *Bonum enim opus (inquit) intentio facit, intentionem fides dirigit.* Rem eandem aliis terminis tradit in Psalmum. 67. asserit enim, eum qui in Deum non credit, non agere propter Deum: *Ea quippe (inquit) sola sunt bona opera (bonitate finis ultimi) quæ fiunt per dilectionem.* Ad hoc autem necesse est, ut antecedat fides; quoniam nullus operatur per dilectionem Dei nisi prius credat in Deum.

Probatur 2. nostra conclusio. Nulla gratia actualis datur impiis ante auxilia, quæ ad fidem præparant; ergo gratia quæ necessaria est, ut quis aliquod opus ad debitum ultimum finem referat, non præcedit fidem. Probatur ant. Ea gratia data non fuit iis qui Deum ignorarunt, & quos Apostolus ad Ephesios 2. scribit, *Sine Deo in hoc mundo fuisse*; de quibus Propheta Regius Pl. 78. hæc ait: *Effunde iram tuam in gentes; quæ te non noverunt, & in regna quæ nomen tuum non invocaverunt.*

Collata quoque non est impiis, quibus ante Evangelium Deus nonnullam suæ existentie cognitionem impertitus est, & de quibus Apostolus hæc ait: *Quia quod notum est Dei, manifestum est in illis; Deus enim illis manifestavit*; siquidem, si data eis fuisset ejusmodi gratia, quidam Deum amavissent ac coluissent, ex iis nonnulli Deum glorificassent, aliqui ei gratias egissent: nempe si ea

gratia hominibus illis data fuisset, nonnulla sua opera ad eum tamquam ultimum finem retulissent; quod quidem sine quadam glorificatione, & quadam gratiarum actione fieri non potest, cum relatio illa sine amore non fiat, & amor sit ipse Dei cultus, juxta illud Augustini lib. 13. de Trin. c. 14. *Et quid est cultus ejus, nisi amor ejus?* Atqui homines illi nulla ratione Deum glorificarunt, nusquam ei gratias egerunt: *Quia (inquit Apostolus) cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis, & obscuratum est inspicere cor eorum.*

Præterea si quæ gratia præcederet fidem, aut ea saltem quæ ad eam ordinantur, opera ex illo auxilio facta, essent justificationis initium, nempe bonam voluntatem includerent, & quidem supernaturalem; gratia etiam, ex cujus adjutorio opera illa fierent, non esset ex liberalitate Creatoris, sed ex beneficio Redemptoris: atqui absurdum est consequens; nec enim conciliari potest cum his verbis Concilii Tridentini sess. 6. cap. 8. *Ideo per fidem justificari dicimur, quia fides est humana salutis initium, fundamentum, & radix omnis justificationis, sine qua impossibile est placere Deo.*

Confirmatur iterum. Impius, cui fides deesset, qui tamen ex auxilio gratiæ suum opus ad Deum referret, esset, quoad hoc, arbor bona; ac proinde illius opus non posset esse sterile ad vitam æternam. Ita ratiocinatur Augustinus lib. 4. contra Julianum, cap. 3. *Quomodo igitur, obsecro, non aut joculari in his disputationibus, aut deliras, qui sterilium fructum arborum laudas? Qui utique, aut nulli sunt, aut si mali sunt, laudandi non sunt: aut si fructus boni sunt, profecto steriles arbores non sunt, immo & bonæ sunt, quarum fructus boni sunt, & debent Deo placere, cui bonæ arbores non possunt nisi placere, falsumque erit, quod scriptum est: Sine fide impossibile est placere Deo.* Legendum est totum cap. 3. lib. 4. contra Julianum, ut Augustini de eorum, qui sine fide agunt, operibus doctrina accurate intelligatur.

Obicies 1. Deus infideles, quibus nunquam daturus est fidem, movet ad quædam bona opera: ergo nec fides, nec ea quæ ad fidem ordinantur, sunt prima gratia, quæ infideli conceditur. Probatur ant. variis exemplis. De Polemone, quem Xenocrates ebrium in suas scholas ingressum, de fruge temperantiæ disputando, in alios mores repente convertit, Augustinus sic loquitur Ep. 130. *Et ne idipsum quidem, quod melius in eo factum est, humano operi tribuerim, sed divino.*

In lib. Esther, c. 15. hæc habentur, *Convertitque Deus spiritum Regis in mansuetudinem*: Quo quidem Scripturæ loco utitur Augu-

Augustinus in lib. de Gratia Christi, c. 24. ut probet, Deum bonas voluntates in cordibus hominum operari: *Intueamur* (inquit) *atque fateamur, non lege atque doctrina resonante, sed intrinsecus, sed interna atque occulta mirabili atque ineffabili potestate operari Deum in cordibus hominum, non solum veras revelationes, sed etiam bonas voluntates.*

Idem S. Augustinus in lib. de Patientia, cap. 26. docet, nulla modo culpandam, immo vero laudandam esse patientiam, qua schismaticus quispiam pericula, gladium, ipsamque crucem patitur, ne Christum coram infideli tyranno neget. Cap. 27. asserit, eam schismatici patientiam Dei donum esse: *Proinde* (inquit) *sicut negandum non est hoc etiam esse donum Dei.*

Idem S. Doctor pudicitiam conjugalem, quæ a nonnullis Gentilibus accurate servatur, adscribit Dei dono: *Quis autem* (ait de pudicitia agens l. 1. de Nuptiis & Concup. c. 3.) *audet dicere donum Dei esse peccatum? Eidem quoque dono adscribit propensum, qui in nonnullis Gentilibus visus est, animum ad sublevandam pauperum & egenorum miseriam. Docet idem de aliis Gentilium virtutibus ferri debere iudicium: Quanto ergo* (inquit lib. 4. cont. Julian. c. 3.) *tolerabilius illas, quas dicis in impiis esse virtutes, divino muneri, quam eorum tribueres tantummodo voluntati; licet ipsi hoc nesciant, donec, si ex illo sunt predestinatorum numero, accipiant Spiritum S. qui ex Deo est, ut sciunt quæ a Deo donata sunt eis.*

Ex iis momentis evidenter colligi videtur, nec fidem, nec ea quæ ad fidem præparant, esse primam gratiam, quæ infideli conceditur; ac proinde nihil obstat, quin asseratur, Deum per interius auxilium movere infideles quosdam, ut ad ipsum per lumen rationis cognitum nonnulla ex suis operibus referant.

Resp. conc. ant. dist. conseq. Ergo nec fides, nec ea quæ ad fidem ordinantur, sunt prima gratia, quæ infideli conceditur in ordine ad finem honestum, conc. conseq. in ordine ad finem ultimum, neg. conseq. Deus infideles, quibus nusquam daturus est fidem, aliquando movet, ut sibi finem honestum proponant in externis actionibus, quas operantur, & in eo sensu illa opera sunt Dei dona; sed eos non movet, ut ea opera referant ad debitum ultimum finem. Unde quamvis cum Augustino concedatur, Polemonis temperantiam, quorundam Gentilium pudicitiam conjugalem, schismatici, ne Christum abneget, morientis constantiam, esse Dei dona quantum ad illum finem honestum, quem sibi homines illi proponunt, quemque sibi alioquin, urgente præsertim tentatione, non proponerent, esse Dei donum; non sequitur tamen, fidem non esse

se primam gratiam homini datam in ordine ad finem ultimum, qui (ut jam diximus) non alius est quam DEUS ipse amore fructivo possidendus.

Obiicies 2. Cornelius Centurio sine fidei auxilio eleemosynas suas ad Deum retulit: ergo gratia fidei non est necessaria, ut quis bona opera ad Deum referat. Probatur ant. Cornelii eleemosynæ, antequam fidem a Petro fuisset edoctus, a Deo ipso probata sunt: sic enim antequam Petrus eum adisset, eum in visu Angelus Dei allocutus est Actorum 10. *Orationes tuæ & eleemosynæ tuæ ascenderunt in memoriam in conspectu Dei: Atqui Cornelii eleemosynæ a Deo probatae non fuissent, nisi Cornelius eis ad Deum retulisset: ergo gratia fidei non est necessaria, ut quis bona sua opera ad Deum referat.*

Resp. neg. ant. Scilicet licet Cornelius Centurio explicitam in Christum fidem non haberet, antequam Petrus eum adisset; habebat tamen explicitam fidem in Deum, & implicitam in Christum mediatorem. Desumpta est ea solutio ex Augustino, qui in libro de Prædestinatione Sancti. cap. 7. sic loquitur: *Solet dici, ideo credere meruit, quia vir bonus erat, antequam crederet: quod de Cornelio dici potest, cuius acceptæ sunt eleemosynæ, & exaudite orationes, antequam credidisset in Christum. Nec tamen sine aliqua fide donabat, & orabat. Nam quomodo invocabat, in quem non crediderat? Sed si posset sine fide Christi esse saluus, non ad eum edificandum mitteretur architectus Apostolus Petrus.*

Confirmatur responsio. Cornelius ex Iudæorum conversatione Deum verum, ceteraque vitæ futuræ mysteria didicerat, ac proinde credebatur ea quæ illi credebant: ergo cum Iudæi crederent in Deum, & in Mediatorem Dei & hominum, & ex illa fide orarent, aliaque obirent pietatis officia: ita & ex earundem rerum fide Cornelius, antequam a Petro explicitam in Christum fidem doctus fuisset, suas eleemosynas erogaverat; unde fide explicita in Deum, & implicita in Christum, venit ad explicitam Christi ejusque mysteriorum fidem, quæ post Evangelium promulgatum necessaria est necessitate medii, ut ad calcem tractatus nostri de Incarnatione probavimus.

C A P U T II.

An præcepta Decalogi sine gratia servantur possint.

Nor. 1. **P**Ræcepta Decalogi considerari possunt, vel secundum substantiam, vel secundum modum, Priore modo sumpta nihil aliud sunt, quam officium, quod per ea aut præcipitur, aut prohibetur;

qcc.

accepta vero posteriori modo, prater officium dicunt finem ultimum, ad quem ab operante ultimo referri debent. Non est hic quaestio de praeceptis Decalogi secundo modo acceptis; Jam enim fufe ostendimus, neminem sine gratia operari posse propter DEUM, ultimum creaturae rationalis finem. Tota igitur difficultas est de praeceptis acceptis priore modo, seu secundum substantiam.

Not. 2. Circa propositam quaestionem duae sunt auctorum sententiae. Prima quae tribuitur Scoto, docet, hominem lapsum posse sine gratia singula Decalogi praecepta quoad substantiam observare: altera vero quae est Sancti Thomae, contendit eundem hominem posse nonnulla Decalogi praecepta secundum substantiam implere, sed non omnia.

CONCLUSIO 1. Homo lapsus potest sine gratia observare nonnulla Decalogi praecepta quoad substantiam accepta.

Probatur. Ex observatis, praecepta Decalogi secundum substantiam sumpta, nihil aliud sunt quam officia, quae per ea aut praeceptantur, aut vetantur: atqui quorundam praeceptorum officia servari, aut omitti possunt sine gratia: nempe licet liberum hominis arbitrium multam per peccatum infirmitatem contraxerit, non est tamen omnino extinctum: ergo potest exequi quaedam ex officiis, quae Decalogo praescribuntur, aut quaedam ex iis omittere quae vetantur.

Confirmatur argumentum ex Augustino, qui (ut praeced. quaest. dictum est) aperte lib. 4. cont. Julian. c. 3. docet, in nonnullis Gentilibus visa fuisse plurium virtutum officia; scilicet reperti sunt, qui tori fidem servarunt, qui cultum exhibuerunt parentibus, qui suis opibus alienam miseriam sublevarunt, qui a perjurio, homicidio, pluribus aliis externis vitiis Decalogo vetitis temperarunt. Idem videre est in obsecratis Aegyptiis, quae iniquo Pharaonis praecepto de interficiendis omnibus Hebraeorum masculis non obtemperarunt; & quidem ita, ut actu illi in se honesto, mercedem temporalem Deus ipse rependerit.

CONCLUSIO 2. Homo lapsus non potest sine gratia servare singula praecepta Decalogi, etiam quoad solam substantiam accepta.

Probatur 1. Homo lapsus (ut quaestione proxime sequenti probabitur) non potest sine gratia Deum, etiam ut auctorem naturae, super omnia diligere. 2. Non potest quoque servare praeceptum, quo prohibetur, ne voluntas titillanti concupiscentiae consensum praebet: neque enim servatur illud praeceptum sine victoria ex tentatione: at nulla tentatio, vel levior & minima, sine gratia (ut dicetur inferius) servari potest. 3. Quorundam praeceptorum substantia difficilis est observata: ut sunt, nemini malum inferre,

bonum e contra pro occurrentibus occasionibus proximis etiam inimicis impendere; at homo in statu naturae lapsae, utpote maxime debilis, ea non potest, quae difficilia sunt: ergo, &c.

Probatur 2. ex Scriptura. Quod ad justificationem confert, servari non potest sine gratia; alioquin enim homo per naturae vires se se prepararet ad gratiam, quod quidem asseri non posse, demonstrabitur inferius: atqui observatio omnium & singulorum mandatorum Decalogi confert ad justificationem; juxta illud ad Rom. 2. *Factores legis justificabantur*: cui consonant haec Christi verba Matthaei 23. *Si vis ad vitam ingredi, serva mandata*.

Praeterea si tota Decalogi lex servari posset sine gratia, aliqui homines non adjuti Dei gratia eam legem aliquando servassent, quod enim est possibile, in aliquibus saltem reperiri debuit: sed nemo unquam non adjutus gratia, servavit omnia ac singula Decalogi praecepta: hinc Paulus ad Rom. 3. scribit, *Judeos & Graecos*, sibi ipsis permisos, *omnes sub peccato esse*; additque, *Omnes declinaverunt, simul inutiles facti sunt, non est qui faciat bonum, non est usque ad unum*. Idem Apostolus ejusdem Epist. c. 7. scribit, hominem carnalem, hoc est, qui per Dei gratiam factus non est spiritualis, suis passionibus servire: *Cum (inquit) effemus in carne, passiones peccatorum, quae per legem erant, operabantur in membris nostris, ut fructificarent morti*. Sed qui passionibus servit, qui morti fructificat, non servat omnia & singula Decalogi praecepta: ergo, teste Scriptura, servari non possunt.

Probatur 3. ex Traditione. Concilium Milevitanum, quod habitum est in causa Caelesti, haec habet can. 5. *Quicumque dixerit, ideo nobis gratiam iustificationis dari, ut quod facere per liberum jubemur arbitrium, facilius implere possimus per gratiam, tamquam, etsi gratia non daretur, non quidem facile, sed tamen possumus etiam sine illa implere divina mandata, anathema sit*. Primum Concilium Carthaginense in Epistola Synodica ad Innocentium, quae est 90. inter Augustinianas veteris editionis, testatur Pelagianos fuisse damnatos, quod dicerent, *in eo Dei gratiam esse deputandam, quod talem hominis instituit, creavitque naturam, quae per propriam voluntatem legem Dei posset complere, sive naturaliter in corae scriptam, sive litteris datam*. Idem docet, eademque ratione loquitur Innocentius Papa I. in Epistola ad Patres Concilii Carthaginensis. Idem quoque Celestinus in Epistola ad Galliarum Episcopos.

Respondent adversarii, Scripturam, Concilia, Summos Pontifices, Patres, iis locis, in quibus asserunt, Dei mandata non posse servari sine gratia, non intelligi de praeceptis

ptis Decalogi, seu quæ juris sunt naturalis, sed tantum de præceptis juris positivi divini, ut est præceptum fidei, aut saltem, si intelligantur de præceptis Decalogi, loqui eos de præceptis sumptis secundum modum, secundum quem fieri debent, hoc est, ex imperio caritatis: aut tandem de præceptis, prout eorum observatio confert ad justificationem, & ad vitam æternam consequendam.

Sed nullius momenti sunt ex responsiones. Nam 1. Apostolus c. 3. Epistolæ ad Rom. ubi asserit, Judæos & Græcos legis reos esse, expresse loquitur de lege morali seu quæ Decalogo, aut explicite, aut implicite saltem, continetur; laudat enim hæc Prophetæ Regii verba: *Sepulcrum patens est guttur eorum, linguis suis delese agebant: venenum aspidum sub labiis eorum*. 2. Synodica Concilii Carthaginienensis expressam quoque mentionem facit legis Decalogi, cum damnat Pelagium, quod contenderet, ab homine lapso & legem in corde scriptam, & legem litteris consignatam posse sine gratiæ auxilio observari. 3. Patres ad nostræ conclusionis defensionem laudati, non loquuntur solum de fidelibus, quibus observatio positiva legis præscripta est, sed etiam de infidelibus, qui sola lege naturali tenentur: ac proinde cum definiunt, legem sine gratia servari non posse, intelliguntur præcipue de lege naturali, quæ continetur Decalogo, aut quæ ad eam reducitur. 4. Et Scriptura & Patres de ea lege loquuntur, ad cujus observationem promovendam Christus præcipue venit: atqui Christus venit præcipue, ut legis naturalis observationem promoveret, hoc est, legis illius, quam ex hominum & mente & cordibus peccatum deleverat. 5. Scriptura & Patres impossibilitatem servandi divina mandata sine gratiæ auxilio non repetunt ex supernaturalitate illorum mandatorum, sed ex infirmitate, quam homo per peccatum contraxit: ergo non loquuntur de Decalogo sumpto secundum modum, hoc est, prout aliquid confert ad vitam æternam, prout est meritoria; sed de Decalogo secundum substantiam accepto.

Solvitur argumentum desumptum ex cap. 2. Epistolæ ad Romanos.

Objicies. Mandata quæ a Gentilibus naturaliter observata sunt, possunt observari sine gratia: atqui mandata Decalogi a Gentilibus naturaliter observata fuerunt; id enim expresse testatur Apostolus ad Roman. 2, ubi sic loquitur: *Cum enim gentes quæ legem non habent, naturaliter ea quæ legis sunt, faciunt, ejusmodi legem non habentes, ipsi sibi sunt lex*. Nec responderi potest, Apostolum loqui de gentibus ad fidem conversis: siquidem gentes ad fidem conversæ legem habent; scilicet fideles omnes per fidem & baptismum,

Christi legem amplexi sunt, cum e contra gentes, de quibus agit Apostolus, sine lege fuerint: *Qui (inquit) legem non habent; ergo, &c.*

Resp. dist. maj. Mandata quæ a Gentilibus naturaliter observata sunt, possunt observari sine gratia, si vox illa *naturaliter* sumatur per oppositionem ad gratiam, conc. maj. si sumatur tantum per oppositionem ad solam legem scriptam, neg. maj. Hoc autem postremo sensu vocem *naturaliter* ab Apostolo sumi docet Augustinus in libro de spiritu & littera cap. 27. *Non moveat (inquit) quod naturaliter dixit, eos quæ legis sunt, facere: hoc enim agit Spiritus gratia, ut imaginem Dei, in qua naturaliter facti sumus, insinuet in nobis.*

Instabis 1. Apostolus loquitur de gentilibus ad fidem minime conversis, seu de infidelibus: atqui infideles non habent gratiam ad servandum Decalogum requisitam, cum juxta principia S. Augustini & S. Thomæ, prima gratia sit fides, seu nulla ante fidem homini lapso gratia conferatur: ergo vox *naturaliter*, in Apostoli textu, non sumitur tantum per oppositionem ad legem scriptam, sed etiam per oppositionem ad gratiam.

Resp. neg. maj. Variis nimirum argumentis ostendi potest, Apostolum loqui de gentilibus, Christi Mediatoris fidem jam imbutis.

Primo, Apostolus in Epistola ad Romanos cap. 3. docere voluit, & cap. 7. concludit, sine fide Christi omnes tam Judæos, quam Græcos sub peccato esse; omnes declinasse; omnes inutiles factos esse; in omnibus locum habere Prophetæ verba: *Sepulcrum patens est guttur eorum*, &c. at illi scopo Apostoli contraria esset sententia, quæ asseretur, gentes sine fide Mediatoris, sine auxilio gratiæ, legem naturalem, seu Decalogum observasse.

2. Apostolus loquitur de legis observatione, quæ conferat ad justificationem: scilicet verbis, de quibus hic agitur, ista immediate præmittit; *Non enim auditores legis justi sunt apud Deum, sed factores legis justificabuntur*: sed infideles non ita observant legem, ut ea observatio ad justificationem conferat: ergo loquitur de gentilibus ad fidem conversis.

3. Loquitur de operibus, quibus Deus vitam æternam in mercedem daturus est: *Qui (inquit) reddet unicuique secundum opera ejus, iis quidem qui secundum patientiam boni operis, gloriam, & honorem, & incorruptionem querunt, vitam æternam.... Gloria autem & honor & pax omni operanti bonum, Judæo primum & Græco.*

4. Apostolus ad capitis calcem, eum quem dixerat, naturaliter ea quæ legis sunt, facere, vocat Judæum in abscondito, & justitiam ejus circumcisionem cordis in Spiritu, non littera; cujus laus non ex hominibus, sed ex Deo est: At ea de Gentibus a Christo alie-

alienis, aut de illorum operibus, dici minime possunt: ergo, &c. Nec obstat, quod Apostolus dicat, gentes, de quibus loquitur, esse sine lege: *Cum enim* (inquit) *gentes quae legem non habent, naturaliter ea, quae legi sunt, faciunt*, &c. non obstat (inquam) siquidem lex Christi non est lex scripta, sicut fuit olim lex a Moyse promulgata: tum quod praeter legem naturae, & fidem mysteriorum pauca Christus imperaverit; tum quod lex Christi magis consistat in spiritu & gratiae donis, quibus impleantur mandata, quam in praeceptis, quae jubemur implere: unde Christus ipse nihil scripto reliquit, ea vero quae ab Apostolis scripta sunt, ex occurrentibus tantum occasionibus, dictante Spiritu sancto, litteris consignata fuerunt.

Instabis 2. Patres textum Apostoli, de quo est quaestio, passim intelligunt de gentibus nondum ad fidem conversis: scilicet exponitur a Chrysostomo de gentibus quae Christi adventum & Evangelicae gratiae tempus praecesserunt, de quibus ait quod eo majori admiratione dignae sint, quod sine scripta aliqua lege, omnia, quae legis sunt, executioni mandaverint. Theophylactus & auctor Commentarii in Paulum in eandem sententiam abierunt. Hieronymus in caput 29. Ezechielis expresse eundem Apostoli locum de idololatriis exponit.

Resp. ad 1. neg. ant. Ad 2. dist. ant. Chrysostomus locum illum intelligit de gentibus fidelibus, quae Christi adventum praecesserunt, conc. ant. de gentibus infidelibus, neg. ant. Antequam Christus in lucem prodiret, nonnulli fuerunt extra populum Judaicum, qui explicite in Deum & implicite in Christum credentes, sine externae legis auxilio, sed non sine gratia, legem naturalem servarunt; de iis gentibus, non autem de infidelibus, Chrysostomus Apostoli textum explicuit, id enim perspicue docent ipsa S. Doctoris verba, quae sic habent: *Gentiles hic appellantur, Apostoli, non est qui idololatra essent, sed est qui Deum colerent, qui naturae legi parent, exceptis Judaicis caeremoniis, ea tantum quae ad pietatem conferrent, observarent, qualis erat Melchisedech cum suis omnibus, qualis erat Job, quales erant Ninivitarum, qualis erat Cornelius*. Ad 3. dicendum est, alios Patres, qui locum, de quo agitur, interpretati sunt de gentibus a Christi fide alienis, sensisse, eas gentes non omnia quae legis sunt, sed aliqua tantum observasse, & quidem faciliora, qualia sunt, cultum parentibus impendere, reddere depositum, ius litigantibus dicere, non pejerare. Idque praesertim patet in Hieronymo, qui eo Apostoli textu utitur, ut commendat Nabuchodonosor Regem, quem constat legem naturae permixtis in capitibus infregisse. *Juvenin. Inst. Theol. Tom. III.*

Privatis tamen Theologis non licet censuram inurere oppositum sentientibus: unde a Pio Papa V. merito proscripta fuit haec propositio: *Cum Pelagius sentiant, qui textum Apostoli ad Romanos, Gentes quae legem non habent, naturaliter ea quae legis sunt, faciunt, intelligunt de gentibus fidei gratiam non habentibus*: ergo, &c.

Solvuntur quaedam alia Scripturae loca.

Objicies 1. Apud Isaiam cap. 44. de Cyro, viro idololatra, praedicatur, quod omnem Dei voluntatem complebit. Cap. 46. Deus eum vocat, virum voluntatis suae. Unde sic arguitur: Cyrus, utpote idololatra, caruit auxilio gratiae quae per Christum a Deo datur; atqui tamen omnia legis naturalis praecepta servavit; ex Isaiā nempe omnem Dei voluntatem complevit; ergo omnia & singula praecepta legis naturalis possunt, saltem secundum substantiam, servari, sine gratia Dei per Christum.

Resp. ad 1. conc. maj. neg. min. Ad 2. dist. ant. Cyrus complevit omnem Dei voluntatem beneplaciti, conc. ant. voluntatem signi, neg. ant. Impii complent semper eam Dei voluntatem, quae a Theologis dicitur voluntas beneplaciti, quia sive de ea cogitent, sive non cogitent, Deus per eos exequitur, quod aeterno & absoluto suo decreto statuit; non implent vero voluntatem signi, hoc est, praecepta quae sunt signum extrinsecum divinae voluntatis. Unde Prophetiae sensus est: *Quae praedico & promitto de populo meo & captivitate liberando, & in terram suam reduciendo, de templo & civitate restauranda, ea omnia Cyri iussu & imperio implebuntur*. Confirmatur ex eo, quod Cyrus homo fuerit idololatra, sanguinarius, & alienorum Regnorum invasor injustus, ut ex historiis patet: at perabsurdum est dictu, hominem idololatram, sanguinarium, & alienorum Regnorum invasorem servasse omnia legis naturalis, quae ad Decalogum reducitur, praecepta.

Objicies 2. Marci 80. quidam a Domino iussus servare mandata, respondit, se ea a juventute servasse; *Hac omnia observavi a juventute mea*: quod autem non fide, sed vere observasset, Marcus non obscure innuit, cum haec scribit; *Jesus autem intuitus eum, dilexit eum*: Atqui vir ille gratiam non habuit; neque enim adhuc credebatur in Christum: ergo omnia mandata legis naturalis possunt, saltem secundum substantiam, sine gratia servari.

Resp. 1. neg. min. Nec obstat argumentum, cum enim homo ille Judaeus esset, explicite in Deum, & implicite in Christum fide imbutus erat; ac proinde potuit habere gratiam actualem, per quam Decalogi mandata servavit.

Resp. 2. dist. maj. Respondit, se a juventute servasse haec omnia, hoc est, officia in

H

p:o-

proximum, de quibus Christus locutus fuerat: *Præcepta nassi, Ne adulteres, Ne occidas, Ne fureris, Ne falsum testimonium dixeris, Ne fraudem feceris, Honora patrem tuum & matrem*, conc. ant. Respondit; se servasse hæc omnia, hoc est, omnia omnino legis præcepta, neg. maj. Neque enim primum observaverat: scilicet implicatus erat amore suarum possessionum, in eisque suam ponebat fiduciam: siquidem invitatus a Christo, ut divitias suas relinqueret, non adqueievit, sed (ut ait Evangelista) abiit tristis: inde vero Christus tacite eum culpans, occasionem sumpsit hanc proferendi sententiam: *Quam difficile est, confidentes in pecuniis in Regnum Dei introire*: at divitiarum amor, quo vir ille tenebatur, fiducia quam habebat in pecuniis, non cohereret cum observatione primi & maximi mandati: *Diliges Dominum Deum tuum ex toto corde tuo, &c.* Nec obstat, quod *Iesus cum intuitus, dilexit eum*: non enim dilexit, quod omnia legis mandata, etiam quoad substantiam accepta servasset; sed quod de sua salutis negotio Christum sincero ac simplici animo consulere; *Magister bone, quid faciam, ut vitam æternam percipiam?*

Objicies 3. Paulus adhuc sub lege, & nondum sub gratia constitutus, totam legem, ac proinde Decalogum servavit; sic enim ad Philippenses 3. de seipso loquitur: *Secundum justitiam, quæ in lege est, conversatus sine querela*: Ergo tota Decalogi lex, saltem secundum substantiam, potest observari sine gratia.

Resp. dist. ant. Paulus totam legem servavit quantum ad externa officia, conc. ant. quantum ad sincerum cordis affectum, neg. ant. Neque enim tunc dilexit Deum super omnia, nec repressit prava desideria, quæ lege vetantur. Confirmatur responsio ex modo, quo Paulus ipse de sua antiqua justitia locutus est. Primæ ad Timoth. 1. dicit, se fuisse blasphemum, & contumeliosum, & se vocat primum, id est, præcipuum peccatorem. Ad Titum 3. hæc etiam habet: *Erasmus aliquando & nos increduli, errantes, servientes desideriis, & voluptatibus variis, in malitia & invidia agentes, odibiles, odientes invicem*.

Objicies 4. Vel possibile sunt omnia & singula Decalogi præcepta, vel impossibilia. Si primum, possumus ea per solas liberi arbitrii vires observare; si secundum, infractio mandatorum non erit peccatum, cum nemo ad impossibile teneatur: ergo, &c.

Resp. omnia & singula Decalogi mandata esse possibilea; inde tamen non sequitur, posse ea servari sine Dei gratia. Ratio est, quia illud censetur, & est revera possibile, quod aut per proprias vires, aut per Dei gratiam servare possumus. Delumpta est ea solutio ex S. I. o. ma, qui 2. 2. q. 109. art. 4. solvens idem quod nobis objicitur argumen-

tum, quodque Pelagiani ad nauseam usque Augustino quondam objecerunt, sic loquitur: *Ad secundum ergo dicendum, quod illud quod possumus cum auxilio divino, non est nobis omnino impossibile, secundum illud Philosophi in 3. Ethic. Quæ per amicos possumus, aliter qualiter nos possumus. Unde Hieronymus confitetur, sic nostrum esse liberum arbitrium, ut dicamus nos semper indigere Dei auxilio. Vide quæ de eodem argumento fusius dicuntur inferius, ubi expendemus an gratia sufficiens omnibus hominibus detur.*

C A P U T III.

Quanam gratia requiratur ad observandum, etiam quoad substantiam, Decalogi mandata.

Not. NONNULLI scholastici contenderunt ad servanda omnia Dei mandata secundum substantiam, satis esse gratiam legis, hoc est, cognitionem præceptorum Decalogi, sive illa cognitio habeatur proprio hominis labore, sive per speciale auxilium, quo illius cognitio comparetur. Afferuerunt alii, satis esse gratiam actualem, ut omnia præcepta per totam vitam ita serventur, ut nullum, saltem per culpam lethalem, infringatur. Alii tandem docuerunt, quod licet singula præcepta, quæ pro aliquo tempore occurrunt, per gratiam actualem servari possint, omnia tamen collective sine gratia habituali per diuturnum aliquod tempus, ac præcipue per totam vitam servari non posse.

CONCL. 1. Sola gratia legis satis non est homini lapsi, ut servet omnia & singula Decalogi mandata, etiam secundum solam substantiam sumpta.

Probat 1. ex Scriptura. 1. Apostolus ad Galatas 2. sic loquitur: *Si per legem justitia, ergo gratis Christus mortuus est*. Nomine vero justitiæ eo loci intelligitur observatio mandatorum, juxta illud Scripturæ: *Qui facit justitiam, justus est*; unde Apostoli sensus est: Si homo lapsus possit ope solius legis se innocentem custodire per observationem mandatorum, gratis, hoc est, incassum Christus mortuus est. 2. Tantum abest ut lex, si sola detur, satis sit ad observationem mandatorum, quin e contra (sed per accidens) prævaricationem inferat; unde ad Rom. 5. hæc habet Apostolus: *Lex autem subintravit, ut abundaret delictum*. Hæc etiam ad Corinth. 15. *Virtus vero peccati lex*. Hæc quoque ad Rom. 7. *Occasione accepta, peccatum operatum est in me omnem concupiscentiam: sine lege peccatum in me mortuum erat, sed cum venit mandatum, peccatum revixit. Peccatum occasione accepta per mandatum seduxit me, & per illud occidit*.

Qua vero ratione fiat, ut lex, seu cognitio mandati, reos potius efficiat, quam innocent-

nocentes, exponit Augustinus in libro de Spiritu & littera, ubi scribit, id contingere, quod ea sit corrupta, superbaque voluntatis conditio, ut in prohibita promptius, & suavius ferretur, propriæ libertatis amans, ac cujusvis subjectionis impatiens; juxta illud Poetæ: *Nimium in cœlitum, volumus, cupimusque negata*. Ex eodem Augustino, se habet concupiscentia, cum per legem premittitur, sicut equi cui obex opponitur: quemadmodum ergo impetus aquæ, vehementior fit obice posito, & tandem superato obice violentius per prona devolvitur: ita concupiscentia, lege obicis adinstar posita, vires colligit, & majori cum impetu fertur ad ea, quæ per legem verantur.

Probat 2. ex traditione. Pelagius ad mandatorum observationem, legem requirebat: tamen damnatus est ab Ecclesia Catholica: ergo Ecclesiæ persuasum fuit, legem satis non esse ad observationem mandatorum. Antecedens expresse asseritur ab Augustino libro 4. ad Bonifacium capite 5. in libro de gratia Christi, in libro de Spiritu & littera, & in omnibus fere operibus, quæ adversus Pelagianos ab eo conscripta sunt. Idem ostendi potest ex omnibus Conciliis, quæ quinto sæculo contra Pelagianos & Semipelagianos habita sunt. Instar omnium sit Carthaginense secundum, canone 4. ubi definitur, per gratiam nobis præstari, *ut quod faciendum cognovimus, etiam facere diligamus, atque valeamus*. His consonat canon ultimus Concilii Africanani secundi, quo asseritur, Deum nobis fidem & amorem sui prius inspirare, ut cum ipsius adjutorio, ea quæ sibi sunt placita, implere possimus. Ex iis textibus patet, præter mandati cognitionem, præter gratiam legis, ad observationem mandatorum requiri gratiam voluntatis, quæ non aliud est, quam interna subministratio spiritus, quam Dei amor quem ipse Deus nobis inspirat.

CONCL. 2. Gratia actualis satis est ad servanda omnia præcepta collective; etiam per diuturnum aliquod tempus. Est contra plures Thomistas.

Probat 1. Cum Patres contra Pelagianos docuerunt, gratiam requiri ad servanda Dei mandata, de sola gratia actuali locuti sunt, ut de Pelagianæ hæresi differentes, ostendunt Theologi. 2. Satis est gratia actualis, ut omnes concupiscentiæ motus comprimantur. 3. Gratia actualis posita est in inspiratione suavitatis & amoris: atqui suavis illa, amor ille, quoties amor terreno, delectationi, concupiscentiæ carnali præponderant, toties effectum suum consequuntur, hoc est, voluntatem determinant ad bonum agendam, & ad declinandum peccatum.

Objicies 1. Concilia, in quibus Pelagianus error damnatus fuit, definierunt, gratiam

qua justificamur, requiri ad observationem mandatorum; ita enim loquitur Milevitanum, can. 3. atqui gratia qua justificamur, est gratia habitualis; scilicet actualis præparat tantum ad justificationem: ergo ad observanda omnia collective præcepta Decalogi, etiam quoad solum substantiam sumpta, satis non est gratia actualis, sed præterea habitualis requiritur.

Resp. dist. maj. Concilia, in quibus Pelagianus error damnatus fuit, definierunt, gratiam qua justificamur dispositive, requiri ad observationem mandatorum, conc. maj. qua justificamur formaliter, hoc est, quæ sit justificationis forma, neg. maj. Ratio est, quia Pelagiani contendebant gratiam quæ ad justificationem præparatur, non esse necessariam ad singulos pietatis actus; asserbant enim satis esse liberum arbitrium adjutum auxilio legis; ac proinde quando Concilia definierunt, ad mandatorum observationem requiri gratiam, qua justificamur, verbis illis, *qua justificamur*, non intellexerunt gratiam quæ sit forma justificationis, sed gratiam quæ ad justificationem disponat.

Objicies 2. Ut quis omnia Decalogi mandata per diuturnum aliquod tempus observet, necesse est, ut per totum illud tempus Deus ipsi conferat auxilia efficacia, quæ ad bonum, quod præcipitur, agendum, & ad declinandum malum, quod prohibetur, requiruntur: atqui homini jacenti in peccato mortali Deus tot tantaque auxilia conferre non solet; alioquin enim Deus in suo agendi modo non distingueret amicos suos a suis inimicis.

Resp. conc. maj. dist. min. Deus homini jacenti in peccato mortali, tot tantaque auxilia non confert, si homo ille non tantum sit in reatu peccati mortalis, sed etiam in ejus affectu, conc. min. si sit quidem in illius reatu, & non sit in illius affectu, neg. min. Fatemur equidem requiri ut homo non sit in affectu peccati mortalis, ut per diuturnum tempus totam legem observet: ut non requiritur, ut non sit in reatu peccati mortalis, hoc est, necesse est quidem, ut peccatum suum non amet, sed non est necesse, ut peccati culpa ei jam dimissa sit. Homini non habenti affectum ad peccatum, Deus pro divinæ suæ sapientiæ dispositione, auxilia ad observationem legis requirit, conferre solet, etiam si in reatu peccati versetur: id nimirum persuasum fuit majoribus nostris, qui lapsos in gravia crimina, non nisi expletis in poenitentia pluribus annis absoluebant: si enim censuissent, ad mandatorum observationem per longius illud spatium, requiri gratiam habitalem, tandiu absolutionem, quæ gratia habitualis conferretur, nequaquam distulissent.

CAPUT IV.

Utrum gratia homini lapsa sit necessaria ad Deum diligendum.

Not. DEUS considerari potest, vel tamquam auctor naturæ, vel tamquam auctor gratiæ. Priori modo consideratus, est auctor & largitor bonorum, quæ creaturæ in suo esse naturali consideratæ conveniunt; altero vero modo spectatus, est auctor & largitor bonorum, quæ creaturam promoveant ad finem, qui illius naturam excedit. Conveniunt omnes Theologi hominem propriis viribus non posse Deum diligere tamquam auctorem gratiæ, quia creatura nullam cum Deo sic considerato proportionem habet; unde quæstio est hic solum de dilectione Dei, ut auctoris naturæ, seu quæritur, utrum homo lapsus, sine gratia, Deum ut auctorem naturæ diligere possit.

Not. 1. Circa eam quæstionem triplex est auctorum sententia. Scotus, Durandus, & Ludovicus Molina contendunt hominem lapsum posse sine auxilio gratiæ Deum, ut auctorem naturæ, etiam super omnia diligere. Estius, Sylvius, & plures alii docent, Deum ab eodem homine lapso amari posse sine gratia, amore qui non sit super omnia, sed qui in quadam tantum bona in Deum affectione positus sit. Bellarminus cui non pauci præverunt, quemque postea multi secuti sunt, asserit, non posse Deum sine gratia diligere, neque ut auctorem naturæ, neque ut largitorem gratiæ & gloriæ, neque perfecte, neque imperfecte ullo modo.

CONCL. Homo lapsus, sine gratia nullo modo potest diligere Deum, etiam ut auctorem naturæ.

Probatur 1. ex Scriptura. Amor hominis in Deum, in Scripturis non homini, sed DEO tribuitur: Ad Romanos 5. *Caritas Dei diffusa est in cordibus nostris per Spiritum sanctum, qui datus est nobis.* 1. Joannis 4. *Caritas ex Deo est.* Ad Ephes. 6. *Pax fratribus, & caritas cum fide a Deo Patre.* Ad Galatas 5. *Fruitus Spiritus est caritas, gaudium, &c.* Unde sic arguitur. Si Deus, sive ut auctor gratiæ, aliquo modo sine gratia diligere posset, caritas hominis in Deum non esset donum Dei; neque enim ea quæ sunt ex propriis viribus, dicuntur Dei dona nisi abusive, ut olim apud Pelagianos: atqui ex Scripturis, caritas hominis in Deum est donum Dei: ergo Deus nullo modo diligere potest sine gratia.

Respondent adversarii, 1. ea Scripturæ loca intelligi, aut de amore Dei, tamquam auctoris bonorum supernaturalium, aut de amore qui non sit super omnia, non autem de amore Dei tamquam auctoris naturæ, aut de amore Dei, qui non sit super omnia.

Sed vanæ sunt hæc responsiones. Nam 1. absolutæ sunt laudatæ ex Scriptura sententiæ, & simpliciter, ac sine nulla restrictione affirmant, hominis in Deum amorem esse donum Dei: ergo cum Deus tamquam auctor naturæ vere sit Deus, sententiæ illæ non minus intelligi debent de amore Dei ut auctoris naturæ, quam de amore Dei ut auctoris gratiæ. 2. Implere Dei legem est Dei donum; neque enim (ut capite superiori ostensum est) lex, seu Decalogus, impleri potest sine gratia: atqui implere legem, seu Decalogum, est, non tantum diligere proximum, sed etiam Deum ut auctorem naturæ: nimirum Decalogus cum sit lex naturalis, præcipit dilectionem Dei ut auctoris naturæ: ergo dilectio Dei, etiam ut auctoris naturæ, est Dei donum. 3. Amor quo proximus diligitur est Dei donum, juxta illud 1. Joannis 4. *Si diligamus invicem, caritas Dei in nobis perfecta est*: ergo etiam & amor quo Deus ut auctor naturæ diligitur. 4. Si perfecta caritas ex Deo sit, ab eo etiam erit imperfecta: nam cuius rei est perfectio, illius est etiam inchoatio; ac proinde si amor quo Deus ut auctor naturæ super omnia diligitur, est Dei donum, amor quo non super omnia diligitur, seu quo quis incipit bene erga illum affectus esse, erit quoque donum Dei: *Nec initium ejus* (inquit Augustinus lib. 2. ad Bonifacium, c. 9.) *ex nobis, & perfectio ejus ex Deo: sed si caritas ex Deo, tota nobis ex Deo est.* Avertat enim Deus hanc amentiam, ut in ejus donis nos priores faciamus, posteriorem ipsum, quoniam misericordia ejus præveniet me.

Probatur 2. ex Conciliis. Hæc habet Milevitanum canone 4. *Utrumque Dei donum est, & scire quid facere debeamus, & diligere ut faciamus*: ergo ea diligere, quæ ad decalogum pertinent, donum Dei est. Hæc etiam habet Arausicanum II. canone 25. *Prorsus Dei donum est diligere Deum.* Non distinguit Concilium inter amorem Dei ut auctoris naturæ, & inter amorem Dei ut auctoris gratiæ; sed indistincte loquitur de omnibus respectibus, sub quibus amari potest. Idem Concilium non loquitur tantum de amore perfecto, sed de omni amore; indefinitis enim, ac proinde universalibus terminis utitur: *Prorsus Dei donum est diligere Deum.* Præterea in eodem canone 25. definitur, ipsam etiam dilectionem quæ movet ad quærendum baptismum, quæ haud dubie est inchoata tantum & imperfecta dilectio, Dei donum esse. *Hoc etiam* (inquit) *salubriter proficemur & credimus, quod in omni opere bono non nos incipimus, & postea per Dei misericordiam adjuvamus: sed ipse nobis, nullis præcedentibus bonis meritis, & fidem & amorem sui prius inspirat, ut & baptismi sacramenta fideliter requiramus.*

Pro-

Probatur 3. ex Augustino. Sanctus Doctor in epistola ad Vitalem, hæc habet: *Liberum arbitrium ad diligendum Deum primi peccati granditate perdidimus*. Eo in loco Sanctus Doctor non distinguit respectus varios, sub quibus homo post peccatum Deum propriis viribus diligere & non diligere possit, sed simpliciter affirmat eum diligi non posse. Preterea, si Deus sub aliquo respectu consideratus ut auctor naturæ, v. g. propriis viribus diligi posset ab homine lapsa, falsa esset Augustini propositio; nempe idem de illa propositione ferri deberet iudicium, ac de ista: *Intellectus hominis per peccatum lapsi non potest propriis viribus DEUM cognoscere*: at hæc propositio falsa est, eo quod licet intellectus hominis lapsi non possit propriis viribus DEUM ut auctorem gratiæ cognoscere, possit tamen eum cognoscere ut est auctor naturæ.

Idem Sanctus Doctor sic etiam loquitur lib. 4. contra Julianum, cap. 3. *Amor Dei, quo pervenitur ad Deum, non est nisi a Deo*. Ne quis vero amorem illum interpretetur de amore Dei ut auctoris gratiæ, obstant quæ sequuntur: *Per hunc amorem CREATORIS bene quisque utitur creaturis; sine hoc amore CREATORIS nemo bene utitur creaturis*.

In libro de gratia & libero arbitrio, capit. 16. inchoatam dilectionem, per quam impetremus robustiorem, qua fiat, ut immodata servemus, non libero hominis arbitrio, sed speciali Dei dono tribuit: *Et quis istam (inquit) quamvis parvam dare caperit caritatem nisi qui preparat voluntatem*? Idem S. Doctor eodem in capite ad hoc totam Ecclesiæ cum Pelagianis quæstionem reducit, ut Dei dilectio a Deo sit, non a nobis: *Si non ex Deo (ait) sed ex hominibus est dilectio Dei & proximi, vicerunt Pelagiani: si autem ex Deo, vicimus Pelagiani*.

Nec valet, quod adversarii respondent, Augustinum loqui de dilectione Dei, ut auctoris supernaturalis: Non valet (inquam) eo quod Pelagiani ultro faterentur, Deum, ut auctorem supernaturalem, ab homine sibi relicto diligi non posse; cum enim essent acutissimi, facile videre poterant disproportionem, quæ reperitur inter hominis naturam, & Deum auctorem supernaturalem, hoc est, excedentem humanæ mentis, & creati cordis operationem. Addendum est, mirum esse, cur, cum, ex adversariis, sola inter Ecclesiam & Pelagianos quæstio esset de amore Dei, ut auctoris supernaturalis, Augustinus nullibi statum illum quæstionis proposuerit: sed hominis adiungit, cui persuasum esset Deum, nec ut auctorem naturæ, sine gratia diligi posse, semper in polemicis suis disputationibus absolute, simpliciter, ac sine distinctione, aut restrictione locutus fuerit.

Probatur 4. variis rationibus theologicis. *Jurnin. Inst. Theol. Tom. III.*

1. Dilectio Dei, saltem super omnia, est humanæ voluntatis actus perfectissimus: ergo ab homine lapsa servari non potest; neque enim infirmus eadem potest, quæ sanus. 2. Actus dilectionis Dei super omnia, præparat ad justificationem, cum (ut supponitur) sit castus, hoc est, amor Dei propter ipsum Deum. 3. Amor Dei, etiam ut auctoris naturæ, super omnia, includit odium omnium vitiorum, amorem omnium virtutum; excludit enim affectum ad peccatum, & includit firmum exactæ vitæ ad rationis regulas propositum: at amor qui ea omnia includat, sine gratia haberi non potest; alioquin tota lex naturalis sine gratiæ auxilio, tum quoad substantiam, tum quoad modum, servari posset. 4. Homo ille qui Deum tamquam auctorem naturæ super omnia diligeret, mori posset, antequam fidem fuisset edoctus, ac proinde antequam initiatus fuisset baptismo: homo autem ille, vel damneretur, vel salvaretur: si primum, dicendum esset, hominem, qui Deum ut auctorem naturæ super omnia diligeret, quique in ea voluntate per totam æternitatem permanens esset, damnandum esse. Si secundum, dicendum foret, hominem sine gratia, sine fide, posse æternam consequi salutem: sed hæc perabsurda sunt: ergo, &c.

Obijcies 1. Homo per peccatum lapsus, potest viribus propriis creaturam aliquam super omnia diligere, ita ut pro ea vitam suam profundat: ergo a fortiori potest propriis viribus Deum super omnia diligere, cum longe sit amabilior quacunque creatura, immo creaturis omnibus etiam collectivè sumptis.

Resp. conc. ant. neg. conseq. Ratio disparitatis est 1. quia humana voluntas per peccatum corrupta amore, veluti addito sibi pondere, ad infima, seu ad bonum commutabile, conversa est; ac proinde non nisi per alium amorem ad summum bonum converti potest. 2. Amor Dei super omnia multo plura includit, quam amor creaturæ super omnia; includit enim propositum servandi omnia mandata, & odium omnium vitiorum: at nec illud propositum, nec illud odium includit amor creaturæ, etiam si sit super omnia; stare nimirum potest cum consensu, quem voluntas præbeat concupiscentiis, quæ adversus proximum minime pugnant.

Obijcies 2. Homo naturalem habet inclinationem ad amandum Deum; amore enim naturali fertur ad summum bonum: atqui propriis viribus potest exequi id, ad quod naturaliter propendit: ergo &c.

Resp. 1. hominis stantis, non autem lapsi, esse inclinationem illam, cujus meminit argumentum; per peccatum enim voluntas in deterius mutata, non ad aliud propendit, quam ad sui & creaturarum dominantem

amorem. Resp. 2. dato ant. neg. conseq. Ratio est, quia voluntas tantam per peccatum infirmitatem contraxit, ut inclinationi ad summum bonum obtemperare non possit, nisi per gratiam tollatur pondus, quo fertur ad commutabile bonum. Præterea se habet in hoc statu voluntas respectu summi boni, sicut infirmus, respectu alicujus operis quod solum hominem sanum deceat: ergo quemadmodum infirmus, licet opus illud desideret, ipsum tamen, nisi sanetur, exequi non potest; ita nec homo lapsus potest propensionem ad Deum, si quam tamen habeat, ad actum secundum reducere, nisi prius vires per Dei gratiam receperit.

Objicies 3. Intellectus hominis lapsi cognoscit propriis viribus Deum, ut est auctor naturæ, esse super omnia diligendum, cum cognoscat, eum esse summum bonum: ergo illius voluntas potest sic eum amare; id enim omne per naturæ vires potest voluntas respectu boni, quod intellectus respectu veri.

Resp. conc. ant. neg. conf. Ratio est, quia (ut ait Sanctus Thomas) humana natura magis est corrupta per peccatum, quantum ad appetitum boni, quam quantum ad cognitionem veri: nec mirum; voluntas enim in primo parente magis contulit ad peccatum, quam intellectus, in quo nullus error ante lapsum esse potuit.

Instabis. Intellectus, etiam per peccatum debilitatus, potest propriis viribus ferre hoc judicium practicum: *Deus hic & nunc est super omnia diligendus*: voluntas autem semper sequitur ultimum judicium practicum intellectus, quia illud judicium voluntati proponitur, tanquam melius & utilius bonum: unde sic arguitur: Voluntas propriis viribus semper operatur ad ultimum judicium practicum intellectus: atqui ultimum judicium practicum intellectus est (ut supponitur) de Deo hic & nunc super omnia diligendo: ergo voluntas potest propriis viribus Deum super omnia diligere.

Resp. neg. maj. Ratio est, quia illud est discrimen inter judicium universale, seu quo intellectus judicat in genere, Deum esse amandum; & inter ultimum judicium practicum, seu quo judicat, eum hic & nunc esse amandum, quod ad universale illud judicium sola evidentia objecti concurrat: at vero ad ultimum judicium practicum voluntas concurrat, immo intellectum ad illud ferendum determinat: illud enim judicium semper est conforme inclinationi voluntatis: unde cum inclinatio voluntatis per peccatum corrupta teratur ad fruitionem creaturarum, non potest, nisi per gratiam sanetur, intellectum movere ac determinare ad ferendum practicum illud judicium de quo agitur.

Objicies 4. Datur aliquis Dei amor na-

turalis: ergo Deus amari potest sine gratia.

Resp. dist. ant. Datur aliquis Dei amor naturalis secundum objectum, conc. ant. Deus enim amari potest & debet, prout est auctor naturæ; secundum principium, & secundum modum, neg. ant. Hincque patet, quam merito Pius Papa V. hanc propositionem damnaverit: *Distinctio illa duplicis amoris, naturalis videlicet, quo Deus amatur ut auctor naturæ, & gratuiti quo Deus amatur ut beatorum, vana est & commentitia, & ad illudendum sacris litteris & pluribus veterum testimoniorum excogitata.*

Objicies 5. Datur, saltem imperfectus, Dei amor, qui non sit ex gratia: siquidem datur amor Dei, qui non sit, *sicut oportet*: si enim non daretur Dei amor qui non sit *sicut oportet*, Concilia & Patres, cum loquantur de amore, qui ex gratia proficiscitur, immerito addidissent hæc verba, *sicut oportet*: nempe omnis amor esset *sicut oportet*: ergo, &c.

Resp. verum esse, Patres cum de Dei amore, qui ex gratia proficiscitur, locuti sunt, addidisse hæc, *sicut oportet*: id nimirum constat ex canone 3. sess. 6. Concilii Tridentini, ex canone 6. & 15. Concilii secundi Arauscani, & ex variis Augustini locis: sed non ideo, aut Concilii Tridentini, aut Concilii Arauscani Patres ea loquendi formula usi sunt, ut innuerent, aliquem esse verum Dei amorem, qui sit ex viribus naturæ; sed ut verum Dei amorem ab amore spurio distinguerent, hoc est, ab amore, quo Deus non ultimo propter se, sed propter bona temporalia diligitur, quo uno amore dilectus est a Judæis omnino carnalibus.

Id vero colligi potest ex variis textibus Augustini, ex quo Patres Concilii Arauscani secundi, & Tridentini suam non modo doctrinam, sed & suum loquendi modum desumpserunt. *Omnis itaque præcepti finis* (ait S. Doctor in Enchiridio ad Laurentium, cap. 121.) *est caritas, id est, ad caritatem refertur omne præceptum. Quod vero ita sit, vel timore panæ, vel aliqua intentione carnali, ut non referatur ad illam caritatem, quam diffundit Spiritus Sanctus in cordibus nostris, nondum sit quemadmodum fieri oportet, quamvis fieri videatur.* Eandem limitationem S. Doctor aliis terminis exprimit; istis nimirum utitur lib. de correptione & gratia, cap. 2. *Agere sicut agendum est, id est, cum dilectione & delectatione.* Hac alia adhibet l. 1. ad Bonifacium, c. 9. *Bonum bene facere.* Ista quoque usurpat lib. 21. de Civit. Dei, cap. 16. *Veraciter atque sinceriter.*

Iis præmissis, ad argumentum respondemus, ad 1. neg. ant. ad 2. neg. maj. Ideo enim & Concilia & Patres limitationem hanc: *sicut oportet*, addiderunt, ut ex amore casto, quem

quem asseriebant elici ex gratiæ auxilio, excluderent amorem non castum, qui ultimo ad bona temporalia refertur, quique tantum abest, ut sit Dei fructio, quin potius sit illius usus; hoc est, in eo amore homo Deo non fruatur, sed eo utitur, ut creaturis fruatur. Amore illo non casto & carnali, in speciem quidem, seu secundum externum corticem, præcepta servantur; sed vere & coram Deo non servantur: id enim expresse testatur Augustinus lib. 3. ad Bonifatium, cap. 4. ubi sic de veteris testamenti filiis loquitur: *Illi etiam, quicumque ibi erant, sola quæ ibi Deus pollicetur, terrena promissa sectantes, & quid pro novo Testamento ea ipsa significant, ignorantes, eorum adimplendorum amore, & amittendorum timore, Dei præcepta servabant, immo non servabant, sed sibi servare videbantur. Neque enim fides in eis per dilectionem operabatur, sed terrena cupiditas, metusque carnalis. Sic autem præcepta qui facit, præcullubio inultus facit, ac per hoc in animo non facit: magis vult enim omnino non facere, si secundum ea quæ cupit & metuit, permittatur impune. Ac per hoc in ipsa voluntate intus est reus, ubi ipse qui præcipit, inspicit Deus. Tales erant filii terræ Jerusalem, de qua dicit Apostolus: servit enim cum filiis suis, pertinent ad Testamentum vetus in monte Sina in servitutem generati, quod est Agar. Ex ipso genere fuerunt, qui Dominum crucifixerunt, & in eadem infidelitate manserunt. Eodem spectant, quæ idem Sanctus Doctor in reliqua parte ejusdem capituli quarti fuisse differit.*

CAPUT V.

Utrum gratia sit homini lapsi necessaria ad tentationes superandas.

Not. 1. Theologi tentationem dividunt in levem & gravem. Prior, levis est quædam titillatio ad malum, cujuscumque speciei sit malum illud. Altera est, quæ multum movet ad peccatum, ut cum magna intentatur poena legem observanti, aut cum voluntas vehementi indeliberata delectatione ad actum legi contrarium excitatur.

Not. 2. Utraque tentatio, sive levis, sive gravis, tribus modis superari potest; nimirum superari potest ex amore Dei, & incommutabilis iustitiæ; aut ex amore boni honesti; aut tandem ex amore boni alicujus commutabilis. Superatur ex amore Dei, cum lex non infringitur, nec Deus, a quo lata est, offenditur. Superatur ex motivo boni honesti, cum lex non infringitur, eo quod illius infractio repugnet rationis dictamini. Superatur tandem ex amore boni commutabilis, cum vincitur ex amore boni jucundi, aut alterius alicujus cupiditatis.

Not. 3. Cum ex iis quæ capite præceden-

ti dicta sunt, certum sit, Deum nullo modo, sive perfecte, sive imperfecte, sive tanquam auctorem naturæ, sive tanquam auctorem gratiæ, ab homine lapsi posse sine speciali per Christum auxilio diligi, certum quoque esse debet, nullam omnino tentationem, sive gravem, sive levem, ex amoris divini motivo posse sine gratia superari. In iis qui gratia caruerint, is tentationem superandi modus locum non habet, de quo hæc habet Augustinus l. 21. de Civitate Dei cap. 16. *Tunc itaque vitia vitia deputanda sunt, cum Dei amore vincuntur: quem nisi Deus ipse donat, nec aliter nisi per mediatorem Dei & hominum hominem Jesum Christum.*

Not. 4. Non minus exploratum est, tentationem aliquam posse sine gratia superari ex amore, seu cupiditate boni alicujus commutabilis, ita ut vincens non vincat, nisi alteri tentationi succumbendo. Is enim qui ejusmodi victoriam reportat, in vulnere (ait Prosper in Circone de Ingratis) vulnere sumit, hoc est unum peccatum vincit altero peccato: at ad peccandum nulla gratia requiritur. De ea victoriæ specie Augustinus agit variis in locis; hæc de ea habet lib. 21. de Civit. Dei cap. 26. *Nonnunquam sanæ aperitissima vitia aliis vitiis vincuntur occultis, quæ putantur esse virtutes.*

Not. 5. Tota igitur hujusce capituli quinti difficultas in eo posita est, an homo lapsus possit sine gratia per Christum aliquam sive levem, sive gravem tentationem ex amore boni honesti superare. Circa autem eam difficultatem tres sunt scholasticorum sententiæ. Prima, quæ est Toleti, Bellarmini, Vasquesii, & plurium aliorum, sive intra scholam S. Thomæ, sive extra, docet, nullam omnino tentationem, cujuscumque sit generis, quantumcumque sit aut levis, aut gravis, posse sine gratia ex amore boni honesti ab homine lapsi superari. Sylvius, Estius, & alii plures asserunt, hominem in hoc corruptionis statu constitutum, levem aliquam tentationem, non autem gravem, ex solo odio peccati, & ex solo amore boni honesti, posse sine gratia per Christum superare. Quid nos de ea controversia sentiamus, conclusio subsequens aperiet.

CONCLUSIO. Nulla omnino tentatio, etiam ex solo amore boni honesti, potest sine gratia ab homine lapsi superari.

Nostram conclusionem probant Scriptura, Concilia, Summi Pontifices, Patres, & Ratio.

Proferuntur Scripturæ testimonia.

Scriptura victoriam ex tentatione Deo & non hominibus, adscribit: *Inde (ait Rex Propheta Psal. 15.) eripit a tentatione. Ps. 117. Impulsus, eversus sum ut caderem, & Dominus suscepit me. Sap. 8. Nemo potest esse continens, hoc est, superare concu-*

piscentiz motum, qui ad incontinentiam pellicit, nisi Deus det.

Cum Apostolus ad Rom. 8. enumerasset tentationes, quæ ex variis causis occurrunt, sic loquitur: *Sed in omnibus superamus propter eum*, vel (ut legit Augustinus lib. 22. de Civit. Dei cap. 23.) *per eum qui dilexit nos*. Matth. 6. jubemur orare ad obtinendam ex tentatione victoriam: *Et ne nos inducas in tentationem*: ergo credimus victoriam ex tentationibus a Deo esse: *Ipsa igitur oratio* (inquit August. Epist. 95.) *clarissima est gratia testificatio*: unde in iis omnibus operibus, quæ contra Pelagianos & Semipelagianos exaravit, utitur argumento ex oratione petito, ut gratiæ necessitatem adstruat: *Cur* (inquit in libro de dono perseverantiæ cap. 20.) *perseverantia ista poscitur a Deo, si non datur a Deo? An & illa irrisoria est petitio, cum id ab eo petitur, quod scitur ipsum non dare, sed ipso non dante, esse in hominis potestate?*

Primæ ad Corint. 14. Apostolus Deo gratias agit propter relatum ex tentationibus victoriam: *Deo gratias qui semper triumphat nos in Christo Jesu*: at ex gratiarum actione invicte concluditur necessitas gratiæ ad superandam tentationem: *Sicut* (ait ibidem Augustinus) *irrisoria est etiam illa actio gratiarum, si ob hoc gratia aguntur Deo, quod nem donavit ipse, nec fecit: sed quod ibi dixi, hec & hic dico, Nolite errare* (inquit Apostolus) *Deus non irridetur*.

Ex iis autem locis sic argumentum conficitur: Ad id necessaria est gratia per Christum, quod est donum: atqui victoria ex tentatione est Dei donum: illud enim est Dei donum, quod a Deo petere præcipimur, & propter quod jubemur Deo gratias agere: sed victoriam ex tentatione præcipimur a Deo petere; a Christo nimirum, jussi sumus hanc orationem fundere: *Ne nos inducas in tentationem*: jussi quoque sumus propter relatum ex tentationibus victoriam Deo gratias agere: ergo, &c.

Respondent ex adversariis aliqui, hac orationis Dominicæ petitione: *Ne nos inducas in tentationem*, petere nos victoriam gravium, non autem levium tentationum.

Verum falsa est illa responsio. Nam 1. Christus inter gravem & levem tentationem non distinxit, cum a Christianis voluit recitari hanc orationis Dominicæ petitionem: *Ne nos inducas in tentationem*: 2. Ea orationis Dominicæ parte poscimus, ut a quotidianis tentationibus liberemur; quippe nimirum jussi quotidie eam orationis Dominicæ partem sincere ac humiliter recitant: at quotidianæ tentationes non sunt semper, in justis præsertim, tentationes graves; ergo non gravium tantum, sed etiam levissimarum

tentationum victoriam a Deo petimus. 3. Regula est apud Logicos certa, terminos indefinitos æquivalere universalibus: ergo vox hæc *Tentatio*, cum sit indefinita, hoc est, cum nullo termino particulari restricta sit, æquivaleret voci cui appositus est terminus universalis, *Omnis*, ac proinde petitio hæc: *Ne nos inducas in tentationem*, de omni omnino tentatione intelligitur. 4. cum Augustinus sic loquitur, *Gratia Dei deputed quæcumque non feci mala*, nullam, ne minimam quidem, tentationem excipit, pro qua superata Deo gratias non egerit: nullam igitur excipit, pro cujus victoria non oraverit.

Respondent alii, inter quos Estius, his verbis orationis Dominicæ, *Ne nos inducas in tentationem*, peti quidem etiam levium tentationum victoriam, sed quæ ex motivo caritatis habetur, & ad vitam æternam proficiat; non autem quæ sit ex fine honesto; hoc est, quæ a ratione imperetur, & quæ nihil omnino conferat, ut quis vitam æternam adipiscatur.

Sed stare non potest ea solutio. Nam 1. si hæc petitio, *Ne nos inducas in tentationem*, de ea tantum victoria intelligeretur, quæ habetur ex caritate, extendi non deberet ad gravium tentationum victoriam, quæ non haberetur ex motivo caritatis, quæque ad æternam salutem non prodesset. Sed hoc dici non potest: alioquin enim sequeretur, graves illas tentationes vinci posse sine gratia, quod tamen Estius negat: sequeretur quoque, totam legem naturalem, saltem quoad substantiam, posse sine gratia servari: nihil enim in lege naturali, quoad substantiam sumpta, difficilius est, quam vincere, etiam ex solo honesto fine, omnes graves tentationes, quibus identidem in hac vita premimur. 3. Eam omnem victoriam petimus, qua efficiatur, ne tentatione superemur, & ne infringamus præceptum, contra quod tentamur: atqui (saltem ex adversariis) victoria ex solo honesto fine, seu absque auxilio fidei quæ per dilectionem operatur, efficit, ne tentatione superemur, & ne infringamus præceptum, contra quod tentamur: ergo non eam tantum victoriam petimus, quæ sit ex caritate, sed & eam, per quam præceptum, saltem secundum substantiam, observemus. 4. Scripturæ asserunt, quod ubi Deus faciem suam a nobis averterit, hoc est, quod ubi defierint roborare nos gratia sua, a tentatione vincamur: *Ego dixi* (ait Rex Propheta Ps. 29.) *in abundantia mea, Non movebor in æternum: Avertisti faciem tuam, & factus sum conturbatus*: ergo sine gratia nulla omnino victoria reportatur, cum is qui gratia destitutus sit, fiat conturbatus; hoc est, incidat in peccatum, ad quod per tentationem alliciebatur.

Proferuntur testimonia Conciliorum.

Palestina Synodus Pelagium damnavit, quod vellet, tentationes sine gratia per Christum posse superari. Unde fit consequens (ait Augustinus Epist. 106.) ut quisquis sequitur illius Episcopalis auctoritatem iudicii, fateatur, quando contra tentationes concupiscentiasque illicitas simicamus, quamvis & illis habeamus propriam voluntatem, non tamen ex illa, sed ex adiutorio Dei, nostram provenire victoriam.

Concilium Milevitanum, quod in causa Pelagii habitum est, & cui Augustinus interfuit, contra Pelagianos urget argumentum, quod ex oratione Dominica superius urgebatur. Concilium Carthaginense in eadem Pelagii causa habitum, eodem utitur argumento.

Concilium Arausicanum II. quod adversus Semipelagianos habitum est, hac habet canone 9. *Divini est muneris, cum & recte cogitamus, & peccata nostros falsitate & injustitia continemus: continere autem pedes a falsitate & injustitia, nihil aliud est, quam superare, quæ occurrunt, tentationes.*

Ex iis Conciliorum textibus sic argumentum conficitur. Ad id opus est gratia, quod non ex propria voluntate, sed ex adiutorio Dei provenit; quod non est volentis, neque currentis, sed miserentis Dei; quod a Deo non petimus frustra; quod iussi sumus a Domino postulare; quod divini est muneris: atqui (ut patet ex allatis Conciliorum textibus) victoria tentationum ex Deo provenit; non est volentis neque currentis; a Deo oratione frustra non petitur; divini est muneris: ergo, &c.

Nec valet Sylvii responsio contendentis, victoriam tentationum ex fine morali honesto dici divini esse muneris, ex adiutorio Dei tamquam primi agentis & primi moventis in omnibus omnino liberi arbitrii actibus, aut removens tentationum occasiones. Non valet (inquam) siquidem 1. illud Dei tamquam primi agentis & primi moventis adiutorium Pelagius admittebat ad victoriam tentationum: & tamen illius de victoria tentationum systema damnatum fuit in Synodo Diospolitana. 2. Quoties Patres asserunt, Dei adiutorium requiri, intelligi debent de adiutorio alio ab eo quod ad communia opera necessarium est; hoc est, intelligi debent de speciali adiutorio, quod non tantum ex dono Creatoris, sed etiam ex merito Salvatoris, nobis conferatur: *Ajiciatur* (inquit Augustinus in Epistola ad Sixtum) *a Christianorum cordibus ista fallacia: nam omnino non istam gratiam commendat Apostolus qua creati sumus, ut homines essemus, sed qua iustificati sumus, ut homines iusti essemus.* Non valet quoque responsum Ertii contendentis, allatos Conciliorum textus intelligi de vi-

ctoria, quæ ad salutem conferat. Nam 1. omnis ex tentationibus victoria, in eo saltem prodest, quod impedit, ne peccati contra legem commissi rei constituamur. 2. Absoluti & generales sunt termini, quibus utuntur laudata Concilia, nec in iis vel minimus est apex, quo Ertii exceptio nitatur. 3. Eodem Concilia gratiæ necessitatem repetunt ex difficultate superandi tentationes, & ex infirmitate humane voluntatis per peccatum lapsæ: at ex difficultas, et infirmitas, locum habent etiam respectu victoriæ, quæ non ex supernaturali motivo, sed etiam ex motivo honesto ordinis naturalis, ex tentationibus referatur. 4. Quæstio erat inter Pelagium & Ecclesiam Catholicam, cuius nomine laudata Concilia loquebantur, de observatione mandatorum Decalogi, non tantum secundum supernaturalitatis modum, sed etiam secundum substantiam, ita ut voluerint Patres, mandata illa, etiam secundum se sumpta, hoc est, prout actus quosdam & officia præscribunt, servari non posse sine Dei gratia: ergo intelligi debent de tentationum victoria, quæ non tantum secundum modum, sed etiam secundum substantiam servantur præcepta, adversus quæ homo lapsus tentatur.

Proferuntur testimonia Summarum Pontificum

Innocentius Papa I. in suo rescripto ad Concilium Carthaginense, a quo relata ad ipsum fuerant, quæ adversus Pelagii doctrinam in Africa statuta fuerant, sic loquitur: *Quotidiana præstat ille remedia sine quibus nullatenus vincere poterimus errores.* Addit, deficientibus illis remediis, quæ non aliud sunt, quam divina gratia, hominem tentatum vinci semper ac superari: *Necesse est enim, ut quo auxiliante vincamus, eo ita non adjuvante vincamur.* Idem repetit referens ad Milevitanum Concilium: *Gratia privatus (inquit) necesse est in Diaboli laqueis irretitus occumbat.*

Eo textu Innocentius præclufit effugia omnia, quibus Ertius, Sylvius, & alii recentiores utuntur. Nam 1. de omnibus tentationibus, nulla adhibita exceptione, loquitur: proindeque vult gratiam ad levium etiam tentationum victoriam requiri. 2. Aper-te docet, necessario necessitate tamen cui voluntas dedit locum, quamque amat ac diligit, hominem non adjutum gratia, superari qua urgetur tentatione. Ergo rejecit eam etiam victoriam, quæ licet non ex caritate, est tamen (ut voluit Ertius & Sylvius) ex motivo naturali honesto: qui enim, si gratia non habeat, necessario, hoc est, infallibiliter, cadit, victoriam ex honesto fine, etiam naturali, non reportat.

Zosimus Papa qui Innocentio proxime successit, in Epistola, cujus meminit Celesti-

nus, ad Gallos scribens cap. 9. docet, presumptionis reum esse, qui sibi quidquam in superandis tentationibus tribuerit: At, in Estii & Sylvi systemate, tempus esset ali- quod, quo Dei auxilio non indigeremus, cum nempe levi pulsaremur tentatione; non- nihil de se præsumeret humana natura, ten- tationum nempe victoriam, non ex caritate quidem, sed ex motivo honesto, quod sit ordinis naturalis.

Caelestinus Papa in Epistola ad Galliarum Episcopos, aut saltem auctor auctoritatum, quæ ad illius Epistolæ calcem leguntur, non alia ratione, quam mox laudati Pontifices, loquitur: *Neminum* (inquit cap. 6.) *etiam baptismatis gratia renovatum, idoneum esse ad superandas diaboli insidias, & ad evitandas car- nis concupiscentias, nisi per quotidianum adju- varium Dei, perseverantiam bona conversationis acceperis.* At id falsum esset in adversario- rum suppositione: scilicet leves diaboli insi- dia, ex motivo honesto naturali, sine gratia superarentur, abique quotidiano adjutorio evi- tarentur leves carnis concupiscentiæ: quod ta- men expresse negat auctor Capituli.

Proferuntur testimonia Patrum.

Cyprianus apud Augustinum in lib. de bo- no perseverantiæ cap. 6. sic loquitur: *Quando autem rogamur, ne in tentationem veniamus, ad- monemur infirmitatis, & imbecillitatis nostræ, dum sic rogamur, ne quis se insolenter extollat, ne quis sibi superbe, arroganterque aliquid assumat.* Paulo post sic prosequitur: *Deum præcedit humi- lis & submissa confessio, & datur totum Deo, quid- quid suppliciter cum timore Dei petitur, ipsius pie- tate præstetur.* Quærant adversarii in illo loco distinctionem, quam fingunt, tentationis gra- vis & levis. Ostendant, Cyprianum excipere victoriam ex honesto naturali motivo relatam. Nonne e contra omnem victoriam vult Deo tribui? Numquid alioquin superbe & arro- ganter sibi aliquid humana voluntas assumet?

Joannes Chrysostomus clarius adhuc loquitur, si tamen meridiano soli lux addi possit: Ho- mil. 24. in priorem Epist. ad Corinth. c. 10. ad illud: *Fidelis Deus, qui non patietur vos tentari supra id quod potestis*, hæc ait: *Sunt ergo tentationes quæ ferri non possunt. Et quæ- hæ sunt? omnes, ut semel dicam. Possent enim fer- ri si situm esset in Dei nutu.* Paulo post sic pro- tequitur: *Nam ne illas quidem moderatas, ac mediocres propria virtute feremus.* In quæ qui- dem verba observandum est, S. Doctorem expresse loqui de omnibus tentationibus, om- nes: & ne quis vocem illam, licet universa- lem, restringat ad omnes graves tentationes, addit, ne moderatas quidem & mediocres sine Dei auxilio ferri posse: at terrentur tamen in adversariorum sententia, ex fine nimirum honesto & naturalis ordinis.

Augustinus totus est in eadem asserenda ve- ritate. Ad calcem libri de perfectione justi- tiæ sic loquitur: *Quisquis negat nos orare de- bere, ne intremus in tentationem, & ab auribus omnium removendum, & ore omnium anathema- tizandum esse non dubito: at id negat qui con- tendit, aliquam tentationem, vel levissimam, etiam ex honesto fine naturali, sine gratia per Christum superari posse.*

Idem S. Doctor hæc ait scribens in Psal. *Sine Dei adjutorio per liberum arbitrium ten- tationes hujus vite superare non possumus: In Ps. 106. Deo desistente ab adjutorio, laborare poter, vincere non poter.* Serm. 9. de diversis c. 9. *Quia sine dubio vinceris, si illum adju- torem non habueris: at non vincitur, qui ali- quam tentationem ex honesto motivo natura- li superat.*

In lib. de gratia Christi cap. 27. agens contra Pelagium dicentem, nos absolute qui- dem posse per vires liberi arbitrii resistere spiritui nequam, sed facilius per gratiam, sic loquitur: *Quantum detrimentum hoc addita- mento feceris, quis non intelligat? Volens ita- que credi, tantas esse naturæ vires, quas extol- lendo præcipiat, ut etiam sine auxilio Spiritus Sancti, etsi minus facile, tamen aliqua modo, nequam spiritui resistatur.* Igitur, ex Augusti- no, spiritui nequam sine auxilio Spiritus sancti nullo modo resisti potest: ergo nec levi tentationi; ergo nec ex honesto, seu natura- lis ordinis motivo.

Solvantur adversariorum argumenta.

Obijcies 1. Homo lapsus potest sine gratia aliquod bonum opus ex honesto fine operari: alioquin immerito a Pio Papa V. hæc Pro- positio proscripta fuisset: *Liberum arbitrium sine gratia Dei adjutorio non nisi ad peccandum valet*: ergo potest quoque sine gratia, ex honesto fine, aliquam, levem saltem, ten- tationem superare.

Resp. neg. conseq. Ratio est, quia sunt aliqua opera, quæ per se facilia sunt, eo quod inclinationi nobis inditæ conformia sint: facile est, v. g. matri curare filium, alimen- ta necessaria, si præsto sint, ei tribuere: e- contra opera, a quibus avertit tentatio, dif- ficilia sunt: at natura per peccatum corru- pta & maxime debilitata, licet quæ facilia sunt, possit: non potest tamen quæ sunt dif- ficilia. Tentatio delectatione movet: ergo ut superetur requiritur gratia, quæ contraria delectatione voluntatem afficiat: quod enim magis nos delectat, secundum id (Augusti- no teste) operemur necesse est.

Obijcies 2. Ideo dicitur nullam, ne mi- nimam quidem, tentationem posse ab ho- mine lapso sine gratia superari, quod Scri- ptura & Patres homini lapso jubeant, ut a Deo postulat tentationum victoriam. Sed illa ratio

ratio nulla est: siquidem Scriptura & Patres de ea tantum victoriam loquuntur, quæ ad æternam salutem conferat, quæque fit ex fide quæ per dilectionem operatur: non loquuntur vero de victoria, quæ, cum sit ex honesto fine morali, nihil prorsus ad salutem proficit: ergo (inquit Estius) ex oratione non recte colligitur nullam tentationem, vel levissimam, posse sine gratia superari.

Resp. 1. nimis probare illud argumentum: probat enim, tentationes etiam gravissimas, quarum victoria ad salutem nihil conferat, utpote relata ex honesto fine naturali, posse sine gratia superari; quod tamen negat Estius. Resp. 2. fideles suis orationibus duo a Deo postulare: postulant enim 1. ut fervent præceptum, a quo per tentationem avertentur. 2. ut idem præceptum servant ex amore Dei: hincque recte concluditur, ipsam tentationis victoriam, etiam secundum se sumptam, esse Dei donum; esse ex auxilio, quod Deus per Christum nobis largiatur: unde cum Patres asseruerunt, victoriam sine gratia ex aliqua tentatione referri non posse, nusquam distinxerunt inter eam qua servetur præceptum, contra quod pugnat tentatio, & inter eamque ex amore Dei reportetur.

Quæres, utrum privatis Theologis liceat censuram inurere opinioni quæ docet, levem aliquam tentationem sine gratia superari posse.

Resp. negative: idque probatur ex eo, quod illam privatorum censuram prohibuerit Pius Papa V. cum in Constitutione edita occasione librorum Michaelis Baji, damnavit hanc propositionem: *Non solum si sunt fures & latrones, qui Christum, viam, & ostium veritatis, & vitam negant: sed etiam quicumque aliunde quam per ipsum in viam justitiæ, hoc est aliquam justitiæ, conscendi posse docent: aut tentationi ulit, sine gratia ipsius adjutorio, resistere hominem posse, sic ut in eam non inducatur, aut ab ea non superetur.*

C A P U T VI.

Utrum gratia necessaria sit ad vitandum peccatum.

Not. **Q**Uæremus hic 1. utrum impio, hoc est, homini jacenti in statu peccati mortalis, gratia sit necessaria; ut vitet peccata mortalia, quæ sunt contra legem naturæ; 2. an iusto quoque necessaria sit, ut eadem peccata devitet; 3. utrum homo iustus præter gratiam actualem ordinariam indigeat aliquo speciali privilegio, ut venialia omnia declinet.

CONCL. 1. Impio gratia necessaria est, ut per diuturnum aliquod tempus peccata mortalia, quæ sunt contra legem naturæ, devitet.

Probatur. Ei necessaria est gratia, ut per diuturnum aliquod tempus devitet peccata

mortalia, quæ sunt contra legem naturæ, qui sine ea diu servare non potest tum affirmativa, tum negativa legis naturæ præcepta, quæ obligant sub mortali: ideo enim quis peccat, quod imposita sibi præcepta non servet: atqui impius sine gratia diu servare non potest tum affirmativa, tum negativa legis naturæ præcepta, quæ obligant sub mortali. Nam 1. non potest (ut superius dictum est) sine speciali per Christum auxilio adimplere primum Decalogi mandatum, quod quidem certis temporibus obligat sub mortali: 2. non potest quoque sine gratia (ut capite 5. dictum est) superare tentationes, quibus identidem provocatur ad committenda, quæ præceptis negativis prohibentur, aut ad omittenda, quæ affirmativis præscribuntur.

CONCL. 2. Homini iusto præter gratiam habitualement, necessaria est actualis, ut vitet peccata mortalia, quæ sunt contra legem naturæ.

Probatur. Illi necessaria est gratia actualis, ut vitet peccata mortalia, quæ sunt contra legem naturæ, qui sine gratia actuali, nec positiva, nec negativa legis naturæ præcepta servare potest: atqui iustus sine gratia actuali, nec affirmativa, nec negativa legis naturæ præcepta servare potest: ergo, &c.

Minor variis momentis ostenditur. 1. Gratia actualis, ut inferius dicitur, est ad singulos actus necessaria. 2. Iusti gratiæ auxilium quotidianis in orationibus implorant: nec enim aliud, quam divini numinis invocationem ad pie recteque vivendum, exprimunt singulæ orationis Dominicæ petitiones, ut demonstravit Augustinus in libro de dono perseverantiæ capitibus 1. 3. 4. 5. & 6. unde iis petitionibus utitur, ut gratiæ causam adversus Pelagianos & Semipelagianos tueatur: *Si ergo (inquit c. 7.) alia documenta non essent, hac Dominica oratio nobis ad causam gratiæ, quam defendimus, sola sufficeret.* Ejusdem gratiæ invocationem iustis præscriptam esse, his verbis admonet Arausiana Synodus can. 10. *Adjutorium Dei etiam renatis ac sanctis semper est implorandum, ut ad finem bonum pervenire, vel in bono possint perdurare:* Atqui iusti quotidianis in orationibus non petunt gratiam habitualement; neque enim petunt id quo jam fruuntur: *Quid enim fluitius (ait Augustinus in libro de natura & gratia, c. 18.) quam orare, quod in potestate habeas?* ergo petunt gratiam actualem: ac proinde indigent actuali gratia, ut vitent peccata, quibus lex naturalis infringitur.

Præterea gratia habitualis animam perfecte non sanat, cum nec ignorantiam ab intellectu depellat, nec concupiscentiam extinguat in voluntate: ergo præter gratiam habitualement iusto necessaria est actualis, qua utrumque illud malum in homine sanetur. Vide S. Thomam 1. 2. quæst. 109. art. 4. quivariis argumentis ex Scriptura petitiis eandem veri-

veritatem confirmat, eademque utitur ratione, qua nos uti sumus.

CONCLUSIO 3. Justus cum auxilio, quod secundum legem ordinariam datur, potest per exiguum temporis spatium esse sine omni peccato veniali.

Probatur. Justus per Sacramentum Pœnitentiæ, vel per ferventissimum caritatis actum, consecutus peccatorum venialium remissionem, per aliqua instantia potest cum ordinariæ gratiæ auxilio a quolibet peccato temperare; aut enim aliqua per illud brevissimum temporis spatium tentatione non premetur, aut si ea impugnetur, adjutus Dei gratia, eam superabit.

Nec obstat hæc 5. Joannis 1. sententia: *Si dixerimus, quoniam peccatum non habemus, ipsi nos seducimus, & veritas in nobis non est.* Non obstat (inquam); non enim intelligitur de reatu, qui semper sit præsens; sed qui ita frequens sit, ut quodammodo sit continuus: *Hoc enim est intelligendum* (inquit S. Thomas 1. p. q. 79. art. 4. ad 2.) *quin aliqua hora possit homo esse absque omni reatu peccati venialis, sed quia vitam istam sancti non ducunt sine peccatis venialibus.* Nec obstat illud Proverb. 24. *Septies in die cadit justus.* Nam 1. vox illa, *in die*, nec in Hebræo, nec apud Septuaginta, nec in latina Vulgata castigatione legitur: unde ab Augustino libro 11. de Civit. Dei, cap. 31. omissa est. Præterea numerus determinatus pro indeterminato ponitur, hoc est, significatur justum sæpius cadere, licet non singulis momentis.

CONCLUSIO 4. Homini justo præter ordinaria gratiæ auxilia opus est speciali privilegio, ut per diuturnum tempus omnia venialia devitet.

Probatur ex Scriptura. Lib. 3. Reg. c. 8. hæc habentur: *Non est homo qui non peccet.* Pl. 31. *Remissi iniquitatem peccati mei, pro hac orabis ad te omnis,* non impius tantum, sed sanctus. Pl. 142. *Non intres in judicium cum servo tuo, quia non justificabitur in conspectu tuo omnis vivens.* Jacobi 3. *In multis offendimus omnes.* Primæ Joannis 1. *Si dixerimus, quoniam peccatum non habemus, ipsi nos seducimus, & veritas in nobis non est.* Quæ quidem verba Milevitana Synodus vindicans a pravo Pelagianorum sensu, cap. 6. sic loquitur: *Quisque sic accipiendum putaverit, ut dicat, propter humilitatem dici nos habere peccatum, non quod vere ita est, anathema sit.* Eadem Synodus cap. 7. & 8. rejicit quoque explicationem, qua Pelagiani hæc orationis Dominicæ verba, *Dimitte nobis debita nostra,* Catholicis eripiebant, concludentes, a Sanctis dici non pro seipsis, sed pro aliis.

Cui quidem sacræ Synodo adhæsit Tridentina. *Justorum* (inquit sessione 6. cap. 11.) *illa vox est & humilis & vera: Dimitte nobis debita nostra:* ex eaque doctrina c. fecit canonem 13. qui sic habet: *Si quis hominem semel justificatum dixerit posse in tota vita, peccata omnia, etiam venialia, vitare, nisi speciali Dei privilegio, quemadmodum de beata Virgine tenet Ecclesia, anathema sit.*

Ex iis vero textibus sic argumentum conficitur: Si cum ordinariis gratiæ auxiliis homo justus posset per diuturnum tempus omnia peccata venialia vitare, aliqui iisdem gratiæ auxiliis adjuti ea vitassent: atqui revera non vitarunt, cum non sit homo, qui non peccet; cum omnis sanctus oret pro sui peccati iniquitate; cum nullus vivens in Dei conspectu justificetur; cum laudata Joannis sententia ad justos omnes pertineat; cum nullus sit qui suorum peccatorum remissionem vere in oratione Dominicæ non postulet: ergo &c.

Probatur 2. ex Traditione. 1. Pelagius & Cælestius damnati sunt ab Ecclesia Catholica, quod vellent, in hac vita justos quosdam ea perfectione commendatos fuisse, ut nusquam venialiter peccaverint: *Tria sunt* (inquit Augustinus in lib. de dono persever. c. 2.) *quæ maxime adversus Pelagianos defendit Ecclesia, quorum est unum, gratiam Dei non secundum merita nostra dari: Alterum est, inquantumque justitia, sine qualibuscumque peccatis in hoc corruptibili corpore neminem vivere: Tertium est, obnoxium nasci hominem peccato primi hominis, & vinculo damnationis absrium.*

Probatur 4. ratione theologica. Ut quis per diuturnum aliquod tempus omnia venialia collective sumpta cum ordinariis gratiæ auxiliis vitaret, necesse esset 1. ut omnes qui insurgunt, concupiscentiæ motus statim comprimeret; 2. ut collective scire posset, quæcumque sibi agenda sunt: atqui ea duo fieri non possunt cum ordinariis gratiæ auxiliis; ut enim justus omnes omnino comprimeret concupiscentiæ motus, necesse esset, ut continuo ac sine intermissione ad seipsum attenderet, ut nulla umquam negligentia torperet, ut nulli omnino concupiscentiæ motui vel leviter consentiret: atqui justus ordinariis gratiæ auxiliis adjutus, non potest continuo ad se ipsum attendere; non potest non torpere, saltem per diuturnum tempus, levi aliqua negligentia; non potest per idem diuturnum tempus non consentire aliquando, saltem leviter, concupiscentiæ motibus, quibus vix aliquo brevissimo temporis instanti liber est: Scilicet concupiscentiæ motus sibi invicem velut fluctus aliis fluctibus succedunt: *Dum* (inquit S. Thomas 1. part. qu. 209. art. 8.) *uni resistere nititur, fortasse alius insurgit, & etiam quia ratio non sem-*

semper potest esse pervigil ad hujusmodi motus vitandos.

Quamvis nemo justus a quibuscumque peccatis venialibus per diuturnum aliquod tempus liber fuerit, nec sit modo; reperiri tamen potuerunt homines tantæ virtutis ac perfectionis, ut rarissime & fere nunquam in peccata ex objecto venialia ex plena deliberatione ipsi sint, sed in ea tantum, quæ per ignorantiam, aut per subreptionem contingunt: scilicet animæ purissimæ (ut fuerunt Apostoli, S. Joannes Baptista, S. Josephus, & alii passim, qui in Scripturis commendantur) summa diligentia, summa cautione declinant ea omnia, quibus Deum offensum iri certo noverint.

CONCLUSIO 5. Inter creaturas Virgo Deipara, & quidem sola, donata est illo singulari privilegio, quod requiritur, ut quis per totam vitam immunis sit a quolibet veniali peccato.

Probatur prior pars, 1. ex Augustino, qui libro de natura & gratia cap. 36. disputans de actualibus peccatis, sic loquitur: *Excepta sola Virgine Maria, de qua propter honorem Domini nullam prorsus, cum de peccatis agitur, habere volo questionem: Inde enim scimus, quod ei plus gratiæ collatum fuerit ad vincendum omni ex parte peccatum, quæ concipere ac parere meruit eum, quem constat nullum habuisse peccatum.* 2. Idem ostenditur ex Bernardo, cujus hæc sunt verba, Ep. 114. *Ego puto quod & copiosior sanctificationis benedictio in eam descendit, quæ ipsius non solum sanctificaret ortum, sed & vitam ab omni deinceps peccato custodiret immunem.* 3. Eandem doctrinam Concilium Tridentinum sess. 6. can. 23. hisce verbis tradidit: *Si quis hominem semel justificatum dixerit posse in tota vita peccata omnia etiam venialia vitare, nisi ex speciali privilegio, quemadmodum de B. Virgine tenet Ecclesia, anathema sit.*

Probatur altera conclusionis pars, quæ est contra Catharinum lib. de prædestinatione contendentem, privilegium, de quo agitur, quibusdam Sanctis, quos vocat insigniter prædestinatos, concessum fuisse, hoc est, eos a quolibet peccato tum mortali, tum veniali, per totam vitam liberos fuisse; hos inter reponit Jeremiam, Joannem Baptistam, qui in matrum utero gratia sanctificante donati sunt. Nullum Concilium, nullus ex Patribus Jeremiam, aut Joannem Baptistam, aut aliquem alium excepit ab hac generali Scripturæ sententia: *Non est homo, qui non peccet.* 2. Exceptio firmat regulam: unde cum S. Augustinus & Concilium Tridentinum solam Virginem Deiparam ab ea regula generali exceperint, omnes alios ea concludi voluerunt. 3. Privilegium illud concessum non est Apostolis, etiam postquam Spiritus plenitudinem die Pentecostes receperunt:

Apostolus enim erat Joannes, qui seipsum cum aliis comprehendens, dicebat: *Si diximus, quoniam peccatum non habemus, ipsi nos seducimus, & veritas in nobis non est.* Apostolus erat Petrus, cum (ut dicitur ad Galatas 2.) vere reprehensibilis esset: at si Apostolis concessum non est privilegium illud, nulli homini præterquam Virgini Deiparæ concessum est, cum (ut ait S. Thomas 3. p. q. 27. art. 2.) Apostoli aliis sanctiores fuerint.

Solvuntur adversæ partis argumenta.

Objicies 1. Scriptura quosdam commendat tamquam perfectos: *Quicumque ergo* (ait Apostolus ad Philip. 3.) *perfecti sumus, hoc sentiamus.* Laudat alios tamquam omnino immaculatos: *Beati* (ait Rex Propheta Ps. 118.) *immaculati in via.* Lucæ 1. hæc de Zacharia & Elisabeth dicuntur: *Eram autem justusambo ante Deum, incedentes in omnibus mandatis, & justificationibus Domini sine querela.* De sancto viro Job hæc habentur, Job cap. 1. *Non est illi homo similis super terram, sine querela, justus, verus Dei cultor, abstinens se ab omni opere malo.* Unde sic arguitur: Qui fuerunt perfecti & immaculati; qui ambularunt in omnibus Dei mandatis sine querela; qui temperarunt ab omni opere malo, caruerunt omni peccato veniali: atqui præter Virginem Deiparam, fuerunt homines perfecti & immaculati, ambulantes in omnibus Dei mandatis, temperantes ab omni opere malo: ergo præter Virginem Deiparam reperti sunt, qui sine quolibet veniali peccato vixerint.

Resp. dist. primam partem minoris. Fuerunt homines perfecti, hoc est, qui ad perfectionem toto conatu tenderint, conc. min. quam in hac vita consecuti fuerint, neg. min. Unde Apostolus qui inter perfectos ad Philipp. 3. seipsum recensuerat, hæc ibidem de seipso ait: *Non quod jam acceperim, aut jam perfectus sim; quæ quidem verba Augustinus lib. 4. ad Bonifacium cap. 5. ideo ab Apostolo dicta esse contendit, ut ostenderet secundum ipsius vitæ modum esse quandam perfectionem, etque perfectioni hoc quoque deputari, si se quisque noverit imperfectum.*

Resp. dist. pariter alteram minoris partem. Nonnulli in hac vita fuerunt immaculati, hoc est, immunes a peccatis mortalibus, conc. min. immunes ab omnibus venialibus, neg. min. *Ingressi sine macula* (inquit Augustinus in libro de perfectione justitiæ) *non absurde etiam ille dicitur, non qui jam perfectus est, sed qui ad illam ipsam perfectionem irreprehensibiliter currit, carens criminibus damnabilibus; atque ipsa peccata venialia non negligens mundare elemosynis.*

Resp. dist. etiam tertiam ejusdem min. partem. Fue-

Fuerunt qui ambularent imperfecte in omnibus mandatis ejus, conc. min. perfecte, neg. min. *Non autem* (ait Augustinus in libro de gratia Christi, c. 48.) *dictum est hoc: Incedentes in omnibus mandatis & justificationibus Domini sine querela, secundum illam perfectionem justitiae, in qua vere & omnimode immaculati, perfectique vivemus in patria.*

Resp. dist. quoque eandem minoris partem. Fuerunt qui abstinerint ab omni opere malo ex deliberata voluntate, transeat minor; ex ignorantia, aut subreptione, neg. min. Job quantumcumque justus fuerit, donec vitam in humanis egit, liber non fuit a lege, quæ repugnat legi mentis, ac proinde per ordinaria gratiæ auxilia fieri non potuit, quin sordes aliquas ex ea lege contraxerit: unde ipse Job in libro, qui illius nomine inscribitur, peccata sua confitetur, aperteque ait, quod in conspectu Dei non justificabitur omnis vivens. *Non igitur* (ait Augustinus libro 2. de peccatorum meritis & remissione, cap. 12.) *præclarum illud testimonium Dei, quo laudatus est Job, contrarium est ei testimonio, quo dictum est: Non justificabitur in conspectu tuo omnis vivens: quia non id persuadet prorsus in illo nihil fuisse, quod vel ab ipso veraciter, vel a Domino Deo recte reprehenderetur: quamvis jam justus, & verax Dei cultor, & ab omni opere malo se abstinens non mendaciter diceretur.*

Obijcies 2. Prima Joannis 3. hæc habentur, *Omnis qui natus est ex Deo, peccatum non facit, & non potest peccare, quoniam ex Deo natus est.* Joannes eo loci de julto perfecto loquitur, asseritque, eum nec facere peccatum, nec posse, moraliter loquendo, peccare: nec distinguit inter peccatum mortale & veniale; sed indefinite asserit, *Peccatum non facit*: ergo revera quidam justii immunes sunt ab omni peccato, etiam veniali.

Resp. dici posse, laudatam Joannis sententiam intelligi de solo peccato mortali: scilicet capite 1. assererat, neminem esse justum qui vere dicere possit, se peccatum non habere: unde sensus est, eum, qui natus est ex Deo, quamdiu suam divinam nativitatem conservat, non peccare mortaliter in sensu composito, hoc est, conjungi in ipso non posse dignitatem filii cum peccato mortali, licet conjungi possit cum persona regenerata. Quemadmodum ex istis propositionibus: *Optimus civis nusquam patriam prodit, Mulier pudica non commisit adulterium*; inferri non potest id, nec civem illum, nec mulierem illam, absolute præstare posse: sed hoc unum tantum colligitur, prodicionem cum fide civis, & adulterium cum fide conjugali simul & semel itare non posse.

Resp. 2. dici posse, nomine peccati intelligi etiam peccatum veniale: in ea autem suppositione is est sententiæ Joannis sensus, *Qui natus est ex Deo, peccatum non facit*, qua-

tenus operatur ut natus ex Deo; tunc enim agit ex caritate, quæ cum sit arbor bona, malos fructus facere non potest; non autem quatenus operatur ut natus ex homine lapsio: nempe tunc agit ex cupiditate, quam a parente per originem traxit; cupiditas autem, cum sit arbor mala, non potest bonos fructus facere. Augustini est illa responsio libro 2. de peccatorum meritis & remissione, c. 7. 8. 9. & 10. quæ lector consulere poterit.

Obijcies 3. Nullus peccat in eo quod vitare non potest, ut ait Augustinus libro 3. de libero arbitrio, cap. 18. Acqui si homo in statu naturæ lapsæ indigeret speciali auxilio, seu privilegio, ad vitanda omnia peccata venialia, ea non posset vitare, cum Deus non sit paratus ejusmodi privilegium omnibus concedere: ergo non posset ei ad culpam imputari, quod omnia venialia non vitaret.

Resp. ad 1. conc. maj. neg. min. Ad 2. conc. ant. neg. conseq. Ratio est, quia ut peccata imputentur, satis est, ut Deus paratus sit dare julto auxilium, quo valeat singula divisive venialia vitare: nec mirum: peccata enim non collective, sed divisive tantum, vitanda occurrunt. Delampta est ea responsio ex Sancto Thoma, quæ 1. 2. q. 109. art. 8. in corpore sic loquitur: *Non potest homo in statu naturæ corruptæ abstinere ab omni peccato veniali propter corruptionem inferioris appetitus sensualitatis, cujus motus singulos quidem ratio reprimere potest (& ex hoc habent rationem voluntarii & peccati) sed non omnes.* Item S. Doctor hæc etiam habet lib. 3. contra Gentes c. 160. *Licet ille qui est in peccato, non habeat hoc in propria potestate, quod omnino vitet peccatum; habet tamen nunc vitare hoc vel illud peccatum, unae quocumque commissis, voluntarie committit, & ita non immerito et imputatur ad culpam.*

Initabis. Ut præceptum de vitandis peccatis venialibus servari possit, satis non est, ut singula in specie & numero divisive vitari possint, sed præterea requiritur, ut omnia, etiam collective, vitari possint: datur enim præceptum de omnibus collective vitandis: ergo &c.

Resp. ad 1. neg. ant. Ad 2. neg. dari præceptum de omnibus peccatis venialibus collective vitandis. Ratio est, quia inutile esset hujusmodi præceptum; cum in praxi peccata non occurrant collective simul vitanda, sed (ut jam observatum est) divisive tantum.

C A P U T VII.

Utrum gratia in statu naturæ lapsæ julto necessaria sit ad perseverandum.

Not. 1. **P**erseverantia duobus modis sumi potest. Sumitur enim 1. pro conservatione justitiæ per diuturnam aliquod tempus; 2. pro ejusdem justitiæ conservatio-

ne

ne ad finem usque. Utriusque illius perseverantiae meminit Augustinus in libro de dono perseverantiae, cap. 1. sed monet, ultimam esse eam quae perseverantiae nomine passim intelligitur.

Not. 1. Circa propositam quaestionem quatuor sunt sententiae. Prima fuit Pelagianorum, qui docuerunt, ad nullum pietatis actum, ac proinde nec ad perseverantiam in finem usque, gratiam per Christum esse absolute necessariam. Altera (si fides adhibenda sit Joanni Baptistae Gonetio & Vincentio Contensonio) fuit aliquorum Semipelagianorum; scilicet asseruerunt, requiri quidem gratiam ad perseverandum, sed non specialem, hoc est, quae distincta sit a gratia, per quam quilibet iustus potest perseverare. Tertia, est quorundam Catholicorum, inter quos Duvallius, qui licet fateantur, perseverantiam esse speciale donum in iis qui post justificationem diu vivunt in gratia, antequam moriantur; negant tamen donum esse speciale in iis qui paullo post justificationem in gratia moriuntur; hincque patet, ab iis auctoribus non requiri auxilium speciale ad perseverantiam, praecise ex eo quod sit finalis, sed tantum ex tempore, per quod iustitia conservata fuit. Quarta sententia est Thomistarum omnium, qui contendunt, gratiam ad actu perseverandum requisitam, esse in omnibus, qui in gratia moriuntur, donum speciale distinctum ab auxiliis, quae gratiae habituali passim annexa sunt.

CONCLUSIO 1. Gratia per Christum est ad perseverantiam finalem necessaria. Est contra Pelagianos.

Probatur 1. Gratia est necessaria ad singulos pietatis actus, ut definiit Palastina Synodus contra Pelagium: ergo & ad perseverantiam finalem, quae inter pietatis actus non ultimum tenet locum, cum sine ea actus reliqui ad vitam aeternam non perducant. 2. Perseverantia finalis est meritoria vitae aeternae, juxta illud Scripturae: *Qui perseveraverit usque in finem, hic salvus erit*: ergo est ex gratia, cum per actus mere naturales nullum quoad aeternam vitam, meritum comparetur. 3. Perseverantia poscitur a Deo: ergo est illius donum; neque enim a Deo poscitur, quod Deus non donat.

CONCLUSIO 2. Gratia, quae ad perseverantiam finalem requiritur, est speciale donum distinctum a gratia habituali, & auxiliis, quae ei passim annexa sunt.

Probatur. Iusti, licet habeant gratiam habituales, & auxilia ei annexa, a Deo petunt perseverantiam usque in finem, ergo est donum a gratia habituali & auxiliis ei annexa distinctum; neque enim qui sapiens fuerit, id a Deo poscit, quod jam habet actu. Augustini est illud argumentum in libro de

dono perseverantiae cap. 2. ubi asserit 1. id quod a Deo petitur, esse Dei donum; asserit 2. non tantum ipsum posse perseverare, sed ipsummet perseverare a fidelibus a Deo peti: id vero confirmat ex singulis ejusdem orationis Dominicae petitionibus, ostenditque in qualibet earum, quinta dumtaxat excepta, perseverantiam a Deo postulari: *Quinto* (inquit cap. 3.) *orationis loco dicimus: Dimitte nobis debitum nostrum, sicut & nos dimittimus debitoribus nostris; in qua sola petitione non invenitur poscit perseverantia.*

Probatur 2. Donum perseverantiae, ejusmodi est, ut qui illud habuerit, revera & actu in finem usque perseveret. Augustinus in libro de dono perseverantiae, cap. 6. utitur eo principio, ut hanc Massiliensium querelam compellat: *Sed nolunt, ut scribitis* (alloquitur Prosperum & Hilarium) *isti fratres ita hanc perseverantiam predicari, ut non vel suppliciter emereri, vel amitti contumaciter possit*: nempe in libro de dono perseverantiae, cap. 6. sic loquitur: *Ubi qui dicant, parum diligenter attendunt. De illa enim perseverantia loquimur, qua perseveratur usque in finem; quae si data est, perseveratur usque in finem: si autem non est perseveratum usque in finem, non est data.* Atqui donum, quod ejusmodi est, ut qui illud habuerit, revera in finem usque perseveret, est donum distinctum a gratia habituali, & auxiliis de lege ordinaria ei annexis; siquidem non omnes iusti ad finem usque perseverant, quamvis omnes habeant gratiam habituales, & auxilia actualia, quae ei de lege ordinaria annexa sunt.

Probatur 3. ex Conciliis. Arausicanum II. habet canone 9. *Divini est muneris, cum & recte cogitamus, & pedes nostros a falsitate & injustitia tenemus.* Temperare autem ab injustitia & falsitate ad finem usque, in iustis nihil aliud est, quam perseverare; ergo cum Synodus temperare ab injustitia & falsitate muneri tribuat, tribuit quoque perseverantiam. Ne quis autem muneri voluntatis pedissequo, hoc est, gratiae versatili, effectum illum tribuat, obstat ratio, quae post allata verba ab ipsomet Concilio Arausicano adhibetur: *Quasi enim* (ait) *bona agimus, Deus in nobis atque vobiscum, ut operemur, operatur, id est, efficit in nobis, ut voluntas nostra bonum operetur; ac proinde ut actu ad finem usque perseveret.*

Eadem Synodus can. 10. evidenter supponit, perseverantiam usque in finem, esse donum a gratia habituali, & ab auxiliis ei passim annexis distinctum; docet enim, iustis debitum incumbere, ut perseverantiam indelineret a Deo postulerent: *Adjuvatorium Dei* (inquit) *etiam reuatis & sanctis semper est implorandum, ut ad finem bonum pervenire, vel in bono possint opere perdurare.*

Concilium Tridentinum sess. 7. cap. 13. docet, per-

perseverantiz munus effectum esse omnipotentissimæ Dei voluntatis, nec aliunde haberi posse; *Quod quidem* (inquit) *aliunde haberi non potest, nisi ab eo, qui potens est, cum qui stat, statuere, ut perseveranter stet, & cum qui cadit, restituere.* Canone 16. idem Concilium perseverantiam vocat, magnum Dei donum: *Si quis* (inquit) *magnum illud usque in finem perseverantia donum se certo habiturum, & infallibili certitudine dixerit, anathema sit:* At donum quod per antonomasiam vocatur *Magnum donum*, distinctum esse debet a gratia habituali, & auxiliis ei de lege ordinaria annexis: cum enim illa dona sint iustis omnibus communia, non possunt esse magnum illud donum, quod sacra Synodus docet, ad perseverantiam requiri. Canone 22. idem perseverantiz donum vocatur auxilium speciale, ediciturque, illud ad perseverantiam absolute necessarium esse: *Si quis* (ait) *dixerit, justificatum, vel sine speciali auxilio Dei, in accepta iustitia perseverare posse, vel cum eo non posse, anathema sit.*

Probatur 4. rationibus. Si perseverantia non esset donum speciale a gratia habituali & donis illi ex lege ordinaria annexis, multa sequerentur absurda.

Sequeretur nimirum 1. perseverantiz gratiam esse donum omnibus iustis commune; ac proinde cum qui perseverat, hoc est, qui per suam cooperationem gratia illa utitur, seipsum a non perseverante discernere; nullum enim inter utrumque ex parte Dei, sed tantum ex parte liberi arbitrii, discrimen reperiretur: at negat Apostolus discrimen illud peti a libero hominis arbitrio: *Quis* (inquit 1. ad Corinth. 4.) *te discernit?*

Sequeretur 2. perseverantem posse præ alio non perseverante gloriari: is enim præ alio gloriari potest, qui per liberum arbitrium id egit quod non egit alter, id est, qui per liberum arbitrium cooperatus est gratiæ, cui alter per suum liberum arbitrium cooperari noluerit: at illud gloriandi argumentum rejecit Apostolus: *Quid habes* (inquit *quod non accepisti?*) *Si autem accepisti, quid gloriaris, quasi non acceperis?*

Sequeretur 3. rationem, cur iustus præ alio iusto perseveret, peti non debere ex omnipotentissima Dei voluntate, sed ex infirmo hominis arbitrio: at id adversatur Concilio Tridentino, quod iusti perseverantiam non infirmæ creatæ voluntatis arbitrio, sed divinæ omnipotentiz tribuit; sic enim loquitur, sess. 6. cap. 13. *Quod quidem* (perseverantiz munus) *aliunde haberi non potest, nisi ab eo qui potens est cum qui stat, statuere, ut perseveranter stet, & cum qui cadit, restituere.* Cetera argumenta, quæ in ejusdem rei confirmationem afferri possunt, vide inferius iis locis, ubi de gratiæ efficacia disputabimus.

CONCLUSIO 3. Perseverantia non in adultis tantum, qui diu post justificationem moriuntur; sed & in iis omnibus, sive adultis, sive parvulis, qui statim post receptam aut in baptismi, aut in poenitentiz sacramento justificationem moriuntur, est donum speciale. Est contra Davallium, & aliquos alios scholasticos.

Probatur 1. auctoritate Augustini, qui conceptis terminis asserit, perseverantiam, quam toto libro de dono perseverantiz probavit esse speciale Dei donum, in iis omnibus esse, qui in statu gratiæ sanctificantis moriuntur, etsi brevi post receptam justificationem moriantur: *Hanc* (inquit in libro de dono perseverantiz c. 1.) *certe de qua nunc agimus, qua in Christo perseveratur usque in finem, nullo modo habuisse dicendus est, qui non perseveraverit usque in finem, potiusque hanc habuit unius anni spialis, & quantum infra cogitari potest, si donec moreretur fideliter vixit, quam multorum annorum, si exiguum temporis ante mortem a fidei stabilitate defecit.*

Probatur 2. ratione. Perseverantia est speciale Dei donum, sive in parvulo qui statim post baptismum moritur, sive in adulto qui post acceptam in sacramento Poenitentiz justificationem statim inopinato casu e vivis excedit, si utriusque mors sit ex speciali providentia Dei tum circa illum parvulum, tum circa illum adultum: quod enim ex speciali providentia sequitur, ejusdem providentiz donum est speciale: atqui utriusque, sive parvuli, sive adulti, de quo agitur, mors in ea temporis circumstantia in qua sunt in statu gratiæ sanctificantis, sequitur ex speciali in eos providentia: id nimirum aperte Scriptura docet Sapientiz 4. *Raptus est, ne malitia mutaret intellectum ejus.* Vide quæ de gratia sufficiente ad salutem parvulis ante baptismum morientibus negata inferius dicentur.

Quæres, in quo præcise positum sit illud speciale auxilium, iustis ad perseverantiam finalem necessarium.

Resp. donum, de quo agitur, in parvulis baptizatis, qui ante rationis usum moriuntur, dicere conjunctionem status gratiæ cum morte, & specialem Dei providentiam, quæ ex intentione efficaci conferendi gloriam æternam illis parvulis, ita causas secundas disposuit, ut illis, antequam possunt peccare, mortem inferrent. Perseverantiz donum dicit idem in adultis, qui in statu gratiæ derepente propter externam aliquam causam intereunt; in aliis vero dicit vel præservationem ab occasionibus peccandi mortaliter, vel gratiam victtricem quæ in illis occasionibus ex vi electionis ad gloriam illis concedatur.

Jam vero quod hæc ita sint, probatur ex Augustino, qui in libro de dono persever.

cap. 9. causam cur nonnulli pueri baptizati ex hac vita rapiantur, antequam peccare poterint, & cur aliqui adulti in statu gratiæ moriantur, refundit ad gratuitam prædestinationem.

Obijcies 1. Quod datur omnibus, non est donum speciale; siquidem commune & speciale sibi invicem opponuntur: atqui perseverantia, quantum est ex parte Dei, datur iustis omnibus; sola enim ratio, cur nonnulli non perseverent, ex libero illorum arbitrio petitur, scilicet si vellent, hoc est, si auxiliis gratiæ habituali annexis cooperari vellent, actu & revera perseverarent, juxta celebrem hanc Augustini sententiam in libro de corrept. & gratia c. 7. *Iustis enim videtur excusatio dicentium: Non accepimus perseverantiam, quoniam dicentium: Non accepimus perseverantiam, quoniam potest dici: Homo in eo quod ausperas, & tenueras, in eo perseverares SI VELLES: ergo, &c.*

Resp. ad 1. conc. maj. neg. min. Ad 2. fatemur quidem solam rationem, cur nonnulli non perseverent, peti ex solo illorum arbitrio, ex cupiditate nimirum quam plena ac efficaci voluntate superare nolunt: inde tamen non sequitur, iis hominibus dari, quantum est ex parte Dei, perseverantiam: siquidem perseverantia, si daretur, cupiditatem illam superaret, cum gratiam cum morte sic conjungat, ut qui illam acceperit a Deo, infallibiliter perseveret: Hanc certe (inquit Augustinus in libro de dono perseverantiæ cap. 1.) de qua nunc agimus, perseverantiam, qua in Christo perseveratur usque in finem, nullo modo habuisse dicendus est, qui non perseveraverit usque in finem. Ad 3. dist. ant. Omnes iusti actu perseverarent, si vellent, voluntate a Domino per auxilium speciale preparata, conc. ant. voluntate a Domino per auxilium speciale non preparata, neg. ant. Duo complectitur illa responsio, 1. voluntatem non velle perseverare, nisi a Domino preparata fuerit; 2. preparationem illam esse positam in auxilio speciali, quod semper efficiat, ut voluntas perseverare velit: utrumque igitur probandum est.

Primum, hoc est, voluntatem non velle bonum, ac proinde nec perseverantiam, nisi a Deo preparata fuerit, variis in locis asseritur ab Augustino; sic enim loquitur in libro de gratia & libero arbitrio c. 16. *Certum est, nos mandata servare, si volumus; sed quia preparatur voluntas a Domino, ab illo petendum est, ut tantum velimus, quantum sufficit, ut volendo faciamus. Certum est nos velle cum volumus; seu ille facit, ut velimus bonum, de quo dictum est, quod paulo ante posui: Preparatur voluntas a Domino, de quo dictum est: A domino gressus hominis diriguntur, & viam ejus volens; de quo dictum est: Deus est qui operatur in nobis velle. Certum* Juvenin. Inſt. Theol. Tom. III.

est, nos facere cum facimus, sed ille facit, ut faciamus, præbendo vires efficacissimas voluntati. Idem S. Doctor suppleri vult conditionem illam: Preparatur voluntas a Domino, quoties omittitur iis locis, in quibus asserit voluntatem operari bonum, si velit; Quod vero dixi: Illud autem lumen pascit pura corda eorum, qui Deo credunt, & ab amore visibilibus & temporalibus se ad ejus præcepta implenda convertunt, quod omnes homines possunt, si velint: non existiment (ait ipse lib. 1. Retract. cap. 10.) novi hæretici Pelagiani secundum eos esse dictum: Verum est enim omnino, omnes homines hoc posse, si velint; sed preparatur voluntas a Domino, & tantum augetur munere caritatis, ut possint. Quod hic ideo dictum non est, quoniam præsentem non erat necessarium questioni.

Alterum, id est, verba hæc: *Preparatur voluntas a Domino*, ab Augustino intelligi de auxilio speciali distincto a gratia habituali, & donis illi ex lege ordinaria annexis, ostenditur ex eo, quod ea verba explicui de gratia, quæ dat fortissimam, invictissimam, & perseverantissimam voluntatem; hoc est, de gratia per se efficaci. *An audebis dicere* (inquit libro de corrept. & gratia cap. 8.) *etiam rogante Christo, ne deficeret fides Petri, defecuram fuisse, si Petrus eam deficere voluisset, hoc est, si tu eam usque in finem perseverare voluisset, quasi aliud Petrus ullo modo vellet, quam pro illa Christus rogasset, ut vellet? Nam quis ignorat tum fuisse perituram fidem Petri, si ea, quæ fidelis erat, voluntas ipsa deficeret; & permansuram, si eadem voluntas maneret? Sed cui preparatur voluntas a Domino, ideo pro illo Christi non possit esse manere oratio. Quando rogasti ergo, ne fides ejus deficeret, quid aliud rogasti, nisi ut haberet in fide liberrimam, fortissimam, invictissimam, perseverantissimam voluntatem?*

Efficaciam specialis gratiæ ad perseverandum requisitæ, & ab Augustino per hæc verba: *Preparatur voluntas a Domino*, explicatæ, idem S. Doctor in libro de corrept. & gratia cap. 12. exponit per hæc Apostoli verba: *Operatur velle & perficere*, quæ haud dubie de gratia efficaci intelliguntur.

Obijcies 2. In Concilio Tridentino, sess. 6. cap. 11. hæc leguntur, *Deus namque sua gratia semel justificatos non deserit, nisi ab eis prius deseratur*: unde sic argumentum conficitur. Si perseverantia in finem usque, esset donum speciale a gratia habituali & auxiliis ordinariis ei annexis distinctum, Deus sua gratia semel justificatos desereret, antequam ab eis desertus fuisset; nempe is alium deserit, qui negat ei auxilium speciale, alioquin tamen absolute requisitum ad operandum: atqui iusti, qui ad finem usque non perseverant, Deus, antequam ab eis desertus

fuisse; negaret auxilium speciale, alioquin tamen absolute requisitum ad actu perseverandum: ergo, &c.

Resp. dist. maj. Si perseverantia in finem usque esset donum speciale, Deus sua gratia semel justificados defereret desertione inadeguata, antequam ab eis desertus fuisset, conc. maj. desertione aduata, neg. maj. Hac desertionis species includit subtractionem cujuscumque gratia actualis, sive sufficientis, sive efficacis: illa vero, subtractionem solius gratia efficacis. Absurdum vero dictum non est, Deum deserere justum, antequam quidquam actu peccaverit, per subtractionem gratia per se efficacis, modo cum per gratia sufficientis subtractionem non deserat; justus enim hac adjutus gratia potest praeceptum, quod urget, adimplere, quamvis aliud auxilium, quod sit efficax, requiratur, ut idem justus actu & re ipsa praeceptum adimpleat. Favent isti explicationi hac ejusdem Concilii verba cap. 13. *Tamen in Dei auxilio firmissimum spem collocare & respondere omnes, justis, debent. Deus enim, nisi ipsi illius gratia defuerint, sicut caput opus membrum, non perficiet operans velle & perficere.* Quae haud dubie intelliguntur de gratia actuali, innuuntque eam saltem quae facit imperfecte velle, non deesse, cum urget alicujus praecepti observatio.

Quaeres, utrum donum perseverantiae sit idem quod donum confirmationis in gratia.

Resp. non est idem. Ratio est, quia confirmatio in gratia vel est tota ab intrinseco, vel partim ab intrinseco, & partim ab extrinseco. Si primum, soli Christo convenit: scilicet solus ab intrinseco, ratione nimirum unionis hypostaticae, fuit in gratia confirmatus, & omnino impeccabilis. Si secundum, convenit soli Virgini Deiparae quoad peccata mortalia & quoad venialia; Apostolis quoad mortalia tantum. Nempe tanta fuit in Maria suavitatis & amoris inspiratio, tamque singularis providentia, quae peccati occasiones renovit, ut licet absolute peccare poterit, nunquam tamen actu, vel leviter, unquam peccaverit; sicut nec Apostoli, post receptum die Pentecostes Spiritum Sanctum, unquam mortaliter peccarunt. At in praedestinatis omnibus tanta non est suavitatis & amoris inspiratio, nec tam singularis in eos providentia, ut, etiam in extrema vitae periodo, licet actu non peccent, facile tamen peccare non possint: cum e contra per donum confirmationis fiat, ut difficile admodum peccari possit.

C A P U T VIII

Utrum homini lapsa gratia sit necessaria ad singulos actus.

Not. 1. **F**IDE Catholica certum est, gratiam esse necessariam ad singulos actus. Nam 1. Pelagius (Augustino teste in libro de gestis Pelagii cap. 4.) in Concilio Diospolitano, ut catholicus audiret, conditus est a Patribus, oppositam illi articulo doctrinam damnare, tamquam apertam haeresim: 2. Idem Augustinus in Epist. ad Vitalem inter fidei articulos ad gratiam spectantes hunc recenset: *Scimus, gratiam majoribus ad singulos actus dari.* 3. Idipsum Christus aperte nos docuit Joannis 15. *Sine me (inquit) nihil potestis facere:* in quam sententiam Augustinus tract. 81. in Joannem observat, Christum non dixisse, aut *multum aut parum, sed nihil.*

Not. 2. Licet omnes Catholici fateantur, verum esse axioma, quo asseritur, *Gratiam ad singulos actus dari;* inter eos tamen quaestio est, de quibus actibus, & de qua gratia intelligi debeat. Nonnulli illud extendunt ad omnes omnino actus deliberatos, sive sint ordinis naturalis, sive supernaturalis: alii vero ad eos tantum, qui sunt ordinis supernaturalis. Plures docent, essatum illud de gratia habituali intelligi debere, eo quod (inquiunt) Augustinus & Patres loquantur de iis tantum actibus, quibus homo vitam aeternam promereri potest: at gratia, per quam vitam aeternam meremur, est gratia habitualis, cum Trid. Synodus definiat, nihil eorum quae justificationem praecedunt, vitam aeternam promereri. Alii contendunt, idem essatum de sola gratia actuali intelligi debere.

CONCLUSIO 1. Actus, ad quos datur gratia, non sunt actus ordinis naturalis.

Probatur. Actus ordinis naturalis sunt duplicis generis: alii enim sunt necessarii, alii liberi: sed nec ad illos, nec ad istos omnes gratia datur. Non ad necessarios, hoc est, qui rationis usum praecedunt; nempe Augustinus in Epistola ad Vitalem agens de necessitate gratiae, majorem tantum meminit, non obscure innuens parvulos nondum exercere actus illos, ad quos gratia datur: *Scimus (inquit) gratiam majoribus ad singulos actus dari.* Non datur quoque ad liberos, qui mali sunt; cum (ut idem Augustinus serm. 13. de verbis Domini, cap. 11. admonuit) ad male agendum habeamus sine adiutorio Dei liberam voluntatem. Non etiam ad eos omnes, qui licet boni sint, sunt tamen ordinis naturalis; scilicet homo lapsus, per naturae vires potest quaedam agere, quae moraliter bona sunt, tum ex parte operis quod agi-

atur, tum ex parte fidei quem sibi operans propiuit; ut patet in Clemensyna quam quis eligitur, ut proximi illum sublevent: ac deinde in Clemensyna, & intentio sublevandi misericordiam alienam, bona sunt. Ita censuit Pius V. a quo proscripta fuit hæc propositio: *Omnia opera infidelium sunt peccata*. Hinc patet, axioma de quo agitur, intelligi tantum de actibus qui propter concupiscentiam difficiles sunt, ut victoria ex temptationibus; aut ead ordinis sint supernaturalis, & ad illam conferant.

CONCL. 2. In hoc axioma, *Gratia datur ad singulos actus*: nomine gratiæ non intelligitur habitualis, sed actualis tantum.

Probatur 1. In axioma de quo agitur, intelligitur gratia, quam Pelagiani negabant in nominibus iustis ad singulos pietatis actus requiri: scilicet sub initium Pelagianismi, non de alia gratia, quam de ea quæ iustis ad operandum bonum est necessaria, Catholici cum hæreticis disputant: nempe de ea illam gratiæ agit Augustinus in libris, qui ante hæresos Pelagianæ in Concilio Carthaginiensi condemnationem confecti fuerant; neque etiam de alia disputat in dictionibus, & gratia; in secundo de perfectione meritis; de perfectione iustitiæ; de ipsius, & licet; Epistola 89. de gestis Pelagii, qui omnes libri editi sunt, antequam Pelagii in Carthagine damnarentur: Atque Pelagiani non negabant, gratiam habitualem requiri in iustis ad singulos pietatis actus, cum facerentur eos sine gratia habituali, sine remissione peccatorum non posse iustos esse: ergo, &c.

Probatur 2. Laudatum axioma debet intelligi de gratia, per quam bonum faciendum, dulce ac suave sit: *Quis enim* (ait Augustinus in lib. 2. ad Simplicianum c. 27.) *animus amplexatur, quod curare debet?* Atque bonum non est dulce ac suave per gratiam habitualement, sed per gratiam formalem, ut loquuntur, & recte item: neque enim omnes iusti, licet gratiam habitualement habuerint, suavitatem illam ac dulcedinem in se ipsis sentiant ac experiantur: Ergo, &c.

Idem S. Doctor gratia assistentiam ad singulos actus requiritum vocat inspirationem caritatis, seu iulij rationem dilectionis boni, quod agendum est. *Invito* (ait S. Doctor al. 2. ad Bonifacium c. 8.) *& reluctanti Deus inspirat boni cupiditatem, ut iam non sit reluctans, sed consentiens bono, & vult bonum: sed ea caritate ipsi iustis, non est habitualis, nempe ipsa inspirationis vox actum, sed tantum habitum, facit.*

Idem evincitur ex precibus Ecclesiæ, ex quibus sic eruitur argumentum. Illi iustis est ad singulos actus necessaria, quam Ecclesiæ a Deo petit; oratio enim, ex Augustino, est prima est gratiæ certificatio: unde idem Sanctus Doctor sic loquitur in libro de

dono perseverantia cap. 7. *Si ergo alia documenta essent, hæc Dominica oratio nobis ad causam gratiæ, quam defendimus, sola sufficeret: Atque gratia quam Ecclesiæ a Deo petit, non est gratia habitualis: Nam 1. eam pro iustis non petit, cum ea iam fruuntur, idque a nemine petatur, quod iam in sua habeat potestate: Impetrando quidem oratio* (inquit Augustinus Epist. 105.) *quidquid impetrat, evidenter donum Dei esse ostenditur, ut homo existimet, a se ipso sibi esse, quod si in potestate haberetur, non utique posceretur.* 2. Eam quoque, saltem immediate, non petit pro incredulis; sed petit gratiam actualem, per quam ex non credentibus credentes fiant: *Scimus* (ait idem S. Doctor Epist. 107.) *pro eis qui nolunt credere, nos qui jam credimus, recta fide agere, cum Deum oramus, ut velint. Scimus pro eis, qui ex illis crediderunt, tanquam de beneficiis, recte acque veraciter & debere nos Deo gratias agere, & solere.* 3. Eam gratiam petit Ecclesiæ, per quam non tantum possimus, sed etiam acta Dei mandata servemus: *Cum ergo* (ait S. Doctor lib. 2. de peccatorum meritis, c. 5.) *nobis iubet, dicem: Convertimini ad me, & ego convertar ad vos: usque illi dicimus: Convertite nos Deus sanctitatem nostram, & Deus virtutum convertite nos, quid aliud dicimus, quam: Da quod iubet. Atque, dato quod per gratiam habitualement servare possimus Dei iuramenta, illi tamen per eam acta non servamus: ergo Ecclesiæ in suis orationibus gratiam habitualement non petit.*

Probatur 3. ratione. Quod in nobis habitualiter permittit, non dicitur ad singulos actus dari; ob eam enim rationem nemo unquam dixit quod liberum arbitrium ad singulos actus homini detur; quod potentia ambulandi detur ad singulos decubulationis actus: atque gratia habitualis in nobis habitualiter permittit: ergo recte non dicitur, quod datur ad singulos actus.

CONCLUSIO 3. Gratia, quam Ecclesiæ denique dari ad singulos actus, est gratia efficax.

Probatur 1. ex orationibus Ecclesiæ. Gratia efficax est quæ dat non solum posse, sed etiam ipsummet agere; ne enim bene Sibilus vult se post Prophetam in illa *Da nobis & posse ad recte quæ præcipi. Dominica 4. post Pentecostem: Da populo tui id omne quod præcipis & id adimplere quod promittis. Dominica 5. Deus, a quo bene omnia procedunt, largire supplicibus tuis, ut cognoscant te inspirante quæ recta sunt, & te gubernante eadem facere. Inter illam in Affectionibus: Fac ut tui semper & de eam genere voluntatem, & manifesti tua finem veras facere. Dominica 6. post Pentecostem. Largire quæsumus Domine semper spiritum cogitandi quæ recta sunt, propius & agendi. Multis aliis similibus*

formulis utitur, quas iis locis referemus, ubi de gratia efficaci differemus.

Probatur. 1. auctoritate Augustini. Ex gratia ex Augustino in libro de gratia Christi c. 3. datur ad singulos actus, quæ dilectionem inspirat, ut id quod faciendum esse cognoveris, faciat; quæ (ut ait c. 8.) ineffabili cum suavitate desiderium infundit; quæ (ut ait c. 14.) interna atque occulta, mirabili ac ineffabili potestate operatur in cordibus hominum bonas voluntates; quæ (ut ibidem ait) velle & operari operatur in nobis; quæ (ut ait c. 35.) inspirationem flagrantissima & luminosissima caritatis impetret. Ejusdem libri c. 10. contendit contra Pelagianum, debere eam gratiam ad singulos actus dari, quæ voluntas iustitiam amet, quæ ad Deum eat, quæ futura gloriæ magnitudo credatur & speretur: Sed nos eam gratiam volumus, iste aliquando faveatur, quæ futura gloria magnitudo non solum promittitur, verum etiam creditur & speratur; nec solum revelatur sapientia, verum etiam & amatur; nec suadet solum omne quod bonum est, verum & persuadet. . . . Hanc debet Pelagius gratiam confiteri, si vult non solum vocari, verum etiam esse Christianus. Atqui gratia cui ea omnia conveniunt, est gratia efficax: ergo gratia quam Ecclesia definiit dari ad singulos actus, est gratia efficax, seu quæ non dat solum posse, sed etiam ipsummet agere.

Obiicies 1. Gratia efficax est tantum necessaria ad initium fidei, & ad perseverantiam usque in finem: ergo non est necessaria ad singulos pietatis actus. Probatur ant. Augustinus agens de necessitate gratiæ, libro de prædestinatione sanctorum, de solo initio fidei loquitur; & in libro de dono perseverantiæ, de sola usque in finem perseverantia: ergo, &c.

Resp. ad 1. neg. ant. Ad 2. conc. ant. neg. conseq. Ratio est, quia Augustinus in libris quos contra Pelagianos exaravit, probat gratiæ necessitatem ad omnes pietatis actus, eo quod Pelagiani contenderent, ad nullum eam requiri. Contra in libris de prædestinatione sanctorum, & de dono perseverantiæ solum agit de necessitate gratiæ efficacis ad initium fidei, & ad perseverantiam usque in finem: eo quod Semipelagiani, quos iis in libris impugnât, faterentur, ad alios actus ab initio fidei & a perseverantia usque in finem, requiri eam gratiam, hoc est efficacem, quam Augustinus in suis operibus adversus Pelagianos asseruerat. Sed quid gloria? (ait sanctus Doctor in libro de dono perseverantiæ, c. 24.) satis docuisse me existimo, vel potius plusquam satis, dona Dei esse, & incipere in Domino credere, & usque in finem in Domino permanere. Cetera vero bona ad vitam piam, quæ Deus recte colitur, perseverantia, etiam ipsi propter quos hæc agimus, Dei esse concedunt.

Obiicies 2. Gratia habitualis, ceterique virtutum habitus, ad hoc dantur, ut homo possit bonum agere, & evitare malum: ergo satis sunt ad singulos actus: alioquin enim aut imperfecti essent, aut inauda hominibus iustis a Deo darentur.

Respondet hisce verbis Elius in l. 4. Sent. disp. 26. §. 22. Ad primum cum S. Thomam respondemus, habituales gratias, & virtutes non ad hoc dari, ut illi acceptis; utque auxilio non egamus, sed ut possimus & volamus ad operandum. Quod cum præstamus, nec frustra data sunt, nec in suo genere imperfecta; licet actualis operatio non sequatur, nec peculiaris motione, id est, auxilio Dei, nec etiam res se habet in omni alio habitu, & principio activo creato.

Quæres, cum gratia ad singulos pietatis actus detur, quid in bono opere gratiæ adscribi debeat, quid libero hominis arbitrio?

Resp. bonum opus, totum gratiæ adscribi debere, totum quoque libero arbitrio, sed diversa ratione: nempe libero arbitrio tribui debet tamquam causæ cooperanti; gratiæ vero tamquam causæ moventi, & determinanti ad cooperationem, ipsamque cooperationem adjuvanti & sustinenti.

Quod totum bonum opus debeat Dei gratiæ, evincitur 1. ex Scriptura, quæ asserit, sine Dei gratia, nec parum, nec multum nos posse: Sine me nihil potestis facere. Asserit quoque omne quod in nobis bonum est, a Deo esse: Omne datum optimum (Jacobi 1.) & omne donum perfectum, desursum est. Asserit iterum, Deum operari in nobis initium, progressum, & consummationem operis nostri: Operatur velle & perficere pro bona voluntate: Deum aptare nos ad omne bonum, ac proinde & ad ipsam cooperationem: Apert vos (ait Apostolus ad Hebr. 13.) in omni bono.

Evincitur 2. ex orationis præcepto, quo jubemur, omnia quæ ad salutem pertinent, a Deo petere; eo nimirum (ut docet Augustinus in libro de dono perseverantiæ) spectant omnes orationis Dominiæ partes.

Evincitur 3. ex Patribus: Augustinus Enchiridii cap. 32. docet, ideo dictum esse: Non volentis, neque currentis, sed miserentis est Dei, ut totum Deo detur, qui hominis voluntatem bonam & preparat adjuvandam, & adjuvat preparatam. In libro de prædest. Sanct. c. 7. docet, Deo tribuendum esse, quidquid Cornelius, & antequam in Christo explicite crederet, & priusquam credidit, operatus est boni. In libro de dono perseverantiæ c. 13. hæc ait: Hoc nobis experiri & credere & dicere, hoc est pium & verum, ut sit humilis & submissa confessio, & detur totum Deo. Prosper in libro contra Colla-

tom

tozem c. ultimo, Augustino subscribens, ait: *Non ad devotionis dedisse prope totum, sed fraudulenter voluisse vel minimum.*

Iam vero quod totum bonum opus libero arbitrio tribui debeat, hisce verbis docet & explicat Bernardus in libro de gratia & libero arbitrio, c. 14. *Non partim gratia, partim liberum arbitrium, sed totum singula opere indivisim peragunt, totum quidem hoc, & totum illa, sed ut totum in illo, sic autem ex illa.* Unum tamen excipit Bernardus, primam nimirum boni cogitationem quæ mentem subit, cui cogitationi adjungi debet celestis illa suavitas, qua voluntas demulcetur: *Sic ergo (inquit) tria hæc, hoc est, bonum cogitare, velle & perficere, operatur in nobis: Primum profecto sine nobis, secundum nobiscum, tertium per nos facit. Siquidem immittendo bonam cogitationem, nos prævenit; immutando etiam malam voluntatem, sibi per consensum jungit; ministrando eam consensui facultatem, foris per apertum opus nostrum internus opifex innotescit.*

CAPUT IX.

Utrum homo innocens indiguerit gratia.

Not. **Q**Uæremus hic 1. utrum Adamus innocens aliqua gratia indiguerit; 2. an illi ad omnes actus fuerit necessaria; 3. quæ gratiæ species Adamo necessaria fuerit.

CONCLUSIO 1. Adamus innocens indiguit aliqua gratia.

Probatum auctoritate Augustini. Ubi Sanctus Doctor in Enchiridio ad Laurentium, c. 106. asseruit, Adamum in statu innocentie per liberi arbitrii usum augmentum gratiæ meruisse, hæc addit: *Quamvis sine gratia nec tunc ullum meritum esse potuisset.* In libro de correptione & gratia, ubi capite 10. docuit, Adamum potuisse per liberum suum arbitrium in iustitia, quam a Deo acceperat, perseverare, capite 11. hanc sibi objectionem proponit: *Quid ergo, Adam non habuit Dei gratiam?*

Idem Sanctus Doctor Sermonē de verbis Apostoli cap. 2. docet, Deum opitulatione suæ gratiæ Adamum operantem rexisse: *Creatus est (inquit) rectus, non se fecit rectum. Quid se autem ipse fecerit, notum est: cadens a manu Dei, fractus est: regebat enim eum ipse fecerat. Voluit deserere, a quo factus erat: permisit Deus, tanquam dicens: Deserat me, & inveniat se, & miseria sua probe, quia nihil potest sine me.* Unde in arguitur: Duobus tantum modis Deus creaturam ratione præditam regit: vel exterius, per præcepta nimirum; vel interius, per suæ gratiæ auxilium: atqui regimen, de quo Augustinus hoc in loco loquitur, non est regimen exterius per præcepta: siquidem est regimen, quod *Juvenin. Inst. Theol. Tom. III.*

Deus homini post peccatum subtrahit: at homini post peccatum non subtrahit regimen exterius, neque enim desinit homini post peccatum imponere præcepta: ergo est regimen interius, per gratiæ scilicet adiutorium.

Idem Augustinus in lib. 1. de Genesi ad litteram, cap. 10. asserit, Deum operari hominem jam creatum, ut pius sit & sapiens: *Ea locutione (explicat hæc Genesios verba: Ut operaretur & custodiret illum) dicitur Deus operari hominem, qui jam homo erat, ut pius, sapiensque sit; Deum vero operari hominem, ut pius, sapiensque sit, non aliud est, quam Deum sui gratia hominem adjuvare, ut pietatis ac sapientiæ actus operetur.*

In Enchiridio c. 107. expresse asserit, Adamo opus fuisse gratiæ, ut in accepta rectitudine permaneret: *Sic (inquit) factus est homo rectus, ut manere in ea rectitudine posset, non sine adiutorio divino.* Cap. 6. idem, licet aliis terminis, jam expresse rat: *Esse peccatum in solo libero arbitrio erat constitutum, non tamen iustitia retinenda sufficiebat liberum arbitrium, nisi participatione immutabilis boni divinum adiutorium praberetur.* Iis consonat hæc alia ejusdem Sancti Doctoris sententia: *Ut ab ea teneretur via iustitiæ, parum erat velle, nisi ille qui eum faceret, adjuvaret.* Eodem tendit hæc alia quæ habetur in libro de corrept. & gratia c. 11. *Dederat & adiutorium, sine quo in ea bona voluntate non posset permanere si vellet, ut autem vellet, in ejus libero reliquit arbitrio.*

Ex iis Augustini textibus sic conficitur argumentum. Ille indiguit gratia, qui sine ea mereri non potuit: qui indiguit Dei regimine; quem Deus operatus est, ut pius esset: qui in rectitudine sine Dei adiutorio manere non poterat; qui sine eo in bona voluntate stare non poterat: atqui (ut patet ex laudatis textibus) ea omnia locum habuerunt in Adamo innocente: ergo Adamus innocens indiguit aliqua gratia.

CONCL. 2. Gratia Adamo necessaria fuit, non solum ad perseverandum in finem usque, sed etiam ad singulos actus.

Probatum 1. Bona voluntas est idem cum actu bono; unde Augustinus eam non semel per actum exprimit: eam enim l. 14. de Civit. Dei vocat Dei amorem; lib. 11. de Genesi ad litteram, scribit positam eam esse in velle & non dissentire suadenti: atqui ad quamlibet bonam voluntatem Adamus innocens indiguit gratia actuali: *Quoniam (inquit Augustinus in l. de corrept. & gratia, c. 11.) liberum arbitrium ad malum sufficit, ad bonum autem nihil est nisi adjuvetur ab omnipotenti bono: ergo &c.*

2. Adamus innocens per quodlibet bonum opus meritum sibi comparasset: sed ad meritum sibi comparandum indiguisset auxilio gratiæ: *Meritum bonum (inquit Augustinus*

1. 14. de Civit. Dei cap. 17.) *habent in adjuta divinitus voluntate.*

3. Omnis actus Adami innocentis fuit actus quo voluit in gratia sibi in creatione concessa manere: atqui ut posset velle in gratia manere, indiguit gratia auxilio; *Si autem* (ait August. in l. de corrept. & grat. c. 12.) *hoc adjutorium vel Angelis, vel homini, cum primum facti sunt, defuisset; quoniam non talis natura facti erant, ut sine divino adjutorio possent manere si vellet, non utique sua culpa cecidissent: adjutorium quippe defuisset, sine quo manere non possent.* Adamus innocens quoad singulos actus se habuit, sicut oculus quoad visionem: ergo quemadmodum oculus, quantumcumque sit sanus, videre non potest nisi candore lucis adjuvetur: ita nec Adamus innocens potuit actum aliquem pium elicere sine divina gratia adjutorio: *Sicut enim oculus corporis* (ait Aug. lib. de natura & gratia, c. 26.) *plenissime sanus, nisi candore lucis adjutus, non potest cernere: sic homo etiam perfectissime iustificatus, nisi a luce justitia divinitus adjuvetur, recte non potest vivere.*

CONCLUSIO 3. Gratia Adamo in statu innocentie ad singulos actus necessaria, fuit gratia actualis.

Probatur 1. Gratia quæ Adamo in statu innocentie ad singulos actus necessaria fuit, non est gratia habitualis, aut simplex Dei concursus, etiam supernaturalis: ergo est gratia actualis. Major propositio variis argumentis ostenditur.

I. Inter Augustinum & Pelagianos nulla unquam fuit quaestio de gratia habituali; eam enim in Adamo, tum innocente, tum lapsa, Pelagiani admittebant: ergo de gratia habituali intelligi non debent loca, quæ ad præcedentis conclusionis probationem allata sunt ex Augustino.

II. Idem Sanctus Doctor loquitur de gratia quæ requiritur ad conservandam gratiam habitualement; loquitur enim de gratia, quæ iustis est ad perseverandum necessaria, ut ex textibus supra laudatis patet: at gratia quæ requiritur ad conservandam gratiam habitualement, non est gratia habitualis; neque enim medium potest esse idem cum fine.

III. Gratia, quæ ad singulos actus necessaria fuit Adamo innocenti, est gratia, per quam (ut jam observatum est) Deus Adamum innocentem regebat: atqui gratia, per quam Deus Adamum innocentem regebat, non est habitus, aut concursus simulataneus, sed actus quidam, illustratio nimirum & motio, quibus creaturæ suæ facultates duas, intellectum & voluntatem, afficit, priusquam, saltem in instanti naturæ, illæ facultates operentur: *Si voluntas* (inquit Augustinus lib. 14. de Civ. Dei, c. 13.) *in amore superiori immutabilis boni, a quo illustrabatur ut videret, & accendebatur ut amore stabilis permaneret,*

non inde ad sibi placendum converteretur, & ex hoc intensius esset, & firmius esset.

IV. Gratia quæ ad quolibet pietatis actum fuit necessaria Adamo innocenti, se habet respectu gratiæ habitualis, sicut alimenta respectu vitæ; sicut lux quæ opus est oculis, ut videre possit: ita enim docet Augustinus in Enchirid. cap. 106. atqui alimenta distinguuntur a vitæ ad cuius conservationem requiruntur; lux distinguitur ab oculo, cui ea opus est ad videndum: ergo gratia, de qua agitur, in Adamo innocente distincta erat a gratia habituali.

V. Idem Sanctus Doctor in libro de correptione & gratia, aperte gratiam Adamo ad agendum necessariam distinguit a bona voluntate habituali: sic enim loquitur, c. 11. *Tunc ergo dederat homini Deus bonam voluntatem, in illa quippe eum fecerat, qui fecerat rectum. Dederat & adjutorium, sine quo in ea non posset permanere, si vellet, hoc est, etiam si vellet.* Particula illa, &, importat rei conjunctæ distinctionem a re, cui conjungitur; neque enim idem potest sibi ipsi conjunctum esse: ergo in illò Augustini textu importat quoque adjutorii distinctionem a bona voluntate, a rectitudine, in qua Adamus conditus fuerat, ac proinde a gratia habituali, quæ (ut jam observatum est) ab illa bona voluntate, ab illa rectitudine, in qua Adamus conditus fuerat, non distinguitur.

CONCL. 4. Gratia qua Adamus innocens ad singulos actus indiguit, distincta fuit a concursu concomitante etiam supernaturali.

Probatur 1. Concursus concomitans non afficit causam, sed effectum tantum, hoc est, nullas vires addit causæ; unde si causæ vires non suppetant, ad actum non progreditur, etiam si præsto sit concursus ille concomitans: E contra vero adjutorium, quod rectitudini, in qua Adamus fuerat creatus, superadditum fuerat, in Adamo ipso agendi facultati vires addebat; scilicet Augustinus non semel asserit, Adamum sine eo adjutorio non potuisse permanere; cum eo vero potuisse.

Probatur 2. Cum Augustinus scripsit, Adamum sine illo adjutorio non potuisse in statu gratiæ permanere; majus aliquid dixit, quam si dixisset Adamum sine adjutorio potuisse cadere: id tamen in adversariorum suppositione falsum esset; non minus enim ad cadendum (quod fit quando creatura Deo anteponitur) requiritur concursus concomitans, quam ad perseverandum in iustitia per virtutis praxim.

Probatur 3. Concursus concomitans non subtrahitur in poenam præcedentis alicujus peccati, sed subtrahitur tantum ex eo, quod quis eo uti nolit, seu ex eo quod non velit operari: E contra adjutorium, quod Adamo innocenti concessum fuit, eidem Adamo, non jam stanti, sed lapsa subtrahitur

in peccatum peccati. Si autem hoc adiutorium
fuit illi in libro de corrept. &
admonit. vel homini, cum
non utique...

Probat. 1. Adiutorium Adamo concessum
fuit adiutorium sine quo non, non autem ad-
iutorium quod hoc est, fuit tale adiutorium,
ut licet sine illo liberum arbitrium in iusti-
tia stare non posset, non tamen ut illo dato,
liberum arbitrium staret in iustitia; e con-
tra concursus concomitans, huc sit ordinis
naturalis, sive supernaturalis. Cuiusmodi est,
ut ex magis ad id, ad quod datur: si enim
Deus operanti v. g. aut diligenti coope-
retur, iam hoc ipso quod coope-
retur, vel diligit.

Tandem Sanctus Augustinus epistola 106.
ad Paulinum sic loquitur: *Natura humana,*
etiam in illa integritate, in qua condita est,
permaneret, nullo modo seipsam, creatore suo
non adjuvante, servaret. Cum igitur sine Dei
gratia salutem non posset custodire, quam acce-
perat, quomodo sine Dei gratia posset reparare,
quam perdidit? Ex his verbis evidenter se-
quitur, gratiam, quae Adamo ad conservan-
dum iustitiam fuit necessaria, fuisse & ab ha-
bituali gratia, & a concursu simultaneo om-
nino distinctam: siquidem (ut iam superius
observatum est) medium ad finem comparan-
dum est omnino distinctum ab ipso fine compa-
rando. Concursus simultaneus, cum actu poni-
tur; supponit in homine voluntatem realem
& efficaciam conservandi iustitiam: ideo enim
Deus cum voluntate concurrit, quod volun-
tas prius, saltem in instanti naturae, velit
bonum operari.

Ex his quae hucusque dicta sunt, patet 1.
Adamum innocentem indiguisse gratia ad bo-
nam agendum: *Non sic enim* (ut ait Augu-
stinus) *constitutus est relictus, ut ad permanen-*
dam in ea rectitudine non indigeret auxilio di-
vino. Patet 2. illud adiutorium non tantum
ad actum illum, qui ultimam vitae periodum
claudit, fuisse Adamo innocenti necessarium,
sed etiam ad singulos pietatis actus: nempe
perseverantia in rectitudine, in qua condi-
tus fuerat, non unum tantum aequum dicit,
sed omnes actus virtutum, quatuor in praecepta
urgebant. Patet 3. illud adiutorium omnino
distinctum fuisse a gratia habituali; erat eni-
m; ex Augustino, medium ad gratiae habi-
tualis, in qua Adamus creatus fuerat, con-
servationem necessarium. Patet 4. illud ad-
iutorium non fuisse concursum simultaneum;
scilicet adiutorium illud, ex Augustino, in-
stabat in causam seu potentiam operandi
bonum; cum e contra concursus simultaneus
non in causam, a qua determinatur, sed in
effectum tantum instat.

Si quis vero roget, cur Ludovicus Molina

& Lessius tanto studio laboraverint, ut osten-
derent Adam gratiam non fuisse, aut a gra-
tia habituali ceterisque virtutibus infusis, aut
concursum concomitante distinctam, dicendum
erit, ideo in id eos laborasse, ut declinarent
argumentum, quod pro intrinseca gratiae ef-
ficacia petitur ex oppositione, quam Augu-
stinus statuit inter gratiam, qua Adamus in-
nocens ad operandum indiguit, & eam qua
eidem Adamo post lapsum opus fuit.

Obicies 1. Tota ratio, cur homo post pec-
catum ad conservandam iustitiam, praeter gra-
tiam habitualement, indigeat actuali; petitur
ex difficultate quam propter concupiscentiam,
quae ad peccatum inclinat, humana voluntas
ad bonum operandum patitur: Atqui ratio
illa locum non habuit in Adamo innocente;
neque enim in eo statu, aut ignorantia, aut
concupiscentia laboravit: ergo Adamus inno-
cens non indigebat gratia ad operandum bonum.

Resp. neg. mal. ignorantia enim & concu-
piscencia, quibus homo lapsus laborat, sunt
quidem causa, cur ad bonum operandum in-
digeat efficaci auxilio, sed non sunt causa,
cur gratia (abstrahendo ab efficaci & non ef-
ficaci) necessaria sit: scilicet necessitas gra-
tiae ut sic petitur ex substantia creata, quae
quantumcumque in donis naturalibus perfe-
cta sit, proportionem non habet cum opera-
tionibus supernaturalis ordinis, quibus gra-
tiam sanctificantem, in qua fuerat condita,
conservare possit: *Est quippe in nobis,* (in-
quit Aug. in l. de corrept. & grat. c. 11.)
per hanc Dei gratiam in bono recipiendo & per-
severanter tenendo, non solum posse quod volumus,
verum etiam velle quod possumus. Quod
non fuit in homine primo; unum enim bonum
in illo fuit, alterum non fuit. Namque ut
reciperet bonum, gratia non egebat, quia non-
dum perdiderat: ut autem in eo permaneret,
egebat adiutorio gratiae, sine quo id omnia non
posset; & acceperat posse si vellet, sed non ha-
buit velle quod posset; nam si habuisset, perse-
verasset. Posset enim perseverare, etiam si vel-
let: quod ut nallet, de libero descendit arbitrio,
quod tunc ita liberum erat, ut bene velle pos-
set, & male.

Obicies 2. Sententia, qua asseritur, Ada-
mum, praeter gratiam sanctificantem, aut con-
cursum simultaneum, indiguisse gratia actuali
ut bonum operaretur, repugnat variis Au-
gustini principis.

Nam Sanctus Doctor docuit 1. in Adamo
innocente fuisse pietatem bene vivendi, si
vellet: *Quis nescit,* (ait in libro de natura
& gratia, c. 37.) *cum sanum & inculpabilem*
factum, & libero arbitrio, atque ad iuste vi-
venum potestate libera constitutum.

Docuit 2. in Adamo innocente fuisse fi-
delitatem credendi in Deum, & eum dili-
gendi: Nempe contendit, per peccatum fi-
delitatem illam amissam fuisse: *Liberum ar-*

bitrium (inquit epist. 107.) *ad diligendum Deum primi peccati granditate perdidimus.*

Docuit 3. sententiam pelagii contendenti, hominem non indigere gratia, futuram fuisse veram, si eam de homine sano intellexisset: *Si iste* (inquit in libro de natura & gratia, c. 51.) *qui hunc librum scripsit, de illa hominis natura loqueretur, qua primo inculpata & salva condita est, utcumque acciperetur hoc dictum.*

Docuit 4. sic Deum res ordinasse, ut in Angelis, ac proinde & in homine sano, ostenderet, quid posset liberum creaturæ innocentis arbitrium: Quapropter (ait in lib. de corrept. & gratia, c. 10.) *saluberrime confirmetur, quod rectissime credimus, Deum, Dominum rerum omnium, sic ordinasse Angelorum & hominum vitam, ut in eis prius ostenderet, quid posset eorum liberum arbitrium, deinde quid posset sua gratia beneficium, justitiaeque iudicium.*

Docuit 5. potestatem perseverandi fuisse in hominis innocentis arbitrio: *Qui non infertur in tentationem,* (ait in libro de dono perseverantiae cap. 7.) *non discedit a Deo. Non est hoc omnino in viribus liberi arbitrii, quales nunc sunt. fuerat in homine, antequam caderet.*

Tandem docuit 6. Angelos sanctos per liberum arbitrium in iustitia a Deo in creatione accepta perseverasse: *Cadentibus* (inquit cap. 11.) *aliis per liberum arbitrium, per idem liberum arbitrium steterunt ipsi.*

Ex iis autem textibus sic argumentum conficitur. Ille ab bonum operandum non indiguit gratia actuali: in cuius natura fuit potestas recte videndi; facultas credendi in Deum, & cum diligendi; in quo Deus ostendere voluit, quid posset liberum arbitrium; qui in se ipso vires habuit, ut tentationi non succumberet; qui, sicut in Angelis sanctis actu contigit, per liberum arbitrium in sanctitate per creationem accepta perseverare potuit: Atqui (ut ex textibus allatis patet) ea omnia locum habuerunt in Adamo innocente: ergo Adamus innocens, præter gratiam habitualement, non indiguit actuali, ut bonum operaretur.

Resp. conc. mai. dist. min. Atqui ea omnia in Adamo innocente adjuto gratia versatili locum habuerunt, conc. min. non adjuto gratia versatili, neg. min. Quæ in argumento nobis objectæ sunt, recte de eo dici possunt, qui gratiam tantum versatilem habet, hoc est, quæ liberum arbitrium non determinet ad operandum, sed potius ab ipso determinetur: quando enim duæ causæ ad aliquem effectum concurrunt, effectus præcipue illi tribuitur, qui primas in eo partes habet, per quam alia ad ipsum determinatur; ac proinde cum liberum hominis innocentis arbitrium primas partes habuerit in bono, cum

ab ipso gratia actualis determinata fuerit ad actum, mirum non est, cur in eadem Adamo innocentis arbitrio tantam, quantam obiciunt adversarii, facultatem Augustinus agnovit.

Obiicies 3. S. Thomas 1. part. q. 109. multa scribit, quæ conciliari non possunt cum conclusione, in qua asserit, Adamum innocentem indiguisse gratia actuali ad bonum agendum. Siquidem articulo 2. hæc scribit: *Sed in statu nature integra, quantum ad sufficientiam operativam virtutis poterat homo per sua naturalia velle & operari bonum sua natura proportionatum, quale est bonum virtutis acquisita.* Articulo 3. hæc habet de Dei amore: *Homo in statu nature integra poterat absque superadditione gratuiti doni diligere Deum super omnia.* Articulo 4. hæc etiam de mandatis Decalogi: *Hoc modo* (scilicet quantum ad substantiam) *homo in statu nature integra potuit omnia mandata legis implere.* Unde sic arguitur: Ille non indigebat gratia actuali ad operandum bonum, qui per sua naturalia poterat, & velle & operari bonum; servare omnia Decalogi mandata, & amare Deum super omnia: Atqui Adamus innocens, ex S. Thoma, per sua naturalia, hoc est, per vires naturales, ea omnia poterat: ergo &c.

Resp. ad 1. S. Thom. loqui de bono, quod est ordinis naturalis: *Quale est* (inquit) *bonum virtutis acquisita; non autem bonum superexcedens, quale est bonum virtutis infusa.*

Resp. ad 2. eundem S. Doctorem sumere amorem pro necessaria propensione, quæ quilibet creatura fertur ad ultimum finem: *Homo* (inquit) *in statu nature integra poterat operari virtute sua natura bonum, quod est sibi convenientius absque superadditione gratuiti doni, licet non absque auxilio Dei moventis: diligere autem Deum super omnia, est quoddam connaturale homini, & etiam cuilibet creaturæ, non solum rationali, sed irrationali, & inanimatæ, secundum modum amoris, qui unicuique creaturæ competere potest.*

Q U Æ S T I O IV.

De gratuitate Gratia.

Not. 1. Dogma est fidei Catholicæ, Gratiam esse omnino gratuitam.

Nempe 1. id definitum est in Concilio Diopolitano, ex quo Pelagius non exisset impune nisi hanc propositionem, *Gratia secundum merita nostra datur*, coram laudati Concilii Patribus damnaasset, ut asserit Augustinus in Epistola ad Sixtum.

2. Idem Dogma, *Gratiam esse omnino gratuitam*, inter catholicæ fidei regulas ab eodem Augustino recensetur in Epistola ad

Vitalem & Quoniam deo, (inquit) spiritus
Christo Christo. Catholicique sunt
scimus Gratiam Deo non dari nisi meriti-
bus secundum merita nostra dari.

Not. 2. Ut illud fidei dogma, Gratia non
datur secundum merita nostra, probe intelli-
gatur, singuli ex quibus constat, termini
exponendi sunt: nempe querendum est 1.
quæ gratia non datur secundum merita; 2.
quid meriti nomine intelligatur; 3. quid
vox illa, Gratia, significet; 4. utrum dog-
mate illi assensuatur quolibet ad gratiam
præparatio.

CAPUT PRIMUM.

Quæ gratia non datur secundum nostra merita.

CONCL. 1. In hoc fidei articulo, Gra-
tia secundum merita non datur, vox hæc
Gratia, non tantum intelligi debet de gra-
tia habituali, sed etiam de gratia actuali,

Probatur. Vox hæc, Gratia, de ea omni
gratia intelligi debet, quam Pelagiani con-
tendebant secundum merita nostra dari: sci-
licet articulus ille, Gratia secundum merita
non datur, contra Pelagianos in Synodo Dis-
politana definitus est: contra eos quoque
propugnatus est ab Augustino, tum in Epi-
stola ad Sixtum, tum in multis aliis ope-
ribus: Atqui Pelagiani non solum gratiam ha-
bitualem, quæ hominem (ut loquuntur) for-
maliter sanctificet: sed etiam actualem, quæ
ad justificationem disponit, contendebant se-
cundum merita nostra dari. Nempe quæsi-
ti, cum gratiam in Palæstina Synodo confes-
sissent secundum merita non dari, non co-
sugerant ad gratiam actualem, hoc est, non
responderunt, gratiam actualem non dari se-
cundum merita; sed tantum ad creationis
gratiam, quam homines, impote nondum
existentes, suis meritis prævenire non po-
tuerint, id enim testatur Augustinus Epistola
ad Sixtum.

Probatur iterum nostra conclusio. Ratio-
nes quibus Patres usi sunt, ut contra Pela-
gianos ostenderent, gratiam secundum merita
non dari, præcipue vim habent in gratia
actuali:

Usi sunt 1. argumento petito ex fide, pro-
baruntque, fidei gratiam secundum merita non
dari, ut videre est apud Augustinum in Epi-
stola ad Sixtum: atqui gratia fidei, seu qua in-
fidelis ad fidem movetur, est gratia actualis.

Usi sunt 2. argumento petito ex auxilio,
quod in iusto ad bonum agendum requiritur:
Deinde (ait Augustinus in Epist. ad Sixtum)
post remissionem peccatorum, nisi mundatum do-
mum habitet Spiritus sanctus, nonne cum aliis
septem redit spiritibus immundis? Sed auxi-
lium illud quod in iusto ad operandum bo-
num requiritur, est gratia actualis; nempe

auxilium illud spirationis & caritatis nomi-
nibus bibitur ab Aug. Rino exprimitur: at
spirationis & caritatis actionem significant:
Caritatem vero (ait S. Doctor alio in loco)
motum animi ad fruendum se & proximo pro-
pter Deum.

Usi sunt 3. argumento petito ex oratione,
per quam & remissio peccatorum, & virtutes
impetrantur: Afferuerunt nempe, oratio-
nem impii, qui iam credit, effectum esse,
quem nulla omnino merita præcedant: ita
Augustinus in Epistola ad Sixtum.

Usi sunt 4. argumento quod petitur ex eo,
quod gratia, quam dixerunt secundum merita
non dari, quibus datur, ex misericordia de-
tur: quibus non datur, iusto Dei iudicio ne-
getur; Scimus (ait Aug. in Ep. ad Vitalem)
eis quibus datur, misericordia gratuita dari.
Scimus eis, quibus non datur, iusto Dei iudicio
non dari. at dici non potest, quod gratia ha-
bitualis iis quibus datur, ex Dei misericordia
detur; nam quamvis gratia habitualis de con-
digno (ut loquuntur Theologi) impio adulto
non debeatur, cum (ut ait Tridentina Syno-
dus sessione 6. cap. 8.) nihil eorum quæ ju-
stificationem præcedunt, sive fides, sive opera,
ipsam justificationis gratiam promereatur; de-
betur tamen de congruo impiis, qui per actus
fidei, spei, & caritatis se se ad eam præpa-
raverint, ut videre est in Concilio Tridenti-
no sess. 6. cap. 6. Eo autem sensu opera, quæ
per Dei gratiam ab impio facta fuerint, ju-
stificationem de congruo merentur, quod a Deo
justificationem impetrent: Sed (inquit Augu-
stinus in Epistola ad Sixtum) nec ipsa remissio
peccatorum sine aliquo merito est, si fides hæc
impetrat: neque enim ullum est meritum fidei:
qua fide ille dicebat, Deus propitius esto mihi
peccatori: & descendit justificatus merito fidelis
humilitatis: quoniam qui se humiliat, exaltabitur.

Obicies 1. In hoc fidei articulo: Gratia
secundum merita non datur, nomen Gratia lu-
mitur pro gratia qua justificamur: Abjiciat-
ur (inquit Augustinus in Epistola ad Six-
tum) a Christianorum cordibus ista fallacia,
Pelagii, qui nomine gratiæ, cujus gratui-
tatem in Palæstina Synodo confessus fuerat,
intellexerat gratiam creationis; nam apostolus
non istam gratiam commendat Apostolus, qua
creati sumus, ut homines essemus; sed qua
justificati sumus, ut homines iusti essemus:
Ista est enim gratia per Jesum Christum Do-
minum nostrum: Atqui sola gratia habitualis
impium justificat: ergo in articulo, de quo
agitur, nomine gratiæ sola gratia habitua-
lis, non autem actualis intelligitur.

Resp. dist. maj. In hoc fidei articulo, &c.
nomen Gratia sumitur pro gratia, qua ju-
stificamur aut dispositive, aut formaliter,
conc. maj. formaliter tantum, neg. maj.
Ratio est, quia Augustinus loquitur de ju-
stificationis gratia, quæ est via ad justificatio-
nem;

nem; sed qua (inquit) iustificati sumus, ut homines iusti essemus: at iustificationis gratia, quæ via est ad iustificationem, ad formam nimirum per quam iusti sumus, est gratia actualis; neque enim gratia habitualis est via ad gratiam habitualement.

Objicies 2. In articulo fidei de quo agitur, est quæstio de gratia per quam aliquid meremur: atqui gratia per quam aliquid meremur, est gratia habitualis: ergo in eo articulo nomen gratiæ sumi debet pro gratia habituali.

Resp. dist. maj. Est quæstio de gratia, per quam aliquid meremur merito de condigno, aut de congruo, hoc est, merito vel stricto, vel late sumpto, conc. maj. merito de condigno tantum & stricte sumpto, neg. maj. Ratio est, quia Augustinus (ut jam observatum est) expresse asserit, nec fidem, nec orationem impii suo merito carere, cum iustificationem impetrent, ad eamque disponant: at fides & oratio impii non supponunt in impio gratiam habitualement; alioquin enim impius, dum elicit actum fidei, dum orat, non esset impius, sed iustus, cum gratia habitualis sit forma, per quam aliquis iustus est, hoc est, in statu gratiæ sanctificantis constituitur.

CONCL. 2. In hoc catholice fidei articulo, *Gratia secundum merita non datur*, nomine *meritorum*, ea omnia intelliguntur, quæ Deum aliquo modo movere possunt ad conferendam gratiam actualem.

Probat 1. Certum est, nomine *meritorum* excludi merita proprie dicta, seu opera quæ ex condigno, ut loquuntur, gratiam actualem mereantur: siquidem hæc sententia, *Gratia secundum merita non datur*, definita fuit contra Pelagianos: Pelagiani vero docebant, gratiam actualem dari secundum merita proprie dicta, ita ut injustus foret si impiis legem naturalem per naturæ tantum vires servantibus gratiam actualem ad bonum (ut agebant) facilius operandum requisitam, non largiretur.

2. Non minus certum est, vocibus istis, *secundum merita*, excludi merita, quæ Theologi merita *de congruo* vocant. Nempe merita de congruo præparant ad gratiam actualem; ac proinde, saltem remote, præparant quoque ad initium iustificationis: at fide catholica certum est, opus ex solis naturæ viribus peractum, nulla ratione, hoc est, nec remote, nec proxime, impium ad initium iustificationis disponere: id enim aperte docet Concilium Tridentinum sess. 6. cap. 5.

3. Per has voces *secundum merita*, non excludi tantum merita, sive de condigno, sive de congruo, sed etiam quemlibet actum naturæ viribus elicitum, sive actus ille sit meritorius, sive non meritorius, sive ad il-

lius initium Deus gratiam actualem ex iustitia, sive ex mera liberalitate largiatur, variis argumentis demonstrari potest. Semipelagiani ab Ecclesia reprobati sunt, quod Deum in conferenda gratia actuali, operum quæ impius naturæ viribus egisset, rationem habere contemnerent. Itaque (verba sunt Prosperi ad Augustinum errores Semipelagianorum referente) *meritum ad Deum pertinet, omnibus porro meritis gratia æterna: quantum autem ad arbitrium libertatem, ab his eam apprehendenda, qui Deo sponte crediderint, & auxilium gratiæ præcedenti credulitate acceperint.*

Hilarius de iisdem Semipelagianis ad Augustinum scribens, asserit, errasse eos, quod vellent aliquem hominis motum, tenere licet desiderium sanitatis, & imperfectum medici invocationem, præcedere Dei gratiam.

Ipsi Semipelagiani nec alia ratione, nec aliis terminis suum errorem expresserunt. Cassianus apud Prosperum in libro contra Collatorem cæc. sic loquitur: *Qui cum in nobis ortum quemdam bonæ voluntatis inspexerit, illuminat eam confestim, atque confortat, & incitat ad salutem, incrementum tribuens ei, quam vel ipse plantavit, vel nostro conatu viderit emeruisse.* Apud eundem Prosperum cap. 3. docet, hominem habere ex seipso virtutis appetitum, ad cuius præsentiam Deus ei gratiam suam largiatur: Suir (inquit) *interdum motibus ad virtutem appetitus potest extendi, semper autem a Domino indiget adiuvâri.* Addit hominem non posse quidem per se apprehendere sanitatem, sed habere eum a semetipso desiderium sanitatis, & suæ sponte venire ad medicum, non etiam hoc ipsum medici esse, quod veniat: Id autem hisce verbis probat: *Ut evidentiùs clarescat, etiam per naturæ bonum quod beneficio Creatoris indultum est, nonnumquam bonarum voluntatum prodire principia, quæ tamen nisi a Deo dirigantur, ad consummationem virtutum pervenire non possint, Apostolus testis est dicens: Velle adjacet mihi, perficere autem bonum non inveniô.*

Ex his tum Prosperi, tum Hilarii, tum Cassiani textibus patet, errasse Semipelagianos, quod vellent, aliquid in homine (saltem in instanti naturæ) præcedere Dei gratiam, aliquid quod via sit ad eam recipiendam: ac proinde in hac sententia: *Gratia secundum merita non datur*, vox hæc *merita*, sumitur pro eo quod gratiam præcedit, ita ut sit via ad illam recipiendam.

Respondent nonnulli, Semipelagianos duo docuisse, primo, motum naturalem, seu ex liberi arbitrii viribus elicitum, in aliquibus hominibus præcedere gratiam actualem, & esse viam & conditionem ad illam recipiendam. Docuerunt 2. eum motum naturalem habere rationem meriti respectu gratiæ, sal-

saltem de congruo. Circa primum (inquiunt auctores, quorum sententiam referimus) non errarunt Semipelagiani, sed circa secundum tantum: neque enim catholice propugnari potest, motum aliquem ex solis arbitrii viribus elicibilem, mereri etiam de congruo gratiam actualem, cum motus ille diversus prorsus ordinis sit a gratia actuali, quæ supernaturalis est.

Verum nullius momenti est responsum illud. Nam Semipelagiani nusquam asseruerunt, motum naturalem, quem contendebant in aliquibus in instanti naturæ præcedere gratiam, de congruo ipsam gratiam mereri. Nec obstat, quod ajunt apud Prosperum, aliquos homines, *merito crudelitatis accipere auxilium gratiæ*: Evidens enim est, meriti nomen eo in loco non sumi stricte, sed late tantum, hoc est, pro eo omni quod est medium ad aliud habendum, sive se habeat per modum meriti, sive per modum conditionis, sive per modum viæ tantum, sive per modum dispositionis: unde Semipelagiani fere nunquam meriti nomen uturpant, cum locuti sunt de motu naturali, ad cujus intuitum, ad cujus præsentiam, Deum gratiam suam largiri contendebant.

Præterea scopus quem Semipelagiani in requiringdo illo motu naturali sibi proposuerant, non cogebat eos, ut motui illi merendi virtutem adscriberent: scilicet in eam sententiam abierant, ut gratiam cum libertate conciliarent, ut assererent mandatorum possibilitatem, ut rationem redderent, cur gratia aliquibus, non autem aliis, daretur, ut discretionem unius ab alio repeterent a vigore post peccatum superstitæ, ut vitarent vocationem illam absolutam, quam Augustinus in libro de correptione & gratia, in Epistola ad Sixtum, in Epistola ad Paulinum, aliisque in operibus propugnauerat: Hoc autem propositum vocationis Dei, quo *vel ante mundi initium, vel in ipsa conditione generis humani, eligendorum & rejciendorum dicitur facta discretio*, ut secundum quod placuit Creatori, alii vasa honoris, alii vasa contumeliæ sint creati (verba sunt Prosperi ad Augustinum de Massiliensibus scribentis) & lapsi curam resurgendi adimere, & sanctis occasionem corporis adferre. Tandem in eam sententiam abierant, ut conciliarent Scripturas, quæ ex una parte asserunt, Deum querentibus occurrere, & ex altera eum a non querentibus inveniri: Unde (inquit Cassianus apud Prosperum in libro contra Collatorem, c. 2.) *non facile humana ratione discernitur, quemadmodum Dominus petentibus tribuat, a querentibus inveniat, aperiatque pulsantibus: Et rursus inveniat a non querentibus se, palam apparent inter illos, qui illum non interrogabant, &c.*

Atqui scopum illum assequerantur Semi-

pelagiani, etiam si motui naturali, hoc est ex liberi arbitrii viribus elicitio, quem contendebant in hominibus passim Dei gratiæ præsupponi, meriti virtutem non tribuerent. Scilicet si in hominibus sit aliquis motus qui gratiam præcedat, cujuscunque sit generis, sive se habeat per modum conditionis, sive per modum pari medii, sive per modum meræ occasionis, sequitur, gratiam cum libertate conciliari; ideo enim gratia operabitur, quod humana voluntas operationem illius desideraverit: Sequitur quoque mandatorum possibilitas, cum per naturale desiderium penes sit unumquemque gratiam habere, per quam observentur: Sequitur, discretionem credentis a non credente, poenitentis a non poenitente, peti ex naturali desiderio fidei, ex naturali petitione auxilii, quod animum flectat ad poenitentiam: Sequitur, locum non habere absolutam vocationem secundum propositum; si enim vocatio ad fidem, ad poenitentiam, præsupponat fidei, poenitentiam, aliarumque virtutum tenue saltem desiderium, haud dubie non erit absoluta, sed conditionata. Sequitur tandem facile intelligi Scripturas, quæ asserunt, Deum querentibus occurrere, & aperire pulsantibus.

Tandem, tantum abest, ut Semipelagiani alicujus meriti rationem tribuerint motui naturali quem gratiæ præsupponi asserebant, quin e contra expresse professi sint, ipsum non esse meritorium, quamvis contenderent, Deum illius occasione gratiam suam largiri: *Quomodo autem* (inquit Prosper Cassianum alloquens in libro contra Collatorem c. 3.) *non advertis te in illud damnatum incidere, quod velle, nolite, convinceris dicere, Gratiam Dei secundum merita nostra dari, cum aliquid præcedere boni operis ex ipsis hominibus propter quod gratiam consequantur, affirmat*. Id quoque evidens est ex Epistola Hilarii ad Augustinum, ubi referens M. silentium doctrinam sic loquitur: *Nec negari gratiam, si præcedere dicatur salis voluntas, quæ tantum modicum querat, non autem ipsa quidquam jam valeat*. Idem evincitur ex Concilio Arausicano II. Canonibus 3. 5. 6. 7. 8. 9.

Et sane Concilium Arausicanum II. noverrat, quam vim Semipelagiani motui, naturæ viribus elicitio, tribuerent: nempe contra illos coactum est: Atqui (ut patet ex canonibus mox laudatis) ne meriti quidem meminit, cum motum illum naturæ viribus elicibilem excludit a consecutione gratiæ; ergo fallum est, quod Semipelagiani in eo tantum errarent, quod vellent aliquid naturale, quod haberet rationem meriti sive de condigno, sive de congruo præcedere gratiæ actualis concessionem.

Præterea laudati ex Concilio Arausicano canones absolute definiunt, motum naturæ viribus elicibilem nihil omnino conferre ad obli-

obtinendam a Deo gratiam actualem; Deum in dispensatione gratiæ suæ nullam habere rationem motuum, qui ex humano arbitrio proficiscuntur. Ergo Semipelagianorum error, qui iis canonibus damnatur, in eo præcise positus erat, quod vellent, motum naturalem precedere gratiæ collationem, sive per modum meriti, sive per modum dispositionis, sive per modum puri mediæ, sive per modum meræ occasionis, sive per modum conditionis: Scilicet si Arausicana Synodus credidisset eum motum aliquo ex iis modis quidquam ad gratiam assequendam conferre, simpliciter, absolute, ac sine distinctione, sine exceptione non definiisset, Deum ad illius motus intuitum aut præsentiam gratiam non largiri.

CONCLUSIO 3. Catholici in hoc fidei articulo, *Gratiam secundum merita nostra non datur*, vocibus istis, *Merita nostra*, semper intellexerunt merita, quæ sint in nobis ex nobis, seu quæ gratia in nobis non operetur.

Probatur. Articulus de quo agitur, definitus fuit contra Pelagianos: ergo eodem modo voces istas, *Merita nostra*, Patres intellexerunt, quo intellegebant Pelagiani: Atqui per eas voces Pelagiani intellegebant merita quæ sint in nobis ex nobis, hoc est, quæ gratia in nobis non operetur: *Merita humana sic*, Pelagiani, *prædicant*, (ait Augustinus in libro de gratia & libero arbitrio cap. 6.) *ut ex semetipso habere hominem dicant*: ergo, &c.

CONCL. 4. Sumendo voces istas, *Merita nostra*, pro meritis quæ gratia in nobis effecerit, aliqua est gratia, quæ secundum merita nostra datur.

Probatur 1. Vita æterna non solum est merces, sed etiam gratia: Atqui vita æterna datur secundum merita, quæ gratia in nobis effecerit, Augustino teste in epistola ad Sixtum. 2. Gratia habitualis est vera gratia: Atqui datur ex meritis de congruo quæ gratia actualis in nobis effecerit; ad eam nimirum (ut Concilium Tridentinum docet sessione 6. cap. 6.) præparant ac disponunt fidei, spei, & inchoatæ saltem caritatis actus. 3. Fides quæ omnibus donis (ut suo loco dictum est) præsupponitur, gratias actuales, quæ ad alias virtutes requiruntur, a Deo impetrat, si per dilectionem, saltem imperfectam, operetur: Id enim docet Augustinus in epistola ad Paulinum.

Ex iis quæ hucusque dicta sunt, colligitur, celebris Sententiæ contra Pelagianos definitæ, *Gratiam secundum merita nostra non dari*, hunc esse sensum: Gratia, sive habitualis, sive actualis, sive fidei, sive orationis, sive cuiuscumque alterius boni ad salutem animæ pertinentis, non datur ex merito alicujus motus eliciti ex liberi arbitrii viribus, sive illud meritum proprie sumatur,

sive late, pro mero nimirum medio, aut pro mera conditione, aut pro simplici occasione; ita ut Deus in dispensatione gratiæ, eiusmodi mediæ, conditionis, occasionis, rationem habeat. Illi explicationi lux affulgebit ex iis quæ proxime sequenti capite dicentur.

C A P U T II.

Utrum hoc fidei dogmate, Gratia secundum merita nostra non datur, excludatur quælibet ad gratiam preparatio, quæ sit ex solis naturæ viribus.

Not. Quidam, etiam ex Catholicis, non satis attendentes, quousque se extendat hocce fidei dogma; *Gratia secundum merita nostra non datur*, censuerunt, eo non excludi quamlibet ex viribus naturæ præparationem ad gratiam actualem; sed eam tantum quæ importet meritum stricte sumptum, quod a Theologis meritum de condigno passim appellatur. Scotus (referente Estio in lib. 1. Sent. dist. 26. §. 34.) docuit, hominem lapsum posse per opera moraliter bona se ad gratiam actualem disponere. Alphonsus a Castro eam opinionem non modo tanquam probabilem propugnat, sed tanquam omnino certam: ita ut libro 2. de lege pœnali cap. 24. contrariæ notam impietatis & hæreseos inurat.

Ludovicus Molina in libro quem inscripsit *Concordia*; dist. 10. docuit, opera moraliter bona per se quidem non disponere ac præparare ad primam gratiam actualem, sed per accidens tantum, ex pacto nimirum quod Deus Pater iniit cum Christo, conferendi eam ex mera liberalitate homini facienti, quod in se est, ex viribus naturæ.

Not. 2: Ex iis quæ tribus superioribus capitibus dicta sunt, evidenter sequitur, falsas esse eas, tum Scoti, tum Molina, sententias; sed ad maiorem doctrinæ copiam, & ut accuratius intelligatur fidei dogma, *Gratia secundum merita nostra non datur*, operæ pretium est, ut traditum a Molina, & propugnatum ab illius discipulis pactum impugnemus.

CONCL. Deus Pater ex pacto inito cum Christo non confert gratiam actualem iis, qui per vires naturæ bene se moraliter gesserint.

Probatur 1. Pactum illud est omnino fictitium, cum illius, nec in Scriptura, nec in Patribus, nec in auctore aliquo qui ante Molinam vixerit, vestigium aliquod reperiri possit; unde de eo dici fere potest, quod olim Tertullianus de quibusdam opinionibus, quæ illius ætate cœperant, asseruit: *Eyar, Patres, homines*, hoc est, auctores, *aabue ambulant*. Nec Apostolus Molina ingenii factum, nec Augustinus pactum illud, aliquando probaverunt, cum eo usi non sint iis locis, ubi

ubi delectatio est, ut in visione & vocatione.

2. Tunc in aliis, ut Apostolus, Augustinus, aut alii Patres, qui gratiæ causam adversus fidei hostes egerunt, illud pactum probaverint, quin e contra ipse rejecerint iis locis, ubi loquuntur inferutabilia esse Dei iudicia, ut uni datur gratia, alteri vero negetur. *Quis ergo trahat (inquit Augustinus tract. 20. in Iohannem) & quem non trahat, quare illi non trahit, & illum non trahat, noli velle iudicare, si non vis errare*: Nempe, si vere initum sit pactum illud, evidens erit ratio, cur uni gratia datur, alteri vero negetur: repetenda enim erit ex eo, quod ille per liberi arbitrii vires bene moraliter se gesserit; iste e contra male usus sit concessa sibi libertate.

3. Pactum illud contrarium est experientia: neque enim Deus eos ethnicos, qui innocentissime secundum moralem & naturalem iustitiam vixerunt, a gentilitate ad fidem vocavit, immo iis relictis, perditæ vitæ viros sibi & Ecclesiæ conjunxit: ut jam olim observavit Augustinus lib. 1. de peccatorum meritis, cap. 28.

4. Cum opera moralia solis naturæ viribus peracta nullam omnino proportionem habeant cum prima gratia, pactum conferendi gratiam iis, qui ea præstiterint, est omnino impertinens: perinde nimirum est, ac si quis assereret, Deum gratiam suam esse collaturum ei, qui aut solem aspiceret, aut deambularet, aut aliquid ageret simile; unde caveant illius defensores, ne ex eorum sint numero, qui cum (ut ait Augustinus loco proxime laudato) *humana, hoc est, ex arbitrio confectis, conjecturis iustitiam Dei defendere vellent, & ignorarent altitudinem gratiæ, fabulas improbabiliter texerunt*. Auctores illi temperent a fabulis huiusmodi, agnoscant potius infirmitatem omnibus communem, quemadmodum lib. 1. ad Simplicianum q. 2. humilis Augustinus hisce verbis eam confessus est: *Certe ita occultum est hoc obsequium, ut in eadem conspersione nobis proisus apparere non possit; aut si appareret quibusdam, ego in hac re infirmitatem meam fateor*.

5. Pactum illud præcipua argumenta enervat, quibus olim Augustinus, & alii Patres, Pelagianos & Semipelagianos vicerunt. Nam 1. operans operatur moraliter bona, seipsum discerneret, etiam in negotio suæ salutis, ab homine qui ea non operaretur: nempe Deus, sive ex merito, sive ex pacto, gratiam suam bene moraliter agenti contemnat, ad ea attendit, saltem tanquam ad terminum, aut ad conditionem, aut occasionem, ut homini ethnico gratiam fidei, & fidei post peccatum lapsu poenitentiae donum largiatur. 2. Initium justificationis impii non esset a gratia præveniente; siquidem ipsa

in illis operibus moralibus ordinarie præveniret. Vnde alia argumenta, quibus Augustinus in libro de prædestinatione Sanctorum utitur, ut contra Semipelagianos probet, initium fidei non ex nobis, sed ex Deo esse.

6. Doctrina de illo Molinæ pacto, eamdem est, mutato nomine, cum sententia Semipelagianorum; nempe cum iis aliquid in nomine ponit, ratione cuius, aut saltem ad cuius intuitum, tanquam ad conditionem, aut occasionem, Deus primam gratiam largiatur. Præterea non coheret cum Arausici Concilii II. Canonibus, quos huiusce questionis capite secundo laudavimus; immo in iis expresse damnata videtur, ac præsertim canone 6. qui sic habet: *Si quis sine gratia Dei, credentibus, volentibus, desiderantibus, conantibus, laborantibus, vigilantibus, studemibus, petentibus, quærentibus, pulsantibus nobis misericordiam dicit conferri divinitus resistit Apostolo dicenti, quid habes, quod non acceperis? & Gratia Dei sum id, quod sum*.

Confirmantur hæc hucusque dicta sunt, ex iudicio Cleri Gallicani ad Comitia generalia anno 1700. congregati. Delatæ sunt ad illum Gallicanorum Patrum consensum hæc due propositiones.

Prima, *Axioma illud Theologicum, Facienti quod in se est Deus non denegat gratiam, non solum verissimum est, atque doctrina Scripturæ, Conciliorum & Patrum maxime consentaneum: verum etiam per illud significatur obligatio, quam Deus habet dandi gratiam facienti quod in se est, non solum facienti quod ex se viribus gratia, sed etiam illi, qui cum non habeat gratiam, facit quod in se est viribus naturæ*.

Altera, *Quia tamen opera viribus solius naturæ elicta omnino sterilia sunt, atque incapacia merendi dona intrinsece & Theologicè supernaturalia, ideo dicimur obligationem, quam Deus Pater habet conferendi gratiam facienti quod in se est viribus naturæ, seu viribus gratiæ pure naturalis, sive non theologicè supernaturalis, non oriri ex bonitate talium operum, aut ex ullo merito, sive condigno, sive congruo, quod insit in illius operibus, in ordine ad gratiam; sed ex pacto inter Christum suæque orationis nostrum, & Patrem inito, ad gratiam hominibus conferendam propter Christi merita, respiciendo ea naturalia opera ut purum terminum, non ut meritum ullum, aut rigorosam conditionem*.

Iis vero ambabus propositionibus Gallicani Patres hanc censuram iniecerunt: *Hæc due propositiones, quæ parte causam discernendi inter iustos & non iustos in opera mere naturalia referunt, Semipelagianismum instaurant, mutatis tantum vocibus. Pactum autem quod inter Deum Patrem & Christum asseritur, commentum est temerarium, erroneum, nec solum tacente, sed etiam adversante Scripturæ & sanctorum Patrum traditione prolatum*.

Sol-

Solentur argumenta ex Scripturis petita.

Obijcies 1. Zachariae 1. dicit Dominus : *Convertimini ad me, & ego convertar ad vos*; hoc est, convertimini ad me per naturam, & ego convertar ad vos per gratiam; neque enim Deus aliam quam per naturam vires conversionem potest exigere: ego Deus bene moraliter ex viribus naturae se gerenti suam gratiam elargitur.

Resp. dist. ant. Convertimini ad me per naturam praeventam gratia, & ego convertar ad vos per gratiam remissionis peccatorum, conc. ant. per naturam gratia minime praeventam, neg. ant. Itaque Deus ea Prophetae sententia Judaeis praecipit, ut gratiae cooperentur, si velint ab eo gratiam remissionis peccatorum obtinere: quod enim conversio, quam Deus tanquam conditionem gratiae remissionis peccatorum exposcit, non sit conversio sine auxilio gratiae praeventantis, probat Augustinus in libro de gratia & libero arbitrio, cap. 5.

Obijcies 2. Proverb. 16. hae habentur: *Hominis est praeprare animam, & Domini gubernare linguam*: ergo prius est, hominem per naturae vires praeprare animam, quam Deum per gratiam gubernare linguam: si enim sine gratiae auxilio homo praepraret animam, non valebit antithesis quam ille statuit inter animae praeprationem, & gubernationem linguae.

Resp. ad 1. neg. consequ. si enim homo, ad recte & pie loquendum, per se ipsum animam suam praepraret, non esset (ait Aug. in lib. de grat. & lib. arb. c. 16.) cur Rex Propheta peteret a Deo oris sui custodiam: *Pone, Domine, custodiam ori meo, & ostium circumstantiae labiis meis*: ut non declinaret cor meum in verba malitiae, ad excusandas excusationes in peccatis. Ad 2. neg. ant. scilicet in eo valet antithesis, quod quantumvis homo etiam adjutus gratia, animam suam ad loquendum coram Principe praepraverit, penes Deum sit sermonis eventus, hoc est, efficere, ut ad sermonem sapienter paratum Principis animus moveatur ad concedendum postulata. Unde Esther cap. 14. ad Assuerum accessura, sic Deum precatur: *Tribue sermonem compositum in ore meo in conspectu leonis, & transfer cor illius in meum hostis nostrum*.

Obijcies 3. Matthaei 10. praecipitur Apostolis, ut ingressi in civitatem interrogent, cui in ea dignus sit Evangelium audire, c. 7. praecipitur quoque, ne indignis illud annuncient: *Nolite dare sanctum canibus, neque mittitis margaritas vestras ante porcos*: ergo Deus antequam gratiam largiatur, aliquam in subiecto dignitatem, aliquam praeprationem, aliquam ex viribus naturae conatum bonum expectat.

Resp. ad 1. Quidam ex illis qui sunt dignitate occulta morum, neg. ant. Po. loci Christus non iubet Apostolis, ut dignis dignitate morum Evangelium praedicant, sed tantum apud dignos dignitate fame hospitentur, ne si apud infames divertant, Evangelium male audiat.

Instabis. Post hae verba: *Interrogate, quis in ea dignus sit*; hae alia sunt, quae probant, hospitibus dignitate morum commendatis Evangelium praedicari debere: *Intrentes autem in domum, salutate eam, dicens, Pax huic domui. Et si quidem fuerit domus illa digna, veniet pax vestra super eam*; ergo, &c.

Resp. 1. agi hic de domo Judaeorum: aperte nimirum Christus eo loci loquitur de Evangelio Judaeis tantum praedicando; praemiserat enim: *In viam gentium ne abieritis, & in civitates Samaritanorum ne intraveritis*; at in aliquibus Judaeorum domibus reperiri poterant homines digni dignitate morum, utpote explicite iam in Deum, & implicite in Christum, credentes: unde mirum non est, quod pax, quam Apostoli erant appreciari, super eos ventura esset.

Resp. 2. dist. ant. Si quidem fuerit domus illa digna merito gratitae praedestinationis, pax vestra veniet super eam, conc. ant. si fuerit digna merito proprio & humano, neg. ant. Unde sensus laudat sententiae is est, Pax vestra veniet super domum illam, si Deus domum ad eam gratiam praedestinaverit, quemadmodum Actor. 13. dicitur: *Et crediderunt quotquot erant praedesignati ad vitam aeternam*.

Obijcies 4. Deus Actorum 10. attendit ad eleemosynas & orationes Cornelii Centurionis, ut ipsi per Petrum auditum Evangelii procuraret: atqui illae eleemosynae, illae orationes, factae fuerant sine gratia; neque enim tunc Cornelio inerat fides in Christum, quae tamen, ex Augustino, prima est gratia quae homini conferatur. Idem dici debet de Zachario, ad cujus studium de videndo Christo, sicut habetur Luc. 1. Deus attendit, ut eum ad fidem & salutem vocaret: unde Ambrosius libro 1. de Abel & Cain cap. 8. scribit, eum illo studio impetrasse, ut a Christo vocaretur. Idem dici debet de pio Latrone, qui antequam aliquid de fide Mediatoris audisset, Luc. 23. socii Patronis maledicta in Christum inceperat, & isti innocentium ita praedicavit, ut ab ipso Christo audire meruerit: *Hodie mecum eris in Paradiso*. C.ilianus illo duplici exemplo prolato, Collectione 13. sic loquitur: *Si gratia Dei semper inspirari, bene voluntatis principia dixerimus, quid de Zachario faciamus, qui de illius in cruce Latronis pietate, & pietas & qui desiderio suo vim curavit*.

bus inferentes, specialia vocationis monita præ-
venerunt.

Resp. ad 1. nec eleemosynas, nec oratio-
nes Cornelii, siue imperfecta saltem in Chri-
stum fide, quæ per dilectionem operatur,
factas fuisse. Vide quæ superius de ea Cor-
nelii fide ex Augustini principis dicta sunt.

Resp. ad 2. Illud videndi Christum,
quo Zachæus audebat, fuisse ex interno mo-
tu, & occulta inspiratione Spiritus Sancti,
& quo jam implicite in Mediatorem credens,
cum Judæus esset, præventus fuerat: ita res-
pondet S. Prosper in libro contra Collato-
rem cap. 6.

Eadem est pariter Concilii Arausiaci II.
doctrina: sic enim loquitur canone 25. Unde
manifestissime credendum est, quod & illius
latronis quem Dominus ad Paradisi patriam re-
vocavit, & Cornelii Centurionis, ad quem
Angelus Domini missus est, & Zachæi, qui
ipsum Dominum suscipere meruit, illa tam
admirabilis fides non fuit de natura, sed di-
vina largitatis donum.

Nec obstat objecta nobis auctoritas Am-
brofii; ibidem enim paullo inferius ait, hæc
Christi verba: *Facta est salus*, non promit-
tentis fuisse, sed prævenientis. Quibus ad-
dit cap. 7. nihil nos habere quod non acce-
perimus: laudatque illud Apostoli effatum:
Quid habes, quod non accepisti?

*Subiunguntur argumenta petita ex Origene,
Chrysostomo & Ambrosio.*

Objicies 1. Origenes hom. 1. in Genesim
asserit, nos a Christo illuminari, si nostræ
mentis cæcitas non impediatur: sicut sol &
luna mortales, nisi cæci sunt, illuminant,
Quod, inquit, etiamsi accidat, oportet eos,
qui cæci sunt, sequi Christum, & clamare
post eum, ut visum ab ipso recipientes,
possint etiam ab illo illuminari. Hac etiam
habet Hom. 24. super Numeros: *Si offera-
mus Deo iustitiam nostram; accipiemus ab ipso
iustitiam Dei. Et si offeramus ei nostram, id
est, corporis castitatem, accipiemus ab eo ipsius
castitatem*: ergo ex Origene, Deus aliquid
ex parte nostri exigit, & expectat, ante-
quam sua nobis dona conferat.

Resp. Origenem equidem ita sensisse, ut
fert argumentum; sed illius hac in parte
auctoritas nullius est ponderis: nimirum in
iis quæ ad gratiam spectant, non Semipela-
gianus modo, verum etiam omnino Pelagia-
nus fuit, ut falso a nobis probatum est hu-
jusce Tomi initio. Unde merito de eo hæc
ait Hieronymus in epist. a Cresiphontem:
*Doctrina tua (Pelagio loquitur) Origenis ra-
musculus est.*

Objicies 2. Multa sunt in Chrysostomo,
quæ probant, Deum expectare, & præxi-
gere nostræ voluntatis conatus, antequam ei

sua gratiam largiatur. Siquidem hom. 45. in
Genesim asserit, Abraham suis operibus pro-
meruisse, ut Deus tanta ei gratiæ dona con-
ferret. Hom. 17. in Joannem expresse negat,
Deum sua gratia hominem prævenire. Simi-
lia docet hom. 42. ad populum Antioche-
num; hom. 12. in cap. 7. Epistolæ ad He-
bræos, permultisque aliis locis.

Respondet Estius, Chrysostomum hom. 45.
in Genesim loqui de argumento caritatis, &
de perfectione fidei, quam Abrahamus pro-
meruit quidem operibus, sed quæ non sine
gratiæ auxilio facta fuissent; unde quod per
ea opera, utpote in caritate, & ex motu
gratiæ facta promeruerit ampliorem carita-
tem, & perfectiorem fidem, non immerito
dicitur, utramque in mercedem operum da-
tam fuisse, juxta factam illi promissionem
Genesim 25. *Ego protector tuus sum, & merces
tua magna nimis.* Et cap. 17. *Ambula coram
me, & esto perfectus, ponamque hoc fadus me-
um inter me & te, & multiplicabo te vehe-
bementer nimis.* Addit idem Auctor, loca in
quibus Chrysostomus negare videtur, Deum
nostras prævenire voluntates, intelligi de
præventionem, quæ voluntatibus necessitatem
imponat: *Non prævenit nostras voluntates* (ait
ipse Chrysostomus hom. 12. in epist. ad
Hebræos) *ne perdat nostrum liberum arbitrium.*
Cui consonant hæc alia, quæ paullo ante scrip-
serat: *In Dei quidem potestate sunt omnia,
sed non ita, ut nostrum liberum cedatur ar-
bitrium.* Ea autem loquendi ratione frequen-
ter usus est in suis Homiliis, quod Mani-
chæos, negantes liberum arbitrium, præ-
oculis haberet.

Addendum est, quod licet Patres qui ante
exortam hæresim Pelagianam scripserunt,
catholice de gratia senserint, non tamen ita
accurate de ea locuti sint, ac ii qui postea,
unde benigne exponenda sunt eorum loca,
quæ in speciem Pelagianismo, aut Semipe-
lagianismo favere videntur. Regulam illam
tradidit Augustinus in libro de prædestinatio-
ne Sanctorum.

Verum quod in suis fusioribus operibus
Patres illi prætermiserunt, evidentius ap-
parebat in orationibus Ecclesiæ, quæ bona
omnia a Deo petens, non obscure innuebat,
ea omnia speciale Dei donum esse; unde Au-
gustinus ad Ecclesiæ preces, quas & illi
Patres, qui ante exortam Pelagianorum hæ-
resim scripserunt, recurrendum censet, ut
sciatur, quid illi de Dei gratia sentirent:
Frequentationibus autem (inquit in lib. de
prædestinatione Sanctorum, cap. 14.) *ora-
tionum simpliciter apparebat, Dei gratia quid
valeret: non enim posceretur a Deo, quæ præ-
cepit fieri, nisi ab illo donaretur ut fierent.*

Objicies 3. S. Ambrosius lib. 4. in Lucam
sic loquitur: *Non enim dormientibus divina
beneficia, sed observantibus deferuntur.* Lib.
5. He.

5. Hexam. c. 24. hæc habet de Petro: *Idem tamen post galli cantum fit fortior, & jam dignus quem Christus aspiciat, quia oculi Domini super iustos.* In 2. Apologia David cap. 11. scribit, quod Ecclesia meruit gratiam a Christo, quia verbum Dei quæsit, ac desideravit. Ex istis autem textibus sic argumentum conficitur: Ille docuit, Deum ad voluntatis motum ex naturæ viribus elicere, ut gratiam conferat, qui asseruit, divina beneficia dari observantibus; hoc est, vigilantibus: Petrum; antequam aspiceretur a Christo, hoc est, gratiam poenitentiae ab eo reciperet, jam aspectus Christi, id est, gratia dignum fuisse; Ecclesiam meruisse Dei gratiam, quod verbum illius quæsierit, ac desideraverit: atqui Ambrosius ea omnia asseruit: ergo, &c.

Resp. ad 1. Ambrosium loqui de beneficio justificationis, seu de gratia sanctificante, adumbrata in leproso, cujus eo in loco S. Doctor mundationem exponit: mirum igitur non est, quod asseruerit dormientibus eam non dari; neque enim datur, nisi iis qui ex auxilio gratiæ actualis per actus fidei, spei, caritatis, & poenitentiae sese ad eam præparaverint.

Resp. ad 2. ista Ambrosii verba: *Jam dignus quem Christus aspiciat*, intelligi de dignitate quam Petrus per gratiam sanctificantem consecutus fuerat; seu, sensus est, quod Petrus per gratiam sanctificantem factus iustus, dignus fuerit, ut ei Christus uberius gratiam contulerit; interioribus enim dumtaxat oculis a Christo conspectum fuisse, docet Augustinus in libro de gratia Christi, cap. 45.

Quantum autem Ambrosius alienus fuerit a doctrina qua asseritur, Deum, ut suam det gratiam, humanæ voluntatis conatum expectare, pluribus ex eo laudatis textibus probat idem Augustinus in libro de gratia Christi capitibus 45. 46. &c.

Solvitur argumentum ex Augustino petatum.

Obijcies. Augustinus in opere quod ipse in libro de prædestinatione Sanctorum vocat *Opusculum contra Porphirium sub titulo, De tempore Christianæ religionis*, scribit, fidei gratiam iis tantum detuisse, qui ea digni non erant: Ita (inquit cap. 9.) *soliis religionis hujus, per quam solam veram salutem veraciter promittitur, nulli unquam defuit, qui dignus fuit, & cui defuit, dignus non fuit*: ergo Deus ad aliquam in natura dispositionem, hoc est, naturalem morum probitatem attendit, ut gratiam fidei nonnullis hominibus largiretur.

[Idem S. Doctor, Tract. 10. in Joannem monet catechumenos, ut sese ad gratiam præparent. Tract. 26. sic loquitur: *Si non tra-*

heris, ora ut traharis. Sic etiam homil. 16. inter 50. *In tuo arbitrio Deus posuit, cui pareris secum, Deo, an diabolo?* Unde sic arguitur: Augustinus iis in locis supponit catechumenos gratia destitutos; neque enim, si eam jam haberent, hortaretur eos, ut ad eam se præparent; si jam ea traherentur, non moneret, ut orent, quo ab ea trahantur: ergo supponit, Deum, ut suam gratiam det, expectare humanæ voluntatis conatum, qui locum gratiæ præparet.

In libro 19. de civit. Dei c. 13. scribit, Deum ex pacto dedisse mercedem iis qui bonis temporalibus bene usi fuissent: ergo pactum conferendi gratiam iis qui ex viribus naturæ bene moraliter se gesserint, non est commentum nuper inventum. Probatur aut. ipsissimis illius verbis, quæ sic habent: *Deus ergo naturarum omnium sapientissimus conditor, & justissimus ordinator, dedit hominibus quadam bona huic vitæ congrua, id est, pacem temporalem pro modulo mortalis vitæ in ipsa salute & incolumitate sui generis, & quæque huic paci vel tuenda, vel recuperanda necessaria sunt.* Eo pacto æquissimo, ut qui mortalibus bonis paci mortalium accommodatis recte usus fuerit, accipiat ampliora atque meliora, ipsam scilicet immortalitatis pacem, eique convenientem gloriam & honorem in ditæ æternæ ad fruendum Deo, & proximo in Deo: qui autem perperam, nec illa accipiat, & hæc amittat.

Resp. ad 1. textum illum intelligi de dignitate, seu idoneitate quæ per auxilium gratiæ comparata fuerit; hoc est, Augustinus eo loci asserit, salutem religionis iis non defuisse, quos Deus per suam gratiam illius capaces effecisset. Ita ipse mentem aperit suam l. 2. Retractionum c. 31. ubi sic loquitur: *in quarum secunda, ex quaestionibus a Porphirio philosopho propositis, quod dixi, Salus religionis hujus, per quam solam veram salutem vera veraciterque promittitur, nulli unquam defuit, qui dignus fuit; & cui defuit, dignus non fuit, non ita dixi tamquam ex meritis suis quisquam dignus fuerit: sed quemadmodum ait Apostolus, Non ex operibus, sed ex vocante dictum esse, Major serviet minori, quam vocationem ad Dei propositum auferit pertinere.* Unde dicit, Non secundum opera nostra, sed secundum propositum suum & gratiam.

Resp. ad 2. S. Doctorem non loqui de gratia actuali, sed de sanctificante per baptismum recipienda; ad quam quædam dispositiones requiruntur, sed quas gratia actualis, in nobis operetur.

Resp. ad 3. orationem, quæ quis orat, ut uberius trahatur, esse gratiæ effectum: *Verumtamen* (ait ipse in Epistola ad Sixtum) *ne saltem orationis patarentur præcedere merita, quibus non gratuita daretur gratia; sed jam nec gratia esset, quia debita redderetur; etiam ipsa oratio inter gratiæ munera reperitur.*

Resp.

Resp. ad 4. eo textu non negari gratiam, sed tantum libertatem ad malum & bonum ostendit; quando enim dicitur, quod penes nos sit servare præcepta, cum volumus, ea loquendi ratio non excludit, immo supponit præparationem voluntatis a Domino: *Certum est* (inquit Augustinus in l. de Gratia & libero arbitrio c. 16.) *nos mandata servare, si volumus: sed quia præparatur voluntas a Domino, ab illo petendum est, ut tantum velimus, quantum sufficit, ut volendo faciamus. Certum est, nos velle cum volumus; sed ille facit ut velimus, de quo dictum est: Præparatur voluntas a Domino; de quo dictum est: a Domino gressus hominis diriguntur, & viam ejus volent. Certum est nos facere cum facimus, sed ille facit ut faciamus, præbendo utriusque efficacissimas voluntati, qui dixit, Faciam ut in justificationibus meis ambuletis, judicia mea observetis, & faciatis.*

Resp. ad 5. textum Augustini exceptum ex cap. 13. l. 19. de Civ. Dei, in Congregationibus de auxiliis coram Clemente, Papa VIII. celebratis propositum fuisse a quodam Theologo ut in eo tueretur pactum, quod Ludovicus Molina contendit inter Deum Patrem & Christum, initum fuisse de gratia facienti quod in se est ex viribus nature conferenda. Thomas De-Lemos, qui iis in Congregationibus causam agebat Prædicatorum, variis modis solvit illud argumentum.

Respondit 1. enim, in Augustini textu non legi, prout Theologus ille inter argumentandum logerat, conjunctionem ET quæ ista verba, ipsam immortalitatis pacem, cum his præcedentibus, accipiat ampliora atque meliora conjungeret, sed legi adverbium Scilicet, hoc modo: *Eo pacto æquissimo ut qui mortalibus bonis pari mortalium accommodatis recte usus fuerit, accipiat ampliora, atque meliora, ipsam scilicet immortalitatis pacem, &c.*

Respondit 2. Augustini textum, posito adverbio, scilicet, sensum habere catholicum, istum nempe: quod Deus pacto æquissimo, & ex justitia, ampliora bona largiatur, ipsam scilicet immortalitatis pacem, iis, qui bene, ex Dei gratia, bonis temporalibus utuntur, idque ad Apostoli mentem, cujus hæc sunt verba: *De reliquo reposita est mihi corona justitiæ, quam reddet mihi Dominus in illa die justus iudex.* Ita vero Augustinum sensisse, demonstravit ex capite 14. in quo S. Doctor exponit, quæ scripserat capite 13. Nempe capite 14. expresse asserit, hominem in hoc lapsæ nature statu non posse sine Dei gratia bene uti temporalibus sibi concessis.

Respondit 3. sensum quem Theologus ille laudat ex Augustino sententiæ affinxerat, Pelagianum esse; quippe quod ex eo sequetur.

Juenin. luss. Theol. Tom. III.

retur gratiam secundum merita dari: quod tam studiose falsum esse, Augustinus contra Pelagianos ostendit.

Eo inque tendunt, quæ hucusque diximus 1. ut in textu Augustini non legatur conjunctio, ET, sed adverbium scilicet; sicut revera legitur in omnibus editionibus operum sancti Doctoris: 2. Ut pactum illud æquissimum non sit de danda gratia facienti, quod in se est ex viribus nature; alioquin enim sequeretur, gratiam secundum merita nostra dari; quod quidem Ecclesia damnavit in Pelagianis: 3. Ut verba, *eo pacto æquissimo* sumantur pro debito justitiæ: & ista, ut qui mortalibus bonis pari mortalium accommodatis recte usus fuerit, intelligantur de usu ex auxilio gratiæ; ac proinde totius sententiæ Augustinianæ sit sensus, Deum in altera vita ampliora bona, ipsam scilicet immortalitatis pacem iis daturum esse, qui bonis temporalibus recte ex auxilio gratiæ in hac vita usi fuerint, hoc est, (ut explicat Augustinus c. 14.) ea retulerit ad eam pacem, quæ homini mortali est cum Deo immortalis; seu (ut alias sæpe idem sanctus Doctor loquitur) qui iis temporalibus bonis usus, non autem fructus fuerit; cum omnis perversio, ex eodem Augustino, in eo posita sit, quod quis fruendis utatur, & fruatur utendis.

Solvitur argumentum ex trita hac sententiæ, Facienti quod in se est Deus non denegat gratiam, petendum.

Objicies. Tritum est axioma, *Facienti quod in se est Deus non denegat gratiam.* Illud enim variis in locis sanctus Thomas tradidit: 1. in disputatis de veritate q. 24. art. 1. ad 2. expresse docet, quod quamvis gratiam, per quam opera sint meritoria, non possit homo ex libero arbitrio acquirere; possit tamen se ad gratiam habendam præparare, quæ ei a Deo non denegabitur, si fecerit, quod in se est.

Ejusdem operis q. 14. art. 11. ad 1. asserit, ad divinam providentiam pertinere, ut cuilibet de necessariis ad salutem provideat, dummodo ex parte ejus non impediat: *Si enim* (inquit) *aliquis in sylvis, vel inter bruta animalia nutritus, ductum naturalis rationis sequeretur in appetitu boni & fuga mali, certissime est tenendum, quod et Deus vel per internam inspirationem revelaret ea quæ sunt ad credendum necessaria, vel aliquem faceret prædicatorem ad eum dirigeret, sicut misit Petrum ad Cornelium.* Ibidem ad 2. non alia ratione loquitur: *Si nos* (inquit) *fecerimus quod in nobis est, ut scilicet ductum rationis sequamur, Deus non nobis deficiet ab eo quod est nobis necessarium.*

Idem S. Doctor in 3. Sent. dist. 25. q. 2. contra conclusionem, in qua docuerat, si dem explicitam quorundam mysteriorum esse

K

necef-

necessariam ad salutem necessitate meliori, hoc sibi argumentum objicit: *Nullus damnatur ex hoc quod vitare non potest: Sed aliquis natur in sylvis, vel inter infideles, non potest distinscere de fidei articulis cognitionem habere, quia doctor fidei non adest, nec unquam de fide auditur mentionem: ergo iste non damnatur; & tamen non habet fidem explicitam: Ergo explicatio fidei non est de necessitate salutis.* Ad illud autem argumentum sic respondet: *Ad secundum dicendum, quod si talis faceret, quod in se est de querendo salutem, Deus illi aliquo doctorum modorum provideret de salute sua.* Quia in vero sunt ii modi, in responsione ad primum jam hisce verbis explicaverat: *Ad primum ergo dicendum, quod in his quae sunt necessaria ad salutem, nunquam Deus homini querenti suam salutem deest, vel defuit, nisi ex culpa sua remaneat.* Unde explicatio eorum quae sunt de necessitate salutis, vel divinitus homini provideretur per predicatorem fidei, sicut patet de Cornelio Afferum 10. vel per revelationem, quae supposita, in potestate liberi arbitrii est, ut in actum fidei exeat.

Ex his S. Thomae textibus sic argumentum conficitur. Deus facienti quod in se est non denegat gratiam: atqui is qui facit, quod in se est, agit ex solis naturae viribus. Nam 1. S. Thomas supponit, hominem non habere fidem, cum expresse asserat, quod de ea, utpote in sylvis enutritus, nihil unquam audierit: hoc autem est prima gratia quam Deus homini in ordine ad salutem largiatur. 2. Idem S. Doctor de homine loquitur qui sequitur ductam rationis: ergo de homine qui gratia destitutus sit. 3. In disputatis de veritate art. 10. ad 5. docet, homini datam esse rationem, per quam & hujus vitae necessaria sibi parare possit, & sese ad recipienda auxilia divinitus futuræ vitæ disponat: ergo loquitur de homine qui ex solis naturalibus agit; ac proinde S. Thomas censuit, primam gratiam dari ad intuitum bonorum operum moralium; non quidem de condigno, cum is fuerit Pelagianorum error; neque de congruo, cum ita Semipelagiani fenserint: ergo aut ex conditione, aut ex occasione, aut ex pacto quod cum Christo Deus Pater iulerit.

Resp. omissis explicationibus, quas nonnulli ad eos S. Thomae textus adhibent, S. Doctoris mentem de hoc axioma: *Facienti quod in se est Deus non denegat gratiam*, non esse petendam ex ejus commentariis in libros Sententiarum ubi perobscure de eo locutus est; sed ex Summa Theologica, quæ est postremum illius opus, & ubi ex professo de illo axioma disputat. In Summa autem asserit, hunc esse intrinsecum sententiam, Facienti quod in se est, cooperando gratiæ a qua movetur, Deus non denegat ubi eam gratiam aut ad justificationem consequendam, aut saltem ad ha-

bandam fidem perfectam & explicitam, si jam impossibile sit & implicita sit imbutus.

Et sic S. Doctor 1. 2. quæst. 109. art. 6. quaerit: *Utrum homo possit se ipsum ad gratiam preparare absque exteriori auxilio gratiæ, ubi respondet hominem ad divini gratiæ lumen suscipiendum gratuito Dei intuitus moventis bonumque propositum inspirari auxilio indigere; hoc sibi argumentum objicit: Si homo facit, quod in se est, Deus ei non denegat gratiam: ad quod quidam sic respondet: Ad secundum dicendum, quod nihil homo potest facere, nisi a Deo moveatur, secundum illud Joannis 15. Sine me nihil potestis facere; & id. cum dicitur homo facere quod in se est, dicitur hoc esse in potestate hominis, secundum quod est motus a Deo.*

Idem S. Doctor 1. 2. q. 112. art. 3. quaerit: *Utrum necessario detur gratia se preparanti ad gratiam, vel facienti quod in se est.* Eam autem quaestionem in eo parte articuli hisce verbis solvit: *Respondens dicendum, quod sicut supra dictum est, preparatio hominis ad gratiam est a Deo sicut a movente, a libero autem arbitrio sicut a moto. Potest igitur preparatio dupliciter considerari. Uno quidem modo, secundum quod est a libero arbitrio: & secundum hoc nullam necessitatem habet ad gratiæ consecutionem, quia donum gratiæ excedit omnem preparationem virtutis humanæ. Alio modo potest considerari secundum quod est a Deo movente: & tunc habet necessitatem ad id quod ordinatur a Deo, non quidem coactionis, sed infallibilitatis. Adversus eam quaestionis propositæ resolutionem objicit sibi axioma, de quo agitur: *Facienti quod in se est, &c.* nec non illud Glossæ in hæc Rom. 5. Justificati ex fide pacem habeamus; *Deus recipit eum, qui ad se confugit, aliter in eo esset iniquitas.* Ad eam autem objectionem sic respondet: *Ad primum ergo dicendum, quod glossa illa loquitur de illo, qui confugit ad Deum per actum meritorium liberi arbitrii jam per gratiam (sanctificantem) informati, quem si non recepisset, esset contra justitiam, quam ipse intuit: Vel si referatur ad motum liberi arbitrii ante gratiam, sanctificantem, loquitur secundum quod ipsum confugium hominis ad Deum est per motionem divinam, quam justum est non deficere.**

Eodem modo idem S. Doctor axioma, de quo est quaestio, exponit in Commentario Epistolæ ad Romanos; sic enim Lect. 3. in caput decimum loquitur: *Si qui fecissent quod in se est, Dominus eis secundum suam misericordiam providisset, mittere eis predicatorem fidei, sicut Petrum Cornelio, & Paulum Macedonibus. Sed tamen hoc ipsum quod aliqui faciunt quod in se est, convertendo se scilicet ad Deum, ex Deo est movente corda ipsorum ad verum. Ita etiam aliis in locis loquitur.*

Q U Æ S T I O V.

De divisione Gratia actualis.

Not. **C**onveniunt omnes, gratiam actuali dividendi in gratiam gratis datam & in gratiam gratum facientem. Conveniunt iterum, gratiam gratum facientem dividendi in Operantem & Cooperantem, in Praevenientem & Subsequentem, in Excitantem & Adjuvantem, & tandem in SuffICIENTem & Efficientem. De singulis earum divisionum membris sigillatim est in hac quaestione a nobis agendum.

C A P U T P R I M U M.

De Gratia gratis data.

Not. **D**E gratia gratis data agit S. Thomas 1. 2. q. cx1. de eaque quaerit 1. quid sit; 2. an detur; 3. quod sit. Sancti Doctoris methodum secuti, tria illa in hoc capite expendemus.

CONCL. 1. Natura gratiae gratis datae hic illius definitione continetur: Gratia gratis data est donum, quod per se in proximi bonum & salutem a Deo conceditur.

Probatur. Per eam definitionem gratia gratis data recte distinguitur a gratia gratum faciente; haec enim per se confertur ad salutem illius cui a Deo conceditur, cum illa e contra per se ad aliorum salutem ordinetur. Addunt sunt haec voces, *per se*, eo quod gratia gratis data per accidens ad propriam subjecti, cui collata fuit, salutem conferre possit, si nimirum ea non ad ostentationem, sed ad Dei gloriam utatur, juxta illud Scripturae Danielis 12. *Qui docti fuerint, fulgebunt quasi splendor firmamenti: & qui ad justitiam erant multos, quasi stella in perpetuas aeternitates.* Item quoque dicendum est de gratia gratum faciente, hoc est, constat eam, si foras per opera se prodatur, ad aliorum salutem per accidens plurimum conferre, juxta illud Christi in Evangelio: *Sic luceat lux vestra coram hominibus, ut videant opera vestra bona, & glorificent Patrem qui in caelis est.*

CONCL. 2. Datur gratia gratis data.

Probatur auctoritate & argumento S. Thomae. Gratia gratis data (ut praecedenti conclusione dictum est) est ea, per quam aliquis proximo cooperatur, ut salutem conferre possit. Atqui datur huiusmodi gratia; sunt enim in Ecclesia pastores, doctores, & alii, qui, siue donis, siue potestate a Deo accepta, promouent proximorum salutem, quamque dant operam, ut Ecclesiae membra cum Deo per gratiam gratum facientem coniungantur, juxta illud ad Ephesios 4. *Et ipsi*

dedit quosdam quidem Apostolos, quosdam autem Prophetas, alios vero Evangelistas, alios autem pastores & doctores, ad consummationem sanctorum, in edificationem corporis Christi, donec occurramus omnes in unitatem fidei, & agnitionis filii Dei, in virum perfectum, in mensuram aetatis plenitudinis Christi.

CONCL. 3. Gratia gratis data multipliciter dividitur.

Probatur auctoritate Apostoli, qui 1. ad Corinth. 12. sic loquitur: *Alii per spiritum datur sermo sapientiae; alii autem sermo scientiae secundum eum spiritum; alii fides in eodem spiritu; alii gratia lenitatum; alii operatio virtutum; alii prophetia; alii discretio spirituum; alii genera linguarum; alii interpretatio sermonum.*

Eam autem gratiam gratis datam divisionem ab Apostolo traditam, rectam & adequatam esse hocce argumento probat S. Thomas 1. 2. quaest. cx1. art. 4. Gratia gratis data ordinatur ad hoc quod homo alteri cooperetur, ut reducat ad Deum; Homo autem ad hoc operari non potest interiorius movendo, (hoc enim solius Dei est) sed solum exteriorius, docendo, vel persuadendo. Et ideo gratia gratis data, illa sub se continet, quibus homo indiget, ad hoc quod alterum instruat in rebus divinis, quae sunt supra rationem. Quoniam autem ea sint, quae ad promovendam aliorum salutem necessaria sint, ibidem fuisse tradit S. Doctor.

Obicies. Fides per se datur in ordine ad salutem propriam subjecti a quo habetur; est enim in eo radix & fundamentum justificationis: ergo ab Apostolo recenseri non debuit inter gratias gratis datas, cum istae non ad subjecti in quo recipiuntur, sed ad aliorum salutem per se ordinentur.

Resp. dist. ant. Fides, prout communis quaedam revelatorum persuasio, per se datur in ordine ad salutem subjecti in quo recipitur, conc. ant. prout emittens quaedam revelatorum persuasio, neg. ant. Ad secundum, dicendum (ait S. Thomas 1. 2. quaest. cx1. art. 4.) quod fides non numeratur hic inter gratias gratis datas, secundum quod est quaedam virtus iustificans hominem in seipso; sed secundum hoc quod importat quamdam supereminentem certitudinem fidei, ex qua homo fit idoneus ad instruendum alios de his quae ad fidem pertinent.

C A P U T I I.

Utrum gratia gratum faciens dividatur in Operantem & Cooperantem.

CONCL. **G**ratia gratum faciens recte dividitur in Operantem, & Cooperantem.

Probatur auctoritate Augustini, qui in libro de gratia & libero arbitrio divisionem illam & tradit & probat: sic enim loquitur

cap. 17. *Quoniam ipse ut velimus operatur incipiens, qui volentibus cooperatur perficiens.* Propter quod ait Apostolus: *Certus sum, quoniam qui operatur in vobis opus bonum, perficiet usque in diem Christi Jesu.* Ut ergo velimus, sine nobis operatur; cum autem volumus, & sic volumus ut faciamus, nobiscum cooperatur.

Probatur 2. ratione. Gratia recte dividitur in eam, per quam Deus in nobis operatur velle, seu primam bonam voluntatem, hoc est, boni desiderium; & in eam, per quam operatur perfectionem, seu executionem boni operis, cujus initium jam in nobis operatus fuerat. Scilicet, Apostolo teste ad Philipp. 1. *Qui capit in vobis opus bonum, perficiet usque in diem Christi Jesu:* & cap. 2. *Operatur velle & perficere pro bona voluntate:* Atqui gratia operans nihil aliud est, quam ea, per quam Deus in nobis operatur primam bonam voluntatem; cum e contra gratia cooperans, ea sit, per quam Deus operatur perfectionem, seu executionem boni, cujus desiderium jam operatus fuerat: ergo gratia recte dividitur in Operantem & Cooperantem.

Quæres, quo sensu Augustinus asserat, gratiam Operantem *sine nobis* operari, ut velimus; Cooperantem vero, cum jam volumus.

Resp. gratiam Operantem *sine nobis* operari quod nihil ad eam habendam contulerimus, sive petendo, sive desiderando, sive aliqua ratione impetrando. Scilicet impossibile est, ut quidquam ad illam habendam voluntas contulerit, cum (ut supponitur) sit gratia quæ primam boni voluntatem in nobis operatur; primam autem boni voluntatem nullus omnino humanæ voluntatis motus antecedit. Itaque operatur sine nobis prius volentibus, conantibus, pulsantibus, desiderantibus, studentibus, meditantibus. E contra gratia Cooperans dicitur nobiscum operari, quia jam per gratiam operantem conantibus, pulsantibus, desiderantibus, petentibus, boni executionem ac perfectionem operatur.

Eum autem esse sensum Augustini, ostenditur 1. ex c. 7. libri de gratia & libero arbitrio, ubi de Pauli vocatione, quæ per operantem gratiam effecta est, sic loquitur: *Ut autem de celo vocaretur, & tam magna & efficacissima vocatione converteretur, gratia Dei erat sola; quia merita ejus erant magna, sed mala.* De gratia vero Cooperante hæc ibidem habet: *Non ego autem, sed gratia Dei mecum, id est, non solus, sed gratia Dei mecum: ac per hoc nec gratia Dei sola, nec ipse solus, sed gratia Dei cum illo.*

Quæres 2. utrum gratia Cooperans iis omnibus detur, quibus datur Operans.

Resp. negative. Nempe Deus homines qui nec de eo cogitant, nec ipsum orant, immo & qui eum odiant, nonnunquam movet ad

boni desiderium, ad conversionem, ad imperfectam caritatem: in quibus tamen per gratiam Cooperantem non operatur boni executionem, integram conversionem, robustam & perfectam caritatem; ut ex his Augustini verbis l. de gratia & libero arb. c. 17. evidenter patet: *Qui ergo vult facere Dei mandatum, & non potest, jam quidem habet voluntatem bonam, sed adhuc parvam & involutam: poterit autem (potentia quæ includat omnia ad actum operandum requirita) cum magnam habuerit & robustam.*

Ex dictis hætenus duo colligenda sunt: 1. Gratiam Operantem male a quibusdam definiri, gratiam ad cujus effectum voluntas per consensum non concurrat; Cooperantem vero, ad cujus effectum voluntas per consensum concurrat. 2. E contra gratiam Operantem recte definiri, gratiam quæ omnem voluntatis motum, sive naturalem, sive supernaturalem, antecedit: Cooperantem vero, quæ voluntatis motum supernaturalem præsupponit. 3. Operantem dari, nec volentibus, nec desiderantibus, nec petentibus, immo nec antea cogitantibus: Cooperantem e contra dari jam ex operantis gratiæ motu volentibus, conantibus, pulsantibus, petentibus: 3. Utramque illam gratiam nonnisi penes effectum distingui; nam Operans producit effectum, ad quem voluntas nulla ratione sese præparavit: Cooperans vero, effectum, ad quem voluntas ex motu gratiæ operantis per conatum, desiderium & orationem sese præparavit. Eo incidit hæc Bernardi sententia in libro de gratia & libero arbitrio: *Conatus liberi arbitrii (etiam ex gratia Operante) cassi sunt ad bonum, si non adjuvantur; nulli, si non excitentur.*

C A P U T III.

Utrum gratia gratum faciens dividatur in Prævenientem & Subsequentem.

CONCL. **G**ratia gratum faciens, recte dividitur in Prævenientem & Subsequentem.

Probatur 1. ex Scriptura. Ps. 20. fit mentio gratiæ Prævenientis, sic enim habet: *Prævenisti eum in benedictionibus dulcedinis.* Quæ quidem dulcedo non alia est, quam gratiæ suavitas, ut docet Augustinus lib. 2. ad Bonifacium, cap. 9.

Illius quoque meminit Ps. 58. *Misericordia ejus præveniet me.* Psal. 22. hisce verbis Subsequens exprimitur: *Misericordia tua subsequetur me omnibus diebus vite meæ.*

Probatur 2. ex Augustino qui in libro de natura & gratia, c. 13. utriusque illius gratiæ meminit; sic enim loquitur: *Prævenit autem ut sanemur, quia & subsequetur ut jam sanati rogemur; prævenit ut rogemur, & subsequatur ut rogemur.*

subsequetur ut glorificemur: praevenit ut pie vivamus; subsequetur ut cum illo semper vivamus, quia sine illo nihil possumus facere.

Eadem divisio ex Ecclesiae orationibus evincitur: precatur enim, ut actiones nostras aspirando praeveniat, & adjuvando prosequatur, & ut vota nostra quae praeveniendo aspirat, etiam adjuvando prosequatur. Quibus quidem Ecclesiae orationibus consonant haec verba Gregorii Magni, homil. 9. in Ezechielem; Ipse aspirando nos praevenit ut velimus, qui adjuvans subsequitur, ne invaniter velimus, sed possumus, potentia quae in actum reducat, implere quod valeamus.

Obijcies 1. Oratio nostra Deum praevenit, juxta illa Psal. 87. *Mane oratio mea praeveniet te;* & illud Psal. 118. *Præveni in maturitate, & clamavi: Prævenierunt oculi mei ad te diluculo:* Ergo nulla datur gratia, quae sit absolute praeveniens.

Resp. dist. ant. Oratio quae sit ex gratia praeveniente, Deum praevenit, conc. ant. quae ex nobis sit, neg. ant. Illa, aut peccatorum remissionem, aut ex tentationibus victoriam praevenit, sed est in nobis ex motu gratiae quae nos praevenit: ita docet Augustinus in epistola ad Sixtum.

Obijcies 2. Dilectio Dei in nos & gratia, idem sunt: Atqui dilectio Dei in nos, semper est praeveniens, nusquam vero subsequens, juxta illud Scripturae: *Ipse prior dilexit nos:* ergo nulla datur gratia subsequens.

Resp. neg. maj. scilicet aeterna Dei in nos dilectio, est causa gratiae, quae nobis in tempore conceditur: ideo enim Deus nobis gratiam in tempore largitur, quod nos ab aeterno dilexerit. Addendum est, esse etiam Dei in nos dilectionem subsequentem, eam nimirum qua ipse movetur, ut jam ex illius gratia bonum cupientes, suo auxilio subsequatur & adjuvet, ut plene ac perfecte velimus bonum, cujus desiderium in nobis jam operatus fuerat.

Quæres 1. quo sensu gratia dicatur Præveniens & Subsequens.

Respondet Sanctus Thomas 1. 2. quæst. cxi. art. 111. hisce verbis: Dicendum, quod sicut gratia dividitur in operantem & cooperantem secundum diversos effectus; ita etiam in praevenientem & subsequentem. Sunt autem quinque gratiae effectus in nobis, quorum primus est, ut anima sanetur: secundus, ut bonum velit: tertius, ut bonum quod vult, efficaciter operetur: quartus, ut in bono perseveret: quintus, ut ad gloriam perveniat. Et ideo gratia secundum quod causat in nobis primum effectum, vocatur praeveniens respectu secundi effectus: & prout causat in nobis secundum, vocatur subsequens respectu primi effectus: & sicut effectus est posterior uno effectui, & prior alio; ita gratia potest dici praeveniens & subsequens secundum eum.

Juvenia. Inst. Theol. Tom. III.

dem effectum respectum diversorum: & hoc est, quod Augustinus dicit in libro de natura & gratia: *Prævenit ut sanemur, subsequitur ut sanati vegetemur: praevenit ut vocemur, subsequitur ut glorificemur.*

Respondent alii, gratiam non dici praevenientem & subsequentem per respectum ad alias gratias, sed per respectum ad actus voluntatis; ita ut ea dicatur Præveniens, quae omnem omnino, etiam primum bonum voluntatis humanæ motum, antecedit; Subsequens vero quae bonum humanæ voluntatis motum sequitur. Motus autem nomine intelligunt liberum voluntatis consentium, quo aliquid præmii homo a Deo, sive de condigno, sive de congruo, promeretur: primum vocant, quem nullus omnino præcesserit, sed quo incipit homo mutari ex malo in bonum. Sic accepta illa divisio, ab Augustino traditur in epist. ad Vitalem, in lib. 4. ad Bonifacium c. 6. in Concione 2. in Psal. 58.

Ex iis, duo colligere est: 1. gratiam praevenientem, secundum modum explicandi a S. Thoma traditum, definiri, Auxilium quod aliud præcedit, sive sit primum, sive sit secundum; subsequentem vero, auxilium quod aliud subsequitur, sive sit primum, sive sit secundum. At vero juxta modum loquendi usurpatum a Sancto Augustino, Prospero, & aliis Patribus qui Pelagianos impugnabant, gratia praeveniens definitur, Auxilium quod omnem bonum voluntatis motum, qui sit ex liberi arbitrii viribus, præcedit: Subsequens e contra, Auxilium quod subsequitur bonæ voluntatis motum, quem gratia praeveniens jam operata sit.

Colligere est 2. juxta eundem Augustini loquendi modum, gratiam praevenientem solo nomine differre a gratia operante, sicut & subsequens solo nomine discrepat a cooperante: Eundem enim omnino effectum operantur.

Colligere est 3. gratiam subsequentem, eo sensu dici posse praevenientem, quod (ut ait Sylvius) in omni opere bono Deus ita gratuito operetur, ut secundum ordinem causalitatis semper operetur, prius quam nostra voluntas: *Idcirco enim hæc* (ait Augustinus in libro de prædestinat. SS. cap. 11.) *& nobis præcipiuntur, & dona Dei esse monstrantur, ut intelligamus, quod & nos ea faciamus, & Deus facit, ut illa faciamus, sicut per Prophetam Ezechielem apertissime dicit: quid enim apertius quam ubi dicit, Ego faciam, ut facias?*

Colligere est 4. gratiam nunquam eo sensu vocari subsequentem, quod ad opera naturæ subsequatur, vel quod in aliquibus hominibus quosdam naturales voluntatis conatus supponat, vel quod in aliquo bono opere, aut aliqua operis boni parte, gratia sit libero arbitrio posterior; sed vel quod (ut docet

K 3

S. Tho-

S. Thomas) post aliam gratiam, aut gratia effectum sequatur, vel quod detur (ut loquitur Augustinus) ad exequendum, quod per gratiam prævenientem jam inceptum est; alioquin enim secundum merita nostra daretur; voluntas nostra non comitaretur, sed duceret gratiam; non esset gratia pedissequa, sed prævia; ac proinde immerito Augustinus lib. 2. ad Bonifacium cap. 9. sic exclamasset: *Avertat Deus hanc amentiam, ut in domis ejus nos priores faciamus, posteriorem ipsum.*

C A P U T IV.

Utrum gratia gratum faciens, dividatur in Excitantem & Adjuvantem.

CONCL. **G**ratia gratum faciens recte dividitur in Excitantem & Adjuvantem.

Probatur 1. ex Scriptura. Gratiam Excitantem innuit & indicat Scriptura iis locis, ubi excitationis ad bonum meminit: *Exurge* (ad Eph. 5.) & *exurge a mortuis*, & *illuminabis te Christus*: in quæ quidem verba, hæc habet Augustinus in Psal. 6. *Apostolus Excitabat animam dormientem, quando ad hanc eam excitabat, ut illuminaretur a Christo.* Ergo secundum ipsas vigilias dicit iste, Deus, Deus meus, ad te luce vigilo. Non enim vigilares in te, nisi oriretur lux tua, qua de somno Excitaret: *Illuminat enim animam Christus, & facit eam vigilare.* Apoc. 3. Christus ait, *Sic ad ostium & pulso.* Stare autem & pulsare ad ostium, nihil aliud est, quam interna inspiratione, animam quoad caelestia dormientem excitare. 2. Eadem Scriptura non obscure innuit gratiam Adjuvantem iis locis, ubi meminit adjutorii divini, *Adjuva nos* (Ps. 78.) *Deus salutaris noster.* Ps. 118. *Adjuva me, & salvus ero.* Ad Rom. 8. *Spiritus adjuvat infirmitatem nostram*, in quæ Apostoli verba sic Augustinus loquitur in epist. ad Sextum: *Non esse intelligendum spiritum nostrum, de quo dictum est: Interpellat gemitibus inenarrabilibus, sed spiritum sanctum quo nostra infirmitas adjuvatur, satis ipse demonstrat Apostolus: inde enim capis: Spiritus (inquit) adjuvat infirmitatem nostram: Deinde ita subjunxit: Quid enim oremus, sicut oportet, nescimus.*

Probatur 2. ex Traditione, Augustinus in suis contra Pelagianos operibus non semel excitantis gratia meminit. Concione 1. in Ps. 58. sic loquitur: *Non ego prior ad te surrexi voluntate, sed tu ad Excitandum venisti.* Sic etiam in Ps. 8. *Ipse me attraxit, quia in occulto a morte cordis, non quilibet medicus, sed ipse Excitavit.* Non raro quoque ipsum Adjuvantis gratia nomen usurpat. Ubi enim Pelagianis ostendit, Deum nostras bonas voluntates prævenire, operari, exci-

tare, concedit eis quod ad bonum exequendum (ut ipsi fatebantur) adjuventur: *Dirigisti tu, Justino (inquit S. Doctor libro 1. ad Bonifacium, cap. 19.) hominem in bono opere, a Deo semper adjuvari, tanquam sua voluntate, nulla Dei gratia bonum opus aggressus, in ipso jam opere divinitus Adjuvetur.*

Hæc etiam Bernardus in lib. de gratia & libero arbitrio: *Conatus liberi arbitrii cassi sunt, si non Adjuventur, nulli, si non Excitentur.*

Ecclesia in suis orationibus gratiam Excitantem a Deo petit. Nempe Dominica II. Adventus sic orat: *Excita, Domine, corda nostra ad præparandas Unigeniti tui vias.* Sic etiam Dominica 24. post Pentecosten: *Excita, Domine, tuorum fidelium voluntates.* Petit quoque & Adjuvantem, dum in Officia ad Primam, sic Christum alloquitur: *Exurge Christo, adjuva nos:* In die Paschæ eandem adjuvantem gratiam poscit: *Vota nostra quæ præveniendo aspiras, etiam Adjuvando prosequere.*

Adjuvantis quoque gratia meminit Concilium Tridentinum sess. 6. cap. 6.

Objicies 1. Membra totum aliquod dividenda, debent esse inter se opposita: atqui gratia Excitans & Adjuvans, non sunt inter se opposita; nempe gratia Excitans non minus est adjuvans quam quæ proprio nomine Adjuvans appellatur. 2. Divisio de qua agitur, non traditur a S. Thoma, quamvis expresse tractet quæstionem de divisione gratia.

Resp. ad 1. dist. min. Gratia Excitans non minus est adjuvans quoad diversa, conc. min. quoad idem, neg. min. Gratia Excitans est adjuvans quoad primam bonam voluntatem, hoc est, primum boni desiderium. Adjuvans e contra (ut mox dicetur) est adjuvans quoad perfectiorem bonam voluntatem, hoc est quoad executionem boni, cuius debile & imperfectum desiderium gratia Excitans operata fuerit. Ad 2. dicendum est, ideo S. Thomam expresse non meminisse gratia Excitantis & Adjuvantis, quod sub Operante & Cooperante comprehendantur. Idem dicendum est de gratia Inspirante, seu, Incipiente, Prosequente, Perficiente, Ducente, Comitante. Scilicet Excitans, Inspirans, Incipiens, Ducens, sunt etiam quoad effectum unum & idem cum gratia Operante, sicut Prosequens, Perficiens, Comitans, cum gratia Cooperante convertuntur.

Ex hæcenus dictis patet 1. gratiam Excitantem sic recte definiri: *Actualis motus, quo Deus ante omnem nostræ voluntatis actum nos movet, ut vel ab infidelitate ad fidem, vel a peccato ad penitentiam, vel ab otio ad actum convertamur.* E contra Adjuvans definitur: *Actualis motus quo Deus efficit, ut homo, aut ad fidem, aut ad penitentiam, aut ad alium pium actum excitatus, plenius perfectiusque velit & proficiat.*

perficiat, quod jam velle incepit. Patet 2. effectum gratiæ Excitantis non alium esse, quam primam & imperfectam voluntatem boni; effectum vero Adjuvantis esse executionem hominis operis, quod voluntas per excitantem gratiam jam velle & desiderare coeperat. Patet 3. duplicem illam gratiam a se invicem non differre, nisi ratione majoris, aut minoris effectus. Excitans enim, liberum arbitrium movet ad boni desiderium; Adjuvans vero, ad integram ac perfectam desiderii executionem producit. Patet 4. gratiam Excitantem non esse positam in sola passione, & illustratione; siquidem illa suasio, illa illustratio solum mentem afficiunt, cum e contra gratia Excitans ipsam etiam voluntatem afficiat.

CAPUT V.

Utrum gratia gratum faciens dividatur in Sufficiens & Efficacem.

Not. **N**omen gratiæ Sufficiens est equivocum: Summi nimirum potest, aut in sensu Ludovici Molinae, aut in sensu Thomistarum. Priore modo sumptum, definitur, Auxilium, præter quod ex parte Dei, non alio opus est homini, ut actu operetur. *Sufficiens dicitur* (inquit Lessius in disputatione Apologica, c. 9.) *quæ continet omnia necessaria ad opus, ita ut per illud in potestate hominis sit, sine alio auxilio opus facere.* Nihil enim potest dici sufficiens ad aliquam operationem & finem, nisi cui nihil deest, quod sit necessarium ad illum, ut patet ex terminis. Altero modo sumpta, definitur, Auxilium quod ita tribuit posse, ut tamen homini alio ex parte Dei opus sit ad actu operandum. Unde si sit sola, homo nusquam actu operatur bonum, ad quod per gratiam sufficientem excitatur. *Auxilium gratiæ Dei, quod appellatur Sufficiens* (inquit Camell. in 1. 2. dist. 4. lect. 2. conclus. 1.) *non vocatur sufficiens ex eo quasi ipsum solum sit satis ad actu habendam illam operationem, ad quam ut imo ordinatur, quasi non sit aliquid aliud necessarium, nisi quæ non opponatur impedimentum.*

Not. 2. Gratia Efficax definitur, Auxilium quod semper est conjunctum cum actu, ad quem movet & excitat hominis voluntatem: hincque concluditur, cum qui non operatur, non habere gratiam efficacem. *A nullo duro corde respuitur*, (inquit Augustinus in l. de præd. 8. c. p. 8.) *in eo quippe trahitur, ut duritia carnis primitus auferatur.*

CONCL. 1. Si gratia sufficiens sumatur pro auxilio, præter quod ex parte Dei non requiritur aliud ad actu operandum, gratia gratum faciens non dividitur in Sufficiens & efficacem.

Probatur 1. ex dicendis inferius. Omnis gratia, præter quam, ad actu operandum,

alia ex parte Dei non requiritur, est efficax; nempe non dat tantum posse, sed etiam ipsum agere; non tantum complet voluntatem, ut possit operari, sed etiam complet eam actu ad operandum, hoc est, eam ad operationem physice determinat: ergo, si gratia sufficiens sumatur pro auxilio, quod ita satis sit, ut ex parte Dei aliud ad actu operandum non requiratur, gratia gratum faciens non dividitur in Sufficiens & Efficacem: siquidem membra quæ totum aliquod dividunt, ita sibi invicem debent esse opposita, ut unum aliud excludat. 2. Si præter gratiam efficacem daretur gratia ita sufficiens, ut ex parte Dei alia ad actu operandum non requireretur, sequeretur 1. gratiam per se efficacem esse omnino inutilem ad actu operandum; 2. humanam voluntatem per suum consensum effecturam, ut illa gratia sufficiens, fieret efficax, seu ab actu primo ad actum secundum educeretur. Sed hæc asseri non possunt, cum (ut fæse dicitur inferius) gratia per se efficax, seu quæ liberum arbitrium prædeterminet, sit ad singulos plerisque actus necessaria.

CONCL. 2. Si gratiæ Sufficiens nomen sumatur pro auxilio, quod dat posse operari, præter quod tamen aliud ex parte Dei necessarium sit ad actu operandum, gratia gratum faciens recte dividitur in Sufficiens & Efficacem.

Probatur. Gratia gratum faciens, sub se revera continet duplicem illam Gratiam, Sufficiens, & Efficacis, speciem; ambæque illæ gratiæ se se invicem excludunt: ergo Gratia gratum faciens dividitur in Sufficiens, & Efficacem.

Primo, dari Gratiam Efficacem, sic ostenditur. Gratia Efficax est ea, cujus beneficio non solum possumus bonum operari, sed etiam actu illud operari: atqui datur gratia cujus beneficio non solum possumus bonum operari, sed etiam actu illud operari.

Huiusmodi nimirum Gratia existentiam ostendunt ea Scripturæ loci, in quibus pietatis opera Deo tribuantur: *Operatur velle & perficere*; in quibus asseritur Deum facere, ut in præceptis illius ambulemus: *Dabo velle cor carneum* (Eccl. 30.) *& factum, ut in præceptis meis ambuletis, & iudicium meum custodiatis*; in quibus dicitur non ab alio quam a Dei gratia expectandam esse victoriam ex temptationibus: *Infelix homo* (ait Apostolus ad Romanos 7.) *quis me liberabit de corpore mortis huius? Gratia Dei per Christum Jesum.*

Secundo, dari Gratiam Sufficiens, sic ostenditur. Gratia Sufficiens, prout opponitur Efficaci, est ea quæ licet non det ipsummet agere, dat tamen posse: atqui datur Gratia, quæ licet non det ipsummet agere, dat tamen posse.

K 4

Et

Et sane dari gratiam, quæ non det ipsummet agere, ac proinde præter quam alia opus sit ad agendum, demonstrant Scripturæ textus, quibus asseritur, hominem nonnumquam Dei gratiæ resistere: *Dura ceruice, & incurcumbis cordibus & auribus* (ait Stephanus in prolisa concione quam habet Actor. 7.) *vos semper Spiritui sancto resistitis, sicut Patres vestri, ita & vos*; in quibus dicitur, quod homines Deum vocantem sequi renuant: *Vocati* (ait Deus ipse Proverb. 8.) *& renuistis*: *extendi manum meam, & non fuit qui aspiceret*; in quibus nonnulli dicuntur gratiam Dei in vacuum recipere: *Exhortamur vos* (verba sunt Apostoli secundæ ad Corinthios sexto) *ne in vacuum gratiam Dei recipiatis*. Eodem tendit proscripta hæc ab Innocentio X. propositio: *Interiori gratiæ in statu naturæ lapsæ numquam resistitur*.

Demonstrant & Augustini textus, quibus asserit, imperfectam tantum & parvam ad bonum voluntatem aliquibus dari, licet alia perfectiore & maiore ad illud agendum indigeant: *Ipsam caritatem, magnam & robustam, Apostolus Petrus nondum habuit* (inquit Sanctus Doctor in libro de gratia & libero arbitrio, cap. 17. *quando timore Dominum terrebatis. Timor enim non est in caritate, & ut ait Joannes in epistola sua; sed perfecta caritas mittit foras timorem. Et tamen, quamvis parva & imperfecta, non deerit, quando dicitur Domino: Animam meam pro te ponam*.

Demonstrant & alii omnes textus, in quibus idem S. Doctor asserit, aliquos esse, quibus licet detur gratia, quam modo operantem, modo præuenientem, modo excitantem, appellat; non conceditur tamen gratia, quam vocat cooperantem, subsequenter, adiuuantem. Nempe (ut præcedentibus hujusce questionis capitibus ostensum est) Gratia operans, præueniens, excitans, imperfectam tantum, & primam boni voluntatem efficiunt, cum e contra cooperans, subsequens, adiuuans, ipsum bonum opus perficiant.

Jam vero gratiam, quæ non dat ipsummet agere, dare tamen posse, variis momentis ostenditur.

Fides quæ per imperfectam & inchoatam dilectionem operatur, non dat integram mundaionem, perfectam libertatem; & tamen ex Augustino dat posse integre mundari, posse perfecte sanari: *Per quam* (ait in epistola ad Vitalem, loquens de fide) *scit, diabolus, eos posse mundari, posse sanari, posse perfecte liberari (quod eis vehementer invidet), in æternum regnare*. Idem Sanctus Doctor in libro de Gratia Christi, observat, hæc tria a Pelagio accurate distincta fuisse, *possibilitatem, Voluntatem, Actionem*; *Possibilitatem scilicet, quæ potest homo esse iustus, Voluntatem quæ vult esse iustus, Actionem quæ iustus est*.

Ista autem tria ejusdem libri capite 4. hisce tribus nominibus, *Possesse, Velle, Esse*, seu *Agere*, brevius expressit: docet, admittendam esse constitutam a Pelagio possibilitatem, si fateatur eam gratia adjuvari, ac præterea ad *Velle*, ad *Agere*, uberiorem aliam gratiam requiri. Ergo Augustinus admittit gratiam, quæ licet non det ipsummet *Velle*, ipsummet *Agere* (cum ad actum volendum, & agendum, uberiorem aliam gratiam, *Actionis* nimirum, requirat) dat tamen posse *Velle*, posse *Agere*.

S. Thomas, non minus quam Augustinus, agnovit auxilium illud, quod licet non det *Agere*, dat tamen *Possesse*. Læctione 2. in caput 3. Epistolæ ad Ephesios, docet dupliciter adjutorium a Paulo hisce verbis: *Cujus factus sum ego minister, secundum donum gratiæ Dei, quæ data est mihi secundum operationem virtutis ejus, distinctam fuisse: unam quidem quo datum fuerit Possesse, seu facultas exequendi, & aliud quo datum fuerit ipsummet Agere, seu ipsi acceptæ facultatis executio: Hujusmodi autem (inquit) auxilium duplex fuit: unum quidem ipsa facultas exequendi, aliud ipsa operatio actualis. Facultatem autem dat Deus infundendo virtutem, & gratiam, per quas efficitur homo potens & aptus ad operandum: sed ipsam operationem confert, in quantum operatur in nobis, interiorius movendo, & instigando ad bonum; & ideo hoc accipiens Apostolus a Deo, dicit quantum ad primum: *Dico, quod factus sum minister, sed certe non meis meritis, nec virtute propria, sed secundum donum gratiæ, quæ data est mihi, quæ scilicet idoneus efficitur ad executionem divinarum ministeriorum, &c.* Quantum autem ad secundum, dicit: *Secundum operationem, quam Deus efficit, in quantum virtus ejus operatur in nobis velle, & perficere*. Igitur, ex S. Thomæ, facultas operandi, seu *Possesse* agere, quod est a gratia, cum sit virtus, per quam homo efficitur potens & aptus ad operandum, distinguitur ab ipsummet *Agere*, quod est per motum, & instigationem, in quantum (ut ipse ait) Dei virtus operatur in nobis velle & perficere.*

Idem Angelicus Doctor fuse exponit & probat rationem fundamentalem, cur in rebus quæ ad salutem spectant, gratia Sufficiens ab Efficaci distingui debeat. Nempe docet quod de agentibus modo supernaturali idem ferendum sit judicium, ac de agentibus modo naturali: in agentibus autem modo naturali, duo requiruntur, forma quæ sit principium motus, & ipsa motio primi agentis: *Videtur in corporalibus* (inquit 1. 2. quest. 109.) *quod ad motum non solum requiritur ipsa forma, quæ est principium motus vel actionis, sed etiam requiritur motio primi moventis: ergo pariter in agentibus modo supernaturali requiruntur forma quæ sit principium actionis, & motio*

tio primi agentis: illa vero forma non aliud est, quam Gratia Sufficiens: Per gratiam nimirum SuffICIENTem agens sit potens ad operandum modo supernaturali, eo quod fiat proportionatum cum effectu, qui vires illius excedit; & per Gratiam efficacem potentia, per Gratiam SuffICIENTem recepta, ad actum reducitur.

Obijcies 1. Omnis gratia actualis est efficax: ergo gratia gratum faciens non dividitur in SuffICIENTem & Efficacem, cum membra quæ totum dividunt, sese invicem excludere debeant. Probatur ant. Omnis Dei motio est efficax: sed omnis actualis gratia est Dei motio: ergo omnis gratia est efficax. Probatur maj. Quod est a Dei voluntate, est semper efficax; alioquin enim Dei voluntas nos semper impleteretur, quod quidem negant Theologi post S. Thomam, qui 1. part. quest. 19. art. 6. sic loquitur: *Necesse est, voluntatem Dei semper impleri: ergo &c.*

Resp. ad 1. neg. ant. Ad 2. neg. maj. Ad 3. dist. maj. Quod est a Dei voluntate est semper efficax respectu effectus, ad quem ex absoluta, & consequente Dei voluntate datur, conc. maj. respectu effectus, ad quem datur non consequente, sed antecedente tantum Dei voluntate, neg. maj. Gratia Sufficiens habet semper effectum ad quem ex absoluta, & consequente Dei voluntate datur; scilicet absoluta ea voluntate datur, ut elevet liberum arbitrium ad esse supernaturale, illudque potens efficiat ad operandum, ac præterea initium bonæ voluntatis operetur: quem quidem effectum semper habet. Verum non habet effectum, ad quem liberum arbitrium movet & excitat, & ad quem datur antecedente Dei voluntate: movet enim, & excitat ad integram executionem bonæ voluntatis, cujus initium operata est: illam autem bonæ voluntatis executionem non habet, nisi uberiori & efficaci auxilio dato, ex absoluta Dei voluntate roboretur. Thomistarum omnium est ea responsio. Traditur a Sylvio 1. 2. q. 109. art. 3.

Obijcies 2. gratia quæ dicitur Sufficiens ad operandum, nomine tantum, non autem reipsa, est sufficiens: ergo gratia actualis gratum faciens revera non dividitur in SuffICIENTem & Efficacem. Probatur ant. illud ad aliquem finem comparandum non est vere sufficiens, præter quod ad eum finem comparandum aliquid aliud necessario requiritur: sic oculus sine adjutorio lucis non dicitur sufficiens ad videndum, eo quod præter oculum, adjutorium lucis ad actu videndum necessario requiratur: sic etiam dici non potest, frustulum panis esse sufficiens ad vescendum, eo quod præter illud frustulum major alia panis quantitas requiratur: At-

qui præter gratiam quæ Sufficiens dicitur, alia, Efficax nimirum, ex Thomistis omnibus, ad actu operandum necessario requiritur: Ergo nomine tantum, non autem reipsa, est sufficiens.

Resp. ad 1. neg. ant. Ad 2. dist. maj. Illud ad finem aliquem comparandum non est vere sufficiens in omni genere, præter quod ad eum finem comparandum aliud requiritur, conc. maj. Non est vere sufficiens in aliquo genere, neg. maj. Gratia quæ dicitur sufficiens, & quæ ab efficaci distinguitur, non est sufficiens in omni genere, quia sufficiens in omni genere includit omnia quæ in diversis generibus ad actum aliquem requiruntur: sic ad ædificandam domum architectus non est sufficiens in omni genere, cum præter architectum, instrumenta, materia, & alia diversi generis requirantur. At vero eadem gratia est sufficiens in aliquo genere, nimirum in genere potentiz, quia præter illam non requiritur alia gratia, ut voluntas possit operari, quamvis in alio genere, actualis scilicet operationis, non sit sufficiens, eo quod ut actu operetur, alia, sed diversi generis, gratia requiratur. Quemadmodum ergo architectus, licet per se ad ædificandam domum non sit sufficiens in omni genere, est tamen sufficiens in genere causæ efficientis: ita gratia quæ primam bonam voluntatem operatur, licet propter obstitentem subiecti cupiditatem non sit sufficiens in genere ulterioris actualis operationis, est tamen sufficiens in genere potentiz, hoc est, satis est, ut voluntas sit ad actu & ulterius operandum & revera gratia illa actu & ulterius operaretur, nisi majore subiecti cupiditate vinceretur.

Initabis. Vel potentia, quam gratia sufficiens tribuit, est remota tantum, vel etiam proxima: Atqui neutrum dici potest. Non primum; siquidem, si illa potentia sit tantum remota, liberum arbitrium gratia destitutum, dicitur potens remote tantum ad operandum bonum supernaturale: nempe ut agens dici possit remote potens ad operandum, satis est, ut mediante alio, quod tamen non habet, operari possit: ob eam enim rationem oculus adjutorio lucis destitutus dicitur remote potens ad videndum. Non etiam secundum; nempe usus quidam rationi conformis invaluit, ut ea tantum potentia ad aliquid agendum dicatur proxima, cui nihil ex iis deest quæ requiruntur, ut actu operetur: sic miles dicitur habere potentiam proximam ad pugnandum, cum iis omnibus instructus est, quæ ad actu pugnandum requiruntur.

Resp. potentiam illam simpliciter & absolute debere dici proximam. Ratio est, quia illa potentia debet dici simpliciter & absolute proxima, præter quam alia non requiritur,

tur, ut voluntas possit bonum operari: sic pictor simpliciter & absolute dicitur habere proximam potentiam ad pingendum, cum habet omnia, quae necessaria sunt, ut possit pingere, quamvis actu & de facto non pingat, defectu alicujus, quod ex parte potentiae non se teneat. Atqui praeter gratiam sufficientem alia non requiritur, ut voluntas possit operari, quamvis actu cum ea non opere-
tur.

Nec obstat argumentum quo probatum est, eam potentiam non debere dici proximam, cui auxilio opus est, ut actu bonum opere-
tur.

Nam 2. quoties Thomistae dicunt, potentiam proximam dari per gratiam sufficientem, expresse testantur, se potentiam proximam nomen non sumere in sensu, quo ejusmodi potentia complectatur omnia ad actu operandum necessaria. Cum res ipsa intelligitur (inquit Augustinus libro 1. cont. Crescon. capite 14.) minus laborandum est, quid eam hominibus vocare placuerit.

2. Variis principiis quae tum ex S. Augustino, tum ex S. Thoma retulimus, constat, agens vere dici potens ad operandum, cui nonnulla desint ex iis, quae ad actu operandum requiruntur. Verum non tantum in schola sapientissimorum illorum doctorum loquendi modus, de quo agitur, invaluit, sed etiam apud eos Theologos, quos Congruistae vocant, & de quibus in quaestione de gratia efficaci occurret sermo. Nempe Congruistae docent, voluntatem, ut actu operetur, indigere auxilio, quod Deus in iis circumstantiis largiatur, in quibus per scientiam mediam praevidet creatam voluntatem ei praebituram suum consensum. Addunt, illud auxilium, etiam instante precepto, & urgente tentatione, non dari omnibus iustis, quos tamen contendunt posse, etiam proxime, servare divinum mandatum.

3. Ille, de quo agitur, loquendi modus Conciliis nititur. Scilicet Tridentina Synodus docet nemini iusto impossibilia esse Dei mandata: Nemo (inquit sess. 6. cap. 11.) debet temeraria illa, & a Patribus sub anathemate prohibita voce uti, Dei praeceptum homini iustificato ad observandum esse impossibile. Ergo nec praeceptum perseverandi est homini iustificato ad observandum impossibile: At eadem Synodus docet, iustis omnibus non dari singulare donum perseverantiae quod ad actu perseverandum necessarium est, quodque non est in hominis, sed Dei solius potentia: ac proinde eadem sacra Synodus supponit, esse in aliquibus potentiam ad actu perseverandum; quamvis eis negetur auxilium, quod ad actu perseverandum ex parte Dei requiritur. Si quis (ait sess. 4. can. 16.) magnum illud usque in finem perseverantiae donum se certo habiturum absolute & infallibili

certitudine dixerit, nisi hoc ex speciali revelatione didicerit, anathema sit.

Objicies 3. Nulla datur gratia Sufficientis: Ergo gratia gratum faciens non dividitur in Sufficientem & Efficacem. Probatur ant. Ea gratia non datur, cujus nullus est omnino effectus: atqui gratiae Sufficientis nullus est omnino effectus: Siquidem si aliquis esset illius effectus, esset maxime potentia operandi: sed potentia operandi non est effectus gratiae Sufficientis: Ille enim effectus non est gratiae Sufficientis, quem Patres soli gratiae Efficaci tribuerunt: Atqui Patres soli gratiae Efficaci tribuerunt potentiam operandi, seu docuerunt solam gratiam Efficacem dare Possesse operari: idque variis momentis ostenditur.

Augustinus libro 1. ad Bonifacium cap. 19. haec Christi verba apud Joannem: Nemo potest venire ad me, nisi Pater qui misit me, traxerit eum, explicat de gratia efficaci: Trahitur (inquit) homo miris modis ut velit, ab illo qui novit intus in ipso hominem cardibus operari: non ut homines (quod fieri non potest) volentes credant, sed ut credentes ex nolentibus fiant. Supponit igitur Augustinus, neminem, qui gratia Efficaci destitutus sit, posse ad Christum venire.

Idem S. Doctor in Epistola 208. veteris editionis, negat, infirmam ac inchoatam boni voluntatem, quae datur per gratiam operantem, praevientem, excitantem, sufficientem, satis esse, ut quis bonum possit operari: sic enim loquitur: Oras ut non intres in tentationem: & utique si homo sibi praeparare possit volendo, non posceretur orando: Quapropter ut non intremus in tentationem, si voluntas sufficeret, non oraremus: quae tamen si desisset, nec orare possemus. Unde sic arguitur: Qui orat, habet gratiam sufficientem, cum habet inchoatum desiderium superandi tentationem; nec enim victoriam a Deo peteret, si eam minime desideraret: Atqui Augustinus asserit, eum, qui orat, nondum posse vincere tentationem: Ergo supponit, non dari per gratiam Sufficientem posse operari.

Apud eundem Augustinum in libro de gratia & libero arbitrio cap. 17. semiplena & imperfecta voluntas, quae quidem, ex Thomistis, datur per gratiam quam Sufficientem vocant, non efficit, ut quis possit operari bonum: Qui ergo (inquit) vult facere Dei mandatum, & non potest, iam quidem habet voluntatem bonam, sed adhuc parvam & invalidam: Addit, eum tantum posse servare mandatum, qui magnam & robustam voluntatem, quae per solam Gratiam Efficacem datur, habuerit. Poterit autem (ait) cum magnam habuerit, & robustam. Id confirmat Petri exemplo, quem dicit errasse, cum per parvam illam & invalidam voluntatem existimabat, se posse pro Christo mori: Et tamen (inquit)

quam-

quomodo parva, & imperfecta, non deest, quando dicebat Dominus, *Animam meam pro te ponam*: Putabat enim se posse quod se velle sentiebat.

Resp. ad 1. neg. ant. ad 2. neg. min. ad 3. neg. pariter min. ad 4. dist. min. Patres, soli gratia Efficaci tribuunt perfectam potentiam operandi, conc. min. potentiam imperfectam, neg. min. Prima est ea, quae complectitur omnia necessaria ad *actu* operandum; posterior vero, quae complectitur omnia necessaria ad *posse* operari, licet desint ipsi, quae necessaria sunt ad *actu* operandum. Multa tum ex S. Augustino, tum ex S. Thoma, tum ex Concilio Tridentino exempla protulimus, quibus evincitur, eosdem Augustinum & Thomam admisisse imperfectam illam potentiam, quae habetur sine gratia Efficaci; ac proinde cum aliis in locis affirmant, hominem lapsum nihil omnino *posse* sine gratia Efficaci, loquuntur de potentia quae diversi sit generis, hoc est, de perfecta illa potentia quae complectitur ea omnia, quae ex parte Dei ad *actu* operandum requiruntur. Igitur laudati in argumento Patres uno sensu asserunt, parvam & invalidam voluntatem, quae per gratiam mere SuffICIENTEM habetur, dare *posse* operari, in alio vero, non dare *posse*. Utriusque illius speciei *posse* continetur in una hac Tridentini Concilii sententia, *Deus impossibilia non jubet, sed jubendo monet, & facere quod possit, & petere quod non possit*. Primum *possit* continet imperfectum *posse*, quod habetur per gratiam mere SuffICIENTEM; alterum vero *possit* continet perfectum *posse*, quod per gratiam efficacem habetur.

Obijcies 4. Admixti non debet ea gratia species, quae prorsus est inutilis; Atqui gratia mere Sufficiens est prorsus inutilis: Scilicet ea gratia est omnino inutilis, quae nusquam ab Adami lapsu ad hanc usque tempora effectum habuit; ad quem movet, quaeque ipsum nusquam etiam per totam aeternitatem habitura est: Sed gratia mere Sufficiens nusquam habuit effectum, ad quem movet, nec unquam, etiam per totam aeternitatem, illum habitura est; alioquin enim fieret Efficax, quod est absurdum.

Resp. Falsam esse majorem ejusdem argumenti propositionem, seu falsum est, eam gratiam esse prorsus inutilem, quae nusquam habuit aut habitura est aliquando effectum, ad quem ordinatur, & ad quem voluntatem impellit. Ratio est, quia licet non habet effectum; ad quem ex natura sua ordinatur, & ad quem voluntatem impellit, habet tamen duplicem alium: siquidem 1. elevat subjectum ad statum supernaturalem, efficitque, ut voluntas, cui confertur, proportionem habeat cum effectu supernaturali, ad quem movet & impellit: 2. Gratia mere Sufficiens, seu prout distinguitur ab efficaci,

se habet semper in quocumque subjecto per modum dispositionis ad gratiam Efficacem: Sicut ergo dispositio per se non est inutilis, licet semper conjuncta non sit cum fine, ad quem ex natura sua ordinatur: ita nec gratia mere Sufficiens, est prorsus inutilis, quamvis formam, ad quam tendit, seu gratiam Efficacem, in subjectum non introducat.

Obijcies 5. Gratia mere Sufficiens non modo est inutilis, sed etiam noxia saltem in statu naturae lapsae: ergo non est admittenda. Probatur ant. Ea gratia est noxia, quae hominem peccantem efficit magis reum, quam si non adesset: Atqui gratia mere Sufficiens hominem peccantem magis reum efficit, quam si non adesset: gravius enim peccat is, qui peccat adjutus gratia, quam qui peccat ea destitutus, cum & Dei donum conculcet, & magis se ingratum praebeat: ergo, &c.

Resp. ad 1. neg. ant. Ad 2. conc. maj. neg. min. Ad 3. dist. ant. Gravius peccat is qui peccat adjutus gratia, quam qui peccat ea destitutus, si majori seu intensiori cupiditate peccet, conc. ant. si e contra peccet minori & minus intensa cupiditate, neg. ant. Major vel minor gravitas peccati in eadem specie sumuntur ex majori vel minori cupiditate peccantis: At in eo qui peccat adjutus gratia Sufficiente, ceteris paribus, minor est cupiditas, quam in eo qui eadem Sufficiente gratia destitutus peccat: Iste nimirum nullo iustitiae desiderio tenetur, ille e contra eam, imperfecte saltem, desiderat: ac proinde minus ab ea distat, quam alius.

Confirmatur responsio 1. ex eo quod alioquin peccatores illi quos vocant obsecratos & induratos, minus graviter, dum legem infringunt, peccarent, quam qui non sunt omnino obsecrati & indurati: isti enim, ut supponimus gratia Sufficiente praeveniantur; cum illi e contra ea (ut dicitur inferius) *ordinarie*, etiam dum peccant, destituti sint. At absurdum est dicere: obsecratos & induratos minus graviter peccare, quam ii qui nec indurati sunt, nec obsecrati; alioquin enim obsecratis & induratis, ad id saltem obsecrationis & indurationis, in quas per immatura peccata voluntarie lapsi sunt, prodesse, ut minus graviter peccarent, cum in illa obsecratione, & in illa induratione legem infringunt.

Confirmatur 2. ex Inquisitionis Romanae judicio, quo die 7. Decembris, anno 1690. proscripta fuit haec propositio: *Gratia sufficiens statui nostrae non tam utilis, quam pernicioiosa est, sic ut merito possumus petere: A gratia sufficiente libera nos, Domine*: At si, qui legem infringunt, gratia Sufficiente destituti, minus graviter peccarent, quam ii qui, licet ea adjuti, legem infringunt, revera illis, quoad hoc, noxia esset gratia Sufficiens, pete-

petereque possent (quod tamen merito dam-
narunt Inquisitores Romani) *A gratia suffi-*
ciente libera nos, Domine.

Quæres, cur voluntas adjuncta auxilio suffi-
ciente non exequatur bonum opus, ad quod
per illud auxilium movetur, & per quod
accepit potentiam illud exequendi.

Resp. id oriri ab ipsamet voluntate, quæ
licet bonum opus, ad quod movetur, exe-
qui possit, ipsum tamen plena & integra vo-
luntate non vult executioni mandare. Si au-
tem rursus quæzatur, quare non velit, non
est respondendum, id contingere, quod effica-
ci gratia careat: sicut si quæzatur, cum in-
firmus non ambulet, non est dicendum, id
fieri, quod a medico curatus non sit: sed
plane respondendum est, voluntatem adjunctam
sola gratia sufficiente, ideo nolle bonum opus
exequi, quod iniqua sit; iniqua autem est,
quod res temporales magis quam Deum amet
& amare velit.

Ex hæcenus dictis patet, quo sensu S. Au-
gustinus solam gratiam efficacem *gratiam Chri-*
sti aliquibus in locis vocare videatur; id
enim non ita intelligitur, ut gratia sufficiente
non sit quoque vera per Christum gratia,
sed quod gratia efficax principem interactua-
les gratias locum teneat: quæ autem intra
eamdem speciem præcipua sunt, speciei no-
mine absolute, & (ut loquuntur) per ante-
nomasiam appellari solent. Addi potest &
alia ratio, nimirum quod gratia efficax ea
sit, de qua inter eundem Augustinum & Pe-
lagianos, Semipelagianosque, præcipua fuit
quæstio: *Sed nos* (ait S. Doctor in libro de
gratia Christi cap. x.) *eam gratiam volumus,*
iste, Pelagius, aliquando fateatur, qua futu-
ra gloria magnitudo non solum promittitur, ve-
rum etiam creditur & speratur; nec solum re-
velatus sapientia, verum etiam & amatur; nec
suaadetur solum omne quod bonum est, verum
& persuadetur.

C A P U T VI.

De Gratia sufficiente in specie.

Not. **C**Um proxime superiori capite jam
fusse de existentia, natura, & pro-
prietatibus gratiæ sufficientis actum sit, u-
num hocce in capite expendendum superest;
nempe, quod sit gratiæ sufficientis subiectum,
hoc est, quibus hominibus in statu naturæ
lapse conferatur; an parvulis qui sine ba-
ptismo moriuntur, an infidelibus qui nihil
unquam audierunt de Evangelio; an iis fide-
libus quos passim peccatores obsecatos, &
induratos appellant; an iustis omnibus, aut
aliquibus tantum.

Utrum Gratia sufficiente detur omnibus parvulis.

Not. 1. **N**ON est hic quæstio de Gratia
Sufficiente proprie dicta, quæ
nimirum posita sit in pia mentis cogitatione,
& in bono voluntatis motu. Evidens est
enim, ejusmodi cogitationis & motus inca-
paces esse eos, qui sua ratione nondum fruun-
tur. Sed difficultas est de Gratia sufficiente
improprie dicta, quæ scilicet posita sit in
medio aliquo sufficienti ad justitiam parvulis
conferendam: unde status quæstionis est, u-
trum parvulis qui sine Baptismo moriuntur,
Deus providerit, & conferat medium per quod
salutem consequi possint.

Not. 2. Circa hanc quæstionem duplex est
in Scholis sententia. Prima, quæ est omnium
fere discipulorum Ludovici Molinae, docet,
parvulos omnes recipere, saltem remote,
in parentibus nimirum, medium sufficiente
ad justificationem, ac proinde ad salutem.
Alterâ, quæ est Thomistarum omnium, con-
tendit, multos parvulos illud medium, nec
proxime, nec remote, recipere. His Gabrie-
l Vasquez, non ultimus e Societate Jesu Scho-
lasticus, subscripsit in 1. p. S. Thomæ, disp.
46. cap. 2. & 3.

CONCLUSIO. Gratia Sufficiens, licet vi
voluntatis antecedentis omnibus præparata ad
salutem, pluribus parvulis non datur.

Probatur. Gratia Sufficiens ad salutem iis
parvulis non datur, qui non possunt bapti-
zari; nempe nihil prorsus præter Baptismum
in nova Lege sufficiente est ad salutem par-
vulorum: Baptismus enim omnibus & singu-
lis necessarius est ad salutem necessitate me-
dii, juxta illud Christi in Evangelio: *Nisi*
quis renatus fuerit ex aqua & Spiritu Sancto,
non potest introire in Regnum Dei: atqui mul-
ti parvuli non possunt baptizari.

Nam 1. plerique ex iis qui apud infideles
nati, moriuntur antequam ad rationis usum
pervenerint, baptizari non possunt, cum
(ut supponitur) nihil unquam apud eorum
parentes auditum sit de Baptismo, illiusque
necessitatem invincibiliter ignorent. Idem
dici debet de iis qui in loco nascuntur, ubi
deest aqua, & statim post natiuitatem mo-
riuntur: Ego autem dico (inquit Augustinus
in libro de natura & gratia, c. 8.) parvu-
lum natum in eo loco, ubi ei non potuit per
per Christi Baptismum subveniri, morte
præventum idcirco talem fuisse, id est, sine
lavacro regenerationis existisse, quia esse al-
liud non potuit; inde vero S. Doctor conclu-
dit, parvulum illum non potuisse esse Christia-
num: *Recte ergo ea damnatione qua per uni-*
versam massam currit, non admittitur in regnum
celorum, quamvis Christianus non solum non
fuerit, nec esse potuerit.

2. Baptizari quoque non possunt, qui antequam nascantur in utero matrum moriuntur: tum quod renasci non possit, qui semel non est natus; tum etiam quod iis infantibus, actio ministrorum, ablutio nimirum, quæcumque humana diligentia adhibeatur, applicari non possit: *Quid dicam* (ait Augustinus in libro de dona perseverantiz cap. 12.) *quod parvulus aliquando & antequam illi per ministerium baptizantis succurri possit, expirat?*

3. Baptizari quoque non possunt, qui licet nati, tamdiu non vivunt, quamdiu opus est, ut parentum, aut ministrorum diligentia eis succurri possit: Plerumque etiam, ait eundem Augustinus, festinantibus parentibus, & paratis ministris, ut Baptismus parvulo datur, Deo tamen volente, non datur, qui cum parvulum in hac vita non tenuit, ut daretur.

4. Non raro etiam contingit, ut non tantum hi qui ex iniquis parentibus nati sunt, baptizari non possint, sed etiam qui ex patris justis & casti semine in sinu matris iuste & castæ concepti sunt: Deus (inquit l. 6. contra Julianum, c. 14.) aliquando adoptat in filium, quem format in utero immundi sine femina; & aliquando non vult esse filium, quem formavit in utero filia sua. Ille quippe ad Baptismum nescio qua prævisione pervenit: iste repentina morte non pervenit. Nec enim quod solent de maioribus dicere (Pelagianos alloquitur) Deus vult, parvulus non vult.

5. Ideo quidem ex parvulis moriuntur, antequam baptismum recipere potuerint, quod causa secunda, quarum Deus (cum sit provisor generalis) actionem impedire non debet, illis in utero matrum adhuc degentibus, aut jam natis, mortem inferant, antequam per ministros eis per baptismum succurri possit: scilicet multoties mors infantibus illis accidit, aut ex feminis sterilitate, aut ex infirmitate matris, aut ex debili ipsiusmet infantis complexione, aut ex aliqua causa extrinseca, cuiusmodi est subversio domus, in qua idem infans reperitur, & quam nulla humana diligentia potuisset avertere.

Neque inde inferas, non esse in Deo voluntatem antecedentem salvandi illos infantes; est enim in ipso, ex D. Thoma, ut supra statuimus, formaliter & proprie voluntas antecedens illos salvandi, ut & alios omnes ac singulos homines; & quidem, non solum tantum, sed & beneplacitè, vi cuius vult illis simpliciter & absolute auxilia sufficientia, & quæ, inquit Gonetius Tom. 1. Præf. 4. disp. 4. art. 5. §. 2. ad salutem efficaciter non conducant. Et vero, ut ait ibi auctor iste, cuius verba describimus: Cum D. Thomas docet, quod operatio non correspondet voluntati antecedenti, sed consequenti, sequitur de

operatione & effectu principali, non autem de operatione & effectu minus principali, qualis est preparatio auxiliorum sufficientium: quare voluntas illa antecedens, in statu naturæ lapsæ, non est omnino otiosa & sterilis, nec simplex complacentia de salute hominum, (qualem Scotus & alii fingunt circa mera possibilia) per illam enim Deus omnibus proposuit salutis præcepta, consilia, & remedia: & omnes homines in finem supernaturalem ordinavit, ut docet S. Thom. qui ad hanc Dei voluntatem antecedentem explicandam utitur exemplo mercatoris, omnem diligentiam sufficientem adhibentis, ut merces servet, quas tamen metu naufragii in mare projicit.

Verum hæc antecedens Dei voluntas non prohibet, quominus ille decreto absoluto, quod est divinæ voluntatis consequentis, & a nulla creatura pendet, eam efficiat in causis secundis dispositionem, quæ mortem inferat infantibus, qui nondum ex utero matris prodierunt. An hoc (ait Augustinus in Epistola ad Sixtum) fato vel fortuna daturum sunt? Non opinor, eos in tantam demeritiam prodituros, quantumcumque nomen christianum teneant cupientes.

Obijcies 1. Deus iis largitur auxilia ad salutem sufficientia, quos vult salvos fieri; qui enim vult alicui finem, vult & ipsi media, quibus finem illum assequatur. Atqui Deus vult, parvulos omnes salvos fieri. Nempe parvuli vere sunt homines; ac proinde comprehenduntur hac Apostoli sententia 1. ad Timot. 2. Qui, Deus, vult omnes homines salvos fieri, & ad agnitionem veritatis venire: ergo, &c.

Resp. textus, qui nobis obijcitur ex Apostolo, varios esse sensus, quos harum Institutionum Tom. 1. pag. 307. & seqq. retulimus. Inter eos autem sensus principem locum tenent ii, quos Sanctus Thomas 1. p. q. 19. art. 6. hisce verbis recenset: Dicendum, quod illud verbum Apostoli, quod Deus vult omnes homines salvos fieri, &c. potest tripliciter intelligi. Uno modo ut sit accommodata distributio, secundum hunc sensum: Deus vult salvos fieri omnes homines qui salvantur, non quia nullus homo sit quem salvum fieri non velit, sed quia nullus salvus sit, quem salvum fieri non velit: ut dicit Augustinus. Secundo potest intelligi ut fiat distributio pro generibus singulorum, & non pro singulis generum, secundum hunc sensum: Deus vult de quolibet statu hominum salvos fieri, maiores & minores, Judæos & Gentiles, parvos & magnos; non tamen omnes de singulis statibus. Tertio, secundum Damascenon, intelligitur de voluntate antecedente, non de voluntate consequente: Quæ quidem distinctio non accipitur ex parte ipsius voluntatis divinæ, in qua nihil est prius, vel posterius; sed ex parte voluntariorum.

Utra

Utra ex tribus illis explanationibus a S. Thoma traditis eligatur, nihil ex his colligatur, quo probetur, gratiam quae satis sit ad salutem, dari, vel remote, parvulis omnibus, qui sine baptismo moriuntur.

Et vero, si admittatur prior, hoc unum ex ea colligeretur, dari generibus singulorum, hoc est, hominibus cujuscumque ætatis, cujuscumque sexus, cujuscumque conditionis, gratias quæ ad salutem sufficient, non autem singulis individuis quæ sub illis generibus continentur. Si admittatur altera, inde quidem consequens erit eos, quos Deus salvare vult, recipere auxilia, quibus salutem consequi possunt; non tamen eos, saltem omnes, quos (ut ait S. Thomas) salvos fieri non vult. Si tandem tertia duabus aliis anteponatur, nullum pro gratia sufficiente data parvulis, qui sine baptismo moriuntur, argumentum elici poterit: Scilicet, si (ut vult Estius) illa voluntas antecedens, cujus S. Thomas meminit, sit tantum voluntas signi, non autem beneplaciti, evidens erit, non sequi ex ea, quod Deus omnibus in individuo hominibus, ac proinde nec parvulis, de quibus agitur, largiatur auxilia ad salutem sufficientia: nimirum voluntas signi in Deo non aliud est, quam præceptum, quo hominibus opera pietatis injunguntur: At ex eo quod Deus injungat opera, non sequitur (ut inferius agentes de induratis, dicemus) quod gratias largiatur, quibus homines possint exequi ejusmodi pietatis opera. Si e contra Dei voluntas antecedens, sit voluntas beneplaciti, (quod nos censemus) inde quoque concludi non poterit, auxilia sufficientia iis dari, quos ea tantum voluntate Deus vult salvos fieri; Siquidem ea voluntas Deum non movet, ut aliquid circa creaturam suam ita operetur, ut illi conferat actu dona, quibus illius saluti consulat: sed efficit tantum, ut ex se paratus sit ea dare, reveraque collaturus esset, nisi obstatet iniquitas creaturæ. Voluntas antecedens per quam Deus vult omnium hominum salutem, se habet in Deo, sicut voluntas antecedens servandi merces se habet in mercatore, cui saviente in navim tempestate, imminet vitæ periculum: quemadmodum ergo illa mercatoris antecedens voluntas efficit, ut præparet media quibus mercium conservationi consulat, quantum in se est; ita & voluntas antecedens, per quam Deus vult omnium hominum salutem, efficit, ut ex se, & quantum in se est, paratus sit auxilia conferre, quibus homines salvari possint. Verum sicut voluntas antecedens non movet mercatorem, ut actu mediis omnibus ad mercium conservationem præparatis utatur, eo quod per voluntatem consequentem efficaciter velit vitæ suæ consulere, cui ut provideat, agnovit proficiendas esse merces

in mare: ita nec voluntas antecedens salvandorum hominum movet Deum, ut actu quibus omnes homines salvi possint, actu & de facto conferat, licet eo paraverit, eo quod per voluntatem consequentem non velit omnium hominum salutem. Ita S. Thom. in 1. Sent. dist. 46. q. 1. art. 1.

Objicies 1. Christus pro omnibus parvulis mortuus est: nempe 1. ad salutem, 2. mortuus est pro omnibus hominibus, ergo omnibus parvulis confert actu dona ad salutem sufficientes.

Resp. conc. ant. neg. conseq. Quamvis enim ex morte Christi & ex voluntate illius antecedente, quæ eadem est cum voluntate antecedente Patris, colligi possit, omnibus præparata fuisse media quæ ad salutem sufficient, & virtutem sanguinis Christi fuisse pro omnibus sufficientem; colligi tamen non potest, ea media omnibus actu conferri: Si vero (inquit Catech. Rom.) eius virtutem infundimus, pro omnium salute sanguinem a Salvatore effusum esse fatemur: Si fructum quem ex eo homines perciperint, cognovimus, non ad omnes, sed ad multos tantum eam utilitatem pervenire, facile intelligemus.

Eodem spectant hæc verba Concilii Tridentini sess. 6. c. 3. *Verum est ille pro omnibus mortuus est, non omnes tamen mortis ejus beneficium recipiunt, sed id duntaxat, quibus meritum passionis ejus communicatur.* Ex quo textu sic arguitur: Iis tantum conferuntur media ad salutem sufficientia, qui recipiunt beneficium mortis Christi, quibus meritum passionis illius communicatur; nempe quodlibet donum, quod ad salutem ordinatur, est fructus aliquis, seu beneficium aliquod mortis Christi, est aliqua communicatio meriti passionis illius: Atqui omnes homines non recipiunt beneficium mortis Christi, omnibus non communicatur meritum passionis illius: Ergo nec omnibus conferuntur media ad salutem sufficientia.

Nec audiendi sunt, qui nomine *beneficii*, quo Concilium utitur, nomine *meriti passionis Christi* quod adhibet, intelligi volunt solum medium ad salutem efficax, non autem sufficiens tantum: Nam 1. sacra Synodus simpliciter & absolute declarat, beneficium, seu fructum mortis Christi non omnibus communicari: ergo nec auxilium, etiam mere sufficiens; scilicet ea quæ de aliquo genere simpliciter & absolute negantur, contra quæ quoque negari de speciebus sub eo genere contentis. 2. Cum Synodus loco hæc eo ex protulso explicet sensum, quo Christus pro omnibus mortuus est, cur gratia sufficientis, quæ ex morte Christi in omnes homines fluit, nulla ratione nominat; cur nam de auxilio, cujus duntaxat comparatione (ut adversariis placet) Christus pro omnibus, etiam parvulis, mortuus est?

Non audiendi sunt quoque qui contendunt eadem verba Beneficii, meriti passionis Christi, non intelligi de gratia actuali, sed tantum de habituali quæ formaliter (ut loquuntur) iustificet. Si quid enim eam adversariorum explicationem adstrueret, esset maxime titulus ille, *Qui per Christum iustificentur*, quem sacra Synodus præfigit sessionis sextæ capiti tertio, ex quo desumptus est locus, *Verum etsi ille pro omnibus mortuus est*, &c. Sed titulus ille non adstruit adversariorum explicationem: Siquidem Concilium loqui intendit de iustificatione in genere, prout nempe complectitur & formam, qua quis ex impio fit iustus, & præparationes, quæ, cum ad iustificationem disponant, suo quoque modo, dispositive nimirum, iustificante: Ergo loquitur de inchoata iustificatione quæ fit per auxilia actualia, quæ mere sufficientia sint. Præterea hoc esse videtur sacre Synodi argumentum: *Non omnes recipiunt beneficium mortis Christi, non omnibus communicatur meritum passionis illius: ergo non omnes iustitiam consequuntur*. Ut nostra de sufficientia, & efficacia mortis Christi sententia intelligatur, videnda sunt quæ harum Institutionum Tomo 2. paginis 336. & multis aliis sequentibus fuscè a nobis pertractata sunt.

ARTICULUS II.

Utrum gratia Sufficienti ad salutem, infidelibus conferatur.

Not. 1. Infideles duplicis sunt generis. Nonnullis prædicatum fuit Evangelium; ad alios vero non pervenit illius notitia. De prioribus non est hic questio: Nonnunquam enim Evangelii prædicationem comitantur gratiæ interiores, quæ satis sunt, ut infideles credere possint. Præcipua igitur difficultas est de infidelibus, qui nihil unquam de Evangelio audire potuerunt.

Not. 1. Non una est de infidelibus, de quibus agitur, scholasticorum opinio. Nonnulli ex iis qui sæculo proxime elapso scripsere, contendunt omnes infideles recipere, saltem remote, auxilium, quod satis sit ad salutem. Thomistæ vero tum antiqui, tum recentiores, quos laudat & sequitur Gonet, negant, huiusmodi auxilium recipi ab infidelibus, qui nihil unquam de Evangelio audierunt.

CONCLUSIO. Infideles qui nihil unquam audierunt de Evangelio, non receperunt olim, nec modo recipiunt, gratias, quæ ad salutem sufficiant.

Probat 1. ex Scriptura. Apostolus huc scribit ad Ephesios 5. *Eratis aliquando tenebræ, nunc autem lux in Domino*. Eiusdem epistolæ c. 2. fideles, quos Deus ab impie-

tate vocavit ad fidem, sic alloquitur: *Eratis illo in tempore sine Christo, alienati a conversatione Israel, & hospites testamentorum, promissionis spem non habentes, & sine Deo in hoc mundo*. Unde sic arguitur: Idem ferri debet iudicium de omnibus infidelibus, qui nihil unquam audierunt de Evangelio, ac de Ephesiis, antequam aliquid de ipso audissent: Atqui tunc Ephesiis datæ non fuerunt gratiæ sufficientes ad salutem, iis enim datæ non fuerunt gratiæ ad salutem sufficientes, qui in tenebris jacuerunt: qui fuerunt sine Christo, sine Deo, sine ulla promissionum spe: Nempe gratiæ sufficientes ad salutem, mentem illuminant; aliqua ratione subjectum, in quo recipiuntur, cum Christo & cum Deo conjungunt; spemque promissionum subministrant: ergo, &c.

Probat 2. auctoritate & argumento Patrum. Illis non datur gratia sufficiens ad salutem, quibus non datur posse in Christum credere; siquidem fides in Christum, implicita quidem ante Incarnationem Verbi, & explicita post promulgationem Evangelii, fuit semper, & est modo necessitate mediæ ad salutem necessaria, juxta illud Evangelii: *Qui non crediderit, condemnabitur*; & juxta doctrinam Patrum, quos ad calcem Tomi secundi harum Institutionum laudavimus: atqui pluribus infidelibus non datum fuit olim, nec datur modo posse in Christum credere: Iis enim non datum fuit olim nec datur modo posse in Christum credere, qui nihil de Christo audire potuerunt; nam ex Apostolo, fides est ex auditu: Sed multi sunt infideles qui nihil olim, nec modo potuerunt audire de Christo: Si enim nihil potuerunt olim, nec modo possunt audire de Christo, ad quos nec olim, nec modo missi sunt Concionatores, qui de Christo aliquid prædicarent: *Quomodo autem* (ait idem Apostolus in epistola ad Romanos) *audiens sine prædicante? Quomodo vero prædicabunt, nisi mittantur?* Atqui plures fuerunt olim, & sunt modo, ad quos nulli concionatores missi sunt: ergo, &c.

Præsulum in Sardinia exsulantium est argumentum illud in epistola Synodali. Est quoque Prosperus, qui ad quartam hanc Gallorum calumniantium objectionem, quod non omnes homines vocentur ad gratiam, respondet 1. non vocari eos ad gratiam, quibus annuntiatum non est Evangelium, responderet 2. multos esse, quibus revera nunquam prædicatum est Evangelium; responderet 3. plures ex hoc mundo exiisse, qui nihil de Evangelio audierint, idque probat ex c. 16. Actuum, ubi Apostoli vetati sunt a Spiritu Sancto loqui verbum Dei in Asia.

Patribus mox laudatis præverat Augustinus, nempe epistola 80. sic loquitur: *Sunt apud nos, hoc est in Africa, barbaræ innu-*

mera-

merabiles gentes, in quibus nondum esse prædicatum Evangelium addiscere in promptu est. Sic etiam in libro de natura & gratia, c. 9. *Juvenis vel senex in ea regione defunctus est, ubi NON POTUIT Christi nomen audire.*

Ut adversarii illo, insuperabili alioquin, argumento se liberare conentur, respondent, Evangelii auditum non esse quidem immediate & proxime in potestate omnium infidelium: penes autem eos esse mediate & remoto, in quantum scilicet (ajunt) possunt ex creaturis Deum cognoscere, ac postea per gratiam prævenientem excitari ad credendum de eo, quia est, & quod inquirentibus se remunerator sit; eos moveri deinceps ad orationem & pia opera, quibus obtinebunt majus fidei lumen, quod Deus, vel per se, vel per Angelos, vel per homines, conferet; ut videre est in Cornelio, qui ea ratione Christi fidem consecutus est.

Verum invictissimis rationibus impugnari potest ea responsio. Et sane supponit, Deum, saltem ut actorem naturæ, amari ac coli posse sine auxilio fidei in Christum, quæ per dilectionem operetur: quod tamen falsum esse, suo loco demonstravimus. Supponit iterum, legem Decalogi absque eadem fide servari posse: quod etiam (ut ibidem probavimus) falsum est omnino. Supponit tandem, sine eadem in Christum fide Deum orari posse: quod tamen falsum esse, probant hæc Apostoli verba: *Quomodo invocabunt, in quem non crediderunt?* Nec non hæc alia Joannis 14. *Nemo venit ad Patrem nisi per me:* Unde Joannis 16. dicitur, quod ii tantum exaudiri possint, qui in Christi nomine petierint: *Si quid petieritis Patrem in nomine meo, dabit vobis:* Patres non tantum non probant, sed etiam plane rejiciunt orationem, quæ non sit Christi nomine: *Oratio quæ non sit per Christum* (inquit Augustinus in Ps. 108.) *non solum non potest delere peccatum, sed etiam ipsa fit in peccatum.* Eas omnes suppositiones proponit sibi ac rejicit Augustinus in libro de natura & gratia contra Pelagium.

Præterea, si (ut asserit responsio quam hic impugnamus) gentes illæ quæ nihil unquam audire potuerunt de Evangelio, ex fide in Deum creatorem per prævenientem gratiam excitari possint ad orationem, & pia opera, quibus obtineant fidem in Christum, sequetur, fidem in Christum non esse totius justificationis exordium: sicque falsa erit hæc Concilii Tridentini definitio sess. 6. cap. 5. *Declarat præterea, ipsius justificationis exordium, in adultis a Dei per Jesum Christum præveniente gratia sumendum esse:* cadet & hoc aliud ejusdem sacre Synodi axioma ejusdem sess. 6. cap. 8. *Cum vero Apostolus dicit, justificari hominem per fidem* (utique Christi, de qua tota in epistola ad Roma-

nos loquitur) ea verba in eo sensu intelligenda sunt, quam perbetur Ecclesia Catholica consensus tenuit & expressit, ut scilicet per fidem (in Christum) ideo justificari dicamur, quia fides (in Christum) est humana salutis initium, fundamentum, & radix omnis justificationis, sine qua impossibile est placere Deo; ac proinde & aliquid sine ea impetrare per orationem, quæ etiam per præveniens aliquod auxilium, cujuscunque sit naturæ, fusa fuerit.

Addendum est, nullum reperiri Patrem, nullam Synodum, quæ meminerit modi illius quo adversarii supponunt, fidem in Christum, ac proinde justificationem, obtineri. Quare, si ita res sit, modum illum justificationem dispositivum ac præparatorium non recenset Concilium Tridentinum sess. 6. c. 6. ubi ex professo modum ad justificationem præparatorium exponit? Cur quatuor consequendæ justificationis conditionibus, quas refert, non adjungit fidem, quæ sine concionatore habeatur; quæ tamen ex adversariis cuique fidei obvia est?

Placet sacre Synodi doctrinam hic paullo uberius pertractare. Ubi sessionis sextæ caput 6. sic inscripsit, *Modus præparationis*, ut infidelis ad justificationem se se præparet; requirit 1. Ut fidem ex auditu concipiat: 2. Ut iis firmiter adhæreat quæ a Deo promissa & revelata sunt: 3. Ut credat, impium justificari per redemptionem, quæ est in Christo Jesu: 4. Ut speret, Deum sibi per Christum propitium fore: 5. Ut Deum tamquam omnis justitiæ fontem diligere incipiat. *Disponuntur autem (inquit) ad ipsam justitiam, dum excitati divina gratia & adjuti, fidem ex auditu concipientes, libere moventur in Deum, credentes vera esse quæ divinitus revelata & promissa sunt:* Atque illud in primis, a Deo justificari impium per gratiam ejus, per redemptionem quæ est in Christo Jesu, & dum peccatores se esse intelligentes, divina justitiæ timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore, illumque tamquam omnis justitiæ fontem diligere incipiunt. Ubinam in iis Concilii verbis alius est præparationis modus, fidei nimirum in Deum abique auditu conceptæ? Ubi oratio quæ sine fide in Christum impetret ipsam in Christum fidem, cui tamen orationi innititur totum, quod confutamus, adversariorum systema?

Tandem, dato quod aliquis ea, quam adversarii supponunt, via fidem in Christum aliquando habere possit, certum est tamen, eam non esse viam ordinariam: ac proinde sequitur, infideles, qui nihil unquam de Evangelio audire potuerunt, ordinarie carere auxilio ad salutem sufficiente, etiam remo-

remote. *Paucissimis* (inquit Augustinus in libro de dono perseverantiae capite decimo nono) donatum est, ut nullo sibi homine praedicante, per ipsum Dominum, vel per Angelos calorum, doctrinam salutis accipiant. His autem paucissimis, quibus sine homine praedicante donatum est, ut doctrinam salutis acciperent, donatum non est intuitu operum quae ex viribus naturae fecissent; alioquin enim donatum fuisset ex meritis praecedentibus, quod tamen Ecclesia in Pelagianis damnavit: neque etiam intuitu operum sine fide in Christum; per aliquod auxilium praeveniens factorum; cum (ut superius ostendimus) prima omnium gratia sit gratia fidei in Christum, sine qua nihil Deo, saltem in ordine ad salutem aeternam, placere potest.

Probatur 3. nostra conclusio ratione Theologica. His non datur gratia sufficiens ad salutem, quibus non datur gratia sufficiens ad habendam fidem: sine fide enim impossibile est placere Deo: Atqui gratia sufficiens ad habendam fidem non datur infidelibus qui nihil unquam audire potuerunt de Evangelio; Scilicet si infidelibus illis daretur gratia sufficiens ad habendam fidem, infideles illi rei essent, quod non crederent; qui enim non servant praeceptum, quod possunt servare, rei sunt: Sed infideles, de quibus agitur, rei non sunt quod non credant; Quippe quod ignorantia invincibilis alicujus praecepti positivi, ut est praeceptum credendi mysteria Trinitatis & Incarnationis, non obtemperantem excuset a peccato; Scilicet a Pio Papa V. proscripta fuit haec propositio, quae in Constitutione occasione Michaelis Baji edita, legitur numero 65. *Infidelitas pure negationis, in his, in quibus Christus non est praedicatus, peccatum est: cui propositioni contraria est doctrina S. Thomae, qui 2. 2. q. 10. art. 1. sic loquitur: Si autem, infidelitas, accipitur secundum negationem puram, sicut in illis, qui nihil audierunt de fide, non habet rationem peccati, sed magis poena, quia talis ignorantia in divinarum ex peccato primi parentis consecuta est.* Atqui infideles, de quibus agitur, laborant invincibili ignorantia mysteriorum fidei: ergo rei non sunt, quod non credant.

Respondent adversarii, infidelibus, de quibus est quaestio, non adesse quidem proximam gratiam sufficientem, qua credere possunt; sed adesse remote gratiam sufficientem, in quantum nimirum temperare possunt a peccatis, in quorum poenam illis subtrahitur divinarum mysteriorum revelatio.

Sed nullius est roboris illa solutio. Nam 1. falsum est, negativam ignorantiam mysteriorum fidei ita esse poenam peccatorum actualium, ut si non extarent, adesset mysterio-

Juchin. Inst. Theol. Tom. III.

rum revelatio; consecuta est nimirum (ait S. Thomas) ex peccato primi parentis; unde licet infideles ad rationis normam (quod tamen sine gratia fidei fieri non posse, suo loco probavimus) mores suos exigerent, iis moribus Deus nunquam moveretur ad largiendam ipsis fidei gratiam: alioquin enim gratia secundum merita daretur: 2. Si temperantia a peccatis esset medium ad habendam gratiam sufficientem ad fidem, & ea temperantia esset in potestate infidelium, ut supponit responsio, infideles haberent quoque in sua potestate gratiam sufficientem ad credendum: qui enim habet in sua potestate medium remotum, quod ad proximum conducit, censetur & habere proximum; ac proinde ignorantia mysteriorum non esset invincibilis in infidelibus, qui nihil unquam audire potuerunt de Evangelio.

Obicies 1. Injustitia quaedam esset in Deo, si infidelibus Deum ratione cognoscentibus, motusque suos ad ejusdem rationis normam componentibus gratia sufficiens ad credendum non tribueretur. 2. Sequeretur, infideles damnari propter defectum rei, fidei nimirum, quam nec proxime, nec remote habere potuissent.

Resp. ad 1. injustitiam habere tantum locum in eis, qui digni sunt, non autem in indignis: At infideles omnes tum propter peccatum originale, tum propter actualia, indigni sunt gratia qua ad fidem venire possunt. *Parum attendunt* (inquit Augustinus in Epistola ad Sixtum, de Pelagianis loquens) *quod debita reddatur poena damnato, indebita gratia liberato, ut nec ille se indignum queratur, nec dignum se iste gloriatur: atque ibi potius nullam fieri acceptionem personarum, ubi una eademque massa damnationis & offensionis involvit, ut liberatus de non liberato discat, quod etiam sibi supplicium conveniret, nisi gratia subveniret.*

Resp. ad 2. infideles, de quibus agitur, non damnandos esse, quod fidem non habuerint, sed propter peccatum originale, & plura actualia, quorum tum per omissionem, tum per commissionem in legem naturalem, voluntarie rei facti sunt: S. Thomae est illa responsio 2. 2. quaest. 10. art. 1.

Obicies 2. Inquisitores Romani die 7. Decembris anno 1690. coram Alexandro Papa VIII. damnarunt hanc propositionem: *Paganus, Judaeus, hereticus, aliquis lupus generis, nullum omnino accipiunt a Jesu Christo influxum; adeoque hinc recte inferas, in illis esse voluntatem nudam, & inermem, sine omni gratia sufficiente.* Atqui ea propositio damnata, videtur eandem doctrinam continere, quam continet conclusio quae asseritur, non dari gratiam sufficientem ad salutem infidelibus qui nihil unquam de Evangelio audire potuerunt: Ergo, &c.

L

Resp.

Resp. neg. min. Nam 1. cum propositio de qua agitur, copulative, de paganis nimirum, Judais, Hæreticis, aliisque hominibus qui non sunt in Ecclesiæ sinu, intelligatur, potuit absolute damnari ratione Judæorum, hæreticorum, & plurium aliorum, qui non sunt in Ecclesia, quamvis Paganorum respectu vera sit: 2. In illa propositione subiectum *Pagani*, est subiectum indefinitum, proindeque juxta Logicæ regulas de paganis omnibus intelligitur, sive aliquid de Evangelio audierint, sive non audierint; sive Deus aliquod eternalitatis initium eis largitus sit, sive non fuerit largitus. E contra idem subiectum, *Pagani*, seu, *Infideles*, in nostra conclusionem est subiectum definitum, restrictum scilicet ad eos paganos qui nihil unquam, defectu Missionariorum, de Evangelio audire potuerunt. 3. Propositio de qua est questio, duabus partibus constat; ista nimirum: *Pagani, Judæi, Hæretici, aliique hujusmodi, nullum omnino accipiunt a se ulla gratia influxum; altera, Adeoque hinc resultat, in illis esse voluntatem nudam & inermem, sine omni gratia sufficiente.* Ut igitur damnaretur, satis fuit, ut sit falsa quoad unam partem, quamvis vera sit quoad aliam: At revera res ita se habet: falsa est enim quoad primam partem, absolute loquendo. Cum enim homo per peccatum omni Dei beneficio indignus factus sit, nihil vetat, quin multa, ex iis etiam quæ ad salutem non pertinent, ex Christi meritis accipiat.

ARTICULUS III.

Utrum gratia Sufficiens detur fidelibus Obsecatis & Induratis.

Not. 1. FIDE certum est, multos ex obsecatis & induratis nonnunquam recipere gratiam Sufficientem; quippe quod aperte constat ex Scripturis, eos aliquando Spiritui sancto moventi resistere, & de Judæis Stephanus in Actis asserit: *Vos semper Spiritui sancto resistitis.* Certum est etiam, nonnullos obsecatos & induratos peccatores aliquando ad Deum converti; proindeque ratum est, eos non modo gratiam Sufficientem, sed etiam Efficacem recipere. Tota igitur questio est, utrum omnes omnino obdurati & obsecati, alioquin fideles, hoc est, per fidem habitualemente existentes in Ecclesiæ sinu, recipiant gratiam Sufficientem quoties urget tentatio quæ ad malum provocet, & instat præceptum quod observari debeat.

Not. 2. Circa eam questionem duplex est Theologorum sententia. Qui jurant in verba Ludovici Molinæ, contendunt, nullum, quantumvis obduratum & exsecratum, gratia sufficiente destitui, cum urget tentatio,

aut instat præceptum aliquod, sive sit juris naturalis, sive positivi. Eam doctrinam tradiderat Lessius & Hamelius, ut videre est in Assertionē 14. quam facultas Theologiæ Lovaniensis anno 1587. censura notavit; sic enim habet Assertio illa: *Indurati & exsecrati habent Sufficiens auxilium ex parte Dei, ut convertantur.* E contra Thomistæ fere omnes asserunt, inter obsecatos & induratos peccatores, multos esse, qui omni sufficiente gratia careant, etiam cum urget tentatio, & instat præceptum sive conversio, sive aliquid aliud. Ita nimirum sentiunt apud Joannem Baptistam Gonetum 1. p. disp. 5. de reprobatione. 6. 6. Bannes, Zumel, Gonzalez, Alvarez de Auxiliis disp. 112. Estius in 2. Sent. diff. 26. §r 41. & tandem tota Schola Lovaniensis, quæ nec sanam quidem judicavit mox relatam Lessii & Hamelii assertionem.

Not. 3. Sententiæ quæ asserit, pluribus obsecatis, & induratis deesse gratiam sufficientem, quæ possint, aut converti ad penitentiam, aut superare tentationem aliquam, aut observare præceptum aliquod quod urgeat, tuta & sana judicata est ab aliquibus etiam ex iis qui contrariam defendunt: nempe Theophilus Raynaudus e Societate Jesu, in editione Lugdunensi Operum S. Leonis Magni, hanc de ea censuram protulit. Docet 1. Augustinum censuisse, nonnullis obsecatis, & induratis deesse auxilium sufficiens, quo resipiscere possint. Addit, S. Doctorem eam doctrinam nusquam postea aut retractasse, aut emoluisse. Docet 2. S. Fulgentium eam Augustini doctrinam amplexum fuisse: nec mirum (inquit); familiare enim est Fulgentio Augustini placitis mordicus adherere. Docet 3. S. Gregorium Magnum, multosque alios Patres in Augustini sententiam abiisse. Docet denique 4. S. Thomam ab ea doctrina minime esse alienum. Eam, quam Raynaudus tot tantisque Patribus tribuerat sententiam, quidam recentior in publicis thesibus notare visus fuerat; verum delatius ad Eminentissimum Cardinalem DE NOAILLES, Archiepiscopum Parisiensem, publico scripto declaravit, verba quibus usus fuerat, cum quidem sensum innuere, sed tamen præter illius mentem: *Profiteor insuper* (inquit in authentica Declaratione, quam & suo & præpositorum qui aderant, nomine, Eminentissimo Cardinali exhibuit, quæque typis excusa est, ut offensioni ex thesi publica obortæ satisfaceret) *quamvis mihi persuasum sit, obduratos nequaquam omni carere interiori gratia, quæ ad implenda præcepta sufficiat, haud propterea voluisse me ulla censura notare illos, qui nec pauci sunt, nec infirmi hominis, Theologos & Catholicos, quos contraria in opinione aque in Ecclesia permixta versari certum est.*

CON-

CONCLUSIO. Omnes obcecati & indurati non semper a Deo recipiunt gratiam sufficientem, aut ad conversionem, aut ad observationem mandatorum, aut ad superandam tentationem. Ita sentiunt auctores superius laudati, quibus plures alii postea accesserunt.

Probatur 1. ex Scriptura. De Judæis hæc leguntur Joannis 12. *Propterea non poterant credere, quia iterum dixit Isaias: Excavavi oculos eorum, & induravi cor eorum, ut non videant oculis, & non intelligant corde, & convertantur, & sanem cor.* Paulus præcipiens, ut qui peccat, mansuete corripiatur, hac utitur ratione: *Ne quando Deus det illis poenitentiam ad cognoscendam veritatem, & respiciant a diaboli laqueis.* Ad Romanos c. 1. hæc habet: *Propter quod tradidit illos Deus in desideria cordis eorum in immunditiam, ut contumeliis afficiant corpora sua in semetipsis.* Hæc quoque leguntur Ecclesiast. 7. *Considera opera Dei, quod nemo potest corrigere, quem illi despexit.*

Ex iis autem locis sic argumentum conficitur: Illi non recipiunt gratiam sufficientem, qui audito Evangelio credere non possunt; qui ita obcecati sunt, ut bonum agendum mentis oculis non videant, & ita obdurati, ut non intelligant corde; qui ideo mansuete corripiendi sunt, quod gratiam recipere possint; qui traditi sunt in desideria cordis eorum; quos ideo nemo potest corrigere, quod Deus eos despexerit. Nempe gratia, etiam mere sufficiens, dat posse credere; lux enim quædam est, quæ menti demonstrat bonum agendum, & plus motus quo cor, saltem ad inefficacem boni voluntatem, emollitur; beneficium est per quod impius Deus, imperfecte saltem, conjungitur; quo efficitur, ut quis a Deo omnino despectus non sit: Atqui (ut ex laudatis textibus patet) quidam impii audito Evangelio credere non possunt; ita obcecati sunt, ut bonum agendum mentis oculis non videant; traditi sunt in desideria cordis eorum; ideo mansuete corripi debent, quod gratiam recipere possint: ideo corrigi, hoc est mutari in melius, non possunt, quod Deus eos despexerit: Ergo quidam impii a Deo non recipiunt gratiam sufficientem, sive ad tentationes superandas, sive ad conversionem, sive ad mandatorum observationem.

Respondent adversarii, voces, *non posse*, in iis locis sumi pro *difficili*; ita ut sensus sit, impios, de quibus laudata Scriptura loquuntur, difficile admodum posse credere, converti, respicere, servare mandata; at difficultas illa (inquiunt) quantumcumque magna supponatur, stat in subiecto cum gratia sufficiente.

Sed inanis est ea responsio; siquidem 1. verba *Non posse*, cum de agendis agitur, sumuntur in Scripturis proprie, hoc est pro

re impossibili, respiciendo ad solas naturæ vires: *Si potest Aethiops (Jeremiz 13.) mutare pellem suam, sic vos poteritis bene facere, cum didiceritis malum.* 2. Si, *non posse*, in Scripturis sumatur pro *difficili*, immerito Augustinus, & alii Patres eo Scripturarum loquendi modo usi sunt, ut absolutam gratiæ necessitatem ad singulos actus contra Pelagianos dicere potuissent, & (ut videre est apud Augustinum epist. 106.) revera dixerunt, *non posse*, sumi pro *difficili* tantum. 3. Tantum abest, ut, *non posse*, sumi debeat in Scripturis pro *difficili*, quin e contra *difficile* significet impossibile, habita ratione soliarum naturæ virium: Quo fit (inquiunt Duacenses Theologi in sua censura adversus Lessii & Hamelii Assertionem 15.) ut perperam asseratur, omnia Scripturæ loca quæ significant esse impossibile quosdam converti, sic esse intelligenda (quod volebant Lessius & Hamelius) ut impossibile accipiat pro eo, quod est valde difficile; cum præsertim Salvator in Evangelio potius contra, difficile pro impossibili videatur interpretatus, ubi quod difficile dixerat, querentibus & admirantibus discipulis, ita exponit, ut impossibile esse pronuntiet: Dives (inquebat) difficile intrabit in regnum celorum, & quam difficile qui pecunias habent, intrabunt in regnum celorum. Deinde vero ait, *facilius est camelum per foramen acus transire, quam divitem intrare in regnum celorum.* Et mox, apud homines hoc impossibile est, apud Deum autem omnia possibilia sunt: Quo loci quoniam impossibile proprie accipitur, non est dubium.

Probatur 2. auctoritate Augustini. S. Doctor docet 1. Deum quorundam impiorum nolle misereri; nolle eis gratiam infundere; deferere eos; non adjuvare: *Sic obdurat Deus, deferendo & non adjuvando: quod occulto iudicio facere potest, iniquo non potest.* Docet 2. obcecatos & induratos nonnunquam ita deferi, ut bonum nec cernere, nec operari possint: *Quasi (inquit in libro de perfectione justitiæ cap. 19.) non debeat Deus agere gratias, qui præcepta voluit: qui desertus OMNI lumine veritatis, hac velle POTEST.* Docet 3. gratiam possibilitatis, quam vocat auxilium *Sine quo*, quæque Adamo innocenti collata fuit, nunc ex Dei justitia homini impio nonnunquam negari: *Nunc autem (inquit in libro de concept. & gratia c. 11.) quibus deest tale adiutorium, iam poena peccati est.* Augustino subscribit Gregorius Magnus lib. 11. Moralium, ubi docet, Deum interdum ita deferere hominem in culpam, cujus reus est, vindictam, ut licet vox sonet exterius, per concionatores nimirum & alia exteriora signa, interius tamen nullo modo tangatur: *Hinc est enim (inquit) quod Cain ex divina voce admoneri potuit, & mu-*

rari non potuit: quia exigente culpa malitia, jam intus Deus cor reliquerit, cui foris ad testimonium verba faciebat.

Probatur 3. ratione. Gratia Sufficiens actualis posita est in caelesti luce, qua mens perfunditur, & in pia motione, qua voluntas ad bonum excitatur: atqui nec ea lux, nec illa motio adsunt excacatis & induratis, quoties peccant: alioquin enim dicendum esset, perditos omnes viros nullum crimen perpetrare; publicas meretrices nusquam sui copiam facere, quin lux aliqua supernaturalis de actus turpitudine, quin pium virtutis illi actui contraria desiderium ipsis a Deo infundatur: quod quidem falsum esse ipsa docet experientia; compertum est nimirum, eam lucem, ea desideria in quolibet opere flagitioso non percipi ab impiis, illis praefertim, qui scelus ut aquam ebibunt: & quibus iniquitas & recta & laudanda videtur, juxta illud Augustini: *Sunt qui legem Dei omnino nescientes, malas concupiscentias nec in bestibus deputant: ergo, &c.*

Respondent ex adversariis aliqui, Deum perpetuo quidem & indefinenter ad cordis ostium pulsare, qui peccatorem vocet ad poenitentiam: sed impium concupiscentiarum strepitu obrutum, nec Dei lumen, nec motionem percipere. Sed inanis est illa responsio. Nam 1. cum (ut Bellarminus advertit) vocatio, pulsus, tractus, excitatio, ex parte creaturae sint ejusdem creaturae cogitationes ac desideria, non possunt, quin ab ea percipiantur, cum sit de essentia cogitationis ac desiderii, ut sui ipsius conscientiam involvant: *Quomodo* (inquit) *potest fieri ut non sentiantur a nobis* bona cogitatio, bonumque desiderium, *si sit non solum in nobis, sed etiam a nobis?* 2. Admonitio interior, quae a monito non percipitur, similis est voci externa, quae non auditur: quemadmodum ergo vox externa, quae non auditur, dormientem excitare non potest, ac eum de praecepto, quod instat, admonere; ita nec motio interna, quae non sentitur, est sufficiens ad excitandum ad bonum hominem induratum, nec lux, quae non percipitur, potest excacati oculos aperire. 3. Si Spiritus sancti praeveniens inspiratio omnibus ubique sit communis (argumentum est Theologorum Duacensium in Censura qua notarunt Lessii, & Hamelii Assertionem 14.) jam non ubi, & cum vult, sed semper & ubique spirat Spiritus sanctus. 4. Si semper adsint lux illa & ea motio quam adversarii cuique peccanti praesentem fingunt, nullum erit tempus, quo impius medicum invocare non possit. Sed id repugnat sanctis Patribus, inter quos sic Prosper loquitur ad sextum caput Gallo- rum: *Prisquam a dominatione diaboli per gratiam Dei impius liberetur, in illo profunda jacet, in qua se sua libertate demerfit, a nans*

interim languores suos, & pro sanitate habent, quod egrotare se nescit, donec prima fiat medela conferatur aegro, ut incipiat nosse quod langueat, & possit opem medici desiderare, qua surgat.

Probatur 4. altera ratione Theologica. Excacati & indurati nullum omnino jus habent ad gratiam, etiam in sensu Thomistarum, mere sufficientem: ergo ex nullo capite probari potest, eos semper ejusmodi gratia praeveniri, aut ad conversionem, aut ad tentationem superandam, aut ad servandum praeceptum. Probatur antecedens. Si excacati, & indurati jus aliquod haberent ad gratiam Sufficientem, jus illud oriretur vel ex statu in quo versantur, vel ex eorum ordinatione ad finem ultimum, vel ex praecepto uno onere quod eis imponitur: atqui ex nullo ex his capitibus jus illud oritur. Et quidem 1. non oritur ex statu in quo versantur: cum enim sint Dei inimici, Deus non aliud eis debet, quam poenam: *Non finis ingrati* (inquit Augustinus in libro de dono perseverantiae cap. 8.) *quod tam multos liberat misericors Deus de tam debita perditione, ut si inde neminem liberaret non esset injustus.*

Non oritur 2. ex ordinatione excacatorum ad finem ultimum: cum enim a Deo per creaturarum animum dominantem, & in eis obfirmatum pluribus peccatis animi sint averti, jus non habent ad media, quibus finem illum consequi possint. Se habent illi peccatores respectu finis ultimi, sicut homines corpore mortui respectu vitae: quemadmodum ergo principium vitalium operationum non debetur hominibus corpore mortuis; ita nec gratia Sufficiens quae se habet per modum principii in ordine ad actus supernaturales, debetur mortuis corde hominibus: quod si Deus eam illi tribuat, agit praeter ordinem, quem exigit ipsa hominum illorum conditio. S. Thomas lib. 3. contra gentes cap. 161. ratiocinatur.

Non oritur 3. ex praeceptorum onere, quod Deus excacatis & induratis imponit: si enim posita illa hypothese, excacatis, & induratis gratia sufficiens deberetur, inde confici posset, gratiam illam eis absolute ac simpliciter deberi: nempe simpliciter & absolute repugnat excacatum & induratum existere sine debito diligendi Deum super omnia, & servandi alia praecepta Decalogi: neque enim Deus potest creare hominem, hoc est creaturam ratione praeditam, sine illo debito, cum illa praecepta sint juris naturalis, & quidem, quacumque facti suppositione, omnino indispensabiles. Usurpanda sunt ergo haec S. Th. verba 1. 2. quest. 106. art. 3. *Dicendum, quod humanum genus propter peccatum primi parentis meruit privari auxilio gratiae: & ideo, quibusdam*

non datur, hoc est ex iustitia quibuscumque autem datur, hoc est ex gratia. Hoc idem variis in locis ab Augustino docetur.

Soluntur argumenta quae petuntur ex Scriptura.

Obiicies 1. Joannis habentur: *Illuminat omnem hominem venientem in hunc mundum*; atqui illuminatio illa debet intelligi de illuminatione per gratiam, saltem sufficientem; ergo omnibus, licet obcecatis & induratis, datur gratia Sufficiens.

Resp. 1. Joannis sententiam a S. Thoma lect. 5. in primum Joannis caput, intelligi de illuminatione per rationem, juxta illud Pl. 4. *Signatum est super nos lumen vultus tui, Domine*; ita ut sensus sit, omnes qui in hunc mundum veniunt, recipere lumen rationis derivatum a Verbo, quod est suprema Patris ratio, & fons rationis quae in creaturis reperitur.

Resp. 2. dato, quod laudata ex Joanne sententia intelligatur (ut vult Chrysostomus in hunc locum) de illuminatione per gratiam, vocem hanc, *Mundum*, intelligi de mundo Christiano, ita ut sensus sit, eum hominem qui per baptismum sincere, & non fictè sit christianus, illuminari per doctrinam & gratiam actualem, si sit adultus, & per solam gratiam sanctificantem, si nondum ratione sua fruatur.

Resp. 3. dici posse, quod fideles obdurati & execrati, illuminati aliquando fuerint per gratiam actualem, antequam nimirum in voluntariae obdurationis & execrationis poenam sibi ipsis relictæ fuerint; non autem postquam per repetitos iniquos actus in miserum illum statum inciderunt, & quoties postea urget tentatio, aut instat præceptum; tunc enim æquum est, ut subtractione gratiae puniantur, juxta illud Augustini lib. 7. contra Julianum, cap. 4. *Cecitas, quam solus remouet Illuminator Deus, & peccatum est, quo in Deum non creditur, & pena peccati, qua cor superbum digna animadversione punitur, & causa peccati, cum aliquid mali, cæci cordis errare, committitur*. Cui sententiæ consonant hæc Proverbiorum 8. vers. 3. *Impius cum in profundum venerit, contemnit; sed sequitur cum ignominia & opprobrium*.

Resp. 4. eandem Joannis sententiam intelligi & ab Augustino & a S. Thoma per distributionem accomodam, ita ut sensus sit, nullum hominem per gratiam illuminari, qui a Deo Verbo non illuminetur; non autem quod omnes, nullo excepto, illuminentur: *Sic enim* (ait Augustinus in Enchiridio ad Laurentium, cap. 103.) *intelligimus & quod in Evangelio scriptum est: Qui illuminat omnem hominem: non quia nullus est hominum qui non illuminetur, sed quia ab ipso nullus illuminatur*.

Juvenin. Instis. Theol. Tom. III.

Obiicies 3. Isaia c. 4. hæc habentur: *Quid debui ultra facere vinea mea, & non feci? Unde sic arguitur: Excæcati & obdurati, si cum conversionis, aut alterius rei agenda, aut omittenda præceptum, omni gratia etiam Sufficiente destituti sunt, respondere poterunt, Debuisti gratiam nobis largiri, qua possemus converti, & alia præcepta implere: ergo &c.*

Resp. excæcatis & induratis non posse id Deo objurganti respondere; neque enim Deus gratiam cuiquam debet: alioquin gratia (ut ait Apostolus) non esset gratia: si autem Deus nulli debeat gratiam, a fortiori eam non debet iis qui per innumera scelera ac flagitia ea se indignos reddiderunt. Præterea suam conversionis præcepto inobedientiam non Deo, sed iniquitati per peccatum primi parentis contractæ, & per plures iniquos actus maxime liberos adauctæ adscribere debent. Petitur ea responsio ex Augustino, qui inimicis gratiam idem argumentum obicientibus, sic respondet in l. de corrept. & gratia, c. 6. *Accepit de prima pravitate, qua Deo non obediens, a homine est, quia ex reprobatione, in qua cum Deus primitus fecit, sua mala voluntate decedens, pravus effectus est*.

Obiicies 4. Proverb. cap. 1. v. 4. hæc habentur: *Sapientia foris prædicat, in plateis dat vocem suam, &c. Vocavi, & renuisti, extendi manum meam, & non fuit qui aspiiceret*. Hæc quoque Isaia 65. *Expandi manus meas tota die ad populum incredulum, & contradicentem mihi*. Hæc etiam Ezechielis 18. *Numquid voluntatis mea est mors impij, dicit Dominus Deus, & non magis ut convertatur? Hæc tandem Apoclypticos c. 3. Ego sto ad ostium, & pulso, Si quis aperuerit mihi januam, introibo, & cenabo cum eo*. Unde sic conficitur argumentum. Qui foris prædicat & in plateis; qui tota die expandit manus ad induratos & excæcatis; qui non vult excæcatorum & induratorum mortem; qui ad eorumdem excæcatorum & induratorum ostium stat & pulsat, iisdem excæcatis & induratis gratiam ad conversionem, & ad alia præcepta observanda sufficientem largitur: atqui Deus, &c. Consonant his verba illa Concilii Colonienfis quod quidem in Enchiridio de Sacramento Poenitentiae sic loquitur: *Nullus est peccator tam sceleratus, cui Deus, quoad in hac vita superflus fuerit, hanc gratiam penitus subtrahat*.

Resp. 1. loca ex Scripturis laudata intelligi de vocatione ad conversionem per auxilia extrinseca, nimirum respectu Judæorum, ad quos præsertim spectant Prophetarum verba, per Legis manifestationem, per Prophetarum exhortationes, & alia hujusmodi; non intelliguntur autem de vocatione per auxilium interius, per bonæ voluntatis, nec inchoatæ quidem, subinfusionem.

L 3

Resp.

Resp. 2. quod licet detur (quod tamen falsum est) loca intelligi de vocatione, etiam per gratiam interiorē, non probant, eam vocationis speciem Judæis præsentem fuisse, quoties urgebat tentatio, aut adimplendum erat aliquod præceptum. Nec obstant hæc voces, *Tota die*, scilicet (ut Lyranus advertit) significant, homines ad conversionem vocatos fuisse, & tempore legis Mosaicæ, & tempore Evangelii: *Tota die* (inquit) *hoc est, ab antiquo ad præsentem, per Prophetas & postea per Deum ipsum Incarnatum*. Jam vero quod frequens non fuerit Judæorum per gratiam interiorē vocatio, in variis locis docet Augustinus, iis præsertim, quibus asserit, legem tempore veteris Testamenti reos potius effecisse Judæos, quam iustos: supposuit igitur, in plerisque vocationem per solam legem, non autem per gratiam, locum habuisse: *Lex* (inquit Serm. 6. de verbis Apostoli, cap. 7. *jubebat & non implebat, quia caro*, UBI NON ERAT GRATIA, *inutilis sine resistebat*. Idem asserit tractatu 17. in Joannem, *illi libri prodebat languidos, non sanabant. Ideo Littera SINE GRATIA reos faciebat*.

Ad confirmationem desumptam ex Concilio Coloniensi, dicendum est, intelligi ipsum, non de gratia data quoties, aut urget tentatio, aut instat præceptum, sed de toto vitæ tempore: ita ut sensus sit, nullum inter Christianos esse tam scelestum peccatorem, ut aliquando in vita (antequam nimirum in excacationem & indurationem inciderit) aliquos divinæ gratiæ motus expertus non sit: unde laudata Synodus, non dicit absolute, quod Deus scelesto peccatori gratiam suam non subtrahat, sed cum addito, PENITUS, aut, ut habetur in margine, FUNDITUS: quod quidem additum, ut observat Joannes Baptista Gonet, P. Deschamps memoria, ut opinamur, lapsus, omisit in libro de hæresi Janseniana pagina 180. ubi laudat Coloniensem illam Synodum, ut omnibus omnino peccatoribus gratiam sufficientem asserat.

Solvuntur argumenta ex Patribus petita.

Objicies 1. S. Prosper libro 2. de vocatione Gentium, c. 10. aperte docet, gratiam omnibus hominibus, dari, ac proinde & hominibus excacatis & induratis: *Elaboratum est* (inquit) *quantum Dominus adjuvit, ut non solum in novissimis diebus, sed etiam in cunctis retro sæculis gratia Dei omnibus hominibus adfuisset*: Id vero probat ex eo, quod ex Apostolo Christus sit Salvator omnium hominum: Dicendo (ait) *quod est salvator omnium hominum, confirmavit bonitatem Dei super universos homines esse generalem*: ergo, &c.

Resp. 1. libros de Vocatione Gentium falso adscribi Prospero, qui ad Augustinum de

Massiliensium erroribus scripsit, multaque alia opera tum contra Pelagianos, tum contra Semipelagianos, exaravit. Argumenta, quibus illa responsio nititur, alibi tradidimus.

Resp. 2. dist. ant. Auctor librorum de vocatione Gentium, docet, gratiam exteriorē omnibus hominibus dari, conc. ant. Gratiam interiorē, neg. ant. Nempe c. 3. gratiam communem suadet, quia Deus quosdam, Gentem nimirum, ad se cognoscendum, *et Terræ testimonium convenit* i. aliorum, Judæos scilicet, *doctrina Legis, Prophetarum præcæ, miraculorum signis* adjuvit. Cap. 9. gentes, quæ Decalogi legem non observarunt, ideo esse inexcusabiles probat, non quidem quod gratiam internam, quæ (ut ait Augustinus) in subministratione caritatis posita est, habuerint; sed quod doctrinæ mensuram sibi in creaturis oblatam neglexerint: *Adhibita enim* (inquit) *semper est universis hominibus quadam superna mensura doctrinæ, quæ etsi parvioris, occultiorisque gratia fuerit, sufficit tamen, sicut Dominus judicavit, quibusdam ad remedium, omnibus ad testimonium*.

Resp. 3. dist. iterum idem antecedens. Auctor librorum de vocatione gentium docet, gratiam, etiam internam, communem esse omnibus hominibus, sumendo vocem, *Omnibus*, per distributionem accomodam, conc. ant. sumendo simpliciter & absolute, neg. ant. Hoc est, auctor ille docet, gratiam internam semper, seu temporibus & legis naturæ, & legis Mosaicæ, & legis Evangelicæ, datam esse omnibus hominum generibus; non docet vero, datam fuisse singulis generum: *Nulla pars mundi* (inquit cap. 10. quod nobis objectum est) *ab Evangelio vacat Christi, & licet illa generalis vocatio non quiescat, tamen ista specialis jam universis est facta communis*. Ex omni gente, ex omni conditione, *adoptantur quotidie millia senum, millia juvenum, millia parvulorum, &c.*

Quæ huc usque dicta sunt, confirmari possunt ex his quæ idem auctor habet lib. 2. cap. 4. *Totius mundi inenarrabilis pulchritudo, & inenarrabilium beneficiorum ejus divæ & ordinatæ largitiæ, per quæ humanis cordibus quadam æternæ legis tabula præbebantur, ut in paginis elementorum, ac voluminibus temporum communis & publicæ divinæ institutionis doctrina legeretur*: cælum ergo, cunctaque cælestia, mare & terra, & omnia quæ in eis sunt, consono speciei suæ ordinationisque concentu præstabantur gloriam Dei, & prædicatione perpetua majestatem suam loquebantur auctorit.

Objicies 2. Augustinus docet, peccata etiam gravissima imputari non debere, si non adsit gratia, per quam vitari possint; sic enim de Pharaone loquitur in Expositione quarundam propositionum ex Epistola ad Ro-

ma-

manos, num. 62. *Non ergo hoc illi imputatur, quod tunc non obtemperaret, quandoquidem obdurato corde obtemperare non poterat; sed quia dignum se praebebat, cui cor obduraretur praecedenti infidelitate: Ergo, cum Pharaoni, licet obdurato, peccata imputata fuerint, dicendum est, adfuisse illi gratiam, per quam ea peccata vitare poterat.*

Resp. 1. illum locum probare, Pharaonem quolibet gratiae auxilio destitutum fuisse; neque enim de eo qui gratia sufficiente adiuuatur, dici potest quod Augustinus asserit de Pharaone: *Quandoquidem obdurato corde obtemperare non poterat.*

Resp. 2. dist. ant. Hoc illi non imputatur, hoc est, tunc primum non meruit non obtemperare, conc. ant. tunc primum meruit non obtemperare, neg. ant. Augustinus, cum scripsit Expositionem quarundam propositionum Epistolae ad Romanos, arbitratur, initium fidei esse a nobis determinantibus gratiam verisimilem. *Non tollit* (inquit initio capitis, de hac Apostoli sententia, *Igitur non volentis, neque currentis, sed miserantis est Dei*, loquens) *liberum voluntatis arbitrium, sed non sufficere dicit velle nostrum, nisi adjuvet Deus, misericordes nos efficiendo ad bene operandum per donum Spiritus sancti.* Unde lib. 1. Retractionum cap. 23. eam, in qua tunc ante suum Episcopatum erat opinione, retractans, sic loquitur: *Fidei meritum etiam ipsum, esse donum Dei, (per gratiam scilicet efficacem) nec putavi querendum esse, nec dixi.* Illic fidei initio tanquam merito & ipsam actualem fidem, & cetera pietatis officia tribuebat.

Eodem modo de iniquis induratorum operibus & ratiocinatus & locutus est. Scilicet ea non libero arbitrio, cum actu fiunt, temquam primae demeriti causa, ascribit, sed malae voluntatis initio, hoc est, primo iniquo actu quem operati sunt, cuius quidem primi actus, quae postea subsequuntur opera, fuerint supplicium a Deo iuste infligendum. *Sicut enim* (inquit S. Doctor) *in iis quos elegit Deus, non opera, sed fides inchoat meritum, ut per munus Dei bene operentur: sic in his quos damnat, infidelitas, & impietas inchoat per a meritum, ut per ipsam poenam etiam male operentur: sicut & superius idem dicit Apostolus: Et quoniam non probaverunt Deum in notitia habere, tradidit illos Deus in reprobam sententiam, ut faciant ea quae non conveniunt. Quapropter concludit Apostolus: Ergo cuius vult miseretur, & quem vult inaurat. Cuius autem miseretur, facit eum bene operari: & quem obdurat, relinquit eum ut male operetur. Sed & illa misericordia praecedenti merito fidei tribuitur, & illa obduratio praecedenti impietati, ut & bona per Dei donum operentur, & mala per supplicium.*

Eo principio, ea loquendi ratione, utitur in eo ipso loco, quem adversarii nobis obijciunt: *Quod ergo* (inquit) *tunc Pharaon obtemperabat praeceptis Dei, jam de supplicio veniebat. Non autem quisquam potest dicere, obdurationem illam cordis immerito accidisse Pharaoni, sed iudicio Dei retribuuntis incredulitati ejus debitam poenam. Non ergo hoc illi imputatur, quod tunc non obtemperaret, quandoquidem obdurato corde obtemperare non poterat: sed quia dignum se praebebat, cui cor obduraretur priori infidelitate. Ex iis patet, quod illud, Non ergo hoc illi imputatur, sic intelligi debeat, Pharaonem non tunc primum meruisse non obtemperare, sed cum priori infidelitate meruit obdurationem.*

Solvuntur argumenta ex Sancto Thoma petita.

Obijcies 1. Sanctus Thomas in cap. 11. ad Hebraeos expresse asserit, Gratiam, saltem sufficientem, omnibus omnino hominibus dari: Exponens enim hac Apostoli verba: *Contemplantur, ne quis desit gratiae Dei*, sic loquitur: *Gratia etsi non habeatur ex meritis, tamen oportet, quod homo faciat quod in se est; Deus autem voluntate sua liberalissima dat eam omni preparanti se.* Ubi autem id probavit hac Apost. sententia, *Qui vult omnes homines salvos fieri*, haec habet: *Et ideo gratia nulli deest, sed omnibus quantum in se est, se communicat, sicut nec sol deest oculis caecis:* ergo Sanctus Thomas credidit, gratiam sufficientem dari obsecatis & induratis.

Resp. dist. ant. Gratia habitualis, immo & actualis efficax, nulli deest sese ad eam, ut par est, preparanti, conc. ant. sese ad eam, ut par est, non preparanti, neg. ant. Sanctus Thomas de gratia habituali, aut de actuali efficaci loquitur: utramque vult iis dari, qui ad eam recipiendam se te, ut par est, preparant: Nempe verbis istis, *Gratia nulli deest*, hac alia praemittit: *Tamen oportet quod homo faciat quod in se est.* 2. Afferit, praeparationem illam esse ex gratia: siquidem, hoc tibi obijcit argumentum: *Sed contra, quia si gratia non detur ex operibus, sed tantum ex hoc quod aliquis non ponit obstaculum; hoc est, facit quod in se est: habere gratiam dependet ex solo libero arbitrio, & non ex electione Dei, quod est error Pelagii.* Ad quod sic responderi: Dicendum est, quod hoc ipsum, quod aliquis non ponit obstaculum, ex gratia procedit. Ut igitur inde inferatur, gratiam de qua loquitur, nulli deesse, oportet, ut S. Thomas dixerit, gratiam quae ad illam praeparationem, ad non ponendum illud obstaculum requiritur, omnibus dari: At id S. Thomas non asserit, sed contrarium; sic enim loquitur: *Quod ergo a quibusdam removetur istud obstaculum, hoc est ex misericordia Dei: quod autem non removetur, hoc est ex iustitia ejus:* Ergo cum aperte supponat, Deum ab omnibus illud obsta-

culum non remove, non minus aperte asserit, gratiam omnibus non dari.

Obiicies 2. Sanctus Thomas lib. 3. contra Gentes, c. 159. sic loquitur: *Deus, quantum in se est, paratus est omnibus gratiam dare*. Addit, penes esse liberum arbitrium impedire, aut non impedire eiusmodi gratiae receptionem: *Cum hoc, (ait) sit in potestate liberi arbitrii impedire divinae gratiae receptionem, merito in culpam imputatur ei, qui impedimentum praestat gratiae receptioni*. Confirmat exemplo petito ab homine, qui claudens oculos, malum aliquod defectu luminis operatur: *Sicut (ait) seculo mundum illuminante, in culpam imputatur ei qui oculos claudit, si ex hoc aliquod malum sequatur, licet videre non possit, nisi lumine solis praeveneretur*. Unde sic arguitur: Sanctus Thomas asserit, gratiam habituales dari iis omnibus qui non impediunt illius receptionem; docet, omnes posse eam non impedire; ergo, ex illo, datur omnibus gratia sufficiens, per quam possit non impedire receptionem gratiae habitualis.

Resp. conc. ant. neg. conseq. Siquidem ut quilibet dicatur posse non impedire receptionem gratiae habitualis, non est necesse, ut actu habeat gratiam quae praestet illud posse non impedire; sed satis est (ut fuisse dicitur inferius) quod possit eam non impedire per gratiam, siue illa gratia adsit, siue non adsit: *Ad primum ergo dicendum (ait Sanctus Doctor 2. 2. quaest. 2. art. 5.) quod si in potestate hominis dicitur esse aliquid exclusio auxilii gratiae; sic ad multa tenetur homo; ad quae non potest sine gratia reparante, sicut ad diligendum Deum & proximum; & similiter ad credendum articulos fidei*. Sed tamen hoc potest cum auxilio gratiae: quod quidem auxilium quibuscumque divinitus datur, misericorditer datur; quibus autem non datur, ex iustitia non datur in penam precedentis, aut saltem originalis peccati; ut Augustinus dicit in libro de correptione & gratia.

Eo in loco loquitur S. Doctorem de gratia sufficienti, ostenditur 1. ex eo quod loquitur de gratia, per quam homo possit Deum & proximum diligere, mysteriis revelatis credere, & per quam in objectione quam solvit, sit in eius potestate aliquid explicitè credere. Ostenditur 2. ex eo, quod laudet Augustinum in libro de correptione & gratia. At Augustinus ibi agit de gratia sufficienti; scilicet docet, adiutorium, sine quo, nunc legari in penam precedentis peccati saltem originalis: ergo Sanctus Thomas censuit, recte & absolute dici, hominem posse non impedire gratiae habitualis receptionem, quamvis actu non habeat gratiam sufficientem ad illud posse necessariam.

Obiicies 3. S. Thomas 1. p. q. 49. art. 2. probat, Deum non esse causam mali: contra-

autem eam conclusionem hocce sibi argumentum objicit: *Idem est causa salutis navis, & periculi: Sed Deus est causa salutis omnium rerum: ergo ipse est causa omnis perditionis & mali*. Sic vero illud argumentum solvit: *Ad tertium dicendum, quod submersio navis attribuitur naturae ut causa, ex eo quod non agit, ut requiritur ad salutem navis; sed Deus non deficit ab agendo; quod necessarium est ad salutem, unde non est simile*. Ex eo loco sic eruitur argumentum. Ille dat gratiam, saltem sufficientem, omnibus hominibus, ac proinde excacatis & induratis, qui non deficit ab agendo, quod est necessarium ad salutem; si enim eam gratiam alicui negaret, revera deficeret ab agendo, quod est necessarium ad salutem: atqui ex S. Thoma Deus, &c. ergo, &c.

Resp. dist. maj. qui non deficit ab agendo quod est necessarium ad salutem, si id debeat, conc. maj. si id non debeat, neg. maj. Naturae, cujus exemplo S. Thomas utitur, adscribitur naufragium navis, cum ea non agit, quae necessaria sunt ad navis salutem; non adscribitur tamen Deo peccatum impii, quamvis non agat, quod necessarium est ad illius salutem, hoc est, quamvis non conferat gratiam, per quam salutem consequi possit. Ratio disparitatis est, quia natura potest, ut supponitur, & debet ea agere, quae ad navis salutem conferunt: at vero Deus, licet potens sit agere quae ad impii salutem necessaria sunt, non debet tamen, hoc est, non tenetur ea agere: alioquin enim impio gratiam deberet, quod Pelagianum est. Desumpta est illa responsio ex ipso S. Thoma, nempe 1. 2. q. 79. art. 1. aperte eam tradit.

Obiicies 4. S. Thomas 1. 2. q. 106. art. 2. ad 1. hac scribit: *Lex nova, quantum est de se, sufficiens, auxilium dat ad non peccandum*. Unde sic arguitur: Lex nova, ex S. Doctore, auxilium sufficiens ad non peccandum dat iis qui eam proficiuntur: atqui fideles excacati, & indurati proficiuntur legem novam: ergo lex nova dat eis gratiam sufficientem ad non peccandum.

Resp. 1. dist. maj. Ex S. Thoma lex nova dat auxilium sufficiens ad non peccandum, & nomine auxilii sufficientis Sanctus Doctor intelligit gratiam habituales, conc. maj. & intelligit gratiam actuales, neg. maj. Idque patet ex scopo quem in eo articulo sibi proponit: quaerit enim (ut patet ex articuli titulo) *utrum lex nova iustificet*: ac iustificare proprius est effectus gratiae habitualis, quamquam & actuali improprie conveniat, quatenus nimirum disponit ad justificationem. 2. Sanctus Thomas in eo articulo gratiam, quam dicit sufficientem, vocat gratiam Spiritus Sancti interioris datam, & legem in corde scriptam. At familiare est S. Thomae, nominare gratiam Spiritus Sancti interioris datam, & legem

Et legis in corde scripta, intelligere donum habituale, quod iustificet. 3. Gratia actualis, proprie loquendo, non utimur, ut enim est applicare: at gratiam actualem non applicamus, sed potius nos ipsa ad agendum applicat; & ideo in Schola S. Thomae vulgo dicitur, quod gratia actualis non subiacet voluntati quoad usum, hoc est, a voluntate non determinatur: asserit vero Sanctus Thomas, uti nos, aut non uti gratia illa novi testamenti de qua loquitur: *Majeri parvo* (inquit) *est dignus auxilio suo dato non uti*: quod quidem habitui proprie convenit: definitur enim ab eodem S. Thoma 1. 2. quest. 79. art. 2. *Id quo quis utitur cum voluerit*.

Jam autem si vera sit expositio quam hucusque tradidimus, evidenter patet, non posse ex S. Thomae textu qui nobis objectus est, colligi gratiam sufficientem actualem dari omnibus hominibus, etiam legem novam profitentibus: neque enim induratis & excacatis datur gratia habitualis; alioquin iusti & sancti essent, cum is gratia sanctificantis effectus, ut subjectum in quo recipitur, formaliter iustificet & sanctificet, hoc est, cum sit forma qua quis iustus est, & sanctus.

Resp. 2. ad idem argumentum, quod licet detur S. Thomae in loco, cuius obiectio meminit, loqui de gratia actuali; non inde tamen colligi possit, eam dari obcecatis & induratis. Nempe licet lex nova, quantum in se est, det auxilium sufficiens, non loquitur, quod illud auxilium omnibus applicetur: idque contingit propter peccati obstaculum, quod ab hominibus apponitur: *Humanum genus* (ait S. Doctor 1. 2. q. 106. art. 3. ad 2.) *propter peccatum primi parentis meruit privari auxilio gratiae, & ideo quibuscumque non datur, hoc est ex iustitia: quibuscumque autem datur, hoc est ex gratia*.

Soluntur argumenta ex ratione petita.

Obijcies. Deus excacatis & induratis praecipit conversionem; eis quoque praecipit, ut superent tentationes, quibus urgentur; iungit Decalogi observationem: ergo Deus excacatis & induratis confert gratiam, saltem sufficientem, ut possint converti, tentationes superare, & observare decalogum. Nempe si gratiam illam eis non conferret, conversio, victoria tentationum, observatio decalogi forent eis impossibiles; neque enim homo sine gratia potest aut converti, aut tentationes superare, aut observare decalogum: Atqui nec conversio, nec victoria tentationum, nec observatio Decalogi, sunt excacatis & induratis impossibiles: Nam (ut ait Concilium Tridentinum sess. 6. cap. 11.) *Deus impossibilia non jubet, sed jubendo monet facere quod possit, & petere quod non possit*: ergo, &c.

Respondeo, non alia ratione solvi debere illud argumentum, quam qua solvit ipsum unanimi consensu Thomistarum schola. Respondet vero ad 1. conc. ant. neg. 2. conf. Ad 2. neg. mai. seu Thomistae nequeant, impiis praecepta debere dici, & esse simpliciter & absolute impossibilia, qui gratiam non habent. Ratio est, quia illud tantum dicitur absolute & simpliciter impossibile, quod nec per proprias vires, nec per auxilium divinum facere possumus: ac proinde, cum quilibet excacatus & induratus, per auxilium gratiae & converti, & tentationes superare, & decalogum observare possit, dici non potest, quod Dei mandatum sit ei simpliciter & absolute impossibile; quamvis dici possit, quod sit ei impossibile secundum quid, habita nimirum ratione solarum virium naturalium.

Desumpta est illa responsio ex S. Thomae. Scilicet 1. 2. q. 109. art. 4. contra conclusionem in qua asseruerat, hominem lapsam non posse sine gratia auxilio servare praecepta decalogi, hanc sibi objectionem secundo loco proponit: *Hieronymus dicit in expositione catholica fidei illos esse maledicendos, qui Deum praecepisse homini aliquid impossibile dicunt: sed impossibile est homini quod per se ipsum impleri non potest: ergo homo potest implere omnia praecepta per se ipsum*: hisce autem verbis eam solvit: *Ad 2. dicendum, quod illud quod possumus cum auxilio divino, non est omnino nobis impossibile, secundum illud Philosophi in 3. Ethicorum. Quae per amicos possumus, aequaliter nos possumus*. Iisdem fere verbis utitur 1. 2. quest. 156. art. 2. exponens, quo modo continentia virtus, quae Dei donum est, sit nobis possibilis.

Instabis 1. Ut per gratiam mandatum sit possibile excacato & indurato, necesse est, ut Deus excacato illi & indurato gratiam conferat, sicut ut quid sit possibile alicui per amicum, oportet ut amicus suum illi auxilium praebet: Sed (ut supponitur in conclusione) Deus excacato & indurato gratiam, quam mandatum servari possit, non confert: ergo mandatum est excacato illi & indurato simpliciter impossibile.

Resp. neg. ant. Satis nimirum est, ut illud auxilium sit in potentia extrinseca excacati & indurati; non requiritur vero, ut sit in potentia illius intrinseca, hoc est, satis est, ut divinum auxilium recipere possit, nec est necesse, ut illud actu intrinsece recipiat. Responsionem illam tradit S. Thomas loco jam superius a nobis laudato: *Quod si* (inquit 2. 2. quest. 2. art. 5.) *in potestate hominis dicatur esse aliquid excluso auxilio gratiae, sic ad multa tenetur homo, ad quae non potest sine gratia reparante, sicut ad diligendum Deum & proximum: sed tamen hoc potest cum auxilio gratiae: quod quidem auxi-*

auxilium quibuscumque divinitus datur, misericorditer datur; quibus autem non datur, ex iustitia non datur, in penam precedentis, aut saltem originalis peccati.

Jam vero quod spectat ad comparationem ex amico petitam, qua S. Doctor utitur, Sylvius observat, quod non in omnibus presenti negotio accommodari possit. Nempe (ait) *distincte designari possunt quedam quae sunt tantum in nostra potestate, & non amici, possuntque a nobis sine ipso praestari, antequam ipse nos adjuvet, ut ad amicum ire, vel ab eo velle adjuvare, ab eo petere auxilium, & interdum incipere opus nostrum, & uti auxilio quod ipse dedit: cum tamen quantum ad ea quae per Deum agimus, vel possumus, nihil omnino sit nostrum, & non Dei, dicente Apostolo, Quis se discernit?*

Instabis 1. Ex mox data responsione sequitur 1. daemones & homines jam in inferis damnatos posse servare divina mandata, scilicet ea cum auxilio gratiae servare possunt, sicut & homines qui adhuc sunt in vita. Sequitur 2. dici posse quod caecus absolute & simpliciter videre possit, quod mortuus possit vivere; ille enim potest ex Dei auxilio videre, & iste vivere: sed haec absurda sunt, ergo, &c.

Resp. 1. neg. majorem, quoad priorem partem. Ratio est, quia excecati & indurati de potentia Dei ordinaria possunt (cum adhuc sint in via) recipere auxilium gratiae, per quam divina mandata servare possunt: at daemones & damnati possunt tantum illud recipere de potentia absoluta & extraordinaria, cum jam sint in termino, ubi Deus nullum unquam divinae suae lucis radium diffundere decrevit: *Multorum hominum, malitia talis est* (inquit S. Prosper ad objectionem sextam Vincentianam) *qualis est daemonum: sed hoc inter malos homines distat & daemones, quod hominibus etiam valde malis superest, si Deus misereatur, reconciliatio; demonibus autem nulla est in aeternum servata conversio.*

Resp. 2. neg. quoque maj. quoad alteram partem, tum quia non de potentia ordinaria, sed extraordinaria tantum, & absolute caecus potest a Deo visum recipere; tum quia caecus concurrere non potest ad recipiendum visum, nec mortuus ad recipiendam vitam; cum e contra obduratus & obcecatus cooperando divinae gratiae possit servare divinum mandatum, ac proinde mandatum priori ratione sit ei possibile, quam caeco sit possibilis visio, aut mortuo vita.

Desumpta est illa responsio ex S. Thoma, nempe in quaestionibus disputatis, quaest. 24. de veritate (quae est de libero arbitrio) art. 11. hocce tibi argumentum proponit: *Sed dices, quod quamvis talis sit impotentia in viribus propriis, potest reduci ad pa-*

et munere divina gratia. Sed contra: aliquid est impossibile secundum naturam, licet divina operatione fieri possit. Dicimus, simpliciter loquendo, illud esse impossibile, sicut caecum videre, vel mortuum resurgere. Si ergo ex viribus propriis aliquis non sit capax penitentiae, simpliciter debet dici, quod est obstinatus in malo, quamvis divina virtute possit reduci ad penitentiam. Illi autem argumento sic respondet: Dicendum, quod quando natura inferior potest aliquid disponere, vel qualiacumque operari, non dicitur impossibile simpliciter, quamvis non possit perfici, nisi divina operatione; sicut non dicimus esse impossibile simpliciter, prolem in utero materno anima rationali animari: & similiter quamvis liberatio a peccato fiat operatione divina; quia tamen ad hoc liberum arbitrium operatur, non dicitur esse impossibile simpliciter.

Ex his patet (inquit non ultimus ex Thomistarum scholi theologus Joannes Baptista Gonetius in sui clypei Thomistici Tom. 2. p. 103. Edit. Parisiens.) possibilitatem mandatorum, ex Sancto Thoma fundari in potentia Dei ordinaria, & in cooperatione humanae voluntatis: quae quidem cooperatio cum in caeco ad recipiendum visum, & in mortuo ad recipiendam vitam non reperitur; ideo simpliciter dicitur, visionem esse impossibilem caeco, & vitam mortuo, quamvis Deus absolute, & de potentia extraordinaria & caeco visum, & mortuo vitam restituere possit.

Obicies 2. Induratus qui gratia sufficiente destitutus peccaret, libere non peccaret: e contra peccaret necessario; ille enim peccat necessario, qui non potest bonum operari: atqui induratus gratia destitutus non posset bonum operari; cum ad illud posset operari requiratur gratia saltem sufficiens, quam non habet; ergo necessario peccaret: sed falsum est consequens; scilicet (ut Augustinus asserit) peccatum actuale a deo debet esse voluntarium, ut si voluntarium non sit, desinat esse peccatum: Ergo, &c.

Respondent Thomistae omnes (ut videre est apud Gonetum, Tom. 2. pag. 10.) ad 1. neg. ant. Ad 2. neg. maj. neque enim, ajunt, ut quis non necessario peccet, requiritur, ut possit (per gratiam quae sit praesens) bonum operari, quia ad libertatem non requiritur indifferentia contrarietatis, seu specificationis, hoc est, ad bonum & malum; alioquin Christus non fuisset liber, cum malum operari non potuerit: sed satis est ad libere peccandum indifferentia contradictionis, hoc est, ut ita intra idem genus boni aut mali, haec vel illa species boni aut mali eligi possit. Haec autem indifferentia contradictionis reperitur in indurato gratia sufficiente destituto: ita enim hanc vel illam peccati speciem eligit, ut possit aliam eligere: sic tentatio-

tationem, qua ad luxuriam provocatur, potest superare motivo vanæ gloriæ; potest ab actu ebrietatis temperare, ut potens sit avaritiæ suæ consulere.

Desumpta est ea responsio ex S. Thoma, qui in lib. 3. contra gentes cap. 160. sic loquitur: *Licet illi qui est in peccato, non habeat hoc in potestate, quod omnino vitare peccatum; habet tamen potestatem vitare hoc vel illud peccatum, ut dictum est, unde quodcumque committit, voluntarie committit, & ita non immerito ei imputatur ad culpam.*

Instabis. Indignum videtur Dei bonitate & iustitia, quod ad culpam imputet actus, quos etiam quoad specificationem, hoc est, eligendo speciem contrariam, induratus vitare non potuit: ergo, &c.

Resp. dist. ant. si necessitas illa indurato non fuerit voluntaria, nec in se, nec in causa, conc. ant. si voluntaria fuerit, saltem in causa, neg. ant. Peccata autem quæ ab indurato committuntur, fuerunt voluntaria in causa, scilicet per innumera flagitia, quæ libere & non necessario commisit, in illam, in qua veritatur, peccandi necessitatem incidit; ac præterea illam actu amat, vultque, quamdiu induratus est, in ea permanere: sicque necessitas illa non est necessitas antecedens & absoluta, sed hypothetica tantum, & consequens ex iniquis actibus libere repetitis.

Solutionem illam tradit S. Thomas lib. 3. contra gentes cap. 160. hæc enim habet: *Quamvis autem illi qui in peccato sunt, vitare non possint per propriam potestatem, quin impedimentum gratiæ præsent, vel ponant (ut essentium est) nisi auxilio gratiæ prævenerint; nihilominus tamen hoc eis imputatur ad culpam, quia hic defectus ex culpa præcedente in eis relinquitur; sicut ebrius ab homicidio non excusatur, quod per ebrietatem commisit, quam sine causa incurrit. Idem ostenditur exemplo demonis & damnatorum, qui tenentur se se ad Deum convertere, & non peccare, licet id non possint sine auxilio gratiæ, quod tamen eis minime conceditur. Nimirum demones & damnati (ut docet S. Thomas quæst. 16. de malo art. 5.) in omnibus suis actibus peccant, eo quod ex voluntaria culpa in eum miserum statum inciderint. Confirmatur ex Augustino, qui libro primo operis imperfecti contra Julianum, p. 155. in veteri editione asserit: peccandi necessitatem illius peccati esse penam, quod nulla necessitate commissum est.*

Objicies 3. Excreati & indurati admoneri debent, ut a peccatis resipiscant, & corripiendi quod illa perpetrent: ergo Deus eis gratiam largitur, quæ admonitiones illas & correptiones comitetur: alioquin enim frustra a pastoribus adhiberentur, nempe non magis illis prodesse possent, quam lurdis & cæ-

cis eadem admonitiones & correptiones profunt.

Resp. quod cum pastores nesciant, an Deus suam gratiam induratis daturus sit, an non daturus, ex officio tenentur quemcumque peccantem admonere & corripere, diviniæque providentiæ admonitionum & correptionum suarum eventum committere.

Desumpta est illa responsio ex S. Augustino, qui in lib. de corrept. & gratia c. 5. sic loquitur: *Hæc est correptionis utilitas, quæ nunc major, nunc minor, pro peccatorum diversitate adhibetur, & tunc salubris, quando lupernus medicus respicit. Non enim aliquid proficit, nisi cum facit, ut peccati sui quemque paniteat. Et quid hoc dicat, nisi qui respexit Apostolum Petrum negantem, & fecit flentem? Id vero sic probat ex Apostolo, Unde & Apostolus Paulus postquam dixit, cum modestia corripiendos esse diversa facientes, protinus addidit: Ne quando dei eis Deus penitentiam ad cognoscendam veritatem, & resipiscantiam Diaboli laqueis. Verat deinde idem Augustinus, ne quis audeat querere, cur aliquando tantum, & non semper, lupernus medicus interius corruptum respiciat; ac proinde supponit, eum medicum non semper respicere correptam: *Sed quare istis sic, illi aliter, atque illis aliter diversis & innumerabilibus modis vocentur, ut resipiantur, absit ut dicamus iudicium luri esse debere, sed figuli.**

Instabis. Cum admonitio & correptio profint tantum, quando Deus correptum gratia sua respicit, adhiberi non deberent circa induratos; videtur e contra, quod sine correptione dimitti debeant divini gratiæ, a qua pendet correpti conversio: Deus enim potest solus, quod aliquando adhibita, per pastores correptione præstat.

Resp. neg. ant. Quamvis enim Deus sine adhibitis admonitione & correptione, impium convertere possit, passim tamen non convertit; nisi admonitiones, & correptiones præcesserint; quemadmodum licet absque prædicatione Evangelii fidem largiri possit, nisi tamen ea præcesserit, non solet infidelem ad fidem convertere. Porro (ait Augustinus libro de corrept. & grat. c. 5.) *si hoc, prædicandum non esse Evangelium, quod Deus sine illius prædicatione possit infideles convertere, non audent dicere, sed patiuntur sibi Evangelium ab homine prædicari; quamvis etiam possit non per hominem homini dari, concedant etiam corripit se debere a præpositis suis, a quibus christiana gratia prædicatur; quamvis non negetur, Deum posse quem velit, etiam nullo homine corripiente, corrigi, & ad dolorem salubrem penitentiae, occultissima & potentissima medicina sua potestate perducere. Totus liber de gratia & correptione similibus principiis & sententiis refertus est; adeat lector opus*

Resp. neg. min. Nam 1. cum propositio de qua agitur, copulative, de paganis nimirum, Judæis, Hæreticis, aliisque hominibus qui non sunt in Ecclesiæ sinu, intelligatur, potuit absolute damnari ratione Judæorum, hæreticorum, & plurium aliorum, qui non sunt in Ecclesia, quamvis Paganorum respectu vera sit: 2. In illa propositione subjectum *Pagani*, est subjectum indefinitum, proindeque juxta Logicæ regulas de paganis omnibus intelligitur, sive aliquid de Evangelio audierint, sive non audierint; sive Deus aliquod credulitatis initium eis largitus sit, sive non fuerit largitus. E contra idem subjectum, *Pagani*, seu, *Infideles*, in nostra conclusionem est subjectum definitum, restrictum scilicet ad eos paganos qui nihil unquam, defectu Missionariorum, de Evangelio audire potuerunt. 3. Propositio de qua est questio, duabus partibus constat; ista nimirum: *Pagani, Judæi, Hæretici, aliique hujusmodi, nullum omnino accipiunt a Jesu influxum*; altera, *Adeoq; hinc recte censetur, in illis esse voluntatem nudam & incertam, sine omni gratia sufficiente*. Ut igitur damnaretur, satis fuit, ut sit falsa quoad unam partem, quamvis vera sit quoad aliam: At revera res ita se habet: falsa est enim quoad primam partem, absolute loquendo. Cum enim homo per peccatum omni Dei beneficio indignus factus sit, nihil vetat, quin multa, ex iis etiam quæ ad salutem non pertinent, ex Christi meritis accipiat.

ARTICULUS III.

Utrum gratia Sufficiens detur fidelibus Obsecatis & Induratis.

Not. 1. **F**IDE certum est, multos ex obsecatis & induratis nonnunquam recipere gratiam Sufficientem; quippe quod aperte constat ex Scripturis, eos aliquando Spiritui sancto moventi resistere, & de Judæis Stephanus in Actis asserit: *Vos semper Spiritui sancto resistitis*. Certum est etiam, nonnullos obsecratos & induratos peccatores aliquando ad Deum converti; proindeque ratum est, eos non modo gratiam Sufficientem, sed etiam Efficacem recipere. Tota igitur questio est, utrum omnes omnino obdurati & obsecrati, alioquin fideles, hoc est, per fidem habitualemente existentes in Ecclesiæ sinu, recipiant gratiam Sufficientem quoties urget tentatio quæ ad malum provocet, & instat præceptum quod observari debeat.

Not. 2. Circa eam questionem duplex est Theologorum sententia. Qui jurant in verba Ludovici Molinæ, contendunt, nullum, quantumvis obduratum & exsecratum, gratia sufficiente destitui, cum urget tentatio,

aut instat præceptum aliquod, sive sit juris naturalis, sive positivi. Eam doctrinam tradiderat Lessius & Hamelius, ut videre est in Assertionē 14. quam facultas Theologiæ Lovaniensis anno 1587. censura notavit; sic enim habet Assertio illa: *Indurati & exsecrati habent Sufficiens auxilium ex parte Dei, ut convertantur*. E contra Thomistæ fere omnes asserunt, inter obsecratos & induratos peccatores, multos esse, qui omni sufficiente gratia careant, etiam cum urget tentatio, & instat præceptum sive conversio, sive aliquid aliud. Ita nimirum sentiunt apud Joannem Baptistam Gonetum 1. p. disp. 5. de reprobatione. §. 6. Bannes, Zumel, Gonzalez, Alvarez de Auxiliis disp. 113. Estius in 2. Sent. diff. 26. §. 41. & tandem tota Schola Lovaniensis, quæ nec sanam quidem judicavit mox relatam Lessii & Hamelii assertionem.

Not. 3. Sententiâ quæ asserit, pluribus obsecratis, & induratis deesse gratiam sufficientem, qua possint, aut converti ad penitentiam, aut superare tentationem aliquam, aut observare præceptum aliquod quod urgeat, tuta & sana judicata est ab aliquibus etiam ex iis qui contrariam defendunt: nempe Theophilus Raynaudus e Societate Jesu, in editione Lugdunensi Operum S. Leonis Magni, hanc de ea censuram profert. Docet 1. Augustinum censuisse, nonnullis obsecratis, & induratis deesse auxilium sufficiens, quo resipiscere possint. Addit, S. Doctorem eam doctrinam nusquam postea aut retractasse, aut emoluisse. Docet 2. S. Fulgentium eam Augustini doctrinam amplexum fuisse: nec mirum (inquit); familiare enim est Fulgentio Augustini placitis mordicus adherere. Docet 3. S. Gregorium Magnum, multosque alios Patres in Augustini sententiâ abississe. Docet denique 4. S. Thomam ab ea doctrina minime esse alienum. Eam, quam Raynaudus tot tantisque Patribus tribuerat sententiâ, quidam recentior in publicis thesibus notare visus fuerat; verum detectus ad Eminentissimum Cardinalem DE NOAILLES, Archiepiscopum Parisiensem, publico scripto declaravit, verba quibus usus fuerat, eum quidem sensum innuere, sed tamen præter illius mentem: *Proffiteor insuper* (inquit in authentica Declaratione, quam & suo & præpositorum qui aderant, nomine, Eminentissimo Cardinali exhibuit, quæque typis excusa est, ut offensioni ex thesi publica obortæ satisficeret) *quamvis mihi persuasum sit, obduratos nequaquam omni carere interiori gratia, quæ ad implenda præcepta sufficiat, haud propterea voluisse me ulla censura notare illos, qui nec pauci sunt, nec infirmi hominis, Theologos & Catholicos, quos contraria in opinione aque in Ecclesia permixta versari certum est.*

CON-

CONCLUSIO. Omnes obcecati & indurati non semper a Deo recipiunt gratiam sufficientem, aut ad conversionem, aut ad observationem mandatorum, aut ad superandam tentationem. Ita sentiunt auctores superius laudati, quibus plures alii postea accesserunt.

Probatur 1. ex Scriptura. De Judæis hac leguntur Joannis 12. *Propterea non poterant credere, quia iterum dicit Isaias: Excavavit oculos eorum, & induravit cor eorum, ut non videant oculis, & non intelligant corde, & convertantur, & sanem eos.* Paulus præcipiens, ut qui peccat, mansuete corripiatur, hac utitur ratione: *Ne quando Deus des illis penitentiam ad cognoscendam veritatem, & respiciens a diaboli laqueis.* Ad Romanos c. 1. hac habet: *Propter quod tradidit illos Deus in desideria cordis eorum in immunditiam, ut contumeliis afficiant corpora sua in semetipsis.* Hac quoque leguntur Ecclesiast. 7. *Considera opera Dei, quod nemo potest corrigere, quem ille despectus.*

Ex iis autem locis sic argumentum conficitur: Illi non recipiunt gratiam sufficientem, qui audito Evangelio credere non possunt; qui ita excecati sunt, ut bonum agendum mentis oculis non videant, & ita obdurati, ut non intelligant corde; qui ideo mansuete corripiendi sunt, quod gratiam recipere possunt; qui traditi sunt in desideria cordis eorum; quos ideo nemo potest corrigere, quod Deos eos despexerit. Nempe gratia, etiam merè sufficiens, dat posse credere; lux enim quædam est, quæ menti demonstrat bonum agendum, & pius motus quo cor, saltem ad inefficacem boni voluntatem, emolitur; beneficium est per quod impius Deo, imperfecte saltem, conjungitur; quo efficitur, ut quis a Deo omnino despectus non sit: Atqui (ut ex laudatis textibus patet) quidam impii audito Evangelio credere non possunt; ita excecati sunt, ut bonum agendum mentis oculis non videant; traditi sunt in desideria cordis eorum; ideo mansuete corripi debent, quod gratiam recipere possint: ideo corrigi, hoc est mutari in melius, non possunt, quod Deus eos despexerit: Ergo quidam impii a Deo non recipiunt gratiam sufficientem, sive ad tentationes superandas, sive ad conversionem, sive ad mandatorum observationem.

Respondent adversarii, voces, *non posse*, in iis locis sumi pro *difficili*; ita ut sensus sit, impios, de quibus laudatæ Scripturæ loquuntur, difficile admodum posse credere, converti, respicere, servare mandata: at difficultas illa (inquiunt) quantumcumque magna supponatur, stat in subiecto cum gratia sufficiente.

Sed inanis est ea responsio; siquidem 1. verba *Non posse*, cum de agendis agitur, sumuntur in Scripturis proprie, hoc est pro

re impossibili, respiciendo ad solas naturæ vires: Si potest *Æthiops* (Jeremias 13.) *mutare pellem suam, sic vos poteritis bene facere, cum didiceritis malum.* 2. Si, *non posse*, in Scripturis sumatur pro *difficili*, immerito Augustinus, & alii Patres eo Scripturarum loquendi modo usi sunt, ut absolutam gratiæ necessitatem ad singulos actus contra Pelagianos dicere potuissent, & (ut videre est apud Augustinum epist. 106.) revera dixerunt, *non posse*, sumi pro *difficili* tantum. 3. Tantum abest, ut, *non posse*, sumi debeat in Scripturis pro *difficili*, quin e contra *difficile* significet impossibile, habita ratione soliarum naturæ virium: Quo fit (inquiunt Duacenses Theologi in sua censura adversus Lessii & Hamelii Assertionem 15.) ut perperam asseratur, omnia Scripturæ loca quæ significant esse impossibile quosdam converti, sic esse intelligenda (quod volebant Lessius & Hamelius) ut impossibile accipiasur pro eo, quod est valde difficile; cum præsertim Salvator in Evangelio potius contra, difficile pro impossibili videatur interpretatus, ubi quod difficile dixerat, quærentibus & admirantibus discipulis, ita exponit, ut impossibile esse pronuntiet: Dives (inquit) difficile intrabis in regnum celorum, & quam difficile qui pecunias habent, intrabunt in regnum celorum. Deinde vero ait, *facilius est camelum per foramen acus transire, quam divitem intrare in regnum celorum.* Et mox, apud Deum autem omnia possibilia sunt: Quo loco quin impossibile proprie accipiat, non est dubium.

Probatur 2. auctoritate Augustini. S. Doctor docet 1. Deum quorundam impiorum nolle misereri: nolle eis gratiam infundere; deferere eos; non adjuvare: Sic excecatis (inquit tractatu 53. in Joannem) sic obduratis Deus, deferendo & non adjuvando: quod occulto iudicio facere potest, iniquis non potest. Docet 2. excecatos & induratos nonnunquam ita deferi, ut bonum nec cernere, nec operari possint: Quasi (inquit in libro de perfectione justitiæ cap. 19.) non debeat Deus agere gratias, qui præcepta voluit: qui desertus OMNI lumine veritatis, hac velle POTEST. Docet 3. gratiam possibilitatis, quam vocat auxilium *Sine quo*, quæque Adamo innocenti collata fuit, nunc ex Dei iustitia homini impio nonnunquam negari: Nunc autem (inquit in libro de concept. & gratia c. 11.) quibus deest tale adiutorium, iam parva peccati est. Augustino subscribit Gregorius Magnus lib. 11. Moralium, ubi docet, Deum interdum ita deferere hominem in culpæ, cuius reus est, vindictam, ut licet vox sonet exterius, per concionatores nimirum & alia exteriora signa, interius tamen nullo modo tangatur: Hinc est enim (inquit) quod Cain ex divina voce admoneri potuit, & mu-

rari non potuit: quia exigente culpa malitia, jam intus Deus cor reliquerit, cui foris adtestimonium verba faciebat.

Probatur 3. ratione. Gratia Sufficiens actualis posita est in caelesti luce, qua mens perfunditur, & in pia motione, qua voluntas ad bonum excitatur: atqui nec ea lux, nec illa motio adsunt excacatis & induratis, quoties peccant: alioquin enim dicendum esset, perditos omnes viros nullum crimen perpetrare; publicas meretrices nusquam sui copiam facere, quin lux aliqua supernaturalis de actus turpitudine, quin pium virtutis illi actui contraria desiderium ipsis a Deo infundatur: quod quidem falsum esse ipsa docet experientia; compertum est nimirum, eam lucem, ea desideria in quolibet opere flagitioso non percipi ab impiis, illis praefertim, qui scelus ut aquam ebibunt: & quibus iniquitas & reſta & laudanda videtur, juxta illud Augustini: *Sunt qui legem Dei omnino nescientes, malas concupiscentias nec in bestibus deputans: ergo, &c.*

Respondent ex adversariis aliqui, Deum perpetuo quidem & indefinenter ad cordis ostium pulsare, qui peccatorem vocet ad poenitentiam: sed impium concupiscentia sleepitu obrutum, nec Dei lumen, nec motionem percipere. Sed inanis est illa responsio. Nam 1. cum (ut Bellarminus advertit) vocatio, pulsus, tractus, excitatio, ex parte creaturae sint ejusdem creaturae cogitationes ac desideria, non possunt, quin ab ea percipiantur, cum sit de essentia cogitationis ac desiderii, ut sui ipsius conscientiam involvant: *Quomodo (inquit) potest fieri ut non sentiantur a nobis bona cogitatio, bonumque desiderium, si sit non solum in nobis, sed etiam a nobis?* 2. Admonitio interior, quae a monito non percipitur, similis est voci externae, quae non auditur: quemadmodum ergo vox externa, quae non auditur, dormientem excitare non potest, ac cum de precepto, quod instat, admonere; ita nec notio interna, quae non sentitur, est sufficiens ad excitandum ad bonum hominem induratum, nec lux, quae non percipitur, potest excacati oculos aperire. 3. Si Spiritus sancti praevieniens inspiratio omnibus ubique sit communis (argumentum est Theologorum Duncensium in censura qua notarunt Lessii, & Hamelii Assertionem 14.) jam non ubi, & cum vult, sed semper & ubique spirat Spiritus sanctus. 4. Si semper adsint lux illa & ea motio quam adversarii cuique peccanti praesentem fingunt, nullum erit tempus, quo impius medicum invocare non possit. Sed id repugnat sanctis Patribus, inter quos sic Prosper loquitur ad sextum caput Gallo- rum: *Prinſquam a dominatione diaboli per gratiam Dei impius liberetur, in illo praesumit, in quod se sua libertate demerſit, a nans*

interim languores suos, & pro sanitate habetur, quod egrotare se nescit, donec prima hat medela conferatur egroti, ut incipiat nosse quod langucat, & possit opem medici desiderare, qua surgat.

Probatur 4. altera ratione Theologica. Excacati & indurati nullum omnino jus habent ad gratiam, etiam in sensu Thomistarum, mere sufficientem: ergo ex nullo capite probari potest, eos semper ejusmodi gratia praeveneri, aut ad conversionem, aut ad tentationem superandam, aut ad servandum praecceptum. Probatur antecedens. Si excacati, & indurati jus aliquod haberent ad gratiam Sufficientem, jus illud oriretur vel ex statu in quo versantur, vel ex eorum ordinatione ad finem ultimum, vel ex praeccepto onere quod eis imponitur: atqui ex nullo ex his capitibus jus illud oritur. Et quidem 1. non oritur ex statu in quo versantur: cum enim sint Dei inimici, Deus non aliud eis debet, quam poenam: *Non sumus ingrati* (inquit Augustinus in libro de dono perseverantiae cap. 8.) *quod tam, multos liberos misericors Deus de tam debita perditione, ut si inde unum liberaret non esset injustus.*

Non oritur 2. ex ordinatione excacatorum ad finem ultimum: cum enim a Deo per creaturarum inorem dominantem, & in eis obfirmatum pluribus peccatis animi sint averti, jus non habent ad media, quibus finem illum consequi possint. Se habent illi peccatores respectu finis ultimi, sicut homines corpore mortui respectu vitae: quemadmodum ergo principium vitalium operationum non debetur hominibus corpore mortuis; ita nec gratia Sufficiens quae se habet per modum principii in ordine ad actus supernaturales, debetur mortuis corde hominibus: quod si Deus eam illi tribuat, agit praeter ordinem, quem exigit ipsa humana illorum conditio. S. Thomas lib. 3. contra gentes cap. 161. ratiocinatur.

Non oritur 3. ex praecceptorum onere, quod Deus excacatis & induratis imponit: si enim posita illa hypothesi, excacatis, & induratis gratia sufficiens deberetur, inde confici posset, gratiam illam eis absolute ac simpliciter deberi: nempe simpliciter & absolute repugnat excacatum & induratum existere sine debito diligendi Deum super omnia, & servandi alia praeccepta Decalogi: neque enim Deus potest creare hominem, hoc est, creaturam ratione praeditam, sine illo debito, cum illa praeccepta sint juris naturalis, & quidem, quaecumque facta suppositione, omnino indispensabiles. Utinam da sint ergo haec S. Th. verba 1. 2. quae 106. art. 3. Dicendum, quod humanum genus propter peccatum primi parentis meruit privari auxilio gratiae: & illis, quibusdam de

non datur, hoc est ex iustitia quibuscumque autem datur, hoc est ex gratia. Hoc idem variis in locis ab Augustino docetur.

Solentur argumenta quae petuntur ex Scriptura.

Obiicies 1. Joannis habentur: *Illuminat omnem hominem venientem in hunc mundum*: atqui illuminatio illa debet intelligi de illuminatione per gratiam, saltem sufficientem: ergo omnibus, licet obsecatis & induratis, datur gratia Sufficientis.

Resp. 1. Joannis sententiam a S. Thoma lect. 5. in primum Joannis caput, intelligi de illuminatione per rationem, juxta illud Pl. 4. *Signatum est super nos lumen vultus tui, Domine*: ita ut sensus sit, omnes qui in hunc mundum veniunt, recipere lumen rationis derivatum a Verbo, quod est suprema Patris ratio, & fons rationis quae in creaturis reperitur.

Resp. 2. dato, quod laudata ex Joanne sententia intelligatur (ut vult Chrysostomus in hunc locum) de illuminatione per gratiam, vocem hanc, *Mundum*, intelligi de mundo Christiano, ita ut sensus sit, eum hominem qui per baptismum sincere, & non ficte sit christianus, illuminari per doctrinam & gratiam actualem, si sit adultus, & per solam gratiam sanctificantem, si nondum ratione sua fruatur.

Resp. 3. dici posse, quod fideles obdurati & excecati, illuminati aliquando fuerint per gratiam actualem, antequam nimirum in voluntaria obdurationis & excecationis poenam sibi ipsis relictis fuerint; non autem postquam per repositos iniquos actus in miserum illum statum inciderunt, & quoties postea urget tentatio, aut instat praeceptum; tunc enim aequum est, ut subtractione gratiae puniantur, juxta illud Augustini lib. 3. contra Julianum, cap. 4. *Cecitas, quam solus remouet illuminator Deus, & peccatum est, quo in Deum non creditur, & poena peccati, qua cor superbum digna animadversione puniatur, & causa peccati, cum aliquid mali, cecis cordis errare, committitur*. Cui sententiae consonant haec Proverbiorum 8. vers. 3. *Impius cum in profundum venerit, contemnit; sed sequitur cum ignominia & opprobrium*.

Resp. 4. eandem Joannis sententiam intelligi & ab Augustino & a S. Thoma per distributionem accomodam, ita ut sensus sit, nullum hominem per gratiam illuminari, qui a Deo Verbo non illuminetur; non autem quod omnes, nullo excepto, illuminentur: *Sic enim* (ait Augustinus in Enchiridio ad Laurentium, cap. 103.) *intelligimus & quod in Evangelio scriptum est: Qui illuminat omnem hominem: non quia nullus est hominum qui non illuminetur, sed quia ab ipso nullus illuminatur*.

Juvenin. Iustit. Theol. Tom. III.

Obiicies 3. Isaia c. 4. haec habentur: *Quid debui ultra facere vinea mea, & non feci? Unde sic arguitur: Excecati & obdurati, si cum conversionis, aut alterius rei agenda, aut omittenda praeceptum, omni gratia etiam Sufficiente destituti sunt, respondere poterunt, Debui gratiam nobis largiri, qua possemus converti, & alia praecepta implere: ergo &c.*

Resp. excacatos & induratos non posse id Deo objurganti respondere; neque enim Deus gratiam cuiquam debet: alioquin gratia (ut ait Apostolus) non esset gratia: si autem Deus nulli debeat gratiam, a fortiori eam non debet iis qui per innumera scelera ac flagitia ea se indignos reddiderunt. Praeterea suam conversionis praecepto inobedientiam non Deo, sed iniquitati per peccatum primi parentis contractae, & per plures iniquos actus maxime liberos adauctae adscribere debent. Petitur ea responsio ex Augustino, qui inimicis gratiae idem argumentum obicientibus, sic respondet in l. de corrept. & gratia, c. 6. *Ac per hoc prima pravitas, qua Deo non obediunt, ab homine est, quia ex relictudine, in qua cum Deus primitus fecit, sua mala voluntate decidens, praevar efficitur est.*

Obiicies 4. Proverb. cap. 1. v. 4. haec habentur: *Sapientia foris praedicat, in plateis dat vocem suam, &c. Vocavi, & renuistis, extendi manum meam, & non fuit, qui aspiceret*. Haec quoque Isaia 65. *Expandi manus meas tota die ad populum incredulum, & contradicentem mihi*. Haec etiam Ezechielis 18. *Numquid voluntatis mea est mors impij, dicit Dominus Deus, & non magis ut convertatur? Haec tandem Apocalypsis c. 3. Ego sto ad ostium, & pulso, Si quis aperuerit mihi januam, introibo, & cenabo cum eo*. Unde sic conficitur argumentum. Qui foris praedicat & in plateis; qui tota die expandit manus ad induratos & excecatos; qui non vult excecatorum & induratorum mortem; qui ad eorumdem excecatorum & induratorum ostium stat & pulsat, iisdem excecatis & induratis gratiam ad conversionem, & ad alia praecepta observanda sufficientem largitur: atqui Deus, &c. Consonant his verba illa Concilii Colonienfis quod quidem in Enchiridio de Sacramento Poenitentiae sic loquitur: *Nullus est peccator tam sceleratus, cui Deus, quoad in hac vita superflus fuerit, hanc gratiam penitus subtrahat*.

Resp. 1. loca ex Scripturis laudata intelligi de vocatione ad conversionem per auxilia extrinseca; nimirum respectu Judaeorum, ad quos praesertim spectant Prophetarum verba, per Legis manifestationem, per Prophetarum exhortationes, & alia hujusmodi; non intelliguntur autem de vocatione per auxilium interius, per bonae voluntatis, nec inchoatae quidem, subministracionem.

L 3

Resp.

Resp. 2. quod licet detur (quod tamen falsum est) loca intelligi de vocatione, etiam per gratiam interiorē, non probant, eam vocationis speciem Judæis præsentem fuisse, quoties urgebat tentatio, aut adimplendum erat aliquod præceptum. Nec obstant hæ voces, *Tota die*, scilicet (ut Lyranus advertit) significant, homines ad conversionem vocatos fuisse, & tempore legis Mosæicæ, & tempore Evangelii: *Tota die* (inquit) hoc est, ab antiquo ad præsens, per Prophetas & postea per Deum ipsum Incarnatum. Jam vero quod frequens non fuerit Judæorum per gratiam interiorē vatio, in variis locis docet Augustinus, iis præsertim, quibus asserit, legem tempore veteris Testamenti reos potius effecisse Judæos, quam justos: supposuit igitur, in plerisque vocationem per solam legem, non autem per gratiam, locum habuisse: *Lex* (inquit Serm. 6. de verbis Apostoli, cap. 7. *jubebat & non implebat, quia caro*, UBI NON ERAT GRATIA, *in oculis sine resisteret*. Idem asserit tractatu 17. in Joannem, *Illi libri prodebat languor, non sanabant. Ideo Littera SINE GRATIA* *non faciebat*.

Ad confirmationem desumptam ex Concilio Coloniensi, dicendum est, intelligi ipsum, non de gratia data quoties, aut urget tentatio, aut instat præceptum, sed de toto vitæ tempore: ita ut sensus sit, nullum inter Christianos esse tam scelestum peccatorem, ut aliquando in vita (antequam nimirum in excacationem & indurationem inciderit) aliquos divinæ gratiæ motus expertus non sit: unde laudata Synodus non dicit absolute, quod Deus scelesto peccatori gratiam suam non subtrahat, sed cum addito, PENITUS, aut, ut habetur in margine, FUNDITUS: quod quidem additum, ut observat Joannes Baptista Gonet, P. Deschamps memoria, ut opinamur, lapsus, omisit in libro de hæresi Janseniana pagina 180. ubi laudat Coloniensem illam Synodum, ut omnibus omnino peccatoribus gratiam sufficientem asserat.

Solvuntur argumenta ex Patribus petita.

Objicies 1. S. Prosper libro 2. de vocatione Gentium, c. 10. aperte docet, gratiam omnibus hominibus, dari, ac proinde & hominibus excacatis & induratis: *Elaboratum est* (inquit) quantum Dominus adjuvit, ut non solum in novissimis diebus, sed etiam in cunctis retro sæculis gratia Dei omnibus hominibus adfuisset: Id vero probat ex eo, quod ex Apostolo Christus sit Salvator omnium hominum: Dicendo (ait) quod est salvator omnium hominum, confirmavit bonitatem Dei super universos homines esse generalem: ergo, &c.

Resp. 1. libros de Vocatione Gentium falso adscribi Prospero, qui ad Augustinum de

Masilienfium erroribus scripsit, multaque alia opera tum contra Pelagianos, tum contra Semipelagianos exaravit. Argumenta, quibus illa responsio nititur, alibi tradidimus.

Resp. 2. dist. ant. Auctor librorum de vocatione Gentium, docet, gratiam exteriorē omnibus hominibus dari, conc. ant. Gratiam interiorē, neg. ant. Nempe c. 3. gratiam communem suadet, quia Deus quosdam, Gentem nimirum, ad se cognoscendum, cæl. & terræ testimoniis convenit: aliorum, Judæos scilicet, doctrinæ Legit. Prophetarum gratulis, miraculorum signis adjuvat. Cap. 4. gentes, quæ Decalogi legem non observarunt, ideo esse inexculabiles probat, non quidem quod gratiam internam, quæ (ut ait Augustinus) in subministratione caritatis posita est, habuerint; sed quod doctrinæ mensuram sibi in creaturis oblatam neglexerint: *Adhibita enim* (inquit) *semper est universis hominibus quadam superna mensura doctrina, quæ etsi parvioris, occultiorisque gratia fuerit, sufficit tamen, si ut Dominus judicavit, quibusdam ad remedium, omnibus ad testimonium.*

Resp. 3. dist. iterum idem antecedens. Auctor librorum de vocatione gentium docet, gratiam, etiam internam, communem esse omnibus hominibus, sumendo vocem, *Omnibus*, per distributionem accomodam, conc. ant. sumendo simpliciter & absolute, neg. ant. Hoc est, auctor ille docet, gratiam internam semper, seu temporibus & legis naturæ, & legis Mosæicæ, & legis Evangelicæ, datam esse omnibus hominum generibus; non docet vero, datam fuisse singulis generum: *Nulla pars mundi* (inquit cap. 10. quod nobis objectum est) *ab Evangelio vacat Christi, & licet illa generalis vocatio non quiescat, tamen ista specialis jam universis est facta communis. Ex omni gente, ex omni conditione, adeptantur quotidie millia senum, millia juvenum, millia parvulorum, &c.*

Quæ huc usque dicta sunt, confirmari possunt ex his quæ idem auctor habet lib. 2. cap. 4. *Totius mundi inenarrabilis pulchritudo, & inenarrabilium beneficiorum ejus divæ & ordinatæ largitiis, per quæ humanis cordibus quadam æternæ legis tabula præbebantur, ut in paginis elementorum, ac voluminibus temporum communis & publicæ divinæ institutionis doctrina legeretur: cælum ergo, cunctaque cælestia, mare & terra, & omnia quæ in eis sunt, consono speciei suæ ordinationisque concentu protestabantur gloriam Dei, & predicatione perpetua majestatem sui loquebantur auctoris.*

Objicies 2. Augustinus docet, peccata etiam gravissima imputari non debere, si non adsit gratia, per quam vitari possint; sic enim de Pharaone loquitur in Expositione quarundam propositionum ex Epistola ad Romanos.

manos, num. 62. *Non ergo hoc illi imputatur, quod tunc non obtemperaret, quandoquidem obdurato corde obtemperare non poterat; sed quia dignum se praebeuit, cui cor obduraretur praecedenti infidelitate: Ergo, cum Pharaoni, licet obdurato, peccata imputata fuerint, dicendum est, adfuisse illi gratiam, per quam ea peccata vitare poterat.*

Resp. 1. illum locum probare, Pharaonem quolibet gratiae auxilio destitutum fuisse; neque enim de eo qui gratia sufficiente adjuvatur, dici potest eundem Augustinus asserit de Pharaone: *Quandoquidem obdurato corde obtemperare non poterat.*

Resp. 2. dist. ant. Hoc illi non imputatur, hoc est, tunc primum non meruit non obtemperare, conc. ant. tunc primum meruit non obtemperare, neg. ant. Augustinus, cum scripsit Expositionem quarundam propositionum Epistolae ad Romanos, arbitrabatur, initium fidei esse a nobis determinantibus gratiam versatilem. Non tollis (inquit initio capitis, de hac Apostoli sententia, Igitur non volentis, neque currentis, sed miserentis est Dei, loquens) *liberum voluntatis arbitrium, sed non sufficere deit velle nostrum, nisi adjuvet Deus, misericordes nos efficiendo ad bene operandum per donum Spiritus sancti.* Unde lib. 1. Retractionum cap. 23. eam, in qua tunc ante suum Episcopatum erat opinione, retractans, sic loquitur: *Fidei meritum etiam ipsum, esse donum Dei, (per gratiam scilicet efficacem) nec putavi querendum esse, nec dixi.* Illic fidei initio tanquam merito & ipsam actualem fidem, & cetera pietatis officia tribuebat.

Eodem modo de iniquis induratorum operibus & ratiocinatus & locutus est. Scilicet ea non libero arbitrio, cum actu fient, temquam primae demeriti causa, adscripsit, sed malae voluntatis initio, hoc est, primo iniquo actu quem operati sunt, cujus quidem primi actus, quae postea subsequuntur opera, fuerint dupplicium a Deo iuste infliguntur. Sicut enim (inquit S. Doctor) *in his quos elegit Deus, non opera, sed fides inchoat meritum, ut per munus Dei bene operentur: sic in his quos damnat, infidelitas, & impietas inchoat per a meritum, ut per ipsam poenam etiam male operentur: sicut & superius idem dicit Apostolus: Et quoniam non probaverunt Deum in notitia habere, tradidit illis Deus in reprobam sensum; ut faciant ea quae non conveniunt.* Quapropter concludit Apostolus: *Ergo cuius vult miseretur, & quem vult indurat: Cuius autem miseretur, facit eum bene operari: & quem obdurat, relinquit eum ut male operetur.* Sed & illa misericordia praecedenti merito fieri tribuitur, & illa obduratio praecedenti impietati, ut & bona per Dei donum operentur, & mala per supplicium.

Eo principio, ea loquendi ratione, utitur in eo ipso loco, quem adversarii nobis obijciunt: *Quod ergo (inquit) tunc Pharaon obtemperabat praeceptis Dei, jam de supplicio veniebat. Non autem quisquam potest dicere, obdurationem illam cordis immerito accidisse Pharaoni, sed iudicio Dei retribuentis incredulitati ejus debitam poenam. Non ergo hoc illi imputatur, quod tunc non obtemperaret, quandoquidem obdurato corde obtemperare non poterat: sed quia dignum se praebeuit, cui cor obduraretur priori infidelitate.* Ex iis patet, quod illud, *Non ergo hoc illi imputatur*, sic intelligi debeat, Pharaonem non tunc primum meruisse non obtemperare, sed cum priori infidelitate meruit obdurationem.

Solvuntur argumenta ex Sancto Thoma petita.

Obijcies 1. Sanctus Thomas in cap. 11. ad Hebraeos expresse asserit, Gratiam, saltem sufficientem, omnibus omnino hominibus dari: Exponens enim haec Apostoli verba: *Contemplantur, ne quis desit gratiae Dei*, sic loquitur: *Gratia etsi non habeatur ex meritis, tamen oportet, quod homo faciat quod in se est; Deus autem voluntate sua liberalissima dat eam omni preparanti se.* Ubi autem id probavit hac Apost. sententia, *Qui vult omnes homines salvos fieri*, haec habet: *Et ideo gratia nulli deest, sed omnibus quantum in se est, se communicat, sicut nec sol deest oculis caecis: ergo Sanctus Thomas credidit, gratiam sufficientem dari obsecratis & induratis.*

Resp. dist. ant. Gratia habitualis, immo & actualis efficax, nulli deest sese ad eam, ut par est, preparanti, conc. ant. sese ad eam, ut par est, non preparanti, neg. ant. Sanctus Thomas de gratia habituali, aut de actuali efficaci loquitur: utramque vult iis dari, qui ad eam recipiendam se se, ut par est, preparant: Nempe verbis istis, *Gratia nulli deest*, hac alia praemittit: *Tamen oportet quod homo faciat quod in se est.* 2. Asserit, preparacionem illam esse ex gratia: siquidem, hoc sibi obijcit argumentum: *Sed contra, quia si gratia non detur ex operibus, sed tantum ex hoc quod aliquis non ponit obstaculum; hoc est, facit quod in se est: habere gratiam dependet ex solo libero arbitrio, & non ex electione Dei, quod est error Pelagii.* Ad quod sic respondet: *Dicendum est, quod hoc ipsum, quod aliquis non ponit obstaculum, ex gratia procedit.* Ut igitur inde inferatur, gratiam de qua loquitur, nulli deesse, oportet, ut S. Thomas dixerit, gratiam quae ad illam preparacionem, ad non ponendum illud obstaculum requiritur, omnibus dari: At id S. Thomas non asserit, sed contrarium; sic enim loquitur: *Quod ergo a quibusdam removetur istud obstaculum, hoc est ex misericordia Dei: quod autem non removetur, hoc est ex justitia ejus: Ergo cum speret supponat, Deum ab omnibus illud obstaculum*

solum non remove, non minus aperte asserit, gratiam omnibus non dari.

Obiicies 2. Sanctus Thomas lib. 3. contra Gentes, c. 159. sic loquitur: *Deus, quantum in se est, paratus est omnibus gratiam dare. Addit, penes esse liberum arbitrium impedire, aut non impedire eiusmodi gratia receptionem: Cum hoc, (ait) sit in potestate liberi arbitrii impedire divina gratia receptionem, merito in culpam imputatur ei, qui impedimentum praestat gratia receptioni. Confirmat exemplo petito ab homine, qui claudens oculos, malum aliquod defectu luminis operatur: Sicut (ait) seculo mundum illuminante, in culpam imputatur ei qui oculos claudit, si ex hoc aliquod malum sequatur, licet videre non possit, nisi lumine solis praeventatur. Unde sic arguitur: Sanctus Thomas asserit, gratiam habitualement dari iis omnibus qui non impediunt illius receptionem; docet, omnes posse eam non impedire: ergo, ex illo, datur omnibus gratia sufficiens, per quam possit non impedire receptionem gratia habitualis.*

Resp. conc. ant. neg. conseq. Siquidem ut quilibet dicatur posse non impedire receptionem gratia habitualis, non est necesse, ut actu habeat gratiam quae praestet illud posse non impedire; sed satis est (ut fufedicitur inferius) quod possit eam non impedire per gratiam, sive illa gratia adfit, sive non adfit: *Ad primum ergo dicendum (ait Sanctus Doctor 2. 2. quaest. 2. art. 5.) quod si in potestate hominis dicitur esse aliquid exclusio auxilii gratia; sic ad multa tenetur homo; ad quae non potest sine gratia reparante, sicut ad diligendum Deum & proximum; & similiter ad credendum articulos fidei. Sed tamen hoc potest cum auxilio gratia: quod quidem auxilium quibuscumque divinitus datur, misericorditer datur: quibus autem non datur, ex iustitia non datur in poenam praecedentis, aut saltem originalis peccati; ut Augustinus dicit in libro de correptione & gratia.*

Eo in loco loquitur S. Doctorem de gratia sufficiente, ostenditur 1. ex eo quod loquitur de gratia, per quam homo possit Deum & proximum diligere, mysteriis revelatis credere, & per quam in objectione quam solvit, sit in eius potestate aliquid explicite credere. Ostenditur 2. ex eo, quod laudet Augustinum in libro de correptione & gratia. At Augustinus ibi agit de gratia sufficiente; scilicet docet, adiutorium, *Sine quo*, nunc legari in poenam praecedentis peccati saltem originalis: ergo Sanctus Thomas censuit, recte & absolute dici, hominem posse non impedire gratia habitualis receptionem, quamvis actu non habeat gratiam sufficientem ad illud posse necessariam.

Obiicies 3. S. Thomas 1. p. q. 49. art. 2. probat, Deum non esse causam mali: contra

autem eam conclusionem hocce sibi argumentum objicit: *Idem est causa salutis navis, & periculi: Sed Deus est causa salutis omnium rerum: ergo ipse est causa omnis perditionis & mali.* Sic vero illud argumentum solvit: *Ad tertium dicendum, quod submersio navis attribuitur naturae ut causa, ex eo quod non agit, ut requiritur ad salutem navis; sed Deus non deficit ab agendo; quod necessarium est ad salutem, unde non est simile. Ex eo loco sic eruitur argumentum. Ille dat gratiam, saltem sufficientem, omnibus hominibus, ac proinde excæcatis & induratis, qui non deficient ab agendo, quod est necessarium ad salutem; si enim eam gratiam alicui negaret, revera deficeret ab agendo, quod est necessarium ad salutem: atqui ex S. Thoma Deus, &c. ergo, &c.*

Resp. dist. maj. qui non deficit ab agendo quod est necessarium ad salutem, si id debeat, conc. mai. si id non debeat, neg. maj. Naturae, cujus exemplo S. Thomas utitur, adscribitur naufragium navis, cum ea non agit, quae necessaria sunt ad navis salutem; non adscribitur tamen Deo peccatum impii, quamvis non agat, quod necessarium est ad illius salutem, hoc est, quamvis non conferat gratiam, per quam salutem consequi possit. Ratio disparitatis est, quia natura potest, ut supponitur, & debet ea agere, quae ad navis salutem conferunt: at vero Deus, licet potens sit agere quae ad impii salutem necessaria sunt, non debet tamen, hoc est, non tenetur ea agere: alioquin enim impio gratiam deberet, quod Pelagianum est. Desumpta est illa responsio ex ipso S. Thoma, nempe 1. 2. q. 79. ar. 1. aperte eam tradit.

Obiicies 4. S. Thomas 1. 2. q. 106. art. 2. ad 1. hac scribit: *Lex nova, quantum est de se, sufficiens, auxilium dat ad non peccandum.* Unde sic arguitur: Lex nova, ex S. Doctore, auxilium sufficiens ad non peccandum dat iis qui eam profitentur: atqui fideles excæcati, & indurati profitentur legem novam: ergo lex nova dat eis gratiam sufficientem ad non peccandum.

Resp. 1. dist. maj. Ex S. Thoma lex nova dat auxilium sufficiens ad non peccandum, & nomine auxilii sufficientis Sanctus Doctor intelligit gratiam habitualement, conc. maj. & intelligit gratiam actualem, neg. maj. Idque patet ex scopo quem in eo articulo sibi proponit: quaerit enim (ut patet ex articuli titulo) *utrum lex nova iustificet*: at iustificare proprius est effectus gratia habitualis, quamquam & actuali improprie conveniat, quatenus nimirum disponit ad justificationem. 2. Sanctus Thomas in eo articulo gratiam, quam dicit sufficientem, vocat gratiam Spiritus Sancti interiorius datam, & legem in corde scriptam. At familiare est S. Thomae, nominare gratia Spiritus Sancti interiorius datam, &c.

Et legit in corde scripta, intelligere donum habituale, quod iustificet. 3. Gratia actuali, proprie loquendo, non utimur, uti enim est applicare: at gratiam actualem non applicamus, sed potius nos ipsa ad agendum applicat; & ideo in Schola S. Thomæ vulgo dicitur, quod gratia actualis non subiacet voluntati quoad usum, hoc est, a voluntate non determinatur: asserit vero Sanctus Thomas, uti nos, aut non uti gratia illa novi testamenti de qua loquitur: *Majeri pona* (inquit) *est dignus auxilio suo dato non meriti*: quod quidem habitui proprie convenit: definitur enim ab eodem S. Thomæ 1. 2. quæst. 79. art. 2. *Id quo quis utitur cum voluerit*.

Jam autem si vera sit expositio quam hucusque tradidimus, evidenter patet, non posse ex S. Thomæ textu qui nobis objectus est, colligi gratiam sufficientem actualem dari omnibus hominibus, etiam legem novam profitentibus: neque enim induratis & excrucatis datur gratia habitualis; alioquin iusti & sancti essent, cum is gratiæ sanctificantis effectus, ut subjectum in quo recipitur, formaliter iustificet & sanctificet, hoc est, cum sit forma qua quis iustus est, & sanctus.

Resp. 2. ad idem argumentum, quod licet dicitur S. Thomam in loco, cuius objectio meminit, loqui de gratia actuali; non inde tamen colligi possit, eam dari obsecratis & induratis. Nempe licet lex nova, quantum in se est, det auxilium sufficiens, non sequitur, quod illud auxilium omnibus applicetur: idque contingit propter peccati obstaculum, quod ab hominibus apponitur: *Humanum genus* (ait S. Doctor 1. 2. q. 106. art. 3. ad 2.) *propter peccatum primi parentis meruit privari auxilio gratiæ, & ideo quibuscumque non datur, hoc est ex iustitia: quibuscumque autem datur, hoc est ex gratia*.

Solvuntur argumenta ex ratione petita.

Objicies. Deus excrucatis & induratis præcipit conversionem; eis quoque præcipit, ut superent tentationes, quibus urgentur; iungit Decalogi observationem: ergo Deus excrucatis & induratis confert gratiam, saltem sufficientem, ut possint converti, tentationes superare, & observare decalogum. Nempe si gratiam illam eis non conferret, conversio, victoria tentationum, observatio decalogi forent eis impossibiles; neque enim homo sine gratia potest aut converti, aut tentationes superare, aut observare decalogum: Atqui nec conversio, nec victoria tentationum, nec observatio Decalogi, sunt excrucatis & induratis impossibiles: Nam (ut ait Concilium Tridentinum sess. 6. cap. 11.) *Deus impossibilia non jubet, sed jubendo monet facere quod possit, & petere quod non possit*: ergo, &c.

Respondeo, non alia ratione solvi debere illud argumentum, quam qua solvit ipsum unanimi consensu Thomistarum schola. Respondet vero ad 1. conc. ant. neg. 2. cons. Ad 2. neg. mai. seu Thomistæ negant, impiis præcepta debere dici, & esse simpliciter & absolute impossibilia, qui gratiam non habent. Ratio est, quia illud tantum dicitur absolute & simpliciter impossibile, quod nec per proprias vires, nec per auxilium divinum facere possumus: ac proinde, cum quilibet excrucatus & induratus, per auxilium gratiæ & converti, & tentationes superare, & decalogum observare possit, dici non potest, quod Dei mandatum sit ei simpliciter & absolute impossibile; quamvis dici possit, quod sit ei impossibile secundum quid, habita nimirum ratione solarum virium naturalium.

Desumpta est illa responsio ex S. Thomæ. Scilicet 1. 2. q. 109. art. 4. contra conclusionem in qua asseruerat, hominem lapsam non posse sine gratiæ auxilio servare præcepta decalogi, hanc sibi objectionem secundo loco proponit: *Hieronymus dicit in expositione catholica fidei illos esse maledicendos, qui Deum præcepisse homini aliquid impossibile dicunt: sed impossibile est homini quod per se ipsum impleri non potest: ergo homo potest implere omnia præcepta per se ipsum*: hisce autem verbis eam solvit: *Ad 2. dicendum, quod illud quod possumus cum auxilio divino, non est omnino nobis impossibile, secundum illud Philosophi in 3. Ethicorum, Quæ per amicos possumus, aequaliter nos possumus*. Iisdem fere verbis utitur 1. 2. quæst. 136. art. 2. exponens, quo modo continentie virtus, quæ Dei donum est, sit nobis possibilis.

Instabis 1. Ut per gratiam mandatum sit possibile excrucato & indurato, necesse est, ut Deus excrucato illi & indurato gratiam conferat, sicut ut quid sit possibile alicui per amicum, oportet ut amicus suum illi auxilium præbeat: Sed (ut supponitur in conclusione) Deus excrucato & indurato gratiam, qua mandatum servari possit, non confert: ergo mandatum est excrucato illi & indurato simpliciter impossibile.

Resp. neg. ant. Satis nimirum est, ut illud auxilium sit in potentia extrinseca excrucati & indurati; non requiritur veto, ut sit in potentia illius intrinseca, hoc est, satis est, ut divinum auxilium recipere possit, nec est necesse, ut illud actu intrinsece recipiat. Responsionem illam tradit S. Thomas loco jam superius a nobis laudato: *Quod si* (inquit 2. 2. quæst. 2. art. 5.) *in potestate hominis dicatur esse aliquid excluso auxilio gratiæ, sic ad multa tenetur homo, ad quæ non potest sine gratia reparante, sicut diligendum Deum & proximum: sed tamen hoc potest cum auxilio gratiæ: quod quidem auxi-*

auxilium quibuscumque divinitus datur, misericorditer datur; quibus autem non datur, ex justitia non datur, in penam precedentis, aut saltem originalis peccati.

Jam vero quod spectat ad comparationem ex amico petitam, qua S. Doctor utitur, Sylvius observat, quod non in omnibus presenti negotio accommodari possit. Nempe (ait) *distinere designari possunt quedam quae sunt tantum in nostra potestate, & non amici, possuntque a nobis sine ipsa praestari, antequam ipse nos adjuvet, ut ad amicum ire, vel ab eo velle adjuvare, ab eo petere auxilium, & interdum incipere opus nostrum, & uti auxilio quod ipse dedit: cum tamen quantum ad ea quae per Deum agimus, vel possumus, nihil omnino sit nostrum, & non Dei, dicente Apostolo, Quis te discernit?*

Instabis 2. Ex mox data responsione sequitur 1. daemones & homines jam in inferis damnatos posse servare divina mandata, scilicet ea cum auxilio gratiae servare possunt, sicut & homines qui adhuc sunt in vita. Sequitur 2. dici posse quod caecus absolute & simpliciter videre possit, quod mortuus possit vivere; ille enim potest ex Dei auxilio videre, & iste vivere: sed haec absurda sunt, ergo, &c.

Resp. 1. neg. majorem, quoad priorem partem. Ratio est, quia excitati & indurati de potentia Dei ordinaria possunt (cum adhuc sint in via) recipere auxilium gratiae, per quam divina mandata servare possint: at daemones & damnati possunt tantum illud recipere de potentia absoluta & extraordinaria, cum jam sint in termino, ubi Deus nullum unquam divinae suae lucis radium diffundere decrevit: *Mulierum hominum malitia talis est* (inquit S. Prosper ad objectionem sextam Vincentianam) *qualis est damnatum: sed hoc inter malos homines distat & daemones, quod hominibus etiam valde malis superest, si Deus misereatur, reconciliatio; daemonibus autem nulla est in aeternum servata conversio.*

Resp. 2. neg. quoque maj. quoad alteram partem, tum quia non de potentia ordinaria, sed extraordinaria tantum, & absolute caecus potest a Deo visum recipere; tum quia caecus concurrere non potest ad recipiendum visum, nec mortuus ad recipiendam vitam; cum o contra obduratus & obcecatus cooperando divinae gratiae possit servare divinum mandatum, ac proinde mandatum potiori ratione sit ei possibile, quam caeco sit possibilis visio, aut mortuo vita.

Desumpta est illa responsio ex S. Thoma, nempe in quaestionibus disputatis, quaest. 24. de veritate (quae est de libero arbitrio) art. 11. hocce tibi argumentum proponit: *Sed, dices, quod quamvis talis sit impenitibilis ex viribus propriis, potest reduci ad pa-*

munere divinae gratiae. Sed contra: quando aliquid est impossibile secundum naturam, licet divina operatione fieri possit, dicimus, simpliciter loquendo, illud esse impossibile, sicut caecum videre, vel mortuum resurgere. Si ergo ex viribus propriis aliquis non sit capax penitentiae, simpliciter debet dici, quod est obstinatus in malo, quamvis divina virtute possit reduci ad penitentiam. Illi autem argumento sic respondet: Dicendum, quod quando natura inferior potest aliquid disponere, vel qualiacumque operari, non dicitur impossibile simpliciter, quamvis non possit perfici, nisi divina operatione; sicut non dicimus esse impossibile simpliciter, prolem in utero materno anima rationali animari: & similiter quamvis liberatio a peccato fiat operatione divina; quia tamen ad hoc liberum arbitrium operatur, non dicitur esse impossibile simpliciter.

Ex his patet (inquit non ultimus ex Thomistarum schola theologus Joannes Baptista Gonet in sui clypei Thomistici Tom. 2. p. 103. Edit. Parisiens.) possibilitatem mandatorum, ex Sancto Thoma fundari in potentia Dei ordinaria, & in cooperatione humanae voluntatis: quae quidem cooperatio cum in caeco ad recipiendum visum, & in mortuo ad recipiendam vitam non reperitur; ideo simpliciter dicitur, visionem esse impossibilem caeco, & vitam mortuo, quamvis Deus absolute, & de potentia extraordinaria & caeco visum, & mortuo vitam restituere possit.

Objicies 2. Induratus qui gratia sufficiente destitutus peccaret, libere non peccaret: e contra peccaret necessario; ille enim peccat necessario, qui non potest bonum operari: atqui induratus gratia destitutus non posset bonum operari; cum ad illud posse operari requiratur gratia saltem sufficiens, quam non habet; ergo necessario peccaret: sed falsum est consequens; scilicet (ut Augustinus asserit) peccatum actuale adeo debet esse voluntarium, ut si voluntarium non sit, desinat esse peccatum: Ergo, &c.

Respondent Thomistae omnes (ut videre est apud Gonetum, Tom. 2. pag. 10.) ad 1. neg. ant. Ad 2. neg. maj. neque enim, ajunt, ut quis non necessario peccet, requiritur, ut possit (per gratiam quae sit praesens) bonum operari, quia ad libertatem non requiritur indifferentia contrarietatis, seu specificationis, hoc est, ad bonum & malum; alioquin Christus non fuisset liber, cum malum operari non potuerit: sed satis est ad libere peccandum indifferentia contradictionis, hoc est, ut ita intra idem genus boni aut mali, haec vel illa species boni aut mali eligi possit. Haec autem indifferentia contradictionis reperitur in indurato gratia sufficiente destituto: ita enim hanc vel illam peccati speciem eligit, ut possit aliam eligere: sic tentatio.

rationem, qua ad luxuriam provocatur, potest superare motivo vanæ gloriæ; potest ab actu ebrietas temperare, ut potens sit avaritiæ suæ consulere.

Desumpta est ea responsio ex S. Thoma, qui in lib. 3. contra gentes cap. 160. sic loquitur: *Licet illi qui est in peccato, non habeat hoc in potestate, quod omnino vitare peccatum; habet tamen potestatem vitare hoc vel illud peccatum, ut dictum est, unde quodcumque committit, voluntarie committit, & non non immerito et imputatur ad culpam.*

Instabis. Indignum videtur Dei bonitate & iustitia, quod ad culpam imputet actus, quos etiam quodam specificiter nem, hoc est, eligendo speciem contrariam, induratus vitare non potuit: ergo, &c.

Resp. dist. ant. si necessitas illa indurato non fuerit voluntaria, nec in se, nec in causa, conc. ant. si voluntaria fuerit, saltem in causa, neg. ant. Peccata autem quæ ab indurato committuntur, fuerunt voluntaria in causa, scilicet per innumera flagitia, quæ libere & non necessario commisit, in illam, in qua versatur, peccandi necessitatem incidit; ac præterea illam actu amat, vultque, quamdiu induratus est, in ea permanere: sicque necessitas illa non est necessitas antecedens & absoluta, sed hypothetica tantum, & consequens ex iniquis actibus libere repetitis.

Solutionem illam tradit S. Thomas lib. 3. contra gentes cap. 160. hæc enim habet: *Quamvis autem illi qui in peccato sunt, vitare non possint per propriam potestatem, quin impedimentum gratia præstent, vel ponant (ut offensum est) nisi auxilio gratia præveniantur; nihilominus tamen hoc eis imputatur ad culpam, quia hic defectus ex culpa præcedente in eis relinquitur; sicut ebrius ab homicidio non excusatur, quod per ebrietatem committit, quam sine causa incurrit. Idem ostendit exemplo demonis & damnatorum, qui tenentur se se ad Deum convertere, non peccare, licet id non possint sine auxilio gratiæ, quod tamen eis minime conceditur. Nimirum demones & damnati (ut docet S. Thomas quæst. 16. de malo art. 5.) in omnibus suis actibus peccant, eo quod ex voluntaria culpa in eum miserum statum inciderint. Confirmatur ex Augustino, qui libro primo operis imperfecti contra Julianum, p. 155. in veteri editione asserit: peccandi necessitatem illius peccati esse penam, quod nulla necessitate commissum est.*

Objicies 3. Excecati & indurati admoneri debent, ut a peccatis resipiscant, & corripiantur quod illa perpetrent: ergo Deus eis gratiam largitur, quæ admonitiones illas & correptiones comitetur: alioquin enim frustra a pastoribus adhiberentur, nempe non magis illis prodesse possent, quam surdis & cæ-

cis eadem admonitiones & correptiones profunt.

Resp. quod cum pastores nesciant, an Deus suam gratiam induratis daturus sit, an non daturus, ex officio tenentur quemcumque peccantem admonere & corripere, divinæque providentiæ admonitionum & correptionum suarum eventum committere.

Desumpta est illa responsio ex S. Augustino, qui in lib. de corrept. & gratia c. 5. sic loquitur: *Hæc est correptionis utilitas, quæ nunc major, nunc minor, pro peccatorum diversitate adhibetur, & tunc salubris, quando supernus medicus respicit. Non enim aliquid proficit, nisi cum facit, ut peccati sui quemque puniret. Et quæ hoc dicat, nisi qui respexit Apostolum Petrum negantem, & fecit fontem? Id vero sic probat ex Apostolo, Unde & Apostolus Paulus postquam dixit, cum modestia corripiendos esse diversa facientes, protinus adadit: Ne quando det eis Deus penitentiam ad cognoscendam veritatem, & resipiscantia Diaboli laqueis. Vult deinde idem Augustinus, ne quis audeat quærere, cur aliquando tantum, & non semper, supernus medicus interius corruptum respiciat; ac proinde supponit, eum medicum non semper respicere correptam: Sed quare ista sic, illi aliter, atque alii aliter diversis & innumerabilibus modis vocentur, ut reformentur, absit ut dicamus iudicium Iustæ esse debere, sed figuli.*

Instabis. Cum admonitio & correptio profint tantum, quando Deus correptum gratia sua respicit, adhiberi non deberent circa induratos; videtur e contra, quod sine correptione dimitti debeant divinæ gratiæ, a qua pendet correpti conversio: Deus enim potest solus, quod aliquando adhibita, per pastores correptione præstat.

Resp. neg. ant. Quamvis enim Deus sine adhibitis admonitione & correptione, impium convertere possit, passim tamen non convertit, nisi admonitiones, & correptiones præcesserint; quemadmodum licet absque prædicatione Evangelii fidem largiri possit, nisi tamen ea præcesserit, non solet infidelem ad fidem convertere. Porro (ait Augustinus libro de corrept. & grat. c. 5.) *si hoc, prædicandum non esse Evangelium, quod Deus sine illius prædicatione possit infideles convertere, non audent dicere, sed patiuntur sibi Evangelium ab homine prædicari; quamvis etiam possit non ab hominem homini dari, concedant etiam ipsi se debere a præpositis suis, a quibus christiana gratia prædicatur; quamvis non negetur, Deum posse quem velit, etiam nullo homine corripiente, corrigi, & ad dolorem salutem penitentia, aculeissimam & potentissimam medicinam sua potestate perducere. Totus liber de gratia & correptione similibus principiis & sententiis repletus est; adeat lector opus*

opus illud, in quo Augustinus adversus Adrameti monachos probat, & exponit correptionum, & admonitionum utilitatem.

Quaedam ex tribus precedentibus articulis inferenda.

Ex his quæ tribus precedentibus articulis fuse diximus, colligendum est, veram esse hanc propositionem, etiam absolute & indefinite sumptam: *Gratia non omnibus datur*. Nam 1. de ea sic loquitur Augustinus in Epistola ad Vitalem: *Quoniam propitius Christo, Christiani, Catholici que sumus, scimus, gratiam Dei non omnibus hominibus dari*. Rationem reddit S. Doctor in sermone de verbis Apostoli, c. 4. *Communis est (inquit) natura, non gratia*. Ex ejusdem S. Doctoris principio S. Thomas de verit. q. 24. art. 5. hanc sententiam hausit: *In nullo inveniuntur omnes homines continere, nisi in aliquo naturali*.

Eandem propositionem docuit Fulgentius lib. 1. de veritate prædestinationis & gratiæ cap. 15. ubi hæc ait: *Hi enim Apostolica prædicationis reventes per omnia veritatem, certissime cognoverunt, cognoscendumque libris & Epistolis reliquerunt, gratiam Dei non omnibus generaliter dari*. Cujus quidem effati eandem rationem reddit, quam antea Augustinus: nempe docet, gratiam alioquin fore naturam, non autem Dei donum: *Gratum quippe (inquit) donum Dei est gratia*. S. Prosper carmine de ingratis eandem quoque propositionem expresse defendit. Eam ab omnibus admittendam non minus aperte tradunt Præfules Africani in Sardinia exules: *De gratia Dei (inquiunt in Epistola Synodali) non digne sentis, quisquis eam putat omnibus hominibus dari*.

Colligendum est præterea, neminem impium jus habere ad recipiendam Dei gratiam, alioquin gratia jam non esset gratia; unde Augustinus merito sapius asserit, quod quibuscumque datur, ex misericordia datur. Colligendum est iterum, rationem cur parvulis, qui sine Baptismo moriuntur, gratia non datur, esse solum peccatum originales rationem vero cur non datur pluribus adultis aut infidelibus, aut fidelibus quidem, sed excacatis & induratis, præter peccatum originale, esse etiam actualia ab eis libere commissa: *Nunc autem (ait Augustinus in libro de corrept. & gratia c. 11.) quibus deest tale adjutorium, jam pena peccati est*.

Colligendum est tandem, quam immerito nonnulli ex recentioribus propositioni de qua agitur, *Gratia non omnibus hominibus datur*, inurere censuram ausi sint, & quam magno Eminentissimus Cardinalis DE NOAILLES, Archiepiscopus Parisiensis, cuidam Theologo nuper præscripserit, ut publica declaratione illam propositionem absolveret a censura, quam illi suis thesibus inurere visus fuerat. Vide quæ dicta sunt superius, pag. 262.

ARTICULUS IV.

Utrum Gratia sufficiens detur hominibus justis.

Nec. **U**T questionem illam, quam elapsi proxime sæculi contentiones celebrem reddidere, cum aliqui methodo pertractemus, querendum est hic 1. utrum justis omnibus detur gratia sufficiens in aliquo sensu; 2. an gratia actualis sufficiens detur omnibus justis.

CONCLUSIO 1. Datur omnibus justis gratia sufficiens in aliquo sensu.

Probat. Gratia habitualis datur omnibus justis; est enim forma, per quam homines formaliter (ut loquuntur) constituuntur justis atque gratia habitualis est in aliquo sensu sufficiens. Nam 1. sic expresse vocatur a S. Thoma 1. 2. quæst. 106. art. 2. ubi sic loquitur: *Nec tamen propter hoc dicitur, quod lex nova iram operatur; quia quantum est de se, Sufficiens auxilium dat ad non peccandum*. 2. Ex S. Thoma 1. 2. q. 109. art. 1. in homine justo se habet gratia habitualis, sicut se habet forma in causis naturalibus: atque forma dat subjecto, cui inest, posse operari, quantum (ait S. Doctor) ad sufficientiam operativæ virtutis: ergo habitualis, ex eodem S. Doctore, est in aliquo sensu Sufficiens.

Præterea Gratia habituali conveniunt dotes quæ requiruntur, ut Sufficiens in suo genere dici possit. Nam 1. naturam per peccatum corruptam sanat, ut ait S. Thomas 1. 2. q. 109. art. 8. 11. Elevat naturam (inquit eadem q. art. 5. ad producenda opera, quæ vitam æternam mereantur.

CONCLUSIO 2. Nemini justo, pro loco & tempore, hoc est, cum iussit præceptum, aut urget tentatio, deest gratia actualis sufficiens.

Probat. 1. ex Augustino qui in libro de natura & gratia c. 26. exponens discrimen, quod reperitur inter hominem medicum corporis & Deum medicum animæ, asserit, hunc nullo differre, quod ille animam sanitati restitutam non deserat, si ab ea deseratur; ille e contra ab homine, quem curavit, discedat, eumque propriis viribus dimittat: Cum (inquit) sanavit hominem, abscedit ab eo, ac Deo dimittit: cum vero Deus spiritualiter sanat agrum, vel vivificat mortuum, id est, justificat impium, non deserit, si non deseratur, ut pie jusque semper vivatur.

Loqui vero S. Doctorem non tantum de desertione per subtractionem gratiæ habitualis, sed etiam de desertione per subtractionem gratiæ actualis, saltem sufficientis, colligitur ex eo, quod loquatur de desertione per subtractionem gratiæ, quæ necessaria est, ut justus pie jusque vivere possit: *Ut pie (inquit) jusque semper vivatur: ac desertio per subtractionem gratiæ quæ necessaria est,*

ARTICULUS I.

Unde gratia suam habeat efficaciam.

ut iustus pie, iusteque vivere possit, intelligitur de desertione per subtractionem gratiæ actualis: siquidem (ut suo loco diximus) præter gratiam habituales requiritur actualis, ut quis iuste pieque vivere possit; scilicet de gratia actuali intelligi debet Catholicum Ecclesiæ axiomam, quod Augustinus olim adversus Pelagianos defendit, *Gratia ad singulos actus datur*.

Probatur 1. ex Concilio Tridentino, quod quidem sess. 11. c. 13. sic loquitur: *Deus namque sua gratia semel iustificatos non deserit, nisi ab eis prius deseratur*. In quæ verba observandum est 1. quod jam observatum est, nomine desertionis ex parte creaturæ, intelligi desertionem per peccatum mortale. Observandum est 2. sacrum Synodum laudata verba protulisse, ut rationem redderet, cur iusti in via iustitiæ proficere possint; sic enim loquitur: *Quo fit, ut iusti ipsi ad magis se obligatos ad ambulandum in via iustitiæ sentire debeant, quo liberati jam a peccato, servum autem suum Dei, sobrie, iuste. Et pie vivere proficere possint per Christum Jesum, per quem accessum habuerunt in gratiam istam; Deus namque sua gratia semel iustificatos non deserit, nisi ab eis prius deseratur*. Observandum est 3. eandem Synodum ex laudatis verbis concludere, cuique iusto debitum incumbere, ut Christo compatiatur, sic curat in studio, ut aliquando comprehendat, ut sataget, per bona opera suam vocationem certam facere: *Nemo sibi in sola fide blan. int. debet, putans fide sola se heredem esse constitutum, hereditatemque consequendum, cumque Christo non compatiatur ... Propterea Apostolus ipse monet iustificatos, dicens ... Sic currite, ut comprehendatis ... Item Princeps Apostolorum Petrus: Satagite, ut per bona opera certam vestram vocationem, & electionem faciatis*.

His præmissis, sic arguitur. Concilium declarat, Deum iustos non deserere per subtractionem gratiæ, per quam possint proficere, curare, & suam vocationem certam facere; illudque proficendi, ac currendi debitum ex eo colligit, quod Deus eos non deserat, nisi ab eis prius deseratur: Atqui ea gratia est actualis: ergo, &c.

CAPUT VII.

De Gratia Efficaci in specie.

Not. DE gratia Efficaci quæremus hic 1. unde suam efficaciam habeat. 2. An gratia ad orandum necessaria non minus sit efficax, quam quæ ad alios pietatis actus requiritur. 3. In quo posita sit physica gratiæ efficacis natura. 4. Tandem, an Adamus innocens ea ad bonum agendum indiguerit.

Not. **Q**uestio de causa efficacitatis gratiæ habente sæculo decimo sexto, & ineunte decimo septimo, summa animorum contentione agitata est Prædicatores inter & Religiosos Societatis Jesu. Moveri primum cœpit in Belgio, auctoribus Lessio & Hamelio ejusdem Societatis Theologis. Hispanos non multo post inter se commisit occasione operis, quod a Ludovico Molina, *Concordia*, inscriptum est. Deinceps Romæ coram Clemente Papæ VIII. in Congregationibus, quas *De Auxiliis* vocant, per plures annos examini subiecta est. De ea quoque actum est occasione quinque famosarum propositionum quæ ab Innocentio X. damnatæ sunt. Tandem eadem gratiæ efficacia fusa & explicata & asserta fuit in Instructione pastoralis, quæ anno 1696. ab Eminentissimo Cardinale DE NOAILLES, Archiepiscopo Parisiensi, promulgata est.

Not. 1. Circa quæstionem, Unde gratiæ efficacia repetenda sit, quadruplex est theologorum opinio. Prima, quæ est Ludovici Molinæ, gratiæ efficaciam desumit ex libero creatæ voluntatis consensu. Altera quæ est Suarezii, & passim in Societate defendebatur, asserit, peti eam debere ex quadam circumstantiarum congruitate quæ subest illi divinæ scientiæ, quæ *Media* dicitur. Tertia quæ est nonnullorum aliorum, contendit, repeti eam debere ex congerie & concervatione auxiliorum, quæ licet seorsim sumpta cor impii non convertant, convertunt tamen juncta simul, ipsumque post justificationem efficiunt perseverantem in fide usque. Quarta tandem quæ est Thomistarum omnium, docet, efficaciam gratiæ, nec a voluntatis consensu, nec ab extrinseca congruitate, nec ex auxiliorum congerie, sed ex intrinseco illius operandi modo sumi debere, ita ut per se voluntatem creatam flestat, moveat, ac physice ab bonum agendum, & vitandum peccatum prædeterminet. Methodi causæ ex theologorum opiniones seorsim expendendæ sunt.

§. I. Utrum gratia sit efficax ex voluntatis consensu.

Not. Sententia quæ asserit, efficacitatem gratiæ sumendam esse ex consensu voluntatis creatæ, est (ut jam observatum fuit) Ludovici Molinæ. Ut autem auctor ille eam explicet, varia documenta tradit, quæ hic inferamus oportet.

Docet igitur I. gratiam efficacem, nihil ex parte Dei, aut ex parte sui, includere, quod pariter alia gratia, quæ inefficax ac mere

mere sufficiens dicitur, non includat; gratiam in eodem homine, licet eadem ratione affecto, modo esse efficacem, modo inefficacem, quod scilicet modo voluntas humana ei consentiat, modo vero pro arbitrio dissentiat; usum gratiæ esse a libero hominis arbitrio, quod tamen adjutum sit concursu simultaneo, qui ordinis sit supernaturalis.

Docet 2. Deum per gratiam prævenientem non movere physice voluntatem creatam ad bonum operandum, sed moraliter tantum, hoc est, suadentis & adhortantis adinstar: hincque concludit, Deum per gratiam prævenientem non agere physice in voluntate quæ est causa boni operis, licet per gratiam cooperantem physice agat in illius effectu; ita tamen ut substantia effectus homini per concursum ordinis naturalis adjuto tribui debeat, etiam quoad speciem virtutis, cujus est actus, fidei v. g. spei, prudentiæ; modus vero, nempe supernaturalitas, Deo per gratiam cooperantem; ea fere ratione qua is, qui navim cum alio trahit, physice non agit in socium, sed tantum in effectum socii, navis scilicet tractionem.

Docet 3. Deum non magis ad bonum usum gratiæ prævenientis determinare voluntatem, quam ad malum usum urgente tentatione; ac proinde Deum voluntatem creatam, urgente tentatione, non determinet ad malum usum gratiæ prævenientis; ita nec determinat ad bonum illius usum. Vide ejusdem auctoris Concordiam q. 24. disp. 36.

CONCLUSIO. Gratia non est efficax ab eventu, hoc est, dependenter a consensu voluntatis.

Nostram hanc conclusionem ostendemus 1. ex Scripturis; 2. ex variis absurdis, quæ ex contraria sequuntur.

Profertur argumentum ex his verbis,

Quis te discernit? positum.

Ab Apostolo docemur, hominem in rebus ad salutem spectantibus non posse se ipsum ab alio discernere; non debere gloriari, nisi in Domino; nihil habere, quod a Deo per Christi gratiam non acceperit: sic enim loquitur 1. ad Corinthios 4. *Ne supra quod scriptum est, unus contra alterum inflatur pro alio. Quis enim te discernit? Quid habes quod non acceperis?* Hæc etiam ad Ephes. 2. *Non ex operibus, ut ne quis gloriatur. Iis, similibusve testimoniis nixa Tridentina Synodus, sic loquitur sess. 14. c. 8. Non habet homo unde gloriatur; sed omnis gloriatio nostra in Christo est.*

Atqui, si gratia redderetur efficax ab eventu, per concursum scilicet humanæ voluntatis, homo in rebus ad salutem spectantibus, se ipsum ab alio discerneret: ex se haberet aliquid (consensum nempe datum gratiæ) quod a Deo per gratiam non accepisset.

posset præ alio, qui gratiæ non consentit, gloriari. Nam 1. discretio consentientis a non consentiente, sumi non posset a gratia præveniente: æqualis enim (ut supponitur) esset & in eo qui consentit, & in eo qui non consentit. 2. Sumi quoque non posset a gratia coeffectrice, seu a concursu simultaneo ordinis supernaturalis: siquidem concursus ille, ex adversariis, agit modo indifferenti, hoc est, ad actus tum speciem, tum exercitium, determinabili per voluntatem: At quod ex se est indifferens, tum ad actus speciem, tum ad exercitium, non discernit unum ab alio: neque enim dat aut speciem actus, aut illius exercitium. 3. Concursus ille non habet actum, aut exercitium, nisi dependenter a consensu voluntatis tanquam a causâ efficiente & determinante: ergo supponit consensum esse priorem se ipso, saltem prioritatem naturæ, hoc est, prioritatem quam effectus in sua causa supponit. 4. Concursus ille simultaneus ordinis supernaturalis se habet respectu hominis qui eo utitur, sicut aqua respectu hominis, qui ea ad natandum utitur: quemadmodum ergo aqua illa non discernit natantem ab eo, qui licet sit in fluvio, natare non vult; ita nec concursus ille simultaneus utentem discernit ab homine, qui illo non utitur.

Jam vero si homo lapsus se ipsum in negotio suæ salutis discernit ab alio; in se, non autem in Domino, de sua discretione gloriari poterit: habebit aliquid, ratione cujus se ipsum alteri præponat; erit aliquid in eo quod a Deo gratia non receperit: ac proinde corrumpet argumentum, quo Apost. 1. ad Corinth. 4. utitur, ut humanam deprimat superbiam.

Totum illud argumentum desumptum est ex Augustino, tum in libro 2. ad Bonifacium c. 7. tum in lib. de prædest. Sanct. c. 5.

Addendum est, Augustinum, cum ante Episcopatum Semipelagianus esset, admisisse (ut suo loco probatum est) gratiam illam generalem, quæ suasionis & adhortationis adinstar, excitet voluntatem; eum admisisse concursum simultaneum ordinis supernaturalis: At factus postea Episcopus, judicavit; cum eo systemate stare non posse Apostoli verba: *Quis te discernit?* iisque præcipue motus est, ut priorem suam sententiam deponeret, admitteretque necessitatem alicujus gratiæ specialis, quæ omnibus communis non esset, cui discretionem unius ab alio tribueret: *Quo præsertim testimonio* (inquit lib. de corrept. & grat. cap. 3. de illo Cypriani ad Quirinum, *In nullo gloriantur, quando nostrum nihil est, & de laudata Apostolica sententiâ, Quid autem habes quod non accepisti, loquens*) *etiam ipse convictus sum, cum similiter errarem, putans fidem, qua in Deum credimus, non esse Dei donum, sed a nobis esse in nobis.*

Præterea, certum est (ut suo loco demonstrat.)

stravimus) Augustinum admisisse in Adamo innocentem & praevenientem gratiam, quae eum excitaret ad bonum, & concursus simultaneum ordinis supernaturalis, quo juvaretur ad agendum: Atqui idem Augustinus asseruit, Apostolicam sententiam, *Quis se discipulis* locum non habuisse in Adamo innocente, eo quod gratia praeveniens & concursus simultaneus, quibus Adamus innocens indiguit ad bonum agendum, quoad efficaciam penderent ab eventu, a libero nimirum consensu voluntatis Adami, quem si praeberet, redderet gratiam efficacem; si autem non praeberet, gratia careret effectu, & remaneret inefficax. Hinc Sanctus Doctor in libro de correptione & gratia, cap. 12. concludit, hominem innocentem potuisse sibi per libetum arbitrium merita comparare, lapsus vero non posse, nisi per gratiam.

Proferatur argumentum ex his verbis, Non volentis, neque currentis, sed miserentis est Dei, *petitum*.

Apostolus sic loquitur ad Romanos 9. *Ignitur non volentis, neque currentis, sed miserentis est Dei*. Sed si gratia sit efficax dependenter ab humana voluntatis consensu, potiori jure dici poterit, bonum opus esse volentis hominis & currentis, quam Dei miserentis; quando enim duae causae in aliquem effectum influunt, effectus potiori ratione tribuitur causae determinanti ad effectum, quam causae ab alia determinatae: sic tabellae confectio potiori jure tribuitur pictori, quam penicillo quo ad pingendum utitur: sic etiam visio potiori jure tribuitur oculo, quam luci qua oculus ad videndum utitur: Atqui dici non potest, bonum opus potiori jure, immo nec aequè esse hominis volentis & currentis, ac Dei miserentis: ergo, &c. Tradit illud argumentum Augustinus in Enchiridio, cap. 32.

Proferuntur argumenta ex absurdis petita.

Ex sententia non debet admitti, ex qua gravissima sequuntur absurda: Atqui revera sequuntur ex sententia quae docet, gratiam quae ad bonum agendum est necessaria, non esse efficacem nisi ab eventu, hoc est, ex consensu voluntatis humanae: Ergo non debet admitti. Probat minor. Ex ea sententia sequitur 1. Inutiles esse orationes Ecclesiae: 2. Tolli debere gratiarum actiones quae Deo propter bonum opus referuntur: 3. Reddit aperta judicia Dei, quae alioquin in distributione gratiae sunt interutabilia. 4. Evertit veritatem aeternae praedestinationis. 5. Deo tribuit quod minus est in opere bono; quod vero majus & praecipuum, homini. 6. Gratiam Christi reddit communem. 7. Facile libertatem cum gratiae operatione conciliat; licet alioquin difficile cum ea conciliari

valeat: Ergo ex illa sententia sequuntur absurda gravissima. Antecedens subsequenter momentis per partes ostenditur.

Primo, si gratia ex adveniente voluntatis consensu tantum sit efficax, nihil erit quod a Deo per orationem petamus. Si enim aliquid foret quod peteremus, esset vel gratia praeveniens, vel concursus simultaneus ordinis supernaturalis, vel noster consensus gratiae praevenienti: Atqui in sententia quae docet, gratiam esse efficacem ab eventu, neutrum ex iis tribus petendum esset. Non primum, nempe petere non debemus, quod certo scimus adesse, quoties instat praeceptum, & urget tentatio: Sed, in systemate quod impugnamus, certo scimus, gratiam praevenientem adesse nobis, quoties instat praeceptum & urget tentatio. Non etiam secundum, propter eandem rationem: volenti enim servare mandatum, & superare tentationem, certo adest semper concursus simultaneus ordinis supernaturalis: ut docent adversarii: eo nimirum pro libito utimur, aut non utimur, sicut pro arbitrio luce ad videndum aut utimur, aut non utimur. Non denique tertium, quia id a Deo petere non debemus, quod est in nostra potestate, hoc est, quod possumus facere, si velimus, *Nam quid stultius*, (ait Augustinus in libro de natura & gratia, cap. 18.) *quam orare, ut fiat, quod in potestate habeas?* Atqui ut consentiamus gratiae, qua praevenimur, est, ex adversariis, in nostra potestate, nec aliquid aliud, ut actu consentiamus, ex parte Dei requiritur, quam concursus simultaneus, qui omnibus est praesens, quoque pro libito uti possunt, vel non uti: Ergo a Deo per orationem non debemus (si vera sit adversariorum sententia) petere consensum. Vide Augustinum in epistola ad Vitalem.

II. Sententia quae docet, gratiam esse efficacem tantum ab eventu, ab eo qui praeceptum servavit, qui superavit tentationem, tollit debitum agendi gratis Deo propter actuale observationem praecepti, propter relatum ex tentatione victoriam. Est quidem causa agendi gratias Deo, quod auxilio suo voluntatem praevenierit, quod concursus ordinis supernaturalis obtulerit; sed ratio non erit agendi gratias propter usum gratiae praevenientis, propter usum concursus simultanei; Nempe licet ad illum usum gratia praeveniens, & concursus simultaneus necessaria fuerint tamquam conditiones, sine quibus non: non dederunt tamen usum illum, sed ortus est ab ipsa voluntate, quae cum non uti posset gratia illa praeveniente, illo concursu simultaneo, ea tamen gratia, eo concursu uti voluit.

Augustini est illa argumentatio: sic enim in epistola ad Vitalem loquitur: *Inaniter etiam & perfunderis potius quam veraciter, magnas cum exultatione agimus Deo gratias, quan-*

quando aliqui eorum credunt, si hoc in eis ipse non facit ... Propter non gratias Deo agimus, sed nos agere fingimus, si unde illi gratias agimus, ipsum facere non putamus.

Addendum est, eum qui praeceptum servat, qui non superatur a tentatione, non plus, in illo systemate, debere Deo, quam is qui praeceptum non servavit, ac superatus est a tentatione. Ambo nimirum pares sunt in acceptis a Deo donis: utrique enim (ut supponitur) data est gratia praeveniens, utrique oblatas concursus simultaneus ordinis supernaturalis: at id perabsurdum est, & a praxi fidelium aliquum; iis enim persuasum est, plus a Deo recipere, qui bonum agit, quam qui illud non operatur. Cum igitur (inquit Augustinus in libro de praedestinatione sanctorum, loquens de donorum inaequalitate) *Evangelium praedicatur, quidam credunt, quidam non credunt; sed qui credunt, praedicatore forinsecus insenante, incutitur a Patre audirent atque assunt: qui autem non credunt, foris audirent, intus non audirent, neque discunt: hoc est, illis datur, ut credant, illis non datur: quia nemo, inquit, venit ad me, nisi Pater qui misit me, traxerit eum: quod apertius postea dicitur . . . Nemo potest venire ad me, nisi fuerit ei datum a Patre meo . . . Fides igitur & inbeata & perfecta, donum Dei est: & hoc donum quibusdam dari, quibusdam non dari, omnino non dubites, qui non vult manifestissimis sacris litteris repugnare.*

III. In Ludovici Molinæ systemate facile comprehendere potest, cur cum praedicatur Evangelium, unus credat, alter vero non credat, cur e duobus iustis unus perseveret, alter vero non perseveret: scilicet aperta est ratio, credere illum quod gratiam excitantem ad credendum, concursus simultaneus, ad usum determinaverit, istum vero utraque illa gratia sibi oblata uti noluerit: At toti Ecclesiae cuius lingua olim fuit Augustinus, aliud visum est: Cur autem (inquit S. Doctor lib. 2. de peccatorum meritis, cap. 8.) *illum adjuvet, illum non adjuvet: illum tantum, illum autem non tantum: istum illo, illum alio modo: penes ipsum est, & aequitatis tam secreta ratio, & excellentia potestatis.* Idem S. Doctor quoties similibus quaestionibus a Semipelagianis urgebatur, recurrit semper ad incomprehensibilia Dei iudicia: *Ex duobus itaque parvulis originali peccato pariter obstrictis (inquit lib. de dono persever. c. 9.) cur iste assumatur, ille relinquatur: & ex duobus aetate jam grandibus impiis, cur iste ita vocetur, aut non ita vocetur, ut vocantem sequatur, inscrutabilia sunt iudicia ejus: Ex duobus autem piis cur huic doneatur perseverantia usque in finem, illi autem non doneatur, inscrutabiliora sunt iudicia Dei.*

IV. Idem systema de gratia quae sit tantum efficax ab eventu, destruit veritatem divinae praedestinationis, de qua haec habet Augustinus lib. de dono perseverantiae, cap. 13. *Hoc scio, contra istam praedestinationem, quam secundum Scripturas defendimus, neminem nisi errando disputare potuisse.* Nempe praedestinatio quam S. Augustinus defendit (sive illa sit tantum praedestinatio ad gratiam, sive ad gratiam & gloriam simul; de hoc enim non est necesse, ut hic disputemus) in eo posita est, eodem Augustino teste ejusdem libri c. 14. quod sit *praescientia scilicet & preparatio beneficiorum Dei; quibus certissime liberantur, quicumque liberantur.* Ceteri autem ubi nisi in massa perditionis iusto divino iudicio relinquuntur? Atqui systema quod efficacitatem gratiae petit ab eventu, destruit illam beneficiorum preparationem, illam in massa perditionis derelictionem: siquidem 1. certissime non liberantur per beneficia, quibus pro arbitrio unus consentit, alter vero dissentit. 2. Unus non magis ex parte Dei liberatur a massa perditionis, quam alius; unus non magis quam alius in ea reliquitur: omnes enim ex parte Dei aequale auxilium recipiunt, aequaliter omnibus praesto est, si velint, concursus simultaneus: ex duobus enim hominibus qui aequaliter adjuvantur, unus nec magis liberatur, nec magis in abyso relinquatur, quam alius: ergo, &c.

V. Sententia, quam hic impugnamus, Deo tribuit, quod minus est; homini vero, quod majus. Id enim quod in bono opere principem locum tenet, est velle bonum: quod vero minus praecipuum, est posse velle bonum: atqui sententia de qua est hic quaestio, in bono opere dat Deo solum posse; homini vero, dat ipsum velle operari bonum. Hoc dici potest, quod voluntas boni, quae in nobis est, Deo quoque tribui debeat, qui dedit vires, ut possemus velle bonum: Siquidem si facultas quam Deus dedit ad posse velle, satis sit, ut ipsum velle Deo tribuatur, tribui quoque debeat ei velle malum, eo quod per creationem dederit voluntatem quae malum operari potest, illamque adjuvet in opere malo per concursus simultaneum; sed absurdum est consequens: ergo &c.

Desumptum est illud argumentum ex Augustino, qui libro de gratia Christi, cap. 5. sic loquitur: *Scire quippe debemus, quod nunc voluntatem nostram, nec actionem divino adjuvari credit, Pelagius, auxilio: sed solum possibilitatem voluntatis atque operis, quam solum in his tribus nos affirmat habere ex Deo, tamquam hoc sit infirmum, quod ipse Deus posuit in natura; cetera vero duo, quae nostra esse voluit, ita sunt firma, & fortia, & sibi sufficientia, ut nullo indigant ejus auxilio: & ideo non adjuvet ut velimus, non adjuvet ut*

agamus, sed tantummodo adjuvet ut velle & agere valeamus.

VI. Gratia per quam boni a malis discernuntur, communis non est bonis & malis. Nam (inquit Augustinus in lib. de gratia & libero arbitrio, c. 13.) & hoc Pelagiani ausi sunt dicere, gratiam esse naturam, in qua sic creati sumus, ut habeamus mentem rationalem, qua intelligere valeamus.... Sed non hec est gratia, quam commendat Apostolus per fidem Jesu Christi. Hanc enim naturam etiam cum impiis & infidelibus certum est nobis esse communem; gratia vero, per fidem Jesu Christi, eorum tantummodo est, quorum est ipsa fides: Non enim omnium est fides. Idem asserit Serm. 11. de verbis Apostoli cap. 4. Communis est omnibus natura, non gratia. Atqui sententia, de qua hic agitur, gratiam qua boni a malis discernuntur, bonis & malis communem reddit: ideo enim, in illa sententia, quidam boni sunt, quod gratia præfenti consentiant; & contra nonnulli mali, quod eidem præfenti gratia nolint præbere consentium; quod illi uti velint oblato divinitus concursu simultaneo ordinis supernaturalis, isti vero uti nolint: ergo, &c.

VII. Difficile est divinæ gratiæ operationem cum libertate conciliare: Sed quia (verba sunt Augustini in lib. de gratia Christi, c. 47.) ubi de arbitrio voluntatis, & Dei gratia disputatur, ita est ad discernendum difficile, ut quando defenditur liberum arbitrium, negari Dei gratiam videntur; quando autem asseritur Dei gratia, liberum arbitrium putetur auferri, &c. Atqui si efficacia gratia a solo voluntatis humanæ consensu petatur, difficile non erit operationem gratiæ cum libero arbitrio conciliare: scilicet evidens est, libertatem facile conciliari cum gratia, cujus usus a sola libertate pendet, ita ut pro libito, aut illam respuat, aut illam admittat. Qui in eo systemate non conciperet concordiam illam, similis esset homini qui non conciperet, qua ratione lux, qua quis pro libito utitur ad videndum, cum libertate conciliari posset: non enim ex adversariis gratia magis, physice saltem, determinat ad operandum bonum, quam lux oculum determinet ad visionem.

Solvuntur adversariorum argumenta.

Not. Adversariorum argumenta duplicis sunt generis. Nonnullis adstruitur efficacia gratiæ ex humanæ voluntatis consensu: aliis vero impugatur efficacia, quæ illi per se conveniat. Ista solvantur, ubi de ejusmodi efficacia differemus; hic igitur priora tantum expendenda sunt.

Objicies 1. Si gratia non esset efficax ex consensu voluntatis, immerito Deus sic de populo suo conquereretur apud Iliam cap. 5. Quid ultra debui facere vinea mea, & non feci? vinea enim respondere potuisset: de-

Juven. Inst. Theol. Tom. III.

buiisti dare gratiam per se efficacem, alioquin ad bonum operandum absolute necessariam, quam tamen non dedisti.

Respondent aliqui, sed immerito, spectare illam sententiam ad hominem innocentem, non autem ad hominem lapsum; neque enim Deus lapsus quidquam debet, quam poenam & supplicium. Itaque, ajunt, Propheta Judæorum ob oculos ponit beneficia homini primum in statu naturæ innocentis collata, ut inde sumat argumentum, quo Judæorum corruptionem, & ingratum illorum animum corripiat. Augustini contendunt immerito eam esse responsionem; qui ad hanc Semipelagianorum contra gratiam per se efficacem querimoniam, Cur corripiamur, quæ non accepimus? respondet in libro de gratia & libero arbitrio c. 6. idem quod mox ab iis auctoribus responsum est.

Respondemus nos, Prophetam vineæ nomine intellexisse gentem Judæicam, & per hæc verba: Quid ultra debui facere? intellexisse externa beneficia, quibus gentem illam cumulaverat, nullis nimirum ab eo Prophetis, qui vineam illam excolerent, segregatis ab ea idololatriis, ne eorum exemplo in falsorum Deorum cultum laberetur; & tamen Judæi tot beneficiorum immemores, Deum ipsum in Christi persona contumeliis affectum, tandem ignominioso crucis supplicio damnarunt. Vide quæ de eadem illius sententia, aliisque petitis ex Evangelio argumentis diximus agentes de gratia, etiam mere sufficiente quibusdam excæcatis & obduratis denegata.

Objicies 2. Christus Matthæi iv. de Judæis conqueritur his verbis: Vae tibi Corozain, & tibi Bethsaida, quia si in Tyro & Sidone factæ essent virtutes, quæ factæ sunt in vobis, olim in ciliciis & cinere poenitentiam egissent. Scriptura eo loci de gratia efficaci loquitur, ut colligitur ex iis verbis quæ actum secundum designant, Poenitentiam egissent: siquidem gratia mere sufficiens non dat actum secundum, saltem perfectum & completum, hoc est, cum ipsa operatione conjunctum. Unde sic arguitur: Gratia quæ in Judæis fuit inefficax, futura fuisset efficax in Tyriis & Sidoniis, si illis prædicatum fuisset Evangelium: Sed ejus rei ratio reddi non potest alia, quam quod Tyrii & Sidonii gratiæ hujusmodi consensum præbituri fuissent: ergo gratia est tantum efficax ab eventu, hoc est, ex humanæ voluntatis consensu.

Respondent nonnulli Theologi, eo loco figuratam esse locutionem, & hyperbolem contineri; sicut interdum solet dici, Si Catholica religionis mysteria apud Turcas & Barbaros prædicarentur, his, quæ tamen Christiani vident, ipsi Turcæ & Barbari commoverentur. Aut, sicut dicitur: Si ego auxilium eo in casu ab inimico postularem, non

M

ne.

negasset. Posita autem hyperbole, non significatur, quod, eadem suppositione facta, res quæ enuntiatur, revera futura fuisset: Ac proinde non sequitur, quod Tyrii actu egissent poenitentiam visis Christi miraculis; sicut non sequitur, quod Turcæ converterentur hac sola supposita conditione, si predicaretur illis Evangelium.

Verum stare non potest ea responsio cum Augustini sententia. Scilicet (ut ipsi responsionis auctores fatentur) res quæ per hyperbolem asseritur futura, revera, posita etiam conditione, non evenit, ut patet exemplo ex Turcis petito; neque enim ad solam Evangelii predicationem converterentur: Atqui, ex Augustino, res quam Christus denuntiavit futuram in Tyriis & Sydoniis, si coram illis Christus fecisset signa quæ coram Judæis egerat, revera & actu futura fuissent, seu vere & actu egissent poenitentiam: *Nunquid possemus dicere* (ait S. Doctor in libro de dono perseverantiæ cap. 9.) *etiam Tyrios & Sidonios, talibus apud se virtutibus factis credere noluisse, aut credituros non fuisse, si fierent; cum eis ipse Dominus attestetur, quod acturi erant magnam humilitatis poenitentiam?*

Respondendum est itaque, admissa suppositione, neg. min. Ideo quippe gratia Judæis collata caruit effectu, quod (ut ait S. Thomas) maior esset Judæorum excæcatio, major obduratio, quam fuerit in Tyriis & Sidoniis; proindeque uberiori luce, & intensiori motione illis, etiam ex parte Dei, opus fuit, ut actu crederent, ut actu humilitatis poenitentiam agerent. Amor terrenus similis est visco, qui quo tenacior fuerit, cordis pennas, sive affectus magis implicat, efficitque, ut intensiore virtute, fortioribus viribus opus sit, ut voluntas ex amore terreno sese extricet, ac liberet. Non obscure innuit responsionem illam Augustinus in libro de dono perseverantiæ cap. 14. ubi sic loquitur: *Non erat sic induratum cor Tyriorum & Sidoniorum, quoniam sic credidissent, si qualia viderunt isti (Judæi) signa vidissent.*

Quæres, cur Christus coram Tyriis, & Sidoniis miracula non patravit, ad quorum conspectum, adjuti eadem interiore gratia, qua Judæi, coram quibus eadem signa fecit, poenitentiam acturi fuissent.

Resp. ideo Christum ea coram Tyriis miracula non patrasse, quod non essent ex electorum numero. Augustini est ea responsio in libro de dono perseverantiæ cap. 4. *Ceteri autem* (inquit) *ubi nisi in massa præditionis jussu divino judicio relinquuntur? ubi Tyrii relictæ sunt & Sidonii, qui etiam credere potuerunt, si mira illa Christi signa vidissent? Sed quoniam ut crederent, non erat eis datum, etiam unde crederent, non est datum.*

§. II. *Utrum gratia sit efficax ex auxilio divini cum humana voluntate attemperatione, quæ subest scientiæ Mediæ.*

Not. Ut Molianiani de gratia systematis defensores invidiam declinarent, quæ ipsum in Belgio, tum in Hispaniis, tum Romæ aspersum fuisse conspexerant, illud in aliquibus capitibus emollire conati sunt. Excogitarunt nimirum gratiam illam, *Congruam*, ex cujus nomine *Congruistæ* passim appellati sunt. Ea autem gratiæ congruitas in eo posita est, quod Deus eam in iis circumstantiis largiatur, in quibus per scientiam mediā prævidet, humanam voluntatem ei suum concursum præbituram esse. Itaque Deus, secundum Congruistam, ut gratiam quæ effectum habet, largiatur, attendit ad dispositiones, seu ad effectus, in quibus futura est voluntas in illis aut istis circumstantiis. Ea (inquiunt) ratione in gratiæ suæ oeconomia so gerit Deus, quæ quis dum quidpiam a Rege obtinere proponit; expectat nimirum iste tempus & circumstantias in quibus scit, Regem plerumque benevolo ac liberali esse animo. Utuntur etiam comparatione a medio corporali petita: Deus (ajunt) se habet in suæ gratiæ dispensatione, sicut se habet medicus in applicatione remedii; ergo quemadmodum medicus ut remedium applicet, attendit ad circumstantias loci, temporis, status, in quibus est æger, quem curare sibi proponit; sic etiam Deus in conferenda sua medicinali gratia attendit ad circumstantiam loci, temporis, status, dispositionis naturalis, in quibus prævidet, adhibendam a se salutem medicinam habituram esse effectum ad quem ægroto spiritali confertur.

Not. 1. Ea facta suppositione, Congruistæ docent 1. hominem, qui bonum operatur, se se ab alio, qui bonum non operatur, non discernere: Nempe (inquit) qui credit, a Deo ipso discernitur, qui gratiam dedit ea in circumstantia, in qua per scientiam mediā præviderat, sic affectam fore voluntatem, ut gratiæ consentiret: cum contra eam bonum non operanti dederit in circumstantia, in qua præviderat ipsum non esse ei consensurum. Docent 2. inutiles non esse orationes; iis enim (inquiunt) non petitur, ut gratia in genere adsit (cuique enim adesse volunt instante præcepto), sed petitur a Deo, ut det eam in illis circumstantiis, in quibus prævidit ab æterno, consecuturam esse suum effectum, si in his aut illis circumstantiis concederetur. Docent 3. prædestinationis gratuitæ ad gloriam executionem repeti debere ex iis circumstantiis, in quibus Deus ab æterno prævidit, voluntatem humanam suam gratiæ consensum præbituram esse.

Not.

Not. 3. Eum explicandæ efficacitatis gratiæ modum passim jam docuerent R. Patres Societatis Jesu: nec enim aliquem inter eos scriptorem, saltem post habitas Congregationes *De auxiliis*, reperire est, qui illi non adhaerere. Nec mirum: id scilicet jussu fuisse a Reverendissimo Aquaviva Præposito Generali in Decreto edito Romæ die 14. Decembris anno 1613. & ad omnes Societatis provincias transmissum.

CONCL. Efficacia gratiæ repeti non debet ex auxiliorum cum humana voluntate attemperatione, quæ subest scientiæ Mediæ.

Probatur 1. Ex sententia, quæ repetit Efficacitatem gratiæ ex auxiliorum attemperatione cum humana voluntate, quæ subest scientiæ Mediæ, sequuntur absurda omnia, quæ (ut superius ostendimus) inferuntur ex opinione quæ eandem efficaciam repetit ex eventu, hoc est, ex solius voluntatis consensu.

Nam 1. sequitur, hominem qui bonum operatur, se ipsum discernere a non operante bonum. Prima nimirum causa discretionis petenda erit a genio naturali, complexione, & affectu voluntatis: ideo enim homo gratiæ sibi oblatae consentit, quod hac vel illa ratione sit naturaliter dispositus; quod per naturam, aut per educationem, aut per circumstantias, in quibus reperitur, hoc vel illud genium, hunc vel illum affectum sortitus sit. Nimirum se habet homo, cui gratia congrua datur, sicut se habet agrotus cui a perito medico pharmacum in debitis circumstantiis porrigatur: at ratio, cur in illis circumstantiis medicamentum proficit, petitur ex agroti complexione: per eam complexionem sese discernit ab alio agrotto diversæ complexionis, cui si idem pharmacum daretur, obesset quam maxime: ergo pariter ratio, cur gratia congrua proficit, ultimo refunditur in complexionem & genium naturale hominis, cui confertur; per illamque complexionem, per illud genium se se discernit ab eo, qui non consentiret, si eadem ipsi gratia conferretur.

Sequitur 2. bonum opus non fore Dei misericordis, sed hominis currentis. Siquidem cum duo ad opus aliquid concurrunt, ei præcipue tribui debet, qui alium, ex se ad opus indifferentem, ad actum boni operis determinat: atqui homo currens, seu bonum opus agens, Deum, ex se ad bonum illud physice indifferentem, seu gratiam ab illo datam, ad actum boni operis determinaret: ergo bonum opus non esset Dei misericordis, sed hominis currentis.

Sequitur 3. orationes fidelium fore omnino inutiles ad salutem. Nempe tunc orationes sunt inutiles ad salutem, cum per eas aliquid tantum naturale petitur: atqui in adversariorum systemate fideles per orationes suas

aliquid tantum naturale peterent, genium nimirum, complexionem, affectum, quæ ita gratiæ contemperata sint, ut eam humana voluntas admittat.

Præterea, homo in ultima vitæ periodo vexatus gravi tentatione, orare non deberet; non enim esset quid tunc peteret. Nam non peteret gratiam in genere: cuique enim, ex adversariis, præfens est, quoties instat præceptum, aut urget aliqua tentatio. Non peteret quoque gratiam congruam: siquidem aut naturalis dispositio in qua versatur, attemperata est gratiæ, aut non est attemperata. Si primum, non est necesse, ut oret dari sibi gratiam congruam; quamcumque enim Deus in eo instanti concesserit, erit congrua: Si secundum, gratia quæ a Deo dabitur, non poterit esse congrua, ac proinde frustra in eo articulo positus, gratiam congruam a Deo posceret. Tandem fideles in suis orationibus non petunt, ut Deus det gratiam in iis circumstantiis, in quibus prævidet, quod humana voluntas ei consensura sit, sed (ut demonstrant Ecclesiasticarum precum formulæ) petunt a Deo, ut det ipsummet consensum, ut ad se rebelles compellat ire voluntates: ergo gratia non habet effectum ex illis circumstantiis, sed ex vi sibi innata, ex natura sibi intrinseca.

Sequitur 4. facile, in systemate de quo agitur, concipi libertatis humanæ cum gratia concordiam: quis enim ita plumbeus est, ut non concipiat, libertatem optime coherere cum auxilio ex se indifferenti, quodque voluntas ipsa ab usu determinat? at concordiam illam facile concipi non posse, superius ex Augustino demonstravimus.

Probatur 2. Adversariorum sententia supponit, Deum in gratiæ suæ œconomia attendere ad mores, genium, affectus, dispositiones naturales subjecti, cui gratiam confert: sed ea suppositio est falsa.

Nam 1. Deus gratiam suam sæpius clarigitur in iis circumstantiis, in quibus ii, quibus eam confert interius & exterius maxime sunt ab ea alieni, ut patuit in Paulo, de quo hæc habet Augustinus in libro de prædestinatione Sanctorum c. 2. *Aversus quippe a fide quam vaskabat, etque vehementer aversus, repente est ad illam gratia potentiore conversus: convertente illo, cui hoc ipsum facturus per Prophetam dictum est: Tu convertens vitiabilis nos: ut non solum ex nolente fieret volens credere, verum etiam ex persecutore, persecutionem in ejus fides, quam persequabatur, defensione patiretur.*

2. Idem S. Doctor homilia 23. inter Quinquaginta aperte docet, gratiæ efficaciam ex circumstantiis naturalibus minime pendere. *Auguster, inquit, non fuisti in illa vita tu præterita, plena ignorantia, nondum illuminatus,*

tur, nondum bonum, malumque discernens, nondum credens in eum qui se nescientem regabat. Hoc tibi dicit Deus: Tunc regibam te mihi, servabam te mihi. Ut autem adulterium committeret, suaser defuit, ut suaser deesset ego feci. Locus & tempus defuit; ut hac deesset, ego feci. Adfuit suaser, non defuit locus, non defuit tempus; ut non consentiret, ego feci. Agnosce ergo gratiam ejus, cui debes & quod non admisti. Mihi debet iste quod factum est, & dimissum vidisti: mihi debet & tu quod non admisti. Nullum est enim peccatum quod fecit homo, quod non posset facere alter homo, si desit rector, a quo factus est homo.

3. S. Prosper aperte docet, Dei gratiam nec tempus, nec locum, nec naturales subiecti, cui confertur, dispositiones expectare, ut suum effectum producat. Id enim hisce verbis in Carmine de ingratia, expresse proficitur:

*At vero omnipotens hominem cum gratia saluat,
Ipsa suum consummat opus: cui tempus agendi
Semper adest, quæ gesta velit, nec moribus ulla
Fit mora, nec causis concepti suspenditur ullis.*

4. Concilium Arausicanum II. variis in locis definivit, Deum in gratiæ suæ dispensatione non attendere ad naturales hominis dispositiones, ad externas, in quibus reperitur, circumstantias: Si quis (ait Canone 4.) ut a peccato purgemur, voluntatem nostram Deum expectare contendit, resistit ipsi Spiritui sancto. Canone 6. idem definit laudata Synodus: Si quis, inquit, sine gratia Dei credentibus, volentibus, desiderantibus, cenantibus, laborantibus, vigilantibus, studentibus, potentibus, quærentibus, pulsantibus nobis misericordiam dicit conferri divinitus... resistit Apostolo dicenti: Quid habes, quod non accepisti?

Vide quæ superius a nobis dicta sunt, ubi egimus de dispositionibus actuali gratiæ, ex parte subiecti, cui confertur, prærequisitis.

Probatur tandem nostra conclusio 1. ex eo, quod Augustinus & alii Patres, qui Pelagianos & Semipelagianos impugnarunt, docuerint, efficaciam gratiæ repeti debere ex omnipotentissima Dei voluntate: 2. ex duplici adiutorii, *Sine quo* nimirum & *Quo*, distinctione, quam iidem Patres admittendam esse docuerunt; ita ut auxilium *Sine quo* proprium fuerit Adamo innocenti, auxilium vero *Quo*, Adamo lapsa necessarium sit ad quodlibet pietatis opus: quam quidem distinctionem evertit sententia quæ docet, efficaciam gratiæ peti debere ex circumstantiis, in quibus voluntas per scientiam mediam prævidetur suum præbitura consensum. Nempe Adamus innocens aliquandiu concessæ sibi gratiæ consensum præbuit; Angeli pariter ea in iustitia quam acceperant a creatore; & tamen (ut non semel Au-

gustinus docet) nusquam aut Adamo innocenti, aut sanctis Angelis datum est auxilium *Quo*, sed tantum (ut dicitur inferius) auxilium *Sine quo*. 3. Augustinus sæpius ostendit, homini post lapsum id eo necessarium esse gratiam efficacem, quod per primi parentis peccatum maximam infirmitatem contraxerit, cui necesse fuit, ut per auxilium potentius Deus ipse mederetur: *Subventum est igitur* (inquit S. Doctor in libro de correptione & gratia cap. 12.) *infirmitati voluntatis humanæ, ut divina gratia indeclinabiliter & insuperabiliter ageretur; & ideo quamvis infirma non deficeret, neque adversitate aliqua vinceretur*: Atqui gratia congrua non medetur infirmitati, quam homo per peccatum contraxit; non enim vincit, ac superat illum infirmitatem, sed e contra ab homine ea infirmitate laboranti vim suam ac determinationem habet.

Solvuntur argumenta ex Augustini libro 1. ad Simplicianum petita.

Not. 1. S. Augustinus sui Episcopatus initio duos de diversis quæstionibus libros scripsit, ad Simplicianum, Ambrosii in Sede Mediolanensi successorem. In priore, duæ sunt quæstiones: Prima, Quomodo intelligenda sint loca Epistolæ ad Romanos, quæ ab his verbis, *Quid ergo dicemus? Lex peccatum est? Abstet*, usque ad hæc alia: *Quis me liberabit de corpore mortis hujus? gratia Dei per Jesum Christum Dominum nostrum*, continetur. Secunda, Qua ratione exponi debeant quæ ab hac Apostoli sententia: *Non solum autem, sed & Rebecca ex uno concubitu habent Isaac patris nostri*, usque ad ista, *Nisi Dominus Sabaoth reliquisset nobis semen, sicut Sodoma facti essemus, & sicut Gomorrha similes fuissimus*, leguntur. Hoc est, in prima quæstione agit de Lege, expenditque, num fuerit bona; & in secunda, de vocatione ad fidem, & de ipsa fide differit. In posteriore libro varias difficultates pertractat, in quibus a Simpliciano, Mediolanensi Episcopo, consultus fuerat.

Not. 2. In iis ad Simplicianum libris tractat errorem, quo circa fidem & opera, adhuc Presbyter, laboraverat, hoc est, docet, initium fidei non minus Dei donum esse, quam cetera pietatis opera; contra quod tamen senserat, & scripserat, cum ante Episcopatum eo errare teneretur, quo laborarunt postea Massilienses, quos in libris de prædestinatione Sanctorum, & de dono perseverantiæ confutavit. *Videtis certe* (inquit ipse in lib. de prædest. SS. c. 4.) *quid tunc* (loquitur de tempore, quo scripsit expositionem quarundam propositionum ex Epistola ad Romanos) *de fide atque operibus sentiebam, quævis de commendanda Dei gratia laborarem* in

in qua sententia isti fratres nostros (Massilienses) esse nunc video, quia non sicut legere libros meos, ita etiam in eis curaverunt proficere mecum. Nam si curassent, invenissent istam questionem secundum veritatem divinarum Scripturarum solutam in primo libro duorum, quos ad beata memoria Simplicianum scripsi, Episcopum Mediolanensis Ecclesie, S. Ambrosii successorem, in ipso exordio Episcopatus mei. Addit ibidem, se ex divina revelatione tunc didicisse, initium fidei esse donum Dei: Ecce quare dixi superius, hoc (1. ad Corint. 4.) Apostolico precipue testimonio etiam me ipsum fuisse convictum, cum de hac et aliter saperem, quam mihi Deus in hac questione solvenda, cum ad Episcopum Simplicianum, sicut dixi, scriberem, revelavit. Eadem ratione loquitur in libro de dono perseverantiae cap. 20. Plenius sapere cepi in ea disputatione, quam scripsi ad beata memoria Simplicianum, Episcopum Mediolanensis Ecclesie, in mei Episcopatus exordio, quando & initium fidei, donum Dei esse cognovi, & asserui.

Not. 3. Quamvis Augustinus in primo illo libro ad Simplicianum, catholicam de gratia doctrinam tradiderit: illius tamen operandi modum non explicuit ea perspicuitate, qua explicuit postea in libris de prædestinatione Sanctorum & de dono perseverantiae, in quibus latebras omnes aperit, in quas se Semipelagiani receperant: id ipsemet testatur in libro de dono perseverantiae cap. 21. Nam propterea, inquit, nunc facio librum, in quibus opuscula mea retractanda suscepi, ut nec me ipsum in omnibus me secutum fuisse demonstrem, sed proficientem me existimo, Deo miserante, scripsisse, non tamen a perfectione cessasse. In ea autem minus perspicua ratione de modo operandi gratiae, Congruistæ non la expiscantur, quibus suum de gratiae operandi modo systema suffultum esse volunt: sed quam inaniter, ex objectionum, quas movent, solutione patebit.

Obijcies 1. Augustinus in lib. 1. ad Simplicianum, q. 2. repetit efficaciam gratiae ex attemperazione quæ congruat ad naturales effectus humanæ voluntatis, seu ex eo, quod Deus prævideat, voluntatem humanam in illis circumstantiis ei suum esse præbituram consensum. Scilicet in ea questione sæpius meminit congruæ vocationis: Igitur, inquit, hoc volentis neque currentis, sed miserentis est Deus, qui eo modo vocavit, quo aptum erat eis qui secuti sunt vocationem. Paullo post sic prosequitur: Si vellet etiam ipse deum misereri, posset ita vocare, quomodo illi aptum esset, ut & moverentur, & intelligerent, & sequerentur. Sic etiam non multo post: Illi enim electi, qui congruenter vocati: illi autem qui non congruebant, neque contemperabantur vocationi, non electi, quia non sequuntur, quamvis vocati. Sic iterum: Quia etsi multos vocet, eorum tamen juvenin. Iustit. Theol. Tom. III.

miseretur, quos ita vocat, quomodo eis vocari aptum est, ut sequantur. Sic etiam, paucis interjectis: Cujus miseretur, sic cum vocat, quomodo sinit ei congruere, ut vocantem non respiciat. Ubi autem multa congruæ ejusmodi vocationis exempla protulisset, sic tandem generaliter concludit: Cum ergo alius sit, alius autem sit vocetur ad fidem, eademque res sæpe alio modo dicta moveat, aliumque moveat, aliumque non moveat, quis audeat dicere de fuisse Deo modum vocandi, quo etiam Esau ad eam fidem mentem applicaret, voluntatemque conjungeret, in qua Jacob justificatus est?

Non in libris tantum ad Simplicianum, quos Augustinus sui Episcopatus initio scripsit, sed etiam in posterioribus suis operibus, eodem modo, hoc est, per congruitatem, gratiae efficaciam & operationem explicuit: hæc enim habet in lib. de dono pers. c. 14. Ex quo apparet, habere quosdam in ipso ingenio divinum naturaliter munus intelligentia, quo moveantur ad fidem, si congrua sint mentibus vel audiunt verba, vel signa conspiciunt.

Ex his autem Augustini testibus sic argumentum conficitur. Efficacia gratiae ex eodem fonte peti debet, ex quo vocatio de qua loquitur in libro 1. ad Simplicianum, quæst. 2. scilicet ea vocatio idem est cum ea de qua loquitur Apostolus in Epistola ad Romanos, quam Augustinus interpretatur a Simpliciano consultus; ac proinde, cum certum sit, Apostolum vocationis nomine ipsammet Christi gratiam in epistola ad Romanos intelligere, certum pariter esse debet, Augustinum vocationis nomine, ipsam etiam internam Christi gratiam intellexisse: atqui locis laudatis Augustinus efficaciam gratiae repetit ex illius congruitate ad naturales affectus, ad internas dispositiones, ad varias circumstantias extrinsecas, in quibus humana voluntas reperitur: ergo, ex Augustino, efficacia gratiae repeti debet ex illa attemperazione, tum ad interiorem, tum ad exteriorem, & quidem naturalem, voluntatis humanæ dispositionem, quam per scientiam mediam, si voluntas in his aut illis circumstantiis constituitur, prævideat.

Respondent nonnulli, Augustinum in suis, tum adversus Pelagianos, tum adversus Semipelagianos, operibus retractasse, quæ de modo operandi gratiae scripserat in libro 1. ad Simplicianum.

Sed falsa est illa responsio. Nam 1. (ut mox fusc dicetur) Augustinus in lib. 1. ad Simplicianum nihil de modo operandi gratiae docuit, quod adversetur iis, quæ contra Pelagianos & Semipelagianos scribens asseruit. 2. In lib. de prædest. SS. (ut jam jam observatum est) laudat & probat, quæ de gratia ad Simplicianum scripserat; laudat quoque in libro de dono perseverantiae (ut etiam ob-

servatum est) ac præterea cap. 21. extendi vult ad perseverantiam ea omnia, quæ ad Simplicianum scribens, dixerat de fidei initio: *Videant* (inquit loquens de Massiliensibus) *utrum in primi libri posterioribus, eorum duorum, quos mei Episcopatus initio, antequam Pelagianus hæresis appareret, ad Simplicianum, Mediolanensem Episcopum scripsi, remanserit aliquid, quo recetur in dubium, gratiam Dei non secundum merita nostra dari: & utrum ibi non satis egerim, etiam initium fidei esse donum Dei: & utrum ex his quæ ibi dicta sunt, non consequenter eluceant, etsi non sit expressum, etiam usque in finem perseverantiam non nisi ab eo dari, qui nos prædestinavit in suum regnum & gloriam.*

Respondent alii, Augustinum in eo ad Simplicianum libro disputare potius, & questionem sibi a Simpliciano propositam versare potius in utramque partem, quam certum aliquid definire: unde (inquiunt) ex eo libro nec vera, nec constans Augustini doctrina exculpi debet.

Verum satis non est ea solutio. Nempe, licet Augustinus multum in utramque partem disputet, sapiusque ita questionem involvat, ut non nisi a diligenter attendente, objecta a responsis discerni valeant: nihil tamen re ipsa asserit, quod adversetur doctrinæ, quam uberius postea in suis contra Pelagianos & Semipelagianos operibus, de modo operandi gratiæ tradidit.

Respondendum est igitur 1. neg. maj. argumenti quod nobis objectum est: scilicet ex eodem capite repeti debere efficaciam gratiæ, ex quo S. Augustinus in lib. 1. ad Simplicianum reperit efficaciam vocationis, de qua loquitur. Ratio est, quia vocatio, cujus S. Doctor eo in libro sæpius meminit, est, non vocatio interna quæ per gratiam interiorem fiat, sed externa tantum, quæ ideo nonnullis congrua dicitur, quia illorum affectibus est attemperata: idque subsequenter argumentis ostendi potest.

1. Augustinus statim questionis initio exponens congruitatem, cujus in ea questione sæpe fit mentio, sic loquitur: *Ut quamvis multi uno modo vocati sint, tamen quia non omnes uno modo affecti sunt, illi soli sequuntur vocationem, qui ei capiendæ reperiuntur idonei.* Ex his autem verbis patet, affectus naturales eorum, quibus congruit vocatio, esse causam, cur vocationem sequantur: sed non sunt causa, cur sequantur vocationem quæ fit per gratiam interiorem: ista enim non supponit affectus bonos in hominibus, quos movet; sed e contra eos inspirat, suave reddens quod prius displicebat: *Ut autem* (inquit Augustinus lib. 2. de peccatorum meritis, c. 17.) *n non fessat quod latebat, & suave fiat quod non intellegebat, gratia Dei est, quæ hominum addebat voluntates.*

2. Idem S. Doctor de eo vocationis genere loquitur, cujus varias species in eadem ad Simplicianum questione enumerat: atque ex vocationis species, quæ in illa questione ab Augustino recensentur, non sunt nisi externæ vocationes, quæ ab interioribus cordis moribus distinguuntur, seu, quæ in solis signis extrinsecis positæ sunt, & se habent per modum motivorum extrinsecorum credibilitatis: Cur ergo (ait) Esau non sit, hoc est, externo illo credibilitatis motivo, est vocatus, ut vellet audire? Videmus enim alios aliter in his rebus demonstratis, vel significatis, ad credendum moveri. Scribit, nonnullis aliquibus tantum verbis auditis, in Christum credidisse: Nathaniel (inquit) ad unam sententiam, quam ab illo audivit, respondit: *Sabbi, tu es filius Dei.* Asserit, alios miraculis fuisse adductos ad fidem: *Miraculo facto in Cana Galilee, crediderunt in eum discipuli ejus.* Docet, aliquos nec ad mortui suscitationem motos, ut ad fidem venirent: *Multi nec suscitatis mortuis, crediderunt.* Addit, ad ipsum crucis supplicium nonnullos titubasse, alios vero credidisse: *De cruce atque morte ejus conterriti, etiam discipuli, titubarunt, & tamen latro tunc credidit, cum eum non præstantiorem videret in operibus, sed consensio crucis æqualem.* Monet, unum e discipulis Christi ad cicatrices commotum, credidisse: *Unus autem de numero discipulorum post ejus resurrectionem, non jam viventibus membris, quam relucensibus cicatricibus credidit.* Asserit tandem, multos ex eis qui videntes Christi miracula, non crediderant, adductos ad fidem fuisse visis Apostolorum miraculis: *Multi ex eorum numero, a quibus crucifixus est, videntes eum miracula facientem, contempserunt, discipulis eum prædicantibus, & in nomine ejus tanta facientibus, crediderunt.* Sed verba, sed mortuorum suscitatio, sed prædicatio Evangelii, sed cicatrices, aliaque hujusmodi signa, quæ nonnullos, tanquam credibilitatis motiva, ad fidem adduxerunt, vocatio sunt tantum externa: ergo Augustinus in loco, qui nobis objectus est, de vocatione tantum externa loquitur.

3. Idem Augustinus in aliis suis operibus congruam, de qua agitur, vocationem in signis exterioribus reponit, tanquam mediis, quibus Spiritus sanctus usus est, ut fidei viam aliquibus aperiret: *Ut alii* (inquit ep. 99.) *ad salutem suam crederent, alii ad naturam suam non crederent, ipse utique, non in carne, sed in spiritu, veniebat visis congruis alloquens quos volebat, sicut volebat.* In lib. 4. de Trin. cap. 2. sic in eundem scopum loquitur: *Missa sum nobis divinitus. Visa congrua peregrinationis nostræ, quibus admoneremur, non hic esse quod quarimus, sed illuc ad ipsa esse redeundum.*

4. Eandem congruitatem, hæc est, congruam

gruam suadendi movendique vii, pœnis ac supplicis tribuit: *Ista demonstratio potentia Dei* (ait idem S. Doctor lib. 2. ad Simplicianum q. 19.) *Et annuntiatio nominis ejus in universa terra, prodest eis ut timeant, ut vias suas corrigant, quibus vocatio talis Congruit.* Externa illa congruitas, quæ ex signis petitur, est in aliquibus veluti semen, cui Deus ipse postea incrementum confert per interioris gratiæ subministrationem; sed non est ipsamet Christi gratia, per quam (ut Augustinus asserit in lib. de grat. & lib. arb. cap. 15.) *fit, ut sit homo bona voluntatis: cum prius fuerit voluntatis male.* Per hanc etiam fit, ut *ista bona voluntas quæ jam esse capit, augeatur; & tam magna fiat, ut possit divina implere mandata quæ volueris, cum valde, perfectæque volueris:* Unde S. Doctor nullibi in suis operibus illam Christi internam gratiam vocat Congruam.

Respondendum est 2. dato, quod Augustinus libro 1. ad Simplicianum quest. 2. nomine *Vocationis congruæ*, intellexerit vocationem completam, hoc est, tum externam quæ in signis posita est, tum internam quæ in inspiratione luminis & amoris consistit, Congruistæ nullum ex eo loco argumentum pro gratia quæ ad effectus naturales & varias circumstantiis adaptata sit, eruiere possunt. Scilicet non indifferentem, & versatilem vocationem, sed vocationem effectricem fidei ac bonæ voluntatis Augustinus intellexit: eam autem fidei ac bonæ voluntatis effectricem vocationem vocat Congruam, quod congruat, hoc est, per se apta sit superare humanæ voluntatis resistantiam: ad id vero apta est & congruit, quod inspiret suavitatem & delectationem, quæ, cum major sit ac intentior delectatione carnali, concupiscentiam superat ac vincit; ac proinde per se efficax est, seu bonæ voluntatis operativa. In ea responsione duo sunt partes; *Primo*, Augustinum vocationis nomine intellexisse in libro 1. ad Simplicianum q. 2. internam vocationem cum externa conjunctam, & quidem efficacem; *Alteram*, eundem Augustinum Congruistatæ nomine intellexisse internam divinæ gratiæ virtutem, quæ major sit corruptæ voluntatis resistantia. Utraque illa responsionis pars seorsim probanda est.

Primo, Augustinum nomine vocationis intellexisse internam vocationem, & quidem efficacem, sic ostenditur. S. Doct. in lib. 1. ad Simplicianum q. 2. vocationis nomine nihil aliud intelligit, quam quod intelligebat, cum ante Episcopatum errore Semipelagianorum laboraret: Nampe in lib. de prædest. SS. c. 4. scribit, se in quest. 2. libri primi ad Simplicianum retractasse antiquam suam de vocatione ac de initio fidei sententiam: At qui ante Episcopatum nomine vocationis Augustinus intelligebat vocationem externam,

quæ cum gratia versatilei conjuncta, fidei initium præveniret: nam in libro octoginta trium questionum, questione 68. quem errans ante Episcopatum scripsit, sic loquitur; *Quoniam nec velle quisquam potest, nisi admonetur, & vocatur, sive intrinsecus ubi nullus hominum videt, sive extrinsecus per sermonem sonantem, aut per aliqua visibilia, efficitur, ut etiam ipsum velle Deus operetur in nobis:* iis autem verbis, *vocatur intrinsecus, ubi nullus hominum videt*, vocationem internam, hoc est, per interiorē gratiam, intelligi manifestum est; neque enim exterior vocatio fit *intrinsecus, ubi nullus hominum videt*, sed extrinsecus tantum, in externis nimirum sensibus: ergo Augustinus in lib. ad Simplicianum nomine vocationis aliam interiorē gratiam intelligit, quam intelligeret ante suum Episcopatum: Sed non potest esse alia, quam quæ per seipsam sit efficax: hæc enim soli opponitur interiori gratiæ versatilei; ac proinde Augustinus in libro ad Simplicianum, nomine vocationis intellexit vocationem, externam quidem, sed quam aut comitetur, aut immediate subsequatur gratia interior per seipsam efficax. Vide quæ de sententia Augustini Semipeligiani ipsemet scribit in lib. de prædest. Sanct.

Præterea Augustinus in lib. 1. ad Simplicianum loquitur de vocatione, quæ sit effectrix bonæ, etiam inchoatæ, voluntatis, & quam admittunt quicumque ea vocationis specie vocantur. Num 1. loquitur de vocatione, quæ efficit, ut velimus, seu quæ ipsum velle operatur in nobis. *Non ideo* (inquit) *dictum putandum est: Non volentis, neque currentis, sed miserentis est Dei: quia nisi ejus adiutorio non possumus aspicere quod volumus:* (vitam scilicet eternam, ad quam comparandam ipsi Semipeligiani gratiam, etiam efficacem, necessariam esse subbatur; licet ad initium fidei & ad perseverantiam atque in finem, eam non requirerent) *sed ideo potius* (quod ante Episcopatum negaverat) *quia nisi ejus vocatione non volumus, etiam ipsam initium fidei.* 2. Eam, de qua loquitur, vocationem aperte asserit bonæ voluntatis effectricem; ne enim loquatur; *Sed si vocatione ipsa ita est effectrix bonæ voluntatis, ut omnis vocatus tam sequatur, quomodo remaneret, Multi vocati, pauci vero electi?* At vocatione bonæ voluntatis effectrix, & quam omnis vocatus sequitur, non est, ut patet, sola vocatio externa, nec interna versatile, quam Augustinus, dum erraret, admittit: sed est vocatione interna, efficax, & voluntatis determinativa.

Nec est, quod quis dicat, verba quæ mox laudata sunt, objectionem esse, quam sibi Augustinus proponit, ac proinde non continere germanam illius de vocatione sententiam. Nam 1. si sit adversariorum oblectio,

supponit, persuasum illis fuisse, Augustinum nomine vocationis intellexisse vocationem bonæ voluntatis effectricem. 2. Nul- lum est verbum in ea secunda quæst. lib. 1. ad Simplician. quo neget vocationem admit- ti debere, quæ sit effectrix bonæ voluntatis. 3. Post plura quæ in omnem partem variis interrogationibus versat, solvens argumen- tum illud, respondet, vocationem esse Dei misericordis; additque, Deum nullius frustra misereri; ac proinde supponit, vocationem illam, quæ est ex Dei misericordia, semper ita suum effectum habere, ut quisque ea vo- cationis specie vocatus, Deum vocantem se- quatur: *Verum est ergo* (inquit) *Multi vo- cant, pauci vero electi. Illi enim electi qui congruenter* (vocatione effectrice bonæ vo- luntatis) *vocati; illi autem qui non congrue- bant, neque contemperabantur vocationi, non electi, quia non sequuntur, quamvis vocati*, (vo- catione non effectrice bonæ voluntatis). *Pe- rum verum est: Non volentis, neque curren- tis, sed misericordis est Dei, quia etiam si mul- tos vocat, vocatione non effectrice bonæ vo- luntatis, eorum tamen miseretur, quos ita vo- cat quomodo eis vocari aptum est, aptitudine petita ex gratia efficiente bonam volunta- tem, ut sequantur. Falsum est autem, si quis dicit, igitur non misericordis Dei, sed volentis, atque currentis est hominis quia nullius Deus frustra miseretur: vocatio nimirum quæ est secundum propositum, & effectrix bonæ vo- luntatis, nusquam caret suo effectum: Cujus autem miseretur, sic eum vocat, quomodo scit ei congruere: suam scilicet gratiam dispen- sans ad mensuram majoris, aut minoris cu- piditatis, quæ in vocato reperitur, ut vo- cantem non respuat.*

Nec his obstat, quod Augustinus soluta hac difficultate, *Multi vocant, pauci vero ele- cti*, statim meminerit signorum externorum, ad quorum conspectum plures fidem amplexi sunt. Siquidem cetera illa signa viam pa- rant ad vocationem effectricem bonæ volun- tatis; divinæ enim est providentiæ, ita caus- sas omnes ordinare ac disponere, ut ad id conferant, quod æterno suo decreto sibi Deus ipse proposuit.

Alteram responsionis pars, hoc est, Augu- stinum *Congruentis* nomine intellexisse intrin- secam divinæ vocationis virtutem, evidens est supposita prima responsionis parte. Neme- ge si electorum vocatio sit per se effectrix bonæ voluntatis, si eam nemo respuat, si nusquam frustra detur, maxime congruit, hoc est, aptissima est ad superandam corru- ptæ voluntatis resistentiam: ideo autem ad id est apta, quod, cum amor amore pellat- ur, terrenus cælesti, amor cælestis, quem inspirat, major ac intensior sit amore terre- no, quo tanquam lethali visco implicati erant humanæ voluntatis affectus. Vide totum hoc

argumentum fuisse pertractatum apud Anto- nium Massoulié Tom. 2. pag. 200. libri quem inscripsit, *S. Thomas sui interpres*.

Objicies 2. Sanctus Augustinus lib. 1. ad Simplicianum quæst. 2. docet, committi nobis gratiæ ad fidem vocanti consensum, cum e contra ipse donet nobis opera alia, per quæ vitam æternam promercamur. *Aliter* (in- quit) *Deus præstat ut velimus: aliter præstat, quod veluerimus. Ut velimus enim, & suum esse voluit & nostrum: suum vocando, nostrum secundo. Quod autem voluerimus, solus præ- stat, id est, posse bene agere & semper beate vivere; ergo Augustinus, saltem quoad ini- tium fidei, efficaciam gratiæ repetit ex hu- manæ voluntatis consensu.*

Resp. conc. ant. dist. conseq. Augustinus, ante episcopatum Semipelagianus, conc. ant. post episcopatum Catholicus, neg. ant. Ver- ba, de quibus est quæstio, sunt argumentum quod Augustinus quæst. 2. libri primi ad Sim- plicianum sibi obicit, quodve statim sic sol- vit: *Noverit enim* (inquit) *Deum sibi præsti- tisse, ut crederet, qui miseretur inspirando fi- dem cujus miseretur est, ut adhuc infideli vo- cationem impertiret. Jam enim discernitur fidelis ab impio. Quod enim habes quod non accepisti? quid gloriaris quasi non acceperis?* Solutioni a se data statim opponit suam antiquam ad lau- data Apostoli verba interpretationem; sed eam rejicit: sic enim loquitur: *Illa etiam ver- ba si diligenter attendas. Igitur non est volen- tis, neque currentis, sed misericordis est Dei: non hoc Apostolus propterea tantum dixisse vi- debitur, quod adjutorio Dei ad id quod volumus perveniamus, sed etiam ex illa intentione, qua & alio loco dicit, Cum timore & tremore ve- stram salutem operamini: Deus vultus est qui o- peratur in nobis velle & operari pro bona vo- luntate: Ubi satis ostendit etiam ipsam bonam voluntatem in nobis operante Deo fieri: non sola vocatione cum gratia versatili præce- dente, ut ante suum episcopatum senserat, sed auxilio interiore efficaci, quo Deus fa- cit, ut velimus: *Illud autem* (ait de hac an- tiqua sua sententia) *misericordia Dei sola non sufficit, nisi, credendo adjuti gratia versatili, consensus nostra voluntatis addatur, loquens, nescio quomodo dicatur, frustra Deum misere- ri, nisi nos velimus. Si enim Deus miseretur, ergo jam volumus: ad eandem quippe misericor- diam pertinet, ut velimus. Deus est enim qui operatur in nobis & velle, & operari.**

Solvuntur quadam alia S. Augustini loca.

Objicies 1. S. Augustinus in libro de spi- ritu & littera, c. 33. sic loquitur: *Liberum arbitrium naturaliter attributum a creatore a- nima rationali, illa media vis est, qua vel intendit ad fidem, vel inclinatur ad infidelita- tem potest. Et ideo nec istam voluntatem qua*

credit Deo, dici potest homo habere, quam non acceperit; quandoquidem vocante Deo, surgit de libero arbitrio, quod naturaliter; cum crearetur, accepit. Unde sic arguitur: Ea in loco S. Augustinus asserit, voluntatem, qua homo credit Deo vocanti per interiori gratiam, surgere de libero arbitrio: ergo censet, vocationem per gratiam interiori esse efficacem dependentem ab ipsius liberi arbitrii consensu.

Resp. dist. conseq. Augustinus Pelagianorum nomine asserit, voluntatem, qua homo credit Deo, de libero arbitrio surgere, eadem conseq. nomine proprio, neg. conseq. Verba, quae nobis obijciuntur, argumentum sunt, quod sibi ipsi Augustinus obijcit. Nimirum hanc sibi quaestionem initio c. 31. libri de Spiritu & litt. proposuerat: Sed consequens est paululum querere, utrum voluntas illa, qua credimus, etiam ipsa Dei donum sit, an ex illo naturaliter infuso adhibeatur arbitrio. Eam verosimiliter solverat: Si dixerimus, eam non esse donum Dei, metuendum est, ne existimemus, invenisse nos aliquod, quod Apostolo increpanti & dicenti, Quid enim habetis quod non accepistis? respondere possimus; Et habemus bonam voluntatem credendi quam non accepimus. Post solutam illam quaestionem obijcit sibi Pelagianorum, aut saltem Semipelagianorum responsionem, in eo positam, quod liberum arbitrium, de quo surgit, ut Deo vocante, per gratiam versatilem credamus, a Deo acceperimus, neque salvari Apostolicam sententiam: Quis enim habet, quod non accepisti? Eam vero Pelagianorum, aut Semipelagianorum responsionem cap. 34. libri de Spiritu & litt. hinc verbis confutat: Si autem responderetur, quod respondebant adversarii quos impugnat, cavendum esse, ne quisquam Deo tribuendum putet peccatum, quod admittitur per liberum arbitrium, si in eo quod dicitur: Quis habet quod non accepisti? propterea etiam voluntas, qua credimus, dono Dei tribuitur, quia de libero surgit arbitrio, quod, cum crederemur, accepimus.

Obijcies 2. Augustinus lib. 12. de Civ. Dei, c. 6. docet fieri posse, ut ex duobus hominibus eadem tentatione vexatis, unus gratiae consentiat, alter vero minime consentiat: at diversitas illa ex alio capite oriri non potest, quam aut ex libero arbitrio, aut ex gratia congrua, quae uni datur, non autem alteri, hoc est, ex gratia attemperata naturali dispositioni, & minime attemperata alterius naturali dispositioni: ergo, &c. Probatum maj. ipsius Augustini verbis: Si enim (inquit) aliqui aut aequaliter affecti animo & corpore, videant unius corporis pulcritudinem, qua visa unus eorum ad illicite perfruendum moveatur, alter in voluntate pudica sibi sibi perseveret, quid poterimus esse causa, ut in illo fiat, in illo non

fiat voluntas mala? Idem paullo inferius hoc alio exemplo docet: Si eadem tentatione ambo tententur, & unus ei cedat atque consentiat, alter idem qui fuerat, perseveret, quid aliud apparet, nisi unum voluisse, alterum noluisse a castitate deficere? Unde nisi a propria voluntate, ubi eadem fuerat in utroque corporis & animi affectio?

Resp. 1. conc. maj. dist. min. Sed diversitas illa ex alio proximo capite oriri non potest, quam ex consensu unius & dissensu alterius, conc. min. ex alio capite remoto, neg. min. Equidem utriusque illius hominis, de quo loquitur Augustinus, diversitas oritur proxime ex consensu unius & dissensu alterius: scilicet liberum arbitrium est causa proxima, sive bonae, sive malae voluntatis: sed idem liberum arbitrium, licet sit adaequata, & tum remota, tum proxima causa malae voluntatis, non est tamen adaequata, tum remota, tum proxima causa bonae voluntatis: Unde cum idem Sanctus Doctor asserit, nasci eam ex libero arbitrio, non excludit causam aliam superiorem, gratiam nimirum efficacem, quae sit prima & efficiens causa discretionis hominis stantis ab homine qui labitur.

Confirmatur illa responsio ex loquendi modo quo Sanctus Augustinus utitur in operibus, in quibus ex professo differit de necessitate & de modo operandi gratiae; scilicet in libro de praedestinatione Sanctorum cap. 5. asserit, credere vel non credere esse in hominis potestate. Non quia (inquit credere vel non credere, non est in arbitrio voluntatis humanae: ne quis tamen in Semipelagianorum gratiam eo loquendi modo abuteretur, statim ulteriorem causam, cur quis credat, refundit in efficacem Dei gratiam. Sed in electis (ait) preparatur voluntas a Domino. Ideo ad ipsam quoque fidem, quae in voluntate est, tamquam in causa proxima, pertinet: Quis enim te discerneris? Quid autem habet, quod non accepisti? Eodem loquendi modo utitur ejusdem libri cap. 6. ubi cum sibi objecisset: Multi audiunt verbum veritatis, sed alii credunt, alii contradicunt; Volunt ergo isti credere, nolunt autem illi: respondet: Quis hoc ignoret? quis hoc neget? sed cum aliis preparatur voluntas a Domino, discernendum est utique, quod veniat de misericordia ejus, quid de judicio. Paullo post haec etiam habet: Et tamen illi, quia voluerunt, crediderunt; illi, quia noluerunt, non crediderunt. Hujus autem discretionis primam causam hinc verbis statim exponit: Misericordia loquitur & judicium in ipsi voluntatibus facta sunt. Electis quippe ista gratia est.

Si autem quis roget, cur Augustinus c. 6. l. 12. de civit. Dei siluerit de prima illa discretionis causa, & proximam tantum laudaverit,

daverit, respondendum erit, S. Doctorem in eo capite ex professo non tractare questionem de gratia, sed tantum questionem de causa mali; ac proinde satis ei fuit asserere, creatorem non esse causam mali, sed ipsam solam creatam voluntatem, quæ cum in bona voluntate condita fuisset, facta est mala per proprium liberum arbitrium, per quod (adjutum tamen gratia versatili, quæ nusquam Adamo innocenti defuit) potuit in illa, quam acceperat, bona voluntate perseverare: *Ut sit aliquis (inquit) inquirendi modus, causam primam mala voluntatis inquire.*

Respondent 2. aliqui hypothese Augustini intelligi non debere in statu naturæ lapsæ, sed in statu naturæ innocentis. Ratio est 1. quia eo in loco tentationem eam non adscribit internæ concupiscentiæ, cui tamen omnes hominis lapsi tentationes solet adscribere. 2. Loquitur de voluntate quæ nullo adhuc vitio commaculata fuerit: ac proinde mirum non est, si in illa hypothese discretionem ejus, qui externæ tentationi non consentit, libero arbitrio adscribat: nempe uterque ex duobus illis tentatis æqualem gratiam, versatilem nimirum, habuit.

1. Sed ne verbum quidem est eo in loco de statu naturæ innocentis. Nec obstat, quod loquatur de voluntate quæ sit sine peccato: siquidem id locum habet in aliquibus justis, saltem per breve aliquod tempus. 2. Tentationem de qua loquitur, vocat occultam; at occulta tentatio non ex alio nascitur, quam ex concupiscentia; externa enim oritur ex objecto.

Obijcies 3. S. Augustinus pluries in suis operibus asserit, consentire & dissentire, velle & nolle, esse propria humanæ voluntatis, esse nostra; habere Dei dona, esse accipientis & habentis: sic enim loquitur lib. de spiritu & lit. c. 34. *Visorum suasionibus agit Deus ut velimus, & ut credamus... sed consentire vel dissentire, propriæ voluntatis est... Consentire vocationi Dei, vel ab ea dissentire, sicut dicit, propriæ voluntatis est.* Sic etiam libro de gratia & libero arbitrio c. 3. *Velle & nolle, propriæ voluntatis est.* Unde sic argumentum conficitur: Si gratia suam efficaciam a voluntatis consensu non acciperet, immerito Augustinus toties asseruisset, consentire Dei vocationi, vel non consentire, propriæ voluntatis esse: is enim loquendi modus innuere videtur, vocationem non determinare voluntatem, sed e contra vocationem a voluntate determinari: ergo, &c.

Resp. ad 1. neg. ant. Ad 2. neg. pariter ant. Ille enim loquendi modi nihil aliud significant, quam liberum arbitrium non tolli per gratiam, quantumcumque sit efficax: nempe gratia non impedit, ne consentiamus Deo vocanti, sed e contra facit, ut illi voluntas consentiat. *Certum est (inquit Aug. lib. de*

gratia & libero arbitrio cap. 16.) *nos velle cum volumus, sed ille facit, ut velimus bonum... Ille facit, ut faciamus, cui dicit homo, Pone, Domine, custodiam ori meo, hoc est enim dicere: Fac ut ponam custodiam ori meo.*

Confirmatur responsio ex eo, quod iis locis ubi S. Doctor asserit, velle & nolle, consentire & non consentire, esse propriæ voluntatis, ex professo probare intendat, liberum arbitrium stare cum operatione gratiæ: in eum enim finem scripsit librum de gratia & libero arbitrio: in eundem quoque finem sapius illum loquendi modum usurpat, in suis contra Massilienses operibus. Nempe contendebant isti, Augustiniano de gratia systemate tolli liberum arbitrium, induci inextinguibile situm, inveni damnum ab Ecclesia Manichæismum. Itaque opus bonum, & nostrum est, quia Deo cooperamur, & Dei est, qui efficit, ut cooperemur. *Utrumque ergo, credere & operari, nostrum est (ait Sanctus Doctor libro 1. Retract. c. 24.) propter arbitrium voluntatis; & utrumque tamen datum est per spiritum fidei & caritatis.* Tandem ex phrasibus quæ nobis obijciuntur, sensum habent verum, siue gratia voluntatem determinet ad operandum bonum, siue voluntas gratiam determinet: unde Augustinus siue de statu naturæ lapsæ disputet, siue de statu naturæ innocentis, iis utitur, licet contendat, gratiam in eo duplici statu differre secundum diversum operandi modum.

§. III.

Utrum efficacia gratia peti debeat ex intrinseco illius operandi modo.

Nor. Status questionis est, utram gratia efficax posita sit in operatione divina, quæ proprie, efficienter, physice, operetur in nobis quemlibet veræ pietatis actum, ita ut moveat, flectat, determinet voluntatem ad operandum bonum, ea ferme ratione, quæ homo sanitate fruens, alium hominem qui fractis est cruribus, proprie, efficienter, physice ad ambulandum determinat. Affirmativam sententiam Thomistæ omnes propugnant, negativam vero ii theologi, quorum doctrinam duobus præcedentibus paragraphis confutavimus.

CONCLUSIO. Gratia in statu naturæ lapsæ est efficax ab intrinseco in operandi modo, hoc est, proprie, efficienter, physice determinat voluntatem ad operandum bonum. Idque probari potest ex Scriptura, ex orationibus Ecclesiæ, ex defini-tionibus gratiæ, ex dati naturæ stanti ætæternæ distinctione ab adjutorio dato naturæ lapsæ.

Proferunt argumentum ex Scriptura peti-tum.

Probat ex Scripturis, quæ docent 1. Deum facere, ut faciamus: *Dabo vobis cor car-*
num

neum (ait Deus ipse Ezechielis 36.) & faciam ut in præceptis meis ambuletis & iudicia mea custodiat. Docent 2. Deum in nobis operari velle & perficere: Cum timore & tremore (ait Apostolus ad Philipp. 2.) vestram salutem operamini: Deus est enim qui operatur in vobis velle & perficere pro bona voluntate, hoc est, per gratiam quam ex mero suo beneplacito largitur. Docent 3. eos qui sunt filii Dei, agi ipso Dei spiritu: Qui spiritu Dei aguntur (ait Apostolus ad Rom. 8.) hi filii Dei sunt.

Ex ea autem Scripturarum doctrina sic conficitur argumentum. Admitti debet gratia quæ facit ut faciamus; quæ in nobis operatur velle, & perficere; per quam filii Dei aguntur: atqui gratia quæ facit ut faciamus; quæ in nobis operatur velle, & perficere; per quam filii Dei aguntur, est efficax ab intrinseco, hoc est, efficienter & physice determinat voluntatem ad operandum bonum: ergo &c. Probatur min. Primo, eam gratiam esse efficacem, evidens est, cum ad actum secundum reducat, seu actu operetur. 2. Eam gratiam esse efficacem ab intrinseco, colligitur ex eo, quod Scriptura illi vim agendi tribuat independentem ab aliqua extrinseca conditione, hoc est, independentem ab humanæ voluntatis consensu; neque enim cum de gratiæ efficacia loquitur, meminit alicujus conditionis, quæ se ex parte nostra teneat, sed absolute de ea dicitur, quod faciat ut faciamus; quod operetur velle & perficere; quod per eam filii Dei agantur. 3. Eam gratiam ab intrinseco efficacem, physice determinare voluntatem, patet ex eo quod determinatio moralis non sit determinatio proprie dicta, sed metaphorica tantum, quæ legi, doctrinæ, ipsis etiam sacris codicibus, convenit, juxta illud Augustini in libro de gratia Christi c. x. ubi sic loquitur: Ad doctrinam pertinet cum suadetur omne quod bonum est. Et si inter docere, & suadere, vel potius exhortari, diffare aliquid videtur, etiam hac tamen doctrina generalitate includitur, quæ quibuscumque sermonibus, vel litteris continetur. Nam & sancta Scriptura, & docent, & exhortantur: & potest esse in docendo, & exhortando etiam hominis operatio.

Confirmatur argumentum auctoritate Patrum. In his Scripturæ verbis: Faciam ut in præceptis meis ambuletis, Deus absolute, & sine conditione iis qui per fidem futuri erant Abraham filii, promittit pietatis opera: atqui quæ Deus absolute & sine conditione promittit, prævie & physice operatur; alioquin enim proprie non promitteret, sed potius prædiceret, Augustini est illud argumentum: sic enim loquitur in libro de spiritu & lit. c. 24. Hoc enim Deus promittit, quod ipse facit: Non enim ipse promittit & alius facit, quod jam non est promittere, sed præcedere.

Utitur eodem argumento in libro de prædestinatione Sanctorum cap. 10. ubi hæc ait: Deus non de nostræ voluntatis potestate, sed de sua prædestinatione promittit: promittit enim quod ipse facturum erat, non quod homines; quia etsi faciunt homines bona quæ pertinent ad colendum Deum, ipse facit, ut illi faciant, quæ præcipit; non illi faciunt, ut ipse faciat, quæ promittit; alioquin ut Dei promissa compleantur, non in Dei, sed hominum est potestate. Si autem Deus expectet nostræ voluntatis consensum, ut physice agat in nobis opera bona, homines faciunt ut ipse faciat, promittit non de sua prædestinatione, sed de nostræ voluntatis potestate; promittit non quæ ipse facturum erat, sed quod homines: quod tamen negat Augustinus. Idem S. Doctor ponderans Ezechielis verba quæ laudavimus, Faciam ut in præceptis meis ambuletis, sic loquitur in libro de gratia & libero arbitrio capite 16. Ille facit ut faciamus, præbendo vires efficacissimas voluntati nostræ, qui dicit: Faciam ut in justificationibus meis ambuletis; at moralis determinatio non præbet vires efficacissimas: ergo in laudatis Prophetæ verbis Deus pollicitus est hominibus physicam voluntatis determinationem.

Idem S. Augustinus, exponens quæ laudavimus Apostoli verba, Qui spiritu Dei aguntur, hi filii Dei sunt: hæc scribit in libro de correptione & gratia cap. 2. Intelligent, si filii Dei sunt, spiritu Dei se agi, ut, quod agendum est, agant: aguntur enim ut agent, non ut ipsi nihil agant. In ea S. Doctoris sententia maxime ponderandum est verbum illud, Aguntur; nempe significat præviā determinationem: aguntur ut agent; & præterea significat etiam præviā determinationem physicam, cum (ut jam observatum est) agi moraliter non sit agi proprie, sed metaphorice tantum: unde de diabolo, qui moraliter movet ad malum; nusquam dictum est, quod ab eo agantur ut agent, qui sunt ejus filii; ac præterea si de motione tantum morali verba illa intelligerentur, cur Pelagianis & Semipelagianis fuerunt offendiculo? putarunt enim, cum iis libertatem coherere non posse, ut fusc diceretur inferius.

Tandem Pelagius laudata hæc ex Apostolo verba; Operatur velle & perficere, explicuit de motione morali: Operatur (inquit apud Augustinum in libro de gratia Christi c. 10.) in nobis velle quod bonum est, velle quod futurum est, dum nos terrenis cupiditatibus deditos, & multorum more animalium tantummodo presentia diligenter, futura gloriæ magnitudinem & premiorum sollicitatione succendit, dum revelatione sapientiæ in desiderium Dei supentem suscitavit voluntatem, dum nobis suadet omne quod bonum est. Sed Augustinus judicavit, id non satis esse, ut Pelagius catholicus haberetur. Quid (ait ibidem) manifestius,

festus; nihil aliud cum dicere gratiam; qua Deus operatur in nobis velle quod bonum est, quam Legem atque Doctrinam? Totum ejusdem libri caput decimum legendum est, ut intelligatur, apud Augustinum satis non fuisse motionem illam moralem, quæ in interna etiam suasionem & excitationem posita est.

Profertur argumentum petiti ex orationibus Ecclesiæ.

Ecclesiæ in suis orationibus a Deo petit gratiam per se, ex natura sua, & ab intrinseco efficacem: ergo gratia est per se, ex natura sua, & ab intrinseco efficax. Consequens est evidens. Nam 1. Ecclesiæ, cum sit columna, & firmamentum veritatis, non potest errare, cum docet quam sint ad salutem necessaria, & quæ ad praxim reducenda. 2. Apud Patres (ut videre est in capitulo 21. ex iis quæ subjiciuntur Epistolæ Cælestini apud Gallicanos Episcopos) immota est sententia, *Ut legem credendi lex statuas supplicandi*. 3. Eo argumento non semel contra Pelagianos & Semipelagianos usus est Augustinus, ut gratiæ tum necessitatem, tum operandi modum assereret: *Si ergo* (inquit in lib. de dono perseverantiæ cap. 7.) *alia documenta, non essent, hæc Dominica oratio, nobis ad causam gratiæ, quam defendimus, sola sufficeret*. Sic etiam loquitur in libro de prædestinatione Sanctorum cap. 24. *Frequenter orationibus orationum frequenter apparebat Dei gratia quid vleret*.

Itaque probatur ant. Ecclesiæ in suis orationibus petit, ut gratia bonam voluntatem in nobis operetur; ut liberum arbitrium actu bonum eligit; ut voluntas Deo moventi consentiat; ut non tantum possit, sed etiam revera agat; petit gratiam quæ faciat facere, quæ singulos pietatis actus in nobis efficiat: Sed gratia quæ ipsam bonam voluntatem operatur, quæ efficit ipsam boni electionem, ipsum voluntatis consensum, ipsummet agere; quæ facit facere, quæ singulos pietatis actus in nobis efficit, est gratia per se, ex natura sua, ab intrinseco efficax: ergo Ecclesiæ in suis orationibus petit gratiam per se, ex natura sua, ab intrinseco efficacem.

Major argumenti propositio ostenditur ex Augustino qui Epistola ad Vitalem observat 1. Ecclesiæ pro infidelibus orare, ut credant. Observat 2. petere eam a Deo, ut catechumenis baptismi desiderium inspiret, ut iustis perseverantiam largiatur. Observat 3. in libro de peccat. meritis, cap. 6. Ecclesiæ in suis orationibus a Deo petere omnes omnino virtutum actus; observationem omnium quæ præcipit; omnem in omnibus obedientiam: Unde sic arguitur. Infidelis gratia jam excitatus, petit consensum fidei quæ prædicatur; Catechumenus jam gratia

præventus, petit, ut obediat præcepto quo baptizari jubetur; Iustus gratia actuali mortuus, petit, ut præcepto quo perseverare jubetur, obtemperet; Fideles, etiam sub auxilio gratiæ constituti, petunt a Deo, ut det, quod ipse jubet: *Da quod jubet: ergo petunt boni, ad quod excitantur, electionem: ut gratiæ qua moventur, consensum præbeant, auxilii quo præveniuntur, acceptionem; cum illa electio, ille consensus, illa acceptatio, præcipiantur.*

Eadem argumenti major propositio ostenditur ex precum formulis quibus utitur Ecclesiæ. Dominica 4. post Pascha oratione 1. sic Deum alloquitur, *Da populi tui id amare quod præcipis, id desiderare quod promittis*. Dominica 5. oratione 1. *Largire supplicibus tuis, ut cogitemus te inspirante, qua recta sunt, & te gubernante eadem faciamus*. In vigilia Pentecostes oratione 1. *Concede nobis, & nostra voluntatis pravitatem frangere, & tuorum præceptorum rectitudinem in omnibus adimplere*. Dominica 9. post Pentecosten orat. 1. *Fac eis, quæ tibi sunt placita, postulare*. Dominica 12. *Tribue quasumus, ut ad promissiones tuas sine offensione curramus*. Dominica 13. *Fac nos amare quod præcipis*. Dominica 17. orat. 1. *Da populo tuo diabolica vitare contagia, & te solum Deum puro mente sectari*. Domin. 19. orat. ult. *Tua medicinalis operatio tuis semper faciat inbarere mandatis*. Dominica 20. orat. ult. *Fac nos, quasumus, tuis semper obedire mandatis*. Domin. 23. orat. secret. *Ut quod immerito consulisti, propitius exequaris*. Domin. 24. orat. secr. *Omnium nostrum ad te corda converte, ut a terrenis cupiditatibus liberati, ad celestia desideria transeamus*.

Ecclesiæ (ut ex laudatis formulis patet) a Deo petit non tantum posse, sed ipsum etiam agere; non tantum potentiam ad observandum mandata, sed actualem ipsorum observationem; non solum possibilitatem amoris divini, sed ipsum amoris actum; non modo potentiam conversionis, sed ipsam etiam actualem conversionem: ergo petit quoque electionem boni, gratiæ consensum, acceptionem auxilii; illa enim electio, ille consensus, illa acceptatio, in ipso agere, in ipsa mandatorum observatione, in amore actuali, in ipsa conversione includuntur. Itaque evidens est major propositio syllogismi, quem in nostræ conclusionis defensionem protulimus. Vide argumentum illud in Mandato Eminentissimi Cardinalis de noailles, quod ad hujus Tomi calcem describemus, solidissime explicatum.

Minor non minus est certa, seu non minus constat, gratiam quæ ipsam bonam voluntatem operatur; quæ efficit ipsam boni electionem: quæ præstat ipsum voluntatis consensum; quæ subministrat acceptionem gratiæ;

tiæ; quæ facit, ut faciamus, esse gratiam per se, ex natura sua efficacem. Non per gratiam, cuius efficacia non dependet ab electione, ac acceptatione liberi arbitrii, est per se, & ex natura sua efficax: sed gratia quam Ecclesia in suis orationibus a Deo petit ad singulos pietatis actus, nullo modo pendet ab electione, ab acceptatione, a consensu liberi arbitrii: Nam 1. gratia illa (ut probatum est) efficit electionem, acceptationem, consensum liberi arbitrii: ergo ab eo non pendet. 2. Cum fideles gratiam a Deo petunt, ipsammet electionem (ut ostensum est) ipsam acceptationem, ipsum consensum petunt: ergo supponunt, ea non esse a nobis gratiam determinantibus, sed ab ipsa gratia determinante: nempe infortia est petitio rei, quæ est in nostra potestate, seu quæ est a nobis tamquam a causa determinante. *Non fallamus homines, nam Deum fallere non valeamus* (inquit Augustinus in Epistola ad Vitalem): *Proorsus non oramus Deum, sed orare fingimus, si nos ipsos, non illum, credimus facere quod oramus*: aut (ut idem S. Doctor ait lib. 2. de peccatorum meritis cap. 6.) *Qui autem optat, quod in potestate sit habet, ut ad faciendum nullo indigeat adiumento?* Propter eam rationem nullus homo, qui corporea sanitate fruatur, Deum rogat, ut eleuet manum, pedem moveat, oculos aperiat, quia jam scit se vires ad id agendum habere: si vero oculus humore aliquo infectus sit, si pes podagra laboret, tunc homo Deum rogat, ut vires subministret, quibus iis naturæ officiis perfungatur.

Profertur argumentum petatum ex gratia efficacis definitionibus.

Ea gratia est per se efficax, cui a SS. Patribus tribuuntur definitiones, quæ soli gratiæ per se efficaci conveniunt: atqui a SS. Patribus gratiæ efficaci tribuuntur definitiones quæ conveniunt soli gratiæ per se efficaci: ergo gratia est per se efficax. Minor propositio subsequentiis momentis ex Augustino desumptis ostenditur.

In libro de gratia Christi, definitur, gratia quæ non solum posse, sed ipsum etiam velle & agere in nobis operatur. *Non ait: Deus est, qui operatur in vobis pascit: tamquam ipsi jam velle & operari per se ipsos habeant: sed ait, Deus enim est, qui operatur in vobis & velle & perficere.* Eiusdem libri cap. 6. dicitur ardor dilectionis: *Sic vult homo, ut tamen ejus voluntatis Deus ardorem dilectionis inspiret.* Cap. 10. definitur, ea qua futura gloria magnitudo creditur, speratur, amatur, qua nec suadetur solum omne, quod bonum est, verum & per sua detur Cap. 13. ea est, quam alius & magis vius Deus cum ineffabili suavitate creditur

infundere, ita ut non ostendat tantummodo veritatem, verum etiam imperat caritatem. Ea est, per quam Deus docet eos, qui secundum propositum vocati sunt, simul donans, & quid agant scire, & quod sciunt, agere. Ea est, per quam fit, ut non sit terribile, sed suave mandatum.

Eiusdem libri cap. 14. dicitur ea esse, per quam omnis qui audivit a Patre, & didicit, ad eum venit: *Ac per hoc quando Deus docet, non per legis litteram, sed per spiritum gratiam, ita docet, ut quod quisque didicerit, non tantum cognoscendo videat, sed etiam volendo appetat, agendoque perficiat.* Ea est, per quam & possibilitatis profectus, & voluntatis affectus, & actionis effectus est. Cap. 24. ea est, per quam Deus interna atque occulta, mirabili, atque ineffabili potestate operatur in cordibus hominum, non solum veras revelationes, sed etiam bonas voluntates.

Capite 25. Ea est, quam Apostolus petit, cum ait, orare se ad Deum pro eis, ad quos scribebat, ne quid mali faciant, & ut quod bonum est, faciant: *Non enim, ait, eram, ut possitis nihil mali facere, sed ne quid faciatis mali, nec ut possitis bonum facere, sed bonum faciatis.* Cap. 26. Ea est, per quam caritas Dei diffunditur in cordibus nostris per Spiritum Sanctum, qui datus est nobis, ita ut omnino nihil boni sine illa, quod ad pietatem pertinet, veramque iustitiam, fieri posse Pelagius non dubitet.

Capite 33. Ea est, per quam datur non spiritus timoris, sed caritatis: *Nos autem illam gratiam in eorum confessione requirimus, de qua dicit Apostolus: Non enim dedit nobis Deus spiritum timoris, sed virtutis, & caritatis, & obedientie.* Cap. 34. Ea est, per quam ipsa voluntas & alio subministratione Sancti Spiritus adjuvatur. Cap. 35. definitur adiutorium bene agendi adiutorium natura atque doctrina, per inspirationem flagrantissimam & luminosissimam caritatis. Ex iis gratiæ efficacis definitionibus ab Augustino traditis sic conficitur argumentum. Ea gratia est per se efficax, quæ operatur determinationem humanæ voluntatis ad bonum: atqui gratia cui allatæ definitiones conveniunt, operatur determinationem humanæ voluntatis: nempe determinatio humanæ voluntatis, est volitio & executio boni, est boni dilectio, est inchoata saltem caritas, est suavitas mandati, est desiderium & executio boni, quod voluntas a Patre didicit, est fructus orationis, est virtus caritatis & obedientiæ, est voluntas & actio subministratione Spiritus adjuncta, est flagrantissima, & luminosissima caritas: Atqui (ut patet ex laudatis definitionibus) Deus operatur volitionem, & executionem boni: dilectionem: caritatem etiam inchoatam: sua-

suavitatem mandati; desiderium & perfectionem boni, quod voluntas a Patre didicit; fructum orationis, virtutum caritatis & obedientie, actionem & voluntatem subministratione Spiritus adiutam, flagrantissimam & luminosissimam caritatem: ergo Deus operatur ipsam voluntatis determinationem, ac proinde non gratia a voluntate, sed voluntas a gratia determinatur; gratia non est efficax dependenter a consensu voluntatis, sed potius ipse consensus existit dependenter a gratia, tamquam a causa efficiente & determinante.

Profertur argumentum ex variis Augustini principiiis petitur.

Not. S. Augustinus in suis adversus gratiæ inimicos operibus plura profert principia, ex quibus invicte sequitur, gratiam esse per se, ex natura sua, ab intrinseco, efficacem. De iis principiiis nonnulla hic a nobis dicenda sunt.

S. Doctor asserit 1. gratiam esse efficacem: *Si enim* (inquit in lib. de prædest. Sanct. cap. 8.) *omnis qui audit a Patre, & didicit, & venit; profecto omnis qui non venit, non audit a Patre, nec didicit: nam si audivisset & didicisset, veniret.*

Asserit 2. gratiam esse præviā, non pedissequā: contendit enim, eam suum effectum habere, non quia volumus, sed e contra nos velle, quia operatur ut velimus: *Quæstio* (inquit in epistola ad Vitalem) *quæ inter nos agitur, est utrum hac gratia, quoad effectum, præcedat, an subsequatur hominis voluntatem; hoc est, ut plenius id eloquar, utrum ideo nobis detur, quia volumus, an per ipsam etiam Deus efficiat, ut velimus.* Unde lib. 1. ad Simplicianum q. 2. gratia dicitur, *vocatio ha effectrix bonæ voluntatis, ut omnis eam vocatus sequatur.*

Asserit 3. certum & infallibilem esse effectum ad quem movet & excitat voluntatem. *Subventum est igitur* (inquit lib. de corrept. & grat. c. 12.) *infirmitati voluntatis humanæ, ut divina gratia indeclinabiliter & insuperabiliter ageretur; & ideo quamvis infirma, non tamen deficeret, neque adversitate aliqua vinceretur... infirmis servavit Deus, ut ipso donante, inviolabilissimo quod bonum est, vellent, & hoc desecere inviolabilissimo nolent.*

Asserit 4. gratiam facere, ut faciamus. *Certum est* (inquit in libro de gratia & libero arbit. c. 21.) *nos facere cum facimus, sed ille facit ut faciamus, præbendo vires efficacissimas voluntati, qui dicit: Faciam ut in justificationibus meis ambuletis. Cum dicit: Faciam, ut faciatis, quid aliud dixit, nisi, auferam a vobis cor lapideum, unde non faciebatis, & dabo cor carneum, unde faciatis?* Addit, ab omni ipotente Deo hominem miris

modis trahi: *Trahitur ergo* (lib. 1. ad Bonifacium cap. 19.) *miris modis ut velit, ab illo qui novit intus in ipsi hominum cordibus operari, non ut homines, quod fieri non potest, nolentes credant, sed ut volentes ex volentibus fiant.*

Asserit 5. divinæ gratiæ efficaciam oriri ab omnipotentia Dei, & a dominio, quod ipse Deus habet in voluntates hominum, sicut in cetera omnia quæ sub cælo sunt: *Sine dubio* (inquit August. lib. de corrept. & gratia, c. 14.) *habens humanorum cordum quo placeret inclinandum omnipotentissimam potestatem.*

Ex iis autem principiiis duplex argumentum conficitur. Si revera (quod negant adversarii) persuasum fuisset Augustino, gratiam esse per se, ex natura sua, ab intrinseco efficacem, aliis terminis uti non potuisset, quam iis quibus usus est. Asseruit enim, gratiam esse efficacem; certo & infallibiliter consequi effectum, ad quem movet; facere eam, & quidem præbendo vires efficacissimas, ut faciamus; operari eam intus in cordibus hominum; vim suam haurire ab omnipotentissima Dei voluntate.

E contra si Augustinus non censuisset, gratiam esse efficacem ab intrinseco, iis quibus usus est terminis, saltem sine addita aliqua explicatione uti non potuisset. Nempe gratia non foret, saltem quoad usum, præviā, sed pedissequa voluntatis: eam enim ex se (ut volunt adversarii) indifferenter ad usum, aut non usum, voluntas ad usum determinaret. Effectus ad quem movet, consensus nimirum voluntatis, non semper contingeret, & revera non contingere semper fatetur laxior Ludovici Molinae sententia: & licet verbo tenus id negent Congruistæ, re ipsa tamen affirmant: quæ enim moraliter tantum movent, suadendo nimirum & excitando per objecti propositionem, nonnunquam effectum habent, nonnunquam etiam eo frustrantur. Gratia intus in humano corde non operaretur: nempe moralis motio se tenet ex parte objecti, non autem ex parte subjecti quod movetur, seu proponit objectum, sed physice non omnipotentissima Dei voluntate; neque enim infinita potestate, sed sapientia tantum opus est ad movendam moraliter voluntatem: siquidem motio moralis nihil aliud est, quam propositio objecti iis dotibus vestiti, quæ voluntatem ad objecti propositi amorem alligere possunt.

Tanti momenti pro causa gratiæ per se efficacis visum est illud argumentum in Congregationibus de Auxiliis, ut qui illi adversantur, negandum duxerint, efficaciam gratiæ peti debere ex omnipotentissima Dei voluntate: contra quod tamen expresse docuerat Augustinus, ut in prima Congregatione sub Paulo V. habita die 20. Septembris anni 1605. demonstravit Thomas de Lemos, qui in iis

in iis Congregationibus causam egit Dominicanorum, protulitque præter textus a nobis ex Augustino laudatos, alium in quo idem Sanctus Doctor asserit, quod *Paulus cum efficacissima voluntate converteretur, gratia Dei erat sola*; hoc est, præveniens, & efficiens Pauli consensum, seu ad illum determinans. Innumeri sunt alii apud Augustinum textus, quibus illud Thomæ de Lemos responsum confirmari potest: quoties enim S. Doctor de virtute gratiæ disserit, semper eam repetit, non ex voluntatis consensu gratiam determinantis, sed ex omnipotentissima Dei voluntate. Vide pag. 179. & seq.

Proferetur argumentum petatum ex divisione adjutorii in adjutorium sine quo, & adjutorium quo.

Sanctus Augustinus in libro de correptione & gratia duplex adjutorium distinxit, adjutorium sine quo, & adjutorium quo. Item (inquit cap. 12.) ipsa adjutoria distinguenda sunt: Aliud est adjutorium sine quo aliquid non fit, & aliud est adjutorium quo aliquid fit. Primam adjutorii speciem cum alimentis comparat: Nos sine alimentis non possumus vivere, nec tamen cum affuerint alimenta, eis fit, ut vivat qui mori voluerit: ergo adjutorium alimentorum est adjutorium sine quo non fit, non quo fit, ut vivamus. Alteram adjutorii speciem comparat cum beatitudine, hoc est, cum clara & intuitiva Dei visione: At vero beatitudo, quam non habet homo, cum data fuerit, continuo fit beatus: adjutorium est enim non solum sine quo non fit, verum etiam quo fit propter quod datur: Quapropter hoc adjutorium & quo fit est, & sine quo non fit. Quia si data fuerit homini beatitudo, continuo fit beatus; & si data nunquam fuerit, nunquam erit. Alimenta vero non consequenter faciunt, ut homo vivat, sed tamen sine illis non potest vivere.

Idem Sanctus Doctor eodem in capite asserit, adjutorium sine quo, non autem adjutorium quo, datum fuisse Adamo innocenti. Primo itaque hominis (inquit) qui in eo bono factus fuerat rectus, acceperat posse non peccare, posse non mori, posse ipsum bonum non deferere, datum est adjutorium perseverantiae, non quo fieret, ut perseveraret, sed sine quo per liberum arbitrium perseverare non posset.

E contra idem Augustinus asserit, nunc in statu naturæ lapsæ dari sanctis adjutorium, quo in bono perseverent: Nunc vero sanctis in regnum Dei per gratiam Dei prædestinatis non tantum tale adjutorium perseverantiae datur: sed tale, ut eis perseverantia ipsa doneatur; non solum, ut sine illo dono perseverantes esse non possint, verum etiam, ut per hoc donum non nisi perseverantes sint.

Ratio quæ movit Augustinum ad distin-

guendum duplex illud adjutorium sine quo, & quo, petitur ex diverso statu, in quo olim innocens homo, & nunc lapsus reperitur. Innocenti, cum sanus esset, & concupiscentiæ capers, ad bonum operandum satis erat auxilium sine quo: Ut ergo (ait Sanctus Doctor) non acciperet hoc donum Dei, id est, in bono perseverantiam primus homo, sed perseverare, vel non perseverare in eo relinqueretur arbitrio, tales vires habebat eius voluntas, quæ sine ullo fuerat inhibita peccato. & nihil illi ex seipsa concupiscentialiter resistebat, ut digne tanta bonitati, & bene vivendi facilitati perseverandi committeret arbitrium. E contra homini lapsio, cum æger sit, debetque contra intrinsicam sibi concupiscentiam pugnare, ad agendum bonum, sive sit iustus, sive impius, opus est adjutorio quo, seu adjutorio quo bona voluntas ipsi conferatur: Nunc vero postquam est illa magna peccati merito amissa libertas, etiam majoribus donis adjuvanda remansit infirmitas.

In quo autem posita sint illa majora dona, hisce verbis, statim exponit: Tantum quippe Spiritus Sancto accenditur voluntas eorum, ut ideo possint, quia sic volunt; ideo sic volunt, quia Deus operatur, ut volunt: nam si in tanta infirmitate vita hujus ipsi relinqueretur voluntas sua, ut in adjutorio Dei sine quo perseverare non possent; manerent si vellent, nec Deus in eo operaretur, ut vellent: inter tot & tantas tentationes infirmitate sua voluntas ipsa succumberet, & ideo perseverare non possent; quia deficienter infirmitate nec vellent; aut non ita vellent infirmitate voluntatis, ut possent. Subventum est igitur infirmitati voluntatis humanae, ut divina gratia indeclinabiliter & insuperabiliter ageretur; & ideo quamvis infirma, non tamen deficeret, neque adversitate aliqua vinceretur.

Ex iis Augustini textibus sic argumentum conficitur: Auxilium quo est per se & ab intrinseco efficax; siquidem (ut ex Augustino patet) se habet respectu hominis viatoris, sicut beatitudo, seu visio beatifica respectu hominis comprehensoris; beatitudo enim, seu visio beatifica, est per se & ab intrinseco efficax ad efficiendam, ut homo comprehensor sit beatus: At vero beatitudo (inquit) quam non habet homo, cum data fuerit, continuo fit beatus. Adjutorium est enim non solum sine quo non fit, verum etiam quo fit, propter quod datur. Atqui auxilium quo, est gratia qua homini in statu naturæ lapsæ opus est ad agendum: ergo gratia in statu naturæ lapsæ ad agendum necessaria est per se & ab intrinseco efficax.

Respondent ii qui contendunt, gratiam ex solo eventu esse efficacem; auxilium quo, cujus Augustinus meminit, esse gratiam cui voluntas consensum præbet; auxilium vero sine quo non, esse gratiam cui eadem volun-

non vult præbere consensum : hincque patet (inquit) duplex illud adiutorium non distinguere , nisi ab extrinseco , hoc est , dependenter a consensu aut dissensu voluntatis creatæ.

Sed vana est illa responsio . Nam 1. non cohæret cum beatitudinis agendi modo , cui S. Augustinus comparat auxilium QUO : nempe is est beatitudinis agendi modus , ut per se , & ab intrinseco suum effectum producat , id est , per se , aut tamquam causâ efficiens , aut tamquam causâ formalis , beatum efficiat subiectum , in quo recipitur : *At vero beatitudo quam non habet homo , cum data fuerit , continuo fit beatus* . 2. Auxilium QUO , non esset potentius auxilio sine quo : quod repugnat Augustino : *Hæc est* (inquit in lib. de correptione & gratia , loquens de adiutorio sine quo) *qua data est primo Adam : sed hæc potentior est in secundo : quo autem sensu sit potentior , statim hinc verbis tradit : Prima est enim qua fit , ut habeat homo iustitiam si velit : secunda ergo plus potest , qua etiam fit , ut velit , & tantum velit , tantoque ardore diligat , ut carnis voluntatem contraria concupiscentem , voluntate spiritus vincat* . 3. Si vera sit , auxilii QUO , adversariorum explicatio , homo lapsus nullam respectu boni agendi ægritudinem per peccatum contraxisset : eodem enim auxilio , quo Adamus innocens , posset bonum operari , ibidemque revera operaretur ; nam sanitas Adams in eo præ ceteris posita erat , quod gratia versatili adiutus , se se ad bonum , aut malum pro libito determinare posset : *Arbitrium* (ait Augustinus lib. de corrept. & gratia , c. 11.) *sic ita liberum erat , ut bene velle posset & male*.

Respondent ad idem nostrum argumentum ii qui *Congruis* dicuntur , auxilium sine quo , esse gratiam iis in circumstantiis datam , in quibus Deus per scientiam Mediam prævidit , voluntatem humanam ei consensum suum præbitorum non esse ; e contra auxilium Quo , esse eandem gratiam , sed attemperatam genio & affectibus naturalibus humanæ voluntatis , ita ut Deus eam in iis circumstantiis concedat , in quibus habito respectu ad præsentem voluntatis affectum , prævidet per scientiam Mediam , quod voluntas eam acceptatura sit.

Verum quam falsa sit illa responsio , pluribus momentis demonstrari potest . Nam 1. Gratia , quæ ad perseverandum Angelis concessa est , data fuit in iis circumstantiis , in quibus Deus per scientiam conditionatam , præviderat eos illi suum præbituros esse consensum , cum revera illum ei præbuerint , juxta illud Augustini in libro de correptione & gratia , cap. 11. *Sed quia , Adamus , noluit permanere , profecto ejus culpa est , cujus meritum fuisset , si permanere voluisset : sicut fecerunt Angeli sancti , qui , cadentibus aliis per liberum arbitrium , per idem liberum arbi-*

trium , adiutum auxilio sine quo , steterunt ipsi , & hujus mansionis debitam mercedem recipere meruerunt : tantam scilicet beatitudinis plenitudinem , qua eis certissimum sit semper se in illa esse mansuros.

2. Adamus ipse , adhuc innocens , plures fidei , spei , & caritatis actus ante peccatum elicit ; & tamen auxilium sine quo , per quod eos elicerat , nusquam ab Augustino vocatum est auxilium Quo : immo Sanctus Doctor ubique contendit , illum non aliud auxilium habuisse , quam auxilium sine quo : *Primo itaque homini* (inquit libro de correptione & gratia , cap. 12.) *datum est adiutorium perseverantia , non quo fieret , ut perseveraret , sed sine quo per liberum arbitrium perseverare non posset* : ergo auxilium Quo , non est illud , quod prævisum est per scientiam mediam habiturum , in iis circumstantiis , in quibus datum est , suum effectum per humanæ voluntatis acceptionem.

3. Adiutorium sine quo , nusquam transit in adiutorium Quo , etiam si voluntas eo utatur : sic alimenta quibus homo utitur , ut vivat , dici non possunt adiutorium Quo , sed tantum adiutorium sine quo : scilicet illorum adiutorium discrimen non petitur ab effectu , sed ex diverso operandi modo : *Hæc autem* (inquit S. Doctor) *tanto major est , ut parum sit homini per illam reparare perditam libertatem , parum sit denique non posse sine illa , vel apprehendere bonum , vel permovere in bono si velit , nisi etiam efficiatur , ut velit*.

4. Adiutorium quo , ideo nunc datur , quod infirmitati voluntatis humanæ , per auxilium medicinale , subveniendum fuerit : *Subventum est igitur infirmitati voluntatis humanæ* (inquit idem Sanctus Doctor libro de correptione & gratia , cap. 12.) *ut divina gratia indeclinabiliter & insuperabiliter ageretur* : Sed si auxilium Quo , sit (ut supponit Congruistarum responsio) quoad substantiam , & quoad operandi modum , qui illi per se & ab intrinseco convenit , idem cum auxilio sine quo , in eoque discrepet tantum , quod sit attemperatum affectibus naturalibus voluntatis , per illud non subvenitur infirmitati voluntatis humanæ ; sed e contra voluntas relinquitur infirma , sicut baculus quo quis ad ambulandum utitur , non medetur agroti debilitati , qui sine eo ambulare non potest , sed debilitatem ipsam in eo statu in quo erat , plane relinquit . Tandem adversus Congruistarum responsionem pugnant argumenta omnia , quæ paullo ante contra primam responsionem prolata sunt.

Respondent 3. nonnulli ad idem argumentum , auxilium sine quo , esse unum tantum & alterum auxilium , quo voluntas utitur , aut non utitur pro libito ; auxilium vero Quo , esse multitudinem auxiliorum quæ id tandem operantur , quod auxilia seorsum sumpta non

ope-

operata fuerant, sive respectu conversionis, sive respectu perseverantiae usque in finem.

Sed admitti non potest illa responsio. Nam 1. incidit in Ludovici Molinae, & in Congruistarum sententiam, licet ab auxiliis huiusmodi excludat scientiam Mediam, per quam a Dei voluntate dirigantur; ac proinde adversus eam pugnant argumenta omnia, quibus Molinae & Congruistarum doctrinam confutavimus. 2. Vel illa auxilia multiplicata non praedeterminant physice voluntatem ad consensum, vel praedeterminant: Si primum, reducuntur ad auxilium, *Sine quo*, ac proinde, ex Augustini principiis, satis non sunt, ut impii conversionem, aut iusti perseverantiam in statu naturae lapsae actu operentur. Si secundum, sunt ipsummet auxilium *Quo*, per quod ad conversionem, & ad perseverantiam voluntas physice determinatur. 3. Fucum facit illud de multiplicatione auxiliorum systema: siquidem licet multiplicatis auxiliis Deus & impii conversionem & iusti perseverantiam operari soleat, ac unumquodque eorum disponat, aut ad conversionem, aut ad perseverantiam; non tamen aut conversionem, aut perseverantiam operatur sine eo speciali auxilio, quod ab Augustino vocatum est auxilium *Quo*, per quod & ipsum velle, & ipsum operari efficiantur. 4. Modus agendi auxilii *Quo*, petitur (ut superius dictum est) ab omnipotentissima Dei voluntate: at id falsum esset, si vera foret tertia illa adversariorum responsio: scilicet e contra effectus qui ex multiplicatis illis auxiliis petitur, in ipsam voluntatis humanae determinationem, physice in instanti naturae gratiam, refunderetur sic quemadmodum is qui importunis & repetitis suasionibus efficeret, ut quis quidpiam ageret, non ob id diceretur omnipotens; nec opus hominis illius in suadentis potentiam refunderetur.

Solvitur argumentum petatum ex lesione libertatis.

Obijcies 1. Gratia efficax ab intrinseco tollit libertatem, nempe tollit indifferentiam ad agendum libertati essentiali, aut saltem ad merendum, aut demerendum, in statu naturae lapsae omnino requisitam: ergo gratia non est efficax ab intrinseco.

Resp. ad 1. neg. ant. Ad 2. dist. ant. Tollit indifferentiam suspensivam, quae quidem dicit privationem actus, conc. ant. Tollit indifferentiam activam, quae sola est essentialis libertati, aut saltem ad merendum, aut demerendum in statu naturae lapsae requiritur, quaeque ex parte voluntatis dicit positionem actus cum potentia ad non ponendum, neg. ant. Quod autem activa illa indifferentia per gratiam ab intrinseco efficacem non ladatur, facile potest ostendi.

1. Gratia quantumcumque supponatur efficax, non tollit indifferentiam objectivam, *Juvenin. Inst. Theol. Tom. III.*

seu, gratia non impedit, quin intellectus in objectis quae cupiditatem foveat ac nutriunt, boni speciem apprehendat; proindeque nec impedit, quin voluntas objecta illa prosequi possit; id enim omne voluntas amare & prosequi potest, quod intellectus sub aliqua boni specie representat.

Hincque concluditur, quod cum in omissione actus pietatis, ad quem gratia efficax voluntatem praedeterminat, intellectus apprehendat speciem boni quod cupiditati favet, voluntas possit, etiam dum ex gratiae motu operatur, amare & eligere omissionem illam.

Concluditur iterum, quod cum idem intellectus apprehendat speciem boni non tantum in omissione actus, ad quem gratia movet, sed etiam in actu contrario, voluntas in via non solum est indifferens indifferentia contradictionis, sed etiam indifferentia contrarietatis, v. g. indifferens est ad amandum aut proximum, aut ad illum odio habendum. Haec tamen indifferentia contrarietatis (quam & indifferentiam specificationis vocant, quod versetur circa objecta specie diversa) non est essentialis libertati, nisi servato, & non praetermisso ordine finis: scilicet (ut suo loco dicetur) libertas arbitrii a S. Thoma 1. p. q. 62. art. 8. recte definitur: *Vit electiva mediorum, servato, non praetermisso ordine finis*; hoc est, essentialis libertatis posita est in potentia eligendi actus specie diversos, qui ad ultimum finem comparandum conferunt: electio vero mediorum, quae ad alium finem conferunt, quamvis reperiatur in viatoribus (utpote nondum per amorem beatificum conjunctis cum Deo, ultimo creaturae rationalis fine) est ejusdem libertatis imperfectio; dicit enim potentiam avertendi se a fine ultimo, hoc est, dicit potentiam peccandi, quae haud dubie (ut demonstravit olim Augustinus, contra Pelagianos) summa est hominis viatoris imperfectio.

Instabis 1. Potentia non agendi, quae ex Thomistis remanet cum gratia efficaci, fictitia est omnino; neque enim aliquando reducitur ad actum secundum; cum gratia efficax nusquam frustratur effectu, ad quem movet & excitat voluntatem; ergo, &c.

Resp. 1. illud argumentum non minus contra Congruistas pugnare, quam contra Thomistas; nimirum apud eos axioma certum est, gratiam incongruam nusquam effectum consequi, ad quem voluntatem excitat & movet.

Resp. 2. negando eam potentiam, veram ac realem non esse, & quae nusquam ad actum secundum reducitur; alioquin enim dicendum esset, in beatis, cum adhuc viatores essent, non fuisse potentiam perseverandi, nimirum ea potentia nec redacta est ad actum secundum, nec aliquando reducitur.

N

Insta-

Instabis. 2. Non est possibile, quod voluntas adjuncta auxilio efficaci non agat: ergo cum ea non stat facultas ad non agendum. Probatur ant. Illud non est possibile, quo posito, sequitur impossibile: Sed posito, quod voluntas adjuncta auxilio efficaci non agat, aliquid impossibile sequitur; nempe, gratiam ex natura sua efficacem, suo effectu carere: ergo, &c.

Resp. dist. min. Sequitur impossibile in sensu composito, conc. min. quia actus & non actus simul ponerentur, cum motio efficax infallibiliter ipsum actum importet: Sequitur in sensu diviso, neg. min. quia sensus divisus, est conjunctio potentie ad non ponendum actum cum ipsius actus reali positione: quæ quidem duo non sunt impossibilia, ut patet in homine qui libere sedet; siquidem cum actuali illius sessione maxime componitur facultas ad non sedendum, quamvis sessio & non sessio simul & semel stare non possint. Vide idem de libertate argumentum fuisse pertractatum, tum Tom. 2. ubi egimus de Christi libertate, tum Tom. 4. ubi libertatis naturam explicuimus.

Objicies 2. Sententia de gratia per se efficaci videtur esse ipsummet Lutheranismum, ac Calvinistarum dogma, quod in Concilio Tridentino proscriptum est: unde plures ex Lutheranis & Calvinistis, in editis hac ætate libris palam profitentur, se nihil aliud sentire de modo quo gratia in hominum cordibus agit, quam quod Thomistæ in suis scholis prædicant.

Resp. dogma quod in Concilio Tridentino damnatum est, in duobus positum esse; 1. quod liberum arbitrium motum & excitatum, nihil Deo moventi ac excitanti coope- retur, sed *mere* passive, sicut inanime quoddam, se se habeat: 2. quod idem liberum arbitrium gratiæ, quanquam velit, dissentire non possit. Duo illa discipuli S. Augustini & S. Thomæ cum Concilio Tridentino præscribunt. Contendunt enim 1. voluntatem Deo moventi cooperari, cum, ex ipsis, suum consensum divinæ motioni præbeat, quanquam ad illam cooperationem a gratia prædeterminetur. Contendunt 2. voluntatem revera dissentire posse; quippe quæ, etiam dum actu movetur, possit non agere, immo & peccare, ut superius dictum est.

Ad Lutheranos vero & Calvinistas recen- tiores, de quibus mentio fit in argumento, si qui sint, dicendum est, eos mereri lau- dem, quod a Luthero, Calvino, ceterisque suis Patriarchis hoc in capite discesserint; taxit Deus, ut reliqua eorum impia dogmata anathematizent ex animo, ac in Matris Ecclesiæ sinum tandem aliquando redeant.

Objicies 3. Difficile est intellectu, quomo- do gratia, quæ physice voluntatem ad bonum prædeterminat, nullo modo ledat illius li-

bertatem. Præmotio enim illa invehit neces- sitatem antecedentem. E contra in systema- te, sive Ludovici Molina, sive Congruista- rum, facile concipitur quæ ratione operatio gratiæ cum voluntatis libertate componatur.

Resp. 1. illud argumentum retorqueri pos- se in adversarios. Scilicet (ut superius iis in locis ostendimus, ubi consultavimus sen- tentiam, quæ gratiam facit pedisequam vo- luntatis) Augustinus expresse asseruit, diffi- cillimum esse conceptu, quomodo supposita Ecclesiæ Catholicæ sententia quam ipse pro- pugnat, liberum arbitrium cum divina opera- tione gratiæ cohareat: hincque evidenter se- quitur, adversariorum sententiam, in qua nodus ille nullum facessit negotium, non esse sententiam Augustini, ac proinde nec doctri- nam quam sequitur, ac defendit Ecclesiæ.

Confirmatur illa responsio. Eum gratiæ operandi modum Augustinus, & Ecclesiæ do- cuerunt, ex quo Pelagiani, & Semipelagiani putarunt sequi libertatis excidium; induci ineluctabile Manichæorum fatum; meritum quodlibet tolli ab operibus pietatis: atqui gratiæ operandi modus, ex quo Pelagiani, & Semipelagiani censuerunt consequi tota tanta absurda, non alius esse potuit, quam il- lius operandi modus prævius, ac physice deter- minativus voluntatis: neque enim venire potuit in mentem acutissimorum, & doctissi- morum hominum (ut erant plerique ex Pela- gianis, & Semipelagianis) illum gratiæ ope- randi modum, qui ex se indifferens est, quique ab ipsiusmet voluntatis prævio con- sensu pendet, tollere libertatem, & induce- re fatum: In cuius enim, vel hominis maxi- me plumbei, mentem venit unquam, lucem quæ ad evidendum indigemus, & cuius usus ex libero arbitrio pendet, tollere liberta- tem, & fatum inducere?

Nec audiendi sunt, qui, ut vim illius ar- gumenti eludant, respondent, Pelagianos in Augustino impugnasse gratiam per se effica- cem, sed per errorem facti, quod nimirum censerent, S. Doctorem eam revera propu- gnasse, licet tamen eam a parte rei minime propugnasset. Non sunt (inquam) audiendi: Nam 1. Augustinus Pelagianorum, ac Semipe- lagianorum objectiones postea solvens, num- quam conquestus est, quod sibi ab hæreticis illis eo in capite impositum fuisset: de quo tamen, si vera sit adversariorum responsio, conqueri debuisset, ut Pelagianorum, ac Se- mipelagianorum scandalo occurreret. 2. Nus- quam vir doctissimus solvens petiti ex la- sione libertatis argumentum, respondit, quod tamen Congruistæ respondent, quodque ve- niret in mentem vel candidati Theologiæ, qui censeret gratiam non esse naturæ suæ ef- ficacem: nusquam (inquam) respondit, græ- tiæ operationem præsupponere prævium vo- luntatis consentium; utrum aut non utrum gra-

tia praevenientis pendere ex libera voluntatis determinatione; quo quidem verbulo, qua brevi sententia occurrisset adversariorum scandalo, aut saltem eorum ora ad Ecclesiae edificationem occlusisset. E contra S. Doctor, ut argumentum illud solveret, confugit ad Dei omnipotentiam, hoc est, asseruit, Deum cum sit omnipotens & maxime sapiens, posse id quod nos non concipimus, operationem nimirum gratiae cum libero hominis arbitrio coniungere: *Numquid homines Dei, qui hoc fecerunt, immo ipse Spiritus Dei, quo augetur per eos ea conscripta sunt (inquit Augustinus lib. 7. ad Bonifacium c. 20.), epugnavit liberum hominis arbitrium? Sed omnipotentis in omnibus, & iudicium iustissimum, & auxilium Dei misericordissimum commendabit.*

ARTICULUS II.

Utrum orationis gratia non minus per se sit efficax, quam gratia ad alios actus requisita.

Nat. E Lapsa proxime saeculo, hoc est, circa annum 1650. nonnulli reperiuntur qui docuerunt quidem gratiam ad omnes, ac singulos pietatis actus requisitam, esse per se & ab intrinseco efficacem; sed contenderunt, inter eos actus nec initium fidei, nec medici spiritualis invocationem, seu orationem, recenseri debere; E contra asseruerunt, ad initium fidei, & ad orationem satis esse gratiam versatilem; hancque voluerunt omnibus omnino hominibus Dei liberalitate concedi, ita ut, si desit, non impentur peccata, quibus divina lex infringitur.

CONCL. Gratia orationis, sive sit parum servens, & intensa, sive serventior sit, & magis intensa, non minus per se, & ab intrinseco est efficax, quam gratia quae ad alios pietatis actus requiritur.

Probat. Ex sententia quae docet, gratiam orationis non esse per se, & ab intrinseco efficacem, sequuntur absurda omnia, quae sequuntur ex doctrina, sive Ludovici Molinae, sive Congruistarum. Nam 1. ex duobus hominibus quibus praesens sit versatile gratia orationis, quorum unus oret, alius vero non oret, ille qui orabit, se se a non orante discernet, contra illud Apostoli: *Quia te discernit?* 2. Oratio illa parum servens non erit Dei misericordis, sed hominis currentis, contra illud ejusdem Apostoli: *Non volentis, sed Dei est misericordis.* 3. In homine qui orat, ipsum velle orare Deus non operabitur, contra illud ejusdem Apostoli: *Deus est qui operatur velle, & perficere pro bona voluntate.* 4. Inscrutabilia non erunt Dei iudicia, quod uni det gratiam ad actus perfectos requisitam, alii vero

eam neget: nempe manifestum erit, dari eam ei qui se se cum auxilio versatili ad orandum determinaverit. 5. Non satis recedere videtur illa doctrina a Semipelagianorum sententia, quam & ipse Augustinus ante suum Episcopatum se defendisse profiteatur, ut superius p. 183. & seq. a nobis ostensum est.

Probat. iterum conclusio ex Augustino, qui in Epistola ad Sixtum asserit 1. quod etiam ipsa oratio inter gratiae munera reperitur; idque probat ex his verbis Apostoli ad Rom. 8. *Quid enim oremus sicut oportet nescimus, sed ipse Spiritus interpellat pro nobis gemitibus inenarrabilibus.* Quae quidem verba de gratia efficaci S. Doctor interpretatur: Ita dictum est, interpellat, quia interpellare nos facit. Adjutorium igitur Spiritus Sancti sic expressum est, ut ipse facere diceretur, quod ut faciamus, facit. In quam S. Patris sententiam observare est, non distinguere eum inter ferventem & non ferventem orationem, sed de omni oratione loquens asserit, Spiritum Sanctum facere, ut interpellemus. In eadem Epistola docet hominem liberari non solum remissione peccatorum, sed prius inspiratione fidei & amoris Dei, impertito salubriter orationis affectu & effectu: non minus igitur orationis effectum, quam cetera pietatis opera, Deus nobis per suam gratiam impertit: ergo, cum Alphonsus Lemoyne fateatur, ad alia pietatis opera requiri gratiam per se efficacem, admittere quoque debet ad orationem, sive servens necne fuerit, ejusdem gratiae efficacis necessitatem.

Ea argumenta doctissime explicuit Eminentissimus Cardinalis DE NOAILLES, in suo Pastoralis Mandato anni 1696. Sic enim loquitur acerrimus ille Augustinianae doctrinae, ac proinde Ecclesiae Catholicae, vindex: *Quae efficacia (inquit doctissimus Archiepiscopus) Deus bona opera in nobis operatur, eadem nos ad preces inducit & movet. Haec nimirum Apostoli verba ad Rom. 8. Spiritus postulat pro nobis, ita interpretantur Patres, ut ille ut faciat orare, impertito (ut ait Augustinus in Epistola ad Sixtum) orationis affectu & effectu. Quae cum sancta Ecclesia optime norit, ut quae nobis necessaria sunt, impetret, orat ut Deus postulare faciat, quae placita sunt ei. Eadem ergo ut eadem efficacia Deus in nobis operatur orationem, quae operatur velle & perficere.*

Obijcies. Praeter adjutorium Quae, adjutorium Sive quo locum habet etiam in statu naturae lapsae, juxta illud Augustini libro de correptione & gratia c. 11. *Si autem hoc adjutorium vel Angelo, vel homini, cum primum facti sunt, desuisset non tamen sua culpa cecidissent Nunc autem quibus deest tale adjutorium, jam parva peccati est: quibus autem datur, secundum gratiam*

datur : ergo licet adiutorium *sine quo*, in statu naturæ lapsæ voluntati satis non sit, ut operetur perfectos pietatis actus, satis est tamen, ut operetur actus imperfectos, ut est oratio parum servens; alioquin illud adiutorium esset in hoc statu omnino inutile.

Resp. conc. ant. neg. conseq. Nec tamen inde sequitur, quod in hoc statu illud adiutorium sit inutile; elevat enim subiectum, cui confertur, ad statum supernaturalem, & dum excitat voluntatem, dat posse in sensu Thomistico, hoc est, dat posse, quod ad actum, etiam maxime imperfectum, non reducit, nisi Deus alio auxilio voluntatem physice determinet ad primum illum & imperfectum bonæ voluntatis actum, juxta illud Apostoli, *Operatur velle*; cum e contra idem auxilium in statu naturæ innocentis ab ipsa voluntate, tum ad perfectum, tum ad imperfectum boni desiderium determinaretur.

ARTICULUS III.

De natura physica gratiæ efficaciæ.

CONCL. **N**atura physica gratiæ efficaciæ non in alio posita est, quam in victrici delectatione, qua mens circa bonum afficitur.

Probatur 1. ex Scriptura, quæ suavi illi delectationi spirituales animæ secunditatem adscribit: *Dominus* (inquit propheta Rex Psal. 84.) *dabit benignitatem, & terra nostra dabit fructum suum.* Eam enim vocem, *benignitatem*, Augustinus in enarratione ejusdem Psalmi vertit, *suavitatem*. Apostolus ejusdem gratiæ vim ad eandem delectationem, tanquam ad causam, refert rectam animi dispositionem; *Condelector* (inquit ad Rom. 7.) *legi Dei secundum interiorem hominem*; in quam Apostoli sententiam sic loquitur Augustinus lib. 7. de nuptiis & concupis. cap. 3. *Illæ delectationes legi Dei secundum interiorem hominem, de magna nobis venit gratia Dei.*

Probatur 2. ex Augustino, qui omnes ad unum pietatis actus celesti illi delectationi tribuit. 1. De primo desiderio boni hæc habet lib. 2. ad Bonifacium cap. 9. *Tunc bonum concupiscit incipit, cum delectare incipit, in qua dulcedinis gratia si nos non prævenerit Deus, non solum non perficitur bonum, sed nec incipitur ex nobis.* 2. De fide hæc habet in lib. de spiritu & lit. c. 3. *Quando veritas caperis non lateret, nisi etiam delectet, non suscipitur.* 3. Hæc etiam de actu caritatis in lib. de spiritu & lit. c. 3. *Necesse est ad hæc vivendum, ut homo accipiat Spiritum Sanctum, quo fiat in animo ejus delectatio, dilectioque summi illius æquæ incommutabilis boni.* Tandem de victoria temptationum hæc ait in Psal. 85. *Si nulla jucunditas, deficiamus.*

Probatur 3. ratione. Homo in hoc natura

lapsæ statu non agit, nisi delectatione tractus, juxta illud Augustini in Epistolam ad Galatas: *Quod amplius nos delectat, secundum id operemur necesse est.* Præterea delectatio non tantum dat velle, & operari, sed etiam in unoquoque perseverantiam: *Nec ideo* (ait Augustinus) *liberum arbitrium, beati, non habebunt, quia peccata est delectare non poterunt: magis quippe erit liberum a delectatione peccandi usque ad delectationem non peccandi indeclinabilem.*

ARTICULUS IV.

Utrum Gratia efficiat creaturæ innocentis necessitas fuerit.

Not. **N**ON pauci Thomistæ affirmativam sententiam defendunt, rati, sine auxilio determinante ab intrinseco, non posse salvari subordinationem creaturæ ad Deum: negativam vero propugnant alii Theologi, contententes, efficaciam gratiæ esse necessariam tantum ratione infirmitatis, in quam homo per peccatum incidit.

CONCL. Gratia ab intrinseco efficax creaturæ innocentis necessaria non fuit.

Probatur 1. ex Augustino, qui libro de corrept. & gratia cap. 11. & 12. affirmat, Adamo innocenti & Angelis datum fuisse auxilium, non quo perseverarent, sed *sine quo* perseverare non possent: Atqui auxilium *sine quo*, non est efficax ab intrinseco; se etenim habet, ex Augustino, respectu voluntatis, sicut alimenta respectu vitæ, sicut lex respectu visionis, sicut navis respectu fluminis trajiciendi: quæ quidem omnia haud dubie non determinant aut ad vivendum, aut ad videndum, aut ad trajiciendum flumen; sed actui secundo inserviunt ex sola voluntatis determinatione, quæ illis pro libito utitur, aut illa rejicit.

Nec valet effugium Etlæ contendetis, auxilium *Quo* datum quidem non fuisse Adamo innocenti, quantum ad secundarium ejus effectum, seu sanitatem infirmitatis, quam per peccatum contraxit; at datum fuisse quantum ad primum, determinationem nempe voluntatis ad operandum bonum supernaturale. Non valet (inquam) 1. quia determinatio voluntatis ad bonum, ipsamet est ejus sanitas; per eam enim determinationem efficitur, ut amet bonum, & nonnunquam ita amet, ut ipsum cuilibet rei creatæ præferat. 2. Augustinus opponit adiutorium *Quo* alteri quod vocat *sine quo*, quod istud effectum non inferat, ut patet ex rebus, cum quibus ipsum confert, illud vero effectum importet. 3. Sanctus Doctor asserit, gratia statui innocentis propria datum fuisse posse agere; gratia e contra quæ homini lapsæ conceditur, dari ipsummet agere. *Tale* (inquit lib. de corrept. & gratia, c. 11.) *erat adiutorium,*

rium, quod defereret cum vellet, & in quo permaneret si vellet, non quo fieret, ut vellet. Idem clarius sic explicat: *Hec prima est gratia qua datus est p. uno Adam, sed hac potentior est in secundo Adam. Prima est enim qua fit, ut homo habeat iustitiam, si velit: secunda ergo plus potest, qua etiam fit, ut velit.* Unde inferit, Angelorum perseverantiam adscribi debere eorum voluntati, quæ bene usa est gratia versatili qua donati sunt, quæ cum apostata uti noluerint, exciderunt ex iustitia: *Cadentibus aliis per liberum arbitrium, per ipsum liberum arbitrium steterunt ipsi.* 3. Merita status innocentiae fuerunt quidem Dei dona, non per naturam modo quæ gratuito datur, non ratione concursus simultanei tantum, sed etiam per gratiam, quæ intus illum regeret, accenderetque ad bonum; sed ea dona Augustinus *specialia* vocare renuit, quod nempe auxilium, per quod ea merita creatura innocens consequeretur, non esset auxilium determinativum, ac voluntati dominans: e contra vero quæ nunc piis operibus comparamus merita, S. Doctor *specialia* Dei dona nunguat; eo quod speciali ratione, per determinationem nimirum, ea merita Deus in nobis operetur.

Probatur 2. Ejus naturæ erat auxilium Adamo innocenti, & Angelis concessum, ut si eis defuisset, sua culpa non cecidissent. *Si autem* (verba sunt Augustini lib. de corrept. & gratia cap. 11.) *hoc adiutorium Angelo vel homini, cum primum facti sunt, defuisset, quoniam non talis natura facta erat, ut sine divino adiutorio posset manere si vellet, non utique sua culpa cecidissent: adiutorium quippe defuisset, sine quo manere non possent.* Atqui illud auxilium, quo si destituti fuissent Angeli, sua culpa non cecidissent, non est gratia quæ sit ex natura sua efficax; alioquin dicendum esset, nec Angelos apostatas, nec Adamum sua cecidisse culpa, cum, ex ipsis etiam adversariis, auxilium efficax eis defuerit.

Probatur 3. Angeli & primi Parentes nondum lapsi non potuerunt esse miseri, cum (ut ab ipsâ ratione naturali doctus fuerat Augustinus) sub Deo iusto nemo sit miser, nisi mereatur; seu si ad operandum bonum, ac perseverandum in iustitia, auxilio per se efficaci indigissent, fuissent miseri; excruciasset nimirum eos metus, ne sibi deesset gratia efficax, quam (ut experti sunt) Deus illis, nec levis peccati reis, ex adversariis, negavit.

Obijcies 1. Si Angelis, qui perseverarunt, datum non fuisset auxilium efficax ad perseverandum, seipsum discrevisissent ab Angelis qui ceciderunt; istis enim magis adjuti non fuissent. 2. in illo systemate orare non debuissent, nec primi parentes, nec Angeli pro sua perseverantia in bono: sed illa duo periblanda sunt: ergo, &c.

Juvenin. Inst. Theol. Tom. III.

Resp. ad primum, non esse absurdum, quod sancti Angeli præbendo consensum gratiæ, discreverint se se ab apostatis; nec enim inde gloriari potuerunt; nempe & suam gratiam, & liberum arbitrium a Deo acceperant: posset nihilominus homo lapsus gloriari, si seipsum ab alio non perseverante discerneret, ut Augustinus sæpe contra Pelagianos, & Semipelagianos agens, demonstrat. Et sane cum fundamento crederet se infirmum posse, quod sanus & integer poterat: quemadmodum ille, cujus crura essent fracta, diceretur in se velle gloriari, si ambulare præsumeret adjutus baculo, quo solo homo viribus pollens ad ambulandum indiget.

Resp. ad secundum, orationem creaturæ innocentis fuisse orationem laudis, non vero gemitus, seu tenebatur Deo referre gratias propter gratiam sanctificantem, liberum arbitrium, & auxilium actuale *sive* quo, quibus in primo suæ creationis instanti donatus fuerat: sed non erat, cur peteret perseverantiam, & pietatis praxim, quæ nos intimi sine intermissione exposcere tenemur.

Obijcies 2. Augustinus lib. 11. de Civit. Dei c. 9. asserit, Angelos sanctos magis fuisse adjutos, quam si qui ceciderunt. Sic enim loquitur: *Aut minorem acceperunt (mali Angeli) amoris divini gratiam, quam illi qui in eadem persisterunt; aut si utrique bonè aequaliter creati sunt, ipsis mala voluntate cadentibus, illi amplius adjuti ad eam beatitudinis plenitudinem, ante se nunquam casuros certissimi fierent, pervenerunt.* Majus autem illud adiutorium, quo S. Angeli præ apostatis donati sunt, non aliud esse potest, quam gratia efficax; istis negata, illis vero concessa. 3. Gregorius lib. 15. Moralium c. 32. ad occulta Dei judicia refert, quod Angelorum alios a lapsu præservatos æterna beatitudine donaverit, alios vero sponte lapsos cruciatibus æternis addixerit.

Resp. ad primum, illud majus auxilium, de quo Augustinus, intelligendum esse de visione beatifica, & uberrima caritate Angelis in præmium suæ perseverantiæ statim concessis, non autem de gratia viæ. Nec obstat, quod ab eodem S. Doctore dicantur SS. Angeli per majus illud auxilium ad beatitudinis plenitudinem non pervenisse. Nam ea plenitudo est certitudo de sua in bono perpetuâ stabilitate, quam certitudinem ex visione beatifica & ex uberrima caritate consecuti sunt: *Erant* (inquit Augustinus lib. de corrept. & gratia c. 10.) *quid eorum (Angelorum viatorum) adderetur beatitudini, si per liberum arbitrium in veritate steterissent, donec istam summam beatitudinis plenitudinem tamquam præmium ipsius permanentis acciperent; id est, ut magna per Spiritum Sanctum data abundantia caritatis Dei, cadere ulterius omnino non possent, & hoc de se certissime nossent.*

N 3

Resp.

Resp. ad secundum, occulta illa iudicia, de quibus Gregorius, ad auxilia data Angelis non pertinere, sed ad meritorum demeritorumve retributionem; nemo enim potest animo complecti, cur Deus Angelis poenam æternam infligerit propter peccatum unico momento commissum, nec eis ad resipiscendum vel breve aliquod tempus concesserit.

Objicies 3. Prædeterminatio physica, & consequenter auxilium efficax ab intrinseco, videtur fuisse necessaria in statu naturæ innocentis, ut subordinationi creaturæ ad Deum consuleretur, quæ quidem subordinatio essentialis est cuilibet enti creato.

Resp. neg. ant. salvatur enim optime subordinatio illa per vires acceptas in creatione, & jugiter a Deo conservatas, nec non per auxilium actuale, licet inefficax, innocentis creaturæ necessarium ad operandum: Ita haud dubie sensit Augustinus, cum Pelagianos, & Semipelagianos auxilii efficacis necessitatem in homine lapsio negantes nunquam accularit, quod rationem primæ causæ & primi motoris in Deo destruerent; sed tantum quod eadem sanitate hominem lapsum, qua innocentem, donarent. Explicans S. Doctor gratiæ necessitatem, nunquam confugit ad argumentum sumptum ex dependentia causæ secundæ a prima, sed tantum ad infirmitatem humanæ naturæ per peccatum lapsæ: *Subventum est igitur* (inquit lib. de corrept. & gratia, c. 12.) *infirmitati voluntatis humanæ, ut divina gratia indeclinabiliter & insuperabiliter ageretur; & ideo quamvis infirma, non tamen deficeret, neque adversitate aliqua vinceretur.* Vide quæ Tom. 1. dicta sunt.

Confirmatur illa responsio ex S. Thoma. Nempe Doctor Angelicus 1. 2. q. 137. art. 4. iisdem verbis utitur, quibus usus est Augustinus loquens de gratia Adami innocentis, hoc est, asseruit, 1. Adamo innocenti datum fuisse solum adjutorium *Sine quo* 2. Denegationem gratiæ ad agendum necessariæ, 2. 2. q. 2. art. 5. reducit semper ad aliquod peccatum præcedens. 3. Docet 1. 3. contra gentes, Deum ex se paratum esse hominibus gratiam ad agendum bonum requisitam concedere, nisi apponant impedimentum.

DISSERTATIO SECUNDA.

De Gratia Habituali.

Not. **Q**uæremus de gratia habituali, 1. an & quid sit; 2. quodnam sit illius subiectum; 3. quinam sint præcipui illius effectus.

QUÆSTIO PRIMA.

An & quid sit Gratia Habitualis.

CONCLUSIO 1. Admittenda est gratia habitualis.

Probatur. Nomine gratiæ habitualis intelligitur forma, per quam anima sit permanentemente iusta & sancta: Argui admittenda est huiusmodi forma; revera enim multi sunt iusti & sancti: ergo per formam, quam illam sanctitatem & iustitiam constituat.

CONCL. 2. Gratia habitualis est idem cum caritate habituali. Est contra nonnullos Thomistas, quibus placet utrumque illum habitum distinguere, ita ut ille det esse supernaturale, iste vero agere.

Probatur 1. ex Scriptura. Quidquid nonnulli Thomistæ gratiæ habituali tribuunt, sacre paginæ idem adscribunt caritati. 1. Caritas homini tribuit esse divinum. 2. Joannis 3. Secundo per caritatem renascimur, teste enim Apostolo ait Galatas 3. renascimur per fidem, quæ per dilectionem operatur, *Omnes filii Dei estis per fidem.* 3. Caritas est animæ vita, 1. Joannis 3. *Translati sumus de morte ad vitam, quia diligimus.* 4. Denique Caritas nos cum Deo conjungit, 1. Joan. 7. *Qui manet in caritate, in Deo manet, & Deus in eo.*

Probatur 2. ex Patribus, qui quidem cum de sanctificatione hominis locuti sunt, non alterius formæ quam caritatis memigerunt. Augustinus lib. de natura & gratia, cap. 12. asserit, caritatem esse verissimam, plenissimam, perfectissimam iustitiam. Conc. Trid. sess. 6. cap. 7. iustitiam, qua Deus nos formaliter iustos efficit, caritatem appellat: *Quamquam* (inquit) *nemo possit esse iustus, nisi cui merita passionis D. nostri Jesu Christi communicantur: id tamen in hac impli justificatione fit, dum ejusdem Sanctissimæ Passionis merito per Spiritum sanctum Caritas Dei diffunditur in cordibus eorum, qui iustificantur, atque ipsi inhaerent.*

Probatur 3. rationibus. 1. Nulla est omnino necessitas distinguendi caritatem habitualement a gratia habituali: 2. sequeretur in sententia eorum Thomistarum, quos impugnamus, esse posse gratiam habitualement in subiecto sine caritate; illa enim ab ista non penderet; illa enim esset prior in subiecto; ac proinde nequaquam, aut in suo esse, aut in sui conservatione ab ista penderet.

Objicies 1. Concilium Viennense sub Clemente V. definiit, tam parvulis quam adultis conferri informantem gratiam & virtutes. Conc. Trid. ait, justificationem fieri per voluntariam susceptionem gratiæ & donorum: ergo cum caritas sit virtus & donum, ex illis Conciliis, a gratia habituali distinguitur.

Resp. 1. illa Concilia nomine donorum non intelligere caritatem, sed alias virtutes infusas, fidem & spem.

Resp. 2. ideo laudatas Synodos utriusque meminisse, ut indefinitam relinquerent quæstionem scholasticam de distinctione gratiæ habitualis.

habitualis a caritate satis quippe eis fuit id stabilire, quod damnabant heretici, scilicet impium justificari per aliquid, quod realiter inhæreat animæ.

Objicies 2. Virtus operativa supernaturalis, cujusmodi est caritas, supponit esse supernaturale; sicut in naturalibus calor supponit esse calefactivum: Sed illud esse supernaturale aliud non est a gratia habituali. Præterea caritas & gratia diversos habent effectus formales; illa enim diligentes facit, illa vero dilectos: Ergo sunt duæ formæ realiter distinctæ.

Resp. ad primum neg. paritatem. Ratio disparitatis est, quia esse supernaturale in creatis non est esse substantiale, sicut est esse naturale; unde licet istud præsupponatur virtuti operativæ, non tamen illud. Accidentia siquidem, cujusmodi est caritas, esse supernaturale tribuunt, & simul constituunt virtutem operativam.

Resp. ad 2. caritatem, sub diversis respectibus consideratam, hominem & diligentem & dilectum efficere. Nam quatenus est qualitas inhærens, primum effectum, solum formalem, præstat; quatenus vero est principium agendi, secundum operatur.

Quæres 1. in quo posita sit natura caritatis quæ idem est cum gratia habituali.

Resp. 1. eam non esse ipsum Spiritum Sanctum: 1. quia est effectus Spiritus sancti, ut probant hæc ad Rom. 5. *Caritas Dei diffusa est in cordibus nostris per Spiritum sanctum, qui datus nobis est*: 2. Caritas immediate communicatur iusto, non vero Spiritus sanctus, nec ratione personæ; illa enim communicatio solius unionis hypostaticæ est propria; nec ratione substantiæ, Dei quippe substantia non incipit esse alicubi de novo, nisi per novum effectum, quem ad extra operetur.

Resp. 2. caritatem, de quæ est quæstio, non esse meram ad Deum conversionem per amorem super omnia, remanentem virtualiter in anima ex actu amoris, qui præcessit. Ratio est 1. quia parvuli gratiam habitualement in baptismo recipiunt, licet nullum caritatis actum elicere potuerint. 2. Est sapissime remissus amor Dei super omnia in poenitentibus, quamvis non adsit gratia habitualis: non infunditur scilicet impio, nisi per actualement absolutionem, præterquam in casibus necessitatis aut intensissimæ contritionis. 3. Concilium Tridentinum asserit, justificationem fieri per voluntariam susceptionem gratiæ & donorum: quæ quidem verba non videntur posse intelligi de actu caritatis virtualiter remanente in anima hominis, qui eam elicit.

Resp. 3. fide certum esse, gratiam habitualement, proindeque caritatem, esse qualitatem spiritualem permanentem inhærentem iustificato. Id enim demissile videtur Concilium

Viennense cum asserit, tam parvulis, quam adultis conferri gratiam & virtutes per Baptismum; nam illa gratia non transit, sed remanet in iustificato, donec iustificatus incidat in peccatum mortale: ergo est habitus. Sed tamen de fide non est eum habitum esse similem aliis, quos sic nominamus: 1. enim non videtur inclinare infantes, cum adoleverunt, in actus similes illi habitui, seu in actus caritatis. 2. Dominicus Soto observat Concilia Viennense & Tridentinum non sine causa abstinuisse a nomine habitus, cum declararunt, inhærentem esse hominis iustitiam. Addit ille Theologus l. 2. de natura & gratia cap. 18. ex sacris Litteris aut ex Traditione Ecclesiastica non constare, qualitatem illam quæ iusto inhæret, esse habitum.

Quæres 2. utrum gratia habitualis sit participatio divinæ naturæ: 3. utrum in omnibus subjectis ejusdem sit speciei.

Resp. ad primum, affirmative. Ratio est, quia per gratiam habitualement homo fit Dei filius, renascitur ex Deo; quæ duo sine naturæ divinæ communicatione fieri non possunt. Non est tamen univoca illa naturæ divinæ participatio; sed analogica tantum, in quantum nempe gratia habitualis est radix omnium donorum & operationum quæ sunt in iusto, cujus esse supernaturale constituit, quemadmodum natura divina secundum nostrum modum concipiendi est radix omnium divinorum attributorum, & principium omnium operationum divinarum.

Resp. ad secundum, repugnare gratiis sanctificantibus diversæ speciei physicæ, cum omnes sint participationes divinæ naturæ, quatenus natura est, sed non sunt ejusdem speciei moralis, cum gratiæ sanctificantibus diversas habeant virtutes, & connotent auxilia specie diversa, quæ contra varia peccatorum vulnera a Deo conferuntur, ut videre est in sacramentis.

QUÆSTIO II.

De subjecto gratiæ habitualis.

Not. I Thomistæ, qui gratiam habitualement a caritate distinguunt, asserunt, subjectum illius immediatum esse ipsam animæ substantiam; quippe quæ, secundum ipsos, non sit operativa; qui vero eam non distinguunt, docent, eam in voluntate recipi.

CONCL. Subjectum immediatum gratiæ habitualis est voluntas.

Probatur 1. Ad solam voluntatem pertinet actu diligere: ergo & recipere habitum dilectionis, qui iam est substantialiter cum gratia sanctificante. 2. Quæ sunt in anima, non suscipiunt magis & minus, ut videre est in intellectu & voluntate: Sed gratia habitualis suscipit magis & minus, ut patet ex eo quod iustitia in omnibus iustis æqualis non sit.

Obijcies 1. Ipsa animæ substantia corrupta fuit per peccatum originale : ergo sanctitatem, quæ idem est cum gratia habituali, debet immediate recipere.

Resp. In tantum animam corruptam fuisse, in quantum illius potentia inclinata fuerunt ad errorem & malum, & ex ea dominante propensione ad creaturam, peccati maculam contrahit. Unde non debet immediate sanari, sed tantum mediantibus potentiis, quæ cum in ordine debito constitutæ fuerint, anima antiquæ suæ rectitudini restituitur, hoc est, immediate sub Deo, & supra creaturas constituitur. Præterea potentia & anima non nisi secundum nostrum concipiendi modum differunt, non vero realiter.

Obijcies 2. Gratia habitualis duplicem habet effectum formalem, vitam scilicet supernaturalem tribuit, & reddit Deo gratum : Sed illi effectus per se primo in anima recipiuntur; sicut enim anima est primum, immediatum, & radicale vitæ naturalis subiectum, ita etiam & vitæ supernaturalis, quæ habetur per gratiam habitualem.

Resp. neg. min. & paritatem. Ratio est, quia anima est substantia, & sic non est immediate operativa. Substantiæ enim per naturales suas facultates operantur : Gratia vero est accidens, cui convenit immediata ratio agendi, & subiectum suum intrinsece denominandi.

Obijcies 3. Anima a suis potentiis actu non distinguitur : ergo si gratia habitualis immediate recipitur in voluntate, recipitur quoque immediate in substantia animæ.

Resp. 1. a Thomistis, multique aliis negari antecedens in philosophia.

Resp. 2. dato ant. neg. consequ. Ratio est, quia cum dicitur, gratiam habitualement non recipi immediate in anima, sensus est, illam in ea non recipi sub hac formalitate, quatenus est substantia simpliciter, sed sub hac alia, quatenus est volitiva boni.

Iis quæ hucusque dicta sunt, major lux affulgebit ex iis quæ inferius de causâ formali justificationis dicentur. Adeat Lector sessionem sextam Concilii Tridentini, ubi agitur de justificatione : consulatque Pallavinum, ut laudata Synodi mentem assequatur.

Q U Æ S T I O III.

De effectibus gratiæ habitualis.

2.^a. **D**UO sunt præcipui gratiæ habitualis effectus; nempe justificatio impii, & meritum iusti : de quibus in hac questione seorsum est agendum.

C A P U T P R I M U M.

De Justificatione impii.

Not. 1. **I**N justificatione tria perpendi possunt; dispositiones quæ ad eam

requiruntur, essentia quæ illam constituit, proprietates quæ eam comitantur.

Not. 2. Concilium Tridentinum sess. 6. c. 6. inter dispositiones quæ justificationi prærequiruntur, recenset fidem, spem, initium dilectionis. De sola fide hic agemus, quæremusque 1. Quodnam sit objectum fidei justificantis : 2. Utrum sola fides justificet : 3. Utrum ab aliis virtutibus separari possit.

Not. 3. Circa proprietates justificationis quæri potest, 1. Utrum sit certa : 2. An mutabilis : 3. An in omnibus æqualis.

A R T I C U L U S I.

De objecto fidei justificantis.

Not. **C**ALVINISTÆ duplicem distinguunt in Deo misericordiam, generalem nempe & specialem. Prioris nomine intelligunt Dei promissiones de peccatorum remissione iis omnibus indulgenda qui crediderint : per posteriorem vero intelligunt generalium promissionum ad particulare subiectum applicationem. Non illam misericordiam, sed istam, contendunt esse objectum fidei justificantis, ita ut quisque justificandus hunc actum eliciat : *Deus cuique credenti promissus est peccatorum remissionem : Ego credo : proindeque mihi remissa sunt peccata.*

CONCL. Objectum fidei justificantis non est specialis Dei misericordia, qua quisque certo credat, sibi propter Christum remissa esse peccata. Ita Concil. Trid. sess. 6. can. 13. contra Calvinum, qui ubi in suo Antidoto retulit illum Canonem, hæc subiungit : *Id sibi tamen, seu quod damnat canon, vult Paulus.*

Probatur 1. Fides, quam requirebat Christus ab iis, quibuscum agebat, erat fides justificans, seu ad justificationem disponens : sed illius fidei objectum non erat Dei misericordia specialis, sed vel omnipotentia, vel mysteria, vel miracula, eorum enim diuturnitas fidem ab iis requisivisse legitur, quibus peccata dimisit. 2. In Symbolo Apostolico, quod præcipua capita ad salutem necessaria continet, nullum occurrit verbum de misericordia specialis fidei, quæ apud adversarios tanti est momenti, ut nullus adultus sine ea salutem consequi possit. 3. Incidunt Calvinistæ in hunc pessimum circulum : Ideo remissa sunt mihi peccata, quod remissa certo credam ; ideo autem dimissa credo, quod remissa dimissa sint ; nam dimissio est objectum actus de quo agitur, objectum autem actus debet esse eo prius, saltem prioritate nature.

Obijcies 1. Debet esse aliquod discrimen inter fidem Diabolicam, & Christianam : Sed illud discrimen sumi tantum potest ex eo, quod illa Dei specialem misericordiam respiciat, illa vero nequaquam, cum demonibus nulla salutis spes affulgeat.

Resp. illud discrimen sumi non ex parte objecti,

ti, sed ex parte modi. Christiani credunt ex humili reverentia in Deum revelantem; Diaboli vero, Christi nam religionem esse veram concludunt coacti miraculis, quæ sciunt in confirmationem illius a Christo & ejus discipulis patrata fuisse. Vide Augustinum in epistola ad Sixtam.

Obicies 2. Impius, qui justificationis gratiam expostulat, debet certo credere se eam per meritum, juxta illud Marci 11. *Quid vultis, quod petitis, credite, quia accipietis, & dabitur vobis.* Sed illa certitudo non nisi per fidem in Deum mediis specialis haberi potest: ergo, &c.

Resp. neg. maj. quia homo non potest esse certus, an, ut patet, justificationem postulet: unde dicendum est, sententiam ex Marco adductam, conditionatam esse; est enim ex suppositione quod petamus, sicut oportet.

ARTICULUS II.

Utrum sola fides justificet, & an ab aliis virtutibus separari possit.

Not. **R**ecentiores Hæretici fatentur, nullum impium justificationem consequi, quin caritate & spe donatus sit. Contendunt nimirum, fidem misericordiam specialis a ceteris virtutibus nusquam posse separari: verum justificationem non adscribunt duabus istis virtutibus, sed priori tantum, fidei nempe, quæ complete per se solam, ad justificationem disponat.

CONCLUSIO 1. Fides sola non justificat: Ita Concilium Tridentinum.

Probatur 1. Vox hæc *Sola*, juncta cum fide justificante nullibi in Scriptura reperitur, imo fidem non satis esse, ut quis justificetur, Jacobus expresse scribit in Epist. cath. c. 2. *Videat (ait) quia ex operibus justificatur homo, & non ex fide tantum.*

Probatur 2. Sequeretur, hominem prius, saltem natura, esse justum, quam Dei dilectorem: nam fides eo instanti naturæ justificat, quo inest animæ; est autem ceteris virtutibus prior in anima saltem prioritate naturæ: Sed impium esse consequens, ostendit Joannes 1. Epist. 2. *Qui non diligit, manet in morte.*

Obicies 1. Paulus ad Rom. 3. & ad Galatas 3. conceptis terminis asserit, hominem justificari per fidem sine operibus legis: ergo fides sola ad justificationem disponit.

Resp. Paulum in Epist. ad Roman. rejicere a justificatione opera moraliter bona, quibus Gentiles conversi se Evangelii prædicationem promeruisse gloriabantur; in Epistola vero ad Galatas rejicit ceremonialia opera legis Moisaicæ, ad quorum observationem nonnulli pseudo-propheta volebant cogere Galatas sub æternæ damnationis periculo. At Apostolus illis in Epistolis non damnat

eum, qui ex motu & inspiratione Spiritus Sancti, legem naturalem servaverit.

Obicies 2. Scriptura justificationem sæpius fidei tribuit, ut Matth. 3. *Fides tua te salvam fecit:* ergo sola præsupponitur justificationi.

Resp. cont. ant. neg. consequ. Quando enim multæ causæ ad eundem effectum concurrant, Scriptura modo unius meminit, modo vero alterius, & quidem frequentius eam recenset, quæ (ut ait Concil. Triden. de fide) est respectu iustitiæ radix, fundamentum, & initium: *Ex fide* (inquit Augustinus lib. de Prædest. SS. cap. 7.) *ideo dicit Apostolus justificari hominem, non ex operibus; quia ipsa prima datur, ex qua impetuntur cetera, quæ proprie opera nuncupantur, in quibus vivitur.*

CONCLUSIO 2. Fides, quæ ad justificationem concurrat, separari potest ab aliis virtutibus. Ita Concil. Trid. sess. 6. can. 28. contra Calvinum, qui lib. 3. Inst. cap. 2. contrarium docet.

Probatur 1. ex eo quod Joann. 12. Scriptura referat, multos credidisse in Jesum, qui tamen plaris faciebant mundanum honorem, quam gloriam Dei. 2. Jacobus supponit, fidem a caritate posse separari, cum ep. cath. c. 2. hæc ait: *Quid prodest frater mei, si si dem quis dicat se habere, opera autem non habent?* Idem quoque innuit, cum ibidem fidem operibus destitutam comparat corpori mortuo, quod quidem verum est corpus, quamvis anima destitutum sit. 3. Impii per blasphemiam, & adulterii peccata detrimentum caritatis patiuntur, quamvis fidem non amittant.

Obicies cum Calvino. Fides Christiana totum Christum amplectitur: ergo eum recipit cum sanctificatione & dilectione, quarum est auctor; in frustra enim discerpi non potest.

Resp. credentem recipere quidem totum Christum objective, sed non subjective; id est, Christus, qui aliquo modo per fidem recipitur, Spiritum habet sanctificationis & dilectionis in se, sed eum non tribuit illi, qui caritatis expers credit revelata.

Quæres, qua ratione fides ad justificationem disponat.

Respondent Calvinistæ, fidem ad justificationem concurrere, non quod sit opus bonum; nam in eorum systemate omnia, etiam pietatis, opera, sunt peccata mortalia; sed quod sit veluti manus quæ oblitam in Evangelio Dei misericordiam amplectitur.

CONCL. 2. Fides ad justificationem concurrat, quatenus est opus bonum, non vero ut manus, quod Dei misericordiam amplectatur.

Probatur 1. ex eo quod fidei justificantis objectum non sit Dei misericordia specialis, ut supra dictum est. Ostenditur 2. eadem veritas ex his Scripturæ locis quæ docent, impium justificari, *ex fide, per fidem*: illæ enim præ-

positiones veram causam significant. 3. Idem colligitur ex Augustino. Ep. 105. ad Sixtum hac scribente: *Nec ipsa remissio peccatorum fuit aliquo merito est, si fides hanc impetrat.*

ARTICULUS III.

De essentia justificationis.

Not. **E**ssentia justificationis continetur in hac illius definitione; quam tradit Concilium Trid. sess. 6. cap. 4. *Translatio ab eo statu, in qua homo nascitur filius primæ Adæ, in statum gratiæ & adoptionis filiorum Dei per secundum Adam. Jesum Christum.* Difficultas non levis est circa id in quo formaliter consistit illa translatio, seu status gratiæ & adoptionis filiorum Dei.

Not. 2. Non una est hæreticorum sententia de essentia justificationis. Osiander censuit, hominem esse justum per eam justitiam, qua Deus ipse justus est. Calvino placuit, justificationem positam esse in sola remissione peccatorum. Lutherus docuit, eam nihil aliud dicere, quam Christi justitiam, quam Deus Pater, non quidem per intrinsecam communicationem, sed per externam imputationem impiis tribuit. Catholici e contra censent, intrinsecam esse ac inhzrentem hominis justitiam, ita ut non solum Deus impio peccata dimittat, sed etiam interius eum renovet ac sanctificet.

CONCLUSIO. Id, quo homo est formaliter justus, non est justitia, qua Deus ipse justus est, ut placuit Osiandro; 2. nec sola remissio peccatorum, ut voluit Calvinus; nec imputatio justitiæ Christi, ut quidam Lutherani censuerunt.

Probatur prima pars ex eo, quod alioquin justificaremur formaliter per justitiam tribus personis divinis communem, sicque per tres personas redempti essemus; quod est impium.

Probatur altera pars. Remissio peccatorum non dicit aliud, quam exemptionem a pœnis, ut patet in rebus humanis; justificatio dicit præterea jus ad præmium, juxta illud Scripturæ, *Quos justificavit, hos & glorificavit.* Nec est, quod quis objiciat hæc Psalmi verba, *Beati quorum remissa sunt iniquitates*; iis enim verbis non adæquate, sed inadæquate tantum, per unum scilicet effectum, justificatio describitur.

Probatur tertia pars: 1. Imputatio justitiæ Christi est actus, quo Deus nos, licet in peccato remanentes, justitia Christi rectos videt; quemadmodum Isaacus Jacob filium suum palpavit rectam Eliæ primogeniti vestibus. Sed hujusmodi non est causa formalis nostræ justificationis, cum de facto Christus in Scriptura dicatur tollere peccata mundi; cum in justis vere deleantur scelera, A-

ctorum 3. *Conversus, ut deleantur peccata vestra*; cum denique Patres affirmant, per Sacramenta non radi crimina, quasi iterum pululare debeant; sed re ipsa omnino deleri, ac auferri. *Dictum baptisma omnium delicta indulgentiam peccatorum, & auferre crimina, non radere.* Verba sunt Augustini l. 1. contra duas Epistolas Pelagianorum cap. 13. Alia hujusce dogmatis argumenta protulimus in Commentario nostro historico de Sacramentis.

Nec contrarium probant, quæ obijciunt adversarii ex prima ad Corinth. 3. ubi legimus Christum a Deo nobis factum esse sapientiam, justitiam, & redemptionem. Nam ille locus probat tantum, Christum promeritum fuisse nobis sapientiam, justitiam; unde Christus est nostra sapientia effective moraliter, non vero formaliter. Idem pariter est sensus textus capituli primi ad Ephesios, ubi Deus dicitur nos acceptos & gratos habuisse in filio suo dilecto; ex vi nempe meritorum Christi, Deus nos acceptos sibi & gratos efficit per gratiæ & donorum infusionem.

CONCLUSIO 2. Justificatio consistit in forma intrinseca, quæ animæ inhzreat.

Probatur 1. Ex Epist. ad Rom. c. 5. ubi Apostolus ait, nos per obedientiam Christi justos factos fuisse, sicut per inobedientiam Adami constituti fuimus injusti; proindeque, cum intrinsecam injustitiam per primum Adam homo contrahat, intrinsecam justitiam per secundum habere oportet: 2. Ex iis locis, ubi idem Apostolus asserit, impium fieri justum per gratiam Christi; quæ quidem præpositio infusionem doni significare videtur; nam eandem gratiam Apostolus ad Rom. 7. vocat caritatem diffusam in cordibus nostris per Spiritum sanctum; & cap. 8. dicitur Spiritus adoptionis filiorum, quem accepimus. Ostenditur 3. ex omnipotentis Dei voluntate, quæ efficit in subjecto amato bonum, quod Deus in eo vult esse; vult autem Deus, ut coram ipso vere & intrinsece justus simus, juxta illud ad Ephes. 1. *Elegit nos in ipso ante mundi constitutionem, ut essemus sancti & immaculati in conspectu ejus in caritate.*

Quæres, quænam sit illa forma inhzrens, qua homo formaliter est justus.

Resp. esse gratiam habitualement; de cujus natura abunde superius actum fuit.

ARTICULUS IV.

De incertitudine justificationis.

Not. **H**æretici, qui asserunt, misericordiam Dei specialem esse subjectum fidei impium justificantis, per consequentiam necessariam docent, justum que nullo modo esse certum certitudinæ fidei, se justitiam consecuturum.

tum fuisse, ac proinde se esse de prædestinatorum numero, cum ex ipsis, nulli, nisi prædestinati, vera unquam iustitia donentur. Catholicis, ut contrarium credant, jubet Concilium Trid. sess. 6. cap. 9. ubi hæc habentur, *Quilibet Homo se ipsum suamque propriam infirmitatem & indispositionem respicit, de sua gratia formidare & timere potest; cum nullus scire valeat certitudine fidei, cui non potest subesse falsum, se gratiam Dei esse consecutum.*

CONCLUSIO. Justificatio incerta est respectu nostri.

Probatur 1. ex Scriptura. Proverb. c. 20. *Quis potest dicere, Mundum est cor meum, purus sum a peccato?* Primæ ad Corinth. 4. hæc ait Paulus: *Nihil mihi conscius sum, sed non in hoc justificatus sum.* Cum ergo nemo scire valeat, an peccato lethali vacuus sit; cum etiam, licet nulla memoria peccata post diligens examen occurrant, nemo sibi de justificatione blandiri possit; quilibet de sua iustitia incertus sit oportet.

Probatur 2. ex eo, quod scire non possumus an totam legem in qualibet materia gravi servaverimus; per ignorantiam enim, & per inadvertentiam multum sumus culpabiles, in graviisque crimina nonnumquam incidimus. Opera, quæ nobis recta videntur, Deus odit, quia sæpe prodeunt ex aliqua occulta concupiscentia, quæ larvata sit caritas.

Ad solvenda argumenta quæ contra catholicam illam conclusionem adversarii objiciunt, notandum est, certitudinem de præsentia Spiritus sancti, quam Paulus nonnumquam in suis Epistolis recenset, intelligi vel de certitudine morali, non vero metaphysica; vel de præsentia per potentiam, & per miracula, non vero per sanctificationem formalem. Illa visibili præsentia utitur Apostolus 1. ad Corinth. 13. ut divinæ suæ missioni auctoritatem conciliet; hortaturque Corinthios in eam finem, ut probent an fidem habeant, seu expendant potentiam, quæ in Paulo variis miraculis eluxit.

ARTICULUS V.

De mutabilitate justificationis.

Not. Calvinistæ docent, ita constantem esse hominis iustitiam, ut ex ea semel comparata justificatus nusquam excidere possit, quamvis gravissima committat scelera: Sic enim loquitur dux eorum Calvinus libro 3. Institut. cap. 2. *Solos electos semine corruptibili Deus in perpetuum regenerat, ut nunquam dispareat semen vita in eorum cerebribus insitum.* Idem dogma probavit Dordrectana Synodus anno 1619. contra Ariminenses, sive Calvinistas Remonstrantes, coacta: cōmon-

6. hæc habet, *Deus Spiritum sanctum etiam in tristibus lapsibus a suis non profus aufert, nec eo usque eos prolabi finit, ut gratia adoptionis, & justificationis statu excidant.* Quibus quidem verbis hanc duplicem Ariminensiam propositionem damnavit. 1. *Veri fideles possunt a vera fide excidere, & in istiusmodi prolabi peccata, quæ cum vera & iustificante fide consistere non possunt.* 2. *Veri fideles possunt in flagitia incidere, ac mori in eorum affectu, ac proinde perire in æternum.*

Gillicana Calvinistarum Synodus Alesii coacta anno 1620. Dordrectani Conciliabuli decretis adhæsit, ejectione sunt e Synagoga qui detrectarunt subscribere.

CONCLUSIO 1. Justificatio non est immutabilis, seu inamissibilis.

Probatur conclusio 1. ex Scriptura, qua docemur multos justos in gravissima scelera incidisse, quæ exclusionem a Regno cælorum inveniuntur: *Qui talia agunt (inquit Apostolus) regnum Dei non possidebunt;* per quæ etiam mors infertur animæ: *Si secundum carnem vixeritis, moriemini,* ad Romanos 8. *Si averteris se justus a iustitia sua, & fecerit iniquitatem, morietur,* inquit Deus Ezech. 18.

Probatur 2. ex Patribus, & præsertim ex Augustino, quem Calvinistæ in suum dogma immerito detorquere conantur. Lib. de corrept. & gratia Monachis Adrumetinis occurrit, qui ex doctrina quam S. Doctor in Ep. ad Sixtum tradiderat, inferebant, non esse corripiendos qui cadunt, sed Deum dumtaxat pro eis esse orandum. Illam illationem cap. 6. hoc argumento Augustinus refellit: *Qui peccat, aut nondum fuit in Christo regeneratus, aut e contra: Si primum, corripiendus est, quod ea inobedientia oriatur tamquam a radice, & a corruptione, quam per peccatum contraxit: Si secundum, arguendus est pariter quod sua culpa id amiserit, quod acceperat.* 2. in lib. de prædestinatione SS. ut superbientem hominem deprimat, docet Dei judicia esse inscrutabilia in suæ gratiæ dispensatione: hocque probat primo ex eo, quod e duobus parvulis istum ante mortem abluat per lavacrum regenerationis, illum vero in ejus sordibus relictum perire sinat. Secundo, quod e duobus adultis unum ad Evangelium vocet, alium autem nequaquam. Tertio tandem, quod e duobus iustis uni largiatur perseverantiam, quai alteri negat. Ea Augustini principia Calvinistarum systemati e diametro opponuntur. Ne autem ea testimonia de iustis secundum hominum, non Dei judicium (ut ab adversariis fit) explicentur, ipse Augustinus effugium præcludit: libro enim de corrept. & gratia c. 13. hæc habet: *Credendum est, quosdam de filiis perditionis, non accepto dono perseverandi usque in finem, in fide, quæ per dilectionem operatur, incipere vivere, & aliquando fideliter & ju-*

Et julte vivere, & postea cadere, neque de hac vita, priusquam eis id contingat, auferri. Cap. 14. addit, justum qui post casum moritur, facile a Deo potuisse salvari, si nempe eum antequam laberetur, e vita exire jussisset.

Probatur 3. rationibus. 1. Ex doctrina de inamissibilitate justitiæ sequitur, vel plures parvulos non justificari dum baptizantur, vel semel eo sacramento justificados, nunquam excidere ex sua justitia, quamvis postea per multos annos ita impie vivant, ut excommunicationis pœna multentur. 2. Justi, inferni pœnarum metu, sese ad pietatem excitare non possent; certi nimirum de sua in bono perseverantia, quemadmodum ex eo, quod certi sint de suæ animæ immortalitate, timere non possunt, ne anima moriatur: Sed hoc repugnat his Christi verbis apud Matthæum cap. 11. *Timete eum qui potest & animam & corpus perdere in gehennam.*

Objicies 1. Joannis 1. Epist. 3. hæc habentur: *Qui natus est ex Deo, peccatum non facit, quoniam semen illius in eo manet, & non potest peccare, quoniam ex Deo natus est.* Verba illa non significant justos non peccare, cum experientia contrarium doceat; sed tantum, quod peccata eis non imputentur; proindeque in quacumque probantur, ex justitia non excidunt, cum justitia in non imputatione peccatorum posita sit.

Resp. cum Augustino tractatu 5. in Epistolam Joannis, nomine peccati Joannem intellesse lethale tanquam præcipuum peccati speciem: Unde allatæ sententiæ sensus est, justum, quamdiu justus est, non peccare mortaliter in sensu composito: seu Joannes docet, componi non posse peccatum lethale cum regeneratione seu dignitate filii Dei adoptivi, non autem cum persona regenerata, quemadmodum ex istis propositionibus, *Optimus civis nunquam patriam prodit; Mulier casta non committit adulterium*, inferri non potest absolute, id nec civem illum, nec mulierem illam præstare posse: sed hoc unum colligitur, prodicionem cum fide civis, & adulterium cum castitate conjugali, stare non posse.

Objicies 2. Augustinus de correptione & gratia c. 9. docet, eos tantum esse filios Dei, qui mansuri sunt in eo propter quod sic appellantur, seu qui in justitia usque in finem constantes sunt; *Tunc* (ait S. Doctor) *vere sunt quod appellantur* (justi nimirum) *si manserint in eo propter quod sic appellantur.* Si autem non manserint, filii Dei dicuntur a nobis, nec sunt tamen Dei, & ante non erant, etiam quando erant in professione, & nomine filiorum. Idem docet cap. 19. de unitate Ecclesiæ, ubi asserit, donum Spiritus Sancti proprium esse iis qui cum Christo regnabunt in cælis, non autem iis qui ab il-

lius regno excludendi sunt, licet baptismate initiati fuerint.

Resp. ad primum, Augustinum non loqui de filiis Dei secundum præsentem statum, sed futurum, nempe secundum prædestinationis decretum; ad quod quidem filii Dei impii comparentur, vere sunt filii Dei, quippe qui supponantur esse ex peccatorum numero. Econtra vero plures iusti, habita ratione ejusdem decreti, coram Deo impii sunt; cum enim sint e numero reproborum, ex sua justitia ante obitum infallibiliter excident.

Resp. ad secundum, eundem S. Doctorem, cum asserit, donum Spiritus sancti, sive caritatem, non esse propriam iis qui non sunt regnaturi cum Christo, intelligi de iis tantum, qui incidunt in scelera, quæ ubi Apostolus recensuit, hæc habet, *Quoniam qui talia agunt, regnum Dei non possidebunt*; sive ii flagitiosi sint e reproborum numero, sive non sint. Ratio solutionis petitur ex scopo, quem Augustinus in libro de unitate Ecclesiæ contra Donatistas agens sibi proposuit. Duo nimirum capita probat, quæ Donatistæ negabant; Primum, in Ecclesia bonos cum malis permixtos esse; Alterum, Episcopos per peccata ex sua in fideles jurisdictione non excidere. Ex primo capite concludit, Ecclesiam non periisse, etiam apud illos qui permanerant in communione Traditorum, hoc est eorum, qui sacros Codices, sæviante persecutione, Ethnicis comburendos tradiderant. Infert ex altero, valere Sacramenta, licet a ministris impiis dispensentur. Ex illis duobus capitibus Augustinus concludit, errare Donatistas, tum quod gloriantur, Ecclesiam superstitem esse tantum in Africa, & quidem in sua dumtaxat communione, post Cæciliani ordinationem a Traditoribus (ut supposebant) peractam; tum quod baptismum extra suam sectam datum non admitterent. Ut autem Augustinus ea capita probaret, non erat necesse, ut loqueretur de fidelibus secundum prædestinationis statum, sed tantum secundum præsentem, in quo quidem vel rei sunt scelera, quæ, ex Paulo, excludunt e regno cælorum, vel non sunt rei: quodcumque autem admittatur, stabit Augustini scopus, nempe 1. Ecclesiam, licet cum impiis quibusdam communice, non perire; 2. valere sacramenta a ministris etiam impiis collata.

ARTICULUS VI.

De inæqualitate justificationis.

Not. **A** pud recentiores hæreticos æqualis est in omnibus justitia. Nec mirum, cum remissio peccatorum, aut justitia Christi per fidem apprehensa, aut non imputa-

ARTICULUS I.

Utrum iusti per opera pietatis mereantur.

tio peccatorum, quæ ex sectariis, justificationem constituunt, majus vel minus non suscipiant. Apud Catholicos vero, iusti æquali sanctitate seu iustitia non sunt donati: *Si quis dixerit* (inquit Concilium Tridentinum sess. 6. Can. 24.) *iustitiam acceptam non conservari, atque etiam augeri coram Deo per bona opera ... anathema sit.*

CONCL. Justificatio, seu, iustitia, qua formaliter sumus, non est in omnibus iustis æqualis.

Probatur 1. ex Scriptura. Apoc. ultimo hæc habentur: *Qui iustus est, justificetur adhuc: & qui sanctus est, sanctificetur adhuc*; itea, quod idem est, cuique incumbit debitum suum & iustitiam & sanctitatem augendi per pietatis opera. Illud iustitiæ incrementum petit pro filiis S. Mater Ecclesia Dominica 15. post Pentecosten: cum sic orat: *Da nobis, Domine, fidei, spei, & caritatis augmentum.* Id Tridentini Patres loco mox relato observant.

Probatur 2. ex Patribus, quorum omnino instar sit Augustinus tractatu 6. in Joannem, ubi sic loquitur: *Ipsi spirituales sancti in Ecclesia sunt alii alii sanctiores, alii alii meliores.*

Probatur 3. ex doctrina superius tradita de iustitia inhaerente, per quam homo justificatur. Ea enim, cum forma sit quædam, perfectius aut imperfectius subjectum efficitur; nempe secundum perfectiorem vel imperfectiorem subjecti dispositionem per pietatis opera. Tandem varia erunt & inæqualia præmia, quibus Beati remunerabuntur: ergo inæqualis erit illorum iustitia, cum iustitia huius vitæ sit mensura præmii, quod in altera rependetur.

Obijcies Evangelii parabolam, in qua vineæ cultoribus Paternitas, Deus nempe, æquale præfium rependit, licet inæquali tempore laborassent: at si æquale futurum sit in cælis præmium, æqualis sit oportet in hoc sæculo omnium prædestinatorum iustitia, cum gradus gloriæ in altera vita respondeat gradui gratiæ, quem quis in ista habuerit.

Resp. eos, qui breviori tempore laboraverant in vinea, ea diligentia usos fuisse, ut ceterorum, qui summo mane conducti fuerant, laborem æquaverint. Vide quæ de eo argumento diximus Tom. I. pag. 263. 264.

CAPUT II.

De merito iusti.

Not. HOC in capite quæremus 1. Utrum iusti aliquid per pietatis opera mereantur; 2. Quænam conditiones ad merendum requirantur; 3. Quænam cadant sub medium.

Not. Calvinus lib. 3. Instit. c. 15. fateatur quidem bona opera non esse iustis infructuosa: sed negat, ea esse alicujus meriti. Contendit ea placere Deo, quod summo ac stricto jure non examinentur, sed acceptentur a Deo perinde ac si purissima essent. Ecclesia Catholica contrarium docet, ut in Conc. Tridentino legere est: *Si quis dixerit* (inquit sess. 6. can. 22.) *justificatum bonis operibus, quæ ab eo per Dei gratiam fiunt, non vere mereri augmentum gratiæ & vitam æternam, &c. anathema sit.*

CONCLUSIO. Iusti per opera pietatis vere ac strictè merentur.

Probatur 1. ex Scriptura, quæ asserit, vitam æternam esse bonorum operum mercedem, Matth. 11. *Merces vestra copiosa est in cælis.* Merces autem cum meritis est correlativa; per hoc enim a dono pure gratuito differt. Nec valet adversariorum responsio contendentium, ideo vitam æternam vocari mercedem bonorum operum, quod sit eorum terminus: Nam Paulus 2. ad Timoth. 4. eam vocat *coronam iustitiæ*, 1. ad Corint. 9. *bravium*: at voces, *Corona iustitiæ*, *Bravium*, non significant merum terminum, sed veram ac propriè dictam mercedem.

Probatur 2. ex Traditione. Concilium secundum Arausicanum hæc habet c. 18. *Debetur merces bonis operibus, si fiant; sed gratia, quæ non debetur, præcedit ut fiant.* Hæc ante illud Concilium scripserat Augustinus Epist. 105. ad Sixtum, *Nullane sunt merita iustorum? sunt plane, quia iusti sunt; sed ut iusti fierent, merita non præcesserunt.*

Obijcies 1. Scriptura videtur docere, omnia opera hominum iustorum esse peccata, Il. 64. *Quasi pannus menstruatus omnes iustitiæ nostræ*: Ergo, &c.

Resp. 1. ant. esse quidem verum apud Calvinum, qui lib. 3. Institutionum c. 12. hæc habet: *Omnia hominum opera, si sua dignitate censeantur, nihil nisi inquinamenta sunt & sordes*: Sed aliter docet Scriptura, in qua legimus, iustorum pia opera Deo placere; subinere strictum Dei iudicium; certam facere vocationem nostram. Præterea peccatum quoque esset hæc iustis præcepta a Christo oratio: *Dimitte nobis debita nostra*, nec non & iste actus apud adversarios justificans: *Credo per Christum mihi remissa esse peccata.*

Resp. 2. ad locum ex Isaia sumptam, S. Prophetam loqui in persona impiorum; vel nomine iustitiarum enim intelligere sacrificia legalia oblata a Judæis cum voluntate actuali & determinata peccandi; unde Deum sic postea loquentem inducit: *Incensum abominatio est mihi.*

Obji-

Objicies 2. Ad meritum requiritur totius legis observatio, quæ quidem in hac vita est impossibilis, cum Jacobus asserat, omnes in multis offendere, & cum hæc duo præcepta: *Diliges Dominum Deum tuum ex toto corde tuo, Non concupisces*, in hac vita servari non possint.

Resp. Jacobum loqui de peccatis venialibus, quæ non extinguunt caritatem, sed illius tantum fervorem minuunt. Ita docuerunt S. Augustinus & S. Thomas.

Resp. 2. primum Decalogi præceptum præcipere 1. ut Deum rebus omnibus creatis anteponamus; 2. ut nihil nisi in ordine ad ipsum amemus; 3. ut ad perfectum Dei amorem conemur: tria hæc maxime possibilia sunt.

Resp. 2. præceptum, *Non concupisces*, prohibere concupiscentiæ titillanti consensum, quem cum gratia ei negare possumus, quamvis titillationem ipsam non valeamus impedire.

Objicies 3. Doctrina de merito operum, opponitur & discrimini legis novæ ab antiqua, & veræ Christianæque libertati; præsupponit enim bonorum operum necessitatem ad vitam æternam consequendam, quam tamen Evangelium & libertas Christiana rejiciunt; lex quippe nova calum proponit sine ulla conditione, præterquam fidei; & in hoc consistit libertas filiorum.

Resp. 1. Legem antiquam a nova differre in mysteriis, quæ figurate tantum adumbrabat; in promissionibus, utpote terrenis; in legibus, quæ multa ad duritiam cordis Judæis permittebant. Præterea lex vetus, sola venerat; nova vero, cum gratia simul, ita ut justitiam ipsam Christiani cum gratiæ auxilio consequantur.

Resp. 2. christianam libertatem positam esse in libertate a peccato, a iugo legis ceremonialis, a reatu legis naturalis, non quidem adimendo vim obligandi, sed viros obediendi tribuendo, juxta illud Apostoli ad Galatas 5. *Si spiritu ducimini, non estis sub lege*. Ex duplici illa responsione patet, nec Evangelii a lege discrimen, nec libertatem Christianam evertere promissionem vitæ æternæ sub conditione bonorum operum: Idque eo evidentius patet, quod illa bona opera Christus ipse præcepit in sermone, quem habuit in monte, tanquam media, regni calorum adeptioni absolute prærequisita.

ARTICULUS II.

Quanam conditiones ad meritum requirantur.

CONCL. Multæ conditiones requiruntur ad meritum strictè sumptum.

Probatur enumeratione illarum conditionum. 1. Ex parte actus meritorii re-

quitur, ut sit liber non solum a coactione, sed etiam a necessitate; id enim desinit Innocent. X. proseribens hanc propositionem tamquam hæreticam, *Ad merendum, vel demerendum in statu naturæ lapsæ, non requiritur in homine libertas a necessitate, sed sufficit libertas a coactione*. Debet præterea esse bonus tam ex officio, quam ex fine: alioquin esset peccatum; Malum enim ex quolibet defectu.

2. Ex parte personæ merentis, duo requiruntur conditiones. Prima, est status gratiæ; Secunda, status viæ; *ubi enim ceciderit lignum, ibi manebit*. Hoc est, nemo, nisi viator sit, potest (sic ferente immutabili lege) aliquid apud Deum mereri.

3. Ex parte Dei requiritur promissio de rependendo operibus præmio. Ratio est, quia nihil est ex parte creaturæ, quod Deo aliquid debitum imponere valeat. *Debitorum ipse fecit se, non accipiendo, sed promittendo*, inquit Augustinus in Pl. 83. Ratio est 2. quia creatura Deo debet titulo creationis & titulo supremi illius in omnia dominii, cunctas suas actiones; illas igitur Deus, nisi intervenisset promissio, licet condignas ad vitam æternam, posset non ad præmium, sed ad alios titulos acceptare: unde Concilium Tridentinum, ubi meritum recenset, meminit quoque divinæ promissionis.

Quæres, an retributio præmii sit in Deo actus justitiæ commutativæ, an vero distributivæ?

Resp. non esse actum justitiæ commutativæ: nam justitia commutativa obligationem strictam & rigorosam dicit in iis, qui ea justitiæ specie tenentur. Itaque respondendum est retributionem illam esse actum justitiæ distributivæ, quæ operis solam condignitatem ad præmium importat, non autem obligationem in præmiante, ortam ex jure subjecti præmiandi: sed tantum ex naturali rectitudine, qua distributor tenetur præmium meritis commensurare.

Antequam arduo de divinis auxiliis tractatui finem imponamus, operæ pretium est, ut lectoris ob oculos ponamus Eminentissimi Cardinalis de Noailles, circa prædestinationem & gratiam, Mandatum, ad cujus normam, quæ de gratiæ necessitate, gratuitate, operandi modo, a nobis fuscè explicata sunt, exigere conati sumus: in hoc veto Mandato primum quinque famosarum propositionum errores rejiciuntur; tum asseritur veritas, quam Ecclesia a suis incunabulis ad hæc usque tempora semper, & ubique docuit.

M A N D A T U M.

ET INSTRUCTIO PASTORALIS

Eminentiss. Cardinalis DE NOAILLES Archiepiscopi Parisiensis, circa Prædestinat. & Gratiâ.

CUM prima sint Episcoporum partes, ut fidei depositum custodiant, omnibus quæ illius integritatem labefactare possint, novitatibus fortiter repugnare teneantur, simulque (ut sapientissime mones Vincentius Lirinensis) pro virili obstarè, ne aliquid in ea, sive per additionem, sive per detraktionem, mutationis accadat.

Itaque ubi primum tam numerosus Clerus, tantaque populorum multitudo nobis ex alto commissa sunt, omni curam sanæ doctrinæ conservationem statimur incumbere. Nos minime fugit, spiritum erroris, se se (ut ait Paulus) nova aliqua doctrina adversus Dei sententiam extollere; eumque, quamvis per Spiritus veritatis potentiam sua videat eversa consilia, nullatenus ab eis deterri. Spes affulgebat tamen fore ut motus in Ecclesia Gallicana per tantam hujus sæculi partem excitati, & quorum memoria non sine dolore revocatur, penitus tandem comprimerentur Summarum Pontificum censuris ab omnibus Presulibus acceptis, firmatisque auctoritate Regis, quem ardens in Catholicam fidem studium, Ecclesia Priogeniti nomine dignissimum præstiterit. Causa tunc sollemniter finita (ut eadem in occasione eisdem utamur Augustini verbis) errorem quoque fovendum polliceri nobis posse videbamur: At cum læcerimis conspiciamus, inquieti, partique insensæ inter nos adhuc extare ingenia, & in lucem prodi scripta, quæ tranquillitatem Ecclesiæ perturbare, longasque ac graves contentiones renovare valeant, in quibus cohibendis eadem Ecclesiæ tantum insudaverit. Talis est liber inscriptus: Exposition de la foy touchant la Grace & la Prædestination.

Neminem latet, quas turbas commoverint quinque famasæ propositiones excerptæ ex Concilio Jansenii, Iprensi Episcopi, libro qui Augustinus inscribitur. Elapso a prima hujus libri editione decennio, cum octoginta quinque Galliarum Episcopi in illo propositiones advertissent jam a sancta Tridentina Synodo damnatas, utpote quæ libertatem hominis nimis coercerent, denique bonitatem ardentibus circumscriberent terminis, ad sanctæ Scatæ auctoritatem confugerunt. Innocentius Papa X. qui tunc temporis clavum regabat, die ultima Maji ann. 1655. constitutionem promulgavit, per quam illis hujus libri propositionibus quinque, debita iniussa est censura. Constitutionem istam Alex. Papa VII. duabus aliis explanavit, confirmavitque, quarum una data est die 16. Octobris ann. 1655. altera vero prodita die 15. Febr. ann. 1664. In postrema hac constitutione erat Formula, quam idem Alexan-

der mandabat subscribi, & quæ idem loquitur, ac idem sentit ac formula, quam ann. 1656. Clerus Gallicanus in Comitibus Generalibus ediderat.

Hæc constitutiones Apostolicas acceperunt Episcopi; & unanimiter, reverenter, ac submisse (quod & non multo post universa præstitit Ecclesiæ) ita assensu sunt. Tam perniciose doctrinæ destructioni hæc erant satis, eo magis quod illius auctor Jansenius ipsomet in testamento, & jam morti proximus, sanctæ Sedis iudicio & censuræ suæ subiectus scripta, egregium, quod sui sequerentur discipuli, exemplum reliquisset. At tamen quoniam superbia, licet fracta, se se non cessat erigere, hæresim in libro nuper edito non sine dolore renasci videmus, eo majori cum periculo, quod vernacula lingua scriptus, non a doctis tantum, sed etiam ab imperitis legi possit.

Quamobrem in causa tanti momenti nostrum impleturi munus, opus illud diligenter ut examinaretur curavimus, & ubi a Nobis ipsi expensum est, in eo omne dogmatum Jansenii venenum baud difficile deteximus. Prima propositio, ceterarum veluti caput & fundamentum, quæ iustis cadentibus subtrahit gratiam, sine qua nihil possumus, tamquam fidei dogma ibi renovatur. Ceteras propositiones damnatas quas hic auctor anonymus in librum diffudit, ejusque in divi Augustini & aliorum quorundam doctorem abutendo nomine temeritatem arguere & consèdari necesse non est.

Huic malo reviviscere tentanti nullum sanum efficacius est remedium, quam illud quo sanatum est prius, scilicet Inn. X. & Alex. VII. Constitutiones. Earum per se patet intelligentia. Summatim dumtaxat constitutiones illæ, & propositiones ab ipsis damnatæ in sensu quo statim menti afficitur, quemque prima offert lectio: In sensu obvio; Hanc nimirum regulam Belgarum Episcopis, & Theologia facultati Lovanicensi, suis Brevibus die 6. Febr. ann. 1644. datis, præscribit SS. Papa Inn. XII. quem Deus incolumem diu servet ubi christiano, cujus vere Papam se probat.

Certiorẽ viam tenere non possumus. Itaque adherentes Inn. X. & Alex. VII. constitutionibus, post maturam deliberationem, sancto Dri nomine invocata, damnamus librum qui inscribitur, Exposition de la Foy touchant la prædestination & la grace, imprime a Mons chez Gaspar Migeot, tamquam qui continet propositiones respectu falsas, temerarias, scandalosas, impias, blasphematorias, Deo injurias, & ejus bonitatẽ derogantes, anathemate damnatas, & hæreticæ atque dignique tamquam renovantes doctrinam quinque propositionum Jansenii, eo intolerabiliore temeritate, quod hic auctor inter dogmata suæ auctoris recepisse, non solum quæ ex eorum numero sint, verum etiam a quibus abhorreat, quæque universa detestetur Ecclesiæ.

Non intendimus tamen alias propositiones, quæ in prædicto libro continentur, ullatenus approbare. Ejus lectionem sub excommunicationis pena, aliisque penis juris laci interdiciamus; edici-

dicimusque hisdem sub penis, ut exemplaria, vel in nostras, vel in nostrorum Vicariorum Generalium manus reponantur: & quidquid juris habet nostra Pastoralis administratio, id totum conferemus in extinguenda & abolenda penitus doctrina quam prædictus liber continet & renovat.

Sed ne cum rixantiis eradicemus simul & iracundum, detecto illorum errore, qui gratia doctrina abusi sunt, trabentes ex illius efficacia enormes, hæc est, præter modum & æquum, consequentia, nostri quoque muneris est gregem a Spiritu sancto nostra sollicitudini creditum docere diligenter, quid in tanti ponderis causa scire ac tenere debeat.

Id vero præstabimus, omisso quibuslibet spinosis questionibus, ex Scriptura, Conciliis & Patribus educere contenti, quidquid pietatem illuminare ac fovere, necnon curiositatis & contentioni spiritum compellere valeat.

Christiani nomen id ab unoquoque nostrum exigit, ut fateamur, frustra nos eviti ad æternam salutem, si gratia Christi destituamur auxilia. Quidquid in nobis est, aut pie cogitatum, aut sancte gestum, omne datum optimum, omne donum perfectum desursum est descendens a Patre Luminum. Deus (ut disertis verbis tradit Apostolus) vult & perficere operatur in nobis. Nemo igitur sibi non vilescat tenuitatis & imbecillitatis sua conscius, sed tamen confidat ille idem ad omnipotentis bonitatis Jesu Christi conspectum erectus. Quanta cumque sit imbecillitas nostra, quantumcumque eminenti sit præcepta nobis perfectio, Deus (ut ait Tridentina Synodus) impossibilia non jubet, sed jubendo monet facere, quod possumus, & petere, quod non possumus, & adjuvat, ut possumus. Quisquis est ergo sapientia indignus, non a se quicquam, superborum Philosophorum de more, speret: sed fidus Ecclesia filiorum imitator possulet a Deo, qui (ut ait Iacobus) dat omnibus affluenter, & non improperat: & dabitur ei.

Pia illa & sancta Mater, quam regit Spiritus sanctus, per preces quas ad Orationis Dominicæ normam exegit semper, tum gratia necessitatem, tum ejusdem obtinenda rationem filius edoceat suos. Hæc fuit scilicet ab antiquis temporibus apud S. Patres immota Sententia, Ut legem credendi lex statuat supplicandi: nec alia ratione quis quid sibi credendum intelligat, quam si ad id quod petit, attendat. At sancta itaque altaria petimus, ut non tantum possint credere infideles, respicere peccatores, perseverare iusti: sed etiam, ut vera errores abiciant illi suos, ad penitentia salutarem portum confugiant isti, perseverent ultimi. Non ergo nudum posse, sed etiam facere, postulamus a Deo. Hæc autem quæ (ut docent nos Auctoritates Sedis Apostolicæ, quæ ad calcem Epistolæ Cælestini Papæ ad Galliarum Episcopos leguntur) non perfundiorie neque inaniter a Domino peti, verum ipsarum monstrat effectus: quandoquidem ex omni errorum genere plurimos Deus dignatur attrahere, quos eruit de potestate tenebrarum transferat in Regnum Filii caritatis suæ, & ex vasis ira factas

vasa misericordie. Quod adeo totum divini operis esse sentiunt, ut hæc efficienti Deo gratiarum semper actio, laudisque confessio præ illuminatione talium, vel correctione referantur.

Magister itaque celestis potentibus Apostolis, ut se doceret orare, dicit, & omni simul Ecclesia, ad quam pertinere voluit data Apostolis documenta, edicit (inquam) ut petant, ut morum nostrorum integritate Dei sanctificentur nomen: illius Regnum, cui subiecta sunt omnia, cito adveniat; fiat illius voluntas sicut in celo & in terra: panem quotidianum dei nobis, idest, cibum tum animæ tum corpori necessarius, illius liberalitate nobis impertiatur.

Quemadmodum necessaria donari nobis petimus, sic etiam impendentia mala precus ut avertat, oramus: Ne nos scilicet inducat in tentationem, nos a malo liberet, id est, a peccato quod solum malum est, & malorum omnium fons & origo. Quæ a peccato libertas perseverantiam includit finalem, ut ipsa tradit Ecclesia in ea Oratione, quam ore ministrorum suorum usurpatam voluit, & fidelibus in venerandis mysteriis proponit: Fac, Domine, me tuis semper inharere mandatis, & a te nunquam separari permittas.

Unanimit est circa eam grandi formam Orientis, Occidentisque consensus, & jam mille & amplius abhinc annis hæc Liturgia Basilianæ Orationem laudaverunt divinæ gratiæ defensores, & in primis Petrus Diaconus, & ii qui cum eo ab questionibus fidei ex Oriente Romam missi fuerant, in sua epistola ad Episcopos in Sardinia exules: Dona, Domine, virtutem ac tutamentum: malos, quæsumus, bonos facito: bonos in bonitate conserva: omnia enim potes, & non est qui contradicat tibi: cum enim volueris, salvas, & nullus resistit voluntati tuæ.

Ad eandem omnipotentem Dei voluntatem attendit Ecclesia, cum hæc a Sacerdote tremendis in mysteriis orationem recitant voluit: Ad te nostras etiam rebelles compelle propitius voluntates. Non quod iusti iustificemur & salvemur, sed quia Deus voluntates nostras & rebellionem revocat ad obsequium: easque tradit ad amorem rerum, quas oderant prius. Cum voluntatem a peccato flectis ad virtutem, transfert (inquit Bernardus in lib. de gratia & libero arbitrio. cap. 11.) non aufert libertatem: non cogit, sed perficit. Dirigit gressus nostros Dominus, sed ita ut sponte & astro viam illius ingrediamur, dicente Propheta Rege: Apud Dominum gressus hominis diriguntur, & viam ejus volet. Trahit Deus animam, sed ita trahit, ut suavitate qua nos demulcet, nullum libertatis electi detrimentum inferatur. Ne quis ergo in animum inducat suum, aut gratia potentia vim libertatis labefactari, aut libertate potentiam gratiæ infirmari, ita ut altera non nisi alterius ruinæ crescere possit. An Deus a quo infra est homini libertas efficitur.

efficere non poterit, ut homo libere agat, & eligat quæ voluerit? Quidquid in nobis est ad virtutem virium, a Deo oriri sacri codices, traditionis monumenta, rationis auctoritas inesse miseram a bono declinandi facultatem, quotidiani usu docemur. Sapissime, ad maximum nostri damnum, contingit ut gratis nobis a Deo impertitis acta resistamus; easque (ut ait Apost. 2. ad Cor. 6.) recipiamus in vanum; Sed quancunque sit facultas ista, qua nostrum gratiæ, vel efficacissimæ, consensum devagare possumus, fides docet nihilominus, omnipotentem esse Deum, & nihil esse quod de voluntate nostra, & per voluntatem nostram efficere non valeat.

Cum igitur omnipotenti misericordia Christi visum est ea nos vocare vocatione, quæ (ut ait Paulus) est secundum propositum, hæc est, secundum illud, unde spes hominum pendet, decretum, mortuos ipsos efficax illa vox audientes habet & sequaces, tunc gratiæ vincula tam suavia sunt, tam iucunda, quam peccati catena graves & probrosa: & Deus (ait Augustinus 1. de Spir. & Lit. cap. 29.) inspirata gratiæ suavitate per Spiritum Sanctum facit plus delectare quod præcipit, quam delectat quod impedit.

Hinc utrumque intelligere possumus, quæ sit gratiæ & libertatis concordia, & qua ratione liberum arbitrium gratiæ cooperetur. Nam gratiæ cum libertate concordiam, eam liberi arbitrii cooperationem solide simul & perspicue exponit Bernar. lib. de grat. & lib. arb. c. 14. Ipsa (inquit) liberum excitat arbitrium, cum sentiat cogitatum; sanat, cum immutat affectum; reborat, ut perducatur ad actum; servat, ne sentiat defectum; & voluntas gratiæ præbet consensum, eique moventi cooperatur. Ita tamen quod a sola gratiæ coceptum est, pariter ab utroque periclitatur, ut inmixtum, non singillatim; simul, non vicissim, per singulos profectus operentur. Non partim gratiæ, partim liberum arbitrium, sed totum singula opere individuo peragunt. Totum quidem hoc, & totum illa; sed ut totum in illo, sic totum ex illa.

Quæ efficacia Deus bona opera in nobis operatur, eodem nos ad præcepta inducit & movet: Hec nimirum Apost. verba ad Rom. 8. Spiritus postulat pro nobis, ita interpretantur Patres, ut ille nos faciat orare, impertito (ut ait Augustinus in Epist. ad Sixtum) orationis affectu & effectu. Quæ cum sancta Ecclesia optime norit, ut quæ sibi necessaria sunt, impetret, orat, ut Deus postulare faciat, quæ placita sunt ei.

Eodem ergo potentia Deus in nobis operatur orationem, qua operatur velle & perficere. Habet nimirum certissima media, quibus eam in nobis efficiat orationis perseverantiam, quæ vita ad Evangelii normam exacta perseverantiam impetremus. Ea gratiæ suæ dona & scivit, & juvenin. Inst. Theol. Tom. III.

decretis, & preparavit ab æterno: eos quoque homines novit, quibus æterna sua misericordia, & amore omnino gratuite preparata sunt.

Certum ac indubitatum apud nos debet esse principium istud: Nullum esse eundem Deum injustitiam, nec ulli hominum fas esse scrutari incommensurabilia patris in eis, & investigabilia. Quicquid in nobis est boni, a Deo est; quicquid vero mali, a nobis. Deus (ait Augustinus in Epist. ad Sixtum) nihil aliud in electis coronat, quam munera sua, nec aliud cadit in reprobis, quam peccatum. Hinc discimus, quod, cum, etiam fidelis & humillima, gratiæ cooperamur, iuxta Cyrilli & Augustini documenta, omne salutis nostræ opus Deo tributum sit: ut totum (inquunt) detur Deo; sortemurque nostram, omnium casuum securi, diuinæ illius misericordiæ permittere debeamus. Nam (ut idem ille Augustinus docet in libro de dono persever. cap. 6.) iustiores vivimus, si totum Deo damus, non autem nos illi ex parte, & nobis ex parte committimus.

Sed certum non est, ne otium, & certissimum innocuum periculo quietem pariat summa illa in Deum confidentia, cum Petri documentum sit, quemque satagere debere, ut per bona opera certam suam vocationem & electionem faciat; Paulusque velit currere nos, ut comprehendamus, quibus consonant hæc Augustini verba in 1. de dono persever. c. 22. Vos itaque ipsam obediendi perseverantiam a Patre luminum, a quo descendit omne datum optimum, & omne donum perfectum, sperare debetis, & quotidianis orationibus polcere, atque hoc faciendo considere, non vos esse a prædestinatione populi eius alienos, quia etiam hoc ut faciatis, ipse largitur. Quæ quidem S. Doctoris sententia patet, spem & orationem nostram esse diuinæ bonitatis pignus, & certissimum non intermisisse illius in nos curæ argumentum. Fiduciam hanc nostram sancta Conciliorum responsa fovens & nutriunt: Deus (ait Conc. Trid. sess. 6. cap. 11.) suæ gratiæ semel iustificatos non deserit, nisi prius ab eis deseratur; cui Tridentina Synodi decreto multa ante sæcula hisce verbis can. 25. præstiterant alterius Arauscani Concilii Patres. Hoc etiam secundum eandem Catholicam credimus, quod accepta per baptismum gratiæ, omnes baptizati, Christo auxiliante & cooperante, quæ ad salutem pertinent, possint & debeant, si fideliter laborare voluerint, adimplere.

Hæc sunt quæ Christianos scire necesse est de Prædestinationis mysterio, ad cuius altitudinem ita Paulus expavit & tremuit. Cetera ad id genus questionum spectant, de quibus ad galicem Epistola Cælestini Papæ ad Galliarum Episc. hæc legitur: Profundiores vero difficultioresque partes incurrentium questionum, sicut non audentus contemnere; ita non necesse habemus adstruere.

Ne quis ergo audaci mentis arbitrio existi-

O

met,

met, sanctos Patres, & in primis Augustinum qui hac tradiderunt, justos limites esse transgressos, cum de hac ultimo ita ad Galliarum Epist. Celestinus rescripserit: Augustinum sanctae recordationis virum pro vita sua atque meritis in nostra communione semper habuimus, nec urquam hunc sinistrae suspicionis saltem rumor adspersit, quem tanta scientiae olim fuisse meminimus, ut inter Magistros optimos etiam a meis semper Praedecessoribus haberetur: Tantum abest, ut quid durioris & per excessum dicti in ultima S. Doctoris opera irrepserit, ut eadem unus e Summorum Pontificum doctissimis, omnium manibus versari voluerit, ut disceretur, de arbitrio libero & gratia Dei quid Romana, hoc est, Catholica, sequatur & asseveret Ecclesia, Sancta hac Pontificis Hormisdas ad Possessorem Episcopum scribentis verba Confessorum pro fide exultantium antiqua Synodus tamquam murum aeneum iis obiecit, qui cum August. satis non venerantur, in errores erant misere prolapsi; his etiam temporibus iterum atque iterum iuculentur necessario est, cum a Summo Pont. Innoc. XII. eandem Doctorem, in suis ad Theologiae Facultatem Lovaniensem litteris, adiungi iubeat, ut discatur, quid de eadem materia Romana sequatur ac servet Ecclesia, secundum Praedecessorum suorum Statuta.

Hac est sana & germana de praedest. & gratia Christi doctrina, cuius is est fructus, ut in fidelibus vigilantiam & humilitatem adaugeat: ut videm fideles sibi a sua infirmitate timeant, ac attentiori cura munia sua obiant. Cum praedicat nihil nos posse sine gratia auxiliari, simul & insinuat, omnia nos posse in eo qui nos confortat. Timor noster fiducia alitur & fovetur: eoque virtutes viam sternunt amoris divino, qui cum gratia diffunditur in cordibus nostris per Spir. S. nec mirum, cum gratia in delectabilis amoris inspiratione precipue sit. Huic amoris, aeterna damnationis metu viam preparat: ejusdem amoris initium corda conversioni aperit, perfectio vero stabilis & firmat. Divini amoris ministerio cetera virtutes animam subeunt, in eaque perficiuntur; evanescunt falsa Ethica deliramenta, scilicet amor occultatus reddit ad intelligendum, & ad implendum fervidus; efficit, ne quis vanis nominibus crimina sua prae texat & dissimulet. Sed vana haec inter sophismata, quibus sibi ipsi illudis amor proprius, nullum pejus, nullum

ad animarum perniciem excogitari posuit efficacius illo, quo amoris debito hominem enititur liberare: cum tamen amoris mandatum, primum sit ac maximum, eoque nihil sit equius, nihil ardentioribus votis exoptandum.

Concionatores omnes, & praepositos Audiendis confessionibus Presbyteros adhortamur, eisque per auctoritatem Spir. S. qui nos posuit Episcopos regere Ecclesiam Dei, injungimus, ut a nobis hactenus tradita doctrina firmiter inhaereant, cum nulla sit ejus parique a sacris codicibus excerpta non sit, & iis Patrum verbis expressa, quae Sancta Sedes, omnisque Ecclesia Catholica admihi & consecravit, confisi in Christo, eos omnes qui alio animo ducti scripserint, non expectaturos nostram in eorum errores animadversionem, quae sane eos non fugeret, nisi respiceretur.

Ut ab Innocentio XII. vestigiis hac in rem minime recedamus, hoc unum superest; scilicet ut singulos admoneamus, quemadmodum ille insuit ad Belgarum Episcopos Brevibus, ne quem vaga illa & odiosa Jansenismi accusatione injuriarum vocent, alicujusque, eo nomine, famam dilacerent, nisi aliquam ex quinque famosis Propositionibus damnatis, scripto, aut viva voce manifeste propugnaverint. Eorum audaciam, quantum in nobis erit, cohibebimus, qui aut earundem Propositionum doctrinam excitare, aut Summorum Pontificum Constitutionibus voce vel scripto directe, aut indirecte detrabere non vererentur. Sed nec patiemur, ut homines, sicut & auctoritate destituti, ita & vacui caritate; in fratrum suorum fidem iudicium sibi arrogant, eorumque famam inanibus de causis, in discrimen adducant. Novimus quidem, quanto Ecclesia detrimento malis suspicionibus indulgeatur adversus eos, quibus virtutem & scientiam obcondit Ecclesiastici ministerii necessarium Deus impertitus est. Nihil nobis reliqui faciemus, ut iniquis compescatur turbulentorum hominum, qui aut Ecclesiae suam prava doctrina, aut illius pacem, ministeriorum obsequi labi facere attentabunt, pro civilique efficiamus, ut acinuat Ecclesiarum quietem inquietudo turbare. Haec fuit olim Sancti Pontificis ad Galliarum Episcopos adhortatio, quam etiam non ita pridem ille qui nobis tanta cum gratia, tantaque cum laude praestitit, suis ad Belgarum Episcopos Brevibus usurpavit. Datum Parisiis in Palatio nostro Archiepiscopali, die 20. Augusti, anni 1696. &c.

VERA DOCTRINA ECCLESIAE CIRCA GRATIAM

EXCERPTA EX TOURNELLINO.

Π Ε Θ Η Κ Η.

Mirum certe videbitur, quod editis usque adhuc tot tantisque de hac re Theologicis institutionibus, quae multitudine ac varietate sua studiosos summo opere gravant, ad hanc coronidem conscribendam edendamque animum appulerim, praesertim quum vetus adagium sit, ne extra chorum quis salter, & ut Graeci ajunt; *Εκτός χορου ὀρθῶς*. Sed mirari profecto desinent omnes si probe norint quia possimum ratione ad eam elucubrandum fuerim adductus: quam enim Gaspar Jansenius in Tractatu de Gratia Christi, fortasse imprudens, plus quam par erat, atque cordatum, & circumspectum virum decebat, ad prosequendum Jansenismum sua studia contulerit, capta occasione bonarum artium magis non ignorantibus, quam peritis, non satis feliciter in enucleando Systemate videntur, & anfractuosis sinuositatem in ejus verbis adesse forsitan afferant, operae premium esse, & non abs re factum duxi, verum Jansenii Systema, idque quam maxime perniciosum, ad calcem harum institutionum apponere, ut unicuique exacta, & undequaque perspecta veniat Ecclesiae verax doctrina, nostri Auctoris sententiae clara expositio, & Jansenismi confutatio; praetermissa igitur de persona Jansenii cunctis notissima historia, de qua satis abunde in praelectionibus Theologiae de Christi Gratia auctore Honorato Tournely a fol. 156. usque ad fol. 229. editionis Venetae, a quo etiam Theologo hac quae sequentur accepimus, & in epitomen contracta rede- gimus.

Cum primum doctrina Jansenii quinque propositionibus expressa, confossa fuit; mirum est quot hujus haeresis fautores quanta mole librorum, quam multiplici fallacia, & ambiguitate dicendi controversiam totam obsecrarunt, ut Jansenianam haeresim in fumos convertant. Quamobrem rei Catholicae plurimum interest, germanam Jansenii doctrinam, ex immensa mole voluminum, ac obscuris non sine consilio tenebris extricare, & in apertum educere; ita ut clare pateat, Ecclesiam non falsa quadam erroris imagine delusam fuisse: sed veram Haeresim in libro Jansenii deprehendisse, ac proscripsisse.

Et cum omnes Jansenii defensores universam ejus doctrinam ad unum gratiae ex se efficaciae, sensu scilicet Jansenii, caput, revocandam esse affirmarint, ex quo cetera deducantur, & connectantur: Nos ut pressius sequamur, dicimus, totum Jansenianae doctrinae Systema ad unam delectationem relative superiorem, in qua Gratiam efficacem Jansenius collocat, lib. 8. de Gratia Christi capitulo 2. & alibi passim, revocabimus. Hac origo unde quinque propositiones dimanant; quas Jansenius ipse veluti consecraria deducit; & quo everso principio, evertantur necesse sit omnes.

Janseniana doctrina circa delectationem victricem ac superiorem breviter delineatio.

Duplex est delectatio, una Caelestis, quae ad bonum, altera terrena, quae ad malum inclinat; utraque victrix, & superior dici potest. Victrix, quia voluntatis consensum certo exprimit. Superior, quia illum exprimit propter majores quas habet vires, comparate ad oppositam minorem delectationem. Vox ipsa *Superior* relationem importat ad inferiorem: non ita haec vox *Victrix*, quae absoluta est, & independens a gradibus oppositae delectationis, quo sensu quidam Theologi victricem agnoscunt, & quidem innoxie, gratiae delectationem, non vero ex gradibus seu relative superiorem. Jansenius contra, victricem ideo censet, quia viribus, seu gradibus superior est opposita delectatione, de qua ipse disserit luse lib. 4. de Gratia Christi primis undecim capitibus.

Summa doctrinae Jansenii haec est, voluntatem hominis infirmam, ac per peccatum multum depressam, non nisi victrice, ac dominante indeliberata delectatione, seu caelesti, seu terrena, ad bonum, seu ad malum determinari posse. Delectationem hanc unicuique esse pondus, quo sum ad agendum necessario applicatur; juxta illud Augustini effectum; *secundum id operemur necesse est, quod amplius nos delectat*. Ita ut impossibile sit majorem delectationem vincia minori. Quomodo si in bilance duo fuerint pondera inaequalia; necesse omnino est eam bilancis partem deprimi ac inclinari, in qua majus est

pondus : nec unquam fieri potest , ut majus a minori trahatur ; cum nulla sit inter illa duo proportio . Tota scilicet vis delectationis ex Jansenio relativa est , id est per comparationem ad oppositas sibi vires . Unde *Sainte Beate* dicit majorem esse concupiscentiæ , quam virtutem gratiæ parvæ ; atque ita in eo systemate Jansenii delectatio illa superior quasi ex Mechanica lege voluntatem movet ac rapit , sive ad bonum , sive ad malum , prout calestis , vel terrena præponderat ; neque alternante delectationum fluctu in medio remanebitur , ut ait Jansenius c. 10. l. 4. immo in hoc potissimum errasse Semipelagianos contendit , quod dicerent in æqualitate virium gratiæ , & concupiscentiæ voluntatem superare posse concupiscentiam , & ad bene agendum se determinare .

Delineata sic doctrina circa delectationem superiorem , paullo distinctius evolvemus hujus delectationis naturam , necessitatem , modum agendi , intimam cum famosis quinque propositionibus connexionem , & denique discrimen , tum a Thomistica Physica prærotatione , tum a delectatione simpliciter victrice , ex qua aliqui Catholici efficaciam gratiæ repetunt .

Natura delectationis .

Delectatio est vitalis animi motus indeliberatus , quo voluntas fertur in aliquod objectum , ut sibi conveniens . Quid delectari hominem iustitia , vel mendacio , ait Jans. lib. 4. c. 11. nisi actu aliquo in iustitiam vel mendacium tamquam sibi convenientia , & jucunda moveri ? motus autem ejusmodi voluntatis non fit , nisi actu quodam vitali . . . delectatio ista , quam ad omnia opera bona S. Augustinus experientia postulat , non est aliud , quam actus quidam ineliberatus calitus immixtus in voluntatem , per quem ei bonum propositum suavitè placet . . . dicimus igitur , delectationem istam , seu suavitatem à Augustino celebrè , esse partim primum illum , & indeliberatum affectum animæ , qui actualis complacentia est , partim etiam , & crebro secundum , qui de facili deliberatum dicitur , quibus animæ ita suavitè , & delectabiliter in bonum appetentiam rapitur , ut voluntas ei actu libero consentiat , ac bonum diligat , tanto vehementius , quanto fortius illis actibus rapitur .

In ipsa pariter concupiscentiæ delectatione ibi dicit : Delectationem qua consensum in peccata præceps , & suggestionem sequitur , non aliud esse nisi desiderium illicitum , indeliberatum , quo animus etiam repugnant in peccatum inbiat ; vel certe primum ipsum concupiscentie motum , tamquam amorem quendam ineliberatum , per quem homini etiam invito peccare incipit , quamvis consensu non sequatur .

Delectatio illa dicitur actus indeliberatus , quia rationis advertentiam , & voluntatis consensum antevertit . Illi vero motus primum indeliberati subinde deliberatos producant , ut ex Jansenio habetur . Propter duplicem illum motum , tertius est , ait Jansenius lib. 4. c. 11. initio capitis , qui dicitur gaudium , per quem animus in bono præsentis , cum quadam satisfactione , & fruitione acquiescit . De isto delectationis actu non loquitur Augustinus perspicuum est ; est autem terminus desiderii , tamquam ejusmodi motus quo voluntas ad delectationem istam tamquam ad quietem suam tendit . Delectatio vero , seu suavitatis , de qua multa S. Augustinus tradidit , etiam ad desiderandum , & amandum Deum libero voluntatis motu necessaria est .

Necessitas Delectationis .

Jansenius duo hic docet , Primo necessitatem delectationis non ex natura præcise voluntatis proficisci ; sed ex infirmitate . Secundo delectationem unicum esse pondus quo voluntas nunc sive ad bonum , sive ad malum inclinatur . Quod probat ex professo primum l. 4. de Gratia Christi c. 9. tum ex peccato primi hominis , quod sine delectatione præcedente perpetratum est ; tum ex gratia ejusdem , que in delectatione ex se victrice non consistebat . Non enim dominabatur voluntas , sed & potius dominanti subacebat , ut cum ipsa voluntas ageret , aut non ageret , ut ipsi videretur .

Secundum ; voluntatem , nec ad bonum , nec ad malum sine prævia impellente delectatione , ferri posse , infinitis locis repetit Jansenius l. 4. laudato cap. 7. Celestis illa suavitatis , ait , mollit viam , ut voluntas ex carnalium rerum visco emergere possit , & se ipsam in iustitiam diligendam figere . . . ex quo fit , ut si illa desit , voluntas velut torpere , & mortua nihil omnino boni amplecti possit . Quomodo etiam e contrario nihil in carnalibus diligendis prosequi possit . Paullo post ait delectationem illam esse animo , instar olei , aut pinguedinis cujusdam , sine qua cordo voluntatis torqueri , aut moveri nullo pacto ad bonum potest . Quod repetit cap. 10. & cap. 9.

Hic per transfennam videre est , quam parum exhaerenter Jansenius gratiam Angelis , & Adamo innocenti datam in ipsa delectatione reponat . Nam cum delectatio illa celestis nulla contraria oppugnaretur , necesse fuit in doctrina ipsius Angelos , & Adamum in bono perseverasse . Cum lex delectationis sit , ut , cû levis fuerit , si tamen nulla contraria oppugnetur , necessario consensum voluntatis exprimat . Certum est enim nullam in Angelis , & Adamo innocente fuisse delectationem terrenam contrariam delectationi .

Stationi celesti: Necesse ergo erat Angelos, & Adamum necessario perseverare in bono. Quomodo hæc cohererent in præsentiarum non quaerimus: satis est nobis si Jansenius agnoscat in præsentia statu naturæ lapsæ prorsus necessariam esse delectationem. Quis porro sit ejus agendi modus juvat expendere.

Modus agendi delectationis relative per gradus.

Modus ille agendi positus est in majori, & relativa delectationis virtute, secundum quam necesse est voluntatem quasi ex mechanica lege, ut diximus, operari. In conflictu enim duarum delectationum, quarum una alteri præponderat, necesse est minorem cedere majori. At Jansenius l. 8. de Gratia Christi cap. 2. *Delectatio victrix, quæ Augustino est efficax adiutorium, relativa est. Tunc enim est victrix, quando alteram superat.*

Ex isto autem agendi modo delectationis relativæ, necessario sequitur, quod mox diximus, superiorem nempe delectationem a minori nunquam vinci posse. Sic enim ait Jansenius l. 4. cap. 9. *conflictus ille delectationum sopiri non potest, nisi altera alteram delectando superaverit. Quod enim amplius delectat, secundum id operetur necesse est. Quod repetit c. 6. & 10. & l. 7. c. 5.*

Hinc ejus discipuli in hoc collimant, ut vis efficaciz gratiæ repetatur tantum ex delectatione victrici, & superiori. Sic Antonius Arnaldus de gratiæ efficaci parte 4. articulo 6. *nihil*, ait, *aliud est efficax gratia, quam victrix delectatio, seu amor Dei, quo fit, ut plus delectet, quod præcipit Deus, quam delectet, quod impedit*; Sic Sambovius tractatu de gratia, quem anno 1651. dictavit, & ejus fragmentum refert Paulus Irenæus disquisitione 4. articulo 3. exponens varios secundæ propositionis sensus, ait, facile intelligi potest, qua ratione gratiæ resistitur, vel non resistitur, si tria supponantur, 1. quod omnis gratia voluntatis est delectatio victrici, 2. quod non est victrix nisi comparate, 3. quod eodem modo de hac re philosophandum sit quo physici de actione, & reactione; Sic Dionysius Raymundus in l. cui gallice titulus, *Eclaircissement du fait, & du sens de Jansenius*. 1. parte articulo tertio, & omnes alii Jansenistæ, quos videre est.

Ex doctrina exposita, sponte sua nascitur distinctio potestatis absolutæ, & relativæ, quæ visa est tam clara Jansenianis, ut eludant Ecclesiæ centuras; unde de hac fusius agendum est.

Janseniani duplicem potestatem distinguunt, unam absolutam, alteram relativam.

Duplex potest observari potentia ad opus bonum, quæ per gratiam confertur: una absoluta, spectata scilicet tum ipsa in se *Juvenin. Instit. Theol. Tom. III.*

natura gratiæ, tum voluntate Dei antecedente, quæ ad bonum tendit, & ordinatur, præcisi subiecti circumstantiis: Altera vero relativa, seu comparatione facta illius ad majorem, vel minorem delectationem actuali cupiditati oppositam. In hac distinctione totius Janseniani Systematis Medulla reconditur. Hæc secundissima radix fallaciarum omnium, quibus Catholicorum argumenta declinare, ac Ecclesiæ centuris subducere se, verbis in speciem Catholicis, conati sunt.

Nullo momento graviori Catholici Jansenianos fatigarunt, quoniam quod in eorum systemate, homo iustus sola gratia parva instructus, & absente efficaci, veram & expeditam non habeat ad superandam tentationem, præceptumque observandum potentiam: eo nempe quod in ipso tunc supponatur actantis concupiscentia dominari, ac major esse ipsa gratia. Ideoque impossibile sit, ut parva illa gratia superiorem vincat cupiditatis hujus delectationem. Ut hoc argumentum eluderent Janseniani fautores usi sunt equivocatione hujus vocis *potentia*, cujus involutio recti audacter asseruerunt agnoscere in eo julto sufficientissimam esse, perfectissimam, completissimam, expeditissimamque ad superandam tentationem & mandatum observandam potentiam. Sic Jansenius lib. 8. de Gratia Christi cap. 20. ait, his verbis: *Remanere in voluntate perfectissimam peccandi potestatem, quæ non solum adest, inestque voluntati, quando gratia delectatione caret, sed etiam quando in ipsa ejus suavitatis efficaciter trahitur. Potentia certe illa bene agendi, quam Jansenius agnoscit sub ardentiori cupiditate, & male agendi sub motione gratiæ victricis, relativa esse posse. Vigente enim delectatione carnali impossibile esse, ait Jansenius lib. 4. cap. 9. ut virtutis, ac bonitatis consideratio prævaleat. Tunc enim ait idem lib. 8. cap. 2. *delectatio est victrix, quando alteram superat. Quod si contingat alteram ardentiorē esse, in solis inefficacibus desideriis hæret animus. Ergo potentia illa mere absoluta est, & abstracta, quæ ad usum exercitii boni, vel mali operis nihil omnino conferre potest.**

Ex tali Magistro ita etiam locuti sunt ejus discipuli, Sambovius in tract. de Gratia disp. 4. art. 6. apud Paulum Irenæum disquisitione 4. art. 3. Sic Arnaldus in sua dissertatione de gratia efficaci multis locis. Auctor Epistolæ ad Episcopum scriptæ anno 1661. respondet patri annato contendenti omnem gratiam in mente Jansenii eum temper effectum assequi, quem Deus intendit, & ait: *Annatum hæere in æquivoco. Quia licet hujusmodi gratiæ, quæ impingunt in animam majori rerum terrenarum amore occupatam, eum non convertant, eo quod voluntas semper eo tendit, quo fortiori amore*

rapitur; Attamen si in se ipsi absolute considerantur, vim habent sufficientem ad producendum effectum, ad quem tendunt, eumque reipsa producant, nisi major esset concupiscentia resistens.

Similiter Dionysius Raymundus in lib. cui gallice titulus *Eclaircissement du fait, & du sens de Jansenius*, passim agnoscit, & commendat potentiam illam veram, quam gratia parva Janseniana confert ad opus bonum. Vide art. 4. capituli 1. 4. partis, ubi ex professo probare nititur Jansenium gratiam sufficientem in sensu Thomistico agnovisse; Eique longe perfectiorem ad opus bonum tribuisse potentiam, quam revera ipsi comperat in opinione Thomistarum; quia sua gratia parva sensu Jansenii sine ullo novo ex parte Dei auxilio potest a voluntate bonum opus exprimere per solam imminutionem concupiscentiae. Non ita gratia sufficiens Thomistica, quae quantumcumque voluntas sana, & integra supponatur, nusquam in actum erumpit, nisi ex parte Dei novum accedat auxilium. Sic enim loquitur art. 4. cap. 2.

Auctores quinque articulorum rem clare explicant art. 2. *Quamvis*, ajunt, *illa gratia sufficiens in se spectata effectum illa crearet, ad quem tendit, ad quem voluntatem excitat, ad quem per antecedentem voluntatem destinatur: Ad hocque solum fit, hac sensu omnem Christi gratiam semper habere eum effectum quem Deus vult: si tamen spectetur ut cum absoluta Dei voluntate conjuncta, merito hoc sensu efficax dici potest.* Audis gratiam sufficientem in sensu Jansenii ex se tendere, ac ex Dei antecedente voluntate destinari ad effectum perfectum, quae potentia absoluta est; non tamen effectum illum obtinere ex voluntate Dei absoluta, quae potentia est relativa ad majorem cupiditatis delectationem, qua supposita, non potest illa parva gratia effectum illum producere.

Innitus essem, si omnia testimonia in rem eadem referre vellem, ex quo concludere liceret.

1. Jansenianos, omnes illam absolutam admisisse potentiam ad observandum mandatum in justis sola gratia parva instructis, absente efficaci.

2. Errorem Jansenianorum non consistere in tali neganda potentia; immo, se idem hac in parte cum Thomistis sentire profitentur, tamen multum ab eis discrepent.

3. A Jansenismo alienum neminem censi debere, eo quod talem potentiam absolutam cognoscat, sed insuper, necesse est, fateantur, quod in homine justo, absente gratia efficaci, ex sola sufficienti gratia, sit potentia vera, propria, & expedita relative ad actuale ejus concupiscentiam, ut eam nempe superare possit. In hoc enim positus est error Jansenii, & discipulorum, quod negant talem potentiam relativam.

4. Haec una distinctio potentiae absolutae, & relativae, est veluti clavis, qua aditus aperitur ad omnes intimos Jansenismi recessus; ex unica vocis potentiae aquivocatione quinque damnatas propositiones verbo dominant, sed reipsa tuentur. 1. Justis impossibilia non esse Dei mandata, impossibilitate absoluta, non relativa. 2. Gratiae interiori resisti; nempe quoad effectum ulteriorem, ac perfectum, quem habere potest absolute, at non relative. 3. A libertate excludi necessitatem; nimirum absolutam, & antecedentem, non relativam, & hypotheticam. 4. Humanam voluntatem gratiae resistere posse, vel obtemperare; si nempe gratia in se simpliciter, & absolute consideretur, non vero si relative, ac quatenus superior est opposita actuali cupiditate. 5. denique Christum pro omnibus esse mortuum, & Deum velle omnes salvos fieri; ob eas scilicet gratias sufficientes, quae multis ex reprobis conceduntur, quaeque in se spectatae, absolute possunt eos ad salutem perducere, non vero spectatae relative ad praesentes illorum hominum dispositiones. 6. Ita *Divinitas*, & personam mavult, quam faciem, ut habet verus adagium; sic Jansenistis accommodari potest illud Virgilii:

Spem vultu simulat, praemit alium corde dolorem.

Delectatio superior, seu relative victrix, Janseniani systematis fundamentum.

Audiamus Jansenium ipsum, qui lib. de Gratia primi hominis & Angelorum c. 17. loquens de distinctione adjutorii quo & sine quo, haec est; inquit, vera clavis, qua aditus in scriptis ejus (S. Augustinus) aperiendus est. 2. *facto ista fundamento, distinctionem illam adjutorii quo, & sine quo non, vult solum in labyrintho Scripturarum ejus, secutus fuerit, mirabilis ei occurrit contextus verum: respondent extrema primit, mensa utriusque, omnia omnibus.* Sic l. 2. de Gratia Christi c. 9. *Haec in Augustini Doctrina sunt planissima, si filam appareat, qua te in isto labyrintho regat, & l. 7. c. 6. & l. 8. de Haeresi Pelagiana c. 1. & ut habet auctor Synopsos vitae Jansenii; quod primus ille capitalis annulus, est delectatio superior relative victrix; cujus naturam, vim, efficaciam, postquam Jansenius exposuit primis capitibus l. 4. de Gratia Christi, quae inde consequantur corollaria, evoluit cap. 10. ex quo capite quinque illae famosae propositiones consequuntur.*

PRIMA PROPOSITIO.

Aliqua Dei præcepta hominibus iustis volentibus, & conantibus secundum præsentem quæ habent vires, sunt impossibilia: deest quoque illis gratia, quæ possibilia fiunt.

Propositio ex Jansenio legitime extracta.

EXtat ea propositio expressa apud Jansenium l. 3. de Gratiā Christi cap. 13. *Hæc igitur omnia plenissime, plenissimeque demonstrant, nihil esse in S. Augustini doctrina certius, ac fundatius, quam esse præcepta quædam, quæ hominibus non tam infidelibus, excommunicatis, obduratis, sed fidelibus quæque & iustis, volentibus, conantibus, secundum præsentem quæ habent vires, sunt impossibilia; deesse quoque tantam quæ fiunt possibilia.*

Quod librum Jansenii delectantem, conqueruntur propositionem non habere in Jansenio illam tantum, quem habet avulsam. Verum si expendantur, seu quæ antecedunt, seu quæ sequuntur verba, plenum erit, hanc esse sententiam Jansenii mentem.

Et hinc vides, quæ necessario nexu coheret hæc prima Jansenii propositio cum delectatione ipsius superiori & relativa; nam nullis sola gratia parva instructis, & absente efficaci, impossibilia esse quidam Dei mandata, *defectu virium* voluntatis, ut ait, quia minor gratia non potest superare majorem actualem eorum cupiditatem; *Major enim est, quam unus ex discipulis eius. resistens concupiscentiæ, quam virtus gratia parva.*

Quis sit germanus sensus primæ propositionis apud Jansenium.

EX dictis eruitur clare iste sensus: nimirum, esse in aliquibus iustis, urgente præcepto, eam dumtaxat gratiam, quæ, comparate ac relative ad actualem eorum majorem concupiscentiam, illorum voluntas non potest & illam superare, & mandatum observare; nec ad utrumque præstandum, auxilium impetrare, quia minor delectatio celestis non potest relative superare terrenam majorem. *Vigente enim delectatione carnali,* ait Jansenius lib. 4. de Gratiā Christi cap. 9. *impossibile est, ut virtutis, & bonæ voluntatis liberatio prævaleat.*

Error igitur primæ propositionis in hoc situs est, quod iustis illis sola parva gratia instructis, efficaci absente, denegat veram, & expeditam relative, vincendæ actualis oppositæ delectationis, & consequenter mandati observandi facultatem, qui sensus intime annectitur cum delectatione relative, seu per gradus virtutis, ut ea supposita non possit nullatenus negari. *Adjutorium ipsud, celestis delectationis,* ait Jan. l. 8. de Gratiā Christi

l. c. 3. *prædeterminat voluntatem, quia facit ut velis, & sine illa velle non possis: facit enim ut ardentius velis, & sine illa ardentius velle non possis: facit denique, ut necessitas animi istud sequi, & secundum istud operari quod amplius delectaveris, & in hoc ipso capite 13. l. 3. unde prima propositio extracta est, sic ait: Ut magna quædam præcepta impleantur, temptationesque superentur... opus est ut voluntas ardentius, & fortiter velit, quod non est semper in ejus potestate. Quia scilicet delectatio superior indeliberata, quæ necessaria est ut fortiter velit, ab ea non pendet.*

Sensus propositionis non est, aliqua Dei mandata iustis esse impossibilia, impotentia vel absoluta, vel immutabili, vel ante cedente superiorem actualis concupiscentiæ gradum. Hujusmodi impotentiam procul repetit Jansenius: absolutam quidem, tum quia Capit. 15. lib. 3. plures admittit gradus possibilitatis, quibus mandata possibilia sunt; tum quia in gratia parva agnoscit absolutam ad opus bonum vim activam, ad quod natura sua, & voluntate Dei ordinatur, quod ipsa efficeret, nisi fortior obstarat opposita cupiditas. Immutabilem; quia agnoscit esse in homine, hæc in vita naturalem ad bonum, & malum capacitatem. Eam denique rejicit impotentiam, quæ antecedit superiorem actualis concupiscentiæ gradum; quia antecederet, & præcisione facta hujus majoris gradus, gratia parva sufficientem ex sese confert potentiam ad opus bonum: ergo impotentia illa observandi mandata, quam Jansenius contendit esse iustis absente gratia efficaci, est dumtaxat relativa: Est, & aliquo sensu consequens, quia oritur ex majore actuali eorum cupiditate, quam iusti secundum præsentem, quæ habent, vires, superare non possunt, quia minor delectatio gratiæ numquam potest ob virium inæqualitatem superare majorem cupiditatis delectationem. En verus, ac germanus primæ propositionis Jansenii sensus.

Quæres, an impotentia illa relativa, quæ juxta Janseniam est in iustis absente gratia efficaci, dici possit Physica?

Resp. item esse de nomine; nomine impotentia Physicæ intelligatur ea, quæ vel plane involuntaria est, vel oritur ex defectu virtutis activæ, seu gratiæ de se, & propria natura absolute proportionata cum observatione præcepti. Impotentia dicta iustorum Physica non est. Tum quia est voluntaria, tum quia gratia illa parva Jansenii sensu, continet in se omne principium bonæ actionis Effectivum, quam re ipsa efficeret, inquit Jansenius, sine novo ex parte Dei, auxilio, per solam oppositæ concupiscentiæ imminutionem. Si vero impotentia Physicæ nomine intelligatur ea, quæ oritur ex absentia gratiæ, quæ voluntatem Physicæ movet, ac præmover ad

bene agendum; sine qua relative ad maiorem actualem cupiditatem satis virium non habet, ut hanc superare, & præceptum observare possit, non immerito impotentia illa iustorum Physica dici potest; quia nempe caret tunc delectatione superiori caelesti, quæ juxta Jansenium physice voluntatem movet, ac promover; & sine qua, delectatio inferior gratiæ parvæ insufficiens plane, ac impar est, tum reprimendæ concupiscentiæ, tum observando præcepto.

Sensus ergo Catholicus primæ propositioni oppositus est contradictorius sententiæ Jansenii, & est: justos illos ex gratia, non inferiores, aut inæquales, sed pares vires habere, quibus possint immediate, vel mediate suam actualem oppositam vincere concupiscentiam, ac præceptum implere. Quod quidem Paradoxum videtur Jansenio libro 4. de Gratia Christi Cap. 15. tamen Apostoli doctrina est 1. ad Corinthios 10. v. 13. *suavis est Deus, qui non patitur vos tentari supra id, quod potestis, sed faciet etiam cum tentatione proventum, ut possitis sustinere*: est & Doctrina Concilii Tridentini sess. 24. Can. 9. applicantis hunc locum homini per concupiscentiam vexato, & sessione 6. cap. 11. *Deus impossibilia non jubet, sed jubendo monet, & facere quod possis, & petere quod non possis, & adjuvat ut possis*: est & Doctrina S. Thomæ 3. parte quest. 62. art. 6. ad 3. minima, inquit, *gratia potest resistere cuilibet concupiscentiæ, & mereri vitam æternam*. Ante S. Thomam S. Augustinus agnoverat esse in quolibet justo pares ex gratia vires superanda eorum opposita cupiditati. Enchiridii cap. 118. num. 31. *si enim*, ait, *respexeris Deus, ut ad adimplenda, quæ mandata ipse, adjuvare credatur, & agi homo capere Dei spiritu, concupiscitur adversus carnem fortiore robore caritatis, ut quamvis adhuc sit, quod homini repugnet ex homine, nondum tota infirmitate sanata, ex fide tamen justus vivat, jusque vivat, in quantum non cedit male concupiscentiæ, vivente delectatione justitia*. Et libro 2. de peccat. meritis, & remissione capite 28. num. 45. ait, *legem peccati, seu concupiscentiam mactare in his qui ex aqua & Spiritu Sancto renati sunt tamquam superatam, & peremptam, si non illicitis consentientibus quodammodo reviviscat*: & bene multa testimonia S. Doctoris possent afferri, quæ prætermittuntur: unde concludere cum Concilio Tridentino possumus, dum sua facit hæc verba Divi Augustini: *eo ipso quæ firmissime creditur, Deum justum, & bonum, impossibilia non potuisse præcipere, hinc admonemur, & in facilibus quid agamus, & in difficilibus quid petamus*, cap. 69. de natura, & gratia, & cap. 43. *Deus impossibilia non jubet, sed jubendo admonet, & fa-*

cere quod possis, & petere quod non possis.

Cum igitur idem Sanctus Doctor lib. de gratia, & arbitrio cap. 17. & alibi duplicem distinguit bonam voluntatem, unam parvam, & invalidam, quæ non potest observare Præceptum, alteram robustam, quæ potest; sensus ejus non est, parvam illam voluntatem nullatenus posse, sed tantum eam non posse immediate, ac proxime præceptum adimplere; at saltem posse orando impetrare uberius auxilium, ut actu illud adimpleat. Unde quantum distat vera doctrina Augustini a falsa Jansenii, hic enim sub dominante actuali concupiscentia, & absente gratia efficaci non agnoscit, tum ad quod bonum exercendum, tum ad orandum, nisi absolutam, & abstractam potentiam, non vero relativam, ut ex dictis clarum est.

Dices 1. Concilium Tridentinum loco citato sess. 6. c. 11. manifeste supponit justos in his aliquando circumstantiis esse, in quibus non possunt observare mandatum: *Deus, inquit, impossibilia non præcipit, sed jubendo monet facere quod possis, & petere quod non possis*: Ergo contingit aliquando justum non posse observare mandatum; ac proinde recto sensu mandatum tunc dici posse ipsi impossibile.

Resp. distingo antecedens. Concilium Tridentinum supponit justos aliquando non posse proxime, & immediate observare præceptum, concedo; non posse mediate, impetrando uberius scilicet Dei Auxilium, nego: *jubendo monet facere, quod possis, & petere, quod non possis, & adjuvat, ut possis*, ait Conc. Trid. fidelis quippe Deus est, qui non patitur tentari nos supra id, quod possimus; porro ut quis dicatur, posse observare præceptum potentia relativa, satis est, quod vires habeat pares ac sufficientes ad impetrandum divinum auxilium necessarium, ut actu impleatur; in systemate vero Jansenii impossibilis est justo observantia præcepti non solum immediate, sed etiam mediate.

Urgebis: non posse observare præceptum immediate, aut proxime, idem plane est, ac non posse illud observare potentia juncta cum actu: atqui Janseniani sapissime contestati fuerunt, se hanc dumtaxat unam cum Thomistis excludere a justis gratia efficaci destitutis, potentiam junctam cum actu; aliam vero quamlibet perfectissimam etiam relative ultro se profiteri, ac admittere, modo tamen concedatur, eam, si sola fuerit, numquam in actum erumpere.

Resp. dist. minor. Janseniani contestati sunt subdole, ac fraudulentè, se cum Thomistis excludere dumtaxat potentiam junctam cum actu, concedo; vere, ac sincere, neg. Jamdiu est, ex quo Janseniani, ementito Thomistarum nomine Ecclesiæ turpiter illudunt. Potentia quippe ab actu separata quam

quam unam fingunt se cum Thomistis removere a justo, gratia efficaci destituta, non tantum non conjungitur cum actu, quod ajunt Thomistæ, sed nec conjungi potest, quod iidem negant. Nihil quippe iuxta illos deest justo hujusmodi ex parte potentia, seu actus primi, sed tantum ex parte actus secundi: e contra in systemate Jansenii, ut sæpius observatum fuit, deest actus primus & secundus; Superior nempe delectatio, quæ simul primum, & secundum actum largitur, hoc est, ipsum posse, & agere. Qui de re potentia illa ab actu separata, in doctrina Jansenii dici non potest relativa; Non ita Thomistæ, qui relativam potentiam admittunt.

Urgebis iterum: potentia illa relativa, quam agnoscimus in gratia sufficiente Catholica ad debellandam quamlibet concurrentem actualem concupiscentiam, vel est inutilis, vel tendit unice, ut gratia sufficiens sensu Molinae stabilatur. Nam vel illa potentia numquam, si sola fuerit, in actum erumpit, vel erumpit sine novo ex parte Dei auxilio. Si prius, inutilis plane videretur: immo nec satis potest explicari quid ex parte voluntatis necessarium sit, ut talis potentia in actum erumpat, impetrando novum Dei auxilium. Si posterius, ergo ex solo nutu voluntatis pendet, ut cum tali potentia, seu gratia sufficiente justus bene operetur: ac consequenter, efficacia gratia, ex uno eventu, seu consensu voluntatis repetitur, quæ ipsa est Molinae sententia.

Resp. neg. antec. duo hic distinguenda sunt: dogma inde oppositum errori primæ propositionis, & explicatio hujus dogmatis: non hic jam quarimus, quæ ratione potentia illa relativa, quam in gratia sufficiente Catholica respectu cujuslibet oppositæ cupiditatis superandæ agnoscimus, in actum erumpat, an sola sine novo ex parte Dei auxilio, an cum illo dumtaxat novo auxilio: neque quid ex parte voluntatis necessarium, ut uberius Dei auxilium impetrando potentiam illam in actum reducat. Pertinet illud ad explicationem dogmatis Catholici, quam variari, variis scholæ opinionibus, salva fide, Ecclesia permittit: atque Thomistis perinde, ac omnibus solvendus ille nodus est. Quod illi dixerint, ut exposant quid ex parte voluntatis, gratia dumtaxat sufficiente Thomistæ instructæ, necessarium sit ut impetret ab illius Dei auxilium, & bonum operetur, hoc & nos dictum non abnuemus. Verum, hoc unum in præsentiarum volumus, quod ad institutum nostrum attinet, doctrinam scilicet Jansenii, quæ statuit gratiam sufficientem nihil aliud esse, quam inferioriorem delectationem actuali concupiscentia, ipsi proinde vincendæ imparem, omnino adversari dogmati Catholico contra errorem primæ propositionis definito. Quia in

justis sola illa gratia sufficiente sensu Jansenii instructa nulla est, propter inæqualitatem virium, potentia vera, & relativa, quæ possint superiorem actualem concupiscentiam vincere, ac præceptum implere, adeoque præceptum respective ipsis impossibile est.

Urgebis denique: si justus per gratiam sufficientem absente efficaci cuilibet concupiscentia superandæ pares vires haberet, ut quid Ecclesia postulat a Deo, ut in nobis addeat fidem, spem, caritatem? cum haberet sufficientem gratiam: quid frustra, ait S. Augustinus, de natura, & gratia cap. 18. *quam orare ut facias, quæ in potestate habens?*

Præterea, si minima gratia potest resistere cuilibet concupiscentia, & vitare omne peccatum mortale, ad quid specialis illa providentia cura, quam justus in tentationibus, quibus pulsantur, a Deo suppliciter implorent, ut victores evadant? non alia profecto de causa, quam quod probe noveriat, gratiam, nisi gradibus, virtuteque concupiscentia superior fuerit, non posse illum superare.

Resp. 1. merito Ecclesiam a Deo postulare fidei, spei, caritatis augmentum, quarum nempe vim, & ardorem, culpa nostra sæpissime in nobis refrigerare experimur. 2. multis de causis justos aliquando teneri suis orationibus uberiores a Deo gratias implorare. 1. quia sic jussit Christus: *Vigilate, & orate ne intretis in tentationem* &c. 2. quia hæc ipsa gratia sufficiens, quam habent justus, Dei donum est. *Vult autem Deus a se requiri, quod pollicetur*, ait S. Bernardus hom. 3. super missus est. 3. quia tanta est in præsentia vita tentationum frequentia, tanta infirmitas, ut nisi justus animus ad Deum supplici oratione se convertat, brevi ex justitia, quam accepit, deficiet. 4. quia cum illa sola sufficiente gratia non semper justus potest proxime, ac immediate observare præceptum, sive ex tentatione, sive ex difficultate; Unde justum, opus est, orationibus ad Deum confugere, quo munitus præsidio mandatum adimpleat. *Deus enim jubendo monet, & facere quod possis, & petere quod non possis*, ait S. Augustinus. Cum vero S. Doctor asserit *frustum esse orare, ut facias, quod in potestate habens*, Pelagianos carpebat, qui solis naturæ viribus legem adimplere posse contendebant. *At, inquit, ista transierit perit, cum id a Deo petitur quod scitur ipsum non dare, sed ipso non desistente esse in hominis potestate?* lib. de dono persever. cap. 2. Potest autem ac debet postulari a Deo, id, quod ex ipsius dumtaxat gratia habemus in nostra potestate. Insuper non postulatur gratia sufficiens, quæ habetur, sed ea, quæ postea necessaria erit.

Ad 2. specialis, & mira illa divinæ gratiæ in tentationibus occurrentibus superaendis, ac cordibus nostris inflectendis providetur.

videntia, non consistit sicut Jansenio placeat in ipsius virtute agendi per gradus; sed in miris modis, quibus S. Augustinus sapientissime affirmat Deum operari in cordibus hominum bonas voluntates, & potestatem flexendi, quo voluerit. In systemate vero Jansenii, modus agendi gratiæ, quasi mechanicus pro graduum proportionem, ac mensura nihil in se mirum, ac stupendum continet, & ad explicandum difficile.

Dices 2. S. Augustinus l. de diversis questionibus ad Simplicianum q. 2. n. 21. fatetur orationis gratiam non omnibus dari, nonne, ait, aliquando ipsa oratio nostra sit tepida est, vel potius frigida, & pene nulla, immo omnino interitum ita nulla, ut neque hoc in nobis cum dolore advertamus? quia si, vel hoc dolemus, jam oramus. Ergo non tantum immediate, sed etiam mediate, defectu gratiæ ad orandum necessaria, mandatum est quandoque impossibile.

Resp. 1. S. Doctorem generatim loqui de gratuita orationis gratia omnibus hominibus necessaria; Nos tamen hic loqui speciatim de iustis, quibus talem gratiam non deesse contendimus. 2. Iusti non orant quidem semper ut oportet, quantum oportet, ut uberius Dei auxilium impetrent: verum eorum culpa est, quod ita non orent, cum habeant ex gratia sufficientes vires ad orandum. Unde S. Augustinus loco citato ait quidem orationem nostram aliquando tepidam, frigidam, ac pene nullam esse; at non ait deesse gratiam, per quam oratio ardentior fieri possit.

SECUNDA PROPOSITIO.

Interiori gratiæ in statu naturæ lapsæ nunquam resistitur.

HÆc propositio est legitime extracta ex Jansenio, asserit enim omnem gratiam, ac ejus effectum semper efficacem esse; cuius est capax relative, sive plenus ille sit, ac perfectus, sive imperfectus, ac debilis. Sic l. 2. de Gratia Christi cap. 4. referens discrimen gratiæ sanantis, & medicinalis, quæ huius status propria est, sic loquitur: Gratia sana voluntatis, in ejus libero relinquebatur arbitrio; ut eam si vellet defereret, aut si vellet uteretur; gratia vero lapsa agrotat quo voluntatis nullo modo in ejus relinqueretur arbitrio, ut eam deferat, aut arripiat si voluerit, sed ipsa sit potius illa postrema gratia, qua invitiissimo facit, ut velit, & a voluntate non deferatur. . . . alterum adjutorii genus est, quo simul ac datum fuerit, sit effectus, & si non detur, nunquam sit. Nempe quia tanta necessitatis est, ut sine illo non possit effectus fieri, tantaque efficacia, ut hoc ipso quo datur, continuo fiat. Dat enim simul, & posito & operari, sic cap. 24. & cap. 25.

Præter illam gratiam victricem, aliam agnoscit Jansenius, non victricem, quamquam suo modo semper efficacem, quia eum semper assequitur effectum, cuius est capax, & propter quem a Deo datur, habita ratione circumstantiarum subiecti, cap. 27. ejusdem libri 2. de Gratia Christi. Nullam, ait, Augustinus agnovit actualem Christi gratiam, quam efficacem, nec agnoscere potuit, nisi regulas omnes fundamentales quibus innixus naturam gratiæ medicinalis tradidit, velis interimere.

In sententia ergo Jansenii, qualibet gratia eum semper effectum obtinet, cuius relative ad oppositam delectationem capax est; & ad quem, habita ratione huius delectationis superioris, producendum a Deo datur, sive perfectum, si concupiscentia inferior fuerit, & gratia superior; sive imperfectum, si superior fuerit cupiditas, & gratia inferior; & hinc ex mente Jansenii, interiori gratiæ in statu naturæ lapsæ nusquam resistitur.

Ex eodem fonte delectationis superioris profluit hæc secunda propositio. Nam lib. 2. de gratia Christi c. 21. laudato; Gratia tollit omnem ejus (voluntatis) resistenciam, rapit eam, secum, & ex invita voluntate, ac se determinantem ineffabili suavitatis ac potestatis facit. Non tantum ad bonum, sed etiam ad malum delectatione pravia nos duci docet Jansenius; Unde etiam in peccatis eadem necessitas delectationis ad volendum, ac majoris delectationis ad superandam oppositam delectationem reperitur.

Discipuli Magistrum sequuntur, & duplicem distinguunt gratiam; Unam victricem, & per se efficacem, quæ semper in cordibus nostris effectum ad quem a Deo datur, producit, & cui nunquam resistitur, alteram, quæ cordis duritiam ex se propriæque naturæ asserre quidem potest, sed quæ homo motus non semper vult, aut agit efficaciter, & perfecte quod volendum, & agendum est; nihilominus proximum effectum quem Deus intendit, boni scilicet, & inchoati desiderii motum, consequitur; cui etiam ex parte nusquam resistitur. Quantum vero ad alium effectum plenum, ac perfectum, ad quem ea gratia ex se absolute tendit, & ordinatur, & quem propter oppositam majorem cupiditatem non assequitur, proprie ipsi non resistitur; quia effectum illum relative obtinere non potest, propter obicem ardentioris concupiscentiæ, loquendo strictè, resistere gratia, est eam frustare eo effectum, quem habere potest in his circumstantiis in quibus datur. Porro hunc modum agendi gratiæ repetunt Janseniani ex delectatione, quæ major, vel minor est concupiscentia, ut videre est in Paulo Irenæo, in Dionysio, Raymundo, & in Samborio.

Verus sensus secundæ propositionis Jansenii.

Germanus secundæ propositionis sensus est : quod nempe Gratiā Christi cum effectu consequitur, cujus est capax relative ad oppositam cupiditatem ; seu quem ipsi promittit opposita cupiditas. Si hæc fuerit superior, gratia inefficax tantum ad bonum votum excitabit. Si vero inferior fuerit cupiditas, gratia bonum opus obtinebit. Et ita gratia semper efficax est, licet non semper victrix ; semper efficax, quia semper aliquid efficit ; non semper victrix, quia non semper superat oppositam concupiscentiam ; & consequenter nusquam ei resistitur ; non quantum ad effectum plenum, si fuerit victrix : non etiam quantum ad effectum imperfectum, si victrix non fuerit, quia eo numquam frustratur. Quantum vero ad effectum perfectum, ad quem gratia etiam non victrix ex se se, & propria natura absolute tendit, proprie loquendo ipsi non resistitur, quia eum relative ad oppositam majorem cupiditatem consequi non potest in doctrina Jansenii ; ergo nec ipsi sub illo respectu proprie resistitur. Sic Janseniani in scripto trium Columnarum : *Gratiā Christi*, ajunt, *ad singulos pietatis actus proxime, & necessario numquam resistitur, hoc est numquam illa frustratur eo effectu ad quem a Deo proxime datur* (voluntate ad circumstantias attendente). Qui alium sensum querit in Jansenio, cum larvis, & umbris luctatur.

Ex sensu proscripto Jansenii facile cognoscitur, quis sit sensus Ecclesiæ : nempe in statu naturæ lapsæ, quamlibet gratiam non eum omnem semper effectum habere, cujus capax est relative ad oppositam concupiscentiæ delectationem ; Potest enim relative eum effectum habere, quem tamen non habet, quia ex laudato S. Thoma, *minima gratia potest resistere cuilibet concupiscentiæ, & vitare omne peccatum mortale*. Ad removendum igitur sensum Jansenii non satis est si dixeris, vel interiori gratiæ aliquando resisti, vel gratiam ulteriori suo effectu, ad quem naturæ suæ, & voluntate Dei antecedente ordinatur, aliquando frustrari, nec eum ipso semper recipiari, vel inefficacem interdum esse : istos loquendi modos ultro ad mentem suam intellectos Janseniani amplectuntur ; Arnaldus, D. Nicole in suo systemate, auctor Epistola ad Episcopum anno 1661. Paulus Lienau, Sambovius, auctor scripti quod incipit *in nomine Domini* &c. Siccut & ipsemet Jansenius libro 2. de Gratiā Christi cap. 27. Nil enim aliud his terminis volunt, nisi quod gratia in se ipsa, seu absolute spectata, facta circumstantiarum subjecti præcisione, resistatur : Quod

ea victrix semper non sit, nec eum effectum assequatur, ad quem, natura suæ, & antecedente Dei voluntate tendit, ordinatur, ac disponit. Verum illud apud ipsos ratum semper stat, gratiam relative ad oppositam cupiditatem cum semper effectum a voluntate exprimere, cujus est capax, habita ratione actualis oppositæ cupiditatis : adeoque ei proprie sub eo respectu, de quo unoquoque movetur, non resisti, cum proprie, & accurate loquendo non resistatur gratiæ ratione hujus effectus, quem his in circumstantiis habere non potest. Ergo propositio contradictoria doctrinæ Jansenii hæc est : quamlibet gratiam actualem interiori voluntatis, non omnem eum semper effectum sortiri, quem intendit Deus, spectatis subjecti circumstantiis, & quem voluntati permittit operari gradus concurrentis actu delectationis terrenæ.

Dices 1. omnis gratia actualis interior, quæ datur per voluntatem Dei consequentem, & absolutam, eum semper effectum omnem sortitur, quem Deus ea voluntate, quæ semper impletur, intendit : sed omnis gratia, quæ datur a Deo spectatis subjecti circumstantiis, datur per voluntatem consequentem, & absolutam ; voluntas enim antecedens abstrahit a circumstantiis : ergo omnem effectum semper sortitur, quem Deus intendit, nec ipsi resistitur.

Resp. neg. min. Nam virtute antecedentis Dei voluntatis conferuntur justis, & aliis saltem preparantur gratiæ sufficientes relative ad dispositiones subjectorum. Distinctio enim inter voluntatem Dei, quæ consequens, vel antecedens dicitur, non repetitur, juxta D. Thomam in sent. dist. 46. quest. 1. art. 1. ex præcisiis, vel spectatis circumstantiis concupiscentiæ subjecti, sed ex supposito, vel non supposito consensu voluntatis. Unde voluntas Dei antecedens non abstrahit ab omnibus subjecti circumstantiis, sed tantum a consensu, vel dissensu subjecti, ad quem consequens Dei voluntas attendit.

Unde si quidam ex Thomistis asserant, quod voluntas antecedens abstrahat ab omnibus subjecti circumstantiis, illorum Theologorum est suam hæc sententiam cum Sancto Thoma conciliare. 2. In hac etiam illorum sententia gratia sufficiens dat etiam posse relativum ad circumstantiam actualis concupiscentiæ ; quæ juxta D. Thomam *minima gratia potest resistere cuilibet concupiscentiæ, gratia sufficiens*, ait Alvares lib. 8. de auxiliis divinæ gratiæ disput. 76. num. 6. *est sufficiens comparatione conversionis perfectæ, licet semper sit efficax respectu alicujus effectus*.

Unde licet formaliter explicite in mente illorum Theologorum, gratia sufficiens non dicat ordinem ad illas circumstantias, dicit

tamen

tamen eminenter ob eximiam, quam habet virtutem, ut possit superare concupiscentiam.

Urgebis cum auctore vindictarum S. Thomæ circa gratiam sufficientem sect. 3. art. 4. apud causam Arnaldinam ex S. Thom. in 1. dist. 47, quæst. 1. art. 2. *Operatio non correspondet voluntati Dei antecedenti, sed consequenti. Et voluntas antecedens non habet effectum, nisi voluntas consequens adiungatur*, ait idem S. Doctor lib. 1. ad Annibaldum dist. 47. quæst. de voluntate Dei art. 2. ad 2. ergo voluntas Dei antecedens est otiosa, & sterilis.

Respondet Gonetus Tom. 1. disp. 4. de voluntate Dei antecedente art. 5. §. 2. refellens ex professo dictum argumentum, distinguendo: operatio, & effectus principalis (qualis est collatio gratiæ efficacis, seu præmotionis physici ex parte Dei, ac plenus & perfectus ex parte voluntatis consensus in opus bonum) non correspondet voluntati Dei antecedenti, seu consequenti, concedit; operatio, & effectus minus principalis, qualis est præparatio auxiliorum sufficientium, negat. Unde concludit quod *voluntas illa antecedens, ad statum naturæ lapsa non est omnino otiosa, nec simplex complacencia de salute hominum.... per illam enim Deus omnibus proposuit salutis præcepta, consilia, remedia; & omnes homines in finem supernaturalem ordinavit.... Et per illam salus omnium hominum, etiam reproborum fit saltem incomplete, & initiative futura: unde falsum est... Deum per voluntatem antecedentem nihil penitus circa hominum salutem operari.*

Denique addit, per voluntatem antecedentem Deum nihil velle simpliciter eorum, quæ hominum ad salutem conducunt efficaciter, concedit; ineffaciter, negat: *Licet enim, inquit, media ad salutem efficaciter conducentia Deus velit, & præparet per voluntatem consequentem... media tamen, & auxilia, quibus homo sufficienter ad vitam æternam promovetur, & ordinatur, ad voluntatem Dei antecedentem referuntur.* Præterea subjungit, voluntatem antecedentem dici secundum quid, non quidem respectu omnis voliti per voluntatem, sed tantum respectu voliti principalis, hoc est æternæ salutis, & mediorum efficaciter ad illam conducentium; hæc enim per voluntatem antecedentem Deus non vult simpliciter, sed tantum secundum quid. Auxilia tamen sufficientia, quæ sunt volitum minus principale, & quæ ad salutem efficaciter non conducunt, Deus vult simpliciter, & absolute per voluntatem antecedentem. Hæc ille.

Dices 2. omnis gratia interior semper illuminat, ac movet voluntatem: ergo semper hunc vitalem effectum assequitur, adeoque ipsi nusquam plane resistitur.

Resp. 1. falsum est consequens in opinione illorum, qui dicunt gratiam formaliter esse

illuminationem mentis, & motionem voluntatis; sic enim illuminatio, & motio non est effectus gratiæ, sed ipsamet eius natura. Sic aliqui reponunt apud Alvarez.

Resp. 2. In sententia eorum, qui volunt cum Alvarez, gratiam primo prævenientem, formaliter loquendo, non esse actum vitalem indeliberatum, sed motionem Dei ordine causalitatis antecedentem actum nostrum vitalem ordinis supernaturalis, distin. Gratia illuminando mentem &c. aliquam effectum vitalem saltem indeliberatum semper operatur; verum est. Effectum vitalem deliberatum semper operatur; falsum est. Nec in sententia Thomistarum, gratia excitans semper actum deliberatum obtinet ex voluntate, ad quem moraliter tantum disponit, & excitat, ut nempe, accedente gratia operante, actum illum assequatur. Nam si gratia excitans physice moveret, suum semper obtineret effectum: ergo moraliter tantum movet. Quapropter non semper id obtinet, ad quod movet.

Urgebis: ergo saltem quando gratia excitans Thomistica, accedente gratia operante, deliberatum actum tamen inchoatum, & imperfectum obtinet, ipsi non resistitur.

Resp. dist. consequens. Ipsi non resistitur, ratione illius actus deliberati imperfecti, quem producit beneficium gratiæ operantis, respectu cuius actus non est tantum sufficiens, sed efficax, concedo non resistitur ratione effectus ulterioris perfecti, seu boni operis, quod non producit, & cuius tantum respectu est, & dicitur sufficiens relative, propter æquales quas confert vires ad debellandam actualement concupiscentiam ab illo bono opere retrahentem, nego. Itaque gratia excitans Thomistica non semper habet, nec semper privatur effectu deliberato. Quando contingit eam illo effectu deliberato privari, hæret in ordine gratiæ pure sufficientis, cum vero actum illum deliberatum obtinet, & sufficiens, & efficax vocatur, sub vario respectu: efficax quidem, quantum ad effectum illum deliberatum, quem ex gratia operante producit; sufficiens vero, respectu effectus ulterioris, ad quem producendum disponit, ac sufficientes relative vires subministrat.

Urgebis denique. Gratia sufficiens Thomistica datur tantum ad posse; sed semper dat posse: ergo semper obtinet id, ad quod datur.

Resp. neg. antec. datur enim non tantum ad posse, sed etiam ad agere; tamen actum secundum se sola non obtineat. Quod autem semper posse conferat, ipsius natura est, seu, ut ajunt, effectus formalis.

TERTIA PROPOSITIO.

Ad merendum, & demerendam in statu naturae lapsae, non requiritur in homine libertas a necessitate, sed sufficit libertas a coactione.

UT doctrina Jansenii circa libertatem, hac tertia propositione contenta, intelligatur: observandum primo est, libertatem spectari posse, vel genericè, prout communis est Deo, Angelis, & homini tum lapsi, tum innocepi: vel specificè quoad statum ejus peculiarem, seu quatenus propria est hominis lapsi, & viatoris. De libertate hoc sensu hic agitur.

Observandum 2. triplicem vulgo libertatem distinguere: nempe a servitute, seu subjectione, a coactione, & a necessitate. Liberum a servitute dicitur, quod liberatur vel a peccato, vel ab ejus miseris, vel ab alia quacumque servitute: de hac tertia specie, nulla hic quaestio: liberum a coactione, idem est ac spontaneum, & opponitur coactioni seu violento: est autem violentum, quod fit ab extrinseco, passio non conferente vim, immo reluctante quantum potest. Liberum denique a necessitate dicitur, quod est indifferens: quae indifferentia, vel est ad duo contradictoria, seu ad agendum, & non agendum, & vocatur indifferentia contradictionis, & exercitii; vel est ad eligendum unum de duobus contrariis, bonum, vel malum, virtutem, aut vitium, & dicitur indifferentia contrarietatis, seu specificationis. Posset admitti quaedam tertia species indifferentiae, cum nempe voluntas ad agendum sive bene, sive male determinatur quidem, sed tamen potest hoc, vel illud bonum, hoc vel illud malum amplecti, aut non amplecti.

Observandum 3. triplicem hic potissimum distinguere debere necessitatem; unam coactionis, alteram naturalem, tertiam simplicem. Necessitas coactionis, seu violentiae fit a principio extrinseco nihil conferente, immo resistente passio. Talem necessitatem nusquam voluntati inferri posse, omnes fatentur: quia omnis actio voluntatis, eo ipso voluntaria est, ideoque a principio interno, & consequenter non coacta. Necessitas naturalis inclinationis est ea, quae determinat essentialiter ad unum ex principio intrinseco naturali, qualis est necessitas in omni ente intellectuali amandi beatitudinem in genere; & in Patre divino generandi Filium suum; in Patre, & Filio producendi Spiritum Sanctum. Placet aliquibus Theologis talem productionem, tametsi necessariam, appellare liberam, quae quaestio parvi certe momenti est, totaque de nomine.

Denique simplex necessitas est invincibilis, & insuperabilis ad unum determinatio: dicitur etiam voluntaria, quia voluntas tali determinationi cum iudicio rationis sponte obsequitur, tametsi necessario; nec fieri potest, ut ei non consentiat. Quae necessitas rursus vel est perpetua, & immutabilis, qualis est in beatis ut Deum ament; vel mutabilis, ac transiens, qualis est ea, de qua in tertia propositione Jansenii agitur.

His praemissis, non ignorat Jansenius l. 6. de gratia capite 6. doctrinam suam de non requisita in hoc statu ad merendum, vel demerendum libertate a necessitate, miram, ac stupendam novitatem suam cunctis videndam fore, & ea offendendos esse viros Catholicos: ut ergo fucum faceret, existimavit quendam praelibanda esse de libertate genericè sumpta, ac in praefatione librorum 6. & 7. de Gratia Christi, in quibus de libero arbitrio agere volebat, asserendum, se de illa libertate genericè sumpta locutum fuisse. Id ipsum revera data, & non data occasione identidem obtrudit, verum fraus, & fallacia Jansenii nullos fefellit. Nemo non vidit illum de libertate hujus status, non de alia, quae ad ipsius systema non pertinebat, unice cogitare.

Primo ergo asserit inter essentiam libertatis genericè sumptae, & statum ipsius distinguendum esse, inter actum liberum, & statum libertatis permagna differentia est, ait l. 6. de Gratia Christi c. 34. *aliter Deus, aliter Angeli viatores, & primus homo, aliter beati, aliter damnati, aliter homines reparandi, aliter Christus Dominus in via constitutus liber fuit. Nec ullo pacto, quae in uno statu libertatis adfuerunt, aut etiam requisita sunt, ad alterum extendenda sunt. Essentialis autem libertatis genericè sumptae ratio, juxta Jansenium, consistit in voluntario deliberato, tametsi necessario, ut mox patebit; quamquam pro vario statu agentis liberi, varia, & dispar sit ea necessitas, quod explicat Jansenius his verbis: *Liberum arbitrium in Deo per naturam constantiam, in Beatis per gratiam beneficium ad bonum semper determinatum est; in damnatis ad malum... Rursum in Angelis, & primo homine viatore indifferentissimum fuit ad bonum & malum, in hominibus lapsis viatoribus iidem indifferent, sed longe minus, utpote qui vident aliam legem in membris suis, repugnantem legi mentis suae... in Christo Domino viatore, nullo pacto ad malum flexi potuit. Ita fit, concludit Jansenius, ut liberum arbitrium pro natura cuiusque, vel ordinis ingreditur divinitus, vel meritum diversitate, diversum statum sortiatur... citra tamen ullam ipsius liberi, seu formalis rationis libertatis varietatem.**

Ergo ex Jansenio, uniformis est in omni agente libero formalis, ac essentialis ratio liber-

libertatis, quod nempe sit voluntarium deliberatum, tamen si necessarium: quæ necessitas varia est pro vario statu agentis liberi. Immutabilis, & perpetua ad bonum in Deo, in Christo, in beatis. Immutabilis, & perpetua ad malum in damnatis. In omnibus autem viatoribus, nec perpetua, nec immutabilis est, sed fluxibilis ab bonum, & malum. *Hominum viatorum*, inquit, eodem capite, non solum coactionis expertem esse libertatem, sed etiam necessitatis immutabilis voluntaria, hoc est, eam ad utrumque indifferenter esse (id est flexibilem) fatemur perlibenter.

II. Igitur Jansenius asserit identidem libertatem in genere in uno voluntario deliberato consistere, nec essentialiter aliud postulare. *Voluntas seu volitio*, ait eodem lib. 6. de Gratia Christi cap. 5. & libera voluntas idem sunt, sicut velle, & libere: & impossibile sit, ut velle non sit liberum, quod probaverat paulo ante his verbis, quia nihil magis facimus, quando volumus, quam ipsam volitionem; & ideo nihil magis in potestate nostra, quam ipsa voluntas, id est volitio constituta est. Est enim ipsa radix totius libertatis, quæ in omnibus omnino astringitur sive externis, sive internis apparet. Itaque libera est voluntas, hoc est volitio ratione sui, quia est essentialiter libera; sicut implicat ut volendo non velimus, aut non faciamus quod volumus: hoc est, ut sit voluntas.

Voluntarium porro illud, in quo Jansenius libertatis rationem collocat, debere esse deliberatum, hoc est ex advertentia, & cum iudicio rationis, & approbatione seu complacentia voluntatis, docet idem Jansenius citato cap. 5. lib. 6. de Gratia Christi, ubi motus indeliberatos quamquam voluntarios, liberos esse negat; quia in nobis rationis, ac deliberationis usum anteverunt. Quibus positis, & laudatis aliis Jansenii testimoniis concluderunt Theologi revera in Jansenio esse tertiam proscriptam propositionem. Verum Paulus Irenæus, & Dionysius Raymundus reposuerunt; nequaquam posse colligi tertiam propositionem ex iis locis, cum Jansenius non de libertate huius status, ad merendum necessaria, de qua tertia propositio, sed de libertate generice sumpta locutus esset.

Verum mala fide dissimularunt illi, cum Jansenius de libertate utroque modo considerat; & certe potissimum de libertate huius status disputavit. Quis enim facile crediderit, cum unice de libertate generatim sumpta, quæ parum ad institutum suum conducebat, egisse; non vero de libertate ad merendum, vel demerendum in hoc statu necessaria, de qua potius unice erat quaestio, ex qua laus, aut vituperium actionum nostrarum pendet? Egit profecto de hac ipsa

libertate, quam Manichæi negabant, Pelagiani vero, ac Semipelagiani plus æquo extulerant, quam eximie S. Augustinus adversus primos asseruit, & adversus alios intra debitos fines compescuit: quam denique Jansenius ipse, cum efficaci gratiæ motione stare, ac conciliari, ostendere conatus est. Quis porro ita stupidus, qui non intelligat istam pertinere ad libertatem propriam huius status, non vero tantum ad libertatem universim sumptam? sed juvat adductis ipsismet Jansenii verbis id demonstrare.

III. Jansenius docet, libertatem huius status ad merendum, vel ad demerendum necessariam, unam excludere dumtaxat coactionem, ac violentiam, non vero simplicem necessitatem mutabilem, ac transcentem. Cum manifeste sequatur hæc doctrina ex prima propositione Jansenii. Docet enim iustis aliqubus præcepta esse impossibilia, & tamen eos peccando demereri; affirmare coherentius debebat, ad demerendum non requiri libertatem a necessitate: eodem porro, quantum ad libertatem, Jansenio ratio est meriti, ac demeriti. Peccati & operis boni, ait libro 4. de statu naturæ lapsæ capite 24. quantum ad vetitum, aut præceptum, dehortationem, & exhortationem, vituperium, & laudem, ipsamque adeo arbitrii libertatem attingit, par est ratio. Ergo &c.

Et eodem capite de libertate præsentis status loqui Jansenium, patet ex his verbis: *Sic ergo, & hic* (hoc est in præsentis vita) etiam si ille perversus amor sui, in quem ex Dei dilectione rationalis creatura lapsa est, & in quo ex iustissima Dei damnatione perseverat, & ex quo omnis actus, vel omisso damnata voluntatis fuit, firmissime adhaereat voluntati; immo etiam si non solum specificantione, ut nunc est, sed etiam exercitio, quomodo modum amor beatificus esset necessarius, non tamen ex Augustini mente desinere, esse libera. Vide ex Jansenio, quod licet voluntas in hac vita tam firmiter malo adhaereat, quam beati in Cælis bono adherent, adhuc tamen foret libera. Nota hic obiter fraudem Dionysii Raymundi 1. parte, capite 4. qui citatum Jansenii textum Gallice reddens, suppressit particulam *hic*; qua indicat Jansenius se de libertate hominis lapsi loqui; & libro 6. de Gratia Christi capite 24. postquam retulit istam S. Thomæ sententiam in 2. distinctæ, 25. articulo 4. ad 4. Numquam liberum arbitrium ad peccandum compelli, seu cogi, quia jam sibi in peccatum non imputaretur. Quasi indicans, addit Jansenius, hoc sufficere, ut in peccatum imputetur, quia non cogitur. An porro de libertate generice sumpta hæc dixerit Jansenius, sicut contendit Paulus Irenæus, nonne aperte loquitur de libertate huius status necessaria ad merendum, vel demerendum?

emerendum? ergo docet Jansenius libertatem illam excludere actionem, non simplicem necessitatem. Sunt infinita alia testimonia, quæ referre possent ex Jansenio ad probandum ipsum solum excludere necessitatem coactionis; sed ne infinitus essem ea prætereo.

Hæc tertia propositio facile connectitur cum doctrina delectationis superioris, & relativæ. Cum totus in eo sit Jansenius, ut probet liberum in voluntario, deliberato reponi; nosque id magis velle, quod magis delectat, consequenter illud magis liberum ipsi est, quod voluntatem majori delectatione demulcet, ac sapit, tametsi necessario. *Hæc delectatio* ait Jansenius lib. 6. de Gratia Christi cap. 35. *sicut facit voluntatem vellet, & sine qua non potest velle quia non lubet, ita facit eam libere velle.* Et l. 4. cap. 7. dixerat: *Delectationem omnis operationis secutura mensuram esse.... tanto enim quidque vehementius volumus, quanto delectamur ardentius; Quod autem magis volumus, ac diligimus, secundum id operemur necesse est.*

Lib. 8. cap. 9. Pelagianis conquerentibus in sententia Augustini, liberum arbitrium per gratiam, vel concupiscentiam penitus subverti, non sicut S. Doctorem querimonias illas compescuisse, docet Jansenius, nisi quia id maxime liberum sit, quod est voluntarium; eoque magis voluntarium, quo fit ex majori utilitate delectatione. Insuper docet Jansenius beatos in cælis libere amare Deum, eoque liberior, quo majori voluntatis affectu ex summa, quæ persupiduntur voluntate, in eum ferantur. Nec inde tamen infert Jansenius, beatos in cælis mereri, quia sunt in termino, ubi nullus est amplius merito locus.

Verus ac germanus sensus propositiois Jansenii sensus.

EX dictis facile colligitur quidam fuerit Jansenii sensus in hac tertia propositione, & est. Omnem scilicet deliberatum voluntatis actum tametsi necessarium, eo ipso liberum esse libertate ad merendum, vel demerendum sufficiente, quod fiat per delectationem relative victricem, seu cælestem, seu terrenam, qua voluntas non invita quidem, nec coacta, sed sponte ac consentiendo necessitati simplici ad unum applicatur, & determinatur: unde sensus propositionis tertiæ non est, necessitatem naturalem, qualem habemus ad amandam beatitudinem in communi, aut involuntariam, qualem etiam expetimus in motibus i. primis, & indeliberatis, vel necessitatem antecedentem, hoc est, quæ antecedit, & rationis advertentiam, & gradum superiorem aequalis concupiscentiæ, cujus effectus inde pendens est a voluntate, & consensu; ut ait D. Nicole in suo systemate pag. 64. vel

necessitatem immutabilem, quæ voluntas alicui parti est immobiliter ac perpetuo affixa; vel necessitatem absolutam, quæ ex se semper, ac ubique & præcisè subjecti circumstantiis ad unum quid invicibiliter, ac insuperabiliter determinat; vel necessitatem exercitii, quæ nempe aliquis actus singularis ita necessario elicitur, ut excludatur omnis opposita vel minima delectatio, qualis est in beatis ad amandum Deum clare, & intuitive cognitum; sentius, inquam, non est, hujusmodi necessitatis species non nocere merito hominis lapsi, & in quibusdam hujusce status meritorii actionibus reperiri: certum etenim est omnes a Jansenio disertis verbis excludi tamquam alienas a libertate, ut nunc est. Verum sensus est, necessitatem simplicem, deliberatam, voluntariam, mutabilem, relativam specificationis, quæ absolutam quidem, sed non relativam ad præsentis subjecti dispositiones potentiam relinquit, (Quas necessitatis species Jansenius admittit) coherere cum libertate hujus status.

Neque etiam sensus propositionis est, libertatem hujus status conciliari cum physica necessitate, si per physicam necessitatem eam intelligas, quæ aut plane involuntaria est, aut aliunde quam ex superiori delectatione profluit. Hujusmodi necessitatem ultro respuunt Janseniani, non eam vero quæ oritur ex delectatione superiori, & ex prævia cognitione, ac deliberatione voluntatis. An vero dicenda sit talis necessitas physica, vel moralis in doctrina Jansenii, mox inquiremus.

Quæres 1. an Janseniani delectationis necessitatis voce utantur?

Respondet Paulus Irenæus disquisit. 4. art. 7. *Augustinianos necessitatis nomine raro admodum, nec fere unquam sine explicatione subjecti uti. Necessitatis vero gratia voce, quia malo animo fida & composita est, nusquam illar usus reperies.*

Ludovicus de S. Amour Diarii part. 6. c. 21. ait, *nusquam Augustinianis in animo fuisse ridiculum illud ac insulsum gratia necessitatis, quo indifferentia voluntatis penitus tollitur, phantasma defendere.*

D. Nicole in suo de Gratia Systemate dicit omnes prorsus homines solo naturæ ductu in eam conspirasse sententiam, nemini ad poenam imputari posse, quod necessitate physica & antecedente commisit. Per necessitatem physicam eam ille intelligit, quæ antevertit rationis & deliberationis ulum.

Abbas de Bourzeis in 4. C. lloquio pariter asserit Augustinianos facile consentire reticendum esse nomen necessitatis seu physicæ, seu moralis.

Quia necessitatis nomen invidiosum est, ultro Janseniani, ne Catholicos offendant, illud suppressi consentiunt, modo tamen sci.

sensum nomine expressum retinent. *Certe sensu*, ait mox ciratus Abbas, *dicimus nos non posse non consentire gratis. seu gratia necessaria consentire ... de huiusmodi loquendis formulis parum solliciti sumus, illi non adhaeremus, raro aut nusquam illi utimur. Nobis sufficit, pergit ille, quod hæc scilicet nobis veritas concedatur, quoties nimirum gratia Dei consentimus, id oriri semper ex eo quod rectus amor, quem Deus inspirat, viribus superior est perverso amori, & quia viribus superior est, idcirco eum certissime superare.*

En radix ac fundamentum veræ, propriæ ac realis necessitatis, cui voluntas resistere relative non potest. Modo fundamentum istud in tuto sit, parum de nomine solliciti videntur: Janseniani rem nomine significatam sœvent ac retinent, tamen repudiato ipso nomine,

Quæres 2. an in rei veritate necessitas quam delectatio superior imponit, juxta doctrinam Jansenii, dici merito possit antecedens, absoluta, physica vel moralis.

Resp. licet esse de nomine, quæ remota ambiguitate.

I. Si antecedens necessitas ea dicatur, quæ vel rationis ac deliberationis usum, vel superiorem delectationis gradum antevertit, vel cujus effectus est independens a voluntate & consensu, procul dubio necessitas agendi sub motione delectationis superioris, antecedens dici non debet in mente Jansenii; quia actio ex tali necessitate elicta voluntaria est ac deliberata, ipsumque supponit actualem delectationis superioris gradum. Alio tamen sensu antecedens merito dici potest, quia oritur ex delectatione prævia indeliberata, quæ, ut loquitur Jansenius, non est in potestate voluntatis, ut eam nempe habeat vel rejiciat; & quæ actum voluntatis deliberatum necessario producit, cum necesse sit, ex Jansenio, voluntatem secundum id operari quod eam magis delectat.

Neque porro eadem est ratio præmotionis physice Thomistarum; hæc enim unum actum secundum respicit, non vero primum; adeoque ea vel præsentem vel absentem potentia est relative expedita ad oppositum. E contra delectatio superior Jansenii, potentiam ipsam simul & actum secundum confert; unde sine illa non tantum actio non fit, sed nec fieri potest. *Non aliter*, ait Jansenius lib. 7. de Gratia Christi cap. 3. *potest moveri voluntas ad bonum, nisi quia delectatur bono, quia dulcescit: quia aridet & placet: quia delectatione & complacentia si destituitur, velle nullo pacto potest.* Et lib. 2. cap. 4. *Hoc ipso quo datur, (adjutorium quo) simul usus ejus & influxus potestatis datur. Est enim hoc ipsum quod suapte efficacia facit influere facultatem.... Dat enim simul & posse & operari.*

II. Inde liquet quo sensu eadem necessitas agendi sub motione superioris delectationis, dici possit consequens, vel non consequens. Janseniani consequentem appellant, ac similem ei, quam Thomistæ, secundum illos, admittunt in sensu composito seu physice præmotionis; eo nempe quod supponat præviæ mentis cognitionem ac deliberationem voluntatis. Verum speciosis illis verbis imponunt. Isti quippe voluntatis deliberatio apud ipsos, non est, sicut Catholici vulgo intelligunt, vis electiva, seu activa illa indifferentia, quæ voluntas potest relative ad præsentem circumstantiam agere vel non agere; sed est mera voluntatis, præeunte judicio rationis, in objecto suaviter alliciente complacentia, & quidem necessaria, a qua se ipsam cohibere non potest, cum necesse sit, ut sequatur id quod eam magis delectat. Ergo cum necessitas illa agendi sub motione delectationis superioris, non oriatur ex indifferentia voluntatis se ipsam pro arbitrio determinantis, immo potius voluntatem ad unum invicibiliter & insuperabiliter determinet; prorsus abusive & ad fraudem consequens appellatur. Namque recepto & communi Scholarum usu, necessitas consequens ea, quæ sequitur ex ipsa libera voluntatis determinatione, seu ex usu & exercitio libertatis; qualis est necessitas loquendi in eo, qui libere ac indifferens foret ut loqueretur, se ipsum tamen ad loquendum libere determinavit.

Non minus abutitur Jansenius cum suis isto Thomistica Scholæ loquendi modo, in sensu composito. In sententia quippe Thomistarum, sensus compositus præmotionis dicit tantum, non posse quidem componi actionem cum non actione aut ejus contraria; at semper remanet relative expedita & libera facultas ad oppositum. In mente autem Jansenianorum, necessitas illa in sensu composito delectationis superioris, importat secum non solum actum, ad quem determinat, & exclusionem actus contrarii, sed & negationem potentie relative ad oppositum expeditæ.

III. Eadem illa necessitas aliquo sensu dici potest absoluta & non absoluta. Non est absoluta, Jansenii sensu, id est talis quæ competat delectationis naturæ in se absolute spectatæ, sine ullo ad præsentem subiecti circumstantias respectu; quia secundum Jansenium, delectatio in se absolute neque victrix est, neque victa; sed aut victrix aut victa dicitur relative per comparisonem ad aliam oppositam majorem vel minorem. Absoluta nihilominus dici utcumque potest, id est propria, vera & realis, cui voluntas relative non potest non obtemperare: quamquam in rei veritate, satis accurata ac nitida non est, nec rei præsentis accommodata hæc loquendi ratio, Necessitas enim

nim quæ oritur ex delectatione relativa vi-
ctricæ, non absoluta, sed relativa dicenda
est: præsertim cum Janseniani, ut vidimus,
potentiam absolutam ad oppositum ultro se
admittere proficiantur, ac in ea admittenda
se Catholicos habendos esse concludunt.

IV. Si necessitas physica ea tibi sit quæ
est involuntaria, aut a voluntate indepen-
dens, iudiciumque rationis aptevertit, fa-
temur ultro a Jansenio ejusque discipulis re-
jectam illam fuisse. Si vero ea intelligatur,
ut intelligi profecto debet, quæ oritur ex
delectatione superiori voluntatem ita physice
movere & applicante ad unum, ut expedi-
ta relative non sit ad oppositum, physica est
in doctrina Jansenii, non tantum moralis.
Sic ille loquitur L. 8. de Gratia Christi cap.
3. *Non aliter, inquit, hoc facis (delectatio
gratiæ) quam voluntatem inclinando, appli-
cando, determinando, & quia prævenis ip-
sam voluntatis prædeterminationem, etiam præ-
determinando, non solum moraliter, sed ve-
ra, reali & physica determinatione. Moralis
enim prædeterminatio illa dicitur, quæ tan-
tam se habet ex parte objecti, quemadmodum
facit ille qui consulit, suadet, præcipit, ro-
gat, blanditur, sive extrinsecus sive intrinse-
cus: sed hæc se habet in ipsa potentia volunta-
ris, quoniam propria suavitatis magnitudine ad
volendum applicat, & applicando determinat,
impose causant in ea hoc ipsum, ut se deter-
minet, ideoque prædeterminat.*

Hæc Jansenius aperte ac candide: ex qui-
bus sequitur, necessitatem agendi sub mo-
tione physica delectationis superioris esse pa-
riter physicam.

Verum divisi nihilominus inter se fuere
delectationis superioris relative patroni, cir-
ca necessitatem illam physicam vel moralem
appellandam: qui Jansenii principis te-
nacius ac pressius adhasere, ii moralem ef-
fe negarunt.

Leonardus Van Roy Augustinianus Facul-
tatis Theologiæ Lovanientis Licentiatus ac
Theologiæ Professor in Theologia morali
Antuerpiæ typis edita ann. 1702. 1. parte
Tractatu de actibus humanis, quæstione ul-
tima cap. 4. quod est de voluntario libero,
hæc tibi objicit: *Sanctus Pater (Augusti-
nus) peccata necessitatis adstruit, non de ne-
cessitate proprie dicta, sed de morali, jux-
ta quam difficile est a peccato abstinere, lo-
quitur. Cui objectioni responder, negan-
do assumptum. Quin, inquit, gratiam Dei
ad bene agendum & peccata evitanda, vo-
luntati sic necessariam asseris, quemadmodum
lux ad videndum requiritur: porro sine luce
dumtaxat difficile admodum, sed quodam
sensu impossibile est cernere: ergo luce sub-
tracta gratia, voluntas bene agere & offen-
sam declinare, nequaquam potest. Deinde si
de morali tantum necessitate egisset, de-
Juenin. Inst. Theol. Tom. III.*

*fruitionem suam a Juliano sibi objectam,
etiam peccatis, quod est pena peccati, ada-
ptare facile potuisset: quod tamen Sanctus
Pater ne vel conatur: solummodo respondens,
peccatum esse voluntatem retinendi vel concupi-
scenti quod justitia vetat, & unde liberum est
abstinere.*

Auctor harum Institutionum Tom. v. Tra-
ctatu de Gratia docet pariter necessitatem il-
lam non esse moralem, tamen eam non ap-
pelleret physicam. Ex vero exempla, quibus
Janseniani passim expriment necessitatem de-
lectationis & ipsius modum agendi, osten-
dunt superiorem delectationem vinci non pos-
se per inferiorem oppositam, nequidem phy-
sice. Exempla, inquam, hæc ex physicis pe-
cita, non tantum moralem, sed physicam ar-
guunt impotentiam: ac consequenter physi-
cam agendi necessitatem sub motione majoris
delectationis.

Uno verbo, quotquot ex Jansenianis vo-
lunt, aut a voce necessitatis abstinendum ef-
fe, aut physicam aperte rejiciendam, ii sub
alio mitiori vocabulo necessitatis moralis,
eundem plane sentum ingerunt, talem scilicet
inducentes necessitatem agendi sub mo-
tione delectationis superioris, cui voluntas
relative & in his circumstantiis non possit non
consentire. Dicatur hæc necessitas moralis,
non vero physica, perinde est, atque muta-
to nomine eadem difficultas recurrit. Ne ipse
quidem Jansenius necessitatem hujusmodi re-
cusaret moralem appellare, quæ nihil plane
suo noceret systemati. An vero moralis id-
circo dicenda, quia vel delectando opera-
tur, vel ad mores pertinet? Esto, ita sit: at
nusquam id negaverit Jansenius, qui vim il-
lam gratiæ in delectatione superiori repo-
nit, eamque ad mores melius informandos
pertinere procul dubio non diffitetur. Ergo
ad declinandam erroris Janseniani suspicio-
nem, non sufficit quod moralis dumtaxat im-
potentia vel necessitas admitti dicatur, ul-
trò subscribent Janseniani: sed necesse est
eam necessitatem rejicere, quæ oritur ex mo-
tione superioris delectationis, quæ voluntas
ita rapitur ac ligatur, ut per oppositam,
quæ in Jansenianorum sententia minor est,
delectationem expedita & libera non sit, ut pos-
sit vel resistere, vel actum contrarium elicere.

Abusive prorsus, nostro quidem iudicio, ta-
lis impotentia vel necessitas moralis nuncu-
patur. Ex communi quippe ac recepto usu
necessitas moralis omnino impropria est, ne-
que veram ullo modo impotentiam, sed sum-
mam dumtaxat agendi vel non agendi diffi-
cultatem significatione sua importat: ipsique
voluntas non tantum resistere potest, sed ali-
quando re ipsa resistit. Talis est v. gr. ne-
cessitas agendi ex inveterato quodam habi-
tu. An qui v. gr. avaritiæ, vel prodiga-
litas diuturnum contraxit habitum, ita

P

sem-

semper agit ex avaritia, aut prodigalitate, ut avarus nihil unquam donet, aut prodigus retineat? Verum multum profecto distat impotentia vel necessitas moralis Janseniana. Stante quippe delectatione superiori ad unum voluntatem determinante, actus oppositus non tantum nusquam fit, sed nec relative fieri potest, ob virium inæqualitatem delectationis inferioris respectu superioris. Itam porro necessitatem appellare moralem, manifesta videtur illusio, ac nominis abusus ad errorem Jansenii involvendum & occultandum compositus: quamquam nec patienter ferunt aures Christianæ dici, hominem, seu bene, seu male agat, non posse unquam, propter impotentiam moralem, qua premitur, aliter agere, quam agit re ipsa.

Verum, inquires, in sententia eorum Theologorum, qui admittunt ad singulos pietatis actus gratiam moraliter ex se efficacem necessariam esse, nonne sano sensu dici potest, sub motione illius gratiæ moralem adesse necessitatem ad bonum; & illa absente, moralem necessitatem ad malum? Pariter licet homo justus possit absolute omnia peccata venialia vitare; licet Magistratus gravis ac sapiens possit physica potentia histrionem agere: quia tamen nunquam contingit, ut vel justus omnia peccata venialia fugiat, vel sapiens Magistratus ludat in Theatro, idcirco vulgo dicitur moraliter impossibile esse justo, ut omnia peccata venialia fugiat; & sapienti viro, ut ludat in Theatro. Pari igitur ratione, quia nusquam contigit hominem gratia victrice excitatum male agere, dici potest eum moralem tunc habere impotentiam ad malum.

Resp. 1. Non posse admitti necessitatem moralem in illa Catholicorum quorundam sententia, sub motione gratiæ per se efficaci. Necessitas quippe moralis agendi, juxta communem ac receptam acceptionem, oritur ex difficultate contrarium agendi, aut abstinendi ab actu: sæpe vero contingit, ut per gratiam efficacem homo res sibi difficillimas perficiat, ad quas posset dici habere impotentiam moralem; tum v. g. temptationibus externis & internis undique vexatus, vixque ullo rerum cælestium affectu sensibili recreatus, nihilominus quod Deo placere novit; constanter & heroice aggreditur, certe non necessitate morali ad bonum determinatur, immo impotentiam moralem, qua retardabatur, vincit ac superat.

Resp. 2. Quod etsi aliquo sensu tolerabiliter admitti posset ea in sententia moralis necessitas præsentis gratiæ efficaci, propter nimirum infallibilem connexionem effectus cum tali gratia, & moralem impotentiam ad bonum absente gratia efficaci, nihilominus tolerari id non posse in systemate delectationis relative victricis. Ratio discriminis aper-

ta est, quia præsentis gratiæ efficaci, voluntas etiam relative expedita est ad resistendum; & ea absente, voluntas per gratiam sufficientem etiam relative ad gradus oppositæ actualis cupiditatis capax est, & pares seu æquales saltem vires habet ad operandum seu immediate, seu saltem mediate: non ita absente superiori ac relativa Jansenii delectatione; tunc enim voluntas ex sola gratia parva, comparate ad superiorem actualem concupiscentiam, non potest bene agere ne mediate quidem, quia parva illa gratia relative satis virium non habet, ut possit oppositam illam majorem cupiditatem superare: & quando Janseniani ajunt, interdum parvam illam gratiam ad majorem disponere, ludunt profecto, non enim disponit relative, sed tantum absolute: quia hoc dumtaxat sensu dici potest disponere, quatenus si ei ardentior cupiditas non resisteret, major accederet Dei gratia. (Qua loquendi ratione interdum Thomistæ utuntur occasione suæ gratiæ sufficientis). At cum in systemate Janseniano non possit voluntas relative non resistere huic parvæ gratiæ, quandoquidem majori opposita detinetur delectatione, non debet quoque his in circumstantiis gratia illa parva relative dici disponere ad majorem; immo nec absolute, quia in eodem systemate, gratia illa parva, si fides Jansenianis habeatur, se sola sine novo ex parte Dei auxilio, per solam concupiscentiæ imminutionem opus bonum perfectum exprimeret; ut quid ergo necesse est ut ad majorem gratiam disponat?

Quæ vero prolata sunt exempla idonea non videntur, nec ad rem nostram præsentem accommodata. Justus etenim non habet potestatem veram vitandi omnia simul & collective peccata venialia, Conciliumque Tridentinum sub anathemate prohibet dicere, esse in ullo homine etiam justificato potentiam illa vitandi, sine speciali privilegio, quod soli Beatæ Virgini concessum est: nec certe ulla est in homine facultas, quæ correspondeat illis omnibus simul & collective declinandis, quamquam ne unum quidem sit in particulari ac distributive, quod vitare non possit. Pariter homo sapiens, quamdiu sapiens supponitur, non habet nisi valde remotam, impropriad ac mere organicam potestatem ludendi in publico Theatro; quia nullum omnino assignari potest motivum, quo ad ludum illum moveri possit: adeoque verissimum est dicere, impossibile esse plusquam moraliter, ut vir ille gravis ac sapiens histrionem agat. At non ita est de homine sub motione gratiæ victricis: namque præter concupiscentiam, quæ ipsum continuo ad malum sollicitat, objectum sub varia specie seu boni, seu mali potest ipsi representari, adeoque movere ipsum sive ad bonum, sive ad malum.

Dicos;

Dices: Sensus quos hic recensuimus alieni & extranei non sunt, qui soli possunt legitime tertiæ Propositioni damnatæ adaptari: atqui soli illi sensus possunt legitime adaptari tertiæ Propositioni, non vero sensus proprius Jansenii.

Resp. neg. min. Damnata quippe fuit Propositionio sensu Jansenii: atqui sensus Jansenii & discipulorum ipsius, nusquam fuit admittere necessitatem vel naturalem, vel involuntariam, absolutam, antecedentem & physicam, sensu superioris exp. 10; ergo sensus illi plane sunt alieni & extranei tertiæ Propositioni Jansenii. Vide Jansenium Lib. 6. de Gratia Christi c. 37. & Lib. 7. c. 13.

Prob. bis minorem negatam. Jansenius nusquam negavit, in hoc collapsæ naturæ statu necessariam esse ad merendum vel demerendum libertatem a necessitate, seu veram & activam indifferentiam tum specificationis, tum exercitii: *Hominum viatorum*, inquit Lib. 6. de Gratia Christi cap. 34. non solum coactionis expertem esse libertatem, sed etiam necessitatis immutabilis voluntaria, hoc est, eam ad utrumque indifferentem esse fatemur persisteret. Et cap. 20. Lib. 8. probat ex professo, agnovisse Augustinum sub gratia, & ante gratiam indifferentiam contrarietatis & contradictionis. *Liberum arbitrium*, inquit, ante gratiam, quemadmodum etiam sub gratia, indifferentiam contrarietatis & contradictionis habet: ita videlicet, ut quibuscumque possitis, quæ ad agendum bonum aut malum requisita sunt, possitis liberum arbitrium in hac via facere bonum & malum, facere alterutrum, & non facere.

Et libro 7. de Gratia Christi cap. 11. proficitur se tantum necessitatem specificationis ad bonum & ad malum admittere in hoc statu, negare vero necessitatem exercitii, quam eo sensu intelligit, quod licet homo per delectationem superiorem ælestem vel terrenam, ad bonum vel malum determinetur, tamen hoc vel illud bonum sub delectatione ælesti, hoc vel illud malum sub delectatione terrestri, pro nutu suo libere amplectatur, quæ libertas sufficit.

Quando igitur idem Jansenius Lib. 6. de Gratia Christi c. 6. inter probationes nostras citato, asseruit: *Voluntatem quantumcumque ad unum determinatam, nulla tali necessitate, qua dicitur necesse esse ut velit, desinere esse liberam, quia non desinit esse voluntas*; de libertate generice sumpta, non de libertate præsentis status loquebatur. *Tam orthodoxum erit*, ait Paulus Irenæus loco citato, *si de libertate generali intelligatur, quam si de statu libertatis in hac vita, nullum*.

Quapropter quæ adversus Jansenium inter probationes nostras nomen protulimus, ut expressam ab illo tertiæ Propositionis doctrinam ostenderemus, laborant errore facti.

Cujus quidem erroris & hallucinationis duplex potissimum ratio & causa est.

I. Quod non satis distinguamus, sicut Jansenius recte distinxit, inter libertatem generice & specificè sumptam, seu inter essentiam, & statum libertatis; atque concludamus, Jansenium negasse requiri ad libertatem hujus status indifferentiam, eo quod negaverit eam requiri ad libertatem generice sumptam: qui certe arguendi modus vitiosus est ac similis ei, quo quis negaret rationalitatem non requiri ad constituendum hominem, eo quod non requiratur ad illum constituendum in ratione animalis. *Genuinum*, ait Paulus Irenæus Disquisit. 4. art. 1. *præcendit, quidem a speciebus, sed tamen in speciebus est. Gradus sentiens rationem non involvit, & tamen sentiens in homine est qui rationem habet, non quatenus sentiens, sed quatenus homo. Similiter (pergit) generice illa libertas, quam tractat & evolvit Jansenius, ut in Deo & in beatis, sit etiam in homine lapsa est, nec involvit etiam in homine lapsa indifferentiam quatenus libertas est, sed illam aliunde individuo nexu habet adjunctam, quatenus libertas est hominis lapsa & viatoris: sicut sentiens, cum non involvat in se rationem, eam tamen quatenus in homine est, indivulso nexu habet annexam. Porro, ut idem auctor initio citati art. 4. loquitur, nemo libenter non agnoscit Sanctum Pontificem neutiquam sua Constitutione generalem illam attigisse questionem, utrum libertas quatenus Deo competit, Christo, beatis, hominibus & demonibus, possidet indifferentiam. Nam & Philosophica potius, quam Theologica est, & nominis plus fortasse quam rei. Ergo errore facti deceptus fuit Pontifex, cum in censura tertiæ Propositionis existimavit Jansenium ab hoc statu exclusisse indifferentiam arbitrii ad merendum, vel demerendum necessariam. Ita fere Paulus Irenæus, Auctor Libri Collationum inter DD. de Lalane & Girard ex una parte, & P. Ferrerium ex altera, Colloquio tertio; & Auctor Scripti cui titulus, Responsio ad P. Annatum ann. 1654. qui omnes sibi applaudunt, quasi hoc argumento in fumos abeant omnia quæ contra Jansenium circa tertiæ Propositionem, ut hanc propugnasse convincatur, proferri solita sunt.*

Secunda ratio & causa hallucinationis nostræ hæc est, inquit, quod quæ Jansenius obiter & in loco quodam remotiori, ex hypothesi quadam metaphysica non existente dixit, nempe, si homo hæc in vita, ex tali gratia qualis in celo dabitur, careret indifferentia, sicut ea carent beati in calis erga Deum amandum, adhuc tamen ejus meritum fore: nos ita dictum sumus,

mimus, ac si re ipsa ex hypothese praesenti docuisset Jansenius; hominem viatorem tali gratia donari aut tali carere indifferentia; quod certe perabsurdum est. Manifestum enim est ex iis ipsis Jansenii locis, quae laudavimus, eum loqui ex hypothese metaphysica non existente; adhibet enim semper particulam conditionalem, *si* porro a vero prorsus alienum est SS. Pontifices voluisse tertiam Propositionem hoc sensu, & in ea suppositione metaphysica damnare. Verum existimant illi errore facti, Jansenium nullam hac in vita admisisse activam arbitrii indifferentiam, quam tamen re ipsa agnovit. Ita arguit auctor Libri, cui titulus, *Refutation de la Fausse Relation du P. Ferrier*, pag. 89.

Respond. nego anteced. Utramque enim indifferentiam activam tum specificationis, tum exercitii, qualem Catholici requirunt, Jansenius negavit. Indifferentia quippe activa sensu Catholicorum ea est, per quam voluntas, positis omnibus ad agendum praerequisitis, est expedita relative ad agendum vel non agendum, aut contrarium agendum; at talis non est activa Jansenii indifferentia. Posita enim delectatione superiori indeliberata ad unum movente, voluntas necessario ad illud actu etiam deliberato determinatur, neque se ipsam a praehendo consensu cohibere potest; quia necesse est, ut agat secundum id quod magis delectat; adeoque tunc non est relative expedita ad actum oppositum, quem non tantum non vult, sed nec velle potest, defectu delectationis superioris opposita.

Fallit igitur Jansenius aquivocatione nominis, cum praedicat in praesenti statu esse indifferentiam ad bonum & malum. Haec quippe nihil aliud ipsi est, praeter vel flexibilitatem naturalem arbitrii ad bonum & malum, sicut ipsemet exponit Lib. 8. de Gratia Christi cap. 20. & Lib. 3. de statu naturae lapsae cap. 13. verba superius relata sunt: vel potentiam absolutam & abstractam ad actum oppositum, non vero potentiam relativam; vel necessitatem fluxam & mutabilem, sicut aperte declarat in eo ipso loco, quem Janseniani perpetuo venditant ex capite nimirum 6. Lib. 6. de Gratia; vel denique ipsum solum voluntarium deliberatum.

Fallit pariter, cum necessitatem exercitii fugit interdum captiosis verbis se a praesenti statu rejicere. Hanc etenim conceptis verbis admittit Lib. 7. de Gratia Christi cap. 9. ubi eorum refertur sententiam, qui ut explicant quo sensu Augustinus dixerit, majorem esse beatorum in caelis libertatem, asserunt inde esse, *quia liberius eligit hoc vel illud bonum*, contendit nihil a mente Sancti Augustini dici posse abhorrens magis & alienum. *Uoque verus S. Augustini sensus est,*

ait Jansenius, *arbitrium voluntatis in caelo liberius futurum esse, cum peccare non poterit . . . quia a tota illa exhausta peste liberius, quia plenitudine caritatis sanius, quia in ineffabili divini amoris delectatione fortius, stabilius, & indeclinabilius*. Negat ergo in beatis indifferentiam exercitii. Idem apertius repetit cap. 15.

At ne Janseniani ad solitum effugium recurrant, loqui scilicet Jansenium de soli libertate alterius; non vero hujus praesentis vitae, audiant quae paullo post adjicit Jansenius in capite 9. citato. *Nonne videtur, inquit, quantum ex istis omnibus opus (S. Augustini) testimoniis liquet, non somniasse quidem unquam de absonis illis glossis verborum ejus, quae in nonnullis proferuntur? Si enim illas de industria declinare voluisset, non potuisset ab eis longius recedere, non solum in explicanda majori libertate beatorum, sed etiam quaecumque praesentis vitae. (Aures hic arri-gant Janseniani, Quaecumque praesentis vitae.) Hoc enim confidenter mihi asserere licet, in universis voluminibus quae contra Pelagianos exarata sunt . . . non esse vestigium ullum quo Augustinus unquam de tali indifferentia libertate ad eligendum hoc vel illud bonum cogitasse, multo minus ad eam depellenda calumnia causa confugisse videatur.*

Eant igitur Janseniani, ac solita sua confidentia & fide praedicent adhuc, Jansenium necessitatem exercitii ex praesenti statu rejicisse. Nisi forte (ut sunt in excogitandis diverticulis inexhausti) intelligant necessitatem illam fatalem, phreneticam, brutalem, quam Manichaei, Astrologi, Stoici, Lutherani invexerunt; quae nempe voluntas imperio suo agere non permittitur, sed ab alio quasi raptu & impetu quodam precipitatur; non vero aliam molliorem, voluntariam & infallibilitatis. Révera etenim rem sic levi manu expedit Vincentius Lenis in Theriaca Lib. 2. cap. 2. pag. 190. & cap. 3. pag. 253. & 261. ubi plenis ille manibus concedit quod volumus, Jansenium scilicet non illam ferream ac physicam admittere in statu praesentis necessitatem contradictionis aut contrarietatis, sed etiam molliorem, id est moralem, voluntariam, quia deliberatam; & infallibilitatis, quia talis est, ut voluntas ei relative resistere, aut ad oppositum flectere se nullatenus possit.

Et certe indifferentia exercitii seu contradictionis omnino repugnat systemati Janseniano, quod facile est demonstrare.

I. Cum actu urget aliquod praeceptum positivum, seu affirmativum supernaturale, deest quoque delectatio superior caelestis, voluntas tunc necessitatur ad omissionem illius praecepti in particulari; unde in hac hypothese, non solum necessitas adest peccandi

candi in genere, sed etiam peccandi hoc peccato in particulari.

II. Si delectatio ad bonum in genere dumtaxat spectatum inclinans, necessario voluntatem trahit ad prosecutionem boni in genere, quidni delectatio inclinans ad aliquod bonum in particulari, necessario quoque ad illud determinat?

III. Si voluntas inter plura bona unum præ alio posset eligere pro nutu suo, quando majus bonum ex iis quæ occurrerent, præferret, id sibi tribuere poterit, & cum Deo laudem actionis aliquatenus partiri, quod certe cum principiis Jansenii minime coheret.

IV. Vel unum ex bonis particularibus eligendis plus delectat, vel æqualiter omnia delectant: si prius, in illud necessario vergit voluntas, cum secundum id quod magis delectat, operetur necesse sit: si vero æqualiter placent, suspensa & anceps in medio remanebit necessario voluntas: si enim cum æqualiter bonum & malum delectat, non potest voluntas, etiam in hocce statu, ubi est ad peccatum prona, in malum flectere se; quomodo inter duo bona æqualia, unum præ alio poterit eligere? Porro in systemate Jansenii idem censendum de necessitate exercitii quantum ad malum: siquidem apud ipsum, eadem necessitas & efficacia delectationis, & majoris delectationis ad peccatum reperitur in hoc statu, quæ ad bonum.

V. Denique, cum in doctrina Jansenii liberum idem sit ac voluntarium deliberatum, illudque eo magis voluntarium censeatur, quod sit ex majori delectatione; consequenter illud liberum magis est, quod ex illa majori elicitur voluptate: unde primum est concludere, sicut re ipsa concludit Jansenius, perfectiorem fore libertatem beatorum in celis, ob magnitudinem & vehementiam delectationis; immo & libertatem hujus status perfectiorem quoque fore, si talis ipsi daretur abundantia delectationis: adeoque necessitatem exercitii recte coherere posse cum libertate hujus status. *Hanc electionis liberam constantiam*, ait Jansenius Lib. 4. de statu naturæ lapsæ cap. 25. *si creatura rationalis imitetur, ut pari modo immobiliter in amore creatoris vel creature, ad quem se se summa libertate flexerit, non solum quantum ad speciem actus, sed etiam quantum ad exercitium perseveret, nihil est cur actus ille non semper dici possit liber eadem libertate, qua ab initio libera determinationis liber fuit. Talis enim voluntas, juxta principia Augustini, est in nostra potestate, quia volentibus adest. Porro quia in potestate est, libera est nobis. Ita Jansenius, quibus aperte significat etiam sublata ab hoc statu indifferentia exercitii seu con-*

Juvenin. Inst. Theol. Tom. III.

traditionis, adhuc in integro futuram libertatem.

Quamquam Jansenius veram exercitii indifferentiam admitteret, (quam tamen non admittit) nonne vel una specificationis necessitas, Christianas aures offenderet? Quis enim patienter audiat, hominem justum v.g. dum peccat mortaliter, necessario peccare? Quid quæso prodest homini justo, hoc vel illud malum posse eligere, si a gratia necessario excidat, mortemque æternam incurrere teneatur? Non minus ægre ferunt aures pie, quod asseratur justum, quoties bene agit, toties ad bene agendum necessitate determinari. Quod vero asserit objectio, momenta scilicet quæ inter probationes nostras contra Jansenium protulimus, laborare errore facti, ac duplicem esse hujus erroris causam & rationem, prorsus negamus.

Ad primam probationem respondeo, nos non ignorare distinctionem, quam statuit Jansenius inter libertatem genericam, & specificam sumptam: sed distinctionem hanc superfluum, inutilem & captiosam hic æstimamus; quia Jansenius loquitur de libertate utroque modo spectata, sicut ostendimus; & ab ipsa sub hoc utroque respectu veram excludit indifferentiam. Quapropter otiosum plane est adductum Pauli Irenzi ratiocinium; falsoque supponit, nos idcirco concludere Jansenium a libertate hujus status exclusisse indifferentiam, quia illam excludit a libertate genericam spectata. Non ita est: sed ex sententia, & verbis Jansenii demonstramus, eum re ipsa ex libertate hujus status rejicisse indifferentiam, seu immunitatem a necessitate. Qui enim eo ipso vult actionem malam esse peccatum etiam in præsentī statu, quod sponte fiat, nec cogatur voluntas, ille certe non existimat requiri ex conditione hominis lapsi indifferentiam ad peccatum: sed Jansenius diserte pronunciat eo ipso, juxta SS. Thomam, Chrysostomum & Augustinum, quorum sententiam adoptat, actionem malam, & omissionem boni esse merito arguendam tamquam verum peccatum, quod non cogatur homo. Ergo &c. Porro ita Jansenius Lib. 6. de Gratia Christi cap. 12. *nunquam interitum libertati timet* (Chrysostomus) *nisi a necessitate violentia atque conditionis: qua absente, satis ei est, quod sponte volentesque peccant & benefaciunt.* Et cap. 24. abutens loco ex Sancto Thoma desumpto, in quo agitur de homine lapsō, addit, quasi indicans hoc sufficere, ut in peccatum imputetur, quod non cogatur. Et Lib. 2. de statu naturæ lapsæ cap. 24. *Docet* (Augustinus) *inquit, ignorantia peccatis plenum esse genus humanum, esse quantumvis necessaria, tamen vera peccata: ad culpam imputari remissione delenda, punis plebenda &c.*

P 3

Idem

Idem passim alibi tradit Jansenius, cui suffragantur discipuli, Auctores Librorum qui inscribuntur: *Seconde Apologie de Jansenius*. Lib. 3. chap. 5. pag. 51. *Saint Augustinus et Horicux de Casim*, & de Molina: *Premiere Conference*, c. 53. p. 142. *Seconde Conference*, c. 37. pag. 153. *Cinquieme Conference*, c. 12. pag. 330. Auctor Scripti, *In nomine Domini*, pag. 21. & 24. *Propositiones de Gratia*, p. 20. *Apologie pour les SS. Peres*, *quatrieme & cinquieme point*, article 28. pag. 1044. & 1056. Item, *troisieme partie*, pag. 627. 628. & 630. Item, *Meditationes Chretiennes*, pag. 211. & 212.

Concedimus ergo perlibenter Paulo Irenzo, Sanctum Pontificem neutiquam sua Constitutione generalem illam attigisse quæstionem: utrum libertas genericè sumpta postulet indifferentiam: neque vero de tali libertate loquitur tertia Propositio, sed de libertate ad merendum vel demerendum in statu naturæ lapsæ necessaria; atque idcirco damnata est, quod asserat non requiri libertatem a necessitate, sed sufficere libertatem a coactione. Ac proinde, etiamsi Jansenius diceret, quod non dicit, ex conditione status requiri indifferentiam ad libertatem hominis viatoris, non tamen excusaretur a propugnata tertia Propositione; modo affirmaret, ut revera affirmat, ex parte libertatis, & meriti aut demeriti, in homine lapso non requiri indifferentiam seu exclusionem a necessitate. Et certe si liceret hic ab errore excusare Jansenium, eo quod non dixisset ex parte status, sed tantum in præsentī statu non requiri libertatem a necessitate, tertia Propositio, quæ nihil aliud in rigore sonat, optimum juxta Jansenianos pateretur sensum; adeoque in sensu obvio proscribenda non fuisset: atqui tamen merito proscripta illa fuit.

Porro tantum abest, ut ex conditione status hominis lapsi Jansenius requirat libertatem a necessitate, quin potius præcise asserat, idque coherenter ad systema suum, non requiri ob conditionem hominis lapsi libertatem a necessitate ad merendum vel demerendum in hoc statu. Qui enim contendit peccata, quæ vel ignorantia invincibili, vel ex quacumque alia causâ necessitante nunc committuntur, non potuisse ullo modo imputari homini in statu naturæ innocentis, (si talia fuisse fingerentur) hominique lapso duntaxat merito esse imputanda; ille certe præcise ex conditione status hominis lapsi affirmat necessariam non esse immunitatem a necessitate. Atqui Jansenius torus est Lib. 4. de statu naturæ lapsæ c. 22. & 25. & Lib. 2. de eodem statu c. 4. ut demonstret necessitatem in præsentī statu cum demerito conciliari, quia illa necessitas ortum habet, non a naturæ institutione, sed a pœna hominis lapsi: ergo &c.

Ad 2. probationem seu causam (ut præ-

tendunt) allucinationis nostræ: fatemur hypothesein ex qua Jansenius loquitur, metaphysicam esse nec existentem, quæ parte scilicet supponit gratiam hac in vita tantam, quæ hominem in bono constanter ac immobiliter figat; verum alia ex parte, quæ nempe supponit liberum hominis viatoris arbitrium revera indifferentia exercitii destitutum adhuc posse mereri vel demereri, non metaphysica est, sed vera & realis Jansenii hypothesi ac sententia: quia nempe quanto major est gratiæ delectatio, eo magis, juxta Jansenium, perficitur liberum arbitrium, quia perficitur voluntarium. *Arbitrari*, inquit Jansenius Libro 8. de Gratia Christi cap. 17. *quod perfectio gratiæ arbitrii libertatem destruat, substantia singularis est*. Atque inde concludit, quod si homini viatori tanta daretur, quanta beatis in calo gratiæ delectatio, non violaret, sed summe perficeret arbitrii libertatem: ergo juxta Jansenium, stat arbitrii libertas cum necessitate exercitii. Si hæc duo distinguere voluisset auctor citati Libri, *Refutation de la Fausse Relation du P. Ferrer*, non tot vana & inutilia puerili fastu protulisset.

Instabis 1. Jansenius non negavit indifferentiam judicii: non negavit enim, etiam posita delectatione victrice ad aliquod objectum prosequendum determinante, subesse semper in illo objecto varias species mali ab ipsius prosecutione de se retrahentes, ad quas intellectus non solum potest attendere, sed etiam actu & de facto aliquando attendit; sed hoc sufficit ad indifferentiam judicii. Porro ubi est indifferentia judicii, ibi necessario occurrit libertas arbitrii, seu indifferentia voluntatis: est enim hæc judicii indifferentia, radix libertatis.

Resp. neg. ant. Ad probationem neg. min. Nam per judicium indifferens intelligitur judicium in actu proponens objectum, non ut necessario amandum vel fugiendum, sed ut indifferenter ad utrumlibet eligibile: at licet subsint in objecto species illæ mali de se retrahentes ab ipsius prosecutione, & ad ipsas attendat actu intellectus, non tamen propterea formatur judicium proponens actu objectum ut indifferens ad utrumlibet, sed intellectus determinatur aliquando ad judicandum illud objectum esse necessario amandum. Et vero delectatio superior indeliberata, veluti quodam vinculo in objectum amandum figit animum, ex Jansenio Lib. 6. de Gratia Christi capite 35. ita certe ut rationibus retrahentibus non afficiatur.

Ad subsumptum. Respond. neg. min. Licet enim Thomistæ ex indifferentia judicii libertatem arbitrii consequi affirmant, longe aliter sentiendum est in systemate Jansenii, in quo voluntas ita parum judicio intellectus subjaceat, ut etiam posita visione beatifica pec-

peccare posse, Immo peccatum beatum asserat Jansenius lib. 4. de Gratia Christi capite 8. & 9. si voluntas beati terrestri delectatione titillaretur. *Qui diligentis impetus* (inquit cap. 8.) *si adulterina cujusdam delectationis permixtione laxaretur, mens illa beata iterum refrigerando tenebresceret, & peccaret.* Unde ibidem impeccabilitatem beatorum ex visione beatifica, oriri consequenter negat.

Instabis 2. cum auctore Libri Collationum inter DD. de Laſane & Girard ex una parte, & Patrem Fennium ex altera, Collatio 3. pag. 19. Nullum est obiectum ad quod voluntas feratur, quod ita vires ejus exhauriat, ut non superſit aliqua pars, ut ita dicam, voluntatis, qua se ad aliud obiectum convertere valeat: ergo in systemate etiam Jansenii nulla occurrit necessitas.

Resp. Voluntatem quidem non totam, & totaliter per delectationem superiorem rapi, sed tantum majorem ipsius partem. Verum hoc sufficit, ut, secundum leges veluti mechanicas in eo systemate, pondus animæ, & consequenter consensus semper vergat necessario in eam partem, in quam delectatio superior inclinaverit.

Instabis 3. Jansenius agnoscit omnes actiones meritorias & demeritorias hujus status esse voluntarias & deliberatas: sed ex eodem Jansenio, ubi est deliberatum voluntarium, ibi est libertas contradictionis, Libro 6. de Gratia cap. 35. Ergo &c.

Resp. ad min. Jansenium eo tantum sensu dicere adesse indifferentiam contradictionis, quod voluntas possit non agere si velit, quamvis necessario velit necessitate relativa. Unde talem indifferentiam contradictionis ibidem non denegat beatis, quia *possent volitionem suam mutare si vellent.*

Instabis 4. Jansenius asserit ibidem, quidquid ex quocumque obiecto voluptatis & timoris, aut cujuslibet affectus in voluntatem inciderit, voluntatem arbitrio suo semper remanere superiorem: ergo, &c.

Resp. Jansenium eodem loco id ipsum asfirmare de ipsis beatis, quantum ad voluntatem qua Deo immobiliter & firmiter adherent. Ludit ergo cum ait voluntatem esse semper arbitrio suo superiorem; nec alius verborum ipsius sensus est, nisi quod sponte velit, nec cogatur volendo.

Non pigebit monere, Ipreſem noanisi infidiose ac falso asserere sapius, voluntatem etsi necessario velit, agere tamen quia vult. Namque voluntati tunc tantum velle suum dici potest ratio agendi, quando nulla est causa necessaria volendi: at in systemate Jansenii, delectatio superior indeliberata est necessaria causa volendi.

Instabis denique Jansenius nullam agnoscit in presenti statu peccandi necessitatem

in particulari, sed in genere dumtaxat, eamque tantum in infidelibus. Ita profitetur ille, Lib. 4. de statu naturæ lapsæ cap. 19. 20. 22. & 23. Ergo non excludit indifferentiam exercitii quantum ad malum.

Resp. luci ac doli plenam esse hanc Jansenii doctrinam. Non alio quippe sensu negat ille peccandi necessitatem in particulari, quam quia homo fidelis non peccaret si vellet, seu quia non ex coactione, sed ex voluntate peccat: cum quo recte stat, quod necessario peccet hoc vel illo peccato singulari. Namque in systemate Jansenii, ut mox diximus, par & eadem est necessitas delectationis terrenæ ad malum, ac celestis ad bonum: eadem utriusque efficacia, seu vis & modus agendi, nempe relative ac per gradus quasi ex mechanica lege. Et sicut voluntas nusquam operatur bonum sine celesti delectatione, ita & malum sine dominante delectatione concupiscentiæ. Sicut movente delectatione superiori gratiæ, voluntas non est expedita relative ad malum, ita fervente concupiscentia & absente gratia victrici, non est expedita relative ad bonum. Sicut delectatio superior gratiæ domat ac sibi subijcit inferiorem oppositam delectationem concupiscentiæ; ita vicissim cum pravalet delectatio concupiscentiæ, sibi subijcit debiliorem gratiæ delectationem. Sicut victrix gratiæ delectatio necessario exprimit consensum voluntatis in bonum, ita ut voluntas eum cohibere non possit; ita delectatio superior concupiscentiæ in malum. Denique, sicut sub motione gratiæ victricis voluntas ad hoc vel illud bonum in particulari necessario determinatur; ita sub motione ardentioris concupiscentiæ, ad hoc vel illud malum. Adeoque nulla in eo systemate vera indifferentia specificationis & exercitii, nulla vera libertas a necessitate, ubi adest relativa necessitas invincibiliter & indeclinabiliter ad unum determinans.

Porro docere Jansenium æqualem esse necessitatem delectationis sive ad bonum, sive ad malum, ac parem utriusque celestis ac terrenæ agendi vim & efficaciam, res est apud ipsum explorata.

Lib. 6. de Gratia Christi cap. 35. Nunc, inquit, *omnis omnia voluntas juxta naturam voluntatis ex aliqua delectatione proficitur, sine qua præcunte, esse non potest; ita quoque stabilitas voluntatis ex eadem delectatione nascitur.*

Sensus Catholicus errori tertie Propositionis Jansenii oppositus.

CUM error tertie Propositionis Jansenii in eo sit, omne scilicet perfecte voluntarium, tametsi necessarium, eo ipso in presenti statu liberum esse ad bonum & malum;

necc ad merendum vel demerendum in statu naturæ lapsæ requiri libertatem a necessitate simplici voluntaria, mutabili ac transeunte, sed sufficere libertatem a coactione; consequenter veritas Catholica huic errori opposita hæc est: voluntarium perfectum, si sit necessarium necessitate simplici quamvis mutabili ac transeunte, non esse liberum ea libertate quæ sufficiat ad meritum vel demeritum præsentis vitæ; sed præter immunitatem a coactione, necessariam esse immunitatem ab omni necessitate simplici, seu ab insuperabili & invincibili voluntatis per delectationem relative superiorem ad unum determinationem & applicationem.

Ut igitur penitus excludatur error tertie Propositionis, & a viris suspectæ fidei omnis legitime Jansenismi suspicio amoveatur, non satis est si dixerint libertatem hujus status necessarium ad merendum vel demerendum excludere necessitatem: aut liberum idem non esse quod voluntarium: ista enim oretenus fateri non recusant vel apertissimi Jansenii defensores, qui confidenter affirmant necessitatis nomine omnem plane excludi potentiam ad oppositum, talemque necessitatem cadere non posse in eas actiones quæ in præsentis statu fiunt ex delectatione, cui voluntas sponte obsequitur (quia nempe in eorum sensu remanet semper potentia quædam absoluta & abstracta). Et reipsa cum sic illi loquantur, nomine necessitatis intelligunt dumtaxat vel coactionem, vel necessitatem naturalem, vel eam quæ cæco impetu sine advertentia & pleno judicio rationis abriperet, vel illam, quam in deliberata sua, quodam sensu operatione voluntas pateretur, si per motionem quamdam quasi fatalem sic in unam partem præcipitaretur, ut imperio suo se ipsam movere non sineretur, qualem Manichæis, Astrologis, Stoicis & Calvinianis placuisse fingit Vincentius Lenis in Theriaca; vel simplicem, perpetuam & immutabilem. Non excludunt vero necessitatem simplicem, voluntariam, transeuntem ac mutabilem, eam scilicet quæ oritur ex invincibili & ineluctabili motione superioris ac relative delectationis; quam necessitatem facato infallibilitatis nomine appellant, quamque inaviolem ac molliorem vocat Vincentius Lenis, ut eam distinguat ab alia, nempe rigida & fatali Stoicorum ac Manichæorum.

Pariter cum ajunt liberum idem non esse ac voluntarium, a Jansenio plane non recedunt, qui hoc ipsum asseruit Lib. 6. de Gratia Christi cap. 26. per voluntarium enim subdole intelligunt, ut ipse Jansenius ait, id quod est in voluntate. Quo sensu verum est, etiam in sensu Jansenii, liberum idem non esse ac voluntarium: quia datur voluntarium indeliberatum, (quales sunt motus primo primi); quod tamen propterea libe-

rum non est, ipso fatente Jansenio. Non satis igitur est nude excludere a libertate quamdam in genere tantum necessitatem, sed addi debet, simplicem ac voluntariam & transeuntem. Pariter satis non est rejicere necessitatem, quæ tollat omnem ad oppositum advertentiam, qualis est in beatis; sed etiam illam sub qua ita apparet ratio aliqua boni, seu motivi in objecto quod voluntas refugit & averfatur, ut non remaneat indifferencia activa voluntatis; talem quippe ad oppositum advertentiam, Jansenius ejusque discipuli cum delectatione superiori ineluctabili conciliant: neque eam tantum quæ sit vel absoluta, vel antecedens, vel physica illorum sensu superius exposito; sed eam quæ sit relativa ad præsentis subjecti dispositiones, easque comitetur, moralisque a quibusdam ex Jansenii discipulis vocatur.

Denique satis non est asserere voluntatem sub motione superioris delectationis, non tantum in sensu diviso, idest absente, sed etiam in sensu composito, idest præsentis illa motionis, retinere potentiam proximam & expeditam ad oppositum; dolus quippe est ac consueta fallacia: potentiam quippe illam proximam & explicitam non aliam volunt esse quam absolutam & abstractam, non autem relativam & comparatam ad præsentis subjecti circumstantias seu dispositiones, sicut dictum est sapius.

Ad omnem igitur fraudem & equivocationem fugiendam necesse est nitide sensu contradictorio affirmare, ad merendum vel demerendum in statu naturæ lapsæ necessariam esse libertatem, quæ excludat illam voluntatis ad unum determinationem, (quocumque tandem nomine eam appellaverint) quæ a delectationis relative superioris ineluctabiliter prævenientis & invincibiliter flectentis virtute proficiscitur.

QUARTA PROPOSITIO.

Semipelagiani admittebant prævenientis gratiæ interioris necessitatem ad singulos actus etiam ad initium fidei: Et in hoc erant hæretici, quod vellent eam gratiam talem esse, cui possit humana voluntas resistere vel obtemperare.

Propositio ex Jansenio legitime excerpta.

HUJUS quartæ Propositionis duæ partes sunt. Prima est facti: utrum scilicet Semipelagiani admiserint gratiam necessariam ad initium fidei; qua de re hic non disputamus: Secunda, utrum hæreticum sit dicere gratiam actualem Christi talem esse, cui possit humana voluntas resistere vel obtemperare.

Utique Propositionis partem docet Jansenius.

senius Lib. 8. de hæresi Pelagiana cap. 6. his verbis. Itaque Massiliensium opinionibus, & Augustini Doctrina quam diligentissime ponderata certum esse, & indubitatum esse debere sentio, quod Massilienses præter prædicationem atque naturam, veram etiam & internam & actualem gratiam ac ipsam etiam fidem, quam humane libertatis & voluntati adscribunt viribus, necessariam esse fateantur. Et postea. In hoc igitur proprie Massiliensium error situs est, quod aliquid primæ libertatis reliquum putant, quo sicut Adam, si voluisset, poterat perseveranter operari bonum, ita lapsus homo saltem credere posset si vellent: neuter tamen absque interioris gratia adiutorio, cuius usus vel abusus relictus esset in universi-jusque arbitrio & potestate. Et paullo post rursus. Ex quo, inquit, relinquitur, quandocumque Massilienses naturalem illam libertatem & possibilitatem ex Adam integritate reliquam prædicant, & ei saltem fidem tribuunt, nunquam eos illam Adam gratiam excludere.

Ilanc esse constantem Jansenii doctrinam patet manifeste ex lato illo discrimine, quod reponit inter gratiam sanitatis & medicinale, quod cum ignoraverint Semipelagiani, in errorem lapsi sunt. Ex isto, inquit initio capitis 4. Libri 2. de Gratia Christi, libera servaque voluntatis discrimine.... utriusque gratiæ sanitatis & medicinalis differentie... incipit se se ostendere. In ea quippe situs est, quod illius primæ integritatis adiutorium sic adjuvabat voluntatem, ut cum eo operaretur ipsa si vellet: nunc autem ipsum adiutorium facit ut velit. Hec est, adiutorium ante ruinam erat tale, ut influxus adiutorii proinde atque voluntatis in opus, ab ipso libera voluntatis nutu penderet, adeoque salva maneret illa libertatis in utramque partem flexibilis indifferentia: nunc vero post ruinam tale est, ut faciat annuere, & influere, & velle voluntatem..... hoc ipso enim quo datur, simul usus ejus & influxus potestatis datur. Est enim hoc ipsum, quod suapte efficacia facit influere facultatem, nec facultatis ipsius libero arbitratui subiaceat, sed invictè facit ut hoc vel illud arbitrium arbitretur & velit. Talis est influxus omnis causæ formalis: hoc ipso quippe quo adest iustitia, fit iustus animus, & sine illa iustus esse numquam potest..... Quod clarius, pergit Iprentis, ita dici posset, quod gratia sana voluntatis in ejus libero arbitrio relinqueretur, ut eam si vellet deferret, aut si vellet uteretur: gratia vero lapsa ægrotatque voluntatis nullo modo in ejus relinquatur arbitrio, ut eam deferat aut arripiat si voluerit, sed ipsa fit potius illa postrema gratia, qua invictissime facit ut velit, & a voluntate non deferatur. Et postea: Tanta necessitatis est, ut sine illa non possit effectus fieri, tantæque efficaciæ, ut hoc ipso quo datur,

continuo fiat. Dat enim simul & posse & operari.

Hæc Jansenius; qui, ut mox dicemus, Semipelagianos in eo potissimum errasse contendit, quod repudiato illo efficaci adiutorio quo datur invictissime velle & operari, aliud admitterent, quod, ut falso putat, proprium fuit naturæ sanæ & innocentis, subditum nempe libero voluntatis arbitrio, cui resistere illa posset vel obtemperare.

Quarto Propositione cum delectatione superiori, ac relativa connexa, unde a Jansenio eruitur.

Hæc Propositione cum aliis connexa, commune quoque habet cum illis principium. Supposita enim aliarum falsitate, ait Hilarius in Scripto sapius laudato, necessario debet falsa judicari. Nam si impossibilia nunquam sunt Dei præcepta iustis defectu gratiæ sufficientis cui actu resistunt, sequitur posse gratiæ resisti: nam ab actu ad posse valet consequentia. Secundo, si certum sit ad meritum requiri indifferentiam, cum actio qua gratia Dei consentimus, sit meritoria, sequitur consensum ei præberi cum indifferentia, ac proinde cum potentia dissentire.

Hanc vero Propositionem velut conclusionem sequi ex principio delectationis relative, per se manifestum est. Si enim voluntas eo semper ac necessario trahitur quo maior voluptas ducit, si fieri non possit ut minor delectatio superiorem vincat, omnino consequens est, ut superior motione insuperabili & indeclinabili ad unum determinet, nec possit voluntas eo in statu tali determinationi non consentire.

Et revera non alia ex parte Semipelagianos errasse vult Jansenius, quam quod rejecto auxilio efficaci invincibiliter ac insuperabiliter determinante ab bonum, aliud admitterent cui voluntas pro nutu suo consentire vel dissentire posset. Auxilium porro illud quo, seu efficax Jansenii sensu, ut antea probavimus, est delectatio victrix relativa.

Libro 8. de hæresi Pelagiana c. 8. in fine, In hoc, ergo, inquit, proprie Massiliensium & Augustini error situs fuit, quod Angelorum sanctorum & sanctis hominis adiutorium, in quo intelligenda & admittendo nulla premitur ipsius difficultas fuit, etiam lapsis hominibus hætenus sufficere voluerint.

Et c. 10. ostendit totum disputationis argumentum inter Augustinum & Semipelagianos fuisse circa veram Christi gratiam; quam quidem Jansenius Lib. 4. de Gratia Christi capitibus undecim, & Lib. 8. cap. 2. probat esse delectationem superiorem seu relative victricem, non vero gratiam illam sine qua non. Non enim ipsa, (ut loquitur cap.

cap. 10. Lib. 8. de hæresi Pelagiana) *pulsa concupiscentia infirmitate robustum facti, sed robustum & a concupiscentia liberatum esse supponit: sicut lux, quantumvis magna, non sanat oculum, sed sanatum postulat, ut ejus aliquis possit esse usus: nam sine luce quidem non cernitur, non tamen ipsa facit cernere si quis noverit intueri.*

Semipelagiani, ait Jansenius Lib. 2. de Gratia Christi c. 12. *admittebant libentissime adjutorium Dei, cum quo possent credere & orare si vellent, ita ut & adjutorium, & ipsum velle & nolle, quemadmodum homini primo, in eorum libero relinqueretur arbitrio: horrebant vero illud capitaliter quo secundum Augustinum fiebat ut vellent.* Et lib. 7. cap. 6. ait, *totam molem disputationis de Christi gratia cum Pelagianis . . . huic veluti cardini innixam esse, nempe necessitati gratiæ victricis quæ dat invincibiliter & insuperabiliter agere.* Et l. 4. c. 10. probaverat nullam jam dari gratiam pure sufficientem, quia nulla est gratia operandi præter istam suavitatem Dei, quæ nisi tanta fuerit, ut ei delectationes rerum creaturarum cesserint, vel peccabitur, vel alternante delectationum fluctu, in medio remanebitur.

Verus ac germanus quartæ Propositionis sensus.

NON hic attingitur quæstio de efficaci a se aut cum consensu, inquiebat Hallerius, quia utriusque opinionis assertores fatentur quod gratiam Dei possumus abjicere, juxta Concilium Tridentinum sess. 6. cap. 5. Ergo singularis ac proprius Jansenii sensus distinctus est a sensu gratiæ efficaci a se, vel a consensu. Quis ille sit, statim indicat Hallerius: *Quæritur, inquit, utrum gratia in statu nature corruptæ talis sit, ut necessitatem inferat voluntati, adeo ut ei non possit dissentire, quod nullus Catholicus unquam admisit.*

Quartæ igitur Propositionis Jansenii verus ac germanus sensus iste est: Semipelagiani admiserunt necessitatem gratiæ interioris etiam ad initium fidei; & in hoc erant hæretici, quod rejecta Christi gratia efficaci, hoc est delectatione celesti superiori voluntatem necessitate insuperabili ac indeclinabili determinante, solam admitterent gratiam cui posset humana voluntas resistere, vel obtemperare.

Hunc Magistri sensum discipuli aperiunt ac defendunt in laudato sæpius Scripto, *In nomine Domini.* Cum, inquiunt, in ea tam vehementer inter Catholicos & Semipelagianos contentione, hanc unam gratiam Catholicis propugnarent, quæ insuperabilem prædestinationem & promissionem Dei, virtute pariter insuperabili in effectum demandaret, clarum est illam unam inflexibilem & indeclinabilem gratiam Semipelagianos Catholicis eripere voluisse: Et postea:

Quis queso dubitet Semipelagianos hæreticos habitos fuisse materialiter saltem, quod ad fidei initium gratiam admitterent, cui posset humana voluntas resistere obtemperare proxime & immediate?

Plura in rem eandem referre omittimus: quia tam intima connexionione cohæret sensus ille Jansenii cum delectatione superiori ac relativa, ut ab ea divelli nullatenus possit. Quapropter fictitii plane sunt & alieni alii sensus qui dictæ Propositioni possent affingi.

Sensus Catholicus errori quartæ Propositionis Jansenii oppositus.

SENSUS Catholicus debet esse contradictorius erroneo sensui quartæ Propositionis, pro utraque ipsius parte. Nempe: Semipelagiani non admittebant prævenientis gratiæ interioris necessitatem ad singulos actus, etiam ad initium fidei; & in hoc non fuerunt Hæretici, quod vellent eam gratiam talem esse, cui posset humana voluntas resistere vel obtemperare. Ergo doctrina Catholica est, supposita gratia quantumvis efficaci, quam Semipelagiani rejiciebant, humanam voluntatem, etiam relative ad hanc gratiam, posse huic resistere vel obtemperare.

Inde facile est colligere, ad excludendum penitus erroneum quartæ Propositionis sensum, satis non esse dicere:

I. Semipelagianos in eo Hæreticos non fuisse, quod rejecerint gratiam necessitantem, quæ omnem penitus removeat potentiam ad oppositum: subintelligi quippe potest, ut revera fraudulenter subintelligant Janseniani, tum necessitas, tum potentia absoluta, non vero relativa, de quâ tamen una hic est quæstio.

II. Non in eo fuisse Hæreticos, quod admiserint gratiam cui homo resistere posset si vellet: per hæc enim verba unam illi intelligent resistantiam voluntariam vel conditionatam, quæ cum pendeat a conditione plane impossibili, omnino ficta & illusoria est, quippe cum fieri nusquam possit, ut voluntas velit dissentire motioni superioris delectationis.

III. Nec sufficit asserere in præsentī statu indifferentiam voluntatis minime destrui per gratiam: namque per indifferentiam, ut vidimus, Janseniani intelligunt flexibilitatem voluntatis, & absolutam, quam habet, potentiam faciendi actum oppositum ei ad quem necessario determinatur.

IV. Neque sufficit affirmare, non omnem sub motione gratiæ victricis tolli potentiam ad non agendum, sed eam tantum quæ aliā quando in actum reducat: nam in phrasi Janseniana, potentia quæ in actum non educitur, dumtaxat absoluta est; non autem relativa, quæ semper est efficax.

Antequam finem huic quartæ Propositioni imponamus, prætermittere non possumus quin ad laudem & commendationem Gonetii, insignis e Schola Thomistica Theologi, observemus, quod cum Tomo 1. Clypei Theologiæ Thomisticæ disp. 2. quæ est de hæresi Semipelagianorum art. 3. asseruisset in prioribus Operis sui editionibus, quosdam fuisse Semipelagianos, qui naturæ viribus gratiam ad initium fidei adjungerent, tandem in editione Lugdunensi ann. 1681. mutasse sententiam circa primam quartæ Propositionis partem. Sic enim habet Tom. 6. in Appendice ad Tractatum de Gratia, ubi de Semipelagianis: *Hæc sententia alias mihi placuit, se tamen attentius, & maturius considerata, dico breviter Semipelagianos omnes gratia prævenientis interioris necessitatem ad initium fidei constantissime negavisse.*

Optandum certe foret, ut parem humilitatis, & obedientiæ viam inisset Franciscus Macedo Franciscanus Lusitanus. Hic enim in Libello Londini excuso ann. 1653. qui inscriptus est: *Ment divinitus inspirata sanctissimo Patri nostro Innoc. X. super quinque Propositiones Jansenii* &c. art. 5. expendens quartam Propositionem idem proficitur, quod Gonetius in primis suis editionibus. Ut autem suam a Janseniana sententiam discernat Macedo, contendit Jansenium Lib. 8. de hæresi Pelag. putasse omnes omnino Semipelagianos in eandem de necessitate gratiæ interioris prævenientis ad initium fidei concessisse opinionem; & eo titulo, assertionem hanc Jansenii quarta Propositione expressam merito ut falsam & temerariam damnatam fuisse. Monet insuper idem Macedo, priorem quartæ propositionis partem questionem esse facti, quæ certe fidem proprie non spectat, cum ex humano judicio per se incerto discutienda, & dirimenda sit. Unde addit censuram hæreseos, quæ quarta Propositio afficitur, in eam cadere ut complexa est, & ex quibus partibus constans: porro ad propositionis complexæ hæreticitatem sufficere, ut alterum membrum a fide sit alienum, quod de posteriori membro hujus quartæ propositionis dumtaxat verum est.

Respondet Gonetius, cit. Tom. 3. quod licet prior pars hujus Propositionis sit quæstio facti quæ proprie fidem non spectet, quia tamen altera pars ejusdem Propositionis, quæ juris est, cum priore in connexa est, ut eam necessario præsupponat, potuerit ac debuerit Pontifex primam ut falsam proscribere; ut subinde alteram damnaret tamquam hæreticam.

Porro distantiam sententiæ Macedo a sententia Jansenii nullam esse compertum ait, si observes quod licet Jan. Lib. 8. de hæresi Pelag. non distinguat duplicem Semipelagianorum ordinem, non unam tamen eorum om-

nium fuisse mentem profiteatur Lib. 7. cap. 2. quorum alii ad initium fidei nihil præter naturam exigent. Quod autem asserit Macedo, primam partem quartæ Propositionis damnatam esse, quod de omnibus Semipelagianis indefinite loquatur, leve est; nam fatetur ipse, damnatam fuisse in sensu Jansenii: at prout est in Jansenio non intelligitur indefinite, sed de aliquibus tantum.

Gonetius candide fatetur Contentsonium Lib. 8. disert. 3. historica circa errores Semipelagianorum, idem sentire, quod Jansenius. Neque vero id mirum videri debet, cum idem eodem Lib. Dissert. 5. asserat quinque Propositiones in Libro Jansenii, (si totius operis seu contextus ratio habeatur) unum dumtaxat spirare gratiæ per se efficacis sensum: nihilominus ab Alexandro VII. merito damnatas fuisse in sensu Jansenii, quia prudenter arbitratus est S. P. illum fuisse Jansenii sensum, quem verba ipsa in suo naturali sensu indicant. Neque enim tenebatur, inquit, inquirere, an in Operis prolixi decursu solius gratiæ per se efficacis sensum auctor intenderit, quia quemcumque sensum alibi prætenderit, satis est ut damnetur, quod ea simpliciter affirmet, quæ inconnaturali, & aperto sensu inveniantur a fide aliena. Hæc Contentsonius, quibus aperte significat quinque Propositiones damnatas fuisse in sensu obvio, & naturali, quem verba in se ipsis præferunt, non vero in sensu proprio Jansenii: ideoque errore facti hic lapsum esse Pontificem, cum in hujusmodi facti quæstionibus, ut ille statim addit, Ecclesia possit errare. Quæ a Jansenii defensoribus statim proferuntur, ut Jansenium absolvant a propognata quarta Propositione, a nobis jam superius occupata solutaque sunt, & inferius pro data occasione interum solventur.

QUINTA PROPOSITIO.

Semipelagianum est dicere Christum pro omnibus omnino hominibus mortuum esse, aut sanguinem fudisse.

Propositio ex Jansenio legitime excerpta.

PROPOSITIO hæc responsionem continet Jansenii ad objectionem petita ex communi Theologorum doctrina, omnibus scilicet dari gratias sufficientes ad salutem comparandam, quia pro omnium salute Christus mortuus est. *Aliud argumentum, ait Jansenius Lib. 3. de Gratia Christi cap. 21. pro gratia sufficienti omnium proferri solet, quia Christus est Redemptor omnium, juxta illud prima ad Timoth. 2. Qui dedit semetipsum Redemptionem pro omnibus. Nec enim redemptionis omnium ullo modo videtur esse posse, nisi gratiam salutem sufficientem omnibus præparaverit.* Eu

ob-

objectioni, cui sic respondet Jansenius: Respondetur, & hoc argumentum, sicut omnia precedentia, jam olim ad nauseam usque a Pelagianis, præsertimque Massiliensibus, inculcatum fuit, ut mirum sit recentiores tanto studio tria hereticorum arma colligere, & absoluta recudere.

Jansenius hic illud ipsum adversariis exprobrat, quod sibi ab illis jure ac merito obijciendum præsentit; nihil enim prorsus in hac disputatione producit, quod olim ad nauseam usque a Calvinianis inculcatum non fuerit: Nec enim, pergit Jansenius, juxta doctrinam Antiquorum, pro omnibus omnino Christus passus aut mortuus est, aut pro omnibus omnino, tam generaliter sanguinem fudit; cum hoc potius tamquam errorem a fide Catholica abhorrentem doceant esse respuendum. Et in fine ejusdem capituli. Illa extensio, inquit, tam vaga modernorum Scriptorum non alio ex capite, quam ex ista generali, & Indifferenti voluntate Dei erga salutem omnium, & ex illa sufficientis gratia omnibus conferenda præparatione fluxit; quorum utrumque Augustinus, Prosper, Fulgentius, & antiqua Ecclesia velut machinam a Semipelagianis introductam repudiavit.

Rursus ibidem. Quæ sane cum in Augustini doctrina perspicua certaque sint, nullo modo principii ejus consentaneum est, ut Christus Dominus vel pro infidelium in infidelitate morientium, vel pro justorum non perseverantium æterna salute mortuum esse, sanguinem fuisse, semetipsum redemptionem dedisse, Patrem orasse, sentiantur. Scivitis enim quod quisque jam ab æterno prædestinatus erat. . . . Ex quo factum est, ut juxta sanctissimum Doctorem, non magis Patrem pro æterna liberatione ipsorum, quam pro diaboli deprecatus fuerit.

In his testimoniis manifestum est, docere Jansenium errorem esse Semipelagianum dicere, quod Christus pro omnibus omnino hominibus mortuus sit, aut sanguinem fuderit.

Quinta Propositio cum delectatione superiori, ac relativa connexa, unde a Jansenio eruitur.

VEL ipsa disputationis Jansenii series fontem aperit, unde doctrinam hujus suæ quintæ Propositionis hauserit. De gratia scilicet vere sufficiente, sensu aliquorum recentiorum, loquitur, quæ nempe se sola ex solo nutu liberi arbitrii sine Dei auxilio sufficiat ad pene operandum; ac negat ullam in præsentis statu dari hujusmodi sufficientem gratiam. Ad probationem vero in contrarium ex eo ductam, quod Christus sit pro omnibus mortuus, ac velit omnes salvos fieri, respondet, utrumque istud esse falsum; adeoque gratiam vere sufficien-

tem non omnibus concedi. Omnibus vero illis inquit citato cap. 21. Lib. 3. de Gratia Christi, pro quibus sanguinem fudit, & quatenus pro eis fudit, etiam sufficiens auxilium donat, quo non solum possint, sed etiam reipsa velint, & faciant id quod ab eis volendum & faciendum esse decreverit. Sufficiens autem illud auxilium, quod Deus aliquibus (pro quibus mortuus est) donat, aliis vero pro quibus mortuus non est, denegat, est delectatio superior, ut patet ex novem primis capitulis Lib. 4. de Gratia Christi. Seipsum clare interpretatur Jansenius hoc ipso Lib. 4. cap. 10. in fine. Hinc claret, inquit, cur Augustinus, omnem omnino gratiam pure sufficientem . . . auferat. Ratio enim perspicua est, quia cum ei nulla sit gratia operandi præter istam suavitatem Dei, nisi ista tanta fuerit, ut ei delectationes rerum creaturarum cesserint, vel peccabitur, vel alternante delectationum fluctu, in medio remanebitur: si autem ista superaverit, jam sine dubio bene voluntas operabitur . . . sed utrumlibet fiat non erit sufficiens gratia, sed vel efficax, vel ita inefficax, ex qua operatio nequidem possit sequi, nisi ejus inefficacia per alia supplentur. Hinc perspicis, quam intimo nexu cohæreat hæc quinta Jansenii Propositio cum Systemate duplicis delectationis, cujus quæ inferior est alteri necessario cedere debet.

Verus ac germanus quinta Propositionis Jansenii sensus.

DUO quaruntur circa hanc Propositionem, ajebat Hallerius, ad cujus distinctionem Innocentius respexit in censura hujus quintæ Propositionis.

I. Quid de ea sentiendum, quatenus notam hæresi affingit communi Catholicorum Theologorum sententia, quæ asserti Christum pro omnibus omnino mortuum esse: quam Propositionis partem Ecclesia declarat esse falsam, temerariam, scandalosam.

II. Quatenus ex mente Jansenii Christus non pro omnibus, sed pro prædestinatorum salute tantum mortuus est; ita ut omnibus reprobis negata sint auxilia sufficientia quibus possint salvari. Cujus Propositionis partem intellectam eo sensu, ut Christus pro salute dumtaxat prædestinatorum mortuus sit, Ecclesia declarat, impiam, blasphemam, contumeliosam, divina pietati derogantem, & hæreticam.

Verus igitur ac germanus Jansenii sensus pro utraque hujus Propositionis parte iste est.

Semipelagianum est dicere, Christum pro omnibus omnino hominibus mortuum fuisse, omnibusque gratias vere sufficientes, quibus salvari possint, præparasse, quia præter delectationem superiorem, ac victricem gratiæ celestis, non dantur gratiæ vere suffi-

sufficientes. Christus pro salute dumtaxat prædestinatorum mortuus est, ita ut omnibus reprobis negata sint auxilia sufficientia, quibus possint salvari. Adeo clare ac nitide sensum hunc Jansenii repræsentant, tum verba ipsius hic descripta, tum series ac scopus totius controversiæ ab eo institutæ, ut fusiori expositione opus esse non videatur.

Sensus alieni, & extranei, qui quintæ Propositioni Jansenii, malique affingi possent, quos tamen legitime sumpta non habet.

I. Alienus profecto est sensus Lutheri & Calvini quem Janseniani in suo trium Columnarum Scripto rejiciunt his verbis conceptum: *Christus mortuus est tantummodo pro prædestinatis, ita ut illi soli per meritum mortis Christi veram fidem, ac justitiam accipiant. Quæ Propositio, inquit, est hæretica, Calviniana aut Lutherana, a Concilio Tridentino damnata.*

II. Dici non potest sensum Jansenii esse, quod nulla legitima ratione possit affirmari Christum pro omnibus mortuum fuisse, quandoquidem id expresse asserit S. Paulus, & Jansenius ipse citato c. 21. l. 3. de Gratia Christi fateatur, mortuum pro universa Ecclesia toto orbe dispersa, & consequenter pro omnibus hominum generibus, regibus, privatis, nobilibus, &c. At sensus ejus est, Christum non esse ea intentione mortuum pro omnibus, ut gratias mereretur, quibus omnes possent æternam salutem consequi: quia nempe non omnibus, sed solis prædestinatis conferat gratias illis sufficientes: seu delectationem illam celestem superiorem ac victricem, quæ sola potest ad salutem perducere; & in qua Jansenius virtutem sufficientem & efficaciam gratiæ reponit.

III. Nec minus a Jansenii mente alienum est dicere, Christum nullatenus mortuum dici posse pro salute aliquorum reproborum. Namque juxta ipsam in citato cap. 21. Lib. 3. mortuus est pro illis temporalibus gratiæ auxiliis, quibus nonnulli reprobi hac in vita donantur; quæ cum propria sua natura ad salutem æternam tendant, ac destinata sint, hoc sensu Christus dici potest mortuus pro salute illorum reproborum. Verum abusive omnino: quia in mente Jansenii, non eo animo mortuus est Christus, ut ipsis mereretur gratias pares ac sufficientes debellandæ majori actuali eorum concupiscentiæ, & æternæ salutis procurandæ. Illis enim, ait citato c. 21. caritatem sine perseverantia, aut fidem sine caritate concedit Ac pro his tantum (Christus) mortuus est ... & in tantum rogavit Patrem, in quantum temporalibus quibusdam divine gratiæ effectibus exornandi sunt Et postea. Cui nullo modo prodest mors Christi, (nempe ad salutem assequen-

dam) pro illo nec sanguinem fudit, nec mortuus fuit ... nec magis pro æterna liberatione ejus, quam pro diabolo Patrem deprecatus fuit.

Quapropter diligenter hic observanda, & præcavenda Jansenianorum equivocatio ac fallacia. Ultro negant illi Propositionem his verbis conceptam, *Christus pro salute dumtaxat prædestinatorum mortuus est*, referendo particulam istam, *dumtaxat*, ad salutem; quia nempe fatentur mortuum etiam pro temporalibus illis gratiæ donis, quibus nonnulli reprobi hac in vita exornantur: at si particulam *dumtaxat* referas, ut referri debet, ad vocem prædestinatorum, ut sensus sit, Christus pro salute prædestinatorum dumtaxat, seu pro salute solum prædestinatorum mortuus est, non negabant; quia iis solis concedi a Christo volunt gratiam vere sufficientem, quæ salus potest obtineri.

IV. Neque etiam Jansenii sensus est, Christum pro omnibus mortuum non fuisse quantum ad sufficientiam pretii; sed sensus est, non esse mortuum quantum ad intentionem offerentis illud pretium, & applicationem illius per media quæ vere sufficiant omnibus redimendis. Ultro quippe Jansenius agnoscit ibidem, phrasin istam, *qui quis dicitur se pro aliquo redemptionem dare, præferre redemptionem ex redimentis animæ, in usum ac liberationem captivorum offerri, ac dirigi: alias dici posset Christus etiam pro demonibus se dedisse redemptionem, quibus redimendis sine dubio pretium sanguinis ejus fuit sufficiens.*

V. Nec etiam Jansenio sensus iste potest assignari, nullam in Christo pro salute reproborum velleitatem fuisse, aut eam omnino sterilem, & otiosam fuisse, quasi ex se ipso eo non inclinasset, ut vel innocenti naturæ gratiam, quam acceperat, conservaret, vel lapsæ sufficientem conferret, nisi eam prorsus inutili ac insufficientem redderet depravata hominis voluntas: At sensus est, velleitatem illam tam tenuem, & infirmam esse, ut Christum non adducat ad conferenda reprobis auxilia, quæ satis virium habeant ad oppositam majorem superandam cupiditatem, & consequenter ad procurandam ipsis salutem æternam.

VI. Denique, Propositionis Jansenii sensus non est Deum noluisse omnes homines salvos fieri, eos in se ipsis considerando, quatenus creaturæ sunt ad imaginem suam conditi, facta peccati eorum præcisione; neque enim id unquam docuit Jansenius: At doctrina ipsius est, Deum considerando hominem in statu peccati, & ardentioris cupiditatis, non velle amplius ipsi conferre gratiam vere sufficientem, quæ possit & concupiscentiæ superioris ardorem temperare ac vincere, & salutem æternam adipisci.

*Sensus Catholicus errori quinta Propositionis
Jansenii oppositus.*

Cum duplex in quinta Propositione sit Jansenii lapsus, 1. quod communem Theologorum sententiam de morte Christi pro omnibus, velut errorem Semipelagianorum traducat: 2. quod asserit Christum pro salute dumtaxat predestinatorum mortuum fuisse, duplex hic est opposita Ecclesie veritas. 1. *Falsum esse, temerarium, ac scandalosum dicere*, Semipelagianum esse affirmare, quod Christus pro omnibus mortuus fuerit. 2. *Inpiam, blasphemam, contumeliosam, divina pietati derogantem, & hereticam esse illorum sententiam*, qui asserunt Christum pro salute dumtaxat predestinatorum mortuum fuisse, ita ut omnibus reprobis negata sint auxilia sufficientia, quibus possint salvari.

Atque hoc sensu examinata Propositione, ajebat Hallerius in famoso Scripto toties citato, *insidia relinquuntur difficultates, quae occurrunt aut circa infantes sine baptismo decedentes, aut infideles, aut obduratos*. Nam qui dicit Christum non pro solis predestinatis esse mortuum, non dicit consequenter pro quolibet reprobo in particulari mortuum esse, sed sufficit quod pro aliquibus saltem reprobis mortuus sit. Quod autem pro justis saltem non perseverantibus mortuus sit, patet ex Concilio Trid. ubi definit justis mandata Dei non esse impossibilia, quia Deus iis gratiam necessariam suppeditat. Si enim possunt observare mandata, possunt salvari, ac non nisi ex meritis Christi. Idem scilicet. 6. c. 3. *Verumtamen etsi ille pro omnibus mortuus est, non omnes tamen morte ejus beneficium recipiunt at illi non alii sunt quam reprobi*. Sic Hallerius cum praecise sententiam errori quintae Propositionis contrarium assignat, qui ad fidem Catholicam pertinet.

Ut igitur perfecte ac presse removeatur error quintae Propositionis Jansenii, non satis est dicere, vel Christum pro salute tantum predestinatorum mortuum non fuisse; vel pretium sanguinis ejus sufficientissimum fuisse omnibus redimendis; vel aliquam pro salute omnium valletatem cum habere, immo voluntatem antecedentem quamdam, vi cujus praearet auxilia vel gratias conferat, quae ex sese propriaque natura absolute ac praecise subjecti praesentibus dispositionibus possint ad salutem perducere; sed necesse est aperte profiteri, praeter delectationem superiorem seu victricem gratis electis concessam, alias a Deo vi voluntatis antecedentis, aut praeparari, aut dari vere sufficientes, quibus salutem quidam reprobi, etiam relative ad quamlibet suam actualem concupiscentiam, possunt saltem mediate, sensu superius exposito, & mandatum urgens ob-

servare, & salutem assequi; & hoc sensu, Christum pro salute dumtaxat predestinatorum mortuum non fuisse.

Discrimen gratiae victricis per delectationem superiorem relativam in sensu Jansenii, tum a promotione physica Thomistarum, tum a gratia efficaci per delectationem simpliciter victricem sensu quorundam aliorum Theologorum.

Solent Jansenii defensores, ut omnem a se suspicionem erroris amoveant, Augustiniana, ut vocant, aut Thomistica Scholae discipulos se profiteri, ac duo constanter affirmare.

Primam, efficaciam se gratiam quam tuentur eundem habere operandi modum, neque plus nocere libertati voluntatis, quam physicam Thomistarum Promotionem. Ita profitetur Jansenius Lib. 8. de Gratia Christi c. 4. *Illud auxilium, inquit, eundem habet operandi modum, qui physica praedeterminatio ni tribui solet eodemque modo libertas voluntatis sub illo Christi auxilio incolumis manet, quo sub physica praedeterminatione salvatur*. Quapropter quidquid physica praedestinationis defensores pro sua sententia praesulerunt, ut liberum arbitrium sub ea saluum esse persuadeant: quidquid etiam ad dissolvenda oppugnantium argumenta, telaque repercutienda moliti sunt, pro hac sententia dictum puta.

Secundum, plures doctrina, & pietate illustres Theologos docuisse ac etiamnum innoxie & sine ulla reprehensione docere, vim gratiae efficacem oriri ex interna ipsius suavitate seu delectatione victrice, quam usam propugnandam sibi Jansenius proposuit.

Econtra contendimus inter has duas opiniones, & doctrinam Jansenii, latissimum esse discrimen.

Magnum est discrimen inter modum explicandi efficaciam gratiae per physicam Thomistarum promotionem, & per delectationem relative superiorem Jansenii.

Dico igitur 1. Inter sententiam Jansenii de gratia efficaci per delectationem relative, ac per gradus victricem, & praedeterminationem physicam sensu Thomistico, multum esse discriminis.

Hoc indicat vel ipsum caput secundum Lib. 8. de Gratia Christi, quod Jansenius sic interibit. *Varia discrimina proferuntur inter adjutorium Dei medicinale, & praedeterminationem physicam, prout a defensoribus ejus traditur*.

Duobus praesertim modis praedeterminationem, seu promotionem physicam exponunt ejus defensores. Nonnulli praeter voluntatem divinam, quae liberam hominis voluntatem ipsa etiam in justis habituali gratia instructam

ad opus applicat, requiri volunt vel qualitatem quamdam transeuntem, vel saltem motionem quamdam virtuosam, quæ sit instrumentum Dei ad producendum in libero arbitrio plium voluntatis motum. Alii autem mediam illam vel qualitatem, vel motionem virtuosam omnino repudiant, & ipsam gratiam efficacem nihil aliud esse statuunt, quam gratuitum Dei favorem, misericordiam, ac ipsam Dei operationem, quæ simul cum libero arbitrio, prius tamen ordine causalitatis, quam liberum arbitrium, bonam voluntatem in nobis producit. Hic postremus modus explicandi physicam præmotionem, alio longe communior videtur, ac vulgatio inter Thomistas; quocumque autem modo explicetur, plurimum distat, iudice Jansenio, illa physica prædeterminatio, a gratia sensu Jansenii efficaci per delectationem scilicet relative victricem. Varia discrimina refert ipse Jansenius citato c. 2. Lib. 8. de Gratia Christi.

I. Quia, inquit, juxta sententiam istorum recentiorum, prædeterminatio physica est motio nescio qua virtuosā, quæ habet esse quoddam incompletum, & sit in voluntate per modum, quæ caleret sunt in aere, & impetus in re quæ impellitur. Gratia vero Christi Augustinus est verissimus motus voluntatis.

II. Prædeterminatio physica non est eis actus vitalis animi, sed alius cui voluntas tantum passiva subjacet. Christi autem adiutorium est actus verus, & vitalis, quo anima baud secus afficitur, & movetur in Deum, ac quando simili delectatione terrenis rebus inhaeret.

III. Prædeterminatio physica talis esse dicitur, ut in quibuscumque circumstantiis voluntas collocetur, semper faciat facere & operetur effectum suum, omnemque superes resistenciam: Christi adiutorium nullo modo. Nam delectatio victrix, quæ Augustinus est efficax adiutorium, relativa est. Tunc enim est victrix, quando alteram superat. Quod si contingat alteram ardentiorē esse, in solis inefficacibus desiderijs carebit animus, nec efficaciter unquam volet, quod volendum est.

IV. Quod prædeterminatio physica sit instar concursus cuiusdam generalis Dei in ordine supernaturali: adiutorium Christi nullo pacto. Nihil enim ei respondit in agentibus naturalibus.

V. Prædeterminatio physica necessaria statuitur omnibus agentibus ex vi causæ secundæ, quæ essentialiter tam in operari, quam in esse suo subordinatur primæ, a qua ad agendum præmoveri debet: Christi adiutorium nequaquam, sed lasca voluntati propter solum vulnus necessarium esse, quod ei inflixit peccantibus voluntatis audacia. Nam inde gratia Christi medicinalis, & adiutorium medicinale dicitur.

VI. Prædeterminatio physica in agentibus li-

beris insuper exigitur, propter naturalem indifferentiam voluntatis, quam, ut aliquid agere possit, prædeterminare debet: Christi adiutorium nequaquam. Nam nisi concupiscentis voluntas vulnerata, sicut in quodam corporis membra, ita etiam in appetitus suos proprium perdidisset innoxium, nulla Christi gratia eam determinare decesset: quemadmodum in sanctis Angelis plene, & Adams nonnihil patuit, qui diu absque Christi adiutorio in sanctitate manserunt.

VII. Prædeterminatio physica expresse dicitur statui innocentia, tam Angelorum, quam hominum fuisse necessaria: Christi adiutorium ei repugnans capitaliter, sicut Augustinus ex professa docet. Itaque Christi adiutorium non propter indifferentiam voluntatis determinandum; non propter generalem causam secundam a prima dependentiam; non propter actuum donorum supernaturalitatem, sed propter solum liberi arbitrii impotentiam, & fractas voluntatis vires, quæ ex libidinum terrenarum dominatione prostrata sunt, hominibus lapsis. Quapropter qui medicinale Christi Salvatoris gratiam se defendere conantur, ut eam in talem prædeterminationem physicam transforment, omni statui hominum lapsorum, & innocentium ex vi causæ primæ, & indifferentia voluntatis necessariam, magis profecto Aristotelici, quam Augustiniani sunt. Nam talis prædeterminatio sic asserta... universam doctrinam ejus inexplicabili confusione perturbat. Hæc tenus Jansenius.

Inter illas vero causas discriminis a Jansenio mox assignatas, duæ maxime sunt, quibus evidenter patet delectationem victricem, ac relativam Jansenii maxime nocere libertati voluntatis.

Prima est, præmotionem physicam esse instar concursus cuiusdam generalis in ordine supernaturali, adiutorium vero Christi, hoc est, victricem gratiæ delectationem, nullo pacto. Si autem præmotio physica est instar concursus, sequitur 1. eam dari ad exigentiam causæ secundæ. 2. eam esse actionem ipsam liberam creaturæ, quatenus a Deo procedit. 3. eam ad actum secundum pertinere, non ad primum: adeoque facultatem seu potentiam, accedente illa præmotione, in eo ipso remanere statu infirmitatis vel roboris, in quo erat ante præmotionem: ita ut tantum ab actu primo exeat in secundum, nullo novo ex parte actus primi roborata præficio, seu nulla facta ex parte potentia realiter mutatione. Non ita est victrix Jansenii delectatio: namque 1. non datur ad exigentiam causæ secundæ, quandoquidem, ut vidimus, iustis quibusdam volentibus, conantibus secundum præsentem, quas habent vires, non conceditur. 2. non est actio ipsa creaturæ libera, quia delectatio est a-

ctus

Actus indeliberatus. 3. ad actum primum necessaria est; hac enim praesente, ut toties ex Jansenio vidimus, potentia est expedita ad agendum, absente, actus non est in ejus potestate: ergo confert actum primum. 4. Inde fit, quod ea accedente, realis fiat in facultate ipsa mutatio, nec sit tantum applicatio ipsius ad actum secundum. Ex his omnibus perspicuum est, quam merito delectationem victricem a motione praevia supernaturali Thomistica, seu a gratia praedeterminante distinguendam esse praedicet Jansenius.

Ex qua discriminis ratione explicatur non incommode, quomodo sub physica praemotione libera & expedita dici possit potentia seu facultas, non vero sub delectatione superiori, ac relative victrice. Namque cum praemotio illa physica unice se teneat ex parte actus secundi, ea absente, facultas, per gratiam sufficientem Thomistico sensu, libera & expedita est ad bonum, atque satis virum habet, ut actualem concupiscentiam, tamen ardentissimam vincere possit. Atque proportionem servata, idem de praemotione ad actum supernaturalem judicandum, quod de praemotione ad actum naturalem. Ista porro prius quam accedat, potentia seu facultas apta & expedita supponitur in actu primo: v. gr. antequam homo actu intelligat, velit &c. supponitur habere naturalem facultatem expeditam ad intelligendum, volendum &c.

E contra, cum victrix Jansenii delectatio ad potentiam ipsam seu actum primum pertineat, voluntas tali delectatione destituta nihil boni plene ac perfecte velle potest, atque impossibile omnino ipsi est per parvam, seu inferiorem gratiam, vincere superiorem concupiscentiae delectationem: unde necessario sequitur, facultatem his in circumstantiis ac relative ligatam esse, seu nec liberam nec expeditam ad bonum.

Altera capitalis discriminis ratio ex Jansenio haec est, quod praedeterminatio physica in agentibus liberis exigitur propter naturalem indifferentiam voluntatis; hoc est, ad illam indifferentiam, indeterminationem & suspensionem actus tollendam, necesse est voluntatem ex se indeterminatam a prima causa determinari: at superior delectatio eum in finem non datur, quia ex Jansenio, nulla in praesenti statu talis est activa voluntatis indifferentia. *Tantum abest, juxta S. Augustinum, ait citato capite 2. Libri 8. gratiam Christi propter indifferentiam voluntatis esse necessariam, ut potius propter amissam indifferentiam ejus, & propter servitutem ac depressionem ejus sub libidinibus necessaria sit.*

Praemotio igitur physica supponit praesentem voluntatis indifferentiam, delectatio ve-

ro Jansenii eam jam perditam & amissam supponit: unde sequitur per motionem illam non conferri potentiam ipsam agendi, quae sine ipsa perfecta & completa supponitur; sed dumtaxat tolli indifferentiam ac suspensionem actus: e contra per delectationem Jansenii, non tolli actus indifferentiam, cum nulla jam sit: sed conferri expeditam & completam ad agendum potentiam seu facultatem: adeoque ea absente, facultatem ligatam esse, seu nec liberam, nec expeditam, nec completam relative ad oppositam delectationem. Notandum porro indifferentiam illam quam hic rejecit Jansenius, non esse Molinisticam, sed Thomisticam: ea enim ipsa est quam quidem fateatur Thomisticis admittere, sed amissam ab ipsis ingemit.

Dices 1. Jansenius eodem plane modo asserit & explicat remanere sub motione victricis delectationis facultatem liberam & expeditam ad oppositum, quo Thomistica sub physica praedeterminatione: non ergo erroris incutienda magis est illius sententia, quam Thomistarum. Sic ille loquitur Lib. 8. de Gratia Christi c. 20. *Dicimus liberum arbitrium, quantumcumque vehementi atque efficaci gratia delectatione praeventum atque determinatum ad faciendum bonum, adhuc tamen posse bonum non tantum non facere, sed etiam malum. Verum est enim istud non quidem in sensu composito, ut vulgo dici solet, sed in sensu diviso. Nimirum quia eodem tempore, quo voluntatis arbitrium sub gratia delectatione efficaciter eam movente positum est, immo quo etiam actum voluntatis bonum facit, est in eadem voluntate potestas illud non faciendi, immo peccandi; non quod cessatio ab actu, quem tunc elicit, aut actualem peccatum cum gratia delectantis influxu consistere possit, (quod sensus compositus postulare) sed quia cessandi & peccandi potestas cum eadem gratia simul in eodem voluntatis arbitrio conjungi potest. Nam quamvis duo actus contrarii sint oppositi, & in eadem voluntate simul esse non possint: potestates tamen ad opposita non sunt opposita, nec sibi invicem, nec actibus oppositi, & in eodem simul subiecto, sive agente sive quiescente commorantur. Hec Jansenius omnino consona modo loquendi Thomistarum. Sic enim Alvarez disp. 115. numer. 3. & 4. loquitur: *Potentia ad unum actum non repugnat potentiae ad actum contrarium, nec etiam repugnat actui contrario; actus autem contrarii repugnant inter se in eodem subiecto. Et infra. Notandum 2. inquit, quod cum dicitur potentiam liberam esse, quae, positis omnibus requisitis ad operandum, potest operari & non operari, etiam in sensu composito, hoc dupliciter intelligi potest: primum, ita ut compositio fiat inter praerequisita ad operandum, & potentiam operandi**

Tandi & non operandi? & tunc sensus est quod potentia ad operandum & non operandum fiat simul in eodem subiecto cum antecedenter prerequisite ad talem operationem; & hic sensus verissimus est. Secundo modo potest intelligi, ita ut compositio fiat inter antecedenter prerequisite ad operandum talem actum, & carentiam talis actus, seu actum ipsum contrarium; & tunc sensus est, quod omnia prerequisite, etiam ex parte Dei, ad operandum talem actum particularem, & carentia ejusdem actus seu actus contrarius, possint esse aut aliquando fiat simul in eodem subiecto. In hoc sensu intenditur predictam definitionem impugnare. Ita Alvarez insignis inter Thomistas.

Resp. revera Janfenium, ut fucum faciat, consuetas Thomistarum loquendi rationes aliquando usurpare. Sed quæ apud istos innoxie sunt ac omni carent suspitione, apud illum errorem involvunt ac continent, & eo quidem periculosius, quod sub verbis in speciem Catholicis delitescunt. Cum Thomistæ asserunt, stante præmotione physica ad unum, remanere liberam & expeditam facultatem ad oppositum; facultatem seu potentiam intelligunt, non absolute, sed relative ad præsentem subiecti dispositionem. Absente v. gr. efficaci præmotione ad bonum, agnoscunt adhuc in iustis gratiam sufficientem per quam relative ad quamlibet actualem eorum concupiscentiam, possint bonum operari, saltem impetrando auxilium efficax ac physice præmovere. E contra cum Janfenius ait sub motione victricis delectationis celestis, stare potentiam ad oppositum, potentiam intelligit absolutam, spectata scilicet natura concupiscentiæ quæ ad malum tendit, non vero potentiam relativam ad superiorem gratiæ celestis delectationem: sub illo etenim respectu, necesse est inferiori concupiscentiæ delectationem cedere superiori delectationi gratiæ. Similiter tunc docet in iustis, dominante actuali concupiscentia, veram esse per gratiam parvam, ad bonum expeditam facultatem; intelligit absolute ac spectata in se natura gratiæ quæ ad bonum perfectum tendit, non vero relative ad superiorem concupiscentiam: hos enim respectu ligata est, seu non libera nec expedita ad bonum facultas, quia fieri non potest, ut inferior delectatio vincat superiorem. *Iustitia vel peccati delectatio*, inquit Janfenius Libro 7. de Gratia Christi capite 3. *est illud vinculum quo liberum arbitrium in iustitia, vel peccato ita firmiter ligatur & retinetur, ut quamdiu isto stabiliter possidetur ac constringitur, actus oppositus est extra ejus potentiam.*

Juvenin. Instr. Theol. Tom. III.

Hanc absolutam potentiam præ oculis habebat Janfenius, cum Lib. 8. c. 20. de Gratia Christi scribebat esse in nobis perfectissimam peccandi potentiam, non tantum quia voluntas est de se ad malum flexibilis; non tantum quando gratia delectationis caret; sed etiam quando intima ejus suavitate efficaciter trahitur. Propter quam sane, inquit, liberum arbitrium qualicumque gratia ad agendum rapiatur, rectissime dici potest posse peccare; licet fieri nequeat, ut ipsum peccatum simul in sensu compositio cum gratia operatione facietur. Quomodo potest arbitrium in mente Janfenii, sub efficaci gratiæ motione peccare? An potentia relativa ad superiorem delectationem celestis gratiæ? Minime: id quippe fieri neutiquam potest. Sed potentia dumtaxat absoluta, spectata præcise natura concupiscentiæ, quæ sufficientem de se virtutem confert voluntati ad peccandum; seu quæ principium ex se sufficiens est ad voluntatem ad peccatum inclinandam.

Eodem equivocatione potentis absolutæ vel relativæ abutuntur Janfeniani, cum ajunt iustis absente gratia efficaci, per gratiam aliam parvam conferri ad bonum opus potentiam sufficientem, sufficientissimam, completam, completissimam, plenam, plenissimam, expeditam, expeditissimam. Non aliam his magnificis vocibus potentiam intelligunt, quam absolutam & abstractam, spectata scilicet in se simpliciter & absolute natura gratiæ, sicut sapius observavimus, non vero relativam ad actualem superiorem concupiscentiam.

Abutuntur pariter Janfeniam ista loquenti ratione nonnullorum Thomistarum: nempe: Voluntas sub præmotione ad peccatum, non habet potentiam ad oppositum junctam cum actu, licet habeat potentiam ab actu sejunctam. Illi etenim Catholici, nomine potentia ab actu sejunctæ, non modo absolutam, sed etiam relativam potentiam intelligunt: Janfeniani vero solam absolutam, non relativam, quia potentia ab actu sejuncta, in ipsorum mente, est tantum absoluta. Namque non potest haberi potentia relativa, nisi Deus eam dari velit: atqui non vult eam dari, cum præbet tantum delectationem effectui ulteriori vacuum; ut enim eam potentiam relativam velit dari, debet delectationem celestem conferre ex voluntate quæ commensuret illam, paremque faciat cum gradu actuali concupiscentiæ vincendæ. Neque enim fieri potest, ut casu & sine ulla ex parte Dei voluntate, ipsi proportionata gratia inveniantur; alioquin non Deo tunc tribuenda foret victoria concupiscentiæ. Jam vero cum Deus delectationem celestem effectui ulteriori vacuum concedit, non commensurat eam, cum

Q

gra-

per ad concupiscentiam actuali vincenda, quippe quæ conceditur tantum ex voluntate antecedenti, quæ præscindit a circumstantiis concupiscentiæ, & quæ sola inefficax est: ergo potentia quam tunc habet voluntas, non est relativa: ergo potentia quæ non est cum actu conjuncta, in systemate Jansenianorum est tantum absoluta. Adde quod potentia ab actu sejurata ideo talis est, quia fuit a delectatione inferiori concurrente cum delectatione superiori: unde potentia quam potest conferre delectatio inferior, non potest esse relativa propter virium inaequalitatem ad debellandam oppositam majorem concupiscentiam: unde est tantum absoluta, in quantum est delectatio quæ ex se & natura sua nata apta est ad concupiscentiam in genere debellandam.

Dices 2. Paulus Irenæus Disquis. 6. art. 5. declarat delectationem victricem pertinere ad actum secundum, non vero ad primum. *Duplex est potestas, inquit, duplex posse: alia actus primi, alia actus secundi; alia quæ interiorem virtutem notat, alia quæ etiam impulsorem & applicationem ad agendum involvit. Et hoc postremo genere est victrix delectatio: impellit illa ad agendum, mores, applicat, eo prorsus modo quo Thomistæ de physica prædeterminatione sentiunt.*

Resp. 1. Jansenium Lib. 8. de Gratia Christi c. 2. mox citato, expresse distinguere delectationem suam victricem a præmotione Thomistarum, in eo quod hæc se habeat instar concursus, non vero delectatio victrix. Si autem non se habet instar concursus, necesse est ut ad actum secundum dumtaxat non pertineat, sed ad actum primum: quæ ergo fide affirmat Paulus Irenæus, ad actum secundum dumtaxat requiri a Jansenio delectationem victricem, eo plane modo quo Thomistæ de physica prædeterminatione statuunt? Et certe cum juxta Jansenium Lib. 3. cap. 15. *Gratia Christi simul affert posse quod volumus, & velle quod possumus*: cum juxta eundem multis in locis, absente delectatione superiore gratiæ, voluntas non sit expedita relative ad oppositam delectationem superandam, delectatio superior ad ipsum actum primum necessario requiritur.

Resp. 2. Nec ab ipso Paulo Irenæo, nec a quovis defensore systematis delectationis utriusque, merito dici posse delectationem superiorem non requiri ex parte actus primi: manifestum enim est ex dictis, delectationem superiorem conferre potentiam; porro quod confert potentiam, se tenet ex parte actus primi. Præterea Dionysius Raymundus 1. parte capite 1. articulo. 6. inutilem asserit istam questionem, posteaque asseri sine fidei dispendio, gratiam efficacem seu victri-

cem delectationem tenere se ex parte actus primi. Neque vero Paulus Irenæus meliori fide exponit doctrinam Jansenii pagina 198. Disquisitionum suarum, cum dicit ipsam admisisse gratiam sufficientem Thomisticam, sub nomine adjutorii possibilitatis, de quo agit Libro 3. de hæresi Pelagiana cap. 11. ibi enim Jansenius aperte rejicit ab hoc dicta tale adjutorium possibilitatis, & ad solos Pelagianos remittit.

Dices 3. La sententia eorum Thomistarum quibus placet præmotionem physicam esse qualitatem quamdam, quæ prioritate temporis aut saltem naturæ, & causalitatis antevertit voluntatis actionem, præmotio ad potentiam ipsam seu actum primam, non vero ad actum dumtaxat secundum pertinet. Idcirco etenim qualitas hujusmodi in potentia recipitur, ut eam perficiat & compleat in actu primo: qui profecto modus explicandi physicam præmotionem, iis prorsus omnibus incommodis, & difficultatibus subiacet, quibus superior delectatio Jansenii: utraque enim tenet se ex parte potentia seu actus primi. Atqui tamen hæc nonnullorum Thomistarum opinionem Ecclesia non improbavit; ergo nec improbanda etiam videtur superior Jansenii delectatio.

Resp. physicam præmotionem duobus modis dici posse qualitatem.

Primo, ut sit qualitas seu forma quædam completa, quæ prioritate temporis antecedit voluntatis actionem: quo sensu, ut verum est dicere eam ad potentiam ipsam seu ad actum primam connaturalius pertinere, ita nec tuto defendi posse. Quapropter Thomistæ communi suffragio eam rejiciunt, in qua norant se non posse consistere. *Eam Dei motionem*, ait P. Massignon in Opere cui titulus est, S. Thomas sui interpretes, Dissertatione 1. art. 16. *Quam extranei nobis assignunt qualitatem, vel formam completam, quæ voluntatem hominis ad suos actus efficiendos veluti trahat, & adigat, nostræ dissimillimam esse dubitari non potest.*

Secundo, præmotio dici potest qualitas quædam fluxa & transiens, seu motio quædam virtuosa, quæ prioritate naturæ & causalitatis antecedit actionem creatam: *Quæ quidem motio nihil aliud est*, ait auctor mox citatus ibidem art. 15. *præter eam Dei rebus omnibus, ipsique voluntati inexistens operationem; eamque efficacem applicationem, & blandam inflexionem, qua Deus voluntatem flectit, tanquam inclinat ad quodcumque voluerit.* Quam quidem physicam motionem, ibidem ait esse quoddam eus incompletum, cujusmodi est motus inpressus instrumento ab artifice.

Seposita jam veritate aut falsitate hujus sententiæ, de qua hic non est questio, certum est

est hanc pramotionem physicam ad actum dumtaxat secundum, non vero ad primum, seu ad potentiam ipsam, pertinere; cum sit ens incompletum & intentionale, cuius ratio & natura tota, pergit eodem capite 15. P. Malloulié, *posita est in ipso fieri in via & transitu: cuiusmodi est color, ipsaque species coloris in aere dum fertur ad visum*. Ergo ex hac maxime parte distat pramotio physica a delectatione superiori & relativa Jansenii, quod hæc actum primum simul & secundum conferat, illa dumtaxat secundum.

Neque refert quod appelletur aliquando complementum actus primi. Cum enim actus primus ex se tendat ad secundum, pramotio physica quæ dat actum secundum, potest hoc sensu appellari complementum actus primi: non autem hoc sensu, quod, et absente, vera plane non sit potentia, seu actus primus. Adde, Thomistas, de quibus loquimur, agnoscere esse in iustis, absente gratia physice pramovente, gratiam sufficientem, per quam vere ac proprie possunt, etiam relative ad quamlibet eorum actuale concupiscentiam, observare præcepta & tentationem superare: quam relativam potestatem Jansenius non admittit, nec potest in suo systemate admittere.

Dices 4. Jansenii systema magis favet libertati hominis quam Thomisticum, pro statu innocentie, quandoquidem quantum ad illum statum, Molinianum est. E contra, systema Thomisticum idem est proutroque statu, ac proinde semper & ubique rigidum minusque favens libertati.

Resp. 1. Controversiam hic non moveri de statu innocentie, qui non existit amplius, sed de statu presenti.

Resp. 2. In omni systemate etiam Moliniano, proindeque & Janseniano circa statum naturæ innocentis, nihil mysterii ac difficultatis intricatæ latere, sicut observat auctor Libri, cui titulus, *Système de M. Nicole sur la Grâce*, in fine. Ubique Deus vere est absconditus: neque enim minus necesse est recurrere ad altitudinem & profunditatem iudiciorum Dei in illo systemate, quam in altero, dum queritur cur Angelis, qui præciti erant non perseveraturi, & ipsi Adamo, gratiam uberius quam perseveraret, non concessit Deus, & illis solam eam conferre voluit, cum quæ ipsos casuros noverat.

Resp. 3. In statu innocentie datas fuisse in systemate Thomistico gratias vere sufficientes, quibus Angeli mali, & Adam perseverassent, si voluissent.

Urgebis 1. Etiam pro statu naturæ lapsæ magis libertati favet systema Jansenii, quam Thomisticum: quia repugnat actum ultimum conjungi cum gratia sufficiente Thomistica,

non item cum delectatione parva Jansenii.

Resp. neg. ant. ejusque probationem. Quod enim repugnat, nunquam contingere potest. atqui contingere potest actum conjungi cum gratia sufficiente Thomistica.

Probabis antecedens. In systemate Jansenii, inferior delectatio evaderet superior ac perfectum consensum voluntatis exprimeret, si mutentur intrinsecæ dispositiones subjecti: at etiam si, in systemate Thomistico, mutentur illæ dispositiones, gratia tamen sufficiens Thomistica effectum nusquam obtinebit, nisi accedente physica pramotione.

Resp. In systemate Jansenii dici non posse eandem esse potentiam, quæ per delectationem inferiorem confertur, & quæ potest iterum ad actum cum mutantur intrinsecæ dispositiones. Namque tunc prorsus mutatur potentia, mutatis subjecti dispositionibus, quandoquidem potentia illa tota relativa est ad dispositiones subjecti. E contra vero, cum accedit pramotio physica, eadem prorsus quæ erat antea permanet potentia; quia, ut sæpius dictum est, pramotio tenet se dumtaxat ex parte actus secundi; nec magis sequitur in systemate Thomistico, mutari potentiam quando accedit pramotio physica, quam mutetur in aliorum sententia, per concursum; quandoquidem pramovens gratia, teste Jansenio, est instar concursus generalis.

Urgebis 2. Saltem minus aliquid est mutari dispositiones intrinsecas subjecti, seu minui concupiscentiam, quam dari novum ex parte Dei auxilium, per motum principii activi essentialiter ad actum requiriti; sed primum sufficit in systemate Janseniano, secundum requiritur in systemate Thomistico.

Resp. 1. non posse minui concupiscentiam nisi per aliquod auxilium Dei saltem externum; alias sibi ipsi homo tribueret efficaciam victricem gratiæ, quæ ex sola concupiscentiæ immutatione repeteretur.

Resp. 2. distinguo ant. Est quid minus in ordine ad actum secundum, concedo: est quid minus in ordine ad actum primum, de quo hic agitur, nego. Porro physica pramotio tenet se ex parte actus secundi.

Neque tamen moveat, quod in systemate Thomistico requiratur aliquid novum in ordine ad actum secundum: hoc ipsum enim etiam occurrit in systemate Jansenii, in quo præter immutationem concupiscentiæ, aliquid novum necessarium est, ut potentia reducat in actum, gratia scilicet adjuvans & cooperans. Nam minuas quantum volueris concupiscentiam, non tamen propteret sine aliquo ex parte Dei, quantum ad actum secundum, auxilio, fortior voluntas produceretur. Unde licet ex parte potentie non requiratur nisi

si imminutio concupiscentiæ, aut mutatio dispositionum subjecti; tamen ex parte actus secundi, requiritur in omni systemate, etiam Janseniano, ut potentia reducatur in actum, aliquod Dei auxilium, quod vices gerat concursus.

Urgebis iterum: Saltem non frequenter, in sententia Thomistica, gratiæ sufficienti accedit physica præmotio, unde & raro potentia illa Thomistica reducitur in actum; non ita vero in sententia Jansenii: nam sapius per solam imminutionem concupiscentiæ & concursum supernaturalem homo agit.

Resp. Quidquid sit de systemate Janseniano, nam gratis fingitur potentiam sapius ad actum non reduci in illo systemate per augmentum gratiæ seu delectationis, quam per imminutionem solam concupiscentiæ: Respondetur, inquam, in systemate Thomistico antecedente ad gratiam sufficientem præmotione Physica, gratiam illam sufficientem merito dici posse in actum reduci, non quidem per se solam, sed virtute præmotionis physiciæ ad quam moraliter disponit: præfertur cum in sententia plurimorum Thomistarum, ordinariæ non concedatur gratia efficax seu physice præmovens, quin præcesserit gratia sufficiens. Adde quod cum gratia sufficiens Thomistica tota se teneat ex parte potentia, gratia vero efficax ex parte actus secundi, vulnus autem per peccatum inflatum in ipsam cadat potentiam, gratia sufficiens, quæ sola potentiam illam afficit, in systemate Thomistico, continere in se debet quidquid medicinale habet Christi gratia.

Magnum est discrimen inter modum explicandi gratiam a se efficacem per delectationem simpliciter victricem sensu aliquorum Theologorum, & delectationem gradibus relative superiorem sensu Jansenii.

Dico. I. dogma gratiæ ex se, seu propriæ, & internæ virtutis efficacis, sanum quidem esse, innoxium & orthodoxum, sed differre plurimum a gratia efficaci in sensu Jansenii. Namque vel spectatur gratia illa ex se efficax, antequam in voluntate recipiatur; vel postquam in ea recepta est: utroque autem respectu, plurimum differt a delectatione superiori, in qua Jansenius vim, & efficaciam gratiæ collocat.

I. Ante receptionem in voluntate gratiam ex se efficacem nihil obstat quin supponatur in voluntate gratia quædam actualis sufficiens, quæ satis virium habet ad vincendam quamlibet oppositam actualem concupiscentiam: ea enim inter se non pugnant; siue quia minima gratia plus valeat ad bonum, quam

fortior concupiscentia ad malum: siue quia gratia hæc sufficiens proportionata est cum actualem concupiscentia: quæ in suppositione, quæ profecto vera est & Catholica, facultas seu potentia supponitur vera, propria & expedita esse ad opus bonum mediate vel immediate producendum. At vero nihil tale occurrit in systemate Jansenii; in conflictu enim duplicis delectationis, celestis & terrenæ, minor necessario cedit majori, nec fieri unquam potest ut major minori vincatur: quomodo fieri non potest ut pondus sex librarum trahatur pondere minori trium librarum; ergo eo in statu voluntas necessario id agit, quo majori rapitur ac trahitur delectatione; ergo non est ad actum oppositum tunc libera & expedita, quandoquidem delectatio confert, ut ex Jansenio probavimus, ipsammet agendi potentiam; atque hinc necessario fluxu dimanant quinque famosæ Propositiones.

II. Cum gratia ex se efficax præsens supponitur in voluntate, recte adhuc concipitur posse voluntatem ipsi resistere; quia gratia efficax importat duntaxat ex sese certam effectus futuritionem, quæ non excludit resistendi potestatem expeditam relative. Longe aliter se res habet in systemate Jansenii: superior quippe delectatio excludit veram resistendi potentiam relativam, quia in opposita delectatione, utpote inferiori, satis non est virium, ut possit superiori resistere.

Dico 2. Multum esse discriminis inter modum explicandi efficaciam gratiæ per delectationem simpliciter victricem sensu nonnullorum Theologorum, & per delectationem relative, seu per gradus superiorem ac victricem sensu Jansenii.

Namque in priori sententia, victrix delectatio non per gradus nec relative victrix est, sed ex sese absolute, seu propriæ & internæ virtutis, unde importat tantum certitudinem effectus illa libere, ac integra remanente potentia ad actum oppositum. Non ita relativa Jansenii delectatio, quæ ad inferiorem comparata, omnino tollit potentiam tum resistendi, tum eliciendi actum contrarium, nempe ob virium inæqualitatem in delectatione inferiori. Inde est quod defensores delectationis simpliciter & non per gradus victricis, admittunt gratiam exchamem ac sufficientem distinctam natura, & entitate ab efficaci delectatione, per quam, absente illa efficaci delectatione, voluntas vere, propriè, expeditè ac complete, etiam relative ad quamlibet actualem oppositam delectationem concupiscentiæ, possit aut bonum operari, aut saltem uberius implorare gratiæ auxilium ut illud operetur. Quapropter in eorum sententia, delectatio

ex

ex se victrix, quantumcumque certe voluntatem ad agendum inflectat, semper liberam, & expeditam eam relinquit, & ad resistendum & ad actum contrarium exercendum etiam relative, quia delectatio illa victrix non confert actum primum seu potentiam, sed actum secundum: quandoquidem in ipsa gratia excitante sufficiente pares ac sufficientes agnoscunt vires ad quamlibet actualem concupiscentiam superandam, saltem per orationis adminiculum.

At vero in systemate Jansenii, delectatio victrix relativa dat actum primum seu potentiam ipsam agendi: in eo systemate nulla datur gratia excitans ac vere sufficiens, præter superiorem delectationem. Gratia enim quam Jansenius parvam appellat, si absolute & in se præcisè subjecti circumstantiis spectetur, de se efficax est, ad bonum perfectum ordinata, quod revera efficeret, si in concupiscentiam minus resistentem impingeret: si vero spectetur, ut a Jansenio spectatur, relative ac comparate ad majorem actualem concupiscentiam, plane insufficiens est, & impar huic debellande, cum ad hoc satis virium non habeat: Ergo tunc vera est ac propria in voluntate impotentia bene agendi; e contra, dominante delectatione celesti, vera est impotentia ad resistendum & ad malum operandum. *Delectatio*, inquit Jansenius Lib. 7. cap. 5. *vinculum est quo liberum arbitrium ita ligatur ac constringitur... ut actus oppositus sit extra ejus potestatem*. Et cap. 3. *Delectatio est is quod tantum potestatem in liberum arbitrium habet, ut ea præsentis actus volendi sit re ipsa in ejus potestate, absente non sit*. Et lib. 8. cap. 3. *Delectatio facit ut velis, & sine illa velle non possis... facit denique ut necesse sit animum illud sequi &c.*

Quantum differt hæc doctrina a sententia Theologorum, qui vim & efficaciam gratiæ repetunt ex delectatione simpliciter victricæ. Non enim illi cum Jansenio dicunt, hominem, eum non frenat concupiscentiam, non accepisse a Deo gratiam sufficientem, per quam etiam relative illam domare posset; immo gratiam hanc conceptis verbis admittunt, & quidem viribus parem ad superandam actualem quamlibet concupiscentiam. Non dicunt, victricem delectationem omnino necessariam esse ut homo possit agere, sed tantum ut actu agat. Non dicunt, stante motione victricis delectationis, actum oppositum non esse in potestate voluntatis; immo contrarium assertant. Non dicunt, facultatem esse relative ligatam, aut saltem impeditam; immo expeditam asserunt. Non dicunt, gratiam aliquando effectui ulteriori carere, ex eo quod gradibus & virtute inferior sit actuali concupiscentiæ; immo contendunt per sufficientem gratiam ideo conferri completam ad bonum potentiam, quia viribus par est vincendæ a-

Juvenin. Instit. Theol. Tom. III,

actuali cuilibet concupiscentiæ, & bono saltem mediate operando.

Uno verbo, tres præcipuas hic causas accipe discriminis delectationis simpliciter victricis.

Prima est, quod in sententia delectationis relative superioris, tota vis delectationis, si ve celestis si ve terrenæ, relativa sit: unde cum in illo systemate nunquam contingat ut utraque delectatio æquo certamine seu viribus æqualibus luctetur actu, sit ut una alteri vincendæ par esse non valeat, si gradibus sit inferior. At vero in systemate opposito, cum vis gratiæ & concupiscentiæ non sit relativa, neque gratia Christi sit efficax eo, quod sit superior delectationi terrenæ, supponi potest gratiam sufficientem dare vires pares ad oppositam quamlibet actualem concupiscentiam vincendam.

Secunda ratio discriminis est, quod in sententia delectationis relative superioris non conferatur potentia expedita relative seu ad bonum seu ad malum, nisi per delectationem superiorem. Ut enim conferatur potentia relative expedita ad bonum, debent saltem æquiparari vires voluntatis cum impedimentis ex adverso retardantibus, nisi per delectationem superiorem seu gratiam efficacem. Neque enim id potest fieri per delectationem æqualem, cum, ut jam diximus, in eo systemate non detur talis delectatio: aliunde, ut vidimus, non potest fieri per delectationem inferiorem. At vero in systemate delectationis simpliciter victricis, per solam gratiam sufficientem conferatur potentia relative expedita ad bonum.

Tertia ratio discriminis est, quod delectatio inferior, qualis est gratia sufficiens in systemate delectationis superioris, minuat tantum, non vero tollat necessitatem peccandi, quæ per peccatum originale, & per actualem concupiscentiam fortiorem inducitur. Quemadmodum enim si bajulo, qui ferendo ponderi mille librarum impar est, leve aliquod præbeas adjumentum, minuitur quidem impotentia ferendi, sed non tollitur; ita a pari, delectatio celestis inferior minuit quidem impotentiam bene agendi, & necessitatem peccandi, quæ per delectationem superiorem terrestrem inducitur, sed non tollit. At vero in systemate delectationis victricis simpliciter, gratia sufficiens cum non sit inferior concupiscentiæ actuali, nec ipsa debiliior, non solum minuit, sed tollit omnino impotentiam bene agendi, aut necessitatem male agendi, quæ posset supponi inducta per peccatum.

Quæres 1. Quo signo dignosci possit, utrum quis constituat efficaciam gratiæ in delectatione superiori seu victrici relative, non vero in delectatione simpliciter victrici?

Q 3

Resp.

Resp. pluribus signis ad dignosci posse unum hic tantum indicabo. Scilicet in systemate delectationis superioris relative, gratia, quam ejus patroni vocant efficacem, & illa, quam liberaliter appellant sufficientem, intrinsicce & entitative seu natura non differunt, sed extrinsece tantum, &, ut ita dicam, accidentaliter, scilicet propter majorem vel minorem concupiscentiam, in quam impingunt; respectu cuius, dicitur vel invincibiliter efficax, vel invincibiliter inefficax, prout ipsam terrestrem delectationem aut superat gradu viribusque, aut ipsa inferior debiliorque est.

Quæres 2. Quomodo datur intelligi potentiam bene agendi quam confert gratia sufficiens in sententia delectationis simpliciter victricis, esse expeditam, cum numquam, si sola sit, actum eliciat?

Resp. Id non incommode explicari 1. ex eo quod potentia, quam confert gratia sufficiens in sententia delectationis simpliciter victricis, nullum injectum per concupiscentiam supponatur vinculum, per quod ligetur voluntas seu facultas, aut saltem in exercitio suo impediatur: in sententia vero Jansenii, delectatio concupiscentia superior vinculum sit quo constringitur voluntas, & actus oppositus non est in ejus potestate. 2. ex eo quod illa potentia reducat in actum, & voluntas agat aliquando sine ulla facta ex parte potentia immutatione, seu absque eo quod virtus ejus augeatur, aut difficultas minuat, idque sola accedente gratia efficaci seu delectatione simpliciter victrici, quæ voluntatem ad actum applicat; unde certe concluditur, potentiam fuisse expeditam, etiam ante gratia efficacia collationem.

Inde facile est inferre sententiam aliquorum Recentiorum, qui propugnant systema duplicis delectationis relative victricis, cuius quæ superior est ineluctabiliter prævenit voluntatem, & invincibiliter determinat ad unum: 1. ipsissimum esse Jansenii systema: quod unum sufficere deberet, ut ab eo propugnando deterreantur Theologi, qui ab omni partium & studiorum, novitatisque suspitione alieni videri volunt. 2. Ita systema istud esse proprium Jansenii, ut illud tanquam inopinatam veritatem invehit; ejusque discipuli quotquot hætenus extiterunt & sunt, licet in aliis plerisque varii ac discordes, in eo tamen quasi Augustiniano, & oculorum pupilla cariore constanter retinendo unanimis fuerint, teste ipso Abbate de Bourzeis, quem antea laudavimus. 3. Jansenium delectationem illam superiorem in systemate suo ita capitalem ac fundamentalem habuisse, ut non aliter famosas quinque Propositiones, quasi totidem ex illo principio derivatas conclusiones defendere potuerit. 4. Cum Ecclesia quinque Propositiones damnaverit in sen-

su Jansenii, necesse esse illas damnatas fuisse in ipso Jansenii systemate, delectationis scilicet superioris ac relative victricis, quæ totius systematis, ut antea probavimus, clavis, basis ac fundamentum est. 5. Theologos qui dictam superiorem delectationem propugnant, incommoda absurda & erronea, quæ ex tali systemate consequuntur, non posse declinare. Quod si pertendant Jansenium ex principio delectationis superioris perperam suas quinque Propositiones veluti totidem conclusiones intulisse, assignent, rogo, quæ ex parte conclusiones illarum male cohzreant cum dicto principio, quidve Jansenius discurrendo peccaverit, cum illas intulit. Quod si nullum in discussu ipsius vitium deprehenderit, necesse est, ut vel principium deserant; vel eo admissio, conclusiones inde necessario fluxu dimanantes pariter admittant. Eosdem Theologos in vanum dumtaxat ac phantasticum erroris Jansenii simulacrum censuras Ecclesie, quibus toties attritus ille fuit, necessario detorquere; quod quidem facile demonstrare est, tum conferendo doctrinam Jansenii cum doctrina illorum Theologorum, unde certe manifestum erit, nihil dicere Jansenium, quod ipsi dicere pariter non teneantur; & nihil eos ad captandam Catholicorum benevolentiam mitioribus ac mollioribus verbis affirmare, quod ultro non concedere possit Jansenius, immo & revera non concedat: tum maxime expendendo sigillatim, quæ illi ipsi Theologi proferunt momenta discriminis inter suam & Jansenii doctrinam.

Expenduntur causæ discriminis, quas nonnulli proferunt inter delectationem superiorem ac relativam quam tuerentur, & Jansenii sententiam.

SUNT inter recentiores Theologos nonnulli, qui a Jansenio se longius recedere contestantur, quamquam vim & efficaciam gratia pariter cum ipso exponant per delectationem relative seu per gradus victricem. De communi principio consentiunt illi quidem, at non easdem inde conclusiones inferri videri volunt: immo quas inde Jansenius deducit quinque Propositiones, aperte damnant ac rejiciunt. Absit ut ejusquam fidem, candorem, ac probitatem hic inensem: verum sic intellexi semper, delectationem illam superiorem ac relativam centrum esse, ex quo quinque Jansenii Propositiones, quasi totidem lineæ fluxu necessario derivantur; adcoque eo recto fundamento, non aliud proferri posse a Janseniana doctrina discrimen, quam aliquorum dumtaxat verborum. Id vero ita esse patebit, expendendo quas illi proferunt causas & ratione discriminis inter suam & Jansenii sententiam. Nonnullæ ex illis

illis speculativè quinquè spectant Propositiones : aliæ vero universim causam & fortunam Jansenianæ doctrinæ ; quas omnes sigillatim qua fieri poterit brevitate referemus ac discutimus.

Circa primam Propositionem.

Dicunt 1. Jansenium Lib. 3. de Gratia Christi c. 13. conceptis verbis affirmare, justis impossibilia esse quædam Dei mandata ; a qua impia Propositione prorsus abhorere se profitentur.

Verum si recentiores illi sola nominis asperitate offenduntur, mollius non recusabit ipsemet Yprensis : quam enim impossibilitatem appellat, hoc ipso citato capitis 13. loco, alibique passim, *difficultatem* dicere non gravatur. *Nec illam, inquit, implendi talia præcepta difficultatem inde proficisci, &c.* Et antea, *quam Augustinus difficultatem dicit, Jansenius per NON POSSE*, quod majusculis litteris inscribere affectat, *interpretatur*. Adeo verum est, utramque vocem ab illo promiscue usurpari.

An vero de solo nomine controvertitur, & non potius de re ipsa per nomen significata ? Porro in systemate Jansenii perinde est, vel impossibilia, vel difficultia dicere justis, absente gratia efficaci, aliqua Dei mandata, quia nempe juxta ipsum, *absente delectatione superiori, alius sequi non potest. Et vigente delectatione carnali, impossibile est ut virtutis, & honestatis consideratio prævaleat*. Et Lib. 7. cap. 5. *Delectatio est vinculum quo liberum ita firmiter ligatur & retinetur ... ut actus oppositus sit extra ejus potestatem*.

At quæso nonne defensores delectationis superioris ac relativæ hoc ipsum asserere tenentur ? Nonne capitale istud est apud ipsos principium, *majorem delectationem a minori vici non posse* ; adeoque justum sola gratia parva instructum efficaci absente, non posse relativa potentia superare actuale majorem cupiditatem ; ac consequenter mandatum ipsi relativè esse impossibile ? Vertant se in quamcumque partem voluerint, nihil, ut se expediant, proferent, quod ultro non profertant vel apertissimi Jansenii defensores. Dicant illum justum habere perfectissimam ac completissimam ad observandum mandatum potentiam, beneficio gratiæ parvæ : nonne idem asserunt Jansenistæ verbis expressis & clarissimis quæ initio laudavimus ? Dicant se eam tantum rejicere potentiam quæ sit cum actu conjuncta : hoc idem & ipsi contestantur. Dicant non veram esse impossibilitatem, sed tantum difficultatem ; ne ipse quidem negat Jansenius. Verum in eo utrorumque error est, quod illa perfectissima potentia sit revera tantum absoluta & ab-

stracta, non relativæ quodvis oculatus actum, ut ipsum relativè obtinere non possit : quod illa difficultas similis sit ei quam patitur justus, vitandi omnia peccata venialia collective sumpta sine speciali privilegio ; vel ille qui sanos oculos habens non potest videre sine lumine ; vel a morbo convalescens, non potest longum iter pedibus perficere. An non hujusmodi difficultatis genus veram importat impotentiam ? Mutato igitur solo nomine sensus idem retinetur.

Dicunt 2. Se non omnem gratiam sufficientem, sed solam Molinianam ; Jansenius vero omnem omnino respuere, quædam Lib. 3. de Gratia Christi cap. 3. revocat ad gratiam Pelagii. Verum profitetur quoque Jansenius cap. 1. ejusdem Libri, se solam Molinianam, ut vocant, seu versatilem ac libero voluntatis arbitrio permissam rejicere gratiam sufficientem : nolle vero se impugnare gratiam sensu Thomistico sufficientem, qualem Alvares, Cumel, Navarreta &c. admittunt ; eam scilicet, præter quam aliud ex parte Dei auxilium per modum principii necessarium est ut homo velit & operetur. Immo addit ibidem, quod Augustinus fortasse talem gratiam non difficultè admitteret. Et cap. 3. cum ait gratiam quæ ab initio lapsus humani generis usque ad judicii diem nullum in humana voluntate effectum habuit, aut habiturum est, *monstro similem esse*. Molinianam solam aut incongruam Suarezianam directe & expresse explodit : neque diffidendum est in textu Jansenii qui objicitur ex cap. 3. Lib. 2. de Gratia Christi, cum solam Molinisticam oppugnare gratiam. Cum tamen ab ipso Thomisticam sufficientem gratiam pariter rejici affirmamus, ad principia quæ ubique statuit Jansenius, & quæ cum tali gratia conciliari non possunt, attendimus magis, quam ad ejus verba : neque enim expresse ac nominatim unquam insurrexit adversus illorum Theologorum sufficientem gratiam. Jam vero cum principia Jansenii circa delectationem eadem sint quæ a Recentioribus nonnullis propugnantur, ab utrisque non solum Molinianam, sed & Thomisticam sufficientem gratiam convelli merito contendimus.

II. Negari certe non potest, quin parvam aliquam gratiam admiserit, quæ de se principium est boni operis, at semper efficiat alicujus parvi, & imperfecti effectus, quam Deus voluntate sua antecedente, quæ a circumstantiis abstrahit, ordinat ad bonum opus ; ad quod nihilominus per voluntatem consequentem non tendit, propter majorem cupiditatis resistantiam, cui superandæ impar est. *Illud*, ait Paulus Irenæus Disp. 6. ex Jansenio concedi potest, gratiam nonnunquam carere eo effectui, ad quem destinatur voluntate Dei antecedente. Cum enim ea vo-

suntas semper feratur in bonum absolute spectatum, consensire autem gratia habere rationem boni, utique semper illa voluntate Deus velle consensurus est homines sua gratia non resistere, sed illi plane consentire. En gratia parva, sed sufficiens (de nomine nulla quaestio) quam Jansenius cum suis constanter agnoscit. An propterea immunis ab errore circa huiusmodi gratiam? Minime. Quare? Quia gratia hae relative ac comparate ad superioris actualis concupiscentiae vires non potest eam superare; ac proinde nomine tenuis sufficientem gratiam Jansenii admittunt, re ipsa vero negant. Quantum enim ad usum & exercitium boni operis, perinde omnino est, ac si nullam agnoscereut; quod quidem nostris locum dedit certe legitimum, accusandi Jansenianos omnis prorsus denegatae gratiae sufficientis. Dicant porro Recentiores an re ipsa aliam agnoscant gratiam sufficientem, quam istam Jansenianam? Quid enim ipsis est gratia sufficiens, nisi delectatio inferior ac debiliior, quae non satis habet virium ut oppositam concupiscentiam superare possit; seu quae necessitatem peccandi non tollit, sed minuit tantum? Cedo si vel unum apicem discriminis invenias, nisi forte quod talem gratiam apte non minus quam vere Jansenius insufficientem appellat, Recentiores vero abusive & ad speciem faciendum, sufficientem.

Dicunt 3. Jansenium Lib. 8. de Gratia Christi cap. 20. docere sub dominante concupiscentia veram esse in voluntate impotentiam operandi bonum. *Firmitas, inquit, ardorque voluntatis male vehementi delectatione concupiscentiarum adjuncta & incitata, parit bene faciendi impotentiam.* Sed qui inter Recentiores systema delectationis superioris tuentur, longe absunt a tali admittenda impotentia; immo, veram & proximam confitentur, ope gratiae sufficientis, ad bonum opus potentiam.

Respondeo, si de verbis hic tantum agatur, Jansenium ipsum verbo tenus impotentiam illam ita sapientius mitigare ac temperare, ut a Catholicis recedere non videatur, a quibus tamen quoad sensum & rei veritatem plurimum remotus est; quemadmodum & ipsi Recentiores nonnullis verbis a Jansenio dissident, cum quo sensu concordant. Jansenius v. gr. dixit tum Lib. 8. de Gratia Christi cap. 20. tum Lib. 4. de statu naturae lapsae cap. 25, impotentiam illam esse tantum impropriad, consequentem & ex hypothese: non negavit per talem impotentiam voluntariam remanere (physicam) ad bonum facultatem, neque etiam illam oriri ex defectu virtutis activae in gratia tametsi parva, sed ex una cupiditatis resistetia, quae si minor esset, gratia illa par-

va plenum ac perfectum effectum consequeretur.

Dixit Lib. 3. de Gratia Christi cap. 13. Lib. 4. cap. 10. impotentiam illam non excludere quamcumque gratiam, Denique sapientius ita loquitur, ut non excludat omnem ad bonum potentiam defectu gratiae victricis, sed tantum eam neget, quae cum actu conjuncta est: has porro mitigatas, & in speciem Catholicas Jansenii locutiones summo studio colligunt ac jactantius praedicant ejus defensores, ut ejus doctrinam tamquam orthodoxam censuris Ecclesiae subducant. Verum inani prorsus ac vano conatu; & ut Clerus Gallicanus in sua ad Alex. VII. scripta ann. 1661. Ep. loquitur, *Verba Jansenii ad aliquem sensum Catholicum subtiliter deterquent; eundem enim plane sensum erroneum exprimit, tum durioribus, tum mollioribus verbis.*

Dixit equidem Jansenius, impotentiam bene agendi sub dominio ardentioris concupiscentiae, & male agendi sub motione gratiae victricis esse impropriad, consequentem & ex hypothese, non vero antecedentem; quia non alia ipsi est propria & antecedens impotentia, quam quae rationis & deliberationis seu voluntarii usum antecedit, qualis profecto non est impotentia de qua loquitur, quam Lib. 3. de Gratia Christi c. 15. appellat voluntariam impotentiam, & consequenter juxta ipsum liberam. Quia, ut ait ibidem, *nihil est aliud voluntatem esse liberam, quam actum suum habere in sua potestate: & habere in potestate nihil aliud, quam eum facere si voluerit.* Sic autem impotentia haec juxta Jansenium est voluntaria, & hoc sensu consequens, ut tamen voluntas eam declinare nullo pacto valeat, non quidem absolute, seu relative; Cum tunc, ut ipse loquitur Lib. 8. de Gratia Christi c. 20. *facultas impugata ligataque permanent;* vinculo scilicet majoris delectationis, quo fit ut voluntas non tantum actum oppositum non velit, sed nec velle possit. *Firmitas ardorque voluntatis mala,* inquit loco citato ex c. 20. Lib. 8. de Gratia Christi, *vehementi delectatione concupiscentiarum adjuncta & incitata, parit bene faciendi impotentiam, quam sola voluntas superare non potest, quia velle non potest, idque ideo, quia fortiter stabiliterque non vult.*

Non negat pariter cum illa voluntaria impotentia remanere physicam ad bonum facultatem; nec eam impotentiam dicit oriri ex defectu virtutis activae in gratia parva, sed ex resistetia cupiditatis. Verum mera sunt verba, ad errorem potius involvendum, quam excludendum accommodata. Namque facultas illa physica vel est nudum arbitrium voluntatis, vel quaedam gratia tametsi parva: nudum liberum arbitrium aut quidem physica facultas capax recipiendi gra-

gratiam, sed si solum fuerit, physice incapax est actionis bonæ supernaturalis: gratia vero illa parva, tamen in se absolute considerata sit principium effectivum boni operis, relative tamen ad majoris cupiditatis vires, non tantum opus illud bonum nunquam elicit, sed nec elicere potest; atque hæc est vera impotentia, quam Jansenius admittit, & a systemate delectationis superioris non parabilis est. Nec juvat quod ait Jansenius, impotentiam illam oriri ex resistantia cupiditatis: fateor, sed voluntas illis circumstantiis non potest non resistere minori gratiæ; nimirum propter delectationem terrenam indeliberatam superiorem, qua tunc rapitur & determinatur ad malum. Ex indeliberata enim illa motionem, necessario consequitur deliberatus voluntatis motus, a quo voluntas seipsam cohibere non potest; necesse enim est ut agat secundum id quod magis delectat.

Dixit etiam, integro errore subsistente, hac impotentia non excludi quamlibet gratiam. Ita quidem: sed talis gratia relative ad majorem concupiscentiam satis virium non habet, ut eam superare possit.

Innuic denique Lib. 8. de Gratia Christi c. 20. solum excludi potentiam cum actu conjunctam. At verbo ludit & fallit. Non tantum enim potentia illa non jungitur cum actu, sed nec potest jungi in his circumstantiis, seu relative ad oppositam majorem delectationem: atque in hoc positus est error Jansenii. Dicant porro defensores systematis duplicis delectationis relative victricis, an absente gratia efficaci, cum sola parva seu inferiori gratia iustus habeat relativam potentiam ad superandam actualem majorem cupiditatem? Si negant, Jansenio plane consentiunt; aut saltem rogo ut assignent suæ a Janseniana doctrina discrimen: assignent in quo præcise collocandus hic sit error Jansenii. Si concedunt, explicent quæ sensu: ut nempe clare intelligatur in quo a systemate Jansenii recedant; ne forte syllabarum & vocum discrimen sit, illudque etiam non sincerum.

Dicunt 4. se gratiam sufficientem sensu Thomistico plenis manibus amplecti.

Resp. & ipsum Abbatem de Bourzeis in Scripto quod dicitur, *In nomine Domini*, quod ann. 1646. editum est, sic habere: *Quod idem idem advertendum censeo, ne qua hic Thomistarum gratia sufficienti, quam admitto lubens, fiat injuria*. Arnaldumque qui in Libro inscripto, *Apologie pour les SS. Peres*, Lib. 7. punct. 4. cap. 1. asseruerat Augustinianos quos vocat Theologos, in eo a Thomisticis circa gratiam sufficientem differre, quod hi gratiam saltem nomine tenus sufficientem admittere consentirent, illi vero nullam gratiam vocandam esse sufficientem

contenderent, præter eam quæ vere & proprie gratia Christi efficax est: Arnaldum, inquam, qui hæc protulerat annis superioribus, tandem in Scripto suo cui titulus, *Dissertatio de Gratia efficaci*, non semel, aut bis, terve, sed sæpius professum se gratiam sufficientem sensu Thomistico admittere.

Dicunt 5. Jansenium, & Jansenii discipulos impotentiam proprie dictam admittere; se vero improprie dictam.

Resp. Jansenium Lib. 3. de Gratia Christi cap. 15. & Lib. 8. cap. 20. alibique: Arnaldum vero in Dissertatione jam citata parte 3. art. 17. expresse asserere, se proprie dictam impotentiam non admittere. *Tota illorum hominum qui a gratia plane cessant sunt, impotentia, nihil aliud est quam mala voluntas, malaque cupiditas*. Et paullo inferius: *Non hæc impotentia est, sed pravitas . . . non ideo innoxia, quia aliquo modo necessaria; sed ideo culpanda, quia voluntaria*.

Dicunt 6. censere se abstinendum omnino a voce, *impossibili*, dum agitur de præceptis adimplendis.

Resp. 1. non ita sincere eos abstinere, quin eam aliquando usurpent, licet rarissime, v. g. auctor Libri cui titulus, *Tradition de l'Eglise Romaine*, Tomo 3. & alii pauci.

Resp. 2. mutata tantum vocis hujus significatione, sed non mutata sententia, Recentiores statuisse abstinendum vulgo ab usurpanda ea vocula impossibilitatis, ut patet ex Arnaldo Dissertationis Parte 3. art. 17. qui sic habet: *Ea quæ voluntate constant, nunquam impossibilia dici possunt: sunt enim semper cum volumus*. Unde licet Recentiores nostri sub illo prætextu aut alio simili abstineant ab usurpanda voce ista, *impossibili*, non tamen a Jansenii, & discipulorum ejus sententia recessisse ullo modo propterea censendi sunt.

Circa secundam Propositionem.

Dicunt 1. Jansenium Lib. 2. de Gratia Christi cap. 24. asserere gratiam tollere omnem voluntatis resistantiam; eaque loquendi ratione, errorem secundæ Propositionis manifeste exprimere: Recentiores porro nihil tale affirmare, immo plane contrarium.

Verum duriorem hunc loquendi modum Jansenius ipse aliis in locis emollivit, errore non repudiato. Lib. 2. de Gratia Christi cap. 27. conceptis verbis asserit, *multos divinitus collustrari, immo vero & in ipsa voluntate motibus divina gratia percelli, qui tamen ab ejus interna susceptione & inclinatione dissentiant*. An putas verba hæc quoad sensum pugnare cum prioribus? Minime profecto. Potest Jansenius sine ulla pugna, eodemque sensu erroneo dicere, quod voluntas resistat & non resistat gratiæ, respecti-

ve ad varium ipsius effectum. Non resistit quantum ad effectum proximum & imperfectum, quem gratia etiam parva illorum sensu semper exprimit: resistit autem quantum ad effectum ejusdem remotum ac perfectum, ad quem ex natura sua & voluntate Dei antecedente tendit & ordinatur, sed quem non habet, immo nec habere unquam potest, quando concupiscentiæ opposita delectatio superior est.

Ita seipsum exponit Jansenius in citato c. 27. Libri 2. de Gratia Christi. *Considerandum est, inquit, multiplices esse divine gratiæ effectus, quemadmodum & voluntatis. Est enim velle perfectum, quod Augustinus posse vocat; est & imperfectum, quod velleitatem appellare solent. Hæc ergo primus est celestis istius reris effectus, quem ut minimum in omnibus operatur, quibus eum infundat Deus. Non enim quavis gratia ad quosvis effectus inferendos sufficit, ut quidam imaginati sunt, sed potestates operationum difficultati attemperanda sunt.*

Eodem plane modo discipuli Magistrum interpretantur, Paulus Irenæus Disq. 6. & Dionysius Raymundus 1. p. cap. 3. art. 5. pag. 130. Prioris verba retulisse sufficiet. Possunt, inquit, allata Jansenii locutiones ea illam revelari doctrinam toti Thomistarum Schola probatam: omnem gratiam tam efficacem, quam sufficientem esse efficacem respectu proximi istius effectus ad quem ordinatur voluntate Dei absoluta. Sic enim explicari possunt omnes superius allata Jansenii locutiones: Gratia tollit omnem resistentiam, nempe quæ impedit proximum effectum, non quæ remotum. Item, Nulla gratia effectui caret, nimirum proximo illo ad quem destinatur voluntate absoluta, non remoto ad quem excitat: Gratia omnis agit, & peragit effectum proximum, non remotum. Item, Gratia est convertibilis cum effectui, distinguo, proximo, non remoto, sive eo propter quem datur voluntate absoluta, non eo ad quem natura sua tendit, & refertur voluntate Dei antecedente. Item, Omnis gratia est efficax, nempe proximi effectus ad quem ordinatur absoluta, non ejus ad quem ex natura sua tendit. Pariter, Nulla datur gratia sufficiens nisi sit efficax; distinguo, sufficiens omnibus modis, & ad agendum actu, sive Moliniane, verum est; sufficiens Thomistice, cui semper dissentiat, nisi adsit efficax, falsum. Hinc clare, concludit Paulus Irenæus, omnes istas locutiones bene sensus capaces esse.

Qui Jansenianorum æquivocationibus parum assueti sunt, adduci facile possunt, ut credant his speciosis Pauli Irenæi verbis excludi errorem secundæ Propositionis: at non ita est. Error enim ille in eo consistit, quod gratia cum omnem semper effectum obtineat, quem permittit opposita concupiscentiæ delectatio.

Si hæc superior fuerit, gratia debilem, & imperfectum effectum assequetur: si inferior, plenum ac perfectum; adeoque ei nusquam vere ac proprie resistitur: non ratione effectus proximi, & imperfecti quem semper habet; non ratione effectus ulterioris, ac perfecti, quem supposita majori cupiditate, habere non potest. Non enim quavis gratia, ait Jansenius libro 2. de Gratia capite 27. ad quosvis effectus inferendos sufficit, sed potestates operationum difficultati attemperanda sunt. Hanc porro sensum defendere tenentur, qui systemati delectationis superioris, ac relativæ patrocinantur. Dicant num re ipsa non doceant, gratiam quam vocant sufficientem, semper debiles aliquos ad pietatem motus excitare in voluntate, eoque respectu vere efficacem esse, nec ipsi unquam resisti? Dicant an non agnoscant eandem gratiam in concursu ardentioris cupiditatis, ac relative ad ipsam, non habere satis virium ut eam superare possit; adeoque ipsi sub eo respectu seu relative non resisti? Non enim, ut diximus sæpius, proprie loquendo gratiæ resistitur, nisi quando privatur eo effectui, quem habere potest in iis circumstantiis in quibus datur. Dicant an non existiment, saltem cum gratia sufficienti remanere, ac semper conjunctam esse ad præceptum adimplendum eandem impotentiam quam patitur homo justus sine speciali privilegio ad vitanda omnia peccata venialia, quæ vitari non posse certe fides docet? unde profecto sequitur eum qui peccat, gratiæ debili, si quam habeat, non resistere, cum eam non privet eo effectui quem habere possit. Ergo vel nullus est in secunda Jansenii Propositione error, quod isti affirmare non audent, vel totus perseverat in systemate, quod tuentur, delectationis relativæ victricis.

Dicunt 2. in mente ac doctrina Jansenii gratiam hujus status semper esse victricem, quæ, ut loquitur Lib. 2. de Gratia Christi cap. 23. omnes oppositos obices voluntatum, & effectuum invicta potestate perfrumpit. Et cap. 25. Gratia & opus bonum ita reciprocantur, ut quemadmodum ex gratia data mox effectum operis consecuturum inferre solet (Augustinus), ita vice versa, ex defectu operis gratiam non esse datam. Ab ista porro doctrina se alienos plurimum profitentur Recentiores delectationis supertoris patroni.

Verum non de quacumque gratia id scripsit Jansenius, sed de illa dumtaxat quam antinomastice victricem appellat. Aliam enim esse inefficacem seu non victricem diserte agnoscit Lib. 4. de Gratia Christi capite 10. in fine, ubi ait esse quamdam gratiam ita inefficacem, ut ex illa operatio ne quidem possit sequi, nisi ejus inefficacia per aliam

liam

Gratiam suppleatur. Idem docet Lib. 8. capite 2. *Quod si contingat*, inquit, *alteram ordinariorem esse, in solis inefficacibus desideriis haberebimus animus.* Et Lib. 2. cap. 27. Lib. 3. c. 13. gratias illas inefficaces veras dicit esse Christi gratias. Nihilominus in his ab errore suæ secundæ Propositionis non recedit: quia nempe iuxta ipsum, omnis gratia, etiam illa quam inefficacem, & non victricem vocat, semper eum effectum obtinet, quem potest obtinere habitatione oppositæ concupiscentiæ. *Cum nulla sit ei (Augustino) gratia operandi*, inquit Lib. 4. cap. 10. *præter istam sanctitatem Dei, nisi ista tanta fuerit, ut et delectationes rerum creaturarum cesserint, vel peccabitur, vel alternante delectationum fluctu in medio remanebitur: sin autem ista superaverit, jam sine dubio benevoluntas operabitur.* Suam hic doctrinam recognoscant, quotquot efficaciam gratiæ repetunt ex delectatione ipsius superiori ac relativa.

Dicunt 3. in mente Jansenii Lib. 2. de Gratia Christi c. 27. gratiam omnem semper liberam ad minimum quamdam complacentiam boni in voluntate operari: atqui Recentiores ab hac doctrina longissime recedunt. Quamvis enim asserant gratie mere sufficientem, ut vocant, & ordinarie & vulgo sortiri effectum deliberatum & liberum imperfectum, tamen aliquando, licet rarissime v. gr. perditissimis hominibus, contingere, ut gratia in motu indeliberato sitat, qui a præpollentiori contraria delectatione in ortu suo veluti prælocatur.

Respondet Dionysius Raymundus 1. parte capite 2. de secunda Propositione art. 4. tam parvi referre ad systema Jansenii, an aliquem actum liberum deliberatumve, an tantum indeliberatum semper producere dicatur delectatio inferior celestis Jansenii, ut namquam illud primum pro dogmate habuerit Ipeus, sed semel tantum, & ipsi quasi aliud agenti, seu per transennam exciderit. Immo verba Jansenii, pergit idem auctor, de plerisque, non de singulis exponi possent gratiis, quasi id vulgo non semper contingat. Unde nunquam, hanc, quæ Jansenio excidit, Propositionem, tamquam dogma ipsius propugnare Jansenii discipuli ac defensores. Quosdam consului, addit citatus auctor, nullusque hæcenus occurrit, qui ad hanc subtiliorem, ut vocant, questionem, attenderit. Dionysio Raymundo concinit auctor recens Libri inscripti, *Chimere du Jansenisme*. Ex his duorum, aliorumque quos appellare possem, Jansenii discipulorum testimoniis manifestum est, nullo modo a dogmatibus Jansenii recedere, quin in eo tantum ab eo differunt quod asserant, rarissime seu in perditissimis hominibus aliquando indeliberatum tantum effectum, & non liberum seu deliberatum gratiæ mere, ut

vocat, sufficientis comitem esse. Et certe non ita raro resistitur gratiæ actuali interiori voluntatis, nec ad dogma Jansenii multum interest, utrum liber, vel indeliberatus tantum actus ex gratia pure sufficiente, ut vocant, producat, modo eum omnem semper sortiri illi effectum, quem ipsi sortiri permittit delectatio actualis opposita.

Dicunt 4. Jansenius negat inferiorem delectationem celestem tendere ex natura sua ad ulteriorem effectum, quem non producat, ullaque voluntate Deum intendere ut illum operetur. Unde cum e contra admittant gratiam, quæ ex natura sua nata, & apta est ad illum producendum, Deumque voluntate antecedente beneplaciti id intendere, toto cælo a Jansenio differunt.

Resp. Jansenium non potuisse admittere gratias illas leves quæ ad effectum ulteriorem provocant, & a quarum interna suasionem multos dissentire constare ait c. 27. Lib. 2. quin simul sentiat ipsas saltem ex natura sua ordinari ad illum sentiendum effectum, & aliqua potentia posse hunc sortiri, Deumque quadam voluntate velle, ut illum fortiantur, quem tamen nunquam obtinebunt. Iniquum enim est, immo impossibile, gratiam excitare, aut potius ejus beneficio Deum ad opus quodpiam provocare, ad quod nec ex natura sua ordinetur, quod nec possit habere, nec Deus aliqua voluntate velit ut unquam habeat. Unde certe a Jansenio non recedunt patroni delectationis superioris relativæ, si nihil aliud velint. Neque mirari satis possum P. Massoulié, qui Tom. 2. Diss. 4. q. 3. art. 4. & alibi, asserit constanter Jansenium negare talem gratiæ suæ levis ordinationem ad ulteriorem effectum.

Circæ tertiam Propositionem.

Dicunt 1. necessitatem agendi sub delectatione superiori, apud Jansenium antecedentem esse, ineluctabilem & physicam: se vero nonnisi consequentem & infallibilitatis ac moralem agnoscere.

Verum pro certo istud affirmamus, nullum ex Jansenio locum proferri posse, quo necessitatem illam vocet antecedentem aut physicam. Et certe discipuli ipsius raro, ut antea observavimus, necessitatis voce, quæ odiosa est, utuntur. Ipse vero Jansenius Libro 6. de Gratia Christi capite 6. & Libro 4. de statu naturæ lapsæ capite 21. & alibi passim contendit, necessitatis vocem delectationi ad unum determinanti adaptari non posse. Capite vero 24. ejusdem Libri 4. de statu naturæ lapsæ, & capite 35. & 37. Libri 6. de Gratia Christi, necessitatem illam *consequentem* appellat. Libro vero 2. de Gratia capite 25. & Libro 8. capite 21. & Libro 9. cap. 16. vim seu efficaciam gratiæ infallibilem

libilem dumtaxat appellat; suamque a Calviniana sententiam in eo differre probat citato cap. 21. Lib. 8. adductis Calvinii testimoniis, quod Calvinio necessitas, sibi vero infallibilis sit gratiæ victricis operatio.

Quæ quidem non ea mente commemoro, ut Jansenium velim excusatum ab errore tertiz Propositionis; sed ut manifestum sit, cum sub aliis vocibus temperatis ac mitioribus, eundem plane errorem semper obtrudere.

Necessitantis quidem delectationis nomine non utitur, at eundem omnino sensum reddit, cum ait, per superiorem delectationem tamquam per vinculum ita voluntatem ligari ac constringi, ut impedita & ligata sit respectu actus oppositi.

Necessitatem illam equidem antecedentem non appellat Jansenius; nomini parcat, sed rem admittit. Vere quippe antecedens est ea necessitas, quæ oritur ex motione prævia & indeliberata, cui voluntas in iis, in quibus versatur, circumstantiis plane resistere non potest: at talis est motio delectationis victricis relative. Verum Jansenio antecedens necessitas ea est, quæ plane est involuntaria, ac rationis & deliberationis usum antecedit.

Pariter necessitatem illam nullibi physicam appellat, quamquam in ejus principiis vere sit physica, ut superius ostendimus. Parum vero interest, an physica, an moralis dicatur, modo talis sit, cui voluntas ob inæqualitatem virium resistere non possit: sed ad unam contradictionis partem fortius liget potentiam, quam compedibus & catenis ferreis ligari concipiatur vis hominis motrix; quod certe in systemate delectationis superioris locum habet.

Denique frustra Jansenius contenderet necessitatem illam esse dumtaxat consequentem. Namque consequentem ille necessitatem intelligit quæ voluntaria est, seu quæ sequitur aut saltem comitatur voluntatis determinationem tamen necessariam; namque, juxta Jansenium, omne voluntarium deliberatum eo ipso liberum est, tamen necessarium; quippe solam ille coactionem, non vero simplicem ac voluntariam necessitatem a libertate excludit, in quo positus est error tertiz Propositionis. Nec alia profecto fuit Lutheri ac Calvinii sententia, quam ut coactionem, non simplicem necessitatem a libertate removerent. *Homo*, inquit Lutherus in Libro de servo arbitrio, cum vocat spiritum Dei, non quidem violentia, velut oborto collo, nolens facit malum, sed sponte & libenti voluntate facit. . . . Et rursus: *Si Deus*, inquit, in nobis operatur, mutata & blande afflata per spiritum Dei voluntas, iterum mera lubentia & prontitate, ac sponte sua vult & facit, non coacte, pro natura voluntatis, quæ si cogerebatur, voluntas non esset. Calvinus Lib. 2. Institutionis c. 2. n. 7.

Liberi ergo, inquit, arbitrii hoc modo dicitur homo, non quia liberam habet boni æque ac mali electionem, sed quia male voluntate agit, non coactione. Et c. 3. n. 5. Porro, inquit, quod libertate abdicata voluntatem dico necessitate in malum trahi vel duci, mirum est si cui videatur aspera locutio. . . . Offendit eos qui inter necessitatem & coactionem distinguere nesciunt. Denique Libro 2. de Libero arbitrio contra Bingham, Si coactio, inquit, opponatur libertati, liberum arbitrium esse & fateor & constanter assero. Hanc Novatorum circa libertatem doctrinam, suam plane fecit Jansenius, quidquid tandem ille, ut hanc a se labem depellat, citato capite 21. Libro 8. de Gratia Christi molitur.

Frustra pariter diceret Jansenius, necessitatem illam esse dumtaxat infallibilitatis. Nomen enim infallibilitatis necessitatem non excludit, cum nihil sit magis infallibile, quam quod est necessarium. Placuit Luthero, Libro citato de servo arbitrio, appellare necessitatem immutabilitatis, quod idem est ac si dixisset, necessitatem infallibilitatis, ut nempe exprimat infallibilem certitudinem, seu necessitatem actionis. Vocamus, inquit Lutherus, necessitatem immutabilitatis, quod voluntas sese mutare, & vertere alio non possit. Et Synodus ipsa Dordracena, editionis Hannoniæ ann. 1620. necessitatem Calvinianam appellat necessitatem infallibilitatis. Et certe necessitas infallibilitatis, quæ oritur ex delectatione superiori prævia & indeliberata voluntatem insuperabiliter & invincibiliter ad unum determinante, & applicante, nonne vera est ac propria necessitas cui voluntas relative ad minorem, quam habet delectationem oppositam, non tantum nusquam resistit, sed nec potest resistere, propter, ut sæpius diximus, inæqualitatem virium? Porro excrucient se quantum voluerint delectationis relative victricis patroni, nusquam necessitatem illam excutient, quocumque tandem nomine eam appellare voluerint.

Dicunt 2. Jansenium in eo maxime jura libertatis humanæ præsentis status violasse, quod voluerit eam stare posse cum immobili determinatione ad bonum vel malum; ea ipsa ratione, qua docet beatos in cælis liberos esse ad bonum, & damnatos in inferis liberos esse ad malum. Sic colligunt ex Lib. 4. de statu naturæ lapsum cap. 24.

Resp. Equidem Jansenium asseruisse libertatem in hocce statu coherere posse cum determinatione immobili ad unum, qualis est in beatis, & damnatis: verum in eo tantum præcise positum non esse errorem tertiz Propositionis. Erravit quippe Jansenius, in eo quod necessitatem etiam mutabilem cum libertate ad merendum vel demerendum in præ-

presenti statu necessaria conciliari posse existimaverit; & hoc solum doctrinæ ipsius caput ab ejus defensoribus, & discipulis propugnatur. Unde si libertatem a necessitate tantam immutabili propugnent patroni delectationis relative victoris, a Jansenio non omnino recedunt, & cum ejus discipulis peritus consentiunt. Hominem porro liberum esse hac in vita libertate, & indifferetia exercitii, & contradictionis, tum c. 24. citato, tum 25. sequente saltem verbo tenus patet.

Dicunt 3. Jansenium libertatem, & indifferetiam hujus status reponere in sola flexibilitate liberi arbitrii ad bonum & malum, se autem veram agnoscere activam indifferentiam voluntatis.

Verum si propius inspicatur illa indifferentia activa, nullatenus a flexibilitate Janseniana differre videbitur. Namque in systemate delectationis relative victoris, voluntas sub motione illius non potest actum suspendere; non potest ei delectationi resistere; non est expedita ad actum oppositum: ubi ergo activa ipsius indifferentia? An in eo quod voluntas active seu vitaliter agat? At Jansenius, immo & Calvinus, id nunquam negavit. An in eo, quod actus quamquam necessarius, voluntarius sit? Verum hoc ipsum est dogma Jansenii, quod fidei adversarij & ab Ecclesia proscriptum fuisse contendimus. An denique eo quod voluntas se movet ac determinat? At non solum id non negavit Jansenius, verum & Libro 8. c. 3. & Libro 6. capite 35. aperte de ipsis beatis id ipsum affirmat, ut alibi notavimus.

Circa quartam Propositionem.

UT gratiæ necessitantis Jansenianæ invdiam a se removeant delectationis superioris ac relative patroni, quædam congerunt, quibus sub dominante delectatione sive caelesti sive terrena, ad oppositum potentiam admittere se videri volunt, & a Janseniano errore recedere.

Dicunt 1. Jansenium plane rejecisse indifferentiam sub motione delectationis superioris & potentiam ad oppositum; se vero non ita.

Verum, indifferentia quam negasse Jansenium affirmant, aut est indifferentia æquilibrium, aut illa facilitas ab bonum quæ primus homo fruebatur, aut ea indifferentia qua quis non solum non potest non agere, sed etiam in iisdem circumstantiis positus aliquando non agit, aut vis physica sese determinandi movendique vitaliter, modo ad bonum, modo ad malum, aut tandem potestas resistendi delectationi superiori.

I. Non est certe sola indifferentia æquilibrium, & facilitas illa ad bonum, qua Adamus innocens fruebatur; nihil enim dicit Jansenius, quod Catholici omnes cum Augustino libenter non taceant.

II. Non est etiam indifferentia, ut vocant, Moliniana, quia Thomistæ pariter cum Jansenio ipsam rejiciunt, & quidem noxie.

III. Non est vis physica sese determinandi movendique vitaliter: agnoscit enim Jansenius voluntatem agere, habere dominium in suos actus, & sese determinare. *Se ipsum agere & movere*, ait l. 6. de Gratia Christi cap. 35. *dominium quoddam super actum indicat, ut pro arbitrio sese moveat vel compescat: alioquin enim quantumvis internum sui motus principium habeat, agere & moveri potius, quam se ipsum movere dicitur.* Rursus ibidem: *Necessitas quæ in actu apparet, ab ipsa libertate, & dominio ac libertatis ejus perfectissime proficitur, quia ipsa sibi necessitatem facit, non per medium naturæ, sed perfectissime libertatis movendo & determinando se.*

Restat ergo ut ea indifferentia quam negasse Jansenium affirmant Recentiores, sit potentia dissentiendi delectationi, quæ in voluntate dominatur: sed eandem indifferentiam, si non verbis, saltem seipsum negare coguntur Recentiores illi; cum major delectatio necessario vincat minorem, potentior debiliorem, superior inferiorem, præsertim ubi virtus agendi ex delectatione repetitur. Quomodo enim si in bilance duo fuerint pondera inæqualia, necesse prorsus est eam bilancis partem deprimi, in qua majus est pondus, nec fieri potest, ut majus a minori inclinetur, quandoquidem nulla est inter ea duo proportio: sic si major fuerit vis gratiæ, quam concupiscentiæ, necesse erit voluntatem bene operari: e contra vero male, si viribus prævaluerit concupiscentia; major est enim tunc resistentia concupiscentiæ, quam virtus gratiæ parvæ, dicebat D. de Sainte Beuve delectationis superioris patronus, seu, ut ipsum appellat Paulus Lenzus, *ut si quis unquam Augustinianus*. Neque vero in eo systemate negari potest minorem a majori necessario vinci delectationem, quandoquidem ut æqualem quidem delectationem ab alia opposita æquali superari unquam posse, potentia etiam ab actu sejuncta, apud hujus systematis patronos pro certo habeatur. Unde in hoc potissimum Semipelagianos errasse contendunt; aut saltem Theologos, quos vocant Congruistas, gratiam Christi penitus evacuare, infirmitatemque infligere per peccatum originis voluntatis ignorare prorsus prædicant, quod hi Theologi dicant in æqualitate virtutis gratiæ, & concupiscentiæ voluntatem superare posse concupiscentiam, & ad bene agendum se ipsam determinare: licet iidem Theologi profiteantur, voluntatem id posse tantum potentia, nunquam ad actum reducenda.

Nec est quod vim faciant Recentiores in quibusdam durioribus loquendi formulis, quæ

occurrunt in Libro Jansenii, a quibus dum abstinere, se ab ejus pariter doctrina penitus alienos esse habendos contendunt. Namque non desunt apud eundem Jansenium plura, quibus suos duriores loquendi modos ita emollire videatur, ut nisi ad mentem ejus ac fundamentale principium delectationis superioris, ex quo ad pravam sensum necessario determinatur, proprius attendatur, in errorem inducere facile possint.

Sic 1. non aliam indifferentiam removere videri vult, quam eam quæ dicitur æquilibrii, quæque est, ut ait ipse Libro 7. de Gratia Christi capite 14. *instar bilancis, quæ facillime motu in alterutram partem impelli potest*; qualem indifferentiam Pelagianam, & Semipelagianam sæpius appellat: neque in presenti statu perisse contendit hanc æquilibrii libertatem, quam, inquit loco mox citato, *minimus motus gratiæ tollit, major minuit, maximus penitus adimit*.

II. Indifferentiam exercitii ad hoc vel illud malum sub delectatione terrestri superiori, ad hoc vel illud bonum sub dominante celesti delectatione diserte profitemur se agnoscere, idque passim v. gr. de statu naturæ lapsæ Lib. 2. cap. 3. Lib. 4. cap. 19. 20. 21. 24. &c.

III. Lib. de Gratia Christi c. 4. & 20. asserit se eandem sub motione gratiæ victricis libertatem admittere, quam Thomistæ sub promotione physica; omniaque, quæ ad tuendam arbitrii libertatem isti proferunt, se pariter proferre posse; ea omnia hic dicta pro se vult.

IV. Lib. 4. de statu naturæ lapsæ cap. 21. & Lib. 6. de Gratia c. 34. affirmat indifferentiam omnes hujus vitæ actiones comitari. Id ipsum quoque legere est Lib. 8. c. 161.

V. Sæpius affirmat se de libertate generice, & essentialiter tantum sumpta, non vero de libertate hujus status habere sermonem, cum ad hanc contendit indifferentiam requiri.

Possim & alia bene multa hic proferre quibus Jansenius doctrinam suam emollire ac asperitatem verborum, quæ ipsi aliquando, dum æstu disputationis abripitur, excidunt, benigne temperare conatur: sed hæc sufficiunt cum iis, quæ superius ex ipso retulimus.

Ea porro omnia ad fraudem & fucum faciendum a Jansenio prolata sunt; & quosensu sint intelligenda, maxime ex ipsius principii circa delectationem supra exposui mus. Verum, quidni suspicari liceat, a defensoribus ejusdem systematis eadem mente, eodem consilio, quo a Jansenio, eosdem aut similes emollitos loquendi modos usurpari?

Patendum nihilominus est, Jansenium non propter solum minus accuratum, & extraneum systematis suo loquendi modum, fuisse damnatum; sed præcipue propter capitale ac

fundamentale systematis sui principium: unde cum ab eo principio non recedant, sed tantum in voculis ac syllabis a Jansenio discrepare satagant Recentiores, nullum est inter hujus, & illorum doctrinam verum & apertum discrimen.

Dicunt 2. Se tantum gratiam efficacem velle astruere, ac conari ut systema Molinianum non latius diffundatur: unde se omnem indifferentiam, omnemque potentiam ad oppositum, præter Molinianam, admittere. Addunt sibi exploratum esse, quod soli Moliniani illud systema rejiciant, idque ut suum obtrudant.

Resp. Si unum in votis habent Molinianum systema rejicere, cur inter tot systemata, quæ illud pariter rejiciunt, unum seligunt, ac pro aris, & focis propugnant systema delectationis superioris? Cur systema Thomisticum, vel gratiæ per se efficaciæ, vel delectationis simpliciter victricis non amplectuntur? Certe Moliniana hæc non sunt. Cur tandem uni systemati Janseniano, & novo & ante Jansenium in Scholis inaudito additi videri volunt?

Respondent 2. Veterem esse Jansenii discipulorum cantilenam, nempe se unice velle gratiam efficacem propugnare, ac Molinianam excludere. Id ipsum contestabantur olim Jansenianorum Romæ Deputati, sicut exposuimus alibi.

Resp. 3. A 60. amplius annis vel apertius fervidiores Janseniani id ipsum profitentur, etiam cum Jansenianum errorem pressius ac significantius exponunt. Ita Abbas de Bourzeis cap. 28. 1. Collationis, in Libro qui inscriptus est, *Sur Augustin victorieux de Calvin & de Molina*. Quamlibet, inquit, indifferentiam agendi vel non agendi quam libero arbitrio sub influxu gratiæ tribuunt, hanc non negamus, modo vis interior invisibilisque gratia incolumis maneat. Et c. 26. 1. Collationis. *He voces necessarium, necesse, aut necessitas, nobis sunt insuetæ, paratque magis sumus ab his omnibus abstinere ob pravam sensum, quem multi ipsi affingunt, quam eas usurpare ob bonum, cuius sunt capaces. Quod si quandoque discipuli quidam Augustini his usi fuerint, id eo vice consilio, ac mente fecerunt, ut libertatem Molinianam, quæ gratiam Dei voluntatis hominis submittit, excludant. In libello inscripto, Manifeste des Theologiens disciples de S. Augustin collatanea de S. Amour. Solum Molina indifferentiam, utpote gratiæ per se efficaciæ contrariam, nec ad libertatem nec ad meritum in hoc naturæ lapsæ statu requirere, S. Augustini discipuli contendunt. Et postea: Ex quibus patet, indifferentiam qualemlibet in hoc lapsæ naturæ statu ab Augustini discipulis in his quæ ad salutem, & ad finem supernaturalem pertinet, admitti, præter Molinistam, quæ gratiæ ad singulos peccatos actus necessariæ efficaciam,*

ciam, & vim propriam destruit. Paulus Irenæus Disquisit. 1. art. 6. Hæc una (Moliniana) indifferentia dempta, ceteras omnes, quæ gratiæ efficaci non adversantur, semper reperiri in hoc statu naturæ lapsæ, nobis videtur sentire Jansenius.

Dicunt 3. Jansenii discipulos ipsumque Jansenium, si aliquam potentiam ad oppositum sub delectatione superiori admittant, eam tam debilem ac levem admittere, ut pro nulla haberi debeat: se vero perfectiorem admittere.

Resp. Jansenium ejusque discipulos eam admittere, saltem si verbis fides habeatur, quæ perfectissima sit. Ita Jansenius Lib. 8. cap. 20. sub gratiæ delectatione victrici affirmat remanere peccandi potestatem perfectissimam. D. de Bourzeis collat. 30. c. 4. Collationis sic asserit: Quamlibet potentiam, quam Congruistæ imaginari possent in oppositum, quam eam quæ reducitur ad actum ipsam circumstantiis, hæc admittimus, libentissimeque ampliamur. Paulus Irenæus Disquisit. 3. art. 22. Quamlibet bene agendi potentiam & quibuslibet nominibus ornata largire, nihil omnino sententia nostra adversaberis. Et Disquisit. 2. De gradibus illius bene agendi potentia... operose disputare, otiosorum hominum esse videtur. Quamobrem ne quis mihi unquam de illa negotium faciat, profiteor me illam locare in summo gradu. Denique in Libro, cui titulus, *De fense des Propositions de la seconde Colonne*, art. 16. Admittimus liberam potentiam resistendi in omni gradu possibili Thomistæ.

Dicunt 4. Jansenium, & Jansenistas textum S. Augustini, secundum id quod magis delectat, operemur necesse est, de necessitate proprie dicta intelligere; se vero de necessitate improprie dicta.

Respondet D. de Lalane in Libro inscripto, *Conformité des Thomistes avec Jansenius*, seconde partie. Hæc necessitas improprie dicta tantum est, quæ significat tantum certitudinem effectui, quæque nullo modo excludit potentiam ad oppositum, ut demonstrari potest ex his, quæ S. Augustinus in Epistola ad Galatas circa hoc placitum suum, secundum id quod magis delectat, operemur necesse est, exponit.

Dicunt 5. Jansenii discipulos negare indifferentiam judicii, se vero admittere.

Verum Paulus Irenæus Disquisit. 6. art. 4. Spectali hujus status & via conditione sit, ait, ut nihil ipsi (homini) proponatur ad merendum, & demerendum nisi per judicium indifferentem, ut ajunt Thomistæ.

Dicunt 6. Se hoc unum velle, ut voluntas nunquam agat oppositum delectationis superioris; plura vero Jansenium ejusque discipulos exigere.

Respondet D. de Bourzeis 4. Collatione c. 29. Quando dicimus non posse dissentiri gratiæ efficaci, tantum volumus intelligi per ea

impotentiam, quod nunquam contingat huic dissentiri. Quid in hoc mirandum magis aut incredibile, quam quod asserunt præmotionis physica aut gratiæ congruæ potestati? Id ipsum c. 26. dixerat iidem pene verbis Paulus Irenæus Disquisitione 6. art. 3. sic ait: Instruamur in firmioribus illis gratiis voluntas, esse nunquam his plene consentiat, tamen vere potest consentire, nec defectu physica potestatis his non consentit, sed quia involuntati alii objecto, quod magis delectatur, consentire.... Ille statum anime creaturam magis quam Deum amat, recte propterea vocatur infirmitas, iniectionis & impotentia, quia nunquam contingit ut in eo statu sine ampliori auxilio recte agat.

Dicunt 7. Tantum abstinemus a gratiæ necessitante Janseniana admittenda, ut efficaciam gratiæ in quadam congruitate & contemperatione cum dispositionibus subjecti constituamus; ita ut necesse sit, ut divinæ gratiæ victricis collatio præscientiam, & explorationem Dei circa dispositiones subjecti præsupponat, ne v. g. quem vellet Deus efficaciter convertere, quique puta sex gradus concupiscentiæ haberet, huic conferret gratiam, quæ quatuor tantum gradus celestis delectationis communicaret, Jansenium vero omnem præscientiam ac cognitionem, ut quid Semipelagianum, a victrici sua gratia excludere.

Resp. congruitatem, & explorationem, de qua in objectione, minime potuisse a Jansenio reperi; quin immo cum ejus systemate necessario connexam. Verum mirari satis non possum fraudem ac fallaciam quorundam hujusce sententiæ patronorum, qui eo prætextu sub Congruistarum pallio aliquando volunt se tegere. Triplex enim inter utramque sententiam discrimen apertum: 1. In sententia Recentiorum, est connexio infallibilis, & necessaria inter superioritatem delectationis gratiæ, & consentiam voluntatis, ex vi & superioritate ipsius gratiæ: nihil simile in sententia Congruistarum reperitur; nulla enim connexio infallibilis in illa sententia, nisi dependenter a scientia media. 2. Deus videt necessitatem connexionis inter delectationem, & consentiam per scientiam simplicis intelligentiæ: in sententia Congruistarum, in scientia media videt futuritionem conditionatam consentis. 3. Scientia exploratrix, qua Deus explorat dispositiones subjecti, seu gradus futuros concupiscentiæ, est scientia visionis; scientia vero exploratrix in scientia Congruistarum, est scientia media. Fusc hoc prolequitur P. Massoulié Tom. 2. Dissert. 3. de divina gratia q. 6. art. 2.

Dicunt 8. Se negare prorsus voluntarium idem esse ac liberum; non solum eo sensu quo Jansenius illud negavit, nempe quia motus primo primi, licet aliquo sensu voluntarii, non sunt tamen liberi juxta illuminationem;

orem; sed etiam ex eo, quod liberum sit id quod ita volumus, ut simul stet cum actu volendi potentia ad oppositum.

Resp. Arnaldum in Libello inscripto, *Humana libertatis notio delineata*, Cause Arnaldine pag. 100. & 106. pariter distinguere voluntarium a libero; ita tamen ut per potentiam ad oppositum; intelligat dumtaxat exclusionem necessitatis ad unum a natura.

Dicunt 9. Systema Jansenii in eo differre a delectatione superiori qualem Recentiores agnoscunt, quod iuxta Jansenium, voluntas æque certo & infallibiliter determinatur ad malum per superiorem delectationem terrenam, quam ad bonum per caelestem: at illud locum non habet in systemate Recentiorum, qui afferunt hominem, etiam sub dominio ardentioris cupiditatis, aliquod opus moraliter bonum internum exercere.

Verum, fictum plane est discrimen istud. In utroque enim systemate, superior delectatio terrena tam certo, & infallibiliter ad malum, quam caelestis ab bonum determinat. Nisi ita foret, qui fieri posset ut Deus certitudine plane infallibili ac metaphysica, ut ajunt, posset hominem cum sola gratia sufficiente, absente efficaci, nusquam observaturum mandatum? Id quippe certo nosse non potest, nisi quia certissime continget ut superior delectatio minorem superet, ac voluntatem ad agendum seu bene seu male determinet. 2. Possibile non est possibilitate ad actum reducibili, ut dominante delectatione terrena, homo cum sola inferiori gratia sufficiente aliquod opus bonum morale exerceat; quandoquidem voluntas maxima tunc difficultate premitur, ac vera laborat impotentia morali operandi bonum, quæ juxta ipsos nunquam ad actum reducitur. Immo nequidem possibile est ea possibilitate, quæ nusquam ad actum reducatur, ut voluntas ardentiori cupiditate abiecta se ipsam ad aliquod bonum opus morale efficaciter flectat, ac determinet. Absente enim gratia efficaci ac dominante concupiscentia, isti resistere non potest, nec bonum operari, ex vera, propria, & physica impotentia, nempe propter virium depressionem, ac infirmitatem ortam ex peccato: quaesit, ut non magis possit eo in statu operari bonum, quam ex morbo convalescens, exhaustusque viribus, possit longum iter pedibus perficere. An non iste vera, & physica laborat impotentia? Ergo & ille.

Circa quintam Propositionem.

Dicunt Recentiores agnoscere se veram, & sinceram in Deo esse voluntatem pro salute omnium, ac Christum pro omnibus omnino hominibus mortuum fuisse; quod utrumque in suo systemate Jansenius rejicit. *Postquam*, inquit Lib. 3. de Gratia Christi c. 10.

peccata jam ab hominibus inducenda considerantur antecedens voluntas a sola præcisione mentis, adeoque nulla quadam velleitate nihil omnino gratia causante, consistere. Quod ex eo manifestissime patet, quia talem antecedentem voluntatem etiam erga demeritas creaturas, sive hominum sive Angelorum Deus habet. Et c. 21. Illa, inquit, extensio (mortis Christi pro omnibus) tam vaga modernorum Scriptorum, non alio ex capite quam ex ista generali, & indifferenti voluntate Dei erga salutem omnium, & ex illa sufficienti gratia omnibus conferenda preparatione fluxit, quorum utrumque Augustinus, Prosper, Fulgentius, & antiqua Ecclesia velut machinam a Semipelagianis introductam repudiavit.

Verum 1. Systemati Janseniano nullatenus essentiale ac necessarium est negare aliquam esse in Deo antecedentem pro salute omnium voluntatem; ac salvum & integrum stat illud systema, sive negetur sive admittatur hæc Dei voluntas. Hoc unum cum illo necessario connexum est, gratias scilicet parvas, quas Deus omnibus reprobis largiatur, viribus impares ac insufficientes esse relative ad eorum concupiscentiam superandam, adeo ut nullus reprobis salvari possit. Sive autem dicatur voluntas illa Dei antecedens pro salute omnium, beneplaciti, realis & non puræ complacentiæ; sive tantum signi, metaphorica & omnino sterilis, perinde est in systemate Jansenii.

II. Aliis in locis videtur Jansenius temperare, quod durius citato in loco scripsit; & agnoscere voluntatem illam Dei antecedentem non esse plane sterilem & otiosam. Eodem quippe Libro 3. de Gratia Christi capite 17. docet per illam voluntatem Deum paratum esse dare omnibus eam gratiam quam ante peccatum homini innocenti dederat. *Non sufficit, inquit, prior gratia quam ante peccatum Deus homini conferebat, & etiamnum omnibus conferere paratur est, si voluntatem ejus usui sufficientem reperiret.* Porro nonne sufficit, ut voluntas antecedens dicatur activa, quod parata sit omnibus aliqua divinæ gratiæ auxilia impertiri? Ibidem paullo post: *Non est, inquit, illusoria Dei vocatio & admonitio, & increpatio, & correctio... tribuit enim quidam creatura rationali a se condita ad audiendam sequendamque vocem suam necessarium fuit. Capite vero 27. Lib. 2. de Gratia Christi ait: multos divina gratia motibus in voluntate percelli, qui tamen ab ejus interna suasionem & inclinationem dissentiant.* Porro Deus hæc dubie intendit aliqua voluntate illud opus bonum ad quod provocat interna gratiæ suæ suasionem, illa autem voluntas est tantum antecedens, neque tamen omnino sterilis.

Dicere igitur quis posset Jansenium non omnino negasse omnem in Deo pro salute omnium voluntatem aliquo sensu activam? Et certe

cum

cum citatis cap. 10. & 21. Lib. 3. dixit eam antecedentem voluntatem in mera præcisione mentis & nuda velleitate, nihil omnino gratiæ causante tam in hominibus, quam in damnatis Angelis, consistere, intelligi potest de gratia, quæ cum effectu coniungatur, seu quantum ad efficacem, & absolutam salutis affecutionem: quia re ipsa virtute voluntatis hujus antecedentis, non magis salutem assequuntur reprobi in viâ adhuc constituti, quam damnati in inferis reclusi. Neque enim quantum ad concessionem, seu dispensationem aut præparationem gratiæ alicujus, (ut Dionysius Raymundus observat, simulque Paulus Irenæus) voluntas illa eodem plane sensu iners dici potest erga dæmones, aut homines in inferno jam positos, ac erga reprobos in terris adhuc degentes, quibus gratiæ aliquas temporales, immo & aliquibus etiam sanctificantem gratiam largitur, quæ (pergit citatus auctor) cum ex se sit gloriæ semen, recte, in mente Yprensis, ortum habere dicitur ex voluntate Dei antecedente salutis illorum reproborum: quod utrumque dici non potest de damnatis, qui non solum nullam omnino gratiam recipiunt, sed nec capaces sunt ipsius accipiendæ.

III. Sic re ipsa discipuli Magistrum interpretantur, ac disertis verbis profitentur esse in Deo veram, non otiosam ac sterilem, sed æduosam pro salute omnium voluntatem.

Paulus Irenæus Disquis. 6. art. 8. rem totam his verbis dilucide exponit: *Ista voluntas antecedens non eo solum pertinet, ut Deus abstrahendo ab hominis lapsu, salutem omnium, quatenus homines sunt, optare dicatur; sed generatim antecedens Dei voluntas fertur in id quod rectum, quod iustum, quod bonum secundum se est. Ita quia rectum est hominem converti, penitentiam agere, bonitatem Dei non contemnere, gratias ejus non respuere, ad sacramenta accedere: hæc omnia antecedente voluntate censetur Deus velle, licet spectatis singulis circumstantiis, non decreverit singulis efficaces gratias conferre, quibus ad salutem certo perveniunt, sine quibus certo ab salute excludunt. Ergo non eo solum nomine antecedenti voluntate Deus omnium hominum salutem optat, quia omnes creaturas rationales ob beatitudinem fecit: sed etiam quia cum permultas gratias vel internas, vel externas in reprobos effundat, quibus injustum est eos abuti, ipsam aditum ad Ecclesiam suam patere velit, antecedente voluntate velle censetur omnes ad salutem pervenire, quia vellet ipsos obstinatos in malitia non manere. Lege & Dionysium Raymundum 1. parte cap. 6. art. 6.*

Auctores quinque Articulorum art. 5. Veritatis consentaneum est dicere, inquit, Christum pro omnibus hominibus mortuum esse ac

sanguinem fudisse; tum quia antecedenti voluntate salutem omnium voluit; tum quia sufficiens pro omnibus pretium obtulit. Falsum autem est, & hereticum dlicere, Christum pro salute duntaxat prædestinatorum mortuum esse; cum multis reprobis, omnibusque adæa justificatis gratias, tradita a Thomistis notione, sufficientes meruerit, quibus ad salutem pervenire possent; quamvis nemo illis bene utatur, & in accepta justitia perseveret, nisi uberioribus illis, & efficacibus auxiliis adjuvetur.

Non immerito igitur diximus Jansenianum systema id necessario non postulare, ut excludatur omnino Dei antecedens voluntas pro salute omnium: ut enim hæc cum ipso systemate defendi potest, ita etiam & negari. Quapropter, nostro quidem iudicio, non satis elucit Jansenismi nota & suspicio, ex eo præcise, quod quis admittat dictam illam in Deo voluntatem antecedentem; quandoquidem apertissimi Jansenii fautores eam quoque agnoscere se profitentur. Nolim tamen Jansenium ea in parte vindicare; immo eo ipso quod docuit parvas illas gratias, quæ reprobis conceduntur, absolute duntaxat, seu abstracte consideratas, tendere ad eorum salutem, non vero relative ad præsentem eorum dispositiones, id est, majorem concupiscentiam, cui superandæ plane impares, & insufficientes sunt, omnem illam prætensam Dei sinceram voluntatem evertit; ac perinde est ad salutem illorum reproborum, ac si nullatenus Deus vellet eos salvos fieri, nullasque ipsis omnino gratias concederet; quia nullum ex illis, utpote non proportionatis oppositæ cupiditatis gradibus superandis, fructum ac commodum ad salutem referre possunt. Cum enim, juxta Jansenium, voluntas illa Dei antecedens abstrahat ab omnibus particularibus circumstantiis subiecti, consequenter abstrahit a gradibus majoris concupiscentiæ illorum hominum: unde fit quod gratiæ, quas Deus illis decernit, licet ex natura sua & Dei voluntate antecedente, quæ abstrahit a circumstantiis, possint salutem procurare, relative tamen non possunt, quia sunt invalidæ & debiliores, ac gradibus cupiditatis, in quam impingunt, inferiores.

Atque in eo potissimum positus est error quintæ Propositionis, ac Jansenius a doctrina S. Thomæ longius recedit in 1. dist. 46. qu. 1. art. 1. ubi docet, voluntatem antecedentem abstrahere duntaxata dissensu personæ cui gratia conceditur; non vero, ut Jansenio placet, a gradibus vehementioris ipsius concupiscentiæ. Minima enim gratia, in principiis S. Thomæ, superare potest quamcumque concupiscentiam, & vitare quodcumque peccatum mortale.

INSTITUTIONES THEOLOGICÆ AD USUM SEMINARIORUM.

PARS SEPTIMA.

De Deo ultimo fine.

Hanc septimam Institutionum Theologicarum partem duodecim Dissertationes abfolvent quibus ea quæ spectant ad finem ultimum, media, quibus potest comparari, aut quibus creatura rationalis potest ab eo averti, virtutes nimirum & peccata, complectemur.

DISSERTATIO PRIMA.

De ultimo fine in communi.

Not. PHILOSOPHI finem definiunt, id cujus gratia aliquid fit. Dividitur in finem medium, qui nempe subordinatur alteri, seu qui via est quæ ad alium perducit, & in ultimum, qui ad alium non refertur. Ille propter se ipsum non amatur, secus vero iste. De hac posteriori finis specie quæri potest. 1. Utrum homo semper propter eum agat. 2. Utrum duplicem simul & semel sibi proponere possit: 3. Quinam sit ultimus finis objectivus creaturæ rationalis: 4. Quinam sit ultimus finis formalis.

QUÆSTIO PRIMA.

Utrum homo semper agat propter finem ultimum.

Not. 1. **F**inis ultimus duplex est, ultimus nimirum *secundum quid*, & ultimus *simpliciter & absolute*. Ille est ultimus in aliquo negotio particulari, v. g. sanitas respectu sumptionis cibi, medicinæ, advocacionis medici; ideo enim quis sumit cibum, sumit potionem medicam, advocat medicum, ut suæ sanitati consulat. Iste e contra est finis non alicujus tantum negotii particularis, sed totius vitæ, ita ut omnia totius vitæ opera ad illum referantur, ipseque omnibus dominetur.

Not. 2. Homo tribus modis potest agere propter aliquem finem; formaliter nimirum, virtualiter & interpretative. Agit *formaliter* propter finem, quo operans actu de illo cogitat, & explicitum hunc actum elicit: *Volo finem illum*. Agit *virtualiter*, cum operans, actu quidem de illo non cogitat, nec elicit

expressum hunc actum, *Volo finem illum*, sed agit ex vi cogitationis, ex vi actus quo ipsum sibi proposuit. Agit *interpretative*, cum operatur id quod ad eum refertur, sive de eo sine cogitaverit antea, sive non cogitaverit, sive illum sibi expresse proposuerit, sive non proposuerit.

CONCL. 1. Homo semper agit *interpretative* propter finem ultimum simpliciter & absolute.

Probatur. Ultimis finis simpliciter, & absolute, est beatitudo; ad eam enim omnes creaturæ rationalis appetitus referunt; ipsa omnibus illius actibus dominatur: atqui homo semper agit *interpretative* propter beatitudinem: scilicet agere *interpretative* propter finem aliquem, est id operari, quod ad illum finem refertur, sive operans de illo sine antea non cogitaverit actu, sive de illo cogitaverit: sed homo semper id operatur, quod ab beatitudine, aut veram, aut apparentem refertur: unde si interrogetur, propter quid operatus sit, respondebit extemplo, se non aliud in suis actibus voluisse, quam ut beatus esse posset: ergo, &c.

CONCL. 2. Homo non semper agit actu, seu *formaliter*, propter finem ultimum simpliciter & absolute.

Probatur. Ex observatis, agere *formaliter* propter aliquem finem, est de illo actu cogitare, cumque per explicitum aliquem actum desiderare: atqui homo non semper actu cogitat, etiam cum deliberate agit, de fine ultimo simpliciter, & absolute, nec eum semper desiderat per explicitum aliquem actum, ut experientia compertum est: hoc est, quoties deliberate agit, non semper elicit explicitum hunc actum, *Volo finem ultimum simpliciter & absolute*: ergo, &c.

CONCL. 3. Homo in suis actibus deliberatis, hoc est, qui fiunt ex advertentia rationis, semper agit *virtualiter* propter finem ultimum simpliciter & absolute.

Probatur. Ex observatis, agere *virtualiter* propter aliquem finem, est agere ex illius desiderio, quod præcessit: atqui homo in suis actibus deliberatis semper agit ex desiderio finis ultimi simpliciter & absolute: finis enim ille ultimus est beatitudo: sed homo in suis actibus deliberatis semper agit ex beatitudinis desiderio sibi innato, ac proinde quod præcedat actum illius deliberatum. Nempe

pe innatum illud beatitudinis desiderium efficax est & permanens : ergo ex vi illius desiderii homo semper agit, quoties deliberat operatur : nam ut fert Philosophorum axioma, *Primum in unoquoque genere est causa ceterorum* : ergo, &c.

Quæres, utrum homo semper virtualiter agat propter finem ultimum determinate sumptum, an vero sumptum tantum in communi.

Resp. hominem semper virtualiter agere propter finem ultimum determinate sumptum, seu propter objectum, in quo posita est beatitudo, vel vera, vel apparens. Ratio est, quia desiderium beatitudinis est efficax in homine, ut jamjam observatum est : atqui desiderium efficax fertur determinate in objectum, in quo posita est beatitudo, vel vera, vel apparens : siquidem beatitudo in communi sumpta, hoc est, prout abstrahit ab objecto, in quo posita est, non movet voluntatem ; scilicet id tantum movet voluntatem, quod intellectus judicat comparari posse : ergo, cum intellectus judicet, beatitudinem in communi sumpta non posse comparari, beatitudo sic accepta ad sui desiderium efficax voluntatem non movet.

Q U Æ S T I O II.

Utrum homo possit agere propter duos fines ultimos.

Not. **N**emini dubium est, quin homo possit simul & semel agere propter duos fines ultimos *secundum quid* : potest enim iter aliquod suscipere, tum ut suæ sanitati consulat, tum ut exerceat mercatorem. Tota igitur quæstio est de duobus finibus ultimis simpliciter & absolute.

CONCL. Homo non potest simul & semel agere propter duos fines simpliciter ultimos.

Probatur 1. Ut homo agat propter duos fines simpliciter ultimos, debet illos fines desiderare : atqui id non potest ; siquidem tunc tantum homo potest aliquid desiderare, cum illius appetitus non est perfecte satiat : sed per unum finem simpliciter ultimum, hominis appetitus est perfecte expletus & satiat ; siquidem est de ratione finis, simpliciter ultimi, ut appetitum perfecte satiet, & expleat : ergo, &c. 2. Vel homo unum ex illis finibus referret ad alium, vel non referret. Si primum, finis quem ad alium referret, non esset finis ultimus simpliciter : est enim de ratione finis ultimi simpliciter, ut ad alium finem non referatur. Si secundum, finis ille quem homo ultimo sibi proponeret, non esset quoque finis ultimus simpliciter : scilicet est de essentia finis ultimi simpliciter, ut alii omnes ad illum referantur, ipseque aliis omnibus prædominetur : ergo, &c.

Objicies 1. Ethnici in cultu plurium Deorum multos fines simpliciter ultimos sibi proposuerunt : quilibet enim Deus est finis simpliciter ultimus : ergo, &c.

Resp. 1. neg. ant. Ratio est, quia in ea Deorum multitudine gentiles credebant, unum aliis esse superiorem, Jovem nimirum, quem ob id Deorum Patrem appellabant : unde alii non reipsa, sed nomine tantum, Deos esse arbitrabantur.

Resp. 2. argumentum esse de non supponente : nempe supponit, ethnicos habuisse pro fine ultimo simpliciter Deos, quibus tunc adolebant : at id falsum est ; siquidem honorem Diis exhibitum ad seipsos ultimo referebant : ideo quippe serviebant eis, ut per eos, vel voluptatibus, vel divitiis, vel mundana gloria fruerentur.

Objicies 2. Justus qui venialiter peccat, habet duos fines simpliciter ultimos ; siquidem, 1. per suum peccatum finem suum ultimum in creatura constituit ; neque enim eam refert ad Deum, sed illa omnino fruitur : immo nec aliquando hominis justus actio ad Deum referri potest, cum nonnunquam non tantum ex fine operantis, sed etiam ex fine operis, seu ex parte objecti, sit essentialiter mala ; ut videre est in levi mendacio. 2. Justus qui peccat, præter creaturam, habet quoque Deum pro fine ultimo simpliciter ; alioquin enim esset in statu peccati mortalis, cum peccatum mortale in eo positum sit, quod Dei amor in hominis corde non prædominetur : ergo homo potest agere propter duos fines simpliciter ultimos.

Resp. neg. ant. Ad ejus probationem, dist. ant. Justus per suum peccatum constituit in creatura suum finem ultimum secundum quid, seu actionis particularis, quam operatur, conc. ant. finem ultimum simpliciter, seu totius vitæ, neg. ant. Ratio est, quia cum justus leviter peccat, non ita amat creaturam, ut illam anteponat Creatori : paratus enim esset eandem creaturam, quam in peccato suo quærit, deferere, si intelligeret, Deum illius amore graviter offendi.

Nec est, quod quis dicat, finem quem homo justus sibi proponit in peccato veniali, esse simpliciter ultimum, utpote qui ad alium non referatur ; Nam ut aliquis finis sit simpliciter ultimus, satis non est, ut ad alium ab operante non referatur, sed præterea (ut jam observatum est) necesse est, ut finis ille præ aliis omnibus finibus, creaturæ rationalis cordi prædominetur.

Q U Æ S T I O III.

De ultimo fine, tum objectivo, tum formali.

Not. 1. **P**er finem ultimum objectivum intelligitur objectum, seu res in
R 2 qua

qua positus est finis simpliciter ultimus creaturæ rationalis, seu finis qui ita perfecte potest illius appetitum explere, ut in illo perfecte quiescat, nec alterius rei desiderio teneatur.

Not. 1. Nonne finis ultimi formalis intelligitur possessio finis objectivi, seu possessio objecti, quod potest explere creaturæ rationalis appetitum. Non constat inter Theologos, in quo posita sit, seu quid essentialiter includat illa possessio. Nonnullis sita videtur in divinæ substantiæ illapsu in mentem creatam. Thomistæ censent, eam essentialiter positam esse in sola intellectus operatione. Scotistis placeat opinio quæ docet, eam essentialiter complecti duplicem actum, mentis scilicet cognitionem, & voluntatis amorem. Quid nos de duplici illo fine, objectivo & formali sentiamus, subsequenter conclusionibus aperietur.

CONCLUSIO 1. Ultimus finis objectivus creaturæ rationalis est Deus solus.

Probatur. Ille solus est ultimus finis objectivus creaturæ rationalis, qui solus potest explere totum appetitum, quo fertur in verum & bonum: atqui solus Deus potest explere totum appetitum, quo creatura rationalis fertur in verum & bonum: scilicet appetitus ille est in omne verum, in omne bonum; non enim quiescit in vero aliquo particulari, nec in aliquo bono singulari: Sed Deus solus potest explere illum creaturæ rationalis appetitum ad omne verum, ad omne bonum; ipse nimirum solus continet omne bonum; siquidem verum & bonum quæ in creaturis reperiuntur, sunt verum participatum, bonum receptum; ac proinde verum finitum, bonum finitum: ergo, &c.

Præterea bona creata, quibuscumque sint in gradu, specie, numero, fluxu sunt ac labentis naturæ; quod quidem ultimo fini objectivo repugnat; si enim caducum esset bonum, in quo positus est ultimus finis, qui bono illo frueretur, timeret, ne ipsum decideret aliquando, proindeque non expleret omne voluntatis desiderium: voluntas enim summe desiderat perpetuam possessionem boni, in quo sita est voluntatis beatitudo.

Tandem propter eam rationem creaturæ, quantumcumque perfecta supponatur, non potest esse sibi ipsi finis ultimus: cum enim esse non possit sui ipsius principium, semetipsam conservare non potest, proindeque nec ex se ipsa habere esse permanens; quod tamen requiritur in objecto, ut finis, simpliciter ultimi, rationem habeat.

Quæres 1. utrum Deus in se, an vero in creaturis cognoscendus, sit ultimus finis creaturæ rationalis.

Resp. Deum in se, seu possidendum per intuitivam Dei visionem, esse finem simpliciter ultimum creaturæ rationalis. Ratio est, quia cognitio Dei abstractiva, seu cognitio

Dei in suis effectibus, quantumcumque perfecta supponatur, non potest explere appetitum creaturæ, quam Deus ad suam imaginem effinxit; ita nimirum comparata est creatura rationalis, ut visis effectibus, causæ ipsius, ut in se est, cognitionem desideret.

Quæres 2. an Trinitas personarum sit de essentia ultimi finis objectivi: seu utrum Deus, non tantum prout est Unus in natura, sed etiam prout est Trinus in personis, sit objectum, in quo ratio finis ultimi essentialiter posita est.

Resp. contra Scotistas, Trinitatem Personarum Divinarum esse de essentia ultimi finis objectivi. Ratio est 1. quia existentia Essentiæ Divinæ in tribus Personis pertinet ad Deum, ut in se est: at Deus prout est in se, seu a parte rei, est objectum, in quo posita est ultimi finis ratio. 2. Cognita sola Dei essentia, intellectus creatus desideraret cognoscere modum, quo subsistit, ac proinde, cognita tantum essentia, appetitus intellectus perfecte expletus non esset.

CONCLUSIO 2. Finis ultimus formalis non est positus in illapsu substantiæ divinæ in mentem creatam.

Probatur. Explicari non potest, quid sit illapsus ille. Vel enim est substantiæ divinæ indistantia a mente creata, vel aliqua in eam illius operatio: atqui neutrum dici potest. Non primum: quamvis enim illa divina substantiæ indistantia in demonibus locum habeat, cum Deus, a quo conservantur, illis sit intime præsens; non efficit tamen, ut possideant objectum illud, in quo sita est ultimi finis ratio. Nec secundum dici potest. Siquidem illa Dei in mentem creatam operatio nihil potest efficere in substantia spiritali, quam aliquam illius modificationem: atqui in substantia spiritali, præter justificationem non concipitur, quod alia modificatio fieri possit, quam per immanentes illius actus, cognitionem nimirum & amorem: ergo finis ultimus formalis non est positus in illapsu divinæ substantiæ in substantiam spiritualem creatam.

CONCLUSIO 3. Finis ultimus formalis positus est in actu, seu operatione creaturæ rationalis.

Probatur. Finis ultimus formalis positus est in eo, per quod creatura rationalis fruitur objecto in quo beatitudo consistit: atqui id per quod creatura rationalis fruitur objecto, in quo beatitudo consistit, est operatio ejusdem creaturæ rationalis: fruitio enim est essentialiter fruētis actio; est enim in hæsiō rei possessoris: in hæsiō autem illa, est operatio possidentis: ergo, &c.

CONCLUSIO 4. Operatio intellectus, seu cognitio objecti, in quo sita est beatitudo, requiritur quidem ad illius possessionem, seu ad ultimum finem formalem: sed

latis

fatis non est, si operatio voluntatis, seu si amor illum non comitetur.

Probatur prima pars. Operatio, per quam Scriptura exprimit possessionem ultimi finis objectivi, concurrat ad illum possessionem: atqui Scriptura possessionem ultimi finis objectivi, Dei nimirum, exprimit per operationem intellectus, seu per cognitionem, ut probant hæc verba 1. Joannis 3, *Videbitur, hoc est, cognoscemus, cum finis est*; nec non hæc alia 1. ad Corinth. 13, *Videbitur facie ad faciem*. Quod & Christus ipse non obscure innuit in oratione quam paullo ante mortem ad Patrem habuit; *Hæc est* (inquit) *vita æterna, ut cognoscant te solum Deum verum*.

Probatur altera conclusæ pars. Sine amore creatura rationalis non fruitur summo bono: nam vera est hæc Augustini sententia libr. 1. de Doctrina Christiana, cap. 4, *Frui, est amore alicui rei inherere propter ipsam*: ergo quantumcumque substantia spiritualis Deum, finem ultimum, cognoscit, si illum non amat, eo non fruitur: ergo, &c.

Confirmatur argumentum. Quamvis intuitiva Dei cognitio præsupponatur amor, quo creatura suo Creatori humiliter inhaeret, ex se tamen non habet cum illo amore connexionem necessariam; eo quod (inquiunt Scotistæ) absolute loquendo, potest videri Deus absque quod ametur: Idque (addunt) re ipsa contingeret, si Deus seipsum conspectui damnatorum objiceret: nimirum damnati (ut supponitur) carerent auxilio supernaturali ad amorem, iis etiam qui Deum clare vident, necessario.

Nec est quod quis cum aliquibus Thomistis dicat, creaturam quæ clare Deum videt, non posse eum odire, cum nullam in eo rationem mali percipiat; quæ tamen mali alicujus, saltem speciei, necessaria est, ut quis objectum aliquod oderit: neque enim voluntas ferri potest in malum sub ratione mali. Non est (inquam) quod quis sic ratiocinetur. Nam in casu, de quo est questio, damnati Deum in seipsos inatum, & faventem experirentur; proindeque in damnatis circa Deum remaneret indifferentia iudicii; quippe qui malum in Deo, non absolute quidem, sed respectu, apprehenderent, hoc est, iudicarent, Dei in seipsos favitiam habere speciem mali; ac proinde illum sub ea ratione consideratum odire possent.

Objicies 1. Scriptura ipsa, & passim antiqui Patres, cum loquuntur de ultimo fine formali, hoc est, de actu quo Deus possidetur, ipsam expriment per operationem intellectus, adjungunt Deum possideri ab iis, a quibus intuitive videtur: ergo ultimus finis formalis positus est in sola operatione intellectus.

Resp. conc. ant. dist. consequ. Ergo ultimus finis.

Juven. Inst. Theol. Tom. III.

finis formalis, inadæquate sumptus, positus est in operatione intellectus conc. consequ. inadæquate hoc est, secundum totam suam essentiam sumptus, neg. consequ. Cum res aliqua duabus partibus æque essentialibus, & æque specificis constet, solet exprimi modo per unam, modo vero per aliam; ac præsertim per eam, quæ (ut cognitio amorem) secundum nostrum concipiendi modum, præcedit aliam.

Objicies 2. Qui Deum clare videt, non potest non esse perfecte beatus, etiam si in illo instanti natura supponatur, quod Deum nondum diligit: ergo ultimum finem objectivum possidet, saltem possessione essentiali; ac proinde amor ad essentialem ultimi finis possessionem non requiritur.

Resp. neg. ant. Repugnat enim Augustino, qui in libro de Moribus Ecclesiæ, c. 3. sic loquitur: *Beatus, quantum existimo, neque ille dici potest, qui non habet quod amat, qualemque sit; neque qui habet quod amat, si noxium sit; neque qui non amat quod habet, etiam si optimum sit. Nam & qui appetit quod adipisci non potest, cruciatur, & qui adeptus est quod appetendum non est, fallitur; & qui non appetit quod appetendum esset, ægrotat.*

Objicies 3. Possessio Dei posita est solum in operatione, quæ in creatura rationali perfectior est aliis: atqui operatio intellectus, seu cognitio, est in creatura rationali operatio perfectior aliis, ipso etiam amore. Nam 1. cognitio est amore prior: ignoti quippe non est cupido: 2. Modo perfectiore circa suum objectum versatur: objectum scilicet ad seipsam trahit per objecti species seu ideas quas efformat; cum e contra amor ad suum objectum excurrat, ac veluti exeat ex ipsa substantia creata, ut exterius ad objectum amatum tendat, juxta tritum illud axioma: *Anima magis est ubi amat, quam ubi animatur*. Ergo ultimus finis formalis in sola cognitione essentialiter positus est.

Resp. 1. Scotistas negare min. Resp. 2. dist. maj. Possessio Dei posita est solum in operatione ceteris perfectiore, si illa operatio habeat connexionem necessariam cum aliis operationibus ad completam & integram beatitudinem spectantibus, conc. maj. non habet necessariam illam connexionem, neg. maj. Quamvis detur operationem intellectus esse physice perfectiorem operatione voluntatis; inde tamen non sequitur, quod in sola operatione intellectus (ut jam observatum est) essentialis Dei possessio posita sit; neque enim (ut Scotistæ docent) operatio intellectus necessariam habet connexionem cum aliis creaturæ rationalis operationibus, quæ ad beatitudinem, saltem integram, concurrunt.

Quæres, quænam tum animæ, tum corporis dotes futuræ sint iis, qui sine simpliciter ultimo in calis fruituri sunt.

R. 3.

Resp.

Resp. 1. ex parte corporis futuram 1. impassibilitatem, juxta hæc Apoc. 7. *Non esurient, neque sitient amplius*: 2. Agilitatem: *Seminatur corpus animale* (inquit Apostolus). *surgit spiritale*: 3. Subtilitatem; cujus quidem subtilitatis imago visa est in Christi post resurrectionem corpore: exiit nimirum e tumulo, non resecato lapide, qui ad illius ossium positus fuerat.

Resp. 2. ex parte animæ futuram 1. pacem: cum enim plane explendus sit Beatorum appetitus, nullis omnino desideriis cruciabuntur: 2. Aderit ingens gaudium, quod ex Dei visione & amore resultabit, juxta illud Scripturæ: *Torrente voluptatis tue potabis eos*. Nec mirum, fieri siquidem non potest, ut mens quæ possidet quod summe diligit, quæque certa est se rem illam nusquam amissuram esse, maxima lætitia non afficiatur: 3. Beati donabuntur impeccabilitate, quæ ex duobus illis actibus, cognitione intuitiva, & amore ardentissimo profluet: *A delectatione peccandi* (inquit Aug. lib. 12. de Civ. Dei, c. 3.) *usque ad delectationem non peccandi. indeclinabilem, Beatus liberabitur*.

DISSERTATIO SECUNDA.

De Actibus humanis in genere.

HIC ideo differimus de humanis actibus, quod sint media, quibus Dei, creaturæ rationalis ultimi finis, possessio comparari potest. Quæ vero ad eos spectant, ad quatuor quæstiones reducemus, in quibus eorum Essentialiam, Moralitatem, & Regulas exponemus.

Q U Æ S T I O. I.

De Essentia Actuum humanorum.

Not. 1. **A**CTUUM humanorum essentiam completitur hæc illorum definitio: *Actus humani sunt ii, qui a voluntate cum advertentia rationis procedunt*. Et in hoc differunt ab actibus quos vocant *actus hominis tantum*: ad illos nimirum ratio nec actu, nec virtualiter attendit.

Not. 2. In actibus qui dicuntur *hominis tantum*, voluntarium non invenitur: e contra est actuum, qui vocantur *humanis*, constitutivum essentiale: De voluntario igitur necesse est, ut hic disputemus, & quæramus 1. Quid sit voluntarium, & quot modis resaliqua possit esse voluntaria: 2. Quanam minuant, augeant, aut tollant voluntarium: 3. Quanam sint species actus voluntarii.

C A P U T I.

Quid sit voluntarium, & quot modis res possit esse voluntaria.

CONCL. 1. **V**oluntarium recte definitur, *Actus qui est a principio intrinseco, & ex advertentia saltem virtuali rationis*.

Probat. Allata definitio convenit 1. omni voluntario, sive sit necessarium, ut amor Dei in Beatis, sive sit contingens, ut idem Dei amor in viatoribus. In quocumque enim ex his duobus statibus consideretur, est a principio intrinseco, voluntate nimirum, & ex advertentia rationis: scilicet & Beati & Viatores Deum actu non diligunt, nisi ex advertentia rationis: seu utrique volunt Deum diligere, & advertunt se illum diligere: 2. Convenit *se* voluntario; per hæc enim definitionis verba, *A principio intrinseco*, a ratione voluntarii excluduntur violentum & artificiale, quorum principia sunt extrinseca. Tandem per hæc alia, *Ex advertentia rationis*, excluduntur omnes motus, qui rationem præveniunt, ut sunt in viris, etiam maxime piis, nonnulla peccati inefficacia desideria, quæ modo peccati velleitates, modo motus primo primi vocantur. Excluduntur pariter brutorum operationes: quæ quidem, aut fiunt sine ulla prorsus cogitatione, in eorum nempe Philosophorum sententia, qui putant, bruta esse mera automata; vel saltem absque advertentia & reflexione, seu, ut vocant, cognitione finis sub ratione finis, seu finis qui ad mediorum, prout media sunt, electionem moveat.

Obijcies. Omissio nonnunquam est voluntaria, cum aliquando sit virtus, ut patet in eo, qui fidem coram tyranno negat; & aliquando peccatum, ut in eo videre est, qui die festo seipsum præsentem non sistit tremendo Missæ sacrificio: atqui omissio non est a principio intrinseco; neque enim est actus aliquis, sed e contra est privatio cujuslibet actus: ergo non est essentiale voluntario, ut sit a principio intrinseco.

Resp. conc. maj. dist. min. Omissio non est a principio intrinseco, a quo eliciatur, conc. min. cum enim sit privatio actus, non indiget principio, a quo eliciatur: non est a principio a quo imperetur, neg. min. Omissio voluntaria semper sequitur ex aliquo actu qui sit illius causa, & a quo imperetur, unde ratione actus a quo est, tanquam a causa imperante, est voluntaria. Si qui Sacrum die festo non audit, non exercet quidem actum, quo Sacrum auditur: & ideo non exercet, vel quod actum hunc explicitum eliceret, *Nolo audire Sacrum*; vel quod ludam, aut rem aliam impossibilem cum Sacro elegit; vel denique quod per neglig-

gatur

gentiam, saltem implicite volitam, oblitus fuerit temporis, quo Sacrum celebratur.

CONCL. 2. Duobus modis, directe nimirum, vel indirecte, aliquid potest esse voluntarium.

Probat, ac simul explicatur conclusio. Res vel est voluntaria in se & immediate, vel in causa, ex qua secundum prudentiam estimationem sequitur. Si priore modo, est voluntaria directe: si posteriore, est voluntaria indirecte & mediate. Illa autem causa, vel est positiva, vel negativa. Si primum, res est indirecte voluntaria in causa positiva. Sic pollutio quam quis patitur ex eo quod libere pravis cogitationibus immoretur, est voluntaria in causa positiva. Si secundum, res dicitur indirecte voluntaria in causa negativa, seu in actu quo, vel implicite, vel explicite, electa est non ablatio causae, ex qua secutus est effectus: huius voluntarii specie, voluntaria est mors infantis respectu hominis illius, qui venenum ex ejusdem infantis manibus non eripuit. Ergo duobus modis, directe nimirum & indirecte, aliquid potest esse voluntarium.

Quæres, quam conditiones requirantur, ut effectus qui sequitur ex aliqua causa, si-ve positiva, si-ve negativa, sit non solum physice, sed etiam moraliter voluntarius; hoc est, ut aut ad demeritum, aut ad meritum impetetur.

Resp. tres requiri 1. Ut operans advertat, vel advertere potuerit, ex causa positiva, aut negativa effectum illum secuturum esse: huius conditionis defectu reus non est, qui debita cum cautione catapultam explosens, invitatus seipsum occidit: 2. Ut effectum illum impedire potuerit auferendo, aut non ponendo causam: sic reus est, qui obscenam tabellam, quæ est occasio pravarum cogitationum, aut retinet apud se, aut vendit alteri: 3. Ut causam ex qua sequitur effectus, teneatur aut auferre, aut non ponere. Defectu tertie huius conditionis non peccat Parochus, qui, excipiens mulierum confessiones, & debita cum prudentia se gerens in interrogatis, invitatus pravas cogitationes & obscenos motus patitur.

CAPUT II.

De iis quæ minuunt, augent, aut tollunt voluntarium.

Not. **Q**uestio potest esse de concupiscentia, de ignorantia, de metu: hic expendendum est, quid concupiscentia, ignorantia, & metus ad voluntarium conferant.

CONCLUSIO 1. Concupiscentia ex una parte auget voluntarium, & minuit ex altera.

Probat. Voluntarium duo dicit, nimirum

ex parte voluntatis dicit propensionem ad actum, aut ad illius omissionem, & ex parte intellectus, dicit cogitationem saltem virtutalem finis, ad quem actus tendit, & circumstantiarum, quæ illum comitantur: atqui concupiscentia auget voluntarium consideratum secundum propensionem voluntatis in actum; quo enim maiore concupiscentia objectum aliquod desideratur, eo cum maiori propensione voluntas ad illud objectum fertur: Minuit e contra voluntarium consideratum ex parte intellectus, quia concupiscentia, cum in malum est, excaecat intellectum: iste enim plerumque iudicat, prout affecta est voluntas: ergo concupiscentia auget ex una parte voluntarium, & minuit ex altera. Verum cum propensio voluntatis in objectum, seu illius volitio ex advertentia rationis, sit id quod principem locum tenet in voluntario, sequitur dicendum esse, concupiscentiam simpliciter & absolute augere voluntarium.

Obijcies. Quod non minuit peccatum, non minuit voluntarium: atqui concupiscentia non minuit peccatum; alioquin enim dicendum esset, eos qui mortaliter peccant ex consuetudine, minus esse reos, quam sint ii qui una vice tantum in peccatum labuntur: quod est absurdum.

Resp. neg. maj. Siquidem peccatum præcipue petitur ex inordinato amore, quo voluntas aliquod objectum prosequitur; ac proinde, cum amor ille inordinatus sit intensior in homine, qui cum vehementiori concupiscentia fertur in objectum vetitum, aut omittit præceptum, sequitur necessario, peccatum hominis illius esse gravius peccato, cuius fit reus alius homo, qui cum minore concupiscentia peccat. Nec obstat, quod homo ille præ vehementiore concupiscentia qua ardet, non ita, ac alius, attendat ad malitiam sui operis: Nam 1. ea attentionis debita privatio, pœna est ardoris illius, quo quis in actum lege prohibitum fertur, ac præsertim in impiis qui mortaliter peccant ex consuetudine, nimirum per plures præcedentes actus: ergo voluntarie inciderunt in pravum peccandi habitum. Hinc est, quod peccatum ex consuetudine perpetratum, sit gravius eo quod semel tantum perpetratum fuit: sequitur, reum in sacramento Pœnitentiæ teneti declarare peccati sui consuetudinem. Contrarium in hac propositione asseruerant nonnulli: *Non tenemur Confessario interroganti fateri peccati alicujus consuetudinem*; sed Clerus Gallicanus ad Comitata Generalia anno 1700. coactus, hac censura propositionem illam, cum alia de dimidiata tantum contentibus, notavit: *Doctrina his propositionibus contenta, falsa est, temeraria, in errorem inducit, sacrilegiis favet, Christianæ simplicitati, ministrorum Christi iurisdictioni potestati, confessionis integritati, atque ipsius sacramenti*

R 4

in-

institutioni ac fini derogat. 2. Falsum est, quod ut quis peccet, necesse sit, ut actu attendat ad malitiam sui operis, aut ut actu eam cognoscat: Scilicet idem Clerus Gallicanus in iisdem Comitibus anni 1700. hocce de illa propositione: Si peccatores consummata malitia, cum blasphemant, & flagitiis se immergunt, non habent conscientia stimulos, nec mali quod agunt notitiam, cum omnibus theologis propugno, eos hisce actionibus non peccare: hoc (inquam) tulit iudicium: Hac propositio falsa est, temeraria, perniciofa, bonos mores corrumpit, blasphemat, aliaque peccata excusat, & ut talis a Clero Gallicano (in Comitibus generalibus anni 1641. die 12. Aprilis) jam damnata est.

CONCL. 2. Ignorantia antecedens tollit voluntarium; consequens minuit; concomitans nihil aut augendo, aut minuendo, ad illud confert.

Probatur prima pars. Ignorantia antecedens est illa, quæ non solum antecedit actum, sed & cui voluntas nullum omnino dedit locum, nec directe, nec indirecte; ac proinde quæ est omnino involuntaria tum in se, tum in causa: atqui ignorantia huiusmodi tollit omnino voluntarium ab actu, cuius est causa; actus enim ille est omnino contra voluntatis inclinationem, non actualem tantum & virtualem, sed etiam interpretativam, ut patet in filio, qui carissimum patrem occidit, existimans post adhibitam debitam diligentiam, objectum in quod catapultam explodit, esse feram: occisio nimirum illa patris nullo modo est voluntaria aut in se, aut in causa.

Objicies. Fornicatio quam quis nescit esse prohibitam, est peccatum, etiamsi fiat ex ignorantia antecedente: ergo est voluntaria, cum sit de ratione peccati, ut sit voluntarium, proindeque antecedens ignorantia non tollit omnino voluntarium.

Resp. argumentum esse de non supponente. Scilicet falsum est, fornicationem fieri posse ex ignorantia antecedente. Ratio est, quia ignorantia antecedens non ea est tantum quæ actum præcedit, sed cui præterea operans nullum omnino locum dedit, quamque superare non potest: at ignorantia de prohibitione fornicationis, non est huiusmodi; est enim in iis, quibus reperitur, poena præcedentis peccati: jugiter enim Deus spargit formales cecitates super illicitas cupiditates. Præterea ignorantia illa vinci potest, saltem cum auxilio gratiæ ordinariæ: ac per consequens nusquam reddit actum etiam quoad malitiam, omnino involuntarium.

Probatur altera conclusionis pars. Ignorantia consequens est ea, quam voluntas vult, non directe quidem, sed indirecte; non adhibendo nimirum debitam diligentiam qua superaretur: atqui illa ignorantia mi-

nuat voluntarium; efficit enim, ut actus cuius est causa, sit contra inefficacem sibi voluntatis inclinationem, ut videre est in eo, qui amicum interficit latitantem in vepribus, existimans (sed vincibiliter) esse cervum.

Probatur tertia pars. Ignorantia quæ nec est antecedens, nec consequens, sed quæ mere actum aliquem comitatur, nullo modo est illius causa, nulla ratione in illum influit; sed illius respectu impertinenter se habet: atqui ignorantia quæ huiusmodi est, nec minuit, nec auget voluntarium; neque enim voluntarium augetur aut minuitur, nisi a causa quæ in actum influat. Sic ignorantia hominis qui vehementer exoptans inimici mortem, illum occidit, putans, sed sine ulla culpa, esse feram, nullo modo in occisionem illam influit; ac proinde actum physicum, quo inimicus occisus est, nec voluntarium, nec involuntarium reddidit; quamvis tamen occisor ex eo capite postea peccet, quod advertens eadem inimici, de ea per ignorantiam concomitantem perpetrata lateatur.

CONCLUSIO 3. Metus cadens in constantem virum, minuit quidem voluntarium, sed non tollit.

Probatur prima pars. Illud minuit voluntarium, quod minuit inclinationem & propensionem voluntatis: atqui metus cadens in constantem virum, eam minuit; quæ enim sunt ex metu cadente in constantem virum, sunt repugnante, saltem inefficaciter, voluntate, ut patet in mercatore, qui tempestate gravi sæviante, pretiosas merces in mare projicit, ut onere navim liberet, suæque vitæ consulat; revera enim vellet eas servare, si absque propriæ vitæ periculo eas conservare posset; unde implicite huncce actum elicit: Vellem servare merces magno labore conquistatas, nisi ex earum conservatione præsens navi naufragium immineret: ergo, &c.

Probatur altera pars. Illud non omnino tollit voluntarium, quod nec ex parte mentis tollit cognitionem, nec electionem ex parte voluntatis: atqui metus qui cadit in constantem virum, nec ex parte mentis omnino tollit cognitionem, ut supponitur; nec electionem ex parte voluntatis; siquidem mercator qui sæviante tempestate, merces suas metu mortis projicit in mare, cognoscit & pretium suarum mercium, & vitæ periculum in quo versatur, & actionem ipsam, projectionem scilicet mercium; & præterea vult & eligit vitæ suæ conservationem præ mercium suarum pretio & conservatione: ergo, &c.

Objicies 1. Recepta est apud Patres & S. Thomam sententia, ea quæ sunt ex metu, voluntarie non fieri, sed involuntarie: unde concludunt, eum qui solo poenæ metu mandata servat, ea re ipsa & vere non servare: ergo supponunt metum qui cadit in virum constantem, tollere omnino voluntarium.

Resp.

Resp. dist. ant. Recepta est apud Patres sententia, ea quæ sunt ex metu, esse involuntaria secundum quid, conc. ant. esse involuntaria simpliciter & absolute, neg. antec. Mercator v. g. qui, cum imminet tempestas, merces suas projicit, habet quidem voluntatem eas conservandi, sed illa voluntas est inefficax eo quod adsit efficax voluntas contraria vitæ conservanda, quæ quidem efficax voluntas non sit cum mercurii conservatione; unde projectio illa est involuntaria *secundum quid*; at e contra voluntaria est *simpliciter & absolute*: sit nimirum ex deliberatione, prævio rationis judicio, aut saltem quod adesse potuit & debuit, & ex efficaci voluntate qua mercator vult seipsum a morte incolumem servare.

Nec obstat laudata ex Patribus sententia, qua asserunt, cum qui solo metu poenæ præcepta servat, reipsa ea non servare: intelligitur enim non de ipsa substantia præceptorum, sed de modo, quo servari debent, hoc est, de caritate, ex cujus motivo, generali lege homines in omnibus operibus suis jubentur propter Dei gloriam agere, ad eamque referre omnia opera, quæ ex deliberatione agunt, juxta illud Apostoli: *Omnia in gloriam Dei facite*.

Objicies 2. Qui ex metu mortis præcepta tum juris naturalis, tum positivi, sive divini, sive humani, quibusdam in circumstantiis non servat, excusatur a peccato: sic qui metu presentis mortis parentibus non subvenit, reus non est: sic etiam qui ut vitæ suæ consulat, sabbati legem non observat, immunis est a peccato: atqui non ob aliud id accidit, quam quod eorum officiorum omisio, imminente metu mortis, non sit simpliciter & absolute voluntaria: ergo metus cadens in virum constantem, voluntarium omnino tollit.

Resp. conc. maj. neg. min. Ratio est, quia, quod quis in casibus, de quibus argumentum, non peccet, non oritur ex defectu voluntarii, aut sufficientis consensus, cum ille idem consensus satis sit ad peccandum in iis qui negativa Decalogi præcepta metu mortis infringunt, ut patet in eo qui metu mortis falsum fert testimonium, aut pejerat, aut coram tyrannis negat Christi fidem: Sed oritur ex eo, quod præcepta affirmativa juris naturalis, seu quæ actum aliquem præcipiunt, non obligent pro quovis tempore, & quavis in circumstantia; nec mens fuerit Dei aut hominum, sub tanto periculo cogere ad observationem præceptorum affirmantium: nisi tamen eorundem præceptorum omisio vergat in Religionis aut Fidei contemptum, aut in commune detrimentum Reipublicæ; aut in proximi scandalum; iis enim casibus omisio actuum, qui præceptis affirmativis jubentur, ipso jure naturali prohibita est.

CAPUT III.

De variis voluntarii speciebus.

Not. 1. Certum est, duas esse voluntarii species. Nempe aliud est voluntarium necessarium, aliud voluntarium contingens. Nec mirum: nam ex actibus qui a voluntate cum advertentia rationis procedunt, nonnulli sunt, qui ab ea non possunt non procedere, alii vero possunt. Prioris generis est amor beatitudinis in communi; posterioris vero est viatorum amor in objectum, in quo beatitudo vel vera, vel apparens posita est. Ad prius voluntarii genus reducuntur operationes ad extra.

Not. 2. Certum est quoque, voluntarium quod est necessarium necessitate naturali, id est, quod omne rationis judicium prævenit (ut sunt quidam concupiscentiæ motus, qui ex inclinatione quidem corruptæ per peccatum voluntatis sunt, sed absque aliqua rationis advertentia) non esse liberum, seu hujusmodi voluntario necessario libertatem non convenire. Nam id expresse docet S. Thomas, q. 6. art. 9. de malo, ubi sic loquitur: *Quidam posuerunt, quod voluntas hominis ex necessitate movetur ad aliquid agendum; nec tamen ponebant, quod voluntas cogeretur: non enim omne necessarium est violentum, sed solum id, cujus principium est extra: unde & motus naturales inveniuntur aliqui necessarii, non tamen violenti. &c.* Hæc autem opinio est hæretica: tollit enim rationem meriti & demeriti in humanis actibus. Non enim videtur esse meritum vel demeritum, quod aliquis sit ex necessitate agat, quod vitare non possit. 2. Idem patet ex Pio Papa V. Gregorio XIII. & Urbano VIII. qui has, quæ Bajo tribuuntur, propositiones damnaverunt: *Quod voluntarie sit, est necessitate fiat, libere tamen sit. Sola violentia repugnat libertati hominis naturali. Motus pravi concupiscentiæ sunt pro statu hominis vitati, prohibiti præcepto, Non concupisces. Unde homo eos sentiens, & non consentiens, transgreditur præceptum, Non concupisces; quamvis transgressio in peccatum non imputetur.*

Not. 3. Ex constitutione Innocentii X. contra quinque famosas propositiones inferitur, voluntarium necessarium, etiam deliberatum, etiam supponens rationis advertentiam, satis non esse ad merendum aut demerendum in statu naturæ lapsæ; hæretica nimirum est hæc propositio, quæ in laudata constitutione reperitur: *Ad merendum vel demerendum in statu naturæ lapsæ, non requiritur in homine libertas a necessitate, sed sufficit immunitas a coactione.*

Not. 4.

Not. 4. De iis, quæ hucusque dicta sunt, conveniunt Theologi; sed gravis est inter eos controversia, utrum, concessio, quod voluntarium necessarium, etiam deliberatum, & rationis usum non præveniens, satis non sit ad merendum aut demerendum in statu naturæ lapsæ, sufficiat tamen ad constituendum, non quidem statum libertatis, hoc est, libertatem hominis viatoris; sed illius essentiam, prout nimirum libertas communis est Deo, Beatis, & Viatoribus.

ARTICULUS I.

Utrum indifferentia sit de essentia libertatis.

Not. **C**irca eam quæstionem duplex est Theologorum Scholasticorum sententia: Prima, quam Lovanienses in suis thesibus passim propugnant, quamque Thomassinus noster in suo tract. de Incarn. defendit, docet, voluntarium necessarium, modo non præveniat usum rationis, modo sit deliberatum, satis esse ad constituendam libertatis essentiam: hoc est, docent illi theologi, ad libertatis essentiam aliud non requiri, quam ut voluntas aliquid ex advertentia rationis, & ex deliberatione velit, quamvis non possit non velle. Hinc vero concludunt, 1. Deum etiam quoad operationes ad intra, generationem nimirum Verbi, productionem Spiritus Sancti, suorum attributorum amorem, esse vere liberum. Concludunt 2. hominem viatorem esse quoque liberum libertate essentiali ad amorem boni in communi, ad beatitudinem in genere sumptam.

Alii e contra Theologi contendunt, voluntarium necessarium, quamvis deliberatum, quamvis per reflexionem elicitedum, quamvis rationis advertentiam præsupponat, satis non esse ad constituendam libertatis essentiam: sed præterea requiri indifferentiam, hoc est, potentiam agendi & non agendi. Illi vero Theologi, qui ad libertatis essentiam indifferentiam aliquam requirunt, non conveniunt inter se, an satis sit indifferentia contradictionis, hoc est, positio actus cum potestate ad eum non ponendum, an vero requiratur indifferentia contrarietatis, *servato ordine finis*; id est, utrum ad libertatis essentiam non tantum requiratur potentia ad omittendum actum qui ponitur; sed etiam utrum requiratur potentia ad ponendum contrarium, *servato ordine finis*, seu ad ponendum actum contrarium qui ad ultimum finem referri possit.

CONCLUSIO. Non tantum ad merendum aut demerendum in statu naturæ lapsæ, sed etiam ad libertatis essentiam, vera aliqua indifferentia requiritur.

Probatur 1. Ad id requiritur aliqua in-

differentia, ad quod requiritur electio: nam electio non est circa necessaria; sed tantum circa ea, quæ assumi possunt aut omitti: Cum electio (inquit S. Thomas 1. 2. q. 13. art. 2.) sit præceptio unius respectu alterius, necesse est, quod electio sit respectu plurimum, quæ eligi possunt: & ideo in his quæ sunt determinata ad unum, electio locum non habet: Atqui electio est de essentia libertatis. Nam 1. idea quæ audito hoc nomine, libertas, statim se offert menti, est electio. 2. Libertas definitur a Sancto Thoma 1. p. qu. 61. art. 8. *Vis electioa medierum, servato, non prætermissa, ordine finis.*

Probatur 2. Id ad libertatis essentiam requiritur, ratione cuius voluntas habet dominium in suos actus: unde cum Genesis 4. Scriptura libertatis ideam tradit, meminit ejusdem domini: *Subter te erit appetitus tuus, & tu dominaberis illius.* Ejus quoque meminit Apostolus 1. ad Cor. 7. *Non habens necessitatem, potestatem autem habens sua voluntatis:* atqui voluntas ratione indifferentiæ, seu potestatis agendi, aut non agendi, habet dominium in suos actus. Nam 1. ita censet S. Thomas lib. 1. contra Gentes, cap. 68. ubi sic loquitur: *Dominium quod habet voluntas supra suos actus, per quod in ejus potestate est velle vel non velle, excludit determinationem virtutis ad unum, & violentiam causæ exterioris agentis.* 2. Tantum abest, ut voluntas dominium habeat in actum; ad quem non est indifferens, seu quem non potest non velle, quin e contra actus ille dominetur voluntati, ut patet in amore beatitudinis in communi, qui quidem ita voluntati dominatur, ut cum intellectus de beatitudine cogitat, voluntas ita illi amoris subjicitur, ut ab eo temperare non possit.

Probatur 3. Id requiritur ad essentiam libertatis, quod requiritur, ut intellectus deliberet: deliberatio enim, saltem virtualis, necessaria est ad libertatem: ideo enim actus, quos vocant actus hominis, non sunt liberi, quod ex deliberatione non procedant: atqui ad deliberationem requiritur indifferentia, seu potestas non agendi: scilicet 1. nemo deliberatione utitur in iis rebus quas non potest omittere: sic nemo deliberat, an velit esse beatus, quia homo non potest non velle esse beatus. 2. S. Thomas 1. 2. qu. 13. art. 2. ad 2. expresse asserit, rationem in iis tantum deliberare, ad quæ voluntas indifferens est, hoc est, quæ a voluntate omitti possunt. Ex hoc (inquit) contingit, quod homo est dominus sui actus, quod habet deliberationem de suis actibus: ex hoc enim quædam ratio deliberans se habet ad opposita, voluntas in utrumque potest.

Probatur 4. ex absurdis. 1. Si libertatis essentia staret sine indifferentia, Deus, quantumvis vellet, non posset efficere, ne actus

actus a voluntate elicitus ex advertentia rationis, esset liber; siquidem non posset id efficere per coactionem: nempe voluntas in actibus elicitis cogi minime potest, cum invita velle non possit: alioquin illius volitio esset volitio, & non esset volitio; quod est absurdum. Non posset quoque id efficere auferendo iudicii indifferentiam, hoc est, impediendo, ne intellectus perciperet in voluntatis actu rationem, sub qua a voluntate actus ille posset non amari: quia ex adversariis, illa iudicii indifferentia libertati non præsupponitur, cum velint voluntatem esse liberam ad eliciendum actum amoris beatitudinis in communi, circa quem amorem non est in intellectu indifferentia iudicii. Atqui absurdum dictum videtur DEUM non posse efficere, ne actus a voluntate elicitus ex advertentia rationis, non sit liber; siquidem in hominum voluntates supremum habet dominium; ergo, &c. 2. SS. Patres, & in primis Augustinus, sapius affirmant: concordiam libertatis cum efficacia gratiæ esse difficillimam, obscurissimam, & a paucissimis intellectam: atqui id falsum esset in adversariorum sententia; siquidem facile concipi potest stare cum efficacia gratiæ actum necessario elicitum a voluntate ex rationis advertentia, hoc est, actum, quem voluntas ita elicit, ut eum non possit non elicere; neque enim gratia efficax, cum in suavi & victrici delectatione posita est, voluntatem cogit, aut tollit rationis advertentiam; ergo &c.

Solvuntur argumenta ex Augustino petita.

Objicies. Datur actus vere liber, quamvis voluntas ad eum non sit indifferens; hoc est, quamvis voluntas eum omittere non possit, seu quamvis sit necessarius: ergo libertatis essentia posita non est in indifferentia. Probatur ant. Actus, quo Beati Deum diligunt, est vere liber quamvis voluntas eum omittere non possit, seu quamvis sit necessarius; id enim variis in locis ab Augustino docetur.

In Enchiridio, c. 105. sic loquitur: *Sic oportebat hominem prius fieri, ut bene velle posset, & male: postea vero sic erit, ut male velle non possit; nec ideo libero carebit arbitrio: multo quippe liberius eris arbitrium quod omnino non potest servare peccato: neque enim culpanda est voluntas, aut voluntas non est, aut libera dicenda non est, quia beati esse sic volumus, ut esse miseri non solum nolumus, sed nequaquam prorsus velle possumus.*

Idem Sanctus Doctor in 5. de Civitate Dei. c. 10. de actu quem ex rationis advertentia facimus, hæc habet: *Si necessitas nostra illa dicenda est, quæ non est in nostra potestate, sed etiam si nolumus, efficit quod potest, sicut est necessitas mortis: manifestum est, voluntas*

tes nostras quibus recte vel perperam vivitur, sub tali necessitate non esse: multa enim facimus quæ si nolumus, non utique faceremus, quo primitus pertinet & ipsum velle: nam si volumus, est, si nolumus, non est: non enim vellemus, si nolumus. Si autem illa deficiat esse necessitas, secundum quam dicimus, Necessitas est ut ita sit aliquid, vel ita sit: nescio, cur eam timeamus, ne nobis libertatem auferat voluntas. Sic etiam paulo post loquitur: Cum dicimus, Necessitas est, ut quod volumus, libero velimus arbitrio: & verum procul dubio dicimus, & non ideo ipsum liberum arbitrium necessitati subijcimus, quæ adimit libertatem.

Agens contra Philosophos, idem Sanctus Doctor l. 3. de libero arbitrio, ubi refellens errorem Ciceronis qui censebat, libertatem everti per Dei præscientiam, sic loquitur: *Voluntas nostra nec voluntas esset, nisi esset in nostra potestate: per quod quia est in nostra potestate, libera est nobis: non enim est in nobis liberum quod in nostra potestate non habemus, aut potest non esse quod habemus.*

Contra Manichæos scribens, non aliud docet. Scilicet libro 2. de actis cum Felice, cap. 5. cum Manes hac loquendi formula usus fuisset: *Qui sibi legem a Deo datam servare noluerunt*, statim Augustinus subjicit: *Vide in his verbis confirmatum, etiam a nesciente quid loqueretur, liberum arbitrium: qui enim servare legem non vult, in potestate ejus est, si velit: non enim dixit, Non potuerunt; sed, Noluerunt: hoc certe quod nolunt servare legem, non a gente tenebrarum coguntur, si enim coguntur, non nolunt, sed non possunt.*

Contra Pelagianos conferens manus, expresse docet, in homine liberum arbitrium reperiri ad bonum, ex eo quod volentes illud faciamus: *Ubi (inquit libro de gratia, & libero arbitrio, c. 2.) ad aliquid faciendum, vel non faciendum in divinis monitis opus voluntatis exigitur, satis liberum demonstratur arbitrium.*

In libro de Natura & Gratia, cap. 46. Pelagio asserenti: *Voluntatis arbitrio ac deliberatione privatur, quidquid naturali necessitate constringitur*, S. Doctor respondet: *Perquam absurdum est, ut ideo dicamus non pertinere ad voluntatem nostram, quod beati esse volumus: cum id omnino nolle non possimus nescio quæ bona constrictionis naturæ, nec dicere audemus, ideo Deum non voluntatem, sed necessitatem habere suæ justitiæ, quia non potest velle peccare.*

Ex iis autem Augustini locis sic argumenta conficiuntur. I. Actus, quo post hanc vitam ita volumus esse beati, ut id non velle: non possimus, est omnino necessarius; & tamen, ex Augustino, futurus est liber: ergo, ex eodem S. Doctore, libertas stat cum necessitate; hoc est, sine indifferentia, seu sine

potestate ad omitendum actum quem eliciamus. 2. Actus ille est liber, qui est in nostra potestate: atqui actus necessarius quem volumus, etiam si non velle cum non possimus, est in nostra potestate. Id enim, ex Augustino, est in nostra potestate, quod cum volumus, facimus, cum nolumus, non facimus: 3. Nisi actus, quem volumus, sit liber, ridicula erit Augustini contra Pelagium argumentatio: ut quid Pelagio contendenti, quod *quidquid naturali necessitate constringitur, illud privatur voluntatis arbitrio*, reponit Augustinus, necessitatem stare cum voluntate?

Resp. 1. Augustinum, cum egit de libertate, egisse contra duplicis generis Hæreticos, Manichæos nimirum, & Pelagianos. Manichæi contendebant, in homine duplicem esse substantiam, malam unam quæ sit a principio nequam, bonam aliam, quæ esset a principio bono. Hanc, volebant nonnunquam ab illa ad suos actus cogi, ita ut voluntas actus suos eliceret ex coactione; ac proinde eam illos elicere, etiam si noller. Mirum igitur non est, quod adversus hæreticos illos disserens, scripserit, voluntatem esse liberam, hoc est, immunem a coactione, eo ipso quod sit voluntas; sed nusquam asseruit, illam immunem a coactione satis esse, ut voluntas perfecte sit libera libertate arbitrii, seu electionis: unde ad argumentum ex Augustino contra Manichæos disputante petitum sic in forma respondendum est: Actus est liber libertate inadquate sumpta, est in nostra potestate imperfecte & inchoate, eo ipso quo volumus, quo est voluntarius, seu cum sit cum volumus, conc. maj. Est liber libertate adquate sumpta, est in nostra potestate perfecte & integre, neg. maj. Hoc est, Augustinus contra Manichæos disputans, docuit, ad libertatem requiri quidem immunem a coactione, & eam immunem semper reperiri in actu voluntario, quamvis necessario: sed non docuit, eam immunem a coactione, eam actus volitionem satis esse, ut adquatam libertatis essentiam constituat. Jam vero quod Manichæi vellent, voluntatem a substantia nequam ad actus suos cogi, ostendi potest ex Fortunato Manichæo, qui disputatione secunda Augustino respondens, sic loquitur: *Invit peccamus, & cogimur a contraria & inimica nobis substantia Hoc nos dicimus, quod a contraria natura anima cogitur delinquere*. Contra autem illud Fortunati Principium sic Augustinus arguit: *Ego nunc quæro ab te, quomodo habemus peccatum, si natura contraria nos cogit facere, quod facimus; qui enim cogitur necessitate aliquid facere, non peccat; qui autem peccat, libero arbitrio peccat*. Id vero eadem disputatione secunda sic probat Sanctus Doctor: *Si quis v. g. ligetur ab aliqua, ceteris membris & manu ejus*

*falsum scriberetur sine propria ejus voluntate, quæro, si hoc judici patefaceret, pesserne hunc hominem falsitatis nomine condemnare? Unde, ut Augustinus sese Manichæis opponeret, ita definire debuit libertatem inadquate sumptam, ut externam coactionem, quam Manichæi admittebant, omnino tolleretur. Libertas, seu voluntas, est (inquit libro de duabus animabus contra Manichæos, cap. 10.) *motus animi, cogente nullo, ad aliquid vel non amittendum, vel adipiscendum*; cui quidem voluntatis definitioni hanc aliam peccati capite 11. subjicit: *Peccatum est voluntas retinendi, vel consequendi quod justitia vetat, & unde liberum est abstinere*. Ex duplici illa sive voluntatis, sive peccati definitione Sanctus Doctor concludit, repugnare animas quæ natura (ut Manichæi contendebant) malæ sint: Scilicet repugnat, animas esse malas, si non peccent; at non peccant si cogantur, cum peccatum nihil aliud sit (inquit) quam *voluntas retinendi quod justitia vetat, & unde liberum est abstinere*. Unde postquam caput. 13. probavit, utramque sive voluntatis, sive peccati definitionem, ostendit, naturas ex se nullo modo posse esse malas: Unde (inquit) *hoc decemus? de superioribus definitionibus voluntatis, atque peccati, quia dicere animas, & esse malas, & nihil peccare, plenum est dementia: dicere autem peccare sine voluntate, magnum deliramentum est; & peccati reum tenere quemquam, quin non fecit, quod facere non potuit, summa iniquitatis est, & insania*. Quamobrem illa anima quidquid faciunt, si natura, non voluntate faciunt; id est, si libero ad faciendum, & ad non faciendum motu animi carent; si denique in abstinendi ab opere suo potestas nulla conceditur, peccata earum tenere non possumus. Ex his postremis verbis patet, Augustinum qui libertatem inadquate definierat: *Motus animi, cogente nullo, ad aliquid retinendum vel adipiscendum*, eam adquate definire, cum asserit, requiri præterea, ut voluntas ab eo possit abstinere quod agit.*

Resp. 2. Augustinum contra Pelagianos disputantem, aliam circa libertatem viam inisse ab ea quam contra Manichæos disserens amplexus fuerat. Pelagiani nimirum contendebant requiri ad libertatem indifferentiam contrarietatis, etiam non servato ordine finis; hoc est, docebant, ad libertatem pertinere potentiam ad agendum bonum & malum.

Factum illud evidenter patet ex variis Augustini locis, & præsertim ex libro 1. Operis imperfecti contra Julianum. Posita ea Pelagianorum suppositione, S. Doctor infert sequi, nec Deum, nec Angelos, nec Beatos, esse liberos, nec enim aut Deum, aut Angelos, aut Beatos, aliqua peccata delectare.

possunt: Liberum non est, nisi quod duo potest velle; id est, bonum & malum: (ait Augustinus lib. 1. Operis imperfecti contra Julianum) liber ergo Deus non est, qui malum non potest velle, de quo etiam ipse dixisti, Deus nisi iustus esse non potest. Siccine Deum laudas, ut et auferas libertatem?

Urget idem argumentum Bernardus in libro de gratia & libero arbitrio, ubi sic ratiocinatur: Nemo proinde putet, ideo dictum liberum, quod aqua inter bonum & malum potestate aut facilitate versetur, cum cadere quidem per se poteris, non autem resurgere, nisi per Domini Spiritum. Alioquin nec Deus, nec Angeli sancti, cum ita sint boni, ut non possint esse mali; nec peccatores item Angeli, cum ita sint mali, ut etiam non valeant esse boni, liberi arbitrii esse dicuntur. Sed & nos illud post resurrectionem amissurum sumus, quando utique inseparabiliter alii bonis, alii malis admixti fuerimus.

Iis vero praemissis, sic in forma ad argumentum, ex Augustino contra Pelagianos dimicante petatum, respondendum est. Ex Augustino, Deus, Angeli, Beati, sunt liberi circa ea quae non sunt Deus ipse, aut quae cum eo non habent connexionem necessariam, conc. maj. circa Deum ipsum, aut circa ea quae cum eo necessariam habent connexionem, neg. maj. Ratio est, quia si Deus, Angeli, Beati, essent liberi libertate arbitrii & electionis circa ea quae Deus sunt, aut quae cum eo necessariam habent connexionem, possent non amare Deum, possent temperare ab amore divino: Sed id revera non possunt; alioquin enim (quod negat Augustinus contra Pelagianos) possent peccare, cum potentia peccandi in eo posita sit, ut quis possit a Deo recedere, & agere contra ordinem, quem lex aeterna servari jubet; ut nimirum id diligatur, quod summe est diligendum.

Nec obstat, quod Augustinus nonnunquam asserat, Beatos esse liberos circa Dei amorem; Viatores libere velle felices esse: Iis nimirum in locis loquitur de libertate inadæquate sumpta, hoc est, prout est idem cum volitione rei, ad quam inviti non cogimur; quæ quidem volitio minime coacta est pars libertatis, sed totam illius essentiam non constituit.

Solvuntur argumenta ex Bernardo petita.

Objicies. S. Bernardus non aliud docet, nec alia ratione loquitur, quam Augustinus; immo ex ipso & sententias, & verba ipsa, excerpisse videtur.

In libro de gratia & libro arbitr. c. 1. ubi sic definit liberum arbitrium: *Habitur animi liber sui*, addit: *Siquidem non cogitur, non extorqueatur, est quippe voluntatis, non necessitatis, nec negat se nec praebeat cuiquam, nisi ex voluntate: alioquin si compelli valeat in-*

vitur, violentus est, non voluntarius: ubi autem voluntas non est, nec consensus: non enim est consensus, nisi voluntarius. Ubi ergo consensus, ibi & voluntas: Porro ubi voluntas, ibi libertas, & hoc est quod dici puto liberum arbitrium.

Ejusdem libri cap. 1. sic loquitur: *Ipsam vero quia impossibile est sibi non obedire de seipsa (nemo quippe aut non vult quod vult, aut vult quod non vult) etiam impossibile est de sua privari libertate.*

Capite 4. fufius idem docet: *Quomodo (inquit) ad bonum conversus per gratiam, humana voluntatis consensus eo liber bonum, & in bono liberum hominem facit, quo voluntarius efficitur, non invitus pertrahitur; sic sponte in malum devolutus, in malo nihilominus tam liberum quam spontaneum constituit, sua utique voluntate ductum, non assidue coactum, ut malus sit. Et sicut celsus Angelus, aut etiam Deus ipse, permanet libere bonus, propria videlicet voluntate; non aliqua extrinseca necessitate; sic profecto Diabolus aequo libere in malum corrumpit, & persistit, suo utique voluntatis nutu, non alieno impulsu: manet ergo liberar voluntatis, ubi etiam fit captivitas mentis; tam plena quidem in malis, quam in bonis; sed in bonis ordinatur.*

Verbis illis hæc alia subjicit Doctor mellifluus: *Quod autem solent homines conqueri, & dicere: Volo habere bonam voluntatem, & non possum: nequaquam huic præscribit voluntatis libertati, ut quasi vim & necessitatem in hac parte patiat voluntas, sed plane illa libertate, quæ dicitur a peccato, se carere testantur: nam qui vult habere voluntatem bonam, probat se habere voluntatem: non enim vult habere bonam, nisi per voluntatem; quod si per voluntatem, & libertatem, sed libertatem a necessitate, non a peccato. Nimirum ut non valeat, cum velit habere bonum, sentit quidem sibi deesse libertatem, sed profecto libertatem a peccato, quo utique docet premi, non perimi voluntatem. Et postea, Cum bonum volumus bona est voluntas, cum malum, mala est voluntas, utrobique voluntas, & ubique libertas; cedit siquidem voluntati necessitas.*

Ejusdem libri cap. 8. sic idem Sanctus Doctor prosequitur: *Neque enim ad liberum arbitrium (quantum in se est) pertinet, aut aliquando pertinuit, posse, vel sapere, sed tantum velle; nec potentem facit creaturam, sed tantum volentem: non ergo si potens, aut sapiens, sed tantum si volens esse deferat, liberum arbitrium amisse putanda erit: ubi enim non est voluntas, nec libertas. Quibus verbis hæc alia subiicit: Liberum arbitrium ita ubique sequitur voluntatem, ut nisi illa penitus esse desinat, isto non careat. Et rursum; Nec liberum*

a librium destruere, sive, quantum in se est, aliquatenus imminuere poterit quaecumque aduersitas, vel necessitas.

Cap. 11. hęc in eundem scopum scribit: Nunc igitur ex eo potius liberum arbitrium dicitur, quod sive in bono, sive in malo, æque liberam facit voluntatem, cum nec bonus quispiam, nec item malus dici debeat, aut esse valeat, nisi volens: tali jam ratione non incongrue dicitur, ad bonum se & ad malum habere æqualiter, quod utrobique videlicet par sit ei, non quidem in electione facilitas, sed in voluntate libertas.

Capite 12. sic iterum loquitur: Quid ergo forte dissoluta est tota superior assertio de libertate voluntatis, quia nimirum inventa est cogi potuisse voluntas? Et plane: sed si cogi ab alio potuit, quam a seipsa: quod si seipsa cogi compulsæ & compellens, ubi amittere, ibi recipere visa est libertatem; vim quippe, quam ipsa sibi intulit, a se pertulit: potero quod a se voluntas pertulit, ex voluntate fuit; quod ex voluntate fuit, jam non ex necessitate, sed voluntarium fuit: si autem voluntarium, & liberum. Et postea: Gemina compulsio, secundum quod aut pati aliquid aut agere contra propriam cogimur voluntatem, quarum passiva quidem (sic enim prior illa recte nominatur) potest nonnunquam fieri absque consensu voluntario facientis; sed activa, nunquam: proinde malum quod fit in nobis sine nobis, non est imputandum nobis, si tamen invitis: Ceterum quod fit & a nobis, jam non sine culpa est voluntatis, velle plane convincimur, quod non fieret, si nollemus. Est ergo compulsio quædam etiam activa, sed non habet excusationem, cum sit & voluntaria.

S. Bernardus sermone 81, in Cantica, eadem docet, quæ in libro de gratia & libero arbitrio iuse jam docuerat; sic enim loquitur: Hanc vim a natura solus homo non patitur, & ideo solus inter animalia liber, & tamen, interveniente peccato, patitur quamdam vim & ipse, sed a voluntate, non a natura, ut ut sit quidem ingentia libertate privatur: quod enim voluntarium, & liberum. Et postea: Ita nescio, quo pravo & miro modo ipsa sibi voluntas peccato quidem in deterius mutata necessitatem facit, ut nec necessitas, cum voluntaria sit, excusare valeat voluntatem, nec voluntas, cum sit illecebra, excludere necessitatem: est enim necessitas hæc quodam modo voluntaria.

Hęc rursus ibidem scribit: Ubiam quæso hanc necessitatem sentis? nonne in voluntate? nonne ergo parum firmiter vis quod & necessario vis? multum vis quod nolle nequeas, nec multum obediens. Porro ubi voluntas, & libertas: quod tamen dico de naturali, non de spiritali, qua libertate (ut ait Apostolus) Christus nos liberavit: nam, de illa idem ipse dicit, Ubi Spiritus Domini, ibi

libertas: ita anima miro quodam & maligno modo sub hac voluntaria quadam & male libera necessitate, & ancilla tenetur & libera, ancilla propter necessitatem, libera propter voluntatem: & quod magis mirum, magisque misere est, eo rea quo libera, eoque ancilla quo rea; ac per hoc ancilla, quo libera. Et postea: Non enim quod volo hoc ago, sed me, non alio, prohibente; & quod odi illud facio, sed me, non alio compellente; atque utinam prohibitis hæc, & hæc compulsio ita esset violenta, ut non esset voluntaria; forsitan enim hic possem excusari; aut certe ita esset voluntaria, ut non violenta; profecto enim sic possem corrigi: nunc vero nusquam exitus misera patet, quem & voluntas (ut dixi) inexcusabilem, & incorrigibilem necessitas facit.

Ex textibus, qui hucusque ex Bernardo prolati sunt, sic conficitur argumentum. Ille sensit ad libertatem non requiri indifferentiam, qui docuit, ibi esse libertatem, ubi est voluntas, seu consensus: Qui scripsit voluntatem in eo quod vult non posse privari sua libertate: Qui asseruit voluntatem non magis in amore boni, aut mali, amittere suam libertatem, quam Deus in amore suæ iustitiæ, quam Angelus in amore Dei, quem videt intuitive; Qui contendit hominem per hoc habere libertatem, per quod habet voluntatem; Qui affirmavit in ea tantum suppositione voluntatem suam amittere libertatem, in qua desinit velle; libertatem non destrui per necessitatem quæ non est ab extrinseco; Qui dixit voluntatem se ad bonum & malum habere æqualiter, quod utrumque velit; Necessitatem, quam voluntas patitur, non tollere liberum, quia illa necessitas est voluntaria; Omne quod est voluntarium, esse liberum: Atqui ea omnia docuit, asseruit, affirmavit Bernardus, ut ex laudatis textibus patet: ergo Bernardo persuasum fuit, libertatis essentiam non esse positam in indifferentia, sed tantum in actu quem voluntas ex advertentia rationis elicit, sive ille actus sit necessarius, ut est amor Dei in beatis, sive non sit necessarius, ut revera non est in viatoribus.

Resp. eandem ad loca ex Bernardo petita adhibendam esse responsionem, quam quæ ad Augustini textus adhibita est; Scilicet dicendum est, loqui ipsum de libertate inadæquate, non autem de libertate adæquate sumpta: hoc est, velle eum, voluntatem, seu immunitatem a coactione, requiri quidem ad libertatem, sed ad eam satis non esse: unde postea definiens liberum, asserit, illud voluntatis esse, non vero necessitatis: ex quo patet, eum libertatem opponere necessitati; ac proinde censere eum, illud non esse liberum libertate adæquate sumpta quod est necessarium, seu quod ita ponitur, ut poni non possit.

Nec

Nec obstat, quod Bernardus in illo suo opere passim definiat liberum per immunitatem a coactione, per lubentiam, quæ sit ex rationis advertentia. Nam in hoc imitatus est Augustinum, qui simili loquendi more unam quidem, primam nimirum libertatis conditionem, definiit, non autem aliamquæ non minus illi essentialis est, indifferentiam, nempe seu potentiam ad non ponendum actum, ad quem voluntas per efficacem Dei motionem determinatur.

Solbuntur argumenta quæ ex S. Thoma petuntur.

S. Thomas in quæstionibus disputatis, q. 5. de potentia, art. 7. ad 14. argumentum, libertatem in sola incoercibilitate constituit: Dicendum (inquit) quod non qualibet causa excludit libertatem, sed solum causa cogens; sic autem non est Deus causa operationis nostræ.

Quæstione 10. art. 2. ad 5. Dicendum (ait) quod naturalis necessitas, secundum quam voluntas aliquid ex necessitate velle dicitur, ut felicitatem, libertati voluntatis non repugnat, ut docet Augustinus in 5. de Civ. Dei; libertas enim violentia aut coactioni opponitur: non est autem violentia, vel coactio in hoc, quod aliquid secundum naturam suam ordinem moveatur; sed magis in hoc quod naturalis motus impeditur sicut cum impeditur grave, ne descendat ad medium: unde libere voluntas appetit felicitatem, licet necessario appetat illam; sic autem Deus sua voluntate libere amat seipsum, licet de necessitate amet seipsum, & necessarium est, quod tantum amet seipsum quantum bonus est, sicut tantum intelligit seipsum, quantum est. Libere ergo Spiritus sanctus procedit a Patre, nec tamen possibiliter, sed ex necessitate.

Quæstione 22. de veritate, art. 1. ad 3. Dicendum, quod libertas secundum Augustinum opponitur necessitati coactionis, non autem naturalis inclinationis. Ad 4. dicendum, quod necessitas naturalis non repugnat dignitati voluntatis, sed sola necessitas coactionis. Ad 7. hoc est proprium voluntatis, in quantum est voluntas, quod sit domina suorum actuum.

Quæstione 14. art. 4. in corpore. Respectu illius principalis voliti, quod est sua bonitas, voluntas divina necessitatem habet, non quidem coactionis, sed naturalis ordinis, quæ libertati non repugnat, secundum Augustinum in 5. de Civit. Dei.

Quæst. 24. art. 1. ad 7. huic argumento: Servitus opponitur libertati: sed in homine invenitur servitus peccati, quia qui facit peccatum, servus est peccati: ergo in homine non est liberum arbitrium: illi (inquam) argumento huic verbis respondet: Dicendum quod servitus peccati non dicit coactionem, sed vel inclinationem, in quantum peccatum præcedens aliquo modo inducit ad sequentia, vel per de-

fectum naturalis virtutis, quæ non potest se a peccati macula eripere, cui semel se subdidit; & ideo semper in homine remanet libertas a coactione, per quam naturaliter est liberi arbitrii.

In lib. tertium Sent. Dist. 18. art. 2. ad 5: Dicendum, quod etiam liberum arbitrium Christi esset determinatum ad unum numerum, sicut ad diligendum Deum, quod non facere non potest: tamen in hoc non amisit libertatem, aut rationem laudis, sive meriti, quia in illud non coacte, sed sponte tendit, & ita est actus sui dominus.

Ex laudatis hætenus S. Thomæ textibus sic argumentum conficitur. Ille non censuit, indifferentiam, seu potestatem agendi, aut non agendi, pertinere ad libertatis essentialiam, qui docuit ideo Dei operationem tollere libertatem hominis, quod eum ad agendum non cogit, necessitatem ei similem, per quam volumus esse beati, libertati non repugnare; libertatem opponi soli coactioni; Deum esse liberum respectu principalis voliti, licet respectu illius habeat necessitatem, non quidem coactionis, sed naturæ propriæ; Christum fuisse liberum ad amandum Patrem, quamvis ad illius amorem esset ita determinatus, ut non posset non amare Patrem: Atque ea omnia (ut ex laudatis ex eo textibus patet) docuit S. Thomas: ergo non censuit, indifferentiam, seu potestatem agendi, aut non agendi pertinere ad libertatis essentialiam.

Resp. S. Thomam locis, quæ nobis obiecta sunt, loqui de libertate voluntatis, quæ coactionem excludit, non loqui vero de libertate arbitrii, seu de libertate quæ includit electionem: unde mirum non est, quod dixerit, actum, quo volumus esse beati, esse liberum; libertatem opponi soli coactioni; Christum fuisse liberum ad amandum Patrem, quamvis non potuerit eum non amare, quamvis ad unum determinatus; ideo fuisse liberum, quod sponte & non coacte Patrem diligeret.

Nititur ea responsio ipsomet S. Thomæ, quæst. 24. de veritate: siquidem laudatæ quæstionis art. 1. quærit, utrum homo sit liberi arbitrii. Post plura, quæ sibi objicit, argumenta, tandem sibi illud opponit: Liberum necessitati opponitur, sed respectu quorundam voluntas hominis necessitatem habet; de necessitate enim vult beatitudinem: ergo non habet respectu omnium libertatem, & ita non est liberum arbitrium quantum ad omnia.

Ad illud autem argumentum S. Doctor respondens, distinguit duplicem libertatem; libertatem nimirum voluntatis, quæ sibi ad hæret, & libertatem arbitrii, vel iudicii, quæ circa media versatur, & ea quæ sunt electione cadunt: Hanc contendit excludere, illam vero stare cum necessitate,

quæ tamen a coactione sit immunis; sic enim loquitur: Dicendum, quod cum electio sit quoddam iudicium de agendis, vel iudicium consequatur, de hoc potest electio, quod sub iudicio nostro cadit: iudicium autem in agendis sumitur ex fine, sicut de conclusionibus, ex principiis. Unde sicut de principiis non iudicamus, ea examinantes, sed naturaliter eis assentimus, & secundum ea, omnia alia examinamus; ita & in appetibilibus de fine ultimo non iudicamus iudicio discussionis, vel examinationis, sed naturaliter approbamus, propter quod **DE EO NON EST ELECTIO, SED VOLUNTAS**. Habemus ergo respectu ejus, **LIBERAM VOLUNTATEM** cum necessitate naturalis inclinationis libertati non repugnare secundum Augustinum 5. de Civit. Dei, non autem **LIBERUM IUDICIUM** proprie loquendo, cum non cadat sub electione.

Eadem distinctione libertatis, quæ voluntatis dicitur, & libertatis quæ proprie dicitur libertas arbitrii, seu electionis, utitur idem S. Doctor questione 22. de veritate arti. 7. ut tria vel quatuor solvat argumenta. Cum enim statuisset, voluntatem necessario ferri in beatitudinem, eamque necessario velle, numero primo has sibi objectiones opponit: Secundum Augustinum in 5. de Civit. Dei, si aliquid est voluntarium, non est necessarium: Sed omne quod volumus, est voluntarium: Ergo nihil est necessario volitum, & voluntas non vult aliquid ex necessitate. Numero 3. Libertas opponitur necessitati, sed voluntas est libera: ergo non de necessitate aliquid vult. Numero 4. Præterea Bernardus dicit, quod liberum arbitrium ex ingenta voluntate, nulla necessitate movetur: sed dignitas voluntatis auferri non potest: ergo non potest voluntas aliquid de necessitate velle. Numero 5. Præterea potestates naturales se habent ad opposita secundum Philosophum: sed voluntas rationalis est potentia: est enim in ratione, ut dictum est in 3. de anima: ergo se habet ad opposita, & ita non est determinata ad unum.

Ad eas autem objectiones S. Thomas respondet eadem, quæ supra, adhibita distinctione, scilicet libertati voluntatis, prout natura quædam est, necessitatem minime repugnare, quamvis repugnet voluntati, prout est potentia rationalis, regiturque rationis iudicio & arbitrio.

Unde ad 1. respondet, quod auctoritas illa Augustini, est intelligenda de necessitate conditionis, quæ repugnat voluntati; non autem de necessitate naturalis inclinationis, quæ secundum Augustinum in 5. de Civitate, voluntati non repugnat. Numero 3. Dicendum (inquit) quod libertas secundum Augustinum opponitur necessitati conditionis, non autem naturali inclinationi. Ad ultimam denique objectionem sic respondet: Dicendum

quod voluntas, in quantum est rationalis, ad opposita se habet: hoc enim est considerare ipsum secundum quod est ei proprium; sed prout est natura quædam, nihil prohibet, eam determinari ad unum. Quibus ex verbis patet, S. Doctorem censere, duplicem respectum in voluntate distinguendum esse, primum prout voluntas natura quædam est, & communis appetitus; sub quo quidem respectu potest cum necessitate, & cum determinatione ad unum stare, nec de ea intelligitur esse ad opposita. Sed præterea considerari potest secundum id quod est ei proprium & peculiare, seu prout est appetitus rationalis, hoc est, qui ratione, iudicio, arbitrio, regitur: sub quo respectu voluntas est rationalis potentia, quæ verti potest ad opposita, & est immunis a necessitate & determinatione ad unum: sicque dicitur libertas arbitrii, quæ licet non in alia, quam in voluntate, potentia, sedem habeat, non est tamen ea libertas quæ voluntatis dicitur, quæque ad finem sponte sua fertur, sed est libertas quæ arbitrii dicitur, quæ circa media versatur, & ratione iudice & arbitra, unum medium præ ceteris mediis eligit.

Præter loca quæ hucusque retulimus, alius est locus apud eundem S. Doctorem, in quo eandem distinctionem libertatis in libertatem voluntatis, & in libertatem arbitrii, supponit.

Scilicet, q. 10. de Potentia, art. 2. quaerit: utrum in divinis sit una tantum Processio, vel plures. Num. 5. objicit sibi, quod voluntas libera est; quod ergo procedit per modum voluntatis, procedit etiam per modum libertatis. Si ergo Spiritus sanctus procedit per modum voluntatis, oportet, quod procedat per modum libertatis: quod autem procedat per modum libertatis, potest procedere & non procedere.

Ad illud autem argumentum hisce verbis respondet: Dicendum, quod naturalis necessitas, secundum quam voluntas aliquid ex necessitate velle dicitur, ut felicitatem, **LIBERTATI VOLUNTATIS** non repugnat, ut S. Augustinus docet l. 5. de Civit. Dei. Libertas enim voluntatis, violentia vel conditioni opponitur: Non est autem violentia, vel coactio in hoc, quod aliquid secundum ordinem naturæ suæ moveatur; sed magis in hoc, quod naturalis motus impeditur, sicut cum impeditur grave, ne descendat ad medium. Unde voluntas libere appetit felicitatem, licet necessario appetat illam. Sic autem & Deus sua voluntate libere amat seipsum, licet de necessitate seipsum amet quantum bonus est. Libere ergo Spiritus sanctus procedit a Patre, non tamen possibiliter, sed ex necessitate.

Ex quibus verbis patet, S. Doctorem eo loco agere de libertate voluntatis, prout ver-

luntas est, hoc est prout ad ultimum finem fertur, sicut per simplicem intelligentiam intellectus fertur ad prima principia; non autem de voluntate, ut est liberi arbitrii, seu prout est voluntas rationalis, quæ ratione iudice & arbitria circa obiectum aliquod versatur; neque enim vel unum apicem in illo aut similibus aliis locis scripsit S. Thomas, quo significaret, voluntatem, ut est liberi arbitrii, stare cum necessitate; e contra semper docuit esse ad opposita.

Nec explicationibus, quæ hucusque a nobis allata sunt, obstat, quod S. Doctor, Augustinum imitatus, non semel asseruerit, libertatem esse positam in immunitate a coactione: siquidem in locis, ubi eum loquendi modum usurpat, loquitur de libertate secundum id, quod primum tanquam principium includit, non autem de libertate secundum id, quod secundo loco dicit. Ratio est, quia S. Thomas comparat libertatem cum cognitione primorum principiorum; quemadmodum ergo cognitio primorum principiorum requiritur ad discursum, sed non est totus discursus; ita & libertas requirit amorem finis tanquam principium, sed ille amor finis non est tota ipsa libertas: idque ostenditur ex 1. parte, q. 60. art. 2. ubi S. Doctor expresse asserit, actus liberos a necessariis oriri, sicut motus omnis oritur ab immobili, & in ipsis etiam Angelis asserit, naturalem dilectionem esse principium electivæ, quia id quod pertinet ad prius, habet rationem principii. Unde cum natura sit primum quod est in unoquoque, oportet, quod id quod ad naturam pertinet, sit principium in quolibet.

Idem repetit ejusdem 1. par. q. 62. art. 1. *Necessitas naturalis* (inquit) *non repugnat voluntati*, quinimmo necesse est, quod sicut intellectus ex necessitate inheret primis principii, ita & voluntas ex necessitate inheret ultimo fini, qui est beatitudo; finis enim se habet in operantibus, sicut principium in speculativis, ut dicitur in 2. Physicorum. Oportet enim, quod illud quod naturaliter alicui convenit, & immobiliter, sit fundamentum & principium omnium aliorum, quia natura rei est primum in unoquoque, & omnis motus fundatur in immobili.

ARTICULUS II.

Quæ indifferentia ad libertatem requiratur.

Not. 1. Indifferentia dividitur in indifferentiam contradictionis, & in indifferentiam contrarietatis. Prima, posita est in potentia agendi aut non agendi, seu in positione actus cum potentia ad non ponendum illum actum: & hæc passim vocatur indifferentia exercitii. Secunda e contra consistit in potentia agendi, & ponendi actum

Juvenin. Infit. Theol. Tom. III.

contrarium, hoc est, in positione actus alicuius cum potentia ad actum contrarium: & hanc vocant indifferentiam specificationis, ut est ea, quæ versatur circa odium v. g. & amorem.

Not. 2. Indifferentia contrarietatis quæ versatur circa actus specie diversos, vel est servato & non prætermisso ordine finis, vel non servato & prætermisso ordine finis. Sic homo qui in ordine ad debitum ultimum finem potest eligere duos actus specie diversos, jejunium v. gr. vel eleemosynam, dicitur indifferens indifferentia contrarietatis, servato & non prætermisso ordine finis: E contra homo, qui volens occidere alium, potest eligere venenum, aut pugionem, dicitur indifferens indifferentia contrarietatis, non servato ordine finis; malum enim finem, hominis scilicet occisionem, sibi proponit.

Not. 3. Indifferentia contradictionis iterum dividitur in suspensivam & activam. Prior, est inactio quædam sine ulla determinatione ad unum potius quam ad aliud; posterior e contra est positio actus cum potentia ad non ponendum illum actum.

CONCL. 1. Indifferentia, quæ essentialis est libertati, non est indifferentia contrarietatis, non servato & prætermisso ordine finis.

Probatur. Indifferentia quæ est essentialis libertati, non est potentia ad bonum & malum: atqui indifferentia contrarietatis, non servato & prætermisso ordine finis, est potentia ad bonum & malum: ergo non est essentialis libertati. Major propositio est evidens; quotiescumque enim eliguntur aliqua quæ ad debitum finem non referuntur, est peccatum: in omnibus enim homo qui deliberate agit, debet sibi debitum & rectum finem proponere.

Minor propositio ostenditur 1. ex Augustino, qui expresse contra Pelagianos probavit, potentiam peccandi non esse de essentia, immo summam esse libertatis imperfectionem: *Liberum non est* (inquit Augustinus l. 1. operis imperfecti contra Julianum) *nisi quod duo potest velle, id est, bonum & malum: liber ergo Deus non est, qui malum non potest velle: de quo etiam ipse dixisti, Deus nisi justus esse non potest. Sicne Deum laudas, ut et auferas libertatem?* 2. Ex Bernardo in libro de gratia & libero arbitrio quem laudavimus exponentes Augustini de libertate contra Pelagianos differentis sententiam. 3. Ex S. Thoma, qui in 1. Sent. dist. 25. q. 1. art. 2. ad 2. sic loquitur: *Ad rationem liberi arbitrii non pertinet, ut indeterminate se habeat ad bonum, vel ad malum, quia liberum arbitrium per se in bonum ordinatum est, cum bonum sit obiectum voluntatis: nec in malum tendat, nisi propter aliquem defectum, quem apprehendit ut bonum, cum non sit voluntas, aut electio, nisi boni, aut apparentis boni: Et*

S

ideo

ideo ubi perfectissimum est liberum arbitrium, ibi in malum tendere non potest, quia imperfectum esse non potest. Sed hoc ad libertatem arbitrii pertinet, ut actionem aliquam facere, vel non facere possit: & hoc Deo convenit, bona enim quæ facit, potest non facere; nec tamen malum facere potest.

CONCLUSIO 2. Indifferentia contrarietatis, servato & non prætermisso debito fine, reperitur in libertate; hoc est libertas se extendit ad media contraria, quæ ordinem dicunt ad debitum finem.

Probatur 1. Indifferentia contrarietatis est potentia eligendi duo media sibi invicem opposita in ordine ad debitum finem ultimum: atqui ea potentia nonnunquam reperitur in libertate, ut patet in homine, qui potest aut per virginitatem, aut per castitatem conjugalem, seipsum ad debitum finem ultimum dirigere: ergo indifferentia contrarietatis, servato & non prætermisso debito fine, nonnunquam reperitur in libertate. Idque expresse S. Thomas docuit 1. par. q. 61. art. 8. ubi sic definit libertatem: *Libertas est vis electiva mediorum, servato & non prætermisso ordine finis.*

Addita est vox ista, *Nonnunquam*, eo quod aliquando unum sit medium, quo homo seipsum ad debitum ultimum finem dirigere potest, ut patet in eo qui martyrio damnatur in odium Christianæ fidei: ea nimirum in circumstantia homini illi non suppetit aliud medium, quo æternæ suæ salutis consulere valeat.

Probatur 2. auctoritate & ratione S. Thomæ, quæst. 22. de veritate, art. 6. Sanctus Doctor quærit: *Utrum voluntas de necessitate velit quicquid vult.* Triplicem autem distinguit voluntatis & libertatis indifferentiam; primam, quantum ad actum, in eo positam, quod voluntas possit agere & non agere; secundam, quantum ad objectum, quæ quidem in eo consistit, quod voluntas plura & diversa quæ ad ultimum finem perducere possunt, eligere valeat; tertiam, quantum ad ordinem finis, in quantum scilicet voluntas potest velle aut bonum aut malum.

Sed antequam Sanctus Doctor explicet triplicem illam indifferentiam, proponit principium, ex quo tanquam a primo fonte oritur omnis motus voluntatis; appetitum nempe finis ultimi. Respondet (inquit) dicendum, quod ex hoc aliquid dicitur esse necessarium, quod est immobiliter determinatum ad unum: Unde quod voluntas indeterminate se habeat respectu multorum, non habet respectu omnium necessitatem, sed respectu eorum tantum, ad quæ naturali inclinatione determinatur, ut dictum est: & quia omne mobile reduci potest ad immobile, & indeterminatum ad determinatum, sicut ad principium: ita oportet, quod id ad quod voluntas est determina-

ta, sit principium appetendi ea ad quæ non est determinata, & hoc est ultimus finis.

Posito constanti illo principio, S. Thomas sic explicat, quæ ratione voluntas non appetat necessario ea quæ sunt ad finem: Invenitur autem indeterminatio voluntatis respectu trium, scilicet respectu objecti, respectu actus, & respectu ordinis ad finem. Respectu objecti quidem, est indeterminata voluntas quantum ad ea quæ sunt ad finem ipsum ultimum, ut dictum est: quod ideo contingit, quia ad finem ultimum multis viis perveniri potest, & diversi diversa via competunt perveniendi in ipsum. Et ideo non potuit esse appetitus voluntatis determinatus in ea quæ sunt ad finem, sicut est in rebus naturalibus, quæ ad certum finem, & determinatum, non habent nisi certam & determinatam viam. Et sic patet, quod res naturales, sicut de necessitate appetunt finem, ita & ea quæ sunt ad finem, ut nihil sit in eis quod possint appetere, vel non appetere. Sed voluntas de necessitate appetit ultimum finem, ut non possit ipsum non appetere: sed non de necessitate appetit aliquid eorum quæ sunt ad finem. Unde respectu huius est in potestate ejus appetere hoc vel illud.

Explicata illa voluntatis indeterminatione respectu variorum objectorum, quæ sunt ad finem, idem S. Doctor exponit indeterminationem respectu actus, seu respectu exercitii. Secundo (inquit) est voluntas indeterminata respectu actus, quia circa objectum determinatum potest uti actu suo, cum voluerit, vel non uti. Potest tamen exire in actum volendi respectu cujuslibet, & non exire, quod in rebus naturalibus non contingit. Grave enim semper descendit deorsum in actum, nisi aliquid prohibeat: quod exinde contingit, quod res inanimata non sunt mota a seipsis, sed ab aliis; unde non est in eis moveri & non moveri. Res autem inanimata moventur a seipsis; & inde est, quod voluntas potest velle, & non velle.

Tandem sic idem S. Thomas proponit tertiam indeterminationis speciem, quæ est respectu ordinis ad finem: Tercio (ait) indeterminatio voluntatis est respectu ordinis in finem, in quantum voluntas potest appetere id quod secundum veritatem in finem debitum ordinatur, vel secundum apparentiam tantum; & hæc indeterminatio ex duobus contingit, scilicet ex indeterminatione circa objectum, in his quæ sunt ad finem; & iterum ex indeterminatione apprehensionis, quæ potest esse recta, & non recta. Sicut enim ex aliquo principio vero dato non sequitur falsa conclusio, nisi per aliquam falsitatem rationis assumentis aliquam falsam, vel falso ordinatum principium in conclusionem: Ita ex quo inest appetitus rectus usque in finem, non posset sequi, quod aliquis aliquid inordinate appeteret, nisi ratio acciperet aliquid inordinate in finem, quod non est ordinabile in finem; sicut qui appetit beatitudinem

ad finem

dinem appetitu recto, nunquam deducetur in appetendam fornicationem, nisi in quantum apprehendit eam ut quoddam hominis bonum, in quantum est quoddam delectabile bonum, & sic orationabile in beatitudinem, velut quamdam imaginem eius. Et ex hoc sequitur indeterminatio voluntatis, quæ potest bonum vel malum appetere.

Tribus illius indeterminatiōis speciebus eo, quo dictum est, modo explicatis, idem Sanctus Doctor e somnes ad se invicem comparat, aperitque, quantum libertati convenit, quæve eiusdem libertatis sit defectus: Cum autem voluntas dicatur libera, in quantum necessitatem non habet, libertas in tribus considerabitur, scilicet quantum ad actum, in quantum potest velle & non velle; & quantum ad objectum, in quantum potest velle hoc vel illud, vel eius oppositum; & quantum ad ordinem finis, in quantum potest velle bonum vel malum.

Quæ vero ex iis indifferentiis per se libertati comperat, ipsæque in omni statu consequuntur, vel quæ ab ea, ratione status, sejungi possit, hæc verbis luse tradit: Sed quantum ad primum bonum inest libertas voluntatis in quolibet statu nature, respectu cujuslibet objecti: Secundum vero bonum est respectu quorundam objectorum, scilicet respectu eorum, quæ sunt ad finem, & non ipsius finis; & etiam secundum quemlibet statum nature. Tertium vero non est respectu omnium objectorum, sed quorundam: eorum scilicet quæ sunt ad finem; nec vero cujuslibet status nature, sed illius tantum, in quo natura deficere potest. Nam uni non est defectus in apprehendendo & conferendo, non potest esse voluntas malæ in his quæ sunt ad finem, sicut patet in beatis; & pro tanto dicitur, quod velle malum nec est libertatis, nec pars libertatis, quamvis sit libertatis signum.

Ex his quæ hucusque dicta sunt, evidenter patet, S. Thomam docuisse 1. indifferentiam quoad actum, quam & exercitii vocant, essentialē esse libertati in omni statu: 2. indifferentiam quoad diversa objecta, seu quam vocant contrarietatis, vel (ut alii loquuntur) specificationis, servato tamen ordine finis, pertinere etiam ad libertatem, quoties diversa illa objecta, servato ordine finis, occurrunt: 3. nec in Deo, nec in Angelis, nec in beatis reperiri indifferentiam quoad amorem terminatum ad Deum; nec in viatoribus respectu beatitudinis in communi, reperiri indifferentiam aliquam; ac proinde nec libertatem arbitrii: 4. indifferentiam contrarietatis, seu specificationis, non servato, aut prætermisso ordine finis, non esse essentialē libertati; sed summum illius defectum, ortum ex ex statu viatoris, & nature per peccatum corruptæ.

Ex iisdem S. Thomæ principiis, evidenter sequitur, maiorem esse libertatem in Deo, quam in Angelis & in Beatis; maiorem quoque in Angelis & Beatis, quam fuerit in Adamo innocente; maiorem tandem in Adamo innocente, quam fuerit postea in Adamo per peccatum lapsio. Ratio est, quia eo maior est libertas, quo maior est indifferentia; indifferentia enim (ut ostendimus) est ipsa libertatis essentia: atqui circa creaturas circa quas solum versatur Dei, Angelorum, & Beatorum libertas, maior est indifferentia in Deo, quam in Angelis & Beatis; maior quoque in Angelis & Beatis, quam fuerit in Adamo innocente; maior etiam in Adamo innocente quam fuerit postea in Adamo per peccatum lapsio: Eo nimirum est maior indifferentia circa aliquem actum, circa aliquod objectum, quo maior est independentia ab illo actu, ab illo objecto: Sed in Deo maior est independentia a creaturis, quæ sunt objectum libertatis, quam in Angelis & Beatis: maior in Angelis & Beatis, quam in Adamo innocente: maior etiam in Adamo innocente, quam fuerit postea in Adamo per peccatum lapsio; tanto siquidem maior est a creaturis independentia, quo maior est ad hæc ultimo finideterminate sumpto, hoc est, Deo ipsi, in quo sita est objectiva beatitudo: atqui (ut patet) maior est illa ad hæc in Deo quam in Angelis & Beatis: maior in Angelis & Beatis, quam fuerit in Adamo innocente: maior etiam in Adamo innocente, quam fuerit postea in Adamo per peccatum lapsio: ergo &c.

CONCLUSIO 2. Indifferentia suspensiva nec est essentialis libertati, nec illius aut perfectio aut conditio.

Probat. Indifferentia suspensiva est privatio cujuslibet actus: ideo enim aliquis dicitur in suspensio esse, quod sit sine ullo actu, sine ulla determinatione ad unum potius, quam ad aliud; atqui privatio cujuslibet actus, nec est essentia, nec perfectio, nec conditio libertatis; nam alioquin dicendum esset 1. Deum qui circa creaturas agit, non esse liberum: 2. hominem sub gratia efficaci constitutum, non esse quoque liberum, cum in eo statu agit & operetur: sed absurdum est consequens: ergo &c.

Confirmatur 1. Eo perfectior est potentia, quo propior est suo actui; potentia enim est propter actum: atqui per determinationem ortam ex divina motione voluntas est propior suo actui: scilicet est cum ipso actu conjuncta, cum motio, si ut efficiat, voluntatem infallibiliter applicet ad actum: ergo &c. 2. Eo perfectior est libertas quo voluntas remotior est a peccato; potentia enim peccandi est defectus libertatis: sed voluntas per gratiæ efficaciæ motionem est remotior a peccato:

S. 2.

cato:

cato; per eam enim voluntas ad bonum determinatur: hinc merito hæc habet Augustinus in libro de Correptione & Gratia, c. 8. *Voluntas non libertate consequitur gratiam, sed gratia libertatem*. Hinc etiam merito scribit epistola 108. falso existimare eos gratia oppugnari libertatem, cum e contra per eam perficiatur: *Quomodo (inquit) dicuntur negare liberum voluntatis arbitrium, qui confitentur hominem, quisque suo corde credit in Deum, nonnisi sua libera credere voluntate? cum potius ipsi oppugnent liberum arbitrium, qui oppugnant gratiam Dei, quæ vere ad bona eligenda, & agenda fit liberum.*

ARTICULUS III.

De radice libertatis.

Not. **H**ic querendum est 1. utrum indifferentia iudicii sit radix libertatis; 2. utrum stante indifferentia iudicii circa aliquod objectum, vel circa aliquem actum, fieri possit, ut voluntas circa illud objectum, aut circa illum actum non sit libera.

CONCL. 1. Indifferentia iudicii circa aliquod objectum, aut circa aliquem actum, est radix libertatis.

Probatur. Illud est radix libertatis, ratione cuius voluntas est indifferens circa aliquod objectum, aut circa aliquem actum; indifferentia nimirum (ut superius probatum fuit) est ipsamet libertatis arbitrii essentia: atqui ratione indifferentiæ iudicii circa aliquod objectum, vel circa aliquem actum, voluntas est indifferens circa objectum, vel actum; siquidem tunc voluntas est indifferens circa objectum aliquod, vel circa actum aliquem, cum motivum habet, propter quod objectum illud, actum illum, amet, aut non amet: sed ratione indifferentiæ iudicii, voluntas motivum habet, propter quod amet objectum, aut actum; nempe indifferentiæ iudicii in eo posita est, quod intellectus aut in objecto, aut in actu, apprehendat speciem boni, aut speciem mali; ac quotiescumque intellectus in eodem objecto, in eodem actu, apprehendit speciem boni, aut speciem mali, voluntas motivum habet, propter quod illud objectum, illum actum amet, aut non amet, eligat, aut non eligat: ergo ratione ejusdem indifferentiæ iudicii voluntas est indifferens circa aliquod objectum, circa aliquem actum.

Hinc vero patet 1. libertatem arbitrii ad amandum Deum non esse in Beatis; neque enim eorum intellectus, cum in eo statu iudicet de rebus, ut sunt, in Deo apprehendit aliquam speciem mali, ratione cuius voluntas beatorum possit non amare Deum. Patet e contra 2. libertatem arbitrii circa

quancumque creaturam, in Beatis reperiri: scilicet intellectus Beatorum multos defectus apprehendit in creaturis, ratione quorum potest eorum voluntas eas, servato ordine finis, aut prosequi, aut non prosequi. Patet 3. in viatoribus circa Dei amorem reperiri libertatem arbitrii; scilicet intellectus viatoris in illo amore apprehendit speciem mali in quantum amor ille impedit, ne homo viator suis passionibus obtemperet, & seipso (ut ad id corrupta per peccatum voluntate fertur) fruatur.

Confirmatur argumentum auctoritate Sancti Thomæ, qui in 2. Sent. dist. 25. q. 1. art. 2. ex ea iudicii indifferentia repetit originem & radicem libertatis, hoc est, asserit, ideo libertatem arbitrii circa aliquam rem reperiri, quod circa illa iudicium sit indifferens, seu quod in illis quamdam speciem boni, & quamdam mali speciem apprehendat; sic enim loquitur: *Quantumcumque aliquid in creatis ostendatur bonum, potestati eius (voluntatis) remanet eligere illud, vel non eligere. Cujus ratio est, quia objectum intellectus est verum, objectum autem voluntatis est bonum. Invenitur autem aliquod verum, in quo nulla falsitas apparentia admisceri potest, ut patet in dignitatibus. Unde intellectus non potest subterfugere, quin illis assentiat. Similiter etiam invenitur aliquod falsum, quod nullam veri apparentiam habet, ut patet in oppositis dignitatibus: unde illis intellectus nullatenus assentire potest. Similiter etiam si proponatur voluntati aliquod bonum, quod completam boni rationem habeat, ut ultimus finis, propter quem omnia appetuntur, non potest voluntas hoc non velle: unde nullus potest non velle esse felix, aut velle esse miser; In his autem quæ ad finem ultimum ordinantur, nihil invenitur adeo malum, quin aliquod bonum admixtum habeat, nec aliquid adeo bonum, quod in omnibus sufficiat. Unde quantumcumque ostendatur bonum vel malum, semper potest adbarere, & fugere in contrarium, ratione alterius quod in ipso est: ex quo accipitur, si malum est simpliciter, ut apparent malum: & inde est, quod in omnibus quæ sub electione cadunt, voluntas libera manet, in hoc solo determinationem habens, quod felicitatem naturaliter appetit, & non determinate in hoc vel illa. Haecenus S. Thomas.*

CONCL. 2. Stante indifferentia iudicii, fieri non potest, ut voluntas non remaneat libera.

Probatur. 1. Stante indifferentia iudicii circa aliquod objectum, aut circa aliquem actum, fieri non potest, ut voluntas non remaneat circa illud objectum, aut circa illum actum indifferens: ergo fieri quoque non potest, ut non remaneat libera, cum libertas arbitrii essentialiter in indifferentia posita sit. Probatur aut. Stante indifferentia iudi-

judicii, nihil est, per quod voluntas necessiter ad obiectum, aut ad actum; e contra est aliquid vere vel apparenter in obiecto, aut in actu, quod amare possit, aut non amare: ergo nihil est quo voluntas necessitetur; neque enim ei necessitas circa actum aut obiectum imponitur, nisi quia nihil vel vere vel apparenter est in obiecto, vel in actu, ratione cuius aut obiectum, aut actum amare, vel non amare possit.

Probatur 2. Voluntas remanet libera, quamdiu ad unum non determinatur necessario; sola enim necessitas opponitur libertati, quæ quidem (ut dictum fuit) est indifferens ad actum, aut ad non actum, ad aliquod obiectum, aut ad oppositum, servato ordine finis: atqui stante indifferentia iudicii, voluntas necessario non determinatur ad unum; si enim ad unum necessario determinaretur, ea determinatio diceretur aut ex parte subiecti, aut ex parte obiecti: sed neutrum dici potest. Non primam, nempe voluntas quæ est subiectum libertatis, ad unum necessario non determinatur, nisi vel quia prohibetur, ac impeditur, ne actum eliciat, vel quia ad eum eliciendum compellitur: at id dici non potest: siquidem voluntas non impeditur, nisi per subtractionem concursus, qui quidem (ut supponitur) non subtraheretur: non compelleretur quoque, quia compulsio est coactio, quæ inferri quidem potest potentiis quæ organis affixæ sunt, ut est potentia visiva; sed non inferitur potentiis, quæ sunt ab organis extrinsecis independentes, ut est revera voluntas respectu actuum quos elictos vocant, hoc est, respectu velle & non velle. Non potest quoque dici secundum: Si quidem fieri non potest, ut voluntas necessario ad unum determinetur ab obiecto, quod ei indifferenter amandum, aut non amandum proponitur. Scilicet voluntas non magis necessario determinatur ad amandum, aut non amandum obiectum, quod ei indifferenter proponitur, quam intellectus necessario determinatur ad assentiendum veritati, quæ tanquam dubia ab illo apprehenditur; atqui intellectus necessario non determinatur ad assentiendum veritati, quæ tanquam dubia ab illo apprehenditur: ergo pariter voluntas non determinatur necessario ad amandum, aut ad non amandum obiectum, quod ei indifferenter ab intellectu proponitur amandum, aut non amandum.

Probatur 3. Tota & adæquata ratio libertatis dependet ex modo, quo intellectus aliquid apprehendit: ergo impossibile est, ut stante integra indifferentia iudicii, non stet quoque integra indifferentia voluntatis. Probatur ant. ex Sancto Thoma. Scilicet S. Doctor quæst. 24. de veritate art. 2. quærit: *Utrum liberum arbitrium sit in Beatis?* Eam *Juvenin. Inst. Theol. Tom. III.*

vero quæstionem ut solvat, hæc præmittit. *Sciendum, quod cum ad operationem nostram tria concurrant, scilicet cognitio, appetitus, & ipsa operatio, tota ratio libertatis ex modo cognitionis dependet: Appetitus enim cognitionem sequitur, cum appetitus non sit nisi boni, quod sibi per vim cognitivam proponitur. . . .* Addit: *Toties libertatis radix est in ratione constituta; unde secundum quod aliquid se habet ad rationem, ita se habet ad liberum arbitrium.* Tandem inde concludit, liberum arbitrium in brutis reperiri non posse. *Quamvis bruta habeant quamdam similitudinem rationis, in quantum participant quamdam prudentiam naturalem, secundum quod natura inferior attingit aliquantulum ad illud, quod est natura superioris: quæ quidem similitudo est secundum quod habet iudicium ordinatum de aliquibus: sed hoc iudicium est eis ex naturali affirmatione, non ex aliqua collatione, cum rationem sui iudicii ignorent: propter quod huiusmodi iudicium non se extendit ad omnia, sicut iudicium rationis, sed ad quadam determinata.*

Ex iis S. Thomæ verbis sic argumenta conficiuntur, quibus demonstratur antecedens, quod erat probandum. 1. Appetitus, seu voluntas, cognitionem sequitur: ergo quando cognitio est indifferens, necesse est, ut voluntas quoque sit indifferens. 2. Se habet voluntas respectu obiecti, sicut intellectus: ergo quando intellectus est indifferens respectu obiecti, voluntas quoque est circa illud indifferens. 3. Ideo appetitus brutorum non est indifferens, quod illorum iudicium non sit indifferens, immo determinatum est ad unum: ergo e contra appetitus seu voluntas creaturæ rationalis est indifferens, ex eo quod illius iudicium sit indifferens.

Dices 1. intelligi ea S. Thomæ principia de modo naturali agendi creaturæ, non autem de modo extraordinario: hoc est, velle quidem S. Thomam, voluntatem ordinarie non esse determinatam ad unum, cum intellectus ad unum non est determinatus; non velle vero, voluntatem non esse determinatam ad unum, cum, etiam stante indifferentia iudicii, Deus modo extraordinario, per efficacem nimirum motionem, in voluntate creaturæ rationalis operatur.

Verum admitti non potest illa responsio. Nam 1. in q. 22. de veritate, de qua hic agitur, S. Thomas quærit, utrum voluntas cogi possit: at ea quæstio intelligitur in casu, quo Deus modo extraordinario in voluntate creaturæ rationalis operetur: neque enim fingi potest, voluntatem ab alio posse cogi, quam a Deo qui modo extraordinario, hoc est, adhibita tota sua omnipotentia, operetur in voluntate. 2. S. Doctor nequaquam excipit divinæ omnipotentia operationem, sed e contra eam supponit, cum sic

loquitur: *Quantumcumque aliquid ostendatur esse bonum (nisi tamen sit summum bonum) potestati ejus remanet eligere, vel non eligere.* 3. Idem S. Thomas expresse asserit, voluntatem, remanente indifferentia judicii, a Deo cogi non posse; ubi enim hoc sibi argumentum objecit: *Videtur, quod liberum arbitrium cogi possit: quod enim immutatur ab aliquo agente, cogitur ab illo: sed (ut dicit glossa ad Romanos) Deus potest immutare voluntatem hominum in quodcumque voluerit: ergo videtur, quod voluntas a Deo cogi possit: Ubi (inquam) sibi illud argumentum objecit, respondet, voluntatem a Deo moveri secundum illius exigentiam naturalem, hoc est, modo conveniente, seu ita ut voluntas sit indifferens, seu possit velle aut non velle, cum ratio objectum illi indifferenter proponit: Dicendum (inquit) quod Deus operatur in voluntate, & libero arbitrio, secundum ejus exigentiam. Unde si voluntatem hominis in aliud mutet, nihilominus tamen hoc sua omnipotentia facit, ut illud, in quo agitur, voluntarie, id est libere, velit.*

Dices 2. supposito presenti rerum ordine, voluntatem remanere indifferentem circa objectum, quod tanquam indifferens apprehenditur ab intellectu: sed Deum posse alium ordinem statuere, & in eo casu per suam omnipotentiam tollere indifferentiam a voluntate creaturæ rationalis.

Sed inanis est illa responsio: siquidem non est hic quaestio de alio rerum ordine, sed de presenti; scilicet quaeritur, utrum Deus, stante presenti rerum ordine, stante indifferentia judicii, possit voluntati necessitatem imponere. 2. Si Deus alium ordinem statueret, esset praesertim iste, quod voluntas non sequeretur ductum rationis, & ageret more brutorum: at ea suppositio perridicula est; nempe Dei sapientiam dedecet, ut eum statuatur ordinem, qui creaturæ a se conditæ minime conveniat.

Dices 3. Stante judicii indifferentia, Deus voluntati potest suum concursum negare: ergo verum non est, quod ea indifferentia stante, voluntas remaneat libera.

Verum non est ad rem illa responsio; eo enim in casu voluntas impediatur, ne agat, ac proinde non erit libera; scilicet quaestio est, utrum voluntas non impedita, stante indifferentia judicii, libera remaneat: affirmat Sanctus Thomas, quantumcumque sit efficax divina motio, idque (inquit Sanctus Doctor) oritur ex natura voluntatis motæ, quæ indifferenter se habet ad diversa: unde non inducitur necessitas, sed remanet libertas.

Dices 4. vana esse ea omnia S. Thomæ principia, si Deus, indifferentia judicii, nihil imprimat voluntati, quo illius indifferentia, seu potentia agendi, vel non agendi, tollatur: at non sunt ea principia, si

Deus imprimat motionem physicam, voluntatemque ad actum secundum physice determinet, ut revera sic eam in sententia Thomistarum determinat, ita ut indeclinabiliter, & insuperabiliter operetur.

Sed 1. illa responsio non est ad rem: quaeritur enim, utrum Deus, stante indifferentia judicii, per omnipotentiam suam operationem, eam ita immutare possit, ut ab ea tollere possit indifferentiam, seu potentiam agendi aut non agendi: negat id S. Thomas, ut multis jam argumentis ostensum est.

Dices 5. equidem, stante judicii indifferentia stare libertatem; sed impossibile esse, ut cum pramotione physica stet illa indifferentia judicii; ac proinde ut stet ipsa libertas.

Sed id omnino falsum est. Nam 1. quantumcumque Deus efficaciter & physice voluntatem ad bonum pramoveat, ac praedeterminet, non efficit, ut intellectus bonum illud apprehendat tanquam summum bonum; ac proinde ab eo non tollit indifferentiam judicii. 2. Illa responsio repugnat Augustino: nempe S. Doctor in Enchiridio cap. 98. sic loquitur: *Quis ita desipiat, ut dicat, Deum malas hominum voluntates, quas voluerit, quando voluerit, ubi voluerit, in bonum convertere non posse?* quod quidem adeo verum censer, ut velit pertinere principium illud ad prima fidei rudimenta: *Periclitatur (inquit ibidem) nostra fidei confessionis initium, quæ nos in Deum omnipotentem credere profiteamur.* Ergo stante indifferentia judicii, Deus, ex Augustino, potest, ubi & quomodo voluerit, etiam per motionem physice praedeterminantem, voluntatem ad bonum movere. Nec obstat, quod adversarii repouunt, illum movendi voluntatem modum esse contra ipsius voluntatis naturam. Illam enim repugnantiam nec Augustinus, nec S. Thomas adverterunt: scilicet hæc habet S. Thomas de electione humana q. 6. art. unico ad 3. *Deus voluntatem movet immutabiliter propter efficaciam divinæ virtutis, quæ deficere non potest; sed tamen propter naturam voluntatis motæ, quæ (propter judicium indifferens intellectus) indifferenter se habet ad diversa, non inducitur necessitas, sed remanet libertas.*

Sed de libertate hæc satis sint. Qui plura scire voluerit, adeat opus, quod de eo argumento sic inscripsit, *S. Thomas sui interpretæ, doctissimus Antoninus Maboulie Prædicator.*

QUESTIO II,

De Moralitate actuum humanorum.

Not. 1. **C**ertum est, moralitatem in actibus humanis reperiri; nempe moralitas (ut nomen sonat) est id, quod

ad mores pertinet: atqui in actibus humanis nonnihil est, quod ad mores pertinet; in eis enim est aliquid, per quod homo sit honestus, vel inhonestus, bonus aut malus, secundum prudentem estimationem.

Not. 2. Certum est quoque, essentialiter moralitatis positam esse in relatione ad regulas morum. Nam 1. non est ipsa libertas actus, quem voluntas elicit, cum actus concipiatur liber, antequam sit moralis. 2. Non est quoque physicus amor objecti, circumstantiarum, aut finis; siquidem ille amor, non minus quam libertas, moralitati præsupponitur. Moralitas igitur est ad regulas morum relatio vel conformitatis, vel difformitatis, vel indifferentiæ objectivæ. Unde actus Moraliter recte definitur potest, *Actus conformis, vel difformis regulis morum, aut ab eis permissus*.

Not. 3. De moralitate sic explicata quæri potest 1. quænam sint illius principia; 2. quænam variae illius species. Utrumque, seu, & principia moralitatis, & variae illius species, necesse est, ut in hac quaestione exponamus.

CAPUT PRIMUM.

De Principiis Moralitatis.

Not. **N**omine principiorum moralitatis intelliguntur ea omnia, per quæ, actus humanus sit bonus, vel malus, vel indifferens. Ea vero sunt tria tantum, objectum, circumstantiæ, finis. Nimirum ex ordine, quem actus humani ad objectum, circumstantias, & finem dicunt, sunt morales, hoc est, aut boni, aut mali, aut indifferentes. De singulis illis moralitatis principiis in hoc capite differemus, quæremusque, utrum specifica moralitas actuum humanorum sumatur ab objecto, ex circumstantiis, ex fine, seu intentione operantis.

CONCL. 1. Specifica humanorum actuum moralitas sumitur ab objecto.

Probatur 1. Ab eo sumitur specifica moralitas actuum humanorum, ratione cuius quædam virtutes, & quædam vitia a se invicem specie differant: atqui quædam virtutes, quædam vitia, a se invicem specie differunt ratione objecti circa quod versantur: sic virtutes theologice specie differunt a virtutibus moralibus, quod istæ habeant objectum specie diversum ab objecto, circa quod theologice versantur: sic etiam homicidium & furtum specie differunt, quod illorum objecta specie differant: ergo specifica moralitas actuum humanorum sumitur ex objecto.

Probatur 2. Receptum est apud Philosophos axioma, quod relationes a suo termino speciem sumunt: sed moralitas actuum humanorum est relatio ad objectum, circa quod versantur, & illud objectum est eorum terminus: ergo moralitas specifica actuum hu-

manorum sumitur ex objecto, circa quod versantur.

Obijcies 1. Moralitas specifica non sumitur ab eo quod nullam habet moralitatem: nemo enim dat, quod non habet: atqui sunt quædam objecta, quæ nullam habent moralitatem, cum dentur quædam objecta, quæ sunt omnino indifferentia; ut videre est in deambulatione, quæ quidem secundum speciem sumpta, nec honesta est, nec inhonestæ: ergo &c.

Resp. conc. maj. neg. min. Ad cujus probationem, fatemur dari objecta quædam, quæ secundum speciem sunt indifferentia; sed contendimus, illam indifferentiam esse moralitatis speciem; siquidem illud est species moralitatis, quod subijcitur legi: atqui indifferentia subijcitur legi, permittenti nimirum. Unde ideo vir frugi objectum ex se indifferens eligit, quod huiusmodi objectum a lege permittatur.

Confirmatur responsio ex S. Thoma, qui 1. 2. q. 92. asserit legem, ut sic, habere triplicem actum, prohibere scilicet, præcipere & permittere: ergo indifferentia a lege permittitur: Sunt (inquit S. Doctor) tres differentie humanorum actuum. Quidam sunt boni ex genere suo, & respectu horum, ponitur legis actus præcipere, seu imperare. Quidam actus sunt mali ex genere suo, sicut actus vitiosi, & respectu horum, lex habet prohibere. Quidam vero ex genere suo indifferentes, & respectu horum, lex habet permittere.

Obijcies 3. Moralitas specifica sumitur ex solo fine operantis; ergo non sumitur ab objecto.

Probatur ant. Ab eo solum sumitur specifica moralitas actuum, quod per se appetitur ab operante: atqui finis solus propter se appetitur ab operante; siquidem objectum non appetitur ab operante, nisi in ordine ad finem quem operans sibi proponit: ergo &c.

Resp. ad 1. neg. ant. Ad 2. neg. maj. Moralitas nimirum actus humani, licet a fine operantis extrinsece sumatur, ut dicetur inferius; sumitur tamen intrinsece ex ordine intrinseco, quem actus dicit ad objectum.

CONCL. 2. Moralitas specifica actuum humanorum sumitur a fine operantis, seu ab intentione, quam sibi operans proponit.

Probatur. Moralitas specifica ex eo sumitur, ad quod actus tendit tanquam ad terminum: moralitas enim est relatio; relationes autem (ut superius observatum est) a suo termino speciem suam sumunt: atqui finis operantis est terminus, ad quem tendit actus humanus; ideo enim operans, hunc vel illum actum operatur, ut finem, quem sibi proponit, assequatur: ergo &c.

Quæres 1. an moralitas actus humani, quæ sumitur ex fine operantis, sit actui humano intrinseca; an vero ea tantum quæ ex objecto sumitur.

Resp. 1. moralitatem actus humani petitam ex fine operantis, esse essentialem actui reduplicative prout actus est imperatus a voluntate. Ratio est, quia actus consideratus prout est imperatus a voluntate, precipue respicit finem operantis; siquidem voluntas ex efficacia finis ab operante intenti movetur ad objectum. Resp. 2. moralitatem desumptam ex fine operantis, non esse essentialem actui, prout actus est elicitus a voluntate, quia sic acceptus solum objectum essentialiter respicit: Illi enim in esse specifico iam constituto advenit finis extrinsecus operantis.

Ex illa responsione inferitur 1. unicuique actum posse pertinere ad virtutes specie diversas; potest enim ab una elici, & imperari ab altera: Idque patet in eleemosyna, quæ quidem habet rationem & speciem iustitiæ, cum quis eam clauditur, ut Deo peccatis satisfaciat; habet vero rationem misericordiæ, prout ad sublevandam inopis miseriam ordinatur. Inferitur 2. posse in uno eodemque actu reperiri duplicem moralitatem; unam quidem ex parte operis, seu ex parte objecti; alteram autem ex parte operantis. Illa magis est præcipua, si actus, prout est externus, consideretur; ista vero principem locum tenet, si actus, prout est internus, perpendatur.

Quæres 1. utrum finis, seu intentio operantis, excuset a peccato?

Resp. 1. finem, quem operans sibi proponit, quantumcumque supponatur rectus, non excusare a peccato in iis quæ per se mala sunt: siquidem bonum, ut fert tritum axioma, ex integra causa; malum ex quolibet defectu: ergo si sit defectus ex parte objecti, hoc est, si objectum quod voluntas eligit, sit per se malum, operans a peccato non excusatur. Hinc ii qui Apostolos persecuti sunt, non fuerunt immunes a peccato, quamvis (ut ait Scriptura) arbitrarentur se obsequium præstare Deo. Hinc Paulus reus fuit, cum in incredulitate, zelo Mosaicæ legis, vexavit Ecclesiam Dei: & ita de ceteris.

Resp. 2. finem operantis, si rectus sit, operantem excusare a peccato in iis quæ secundum speciem sunt indifferentia; immo efficit, ut actus qui ex parte objecti sunt indifferentes, sint recti & boni: sic deambulatione, quæ a pio viro suscipitur animi relaxandi causa, ut liberius postea suo officio, quod in Dei gloriam ultimo refert, perfungatur.

Dicitur est, finem operantis, ut excuset a peccato, aut ut reddat actum bonum, debere esse rectum; idque ut excluderetur finis quem operans sibi proponit, ut vel avaritiæ, vel ambitioni, vel voluptati serviat.

Hincque concluditur 1. ad mutandum beneficium satis non esse Clerico, quod bene-

ficiam, quod ambit, sit pinguius eo quod ab eo dimittitur: tota nimirum traditio docet, tunc tantum licitum esse ab uno titulo in alium transire, cum id Ecclesiæ utilitati conferat: quod quidem an conferat, necesse non est hominum particularium iudicare, sed superiorum tantum, & eorum quibus jus est particulares ad aliud titulum vocare.

Concluditur 2. reum esse qui hominem, percussus alapa, occidit, ut (inquiunt recentiores quidam casuum arbitri) ostendat excellentia signa, & estimationem apud homines sibi conciliet: Præter quam quod enim res est per se mala, actus ille sit etiam malus ex fine; nempe velle estimationem apud homines captare, non est finis rectus, seu qui sanæ & non corruptæ rationi consentaneus sit.

Concluditur 3. peccare tum qui comedit, bibit, utitur matrimonio solius voluptatis causa, eaque solum ductus ratione, quod licite possit appetitus naturalis suis actibus frui: scilicet voluptas non est finis, qui homini rationi prædito conveniat.

Concluditur 4. graviter peccare cauponarium qui die jejunii hospites, quos scit teneri jejunii lege, provocat ad coenandum, ut ex majoribus eorum expensis emolumentum majus percipiat. Reus est pariter mercator, qui mulieri divendit ornamenta, quæ ad lasciviam provocent, eo fine ductus, ut acquisitis magno pretio mercibus se liberet. Peccat quoque, qui domum suam elocet meretrici, quod alii, quibus eam elocet, minime se offerant. Rei sunt quoque qui proximas peccati mortalis occasiones non deferunt: qui herorum iniquitati serviunt, ne alioquin pauperem vitam agere cogantur; aut ne torvis oculis ab heris suis aspiciantur; aut tandem ex eorum domo dimittantur. Nam præter quam quod ea omnia, mala sunt ex objecto, rectus non est finis, quem ultimo cauponarius, mercator, famuli sibi proponunt: Divinæ nimirum legi suam cupiditatem anteponunt.

Concluditur 5. eum qui ex mutuo lucrum accipit, reum esse furri, quamvis lucrum illud non tanquam ex iustitia debitum, sed ex gratitudine tantum accipiat. Hinc falsissima & erronea est hæc cujusdam recentioris regula: *Intenditur lucrum ex mutuo, tanquam debitum ex iustitia: est ne usura? Ita plane. At si tanquam ex benevolentia, seu gratitudine, nequaquam.* Falsa est quoque & erronea hæc alia ejusdem auctoris regula: *Idem etiam affirmo de pacto, ut conferat officium vel beneficium: si enim (mutuum) juvancat solum obligationem ex amicitia vel gratitudine, licitum est; secus si ex iustitia obligationem addat: nec tale donum ex tali obligatione exgere, est usura realis.*

CONCLUSIO 3. Moralitas actuum humanorum sumitur, non tantum ex objecto, non

non tantum ex fine, sed intentione operantis; sed etiam ex circumstantiis.

Probatur. Nomine circumstantiarum intelliguntur accidentia quaedam humano actui in suo esse tum physico, tum morali iam constituto, advenientia: Sed ab illis accidentibus actus humani quamdam moralitatem desumunt: idque patet 1. eorum comparatione cum accidentibus physicis, quae quamdam integritatem, aut corruptionem enti physico conferunt. 2. Circumstantia subiacent regulis morum: vel enim ab eis praecipuntur, vel prohibentur, vel permittuntur: atqui quae subiacent regulis morum, actibus humanis moralitatem conferunt: ergo, &c.

Quaeres 1. An moralitas quae ex circumstantiis advenit actui humano, sit ipsi essentialis, an accidentalis tantum.

Resp. cum distinctione. Est accidentalis, quando circumstantia primario & per se non intenduntur ab operante: e contra, est essentialis, cum primario & per se ab operante appetuntur; tunc enim transeunt in ipsum objectum, seu sunt praecipuum operantis objectum: ut patet in eo qui determinatus ad sacrilegium, in loco sacro furatur, ut impium consilium mandet executioni: eo enim in casu malitia quae ex loci sacri circumstantia oritur, est actui essentialis.

Quaeres 2. Quotuplicis generis sint circumstantiae actuum humanorum?

Resp. circumstantias illas duplicis esse generis. Nonnullae siquidem dicuntur mutantes speciem actus; aliae vero intra eandem speciem dicuntur aggravantes. Ut Theologiae candidati istas ab illis facilius discernant, subsequentes regulas observent oportet.

Prima Regula. Quando circumstantia efficit, ut actus opponatur alicui virtuti, cui alioquin non opponeretur, aut elicit, ut ei sit conformis, mutat speciem actus humani, ut patet in furto, quod quis in loco sacro perpetravit: illa nimirum circumstantia ideo mutat speciem actus (qui ex se, seu, ex objecto, est contra iustitiam,) quod efficiat, ut virtuti speciei diversae a iustitia, religioni scilicet, opponatur.

Secunda Regula. Circumstantia potest aliquando mutare speciem actus quoad malitiam, quamvis non reddat actum speciali virtuti contrarium, cum scilicet duplex recessus ab una eademque virtute est huiusmodi, ut unus recessus ab altero recessu specie differat. Illius regulae veritatem videre est in prodigalitate & avaritia respectu liberalitatis, cui illa, hoc est, prodigalitas, per excessum opponitur; illa vero, id est, avaritia, per defectum.

Tertia Regula. Quantitas autem ipsius objecti, ut decem aurei in furto, vel quantitas actus, ut sunt impudicus, duratio, est circumstantia, quae non mutat speciem actus ex parte conversionis ad creaturam; mutat vero ex

parte aversionis, sive recessus a fine ultimo simpliciter, vel secundum quid; per quem quidem recessus actus constituitur in ratione peccati mortalis, vel venialis. Illius regulae veritas patet in furto, cuius magna quantitas non efficit, ut ingentis pecuniae furtum differat ab exiguae pecuniae furto ex parte objecti, seu conversionis ad creaturam: eadem enim est specie pecunia, quae invito domino subripitur; sed tantum ex parte aversionis a fine ultimo; scilicet reddit mortale, quod alias veniale tantum esset.

CAPUT II.

De variis speciebus Moralitatis.

Not. Tres vulgo distinguuntur Moralitatis species, indifferentia, bonitas, & malitia. Primam lex permittit: alteram imperat; tertiam prohibet. Circa primam quaeri potest, utrum in actibus humanis reperiat: circa alteram, an per actum extrinsecum augeatur: tandem circa tertiam, utrum illius essentia in aliquo positivo, an vero in aliquo tantum privativo consistat. Tres illae quaestiones subsequentibus capitibus seorsim expendendae sunt.

ARTICULUS I.

Utrum dentur actus indifferentes.

Not. Actus humani possunt considerari vel in specie, vel in individuo. Priori modo perpenduntur in ordine ad solum objectum, ad quod ex se tendunt. Posteriori vero, in ordine non solum ad objectum, sed etiam in ordine ad circumstantias & ad finem operantis.

Not. 2. Thomistae fatentur quidem, nonnullos esse actus humanos, qui secundum objectum, ac proinde ex se, & secundum speciem, sint indifferentes; sed contendunt, habita ratione ad finem operantis, seu, in individuo, nullum esse qui sit indifferens, sive qui non sit bonus, vel malus. Quid nos sentiamus, subsequentibus conclusionibus aperietur.

CONCLUSIO 1. Dantur actus humani indifferentes in specie.

Probatur. Actus humani in specie, sunt actus considerati secundum objectum, ad quod ex se tendunt: siquidem (ut superius dictum est) actus speciem suam ab objecto sumit: atqui nonnulli actus humani, habita ratione ad objectum ad quod ex se tendunt, sunt indifferentes. Scilicet dantur quaedam objecta, quae intrinsece nec bona sunt, nec mala; sed plane indifferentia ad bonitatem, & ad malitiam: huiusmodi vero sunt levare festucam, colligere rosas, & alia quae ejusdem sunt generis: nec mirum; neque enim ii actus lege aut prohibentur, aut praecipuntur, sed permittuntur tantum.

CON-

CONCL. 2. Nulli dantur actus indifferentes in individuo.

Probatur. Actus humani sumpti in individuo, includunt non tantum objectum, ad quod proxime tendunt, sed etiam finem, quem operans sibi proponit; atque ille finis, cum habeat rationem boni (quippi qui appetatur a voluntate, quæ nonnisi in bonum tendit) vel est utilis vel iucundus, vel honestus; ergo non est indifferens, sed bonus, aut malus. Probatur minor. 1. Bonum utile, cum propter se non desideretur, sed propter honestum, aut iucundum, non est indifferens: siquidem utile inducit rationem finis, ad quem ordinatur. 1. Bonum iucundum convenit quidem homini, prout homo est animal, seu, prout est sensibus donatus, sed ei non convenit, prout est ratione præditus: ergo voluntas creaturæ rationalis illud sibi pro fine licite proponere non potest: scilicet in omnibus suis operibus deliberatis debet agere, prout est voluntas, hoc est, prout est ratione prædita, & consequenter operari debet propter finem, qui rectæ rationi conveniat. 3. Bonum honestum, cum sit ipsa iustitia, ipsamet æquitas, maxime decet creaturam rationalem; proindeque bonum honestum est finis in se, & absolute bonus.

Confirmatur illa ratio auctoritate S. Augustini, qui lib. 2. de peccat. meritis, c. 18. sic loquitur: *Voluntas mirum si potest in media quodam ita consistere, ut nec bona, nec mala sit: aut enim iustitiam diligimus, & bona est aut si omnino non diligimus, non bona est*. Loqui S. Doctorem de voluntate sumpta, non secundum habitum, sed secundum actum, evincitur iterum ex eo, quod idem S. Doctor in exemplum bonæ voluntatis, de qua loquitur, asserat conversionem ad bonum incommutabile, quod est Deus; & in exemplum malæ voluntatis proponat aversionem a bono incommutabili: atqui conversio & aversio actum dicunt, non habitum. Evincitur denique 2. ex ejusdem libri cap. 10. ubi ipsemet Augustinus voluntatem interpretatur actum, non autem habitum: *Voluntas (inquit) est animi motus, cogente nullo, ad aliquid vel non ornandum, vel adipiscendum*.

Confirmatur 2. eadem ratio auctoritate S. Thomæ, qui in librum 1. Sent. dist. 1. c. 2. sic loquitur: *Secundum Theologos nullus actus, præcedens a voluntate deliberata, est indifferens, quia, si refertur ad Deum supposita*

gratia, meritorius est. Si autem non est referibilis, peccatum est; si vero est referibilis, & non refertur, vanus est & otiosus. Otiosum autem apud Theologos inter peccata computatur: Et quidem merito; dicit enim Christus Matth. 12. Omne verbum otiosum, quod locuti fuerint homines, reddet rationem de eo in die iudicii.

Probatur iterum nostra conclusio. Creatura rationalis teneretur omnia opera quæ ex deliberatione agit, ad Deum ultimum finem, saltem virtualiter, referre: ergo nulli dantur actus indifferentes in individuo. Antecedens ostenditur ex Apostolo, qui 1. ad Corinthios 10. sic loquitur: *Sive manducatis, sive bibitis, sive aliud quid facitis, omnia in gloriam Dei facite*. Sic iterum ad Colossenses c. 3. *Omne quodcumque facitis in verbo, aut in opere, omnia in nomine Domini Jesu Christi facite*. Sic tandem 1. ad Corinthios 16. *Omnia vestra in caritate fiant*.

Nec audiendi sunt, qui respondent, eas Apostoli sententias intelligi debere de consilio, non autem de præcepto, hoc est, Apostolum hortari quidem fideles, ut omnia in gloriam Dei referant, sed id officii eis minime præcipere. Non sunt (inquam) audiendi. Nam 1. verbum illud Apostoli, *facite*, præceptum sonat, non autem merum consilium: siquidem si Apostolus præceptum significare voluisset, vix alio termino, qui præceptum expressisset magis, uti potuisset. 2. Repugnat illa responsio Augustino: in libro enim de Corrept. & Gratia, c. 5. sic loquitur: *Præcipit Apostolus dicens: Omnia vestra in caritate fiant*. Repugnat 3. Angelico Doctori, qui exponens laudatum ex Epistola ad Colossenses textum, hæc habet: *Quidam dicunt, quod hoc est consilium; sed hoc non est verum*. Repugnat 4. Ambrosio, qui Serm. super verba Malachiz hac scribit: *Qui est Christianus, semper debet Patri ac Domino suo laudes dicere, & in ejus gloriam omnia procurare, sicut ait beatus Apostolus: Sive manducatis, sive bibitis, sive aliud quid facitis, omnia in gloriam Dei facite*. Repugnat 5. S. Bernardo, qui Serm. 3. de diversis sic loquitur: *Quidquid facimus, jubemur facere in gloriam Dei*.

Non audiendi sunt quoque qui respondent, Apostoli verba intelligi quidem de præcepto sumpto; sed illud præceptum esse solum juris divini positivum, non autem juris naturalis; ac proinde fideles eo quidem teneri, non autem gentiles, qui de Evangelio nihil unquam audierunt.

Non sunt (inquam) audiendi; nam præceptum illud Apostolicum nihil aliud est, quam declaratio & explicatio juris naturalis. Nempe 1. debitum omnia ad Dei gloriam referendi, omnibus omnino hominibus imponitur per primam Decalogi mandatum,

quod

quod quidem ſicut & cetera Decalogo mandata, juris eſt naturalis: *Dilige Dominum Deum tuum ex toto corde tuo*. In qua verba ſic loquitur Auguſtinus in Lib. 1. de Doctrina Chriſtiana, c. 22. *Cum autem ait toto corde, tota anima, tota mente, nullam viſa noſtra partem relinquit, qua vacare debeat, & quaſi locum dare, ut alia re velis frui (id eſt, propter ſe ultimo diligere;) ſed quidquid aliud diligendum veneris in animum, illuc rapiatur, quo totus dilectionis impetus currit*: 2. Jure naturali Deus eſt non tantum principium, ſed etiam ultimus finis creaturæ rationalis, Alpha nimirum & Omega: ex quo conſequitur quod ſicut jure naturali, omnia ab ipſo procedant tanquam a principio: ita jure naturali, omnia ad ipſum tanquam ad finem ultimum referenda ſint.

Ex iis que dicta ſunt, patet 1. quam merito Illuſtriſſimus TUSSANUS DE FOURBAIN DE JANSON, Episcopus Dignienſis, nunc vero Episcopus Bellovacenſis, & S. Romana Eccleſiæ Cardinalis Eminentiſſimus, propter varia opinionum portenta, & coetiam nomine, quod negaretur homini incumbere debitum omnia in Dei gloriam referendi, proſcripſerit librum, cui titulus: *Apologie des Cauiſtes*.

Patet 2. quam merito Illuſtriſſimus & Reverendiſſimus JACOBUS NICOLAUS COLBERT, Archiepiſcopus Rothomagenſis, die 28. Martii ann. 1697. cuidam ſuæ Diœceſis theologie profeſſori, cujus inſtituto & nomini parciſſimas, injunxerit, ut huic propoſitioni, quam edico libello impugnaverat, ſubſcriberet. *L'obligation d'aimer Dieu eſt le premier, & le principal devoir de l'homme, & nulle part de la vie ne eſt exempte de l'amour de Dieu, au moins habituel*. hoc eſt, *Debitum amandi Deum eſt primum & præcipuum officium hominis, nec ulla pars viæ ab amore Dei, ſaltem habituali, id eſt, virtuali, vacare debet*.

Patet 3. quam merito idem Illuſtriſſimus Archiepiſcopus ſuæ Diœceſeos Paſtoribus præcepit, ut gregem ſibi creditum doceant, unumquemque hominem teneri ad Deum, tanquam ultimum finem, omnes ſuas actiones deliberatas referre: *Les ſeules lumieres naturelles* (inquit Doctiſſimus Archiepiſcopus in ſecundatima, & ſolidiſſima Inſtructione Paſtorali, quam idiomate patrio, ann. 1697. promulgavit) *apprennent à l'homme que l'amour eſt le culte continuel & la juſte reconnaissance qu'il a dû au premier Eſtre, pour qui il a été créé, & de qui il a tout reçu. Le deſir d'être heureux, qui eſt le principe de tous ſes mouvements, le porte ſans ceſſe à aimer le ſeul bien capable de remplir ſon cœur; & un ordre immuable, dont il ne peut ſ'écarter ſans injuſtice, lui preſcrit de tendre à Dieu dans toutes ſes actions, comme à ſa fin dernière*.

Enfin toute la ſuite des Ecritures n'ardevant que l'amour de Dieu. C'eſt le précepte qui comprend la joy & les Préſbotes; & nous trouvons en Jeſu Chriſt les motifs les plus preſſants, & les moyens les plus efficaces pour l'accomplir. Qui vero ex parte creaturæ rationalis requiritur, ut faciat ſuis debito requiritur, ut faciat ſuis debito referendi ſuis omnes actiones ad Deum, dicitur in Tractatu de Caritate.

Solvuntur adverſariorum argumenta.

Objeſſes 1. In Concilio Conſtantiſi proſcripta fuit hæc Janus II ſs propoſitio: *Diviſio immediata humanorum operum, eſt, quod ſint vel virtuſa, vel vicioſa*: atqui ſi non darentur actus indifferentes in individuo, illa propoſitio immerito proſcripta fuiſſet; ſi enim non ſint actus aliqui indifferentes in individuo, quælibet humana opera erunt vel virtuſa, vel vicioſa in individuo: ergo &c.

Reſp. conc. maj. neg. min. Ad cujus probationem diſt. ant. Quælibet opera humana erunt vel virtuſa, vel vicioſa in individuo, in ſenſu Joannis Huſs, conc. ant. in ſenſu Concilii Conſtantiſis, neg. ant. Propoſitio de qua agitur, in ſe, & absolute a Concilio Conſtantiſi proſcripta non fuit, ſed tantum relative ad ſenſum Joannis Huſs, qui contendebat, omnia, quæ ſunt a peccatore, hoc eſt, ab homine jacente in ſtatu peccati mortalis, eſſe peccata; quæ vero a juſto, eſſe virtutis actus. Patet reſponſionis veritas ex his verbis, quæ propoſitioni de qua eſt quaſti, tanquam ratio Joannis Huſs in laudata Conſtantiſi Synodo ſubſciantur: *Quis* (inquit Joannes Huſs) *ſi homo eſt vicioſus, & agit quidpiam, tunc agit vicioſe, quia ſicut vitium, quod crimen dicitur, ſeu mortale peccatum, inſeſt univerſaliter actus hominis vicioſus, ſic virtus vivificat omnes actus hominis virtuoſos*. Contraſt illa Joannis Huſs ratio hæreſim apertam, cum ſide Catholica certum ſit, juſtum non amiſſa juſtitia peccare venialiter, & impium in ſtatu peccati remanentem, actus informes fidei, ſpei, & caritatis elicere poſſe: merito igitur damnata fuit relata novatoris illius propoſitio: at locum non habet in eorum ſententia, qui contendunt, nullos dari actus humanos indifferentes in individuo; ſiquidem ſtetur, hominem qui jacet in ſtatu peccati mortalis, poſſe, & revera componere actus aliquos in individuo bonos cum ſtatu peccati mortalis, ſi concupiſcentiæ non obſequatur, & eos ad rectum & debitum finem referat; ſicut juſtus potest componere, & revera componit actus aliquos venialiter malos cum ſtatu juſtitiæ, ſi ex motu concupiſcentiæ operetur, aut ſi rectam & debitum finem in actibus ſecundum ſpeciem indifferentibus ſibi non proponat.

Obje-

Obijcies 2. Sanitas est finis indifferens : potest enim aut malo ; aut bono usui esse : atqui licitum est homini ultimo agere propter sanitatem : ergo etiam & propter finem indifferenter.

Resp. conc. maj. neg. min. Ratio est 1. quia qui ultimo propter sanitatem operatur, seipso fruitur : frui enim, ex Augustino, est inhærere alicui objecto propter ipsum : at is qui seipso fruitur, peccat, cum, ex eodem Augustino, una res tantum sit, Deus nimirum, qua frui licite possumus, ac debemus ; & aliunde humana sit perversitatis, ex eodem S. Doctore, uti velle fruendis, & frui utendis. 2. Qui ultimo propter suam sanitatem operatur, agit contra rectam rationem ; siquidem recta ratio præscribit creaturæ, ut seipsam in virtutis bonum referat : Hoc ipsum (inquit S. Thom. 1. 2. q. 18. art. 9.) quod aliquis agit ordinate ad sustentationem, quietem sui corporis, bonum virtutis ordinatur in ea, qui corpus suum ordinat ad bonum virtutis.

Obijcies 3. Ideo dicitur, nullum dari actum indifferenter in individuo, quod finis cujuslibet actus humani debeat esse finis honestus : at id falsum est : voluptas enim non est finis honestus, & tamen potest esse finis actus, qui ob id malus non sit : nimirum licitum est propter voluptatem operari ; ad eam quippe natura hominem inclinat ; DEUS voluit, ut voluptas quosdam actus, esum y. g. & potum, comitetur : ergo &c.

Resp. ad 1. conc. maj. neg. min. Ad 2. neg. ant. seu nego, licitum esse propter voluptatem operari. Ratio est 1. quia hoc axioma : *Licitum est propter voluptatem operari*, ipsissimam Pelagianorum doctrinam ab Ecclesia in Juliano damnatam continet. Pelagiani nimirum, a quibus Julianus stetit, contendebant, concupiscentiam seu amorem boni sensibus convenientis, non esse malam, ac proinde ex ea concludi non posse existentiam peccati originalis. 2. Si liceret propter voluptatem agere, vera esset hæc cujusdam recentioris Casuista propositio : *Comedere & bibere usque ad satietatem ob solam voluptatem, non est peccatum, modo non ob sit valetudini, quia licite potest appetitus naturalis suis actibus frui* : at vera non est ; ei enim jam ab Innocentio Papa XI. damnata hæc specialem censuram inussit Clerus Gallicanus ad Comitia Generalia anno 1700. adunatus ; *Hæc propositio temeraria est, scandalosa, perniciofa, erronea, & ad Epicuri scholam ableganda*. Ad allatas vero rationes ad probationem ejusdem antecedentis, dicendum est, naturam, non sanam, sed corruptam tantum, inclinare hominem ad voluptatem sensuum. Dicendum est iterum, Deum ideo voluisse, ut quædam voluptas demulceret hominis sensus, ut quorundam actuum, qui alioquin aut ad vitæ conservationem, aut ad propagationem pro-

lis, necessarii sunt, exercitio subserviret, non vero ut actus propter illam voluptatem exercerentur. Unde contra naturam sanæ inclinationem, contra Dei ordinationem agit, qui in actibus deliberatis sensuum delectationem, tanquam sui operis finem sibi proponit.

Obijcies 4. Dantur actus indifferentes in specie : ergo dantur pariter in individuo ; siquidem nulla datur species sine individuo.

Resp. conc. ant. neg. conseq. Ratio est, quia species actuum humanorum reperitur quidem in individuo, cum voluntas operans amplectitur aliquod objectum individuale, a quo actus suam desumit speciem : at actus humani præter speciem quæ ex objecto petitur, includant in individuo, hoc est, cum re ipsa eliciuntur, finem operantis, a quo malitiam aut bonitatem, quas non habent ex objecto indifferente, desumunt.

Obijcies 5. Ideo a Theologis asseritur, non dari actus indifferentes in individuo, quod quilibet homo jure naturali teneatur omnia deliberata sua opera ad DEUM tanquam ad ultimum finem referre : atqui ad id homo non tenetur : ergo &c.

Probatur min. 1. Id naturæ nostræ fragili, & per peccatum corruptæ est omnino impossibile ; idque non ab homine viatore, sed tantum a possessore fieri potest ; quis enim semper ac quovis momento de Deo cogitare potest, nisi is qui jam Deo fruitur ? 3. Præceptum referendi ad Dei gloriam omnes actus deliberatos, est præceptum affirmativum : ergo non obligat pro semper, cum juxta Theologos, illud sit discrimen inter præcepta affirmativa & negativa, quod ista obligent pro semper, non autem illa.

Resp. 1. etiam supposito, quod homo non teneretur omnes suos actus deliberatos in Deum referre, non sequi, quod dentur actus indifferentes in individuo. Ratio est, quia in ea suppositione (quæ tamen falsa est) homo teneretur agere propter finem honestum, seu propter operis honestatem, hoc est, propter conformitatem quam opus habet cum recta ratione ; ac proinde actus hominis non essent indifferentes in individuo.

Resp. 2. conc. maj. neg. min. Ad ejus priorem probationem, dist. ant. Id naturæ fragili est impossibile, si teneatur omnia sua opera actu ad Deum referre, conc. ant. si teneatur referre tantum virtualiter, neg. ant. At isto tantum modo, non autem illo, homo dum existit in via, tenetur omnia sua deliberata ad Deum referre, hoc est, teneretur referre per relationem virtuales, quæ procedat ex actuali præcedente, quæ moraliter perdurare censeatur, sicque in opus influat ; quamvis operans de Deo actu non cogitet. Scilicet (ut ait eruditus quidam re-

centior) opus semel directum in Deum, jam de se quasi in ipsum, sicut emissâ sagitta in scopum, tendit: neque exigitur, ut quovis momento directio repetatur, sed sufficit, si intentio abrupta non fuerit. Scilicet voluatas se habet aliquo sensu, sicut rota ista movente pulsata, quæ, otante etiam manu, quæ illi motum impressit, cursum absolvit suum. Verum ne deficiat tandem, etiam virtualiter, actualis directio in Deum, monent S. Bonaventura in librum 2. Sentent. dist. 41. art. 1. q. 3. Cardinalis Bellarminus lib. 5. de justificatione cap. 15. actuale illam directionem sapienter renovari debere. His auctoribus subscribit Estius in 1. ad Corinthios 10. ubi sic loquitur: *Quo magis autem hujusmodi intentio virtute maneat in actionibus nostris quotidianis, frequenter actu renovanda est.*

Ad alteram antecedentis, de quo agitur, probationem, dicendum est, præcepta affirmativa non obligare quidem pro semper, aut quando perpetuam illam obligationem non imponunt, aut quando non continent, saltem implicite, præceptum aliquod negativum; at præceptum affirmativum, quo Deum ex toto corde, ex tota anima, ex totis viribus diligere jubemur, perpetuam illam obligationem omnia deliberata opera ad Deum saltem virtualiter referendi continet; ac proinde obligat pro semper. 2. Continet, saltem implicite, præceptum negativum, quo scilicet prohibemur, ne in aliquo actu creaturis amore inhæreamus, hoc est, ne creaturis fruamur: unde in primo Decalogi mandato: *Dilige Dominum Deum tuum ex toto corde, &c.* continetur hoc aliud quod est negativum: *Non fies ultimat in aliqua creatura; eamque si diligas, amorem illius in Dei dilectionem referes.*

Dices. S. Thomas 1. 2. q. 88. art. 1. videtur docere sequi ex eo, quod præceptum omnia in Deum referendi sit affirmativum, illud pro semper, ne quidem virtualiter obligare. Ubi enim objicit sibi textum Apostoli prioris ad Corint. 10. sic respondet: *Dicendum, quod illud præceptum Apostoli est affirmativum: unde non obligat ad semper; & sic non facit contra hoc præceptum quicumque non actu refert in gloriam Dei omne quod facit; sufficit ergo, quod aliquis habitualiter referat se & omnia ad Deum.*

Resp. 1. S. Thomam per vocem illam, *habitualmente*, intelligere idem ac per *virtualiter*. Ratio est, quia 3. p. q. 68. art. 8. ad 3. *habitualmente* sumit pro *virtualiter*; eo nimirum loci scribit, intentionem *habitualmente* ministrari sufficere, ut valide Sacramentum conficiatur.

Resp. 2. dist. verba Sancti Thomæ. Sufficit ad non peccandum mortaliter contra hoc præceptum, quod aliquis habitualiter refe-

rat se & omnia ad Deum, conc. ant. sufficit ad non peccandum venialiter, neg. ant. Ratio est, quia in loco qui nobis obiectus est, S. Doctor agit de distinctione peccati venialis a peccato mortali, asseritque, peccatum veniale non tollere caritatem, sed relinquere hominem habitualiter, hoc est, per habitum caritatis sanctificantis, conversum ad Deum; indeque concludit non referre omnia in Deum, non esse contra, sed præter Apostoli mundatum: quemadmodum de aliis omnibus peccatis venialibus asserit, quorum naturam contendit in eo esse positam, quod non sint contra, sed præter legem: sic enim ibidem loquitur: *Sufficit ergo quod aliquis habitualiter referat se & omnia ad Deum, ad hoc quod non semper mortaliter peccet, cum aliquem actum non refert in gloriam Dei actualiter: unde & addit: Veniale autem peccatum non excludit habitualem ordinationem actus humani in gloriam Dei, sed solum actuale.*

Jam vero quod Doctor Angelicus censuerit hominem teneri omnia sua deliberata opera ad Deum, saltem virtualiter, referre, evidenter colligitur ex questione de Caritate, art. 11. ad 2. q. disp. sic enim loquitur: *Dicendum, quod omnia actu referre in Deum, non est possibile in hac vita, sicut nec est possibile; quod semper de Deo cogitetur: sed quod omnia referantur in Deum, hoc pertinet ad perfectionem caritatis, ad quam omnes tenentur. Ad cuius evidentiam considerandum est, quod sicut in causis efficientibus virtus primæ causæ manet in omnibus causis sequentibus, ita etiam intentio principalis finis, virtute manet in omnibus finibus secundariis. Unde quicumque intendit aliquem finem secundarium, virtute intendit finem principalem. Sicut medicus dum colligit herbas, actu intendit conficere potionem, nihil fortasse de sanitate cogitans; virtualiter tamen intendit sanitatem, propter quam potionem dat. Sic igitur cum aliquis se ordinat ad Deum, sicut in finem, in omnibus que propter ipsum facit, manet virtute intentio ultimi finis, qui Deus est; unde in omnibus mereri potest, si caritatem habet; hoc igitur modo Apostolus præcipit, quod omnia in Dei gloriam referantur. Hactenus S. Thomas.*

Idem S. Doctor ibidem in responsione ad 3. sic mentem aperit suam: *Aliud est referre habitualiter in Deum, aliud virtualiter. Habitualmente enim refert in Deum, qui nihil agit, nec qui actualiter intendit, ut dormiens; sed virtualiter aliquid referre in Deum, cadit sub præcepto caritatis, cum hoc non aliud sit, quam habere DEUM, ultimum finem.*

Ubi pius & eruditus Contensonius, ex inclypto Dominicanorum Ordine, ea S. Thomæ verba retulit, hanc infert conclusionem: *Ergo manifeste, immo insulse, & crasse mentium.*

tiuntur, qui dicunt S. Thomam ejus fuisse sententia, habitum caritatis, non actum, praeceptum. Nullus enim unquam Theologiae Moraliter error vel fuit, vel esse potest, qui capitalius S. Doctori adversetur.

ARTICULUS II.

Utrum actus exterior, interioris bonitatem aut malitiam augeat.

CONCLUSIO. Actus exterior per se non augeat bonitatem, aut malitiam actus interni efficacis; sed augeat per accidens.

Probatur prima pars 1. ex Scriptura. Si voluntas prompta est (inquit Paulus 2. ad Corinth. 8.) secundum id quod habet, accepta est, non secundum id quod non habet: id est, aequae grata est Deo voluntas sincera, & efficax dandi aliquid, quod non habetur, ac si actu & de facto datum fuisset. Unde sic arguitur. Si actus exterior per se augeret bonitatem moralem actus humani, voluntas efficacis dandi aliquid quod non habetur, non esset aequae grata Deo, ac si reipsa datum fuisset; id enim Deo minus gratum esse debet, quod minorem habet bonitatem moralem: sed falsum est consequens: ergo &c.

Probatur 2. ex Patribus. Cyprianus in Epistola ad Lucium Papam sic loquitur: In Confessoribus Christi dilata martyria non meritum confessionis minuunt: minuerent tamen, si actus exterior quidpiam bonitatis per se adderet martyrii efficaci voto. Sic enim Augustinus l. 1. de libero arbitrio, c. 3. Si cui etiam non contingat facultas concubendi cum conjugee alienae, planum tamen sit id enim cupere, & si potestas daretur, facturum esse: non minus reus est, quam si in ipso facto deprehenderetur. Sic etiam Bernardus Epist. 77. Quid planius, quam quod voluntas pro factore putetur, ubi factum excludit necessitas?

Probatur 3. ratione theologica. Illud per se non augeat bonitatem aut malitiam actus interni, quod per se nullam habet bonitatem, nullam malitiam: atqui actus exterior per se nullam habet bonitatem, nullam malitiam: cum enim ex seipso nulla libertate gaudeat, nullam habet moralitatem, sed totam sive libertatem, sive moralitatem habet ab actu interno efficaci: ergo &c.

Probatur altera conclusionis pars. Illud per accidens augeat malitiam actus interni, quod nonnunquam actum internum reddit intensiorem: aut diuturniorem: quod est occasio scandali; quod proximo detrimentum infert; quod restitutionis debitum inducit; quod irregularitatem parit; per quod nonnunquam ipsa excommunicatio incurritur: atqui ea omnia nonnunquam efficit actus exterior: ergo per accidens, ratione scilicet malorum quae ex eo nonnunquam sequuntur,

auget malitiam actus mere interni, licet efficacis.

Obijcies 1. Augustinus in lib. 13. de Trinitate, cap. 5. asserit, quemque sola voluntatis iniquitate miserum quidem fieri, sed (addit) *miseriorem potestate, quo desiderium mala voluntatis impletur*: at non ob aliud fit inferior per actum externum, quam quod actus externus augeat malitiam actus interni: ergo &c.

Resp. dist. min. Non ob aliud fit inferior, quam quod per actum externum augeatur per accidens malitia actus interni, conc. min. quam quod augeatur per se, neg. min. Nec mirum: praeter ea enim quae (ut observatum est) ex actu externo in interiorum redundant, efficitur, ut exteriores potentiae magis ad malum propendeant, ut ingenii acumen obtundatur, & mens magis inepta redatur ad rerum spiritualium saporem.

Obijcies 2. Si eadem, & non alia esset actus externi, & interni malitia, duo illi actus praecipuis distinctis prohiberi non debuissent: at prohibiti sunt tamen duobus distinctis praecipuis; siquidem nono & decimo praecipito Decalogi soli actus interni, uxoris nimirum, & rei alienae concupiscentia, prohibentur; & tamen adulterium & furtum, quae actibus internis in nono & decimo praecipito vetitis correspondent, sexto & septimo praecipito prohibentur: ergo &c.

Resp. neg. maj. Ratio est, quia uxoris & rei cuiuscunque alienae concupiscentia: ideospecialibus praecipuis vetita sunt, quia periculum erat, ne homines carnales (ut erant Judaei, quibus Decalogus scripto datus est) legem observasse sibi viderentur, si a solis actibus externis temperarent, quamvis interioribus praebent consensum. Scilicet Phariseos in eum errorem quondam lapsos fuisse, probant haec Christi verba: Audistis quia dictum est, Non moechaberis: Ego autem dico vobis: Omnis qui viderit mulierem ad concupiscendum eam, jam moechatus est eam in corde suo.

ARTICULUS III.

In quo posita sit malitia moralis.

Not. Nonnulli recentiores Thomistae censent, malitiam moralem in peccato commissionis esse quidpiam positivum. Alii vero scholastici docent, esse meram privationem rectitudinis, quae cuilibet actui humano debetur; in quam nos partem propendamus, subsequens conclusio declarabit.

CONCLUSIO. Malitia moralis non consistit in aliquo positivo, sed in sola debita rectitudinis privatione; quae quidem rectitudo non aliud est, quam actus humani cum lege conformitas.

Probatur 1. Evidens est, malitiam moralem.

lem, quæ in peccato omissionis reperitur, esse meram privationem; siquidem cum peccatum omissionis dicat privationem actus etiam physice sumpti, a fortiori ejus malitia non aliud dicit, quam rectitudinis debitæ, seu conformitatis cum lege privationem]. 2. Non aliud quoque dicere malitiam peccati commissionis, variis momentis ostenditur.

Primo, S. Augustinus agens contra Manichæos, probat, Deum ideo non esse auctorem mali, quod malum nihil sit physicum, & nihil fiant homines, cum peccant; at corrueret illa ratio, si malum morale esset quidpiam physicum & positivum.

Secundo, S. Thomas aperte eandem sententiam tradit; sic enim loquitur 1. 2. quæst. 17. art. 6. *Peccatum nihil est aliud, quam actus humanus malus: Quod sit humanus, habet ex hoc quod sit voluntarius: quod vero sit malus, ex hoc quod caret debita commensuratione*; 2. 2. quæst. 10. art. 3. hæc etiam scribit: *Omne peccatum formaliter consistit in aversione a Deo*: at aversio a Deo, simpliciter prout est aversio, non aliud est, quam privatio conversionis ad Deum.

Tertio, Malum physicum, & malum artificiale constituent in privatione perfectionis debitæ vel secundum naturam, vel secundum artem: ergo a pari malum morale positum est in sola privatione rectitudinis, quæ secundum regulas morum debetur actui humano.

Quarto, Malitia moralis, si consisteret in positivo, non esset peccatum; non enim esset peccatum, nisi in quantum esset ens positivum: sed id falsum est: siquidem nullum ens, prout est ens, est malum aliquod, sed bonum; cum ens & bonum, ex Metaphysicis, convertantur.

Quinto, Deus esset causa, non permissiva tantum, sed etiam causa efficiens malitiæ moralis, cum primum ens sit causa efficiens omnium entium positivorum; receptum est enim apud omnes axioma: *Primum in unoquoque genere est causa ceterorum*.

Obijcies 1. Si malitia moralis in peccato commissionis posita esset in sola privatione rectitudinis, nullum prorsus esset discrimen inter peccatum commissionis, & peccatum omissionis: utrumque enim in privatione consisteret. 2. Peccata extreme posita, ut sunt prodigalitas & avaritia, specie non differrent: nec enim includunt privationes specie diversas, sed unam & eandem, nempe privationem rectitudinis, quæ ex liberalitate oritur: atqui absurdum est consequens: ergo & ant.

Resp. ad 1. neg. sequelam majoris. Ratio est, quia quamvis peccatum commissionis & peccatum omissionis penes formale non differant, differunt tamen in materiali; scilicet peccatum omissionis dicit privationem actus

physici, & rectitudinis moralis; cum contra peccatum commissionis dicat actum physicum, qui regulis morum nequaquam conformis est.

Resp. ad 2. non requiri privationem rectitudinis, quæ specie diversa sit, ad distinctionem specificam peccatorum, licet peccata illa extreme opposita sint; ad hoc quippe satis est privatio modi specie diversi, quo voluntas attingit eandem rectitudinem virtutis, cui diversa peccata opponuntur. Unde cum prodigalitas dicat privationem iustæ pecuniarum conservationis; & ex alio capite, cum avaritia dicat privationem prudentis pecuniarum effusionis, debent differre specie, quamvis importent privationem unius ac ejusdem rectitudinis, privationem nimirum mediæ illius, in quo liberalitas consistit.

Obijcies 1. Dantur aliqua peccata, quorum malitia moralis non consistit in privatione debitæ rectitudinis: ergo &c. Probatur ant. Privatio est carentia formæ quæ debetur subjecto, & in eo potest esse; alioquin enim esset negatio, non autem privatio: atqui dantur quædam peccata, quorum malitia moralis non consistit in carentia formæ, seu rectitudinis quæ debeatur subjecto, & quæ in eo esse possit; siquidem odium Dei, quod quidem maximum est peccatum, non est capax alicujus rectitudinis: est enim ita essentialiter malum, ut nusquam, & quacumque facta suppositione, possit esse bonum: ergo &c.

Resp. ad 1. neg. ant. Ad 2. neg. min. Ad 3. dist. ant. Odium Dei specificè acceptum, hoc est, reduplicative prout est odium Dei, non est capax rectitudinis moralis, conc. ant. sic enim acceptum, dicit actum humanum oppositum regulis morum. Odium Dei genericè sumptum, hoc est, prout est actus humanus simpliciter, neg. ant. nempe sic acceptum, subiacet morum regulis, & capax est rectitudinis, quæ cuilibet actui humano debetur: at ut actus humanus sit capax rectitudinis, satis est, ut genericè sumptus eam habere possit; nec requiritur, ut sumptus secundum speciem actus humani, illum recipere valeat.

Quæstio notatu dignum.

Quæres, utrum ad malitiam moralem actus humani requirantur ex parte operantis, aut actualis cognitio malitiæ, aut dubium de malitia, aut reflexio ad malitiam.

Resp. nec actualem illum cognitionem, nec dubium illud; nec reflexionem illam requiri.

1. Non requiritur actualis cognitio malitiæ; alioquin enim nulla darentur ignorantia peccata; in eo enim posita est natura peccatorum ignorantia, quod eorum malitia actu ab operante non cognoscatur: at hæreticum est asserere nulla dari ignorantia peccata: Scilicet revera dari, expresse tum in Scriptura, tum in Traditione asseritur, ut probabimus inferius

rius

rius in nostra de peccatis dissertatione, ubi de peccatorum divisione tractabimus.

2. Non requiritur subium de malitia actus humani, qui ab operante aut elicitur interior, aut exterior perpetratur: alioquin enim non peccasset Paulus, dum in incredulitate Ecclesiam Christi persequabatur: tantum enim abest, ut dubitaret de malitia persecutionis, quam inferebat Ecclesiae, quin potius certo putaret, obsequium se praestare Deo.

3. Non requiritur reflexio actualis ad malitiam operis, quod agitur: alioquin enim peccatores excacati & indurati, & alii qui (ut ait Scriptura) in profundum venerunt, rei non ferent, quamvis omnia Decalogi mandata infringere; neque enim perdit illi homines, qui (ut ajunt Patres) scelera tanquam aquam ebibunt, de Deo, aut de malitia sui operis toties cogitant, quoties flagitiis aut facinoribus se dedunt. Vide quae de ea questione diximus in tractatu de gratia, in locis ubi quasivimus, utrum gratia sufficiens detur omnibus obsecatis & induratis.

Confirmatur responsio nostra 1. auctoritate Facultatis Theologicae Lovaniensis, quae anno 1656. propositionem hanc: *Ut actio quae sit peccaminosa, oportet, ut procedat ab homine qui cognoscit, & percipit, quid boni malive in ea sit: & antequam id videat, aut animam reflectat, actio neque bona est, neque mala*: hac censura notavit; *Est contra communia Christianae Theologiae principia, & innumera, etiam immanissima, hominum peccata excusat cum perniciem animarum.*

Confirmatur 2. auctoritate Facultatis Theologicae Parisiensis, quae quidem anno 1641. de hac propositione: *Nunquam peccatur, nisi praeterita peccati cognitione animus illustratur, ejusque vitandi desiderio castimuletur*, hocce tulit ex unanimi Magistrorum consensu doctrinale iudicium: *Falsa est, & viam aperit ad excusandas excusationes in peccatis.*

Confirmatur 3. auctoritate Cleri Gallicani ad Comititia Generalia anno 1700. congregati. Scilicet delata est ad eum hac propositio: *Si peccatores consummate malitia, cum blasphemant, non habent conscientiae stimulos, nec mali quod agunt, notitiam, cum omnibus Theologis propugno, eos hisce actionibus non peccare.* Illi vero delatae propositioni Clerus Gallicanus in Comititiis Generalibus hanc censuram inussit: *Hae propositio falsa est, temeraria, perniciofa, bonos mores corrumpit, blasphemias, atque peccata excusat, & ut talis a Clero Gallicano jam damnata est.*

Confirmatur denique 4. ex eo quod doctrina, quae asserit, nusquam peccari, nisi ad sit actualis cognitio malitiae operis quod agitur, aut actualis ad illam malitiam reflexio, non multum discrepare videatur ab hac Libertinorum sententia: *Nihil est peccatum, nisi eorum opinione, qui se peccare putant.*

Non satis etiam recedit ab impio hoc antiquorum Gnosticorum axiomate, apud Irenaeum libro 1. cap. 29. *Sola humana opinione differunt negotia bona, & mala.* Non multum pariter discrepat ab iniqua hac aliorum Gnosticorum, apud eundem Irenaeum, doctrina: *Qui aliquod facinus exultante perpetravit audacia, velut credens se facere ex fide, quod male facti, evasit culpam.*

Q U A E S T I O III.

De Regula actuum humanorum.

Not. **R**egula actuum humanorum duplex est, externa nimirum, & interna. Externa idem est cum lege, sive divina sit, sive humana; interna, est conscientia operantis. De Lege, Tomo III. actum est; superest igitur, ut hic de conscientia differamus. De ea autem quaeremus 1. quid, & quotuplex sit: 2. utrum sit morum regula: 3. an liceat operari ex opinione, seu conscientia probabili.

C A P U T P R I M U M.

Quid & quotuplex sit conscientia.

CONCLUSIO 1. Conscientia recte definitur, *Actus quo intellectus iudicat de bonitate aut malitia eorum, quae hic, & nunc agenda sunt.*

Explicatur definitio. Conscientia dicitur 1. *Actus*: non enim est habitus, ut placuit Scoto, cum habitui non convenient conscientiae proprietates, testificari nimirum, arguere, movere. Nec obstat, quod conscientia remaneat in dormientibus: Non obstat (inquam) quia non solis habitibus convenit permanere sed etiam actibus, saltem virtualiter, cum nempe per actus contrarios revocati non fuerunt.

Dicitur 2. *Actus intellectus*, eo quod sit iudicium de agendis, quod quidem non a voluntate, sed a solo intellectu, cujus obiectum est verum, ferri potest. Nec obstat, quod conscientia nonnunquam dicatur bona vel mala: Non obstat (inquam) quia non dicitur bona (ut loquuntur) formaliter, sed directive tantum: habere autem bonitatem aut malitiam directive, ad intellectum, non autem ad voluntatem pertinet.

Dicitur 3. de iis esse, *quae hic & nunc agenda sunt*, & in hoc differt a Synderesi quae est de agendis aut vitandis in genere: nempe Synderesis versatur circa prima morum principia, *Bonum est faciendum; Malum est fugiendum.* Hinc vero patet, conscientiam esse syndereseos applicationem ad hoc aut illud agendum in particulari. Synder-

deresis v. g. dicitur, bonum esse faciendum: lex docet, hunc vel illum actum esse bonum: conscientia ex duplici illi pramissa concludit, hunc actum hic & nunc esse agendum.

CONCL. 2. Multiplex est conscientia divisio.

Probatum enumeratione. Conscientia dividitur 1. in certam, & dubiam. Illa est iudicium certum, seu firmum, de bonitate aut malitia operis hic & nunc agendi; sic Jacob accedens ad Liam, quam prudenter iudicabat esse suam uxorem, habuit conscientiam certam de bonitate actus conjugalis cum Lia habendi. Ista est suspensio iudicii circa bonitatem, aut malitiam operis hic & nunc agendi: Sic qui aut caret rationibus, quibus iudicet contractum aliquem non esse usurarium, aut qui habet quidem, sed ex alia parte habet non minus graves, quibus iudicet esse usurarium, dubiam de illius contractus bonitate conscientiam habet: suspendit nimirum suum iudicium circa bonitatem aut malitiam contractus ejusmodi. Illud autem dubium vel est juris vel est facti; Dubium juris versatur circa jus aliquod, v. g. an hæc actio sit licita, aut illicita; e contra dubium facti versatur circa factum aliquod, v. gr. an Petrus occiderit Joannem, an vero eum non occiderit.

Dividitur 2. in veram, & erroneam. Prior est iudicium de bonitate aut malitia operis hic & nunc agendi, & quidem conforme legi; seu, est iudicium quod de aliquo particulari actu fertur, sicut fertur ab ipsa lege; v. g. Lex jubet ut quisque proximo suo laboranti & egenti consulat; si conscientia idem hic & nunc iudicet, dicitur conscientia vera. Erronea e contra, est iudicium de bonitate aut malitia operis, quod legi conforme non est; sicut si quis iudicaret, non esse orandum hic & nunc, cum urget tentatio, haberet conscientiam erroneam. Error autem ille vel est juris, vel facti. Ille versatur circa jus, an nimirum hæc actio sit licita, aut illicita: Ille vero circa factum aliquod, v. g. an id quod in vepris latitat, sit homo vel fera. Duplex ille error dividitur in vincibilem, & in invincibilem: invincibilis est qui, quæcumque adhibeatur diligentia, superari non potest: vincibilis vero qui diligenti, & morali adhibita diligentia, seu, servatis servandis, superari potest.

Dividitur 3. in scrupulosam, & latam. Scrupulosa est iudicium de malitia operis, sed levibus rationibus nixum. Sic scrupulosa laborat conscientia Sacerdos, qui cum attente Canonem recitaverit, in Communionem angitur, an recitaverit Orationem Dominicam, quæ ante in Canone continetur. Lata conscientia est iudicium de bonitate operis ex levissimis, & quidem cupiditati faventibus, argumentis. Sic lata habet conscientiam

Juvenis, *Inst. Theol. Tom. III.*

Sacerdos, qui levissimis ductus rationibus, v. g. auctoritate quorundam e schola theologorum, iudicat non esse injungendas pro qualitate criminum convenientes satisfactiones. Latam habet conscientiam dives, qui superflua non erogat pauperibus, nixus imperiti sui Confessarii consilio; creditque se posse ea in vanos & minime statui aut conditioni suæ necessarios sumptus impendere.

Dividitur 4. in probabilem, & non probabilem. Conscientia probabilis definitur, iudicium de bonitate, aut malitia operis, solum quidem gravibus rationibus, seu aptis ad determinandum viros pios, & prudentes ad assensum; sed tamen non sine formidine partis oppositæ. Conscientia non probabilis est iudicium de bonitate aut malitia operis, sed nullis, aut levibus solum rationibus. Conscientiam probabilem habet de contractu usurario, qui gravibus rationibus nititur, ut iudicet, contractum illum esse usurarium, aut non esse usurarium. Conscientiam vero improbabilem, qui nullis aut levis momenti rationibus ductus, temerario iudicat, illum esse aut usurarium, aut non usurarium.

C A P U T II.

Utrum Conscientia sit regula morum.

CONCL. 1. Aliqua conscientia est regula morum. Ita omnes omnino Theologi.

Probatum. Illud est regula morum, quod est debita, & recta tum synderesis, tum legis, sive naturalis, sive positivæ, applicatio ad actum aliquem singularem: cum enim synderesis quæ versatur circa prima morum principia, & lex tum naturalis, tum positivæ, quæ versatur circa aliqua opera in genere, sint morum regula, necesse est, ut id quod est recta tum syndereseos, tum legis, sive naturalis, sive positivæ applicatio ad actum hic & nunc agendum; necesse est, (inquam) ut illa applicatio sit morum regula. Atqui aliqua conscientia, recta nimirum, est debita tum syndereseos, tum legis, sive naturalis, sive positivæ applicatio ad actum particularem hic & nunc agendum; in ea enim applicatione posita est essentia conscientia rectæ, ut capite præcedente dictum est: ergo aliqua conscientia est morum regula.

CONCLUSIO 1. Non omnis conscientia est morum regula.

Probatum 1. Nec conscientia scrupulosa, nec conscientia lata, sunt morum regula: siquidem regula morum includit prudentiam atqui nec conscientia scrupulosa, nec lata prudentiam includunt; scilicet prudentia vetat, ne ex levibus tantum rationibus de alicujus momenti negotio iudicium feratur; sed conscientia scrupulosa, & lata ferunt ju-

T

dicium

dicium ex levibus rationibus: ergo non includunt prudentiam: unde tantum obest ut iudicium, quod ab ea duplici conscientia specie fertur, sit iudicium prudens, quin e contra sit multum imprudens.

II. Conscientia dubia non potest quoque esse morum regula; siquidem morum regula debet assensum determinare, seu efficere, ut quis iudicet, actum particularem, qui hic & nunc agendus est, esse conformem, aut difformem legi: atqui conscientia dubia non determinat ad assensum; est enim (ut superius dictum est) suspensio iudicii de bonitate aut malitia operis, quod hic & nunc agendum est: ergo non est morum regula.

III. Conscientia erronea non potest *per se* esse morum regula, cum non sit primarum regularum, synderesis nimirum, & legis, debita ad actum particularem applicatio; immo falsa sit omnino. Præterea se habet conscientia erronea circa synderesim & legem, sicut error in speculativis respectu applicationis primorum principiorum ad conclusionem aliquam particularem: ergo quemadmodum error non est in speculativis regula ratiocinationis; ita nec error est in practicis regula agendorum.

IV. Conscientia probabilis, reduplicative ut probabilis, non est regula morum: Siquidem quod est indifferens ad veritatem aut falsitatem, seu quod potest esse verum aut falsum, non est regula morum: scilicet sola veritas *per se* est morum regula, & *per accidens*, id quod inculpate & firmiter, hoc est, sine formidine partis oppositæ, existimatur veritas; unde est illud Scripturæ, Ecclesiastici 37. *Ante omnia opera verbum verax præcedat te; ante omnem actum, consilium stabile*: Atqui conscientia probabilis, reduplicative ut probabilis, est indifferens ad veritatem, aut falsitatem; potest enim esse vera, potest esse falsa: seu potest esse recta tum syndereseos, tum legis applicatio; potest quoque esse erronea, & falsa tum syndereseos, tum legis applicatio: ergo conscientia probabilis, prout probabilis est, non est morum regula.

Quæres 1. an liceat agere contra conscientiam erroneam minime depositam.

Resp. non licere. Ratio ut 1. quia hæc Apostoli verba, *Omne quod non est ex fide peccatum est*, intelliguntur a pluribus theologis de conscientia: ergo quod est contra fidem, seu conscientiam, est peccatum. 2. Ille peccat qui eligit obiectum, quod tanquam malum apprehenditur ab intellectu; non pe voluntas amat obiectum, aut non amat, secundum rationem quæ ei ab intellectu proponitur: atqui qui agit contra conscientiam erroneam minime depositam, fertur in obiectum, quod ab intellectu proponitur tanquam malum: ergo peccat. Igitur ante-

quam vir prudens agat, tenetur adhibere moralem diligentiam, & adhibere con fugere, per quam impetitur, quo error quo laborat deponatur.

Quæres 2. utrum liceat operari contra conscientiam scrupulosam, & contra conscientiam latam.

Resp. 1. non tantum licere, sed oportere etiam operari contra conscientiam latam: eo quod conscientia lata, levibus ducta rationibus, in præjudicium legis cupiditati flectit.

Resp. 2. expedire, ut sapius agatur contra conscientiam scrupulosam: tum quod virum prudentem movere non possit ad assensum; tum etiam quod anima vanis scrupulis inhaerens, interna illa pace, spiritali illo gaudio, frustretur, quæ plurimum conferunt ad virtutis augmentum, & ad sinceræ pietatis perfectionem.

Quæres 3. qua ratione gerere se debeat is, cui adest conscientia dubia.

Resp. cum cui adest conscientia dubia circa rem aliquam, seu, cum qui dubitat, an actus aliquis, contractus v. gr. sit licitus, aut illicitus, debere abstinere ab illo actu, si tamen aliqua agendi necessitate non urgeatur. Si vero inest necessitas operandi, tenetur sub poena peccati, partem eligere tutiorem: nam qui dubitans, minus tutam eligit, plus suum opus amare censetur quam Dei legem, & ipsum Deum legis auctorem: scilicet amore sui operis se se exponit periculo legislatorem offendendi, sicque lubens exponit se periculo peccandi: quod quidem periculum qui amat, dicente Scriptura, in illo peribit. Si nulla sit pars tutior, sed utraque sit periculosa, hoc est, si conscientia æquale periculum infringendi Dei legem advertiat aut in actu, aut in omissione actus, voluntas in iis angustiis constituta, eligere debet actum, qui proximi juri favet: sic mulier quæ de matrimonii sui validitate dubitat, non potest quidem debitum petere, sed illud reddere tenetur viro, cui persuasum est valere huiusmodi matrimonium, seu qui de illius validitate nullo modo dubitat. Ita enim definitum est in iurè Canonico, locis quæ capite proxime sequenti referemus, laudantes quæ Pontifices Romani de probabilitatis doctrina sanxerunt.

C A P U T III.

De Conscientia Probabili.

Nor. 3. Conscientia probabilis, est (ut superius iam observatum fuit) iudicium de bonitate aut malitia alicuius operis, nixum rationibus gravibus, seu quæ per se aptæ sunt viros pios & prudentes ad assensum determinare, cum formidine tamen partis oppositæ; hoc est, ita ut qui ad assensum iis rationibus determinatur, cum

cum fundamento timeat, ne falsa sit conscientia, quam in praxi sequitur.

Not. 2. Certum est, quod in casu licere sequi opinionem, seu conscientiam probabilem quæ favet præcepto, seu quæ asserit, nem aliquam esse veterem, quamvis sit minus probabilis opposita, quæ libertati favet, hoc est, quæ asserit, actum esse licitum. Ratio est, quia quamvis in casu de quo agitur, sit periculum erroris, cum opinio quæ stat pro præcepto, seu quæ asserit actum licitum, illum v. g. contractum, esse illicitum, sit minus probabilis; tamen quæ ex illius opinionis dictamine ab actu illo temperat, nullo se peccandi periculo exponit; ut videre est in homine, qui abstinere a contractu, quem probabiliter quidem, sed falso (ut supponitur) judicat esse usurarium.

Not. 3. Opinio seu conscientia probabilior, non est semper idem cum opinione tutiore, seu cum ea quæ magis est remota a peccandi periculo; nempe opinio tutior potest esse minus probabilis, quam ea quæ non est æque tuta; sic opinio quæ docet, hominem qui mortaliter peccavit, teneri statim elicere actum contritionis, & confiteri, tutior est negativa; sed a S. Thoma judicatur minus probabilis.

Not. 4. Opinio, seu conscientia probabilis, sub triplici respectu considerari potest: 1. in concursu alterius contrariæ, quæ sit æque probabilis; 2. in concursu alterius, quæ minus sit probabilis; 3. in concursu alterius, quæ sit probabilior. Is qui graves habet rationes, ut judicet hunc contractum v. g. esse usurarium, & qui ex alia parte habet rationes alias æque graves, ut judicet contractum illum non esse usurarium, habet de eodem duas opiniones contrarias æque probabiles, quarum una favet legi, ea nimirum quæ judicat contractum illum esse usurarium; & altera favet hominis libertati, ea nempe quæ asserit illum contractum esse licitum. Is e contra qui majoris ponderis rationes habet, ut judicet, contractum illum esse usurarium, quam sint ea, quibus nixus judicet eum non esse usurarium; de eodem actu habet duas opiniones contrarias probabiles; quarum una, quæ stat pro præcepto, est probabilior, altera vero, quæ favet hominis libertati, est minus probabilis. Tandem is qui habet quidem rationes graves, quibus judicet, actum aliquem esse illicitum, sed ex alia parte habet graviores, ut judicet, eundem actum esse licitum; de eodem habet opinionem probabiliorē, quæ favet libertati, & minus probabilem, quæ stat pro præcepto.

Not. 5. Iis quæ hucusque dicta sunt, præmissis, querendum est hic 1. utrum liceat sequi opinionem probabilem, quæ favet hominis libertati, in concursu alterius æque

probabilis, quæ stat pro præcepto. 2. Utrum licitum sit sequi opinionem minus probabilem, quæ favet hominis libertati, in concursu alterius probabilioris, quæ stat pro præcepto. 3. utrum liceat sequi opinionem probabiliorē, quæ favet libertati, in concursu alterius minus probabilis, quæ stat pro præcepto.

ARTICULUS I.

An liceat sequi opinionem probabilem, quæ favet hominis libertati, in concursu alterius æque probabilis, quæ stat pro præcepto.

Not. **C**irca propositam questionem duplex est sententia: Prima, quæ est aliquorum recentiorum Casuistarum, docet, licitum esse sequi opinionem probabilem, quæ favet hominis libertati, in concursu alterius æque probabilis, quæ stat pro præcepto: e contra omnes discipuli S. Thomæ contendunt, non licere eam sequi. Mentem nostram conclusio subsequens aperiet.

CONCLUSIO. Non licet sequi opinionem, seu conscientiam probabilem quæ favet hominis libertati, in concursu alterius æque probabilis, quæ stat pro præcepto.

Nostra conclusio probari potest 1. ex novitate sententiæ quæ contrarium docet; 2. ex Patribus; 3. ex Romanis Pontificibus; 4. ex S. Thoma; 5. ex absurdis quæ sequuntur ex adversa sententia.

Præfertur argumentum ex novitate petiti.

Sententia, quæ docet, licitum esse sequi opinionem probabilem, quæ favet hominis libertati, seu quæ asserit, actum aliquem esse licitum, in concursu alterius æque probabilis, quæ stat pro præcepto, seu quæ asserit, actum aliquem non esse permissum, est nova: ergo admitti non debet.

Consequens est evidens. Cum enim, asserentibus adversariis, sententia quæ docet licere sequi in eo casu opinionem probabilem, sit scientiæ moralis principium, Apostolis, Discipulis Domini, Episcopis quos Spiritus Sanctus posuit regere Ecclesiam Dei, perspicua, ac cognita esse debuit: Scilicet asseri non potest, Apostolos & Ecclesiam veterem latuisse aliquod idēi, aut morum principium. Si autem ea, de qua agitur, doctrina Apostolis, eorumque in Episcopatu successoribus explorata fuit, eam fideles ab iis docendi fuerunt: alioquin enim Apostoli, ceterique sancti Præfules, qui antiquitus ubique terrarum rexerunt Ecclesias, veritatem, populorum saluti in primis utilem, in injustitia detinuerunt, immeritoque Paulus sic Ephesios Act. 20. allocutus fuisset: *Scitis quomodo nihil subtraxerim utilium, quominus annuntiarem vobis, Et docerem vos publice, &*

per domos. Præterea Concilium Tridentinum, sess. 13. in Salvo conductu Lutheranis concessio, conceptis terminis asserit controversias secundum sacrum Scripturam, & Apostolorum Traditiones, probata Concilia, Catholica Ecclesie consensus, Patrum auctoritates tractari debere. Ex iis itaque constat, doctrinam novam, in rebus ad fidem aut mores spectantibus, falsam esse.

Unde probatur ant. seu ostenditur, doctrinam quæ asserit, licitum esse sequi opinionem probabilem, quæ favet libertati, in concursu alterius æque probabilis, quæ stat pro præcepto, esse novam. 1. Ea doctrina nullo aut Apostolorum, aut Patrum, aut Scholasticorum, qui per quindecim priora sæcula floruerunt, testimonio nititur: quippe quod adversarii nullum ex iis veteribus textum in sua sententiæ defensionem, licet sæpius provocati, laudare potuerint. 2. Corduba qui circa annum 1571. scribebat, asserit, Theologos omnes qui sua ætate viverent, asserere, hominem in concursu opinionum, quæ ad mores spectant, teneri eligere probabiliorum: *Et in hoc (inquit) omnes Theologi consentiunt*. Ergo doctrina, de qua agitur, est nova.

Dices 1.^a In rebus ad scientiam Moralem spectantibus, juniores sunt antiquis præferendi; accuratius enim quam antiqui, res morales expendunt: Ergo doctrina probabilitatis non ex eo capite rejicienda est, quod in veteribus non reperiatur.

Verum falsa est omnino illa responsio, cum (ut superius probatum est) sola Scriptura & Traditio sint Moralis scientiæ principia. Confirmatur ex auctoritate Cleri Gallicani, quæ anno 1700. ad Comitæ Generalia congregatus, damnavit hanc propositionem quæ in Amadæo Guimenio legitur: *Puto omnia hodie melius examinata; & hanc ob rem in omni materia, & præcipue in Morali, libentius juniores, quam antiquiores lego, & sequor...* Doctrina fidei a veteribus, doctrina morum magis a junioribus petenda. Censura autem, quam Clerus Gallicanus illi propositioni inulit, sic habet: *Hæc propositio temeraria est, scandalosa, perniciofa, erronea, SS. Patribus & antiquis doctoribus contumeliosa, spreto in modum Christianorum componendis necessaria Scripturarum ac Traditionis auctoritate & interpretatione, Moralem Theologiam arbitrariam facit, viamque parat ad humanas traditiones & doctrinas, Christo prohibente, stabilendas.*

Dices 2.^a ideo Patres nusquam probabilitatis meminisse 1. quod cernerent, ejus auctoritatem ab omnibus admitti, & a nemine impugnari: 2. quod nulli se obtulerit occasio, quæ Patres ad sermonem de ea instituendum compulerit; ac proinde non ideo rejici debere, quod in veteribus non reperiatur.

Sed adversariorum, qui sic ratiocinantur, pace dixerim, priori responsione, si valeat, enervari omnino argumentum, quod ex novitate petitur, quo tamen sæpius Patres uti sunt: scilicet Novatores, quos impugnabant, dicere potuissent, suarum adinventionum vestigia ideo apud eos, qui præcesserant, non reperiri, quod (ut in sua causa reponunt adversarii) cernerent eas ab omnibus admitti, & a nemine impugnari. Præterea gratis supponitur, quod veteres adverterint, ab omnibus suæ ætatis Christianis probabilitatem tanquam morum regulam admissam fuisse: siquidem facti illius nullum omnino in ecclesiasticis monumentis vestigium reperire est.

Non plus soliditatis habet altera responsio. Nam 1. quamvis supponatur, nullam se dedisse Patribus occasionem de probabilitatis dogmate loquendi; tacere tamen de eo non debuit Ecclesia quindecim priorum sæculorum, quia Episcopi tenebantur docere fideles omnia principia fidei & morum, quæ ab Apostolis didicerant, sicut Episcopos Apostoli ea quæ acceperant a Christo. 2. Falsum est, Patres nullam nactus fuisse occasionem, sermonem de probabilitate instituendi: patet enim ex Decreto Gratiani, & ex Decretalibus Gregorii IX. nec non ex Epistolis Cypriani, Hieronymi, Augustini, & aliorum veterum operibus, eos consultos sæpius fuisse de rebus dubiis, & de quibus erant contradictoriæ opiniones probabiles.

Profertur argumentum ex Patribus petatum.

Sententia quæ asserit, licitum esse sequi opinionem probabilem quæ favet libertati, in concursu alterius æque probabilis quæ stat pro præcepto, SS. Patribus, & Augustino in primis, adversatur: ergo rejicienda est.

Antecedens sic ostenditur. Augustinus lib. 2. de Baptismo contra Donatistas, cap. 3. asserit, graviter eum peccare, qui in rebus ad salutem pertinentibus, incerta certis anteponebat: sic enim respondet de quodam Donatista, qui ad Catholicam Ecclesiam redire meditabatur, quique licet fateretur valere datum in Ecclesia Catholica Baptismum, recteque ipsum in ea suscipi, dubitabat, an recte seu licite apud Donatistas susciperetur: *Si (inquit) dubium haberet, non illi recte accipi, quod in Catholica recte accipi certum haberet, graviter peccaret in rebus ad salutem animæ pertinentibus; vel eo sola, quod certis incerta præponeret.* Id sic iterum urget c. 5. *Accipere itaque in parte Donatistæ, si incertum est esse peccatum, quis dubitat certum esse peccatum, non ibi potius accipere, ubi certum est non esse peccatum?*

Atqui is qui sequitur opinionem probabilem faventem libertati, in concursu alterius æque probabilis, quæ stat pro præcepto, incerta certis anteponebat in rebus ad salutem

spectantibus : incertum est quippe , utpote probabile tantum , non esse peccatum in actu qui eligitur : *Intellectus* (verba sunt S. Bernardi lib. 5. de Consideratione ; c. 5.) *rationi innititur , fides auctoritati , opinio sola se verisimilitudine tuctur* : ex quo concludit , quod cum scientia & fides certitudinem habeant , opinio e contra omnino sit incerta : *Habent illa duo certam veritatem , opinio certi nihil habens , verum per verisimilitudinem querit , potius quam apprehendit* : Ergo ex Augustino , qui sequitur opinionem probabilem faventem libertati , in concursu alterius aequae probabilis , quae stat pro praecepto , graviter peccat .

Dices 1. Donatistam , de quo Augustinus loquitur , dubitasse absque probabilitate , an liceret ministro Donatista baptismum recipere : e contra vero eum , in concursu alterius opinionis aequae probabilis sequitur eam , quae libertati favet , de sui actus malitia , aut bonitate dubitare nixum rationibus probabilibus .

Sed falsa est illa suppositio . Nam 1. nufquam intellectus dubitat de malitia , aut bonitate operis , quin ad illud dubium argumentis probabilibus moveatur : scilicet id quod nulla verisimilitudine nititur , non dubium , sed certo saltum apparet . 2. Sive illi Donatistae argumenta probabilia adfuerint , quibus judicaret , eum eximi a peccato , qui a ministro Donatista baptismum reciperet , sive non adfuerint ; immotum manet principium , quo S. August. casum sibi propositum solvit ; hominem nimirum , de quo interrogatus fuerat , peccatum fuisse , praecise eo quod incerta certis praepositorum esset : siquidem (ut jam observatum est) probabilia argumenta non determinant intellectum , ut certo de re aliqua judicet , sed tantum cum formidine partis oppositae ; praesertim si utrimque aequalia sint argumenta illa probabilia .

Dices 2. casum Augustino propositum intelligi debere de sola Baptismatis validitate . Donatista , de quo S. Augustinus loquitur , dubitabat (inquit) an valeret Sacramentum in schismate receptum , non autem , an licitum esset baptismum recipere a ministris in schismate versantibus . Addunt responsionis auctores opinionem probabilem in priore casu , hoc est , cum agitur de validitate alicujus sacramenti , praesertim si characterem imprimat , non excusare eum qui certis incerta praeponebat : secus vero in posteriore casu , hoc est , cum agitur tantum de licita , non de valida , sacramenti receptione .

Sed nullus est ponderis responsus illud ; falsum quippe supponit . Nam illi Donatistae suum ad Ecclesiam reditum meditantem certum erat , valere baptismum extra Ecclesiam datum : Igitur casus Augustino propositus de praec-

Juvenin. Inst. Theol. Tom. III.

pto intelligitur , nempe , an existeret divinum aliquod praeceptum , quod prohibeat , ne baptismus extra Ecclesiam recipiatur ; ergo , cum in hujus praecepti interpretatione Augustinus definiit , certis incerta sine peccato praeferrere non posse , id generatim de aliis omnibus praeceptis intelligi voluit ; praesertim , cum ratio , qua utitur , ad omnia sine exceptione praecepta pertineat : in rebus (inquit) ad salutem animae pertinentibus (ut sunt , non tantum valida receptio quorundam sacramentorum , sed etiam omnium divinatorum mandatorum observatio) *graviter peccat , qui certis incerta praeponebat* : proindeque & is qui in praxi sequitur opinionem probabilem faventem libertati , in concursu alterius aequae probabilis , quae stat pro praecepto .

Profertur primum argumentum ex Summis Pontificibus petitum .

Summi Pontifices hoc axioma Juri Canonico insertum , & rationi naturaliter cognitum , *In dubiis tutior pars est eligenda* , divinitus accepta potestate confirmarunt . Capite *Ad audientiam* , Capite *Significasti* , Clemens III. & Innocentius III. decernunt , Sacerdotem non posse fungi suo officio in casu hominis ab ipso vulnerati , & deinde mortui cum dubio , an vulnus illatum mortis causa fuerit . Capite *Juvenis de sponsalibus* , viro qui matrimonium contraxerat cum puella septenni , de qua dubitabatur , an esset viripotens , praecipitur ab Honorio III. ut discedat a puella illius consobrina , quam , mortua illa septenni puella , in matrimonium duxerat . Capite *Illud* , *De Clerico excommunicato* , mox laudatus Innocentius III. deponit Episcopum , qui in dubio , an esset excommunicatus , ab Episcopali ministerio non abstinuerat . Singuli illi Romani Pontifices datae in relatis casibus definitionis proferunt hanc rationem , quam tanquam certissimum principium supponunt , *Cum in dubiis semitam debeamus eligere tutiorem* .

Ex iis locis sic argumentum conficitur . Qui in concursu duarum opinionum aequae probabilium sequitur opinionem quae suae libertati favet , non eligit in dubio partem tutiorem , seu eam quae magis recedit a peccandi periculo : ergo , si verum sic laudatum ex Summis Pontificibus axioma , graviter peccat .

Dices 1. ideo Summos Pontifices declarasse , peccasse eos de quibus consulti fuerant , quod in dubio , an licite possent agere , egissent tamen : sed qui habet probabiles utrimque opiniones , non est in dubio , proindeque non peccat contra hanc Summorum Pontificum regulam , *In dubiis semitam debemus eligere tutiorem* .

Verum inanis est , ac de non supponente illa responsio : Scilicet tunc est dubium proprie dictum , cum non est potior ratio , cur intellectum judicet , unam opinionem esse veram ,

ram, quam alteram; tunc est dubium, cum intellectus in suspensio remanet inter veritatem & falsitatem: Sed in concursu duarum, quæ contrariæ sint, opinionum probabilium, non est potior ratio, cur intellectus iudicet unam opinionem esse veram, quam alteram; hæret in suspensio inter veritatem & falsitatem. Unde si quis ab homine in eo opinionum conflictu constituto quærat, quænam ex duabus illis opinionibus sit vera, respondēbit, si ingenuus sit, se id nescire.

Dices 2. hoc inter intellectum dubium, & inter intellectum opinantem discrimen reperiri, quod intellectui dubio nullæ ex utraque parte rationes obversentur; opinativo e contra plures occurrant.

Sed fictitium est discrimen illud, quod inter intellectum dubium, & intellectum opinativum adversarii statuunt: Scilicet intellectus æque sit suspensus inter veritatem & falsitatem, cum illi occurrunt æquales pro veritate, aut falsitate rationes, ac cum ei nulla ratio pro una, aut altera parte obversatur. Nam 1. non minus in æquilibrio remanent lances in libra, vel si nullum neutri, vel si æquale utrique pondus imponatur. 2. Si quis Iudex inter duos de inventa crimena litigantes sedat, numquid æque dubius erit, ad quem ex duobus illis litigantibus crumena pertineat, postquam æquales pro utroque rationes audierit, ac si nullam omnino audisset? ergo intellectus constitutus inter duas opiniones æque probabiles, non minus est dubius, quam si nulla ex iis duabus opinionibus esset probabilis.

Dices 3. illud esse discrimen inter intellectum dubium & opinativum, quod intellectus dubius nulli parti adhareat; e contra vero intellectus opinativus uni adhareat; licet cum formidine partis oppositæ.

At non solvit argumentum ex Summis Pontificibus petiitum illa responsio. Enim vero intellectum uni parti adherere cum formidine partis oppositæ, est, ipsum certo iudicare, incertam esse ac dubiam partem, cui assentitur; siquidem partis oppositæ formido includit essentialiter incertitudinem partis alterius, cum rationes quibus illa pars opposita nititur, simul cum alterius partis, cui intellectus adhareat, rationibus, menti obversentur: at certo iudicare, partem aliquam esse incertam & dubiam, non liberat mentem a dubio, quo laborabat: nisi tamen quis velit asserere, ideo quempiam eximi ex dubitantium numero, quod advertat se dubitare: ergo cum adversarii asserunt, hominem qui assentitur uni parti cum formidine partis oppositæ, non teneri in dubiis partem tutiorem eligere, reipsa asserunt, eum qui certus est, & advertit se dubitare, non teneri partem eligere tutiorem: quod quidem per absurdum esse, nemo non videt.

Dices 4. Regulam hanc a Summis Pontificibus traditam: *In dubiis semitam debemus eligere tutiorem* veram esse in dubiis practicis, non autem in dubiis speculativis: at intellectus inter duas æquales probabilitates constitutus, *speculative* tantum est dubius, non autem *practico*, tum quia ad unam partem seipsum determinat, tum quia sibi certitudinem conciliat per hunc actum reflexum. Dubium quidem est, an contractus ille v. gr. sit licitus, an illicitus; sed cum intellectus reflectit ad dogma de opinione probabili, hoc est, licitum esse sequi opinionem certo probabilem, omni se dubio in praxi liberat, certoque iudicat, contractum illum, quamvis speculative dubium, in praxi tamen esse licitum.

Verum ea adversariorum responsio, quæ velut fundamentali machina totum eorum de probabilitate dogma nititur, facile dirui potest.

Nam 1. necesse est, ut intellectus *speculative* dubius sit etiam dubius *practico*, cum in praxi nulla occurrit circumstantia, quæ dubium speculative tollat: siquidem non tollitur præcise ex determinatione, & electione voluntatis; cum nec illa determinatio, nec illa electio minuant pondus rationum, propter quas intellectus erat speculative dubius.

II. Adversarii thesīm ipsam supponunt, cum asserunt, intellectum *speculative* dubitantem de bonitate aut malitia operis hic & nunc agendi, per hunc actum reflexum, *Licitum est sequi opinionem certo probabilem*, fieri practice certum non quidem de objecti, contractus v. g. alicujus, bonitate, aut malitia, sed de bonitate actus, quo voluntas unam probabilitatis partem præ alia amplectitur.

III. Thesis illa, quam adversarii supponunt tanquam certam, multum etiam adversariis ipsis videri debet incerta, cum opinio quæ illius thesīs contrarium asserit, ab iis multum probabilis iudicari debeat: quippe quæ nitatur rationibus, quæ doctissimos Episcopos, insignes Facultates Theologicas, primi nominis Scholasticos, ita ad assensum determinarunt, ut contrariam omnino rejecerint; immo (ut infra dicemus) gravissimis censuris perstrinxerint.

IV. Tandem, si per hunc actum reflexum: *Licitum est sequi opinionem certo probabilem*, operans (ut adversarii supponunt) certus fiat de bonitate sui actus, *licere v. g. hunc contractum, de quo, an licitus sit, speculative dubitat*: si (inquam) certus fiat, nullus unquam occurreret casus, in quo hanc juris regulam, *In dubiis semitam debemus eligere tutiorem*, ad praxim redigere teneatur; Nempe, quotiescumque propter æqualis ponderis contradictorias rationes dubium erit, an aliquis actus sit licitus, necne, voluntas, quæ probabilitatis arcanum docta fuerit, poterit tuto illum eundem actum eligere: poterit nimirum intel-

intel-

intellectui jubere, ut hunc reflexum actum eliciat: *Licetum est sequi opinionem certo probabilem.*

Dices 5. hanc juris regulam, *In dubiis semitam debemus eligere tutiorem*, locum habere tantum in dubio facti, non autem in dubio juris. Dubitat quis, an actum fecerit, per quem incurritur irregularitas; tenetur partem eligere tutiorem, hoc est, abstinere ab exercitio suorum ordinum. Dubitat e contra aliquis, an contractus sit licitus, necne, hoc est, an jure prohibeatur, aut non prohibeatur; non tenetur partem eligere tutiorem, hoc est, temperare non tenetur ab ineundo illo contractu, quia in eo casu est dubium juris, in alio vero est dubium facti.

Sed vana est illa distinctio. Nam 1. sine ullo prorsus fundamento profertur: nempe nullum illius reperire est vestigium, aut in summis Pontificibus, aut in Patribus, aut in jure Canonico. 2. Repugnat Capiti de Cler. excom. ministrant. ubi in dubio juris, *Ansentant in Delegato, non premissa monitione, & ante intimationem liget, necne*, deciditur, partem tutiorem esse eligendam. Scilicet Episcopus aliquis crediderat, se non fuisse ligatum excommunicatione Delegati Apostolici, eo quod sententia lata fuerat, non premissa monitione, & ad illius notitiam non nisi per famam pervenerat; ac propterea probabiliter opinatus fuit licere sibi Sacris, etiam sollemniter, perfungi: & tamen decissum est, eum vi juris esse deponendum. Quia (ait textus) *eum in dubiis via tutior sit eligenda, etsi de lata in eum sententia dubitaret, debuerat tamen potius se abstinere, quam Sacramenta Ecclesiastica pertrahere, licet cum ipsa tanquam non omnino culpabili propter huiusmodi probabilitatem misericorditer dispenseretur*. Repugnat 3. Clement. Extr. 5. Item praterea, de verborum significat. Nempe in questione meri juris, an Fratres Minores teneantur sub precepto mortalitatis peccati ad ea observanda, quae in regula verbo imperativi modi, negative, vel affirmative apposita, inseruntur? Pontifex utitur eodem axiomate: Nos itaque (ait) attendentes, quod in his, quae animae salutem respiciunt, ad vitandos graviores remorsus conscientiae pars securior est tenenda.

Repugnat 4. S. Augustino, qui quidem (ut superius observatum est) consultus de Donatista, qui suum in Ecclesiam reditum meditabatur, & cui tamen probabile erat licere extra calum extremae necessitatis, propter aliquas causas, recipere Baptismum a Ministro schismatico, respondit, Donatistam peccaturum fuisse, si in schismate sacramentum reciperet, eo quod in rebus ad salutem pertinentibus certa incertis praeponitur fuit. Repugnat denique 5. scopo regulae de qua agitur: siquidem non minus in dubio juris, quam in dubio facti, qui semitam non eli-

git tutiorem, se se peccandi periculo exponit: cui tamen periculo ius per regulam in dubiis, &c. consultum voluit.

Dices 6. hanc juris regulam, *In dubiis semitam debemus eligere tutiorem*. Certa incertis praeponenda sunt. Pars securior est tenenda: locum habere quidem & in quaestionibus juris, & in quaestionibus facti, sed continere eam consilium, non autem praeceptum stricte sumptum; ac proinde ex ea colligi non posse, hominem cui adsunt duae opiniones aequae probabiles, teneri eam eligere & in praxi sequi, quae stat pro praecepto, quaeque ob id securior est.

Sed falsa est ea regula, de qua agitur, explicatio. Nam repugnat 1. Augustino, qui (ut superius dictum est) asserit, eum qui incerta certis praeponit, certum admittere peccatum. Repugnat 2. Canonibus, in quibus illa regula refertur; constant enim terminis qui per se, non merum consilium, sed strictum praeceptum important; sic enim habent: *Via est tutior eligenda. Pars securior est tenenda. Semitam debemus eligere tutiorem*. 3. Sacri Canonis, vi illius regulae, poenam infligunt iis, qui in dubio partem non elegerint tutiorem: siquidem Caput, *Ullud de Cler. excomm. ministrante*, deponit Episcopum, qui in dubio, an esset excommunicatus, Sacris operam dederat. Caput, *Sicut nobis, de sent. excomm.* jubet Episcopo, ut excommunicatum devitet, quamdiu dubia est illius absolutio. Caput, *Juvenis, de Sponsalibus*, jubet viro, ut a secunda uxore discedat eo quod dubium esset, an esset consobrina puellae nondum septennis, quam vir ille prius duxerat.

Profertur argumentum ex S. Thoma petitum.

S. Thomas conceptis terminis asserit, teneri quemque sequi opinionem, quae stat pro praecepto, in concursu alterius probabilis, quae favet libertati: Scilicet S. Doctor praeponit sibi casum de eo, cui probabile est licere habere simul plures praebendas, definitque peccare eum, si eas retineat, existimans probabiliter id maxime licitum esse.

Sed ut mens S. Doctoris clarius pateat, subiicienda sunt illius verba: sic igitur Quodlibeto 8. art. 13. loquitur: *Dicendum, quod quando duae sunt opiniones contrariae de eodem, oportet esse alteram veram, & alteram falsam.*

Aut ergo ille qui facit contra opinionem Magistrorum, utpote habendo plures praebendas, facit contra veram opinionem: & si cum faciat contra legem Dei, non excusatur a peccato, quamvis non faciat contra conscientiam: sic enim contra legem Dei facit.

Aut illa opinio non est vera, sed magis contraria, quam iste sequitur, ita quod vere licet habere plures praebendas: & tunc distinguendum est, quum aut talis habet conscientiam de con-

trario; & sic iterum peccat, contra conscientiam faciens, quamvis non contra legem: aut non habet conscientiam de contrario, sed certitudinem: sed tamen in quamdam dubitationem inducitur contrarietate opinionum; & sic, si, manente dubitatione, plures prabendae habet, periculo se committit; & sic procul dubio peccat, utpote magis amans beneficium temporale, quam propriam salutem: aut ex contrariis opinionibus in nullam dubitationem adducitur; & sic nec committit se crimini, nec peccat. Haecenus S. Doctor.

Eo in loco Doctor Angelicus contendit 1. peccare eum qui contra legem agit, quamvis secundum conscientiam operetur, Et sic (inquit) eum faciat contra legem Dei, non excusatur a peccato. Contendit 2. reum pariter fieri eum, qui veram sententiam eligens, ex contrariis opinionibus in quamdam dubitationem inducitur: Sed tamen (inquit) in quamdam dubitationem inducitur contrarietate opinionum; & sic, si, manente dubitatione, plures prabendae habet, periculo se committit: Ergo S. Thomas docuit, eum, qui in praxi sequitur opinionem falsam, quae hominis libertati favet, in concursu alterius aequae probabilis stantis pro praecepto, revera peccare, tum quod agat contra legem, tum quod ex contrarietate opinionum dubius sit, an actus, quem eligit, licitus sit, an illicitus.

Dices S. Thomam de eo loqui qui dubitat, sumendo dubium proprie, & stricte, non autem de eo qui dubitat, sumendo dubium late & improprie, seu pro opinione probabili; quae quidem infert aliquod dubium late sumptum; hoc est, non excludit omnem omnino formidinem partis oppositae, seu an illicitus sit actus, qui eligitur in praxi.

Sed facile pracluditur illud effugium. Nam is cui obversantur duae opiniones contrariae aequae probabiles circa bonitatem aut malitiam alicujus operis, proprie & stricte dubitat: an opus illud sit bonum, aut malum: ita nimirum docet insita cuilibet homini dubitationis idea: ita etiam docuerunt Summi Pontifices in casibus quos solverunt per hanc juris regulam, *In dubiis semitam debemus eligere suaviorum*: ita etiam censuerunt Theologi omnes, qui scripserunt, antequam in Christianorum mores doctrina de probabilitate inducta fuisset.

Audiendus est S. Antoninus, quem adversarii sibi favere, quamvis immerito, contendunt: *Qui agit scienter id, de qua dubitat* (inquit 1. p. tit. 3.) *permanente dubitatione, moraliter peccat, sumendo proprie & stricte dubitationem, prout rationes sunt aequae ponderantes ad utramque partem, nec magis desinat quis ad unam partem, quam ad aliam*. Haec de S. Thomae circa probabilitatem doctrina satis sunt.

Profertur argumentum ex absurdis petum.

Admisso hoc principio: *Licetum est sequi opinionem certe probabilem quae libertati favet, in concursu alterius aequae probabilis quae stat pro lege*, innumera sequuntur absurda quae (ut credimus) ne ipsi quidem adversarii auderent defendere.

Sequitur nimirum 1. immunes fuisse a peccato gentes, quae thus quondam, & nunc etiam, deorum simulacris adolent; non peccasse veteres Gallos & antiquos Carthaginenses, apud quos religioni ac pietati ducebatur consuetudo homines offerendi in sacrificium; non peccasse pariter Graecos, quod occiderent infantes, quibus alendis satis opum non suppetebat; non peccare hisce temporibus Indos, qui parentes senio confectos morti tradunt, sub eo impiae pietatis obtentu, quod morbis quibus cruciantur, per mortem liberentur; non peccare Turcas, apud quos simplex fornicatio pro peccato non habetur; nec tandem peccasse eos, apud quos latrocinia laudi ducebantur, apud quos, quamvis ceteris sapientiores vulgo habitos (ut licent, qui inhærebant Platonis doctrinae,) uxorum communitas, id est, adulteria, publicis legibus ac statutis permittebantur; apud quos denique innumera in Deum, in seipsos, in proximum facinora & flagitia admittebantur, & nunc etiam apud plures Americanos admittuntur. Sequitur (inquam) Gentes illas, de quibus haecenus, & quas ob ea impia facta Apostolus ad Romanos 1. aeternis cruciatibus addidit, nullum omnino commisisse scelus: Siquidem ii populi, adducti eorum avita consuetudine, qui illis sapientes videbantur, exemplo hominum illorum persuasi, judicabant, ea omnia sibi licere, & nonnulla etiam esse eximiae pietatis actus.

Scimus, adversarios, eas, quas mox ex probabilitatis dogmate deduximus, conclusiones pernegare: Sed advertant, quaeso, num ex principio, de quo agitur, necessaria illatione colligantur. Neque enim respondere possunt, Gentes de quibus in nostro argumento, errasse in iudicio quod quod de iniquis suis operibus tulerunt. Scilicet opinionis, seu iudicii falsitas, non destruit ejusdem opinionis, ejusdem iudicii probabilitatem. Nec enim obest, quod quibusdam aliis Gentibus ea opera probabiliter licita non viderentur: nimirum alienum probabile, nisi & ipsimet operanti sit probabile, non est (satisque etiam adversariis) morum regula: nec mirum, nam id quod operanti non est probabile, pugnat contra illius conscientiam.

Vim illationis, quam argemus, vidit olim Augustinus, praclusitque citigra mox relata, quibus nunc utuntur adversarii, & quibus Academici, primi probabilitatis defensores, olim usi sunt, ut illationis invidiam declina-

S. Doctor libro 3. contra Academicos c. 16. hocce Philosophorum illorum axioma palmarium in moribus, hisce verbis describit: *Cum agis quisque quod ei probabile videtur, non peccat, nec errat.* Deinde se illud impetit, sicut & nos in primis: *In igitur audiens adolescens, insidiabatur puero uxoris alienae.* Hanc vero ad illud argumentum refert dari solitam ab Academicis responsionem: *Quid aliud dicturus es, quam non rite esse probabile, ut id faciat adolescens?* Eam responsionem confutat eadem ratione, qua & nos eam in adversariis vari in casu confutamus: *At illi probabile est. Nam si alieno probabili vivimus; nec tu (Tullium, qui Academicæ sectæ dederat nomen, alioquitur) debuisti administrare rempublicam, quia Epicuro visum est non esse faciendum. Adulterabit ergo juvenis ille conjugem alienam. Sed res (Academicis loquitur me perari arbitramini?) Libet dezerare per omne divinum, nescire me prorsus, quomodo ille (adolescens adulter) peccaverit, si quisquis id egerit quod probabile videtur, non peccat.*

Argumentum quod, admissio probabilitatis dogmate, Augustinus circa adulterium urget adversus Academicos, urget etiam de aliis omnibus facinoribus & flagitiis; *Taceo (inquit) de homicidiis, parricidiis, sacrilegiis, omnibusque omnino, quæ fieri, aut committi possunt, flagitiis & facinoribus, quæ paucis verbis, & quod est gravius, apud sapientissimos iudices defenduntur: quomodo enim non facerent, quod probabile visum est?* Sic iterum ad non loquendi metas redigit suos adversarios: *Qui non putant ista probabiliter persuaderi posse, legant orationem Cassinæ, quæ patriæ parricidium, quo uno continentur omnia scelera, persuasit.*

Ex eodem de probabilitatis dogmate, quod hic confutamus, sequitur 2. gravissimum aliud absurdum; nempe Christianum qui omnia, a primo ad ultimum, præcepta Decalogi infregerit, ex iustitia in baptismo recepta nequaquam excusasse.

Patiantur, quæso, adversarii, ut ad formam academicam reducantur argumentum. Ille haud dubie omnia & singula Decalogi præcepta integritate, qui proscriptus ab Inquisitoribus Romanis coram Alexandro Papa VII. & Innocentio XI. propositiones ad praxim reduxisset: Atqui in earum propositionum praxi, homo ille ne levis quidem peccati reus factus fuisset; nempe secutus fuisset opiniones certo probabiles. Nam ex opiniones sunt certo probabiles, quæ (ut loquantur illi quos impugnamus) fundamentis (ut cum adversariis loquamur) certo gravibus nituntur; siquidem illa fundamenta ab ipsismet adversariis certo gravia dicuntur, quæ viros, alioquin pios, doctos, & prudentes, movere possunt ad assensum: Atqui

fundamenta, quibus illæ propositiones nituntur, viros, alioquin pios, doctos, & prudentes, ad assensum movere possunt: atqui fundamenta, quibus illæ propositiones nituntur, viros, alioquin pios, doctos, & prudentes, ad assensum movere possunt: Ab actu enim ad posse valet argumentum: atqui de facto & acta huiusmodi fundamenta viros, alioquin pios, doctos, & prudentes, moverunt, & determinarunt ad assensum: nimirum propositiones coram Alexandro VII. & Innocentio XI. proscriptæ, a plerisque huiusce ævi casuam arbitris, quorum nomini & instituto ut parcamus, non agere (ut opinamur) ferent adversarii, propugnatae sunt, & propositæ tanquam morum regulæ, ad quas si quis vitam suam exigeret, ne levis quidem peccati fieret reus.

Dices 1. propositiones aut ab Alexandro VII. aut ab Innocentio XI. proscriptas, non esse probabiles, cum sit de ratione opinionis probabilis, ut non pugnet, saltem aperte, contra Decreta Summorum Pontificum; ac proinde ex dogmate de probabilitate non sequitur, cum a peccato immunem fore, qui illarum propositionum doctrinam ad praxim reduceret.

Sed argumenti vim non enervat illa responsio. Nam 1. saltem antequam illæ propositiones a Romanis Pontificibus proscriptæ fuissent, Christianus, cui persuasum fuisset, eas esse probabiles, potuisset eam doctrinam tuta conscientia ad praxim reducere. 2. Idem dici deberet de Christiano, qui apud gentiles agens invincibiliter ignoraret Romanorum Pontificum decreta, quibus proscriptæ sunt. Scriptores qui docuerunt illarum propositionum doctrinam, eamque populi in operibus suis tradiderunt, judicarunt, eam doctrinam esse probabilem: ergo ii saltem scriptores, si verum sit probabilitatis dogma, licite potuerunt illarum propositionum doctrinam, antequam a Romanis Pontificibus damnata fuisset, ad praxim redigere, & ad illius normam populorum mores dirigere.

Nec obstat 1. quod illi scriptores errarint, cum iudicaverunt probabilem esse illarum propositionum doctrinam. Nam (ut fuit observatum superius) error, seu falsitas, probabilitatem non destruit. Nec obstat 2. quod doctrina quæ in illis propositionibus continetur, opposita sit Scripturæ & Traditioni. Siquidem materialis oppositio doctrinæ aliquæ cum Scripturâ & traditione non impedit probabilitatem: cum, ex adversariis, opinio falsa possit esse probabilis, idque actu contingat; cum circa eundem actum occurrunt duæ opiniones contradictoriæ probabiles. Præterea auctores qui illas propositiones suis in libris scripto reliquerant, licet alioquin pro doctis & prudentibus habiti,

judicarunt, eas nec Scripturæ, nec Traditioni propositas esse.

ARTICULUS II.

De opinione minus probabili in concursu probabilioris.

CONCL. Non licet sequi opinionem minus probabilem, quæ favet libertati, in concursu alterius probabilioris, quæ stat pro præcepto.

Probatur 1. auctoritate Scripturæ. Ecclesiast. 32. hæc habentur: *Ante omnia, verbum verax præcedat te*: quibus quidem verbis veritatem, dum nobis innotescit, sequi jubemur; aut saltem, cum ea non cognoscimus, ab opere tenemur abstinere; aut, si agendi necessitas incumbat, tutiorem in partem eligere in iis, in quibus periculum est, ne ignorantia sit invincibilis, aut in iis, in quibus ignorantia invincibilis potest habere locum (ut, fatentibus omnibus in jure positivo potest contingere) eam amplecti partem, quæ ad veritatem propius accedere judicatur: Atqui contrario modo se gerit is, qui adhæret opinioni, quam judicat minus probabilem, quæque libertati favet, in concursu alterius magis probabilis, quæ stat pro præcepto. Tantum enim abest, ut in eo casu eligat opinionem, quam judicat ad veritatem propius accedere, quin e contra eligat illam, quam longius ab ea recedere judicat.

Probatur 2. auctoritate multarum, & quidem amplissimarum Ecclesiarum, quæ proscripserunt doctrinam, qua asseritur eum non peccare, qui in praxi sequitur opinionem quæ favet libertati, seu cupiditati, in concursu alterius probabilioris, quæ stat pro præcepto.

I. Circa annum 1652. Parochi Parisienses, Rothomagenses, Senonenses, Bellovacenses, Ambianenses, quibus non multo post alii ex singulis fere Galliarum urbibus accesserunt, oblatis supplicibus libellis, ab Illustrissimis regni Episcopis postularunt, ut servata Juris forma, dogma de quo agitur, censuris suis notarent: *Judicium autem* (inquit Prosper Fagnanus in Caput, Ne innitatis) *tam magni catus Presbyterorum, qui in urbibus regni præcipui animas regunt, & conscientias dirigunt, parum non est faciendum.*

II. Parochorum votis annuerunt Illustrissimi Gallicanæ Ecclesiæ Episcopi; Scilicet censuram inusserunt doctrinæ quæ asseritur, licitum esse sequi opinionem minus probabilem, quæ libertati favet, in concursu alterius probabilioris, quæ stat pro præcepto: declararuntque in Mandatis (ut vocant) quæ promulgarunt, dogma de quo agitur, *temerarium & periculosum esse; omnem perturbare morum disciplinam; avocare mentem a veri-juræ & invariabile veritatis; contra-*

præ natura cupiditatis obsequi; alienum esse a simplicitate christiana; pugnare cum tradita ab Apostolis doctrina; ac tandem possimis hisce temporibus a mendacii patente consilio inventum fuisse, ut omnia Evangelii præcepta eluderet, & carnalibus ingeniis, Christiana doctrina, propriaque salutis supremum arbitrium permitteret. Illustrissimorum Episcoporum censuras Contensonius, de probabilitate agens, describit. Pium illum ac eruditorum auctorem lector adire poterit.

III. Dogma de opinione minus probabili in concursu probabilioris, elapso proxime sæculo, nuper in Galliis recruduerat: sed itum est ipsi obviam a Clero Gallicano, ad Comitia Generalia anno 1700. coacto. Vide-descriptam inferius Cleri Gallicani de eo argumento Censuram, seu Declarationem.

IV. Romæ, item de dogmate, de quo est hic questio, latum est judicium, quod Episcopi Gallicani prius tulerant. Proscripta est nimirum hæc ab Innocentio XI. propositio: *Generatim dum probabilitate, sive intrinseca, sive extrinseca, quantumvis tenui, modo a probabilitatis finibus non exeat, consisti aliquid agimus, semper prudenter agimus.* Ex illius autem propositionis damnatione hæc contradictoria elici debet, nempe, *eum semper prudenter non agere, qui probabiliter agit*: siquidem qui tenui probabilitate nititur, probabiliter tamen (ut fert damnata propositio) operatur: ex quo sequitur, probabilitatem non esse regulam morum. Elici quoque debet hæc alia: *Non licet sequi opinionem minus probabilem quæ libertati favet, in concursu probabilioris, quæ stat pro præcepto*: nempe minus probabilis comparata cum probabiliori, tenuiter tantum probabilis est.

Hanc quoque aliam propositionem idem Innocentius Papa XI. proscripsit: *Ab infidelitate excusabitur infidelis non credens, ductus opinione minus probabili*: Ergo contradictoria est vera; nempe: *Infidelem, qui non credit, ductus opinione minus probabili, excusatum iri ab infidelitate.* At si opinio minus probabilis infideli non patrocinetur, hoc est, si eum non excuset a peccato infidelitatis; nec patrocinetur etiam, seu non excuset eos qui contra alias a fide virtutes peccant; non enim potior est ratio de præcepto fidei, quæ de præcepto aliarum virtutum.

Tandem ab eodem Innocentio XI. damnata est hæc alia propositio: *Probabiliter existima, iudicem posse judicare juxta opinionem minus probabilem*: Hinc autem, seu ex illius propositionis censura sequitur, Confessarium qui iudicis & medici personam gerit, non posse poenitentem absolvere secundum opinionem minus probabilem; proindeque nec ipsi dare consilium, ut secundum opinionem minus probabilem operecur.

Probatur 3. nostra conclusio ratione. *Ex quibus*

duabus opinionibus æqualis probabilitatis non licet (ut superius ostensum est) eam amplecti , quæ libertati favet , eo quod (ut ibidem dictum est) eo in casu utraque opinio fiat dubia : ergo a fortiori non licet ei adherere , quæ minus tuta , minusque probabilis est , in concursu alterius quæ magis est tuta , magisque probabilis : siquidem minus probabilis in concursu probabilioris , est magis dubia , quam probabilis in concursu alterius æque probabilis .

Confirmatur ea ratio . Intellectus in concursu duarum opinionum ejusdem probabilitatis , neutri parti assentitur , impeditus æqualibus ex utraque parte momentis : e contra cum ex duabus opinionibus altera est probabilior , intellectus illi suum consensum necessario præbet , licet cum aliqua formidine partis oppositæ : cum enim intellectus sit potentia necessaria , non potest non determinari ad assensum gravioribus rationibus , quæ illi pro una parte observantur : e contra vero formaliter dissentit a minus probabili : scilicet dissentium illum extorquet assensus , quem probabiliori præbet : Sed opinio , cui intellectus formaliter dissentit , magis est illi dubia , quam illa cui assensum nec præbet , nec negat .

Confirmatur 2. eadem ratio . Qui , auditis doctoribus , propter æqualia ex utraque parte argumenta dubitat , an sibi liceat plures præbendas retinere , non potest , fatentibus etiam adversariis , eis simul frui : ergo a fortiori ei non licet , cum postea ei occurrunt graviores rationes pro sententia quæ docet , illicitum esse plura simul possidere beneficia : siquidem rationes quæ de novo prioribus adduntur , dubium augent , quo Clericus circa plurium beneficiorum simultaneam possessionem prius tenebatur .

Probatur 4. conclusio ex absurdis , quæ sequuntur ex doctrina quæ nostræ conclusioni adversatur .

Sequitur nimirum 1. licitum esse reducere ad praxim illa opinionum moralium portenta , quæ elapso proximo sæculo docuerunt recentiores quidam casuum arbitri , quæque & Romæ & in Galliis (ut superius ostensum est) tanquam erronea , perniciofa , & scandalosa , damnata sunt : dato enim quod illæ opiniones non essent æque probabiles ac contrariæ , ad minus vitæ sunt tanquam minus probabiles , ac proinde tutæ in praxi auctoribus , quos vocant ita graves , ut opinioni probabilitatem conciliare possint .

Sequitur 2. licere Theologo dare consilium juxta opinionem , quæ gravibus (ut vocant) auctoribus probabilis videtur , quamvis sit altera minus probabilis , & quamvis ipse eam falsam putet . Nam licitum est Theologo id consulere quod ipsemet potest licite sequi : potest autem (etiam ex adversariis)

in praxi sequi opinionem gravibus auctoribus probatam , quamvis eam ipse falsam putet . At id perabsurdum est : is enim qui consulitur , ac præsertim si Pastor sit , cum ipsiusmet Christi vices gerat , tenetur respondere , non quæ falsa , sed quæ vera sunt , aut saltem quæ ad veritatem propius accedere videantur : nempe non poterit alioquin usurpare illud Apostoli Actorum 3. *Non enim subterfugi , quininus annuntiarem omne consilium Dei vobis .*

Sequeretur 3. licitum esse cuique fidei varios adire Casuistas , donec unum repererit , qui secundum petentis desideria respondeat . Unum enim Casuistam posse opinioni , quam tuetur , probabilitatem conciliare , quæ tuor supra viginti Theologi recentiores docuerunt . Sed hoc plusquam falsum est : Nempe Christianus qui varios adit casuum arbitros , donec unum aut alterum invenerit , qui aliqua opinione minus probabili suis cupiditatibus favet , iuste a Deo permittitur decipi , sicut aequissimo Dei judicio Balaam Propheeta deceptus est . Narrant sacri codices , Balaam Moabitarum Regem misisse viros qui Prophetam illum conducerent , ut Dei populo malediceret . Balaam monetur divinitus , ne impio Regi obtemperet ; sed victus muneribus , ad sui cupiditatem divinum imperium inflectere tentavit : unde aequissimo Dei judicio decipi meruit : *Balaam* (inquit Augustinus) *se victum cupiditate monstravit , qui loqui sibi Dominum de hac re iterum voluit , de qua ejus jam cognoverat voluntatem .* Proinde Dominus videns ejus cupiditatem captam , devictamque muneribus , permittit eum ire , hoc ipso confundens illius amentiam , quod prohibitionem Dei transgredi asina non auderet , quam ille cupiditate transgredi cenaretur , quamvis eadem cupiditatem timore supprimeret *Cui post istam permissionem Dominum non consuluit , & post istam prohibitionem iterum consulendum putavit ? nisi quia ejus maligna cupiditas apparebat , quamvis timore Domini premeretur .*

Sequeretur 4. Presbyterum audiendis confessionibus præpositum , teneri absolutionem impendere poenitenti , qui nolle in praxi deponere opinionem suam minus probabilem , quæ favet libertati , quamque Confessarius falsam judicat : siquidem , ex adversariis , opinio minus probabilis est in praxi tuta . Admittitur quidem a nonnullis illud Confessarium : sed quam falsum sit eo colligitur , quod Confessarius & iudicis & medici officio in suam poenitentem fungatur : ergo sicut medicus non potest agrotis porrigere medicamentum , quod judicat illi noxium fore , quamvis agrotus illud sibi utne conteat , ductus opinione aliquorum medicorum , qui agrotis lenocinari solent : ita nec Confessarius potest infirmo , qui suis genibus advolvitur , mederi remediis , quæ grata quidem sunt infirmo , sed quæ noxia ab ipso

Con-

Confessario judicantur. Sicut iudex non debet a reo discere sententiam, quam in eum ferre debet; ita nec Confessarius eam a confitente doceri debet, quam servato juris ordine in ipsum proferre iubetur.

ARTICULUS III.

De opinione probabiliori in concursu minus probabilis.

Not. **Q**uæstio est, utrum liceat sequi in praxi opinionem probabiliorē, quæ favet libertati, in concursu minus probabilis, quæ stat pro præcepto.

Not. 2. Circa eam quæstionem triplex est sententia. Prima docet, in casu de quo agitur licitum non esse sequi in praxi opinionem probabiliorē, quæ favet libertati, in concursu alterius minus probabilis, quæ stat pro præcepto, ac proinde quæ tutior est. Secunda e contra docet licere eo in casu sequi opinionem probabiliorē. Tertia distinguit materiam, seu asserit licere quidem, cum agitur de jure positivo, sequi opinionem probabiliorē minus tutam; non licere vero in jure naturali. Ratio discriminis est, quia in jure positivo, sive divino, sive humano, dari potest ignorantia invincibilis; ac proinde immunis est a peccato, qui in eo jure sequitur opinionem falsam, modo sit altera longe probabilior: e contra (ajunt auctores tertiæ hujus sententiæ) non datur ignorantia invincibilis in jure naturali; ac proinde (addunt) qui in eo jure sequitur opinionem probabiliorē, si falsa sit, non excusatur a peccato: eo quod illius ignorantia non sit simpliciter & absolute invincibilis.

CONCLUSIO 1. Qui probabilitatem haurit tantum, aut ex præjudicio, aut ex recentioribus casuum arbitris, aut ex ratione per peccatum corrupta, non potest licite sequi in jure naturali opinionem, quam judicat probabiliorē, quæque favet libertati.

Probatur 1. Præjudicia debitam primorum principiorum ad casus particulares applicationem impediunt. 2. Recentiores casuum arbitri, nullius sunt ponderis, nisi in quantum cum antiquis Patribus coherent. 3. Corrupta per peccatum ratio, non est morum regula: ergo qui probabilitatem ex iis solis capitibus haurit, non potest in jure naturali sequi opinionem quam judicat probabiliorē, quæ favet libertati, in concursu alterius quam ex iisdem principiis judicat minus probabilem, & quæ stat pro præcepto.

Confirmatur ex Sancto Thoma, qui 1. 2. q. 94. art. 6. sic loquitur: *Quantum vero ad alia principia secundaria, potest lex naturalis deleri de cordibus hominum, vel propter malas persuasiones, eodem modo quo etiam in speculativis contingunt errores circa conclusiones ne-*

cessarias; vel etiam propter consuetudines, & habitus corruptos, sicut apud quosdam non reputabatur latrocinia, peccata, vel etiam vitia contra naturam, ut Apostolus dicit ad Romanos.

CONCLUSIO 2. Qui probabilitatem haurit ex Scriptura, & Traditione, licite potest, etiam in jure naturali, sequi opinionem probabiliorē, quæ favet libertati, relicta minus probabilis, quæ stat pro præcepto, seu quæ asserit, actum aliquem particularem esse licitum.

Probatur: Sumendo probabilitatem ex Scriptura & Traditione, opinio probabilior est ea quæ judicio Sanctorum, & Ecclesiæ Præpositorum est conformis Scripturæ & Traditioni: atqui licitum est sequi opinionem, quæ judicio Sanctorum & Ecclesiæ Præpositorum, est conformis Scripturæ & Traditioni; cum enim Scriptura & Traditio sint morum regula, & præterea sancti Doctores, & Ecclesiæ Præpositi, sint divina ordinatione eorundem Scripturæ & Traditionis interpretes, opinio quæ in eo casu est probabilior, est opinio vera: ergo licitum est eam sequi relicta minus probabilis quæ stat videtur pro præcepto. Ita censuit Clerus Gallicanus ad Comitia Generalia anno 1700. congregatus, ut articulo proxime sequenti diceretur: ita etiam judicavit Alexander papa VIII. a quo damnata est hæc propositio, quam idem Clerus erroneam esse judicavit: *Non licet sequi opinionem probabilem, vel inter probabiles probabilissimam.*

Confirmatur argumentum ex S. Thoma, qui expresse asserit, cum, qui agit contra legem naturalem, licet agat ex conscientia, non esse immunem a peccato. *Respondens dicendum* (inquit Quodlib. 8. art. 13.) *quod duobus modis aliquis ad peccatum obligatur: Uno modo faciendo contra legem, ut cum aliquis fornicatur: alio modo faciendo contra conscientiam, etiamsi non sit contra legem, ut si conscientia dicit alicui, quod levare festucam de terra sit peccatum mortale. Ex conscientia autem aliquis obligatur ad peccatum, si habeat certam fidem de contrario ejus quod agit, sive etiam habeat opinionem cum aliqua dubitatione. Illud autem quod agitur contra legem (naturalem; nam Sanctus Doctor adducit in exemplum peccatum fornicationis) semper est malum, nec excusatur per hoc quod est secundum conscientiam. Et similiter quod est contra conscientiam, est malum, quamvis non sit contra legem. Quod autem nec contra conscientiam, nec contra legem est, non potest esse peccatum. Ratio autem, cur peccet, qui contra legem naturalem agit, licet agat ex conscientia, est, quia suam conscientiam non format ex Scripturæ & Traditionis principiis, quæ a sanctis Doctoribus ab Ecclesiæ probatis, & ab ejusdem Ecclesiæ Præpositis*

positis explicata sunt. Defectu attentionis ad illa principia recentiores quidam Casuisti innumera contra legem naturalem opinionum portenta, tanquam regulas morum, protulerunt in medium.

ARTICULUS IV.

Quanam sit Ecclesia Gallicana de Probabilitate doctrina.

Not. **Q**uam sit Ecclesiae Gallicanae de Probabilitate doctrina, ex puriori & certiori fonte hauriri non potest, quam ex ejusdem Ecclesiae Comitibus Generalibus in Palatio Regio San Germano anno nulli simo septingentesimo celebratis. Iis autem in Comitibus, duo acta sunt ad causam, de qua agitur, spectantia. Primo, quaedam propositiones a quibusdam auctoribus promulgatae, speciali censura notatae sunt: 2. Certae ac verae de probabilitate usu regulae populis fidelibus, & animarum rectoribus praefatae sunt. Licet superius plures ex iis propositionibus jam retulerimus, placet eas omnes simul lectorum oculis subicere.

Propositiones Censura notatae.

Prima Propositio. Puto, omnia esse hodie melius examinata, & hanc ob rem in omni materia, & praecipue in morali, libentius jungeret quam antiquiores lego & sequor. . . . Doctrina fidei a veteribus; doctrina morum magis a junioribus potenda.

Censura. Haec propositio temeraria est, scandalosa, perniciosa, erronea, SS. Patribus & antiquis Doctoribus tantumelosa: Spreta in meritis Christianorum componendis necessaria Scripturarum ac traditionis auctoritate, & interpretatione, moralem Theologiam arbitrariam facit, utramque parat ad humanas traditiones & doctrinas, Christo prohibente, stabiliendas.

Secunda Propositio. Ex auctoritate unius tantum, potest quis opinionem in praxi amplecti, licet a principis intrinsicis falsam & improbabilem existimet.

Tertia Propositio. Haec propositio, sexdecim ad probabilitatem requiruntur, non est probabilis. Si sufficiunt sexdecim, sufficiunt quatuor; si sufficiunt quatuor, sufficit unus. . . . Ad probabilitatem sufficiunt quatuor: sed quatuor, immo viginti & supra testantur unum sufficere; ergo sufficit unus.

Censura. Haec propositiones, falsae sunt, scandalosae, perniciosa: sprete veritate, quaestiones morum ad numerum auctorum exigunt, & innumeris corruptellis viam aperiunt.

Quarta Propositio. Si liber sit alienus junioris ac moderni, debet opinio censeri probabilis, cum non constet rejectum esse a Sede Apostolica tanquam improbabilem.

Quinta Propositio. Non sunt scandalosa, aut erroneae opiniones, quas Ecclesia non corrigat.

Censura. Haec propositiones, quatenus silentium & tolerantiam prae Ecclesiae, vel Sedis Apostolicae approbatione statuunt, falsae sunt, scandalosae, saluti animarum nexae, patrocinantur pessimis opinionibus, quae identidem temere obtruduntur, atque ad Evangelicam veritatem iniquis praesudiciis opprimendam, viam parant.

Sexta Propositio. Generaliter dum probabilitate, sive intrinseca, sive extrinseca, quantumvis tenui, modo a probabilitate finibus non exeat, confisi aliquid agimus, semper prudenter agimus.

Censura. Haec propositio, falsa est, temeraria, scandalosa, perniciosa, novam morum regulam, novumque prudentiae genus, nullo Scripturarum, aut traditionis fundamento, cum magno animarum periculo statuit.

Septima Propositio. Si quis vult se consulti secundum eam opinionem, quae sit faventissima, peccat qui non secundum eam consultat.

Censura. Haec propositio, quae docet, blanda & adulatoria consilio, contra ius exquirere, & contra conscientiam dare, falsa est, temeraria, scandalosa, in praxi perniciosa, utramque deceptionibus aperit.

Octava Propositio. Non est illicitum in Sacramentis conferendis sequi opinionem probabilem de valore Sacramenti, relicta tutiore; nisi id velit lex, conventio, aut periculum gravis damni incurrendi: hinc sententia probabilis tantum utendum non est in collatione Baptismi, Ordinis Sacerdotalis, aut Episcopalis.

Nona Propositio. Probabiliter existimo, iudicem posse judicare iuxta opinionem etiam minus probabilem.

Decima Propositio. Ab infidelitate excusabitur infidelis non credens, ductus opinionem minus probabilem.

Undecima Propositio. In morte mortaliter non peccas, si cum attritione tantum Sacramentum suscipias, quamvis actum contritionis sunt omittas libere: licet enim unicuique sequi opinionem minus probabilem relicta probabiliori.

Censura. Doctrina his propositionibus contenta, est respectu falsa, absurda, perniciosa, erronea, probabilioris pessimus fructus.

Regula Cleri Gallicani de probabilitatis usu.

Ab his vero (inquiunt Gallicani Patres) ut probemus eorum errorem, qui negant, licere sequi opinionem vel inter probabiles probabilissimam, sed ad rectum usum probabilitatis opinionum has regulas a iure praescriptas agnoscimus.

Primum, ut in dubio de salutis negotio, ubi aequata utrinque animo se se offerunt ratio-

rationum momenta, sequamur id quod tutius, siue quod est in eo casu unice tutum: neque id consilii, sed præcepti loco habeamus, dicente Scriptura: Qui amat periculum, in illo peribit; hæc prima regula.

Alteræ, Ut circa probabiles de Christiana Doctrina sententias, sequamur id, quod Viennense OEcumenicum Concilium circa infusas tam parvulis, quam adultis in Baptismo virtutes decrevit his verbis: Nos hanc opinionem tanquam probabiliorem, & dictis Sanctorum, ac Doctorum modernorum Theologiæ magis consonam & concordem duximus eligendam. Quod Concilii iudicium eo magis ad regendos mores pertinere constat, quo magis ex ipsis fidelium sanctitas ac salus pendet.

Ex hac igitur regula fit consequens: primum ut in rebus theologicis ad fidei & morum cognata spectantibus, Theologos quidem etiam modernos audiamus, si tamen consonas sanctis Patribus tradant sententias. Deinde, ut si ab eis recedant, horum opinionum inhibentur cursus, ne dum eorum aliqua ratio habeatur, aut ulla eis tribuatur auctoritas. Denique, ut nemini liceat eligere eam sententiam, quam non veritati magis consentaneam duxerit.

Quod ergo in praxi cum nobis liceat sequi sententiam, quam nec ipsi ut probabiliorem eligendam iudicemus, hoc novum, hoc inauditum, hoc certis, ac notis auctoribus postremo demum sæculo proditum, & ab iisdem pro morum regula positum, repugnat huic effuso a Patribus (Vincentio Lirinensi, Commonitorio l. c. 3.) celebrato: Quod ubique, quod semper, quod ab omnibus; nec habere potest Christiana regula securitatem.

Hæc initium malorum esse, atque omnium ante dictarum corruptelarum caput, & doctrinæ confusio, & series temporum ostendit. Hæc (in Censuris Apologiæ Casuistarum) ab Antecessoribus nostris, viris fortibus ac religiosis, censorie notatum, hoc sæpe reprehensum, beneque reprehendi nullo incusante, immoderati probantibus diffiteri non potest.

Nos quoque iis de causis, hæc novæ sententias, in salutaris negotio periculosas, re diligenter inspecta, summa ope caveri, ac prohiberi oportere censuimus, ac censemus.

Placet autem illa prudentia: ut ante omnia assediamus, & in tuto colloquemus, id quod in omni est necessarium, fiatque illud Dominicum, Ellote prudentes sicut serpentes, qui protecto, quod præcipuum est, capite, sibi consulunt: neque quisquam in dubio salutis ad alium præliat, nisi ipso dubio, non ad nutum voluntatis, aut ex cupiditatis instinctu, sed ex recta ratione deposito, dicente Scriptura: Rationabile obsequium vestrum: & iterum: Sapienter timet & declinat a malo, nullus transilit & confidit: Postremo audiamus apostolicum illud: Omnia probate; quod

bonum est, tenete: & iterum: Omne quod non est ex fide, id est, ex conscientia, siue ex persuasionem, peccatum est: Denique, Testimonium reddente illis conscientia ipsorum, non aliorum utique, sed ipsorum & sua.

Admonitio & Conclusio.

Admonemus autem Comprehensores nostros, siue Sæculares, siue Regulares, quicumque Episcoporum auctoritate, vel verbum Dei prædicant, vel Sacramenta administrant, Ne ullo unquam tempore viam salutis, quam suprema veritas Deus, cujus verba in æternum permanent, arctam esse definivit, in animarum perniciem dilatarî, seu, verius, perverti sinant, plebemque Christianam ab ejusmodi spatiosa, lataque, per quam itur ad perditionem, via, in rectam semitam evocent. Quæ Christi verba ab Alexandro VII. (in Præfatione Decreti 24. Sept. 1665.) inculcata, alte animis insillere optamus, & oramus, speramusque in Domino fore, ut quicumque hactenus laxiores illas sententias, nulla certa ratione, sed alii alios secuti docuerunt, detere ipsas desinant, quippe quas & Episcopi, ipsique Romani Pontifices, reprehendant. Hæretici vero, improprio illi quidem, sed tamen pro more suo, Ecclesiæ imputent, atque iniuriæ vertant: filii quoque sæculi ut vanas rideant. Quare inanem illam, Deoque & hominibus exesam Sophisthem aliquando avversati, auctore S. Hieronymo (in Mich. c. 3. ad illa verba, Hac dicit Dominus) ad rectam se conferant: Ut qui prius populum blandimentis decipiebant, postea vero annuntiando deterreant, & ad rectam revocent viam, & qui causâ erroris fuerant, incipiant mederi vulneribus, quæ intulerant, & esse occasio sanitatis. Hactenus Clerus Gallicanus ad Comitium Generale anno 1700. congregatus. Verillimis illis; ac tanta cum sapientia traditis regulis, theologi omnes (ut speramus) adhærebunt, exulabitque a scholis Christianis decantatum illud axioma: Id omne licitum est, quod est probabile.

ARTICULUS V.

Solentur argumenta, quæ in Probabilitatis defensionem afferuntur.

Not. **A**rgumenta, quæ a Probabilitatis defensoribus obijciuntur, reducuntur ad hæc capita; 1. ad quædam quæ ex ratione petuntur; 2. ad quædam Patrum verba; 3. ad quædam Juris Canonici regulas; 4. ad nonnulla absurda, quæ ex opposita doctrina sequi videntur. Ea vero argumenta, ne quid nostræ de Probabilitate questionis desit, sigillatim solvenda sunt.

Solvantur argumenta ex ratione posita.

Objicies 1. Opinio probabilis, prout a recentioribus defenditur, duas debet habere dotes, quæ eam ab omni plane invidia liberant: Oportet enim 1. ut gravibus rationibus nita sit, id est, quæ tam proprie ad veritatem accedant, ut licite ad assensum non cogant; satisfaciunt tamen viro sapienti, & prudenti, & ita solide sint, ut demonstrari non possit, quod sint falsa. Oportet 2. ut opinio probabilis nec rationi evidenti, nec Scripturæ, nec traditioni opposita sit: Atqui in moralibus licitum est sequi opinionem, quam ex dotes comitantur, ut comitantur revera, etiamsi opinio sit minus probabilis: ergo in praxi licitum est sequi opinionem probabilem quæ favet libertati, in concursu alterius, sive æque probabilis, sive probabilius, quæ stat pro præcepto.

Respondio, probabilitatis defensores, nomine *rationum gratum*, non intelligere rationes, quæ a parte rei & absolute veræ sint, cum fateantur opinionem probabilem posse esse falsam; falsum autem nunquam veritate nitatur. Oportet igitur, ut *gratum rationum* nomine, intelligant rationes, quæ quamvis falsæ, a viris maturi iudicii censeantur veræ. Propter eandem rationem, per hæc verba: *Oportet ut opinio probabilis, nec traditioni, nec rectæ rationi contraria sit*, non intelligitur, quod opinio probabilis realem habeat eam Scripturæ, traditione, & rectæ ratione conformitatem: cum (ut jam observatum est) opinio probabilis, prout probabilis, possit esse falsa, & necessario id contingat in alterutra ex propositionibus probabilibus sibi invicem contradictorie oppositis: necesse est igitur, ut intelligatur consensus, quod opinio, quæ a parte rei potest esse, & est nonnunquam contra Scripturam, traditionem, & rectam rationem, ab opinante tamen huiusmodi non iudicetur.

His præmissis, seu, detecto adversariorum furo, in forma ad argumentum, quod nobis objectum est, respondemus negando minime negando, licitum esse sequi quamcumque opinionem probabilem, quæ ab operante, viro aliquo sapiente, iudicatur non esse contra Scripturam, aut traditionem, aut rectam rationem. Id enim nequaquam licet in concursu alterius opinionis probabilius, aut æque probabilis, quæ stat pro præcepto. Argumenta, quibus duplex ea responsio nititur, supra fuscè prosecuti sumus.

Objicies 2. Qui sequitur opinionem probabilem, sive præcepto, sive libertati saveat, prudenter agit: ergo non peccat. Probatur ant. Ille prudenter agit, qui agit, prout dicat recta ratio: sed qui sequitur opinionem probabilem, agit, prout dicat recta ratio, cum agat ductus argumentis, quæ

viros pios, & doctos ad assensum determinare possunt: non enim aliis argumentis fulciri debet opinio, ut certo sit probabilis: ergo &c.

Resp. ad 1. neg. ant. Ad 2. neg. min. Ad 3. dist. ant. Agit ductus argumentis, qui viros pios, & doctos determinare possunt ad assensum, cum non opponitur opinioni aut probabilius, aut saltem æque probabili, transeat ant. cum opponitur opinioni aut probabilius, aut saltem æque probabili, neg. ant.

Et sane quis cum prudentem dixerit, qui, licet ex neutra parte veritas affulgeat, immo æqualia sint ex utraque parte momenta, in nullam dubitationem inducitur; aut qui cum dubio agit, vel qui, si dubium deponere, aut ab opere abstinere non possit, non eligit tutius, seu, id quod eo in casu est unice tutum?

Imprudensissimus est is, qui affirmantibus aliis aliquam escam veneno infectam, aliis cum æquali rationum pondere negantibus, absque ulla dubitatione iudicat, escam illam esse integram, ac expertem veneni cujuslibet. Majoris imprudentiæ ac temeritatis reus est, qui dubitans & hærens, nec sciens, utra verior sit sententia, eam tamen escam, quasi sinceram ac puram sumit. Jam si is non modo incertus sit, sed magis in alteram partem propendeat, probabiliusque putet escam viciatam, quam incorruptam, eam tamen ex altera parte iudicet sanam, eamque manducet, non imprudentissimus modo, sed etiam stultissimus ab omnibus omnino sapientibus censebitur. Quid enim aliud est in rebus humanis imprudentia, quam minus probabilia, seu ea quæ iudicamus minus vera, magis probabilibus, hoc est, quæ magis vera iudicamus, præponere?

Placet id exemplis confirmare. Si quis exercitus alicuius dux eo tempore prælium committat, quo probabilius putat, se victum iri, quam victurum esse: si mercator iis conditionibus societatem contrahat, quæ noxias magis, quam utiles, probabilius iudicet, numquid illi apud homines non modo imprudentes habebuntur, sed etiam in stultitiæ exemplum ab omnibus sapientibus, sive ducibus, sive mercatoribus, proferentur?

Objicies 3. Innumeri fere omnium Ordinum, omniumque Gentium theologi docent, cum non peccare, qui sequitur opinionem probabilem, immo & minus probabilem, quæ libertati favet, in concursu alterius, aut æque probabilis, aut probabilius, quæ stat pro præcepto legis tum naturalis, tum positivæ. Tot tantorumque Scriptorum in unam eandemque sententiam consensus, ipsum præsentis Ecclesiæ sensum exprimere videntur: Ergo &c.

Resp. 1. expungendos esse ex eo numero, qui tanti sit ab adversariis, 1. omnes germanos Doctores Angelici & Subtilis discipulos; 2. variarum orbis Academicarum Magistrorum

gillios omni exceptione majores; 3. Ecclesias particulares: quæ (ut superius ostensum est) Pastorum suorum ore declararunt, probabilitatem non esse morum regulam: 4. Totam Ecclesiam Gallicanam, quæ (ut huiusce capituli articulo quarto narratum est) ad Comitia Generalia anno 1700. congregata, recentiorum probabilitatis dogma proscripsit, præfixitque regulas, quæ illi opponuntur e diametro.

Resp. 2. multorum recentiorum Scriptorum, quantus quantulusque fingatur eorum numerus, unanimem Ecclesie præsentis sententiam non exprimere; elucescit nimirum præsentis Ecclesie sensus in Scriptura sacra, & Patrum traditione, a quibus placulum est asserere discessisse quæ nunc per totum orbem floret Ecclesia. Elucescit quoque in Ecclesia Pastoribus, Episcopos dico & Pontificem Maximum, quos posuit Spiritus Sanctus regere Ecclesiam Dei: *Theologos quidem* (inquit Clerus Gallicanus) *etiam moderatos audiamus, si tamen consonas sanctis Patribus tradant sententias. Petine, ut si ab eis recedant* (ut in hoc capite recedunt quum maxime) *harum opinionum inhibeatur cursus, reudum earum aliqua ratio habeatur, aut eis ulla tribuatur auctoritas.*

Confirmatur illa responsio ex eo, quod si Scriptorum recentiorum sententia, præsentis Ecclesie doctrinam exprimeret, grave sequeretur absurdum, quod & importune & immerito nobis obijciunt heterodoxi: nempe Ecclesiam Catholicam, quæ firmiter tenet, ac columna veritatis, probare ac docere illa contra Decalogum opinionum portenta, quæ nuper ab Alexandro Papa VII. Innocentio XI. & ab Ecclesia Gallicana in Comitiis Generalibus proscripta sunt. Ea enim omnia & singula (quod & silentes dicimus) in pluriam recentiorum libris respectively continentur; continenter demonstravit oculatissimus cæcus Prosper Fagnanus in Caput: *Ne imitaris*, ubi singulorum illorum Scriptorum appellatis nominibus, portentosa eorum dogmata, probabilitatis fructum (ut loquitur Clerus Gallicanus) pessimum, sigillatim recenset.

Objicies 4. Licitum est sequi opinionem tutam in concursu tutioris: ergo & probabilem, quæ libertati favet, in concursu alterius, aut æque probabilis, aut probabilioris, quæ stat pro præcepto. Probatur ant. Quamvis tutius sit castitatem, paupertatem, & obedientiam in Monasterio, ubi monastica disciplina viget, profiteri; non peccat tamen is, qui matrimonium contrahit, sique juris est in sæculo.

Confirmatur 1. ex S. Antonino, qui 1. part. Titul. 3. cap. 10, §. 10. expresse docet, consilii esse, non autem præcepti viam eligere tutiorem, Confirmatur 2. ex S. Tho-

ma, qui asserit, hominem qui in peccatum mortale lapsus est, non teneri sub pena peccati statim post admissum secluso confiteri, quamvis contrarium tutius sit; immo, ex S. Bonaventura, præceptum: ergo &c.

Resp. conc. ant. nec. consequ. Ratio disparitatis est 1. quia licet opinio minus tuta, non sit tutiore remotior a peccandi periculo; est tamen verior, seu magis ad veritatem accedit. E contra opinio minus probabilis quæ favet libertati, a veritate remotior judicatur, ac proximior peccandi periculo: 2. Opinio minus tuta in concursu tutioris, tuta est, ac certa; neque enim ei intellectus adherere potest cum formidine partis oppositæ: at opinio probabilis in concursu alterius æque probabilis, aut probabilioris, nec tuta est, nec certa, cum ei non sine justa formidine partis oppositæ, intellectus assentiatur.

Eo minus principio S. Antoninus, jure ac merito docuit, professionem castitatis, obedientiæ, ac paupertatis in approbata religionē, consilii esse, non autem præcepti: Conveniunt enim omnes, vitam in sæculo ætam, in se & absolute sumptam, tutam esse, nec per se peccandi periculo quemquam ad eam vocatum exponere.

Eodem principio nititur S. Thomas, cum docet, impium statim ad confessionem non teneri: siquidem in brevis temporis spatium, ad quod suam confessionem protrahere potest, non est morale vita, ac proinde nec talis periculum. Præterea non libertati peccatoris favet illa S. Thomæ doctrina, sed legi quæ vetat, ne quis fictus accedat ad poenitentiae sacramentum: fictionis enim periculum est, cum quis satis temporis non impendit, ut prævio examine suam conscientiam excitet, ac jugi oratione a Deo contritionis donum obtineat.

Præterea, opinio quam circa confessionem mox a peccato mortali faciendam, nonnulli, quamvis immerito, S. Bonaventuræ tribuunt (licet enim religiosos ratione status perfecti in quo vivunt, confessionem protrahi non posse crediderit; indulget tamen laicis, ut ad Quadragesimam usque illam differant, ut ostendimus in nostro Commentario Historico & Dogmatico de Sacramentis) opinio (inquam) illa omni prorsus probabilitate caret, tum quod opposita sit totius antiquæ Ecclesie praxi, quæ quosdam lapsos statim absolutione non donabat, tum quod ferant etiam nunc Ecclesiasticae leges, ut impius, qui mortaliter peccavit ex consuetudine, non absolvatur, nisi præviis ac constantibus pietatis operibus emendationem, ac contritionem probaverit.

Solvitur argumentum ex Leone Magno petatum.

Objicies. Leo Magnus docuit, eum non peccare, qui opinionem probabilem sequitur: live

sive ſit vera, ſive ſit falſa, ſive minus probabilis: ſic enim loquitur in Epistoſta ad Ruſticum Narbonenſem: *In iis quæ vel dubia ſunt, vel obſcura, id noverimus ſequendum, quod nec præceptis Evangelicis contrarium, nec decretis Sanctorum Patrum invenitur adverſum*: atqui ſic ſe habet opinio probabilis: ergo, ex Leone Magno, licitum eſt ſequi opinionem probabilem.

Reſp. 1. neg. min. Nam 1. opinio minus probabilis, tantum abeſt, ut iudicetur coherere cum præceptis Evangelicis, & ſanctorum Patrum decretis, quin e contra veriſimilius iudicetur ab iis diſſentire. 2. Praxis opinionis probabilis in concuſſu alterius æque probabilis, quæ ſtat pro præcepto, adverſatur Patribus: ſcilicet inter opiniones æque probabiles dubius hæret intellectus: at Patres definiunt, non licere in eo caſu ſequi alterutram ex opinionibus probabilibus, ſed eam tantum quæ tutior ſit. *In dubiis (inquit) ſententiam debemus eligere tutiorem.*

Reſp. 2. diſt. maj. Id noverimus ſequendum tanquam conditionem requiſitam, conc. maj. tanquam conditionem ſufficientem, neg. maj. Hoc eſt, Leo Magnus docuit requiri quidem, ut res quæ ſit, non ſit contraria præceptis Evangelicis, aut ſanctorum Patrum decretis; ſed non docuit, id ſatis eſſe: ſiquidem præterea requiritur, ut cum dictamine conſcientiæ, quæ de bonitate operis moralem habeat certitudinem, & cum legibus civilibus coherere: at in caſu de quo agitur (ut jam ſæpius obſervatum eſt) conſcientia nec habet, nec habere poteſt certitudinem illam.

Solvuntur argumenta ex S. Thoma petita.

Objicies. S. Thomas Quodlib. 8. art. 13. ſic de eo loquitur, qui plures ſimul titulos Eccleſiaſticos habet: *Aut ex contrariis opinionibus in nullam dubitationem inducitur, & ſic non committit ſe diſcrimini, nec peccat*: atqui (ut ſupponunt deſenſores probabilitatis) qui ex duabus opinionibus probabilibus eligit, aut minus probabilem, aut æque probabilem, quæ aſſerit, actum eſſe licitum, ex contrariis opinionibus in nullam dubitationem inducitur: ergo, &c.

Reſp. 1. diſt. maj. Ex S. Thoma, qui ex duabus opinionibus contrariis in nullam dubitationem inducitur, non committit ſe diſcrimini, nec peccat, ſi opinionem a parte rei veram eligit, conc. maj. ſi opinionem a parte rei veram non eligit, neg. maj. Eum autem eſſe Angelici Doctore ſenſum, probatur ex eo, quod verbis iſtis, quæ nobis obijciuntur: *Aut ex contrariis opinionibus in nullam dubitationem inducitur*, hæc alia præmittantur: *Aut illa opinio non eſt vera, ſed magis contraria, quam iſte ſequitur, ita quod vere liceat habere plures præbendas.*

Itaque privatio dubii, de qua loquitur S. Juenin. *Inſtit. Theol.* Tom. III.

Thomas, non intelligitur de homine qui eligit opinionem falſam, ſed de eo tantum qui eligit veram: hoc eſt, S. Doctore docuit, hominem qui eligit opinionem veram, nec dubitat, non agere aut contra legem, aut contra conſcientiam; ac proinde non peccare: cum peccatum ſit id quod eſt aut contra legem, aut contra conſcientiam.

Reſp. 2. conc. maj. neg. min. Hoc eſt, nego eum, cui ſimul obverſantur duæ de eodem actu opiniones æque probabiles, non dubitare de bonitate morali ejuſmodi actus; cum enim intellectus non ſit potentia libera, ſed neceſſaria, oportet, ut ſuſpenſus ac dubius hæreat, quando non eſt majus rationum pondus pro una parte, quam pro alia: unde probabilitatis deſenſores immerito ſupponunt, intellectum eo in caſu non eſſe dubium, ſed firmiter uni parti potius quam alteri aſſentiri. Rationes, quibus ea reſponſio nititur, ſuſe ſuperius pertractatæ ſunt.

Solvitur argumentum ex S. Antonino petitum.

Objicies. S. Antoninus fertur ſic cuidam, a quo conſultus fuerat, reſponſiſſe: *Ex reſponſis quæ videntur data ab Alberto Magno, habetur, quod Frater ſimplex, vel quiſlibet homo, cum ſalute poteſt ſequi in conſilio quamcumque opinionem volueris, dummodo alicujus Doctore magni opinionem ſequatur.* Ergo, ex S. Antonino, licitum eſt ſequi opinionem, etiam minus probabilem: ergo ex eodem S. Doctore, vel unus Magiſter, qui magni ſit nominis, poteſt alicui opinioni eam probabilitatem conferre, quæ operantem in tuto conſtituat.

Reſp. 1. conſilium illud S. Antonini (quod tamen illius non eſt, cum, ut mox dicetur, ipſe contrarium doceat) non tanquam ex Alberti Magni ſcriptis hauſtum referri, ſed ex auditu tantum, cui non raro falſum ſubſeſſe ſolet.

Reſp. 2. laudatum illud ex Alberto Magno conſilium (ſi tamen ejus ſit, quod probari non poteſt) de iis rebus intelligi, quæ ex ſe quidem ſunt indifferentes, ſed tamen ſcrupuloſo cuidam (ut erat frater ille, cui fertur datum fuiſſe conſilium) ex leviſſimis argumentis malè videntur; quo quidem in caſu nemo dubitat, quin ſcrupuloſus viri magni nominis conſilio ſtare debeat; at id verum non eſt in rebus quæ magni ſunt momenti, & circa quas variant Doctorem ſententiæ: tunc enim quiſque aut ab actu temperare debet, aut partem eligere tutiorem.

Reſp. 3. evidens eſſe ex ipſo S. Antonino, conſilium illud intelligi non poſſe de iis hominibus, quibus opiniones contrariæ, aut æque probabiles, aut quarum una probabilior eſt, obverſantur: ſic enim loquitur 1. part. Titul. 3. 9. 10. *Poteſt aliquis tenere*

V

unam

unam partem alicujus opinionis, & secundum eam operari, dummodo talis opinio non sit contra auctoritatem expressam sacra Scriptura, nec contra determinationem Ecclesie Catholicae, & quando etiam ex contrarietate opinionum non inducitur ad dubitandum; sed bonam conscientiam & credulitatem format de eo quod creditur tanquam **PROBABILIORI** parte.

Confirmatur nostra responsio iudicio doctrinali Facultatis Theologicae Parisiensis, cui ita persuasum fuit, doctrinam, quae nobis objicitur, non esse Alberti Magni, aut S. Antonini, ut eam proscripserit in Amadæo Guimenio, a quo in probabilitatis patrocinium laudata fuerat: sic autem se habet damnata in eo auctore propositio: *Dicit idem, quod Frater simplex, vel quilibet homo cum salute potest sequi in consiliis quamcumque opinionem voluerit, dummodo alicujus magni Doctoris opinionem sequatur. Sic ille, & merito: nam unicuique gravem Doctorem constituere opinionem extrinsece probabilem, docent quatuor super viginti Doctores.* Vide etiam censuram latam a Clero Gallicano, anno 1700. ad Comitum Generalia coacto, quam hujusce Tomi pag. 301. & aliis de verbo ad verbum descripsimus.

Solvuntur argumenta petita ex quibusdam Juris regulis.

Objicies 1. Ex Jure Canonico, cum aequales sunt pro utraque parte rationes, Judex tenetur ferre sententiam in illius favorem, pro quo stat possessio: *In pari causa melior est conditio possidentis.* Unde sic arguitur: Eodem modo quisque in agendis se se gerere potest, quo Judex in ferendis sententiis: atqui Judex in ferendis sententiis debet sententiam ferre in favorem illius, pro quo stat possessio: ergo quisque privatus potest quoque in agendis sequi opinionem, quae favet possessioni suae libertatis, hoc est, eam opinionem, quae docet actum esse licitum.

Resp. 1. dato, quod allatum juris axioma valeat etiam in foro conscientiae (quod tamen, ut in responsione secunda demonstrabitur, falsum est) non sequi, cuius licitum esse eligere in praxi opinionem, quae docet, actum esse licitum: siquidem possessio in eo casu non stat pro illius libertate, sed pro lege, sive sit aeterna, sive naturalis, sive positiva divina, sive positiva humana: leges enim illae latae fuerunt, & vim habuerunt, antequam is, cui duae opiniones probabiles obversantur, suae libertatis possessione frueretur. Vasquesii est illa responsio, qui in 1. 2. disp. 65. c. 3. sic loquitur: *Nec potest quis contra Deum opponere, quod melior sit conditio possidentis.* Et sane quis imaginari unquam poterit Deum litigare, & contendere nobiscum de anterioritate, & posterioritate possessionis, quinimmo & succumbere in causa, si nostra possessio anterior est?

Resp. 2. neg. maj. Ratio est, quia Judex

ferre sententiam duntaxat in foro exteriori: e contra vero operans, eam ferre in foro interiori: ea vero quae locum habent in foro exteriori, non semper eum habent in interiori: unde par non est ratio inter Judicem qui judicat, & hominem qui operatur.

Confirmatur responsio ex eo quod laudatum juris axioma locum habeat tantum in foro exteriori, & quidem in materia iustitiae, quae quidem est virtus quae est ad alterum. Idque evidenter demonstrant plures textus juris canonici. In Capite, *Illud, de Cler. excomm. ministr.* deponitur Episcopus, quamvis esset in possessione suae libertatis communicandi cum fidelibus, eo quod in dubio partem tutiorem non elegerat. In Capite, *Domine, de secundis nuptiis*, declaratur mulierem quae de morte prioris conjugis dubitabat, non potuisse pergere in possessione debitum a secundo marito exigendi. In Capite, *Inquisitioni, de sent. excomm.* conjux dubitans probabiliter de impedimento dirimente, similiter prohibetur debitum exigere, non obstante exigendi possessione. In Capite, *significasti, de homicidio*, non obstante ratione adducta, quod in dubio nemo se debeat judicare culpabilem, & seipsum suae possessione spoliare, statuitur, ut si discerni non possit, ex cujus ictu percussus interierit, Sacerdos in hoc dubio tanquam homicida haberi debeat, etsi forte homicida non sit. Favent & textus omnes in quibus declaratur, Sacerdotes in dubiis debere seipsum tanquam irregulares habere, & temperare ab altaris ministerio, nulla habita ratione possessionis libertatis propriae. Et quidem merito: si enim possessio illa esset attendenda, nunquam daretur casus, in quo quis in dubio tutiorem partem eligere teneretur; & hoc praeceptum toties in Jure Canonico inculcatum, nunquam executioni mandari deberet. Ex his quae hucusque dicta sunt, evidenter patet, illam juris regulam quae nobis objicitur, *In pari causa melior est conditio possidentis*, locum non habere in foro interiori, & in aliis a iustitia virtutibus; sed tantum in foro exteriori, & in sola materia iustitiae, quae est ad alterum.

Objicies 2. Ex Jure Canonico, de regulis juris in Sexto, *Favores sunt ampliandi, & odia restringenda*, seu, *In parvis benignior est interpretatio facienda*: atqui opinio quae libertati favet, licet minus sit probabilis, est benignior, ac minus est odiosa, quam aut aequae probabilis, aut probabilior, quae stat pro praecepto: ergo &c.

Resp. 1. dist. maj. Favores sunt ampliandi, & odia restringenda, cum non agitur de licito, aut illicito, conc. maj. cum agitur de licito, aut illicito, neg. maj. idque ex ipsius regulae terminis evidens est: nempe termini regulae de solis poenis loquuntur, id est,

est, hoc unum praescribitur, ut Judex in poenis, quas jus in crimen decernit, minorem infligat, cum dubium est, an hac aut illa poena actui debeat: sic cum expresse non constat ex juris textu, irregularitatem, aut suspensionem infligi debere, tunc a Judice in reum decerni minime possunt. Ex his patet, quod cum opinio probabilis sit de licito, aut illicito, in ea locum habere non debeat laudatam ex jure axiomata: *Favores sunt ampliandi, & odia restringenda.*

Resp. data majore propositione, neg. min. Scilicet adversarii immerito supponunt, opiniones quae concupiscentiae favent, benigniores esse. E contra quae stant pro praecepto, cum in lucrum spirituale, & in veram operantis utilitatem cedant, dicendae sunt benigniores, & favere verae & Christianae libertati, quae quidem in mandatorum observatione posita est.

Petita est ea responsio ex S. Thoma, qui 2. 2. q. 147. art. 2. ad 3. sic loquitur: *Praecepta divina non sunt contra libertatem populi fidelis, sed magis sunt utilis ad impediendam servitutem peccati, quia repugnat libertati spirituali, de qua dicitur ad Galatas 5. Vos enim, fratres, vocati estis in libertatem, tamen ne libertatem detis in occasionem carnis.*

Solvitur argumentum ex Alexandro Papa III. petiitum.

Objicies. Alexander Papa III. in libr. 4. Decretal. De Cognatione spirituali, Titul. 21. cap. 2. quaesitus, utrum quoad thorum separanda esset mulier, cujus maritus, vel per malitiam, vel per ignorantiam, proprium filium de sacro fonte levaverat, responderet, quod quamvis nonnulli mulierem illam separandam esse censerent, sibi tamen aliud videri, ac se benigniori opinioni adherere: sic habebat casus laudato Pontifici propositus: *Si vir, vel mulier scienter, vel ignoranter, filium suum de sacro fonte suscepit, an propter hoc separari debeant.* Antequam idem summus Pontifex casum solvat, duas circa eam quaestionem Auctorum sententias recenset: *Quamvis (inquit) generaliter sit constitutum, ut debeat separari: quidam tamen humanius sentientes, aliter statuerunt.* Utraque Auctorum illorum sententia erat probabilis; una rigidior, quae legi favebat, *Quamvis sit generaliter constitutum, ut debeant separari:* altera benignior, quae favebat libertati: *Quidam tamen humanius sentientes, aliter statuerunt.* Recentiora duplici illa, sive rigidiori, sive benigniori opinione, idem Pontifex Maximus benigniorem, seu eam quae libertati favebat, au placuit: *Idcirco (ait ibidem) nobis videtur, quod si ex ignorantia, siue ex malitia id fecerint, non*

sunt ab invicem separandi: nec alter alteri debitum debet subtrahere.

Ex eo Alexandri III. responso sic argumentum conficitur. Id licitum est, quod eo in casu egit Alexander Papa III. atqui in concursu duarum opinionum, quarum una legi favebat, altera libertati, elegit istam, non autem aliam; ergo in concursu duarum opinionum probabilium, licitum est utramque in praxi sequi & eligere.

Resp. 1. conc. maj. neg. min. seu, neg. humaniorem opinionem, ad quam Alexander casum sibi propositum resolvit, coniugum libertati fuisse: e contra favebat legi matrimonii, per quam conjuges ad thorum jus mutuum habent, & per quam uterque conjux tenetur alteri debitum petenti, illud non subtrahere: haec autem lex, cum juris sit naturalis ac divini, major est ea, quam Ecclesia circa spirituales cognationem instituit.

Resp. 2. neg. iterum eandem min. seu, neg. opinionem, ad quam Alexander solvit casum, fuisse minus probabilem, quam opposita.

Ratio est 1. quia tota ratio, qua nituntur adversarii, est, quod opinio, quam Papa secutus est, dicatur humanior: *Quidam tamen humanius sentientes:* Sed nulla est illa ratio; nam alioquin sic Alexander pessime ratibcinatus fuisset: *Opinio urgetur conjuges illos debere quoad thorum separari, minus est probabilis, & minus tuta, quam opinio affirmans:* ergo alteri est a me praefenda: causalem enim arguunt haec verba; *Idcirco nobis videtur quod non sunt ab invicem separandi.*

Ratio est 2. quia falsum est, adverbium, *humanius*, quo Papa utitur, significare opinionis cui adheret, aut minorem, aut saltem aequalem probabilitatem cum opposita. Immo significat majorem probabilitatem, cum proferatur per modum causae Resolutionis, quam Alexander tradit: *Quidam humanius sentientes, aliter statuerunt:* IDEOQUE, &c. Unde Ostiensis, multique alii insignes Canonistae idem adverbium, *humanius*, vertunt per, *equius, rationabilius.* Nec immerito, cum (ut jam observatum est) Pontifex inferat, se judicare conjuges, de quibus erat quaestio, non esse ab invicem separandos, quod opinio quae asserbat separari non debere, elicit humanior.

Solvitur argumentum petiitum ex Innocentio III.

Objicies. Innocentius Papa III. consultus de muliere, quae contendens, se intra consanguinitatis gradus lege prohibitis viro conjunctam fuisse, non expectato iudicio ecclesiastici iudicis, se ab eo separaverat; duas oppositas sententias refert, quarum altera terebat, ut illa mulier redderetur marito, antequam ad consanguinitatis probationem admitteretur; altera vero ferebat ut quaestio

de gradu consanguinitatis dirimi deberet, antequam mulier viro eam petenti redderetur. Innocentius nulla ex iis opinionibus rejecta, tertiam inter duas oppositas mediam eligit: *Nos autem* (inquit lib. 2. Decretalium de restitutione Spoliat. Tit. 13. c. 13.) *ad presens nullam de praedictis sententiam reprobamus; nec cuiquam earum aliquod praerudicium ex nostra responsione volumus generari.*

Ex his autem sic arguitur. Ille censuit, licitum esse sequi opinionem probabilem quae libertati favet, in concursu alterius aequae probabilis quae stat pro praecepto, qui asseruit, se nullum praerudicium inferre velle alicui ex contrariis opinionibus quas recenset; & quarum una favebat libertati, & altera praecepto: scilicet qui asserit, se nullum aliquibus opinionibus praerudicium inferre, utramque in praxi tutam esse censet: Atqui Innocentius III. asseruit, se nullum praerudicium inferre velle opinioni probabili, sive affirmanti, sive neganti, mulierem de qua consultus fuerat, viro suo ante consanguinitatis probationem festinui debere: ergo utramque illam opinionem probabilem censuit esse tutam in praxi: sed quod eo in casu iudicavit Innocentius locum habere, habet pro omni alio: ergo in quocumque casu licitum est sequi opinionem probabilem quae favet libertati, in concursu alterius quae stat pro praecepto, sive sit aequae probabilis, sive sit probabilior.

Resp. neg. maj. Ratio est 1. quia major illa propositio supponit falsum, unam nimirum ex opinionibus quas Innocentius Papa III. recenset, favere libertati conjugum, alteram autem stare pro praecepto: at id falsum est; utraque enim ex iis opinionibus, quae ab Innocentio recensentur, stabat pro lege; affirmans quidem, seu, quae asserbat, mulierem, ante iudicium de causa consanguinitatis, quam obtendebat, debere reddi viro, a quo, non expectata iudicis ecclesiastici sententia, discesserat, stabat pro lege de indissolubilitate matrimonii; negans vero, seu quae contendebat, mulierem illam, ante latum de consanguinitate iudicium, viro reddi non debere, stabat pro lege matrimonium inter consanguineos prohibente. Immerito igitur profertur altera ex iis opinionibus, ut probetur, Innocentium censuisse licere in praxi sequi opinionem probabilem, quae libertati favet, in concursu alterius aut aequae probabilis, aut probabilioris, quae stat pro praecepto. Ratio est 2. quia vitiosa est hac adversariorum argumentatio (*Innocentius Papa III. neutrum e duabus oppositis propositionibus profertit: ergo credidit, utriusque usum iheri*.) hac (inquam) argumentatio est vitiosa; nam ex eo quod Innocentius neutrum praerudicium inferri voluerit, non sequitur, quod utramque in praxi approbaverit. Pace

adversariorum dixerim, similem esse quam ex Innocentio III. desumunt argumentationem; isti propositioni, quam (ut superius fuit observatum) Clerus Gallicanus post Alexandrum Papam II. proscripsit: *Si liber sit alicujus junioris, & moderni, debet opinio censeri probabilis; dum non constet rejectam esse a Sede Apostolica tanquam improbabilem.*

Ratio est 3. quia Innocentius III. in capite, *Litteras*, qui nobis objectus est, non potuit probare, quod aliis in locis expresse rejecit: at rejecit doctrinam quae docet, licitum esse sequi opinionem probabilem quae libertati favet, in concursu alterius aut aequae probabilis, aut probabilioris, quae stat pro lege.

Scilicet lib. 5. Decret. *De Sentent. Excommunic. Titul. 39. c. 44.* quod incipit, *Inquisitioni*, Innocentius Papa III. consultus de muliere cui dubium erat, an ratione alienius impedimenti dirimentis, matrimonium a se initum valeret, respondit 1. mulierem illam, si dubium illius esset ex credulitate levi, posse reddere & exigere debitum conjugale: 2. teneri eam reddere debitum, sed exigere non posse, si dubium sit ex credulitate probabili & discreta, *Distinguiamus* (inquit) *utrum habeat conscientiam hujusmodi ex credulitate levi & temeraria, an probabili & discreta: Et quidem ad sui Pastoris consilium (conscientia levi & temeraria credulitatis explosa) licite potest non solum reddere, sed exigere debitum conjugale: Verum cum conscientia pulsat animum ex credulitate probabili & discreta, quamvis non evincens & manifesta, debitum quidem reddere potest, sed postulare non debet, ne in alterutro vel contra legem conjugii, vel contra iudicium conscientiae committat offensam.*

Ex eo Innocentii Papae III. responso sic arguitur. Ille non censuit licitum esse sequi opinionem probabilem quae libertati favet, in concursu alterius, aut aequae probabilis, aut probabilioris, quae stat pro praecepto, qui mulieri probabiliter & discretè opinanti de validitate & de invaliditate matrimonii, non permisit petere conjugale debitum; si quidem debiti petitio favebat mulieris libertati: atqui (ut ex laudato textu patet) Innocentius mulieri, de qua agitur, non permisit petere conjugale debitum: ergo non censuit licitum esse sequi opinionem probabilem quae favet libertati, in concursu aequae probabilis, aut probabilioris, quae stat pro praecepto.

Dices 1. mulierem de qua agitur, non habuisse de validitate sui matrimonii opinionem multum probabilem, sed tantum leviter probabilem: unde mirum non est, quod Innocentius ei non fecerit facultatem petendi debitum conjugale.

Sed textui aperte repugnat illa responsio: *si quis*

siquidem Innocentius duplicem distinguit conscientiam dubiam, unam nimirum ex credulitate levi, & temeraria, alteram ex credulitate probabili & discreta, asseritque, mulierem, licet illa credulitas discreta & probabilis adsit, non posse exigere conjugale debitum: at credulitas probabilis & discreta, non est levis probabilitas: alioquin enim esset idem cum credulitate temeraria, in qua Innocentius docet, licitum esse & reddere & petere debitum conjugale.

Dices 2. Innocentius docet, mulierem discrete & probabiliter opinantem valere initium a se matrimonium, posse conjugale debitum reddere, stante etiam propter contrariam opinionem dubio de sui matrimonii valore: ergo censuit, licitum esse sequi opinionem probabilem.

Resp. conc. ant. dist. conseq. Ergo Innocentius censuit licitum esse sequi opinionem probabilem quæ legi faveat, conc. conseq. quæ faveat libertati, neg. conseq. Redditio debiti conjugalis in casu de quo agitur, libertati non faveat; siquidem id libertati non faveat, quod præcipitur; at reddere debitum in casu de quo est quaestio, illi mulieri tanquam liberum non indulgetur, sed præcipitur, ita ut graviter peccet, si in iis circumstantiis debitum viro potenti denegaverit: e contra redditio debiti in casu illo, faveat legi, quæ quidem præcipit, ut mulier viro debitum reddat: unde Innocentius expresse asserit, se ideo in illo casu præcipere debiti redditionem, ne mulier illa probabiliter & discrete de sui matrimonii validitate dubitans, contra legem peccet: *Ne (inquit) vel contra legem conjugii, vel contra iudicium conscientie committat offensam*. Vide Prosperi Fagnani Commentarium in eam Innocentii Papæ III. Decretalem.

Solvuntur argumenta quæ ex absurdis petuntur.

Obijcies 1. Sententia, qua asseritur, eum, cui necessitas agendi incumbit, teneri in concursu duarum opinionum æque probabilium sequi tutiorem, viros frugi innumeris scrupulis & anxietatibus exponit; scilicet periculum erit semper, ne non probabiliozem elegerint; non ex cupiditate aliqua mentis oculos excacante, eam probabiliozem judicaverint, quæ levissimis tantum argumentis nititur. E contra vero sententia opposita scrupulos abigit omnes, efficitque, ut illud Christi in Evangelio, *Jugum meum suave est, & onus meum leve*, locum habeat: nempe hoc unum fatagit, ut quis obfirmata conscientia probabilia sectetur, non curans, an falsa sint, an vera; an contra legem æternam, aut positivam; an minus probabilia sint, aut probabiliora: ergo &c.

Resp. ex adversariorum sententia majorem, quam ex nostra, consequi in viris frugi anxietatem; idque subsequentibus momentis facile demonstratur.

Juenin Instit. Theol. Tom. III.

I. Affirmant adversarii, & quidem sine ulla Scriptoris, qui ante centum ab hinc annis vixerit, auctoritate, licitum esse in praxi sequi quamcumque opinionem certo probabilem: negant e contra antiqui omnes Theologi; nec non hujusce ætatis innumeri alii.

Igitur vir frugi, cui proponitur adversariorum doctrina, timere debet, ne falsa sit; & ne (ut alii contendunt) probabilitatem, quæ cupiditati faveat, secutus, æternis in altera vita cruciatibus addicatur.

II. Vir, cui salus cordi est, & cui agendi necessitas non incumbit, ut se scrupulis liberet, ab actu, quem post diligens examen nescit, an licitus sit, necne, abstinere oportet. Quod si agendi necessitas urgeat, executioni mandet illud Jacobi monitum: *Si quis indiget sapientia, postulet a Deo, qui dat omnibus affluenter, & non improperat*. Exequatur salubre hoc Sancti Antonini de probabilitate agentis consilium: *Se ad gratiam præparet quantum potest, ut sapientiam invocet per orationem, ut Scripturas (non recentiores Casuistas) diligenter investiget, ut quærat eam quasi pecuniam, ut adhibeat diligentiam in inquirendo*. Adeat Doctores, quos novit cupiditati non favere. Præmissa ea diligentia, quietus quidem operabitur, sed tamen non ita securus erit, quin cum Propheta pro suis ignorantibus Deum humillime deprecari non debeat; quin cum S. Job omnia sua opera non vereatur; quin tandem (ut Apostolus monet) cum metu ac tremore suam salutem operetur.

Obijcies 2. Ex doctrina qua asseritur, probabilitatem non esse regulam moram, sequitur peccare rusticum, qui bona fide & ex consilio sui Pastoris contractum init usurarium: Sed falsum est illud consequens, cum ille rusticus alia via, quam per sui Pastoris ministerium, veritatem detegere non possit: ergo &c.

Resp. 1. illi rustico (ut supponimus) non occurrere opinionem aut æque probabilem, aut probabiliozem de malitia contractus, quem init ex Pastoris sui judicio: unde argumentum ex illo exemplo petitum non pugnat contra conclusiones, quibus assertum fuit, nemini licere sequi opinionem probabilem, quæ faveat libertati, in concursu alterius, aut æque probabilis, aut probabilioris, quæ stat pro præcepto.

II. Plerumque periculum est, ne rusticus ille aut quivis similis homo, occulta quadam cupiditate occasionem dederit errori, quo ductus, contractum init usurarium: *Plurimum enim, & superfluit Deus saper peccatores laqueos (inquit Augustinus) & lege insatigabili spargit pinales cecitates super illicitas cupiditates*.

III. Auctores qui quemque asserunt immunum a culpa, dum Confessario suo obsequitur, & ad præscriptas ab eo regulas mores suos componit, solum illud estatum concilient, si possint, cum hac Christi sententia: *Si cæcus cæco ducatum præbet, ambo in fossam cadunt.* Concilient cum his Sancti Thomæ verbis, Quodlib. 3. art. 3. *Respondeo dicendum, quod diversa opinioniones Doctorum, si quidem non pertinent ad fidem & bonos mores, absque periculo auditores utramque partem sequi possunt: tunc enim habet locum, quod Apostolus dicit ad Rom. 4. Unusquisque in suo sensu abundet: in his vero quæ pertinent ad fidem & bonos mores, nullus excusatur, si sequatur erroneam opinionem alicujus magistri: in talibus enim ignorantia non excusat.*

IV. Detur, quæro, rustico illi, cujus exemplo adversarii abutuntur, detur, inquam, Confessarius, cui vera videatur recentiorum Casuistarum de moribus doctrina, quique consilia, quæ dat ovibus sibi creditis, haurit ex illorum Casuistarum libris. Facta autem illa suppositione, quæro, an rusticus ille immunis tutus sit a peccato, si ad Confessarii illius consilia mores suos componat? Si affirmant adversarii, asserant & oportet, rusticum illum per infractionem omnium & singulorum Decalogi mandatorum, nullum peccatum contrahere, aut saltem ratione cujus excidat a justitia: nullum enim est ferme Decalogi mandatum, quod recentiorum Casuistarum placita intactum ac integrum reliquerint. Vide Decreta Alexandri VII. Innocentii XI. & Censuram a Clero Gallicano in Comitibus Generalibus latam anno 1700.

DISSERTATIO TERTIA.

De Virtutibus in communi.

Not. **Q**Uæ ad virtutes in communi spectant, ad earum essentiam, subjectum, proprietates & divisionem reducimus: unde duæ erunt, & quidem brevissimæ, hujusce Dissertationis quæstiones.

QUÆSTIO PRIMA.

De essentia & subjecto virtutis.

CONCL. 1. Essentia virtutis hac illius definitione continetur, *Virtus est bona qualitas mentis, quæ recte vivitur, & quæ nullus male utitur.*

Explicatur definitio. Virtus dicitur 1. *Qualitas*, quia advenit subjecto, quod in suo esse jam constitutum est. 2. *Ea qualitas est bona*: siquidem essentialiter versatur circa objectum & finem, quæ morum legibus consentanea sunt. 3. Adduntur hæc verba, *Quæ recte vivitur*, quia virtus non est qualitas

tantum efficiens subjectum, cui inhaeret, sed ipsum præterea ad opus rationi conformum inclinat. 4. Per has voces, *Quæ nullus male utitur*, virtus differt ab aliis qualitatibus: iis enim creatura bene vel male uti potest, ut videre est in opinione, caractere, scientia, aliisque hujusmodi animæ & corporis dotibus. Nec mirum: si quis enim id prævum usum, & in malum finem utatur virtute, desinet esse virtus, eritque vitium; unde Augustinus lib. 4. contra Julianum cap. 4. merito sic loquitur, *Non officii, sed finis, a vitiis discernenda sunt virtutes. Officium autem est, quod faciendum est: finis autem propter quod faciendum. Cum itaque facit homo aliquid, ubi peccare non videtur, si non propter hoc facit, propter quod facere debet, peccare convincitur.*

Quæres, quid sentiendum sit de duabus hisce Aristotelicis virtutum definitionibus: *Virtus est habitus, qui bonum (saltem secundum quid) facit habentem, & opus ejus reddit bonum. Virtus est habitus electivus, in mediocritate consistens, prout sapiens & prudens distaverit.*

Resp. priorem definitionem convenire omnibus virtutum speciebus; posteriorem vero virtutibus moralibus tantum, non autem Theologicis, & intellectualibus: nec enim contra virtutes theologicas aut intellectuales peccari potest per excessum; scilicet aliquis non potest DEO loquenti nimis credere, nimis eum diligere, nimis in eo sperare, nimium esse prudens.

CONCL. 2. Subjectum virtutis, est sola substantia spiritualis, & quidem creata.

Probatur prima pars ex eo, quod sola substantia spiritualis fruatur cognitione & libertate quæ ad virtutis exercitium necessaria sunt.

Probatur altera pars. Virtus est qualitas, quæ realiter advenit substantiæ jam in suo esse constitutæ; atqui soli substantiæ spirituali creata potest ea qualitas se advenire; cum enim Deus sit actus purissimus, nihil ei physicum de novo potest accidere.

QUÆSTIO II.

De proprietatibus & divisione virtutis.

Not. **N**ON dicemus hic de omnibus virtutis proprietatibus, sed de duabus tantum, mediocritate nimirum & connexionem: seu quæremus, utrum virtutes in mediocritate consistant, & utrum ita sint inter se connexæ, ut qui unam habuerit, habeat omnes.

CONCL. 1. Non omnes virtutes, sed aliquæ tantum in mediocritate consistunt.

Probatur prior pars. Illi habitus in mediocritate non consistunt, qui non sunt inter duo

duo extrema, quorum unum sit per excessum, & aliud per defectum: atqui virtutes omnes non sunt inter duo extrema, quorum unum sit per excessum, & aliud per defectum: nam per excessum peccari non potest contra virtutes theologicas, & contra virtutes intellectuales: neque enim (ut iam superius observatum est) potest quis Deo loquenti nimis credere, nimis eum amare, nimis in eum sperare, nimis esse prudens, &c.

Probatur altera pars. Contra virtutes, quae nec sunt theologicae, nec intellectuales, peccari potest per excessum, & per defectum: ergo in libertate consistunt. Probatur ant. Potest excedi in aliis a theologis & intellectualibus virtutibus recte, cui virtutes commensurari debent, ut patet in prodigo; vel quis potest a regula decedere, ut in avaro videre est.

Quaeres, quotuplex sit medium virtutis.

Resp. esse duplex, nimirum medium Rationis & medium Rei. Illud definitur ratione, juxta propriam subjecti dispositionem, ut patet in temperantia; mediocritas enim illa, in qua consistit, non est eadem in omnibus, sed diversa pro diversitate dispositionum, quae in hominibus temperantibus reperiuntur: sic poterit esse quis intemperans, si sex carnis uncias comedat, licet alius, propter stomachi dispositionem, sit temperans etiam in majori ciborum quantitate. Hinc patet, medium rationis non esse positum in indivisibili, sed esse majus vel minus ad iudicium viri prudentis. E. contra medium rei positum est in aequalitate, quantitatis quidem ad quantitatem in iustitia commutativa; qui enim centum duplones debet, centum debet solvere; in aequalitate vero proportionis ad proportionem in iustitia distributiva, quae ad personarum statum, & meritum attendit.

CONCLUSIO 2. Virtutes morales consideratae in statu imperfecto non sunt inter se connexae; secus vero si in statu perfecto considerentur.

Probatur prima pars. Experientia comprobatur, aliquem posse esse temperantem, quamvis non sit liberalis; unde sic arguitur: illi habitus non sunt inter se connexi, quorum unus potest haberi sine alio: atqui una virtus saltem in statu imperfecto potest haberi sine alia, ut mox ostensum est: ergo virtutes morales, si in statu imperfecto considerentur, non sunt inter se connexae.

Probatur altera pars. Virtus in statu perfecto considerata includit perfectam prudentiam: atqui perfecta prudentia non est, ubi aliqua virtus moralis defuerit: siquidem prudentia perfecta dicit appetitum rectum circa omnia, quae quis potest agere; unaquodque enim iudicare solet, prout affectus est, seu prout illius voluntas est recta, aut non

recta: sed si defuit vel una virtus, appetitus non erit rectus circa omnia; ac proinde nec prudentia erit tunc perfecta prudentia.

Praeterea virtus quae est in statu perfecto, efficit, ut quis libenter, ac sine mora, in propria virtutis illius materia operetur: at nemo, qui vel una virtute destitutus fuerit, sic se gerit; idque videre est in muliere casta, sed avara, & meticulosa: si enim ingens illi offeratur pecuniae quantitas, vel minae mortis ei intententur, haud difficili negotio patietur castitatis detrimentum.

Obijcies 1. Unius virtutis productio non pendet ab actibus aliarum virtutum: ergo neque illius conservatio: non maior enim vis ad rei conservationem, quam ad illius productionem requiritur.

Resp. conc. ant. dist. conseq. Ergo virtus sumpta in statu imperfecto in sui conservatione non pendet ab aliis virtutibus, conc. conseq. per unam quippe virtutem appetitus sit, & remanet debite ordinatus circa materiam aliquam particularem. Sumpta in statu perfecto, neg. conseq. Ratio est, quia virtus sic accepta dicit rectitudinem, quae circa aliquam materiam particularem firma sit ac constans, seu quae difficillime amitti possit: atqui sine omnium & singularum virtutum consortio firma illa & constans rectitudo, vel circa unam materiam, non habetur, ut superius ostensum est.

Obijcies 2. Coniugatus potest esse castus etiam luendo castitatem in statu perfecto, quamvis habere non possit virginitatem: haec enim virtus in eo posita est, quod quis nec in conjugio, nec extra conjugium voluptati operam dederit: ergo &c.

Resp. dist. ant. Quamvis virginitatem habere non possit, quantum ad actus externos, defectu nimirum materiae, conc. ant. quantum ad affectum, & internam mentis dispositionem, in quibus virtutum essentia posita est, neg. ant.

Praeterea dicendum est, theologos, cum docent, unam virtutem in statu perfecto sumptam non posse reperiri sine aliarum omnium virtutum consortio, supponere, quod subjectum sit capax omnium virtutum: ac proinde ad rem non est argumentum, quod nobis obiectum est.

CONCL. 3. Multiplex est virtutum divisio, seu varia sunt illarum species.

Probatur enumeratione singularum virtutis specierum; Scilicet virtutum aliae sunt intellectuales, aliae Morales, aliae Theologicae.

Virtutes intellectuales ea sunt, quae perfectant intellectum in ordine ad cognitionem veri: subdividunturque in Intelligentiam, quae sine discrimine versatur circa prima morum principia, Bonum est facienda, & malum fugienda. Alteri ne noceris, quod tibi fieri non vis. Id fac aliis, quod tibi factum velis.

▲ V 4 in

In Sapientiam, quæ res attingit per universales & necessarias causas; in Scientiam, quæ objecta cognoscit per causas, necessarias quidem & infallibiles, sed proximas & singulares; in Artem, quæ tota occupatur in singularibus per potentias extrinsecas fabricabilibus; & tandem in Prudentiam, quæ versatur quoque circa singularia, sed prout sunt hic & nunc independentem a potentiis extrinsecis agenda.

Virtutes Morales voluntatem perficiunt in ordine ad bonum honestum, cujuscumque sit generis, & in quacumque materia consideratur. Quatuor sunt præcipuæ, quæ ob id dicuntur Cardinales, Prudentia nimirum, Fortitudo, Temperantia, & Justitia.

Virtutes Theologicæ definiuntur, virtutes quæ circa Deum immediate versantur, exque sunt tres tantum, Fides, Spes, Caritas. Religio non est ex virtutibus theologicis, eo quod immediate circa Deum non versetur, sed tantum circa Deum cultum ei debitum. De duabus illis virtutum speciebus, seu de Virtutibus Theologicis & Moralibus proxime sequentibus dissertationibus nobis agendum incumbit.

DISSERTATIO QUARTA.

De Virtutibus Theologicis.

Virtutes Theologicæ sunt (ut superius observatum est) ex quæ circa Deum immediate versantur. Ex vero sunt tantum numero tres, Fides nimirum, Spes, & Caritas. In his tribus virtutibus Dei cultum positum esse docetur ab Augustino, Enchiridii c. 3. ubi sic loquitur: *An hoc ipsum tibi forsasse desideras breviter aperiri, quoniam modo sit colendus Deus? Hic si respondero, fide, spe, caritate colendum Deum, profecto dicturus es, brevius hoc dictum esse, quam velles.* Sed licet tres illæ virtutes in Dei cultu suas partes habeant, præcipuum tamen in eo locum tenet caritas, ita ut si, saltem inchoata, desit, sincere non colatur: Porro (ait idem Augustinus Epist. 120. veteris editionis) *Plerumque cultus Dei est, nec colitur ille, nisi amando.* De tribus virtutibus proxime sequentibus questionibus est nobis agendum.

QUÆSTIO PRIMA.

De virtute Fidei.

Not. **A**equivoca est fidei vox apud scriptores sacros. Joannes Apocalypseos c. 2. eam sumit pro doctrina, quam vera religio profitetur: *Non negasti* (ait ibidem Deus) *fidem meam.* Eadem voce Paulus utitur, ut significet conscientiam, quam, ut interpretatur Augustinus, divina revelatio

dirigit: *Omne quod non est ex fide* (ait ad Romanos 14.) *peccatum est.* A Jacobo, Epistolæ Canonice c. 2. usurpatur pro humili fiducia, quæ christianorum orationes comitari debet: *Postulet* (inquit) *in fide nihil bastentur.* Eandem vocem adhibet Apostolus, ut exprimat fidelitatem, seu in promissis servandis constantiam: *Nunquid* (ait ad Romanos c. 3.) *incredulitas eorum, fidem Dei evacuabit?* Tandem fidei vox accipitur pro assensu, quem intellectus ex imperio voluntatis præbet veritatibus quibusdam propter auctoritatem Dei revelantis. Fidei in eo ultimo sensu acceptæ hic exponemus 1. Essentiam; 2. Divisionem; 3. Objectum; 4. Subjectum; 5. Regulas; 6. Tandem varias illius proprietates.

CAPUT PRIMUM.

De Essentia & divisione fidei.

CONCL. 1. Fidei, prout est virtus theologica, essentia, hac illius definitione continetur: *Fides est virtus divinitus infusa, per quam creatura rationalis firmiter assensitur illi quæ a Deo revelata sunt.*

Probatur, ac simul explicatur conclusio. Continet tradita definitio genus & differentiam fidei: ergo est admittenda. Probatur aut. Primo, verba ista, *fides est virtus*, continent id quod fides habet commune cum ceteris omnibus virtutibus; suum scilicet subjectum (quod cuique virtuti proprium est) perficit; tum quod intellectum creatum elevet ad multarum rerum cognitionem, quas lumine naturali non posset attingere; tum quod voluntatem ad bonum agendum dirigat, ostendens, quem in finem tendere debeamus, quæve media usurpare, ut finem illum consequatur. 2. Fides convenit cum nonnullis virtutibus moralibus, quod istæ, sicut & illa, divinitus infusæ sint. 3. Habet id commune cum reliquis virtutibus theologicis, quod, sicut istæ, circa Deum immediate versetur, illi nimirum revelanti assensuendo. 4. Differt ab aliis virtutibus theologicis, quod Deum tanquam veritatis fontem respiciat, cum e contra reliquæ eum tanquam summum bonum intueantur.

Quæres 1. an essentialis, an vero descriptiva tantum sit hæc fidei definitio ab Apostolo tradita in Epistola ad Hebræos, c. 11. *Est autem fidei sperandarum substantia rerum, argumentum non apparentium.*

Resp. traditam ab Apostolo definitionem non esse essentialem, sed descriptivam tantum. Scilicet est per effectus; exponit enim duplex fidei attributum, firmitatem, & obscuritatem: siquidem pro hac voce, *Substantia*, legitur in græco textu, *Hypostasis*, quæ substantiam, seu existentiam significat; & loco istius *Argumentum* habetur hæc alia, *Elenchos*, quæ idem est ac *Convictio*. Unde

Apostolicæ definitionis hæc est sententia: *Fides adeo certa est, ut bona quæ speramus, & obsecrare cognoscimus, perinde menti nostræ præsentia reddat, ac si jam eis frueremur, & ea ipsi oculis conspiceremus.* Eam de rebus quæ speramus certitudinem ibidem Apostolus in Moyse commendat: *Invisibilem eum (inquit) tanquam videns sustinuit.*

Quæres 1. cur allatæ definitioni fidei nonnulli factam ab Ecclesiâ revelatorum propositionem addant; asserentes, fidem esse assensum revelatis & ab Ecclesiâ propositis datum.

Resp: eam revelatorum per Ecclesiâ propositionem a nonnullis addi, quod Ecclesiâ plerumque revelata proponat, hoc est, declararet ea a Deo revelata fuisse; unde Augustinus Epistolam Fundamenti impugnans, ait se non crediturum Evangelio, nisi eam Ecclesiâ commoveret auctoritas: Sed ideo propositionem illam non addunt, quod non sit fidei essentialis. Ratio est, quia vera fuit fides theologica in Adamo, & in Abrahamo, quamvis articulorum, quos credebant, revelatio illis per Ecclesiâ proposita non fuisset. 2. Concilium Tridentinum sess. 6. Can. 16. contra Lutheranos definit, neminem in hac vita posse scire certitudine fidei, cui fallum subesse non possit, se magnam usque in finem perseverantiz donum habiturum esse, *nisi hoc ex speciali revelatione didicerit*: supponit igitur, id conditionate sciri posse certitudine fidei, si nimirum specialis revelatio præcesserit; ac proinde alicujus rei fidem absolute stare posse absque eo, quod Ecclesiâ factam revelationem proposuerit.

CONCLUSIO 2. Fides, prout est virtus theologica, multipliciter dividitur.

Probatur enumeratione variorum membrorum, in quæ dividitur fides.

Dividitur scilicet 1. in actuale & habituale. Prior est actus, quo intellectus imperio voluntatis excitatæ per gratiæ auxilium, assentitur alicui veritati propter auctoritatem Dei revelantis. Posterior, est ad hæc revelatis permanentem inhaerens animæ: hujusmodi est ea, quæ in fidelibus dormientibus reperitur.

Dividitur 2. in explicitam & implicitam; per illam, intellectus adhæret speciatim alicui articulo, v. g. quod Deus sit trinus in personis; per istam vero idem intellectus generaliter ea credit, quæ Ecclesiâ credenda proponit; hoc est, non determinando hunc vel illum articulum in specie; seu non cogitando de aliquo articulo in particulari.

Dividitur 3. in adquisitam, quæ nimirum nascitur ex multis actibus circa res revelatas ex auxilio gratiæ elicitis, & in infusam, quam nempe Deus infundit sine prævio aliqua acta ad eam concurrente per modum causæ efficientis, ut patet in adultis & parvulis, quibus (ex Concilio Tridentino sess. 6.)

dum Sacramenta recipiunt, Deus fidem, spem, & caritatem infundit.

Dividitur 4. in fidem informem, & formatam: Informis, est ea quæ reperitur in subiecto destituto gratiæ sanctificante: quæ quidem est forma, quæ virtutes perficiuntur. Formata e contra in eodem subiecto cum gratiâ sanctificante conjungitur. Divisionem illam excogitarunt Scholastici, qui duodecimo, & decimotertio sæculo scripserunt.

Dividitur denique 5. in Vivam, cui scilicet correspondet mandatorum observatio, & in Mortuam, quam mandatorum observatio non comitatur. Priorem Apostolus vocat fidem quæ per dilectionem operatur; de posteriori vero loquitur Jacobus in Epistola canonica c. 2. *Fides (inquit) sine operibus mortua est.*

C A P U T II.

De Objecto materiali fidei.

Not. **O**bjectum materiale alicujus virtutis definitur, res ipsa, circa quam virtus versatur; sic abstinencia a cibis est objectum materiale temperantiæ.

Not. 2. De objecto materiali fidei querendum est hic 1. quodnam sit; 2. quibus ex articulis constet; 3. quænam sint fidei symbola, in quibus illi articuli continentur; 4. quis sit sensus singulorum in specie articulorum, qui symbolo, quod Apostolorum dicunt, continentur.

A R T I C U L U S I.

Quodnam sit objectum materiale fidei.

CONCLUSIO 1. Præcipuum objectum materiale fidei, quod & Logici objectum attributionis appellant, est Deus.

Probatur. Præcipuum virtutis alicujus objectum, est illud, ad quod omnia, quæ virtus illa respicit, referuntur: Sed Deus, vel in se ipso consideratus, hoc est, prout est unus in natura, & trinus in personis; vel in ordine ad creaturas, id est, prout est earum aut creator, aut ultimus finis, aut redemptor, aut sanctificator, est id ad quod referuntur omnia quæ fides respicit, ut patet ex symbolo, in quo (ut mox dicetur) præcipua fidei capita continentur.

Objicies. Illud non est objectum materiale fidei, quod est objectum theologiæ: atqui Deus, & in se ipso, & in ordine ad creaturas consideratus, est objectum theologiæ; scilicet theologia agit de Deo, Uno in natura, Trino in personis, Creatore, ultimo fine, Redemptore, & Sanctificatore creaturarum; ergo Deus non est objectum materiale fidei.

Resp. neg. maj. Ratio est, quia, cum (ut tom. 1. dictum est) fides sit principium scien-

tia

tiæ theologica; theologica enim scientia non aliud est quam conclusiones quas ratio creata ex fide deducit, idem cum illa debet habere objectum materiale; licet non habeat idem objectum formale, *Sub quo*, hoc est, licet sub eodem motivo Deum non consideret. Vide quæ suo loco dicta sunt de objecto theologiæ.

CONCL. 2. Objectum secundarium, seu minus præcipuum, fidei, est quilibet articulus revelatus.

Probatur. Objectum materiale secundarium alicujus virtutis, est illud, circa quod, præter primum, virtus aliqua versatur: atqui præter Deum, fides versatur circa plures articulos, qui tamen ad Deum ipsum referuntur; versatur nimirum v. g. circa resurrectionem mortuorum, vitam æternam, & quoscunque alios articulos, qui Deus ipse non sunt, revelatos: ergo objectum materiale secundarium fidei est quilibet articulus revelatus.

ARTICULUS II.

Quibus ex articulis constet objectum materiale fidei.

Not. 1. Theologi Articulos definiunt, Propositiones Catholicas, quæ primario ad fidem spectantes, specialem præaliam ad credendum veritatem complectuntur. Sic caput de Incarnatione Verbi, est articulus distinctus à capite de Trinitate, quia præter difficultatem, quam Trinitas ad credendum includit, aliam specialem creditu difficilem includit.

Not. 2. De iis articulis quæri potest, 1. utrum eis successu temporis, aliquod augmentum accesserit; 2. quinam in specie sint, qui principem in eis locum tenent.

CONCLUSIO 1. Nullum articulis fidei secundum substantiam, sed tantum secundum explicationem sumptis, augmentum, successu temporis, accessit.

Probatur prima pars: Iis articulis augmentum secundum substantiam non accessit, qui iidem semper numero in Ecclesia Christiana fuerunt: atqui articuli fidei semper iidem numero fuerunt in Ecclesia Christiana; siquidem non alii numero articuli sunt in Ecclesia Christiana, quam quos Apostoli per revelationem, aut ab ipso Domino immediate, aut a Spiritu Sancto in die sacra Pentecostes, acceperunt: Omnia enim capita quæ aut ad fidem, aut ad mores pertinent, Apostoli a Spiritu Sancto didicerunt, juxta illud Christi apud Joannem c. 16. *Cum venerit ille Spiritus veritatis, docebit vos OMNEM veritatem*. Nec aliud jam credit Ecclesia, quam quod Apostoli aut viva voce, aut scripto tradiderunt. Vide quæ hanc institutionum t. I. de Traditione agentes diximus.

Probatur altera conclusionis pars: Iis articulis successu temporis, quoad explicationem, augmentum accessit, qui uberius, clarius, expressius ab Ecclesia in Conciliis explicati sunt: atqui plures articuli uberius, clarius, ab Ecclesia in Conciliis, successu temporis, explicati sunt. Scilicet occasione hæreticorum, qui novas quæstiones variis temporibus circa fidem, aut mores moverunt, Ecclesia ex Christi, & Apostolorum sententiis quæ in Scriptura aut Traditione quoad substantiam, & implicite continebantur, varias propositiones collegit, quas hæreticorum novitatibus opposuit, declaravitque, eas Apostolis à Christo, aut a Spiritu sancto revelatas fuisse. Sic cum Arius Scripturam & Traditionem in alienos sensus detorquens, Verbi cum Patre consubstantialitatem impugnavit, primum Concilium Nicaenum, libratum in utramque partem Scripturarum & Traditionis momenti, ex peculiari Spiritus sancti auxilio, quod Christus ipse Ecclesie suæ ad Concilia congregata, ad sæculorum usque consummationem pollicitus est, declaravit, Scripturarum & Traditionis sententias, in quibus Verbi sit mentio, veram ejusdem Verbi cum Patre consubstantialitatem innuere ac tradere. Ad majorem hujusce argumenti lucem vide quæ Tom. I. de Traditione diximus, & quæ de fide in Christum asseruimus ad calcem Tomi II. qui est de Incarnatione.

CONCL. 2. Præcipua fidei capita in Symbolo, & morum principia in Decalogo continentur.

Probatur prima pars. Præcipua fidei capita sunt ea quæ ad Dei Unitatem, Trinitatem personarum, Verbi incarnationem, Christi mortem, nostrumque post hanc vitam statum pertinent: sed ea omnia in symbolo continentur, ut patebit ex singulorum, ex quibus constat, articulorum expositione, quam hujusce capituli articulo quarto lectorum ponemus ob oculos. Ex tribus illis præcipuis fidei capitibus plures alii deducuntur, ex Incarnatione v. gr. colligitur existentia peccati originalis, ad quod tollendum præcipue venisse Christum ostendimus tomo secundo, qui est de Incarnatione. Ex Christi morte colligitur necessitas gratiæ ad bonum operandum: si enim (ut Augustinus adversus Pelagianos argumentatur), ex nobis est justitia, gratis mortuus est Christus.

Probatur altera pars. Omnia præcepta legis naturalis ex Decalogo colliguntur, ut in hocce Tomo de lege naturali differentes, ostendimus: ergo omnia morum principia in Decalogo, implicite, solum & virtualiter, continentur. Vide de hoc argumento Augustinum in Enchiridio ad Laurentium de fide, spe, & caritate: Vide etiam ejusdem Sermonem de symbolo ad Catechumenos.

ART. III.

ARTICULUS III.

De Symbolis in quibus fidei articuli continentur.

SYMBOLI nomine intelligitur Summa continens explicite præcipuos fidei christianæ articulos. Sic appellatur ea Summa 1. quod sit nota & tessera quadam utilis ad internoscendum veros fideles a subintroductis fratribus, hoc est, ab iis qui christiano nomine gloriantur quidem, sed veritatem ejus, adulterantes Evangelium, abnegant: 2. Quod sit Summa collationis quam plures de præcipuis fidei capitibus inter se habuerunt. Utramque eam symboli etymologiam tradit Rufinus in sua symboli expositione, quam legere est ad calcem operum S. Cypriani, editionis Parisiensis, opera Pamelii adornata.

Quatuor præcipua numerantur fidei Symbola, Apostolorum vulgo dictum, Nicænum, Constantinopolitanum, & Athanasianum. De iis seorsim hic agendum nobis incumbit.

§. I. De Symbolo Apostolorum.

Symbolum Apostolorum illud est, quod in Ecclesia Romana a cunctis fidelibus in oratione quotidiana recitatur, sicque incipit: *Credo in Deum Patrem omnipotentem creatorem celi & terra, & in Jesum Christum filium ejus unicum Dominum nostrum, &c.*

Fide catholica certum est, Apostolos eo sensu esse auctores symboli, eorum nomine inscripti, quod doctrinam, quæ in illo continetur, Ecclesiis quibus prædicarunt, tum scripto, tum viva voce, tradiderint; immo recepta est apud Patres sententia, eo etiam sensu Apostolos esse auctores symboli, quod ipsimet articulos, ex quibus constat, in eum ordinem, quo eos nunc legimus, redegerint: Qua autem ratione, quo præcise tempore id factum fuerit, non est unanimis eorundem Patrum opinio.

Leo Magnus sensisse videtur, quemque Apostolum caput aliquod, sive articulum contulisse. *Ipsius* (inquit epistola 96. quæ est ad Pulcheriam Augustam) *Catholici Symboli brevis & perfecta confessio, quæ DUODECIM APOSTOLORUM TOTIDEM est signata SENTENTIIS, tam instructa sit in munitione celesti, ut omnes hæreticorum opiniones solo possint gladio truncari.*

Auctor Sermonis 115. de Tempore, qui in Augustini operibus legitur, in specie præfert quemque articulum, quem quisque singularis Apostolus symbolo contulerit: *Quod* (inquit) *græce symbolum dicitur, latine collatio nominatur: Collatio ideo, quia collata in unum totius catholice legis fides, symboli collig-*

gitur brevitate: cujus textum vobis modo, Domine annuente, dicemus. Petrus dixit, Credo in Deum Patrem omnipotentem. Joannes dixit: Creatorem celi & terra. Jacobus dixit: Credo & in Jesum Christum filium ejus unicum, Dominum nostrum. Andreas dixit: Qui conceptus est de Spiritu Sancto, natus ex Maria Virgine. Philippus ait: Passus sub Pontio Pilato, crucifixus, mortuus & sepultus. Bartholomæus dixit: Ascendit ad calos, sedet ad dexteram Dei Patris omnipotentis. Mattheus dixit: Inde venturus est judicare vivos & mortuos. Jacobus Alphaei: Credo & in Spiritum sanctum: sanctam Ecclesiam Catholicam. Simon Zelotes: Sanctorum communionem, remissionem peccatorum. Judas Jacobi: Carnis resurrectionem. Matthias completit: Vitam æternam, Amen.

Optandum esset, ut scriptor ille, qui haud dubie non est Augustinus, retulisset auctores qui ante eum, eam de modo condendi symbolum historiam narrassent. Hinc, id est, quod nulli pro ea laudari possint, factum est, ut alii scriptores qui ipsam ordinem Apostolis tribuerunt, asseruerint, Apostolos inter se invicem contulisse, & habita mutua collatione, communi consensu symbolum in eum ordinem, quo nunc legitur, redegissem, ea ferme ratione, qua decreta, canones in Episcoporum Conciliis disponi, ac redigi solent. Ita sensit Rabertus Paschasius, qui medio sæculo nono vixit; sic enim loquitur in Præfatione libri de Spiritu sancto: *Hanc (fidem catholicam) Apostolica sollicitudo, atque perfectio, sicut per sanctas paginas dilataverat, ita per symboli salutarem mira brevitate collegit, & tanquam per diversas remedium species disposuit in corpus unum, ac velut ex innumeris aromatis pretiosum confecit unguentum.*

Scriptores qui ipsam etiam ordinem symboli Apostolis tribuunt, inter se dissentiant de tempore, quo symbolum ab eis conditum est. Rufinus in adornata a se symboli expositione docet, illud eo ipso anno, quo Christus passus est, ab Apostolis conditum fuisse: *Tradunt* (inquit) *Maiores, quod post Ascensionem Domini, cum per adventum Sancti Spiritus, super singulos quoque Apostolos ignita lingua sedissent.... ab invicem normam prius futurae prædicationis in commune constituunt.*

Baionius e contra id factum refert ad annum Claudii secundum, qui decimas est a passione Dominica: hincque occasionem natam fuisse conjectat, quod abiturum essent in gentes ad evandam Herodis persequutionem, quia Jacobum Majorem jam antea capitis supplicio, & Petrum in vincula conjecerat: quibus tamen (ut habetur Actuum 10.) divinitus liberatus est.

Dissentiant adhuc iidem qui supra auctores, de fine propter quem Apostoli symbolum condiderunt. Nonnulli volunt, illud prædicatorum, qui deinceps annuntiaturi essent Evan-

Evangelium, causa conditum fuisse; ne scilicet alii aliam doctrinam gentes docerent. Discessuri itaque ab invicem (inquit Rufinus) normam prius futurae praedicationis in communem constituerunt; ne forte alius ab alio abduci, diversum aliquid his, qui ad fidem Christi invitabantur, exponerent. Volunt alii, non tantum praedicatorum, sed etiam Ecclesiae causa confectum fuisse, ut nimirum certam haberet formulam, quam baptizandis exponeret, & per cuius professionem fideles ab haereticis discerni possent. Eam rationem tradit Rufinus: Indictum autem (inquit) vel signum, quia illo tempore (sicut & Paulus Apostolus dicit, & in Actis Apostolorum refertur) multi ex circumcisi Judaei simulabant se esse Apostolos Christi, & lucrum alicuius, vel ventris gratia, ad praedicandum proficiscebantur, nominantes quidem Christum, sed non integris traditionum litteris nuntiantes. Idcirco ergo istud indicium posuere, per quod cognosceretur is qui Christum vere secundum Apostolicas regulas praedicaret. Denique & in bellis civilibus hoc observari serunt, quoniam & armorum habitus par, sonus vocis idem, & mos unus est, atque eadem instituta bellandi, ne qua auli subreptio fiat, symbola discretis unusquisque dux suis militibus tradit, quae latine vel signa, vel indicia nominantur, ut si forte accurrerit quis, de quo dubitetur, interrogatus symbolum praedat, sit bellicus, an socius.

Symbolum Apostolorum Ecclesia Romana integrum, hoc est, sine additione, aut detractioe semper servavit, cum e contra in aliis Ecclesiis, propter natas in eis haereses, nonnullae mutationes factae fuerint; Commonendum puto, inquit Rufinus, quod in diversis Ecclesiis aliqua in his verbis, Credo in Deum Patrem omnipotentem, inventiuntur adiecta: in Ecclesia tamen urbis Romae hoc non deprehenditur factum; quod neque haereticis ulla illis sumpsit exordium, & mos ibi servatur antiquus, eos qui gratiam baptismi susceperunt sunt, publice, id est, fidelium populo adiente, symbolum reddere, & utique adjectionem unius saltem sermonis eorum, qui praecesserant in fide, non admitti auditur. In ceteris autem locis (quantum intelligi datur) propter nonnullos haereticos addita quadam videntur, per quae novellae doctrina sensus crederetur excludi.

Symbola, Orientale, Aquilejense, & Romanum, hoc est, symbola, quibus Orientales Ecclesiae, Aquilejensis, & Romana utebantur, in quibusdam minutioribus syllabis quarto Ecclesiae saeculo a se invicem discrepabant.

Et sane sic habet Romanum symbolum in primo capite: Credo in Deum Patrem omnipotentem, creatorem caeli & terrae; sic vero illud, quo quarto saeculo Orientales uteban-

tur: Credo in UNUM Deum Patrem omnipotentem. In eo, quod Rufini tempore apud Aquilejenses erat in usu, post haec verba: Credo in Deum Patrem omnipotentem, duo haec alia legebantur: Invisibilem & impassibilem: Id nimirum testatur Rufinus in sua symboli Apostolorum expositione: Orientis Ecclesia omnes (inquit) ita tradunt, Credo in UNUM Deum Patrem omnipotentem. Addit: Sciendum, quod duo isti sermones, nimirum invisibilem & impassibilem, in Ecclesia Romana symbolo non habentur. Corstat autem apud Nos (Aquilejenses) additis haereticos causa Sabellii, istius profecto quae a nostris Patripassiana appellatur, id est, quae Patrem ipsam vel ex Virgine natum dicit, & visibilem factum, vel passum affirmat in carne: Ut ergo excluderetur talis impietas de Patre, videntur hac addidisse Majores, & invisibilem Patrem atque impassibilem dixisse.

In secundo capite nonnullum pariter erat olim in Ecclesiis discrimen. Romana & Aquilejensis legebant: Et in Jesum Christum, filium ejus unicum, Dominum nostrum: Orientales vero Ecclesiae sic, Rufino teste, legebant: Et in Dominum nostrum Jesum Christum, unicum Filium ejus.

In tertio capite, loco horum verborum: Qui conceptus est de Spiritu sancto, natus ex Maria Virgine, quae in nostro vulgari symbolo leguntur, ista: Qui natus est de Spiritu sancto, ex Maria Virgine, in Aquilejensi legebatur.

Quartum caput sic exprimitur in nostro vulgari symbolo: Passus sub Pontio Pilato, crucifixus, mortuus, & sepultus; descendit ad inferos: sic vero in Aquilejensi: Crucifixus sub Pontio Pilato, & sepultus, descendit ad inferna: omittuntur igitur duo haec verba: Passus, Mortuus. Monet Rufinus, in symbolo, quod in aliquibus Ecclesiis erat in usu, haec verba: Descendit ad inferos, defuisse: Sciendum sane est (inquit Rufinus) quod in Ecclesia Romana symbolum non habetur additum: Descendit ad inferna, sed neque in Orientis Ecclesiis habetur hic sermo: vis tamen verbis eadem videtur esse, (quod nos non probamus, aliud enim significat: Descendit ad inferos, quam verbum, Sepultus) in eo quod sepultus dicitur.

Caput quintum sic in Aquilejensi symbolo exprimitur, Tertia die resurrexit a mortuis: in nostro vero vulgari idem caput quintum laudatis de resurrectione verbis praemittitur articulus de descensu ad inferos: Descendit ad inferos: tertia die resurrexit a mortuis.

In sexto capite: Ascendit ad caelos, sedet ad dexteram Patris, nullum in symbolis Romano, Orientali, Aquilejensi discrimen Rufinus observat; sed in nostro vulgari post vocem hanc, Patris, additur haec alia, Om-

nipotentis, quæ jam eidem voci in primo articulo addita fuerat.

Septimum caput est: *Inde venturus est judicare vivos & mortuos*: Ubi nullum discrimen aperit Rufinus.

Octavum caput sic habet in nostro vulgari symbolo: *Credo in Spiritum sanctum*: in Aquilejensi vero, Rufini tempore, omisso verbo. *Credo*, simpliciter erat: *Et in Spiritum sanctum*; idque tamne per repetitionem verbi, *Credo*, novum aliquod symbolum incipere videretur; tum quia verbum *Credo*, ex initio symboli satis intelligitur: *Ceterum* (ait Rufinus) *si solius divinitatis ratio habeatur, eo modo quo in principio dicitur, Credo in Deum Patrem omnipotentem, & post hæc, in Jesum Christum filium ejus unicum, Dominum nostrum, ita jungitur: Et in Spiritum Sanctum.*

Nonum caput sic affertur in vulgari nostro symbolo: *Sanctam Ecclesiam Catholicam, Sanctorum communionem*. In Aquilejensi omittuntur hæc verba, *Sanctarum communionem*: nimiram Rufinus hanc sententiam, *Sanctam Ecclesiam Catholicam*, hanc aliam, *Remissionem peccatorum*, immediate conjungit.

Decimum caput quod est de credenda remissione peccatorum, *Remissionem peccatorum*, eodem modo in omnibus Symbolis, Vulgari, Romano, Orientali, & Aquilejensi legitur.

Caput undecimum sic habet in Vulgari, Romano, & Orientali: *Carnis resurrectionem*: in Aquilejensi vero pronomen, *Hujus*, additur in hunc modum; *Hujus carnis resurrectionem*: De ea autem pronominis additione Rufinus in Apologia sua adversus Hieronymum, sic loquitur: *Cum omnes Ecclesia ita sacramentum Symboli tradant, ut postquam dixerunt, Peccatorum remissionem, addant, Carnis resurrectionem, addit unius pronominis syllabam: & pro eo quod ceteri dicunt, Carnis resurrectionem, nos dicimus, Hujus carnis resurrectionem: quo scilicet frontem, ut mos est, in fine Symboli signacula contingentes, & ore carnis hujus, quam videlicet contingimus, resurrectionem facientes, omnem venenatæ adversum nos linguæ calumniantis aditum praestruamus.*

Caput duodecimum quod sic habet in nostro vulgari Symbolo, *Vitam æternam*, de erat in Aquilejensi, Rufini tempore: Nam Rufinus testatur, symbolum suo tempore fuisse hoc articulo, *Carnis resurrectionem*, conclusum; asserit enim (ut ad caput undecimum jam observavimus) fideles in fine symboli solitos fuisse frontem crucis signaculo terere: at, ex eodem Rufino terebant, cum dicerent: *Carnis hujus resurrectionem*. 2. Ab eodem Rufino in edita symboli expositione altum est de hocce articu-

lo, *Vitam æternam*, silentium. 3. Idem Rufinus in mox laudata symboli expositione sic loquitur: *Sed & ulterius iste sermo, qui resurrectionem carnis prænuntiat, summam totius perfectionis, succincta brevitate concludit*. In quæ quidem Rufini verba notandum est, plures editiones loco vocis istius, *Uterius*, ferre hanc aliam. *Uterius*. Priorem tamen Pamelius retinuit: *Sed & ulterius* (inquit). *Sic vetus editio, pro eo quod alii: Sed uterius. Et videtur illud castigari, quia sequitur in Symbolo, Et vitam æternam. Quod tamen, nisi forte tacite, non explicat auctor.*

Symbolum vulgare, non quidem quoad omnes voces, sed quoad sententias, ex quibus constat, describit Irenæus lib. 1. adversus hæreses cap. 2. Describit quoque Tertullianus in libro de præscriptionibus adversus hæreticos, & quidem additis quibusdam articulorum explicationibus: *Regula est* (inquit) *fidei, ut jam hinc qui credamus, profiteamur, illa scilicet qua creditur: Unum omnino Deum esse; nec alium præter mundi conditorem, qui unice se de nihilo produxerit, per Verbum suum primum omnium emissum. Id Verbum filium ejus appellatum, in nomine Dei variè visum Patriarchis, & in Prophetis semper auditum, postremo desinam ex spiritu Dei Patris & Virtute in Virginem Mariam, carnem factam in utero ejus, & ex ea natum hominem; & esse Jesum Christum: extimè prædicasse novam legem, & novam promissionem regni caelorum; virtutes fecisse: fixum cruci: tertia die resurrexisse: in caelo receptum, sedere ad dexteram Patris; misisse vicariam vim Spiritus sancti, qui credentes regat: venturum cum claritate ad sumendos sanctos in vita æterna, & promissorum caelestium fructum, & ad prophanos junica dei igni perpetuo, facta utriusque partis resurrectione cum carnis resurrectione. Hæc regula a Christo, ut probatur, instituta, nullas habet apud nos questionem, nisi quas hæreses inferunt, & quæ hæreticos faciunt.*

Idem hæc symbolum in libro de Virginitatibus vel indis paulo contractius hæc verbis a mox laudato Tertulliano describitur: *Regula quidem fidei, una omnino est, sola, immobilis & irreformabilis: credendi scilicet in unicum Deum omnipotentem, mundi conditorem; & filium ejus Jesum Christum; natum ex Virgine Maria, crucifixum sub Pontio Pilato, tertia die resuscitatum a mortuis; receptum in caelis; sedentem nunc ad dexteram Patris, venturum judicare vivos & mortuos, per carnis etiam resurrectionem.*

Ex his, quæ hucusque dicta sunt, colligendum est 1. Symbolum quod Apostolorum nomine

mine inscribitur, ab ipsius Ecclesiae nascentis exordio in usu ubique fuisse: illius nimirum meminerunt antiquiores Ecclesiastici Scriptores, Irenaeus, Tertullianus, Augustinus in libro 1. de Symbolo ad Catechumenos, & plures alii. Colligendum est 2. idem Symbolum (pauculis vocibus exceptis) ubique eodem modo, a fidelibus recitatum fuisse. Colligendum est 3. quod cum nusquam aut in Conciliis, aut in aliquibus Pontificum Romanorum decretis prima illius institutio reperiatur, ipsum ab ipsis Apostolis conditum sit, & in ordinem, in quo nunc legitur, dispositum fuerit.

Singuli articuli Symboli Apostolorum explicantur.

Symboli, quod Apostolorum dicitur, triplex est praecipua pars. In priore ea recensentur quae ad primam SS. Trinitatis personam, & Universi creationem pertinent. In altera, proponuntur ea quae spectant ad secundam personam, & ad humanam redemptionis mysterium. Tertia tandem pars continet ea, quae Spiritui Sancto sanctitatis fonti tribuuntur.

Hocce Symboli expositioni prooemium apponit Augustinus in Sermone, alias libro 1. de Symbolo ad Catechumenos: *Accipite, filii, regulam fidei, quod Symbolum dicitur: & cum acceperitis, in corde scribite; & quotidie dicite apud vos: Antequam dormitis, antequam procedatis, vestro Symbolo vos munite. Symbolum nemo scribit ut legi possit: sed ad recensendum, ne forte deleat oblivio, quod tradidit diligentia, sit vobis codex vestra memoria. Quod audistis essis, hoc credituri; & quod credideritis, hoc etiam lingua reddisturi. At enim Apostolus. Corde creditur ad iustitiam, ore autem confessio fit ad salutem: Hoc est enim Symbolum quod recensuri essis & reddisturi. Ista verba, quae audistis, per divinas Scripturas sparsa sunt; sed inde collecta, & ad unum redacta, ne tardorum hominum memoria laboraret: ut omnis homo possit dicere, possit tenere, quod credit. Numquid enim modo solummodo audistis, quia Deus omnipotens est? Sed incipitis eum habere patrem, quando nati fueritis per Ecclesiam matrem.*

1. Prioris articuli: *Credo in Deum Patrem omnipotentem, creatorem caeli & terrae*, haec est sententia: Certo interius credo, ac exterius profiteor, Deum patrem, primam, ratione originis, Trinitatis personam, esse omnipotentem, ac caelum & terram, & omnia quae eorum ambitu continentur, ex nihilo eduxisse. In eum quoque tanquam ad ultimum omnium finem, & summum bonum, totis viribus contendo.

Itaque priore Symboli articulo profiteamur 2. nos credere, seu assentiri Deo, sive in Scri-

pturis, sive in Traditione, sive in Conciliis oecumenicis facta aliqua, aut dogmata revelanti. Profitemur 2. nos credere ipsum, seu illum existere unum in natura, & trinum in personis; illum esse omnipotentem, seu facere eum posse, quidquid voluerit: *Facti* (inquit Augustinus) *quidquid vult, ipsa est omnipotentia*; illum eduxisse, non quidem ex praesupposita aliqua materia, sed ex nihilo sui & subjecti, entia omnia, sive spiritualia sint, sive corporea; illumque omnia illa entia jugiter conservare, & movere ad fines sibi debitos. Profitemur 3. nos credere in ipsum, hoc est, declaramus nostram nos in eo spem collocare, tanquam in summo bono, tanquam in ultimo fine, ad cuius possessionem conditi sumus: *Fecit* (ait Augustinus Sermone de Symbolo ad Catechum.) *& hominem ad imaginem & similitudinem suam in mente; ubi est enim imago Dei, ideo mens ipsa non potest comprehendere, nec a se ipsa, ubi est imago Dei. Ad hoc facti sumus, ut creaturis dominemur: sed per peccatum in primo homine lapsi sumus, & in mortis hereditatem omnes devenimus.*

II. Altero Symboli articulo: *Et in Jesum Christum filium ejus unicum, Dominum nostrum*, profiteri 1. credere nos existere in divinis secundam personam, in qua, sicut & in prima, spem nostram collocemus. Illa secunda persona dicitur *Filius*, eo quod procedat ab aeterno Patre per generationem, in similitudinem nimirum naturae, hoc est, per communicationem ejusdem speciei & numero naturae, quae est in Patre a quo generatur: Dicitur praeterea *Unicus*, naturalis, nimirum, non autem adoptivus; ac proinde qui non minus, quam Pater, sit Deus: *Quando autem* (inquit Augustinus in Sermone de Symbolo ad Catechumenos) *audis, Unicum Dei filium, agnosce Deum. Non enim filius Dei unicus posset esse non Deus. Ille filius, post suam cum humana natura unionem, dicitur Jesus, eo quod sit non unius gentis (ut olim Jesus filius Nave) sed omnium hominum salvator. Dicitur quoque Christus, id est, Unctus, unctione scilicet spirituali, in Sacerdotem, qui pro nobis, ut homo est, apud Patrem interpellat; in Prophetam, qui Dei legem nos doceat; & in Regem qui Ecclesiae per universum orbem diffusa praesit.*

Profitemur 2. credere nos, illum Jesum Christum, filium Dei unicum, nostrum esse Dominum, tum jure redemptionis, quippe qui nos exemerit a captivitate diaboli, cui Adamus per suum peccatum totum genus humanum mancipaverat; tum etiam ratione personae, cui in illo Christo humana natura est substantialiter unita: Ratione nimirum personae Christus easdem habet virtutes, easdem perfectiones quae in Patre reperiuntur: *Hab-*

les (quæstio est Augustini in Serm. de Symbolo ad Catechumenos) aliquid Pater , quod non habet Filius ? Hoc Ariani hæretici blasphemii dicunt , non ego . Sed ego quid dico ? Si habet aliquid Pater , quod non habet Filius ; mentitur Filius , qui dicit : Omnia quæ habet Pater , mea sunt .

III. In tertio Symboli articulo , Qui conceptus est de Spiritu Sancto , natus ex Maria Virgine , profiteamur 1. credere nos , Christum non ex virili semine conceptum fuisse , sed virtute Spiritus Sancti , cui , utpote per amorem a Patre & Filio procedenti , opera externa quæ ad caritatem referuntur , tribui solent per modum loquendi , quam theologi appropriationem vocant ; quamvis alioquin toti Trinitati communia sint .

Protestemur 2. Mariam , quæ orta est ex semine Abraham (cui quidem promissio a Messia facta fuerat , in semine tuo benedicentur omnes gentes) vere esse matrem Jesu Christi , & vere Desipulam , cum ex illius sanguine efformatum sit Jesu Christi corpus , cui eodem temporis articulo infusus fuit anima rationalis , & utrique , corpori & animæ , unita hypostatice divinitas ; ita tamen (sic disponente Spiritu Sancto) ut Maria nullum passa fuerit Virginitatis detrimentum , aut in conceptione , aut in partu ; ex illius nimirum sinu Verbum incarnatum exiit non reterato Virginitatis claustrum , sicut exiit postea ex sepulchro non revolato lapide , sicut cretinarium januis clausis subisse legitur in Evangelio . Manum Deus (inquit Augustinus in sermone de Symbolo ad Catechumenos) homini jacenti porrexerit . Nos cecidimus , ille descendit : nos jacebamur , ille se inclinavit ; Prendamus & surgamus , ut non in penam cadamus . Ergo inclinatio ipsius hæc est . Natus est de Spiritu Sancto & Virgine Maria . En ipsa natiuitas humana , humilis & excelsa . Unde humilis ? Quia homo natus est ex hominibus . Unde excelsa ? Quia de Virgine Virgo concepit , virgo peperit , & post partum virgo permansit .

IV. His articuli quarti verbis : Passus sub Pontio Pilato , crucifixus , mortuus , & sepultus , declaramus nos credere 1. Jesum Christum pertulisse iritiones , flagella , contumelias , præterea in Judæa Pontio Pilato : easque iritiones , ea flagella , eas contumelias , eos cruciatus , vero cum dolore affectu , juxta hanc ipsiusmet Christi in Evangelio sententiam : Tristis est anima mea usque ad mortem .

Declaramus 2. per hanc vocem , Crucifixus , credere nos , Christum actum fuisse in crucem ; supplicii genus non apud Gentiles modo , sed & apud Judæos turpissimum , juxta illud Moysis in Deuteronomio : Maledictus qui pendet in ligno .

Declaramus 3. per hanc aliam vocem , Mortuus , credere nos , animam Christi ab illius corpore revera fuisse separatam : scilicet

Evangelium fidem facit , ipsum , dum in cruce penderet , emisisse spiritum : Id tamen non impedit , quin Verbum cum utroque , anima nimirum & corpore , hypostatice unitum permanferit .

Declaramus 4. per hanc aliam vocem , Sepultus , credere nos , corpus Jesu mandatum fuisse sepulture : idque ut veritas mortis , quam in cruce passus fuerat , comprobaretur . Monitum hic volumus Theologiæ candidatum , omnes & singulas articuli quarti partes Christo ut homini , non autem ut Deo convenire . Nam pati & mori , in creatum tantum naturam cadunt , quamvis ipsimet Deo tribuantur per idiomatum communicationem , quæ quidem (ut Tomo secundo diximus) ex unione substantiali humanitatis cum Verbo oritur .

In eum , quem hucusque exposuimus articulum , hæc habet Augustinus Sermone de Symbolo ad Catechumenos : Crucifixus , Mortuus , & Sepultus . Quid ? Quid ? Pro quibus ? Quis ? Filius Dei unicus , Dominus noster . Quid ? Crucifixus , mortuus , & sepultus . Pro quibus ? Pro impiis & peccatoribus . Magna dignatio , magna gratia ! Quid retribuam Domino pro omnibus quæ retribuit mihi ?

V. Hisce vocibus , Descendit ad inferos : Tertia die resurrexit a mortuis , constat quintus Symboli articulus . Priori parte , Descendit ad inferos , testamur , credere nos , Christum , non tantum secundum divinitatis virtutem , sed substantialiter , non quidem secundum corpus quod jacebat in sepulchro , sed secundum animam Verbo hypostatice conjunctam , descendisse ad inferos , non ad tectum illum carcerem , quo dæmones cum hominibus reprobis concludantur ; non ad locum purgatorium , quo detinentur animæ , quibus Deo pro peccatis aliquid superest persolvendum : sed ad receptaculum illud , in quo animæ Patriarcharum , aliorumque Sanctorum , qui Deo plane satisfecerant , expectabant Salvatoris mortem , per quam regni celestis portæ , illuc usque hominibus clausæ , referantur . Eas iustorum hominum animas summa lætitia affectu præsentia Christi , a quo mox donatæ sunt visione beatifica : quo quidem facto id Christus probavit , quod Latroni , dum penderet in cruce , hæc verbis promiserat : Hodie mecum eris in Paradiso .

Altera ejusdem articuli quinti parte , Tertia die resurrexit a mortuis , profiteamur , credere nos Christi resurrectionem , seu confitemur , post elapsam Veneris diem , qua Christus obiit , elapsam quoque diem Sabbati , per quam integram corpus illius in sepulchro remansit , incunte die , qui apud Romanos Solis dicebatur , apud Jædæos Prima Sabbati , apud Christianos Dominica , animam iterum unitam fuisse ejus corpori , vitamque ,

que, qua prius fruebatur, illi impertitam fuisse. Idque factum non aliena virtute, ut in Lazaro quem Christus a mortuis suscitaverat, sed vi propria, utpote divinitate animæ & corpori Christi hypostatice conjuncta. Unde Paulus profert Christi resurrectionem tanquam argumentum efficacissimum, quo confirmetur veritas eorum omnium, quæ Christus ipse ante suam mortem docuerat: profertur quoque ad erigendam & corroborandam nostrum omnium spem: si enim Christus vere resurrexit, certa spe nitimur, fore ut nos etiam resurgamus.

VI. Hic articulus: *Ascendit ad caelos: Sedet ad dexteram Dei Patris omnipotentis*, docet 1. Christum non tantum divina virtute, sed & beata, hoc est, Beatis propria, qua scilicet anima corpus gloriosum transfert, quocumque libuerit, e terris in caelum conscendisse, non quidem ut Deus est, sic enim e caelis absuit nunquam; sed prout homo, seu secundum corpus & animam. Debeatur nimirum corpori glorioso celestis ille locus, necesseque erat, ut eo Salvator ascenderet, tum ut probaret, regnum suum non esse de hoc mundo, tum etiam ut causam nostram coram Deo Patre tanquam advocatus ageret.

2. Tropica hac loquendi ratione: *Sedet ad dexteram Dei Patris omnipotentis*, docemur, Christi, ut persona est, æqualitatem cum Deo Patre; nulli enim Angelorum (inquit Apostolus) Deus Pater dixit aliquando, *Sede a dextris meis*.

3. Eadem loquendi ratione docemur præterea, summam Christo, ut homo est, concessam fuisse a Patre potestatem: unde & ipse post resurrectionem Apostolos sic allocutus est: *Data est mihi omnis potestas in caelo & in terra*. Idem tropus monet nos firmam & constantem semper fore gloriam, qua Christus in caelis fruitur.

De articulo quem hucusque exposuimus, sic Augustinus loquitur Sermone de Symbolo ad Catechumenos: *Ascendit in caelum: credite. Sedet ad dexteram Patris: credite. Sedere, intelligite habitare, quomodo dicimus de quocumque homine: In illa patria sedet per tres annos... Beatus est, & a beatitudine, qua dextera Patris vocatur, ipsius beatitudinis nomen est dextera Patris. Nam si carnaliter acceperimus, quia sedet ad dexteram, ille erit ad sinistram. Numquid fas est, ut sic illos componamus, Filium ad dexteram, Patrem ad sinistram? Ibi omnis dextera est, quia nulla ibi miseria. Hælenus S. Doctor,*

VII. Hæc est articuli septimi, *Inde venturus est judicare vivos & mortuos*, sententia, Christum post consummationem sæculorum, post completum prædestinatorum numerum, e caelis, quo post mortem ascendit, descensurum esse, ut judicet de universo genere humano.

Christus judiciaria illa potestate fruatur 1. ut homo est, cum (ut ipse ait in Evangelio) Pater dederit ei iudicium facere, quia filius hominis est. 2. Judicabit quoque ut Deum, cum, prout est Verbum, sit ipsamet Patris Sapientia. Judicabunt pariter cum eo aliæ SS. Trinitatis personæ: sed prout est homo, exterius proferet latam a se, & aliis personis, condemnationis, aut justificationis sententiam.

Operæ pretium est, ut Augustinum, septimum illum articulum exponentem, audiamus: *Inde* (inquit Serm. de Symbolo ad Catechumenos) venturus est judicare vivos & mortuos: *Vivos qui supersuerint; mortuos qui præcesserunt. Potest & sic intelligi, Vivos, justos; Mortuos, injustos. Utrosque enim judicat, sua cuique retribuens. Justis distulit est in iudicio: Venite benedicti Patris mei: percipite regnum, quod paratum est vobis a constitutione mundi. Sinistris quid? Ite in ignem æternum, qui paratus est diabolo, & angelis ejus.*

VIII. Is octavi articuli, *Credo in Spiritum Sanctum*, germanus sensus est. Credimus 1. tertiam esse in Divinis personam, quæ dicitur Spiritus Sanctus, non quod aliæ non sint pariter Spiritus, sed quod illius a Patre & Filio emanationi per amorem, nomen proprium tribuere non possimus: nulla quippe in creatis similis est emanatio: unde ut personam illam designemus, cogimur usurpare nomen commune.

Credimus 2. illam tertiam personam Deum esse, utpote Patri & Filio consubstantialem: idque exprimitur per præpositionem, *In*. Credere nimirum in aliquem, est (ut jam superius observatum est) in eo spem ponere suam, ad eumque tanquam ad finem ultimum totis viribus contendere: at non in alio, quam in Deo, spem nostram ultimo collocare possumus; ipse solus est ultimus rationalis creaturæ finis.

Credimus 3. explicitam tertiz personæ cognitionem esse ad salutem necessariam necessitate medii. Unde (ut habetur Actorum 19.) Spiritum Sanctum Apostolus ignorare non permisit Ephesios, a quibus cum quæsisset, an Spiritum Sanctum acceperissent, illique, ne si Spiritus Sanctus quidem esset, se scire respondissent, statim interrogavit: *In quo ergo baptizati estis?* Quibus verbis (ait Catechismus Romanus) distinctam hujus articuli notitiam fidelibus absolute necessariam esse docuit.

Audiendus est de octavo illo articulo Rufinus in edita a se Symboli expositione: sic ergo loquitur: *Ceterum si solius divinitatis ratio habeatur, eo modo quo in principio dicitur; Credo in Deum Patrem omnipotentem, & post hæc: in Jesum Christum Filium ejus unicum, Dominum nostrum: ita jungitur: Et in Spiritum Sanctum; Ut autem una eademque in Trinitate divinitas doceatur; scem dictum est,*

in

In Deum Patrem credi adjecta prepositione ,
In , ita & in Christum Filium ejus , ita &
in Spiritum Sanctum memoratur .

IX. Hoc articulo qui ordine nonus est in
Apostolorum Symbolo . Credo sanctam Ec-
clesiam Catholicam Sanctorum communione ,
credimus 1. extare congregationem fidelium
sub uno invisibili capite Christo , & visibili
ejus Vicario Romano Pontifice , & Episco-
pis , quos sub eodem Pontifice Romano Spi-
ritus Sanctus posuit regere Ecclesiam Dei ,
quam adquisivit sanguine suo .

Credimus 2. eam fidelium congregationem
esse sanctam , non solum quod Deo sanctita-
tis fonti consecrata sit per baptismum , quo
initata sunt singula ejus membra , & con-
juncta cum capite Christo ; sed etiam quod
sanctam , id est , ab omni errore immunem
doctrinam profiteatur ; quod legitimum ha-
bent Sacramentorum usum ; quod pax sint cæ-
rimoniarum , quibus Deo externum exhibet cul-
tum ; quod a Spiritu Sancto regitur , unde
in judicio rerum quæ ad fidem aut mores
spectant , intallibilis est ; quod in multis ejus
membris , licet non omnibus , habitet Spi-
ritus sanctus , a quo sanctificantur .

Credimus 3. illam eandem Ecclesiam esse
Catholicam seu Universalem , ubique nimirum
diffusam : qua quidem ejus dote prædicta a
Prophetis , expressa in Evangelio , usus est
olim Augustinus , ut Donatistas , aliosque tum
schismaticos , tum hæreticos in orbis angulo
latitantes , in Ecclesia non esse , demonstraret .

Credimus 4. Ecclesiam esse Unam , unitate
capitis , unitate fidei , unitate Sacramento-
rum , unitate gratiæ , quam Christus sicut vi-
tis in palmites , in sua viva membra fugi-
ter infundit , quamque per passionem suam
promeritus est . Concilium Nicænum in suo
Symbolo (ut inferius observabitur) eandem
Ecclesiam vocavit Apostolicam , id est , ædifica-
tam supra doctrinam Apostolorum & Prophetarum ,
ipso summo angulari lapide Christo Jesu .

Vide quæ ad eas Ecclesiæ dotes pertinent ,
Cyprianum & Augustinum in libris quos
exararunt de Unitate Ecclesiæ . Vide etiam
tractatum nostrum de Ecclesia , quem harum
Institutionum Tom. 1. inferuimus .

De articulo nono quem mox exposuimus ,
hæc habet Augustinus in Sermonem de Sym-
bolo ad Catechumenos : Sequitur post Trini-
tatis commendationem , Sanctam Ecclesiam .
Demonstratus est Deus , & templum ipse :
Templum enim Dei sanctum est (ait Apo-
stolus) quod estis vos . Ipsa est Ecclesia san-
cta , Ecclesia una , Ecclesia vera , Ecclesia Ca-
tholica , contra omnes hæreses pugnare potest ,
expugnari tamen non potest . Hæreses omnes de
illa exterius , tanquam sarmenta inusta de
vite præcisa ; ipsa autem manet in radice sua ,
in vite sua , in caritate sua . Porta inferi non
vincunt eam .

Juenin. Inst. Theol. Tom. III.

Audiendus est de eodem articulo Rufinus
in sua Symboli expositione : Sanctam Ec-
clesiam Catholicam (inquit) Non dixit : in san-
ctam Ecclesiam . . . Si enim addidisset , in ,
prepositionem , una eademque vis fuisset cum
superioribus . Nunc autem in illis quidem vo-
cabulis , ubi de divinitate fidei ordinatur , in
Deum Patrem dicitur , & in Jesum Christum
Filium ejus , & in Spiritum Sanctum ; in
ceteris vero ubi non de Divinitate , sed de crea-
turis ac mysteriis sermo est , in , prepositio
non additur , in sanctam Ecclesiam , sed san-
ctam Ecclesiam credendam esse : non ut in De-
um , sed ut Ecclesiam Deo congregatam .

Alteri articuli noni parte , quæ hæc ver-
bis continet : Sanctorum communionem , prohi-
temur credere nos , varia & multiplicia dona ,
quibus Ecclesia ornata est , communia
esse , quod fructum , singulis fidelibus : ita
ut licet omnes gratiam sanctificantem non
habeant , nec instructi sint donis gratuitis ,
quæ pæne gratia gratis data nominantur ;
ea tamen dona , ad cuiusque membri Eccle-
siæ salutem conferant ; singula per Sacramen-
torum receptionem tractari possint ; uni-
cuique , suo modo , prout iustorum oratio-
nes : Nimirum conversionis donum , quod
Deus pluribus impiis in Ecclesiæ sinu exi-
stentibus largitur , effectus sint casti gemitus
columbarum , seu Ecclesiæ prout iustis pluribus
constat , in quibus Spiritus Sanctus postulat
(ut Paulus loquitur) pro nobis gemitibus
inenarrabilibus .

De hac articuli noni parte , Sanctorum
communionem , nihil (ut jam superius tuit
observatum) legitur in Symbolo , quod Ru-
finus commentatus est . Nihil quoque , saltem
quod explicitum sit , reperitur in Augustini
Sermonem de Symbolo ad Catechumenos .

X. Hic articulus , Remissionem peccatorum ,
definit 1. peccata vere remitti in Ecclesia
Catholica : nec immerito , cum nemo ad
eam admittatur , nisi per baptismum , quo
omnia scelera parvulis per fidem Ecclesiæ ,
a qua offeruntur , & adultis debite ad illum
recipiendum dispositis dimittuntur .

Definit 2. esse in eadem Ecclesia potesta-
tem remittendi peccata , quæ post baptismum
a fidelibus committuntur . Apostolos nimi-
rum & eorum in Sacerdotio successores , ea
facultate Christus ipse post suam e mortuis
resurrectionem hæc verbis donavit : Quorum
remiseritis peccata , remittuntur eis : & quo-
rum retinueritis , retenta sunt ,

De decimo Symboli articulo eadem habet
Augustinus , quæ & nos de eo tradidimus .
Nimirum exponens in Sermonem de Symbo-
lo ad Catechumenos verba hæc , Remissio-
nem peccatorum , docet , intelligi ipsa de
remissione quæ in baptismo conceditur : Ha-
betis Symbolum perfectè in vobis quando ba-
ptizamini . Nemo dicat , illud feci , forte non mi-

X

hi dimittitur. Quid fecisti? quantum fecisti? Dic immane aliquid quod commisisti, grave, horrendum, quod etiam cogitare horres: quidquid vti feceris, numquid Christum occidisti? Non est isto facto aliquid peius, quia & Christo nihil est melius. Quantum nefas est, occidere Christum? Judaei tamen eum occiderunt, & multi in eum postea crediderunt, & biberunt ejus sanguinem (bibitur autem ex Augustino in baptismo) dimissum est illis peccatum quod commiserunt.

Docet iterum, venialia fidelibus dimitti in oratione Dominica: Propter levia, sine quibus esse non possumus, oratio inventa. Quid habet oratio? Dimitte nobis debita nostra, sicut & nos dimittimus debitoribus nostris: Semel abluimur baptismo, quotidie abluimur oratione.

Docet tandem, peccata pro quibus necesse est ut a Christi corpore, id est, Eucharistia, fideles separentur, hoc est, peccata lethalia dimitti poenitentiae sacramento: Illi enim quos videtis (Catechumenos alloquitur) agere poenitentiam, scelera commiserunt.

Eam de peccatorum remissione doctrinam hisce verbis idem Augustinus concludit: Ergo tribus modis dimittuntur peccata in Ecclesia, in baptismo, in oratione, in humilitate majore, aut (ut ferunt aliqua manuscripta) majoris poenitentiae: tamen Deus non dimittit peccata, nisi baptizatis.

XI. Hac sententia, Carnis resurrectionem, ex qua constat undecimus Symboli articulus, testamur, credere nos, animam quae per mortem a corpore separata fuerat, iterum illi conjugendam esse, idque ut referat unusquisque, prout gessit in suo corpore, sive bonum sive malum.

Hinc vero sequitur, omnes prorsus homines esse morituros: mors enim resurrectioni, quae omnibus concederetur, praesupponitur necessaria. Nec contrarium probant haec Apostoli verba 1. ad Thessal. 4. Mortui qui in Christo sunt, resurgent primi: deinde nos qui vivimus, qui relinquimur, simul rapiemur cum illis obviam Christo in aera. Nam (ut Ambrosius exponit) mors electos, qui usque ad adventum Domini in terris superstites fuerint, in ipso ad aera raptu praeveniet. Symbolum Aquilejense (ut superius observatum est ex Rufino) legit, Hujus carnis resurrectionem, quo doceamur, unumquemque resurrecturum esse in ea carne, in qua diem extremam concluderit.

De articulo, quo carnis resurrectionem profiteamur, haec habet Augustinus in Sermonem de Symbolo ad Catechumenos: Credimus etiam resurrectionem carnis, quae praecessit in Christo, ut hoc etiam speret corpus, quod praecessit in capite. Caput Ecclesiae Christus, Ecclesia Corpus Christi. Caput nostrum surrexit, ascendit in caelum: ubi caput, illis & membra.

Rufinus plura habet de eo articulo, quo (ut observat) Symbolum Aquilejense conclusum erat. Docet nimirum, christianos propter illius articuli fidem, a paganis & haereticis irrideri. Quamvis (inquit) etiam ac ea non solum a gentibus, sed etiam ab haereticis fides impugnetur Ecclesiae. Nam Valentinus resurrectionem carnis omnimode negat, & Manichaeus, sicut superius ostendimus. Docet iterum, carnis resurrectionem probari posse pluribus tum veteris, tum novi Testamenti sententiis, quas in sua Symboli expositione sigillatim describit.

XII. His terminis, Vitam aeternam, quae vulgare nostrum symbolum claudunt, quae in Aquilejensi (Ruffino teste) non legantur, credimus, homines, qui divina mandata servaverint, consecuturos esse beatitudinem, quae divinae essentiae intuitivam (ut vocant) visionem, amorem, & consequentem ex duplici illa actu delectationem & quietem includit.

Beatitudinem illam ipsum vitae aeternae nomen exprimit, sicque docemur, beatitudinem illam fore spirituales, nec positam esse in rebus fluxae ac labentis naturae.

Fides de vita aeterna symbolum claudit, tum quod post resurrectionem nihil sit aliud a fidelibus expectandum, nisi aeternae vitae praemium, tum etiam ut perfecta illa felicitas nostris semper oculis obversetur, ac in ea mentem & cogitationes omnes desigendas esse doceamur.

Cur articulus de vita aeterna sequatur articulum de carnis resurrectione, hisce verbis aperit Augustinus in sermone de symbolo ad Catechumenos: Quomodo carnis resurrectionem? Ne forte putet aliquis, quomodo Lazari, ut sciat non sic esse, additum est: VITAM AETERNAM.

§. II. De Symbolo Nicano.

Not. De symbolo Nicano quae remus 1. quibus verbis constat: 2. cur a Nicenis Patribus editum sit: 3. cujus sit auctoritatis: 4. quinam sit illius sensus.

Describitur Nicenum Symbolum.

Nicenum symbolum, hoc est, editum in primo Nicano Concilio, quod, ut harum Instit. Tom. 1. dictum est, anno 325. habitum est, hisce verbis constat.

Credimus in unum Deum Patrem omnipotentem, omnium visibilium & invisibilium.

Et in unum Dominum Jesum Christum Filium Dei, ex Patre natum, unigenitum, id est, ex substantia Patris: Deum ex Deo, lumen ex lumine, Deum verum ex Deo vero. Natum, non factum, consubstantialem Patri, per quem omnia facta sunt, quae in caelo, & quae in terra.

Qui propter nos homines, & propter nostram salutem.

salutem descendit, & incarnatus est, & homo factus est, passus est, & resurrexit tertia die.

Et ascendit in caelos, & iterum venturus est judicare vivos & mortuos. Et in Spiritum sanctum.

Eos autem qui dicunt, erat aliquando, quando non erat, & quia ex iis, quae non sunt, factus est, aut ex alia substantia, vel essentia dicunt esse, vel creatum, vel mutabilem, vel convertibilem filium Dei, anathematizat Catholica Apostolica Ecclesia.

Cur editum sit, & cuius sit auctoritatis
Nicenum Symbolum.

I. Symbolum in Nicæno primo Concilio editum est occasione impietatis Arii, qui blasphemarat, Dei Verbum non esse Deum, sed creaturam, factam quidem ante omnes alias, sed tamen, ut alii, ex nihiloeductam.

II. Antequam blasphemiam illam Arius evomisset, Ecclesia Catholica ubique gentium non aliud in usu habebat symbolum, quam vulgare nostrum, quod Apostolorum dicitur. Verum ut Ario occurreret, symbolo inferuit, quæ ad Verbi divinitatem pertinent, unde Gregorius Nazianzenus in Eucorio Heronis Philosophi hæc scribit: *Nicæna synodus certis finibus ac verbis divinitatis doctrinam circumscripsit.*

III. Quantæ sit auctoritatis Nicænum symbolum, liquet ex relatione Synodi Chalcedonensis ad Martianum Augustum, ubi hæc habentur: *Unam esse, veluti principali loco, trecentorum decem & octo Patrum doctrina confessionem, lex nobis Ecclesiae præscribit, quam velut commune Sanctorum aeternum, ad eorum quæ vocantur in adoptionem filiorum, tradimus firmitatem.*

In secunda ejusdem Chalcedonensis Synodi actione, post recitatum Nicænum Symbolum, hæc habentur: *Reverendissimi Episcopi clamaverunt, Hæc Catholicorum fides, huic omnes credimus, in hac baptizati sumus, in hac baptizamus.*

Patres quintæ Synodi generalis idem senserunt quod Patres quartæ: sic enim, de Nicæno symbolo loquentes, exclamaverunt: *In hoc annui baptizati sumus, & nos in hoc baptizamus.*

Mox a Nicæna Synodo omnes Græcorum Ecclesiae in usu quotidiano assumpserunt symbolum in ea editum synodo, illudque Catechumenis suis tradidere: *Patres qui sanctum Concilium Chalcedonense celebrarunt (ut Basilii Seleucienis Episcopus, in synodica Concilii Seleuciae habitus, ad Leonem Augustum) symbolum Patrum Nicænorum prolapsae fumentes, ubique hoc solum circumferri & prædicari ad illuminationem fœderum, sanctiverunt.* Quæ tamen verba ita intelligi non debent, ut in Oriente plane omisum sit Apostolorum symbolum: neque enim credere licet, Ecclesiam Orientalem aliquando omi-

sisse Catechumenis tradere articulos de Sancta Ecclesia, Sanctorum communione, remissione peccatorum, carnis resurrectione, & vita æterna; sed ita intelligenda sunt, ut ii articuli, qui in Apostolorum symbolo continentur, inserti postea fuerint Nicæno, donec Constantinopolitanum symbolum omnibus numeris absolutum prodiret.

IV. Tantam vim habuit apud Orientales Nicænum symbolum, ut ubi Constantinopolitanum illius loco suffectum est, Nicæni tamen symboli nomine inscriptum fuerit: ita ut omnes Constantinopolitano Concilio posteriores synodi, quoties Nicænum symbolum nominant, Constantinopolitanum intelligant.

V. Etiam post edita Nicænum, & Constantinopolitanum symbola, Ecclesiae Occidentales vulgare symbolum, quod Apostolorum dicitur, integrum, hoc est, sine additione aut detractioe alienius rei quæ momenti sit cuiusdam, retinuerunt in usu quotidiano. Idque patet ex eo quod Augustinus, Petrus Chrysologus, Maximus Taurinensis, aliique Latini Episcopi, solum symbolum Apostolorum Catechumenis tradiderint, & exposuerint. Una tamen excipienda est Hispaniarum Ecclesia, quam cum Gothi, VVandali, aliique Ariani pervassent, Apostolorum symbolo, Constantinopolitanum, retento Nicæni symboli nomine, substituerunt, ut patet ex tertia Toletana synodo.

Nec mirum est, quod nostrates Ecclesiae integrum Apostolorum symbolum, hoc est, sine additionibus, sive in Nicæno Concilio, sive in Constantinopolitano editis, retinuerint; Id enim contigit, quod hæretici quos Nicænum Concilium & Constantinopolitanum in suis additionibus præ oculis habuerunt, nostrates Ecclesias nusquam pervaserit; ac proinde opus illi non fuit nova probationis tessera. Vide quæ superius ex Rufino ea de re exscriptimus.

Exponitur Nicænum Symbolum.

Not. Plura Nicæni symboli capita, hujusce articuli paragrapho primo, agentes de symbolo quod passim Apostolorum dicitur, jam explicuimus: Multa alia exponentur paragrapho tertio, cum de symbolo Constantinopolitano dicemus. Hic autem de iis tantum agemus, quæ adversus hæc sim Arii tunc primum a Nicænis Patribus addita sunt.

Primum istud est: *Et in unum Dominum nostrum Jesum Christum, filium Dei ex Patre natum, unigenitum, id est, ex substantia Patris, Deum ex Deo, lumen ex lumine, Deum verum ex Deo vero, natum, non factum, consubstantialem Patri, per quem omnia facta sunt.* Ut Lectoris ob oculos ponamus rationes quæ Nicænum Concilium moverunt, ut, quæ relata sunt, verba symbolo infereret, moneamus, proscriptos fuisse iis verbis varios lo-

quendi modos, quibus Ariani variis temporibus usi fuerant.

Ariani, cum nihil timebant, sibi que omnino permittebantur, asserere, *Verbum esse ex nihilo*. Illi blasphemiz Nicæna synodus opposuit: *Ex Patre*. Dicebant, *Verbum more nostro factum & creatum*, synodus vero, *Natum*. Asserere, ipsum more nostro esse filium Dei, adoptivum nimirum & per gratiam; synodus e contra, *Unigenitum*, ac proinde non gratia, sed natura filium. Eusebius Nicomedientis, & ejus fautores (inquit Athanasius in Epistola ad Episcopos Africanos) perversa sua opinione a vero abdueli, dixere inter se: *Hiscæ consentiamus, etenim nos quoque ex Deo sumus: Unus nempe Deus, ex quo omnia*. Quo sensu vocem, *Unigenitus*, interpretarentur, docet idem Athanasius in epistola de Nicæno decreto: *Per summam impudentiam dixerunt (ait) se ad istum modum putare, filium prerogativam præ aliis habere, Unigenitumque appellari, eo quod unus ille a solo Deo conditus sit: cetera vero omnia a Deo per ipsum*. Pergit idem Athanasius: *Episcopi, eorum astutia cognita, plenius explicarunt illud, EX DEO ESSE, scripseruntque, filium esse ex essentia Dei, hoc est, substantia Patris, ita ostendentes, longe aliter Verbum, aliter creaturas esse ex Patre*. Addideruntque, *Deum ex Deo, lumen ex lumine, Deum verum ex Deo vero, genitum, non factum, consubstantialem Patri*: Sicque Arianis omnes, in quos se se recipere conati fuerant, cuniculos præcluserunt.

Alterum, quod Nicænum Concilium adversus Arianos statuit, hisce verbis, quæ symbolo post articulum de Spiritu sancto leguntur, continetur: *Eos autem qui dicunt, Erat aliquando, quando non erat, & quia ex illis quæ non sunt, factus est, aut ex alia substantia vel essentia, dicunt esse vel creatum, vel mutabilem, vel convertibilem filium Dei, anathematizat Catholica Ecclesia*. Ea autem verba, quæ damnantur a Concilio, ipsam continent hæresim Arii: cum enim contenderet, Verbum esse meram creaturam, licet ceteris perfectiorem, & ante alias omnes conditam, necesse erat, ut assereret, fuisse tempus, quo Verbum nondum erat, ipsum ex iis quæ non sunt, hoc est, ex nihilo factum fuisse, non autem natum ex essentia, seu substantia Patris.

Concilii definitione, qua damnati sunt ii qui dicerent, *filium esse ex alia substantia, vel essentia*, abusi sunt, qui tunc in humanis erant, Sabellii sectatores, nimirum, supponentes, essentiam, substantiam, esse idem cum hypostati, seu persona, contendebant, Concilium delinisse, Verbum ab alia non esse personam, ac proinde non esse tres personas, sed unam tantum, sicut unica est essentia, unica substantia. Verum respiciunt

a Basilio in professione Eustathiana; contendit enim, essentiam & hypostasim duo esse diversa; unde concludit, unam esse in divinis essentiam, & tres hypostases: Latini non nisi post quartum sæculum voce *hypostasis* usi sunt, ut personam significarent, adhibuerunt nimirum tunc vocem, *substantia*, & tandem ipsam hypostasis vocem, ubi certiores facti sunt, quod Græci per hypostasim intelligerent idem, quod ipsi per substantiam & personam. Vide quæ de ea Latinis inter & Græcos controversia scripsimus harum Institutionum Tom. II.

§. III. De Symbolo Constantinopolitano.

Not. Describemus hic 1. totius Symboli Constantinopolitani tenorem: 2. singulos ex ordine articulos, ex quibus constat, exponemus: 3. dicendum est de tempore, quo in Ecclesiis Occidentalibus publice decantari coepit, nec non de additione particula, *Filioque*, quæ pluribus post Concilium Constantinopolitanum annis inserta fuit symbolo: sed ambas illas quæstiones fuscè pertrahimus harum Institutionum Tom. II. iis locis, ubi disserimus de divinitate Spiritus sancti.

Describitur Symbolum Constantinopolitanum.

Not. Symbolum Constantinopolitanum multo amplius est quam symbolum Apostolorum, & symbolum Nicænum. Constantinopolitanos Patres, ut fidem prolixius explicarent, coegerunt hæreses variz, quæ in Oriente antea grassatz fuerant, & quarum plurimæ eo etiam tempore, quo celebratum est, grassabantur. Sic autem habet,

Credimus in unum Deum Patrem omnipotentem, factorem celi & terræ, visibilium omnium & invisibilium conditorem.

Et in unum Dominum Jesum Christum, filium Dei unigenitum, ex Patre natum ante omnia sæcula, Deum de Deo, lumen de lumine, Deum verum ex Deo vero; natum non factum, hominifion Patri, hoc est, ejusdem cum Patre substantia, per quem omnia facta sunt, quæ in celo, & quæ in terra.

Qui propter nos homines, & propter nostram salutem descendit de calis; & incarnatus est ex Spiritu sancto, ex Maria Virgine, & hominifion factus est.

Crucifixus etiam pro nobis sub Pontio Pilato, passus ac sepultus. Et tertia die resurrexit, secundum Scripturas.

Ascendit ad calos: sedet ad dexteram Dei Patris. Inde venturus est cum gloria judicare vivos & mortuos; cujus regni non erit finis.

Credimus in Spiritum sanctum Dominum & vivificantem, ex Patre procedentem, & cum Patre & Filio adorandum & glorificandum, qui locutus est per Prophetas.

Et unam Sanctam, Catholicam, & Apostolicam Ecclesiam. Confitemur unum baptisma in remissionem peccatorum. Expectamus resurrectionem mortuorum, & vitam venturi seculi. Amen.

Explicatur Symbolum Constantinopolitanum.

Not. Fulse Christianus Lupus singulos symboli, de quo agitur, articulos exponit in suis scholiis, & notis in canones Constantinopolitanos, pag. 257. sed ea methodo ut appellet hæreticos, qui fidem illis articulis contrariam invehere conati sunt.

Credimus. A fide symbolum incipit, eo quod non ratione & philosophia, sed fide, seu revelatione, intelligantur religionis mysteria, juxta illud Isaia: *Nisi credideritis, non intelligetis.*

In Deum. Propositio IN, apponitur, ut doceamur, satis non esse credere Dei existentiam, aut illum vera loqui; sed præterea (ut jam monuimus superius exponentes Apostolorum symbolum) ut in eo spem collocemus nostram, eumque super omnia diligamus; unde est illud Augustini in sermone de verbis Domini: *Multum interest utrum quisque credat ipsam esse Christum, & utrum credat in Christum. Nam ipsum esse Christum & daemones crediderunt. Ille enim credit in Christum, qui & sperat in Christum, & diligit Christum. Nam si fidem habet sine spe & sine dilectione, Christum esse credit, non in Christum credit.* Itaque tribus illis vocibus: *Credimus in Deum*, qui symbolum recitat: elicit actus fidei, spei, & caritatis.

In unum Deum. Vox *Unum*, Marcionitas, Enekratitas, Manichæos, aliosque duplicis divinitatis fabulatores, impetit. Unde prima synodus Toletana hocce Symbolum exponens, Priscillianistas ejusdem cum prioribus illis hæreticis impietatis hæc verbis proseribit: *Si quis dixerit, vel crederit, alium Deum esse præca legis, alium Evangeliorum, anathema sit.*

Omnipotentem. Vox illa (ait Lupus) damnat gentile dogma Origenis, qui contendit (ut patet ex Relcriptio Justiniani Augusti ad Mennam Patriarcham Constantinopolitanum) Deum tanta fecisse, quanta potuit; tantamque materiam quantitatem, quantam administrare & ornare poterat. Damnat & Hermogenem qui asseruit, Deum, ut operaretur, indiguisse increata & æterna materia: contra quem errorem hæc habet Tertullianus in libro contra Hermogenem, c. 8. *Non est omnipotens, si non & hoc potuit ex nihilo omnia perficere.*

Factorem celi & terra. Verba illa ex Apostolorum symbolo inserta sunt Nicæno & Constantinopolitano contra Gnosticos, qui quidem (ut testatur S. Augustinus in libro

Juvenin. Inst. Theol. Tom. III.

de Hæresibus) Deo vero non adscribebant celi & terræ creationem.

Visibilem omnium. Voces illæ significant, Deum non tantum esse creatorem operum, quæ secundum nostrum cogitandi modum, perfecta sunt, sed & eorum quæ imperfecta a nobis dicuntur, ut sunt muscæ, culices, & alia hujusmodi quæ ex putri materia nascuntur; unde est illud Tertulliani in libro de Anima, cap. 20. *Deum recogites tantum artificem in modicis, quantum & in maximis.*

Vox ista, *Et invisibilem*, impetit duplicis Divinitatis fictores, qui contenderunt, Angelos, & animas nostras esse increatas, utpote (inquirebant) veluti partes, effluxiones, præfessiones divinæ substantiæ; unde est illud primæ Toletanæ Synodi: *Si quis dixerit, animam humanam esse Dei portionem, vel Dei substantiam, anathema sit.*

Hæc terminis, *Et in unum Dominum Jesum Christum*, damnatur calumnia Apollinaristarum contententium, Catholicos confitentes duas in Christo sine confusione naturas, duos in Christo distinguere filios, unum ex Patre, alterum ex matre: *Nos accusant* (inquit, de illis agens, Gregorius Nazianzenus in epist. 2. quæ est ad Cledonium presbyterum) quod duas naturas distinctas, intelligebat, *divisas*, aut inter se pugnantem invehamus, atque excellentem & admirabilem unionem dividamus.

Hinc factum est, ut Damasus Papa Paulino. Episcopo Antiocheno, epist. 2. præscribat: ut ab Apollinaristis in Ecclesiæ sinum redeuntibus hujusce articuli confessionem exposceret.

Ex Patre natum ante omnia sæcula, addita sunt Nicæno Symbolo; ut damnaretur dogma Photini, Syrmienfis Episcopi, contententis, Christo, utpote homini puro, non aliam nativitatem competere, quam quæ ab ipso Christo haberi cœpit in Mariæ Virginis utero.

Hæc verba, *Deum de Deo, Deum verum ex Deo vero*, adjecta esse Nicæno Symbolo, contendit in Florentino Concilio sess. 7. & sess. 10. Rhodiorum Episcopus: sed revinctus est a Cardinale Juliano, qui ex authenticis codicibus ostendit, ea in germanis Nicæni Concilii exemplaribus reperiri.

Natum, non factum, hominifion Patri, hæc est, ejusdem cum Patre substantia, Apostolorum Symbolo addita sunt a Nicænis Patribus, & postea a Constantinopolitanis, ut Arii, & illius assecutorum doli circumscriberentur. Vide quæ ad illa verba dicta sunt iis locis, in quibus Nicænum Symbolum exposuimus. Vide quoque nostrum de Trinitate Tractatum, ubi fuit de voce, *Consubstantialis*, disseruimus.

Qui descendit de celis. Exemplaria Nicæni Concilii ex Alexandrinis & Constantinopolitanis archivis missa ad Aurelium, Episcopum Carthaginensem, omittunt voces, *De*

X 3

celi s:

causa: Quae vero laudata sunt in Concilio Chalcedonensi, & quod Athanasius in suis ad Jovinianum litteris inseruit, habent, *De calis*. Symbolum Constantinopolitanum, quod lectum est in Ephesino & Chalcedonensi Concilio, non habebat quoque vocem, *De calis*. Id Julianus Cardinalis observavit in Synodo Florentina sess. 7. ubi, ut probaret quantum ab Ecclesia posse inferi Symbolo, quod Graeci negabant, Marcum, Ephesiorum Episcopum, sic allocutus est: *Nos differentiam quamdam habemus inter libros nostros & vestros: Nam in Constantinopolitano Symbolo, quod postea Ephesi, & Chalcedone recitatum est, non habetur vox illa DE CAELIS.*

His vocibus, *Et incarnatus est*, quae in Nicæno Symbolo leguntur, Constantinopolitani Patres addiderunt, *De Spiritu Sancto ex Maria Virgine*. Synodica Concilii Chalcedonensis ad Martianum Augustum, fidem facit, a Concilio Constantinopolitano additas fuisse voces illas contra eos, qui negabant carnalem Dei nativitatem ex Virgine, ab ejusque generatione surripiebant vocabulum *Dei genitrix*, praedicabantque divinitatem convertibilem atque passibilem: qui quidem tunc alii non erant, quam Apollinaristae. Id ipsum testatus est Marcus Ephesiorum Episcopus, in sessione quinta Florentinae Synodi: *Secunda Synodus* (inquit) *exploravit Symbolum prioris, de Incarnatione Dei Verbi, propter haeresim Apollinariam, addens vocem illi INCARNATUS, illud DE SPIRITU SANCTO EX MARIA VIRGINE: hoc enim non habetur in Symbolo primo. Scilicet Apollinaris asseruit (quod jam antea Valentinus asseruerat) coelestem esse Dei Verbi carnem, & divinam ejus essentiam naturaliter insitam: Affirmat Apollinaris (inquit Gregorius Nazienzenus in litteris ad Nectarium Episcopum Constantinopolitanum) nequaquam adventitiam esse carnem illam ob naturam nostram transformationem ab Unigenito Filio secundum dispensationem assumptam, verum carnalem illam naturam in Filio jam inde a principio fuisse. Abstulit & has voces, De Spiritu Sancto, Apollinaris, eo quod (ajunt aliqui) contenderet carnem nostrae consubstantialitatem, non posse nisi per viam ordinariam, hoc est, ex viri semine nasci.*

Et homo factus est. Posita sunt illa voces, ut Christum esse verum ac integrum hominem doceremur: neque enim tantam vim habet hoc verbum, *Incarnatus est*, quantum illud, *Inhumanatus est*, seu factus est homo: illud enim ex vi nominis innuit, carnem a Verbo assumptam fuisse; illud vero & ipsam etiam animam rationalem, seu, integram & completam humanitatem: *Quod descendit quidem* (inquit Concilium Chalcedonense, in Relatione ad Martianum Augustum) *haec*

dicta sunt spontanea potestatis concordantiam describentia, dicens vero, ET INCARNATUS EST, veram assumptionem nostrae carnis, & ex Virgine per nativitatis unitatem ostendit. Quod vero INHUMANATUS EST, in ipsa natura nostrae plenitudinem ex anima rationali & corpore manifestat.

Itaque Concilium Constantinopolitanum utitur his vocibus: *Et homo factus est*, tum quod in Nicæna symbolo legerentur; tum etiam ut grassantibus tunc Apollinaristis iret obviam. Scilicet (ut jam observavimus) Apollinaristae Deo Verbo aut veram carnem, aut animam, aut mentem detraxerunt, divisi in tres factiones, ut hisce verbis docet Augustinus in libro de dono perseverantiae c. 24. *Non ita dicimus Christum hominem, ut aliquid minus habeat, quod ad humanam certum est pertinere naturam: seu animam, seu in ipsa anima mentem rationalem; seu carnem non de femina sumptam, sed factam de Verbo in carnem converso atque mutato: Quae omnia tria falsa, & vana haereticorum Apollinaristarum tres partes varias, diversasque fecerunt.*

De articulis istis: *Crucifixus etiam pro nobis sub Pontio Pilato passus & sepultus. Et tertia die resurrexit, secundum Scripturas. Ascendit ad caelos. Sedet ad dexteram Dei Patris: inde venturus est judicare vivos & mortuos; nihil hic attinet dicere, cum illos, agentes superius de Apostolorum symbolo, explanaverimus. Sed necesse est, ut de his vocibus, Cujus regni non erit finis, quae in Constantinopolitano symbolo leguntur, non-nihil dicamus. Sunt Gabrielis Archangeli verba, adjecta (ut vult Christianus Lupus) contra Marcellum Ancyranum, delirantem, Christi regnum, cum Patri fuerit traditum, extinguendum fore, illumque in justorum hominum sortem esse redigendum.*

Credimus in Spiritum. His verbis, quibus Nicæna Synodus uti fuerat in suo Symbolo, non obscure asserta fuerat divinitas Spiritus Sancti: neque enim (ut Apostolorum Symbolum exponentes, jam observavimus) in alium, quam in Deum, credere debemus: *Iterum aut symbolum Nicænum: CREDO ET IN SPIRITUM SANCTUM, sufficientem* (verba sunt Concilii Chalcedonensis, in relatione ad Marcianum Augustum) *intelligentiam, quod Spiritus sanctus Deus sit, patris mentibus tradens. Et enim similiter ut in Patrem & in Filium, ita etiam in Spiritum sanctum credere iussit, manifestum est, quod quoque ut in Deum sponte habere nos praecipit, unam naturam insinuans in Trinitate credentibus.*

Verum Macedonius, aliaeque pestes ex Arianis progenitae, detorserunt in alienum sententiam illam symboli Nicæni definitionem (simpliciter, quod circa Spiritum sanctum nulla

nulla adhuc hæresis aperte extorta fuisset, prolatam) & Spiritum Sanctum ad creaturarum sortem dejecerunt: unde quæ in Symbolo post illa verba: *In Spiritum sanctum*, reperiuntur, Constantinopolitani Patres addenda esse iudicarunt.

Dominum, ac proinde in servorum sorte minime deiciendum. *Vivificantem*, quod quidem Dei solius est: neque enim alius quam Deus vitam impertire potest nobis, ex *Patre procedentem*, per divinæ naturæ communicationem, sicque Patri consubstantialem. *Cum Patre & Filio adorandum*; quod quidem negarat Macedonius, cuius apud Gregorium Nazianzenum in Oratione de Spiritu sancto erant impia hæ voces: *Quis Spiritum adoravit? Quis vel veterum, vel recentium? Quis cum oravit?* Addit Symbolum, *Et conglorificandum*; ac proinde verum Deum, neque enim factura cum factore, servus cum domino conglorificari debet, ut revera Spiritus sanctus conglorificatur in hymno glorificationis, quem habemus ex Apostolica traditione. *Qui locutus est per Prophetas*, sitque consequenter Deus, cum Deus solus per seipsum possit secreta cordis cognoscere, & prædicare futura. De particula *Et*que, addita multis post sæculis, inserta Symbolo Constantinopolitano, vide quæ a nobis dicta sunt harum Instit. Tom. II. ubi de Spiritus sancti persona differuimus.

Et Unam, Sanctam, Catholicam, & Apostolicam Ecclesiam. In Oriente tunc temporis gassabantur hæreses innumerae, quæ veræ Ecclesiæ nomine gloriabantur: necesse fuit igitur, ut Constantinopolitani Patres notas veræ Ecclesiæ fideles omnes docerent, ut Christi sponsam ab hæreticorum conventiculis discernèrent. Vide quæ superius, agentes de Symbolo Apostolorum, diximus de articulis, qui articulum de Ecclesia sequuntur.

§. IV. De Symbolo Athanasiano.

Not. Unum de Athanasiano Symbolo hic quaeremus: utrum nempe Athanasii sit, Alexandrini Episcopi, qui quarto sæculo tanta constantia adversus Arianos Verbi Consubstantialitatem Nicæno primo Concilio assertam defendit. Circa vero eam quæstionem, duplex est auctorum sententia. Prima docet, Athanasium, Alexandrinum Episcopum, revera esse auctorem Symboli, quod ejus nomine inscribitur, quodque hisce verbis incipit: *Quicumque vult salvus esse, ante omnia opus est, ut teneat Catholicam fidem*. Alii e contra contendunt, illud Symbolum, cuius doctrina est omnino Catholica, revera non esse Athanasii opus. Qui sic opinantur, hisce rationibus nituntur.

Prima Symbolum, de quo agitur, non re-

peritur in omnibus Athanasii codicibus, & in iis etiam in quibus legitur, illi (ut cæteris illius operibus) non præfigitur Athanasii nomen: *In nullo codice, quos ego vidi, non extat inter Athanasii opera* (inquit Scaltecus in Medulla Patrum, part. III. de Athanasio loquens, cap. XI.) *In uno legitur, sed auctoris nomine suppresso.*

II. Si Athanasii foret symbolum illud, ipse illius aliquando meminisset, aut in epistolis, aut in apologiis quas in sui defensionem conscripsit: aut saltem meminisset aliquis alius quarti aut proxime sequentis sæculi scriptor: atqui nec ipse Athanasius, nec aliquis alius, aut quarti sæculi, aut proxime sequentis auctor, meminit huiusmodi symboli. Non quidem Gregorius Nazianzenus, licet post Athanasii mortem orationem in illius laudem habuerit. Altum est pariter de eo silentium apud Basilium, Chrysostomum, Hieronymum & Augustinum, & ipsum etiam Theodoretum in Ecclesiæ historia.

III. Ante Annum millesimum (ajunt auctores quorum sententiam referimus) nullus scriptor symbolum, de quo est quæstio, tribuit Athanasio. Primus, a quo id factum fuit, est Abbo Floriacensis Abbas, qui anno millesimo & deinceps vixit. Is in Apologetico ad Reges Francorum, Hugonem, & Robertum, patrem, filiumque sic loquitur: *Primitus de fide dicendum credidi; quam alternantibus eboris & in Francia, & apud Anglorum Ecclesiam, variari audiri. Alii enim dicunt, ut arbitror secundum Athanasium: Spiritus Sanctus a Patre & Filio, non factus, non creatus, sed procedens. Qui dum id, quod est, Nec genitus, subtrahunt, Synodicum Domini Gregorii se sequi credunt: ubi ita est scriptum: Spiritus sanctus nec ingentus est, nec genitur, sed procedens.*

IV. Symbolum de quo agitur, arma supeditat adversus plures hæreses, quæ multo post Athanasii mortem pullularunt: Nam 1. aperte profitemur divinitatem Spiritus Sancti: 2. Aperte quoque repugnat hæresibus Nestorianæ & Eutychianæ circa Incarnationem Verbi: Et multis etiam aliis; Et tamen nusquam adversus hæreses illas laudatum est a Patribus, a quibus impugnatae sunt. Primi qui argumentum ex illo symbolo desumpserunt, sunt Rodolphus & Aymo ex Minorum, & Hugo ac Petrus ex Prædicatorum Ordine: Ii nimirum cum anno 1233. ad Græcos Latinis conciliandos, a Gregorio IX. Legati, missi fuissent, usi sunt hoc Symbolo, tamquam quod esset Athanasii, ut Romanæ Ecclesiæ de processione sancti Spiritus a Filio fidem defenderent.

V. Athanasio causa non fuit scribendi aliquod speciale symbolum fidei: Non quidem ut coram Julio Papa, ad quem Orientales illius causam detulerant, purgaret se se;

nam tunc Orientales sub obtentu doctrinæ Athanasium non persequerentur, sed insinulabant eum variorum criminum: quod nempe illius in urbem Alexandrinam reditus plures cædes cecisset; quod a Synodo damnatus, nec restitutus per aliam synodum, sedem contra Canones accepisset.

Præterea, si Romæ Athanasio necesse fuisset fidei suæ rationem, Julio reddere, non ob id condidisset symbolum; satis enim fuisset Nicænum profertur, præsertim cum unanimis esset Catholicorum consensus, non expedire nova post Nicænum edere Symbola.

Ob eam rationem Sardicense Concilium Symbolo Nicæno ne apicem quidem addere voluit: *Quamvis* (ait Athanasius ipse in Epistola ad Epictetum) *certi homines nonnulli, quasi deessent, Nicæno Concilio adscribere vellet; itaque acriter contenderent; sancta tamen Synodus, quæ Sarais convenit, indigne id tulit, decretoque sancivit, ne quid ulterius de fide scriberetur; & se se contentos esse Nicæna fide declaraverunt, ut cui nihil deesset. & in qua integra & solida pietas contineretur: neque edendam esse aliam professionem fidei, ne illa quæ Nicæna scripta est, suos numeros non habere videretur; neve illis quibus libido est semper nova statuere, occasio huiusmodi suppeditaretur, ut iterum atque iterum de fide definiant.*

Non sunt quoque Athanasio causa condendi Symbolum de quo agitur, cum ab Imperatore Joviniano, occasione plurium Novatorum qui tunc grassabantur, de fide quaesitus fuit. Scilicet ad Jovinianum non aliud, quam Nicænum Symbolum, misit; sed cum satis non esset Joviniano, ut aliorum ab Arianis hæreticorum, qui tunc erant non pauci, errores agnosceret, illud Nicænum Symbolum inseruit Epistolæ, quam Joviniano, suo & illustriorum Theodosius & Lybia Episcoporum nomine subscriptam, misit, additis etiam pluribus, quibus defendit Deitatem Spiritus Sancti, quam jam tunc impugnabant Arianis, quæque postea a Macedonio apertius impugnata est.

Dices cum Baronio ad annum cccxl. Augustinus libro 5. de Trinitate cap. 8. Enchiridii capite 36. in Epistola 174. Editionis veteris, nonnullis verbis utitur, aliquas sententias adhibet quæ leguntur in Athanasii Symbolo: ergo initio quinti sæculi jam prodierat in lucem Symbolum, de quo agitur.

Resp. Augustinum ea verba, eas sententias, mutuari potuisse ex aliis a Symbolo S. Athanasii operibus; ex quibus dubium non est, quin etiam laudari Symboli auctor multa deprompserit.

Non est opus, ut controversia, quam de Athanasii Symbolo proposuimus, uberius hic pertractetur. Cuiuscunque Scriptoris sit illud Symbolum, nihil continet, quod Ca-

tholicum non sit, quodve cum Athanasii doctrina mixtæ non conveniat.

C A P U T III.

De Objecto formali fidei.

Not. **O**bjectum formale duplex distingui solet, objectum formale *quod*, & objectum formale *quo*. Prius est perfectio quam potentia vel habitus attingunt in objecto materiali; sic in pariete color est objectum formale *quod* visus, eo quod visus attingat colorem in pariete, non autem ceteras illius proprietates. Posterius est medium, per quod potentia aut habitus attingunt objectum formale *quod*: sic lux est objectum formale *quo* visus, quia mediante luce visus in objectis materialibus percipit colorem. De utroque illo objecto in hoc articulo dicemus: ac præterea expendemus, quid sit id, in quod ultima fidei resolutio reducitur.

A R T I C U L U S I.

De objecto formali Quod, & formali Quo fidei.

CONCL. 1. Objectum formale *quod* fidei, est prima veritas in essendo, seu est ipsamet essentialis veritas.

Probatur. Ex observatis, objectum formale *quod* virtutis alicujus est perfectio quam virtus illa perpendit in suo objecto materiali: atqui prima veritas in essendo, seu ipsa essentialis veritas, est id quod fides in Deo perpendit: Nam 1. est id quod assequemur per visionem beatificam, cujus objectum non aliud est, quam objectum fidei, cum eo tamen discrimine, quod fides objectum illud attingat obscure, cum e contra visio beatifica clare illud cognoscat: 2. illud est objectum formale *quod* fidei, per quod fides discrepat a duabus aliis virtutibus theologis: atqui discrepat, quod circa Deum, ut est fons veritatis, versetur, cum e contra spes & caritas circa Deum versentur ut est bonus, aut in se, sub quo respectu (fatentibus omnibus theologis) attingitur a caritate, aut prout est creaturæ bonum, siquæ a spe consideratur.

Obicies 1. Objectum formale *quod* fidei, est id quod fides attingit in Deo: atqui fides attingit ipsam divinitatem; id enim attingit, quod consequemur per visionem beatificam; siquidem visio beatifica succedit fidei: sed per visionem beatificam consequemur ipsam divinitatem: ergo ipsa divinitas est objectum formale *quod* fidei.

Resp. conc. maj. dist. min. fides attingit ipsam divinitatem inadæquate sumptam, conc. min. adæquate sumptam, neg. min. Fides attingit divinitatem sub eo tantum respectu, quod sit prima veritas; non autem sub eo respectu, quod sit summum & ultimum creaturæ rationalis bonum, seu ultimum

illius finis: nam sub ea ratione spes & caritas circa Deum versantur: unde visio beatifica, prout est solum actus intellectus non aliud in Deo attingit, quam fides; utraque nimirum versatur circa Deum consideratum prout ordinem dicit ad intellectum, seu prout habet rationem veri: solum enim verum est objectum specificum intellectus.

Objicies 2. Fides versatur circa Dei bonitatem, & alia illius attributa: neque enim minus credit Dei bonitatem, iustitiam, quam ipsam, quæ in eo est, veritatem: ergo non solum prima veritas in essendo, constituit objectum formale quod fidei, sed etiam ipsa divina bonitas.

Resp. dist. ant. Fides versatur circa Dei bonitatem ut habet rationem perfectionis vere in Deo existentis, conc. ant. ut est bonitas simpliciter, neg. ant.

CONCL. 2. Objectum formale quod fidei, est prima veritas in dicendo, seu est divina revelatio.

Probatur. Ex observatis superius objectum formale quod virtutis est medium, seu ratio, sub qua virtus suum objectum attingit: atqui divina revelatio est medium, seu ratio, sub qua fides attingit suum objectum; non enim illud attingit, nisi per testimonium alicujus dicentis; quia ex Apostolo, fides est ex auditu: illud vero testimonium non potest esse testimonium alicujus creaturæ; nempe creatura in se spectata, & falli potest & fallere; ergo testimonium quo fides nititur, est solum Dei testimonium, ac proinde sola divina revelatio, seu prima veritas in dicendo.

Objicies 1. Deus in se sumptus, non autem prout est dicens, seu revelans, est objectum formale quod fidei: siquidem illud est objectum formale quod fidei, quod est ultima ratio, propter quam articulum aliquem credimus; atqui Deus in se sumptus est ultima ratio, propter quam articulum aliquem credimus: nempe si quis interrogatur, cur Deo loquenti firmum præbeat assensum, dicet, præbere se consensum, quia Deus est verax. Et si rursus poscatur, quare sit verax, respondebit, quia Deus est: ergo Deus in se sumptus, est ultima ratio, propter quam articulum aliquem credimus.

Resp. ad 1. neg. ant. Ad 2. conc. maj. neg. min. Ad 3. conc. ant. dist. conseq. Ergo Deus in se sumptus, est ultima ratio propter quam articulum aliquem credimus, & illa ratio non est hominis credentis, sed theologi ratiocinantis, conc. conf. est ratio hominis credentis, neg. conseq. Motivum quod movet hominem ut credat, est divina revelatio: motivum vero quo determinatur ad credendum, est divina revelatio, quia tanquam theologus, aut saltem tanquam ratione præditus, scit, Deum nec fallere, nec falli posse.

In homine qui credit, idem contingit quod in homine qui nivem v. g. videt: si

nimirum ab eo quærat, cur videt nivem, respondebit, se ideo videre nivem, quia est alba, tuncque respondebit prout est videns simpliciter; nam prout est videns simpliciter, versatur circa colorem: si vero ab eo quærat, cur nix sit alba, respondeatque ideo albam esse nivem, quod partes ex quibus constat, in eo sint situ, ut lucem ita reflectant, ut sit menti occasio perceptionis coloris qui albus dicitur, tunc non ut videns simpliciter, sed prout ut physicus, respondebit.

Objicies 2. Fides assentitur alicui veritati eo quod Ecclesia doceat, illam veritatem credi debere: ergo auctoritas Ecclesiæ, non autem divina revelatio, est objectum formale quod fidei.

Resp. neg. ant. Neque enim Ecclesiæ ad actum fidei concurret per modum causæ, neque auctoritas Ecclesiæ est causa, cur quis articulum aliquem credat: ideo enim articulus ille creditur, quod sit a Deo revelatus: sed Ecclesiæ concurret per modum conditionis, quia plerumque nesciremus, articulum aliquem esse revelatum, nisi cum nobis tanquam revelatum Ecclesiæ auctoritas proponeret.

Se habet qui credit articulum aliquem, sicut qui obtemperat Principis legi; quemadmodum autem homo illi non obtemperat legi propter auctoritatem legati legem illam promulgantis, sed propter auctoritatem Principis: ita & credens, non propter Ecclesiæ auctoritatem, sed propter divinam revelationem, articulum aliquem, carnis v. gr. resurrectionem, credit. Sed sicut plerumque lex a Principe lata non cognoscitur, nisi per legatum innotescat; ita etiam sæpe non cognoscitur, articulum aliquem esse revelatum, nisi per Ecclesiæ definitionem illius revelationis nobis innotuerit. Sed illi responso lux uberior affulgebit ex iis quæ proxime sequenti paragrapho dicentur.

ARTICULUS II.

In quid fides ultimo resolvetur.

Not. 1. PER id, in quod fides ultimo resolvitur, intelligitur ratio ultima quæ hominem determinat, ut revelatis præbeat consensum.

Not. 2. Nemo dubitat, quin divina revelatio, revelatorum propositio quæ sit ab Ecclesiâ, & exteriora motiva credibilitatis, quibus scilicet mens judicat, articulum aliquem esse revelatum, determinant ad assensum qui præbetur revelatis; sed difficultas est, quodnam ex iis tribus, revelatione nimirum, facta per Ecclesiâ revelatorum propositione, exterioribus motivis credibilitatis, sit ultima credendi ratio, hoc est, ad quam ratio credendi ultimo reducatur.

CONCL. 1. Ultima resolutio fidei est in reve.

revelationem divinam, tanquam in causam assensus: hoc est, fides non resolvitur in aliud tanquam causam assensus, quam in divinam revelationem.

Probatur, Fides in id ultimo tanquam in causam resolvitur, quod est illius objectum formale quo: siquidem objectum formale quo virtutis est unicum medium, sub quo virtus attingit suum objectum; sic lux est unicum medium, per quod visus attingit colorem, qui est illius objectum; atqui divina revelatio est unicum medium, sub quo fides attingit suum objectum; non enim alia ratione, non alio medio, quam divina revelatione, fides aliquem articulum, aliquam veritatem perpendit; ergo fides tanquam in causam assensus ultimo resolvitur in divinam revelationem.

CONCL. 2. Fides ultimo in auctoritatem Ecclesiæ resolvitur tanquam in ultimam regulam, per quam divina revelatio cognoscitur.

Probatur. Fides in id tanquam in ultimam regulam resolvitur, præter quod ordinarie non est alia via, per quam divina revelatio cognoscatur; atqui præter auctoritatem Ecclesiæ passim non est alia via; per quam ordinarie divina revelatio cognoscatur: ideo enim plerumque cognoscimus articulum aliquem esse revelatum, quod Ecclesia definiat, illum articulum esse a Deo revelatum: ergo fides ultimo resolvitur in Ecclesiæ auctoritatem, tanquam in ultimam regulam quæ revelata proponat.

CONCL. 3. Fides ultimo resolvitur in motiva credibilitatis, tanquam in conditionem, sine qua revelatio divina non cognoscitur.

Probatur, Fides in id ultimo resolvitur, tanquam in conditionem, sine qua non habetur prudens certitudo de divina revelatione, & præter quod non est aliud, per quod illa prudens certitudo haberi possit: atqui sine motivis credibilitatis non habetur prudens certitudo de divina revelatione, & præter motiva credibilitatis non est aliud, per quod illa prudens certitudo haberi possit; neque enim sine iis motivis prudenter iudicare possumus divinam esse auctoritatem Scripturarum, in quibus Ecclesiæ infallibilitas revelata continetur. Vide quæ huiusce questionis capite 4. de motivis credibilitatis dicuntur.

Ex iis quæ hucusque dicta sunt, colligitur credentem sic procedere. Ideo mens adhæret alicui veritati, quod sit a Deo revelata: Ideo scit esse revelatam, quod eam tanquam a Deo revelatam Ecclesia proponat; ideo vero adhæret Ecclesiæ definitioni, quod illius infallibilitas in Scripturis contineatur: ideo adhæret Scripturis, quod sint Dei Verbum: ideo tandem certus est Scripturas esse Dei Verbum, quod ad id adducatur tam evi-

dentibus motivis credibilitatis, ut plane stultus sit, qui motivis illis non moveatur.

CAPUT IV.

De Principiis fidei.

Not. **D** Eum per suæ gratiæ auxilium in fidei actum per motum causæ efficientis influere, fuisse probavimus harum Institutionum Tom. III. iis locis, ubi de gratiæ necessitate differuimus. Nemini dubium est, quin fidei actus sit etiam a creatura rationali tanquam a causa, quæ Spiritui sancto movendi, licet plerumque nondum inhabitanti, cooperatur: Sed difficultas est, a qua animæ potentia actus ille immediate producatur; utrum ab intellectu, an vero a voluntate. Difficultas est 2. utrum & quomodo credibilitatis motiva conferant ad eliciendum actum fidei.

ARTICULUS I.

An, & quomodo intellectus, & voluntas ad fidem concurrant.

CONCLUSIO. Fides, prout est actus virtutis Theologicæ, ab intellectu & a voluntate producitur.

Probatur 1. Fides duo dicit: convictionem scilicet, & consensionem. Prioris defectu non est fides in opinante, quia opinio (ut ait Bernardus lib. 5. de consideratione c. 3.) sola verisimilitudine se tueretur. Defectu posterioris, vera fides in dæmonibus locum non habet: tantum enim abest, ut revelatis consentiant, eaque approbent, quin potius revelata summopere eis displiceant: Hoc ipsum (inquit Sanctus Thomas 2. 2. quæst. 5. art. 2. ad 3.) dæmonibus displicet, quod signa fidei tam sint evidentia, ut per ea credere compellantur; & ideo in nullo malitia earum minuitur, per quod credunt. Nec miram; siquidem ab eo tantum qui habet aliquod dilectionis initium, revelata possunt approbari; ac proinde cum illud dilectionis initium in dæmonibus non reperiatur, necesse est, ut revelata eis displiceant: Hanc fidem (ait Augustinus in Epistola ad Sixtum) Apostolus definit dicens: Neque circumcisio est aliquid, neque preputium, sed fides quæ per dilectionem operatur. Ista quippe fides, est Christianorum, non dæmoniorum; nam & dæmones, credunt & contremiscunt: sed nunquid & diligunt? Nam si non crederent, non dicerent: Tu es Sanctus Dei, vel Tu es Filius Dei. Si autem diligerent, non dicerent: Quid nobis & tibi? Atqui convictio est intellectui propria, cum sit rei alienius firma & certa cognitio; consensio vero, seu approbatio est a voluntate, juxta illud Augustini in libro de Spiritu

ritu & litt. c. 24. *Consentire, vel dissentire, proprie voluntatis est.*

Probatur iterum. 1. Ad intellectus concurrunt, cujus obiectum continetur intra obiectum adequatum intellectus; atqui obiectum fidei continetur intra obiectum intellectus: siquidem obiectum intellectus est omne verum: sed verum revelatum, quod est obiectum fidei, est aliquod verum; ergo continetur intra obiectum adequatum intellectus. 2. Voluntatem in fidem influere, sic ostenditur. Voluntas influit in quemcumque actum liberum: libertas enim alicujus actus, inaduate petitur ex eo quod a potentia libera eliciatur: atqui actus fidei est actus liber, per eum scilicet actum homo justus potest mereri, & impius se se ad justificationem disponere: ergo voluntas confert, & influit in actum fidei.

Quæres, qua ratione voluntas influat in actum fidei.

Resp. voluntatem multis modis influere in actum fidei. 1. Imperat intellectui, ut ad credibilitatis motiva diligenter attendat; efficit præterea, ut idem intellectus argumentorum, quibus convictus est, memoriam retineat. 2. Eundem intellectum avocat ab eorum rationum consideratione, quæ assensum impedire possent; unde de Abrahamo dicitur, quod, cum Deus ei prolem pollicitus est, non consideraverit corpus suum emptum. 3. Voluntas approbat persuasionem intellectus, & sibi in ea complacet. 4. Eadem voluntas uberius a Deo mota & excitata, præcipit intellectui persuasionem ipsam: hoc est, ut veritatibus revelatis adhæreat. Hinc vero sequitur, actum fidei, quantum ad persuasionem, seu quantum ad mentis persuasionem, esse elicitivum ab intellectu, & imperative a voluntate.

Dices, Intellectum independentem ab imperio voluntatis esse persuasum, seu certum de veritate, quam propter evidentia motiva credibilitatis judicat esse revelatam: ergo adhæret illi veritati, antequam a voluntate jubeatur.

Resp. neg. ant. Ratio est, quia licet motiva credibilitatis evidentia sint, tamen intellectus, donec voluntatis imperium accesserit, hæret propter difficultates, quæ ex parte rei credendæ menti obversantur: Ex autem difficultates intellectus assensum aut morantur, aut prorsus impediunt: proindeque necesse est, ut intellectus ad assensum ex voluntatis imperio determinetur.

ARTICULUS II.

An, & quomodo credibilitatis motiva ad fidem conferant.

CONCLUSIO 1. Motiva credibilitatis conferunt ad fidem; sed tantum per modum conditionis necessariæ.

Probatur prima pars. Illud confert ad fidem,

sine quo assensus alicui articulo datus non est secundum prudentiæ regulas: nempe sic ut non est virtus sine prudentia, ita nec actus virtutis, si prudenter elicitus non fuerit: atqui assensus alicui articulo datus sine motivis credibilitatis, non est secundum prudentiæ regulas: scilicet nisi præcedant motiva credibilitatis, intellectus non prudenter, sed temerario iudicat articulum aliquem esse revelatum; non enim alia via, quam per motiva credibilitatis, intellectus scire potest aliquem articulum esse revelatum.

Altera conclusionis pars non minus est evidens. Et sane duobus tantum modis credibilitatis motiva conferre possunt ad fidem, vel per modum causæ, vel per modum conditionis: atqui ad eam non conferunt per modum causæ, neque enim illius respectu sunt causæ formales, cum non sint fidei obiectum formale; neque per modum causæ efficientis, nempe mentem non determinant ad credendum: ergo se habent per modum meræ conditionis, sine qua revelatio non cognosceretur; hoc est, nuda sunt media, ex quibus intellectus colligit articulum aliquem esse revelatum.

CONCLUSIO 2. Motiva credibilitatis necessario debent esse evidentia.

Probatur 1. illud debet esse evidens, quod intellectum debet reddere certum de revelatione rerum, quæ credendæ proponuntur: si enim sit tantum probabile, minime reddet intellectum certum de revelatione, quæ proponitur credenda: nimirum probabilitas, quocumque sit in gradu, hoc est, quantumvis magna supponatur, essentialiter includit formidinem partis oppositæ, hoc est, rationes quæ contrarium suadent: ergo motiva credibilitatis necessario debent esse evidentia.

Probatur 2. auctoritate S. Augustini. Docet nimirum 1. luce clarius patere veritatem mysteriorum, quæ religio christiana credit: *Quid ad hæc* (ait Manichæus alloquens in lib. 12. contra Faustum Manichæum, c. 43.) *respondetis, insani? Nempe hæc manifestasunt: nempe omnes non dico calumnias contradictionis, sed etiam nebulas dubitationis expellunt.* Docet 2. compelli nos ad credendum ipsa rerum evidentia. Docet 3. stultum esse, impudentem, qui in Christum credere detrestat; *Quis tam dement* (ait c. 12.) *ut non videat? Quis tam impudens, ut videre se dissimulet?* Atqui non alio sensu S. Augustinus asseruit, manifestam esse mysteriorum nostrorum veritatem, quam quod compellit nos ad credendum ipsa revelationis evidentia, quam quod evidentia sint ac manifesta credibilitatis motiva: neque enim asserere potuit, res quæ nostris mysteriis continentur, esse in scriptis evidentes & manifestas, immo, cum ad fidem pertineant, necessario sunt in se ipsis ob-

obscura: Fides enim, ex Apostolo, argumentum est non apparentium: ergo, ex Argumentatione, credibilitatis motiva necessario sunt ac esse debent evidētia.

R. bar additur illi argumento ex iudicio Cleri Gallicani, quod ad calcem huiusmodi questionis de fide referemus.

Obiicies 1. Si motiva credibilitatis sint evidētia, Christianæ religionis mysteria erunt evidēter credibilia: atqui mysteria religionis Christianæ non sunt evidēter credibilia: si enim essent evidēter credibilia, essent quoque evidēter vera: sed non sunt evidēter vera, aliouin enim non essent obscura: si vero non essent obscura, ad fidem non pertinerent, cum (ut docet S. Thomas) fides sit essentialiter de rebus obscuris: ergo &c.

Resp. ad 1. conc. maj. neg. min. Ad 2. conc. maj. neg. min. Ad 3. neg. quod inde sequatur, res quæ nostris mysteriis continentur fore in se ipsis evidētes. Ratio est, quia evidētia credibilitatis non tollit obscuritatem ab articulo qui creditur; scilicet evidētia credibilitatis efficit quidem revelationem, seu demonstrat, Deum revelasse articulum qui creditur, sed nequaquam efficit objectum revelatum, hoc est, objecti revelati naturam evidēter non subicit apprehensionem intellectus: unde licet evidēter cognoscamus, Trinitatem nobis esse revelatam, Hlius tamen naturam evidēter non cognoscimus.

Obiicies 2. Rustici, quamvis præ inditate ingenii expendere non valeant, utrum motiva quibus ad credendum ducuntur, evidētia sint; tamen veram habent mysteriorum fidem: ergo vera fides habetur ab eo etiam, cui desunt evidētia motiva credibilitatis.

Resp. argumentum esse de non supponente. Scilicet verum non est, quod rustici expendere non valeant evidētia motivorum credibilitatis. Siquidem facili doceri possunt 1. veritatem miraculorum, quæ in confirmationem fidei Christianæ patrata sunt; certoque doceri possunt 2. veritatem resurrectionis Christi, quæ totum Evangelium plenissime confirmatum fuit; doceri tandem possunt 3. coepisse post Evangelium jam late propagatum hæreticorum sectas, quæ quondam, & postremis sæculis ab Ecclesia jam per totum terrarum orbem divisa schisma fecerunt; indeque facile colligent, sectas illas non esse sponsam, quam Christus suo sibi cruore comparavit.

Resp. 2. rusticos certo judicare, veritates fidei accurate fuisse expensas ab Ecclesiæ Catholicæ Pastoribus, quos, saltem ad Synodum generalem congregatos, infallibiles esse, ex eo colligere possunt, quod aliouin Deus pusillorum & plebejorum saluti non consulisset; neque enim pusilli & plebeji per scriptos discere possunt singulas, immo nec necessarias fidei veritates.

Obiicies 3. Illud non est evidētia, quod (licet ad illud accedant) non inveniuntur viri non modo plebei, sed etiam acutissimi; scilicet is est evidētia effectus, ut omnes statim moveant, omniumque extorqueat assensum: atqui viri non modo plebei, sed etiam acutissimi, non inveniuntur nostris motivis credibilitatis; hoc est, licet ad illa se serio ac diligenter attentant, non judicant tamen, mysteria Christianæ religionis esse a Deo revelata: immo Judei, quorum oculis patuerunt Christi miracula, fidei reluctati sunt; Gentiles, ad quorum conspectum martyres innumera portenta patrarunt, judicarunt religionem Christianam rationi contrariam esse; Philosophi, licet eorundem miraculorum oculati testes fuerint, sæpiusque nostra motiva credibilitatis expendierint, eam sæpius dixerunt religionem Christianam esse congeriem impossibilem: ergo evidētia non sunt credibilitatis motiva.

Resp. conc. maj. dist. min. Viri non modo plebei, sed etiam acutissimi, nostris credibilitatis motivis non moventur defectu rei, quæ ex parte ipsorum requiritur, conc. min. defectu evidētia motivorum, neg. min. Nam 1. homines illi, de quibus argumentum, videtur a difficultatibus, quas res quæ in nostris mysteriis includuntur, in seipsis continent, non satis advertunt ad motiva, quibus eorum credibilitas nititur. 2. Rectitudo iudicii inordinatis hominum illorum affectibus, & iniquis eorum præjudiciis impeditur. 3. In peccata peccatorum, quibus se se commaculant, destituuntur auxilio necessario, ut quis evidētia motivorum credibilitatis actu percipiat: Sic enim Judei (inquit Augustinus lib. 12. contra Faustum, c. 44.) non erant illi dei Christos suos, ut tamen unum sperarent, per quem demum liberarentur: sed excacati oculis iustitiae Dei, dum solum ejus virtutem cogitant, infirmitatem, in qua pro nobis mortuus est, non intellexerunt.

Quæres 1. utrum iudicium de credibilitate hæc Christianæ sit naturale.

Resp. illud esse naturale, sumptum secundum substantiam: scilicet habet pro objecto evidētia miraculorum, & aliorum motivorum: quæ quidem evidētia est aliquid ordinis naturalis. At vero iudicium, de quo agitur, est supernaturale secundum executionem; tum quod ad salutem conferat; tum etiam quod, ut superius dictum est, difficultates quæ se tenent ex parte mysteriorum, impendant ne intellectus ad evidētia motivorum credibilitatis attendat; tum denique quod iniqua adversus fidem præjudicia, quæ iudicii rectitudinem impediunt, sine gratiæ auxilio depelli minime possint.

Quæres 2. quænam sint præcipua credibilitatis motiva.

Resp. ea reduci ad Evangelii propagationem;

nem; ad miracula, quibus Christi, Apostolorum, & Discipulorum divina missio confirmata fuit; ad sanctitatem, qua eminet Moralis Evangelica; ad martyria quæ viri, etiam apud hostes fidei, ingenii maturitate, integritate morum, doctrinaque commendati, ubique gentium passi sunt.

1. Propagatio Evangelii maximum est miraculum, si attendimus ad personas, a quibus promulgatum fuit; ad breve tempus, intra quod omnium gentium animos pervasit; ad modum quo primi illius concionatores usi sunt, ut ipsum hominibus commendarent. Viri Apostolici, homines erant ignoti & plebei: intra paucos tamen annos idololatras, Philosophos, Imperatores, non arte, non eloquentia, non armis, fidei lubescerunt.

2. Desipiat oportet, qui veritatem miraculorum, quibus confirmata fuit religio christiana, revocaverit in dubium, ut harum Institutionum Tom. 1. demonstravimus his in locis, ubi actum est de auctoritate librorum Canonorum, tum Novi, tum Veteris testamenti.

3. Nullibi Moralis nostra favet inordinato amori rerum fluxæ ac labentis naturæ; hominem, a quo fuerit accurate servata, pene celestem efficit; cum e contra antiquorum Philosophorum moralis disciplina, vel voluptati, vel vanitati indulgeret.

Quæ hucusque de credibilitatis motivis diximus, confirmari possunt ex Augustino, a quo in libro 12. & 13. contra Faustum, susciuntur motiva, quibus persuaderetur, religionem christianam esse veram ac divinitus institutam religionem. Traduntur quoque libro uno contra epistolam Manichæi, c. 4. motiva quibus demonstratur, inter societates christianas unam veram esse, Catholicam nimirum, hoc est, Romanam; illi enim soli & Catholicæ nomen & res per illud nomen significata, diffusio nimirum in omnes orbis provincias, convenit. Sed ipsa Augustini verba hic placet describere.

In Catholica Ecclesia, inquit, ut amissam succurrissimam sapientiam, ad cujus cognitionem pauci spirituales in hac vita perveniunt, ut eam ex maxima quidem parte, quia homines sunt, sed tamen sine dubitatione cognoscant; ceteram quippe turbam non intelligendi utantur, sed credendi simpliciter iustissimam facit.

Ubi ergo hanc omniam sapientiam, quam in Ecclesia esse Catholicam non creditis (Manichæus alloquitur), multa sunt alia, quæ in ejus gremio me iustissime teneant.

Tenet consensus populorum atque gentium; tenet auctoritas: intravit inchoata, spe nutrita, caritate aucta, veritate firmata, tenet ab ipsa Sede Petri Apostoli, cui postmodum oves sunt post resurrectionem Dominus commendavit usque ad presentem Episcopatum, successio Sacerdotum.

Tenet postremo ipsum Catholica nomen, quod

non sine causa inter tam multas hæreses sic ipsa Ecclesia sola obtinuit, ut cum omnes hæretici se Catholicos dici velint, querenti tamen peregrino alicui, ubi ad Catholicam conveniatur, nullus hæreticorum vel basilicam suam, vel domum audeat ostendere.

Ista ergo tot & tanta nominis Christiani clarissima, aut ut duo manuscripta ferunt, clarissima vincula recte hominem tenent credentem in Catholica Ecclesia, etiam si propter nostram intelligentiam tarditatem, vel vitæ meritum, veritas nondum se aperitissime ostendat.

Apud vos autem (ad Manichæos, aliosque Sectarios omnes hæc spectant) ubi nihil verum est quod me invitet ac teneat, sola personat veritatis sollicitatio; qua quidem si tam manifeste monstratur, ut in dubium venire non possit, præsumenda est omnino illis rebus, quibus in Catholica teneor; si autem tantummodo promittitur, & non exhibetur, nemo me movebit ab ea fide, quæ animum meum tot & tantis nexibus Christiana religioni adstringit. Hactenus S. Augustinus.

C A P U T V.

De Subiecto Fidei.

Not. **P**ER fidei subiectum intelliguntur creaturæ, in quibus fides reperitur; hic igitur expendendum est 1. utrum Angeli viatores fidem habuerint; 2. utrum in Beatis reperiat; 3. utrum sit in dæmonibus.

CONCLUSIO 1. In Angelis viatoribus vera fuit fides.

Probatur. Primo, cum hæc Apostoli sententia ab Hebr. 11. *Sine fide impossibile est placere Deo*, sit generalis, in nullo omnino viatore exceptionem patitur. 2. Angeli viatores beatitudinem promeriti sunt; atqui nullum in creatura fuit meritum, ubi a fide ut a radice non procederet. 3. Quamvis Angeli ingenua sibi luce existentiam Dei, multasque illius proprietates cognoverint, non potuerunt tamen solius illius lucis ope cognoscere personarum in Divinis Trinitatem; ergo per revelationem tantum, ac proinde per solam fidem, mysterii illius cognitionem, dum essent in via, consecuti sunt.

Quæ ad afferendam in Angelis viatoribus fidem prolata sunt argumenta, vim habent suam in Adamo innocente: unde S. Ambrosius lib. 3. ep. c. 33. sic eundem Adamum alloquitur: *Agnoscis te esse nudum, quia bona indumenta fidei perdidisti.*

Objicies. Augustinus multa scribit, quæ probant, in Angelis nusquam fuisse fidem. Docet nimirum 1. Angelos nusquam peregrinos fuisse. Docet 2. eos non fuisse miseros, antequam peccarent; sed tamen fuissent miseri, si beatitudine fructi non fuissent;

f. li.

scilicet beatitudinis desiderium reddit animum anxium, & desiderantem summo opere cruciat. Docet 3. Adamo, antequam peccaret, concessam fuisse Dei visionem: *Illis* (inquit in Pl. 70.) *magna delicia erant ipsa visio Dei*. Ex iis non fuit fides, qui nusquam peregrinati sunt; qui semper beatitudine fructi sunt; quibus pro magnis deliciis fuit semper Dei visio: Atqui, ex Augustino, Angeli nusquam peregrinati sunt, semper fuerunt beati, Adamo pro magnis deliciis fuit Dei visio: ergo nec in Angelis viatoribus; nec in Adamo innocente fides habuit locum.

Resp. ad primum, tam brevem fuisse Angelorum peregrinationem, ut ab Augustino merito nulla dici potuerit, cum parum frequenter pro nihilo reputetur.

Addi potest, Augustinum nomine peregrinationis intellexisse, aut mentis a Deo distractionem, aut caritatis defectum: sic autem acceptum peregrinationis nomen, certum est, de Angelis viatoribus dici non posse. Jam vero quod, ita sumi possit, ostendi potest ex ipsomet Augustino, apud quem iusti, propter suam ad Deum attentionem, propter caritatem, qua illum prosequuntur, nonnumquam dicuntur beati: *Hodie* (ait Sanctus Doctor) *non imprudenter beatos vocamus, quos videmus iusto ac pio, cum spe futura immortalitatis, hanc vitam ducere sine crimine*.

Resp. ad secundum, carentiam beatitudinis esse quidem miseriam in homine lapsio: nimirum merito cruciatur ac timer, ne propter ignorantiam qua laborat, & concupiscentiam qua astat, a consecutione beatitudinis impediatur. Verum ea beatitudinis dilatio, nec in Angelis viatoribus, nec in Adamo innocente, miseria nomine debet appellari, sed stimulus ad perseverantiam, quam certo sciebant in sua esse potestate: *Sic* (inquit Augustinus in libro de correptione & gratia, c. 10.) *& hominem fecit cum libero arbitrio, & quavis sui futuri casus ignarum, tamen idcirco beatum, quia & non mori, & non miserum fieri, in sua potestate esse sentiebat*. In quo statu recto ac sine vicio, si per ipsum liberum arbitrium manere voluisset, profecto sine ullo mortis & infelicitatis experimento, acciperet illam, merito huiusmodi permanens, beatitudinis plenitudinem, qua & sancti Angeli sunt beati; id est, ut cadere non posset ulterius, & hoc certissime sciret.

Resp. ad tertium, Augustinum loco relato, nomine visionis Dei, non intellexisse intuitivam illius visionem, qua beati nunc in calis fruuntur; sed eminentem, qua tamen viatori conveniret, Dei contemplationem: siquidem quo perfectior fuit Adami innocentis status, a quolibet nimirum ignorantia

& concupiscentia expertus, eo Dei contemplatio in illo fuit sublimior.

CONCLUSIO 2. In beatis non est fides respectu eorum, quae necessariam habent connexionem cum essentia divina: esse tamen potest circa illa, quae contingentia sunt & libera.

Probatur prima pars. Respectu eorum non est fides in beatis, quae ab illis clare & evidenter cognoscuntur; neque enim, ut inferius dicetur, fides stare potest cum evidentia: sed ea quae connexionem habent necessariam cum essentia divina, clare & evidenter a beatis cognoscuntur: sunt enim obiectum intuitivae visionis: ergo non est fides in beatis, illorum respectu, quae connexionem habent cum essentia divina.

Probatur altera pars. Tota ratio, cur fides esse non possit in beatis respectu eorum quae cum essentia divina necessariam habent connexionem, est, quia (ut dictum est) clare & evidenter a beatis cognoscuntur; ac proinde stare non possint cum fide, quae cognitio est essentialiter obscura: Sed illa ratio non habet locum in iis quae contingentia sunt, Deo libera, & possibilis; si enim ea omnia evidenter & clare cognoscerentur a beatis, beati Deum comprehenderent; scilicet ea omnia clare cognoscerent, ad quae divina omnipotentia se se potest extendere: ergo in beatis potest esse fides, eorum respectu, quae non habent connexionem necessariam cum essentia divina.

Confirmatur. Fides est adhesio rei propter auctoritatem Dei revelantis: atqui beati nonnullis rebus adhærere possunt propter auctoritatem Dei revelantis; nempe Deus potest beatis plura revelare, futura v. g. libera, quae tamen beati in essentia divina clare non videntur.

CONCLUSIO 3. Nec in diabolis, nec in hominibus damnatis, est fides theologica: sed reperitur in animabus, quae igne purgatorio torquentur, nec non in fidelibus, qui jacent in statu peccati mortalis.

Probatur prima pars. Ad fidem, prout est virtus theologica, requiritur prius actus voluntatis, quo praeceptum intellectui, ut revelatis inhæreat, aut (ut Augustinus loquitur in epistola ad Sixtum) necesse est, ut voluntas revelatis consentiat, hoc est, ut ea approbet: atqui nec in diabolis, nec in ceteris damnatis pius ille actus reperitur; siquidem in eis locum non habet gratia, a qua pius ille in Deum loquentem reverentialis actus oriatur. Hincque dicendum est cum Augustino in mox laudata ad Sixtum epistola, convictionem esse quidem in diabolis, sed tamen non esse fidem proprie dictam: *Ista quippe fides est christianorum* (ait S. Doctor) *non demoniorum: nam & demoni credunt & contemiscunt: sed numquid & diligunt? nam si non crederent, non dicerent:*

Tu es Sanctus Dei. Si autem dicerent, non dicerent: Quid nobis & tibi?

Probatur altera conclusionis pars. In iis est fides, qui sperant beatitudinem aeternam; neque enim potest esse spes sine fide: Sed animæ, quæ torquentur igne purgatorio, sperant aeternam beatitudinem; licet enim sint extra statum meriti, adhuc tamen sunt in via; ergo in eis est fides.

Probatur tertia pars. 1. In impio, qui in statu peccati mortalis versatur, potest esse spes de consequenda remissione peccati, & comparandi suo tempore beatitudinem aeternam: ergo & fides cum sit cujuscunque virtutis radix & fundamentum; eo enim argumento Augustinus in epist. ad Sixtum utitur, ut probet fidem esse donum Dei: *Restat igitur (inquit) ut ipsam fidem, unde omnis iustitia sumit initium, non humano, quo isti (Pelagiani) extolluntur, tribuamus arbitrio, nec ullis precedentibus meritis, quoniam inde incipiunt bona, quæcumque sunt merita; sed gratuitam donum Dei esse fateamur, si gratiam veram, id est, sine meritis, capiamus.* Fides non amittitur, nisi per infidelitatem: atqui quodlibet peccatum mortale non est peccatum infidelitatis: ergo, &c. Ita docet Concilium Tridentinum sess. 6. cap. 15. ubi definitur, quocumque peccato mortali amitti quidem purificationis gratiam, sed non amitti fidem, nisi per speciale infidelitatis peccatum.

C A P U T VI.

De Proprietatibus Fidei.

Not. Tres recenseri possunt fidei proprietates: Certitudo nimirum, Obscuritas, Necessitas. De iis igitur proxime sequentibus articulis est a nobis dicendum.

A R T I C U L U S I.

De certitudine fidei.

Not. Duplex potest esse difficultas circa fidei certitudinem; Prima, ex parte Dei revelantis; Altera vero, ex parte hominis credentis. Nimirum quæri potest 1. utrum Deus possit revelare falsum; 2. utrum homo fide divina possit credere, quod a parte rei non est verum.

CONCL. 1. Deus non potest revelare falsum.

Probatur. Si Deus revelaret falsum, id posset aut ex ignorantia, aut ex malitia; atqui ex neutro capite id potest; cum enim sit omniscius, ipse non potest falli; & cum sit infinite sanctus, infinite bonus, neminem fallere potest; ergo Deus non potest revelare falsum.

Objicies 1. Apud Ezechielem Deus dicitur decipere, & in errorem inducere Pseudo-

prophetas. 2. Prophetæ, qui unam cum Deo personam gerebant, multa prædixerunt, quæ tamen non evenerunt. 3. Christus alius est amphibologiis, & æquivocationibus, quæ quidem mendacii rationem habent: ergo nihil obstat, quin Deus possit falsum revelare.

Resp. ad primum, Deum dici Pseudopphetis decipere; 1. permissive; 2. effective, nonnumquam scilicet impedit, ne res ab eis prædictæ contingant; 3. negative, subtrahendo nimirum eis divinæ suæ sapientiæ lumen.

Resp. ad secundum, ea quæ a sanctis prophetis prædicta fuerant, nonnumquam non evenisse. 1. quia supponebant conditiones, quæ non fuerint impletæ: hujusmodi fuit Jonæ comminatio: *Adhuc quadraginta dies, & Ninive subvertetur*: erat enim ex suppositione, quod Ninivitarum non acturi essent poenitentiam. 2. Prophetæ attendebant aliquando ad cursum ordinarium causarum secundarum: Sic Isaias prædicens mortem Ezechiae regi, rationem habuit morbi, quo nisi causæ secundæ per miraculum impedirentur, extinguendus erat. Prophetiæ non semper fuerant prædestinatoriæ, sed plerumque comminatoriæ tantum. Vide quæ de eo argumento diximus Tom. I. iis locis, ubi actum est de Dei scientia.

Resp. ad tertium, Christum nusquam usum fuisse æquivocatione. Argumenta quibus nonnulli contrarium probare conantur, solvuntur Tom. 3. iis locis, ubi Decalogum exposuimus.

CONCL. 2. Quod a parte rei non est verum, non potest credi fide divina.

Probatur 1. Id credi non potest fide divina, quod Deus revelare non potest; siquidem motivum fidei est sola divina revelatio: atqui (ut patet ex precedenti conclusione) Deus non potest revelare falsum: ergo, &c.

Objicies 1. De fide est, Concilium Nicænum I. fuisse legitimum Concilium: & tamen (metaphysice loquendo) non est impossibile, quod Præsules, ex quibus constabat, veri non fuerint Episcopi: Potuit enim fieri, ut defectu intentionis in ministro requisitæ, aut defectu materiæ debitæ, vero baptismo initiati non fuerint; aut propter easdem rationes vera ordinatione caruerint: ergo fides potest credere id, quod a parte rei falsum est.

Respondet Cardinalis Bellarminus negando de fide esse, quod aliqua Concilia sint legitima. Quod enim (inquit) hoc vel illud sit legitimum, ratio certo & evidenter judicat, ex eo quod huic aut illi conveniant conditiones omnes quæ ad legitimum Concilium requiruntur. Et sane (ait laudatus Cardinalis) iis qui Conciliis coetanei fuerunt, evidens fuit, eos qui tanquam veri Episcopi habebantur, in unum legitima auctoritate ex omnibus orbis christiani partibus vocatos, in unum

unum convenisse, & postea totam Ecclesiam unanimi consensu eas Synodos tanquam legitimas habuisse. Iis quoque qui postea vixerunt, idem evidens fuit ea evidentiā, quæ de facto aliquo haberi potest, ex eorum nimirum unanimi testimonio, qui Conciliis coætantæ fuerunt.

Respondet iterum idem Cardinalis doctissimus lib. 2. de Conciliorum auctoritate cap. 9. satis esse evidentiā illam, ut intellectus veritates in illis Conciliis definitas credat divina fide. Nec id (inquit) mirum est; ad suā, quippe & sapientissimā providentiā Christi in Ecclesiam spectat, ut impediatur, ne falsa sint, quæ illo evidentiæ genere nituntur.

Præterea (ut idem auctor ratiocinatur) quamvis (quod tamen fieri non potest, cum nusquam Deus permittitur sit, ut Ecclesia sit sine legitimis Pastoribus) detur, quod Episcopi qui ad Synodos generales convenerunt, aut defectu baptismatis, aut legitimæ ordinationis, veri non fuerint Episcopi: per eos tamen Deus verum definit, cum (ut Tomo 1. demonstratum est iis locis, ubi actum est de Ecclesiæ in definiendis fidei & morum dogmatibus auctoritate) pollicitus sit infallibilitatem iis generalibus Synodis, quas evidenter & ex Ecclesiæ consensu constaret esse legitimæ generalia Concilia.

Obijcies 2. Fides jubet, ut hæc aut illa Hostia adoretur: & tamen potest esse falsum, quod valide consecrata fuerit, defectu nimirum aut intentionis requisitæ, vel defectu debite prolationis verborum, quæ ad consecrationem necessaria sunt, aut tandem defectu characteris sacerdotalis in ministro, qui palam gessit se tanquam verum Ecclesiæ Sacerdotem: ergo fides potest credere falsum.

Resp. neg. ant. seu nego, fidem jubere, ut hæc vel illa Hostia in particulari adoretur; id nimirum pertinet ad prudentiæ virtutem: insipiens enim esset, cui persuasum non esset, hanc vel illam Hostiam valide consecratam non fuisse a ministro publico, de cuius ordinatione, aut intentione, aut aliis ad consecrationem requisitis nullus est dubitandi locus. Hoc igitur unum (quod semper verum est) fides jubet, ut Hostia quæ debite consecrata fuerit, adoretur; an vero hæc aut illa vere consecrata fuerit, prudentiæ iudicio committitur.

Obijcies 3. Judæus, qui paullo ante Salvatoris nativitatem credebatur in Christum venturum, nato postea Christo eandem fidem retinere potuit. Sed in eo casu falsum credit; neque enim tunc Christus erat venturus: ergo nonnunquam fides divina falsum credit.

Resp. neg. maj. Illi nimirum actui defuisset fidei objectum formale quo, seu divina revelatio: hoc est Judæus ille in eo casu non credidisset ex revelatione divina Christum esse venturum,

Ut autem solvantur argumenta, quibus responsum illud impugnari possit, observandum est cum Sylvio 1. fidem Judæorum habuisse pro objecto Christum prout venturum, quamdiu evidens fuit, nondum completas esse prophetias quæ illius adventum prædixerant futurum. 2. Ubi fuit locus dubitandi, an impleretur forent huiusmodi prophetiæ, seu acciderit tempus, quo, ex Prophetis, Messias nasciturus erat, fides Judæorum fuit in Christum simpliciter, abstrahendo scilicet ab hac circumstantia, quod jam vel natus, vel nasciturus fuisset.

ARTICULUS II.

De obscuritate fidei.

Not. CERTUM est 1. fidem non esse obscuram, si per respectum ad motiva credibilitatis consideretur; illa nimirum motiva ita sunt evidentiā, ut, Augustino teste, stultus sit, qui fidem non amplectatur. Certum est 2. fidem non esse obscuram ex parte revelationis: evidens nimirum est propter evidentiā motiva credibilitatis, Deum articulos fidei revelasse. Sed difficultas est, an fides sit essentialiter obscura ex parte objecti materialis quod creditur: ita ut credi non possit, quod vel evidenter scitur vel videtur. Dux sunt ea de re theologorum sententiæ. Prima contendit, id quod videtur aut scitur, posse credi fide divina. Altera, quæ est Thomistarum omnium, negat, fidem cum evidentiā aut rationis, aut sensus simul stare posse. Cui nos ex iis opinionibus subscribamus, proxime sequenti conclusione declarabitur.

CONCLUSIO. Sententiā, quæ negat, id quod scitur, vel videtur, posse credi, probabilior est affirmativa.

Probatur. Ea sententiā est probabilior, quæ propius accedit ad mentem sanctorum Patrum: traditio enim non minus, quam Scriptura, est fidei & morum regula: atqui sententiā quæ docet credi non posse, quod scitur aut videtur, ad mentem sanctorum Patrum propius accedit, quam quæ docet credi posse, quod scitur aut videtur: ergo est probabilior. Minor argumenti propositio variis momentis ostenditur.

1. Patres ex Apostolica hac fidei definitione, *Fides est sperandarum substantia rerum, argumentum non apparentium*, concluderunt, id quod creditur, non posse videri; & e contra quod videtur, non posse credi: sic enim loquitur Augustinus Tract. 4. in Joannem: *Fides est credere quod non videtur*. Hæc iterum in illud Joannis 14. *Vado parare vobis speciem*, scribit: *Est ut videatur, lateat ut credatur*. Sic etiam Gregorius in Evangelio: *Apparentia non habent fidem, sed agnitionem. Hoc veraciter dicitur credi, quod non valet videri*. Unde sic arguitur: Illis persuasum fuit fidem stare

stare

stare non posse cum objecti evidentia, qui docuerunt, ideo rem aliquam esse objectum fidei, quod non sciatur; quod non appareat; quod non videatur; & e contra rem aliquam nec sciri, nec apparere, nec videri, quod credatur; atqui (ut ex laudatis textibus patet) id docuerunt Patres: ergo persuasum illis fuit fidem stare non posse cum evidentia, aut apparentia objecti.

Respondent adversarii, laudatos ex Patribus textus intelligi debere de objecto, seu de re considerata secundum unum & idem medium, non autem secundum diversa: hoc est, Patres docuisse, rem quæ scitur, credi non posse per idem medium quo scitur, credi vero posse per aliud medium, nempe per revelationem.

Sed vana est illa responsio. Nam 1. Patres absolute & simpliciter, sine ulla distinctione, affirmant, id quod videtur non posse credi. 2. Idem Patres, si valeret adversariorum solutio, pueriliter locuti fuissent: hunc enim sensum efficerent illorum sententia, *Id quod videtur, non creditur, quatenus videtur; nec videtur, quatenus creditur.*

II. Idem Patres docuerunt, laudem fidei in eo positam esse, quod credatur id quod non videtur: *Hæc laus fidei* (inquit Augustinus Tractatu 19. in Joannem) *si quod creditur, quod non videtur, secundum illam Domini sententiam, quando discipulum arguit, dicens: Quid vidisti me, Thoma, credidisti? Beati qui non viderunt, & crediderunt.* Ex his autem verbis sic argumentum conficitur: Fides stare non potest cum eo, cum quo non stat fidei laus: atqui, ex Augustino, fidei laus non stat cum objecti evidentia, aut rationis, aut cognitionis per sensus: ergo nec ipsa fides.

Confirmatur ex eo quod idem Augustinus doceat, fidei difficultatem tolli per evidentiam, aut visionem objecti; hoc est, docet, intellectum facile adhærere veritati, quam evidenter cognoscit: at idem S. Doctor in ea difficultate reponit fidei laudem; Nam (inquit) *quid magnum est, si id creditur, quod videtur?*

III. Idem sancti Patres docuerunt, quod cum aliquis in Scriptura videre simul & credere dicitur, id non de uno, sed de diversis objectis, intelligendum sit. Hæc nimirum de Thoma Apostolo habet Augustinus Tract. 79. in Joannem: *Non hoc credidit, quod vidit; sed aliud vidit, aliud credidit: Vidit enim hominem, credidit Deum.*

IV. Idem Patres docuerunt, fidem ideo in calis superfluum non fore, quod beati clare videant id, quod viatores credunt. Id vero concluderunt ex his verbis Apostoli primæ ad Corinth. 13. *Cum venerit quod perfectum est, evacuabitur quæ ex parte est.* At corruebat illud a genuerunt, si evidentia, si visio

objecti, ex quocumque medio procedat, non impediret fidem; Scilicet Beati huic veritati: *Deus est trinus in personis*, in adversariorum systemate, adhererent propter auctoritatem Dei revelantis, & propter ejusdem veritatis evidentem cognitionem: Nihil enim potest adferri; quod impediat, ne eidem veritati, *Deus est Trinus in personis*, dent consensum propter auctoritatem Dei revelantis; ac proinde evidentia ejusdem veritatis, *Deus est Trinus in personis*, fidem de eadem veritate non impediret; quod tamen (ut patet ex laudato Patrum principio) falsissimum est.

Objicies 1. Fides circa idem objectum stare potest cum eo quod non impedit assensum propter auctoritatem Dei revelantis; fides enim posita est in illo assensu, atqui evidentia objecti non impedit assensum propter auctoritatem Dei revelantis; siquidem illud non impedit assensum propter auctoritatem Dei revelantis, quod a divina revelatione non tollit virtutem movendi intellectum ad assensum: atqui &c. ergo &c.

Resp. ad 1. conc. maj. neg. min. Ad 2. dist. min. Evidentia objecti, a divina revelatione non tollit virtutem, quæ per accidens ad actum non reducat, conc. min. quæ ad actum reducat, neg. min. Equidem divina revelatio habet semper virtutem quæ illi per se convenit, sed per accidens; ratione nimirum evidentia objecti, virtus illa ad actum non reducit. Ratio est, quia ea est intellectus natura, quod ita ab objecti evidentia moveatur, ut cum ad eam evidentiam attendit, impossibile sit, ut ipsum sibi clare præsens non habeat; & consequenter fieri non potest, ut per medium obscurum sibi illud repræsentet, quod tamen ad fidem requiritur: Sic fieri non potest, ut propter testimonium hominum, quantumcumque homines illi supponantur sapientes, assentiamur huic propositioni, *Sol lucet*, cum cum lucentem videmus, quamvis illud testimonium, ex se, si aliunde non adesset evidentia, satis sit, ut mentem ad assensum determinet.

Objicies 2. Illud credi potest, quod in Symbolo omnibus credendum proponitur: atqui articulus aliquis in Symbolo credendus proponitur omnibus, iis etiam quibus est evidens; nempe Dei existentia Philosophis, qui eam per demonstrationem novērunt, in Symbolo credenda proponitur: ergo &c.

Resp. ad 1. conc. maj. neg. min. Ad 2. dist. ant. Existentia Dei ut auctoris gratia omnibus in Symbolo credenda proponitur, conc. ant. Existentia Dei ut auctoris naturæ, neg. ant. Ratio est, quia id unum omnibus credendum in Symbolo proponitur, quod ad justificationem præparat: at cognitio existentia Dei ut auctoris naturæ,

Y

omnes.

Juvenin Instit. Theol. Tom. III.

omnes ad justificationem non preparat, eos nimirum qui naturæ viribus per demonstrationem illam cognoscunt: ergo existentia Dei, non prout est auctor naturæ, sed tantum prout est auctor gratiæ, omnibus credenda proponitur, iis nimirum qui eam noverunt per demonstrationem: unde merito S. Thomas 1. parte docet, eorum saltem hominum respectu, existentiam Dei non esse articulum fidei, sed tantum aliquid quod sit præambulum ad fidem. Inde etiam concludendum est, hæc Apostoli verba: *Accedentem ad Deum oportet credere quia est*, intelligi debere de Deo ut auctore gratiæ; aut saltem si intelligatur de Deo auctore naturæ, locum habere in eis tantum, quibus per demonstrationem non est evidens existentia Dei prout est auctor naturæ.

Obicies 3. Homo qui ex indocto fit doctus, seu homo qui ex non cognoscente evidenter existentiam Dei, fit per demonstrationem evidenter illam cognoscens, non amittit fidem quam prius habebat de cognitione Dei ut auctoris naturæ: atqui, si vera sit opinio quæ docet, fidem non stare simul cum objecti alicujus evidentia, homo qui ex indocto fit doctus, fidem amitteret, quam prius habebat: ergo fides stat simul cum evidentia alicujus objecti. Probatur maj. Si homo qui ex indocto fit doctus, fidem amitteret, per suam scientiam, per evidentiam, quam ratione comparavit, deterioris fieret conditionis: is enim deterioris est conditionis, qui non credit: ergo &c.

Resp. ad 1. neg. maj. Ad 2. neg. ant. seu nego, hominem illum fieri deterioris conditionis, quam esset antea. Nam 1. non fieret deterioris quoad meritum; scilicet idem meritum haberet, ac si crederet articulum, quem aliunde evidenter cognoscit: quippe qui (ut supponitur) paratus esset ad illum credendum, si ex parte subjecti non obstaret evidentia. 2. Non foret etiam deterioris conditionis quoad certitudinem: sciret enim aliunde, articulum illum esse revelatum, quamvis per accidens, ob evidentiam nimirum objecti, articulo illi propter auctoritatem revelantis non assentiretur. 3. Non foret quoque deterioris conditionis ratione modi attingendi objectum: tum quia evidens cognitio in se perfectior est obscura; tum etiam quia ad infidelitatem non provocaretur ex difficultatibus quæ passim occurrunt in objecto, quod per solam fidem cognoscitur.

Obicies 4. Fides, ex sanctis Patribus, est lux quædam divina & supernaturalis: evidentia est quoque lux quædam, licet ordinis sit naturalis: atqui duo lumina simul stare possunt in eodem subjecto; immo unum perficit aliud: ergo fides & evidentia in eodem hominis intellectu stare possunt circa unum eundem objectum.

Resp. neg. primam partem majoris propositionis, seu nego, fidem esse lucem: posita est enim fides in exco assensu intellectus, prudenter ex motivis credibilitatis imperato a voluntate. Dicitur tamen lux a Patribus, non quidem formaliter & in se, sed tantum præsuppositive, in quantum scilicet ex motivis evidentibus credibilitatis præsupponit tum cognitionem divinæ revelationis, tum certum ac evidens hoc judicium, *Adhærendum est rebus a Deo revelatis*.

Illam autem duo, hoc est, tum cognitio divinæ revelationis, tum practicum illud judicium, *Adhærendum est rebus a Deo revelatis*, remanent cum demonstratione, licet per accidens non remaneat assensus propter auctoritatem Dei revelantis, eo quod nimirum assensus ille per objecti evidentiam impediatur.

ARTICULUS III.

De necessitate Fidei.

Not. Fidei necessitas potest considerari, vel secundum ejus actum internum, seu prout dicit assensum, quem ratio præbet alicui veritati præcise propter auctoritatem Dei revelantis; vel secundum actum externum, sive externam fidei professionem, quæ ore aut opere, aut exteriori aliquo, quodcumque sit, signo fieri potest. Utriusque illius actus necessitas seorsim subsequenter paragraphis exponenda est.

§. I. De necessitate interioris actus fidei.

Not. Hic quæremus 1. Utrum actus interior fidei sit necessarius: 2. Quodnam debeat esse illius objectum: 3. Quibus temporibus per se obliget divinum fidei præceptum.

CONCL. 1. Actus internus fidei fuit semper, & est modo, adultis omnibus ad salutem necessarius necessitate medii.

Probatur 1. Illud ad salutem fuit semper, & est modo adultis omnibus necessarium necessitate medii, sine quo impossibile fuit adultis placere Deo: nemo nimirum, nisi Deo placeat, salutem comparare potest: atqui sine actu fidei nullus adultus unquam potuit Deo placere; aut potest placere modo; dicit enim Apostolus ad Hebræos 11. *Sine fide impossibile est placere Deo*. Apostolum vero loqui non de habitu solum, sed etiam de actu fidei, ostenditur ex eo, quod loquitur 1. de fide divinitus hominibus præcepta: atqui (ut in tractatu de Legibus observatum est) præcepta non dantur de habitibus virtutum, sed de illarum actibus: ergo Apostolus loquitur, non de habitu fidei, sed de illius actu. Non loquitur 2. de fide late sumpta, seu de cognitione Dei creatoris & provisoris generalis, quæ per rationem comparata fuerit: siquidem loquitur de fide, quæ

ad justificationem concurrat, & per quam Sancti veteris legis, quorum encomium Apostolus eo loci celebrat, justitiam consecuti sunt.

Probatur 2. Illud ad salutem necessarium fuit semper necessitate medii, quod est necessaria ad justificationem dispositio: atqui actus internus fidei in adultis necessaria est ad justificationem dispositio: nam 1. a Concilio Tridentino recensetur tanquam preparatio necessitate medii ad justitiam: *Disponuntur autem* (inquit sess. 6. c. 6.) *ad justitiam, dum excitati divina gratia, & adjuvi fidem ex auditu concipientes, libere moventur in Deum, credentes, quae divinitus revelata & promissa sunt.* Vox illa, *moventur*, actum significat: ergo Concilium Tridentinum docuit, actum fidei necessarium esse ad justificationem necessitate medii. Vide quae de eo argumento fufe tradidimus Tom. II. ad calcem nostri Tractatus de Incarnatione, ubi offendimus, fidem actu, non autem in voto tantum implicito habitam, ad justificationem requiri.

CONCL. 1. Multiplex est objectum fidei, quae quovis tempore, & hoc etiam, necessaria est necessitate medii ad salutem.

Probatur enumeratione. 1. Quovis tempore necessariam fuisse fidem explicitam in Deum, ut remuneratorem supernaturalem, ostenditur 1. ex Apostolo, qui ad Hebraeos 11. sic loquitur: *Credere enim oportet accedentem ad Deum, quia est, & inquirentibus se remunerator sit.* Vox haec, *Oportet*, absolutam necessitatem designat; haec alia, *Credere*, actum supernaturalem; & istae, *Inquirentibus se*, significant quærentes ex motu gratiae; ac proinde istae aliae, *Remunerator sit*, de remuneratore supernaturali intelliguntur. Ostenditur 2. ex eo quod ad salutem requiratur fides, quae spem excitet; atqui spes non excitatur, nisi credatur in Deum remuneratorem, cum remuneratio sit (ut dicetur inferius.) objectum formale spei. Vide contrariae opinionis censuram hujusce quaestionis capite VI.

II. Ante Evangelium necessaria fuit, implicita saltem, fides in Christum; siquidem, *Non est* (ait Petrus Auctorum 4.) *in aliquo alio salus; neque est enim aliud nomen sub caelo, in quo oporteat nos salvos fieri:* quae quidem sententia de omni prorsus statu intelligitur; unde Apostolus asserit, etiam tempore Legis neminem nisi per fidem in Christum justitiam consecutum fuisse: *Non justificatur* (inquit) *homo ex operibus Legis, nisi per fidem Jesu Christi.* Asseritur pariter in epistola ad Hebraeos, cap. 11. homines qui ante legem vixerunt, non alia via, quam per eam fidem, justificados fuisse.

III. Post promulgatum Evangelium necessaria est ad salutem explicita in Christum fides. Nam 1. Christus ipse Joannis tertio

sic loquitur: *Sicut Moyses exaltavit serpentem in deserto, ita exaltari oportet Filium hominis, ut omnis qui credit in ipsum non pereat, sed habeat vitam aeternam.... Qui credit in eum, non judicatur: qui autem non credit, jam judicatus est, quia non credit in nomine unigeniti filii Dei.* hoc est, etiamsi cetera adessent, ex eo præcise jam judicatus est, seu, salutem non est consecuturus, quia non credit in nomine unigeniti filii Dei, id est, præcise quia deest fides in Christum, & quidem explicita; cum Christi sententia ferat expresse, *In nomine unigeniti filii Dei.* Idque confirmatur ex alia hac Christi sententia Joannis 7. *Hac est vita aeterna, hoc est, habetur vita aeterna, ut cognoscant te solum Deum verum, & quem misisti, Jesum Christum;* quo in loco Christus eandem fidem in seipsum ad salutem requirit, quam in Deum: atqui fides explicita in Deum necessaria est necessitate medii: ergo & in Christum, post Evangelii promulgationem.

IV. Necessaria est post Evangelii promulgationem fides explicita in Trinitatem; tum quia baptisumus, quo quis fit membrum Christi, datur in expressam & distinctam invocationem trium Personarum SS. Trinitatis: *Docete omnes gentes* (inquit Christus ipse in Evangelio) *baptizantes eos in nomine Patris, & Filii, & Spiritus Sancti:* tum etiam quia explicite credi non potest in Christum, quin etiam (ut ratiocinatur S. Thomas 2. 2. q. 2. art. 3.) credatur explicite in Trinitatem; siquidem in mysterio Incarnationis hoc continetur, quod Filius Dei carnem assumpserit, & per gratiam Spiritus sancti mundum renovaturus sit, & quod de Spiritu sancto conceptus fuerit.

Addendum est, quod quamvis opinio Suaris & aliquorum aliorum asserentium, fidem explicitam in Christum, etiam post Evangelii promulgationem, necessariam non esse necessitate medii ad salutem, non sit expresse damnata ab Ecclesia: tamen in praxi nequaquam ei sit adherendum; probabilitas enim, quantacumque supponatur, non supplet iis quae necessitate medii necessaria sunt ad justificationem.

CONCL. 3. Actus internus fidei adultis necessarius est necessitate præcepti.

Probatur. Primo, quae ex ordinatione divina necessaria sunt necessitate medii ad justificationem, sunt etiam necessaria necessitate præcepti divini: cum enim Deus imperet, ut adquiratur justificatio, imperat quoque media quae ad illam absolute requiruntur: nempe qui vult finem, censetur quoque velle media, quae ad illum comparandum sunt simpliciter & absolute necessaria. 2. Christus expresse fidem imperat; *Credite in Deum, & in me credite:* atqui fides a Christo præcepta non est habitualis, cum (ut jam superius

perius observatum est) præcepta non dantur de habitibus virtutum; neque enim a nobis pendet, cum habitus a Deo infundantur, sed tantum de illorum actibus.

Quæres 1. quænam credi debeant vi præcepti quod fidem imperat.

Resp. credi debere explicite 1. ea omnia quæ necessaria sunt necessitate medii: 2. Articulos qui in Symbolo continentur, saltem quoad illorum substantiam: huiusmodi ad illos articulos præcipua fidei capita reducuntur: 3. Decalogi præcepta, si tamen ratione naturali evidenter non cognoscantur: id enim explicite credi debet quod homo iure naturali & divino observare tenetur: 4. Sacramenta quæ ad salutem necessaria sunt necessitate medii, nec non illa quæ quis recipit; siquidem ad illorum receptionem parare se ipsum non potest, nisi noverit, quid sint, & quid contineant.

Quæres 2. quibus temporibus obliget divinum fidei præceptum.

Resp. 1. præceptum illud *per se*, hoc est vi præcepti specialis, nonnunquam obligare ad eliciendos fidei actus: quia præceptum de eliciendis actibus fidei est præceptum speciale, hoc est, præceptum ab aliis distinctum: illius enim tanquam præcepti ab aliis distincti Scriptura non semel meminit: *Credite in Deum, & in me credite.*

Resp. 2. Illud præceptum *per se* obligare sapius in vita: tum quia non pro aliquibus vicibus tantum a Deo sancitum sit; tum etiam quia (ut ait Scriptura) *iustum ex fide*, hoc est, ex actibus fidei, vivit, seu vita iusti per actus fidei nutritur & conservatur; ergo quemadmodum præceptum naturale de vita obligat ad sumendum sapius cibum: ita etiam & divinum præceptum fidei obligat ad sapius eliciendos actus fidei. Deinde iubemur præcepto divino Deum sapius in vita colere: at Deus sine actu fidei non colitur, nimirum (ut jam superius observatum est) sine actu fidei impossibile est placere Deo, seu, cum debito cultu colere; unde merito ab Innocentio XI. proscripta est hæc propositio: *Sufficit mysteria fidei semel creditisse.*

Resp. 3. tempora quibus urget spectale fidei præceptum, esse 1. respectu infidelium & hæreticorum, cum sufficienter eis Evangelium, & fides catholica proponuntur: 2. respectu fidelium, in periculo mortis, quia tunc quisque tenetur omnem quam potest adhibere curam, ut suæ salutis certo consulat: 3. cum occurrunt festa anni præcipua, ut sunt Christi Nativitas, Resurrectio, Pentecostes: ideo enim instituta sunt illa festa, inter quæ etiam Dominica dies (quæ apud Gentiles dicebatur *Dies Solis*) ut in specie determinarentur tempora, quibus specialiter danda est opera virtutum exercitio, inter

quas orationem, licet non præcipuum, locum tenet fides.

Resp. 4. præceptum de eliciendis actibus fidei, per accidens obligare 1. quoties quis Sacramenta recipit, & præsertim Eucharistiam: tenetur enim qui ad illud Sacramentum accedit spiritualiter manducare corpus Christi: unde ex antiquissima Ecclesiæ consuetudine, Sacerdoti illud porrigenti & dicenti: *Corpus Christi*, fideles respondere tenebantur: *Amen*: id est, *Verbum est, ita credo*. Obligat 2. quoties gravis contra fidem urget tentatio; actus enim virtutum medicinalia sunt, ut actus vitiorum contrariorum impediuntur.

CONCL. 4. Jure Ecclesiastico fideles tenentur scire memoriter Symbolum, Orationem Dominicam, & Decalogum.

Probatur. *Primo*, Ecclesia quovis tempore expetit, ut Symbolum & Oratio Dominica ab adultis memoriter redderentur, antequam ad baptismum, injunxitque susceptoribus, ut illud docerent eos, quos de sacro fonte levassent: hæc nimirum habentur canone *Vos ante Dist. 19. De consecratione*, qui quidem Canon ex Augustino depromptus est: *Vos ante omnia Symbolum, & orationem Dominicam, & vos ipsi tenete, & illis quos suscepistis de sacro fonte ostendite.* Legendus est de eodem argumento Sermo ejusdem Augustini de Symbolo ad Catechumenos.

Secundo, Eadem praxis colligitur ex Leone Magno: sic enim loquitur Epist. 27. Editionis Quænellii nostri, cap. 4. *Non enim de potentiuncula aliqua fuerit nostra, quæ unius lucide declarata sit, queritur. Sed hoc stultissima resolutio audeat incipere, quod Dominus noster in Ecclesia neminem sexus utriusque voluit ignorare: siquidem ipsa Catholici Symboli brevis & perfecta confessio tam instructa sit munitione celesti, ut omnes hæreticorum opiniones solo ipsius possint gladio decurrari.* Legendus est quoque ea de re S. Thomas 2. 2. quæst. 2. art. 5.

Tertio, Sanctus Carolus in Concilio V. Mediolanensi prohibet Confessariis, ne poenitentes absolvant, antequam Orationem Dominicam, Symbolum, & Decalogum recitantes audierint. Vide quæ harum Institutionum diximus Tom. IV. iis locis, ubi dictum est de absolutione impendenda aut differenda iis, qui capita, de quibus agitur, ignoraverint.

Quarto, Theologi non ultimi nominis nostram conclusionem expressis verbis tradunt: sic enim in laudatam ex S. Thoma quæstionem Sylvius loquitur: *Qui ex contemptu, vel supina negligentia nesciret Symbolum, difficulter a mortali excusaretur, propter Ecclesiæ præceptum & consuetudinem.*

Illi autem præcepto non sit satis ab iis, qui

qui memoriter quidem tenent omnia capita quæ in Symbolo, Oratione Dominica, & Decalogo continentur; sed idiomate ignoto sibi. Hujusmodi sunt rustici, qui ea latine tantum didicerunt: habent enim (ait Deoque non ultimus e theologis) scientiam verborum, non autem mysteriorum cognitionem.

§. II. De necessitate exterioris assus fidei.

Not. 1. Extare præceptum fidem exterius confitendi, probant hæc Apostoli verba ad Romanos, cap. 10. *Corde enim creditur ad justitiam, ore autem confessio fit ad salutem.* Probant & hæc Augustini verba in libro de fide & symbolo, c. 1. *Fides effectum a nobis exigit & cordis & lingue.*

Not. 2. Omne præceptum affirmativum, ut est illud quo jubemur fidem exterius confiteri, certis temporibus obligat; ac præterea prohibet ne quid unquam per commissionem contra illud præceptum operemur: necesse est igitur, ut hic expendamus 1. quibus temporibus obliget divinum præceptum, quo jubemur fidem exterius confiteri; 2. quid prohibeat nobis.

CONCLUSIO 1. Præceptum confitendi exterius fidem obligat, quando per illius omissionem honor Deo debitus, vel caritas proximo impendenda subtrahuntur.

Probatur auctoritate Sancti Thomæ, qui 2. 2. q. 3. art. 2. sic loquitur: *Confiteri fidem non semper, neque in cuolibet loco, est de necessitate salutis* (nec mirum; præcepta enim affirmativa non obligant pro semper) *sed in aliquo tempore, quando scilicet per omissionem hujus confessionis subtraheretur honor debitus Deo, aut etiam utilitas proximis impendenda.*

Nec immerito sic ratiocinatur S. Thomas: siquidem ommissio confessionis in primo casu vergeret in summum Dei contemptum, quem ipsa ratio naturalis vetat, cum Deum toto corde diligere & colere teneamur: in altero autem casu infringeretur præceptum, quo jubemur proximum sicut nos ipsos diligere.

Quæres 1. quibus in casibus, per omissionem confessionis, honor Deo debitus subtrahitur.

Resp. 1. Id contingere, cum quis publica auctoritate interrogatus de fide, silet. Scilicet qui in eo casu silet, erubescit Evangelium, mereturque poenam, quam hisce verbis Christus silentibus comminatur Lucæ 9. *Qui me erubuerit, & meos sermones, hunc filius hominis erubescet, cum venerit in maiestate sua, & sanctorum Angelorum.*

Nomine vero publicæ potestatis censetur *Juven. Instit. Theol. Tom. III.*

tur quis interrogari, cum interrogatur ab eo qui est in potestate publica constitutus, sive privatim id fiat, sive publice, sive qui interrogat, tyrannus sit, an legitimus princeps, aut sit iudex proprius ejus qui interrogatur, aut alienus, unde merito inter pestiferas Moralis disciplinæ propositiones hanc anno 1679. damnavit Innocentius Papa XI. *Si a potestate publica quis interrogetur, fidem ingenue confiteri, ut Deo & fidei gloriosum consulo: Tacere, ut peccaminosum per se, non damno.* Eam quoque propositionem speciali censura notavit Clerus Gallicanus, ut capite proxime sequenti dicetur.

Resp. 2. Honorem Deo debitum subtrahi, cum fidelis non contradicit Gentili, aut hæretico fidem palam irridenti; modo tamen non judicetur, contradictionem impiis fore occasionem blasphemiarum iterum lascessendi fidem. Ea de causa Christiani non tenebantur antiquitus, nec modo apud Indos, Gentiles diis immolantes, aut apud Batavos, hæreticos suæ sectarum incumbentes, palam arguere tenentur.

Quæres 2. quinam sint cassus, in quibus ommissa fidei professione, obsequium proximo impendendum subtrahi censetur.

Resp. contingere 1. cum prudenter judicatur proximum, qui alioquin in fide vacillat, aperta fidei confessione confirmatum iri: eo nimirum in casu locum habet illa Scripturæ sententia: *Debemus pro fratribus animas ponere*: unde de S. Sebastiano dicitur, quod suis monitis & cohortationibus Confessores, qui fidei causa carceribus destinebantur, aut mox ultimo supplicio afficiendi erant, etiam cum propriæ vitæ periculo sapiens munierit; ob idque ad Diocletianum delatus, capitali sententia damnatus est. 2. Urget idem casus, cum adest certitudo morales, aut etiam cum adest dubiam prudens, quod hæreticus, vel infidelis religioni catholicæ daturus sit nomen: ordo nimirum caritatis postulat, ut proximi salutem eternam propriæ salutis temporali præferamus. 3. Idem casus licet omnes fideles urgeat, urget tamen strictius Ecclesiæ Ministros & Pastores: ii enim non solum caritatis vinculo, sed etiam debito justitiæ, fratrum suorum & ovium & Christi sanguine redemptorum saluti, cum propriæ vitæ detrimento consulere tenentur; juxta illud Christi in Evangelio: *Bonus Pastor animam suam dat pro ovibus suis.*

CONCLUSIO 2. Nullo in casu licitum est fidem exterius negare.

Probatur 1. auctoritate Christi, cujus hæc sunt verba, Matthæi c. 10. *Qui autem negaverit me coram hominibus (licet fidem corde retineat) negabo & ego eum coram Patre meo, qui in caelis est.*

2. Idem ostenditur exemplo fidelium, qui prioribus sæculis, dum persecutio sæviret,

mori maluerunt, quam vel minimo exteriori signo testari, se a Christi fide discedere. Unde est illud Tertulliani, Apologetici c. XI. *Itaque nec in illo ex forma malorum iudicandorum, agitis erga nos, quod ceteris negantibus adhibeatis tormenta ad confitendum, solis christianis ad negandum, cum si malum esset, nos quidem negaremus, vos vero confiteri tormentis compelleretis.* Et paullo post sic profequitur: *Idea torquemur confitentes, & punimur perseverantes, & absolvimur negantes, quia nominis præstium est.*

3. Tantum facinus antiquis Patribus visa est fidei negatio, etiam qua vita temporalis redimeretur, ut plures Ecclesiæ in idololatriam lapsis absolutionem sacramentalem etiam poenitentibus, in extrema vitæ periodo negaverint, ut fuse in Commentario nostro historico de Sacramentis ostendimus. Ubi vero Apostatis indulta est pax, concessa non est, nisi exantatis per plures annos, & nonnunquam per totam vitam, gravissimis poenitentiae laboribus. Vide Cyprianum in libro de lapsis: vide etiam Concilii Nicæni primi canones: vide quoque sancitam Eliberitanis canonibus disciplinam.

CONCLUSIO 3. Nullo in casu licitum est falsam simulare religionem.

Probatur 1. verbis & exemplo Eleazari *seu*, qui rogatus ab amicis, ut simularet se manducasse de Sacrificii carnibus, secundum Antiochi Regis mandatum, sic libro 2. Machab. cap. 6. respondit: *Non enim ætati nostræ dignum est fingere, ut multi adolescentium arbitrantur Eleazarum nonaginta annorum transisse ad vitam alienigenarum, & ipsi propter meam simulationem decipiantur; & per hoc maculam atque execrationem mea senectutis conquiram. Nam etsi in presenti tempore supplicis hominum eripiar, sed manum Omnipotentis nec vivus, nec defunctus effugiam.*

Probatur 2. ex Ecclesiæ decretis. Primo, Helceitz hæretici, altero Ecclesiæ sæculo, ab Ecclesia catholica damnati sunt, quod inter alios errores, simulationem Religionis licitam esse contenderent, dummodo fides in corde integra servaretur.

2. Damnati sunt Priscillianistæ quarto sæculo, quod vellent licitum esse mendaciis & perjuriis uti, etiam in religionis causa.

3. Altero & tertio sæculo Ecclesia gravissimis poenis animadvertit in Libellaticos, eos scilicet Christianos, qui a Magistratibus numeratam pecunia emerant libellos, quibus constaret eos obtemperasse impiis Imperatorum Edictis, quamvis revera non obtemperassent. De huiusmodi Libellaticis legi possunt Tertullianus in Apologetico, cap. 27. & Sanctus Cyprianus in tractatu De Lapsis.

4. Sedes Apostolica anno 1643. proseripxit praxim quorundam apud Sinas Missionariorum, qui contendebant, licere Christianis

adorationem externam Idolis exhibere, modo adorantis intentio dirigeretur ad verum Deum depictum in imagine, quæ vel sub adorantis vestibus, vel in altari prope Idolum latitaret.

5. Ille qui religionem falsam simulat, facto ipso negat Christum; ac præterea reus fit gravissimi in causa gravissima mendacii. Unde patet simulationem illam non licere, etiam in casu, quo, defectu testium, nihil omnino ad proximi subversionem & scandalum esset collatum.

Obijcies 1. Eliseus (ut habetur l. 4. Regum cap. 5.) Naaman principi militiæ Regis Syriæ concessit, ut, Rege adorante in templo Remmon, & ipse cum eo adoraret: ubi enim Naaman lepra ab Eliseo sanatus, hæc ab eo petiisset: *Hoc autem solum est, de quo deprecaberis Dominum pro servo tuo, quando ingreditur Dominus meus templum Remmon, ut adoret: & illo inuitente super manum meam, si adoravero in templo Remmon, adorante eo in eodem loco, ut benedicat mihi Dominus servo tuo pro hac re:* Ubi (inquam) id petiisset, hocce ab Eliseo responsum audiit: *Qui dixit ei: Vade in pace:* quasi dixisset, Id licitum est, non peccabis cum id egeris. Atqui Naaman in eo casu falsam religionem simulabat: verum scilicet Deum colebat extra templum Remmon; id enim Eliseo conceptis terminis pollicitus fuerat: *Dixitque Naaman (ait Scriptura) Ut vis: sed obsecra concede mihi servo tuo, ut tollat onus duorum burdenum de terra: non enim faciet ultra servus tuus holocaustum, aut victimam diis alienis, nisi Domino.* Ergo licet in aliquo casu (ut quis nimirum suæ fortunæ, & a fortiori, suæ vitæ consulat) falsam religionem simulare.

Resp. conc. maj. neg. min. Ratio est quia Adorationis nomen eo loci sumitur late, pro nuda nimirum incurvatione corporis, non autem stricte, seu pro religionis actu: siquidem & ipsimet Naaman, & omnibus Syris qui aderant, persuasum erat, incurvationem illam corporis famulatum esse politicum & civile, quod ex officio politicæ suæ dignitati annexo exhibebat Regi non in templo solum, sed etiam extra templum in omnibus locis, in quibus princeps res etiam mere civiles & politicas palam & sollempniter pertractabat. Notum erat pariter omnibus Naaman Judæorum religionem palam profiteri; ac proinde nec ipse Deo Remmon cultum aliquem exhibebat, nec exhiberi a Siris censebatur.

Obijcies 2. Ex Actis constat, Apostolos cum Judæis ad fidem convertis observasse Legalia, quæ tamen non servabant degentes cum Gentibus ad fidem convertis: atqui praxis illa non aliud erat, quam simulatio falsæ religionis, Judaica nimirum, quæ per Chri-

Christi mortem quoad omnia præcepta ceremonialia penitus abrogata fuerat.

Resp. conc. maj. neg. min. Ratio est, quia Legalium observatio, priore saltem Ecclesiæ Christianæ sæculo, res erat, quæ ad moram disciplinam pertineret. Eis libere, & absque salutis necessitate, subijciebant se Judei, qui dabant nomen religioni christianæ, non vero Gentiles qui fidem amplexi fuerant. Mirum igitur non est, quod Apostoli cum Judæis agentes legalia servaverint; agentes vero cum Gentilibus, ab eis omnino temperaverint. Convenit scilicet, ut quis suam agendi rationem exigit ad locorum leges & consuetudines, quæ ad meram disciplinam spectant, quæque nihil habent, quod juri divino aut naturali repugnet.

Quæres 1. an apud infideles agentibus uti liceat rebus, signis, vestibus, quæ ab iis infidelibus usurpantur.

Resp. cum distinctione. 1. Non licet, si illæ vestes, illa signa sint Religionis, non autem Nationis tantam insignia. Ratio est, quia, ex suppositione quod res illæ sive ex consuetudine habeantur tanquam Religionis signa, qui iis utitur, censetur eam religionem profiteri, cujus sunt insignia. 2. E contra licitum est infidelium tum rebus, tum signis, tum vestibus uti, si nationis tantum, non autem religionis sint distinctiva. Petium est duplex illud responsum ex Tertulliano, qui in lib. de Idololatria cap. 18. observat, Joseph apud Egyptios, & Danielem apud Babylonios, civilis dignitatis sibi concessæ, non autem impiæ, aut Egyptiorum, aut Babyloniorum superstitionis, insignibus usos fuisse: Ex eo tum Joseph, tum Danielis exemplo, hanc idem Tertullianus infert conclusionem: *Sic penes nos quoque, fideles, si necesse fuerit, poterit & puerilis prætexta concedi, & puerilis stola; natiuitatis insignia, non potestatis: generis, non honoris: ordinis, non superstitionis.*

Quæres 2. utrum liceat libros hæreticorum legere.

Resp. non licere, nisi prius obtrita fuerit legitima dispensatio: Eorum scilicet librorum lectione fideles Canonibus interdiciuntur. 2. Si etiam quibus concessa est dispensatio, etiam si docti fuerint, tenentur ab ea lectione temperare ubi proprio experimento probaverint, lectionem illam occasionem esse gravibus contra fidem tentationibus; qui enim amat periculum (Scriptura teste) peribit in illo.

Quæres 3. an fidem negare censeatur qui fugit, ut declinet persecutionem.

Resp. negativè contra Montanistas, quibus Tertullianus in libro De fuga in persequutione, scripsit. Ratio est 1. quia constat ex Evangelio Christum fugisse sæpius, ut Judæorum insidias declinaret: eo autem Christi

exemplo tueretur se Athanasius in sua adversus Arianos Apologia. Idem pariter exemplum usurpat Pontius Diaconus, ut S. Cyprianum, quem specialiter impetebat persecutio, tueatur. 2. Qui saviente persecutione non fugiunt, cum id possunt, sæpe gravi se tentationi exponunt, ac proinde tanquam præsumptionis rei a SS. Patribus jure ac merito damnantur. 3. Possunt etiam fugere ipsi Pastores, cum non plebem, sed ipsos specialiter impetit persecutio: modo tamen supersint alii ministri, qui gregis per Dei verbum, & Sacramentorum dispensationem saluti consulere possint: si enim non supersint ministri, quotquot ad curam gregis necessarii sunt, nec ipsos pastores, quos specialiter impetit persecutio, fugere licet. Vide de eo argumento Augustinum in epistola 118. Veteris editionis, quæ est ad Honoratum. De usibus qui idololatriam reolent, vide Tertullianum in Libro de Idololatria: eo nimirum in libro innumeros prope modum casus speciales recenset, in quibus fideles impiarum superstitionum reos se committunt.

C A P U T VII.

Quæ sit Cleri Gallicani doctrina de fidei virtute.

Not. **C**leri Gallicani de fidei virtute doctrinam haurimus ex ejusdem Cleri Gallicani Comitii Generalibus, quæ in Palatio Regio San-Germâno MDCC. habita sunt. In iis autem Comitii Gallicani Patres censura speciali notarunt plures circa fidei virtutem propositiones, quas nonnulli, aut in thesibus scriptis, aut in libris impressis, propugnaverant.

Prima Propositio. *Homo nullo unquam vitæ suæ tempore tenetur elicere actum fidei, spei & caritatis, ex vi præceptorum divinarum ad eas virtutes pertinentium.*

Secunda Propositio. *Satis est actum fidei semel in vita elicere.*

Censura. *Hæc duæ propositiones, sunt scandalosæ, in præxi perniciosæ, erroneæ, fidei & Angelii oblivionem inducunt:*

Tertia Propositio. *Assensus fidei supernaturalis & utilis ad salutem fiat cum notitia solum probabili revelationis, immo cum formidine, quæ quis formidet, ne non sit locutus Deus.*

Censura. *Hæc propositio, scandalosa est, perniciofa & Apostolicam fidei definitionem evertit.*

Quarta Propositio. *Si a potestate publica quis interrogetur, fidem ingenue confiteri, ut Deus & fidei gloriosum, consulo; tacere, ut peccaminosum per se, non damno.*

Censura. *Hæc propositio, scandalosa est, præceptis Evangelicis, & Apostolicis aperte contraria, hæretica.*

Y

Quin-

Quinta Propositio. *Religio Christiana est evidenter credibilis: nam evidens est prudentem esse, quisquis eam amplectatur: non evidenter vera; nam aut obscure docet, aut quæ docet, obscura sunt. Immo qui ajunt, Religionem Christianam esse evidenter veram, fateantur necesse est falsum evidenter esse. Infer hinc evidens non esse: 1. Quod existat nunc in terra aliqua vera religio: unde enim habes, non omnem carnem corrupisse viam suam? 2. Quod omnium quæ in terris existunt vera, similissima Christiana: an enim terras omnes aut peragrasti, aut peragratas ab aliis esse nasti? 3. Quod & Apostolis, & demonibus manifesta fuerit divinitas Christi, id enim docet, docere & oportet Christum manifeste Deum esse. 4. Quod affluente Deo falsa sint Prophetarum veracula: quid enim mihi opponas, si vel negem non fuisse vera veritatis, vel affirmem fuisse conjecturas? 5. Quod vera fuerint, quæ a Christo edita fuisse commemorantur miracula, quamquam negas hæc nemo prudenter potest.*

Censura. Doctrina hæc propositione contenta, impia est, blasphemica, erronea, & inimicis Christianæ religionis faves.

Sexta Propositio. *Evidens non est evidentia moralis, proprie dicta, & physica, religionem catholicam esse veram.*

Censura. Hæc propositio doctrinam superiori propositioni consentaneam continens, temeraria est, & in errorem inuocens.

Septima Propositio. *Non nisi fides unius Dei necessaria videtur necessitate medii; non autem explicita Remuneratoris.*

Octava Propositio. *Fides late dicta ex testimonio creaturarum, similis motivo, ad justificationem sufficit.*

Decima Propositio. *Absolutionis capax est homo, quantumvis labores ignorantia mysteriorum faciat: & etiam per negligentiam, etiam culpabiliter, nesciat mysterium SS. Trinitatis, & incarnationis Domini nostri Jesu Christi.*

Censura. Hæc tres propositiones, in Deum Remuneratorem, & in Christi nomen consummatæ sunt, erroneæ, & hereticæ.

Præterque ex propositionibus quas hucusque retulimus, Inquisitores Romani coram Alexandro Papa VII. & Innocentio XI. jam ante Generalia Cleri Gallicani Comitia damnata verant. Nempe quæ primo loco a nobis recitata est, prima est inter proscriptas ab Alexandro: quæ secunda loco, decima septima inter Innocentianas: quæ tertio, vigesima prima: quæ quarto 8. quæ septimo, vicecima secunda: quæ octavo, vicecima nona: quæ decimo, sexagesima quarta. Cur autem Clerus Gallicanus eas iterum damnaverit, ad hujusce Tomi calcem dicetur.

Q U Æ S T I O II.

De Virtute Spei.

Not. **S**pei nomen in Scripturis sumitur 1. pro objecto spei, ad Rom. 8. *Spes quæ videtur, non est spes.* Sumitur 2. pro persona, per quam, vel a qua, aliquid speramus: Dominus (inquit Psaltes Regius, Psalm. 13.) *spes ejus est.* Sumitur 3. pro virtute Theologica, cujus Essentiam, Divisionem, Objectum, & Proprietates hic a nobis exponendæ sunt.

C A P U T P R I M U M.

De Essentia & Divisione Spei.

CONCLUSIO 1. *Spes recte definitur, Virtus, quæ certa cum fiducia æternam beatitudinem, Dei auxilio comparandam, expectamus.*

Explicatur illa definitio 1. Spes dicitur Virtus, quia subjectum, in quo reperitur, inclinatur (quod proprium est virtutis cujuslibet) movet ad actum rationi consentaneum; in expectationem nimirum æternæ beatitudinis, ad cujus possessionem creatura rationalis a Deo condita est, juxta illud Augustini: *Fecisti nos ad te, & irrequietum est cor nostrum, donec requiescat in te.* 2. Dicitur inclinare & movere ad expectationem æternæ beatitudinis, quæ in Deo sita est; & in hoc convenit cum aliis virtutibus Theologicis, fide & caritate: in hoc enim virtutes theologicæ a moralibus differunt, quod illæ immediate circa Deum versentur, seu quod Deum habeant pro objecto immediato. 3. Dicitur inclinare & movere ad Deum, *pro ut est hominis beatitudo*; seu quatenus est bonum illi conveniens; & in hoc differt a fide quæ Deum attingit, ut est fons veritatis; & a caritate quæ circa Deum versatur, abstrahendo an sit hominis beatitudo, an vero in se ipso & sine aliquo ad creaturam ordine consideretur. Sed hæc uberius postea explicabuntur.

CONCL. 2. *Multiplex est Spei divisio.*

Probatur enumeratione. 1. Spes, alia est habitualis, alia actualis. Prior, est permanens in homine inclinatio ad Dei possessionem, de qua loquitur Paulus 1. ad Corinth. 13. *Nunc autem manent, Fides, Spes, Caritas.* Posterior, est actus quo creatura rationalis certa cum fiducia expectat æternam beatitudinem: de illo spei actu intelliguntur hæc Apostoli verba ad Rom. 8. *Spes*, hoc est per actum spei, *salvi facti sumus*: intelliguntur quoque hæc alia, quæ in psalmis leguntur: *Spera in Domino*; præcepta enim (ut sæpe S. Thomas asserit) non dantur de virtutum habitibus, quia non sunt in pote-

statu.

stite nostra ; sed de illarum actibus , quos cum divino auxilio possumus elicere .

2. Spes habitualis subdividitur in Infusam & Adquisitam . Prior a Deo immediate infunditur ; hujusmodi est ea , quæ a parvulis per baptismi sacramentum recipitur ; posterior vero , quæ nascitur in adultis ex actibus , quos cum Dei auxilio sæpius elicerunt .

3. Utraque Spes , id est Habitualis & Actualis , dividitur iterum in Vivam & Mortuam . Spes viva est ea , quæ in subiecto præponit gratiam sanctificantem , quæ cum sit hominis vitæ , vitam quoque tum habitibus virtutum . tum illarum actibus tribuit . Altera vero est ea , in cuius subiecto non est gratia sanctificans ; hujusmodi est ea quæ in impio , hoc est , in homine gratia sanctificante destituito reperitur .

4. Utraque spes dividitur iterum in formatam & in informem . Formata est , quæ in subiecto conjuncta est cum caritate sanctificante : ideoque dicitur formata , quod conjuncta sit cum caritate , quæ est omnium virtutum forma , seu perfectio . Informis contra est illa , quæ cum sit in subiecto sine caritate quæ sanctificet , destituta est virtute , quæ aliarum omnium est forma & perfectio . Vide quæ præcedenti quæstione dicta sunt de fidei divisione .

C A P U T II.

De objecto Spei .

Not. 1. Sæpius jam observatum est cujuslibet virtutis objectum esse duplex , materiale scilicet & formale . Prius est res circa quam virtus immediate versatur : posterius dividitur in objectum formale *Quod* , & est perfectio , quam virtus respicit in objecto materiali ; & in formale *Quo* , & est ratio seu motivum , sub quo formale *quod* attingitur .

Not. 2. Objectum virtutis , aliud est Primarium , aliud vero Secundarium : Primum est res quæ per se a virtute appetitur : Alterum , quod appetitur in ordine ad aliud .

A R T I C U L U S I.

De objecto Materiali Spei , tum Primario , tum Secundario .

CONCLUSIO 1. Deus ipse est objectum materiale primarium spei : media vero , quibus potest comparari , sunt illius objectum materiale secundarium .

Probat per primam conclusionis pars . Illud est objectum materiale primarium spei , quod primo & per se ab ea expectatur : atqui Deus ipse primo & per se a spe expectatur : id enim primo & per se a spe expectatur , quod est futura merces bonorum operum : sed id

non aliud est , quam Deus ipse , juxta illud Genes. 15. *Ego ero merces tua magna nimis .*

Probat per alteram conclusionis pars . Illud , ex observatis , est objectum secundarium alterius virtutis , ad quod virtus inclinatur & movetur in ordine ad finem primarium : atqui spes inclinatur & movetur ad appetitum mediorum in ordine ad suum finem primarium . Nam 1. spem inclinatur subiectum ad mediorum expectationem , evidens est ex eo , quod virtus quæ inclinatur ad finem , inclinatur pariter ad media , quæ ad illius acquisitionem necessaria sunt ; eadem enim est , volitio finis ac mediorum , hoc est eodem actu quo finis efficaciter appetitur , media etiam , implicite saltem , appetuntur . 2. Spem movere ad expectationem mediorum *in ordine ad beatitudinem æternam* , patet ex eo , quod non ob aliud movetur ad mediorum expectationem , quam quod media ad æternæ beatitudinis acquisitionem , quæ per spem expectatur , conferatur : ergo , &c.

A R T I C U L U S II.

De objecto formali tum Quod , tum Quo , Spei .

Not. CERTUM est apud omnes , bonitatem divinam esse objectum formale *quod* spei . Et quidem merito : Nam 1. bonitatem esse objectum illius formale *quod* , sic ostenditur : Virtutes , quorum voluntas est subiectum , seu , quæ recipiuntur in voluntate , bonum habent pro objecto formali *quod* ; bonum enim respiciunt in objecto materiali , circa quod versantur ; & in hoc differunt a virtutibus , quarum intellectus est subiectum ; nimirum virtutes intellectus respiciunt verum : atqui voluntas est subiectum spei ; posita est enim in expectatione , seu desiderio cum fiducia consequendi rem expectatam ; voluntas autem est subiectum expectationis ; scilicet ea potentia est subiectum actus immanentis , a qua ipse actus immanens elicitur , ut patet in oculo respectu actus visionis : ergo spes habet pro objecto formali *quod* bonitatem . 2. Bonitatem quam spes respicit , esse *Dei bonitatem* , patet ex eo , quod spes sit virtus theologica ; virtutes vero theologice Deum ipsum immediate respiciunt : ergo objectum formale *quod* spei est ipsa divina bonitas : & in hoc sicut differt a virtutibus Moralibus , ita convenit cum virtute caritatis , quæ ipsam quoque Dei bonitatem in Deo , quod est illius objectum materiale , perpendit .

Not. 2. Non conveniunt theologici , sub quâ ratione bonitas divina sit objectum formale *quod* spei . Nonnulli contendunt , bonitatem divinam esse illius objectum formale *quod* , tantum quatenus est bonum nostrum , sed tantum & præcise quatenus est objectum *quod*

quod potest non efficere beatos. Hac autem, ut id asserant, ratione ducuntur. Bonitas divina in se sumpta, hoc est, considerata sine ordine ad creaturam, est objectum formale *quod* spei; caritas enim (inquiunt) versatur circa Dei bonitatem, ut in se est: ergo sic accepta, non potest esse objectum formale *quod* spei; siquidem (addunt) objecta virtutum, quæ specie differunt, debent habere objecta formalia specie diversa, cum virtutes suam speciem sumant ab objectis formalibus. Aliis contra theologis placet, bonitatem divinam etiam in se sumptam, hoc est, abstrahendo quod sit objectiva creaturæ rationalis beatitudo, esse objectum formale spei, sed prout absens & possidenda consideratur; & in hoc spem a caritate differre volunt, quo caritas abstrahat a presentia aut absentia divinæ bonitatis, ab illius fruitione, aut illius absentia; e contra spes essentialiter supponat illius absentiam, & bonitatem, præcise quatenus possidendam, respiciat; virtutes enim (inquiunt) non differunt specie tantum ex objecto quod respiciunt, sed etiam ex diverso modo, quo circa objectum versantur.

CONCL. 1. Objectum formale *quod* spei est bonitas divina, sive in se ipsa consideretur, sive prout est creaturæ rationalis beatitudo, modo tanquam absens & possidenda consideretur.

Probatur prima pars, seu Dei bonitatem in se sumptam, esse objectum formale *quod* spei. Illud est objectum formale *quod* spei, quod in cælis possidendum, hic in terris cum fiducia expectamus; spes enim earum est rerum, quas futuras expectamus cum fiducia: atqui hic in terris expectamus cum fiducia Dei bonitatem in se sumptam, in cælis possidendam; ad eam enim expectationem caritas hic in terris nos movet, ad illius desiderium nos impellit: cum enim caritas hic in terris Dei bonitatem in se sumptam, actu possidere, seu ea actu frui non possit, ad illius possessionis, ad illius fruitionis desiderium nos impellit; Scilicet ea est amoris natura, ut amantem cum objecto copulet, si non actu, saltem per desiderium, & expectationem, juxta illud Augustini in libro 8. de Trinitate, c. 18. *Quid est dilectio, vel Caritas, quam tantopere Scriptura divina laudat, & prædicat, nisi amor boni? Amor autem alicujus amantis est, & amore aliquid amatur. Ecce tria sunt; Amans, & quod Amatur, & Amor. Quid est ergo amor, nisi quadam vi? hoc est, vitalis quidam motus; duo aliqua copulans, vel copulare appetens, amantem scilicet, & quod amatur? Et hoc etiam in externis, carnalibusque amoribus ita est. Seu (ut idem Augustinus ait lib. 14. de Trinitate, cap. 6.) *Dilectio nihil est aliud, quam voluntas fruendum aliquod appetens, vel tenens.* Sic*

iterum idem S. Doctor loquitur in libro 4. de Genesi ad litteram, c. 9. *Diffunditur Caritas, ut illuc feramur appetitu desiderii, quo cum pervenerimus, requiescamus, id est, nihil amplius requiramus.*

Probatur altera conclusionis pars, seu Dei bonitatem, ut est bonum conveniens nobis, hoc est, prout est objectiva nostra beatitudo, esse objectum formale *quod* spei. 1. Dei bonitas, prout est bonum nobis conveniens, hic est, prout est objectiva nostra beatitudo, nihil aliud est, quam Deus ipse, prout perfectiones habet quæ per sui possessionem possunt explere omnem creaturæ rationalis appetitum, tum ad verum cognoscendum, tum ad bonum amandum, tum ad perfecte quiescendum: atqui Dei bonitas sic accepta est spei objectum formale *quod*; siquidem Dei bonitas sic accepta, nihil aliud est, quam infinita veritas, & infinita bonitas; atqui & infinita veritas, & infinita bonitas, sunt objectum *quod* spei; utriusque nimirum possessionem spes expectat cum fiducia. Unde in hac eremo non aliud sitire debemus, quam infinitæ veritatis & infinitæ bonitatis possessionem; non de alio quam de illarum absentia mesti esse, nec de alio quam de illarum fiduciali expectatione gaudere nos oportet, ut revera nec de alio gaudent, aut mesti sunt, qui hic in terrestri Jerusalem constituti, ad cælestem tamen Jerusalem per caritatem pertinent; *Cives sanctæ Civitatis Dei* (inquit Augustinus, lib. 14. de Civit. Dei, c. 9.) *in hujus vitæ peregrinatione secundum Deum viventes, metuunt, cupiuntque, dolent, gaudentque. Et quin rectus est amor eorum nullis rebus creatis fruens, sed cupiens Deo solo frui. istas omnes affectiones rectas habent.* Infinitam illam Veritatem, infinitam illam Bonitatem, prout sunt beatitudo nostra, seu objectum nobis conveniens, quod nempe satiare potest appetitum divinitus nobis inditum, indefinenter desiderare, & gratia Christi adjuti cum fiducia expectare debemus, juxta illud Augustini Serm. 16. de verbis Apostoli c. 7. *Opera faciat in caritate, non expectans retributionem temporalem, sed promissam Dei, faciem Dei; nec non hoc aliud ejusdem S. Doctoris in Ps. 134. *Sic amate debet, ut ipsum pro mercede desiderare non desinas, qui solus te satiet, sicut Philippus desiderabat, cum diceret, Ostende nobis Patrem, & sufficit nobis.**

Objicies. In eo positum non est specificum objectum spei, quod Deum ad hominem refert; rectus nimirum ordo invertitur, cum Deus propter creaturam amatur, non autem creatura propter Deum; tunc enim homo utitur Deo, & fruitor creatura; Atqui desiderare, expectare Deum, prout est objectiva creaturæ rationalis beatitudo, est Deum ad creaturam referre; Siquidem diligere Deum propter bonum quod ex illius possessione ob-

venit creaturæ, est Deum ad creaturam referre: sicut qui diligit aurum propter bonum quod sibi obvenit ex auri possessione, aurum refert ad seipsum; ergo desiderare, expectare Deum, prout est objectiva creaturæ rationalis beatitudo, est Deum ad creaturam referre.

Resp. ad 1. conc. maj. neg. min. Ad 2. dist. maj. Diligere Deum propter bonum quod ex illius possessione obvenit creaturæ, est Deum ad creaturam referre, si illud bonum sit aliquid a Dei cognitione & amore distinctum, conc. maj. si illud bonum non sit aliquid a Dei cognitione & amore distinctum, neg. maj. Bonum quod creaturæ rationali obvenit ex Dei possessione, non aliud est, quam perfecta Dei cognitio, quam perfectus illius amor; unde cum beati esse volumus, non aliud volumus, quam Deum cognoscere, non quidem in ænigmate, sed facie ad faciem; non aliud volumus, quam Deum diligere, non quidem eo amore cujus vis per passiones impeditur, sed eo amore cujus vis nullo terrenæ habitationis impedimento coercetur; *Bonum enim nostrum* (ait Augustinus in lib. 14. de Civit. Dei, cap. 4.) *nullum est aliud, quam illi (per perfectam cognitionem perfectum amorem) inhaerere. Itaque ut homo se diligere nosset, constituitur est ei finis, quo referret omnia, ut beatus esset. Non enim qui se diligit, vult aliud esse, quam beatus: hic autem finis est adhaerere.* Vide quæ de subiecto spei dicentur inferius.

CONCL. 2. Objectum formale quo spei est promissio divina.

Probatur. Ex observatis, objectum formale quo virtutis alicujus, est ratio sub qua virtus attingit suum objectum formale quod: sic lux ideo est objectum formale quo visus, quia visus mediante luce colorem, objectum suum, attingit: atqui divina promissio est ratio, sub qua spes attingit objectum suum formale quod, divinam nimirum bonitatem tanquam absentem, aut tanquam objectivam hominis beatitudinem, scilicet ideo divinæ bonitatis possessionem spes expectat cum fiducia, quod Deus eam in justitia ad finem usque perseveraturis promiserit: ergo objectum formale quo spei est promissio divina.

Objicies. Dei omnipotentia est objectum formale quo spei: ergo non est promissio divina. Probatur ant. Illud est objectum formale quo spei, cui spes innititur; sed innititur omnipotentiae divinæ; ideo nimirum est certa, quod Deus sit omnipotens, & opere compleat quæ pollicitus est; ergo, &c.

Resp. ad 1. neg. ant. ad 2. dist. maj. Illud est objectum formale quo spei, cui fides proxime innititur, conc. maj. cui innititur remote tantum, neg. maj. Spes remote quidem innititur omnipotentiae divinæ, quia ut Deus stare possit magnificis sui promissionibus, de-

bet, ut ei exequatur, esse omnipotens; unde certitudo de omnipotentia promittentis se habet per modum conditionis, quæ spei præsupponitur, sed non se habet per modum objecti, proximi saltem & immediati; ac proinde non pertinet ad eiusdem spei objectum formale quo.

C A P U T III

De Subiecto Spei.

Not. **N**omine subiecti, hic intelligimus creaturas, in quibus spes reperitur; illæ autem creaturæ, vel jam in calis regnant, vel damnantur in inferis, vel torquentur in purgatorio, vel adhuc in terris militant; querendum est igitur, utrum spes in beatis, in damnatis, in animabus quæ torquentur in purgatorio, & in viatoribus qui adhuc in terris militant, reperiat.

A R T I G U L U S I.

Utrum Spes sit in iis, qui jam sunt in terminis.

CONCL. 1. Spes in Beatis non reperitur. Probatur prima pars. Spes in iis non reperitur, in quorum statu locum non habet objectum spei; atqui spei objectum locum non habet in statu beatorum, siquidem objectum spei est bonum absens, & arduum, seu comparatu difficile: atqui bonum hujusmodi locum non habet in beatorum statu. Duplex enim tantum bonum absens potest fingi locum habere in beatorum statu, Dei nimirum possessio, & futura corporum resurrectio; Sed Dei possessio non est absens beatorum respectu; nec corporum resurrectio est in iis bonum comparatu difficile. Nam 1. beati jam Deo fruuntur; ergo illorum respectu, Dei possessio non est bonum absens. 2. Corporum resurrectio, licet habita ratione creaturæ virium, sit bonum arduum, immo & impossibile; non est tamen impossibile, immo nec arduum habita ratione omnipotentiae divinæ, de qua beati omnem prorsus certitudinem habent.

Objicies. Primæ Petri 1. dicitur: *In quem (Deum) desiderant Angeli prospicere.* Unde sic arguitur. Ibi spes habet locum, ubi reperitur desiderium; sed in beatis, Angelis nimirum, desiderium Dei locum habet; ergo & spes etiam respectu Dei, qui est primum spei objectum.

Resp. dist. maj. In quibus reperitur desiderium proprie sumptum, transeat major; in quibus reperitur desiderium tantum improprie sumptum, neg. maj. Desiderium in textu qui nobis objectus est, sumitur pro exclamatione facti-

fastidium: unde is est sensus sententiae Petri: Licet Angeli indefinenter Deum videant, nullo tamen fastidio afficiuntur, cum e contra illi qui creaturarum amore tenentur, iis diu sine fastidio; propter earum nimirum inanitatem, frui non possint.

Objicies 2. Habitus virtutum moralium, temperantiae v.g. patientiae, remanent in caelis: ergo in caelis quoque remanet habitus spei; non enim potior est ratio de habitibus aliarum virtutum, quam de habitu spei.

Resp. conc. ant. neg. conseq. Ratio disparitatis est, quia virtutes morales cum Beatorum statu maxime componuntur; postea sunt nimirum in appetitu qui circa virtutum illarum objecta rectus sit ac ordinatus: e contra spes cum illo statu componi non potest; quippe status ille (ut jam dictum est) dicit objecti beatificantis possessionem; spes vero essentialiter illius absentiam supponit: nam (ut ait Apostolus ad Rom. 8.) *Spes, quae videtur, non est spes*, hoc est, objectum quod possidetur, sperari non potest.

CONCL. 2. Spes non est in damnatis.

Probatur. In iis non est spes, qui non apprehendunt objectum spei tanquam comparatu possibile; neque enim voluntas cum fiducia desiderat ac expectat rem, cujus ascensionem intellectus impossibilem iudicat: atqui damnati non apprehendunt objectum spei, Deum nimirum, tanquam comparatu possibile; tum ratione irrevocabilis decreti, quo flammis aeternis addicti sunt: tum ratione futurae perpetuae privationis auxiliorum, quae necessaria sunt, ut apti fieri possint ad Dei possessionem.

ARTICULUS II.

Utrum Spes sit in iis, qui sunt in via.

Not. Inter homines qui baptismo consecrati fuere, sunt 1. haeretici; 2. impii Catholici; 3. iusti tum perfecti, tum imperfecti; querendum est igitur, utrum in haeticis, impiis catholicis, & iustis, tum perfectis, tum imperfectis, spei virtus reperiatur.

CONCL. 1. Virtus spei locum non habet in haeticis.

Probatur. In eis non est spei virtus, in quibus non reperitur id quo spei virtus nititur; atqui in haeticis revera non reperitur; Scilicet id quo spei virtus nititur, sunt vera merita, aut jam praesentia, aut aliquando futura; sed in haeticis non sunt merita, aut jam praesentia, aut aliquando futura, saltem quamdiu habebunt affectum ad suam haesim; siquidem gratia sanctificans, quae est principium meritorum, cum affectu ad haesim stare non potest in eodem subiecto; nempe affectus ad haesim est lethale infidelitatis peccatum, quod (ut patet) cum gratia sanctificante componi minime potest.

Objicies. In haeticis potest esse vera fides circa aliquos articulos: licet aliis discredant; scilicet ad veram fidem haec tria tantum requiruntur. 1. evidentia motiva credibilitatis; 2. adhesio articulo revelato; 3. gratia actualis quae voluntatem excitet ad impetrandum intellectui, ut eam adhesionem praebeat: ea vero tria possunt in haeticis reperiri; nam 1. motiva credibilitatis, quibus inducimur ad credendam Christi & Apostolorum missionem divinam, non minus eis sunt evidentia, quam Catholicis. 2. Adesse illis potest auxilium gratiae quo voluntas excitetur ad approbandum articulum de divina Christi & Apostolorum missione. 3. Tandem voluntas, per actualem Dei gratiam approbans articulum revelatum, potest intellectui praecipere, ut ei firmiter adhaereat. Atqui si fides circa articulum aliquem possit in haeticis reperiri, potest & in eis spes locum habere; non enim potior est ratio de fide, quam de spe: ergo spes potest in haeticis reperiri.

Resp. 1. neg. ant. Licet enim aliqui de schola theologi concedant, fidem circa aliquos articulos in haeticis reperiri, qui discredant aliis articulis; S. Thomas tamen, cui subscribit praecipua reliquorum theologorum pars, docet, haeticos, non propter divinam revelationem, sed ex mera sui phantasia adhaerere articulis quibusdam quos catholici credunt: si enim propter auctoritatem Dei revelantis aliquibus articulis adhaerent, & aliis omnibus adhaerent; quae enim motiva credibilitatis suadent, unum articulum esse revelatum, suadent pariter revelatos esse ceteros, quos Ecclesia credendos proponit: nempe continentur omnes in articulo de Ecclesiae infallibilitate, quem revelatum esse, evidentissima motiva suadent.

Resp. 2. dato antecedente, neg. conseq. Ratio est, quia in suppositione, de qua agitur, fides de Christi missione v. g. nihil diceret, quod componi non posset cum infidelitate respectu aliorum articulorum; ideo enim alii articuli non crederentur, quod motiva quae suadent, illos articulos esse revelatos, illis evidentia non essent, cum e contra illis evidentia forent, quibus Christi & Apostolorum divinae missionis revelatio suaderetur. At spes includit aliquid quod cum affectu ad haesim componi non potest, gratiam scilicet sanctificantem, aut praesentem, aut futuram, quae (ut patet) impossibilis est cum affectu ad haesim.

CONCL. 2. Spei virtus reperitur in impio fidei, hoc est, in homine catholico qui jacet in statu peccati mortalis.

Probatur 1. Actus spei impium ad justificationem disponit; *Disponuntur autem* (inquit Concil. Triad. sess. 6. c. 6.) *ad justitiam dum ex citati divina gratia & adjuti, fidem ex auditu concipientes, illuc moventur in Deum... & dum pecca-*

Peccatores se esse intelligentes, a divina iustitia timore, quo utiliter concutiuntur, ad considerandam Dei misericordiam se convertendo, in spem eriguntur, fidentes, Deum propter Christum propitium fore. 2. Impius non orat, nec aliquid aliud bonum opus operatur, nisi ex spe consequendi peccatorum suorum remissionem, perseverantiam in finem usque, & tandem in futuro saeculo Dei possessionem: ergo virtus spei reperitur in impio fidei, seu in homine catholico, qui jacet in statu peccati mortalis.

Obijcies. Impii quibuslibet meritis destituti sunt: ergo aeternae beatitudinis expectatio in eis potius praesumptio, quam spes dici debet.

Resp. conc. ant. neg. conseq. Ratio est, quia spes non nititur solum meritis praesentibus, sed etiam iis, quae ex Dei misericordia expectantur.

CONCL. 3. Virtus & actus spei reperiuntur in omnibus iustis viatoribus, quantumcumque perfecta caritate praediti supponantur.

Probatur. Spes est efficax desiderium, & expectatio cum fiducia, possidendi post hanc vitam infinitam veritatem, infinitam bonitatem, sive ut in se sunt, sive prout sunt beatitudo nostra, retributio meritorum, bonorum operum merces: Atqui in iustis viatoribus, quantumcumque perfecta caritate praediti supponantur, reperiuntur efficax desiderium, & expectatio cum fiducia, possidendi post hanc vitam, infinitam veritatem, infinitam bonitatem, sive considerentur ut in se sunt, sive considerentur tanquam beatitudo nostra, retributio meritorum, bonorum operum merces: Ergo spes, tum quoad actum, tum quoad habitum, reperitur in omnibus iustis viatoribus, quantumcumque perfecta caritate praediti supponantur. Minor argumenti propositio sic per partes ostenditur.

1. Quo perfectior est caritas, eo efficacius & intensius movet ad desiderium, & ad expectationem objecti quod per eam amatur: ea enim est amoris natura, ut amantem cum amato uniat, si non reipsa, saltem efficaci desiderio, & sincera expectatione: Quid est ergo amor (ait Augustinus in lib. 8. de Civitate Dei cap. 10.) nisi quaedam vita, duo aliqua copulans, vel copulare appetens, amantem scilicet & quod amatur? Id etiam evidenter patet ex ipsa caritatis definitione; sic enim definitur ab Augustino in lib. de Doctrina Christiana, cap. 10. *Caritas est motus animi ad fruendum Deo propter ipsum, & se & proximo propter Deum*: Essentiale igitur caritati, ut ad desiderandam Dei possessionem excitet & moveat subjectum in quo reperitur: ac proinde quo perfectior est caritas, eo efficaciora sunt & in-

tensiora in amante desiderium & expectatio sincera possidendi Deum ut in se est, hoc est, prout est infinita veritas & infinita bonitas: atqui (ut dictum est superius) spes in illo desiderio, in illa expectatione posita est: ergo spes considerata, sive quoad actum, sive quoad habitum, reperitur in iustis viatoribus, quantumcumque perfecta caritate praediti sint.

II. Spes, est desiderium, est fiducialis expectatio possidendi Deum tanquam beatitudinem nostram, tanquam meritorum, quae ex auxilio gratiae habuerimus, retributionem, tanquam bonorum operum mercedem: atqui desiderium illud, expectatio illa, tum quoad actum, tum quoad habitum, reperiuntur in iustis viatoribus, quantumcumque perfecta caritate praediti sint.

Enim vero, desiderium illud, illa fiducialis expectatio, in iis locum habent, quibus vita aeterna, quae in Dei possessione consistit, proponenda est tanquam beatitudo, tanquam meritorum retributio, tanquam merces bonorum operum: atqui iustis omnibus, quantumcumque perfecta caritate praediti sint, vita aeterna sic est proponenda: Scilicet Concilium Tridentinum docet, vitam aeternam sub iis respectibus esse iustis omnibus proponendam, ut iis respectibus tanquam motivis ad constantem praepceptorum observationem excitentur: *Hac igitur ratione* (ait sacra Synodus sess. 6. cap. 16.) *iustificatis hominibus, sive acceptam gratiam perpetuo conservaverint, sive amissam recuperaverint* (termini isti, *iustificatis hominibus*, sunt indefiniti; ac proinde terminis universalibus, *Omnibus iustificatis hominibus*, equivalent) *proponenda sunt Apostoli verba: Abundate in omni opere bono, scientes, quod labor vester non est inanis in Domino: non enim iniustus est Deus, ut obliviscatur operis vestri, & dilectionis quam ostendistis in nomine ipsius. Et nolite amittere confidentiam, quae magnam habet remunerationem. Atque ideo bene operantibus usque in finem, & in Deo sperantibus proponenda est vita aeterna, & tanquam gratia filii Dei per Christum Jesum misericorditer promissa, & tanquam merces ex ipsius Dei promissione bonis ipsorum operibus, & meritis fideliter reddenda: hac est enim illa corona iustitiae, quam post suum certamen & cursum repositam sibi esse agebat Apostolus a iusto iudice sibi reddendam, non solum autem sibi, sed & omnibus qui diligunt adventum ejus.*

Praeterea, sic iterum possumus argumentari. Moyses, David, Paulus, Martyres, debent haud dubie numerari inter iustos perfectos: atqui in Moyse, Davide, Paulo, Martyribus, locum habuerunt actus spei: hoc est, expectarunt cum fiducia Dei possessionem sub ratione beatitudinis, retributionis, mercedis. De Moyse nimirum haec habet Paulus in Epist. ad Hebr. c. xi. *Majorem divitiarum*

et simant thesauro Aegyptiorum, improprium Christi; aspiciat enim in remunerationem. Propheta Rex hac habet de semetipso, Ps. 118. Inclinaui cor meum ad faciendas justificationes tuas propter retributionem. Paulus quamquam confidenter expectaret æternam vitam sub ratione mercedis, demonstrat ipse 1. ad Timoth. 4. ubi profitetur, se eam expectare tanquam iustitiæ coronam operibus ex auxilio gratiæ factis debitam: In reliquo reposita est mihi corona iustitiæ, quam reddet mihi Dominus in illa die iustus iudex. Martyres extremis addicti suppliciis, nihil magis præ oculis habuerunt, quam illud Apostoli: Non sunt condigne passionibus huius temporis ad futuram gloriam que revelabitur in nobis. Ignatius Martyr feras, quibus damnatus fuerat, provocaturus, dicens: Quid mihi profit, intelligo, aperte demonstravit, excitasse seipsum ad perferendam pro Christo mortem intuitu utilitatis sacræ, quam ex morte percepturus erat, hoc est, intuitu æternæ beatitudinis, ex futura in calis possessione Christi, cuius dixerat se frumentum esse: Ergo actus spei, etiam prout dicit fiducialem expectationem possessionis Dei, ut est beatitudo nostra, meritum retributio, bonorum operum merces, reperitur in iustis, quantumcumque perfecta caritate sint præditi. Tandem illi actus locum habent in iustis etiam perfectis, quos in iis caritas imperat: atqui caritas quæ in iustis perfectis reperitur, imperat, ut aliquando eliciantur actus spei, etiam prout spes dicit intuitum & expectationem æternæ vitæ sub ratione beatitudinis, retributionis, mercedis: Eos nimirum actus imperat caritas, quæ in iustis perfectis reperitur, qui aut necessarii sunt, aut utiles ad ipsiusmet caritatis conservationem, incrementum, perfectionem: Sed actus spei, prout spes dicit intuitum æternæ vitæ sub ratione beatitudinis, retributionis, mercedis, sunt aut necessarii, aut utiles ad conservationem, incrementum, perfectionem caritatis: consequuntur nimirum actus illi, ut iusti etiam perfecti suam ipsorum socordiam excitent, & sese ad currendum in stadio cohortentur: Unde constat (ait Concilium Trid. sess. 6. cap. 11.) eos orthodoxæ religionis doctrinæ adversari, qui dicunt, iustum in omni bono opere saltem venialiter peccare, aut, quod intolerabilius est, penas æternas mereri: atque etiam eos qui statuunt in omnibus operibus iustos peccare, si in illis suam ipsorum socordiam excitando, & sese ad currendum in stadio exhortando, cum hoc, ut in primis glorificetur Deus, mercedem quoque intuentur æternam, cum scriptum sit: Inclinaui cor meum ad faciendas justificationes tuas propter retributionem, & de Moyse ait Apostolus, quod respiciebat in remunerationem.

Iis, quæ hucusque dicta sunt, robur ma-

ximum additur ex Constitutione, Romæ die 12 Martii anno 1699. in forma Brevis ab Innocentio XII. data. Ea Constitutione damnantur plures propositiones, quæ a iustis quibusdam, perfectis nimirum, excludebant omnes actus, tum timoris, tum spei, tum proprii interesse; quibusque asserbatur, actus illos esse plane impossibiles cum perfectorum illorum statu. Datur (sunt verba, ex quibus constat prima ex damnatis tribus supra viginti propositionibus) habitualis status amoris Dei, qui est Caritas pura, & sine ulla admixtione motivi proprii interesse. Neque timor punarum, neque desiderium remunerationum habent amplius in eo partem. Non amatur amplius Deus propter meritum, neque propter perfectionem, neque propter felicitatem in eo amando inveniendam. Eodem spectant plures aliæ ejusdem Constitutionis propositiones, quas legere est inferius ad calcem Tractatus nostri de Oratione, ubi nonnulla de Quietistarum historia dicemus.

Objicies 1. Ille actus non elicitur a iustis perfectis, qui illorum statui repugnat: atqui actus, quo expectatur beatitudo ut est beatitudo, merces ut merces est, retributio prout est retributio, repugnat statui iustorum perfectorum: ille enim actus repugnat actui iustorum perfectorum, qui repugnat puritati caritatis; siquidem puritas caritatis, est ipsa status iustorum perfectorum forma: Sed actus, de quo agitur, repugnat puritati caritatis; Scilicet puritas caritatis posita est in immunitate a mixtione proprii creaturæ interesse: atqui illi immunitati repugnat actus de quo est questio; nempe in actu quo expectatur beatitudo prout est beatitudo; merces prout merces est; retributio prout est retributio; reperitur proprium interesse creaturæ: illius nimirum utilitas, commodum illius, interesse proprium: ergo actus, de quo agitur, repugnat caritatis puritati, ac proinde iustorum perfectorum statui.

Resp. ad 1. conc. maj. neg. min. Ad 2. neg. pariter min. Ad 3. dist. maj. Puritas caritatis posita est in immunitate a mixtione proprii creaturæ interesse, quod ad Dei gloriam ultimo non referatur, conc. maj. quod ad Dei gloriam ultimo referatur, neg. maj.

Interesse proprium, quod ad Dei gloriam ultimo non refertur, est contra ordinem caritatis: exigit nimirum ordo caritatis, ut creatura seipsa non fruatur; ac proinde ut sibi amore non inhaereat, sed ut fruatur solo Deo; & consequenter ut in ejus gloriam, & suum interesse, & suum commodum ultimo referat.

Et contra interesse proprium, quod ad Dei gloriam ultimo refertur, conforme est legi & ordini Caritatis. Nam 1. Caritas jubet, ut proprium interesse, proprium utili-

lita-

litatem velimus; id nimirum ut velimus, caritas jubet, quod ex eadem caritatis lege velle debemus proximo: atqui ex lege caritatis proximo debemus velle, ut ei bene sit, velle debemus proprium illius commodum, proprium illius interesse: ergo etiam ex eadem caritatis lege velle debemus, ut nobis bene sit, velle debemus proprium nostrum commodum, proprium nostrum interesse. 2. Caritatis ordo postulat, ut nos & proximum prout Deum ultimo diligamus: definitur enim ab Augustino *Motus animi ad fruendum Deum propter ipsum* (hoc est, ad illi ultimo inhaerendum; nempe frui, ex eodem Augustino, est alicui rei amore inhaerere) & se & proximo propter Deum. Igitur iusti qui perfectorum statum adepti sunt, cum cupiunt, ut sibi bene sit, cum volunt interesse proprium, nihil agunt, quod caritatis legi repugnet: neque enim caritas quantumcumque perfecta sit, excludit aut sui aut proximi amorem. Cum iidem iusti suum bene esse, suum interesse proprium, ultimo ad Deum referunt, servant debitum ordinem caritatis: tuncque totam (ut ait Augustinus in lib. 3. de doctrina christiana, cap. 22.) dilectionem sui, & illius (proximi) referunt in illam dilectionem Dei, qua nullum a se rivulum duci extra patitur, cujus derivatione minuitur.

Jam vero si quis quærat, in quo posita sit Dei gloria, ad quam iusti perfecti suum bene esse, suum commodum, suum proprium interesse, referunt; dicendum erit, positam esse in eo, quod Deus, animæ dirisimis concupiscentiæ stimulis quibus avocatur a Deo, ut creatura fruatur, corporis corruptione qua plurimum aggravatur, penitus liberatæ, solus sua cognitione & amoris infusione dominetur, ita ut anima velut fidum mancipium, Deo omnino & in omnibus subiecta sit, nihil nisi aut ipsum, aut in ordine ad ipsum velit: & uno verbo (ut cum Apostolo 1. ad Cor. 15. loquar) ut Deus illi sit omnia in omnibus.

Resp. 2. ad argumentum quod nobis obiectum est, dist. maj. hanc propositionem: Caritas caritatis posita est in immanitate a mixtione proprii creaturæ interesse, quod distinctum sit ab ipsa æternæ veritatis cognitione, ab ipso infinitæ bonitatis amore, transeat major propositio: quod sit ipsa æternæ veritatis cognitio, ipse infinitæ bonitatis amor, neg. maj. Proprium & ordinatum creaturæ rationalis interesse, non est aliquid a Dei cognitione, ab illius amore, distinctum; scilicet tunc bene est creaturæ rationali, tunc interesse habet suum, cum Deo perfecte per cognitionem & amorem subiecta est: tunc enim in eo est situ, in quo ut sit, lex æterna jubet; fert nimirum, ut sub Deo immediate constituta, & ab om-

ni prorsus inordinato creaturarum amore libera, Deo serviat, una Dei possessione penitus expleatur.

Obiicies 2. Actus mercenarius repugnat statui iustorum perfectorum: actus enim ille proprius est, aut servis, non filiis; aut saltem incipientibus, non perfectis: atqui actus quo desiderantur beatitudo, retributio, merces, est actus mercenarius; Deus enim per actum illum gratis non diligitur: ergo actus ille repugnat statui iustorum perfectorum.

Resp. conc. maj. dist. min. si illa beatitudo, retributio, merces non sint Deus ipse per cognitionem, & amorem perfecte possidendus, conc. min. si sint Deus ipse per cognitionem & amorem perfecte possidendus, neg. min. Beatitudo, retributio, merces, quæ a iustis expectantur, non sunt aliquid præter Deum, sed sunt Deus ipse, (ut jam sæpius observatum est) per intuitivam cognitionem, & per ardentissimum amorem possidendus.

Petita est illi responsio ex Augustino, qui enarratione in hæc Psalmi 72. verba: *Pars mea Deus in sæcula*, sic loquitur: *Factum est cor castum: gratis jam amatur Deus. Non ab illo petitur aliud premium. Qui aliud premium petit a Deo, & propterea servire vult Deo, carius facit quod vult accipere, quam ipsum a quo vult accipere. Quid ergo nullum premium Dei? Nullum præter ipsum. Premium Dei, ipse Deus est. Hoc amat, hoc diligit. Si aliud dilexeris, non eris castus amor. Recedis ab igne immortalis, frigesces, corrumpes.*

Vel saltem, si beatitudo ut est beatitudo, merces ut merces est, retributio ut est retributio, dicant aliquid aliud præter Deum, nostrum scilicet interesse aut commodum, Deus ultimo non diligitur propter illud commodum, propter illud interesse; sed e contra interesse, commodum ultimo propter Deum diliguntur: ideo enim qui sincero Dei amore tenentur, volunt esse beati, cupiunt remunerari, ut Deus magis in ipsis, per amorem defectibus vacuum, glorificetur: Cum hoc (inquit Concilium Tridentinum sess. x1. c. x1.) ut in primis glorificetur Deus, mercedem quoque intuentur æternam.

C A P U T IV.

De proprietatibus Spei.

Not. INTER Spei proprietates præcipuas numerantur Certitudo & Necessitas; de utraque hoc in capite paucis est agendum.

CONCLUSIO 1. Spes debet esse certa.

Probitur 1. ex capite sexto Epistolæ ad Hebræos, ubi spes firmæ animæ anchora dicitur: *Qui confugimus ad tenendam propositam spem, quam sicut anchoram habemus aximæ tu-*

tam

nam ac firmam. 2. ex Concil. Trid. sess. 6. c. 13: ubi jubemur, firmissimam spem in Dei auxilio collocare: Tametsi (inquit) in Dei auxilio firmissimam spem collocare, & reponere omnes debent.

Quæres, unde petatur spei certitudo.

Resp. eam remote sumi ex Dei omnipotentia, & illius in servandis promissis constanti fidelitate; proxime vero ex meritis per auxilium gratiæ aut comparatis; aut comparandis: Per merita nimirum quæ divina gratiæ adjuti comparamus, certam facimus (ut jubet Petrus) vocationem nostram, illorum operum intuitu Deus in cælis mercedem nobis reddit: *Scientes (ait Apostolus ad Hebræos c. 6.) quod labor vester non est inanis in Domino: non enim injustus est Deus, ut obliviscatur operis vestri, & dilectionis, quam ostendistis in nomine ipsius.*

CONCLUSIO 1. Actus spei ad justificationem necessarius est necessitate medii; & certis quibusdam temporibus necessitate præcepti necessarius est hominibus adultis.

Probatur prima conclusionis pars ex Concilio Tridentino, quod sess. 6. c. 6. inter actus adultorum justificationi simpliciter & necessario prærequisitos actum spei recenset: *Disponuntur autem (inquit) ad ipsam justitiam... dum peccatores se esse intelligentes, a divina justitia timore, quo utiliter concutiuntur, ad considerandam Dei misericordiam se convertendo, in spem eriguntur, fidentes: Deum sibi præpter Christum propitium fore.*

Probatur altera pars. In Scripturis non semel de virtute spei præceptum hominibus imponitur, Ps. 4. *Sperate in Domino.* Ps. 65. *Sperate in eo omnis congregatio populi: effundite coram illo corda vestra: Deus adjutor noster in æternum.* Prima Petri 1. *Sperate in eam que vobis offertur gratiam.* Sed præcepta (ut iam superius observatum est) non dantur de habitibus virtutum, sed tantum de illarum actibus: ergo actus spei certis temporibus necessarius est necessitate præcepti.

Quæres, quibus in specie temporibus obliget speciale Spei præceptum?

Resp. 1. præceptum Spei esse præceptum quod obligat per se, hoc est vi præcepti a Deo nobis de spe impositi: falsa nimirum & erronea est hac quorundam Casuistarum propositio, ab Alexandro Papa VII. & postea a Clero Gallicano in Comitibus Generalibus ann. 1700. præscripta: *Homo nullo unquam vite sue tempore tenetur elicere actum fidei, spei & caritatis ex vi præceptorum divinatorum ad eas virtutes pertinentium.* Nec mirum: alioquin enim frustra divinitus datum fuisset speciale de spe præceptum, si certis temporibus per se non obligaret.

Resp. 2. præceptum spei per se obligare 1. cum quis rationis usum adeptus est: cum enim tunc temporis (ut agentes de necessitate actus caritatis dicimus), homo teneatur

per actum caritatis suum finem ultimum in Deo constituere, tenetur quoque spem in eo collocare suam, & ab eo expectare media, quibus ad ejusmodi finis possessionem perducipossit.

Resp. 3. quemque in morali vite periculo constitutum teneri vi specialis de spe præcepti elicere actum spei. In eo nimirum articulo caritas adminiculis ex aliarum virtutum exercitio petit uti debet tanquam mediis, quibus augeatur & in finem usque perseveret. Præterea nostræ salutis hostis infensissimus in eo casu solet ob oculos ponere nobis gravitatem & multitudinem peccatorum, ut nos in desperationem inducat: par est igitur, ut actum spei eliciamus, quodæmonis insidiis obviam eamus. Patet indignus sum regno calorum (Verba sunt, quibus Bernardus cujusque in agone positi confidentiam in Deum excitari vult). Sed duplici jure obtinens illud Dominus meus hereditate Patris & meritis Passionis, altero ipse contentus, alterum mihi donavit, cujus beneficio illud mihi vindicare non erubescio. Gravia quidem sunt & innumera peccata mea: Sed apud Dominum misericordia, & copiosa apud eum remissio. Miserationes ejus super omnia opera ejus. Et misericordiarum ejus non est numerus.

Resp. 4. sæpius per annum præse obligare speciale præceptum spei: ita ut ad prudentium assimationem quisque fidelis multo non sit tempore, quin spei virtutis actus eliciat. Vide quæ dicentur inferius de temporibus quibus per se obligat speciale caritatis præceptum.

Resp. 5. spei præceptum per accidentis obligare 1. cum quis judicat indigere se adminiculo illo, ut suam in Deum caritatem conservet, foveat, ac nutriet: confert nimirum actus spei (ut jam observatum est) ad conservandam, nutriendam, fovendamque caritatem: unde Concilium Tridentinum justos, etiam perfectos, monet, ut, ad Moïsis & Davidis exemplum, suam fiduciam excitent, seseque ad currendum in stadio cohortentur æternam intuendo mercedem. Obligat 2. per accidentis, cum impium urget præceptum de comparanda justificatione; scilicet (ut jam fuit observatum) actus spei necessitate medii necessarius est, ut impius vel in ipsa actuali Sacramenti mortuorum receptione, vel in ejus voto justitiam consequi valeat. Obligat 3. per accidentis, cum urget gravis aliqua contra spem tentatio: neque enim suppetit aptius medium quod impediat, ne voluntas urgenti tentationi consensum præbeat, quam actum elicere virtutis, contra quam gravissime tentatur.

Hinc patet, quam tallo Quietista doceant, animam quæ in extremis probationibus provocatur ad credendum, se a Deo reprobatam esse, posse ac debere, ut amor fiat purior,

rior, illi persuasioni, & quidem actu reflexo, præbere consensum, omnemque æternæ beatitudinis spem abjicere, & abiectionem illam tanquam Deo gratum sacrificium offerre. Quietistarum de eo capite doctrinam clare exprimunt propositiones istæ, quas respectively tanquam temerarias, scandalosas, male sonantes, piarum aurium-offensivas, in praxi perniciosas, ac etiam erroneas cum aliis pluribus anno 1690. Innocentius Papa XII. damnavit: is autem est damnatarum propositionum tenor.

PROPOSITIO I.

Derelictio non est nisi abnegatio, seu sui ipsius renunciatio, quam Jesus Christus a nobis in Evangelio requirit, postquam externa omnia reliquerimus. Ista nostri ipsorum abnegatio non est nisi quoad interesse proprium.... Extrema probationes, in quibus hac abnegatio, seu sui ipsius derelictio exerceri debet, sunt tentationes, quibus Deus amulator vult purgare amorem, nullum ei ostendendo perfugium, neque ullam spem quoad suum interesse proprium, etiam æternum.

PROPOSITIO II.

Omnia sacrificia quæ fieri solent ab animabus quam maxime disinteressatis circa earum æternam beatitudinem, sunt conditionalia.... Sed hoc sacrificium non potest esse absolutum in statu ordinario. In uno extremarum probationum casu hoc sacrificium fit aliquo modo absolutum.

PROPOSITIO III.

In extremis probationibus potest anima invincibiliter persuasum esse persuasionem reflexam, & quæ non est intimus conscientia fundus, se juxta reprobatam esse a Deo.

PROPOSITIO IV.

Tunc anima divisa a semetipsa expirat cum Christo in cruce dicens: Deus, Deus meus, ut quid dereliquisti me? In hac involuntaria impressione desperationis conficit sacrificium absolutum sui interesse proprii quoad æternitatem.

PROPOSITIO V.

In hoc statu anima amittit omnem spem sui proprii interesse, sed nunquam amittit in parte superiori, id est, in suis actibus directis & intimis spem perfectam, quæ est desiderium desiderium disinteressatum promissionum.

PROPOSITIO VI.

Director tunc potest huic anima permittere, ut simpliciter acquiescat jactura sui proprii interesse, & juxta condemnationi quam sibi a Deo immissam credis.

Juenin. Inst. Theol. Tom. III.

Vide alias propositiones eodem spectantes, in ipsa Innocentii XII. Constitutione, quam in brevi Quietismi historia, ad calcem nostri de Oratione tractatus, de verbo ad verbum exscribemus.

Q U Æ S T I O III.

De Caritate.

Nos. **C**aritatis nomen in Scripturis accipitur 1. pro præcipuo objecto, in quod ferri debet creaturæ rationalis amor: Deus (inquit Joannes primæ Epist. capite quarto) *caritas est*. Accipitur 2. pro Dei in homines dilectione: *Caritate* (inquit Deus ipse, Jeremix 13.) *perpetua dilexi te*. Accipitur denique 3. pro amore, quo creatura rationalis Deum prosequitur: *Nunc autem* (ait Apostolus 1. ad Corinth. 13.) *manent, fides, spes, caritas, tria hæc: major autem horum est caritas*. De caritate eo ultimo sensu sumpta in hac quæstione dicturi, eandem servabimus methodum, ad quam duas præcedentes quæstiones de fide & de spe exegimus.

CAPUT PRIMUM.

De Essentia, & Divisione Caritatis.

CONCLUSIO 1. Caritatis essentia hac illius definitione continetur: *Caritas est virtus theologica, quæ Deus propter se diligitur, & creatura rationalis se ipsam ac proximum diligit propter Deum.*

Probatur. Caritas est 1. *Virtus* quia ad bonum inclinat. 2. *Est virtus theologica*, quia circa Deum immediate versatur. 3. *Est virtus quæ Deus propter se diligitur*: ultimo nimirum ad Deum terminatur. 4. *Est virtus quæ creatura rationalis se ipsam, & proximum propter Deum diligit*: scilicet tria sunt, quæ (ut dicetur inferius) a nobis diligi debent, Nos ipsi, Proximus, & Deus: sed cum eo discrimine, quod nostram in nos & proximum dilectionem in Deum tanquam ultimum finem referre debeamus. Quæ tradita est a nobis definitio, eadem est cum ista, quam Augustinus non semel in suis operibus tradidit: *Caritas est motus animi ad fruendum Deo propter ipsum, & se & proximo propter Deum.*

CONCL. v. Caritas multipliciter dividitur. Probatur enumeratione. Caritas dividitur in actualem, & habituales. Illa, est dilectio permanentiter inhaerens animæ, donec per mortale peccatum expellatur. Ista vero, est actus quo animus in Deum fertur. De actuali caritate intelligenda est, quæ mox ex Augustino tradita est caritatis definitio.

Caritas habitualis dividitur in infusam, & ad-

Z

qui-

quistam : illa , parvulis in baptismo sine ulla ex parte ipsorum dispositione , a Deo immediate infunditur ; adultis vero , si debitis cum dispositionibus ad baptismatis aut poenitentiae Sacramenta accesserint . Ista vero est , quae ex actibus caritatis frequenter elicitis nata est , sic ut ex iisdem repetitis actibus habitus alii nasci solent .

Caritas actualis dividitur in perfectam , & in imperfectam : Prior , est illa qua Deus super omnia , & quidem intensa , hoc est , cum magno fervore , diligitur . Contritio quam huiusmodi caritas imperat , id est , quae nascitur ex amore maxime ferventi , quae non aliquos tantum , sed plures habet intentionis gradus , a Concilio Tridentino vocatur contritio caritate perfecta : *Docet praeterea (inquit sacra Synodus sess. 14. c. 4.) nisi contritionem hanc aliquando caritate perfectam esse contingat , hominemque Deo reconciliare priusquam hoc Sacramentum actu suscipiatur , ipsam nihilominus reconciliationem , &c.*

Posterior , seu caritas imperfecta , est ea quae vel non est super omnia , vel si sit super omnia , est in gradu valde remissa , seu paucissimos habet gradus , non multum est fervens . Caritas quae quis adhuc implicatus consuetudine peccandi , & adhuc irretitus dominante affectu creaturae , vires petit , quibus a pravae consuetudinis , & dominantis ad peccatum affectus vinculis liberetur , nondum est super omnia ; unde validior robustiorque requiritur , ut illa salutis impedimenta solvantur . De ea caritate loquitur Augustinus in libro viii. Confessionum , cap. 5. ubi haec habet : *Voluntas autem nova (quae non aliud est , quam caritas , sicut voluntas vetus non aliud est , quam cupiditas) quae mihi esse coeperat , ut te gratis colerem , fruique te vellem , Deus sola certa jucunditas , nondum erat idonea ad superandam priorem roboratam . Ita duae voluntates meae : una vetus , alia nova ; illa carnalis , ista spiritalis , confligebant inter se , atque discordando dissipabant animam meam .*

De caritate vero quae cordi quidem dominatur , id est quae est quidem super omnia , sed parum est fervens ; quae est in gradu remissa ; quae non est intensiva (ut loquuntur) perfecta , loquitur idem Augustinus in libro de Gratia & libero arbitrio , c. 17. ubi haec habet : *Qui ergo vult facere Dei mandatum , & non potest jam quidem habere voluntatem bonam , sed adhuc parvam & invalidam ; poterit autem , cum magnam habuerit & robustam . Eam voluntatem bonam non aliud esse quam caritatem , ibidem ex premissis verbis docet Augustinus , loquens de Martyrum caritate : Quando enim (inquit) Martyres magna illa mandata fecerunt , magna praeque voluntate , hoc est , magna caritate*

fecerunt ; de qua caritate ipse Dominus ait : Majorem caritatem nemo habet , quam ut animam suam ponat quis pro amicis suis .

De eadem parum intensa & non multum robusta caritate intelliguntur , quae idem Augustinus de Petro ait : *Ipsam caritatem Apostolus Petrus nondum habuit , quando timore Dominum ter negavit . Timor enim (non filialis , de quo intelliguntur haec Psalmi verba : Beatus vir qui timet Dominum , in mandatis ejus volens nimis , sed servilis) non est in caritate , sicut ait Joannes Evangelista in Epistola sua ; sed perfecta caritas foras mittit timorem . Et tamen quamvis parva & imperfecta , non deerat , quando dicebat Domino : Animam meam pro te ponam : putabat enim se posse , quod se velle sentiebat .*

Quaeres , an aliquod sit discrimen inter Amorem , caritatem , & Dilectionem .

Respondet Augustinus lib. xiv. de Civitate Dei , cap. vii. inter Amorem , Caritatem , & Dilectionem , non aliud quam nominis esse discrimen : *Sed (inquit) Scripturas religionis nostrae , quarum auctoritatem ceteris quibusque litteris anteponimus , non aliud dicere amorem , aliud dilectionem , vel caritatem , insinuandum fuit . Responsum suum Augustinus probat ex Scripturis , quae actum quem vocarunt , Amorem , mox Dilectionem appellant . Et ipse Dominus (inquit) Petrum Apostolum interrogans , cum dixisset , Diligis me plus his ? ille respondit : Domine , tu scis quia amo te . Et iterum Dominus quaesivit , non utrum amaret , sed utrum diligeret eum Petrus : at ille respondit iterum , Domine , tu scis quia amo te . Tertia vero interrogatione & ipse Dominus non ait , Diligis me , sed Amas me ? ubi secutus ait Evangelista , Contristatus est Petrus quia dixit ei tertio , Amas me ? Cum Dominus non tertio , sed semel dixerit , Amas me ? his autem dixerit , Diligis me ? nihil aliud decebat , quam , Amas me ? Petrus autem non mutavit hujus unius rei verbum , sed etiam tertio , Domine , inquit , tu omnia scis , tu scis quia amo te .*

Addit Augustinus , utrumque illud verbum , Amor , Dilectio , & in bono & in malo dici saepius in Scripturis . Nam (inquit S. Doctor) & Amorem in bono dici jam ostendimus . Sed ne quis existimet amorem quidem & in bono & in malo , dilectionem autem non nisi in bono esse dicendam , illud attendat quod in Psalmo scriptum est : *Qui autem diligit iniquitatem , odit animam suam : Et illud Apostoli Joannis : Si quis dilexerit mundum , non est dilectio Patris in eo .*

Licet & in bono & malo Amor & dilectio dicantur , non in malo tamen , sed in bono tantum Caritas dicitur in Scripturis . Nec mirum : Caritas enim idem est priusquam cum amore boni , cum amore recti , cum

amore ordinis: *Quid est enim* (ait S. Augustinus lib. 2. ad Bonifacium, cap. 8.) *boni cupiditas, nisi Caritas?* Id est etiam cum bona voluntate. *Quasi vero* (ait idem S. Doctor in libro de gratia Christi, c. 2.) *aliud sit bona voluntas, quam Caritas, quam Scriptura nobis esse clamat ex Deo, & a Patre datam, ut filii ejus effemur.* Idem est quod cum iustitia: *Caritas inchoata* (ait idem Augustinus in libro de Natura & Gratia, c. 68.) *inchoata iustitia est: Caritas perfecta, perfecta iustitia: Caritas magna, magna iustitia est.* Tandem per solam caritatem, Dei mandata implentur, ut oportet: *Præcepta dilectionis, id est, caritatis* (ait Augustinus in libro de Gratia & libero arb. c. 13.) *tanta & talia sunt, ut quidquid se putaverit homo facere bene, si fiat sine caritate, quia nullo modo fit bene: quia videlicet (ut ait idem S. Doctor in libro de Spiritu & Litter. c. 14.) non est fructus honoris, qui de Caritatis radice non surgit.*

Resp. 2. alium verborum, de quibus agitur, *Amor, Dilectio, Caritas*, usum apud Scholasticos invaluisse: scilicet hoc inter ea verba discrimen statuunt, quod amor latius pateat, quam dilectio, & dilectio, quam caritas. Nam (inquiunt) Amor tam ad res terrenas, quam ad spirituales se se extendit; Dilectio vero, siue secundum habitum, siue secundum actum accepta, non alia objecta respicit, quam quæ spiritualia sunt, & legi conformia. Caritas dilectioni addit subiectum gratia sanctificante donatum, modo tamen sincera sit, & perfecta.

CAPUT II.

De Objecto Caritatis.

Not. 1. Dicendum est hic 1. de objecto materiali Caritatis, seu de rebus quæ a nobis amore caritatis amandæ sunt; 2. de illius objecto formali & specifico.

ARTICULUS I.

De Objecto materiali Caritatis.

CONCL. Deus, Nos ipsi, & Proximus, tria hæc, constituunt adequatum objectum materiale Caritatis.

Probatur. Ea quorum conclusio meminit, Deus, Nos ipsi, Proximus, diligendi debent, & præter ea nihil aliud est diligendum: ergo Deus, Nos ipsi, Proximus, tria hæc, constituunt adequatum objectum materiale

Caritatis. Probatur ant. ex Sancto Augustino, qui in libro 1. de Doctrina Christiana, c. 23. sic loquitur: *Cum ergo quatuor sint diligenda, unum quod supra nos est; alterum quod nos sumus; tertium quod iuxta nos est; quartum quod infra nos est, &c.* atqui obiectum quod est supra nos, est Deus solus; quod nos ipsi sumus, est anima nostra, quod est iuxta nos, est anima proximi; tandem quod est infra nos, est corpus nostrum, est & proximi corpus: ergo Deus, nos ipsi, & Proximus, tria hæc, & non alia, a nobis per Caritatem amanda sunt.

Obijcies 1. Ea tantum sunt obiectum Caritatis, de quibus amandis impositum est homini præceptum: atqui homini impositum non est præceptum de diligendo seipsum: sic enim habet lex Caritatis: *Diliges Dominum Deum tuum ex toto corde tuo.* Ex *Diliges proximum tuum tanquam teipsum.* In his duobus præceptis (ait Christus Matthæi 13.) *universa Lex pendet & Propheta*: ergo homo non est respectu sui ipsius obiectum Caritatis.

Resp. neg. maj. Rationem vero cur de anima nostra, & corpore nostro amandis nullum præceptum dari debuerit, hisce verbis tradit Augustinus in libro 1. de Doctr. Christi, c. 23. *De secundo & quarto, hoc est de anima nostra, & corpore nostro amandis, nulla præcepta danda erant. Quantumlibet enim homo excidat a veritate, remanet illi dilectio sui, & dilectio corporis sui. Eux enim animus ab incommutabili lumine omnium regatur inquit, ut & ipse sibi regnet & corpori suo: & ideo non potest, nisi & se, & corpus suum diligere.*

Resp. 2. dist. min. Homini non est impositum præceptum explicitum de seipso diligendo, conc. min. implicitum, neg. min. Nam 1. homo iussus est dilectionem proximo exhibendam exigere ad normam dilectionis, quam sibi metipsum debet: *Diliges proximum tuum sicut teipsum.* Augustini est illa responsio: sic enim lib. 1. de Doctrina Christiana, c. 26. loquitur: *Sed cum dilectum est, Diliges proximum tuum tanquam teipsum, simul & tui & abs te dilectio non prætermissa est.* 2. Per præceptum, *Diliges Dominum Deum tuum ex toto corde*, præfixus est homini modus, quo seipsum diligere debet, propter Deum nimirum, ad quem si seipsum, & omnia non reverterit; mandatum intrinsecit: *Modus ergo diligendi* (ait Augustinus l. 1. de Doctrina Christiana, c. 24.) *præcipiendus est homini, id est, quomodo se diligat, ut prodest sibi. Quin autem se diligat, & prodesse sibi velit, dubitare amentis est. Præcipiendus etiam quomodo corpus suum diligat, ut ei ordinate prudenterque consulat. Nam quod diligat etiam corpus suum, idque saluum habere atque integrum velit, æque manifestum est.*

Z 2

Obijcies

Objicies 2. Angeli sancti a nobis caritate diligendi sunt: nam (ut ait Augustinus in libr. de Doctrina Christiana cap. 24.) ea diligenda sunt, quae aut nobiscum societate quadam referuntur in Deum, sicuti est homo vel Angelus, aut ad nos relata, beneficio Dei per nos indigent, sicuti est corpus. Ergo praeter Deum, nos ipsos, & Proximum, est aliquid a nobis caritatis amore diligendum: neque enim Angelus nobis est proximi loco.

Resp. conc. ant. neg. conseq. Scilicet Angelus non minus proximus est noster, quam sit homo: siquidem proximi nomine non is tantum intelligendus est, cui per obsequium nostrum esse possimus adjumento, sed etiam ille qui potest nobis opem conferre suam: sic Samaritanus homini, quem latrones semivivum reliquerant in itinere, Lucae 10. proximus fuisse dicitur, quod in eum se se misericordem praeberit: Namque (ait Augustinus in libr. 1. de Doctrina Christiana, cap. 30.) ille cui duo ipsa praecepta protulerat, atque in eis pendere totam Legem, Prophetasque dixerat, cum interrogaret eum dicens, *Et proximus? hominem quemdam proposuit descendentem ab Jerusalem in Jericho, incidisse in latrones, & ab eis graviter vulneratum, saucium, & semivivum esse derelictum: cui proximum esse non decuit, nisi quia erga illum retrocandum, atque curandum misericors extitit. . . . ut videlicet eum esse proximum intelligamus, cui vel exhibendum est officium misericordiae, si indiget, vel exhibendum esset, si indigeret.* At quem Christianum fugit, homines innumeris beneficiis affici ab Angelis sanctis? Jam vero (ait ibidem Aug.) si vel cui praebendum est, vel a quo nobis praebendum est officium misericordiae, recte proximus dicitur, manifestum est hoc praecepto, quod jubemur diligere proximum, etiam sanctos Angelos contineri, a quibus tanta nobis misericordiae impenduntur officia, quanta multis divinarum Scripturarum locis animadvertere facile est.

Objicies 3. Corpus amari non debet: ergo male asseritur, id quod intra nos est, contineri intra objectum caritatis. Probatur ant. Id amari non debet, cujus vires, fame, siti, aliisque cruciatibus deprimere tenemur; atqui corporis vires fame, siti, aliisque cruciatibus tenemur deprimere: Quis Christi suus (ait Apostolus) carnem suam crucifixurum: ergo corpus nostrum non continetur intra objectum caritatis.

Resp. ad 1. neg. ant. Ad 2. dist. maj. Id amari non debet, cujus vires deprimere tenemur ex ipsius odio, conc. maj. non ex ipsius odio, neg. maj. Tenemur corpus nostrum castigare, & (ut ait Apostolus in servitutem redigere: sed id non fit ex illius odio, sed potius ex recto in illud amore; si enim hic in terris edomitum fuerit, men-

tem ad illicita non pertrahet, sicque in caelis bene erit ei cum anima: *Dictum est enim hoc, Caro concupiscit adversus spiritum, & spiritus adversus carnem: hac enim sibi invicem aversantur, propter indomitam carnalem consuetudinem, adversus quam spiritus concupiscit; non (inquit August. libr. 1. de doctrina Christiana cap. 34.) ut interimat corpus, sed ut concupiscentia ejus, id est, consuetudine mala edomita, faciat spiritum subjugatum, quod naturalis ordo desiderat. Quia enim hoc erit post resurrectionem, ut corpus omnimode cum quiete summa spiritui subditum immortaliter vigeat, hoc etiam in hac vita meditandum est, ut consuetudo carnalis mutetur in melius, nec inordinatis motibus resistat spiritus.*

ARTICULUS II.

De Objecto formali Caritatis.

Not. EX dictis superius, duplex est virtutis cujusque objectum formale, nimirum objectum formale quod, & objectum formale quo. Hic de utroque dicemus.

CONCLUSIO. Objectum formale Quod caritatis est bonitas divina. Formale vero Quod est ipsamet Dei bonitas, sive in se sumpta, sive ut conveniens nobis, quatenus tamen abstrahit ab illius possessione, aut privatione.

Probatur prima pars. Objectum formale quod habitus, est perfectio quam habitus ille attingit in objecto materiali: si (ut jam superius observatum est) color est objectum formale quod visus, quia visus in objectis materialibus colorem attingit: atqui divina bonitas est perfectio, quam Caritas attingit in Deo, est enim actus voluntatis; actus autem voluntatis non aliud quam bonum in objectis materialibus attingit; hoc est, non aliud in eis amat, quam quod aut a parte rei bonum est, aut saltem quod intellectus tanquam bonum apprehendit: ergo objectum formale quod caritatis est divina bonitas.

Quaeres, utrum DEI bonitas sit objectum formale Caritatis tantum prout in seipsa est, an etiam prout est bonum nobis conveniens.

Resp. Dei bonitatem, sive in seipsa consideretur, sive prout est nobis conveniens, hoc est, prout est objectiva creaturae rationalis beatitudo, meritorum nostrorum premium, merces bonorum operum, esse objectum formale quod caritatis. Ratio est, quia Dei bonitas, sive in seipsa consideretur, sive prout est bonum nobis conveniens, est summe amabilis: nempe prout est bonum nobis conveniens, non aliud est, quam ipsa essentia divina, in quantum potest explere inditum nobis desiderium cognoscendi infinitum verum, & amandi bonum infinitum.

ergo bonitas divina; sive in seipsa consideretur, sive prout est bonum nobis conveniens, est summe amabilis; ac proinde est objectum formale quod caritatis.

Probatur altera pars, seu Dei bonitatem, sive in se consideratam, sive prout est bonum nobis conveniens, esse objectum formale quod caritatis, sed prout illa Dei bonitas abstrahit ab illius possessione, aut privatione. Objectum formale quod aliter virtutis est modus quo virtus illa attingit suum objectum formale quod: sic lux est modus, seu ratio, sub qua visus attingit colorem; atque Caritas attingit Dei bonitatem, sive in se sumptam, sive ut est bonum nobis conveniens, præcise prout bonitas illa abstrahit, & a sui possessione, & a sui privatione; nempe caritas amat & Dei bonitatem qua nondum fruatur, & Dei bonitatem qua jam fruatur; ergo abstrahit a præsentia, aut absentia divinæ bonitatis.

Obijcies 1. Si caritas habeat pro objecto formali quod divinam bonitatem; etiam prout est bonum creaturæ rationali conveniens, nullum erit discrimen specificum inter spem & caritatem; utraque nimirum respiciet Dei bonitatem, prout est nobis conveniens; Sed absurdum est consequens: ergo, &c.

Resp. neg. maj. Ratio est, quia (ut jam observatum est iis locis, ubi egimus de objecto spei) discrimen specificum unius virtutis ab alia, non sumitur tantum ex objecto formali quod, sed etiam ex objecto formali quo, seu ex modo quo objectum attingitur: at objectum formale quod caritatis, seu modus quo circa objectum versatur, plane discrepat ab objecto formali quo spei, seu a modo quo spes circa suum objectum versatur; nempe caritas abstrahit a præsentia & absentia objecti, ab illius possessione & privatione: e contra spes essentialiter tendit in objectum quatenus est absens; unde definit statim atque objectum speratum possidetur. Id jam olim observavit Augustinus in libro de Doctrina Christiana, c. 38. ubi sic loquitur: *Sed fidei succedit spes, quam videbimus; & spei succedit beatitudo ipsa, ad quam perventuri sumus: Caritatis autem istis decedentibus augebitur potius. Si enim credendo diligimus quod nondum videmus, quanto magis cum videre caperimus? & si sperando diligimus quod nondum pervenimus, quanto magis cum pervenerimus?*

Præterea cum caritas amat absentem DEI bonitatem, illaque frui desiderat, per seipsam & immediate cum fiducia non expectat divinæ bonitatis fruitionem, sed tantum mediante spe, ad quam excitat & movet: unde hac etiam ratione caritas quæ desiderat unionem amantis cum amato, differt a spe: hæc enim, spes nimirum, non tantum desiderat unionem amantis cum objecto amato;

Juven. Instit. Theol. Tom. III.

sed etiam per se, & immediate divinis nixæ promissionibus, quæ per fidem creduntur, certa cum fiducia illam unionem expectat.

Obijcies 2. Si caritas habeat pro objecto formali quod divinam bonitatem, non tantum ut in se est, sed etiam ut est beatitudo nostra, præmium, merces, amor caritatis, non erit gratuitus, sed mercenarius; non erit amor amicitiae, seu benevolentiae, sed concupiscentiae; atque consequens est absurdum: ergo & antecedens.

Resp. neg. maj. Ratio est, quia amor necessarius mercedem extra Deum quærit, nimirum res temporales, quibus ut fruatur, utitur Deo, hoc est, Deum ultimo refert ad res temporales: at amor divinæ bonitatis, etiam prout est beatitudo nostra, præmium, merces, beatitudinem, præmium, mercedem extra Deum non quærit, sed in ipsomet Deo; neque enim (ut jam superius de subjecto spei differenter advertimus) aliud est beatitudo nostra, aliud præmium, aliud merces, quam intuitiva Dei cognitio, & perfectus illius amor; unde clara cognitio, uberior amor, sunt præmium obscuræ cognitionis, imperfectæ caritatis: *In arumis, in laboribus, in vulnibus, constituti (Sancti) laudaverunt Deum* (ait Augustinus in Psal. 134.) *Non eis displicuit nec torquentur*: Hoc est, GRATIS AMARE non quasi proposita acceptione mercedis quia IPSA MERCES TUA SUMMA, DEUS IPSE ERIT, QUEM GRATIS DILIGIS, ET SIC AMARE DEBES, UT IPSUM PRO MERCEDE DESIDERARE NON DESINAS, QUI SOLUS TE SATIET. Vide, quæ de spei objecto formali superius a nobis dicta sunt; plurimum enim conferunt ad intelligentiam eorum, quæ toto hocce articulo, de objecto formali Caritatis dicta sunt.

C A P U T III.

De Subjecto Caritatis.

CONCLUSIO. 1. Caritas infusa est in iustis omnibus, sive regnent in cælis, sive patiantur in purgatorio, sive in terris adhuc militent.

Probatur 1. Caritas infusa est (ut Tomo 3. dictum est) forma justificationis: ergo in iustis omnibus reperitur. 2. Caritas quæ reperitur in beatis, ipsis etiam Angelis, ejusdem est speciei ac ea, quam impii in sua justificatione recipiunt: atque ista est infusa: ergo & illa. Probatur min. ex Concilio Tridentino, cujus hæc sunt verba, sess. 6. cap. 7. *In ipsa justificatione cum remissione peccatorum hæc omnia simul infusa accipit homo per Jesum Christum, cui inseritur, fides, spes, & caritatem.*

Z 3

CON-

CONCL. 1. Subjectum immediatum Caritatis, sive actualis, sive habitualis, sive infusa, sive acquisita, sive perfecta, sive imperfecta, est voluntas creaturæ rationalis.

Probatur. Virtutis alicujus tum actus, tum habitus habent pro subjecto potentiam quæ elicit actus circa illius virtutis objectum: sic actus videndi recipitur in oculo tanquam in subjecto, quia actus videndi emanat a potentia, oculo nimirum, quæ producit actus circa objectum visus: atqui voluntas sola elicit actus circa objectum caritatis: objectum enim caritatis est bonum: at sola voluntas elicit actus circa bonum: ergo sola voluntas est subjectum immediatum caritatis, sive sit actualis, sive habitualis; sive sit infusa, sive sit acquisita; sive sit perfecta, sive imperfecta.

Objicies. Caritas immediate in animæ substantia recipitur: ergo subjectum illius immediatum non est voluntas. Probatur ant. In eo subjecto Caritas immediate recipitur, quod ab ea immediate sanctificatur: atqui anima immediate sanctificatur a caritate, ipsa enim est sanctificationis, ac justificationis forma: ergo subjectum immediatum Caritatis non est voluntas, sed ipsa animæ substantia.

Resp. dist. ant. Caritas in substantia animæ, prout est appetitiva boni, immediate recipitur, conc. ant. abstracto, an sit, vel non sit appetitiva boni, neg. ant. & consequ. Juxta plurimum Philosophorum sententiam, potentia animæ ab ipsa animæ substantia realiter non distinguuntur: ac proinde loquendo ad illorum Philosophorum mentem, cum dicitur, quod Caritas in voluntate recipiatur, non excluditur etiam tanquam immediatum subjectum ipsa animæ substantia, sed hoc unum asseritur, Caritatem recipi in animæ substantia, prout anima est appetitiva boni, non autem sub quocumque alio respectu consideretur.

C A P U T IV.

De Caritatis proprietatibus.

Not. **N**on hic omnes exponemus Caritatis proprietates, sed tres tantum, quæ principem inter eas locum tenent, Necessitatem nimirum, Ordinem, & ea quæ exigit ex parte nostri.

A R T I C U L U S I.

De Necessitate Caritatis.

Not. **E**pendiendum est hic 1. utrum præceptum Caritatis sit, præceptum speciale, hoc est, præceptum ab aliis omnibus distinctum; 2. utrum actus Caritatis sit

necessarius ad salutem; 3. tandem quibus temporibus obliget speciale Caritatis præceptum.

§. I. Utrum Caritatis præceptum sit speciale.

Not. Elapso proxime sæculo reperti sunt scriptores aliqui, qui ausi sunt asserere, præceptum Caritatis in Deum non esse præceptum speciale, & ab aliis distinctum: hincque concluderunt 1. hominem non teneri aliquando elicere actum amoris in Deum vi præcepti de Caritate, docueruntque, satis esse, ut creatura rationalis Deum non oderit. Concluderunt 2. hominem qui alia præcepta servaverit, etiam si Deum nusquam dilexerit actu, fecisse satis primo Decalogi mandato. Concluderunt 3. hominem posse salutem æternam consequi, quamvis nunquam aliquem amoris actum in Deum eliquerit. Nihil ea doctrina rationi & religioni capitalius opponitur: sed id est speciali conclusione demonstrandum.

CONCL. Præceptum de Caritate in Deum, est speciale præceptum, a ceteris ita distinctum, ut si quis ipsum omiserit, licet alia omnia servaverit, poenis æternis addiscendus sit.

Probatur 1. Matthæi 23. hoc mandatum, *Dilige Dominum Deum tuum ex toto corde tuo*, a Christo dicitur primum & maximum mandatum: *Hoc est* (inquit) *primum & maximum mandatum*. Asseritur præterea, Legem & Prophetas a duplici præcepto, de dilectione Dei, & de dilectione proximi, pendere: *In his* (ait) *duobus præceptis universa Lex pendet & Propheta*.

Ex iis Scripturæ textibus sic arguitur. Illud mandatum est speciale, & a ceteris distinctum, quod aliorum respectu est primum, maximum, & a quo alia omnia pendunt; neque enim aliquid potest respectu sui ipsius esse primum, aut a seipso pendere: Atqui mandatum de Caritate in Deum, ex Scriptura, est aliorum mandatorum respectu primum, maximum, & ab eo cetera pendunt: ergo est præceptum speciale, & ab aliis omnibus distinctum.

Probatur 2. auctoritate Sancti Augustini. Sanctus Doctor Epistola 29. quæ est ad Hieronymum hæc scribit: *Qui totam legem servaverit, si in uno offenderit, sit omnium reus, quia contra Caritatem facit, unde tota lex pendet*. Unde sic argumentum conficitur: Præceptum, quo omisso, homo sit reus aliorum, quorum tamen substantiam servaverit, est speciale, & ab aliis distinctum: atqui homo, omisso Caritatis in Deum præcepto, ex Augustino, reus est aliorum præceptorum, quamvis illorum substantiam servaverit: ergo, &c.

Idem Augustinus asserit, virtutem in esse positam, ut in hac vita diligamus, quod diligem.

ligendum est: *Quamquam* (ait epistola 52.) *& in hac vita virtus non est, nisi diligere quod diligendum est.* Id autem quod præcipue diligere debemus, est, ex eodem Augustino, Deus solus: *Quid autem* (ait ibidem) *eligmur quod præcipue diligamus, nisi quo nihil melius invenimus? Hoc Deus est, cui si diligendo aliquid vel proponimus, vel equamus, nos ipsos diligere nescimus.*

Ex eo vero textu sic arguitur. Præceptum quo jubemur objectum aliquod præcipue, hoc est, præ aliis objectis, diligere, est præceptum speciale & distinctum ab aliis quæ non imperant, ut aliquod objectum præcipue, hoc est, præ ceteris objectis, diligatur: atqui, ex Augustino, præceptum Caritatis jubet, ut Deum præcipue, hoc est, præ ceteris omnibus entibus, diligamus: ergo præceptum Caritatis in Deum est præceptum speciale, & ab alijs omnibus distinctum.

Item S. Doctor non semel docet, 1. Deum propter seipsum ultimo diligendum esse: 2. alia omnia objecta, nos ipsos nimirum & proximum, propter Deum diligenda esse: *Tunc est* (ait in lib. 1. de Doctrina Christiana, c. 22) *optimus homo, cum tota vita sua pergit in incommutabilem vitam, & tota affectu inhaeret illi. Si autem se propter se diligit, non se refert ad Deum, sed ad seipsum convertitur, non ad incommutabile quid convertitur: & propterea jam cum defectu aliquo se fruatur.*

Hinc, id est, ex eo quod homo seipsum propter Deum ultimo diligere debeat, Augustinus concludit, debere pariter ipsum diligere proximum suum propter Deum: *Si* (ait) *seipsum non propter te debes diligere, sed propter illum, ubi dilectionis tue rediissimus finis est, non succenseat alius homo, si etiam ipsum propter Deum diligis: hæc enim regula dilectionis civitatis constituta est: Diliges proximum tuum sicut teipsum.*

Ex iis Augustini sententiis sic arguitur. Præceptum, quod jubet, ut Deus ultimo propter seipsum diligatur; quod imperat, ut alia omnia objecta, nos ipsi nimirum & proximus, propter Deum diligantur, est præceptum speciale, & ab illis distinctum, quæ id non jubent, id non imperant: atqui præceptum Caritatis in Deum, ex Augustino, jubet, ut Deus ultimo propter seipsum diligatur; ut omnia alia objecta propter ipsum diligantur; id vero non imperant alia præcepta: ergo &c.

Probatur 3. auctoritate S. Bernardi. Melissius Doctor amoris Deo debiti dotes hisce verbis explicat Sermone 20. in Cantica: *Dilige, o Christiane, quemadmodum diligas Christum. Dilectio amare dulciter: nihil enim suavius est amoris iugo: amare prudenter; nulla nimirum*

est virtus sine prudentia: *amare fortiter: amor enim qui constans non est, amoris nomen non meretur: dulciter, ne illud vana rerum temporalium suavitatem: prudenter, ne decepti spiritu mendacii & erroris; fortiter, ne oppressi huius sæculi adversitatibus: zelum tuum inflammes caritas. informet scientia, firmet constantia. Sit fervidus, sit circumspiciens, sit invictus.*

Eas amoris divini dotes S. Doctor colligit ex primo Decalogi Mandato: *Et vide* (ait) *ne forte tria ista tibi & in Lege tradita fuerint, dicente Deo: Diliges Dominum Deum tuum ex toto corde tuo, & ex tota anima tua, & ex tota virtute tua.* In quo autem positus sit triplex ille amor, cordis, animæ, virtutis, sic idem Bernardus exponit: *Mibi videtur amor quidem cordis ad zelum pertinere affectionis; anima vero amor ad industriam, seu iudicium rationis; virtutis autem dilectio ad animi posse referri constantiam vel vigorem.* Ex iis infert, qua ratione impleri debeat primum Decalogi Mandatum: *Dilige ergo Dominum Deum tuum cum toto & pleno cordis affectu: Dilige tota rationis vigilantia & circumspicientia: Dilige & tota virtute, ut nec mori pro ejus amore pertimescas; quantum fortis est ut mors dilectio.*

Ex eo S. Doctoris textu sic argumentum conficitur. Illud præceptum est speciale, & a ceteris distinctum, quod in Lege (Deuteronomii 6.) traditum est seorsim ab alijs; ex quo amoris Deo debiti dotes colliguntur; ad ejus normam & præscriptum exigi debet modus, quo Deum diligere debemus: Atqui, ex S. Bernardo, præceptum caritatis in Deum seorsim ab alijs traditum est; ex eo amoris Deo debiti dotes colliguntur; ad ejus normam & præscriptum exigi debet modus, quo Deum diligere debemus: Ergo præceptum caritatis in Deum est præceptum speciale, & a ceteris omnibus distinctum.

Probatur 4. auctoritate S. Thomæ. Doctor Angelicus 2. 2. quæst. 44. articul. 5. exponens verba Legis: *Diliges Dominum Deum tuum ex toto corde, ex tota anima, ex tota virtute tua*, sic loquitur: *Præcipitur nobis, ut tota nostra intentio feratur in Deum, quod est ex toto corde; & quod intellectus noster subdatur Deo, quod est ex tota mente; & quod appetitus noster reguletur secundum Deum, quod est ex tota anima; & quod exterior actus noster obediat Deo, quod est ex tota fortitudine, vel virtute, vel viribus Deum diligere.*

Item Angelicus Doctor 2. 2. eadem quæstione 44. art. 1. alteri, modum dilectionis nobis præceptæ non cadere sub alijs præceptis: sic enim loquitur: *Modus dilectionis non cadit sub illis præceptis, quæ dantur de alijs actibus virtutum, puta sub hoc præcepto: Honora Patrem tuum & Matrem tuam, non cadit*

*ait quod hoc ex caritate fiat: cadit tamen a-
Eius dilectionis sub præceptis specialibus.*

Tradit eandem doctrinam 1. 2. quæst. 100. art. 10. in responsione ad secundum argu-
mentum: eo nimirum loci contendit (quod
& a nobis superius probatum est iis locis,
ubi egimus de actibus indifferentibus) teneri
nos omnia deliberata opera ad Deum refer-
re: at negat, debitum illud ex singulis præ-
ceptis exurgere, sed tantum ex isto: *Dilige
Dominum Deum tuum ex toto corde.*

Ex iis S. Thomæ sententiis sic in forma
argumentum conficitur. Illud præceptum est
speciale, & ab aliis distinctum, per quod in
specie præcipitur nobis aliquid, quod aliis
mandatis non præcipitur; quodque non cadit
sub præceptis, quæ dantur de aliis virtuti-
bus; & vi cuius, non autem ex vi aliorum,
tenemur omnia in Dei gloriam referre. At-
qui, ex S. Thomæ, præceptum de Caritate
in Deum expressum his Deuteronomii verbis:
*Dilige Dominum Deum tuum ex toto corde,
ex tota anima, ex tota virtute tua,* nobis præ-
cipit aliquid, dilectionem nimirum, quod a-
liis mandatis non præcipitur; quodque non
cadit sub præceptis quæ dantur de aliis vir-
tutibus; & vi cuius, non autem ex vi alio-
rum, tenemur omnia in gloriam Dei refer-
re: ergo, ex eodem S. Doctore, præceptum
caritatis in Deum, est præceptum speciale,
& ab aliis præceptis distinctum.

Probatur 5. ratione theologica. Si Deus
speciale de caritate præceptum homini non
imposuisset, sequeretur, Deum nullam præ-
cepti hominis facultati, voluntati nimirum,
legem præfixisse: hoc est, sequeretur, curas-
se quidem eum de aliis hominis facultatibus,
intellectus nimirum, qui fide constringitur,
& potentiis externis, quibus per præcepta
tacenda tabulæ modus statuitur, nihil vero
curasse eum de voluntate; alia enim ratione
modo constringi non potest voluntas, quam
amoris lege; alius ipsi modus statui non pot-
est, quam amoris modo; sed absurdum est
consequens, cum homines non reddantur bo-
ni aut mali, nisi per bonos aut malos amo-
res: ut hisce verbis docet Augustinus Epist.
53. quæ est ad Macedonium: *Mores nostri,
non ex eo quod quisque novit, sed ex eo quod
diligit, adiudicari solent. Nec faciunt bonos
aut malos mores, nisi boni vel mali amores.*

Ex eo principio concludit, virtutem non
aliud esse, nisi aut amorem ipsum, aut or-
dinem amoris: Quod si (inquit in libro de
Moribus Ecclesæ, cap. 13.) *virtus ad beatam
vitam non avertit, nihil omnino esse virtutem as-
sumamur, nisi summum amorem Dei.* Idem
docet in 1. usata, mox Epistola, quæ est ad
Macedonium: *Quamquam (ait) in hac vita virtus
non est, nisi utrigere quod diligendum est. Quid
quidem eligamus quod diligamus, præcipue nisi*

*quod melius invenimus? Hoc Deus est, cui si dili-
gendo aliquid proponimus vel æquamus, nos ip-
sos diligere nescimus; Tanto enim nobis melius
est, quanto magis in illum imus, quo nihil me-
lius est. Imus autem non ambulando, sed a-
mando.*

Concludit 2. eum solum esse beatum, qui
Deum diligit, miserum vero qui eum non
diligit: *Rationalis creatura* (inquit Epist. 110.
cap. 23.) *ita facta est, ut sibi ipsa bonum quo
beata sit, esse non possit: sed mutabilitas ejus,
si convertatur ad incommutabile bonum, fiat bea-
ta; unde si avertatur, misera est. Aversio ejus
ultimum est, & conversio ejus virtus est.* Qua
autem ratione creatura rationalis ad incom-
mutabile bonum, quod Deus est, converti-
tur nisi per amorem? quem a Deo hisce ver-
bis petit sancta Mater Ecclesia: *Converte nos
Deus salutaris noster.*

Totus hic exscribendus esset Augustinus,
si mens esset ea omnia referre, quibus S. Do-
ctor alserit, Caritatis præceptum esse spe-
ciale præceptum, & ab aliis distinctum. Vi-
de de eodem argumento hujusce quæstionis
caput quintum, in quo Ecclesiæ Gallicanæ de
Caritatis præcepto doctrinam referemus.

Solvuntur adversariorum argumenta.

Not. Quæ a quibusdam recentioribus obi-
ciuntur contra conclusionem, in qua asserui-
mus, præceptum Caritatis in Deum, esse
præceptum speciale & ab aliis præceptis di-
stinctum, ad quasdam, tum Scripturæ, tum
Bernardi, tum Gersonis sententias reducun-
tur; operæ pretium est igitur, ut ea capita
sigillatim expendamus.

Objicies 1. Matthæi cap. 22. hæc habentur:
In his duobus mandatis (de dilectione Dei, &
proximi) *universa Lex pendet & Propheta.*
Unde sic arguitur: Ea Christi verba signifi-
cant, duplex de Dei & proximi dilectione
præceptum impleri: per observationem alio-
rum præceptorum: unde Christus ipse Joan-
nis 14. ait: *Qui habet mandata mea, & ser-
vat ea, ille est, qui diligit me.* Atqui præ-
ceptum quod per observationem aliorum im-
pletur, non est speciale præceptum, & ab
aliis distinctum: ergo præceptum Caritatis
in Deum non est præceptum speciale, & ab
aliis distinctum.

Resp. neg. maj. hoc est, nego, verba quæ
habentur Matthæi cap. 22. significare, præ-
ceptum amoris per aliorum præceptorum ob-
servationem impleri; nempe significant, ob-
servationem duplicis præcepti, de Dei &
proximi dilectione, esse causam, quæ ad al-
iorum observationem moveat & impellat crea-
turæ rationalis voluntatem. Ratio est 1. quia
id aperte docet ipse Christus Joannis 14. *Si
quis (inquit) diligit me, sermonem meum
serva.*

servabit Qui non diligit me, sermones meos non servat: & e contra: Qui habes mandata mea, & servat ea, ille est qui diligit me. Ratio est 2. quia ex Apostolo, *Plenitudo Legis est dilectio*: ergo qui non diligit, non implet Legem. Ratio est 3. quia, ex Augustino, si quis aliorum mandatorum torricem servaverit, nec ea ex Dei amore servet, ea ut oportet minime servat, quamvis servare videatur: *Si* (inquit S. Doctor. q. 44. in Deuteronomium) *forissecus ea, quae Deus jubet, manibus fiant, & in corde (per amorem Dei) non fiant, nemo est tam infusus, qui praecepta arbitretur implere.* Hinc idem Augustinus enarratione in Psalm. 118. asserit, vulgus Judaeorum praecepta Legis revera non servasse, quamvis eorum substantiam, hoc est, opera extrinseca ab illis praescripta, servare viderentur: *Propter mercedem terrenam* (ait) *atque carnalem, Dei mandata convabantur servare Judaei, neque faciebant, quin non ipsa (ipsam scilicet justitiam quae Deus est) sed aliud diligebant.*

Illis Augustini principiis inharet Gregorius Magnus Homil. 27. in Evangelia, ubi asserit: *Omne mandatum de sola dilectione esse, & omnia unum praeceptum esse, quia quidquid praecipitur, in sola caritate solidatur.* Probat id Gregorius argumento a simili petito: *Ut enim* (inquit) *multi arboris rami ex una radice procedunt, sic multa virtutes ex una caritate generantur.* Nec habet aliquid viriditatis ramus boni operis, si non manet in radice caritatis. Hinc infert, quomodo Dei praecepta unum sint & multa praecepta: *Praecepta ergo Domini & multa sunt, & unum: multa per diversitatem operis: unum in radice caritatis.*

Objicies 2. S. Bernardus Serm. 50. in Cantica, docet, solum amorem *Effectivum*, qui scilicet in operibus externis, seu in aliorum mandatorum observatione, positus est, a Deo praeceptum esse; non autem *Affectivum*, qui latet in corde: sic enim loquitur: *Est caritas in actu: est & in affectu; & de illa quidem quae operis est, puto datam esse legem hominibus, mandatumque formatum.* Nam in *affectu* quis ita habeat ut mandatur? ergo, ex Bernardo, amor internus, quem affectivum vocat, praeceptus non est: ac proinde mandatum de dilectione non est mandatum speciale, & ab aliis distinctum, seu est tantum praeceptum de amore effectivo, qui quidem in aliorum mandatorum observatione servatur.

Resp. dist. maj. Bernardus docet, solam caritatem effectivam, non autem affectivam, esse praeceptam: & per caritatem effectivam intelligit caritatem internam, quae sit causa, cur alia praecepta servantur, conc. maj. intelligit caritatem externam in aliorum praeceptorum observatione positam, neg. maj.

Solutio patet ex iis locis quae ad probationem nostrae conclusionis ex eodem S. Bernardo laudavimus, patebitque clarius ex nostra responsione ad proxime sequentem adversariorum instantiam.

Instabis. Bernardus per caritatem *effectivam* intelligit solum amorem externum, qui in observatione aliorum mandatorum positus sit: Siquidem ille per caritatem *effectivam* intelligit solum amorem externum, qui caritatem *effectivam* opponit caritati *affectivae*: opposita enim sese invicem excludunt: atqui Bernardus caritatem *effectivam* opponit caritati *affectivae*; *Est* (inquit) *caritas in actu: est & in affectu*; ergo, &c.

Resp. ad 1. neg. ant. Ad 2. neg. maj. Ratio est, quia Bernardus per caritatem in *affectu* intelligit caritatem, quae praeter internum affectum, qui etiam reperitur in caritate, quam vocant caritatem in *actu*, includat praeterea suavitatem illam, quae Deus in cælis beatos semper inebriat, juxta illud Scripturae: *Torrente voluptatis tuae potabis eos; & nunquam in hac vita animas maxime pias consolatur, quamve idem S. Doctor vocat caritatis pinguedinem*: Non hoc dico (inquit) *ut sine affectione simus, & solum movemur: manus ad opera.* Legi inter alia, quae scribit Apostolus, magna & gravia hominum mala, hoc quoque annumeratum, scilicet *esse sine affectione.*

Triplicem deinde affectionem distinguit: *Sed est* (ait) *affectio quam caro gignit: & est, quam ratio regit; & est quam condit Sapientia.* Prima est, quam Apostolus dicit legi Dei non esse subiectam, nec esse posse. Secunda, quam perhibet regione Legi Dei consentientem, quoniam bona est. Longe vero tertia, ab utraque quae gustat & sapit, quoniam suavis est Dominus, primam eliminans, secundam remunerans.

Sic iterum triplicem illam affectionem paullo uberius exponit: *Nam* (inquit) *prima quidem dulcis, sed turpis: Secunda, sicca, sed fortis: Ultima, pinguis & suavis.* Igitur per secundam opera fiunt, & in ipsa caritas; sed & illa *affectiva*, quae sale sapientiae condita pinguescens, magnam menti importat multitudinem dulcedinis Domini; *Sed quaedam potius actualis, quae otinendum dulci illo amore suaviter reficit, amore tamen ipsius amoris vehementer accendit.*

Ex iis S. Bernardi sententiis evidenter patet S. Doctorem caritatem effectivam, quae est in actu, non opponere caritati affectivae, quae scilicet est in affectu, eo sensu quod ista tantum sit interna, illa vero externa tantum: sed in eo sensu opponit, quod caritas in actu vacua sit gustu illo spirituali, illa dulcedine, illa suavitatem, quae in caritate, quam in affectu vocat, reperiuntur. Unde mirum non est, quod asserat, caritatem in affectu,

hoc

hoc est, caritatem, quam anima sapiat, & gustet, non esse præceptam per mandatum: *Diliget Dominum Deum tuum ex toto corde tuo*; nonnunquam enim illa caritatis suavitate privantur viri maxime pii, tum ut probentur, tum ut discant, Deo propter illam caritatis dulcedinem non esse serviendum. E contra contendit, caritatem quæ est in actu, quamque vocat *ficcam*, quod amoris dulcedine destituta sit, sed tamen vocat *fortem*, quod moveat ad constantem aliorum, etiam difficilium, mandatorum observationem, esse divina lege creaturæ rationali præscriptam.

Obijcies 3. Gersonius Universitatis Parisiensis Cancellarius, duo tantum requirit, ut quis Mandato de Dei dilectione faciat satis; 1. *Ne velimus scienter rem quamcumque amare plusquam Deum*; 2. *Ut legem Dei, & alia præcepta operibus impleamus*. Ergo (inquit Antonius Sirmondus) observatio aliorum mandatorum satis est, ut quis impleat Caritatis præceptum.

Resp. conc. ant. neg. conseq. Ratio est 1. quia Gersonius docet, nullam rem plusquam Deum amari debere: ac proinde, ex Gersonio, quisque tenetur interno mentis affectu Deum rebus omnibus antepone; nam si quis Deum interius non amet, interius amabit aliquid plus quam Deum: Scilicet sic est cor hominis comparatum, ut sine aliquo amore dominante esse non possit, juxta illud Leonis Magni in Sermonem V. de jejuniis septimi mensis: *Rationalis animus, qui sine dilectione esse non potest, aut Dei amator est, aut mundi*.

Ratio est 2. quia Gerson in loco, qui nobis objectus est, asserit quidem requiri Legis observationem, ut quis dilectionis præceptum impleat, sed non dicit, quod per eam exteriorem legis observationem impleatur: Scilicet hoc unum asserit, diligentiam in aliis mandatis observandis adhibitam, esse veluti fructum & effectum affectus interioris, quo Deum prosequi debemus, si tamen affectus ille sit sincerus & efficax, juxta illud Joannis: *Filioli, non diligamus verbo, neque lingua, sed opere & veritate*.

§. II. Utrum Actus Caritatis sit necessarius.

Not. 1. Qui asseruerunt, præceptum Caritatis non esse præceptum speciale, & ab aliis distinctum, consequenter asseruerunt, actum internum caritatis nulla lege esse præceptum: unde homini permiserunt interiorem caritatis actum, sed docuerunt, per se non peccare hominem, qui nullum unquam internum caritatis actum elicuerit.

Not. 2. Actus aliquis potest esse necessarius, aut necessitate mediæ, aut necessitate præ-

cepti tantum. Rursus potest esse necessarius vel *per se*, hoc est, independenter ab aliorum præceptorum observatione; vel *per accidens*, id est, eo quod sine illo actu alia præcepta servari non possint. De actu caritatis secundum varias illas necessitatis rationes hic a nobis est agendum.

CONCL. 1. Actus caritatis est omnibus hominibus per se necessarius necessitate præcepti naturalis & divini.

Probatur 1. Præcepta Decalogi, ac præsertim primum, juris sunt naturalis ac divini: atqui primo præcepto Decalogi omnibus hominibus præcipitur actus caritatis in Deum: ergo caritatis actus est omnibus hominibus per se necessarius necessitate præcepti naturalis & divini. Probatur min. Hæc primi præcepti Decalogi verba, quæ omnes homines spectant: *Diliget Dominum Deum tuum ex toto corde*, &c. actum voluntatis, motum in Deum imperant.

1. Diligere agentis est, non autem a motu & actione cessantis.

2. Verbum *Diliget* significat aut habitum, aut actum caritatis, non enim voluntas alio modo, quam aut habitu aut actu, potest aliquid objectum diligere: atqui verbum *Diliget* in primo Decalogi mandato non significat habitum caritatis: siquidem non dantur præcepta de habitibus, sed tantum de actibus virtutum: sic præceptum de restitutione facienda non præcipit habitum, quoniam nemo unquam recipit, quod suum est; sed ipsummet restitutionis actum, quo alienum redditur proprio domino: Sic etiam cum injungitur elemosyna, non præcipitur inerti illius habitus; per eum enim habitum non sublevatur proximi miseria; sed præcipitur actus, seu actualis erogatio victus aut vestitus, quibus proximus indiget: Sic tandem cum parentum cultus mandatur, non præcipitur habitualis cultus in parentes; sed actualis, exhibitio nimirum reverentiae, amoris & obsequiorum.

3. Quotiescumque Patres de caritate, quæ nobis præcipitur; locuti sunt, caritatis nomine non habitum, sed actum intellexerunt; *Non præcipit Scriptura nisi caritatem* (inquit Augustinus lib. 3. de doctrina christiana, cap. 10.) *ne culpat nisi cupiditatem*, & *eo modo informat mores hominum*: Caritatis autem, quæ præcipitur, nomine, idem Augustinus actum caritatis intelligit: *Caritatem* (inquit ibidem) *voco motum animi ad fruendum Deo propter ipsum, & se ac proximo propter Deum*.

Caritas quæ nobis præcipitur, opponitur cupiditati quæ prohibetur: Sed cupiditas, quæ prohibetur, est actus: *Cupiditatem autem* (ait Augustinus) *voco, motum animi ad fruendum se, & proximo, & quolibet corpore non propter Deum*.

Obijcies. S. Thomas 2. 2. q. 44. 6. innuere videtur, satis esse ad implendum caritatis præceptum, ut nihil contra ipsum admittatur, siue per odium Dei, siue per aliorum præceptorum infractionem; sic enim loquitur: *Ad secundum dicendum quod sicut miles, qui legitime pugnat, licet non vincat, non inde culpatur, nec penam meretur: ita etiam qui in via hoc caritatis præceptum non implet, nihil contra divinam dilectionem agit, non peccat mortaliter.* Ergo actus caritatis non est necessarius ad implendum primum Decalogi mandatum.

Resp. ad 1. neg. ant. Ad 2. dist. ant. Ex S. Thoma, ille qui in via, caritatis præceptum non implet perfecte, non peccat mortaliter, conc. ant. qui non implet, imperfecte saltem, n. a. Implere vero imperfecte præceptum caritatis non dicit omissionem actus caritatis; sed tantum omissionem actus perfecti, qui scilicet perfecte creaturam rationalem cum Deo coniungat, ita ut nullo concupiscentiæ motu, actus caritatis intensio, fervor, & totalitas impediatur.

Confirmatur responsio ex scopo quem S. Thomas eo in loco, qui nobis objectus est, sibi proponit. Querit nimirum S. Doctor: *Utrum præceptum de dilectione Dei possit in via impleri?* Ut eam questionem solvat, hanc conclusionem statuit: *Quamquam in patria tantum perfecte dilectionis præceptum impleatur; in via tamen imperfecte adimpleri potest, & magis vel minus secundum divinæ bonitatis participationem.* In corpore articuli exponit, quod sit implere, aut perfecte, aut imperfecte, dilectionis præceptum: *Perfekte quidem impletur præceptum, quando pervenitur ad finem, quem intencis præcipiens; impletur autem, sed imperfecte, quando eis non pertingat ad finem præcipientis, non tamen receditur ab ordine ad finem.* Utitur argumento a simili, ut duplicem illum modum implendi præceptum clarius exponat: *Sicut (inquit) si Dux exercitus præcipiat militibus, ut pugnent, ille perfecte implet præceptum, qui pugnando hostem vincit, quod Dux intendit, Ille autem implet, sed imperfecte, cuius pugna ad victoriam non pertingit, non tamen contra militarem disciplinam agit.* His præmissis, probat conclusionem suam, asseritque, Deum non præcipere in hac vita, ut perfecte dilectionis præceptum servemus, sed tantum ut illud servemus imperfecte: *Intendit autem Deus (inquit) per hoc præceptum, ut homo Deo totaliter uniatur: quod fiet in patria, quando Deus erit omnia in omnibus, ut dicitur 1. ad Cor. 13. Et ideo plene & perfecte in patria implebitur hoc præceptum: In via autem impletur, sed imperfecte.* Et tamen in via tanto unus alio perfectius implet, quanto magis accedit per quamdam similitudinem ad patriam perfectionem.

Ex iis, quæ hucusque dicta sunt, patet, quod cum S. Thomas in responsione ad secundum argumentum scribit, eum qui in via non implet præceptum caritatis, non peccare mortaliter, de eo tantum loquatur, qui perfecte, seu per perfectam suam cum Deo unionem, non implet præceptum: non loquatur autem de eo qui nequidem imperfecte illud implet, hoc est, qui non elicit actus dilectionis, quæ sit super omnia; quamvis propter cupiditatem, post peccatum veluti nobis naturalem, eam non habeat intensiorem, cum fervorem, eam totalitatem, quæ sublato eo omni quod pertrahit nos ad creaturarum amorem, Deo hominem perfecte coniungat.

Confirmatur iterum nostra responsio. Sanctus Thomas comparat eum, quem dicit in hac vita non implere præceptum, cum milite qui licet non vincat, pro virili tamen pugnat pareque militiæ legibus: Ergo quemadmodum miles qui nihil operetur, ut exequatur ducis imperium, reus est: ita & homo qui nullum dilectionis actum elicit, non facit satis præcepto, quo omnes homines iubentur Deum super omnia diligere.

Alium S. Thomæ textum superius iis locis ubi actum est de actibus indifferentibus, præcipimus iis qui eo abutuntur, ut probent S. Thomæ persuasum fuisse, hominem non teneri vi præcepti: *Dilige Dominum Deum tuum ex toto corde tuo*, elicere certis quibusdam temporibus actum amoris Dei super omnia, non teneri cum omnes deliberatas suas actiones ad Dei gloriam ultimo referre: vide huiusce Tomi pag. 359.

Quæres, utrum actus caritatis in Deum ita sint necessarii, ut qui nullum eliquerit, non possit consequi salutem.

Resp. affirmative. Nam 1, qui iubens omittit observationem præcepti de re gravi, peccat lethaliter: atqui qui nullum unquam elicit actum caritatis in Deum, omittit observationem præcepti de re gravi; nimirum præceptum caritatis, ipso affirmante Christo, est primum & maximum mandatum. 2. Ex c. decimo Lucæ idem aperte colligitur: narrat Evangelista quemdam Legis peritum a Christo quæsisse non quod utile, sed quod absolute necessarium sit ad vitam æternam comparandam: *Eccce (inquit Lucas) Legis peritus surrexit tentans illum, & dicens: Magister, quid faciendo vitam æternam possidebo?* Legis perito respondit Christus, necessariam esse primi mandati Decalogi observationem, ut quis vitam æternam consequatur. *Dixit Christus, In lege quid scriptum est? quomodo legis?* Ille respondit, *Dilige Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua; & proximum tuum sicut te ipsum.* Christus, approbata Legis periti

periri responsione; sic eum allocutus est: *Recte respondisti; hoc fac & vires*: Facere vero, actum significat: ergo ex ipsiusmet Christi definitione certum est, cum quis actum caritatis in Deum non elicuerit, non posse consequi salutem æternam.

Hinc patet, quam merito Inquisitores Romani coram Alexandro Papa VIII. die 24. Augusti 1690. hanc publicis in thesibus propugnatam propositionem damnaverint tanquam hæreticam: *Homo non tenetur amare Deum, neque in principio, neque in decursu vite mortalis*. Idem de ea iudicium tulit Clerus Gallicanus, ut capite proxime sequenti dicetur.

CONCL. 2. Actus caritatis in Deum impio ad justificationem *per se* necessarius est necessitate medii.

Probatur. Illud est impio ad justificationem necessarium necessitate medii, sine quo non potest habere contritionem, quæ sit dispositio sufficiens ad recipiendam gratiam, sive in Sacramento Baptismi, sive in Sacramento Pœnitentiæ: Contritio enim sufficiens, impio necessaria est necessitate medii ad justificationem etiam in illis Sacramentis recipiendam. Atqui sine actu caritatis in Deum, saltem inchoatæ, quæ tamen sit super omnia, non potest haberi contritio, quæ sit sufficiens dispositio ad recipiendam gratiam, sive in Sacramento Baptismi, sive in Sacramento Pœnitentiæ; id nimirum variis argumentis probavimus in nostro tractatu de Sacramento Pœnitentiæ: iis vero argumentis accedit declaratio Cleri Gallicani, quam huiusce questionis proxime sequenti capite exscribemus.

S. III. Quibus in specie temporibus obliget caritatis præceptum.

Not. Varii de temporibus, quibus caritatis præceptum obligat, errores elapso proxime sæculo prodierunt. Nonnullis Scripturibus visum est, præceptum caritatis in Deum nusquam obligare. Alii censuerunt, obligare tantum semel in vita; idque etiam non *per se*, sed *per accidens* tantum, cum nempe quis ad eas redigitur angustias, ut in periculo mortis constitutus, non possit Presbyterum habere, a quo attritus, hoc est, peccatum ob solum gehennæ metum detestatus, sacramentaliter absolvi possit. Docuerunt alii, probabile saltem esse, quod illud præceptum ne singulis quidem quinquenniis obliget. Quid nos de ea controversia sentiamus, hic est aperiendum.

CONCLUSIO 1. Præceptum speciale caritatis in Deum *per se* obligat sæpius in vita.

Probatur 2. ex Scriptura. Ubi Deuteronomii c. 6. relatum est caritatis præceptum: *Dilige Dominum Deum tuum ex toto corde*

tuo, & ex tota anima tua: hæc subiunguntur: *Eruntque verba hæc, quæ ego præcipi sibi hodie, in corde tuo, & narrabis ea filiis tuis, & meditaberis de his sedens in domo tua, & ambulans in itinere, & dormiens, atque confurgens. Et ligabis ea quasi fœrum in manu tua, eruntque & movebuntur inter oculos tuos, scribesque ea in limine atque ostio domus tue*. Unde sic arguitur. Illud præceptum *per se* sæpius obligat in vita, quod Deus iussit ut ubique ac semper præ oculis haberetur: ut quid enim tam sedulo vetasset, ne illius memoria ex mente excideret, si semel tantum in vita, aut aliquoties quidem, sed perraro obligaret? Atqui (ut ex laudatis Scripturæ verbis patet) Deus iussit ut præceptum caritatis in Deum ubique ac semper præ oculis haberetur: ergo præceptum illud non semel tantum in vita, aut perraro, sed sæpius obligat.

Dices, eum Scripturæ locum intelligi de caritate habituali, quæ hominem formaliter (ut loquuntur) sanctificet; non autem de caritate actuali, hoc est, de caritatis actibus, qui sæpius eliciantur.

Sed vana est illa responsio. Nam (ut huiusce articuli paragrapho primo & secundo demonstravimus) præceptum illud *Dilige*, &c. de actu, non autem de habitu caritatis intelligitur. 2. Aperte repugnat Augustino asserenti, caritatem, si sincera sit, non posse diu ab actibus temperare; *Dilectio* (inquit Præfatione in Psal. 31.) *vacare non potest: Da mihi vacantem amorem, & nihil operantem*. Eadem ratione loquitur in Psal. 121. *Nec potest vacare amor in anima amantis; necesse est ut ducat; sed vis nosse qualis amaris? vide quo ducat*.

Probatur 2. nostra conclusio. Impossibile est ut homo diu vivat, quin aliquem totius vitæ suæ finem ultimum sibi constituat: ergo si homines iusti diu ab actibus caritatis in Deum temperent, alium a Deo ultimum totius suæ vitæ finem sibi constituent; ac proinde peccabunt lethaliter: scilicet iusti se se implicabunt rerum creaturarum amoribus, qui tandem ita augebunt concupiscentiæ in nobis ætuantis impetum, ut validior factus impetus ille, caritatem etiam habitualement opprimat, impediaturque, ne anima piis affectibus ad Deum conscendat. *Obligata enim anima* (ait Augustinus in Ps. 121.) *amare terreno, quasi viscum habet in pennis, volare non potest. Mundata vero ab affectibus sordidissimis sæculi, tanquam extensis pennis, & duabus alis resolutis ab omni impedimento, id est, duobus præceptis dilectionis Dei & proximi, volat, quo? nisi ad Deum ascendens volando, quia ascendit amando? Quod antequam possit, gemit in terra, si jam inest ei volandi desiderium, & dicit: Quis dabis mihi pennas sicut columba, & volabo, & requiescam?*

CON-

CONCLUSIO 2. Certa quaedam tempora determinari possunt, quibus *per se* omnes homines obligat praeceptum caritatis in Deum.

Probatur enumeratione. Praeceptum eliciendi actum caritatis in Deum, quæ sit super omnia, *per se*, quolibet adultum obligat, ubi primum ad usum rationis pervenit.

Ita docet S. Thomas 1. 2. q. 89. art. 6. ad 3. Nimirum ubi S. Doctor asseruit, peccatum veniale non posse stare cum solo originali, hoc argumentum objicit sibi: Determinari potest tempus, in quo puer primo potest esse actor peccati actualis; ad quod tempus cum pervenerit, potest ad minus per aliquod breve spatium stare, quin peccet mortaliter, quia hoc etiam in maximis sceleratis contingit: In illo autem spatio quantumcumque brevi, potest peccare venialiter: Ergo peccatum veniale potest esse in aliquo cum originali peccato absque mortali.

Ad illud autem argumentum sic idem S. Doctor respondet: Ad tertium dicendum, quod ab aliis peccatis mortalibus potest puer incipiens habere usum rationis per aliquod tempus abstinere: sed a peccato omissionis prædicta non liberatur nisi, quam cito potest, se convertat ad Deum. Primum enim quod occurrit homini discretionem habenti, est quod de se ipso cogitet, ad quem alia ordinet sicut ad finem: finis enim est prior in intentione; Et ideo hoc est tempus, quo obligatur ex Dei præcepto affirmativo quo Dominus dicit: Convertimini ad me, & ego convertar ad vos. Zacharia 1.

Verum nemo ad Deum se potest convertere nisi per actum caritatis in Deum, qui sit super omnia: ergo, ex S. Thoma, homo ubi primum ad rationis usum pervenit, tenetur elicere actum caritatis in Deum, qui sit super omnia. Monendus est hic Lector, quod quamvis nonnulli, probati alioquin, auctores censent, non metaphysicum esse primum illud instans, quo homo se se ad Deum per caritatis actum convertere tenetur, ac proinde peccatum veniale posse in aliquibus reperiri cum solo originali, fateantur tamen, illud instans esse morale: ita ut adultus non diu esse possit, ad prudentem æstimationem, quin post adeptum usum rationis, ad Deum per caritatis actum, qui sit super omnia, se se convertat.

S. Thomæ præiverat S. Fulgentius: sic enim loquitur l. 1. ad Monimum, c. 17. Creatura quippe rationalis alia beatitudo non potest, nec potuit esse, nec poterit, nisi ut agnoscat, a quo non solum facta est, sed etiam a qua rationalis facta est, majorem dilectionem exhibeat Deo Creatori, quam sibi. Neque enim ei inesse posset ullatenus ratio, nisi ei posset Creatoris inesse dilectio. Quia nec est in alia qua vera sit sapientia vel intelligentia creatura rationalis, nisi dilectio creatoris.

II. Praeceptum eliciendi actum caritatis in Deum, qui sit super omnia, *per se* obligat in morali periculo vitæ: Tunc scilicet homo tenetur suæ salutis tuto consulere: at tuto sibi consulere non potest, quin eliciat actum caritatis super omnia, hoc est, quo Deum rebus omnibus anteponat. Id ita certum est, ut de eo convenienter plerique etiam ex iis auctoribus, quibus placet Attritionem ex solo gehennæ metu conceptam impio satis esse ad recipiendam gratiam in Sacramentis Baptismi & Pœnitentiæ.

III. Praeceptum eliciendi actum caritatis super omnia, *per se* obligat sub mortali, non semel in anno, sed frequenter intra annum: ita ut ad æstimationem prudentium, hominū non sit quin ad Deum sese per eum caritatis actum convertat. Neque enim frustra praeceptum, quod tanti est momenti, ut sit primum & maximum, latum est cum tanta ex parte Dei cautione, quodque (ut ex allatis superius Scripturæ verbis constat) hominum oculis ubique ac semper observari debet. Præterea ingratum maxime se præbet, qui diu est, quin ad Deum, a quo continuis beneficiis afficitur, se se per actum caritatis non convertat.

CONCL. 3. Praeceptum eliciendi actus caritatis in Deum, sæpius *per accidens* obligat.

Probatur. Illud praeceptum *per accidens* obligat, quod obligat ratione aliorum præceptorum quæ servanda occurrunt: atquæ praeceptum caritatis in Deum sæpius obligat ratione aliorum præceptorum, quæ observanda occurrunt.

Nam 1. Praeceptum contritionis servari non potest sine actu caritatis; neque enim contritio est (ut jam dictum est) sufficiens dispositio ad suscipiendam gratiam in Sacramentis Baptismi & Pœnitentiæ, nisi præceptum concipiatur ex motivo caritatis: *Pœnitentiam certam* (ait Augustinus) *non facit nisi odium peccati, & amor Dei.*

2. Obligat quoque *per accidens*, cum actus dilectionis est necessarius ad exercitium alicujus virtutis, cujus praxis præcipitur: *Non enim* (ait Gregorius Magnus) *est fructus boni operis, qui de caritatis radice non surgit.* Hinc autem infertur hominem teneri elicere actum caritatis, saltem inchoatæ, & quæ non sit super omnia, quoties aliquem Religionis actum exercet, ut cum v. gr. audit Sacrum, preces fundit, aut aliud opus ex se pium præcipitur. Tunc enim debet, saltem imperfecte, desiderare, ut ab habituali & dominante peccati affectu liberetur: id vero desiderare, est saltem imperfecte, ipsam justitiam, ac proinde Deum, diligere. Ratio est, quia quilibet actus Religionis essentialiter est quædam divini cultus species; at cultus sincerus non est nisi ex inchoata saltem caritate procedat: *Quis* (inquit Aug.

Augustin. l. 3. de Trinit. c. 4.) *cultus ejus, nō amor ejus? & ut ait epist. 120. Pietas cultus Dei est, nec colitur ille nisi amando. Defectu inchoata: illius caritatis pleraque Judæorum opera, alioquin in se bona, Deo accepta non fuerunt: Populus hic (ait Deus ipse in Scripturis) labiis me honorat, cor autem eorum longe est a me.*

3. Præceptum caritatis obligat per accidens, cum quis de Dei odio tentatur. Unanimis est enim theologorum sententia, urgenti de vitiis tentationi opponendum esse actum virtutis contrariæ. In illud odii periculum incidunt homines, cum advertentes Deo displicere peccata, in quæ prolabantur, cuperent Deum non esse, quo tutius & absque gehennæ metu peccare possent. De iis hominibus loquitur Augustinus tractatu nonagesimo in Joannem: O (inquit) *miseros homines! qui cum esse volunt mali, nolunt esse veritatem qua damnantur mali. Nolunt enim cum esse quod est, cum se ipsos debeant nolle esse quod sunt, ut ipsa manente mutantur, ne ipsa judicante damnentur.*

4. Tandem per accidens obligat caritatis præceptum, cum Deum blasphemias, aut gravi aliquo scelere offendi deprehendimus. Ratio est, quia tunc, quantum in nobis est, resarcire debemus injuriam quæ Deo inferitur: at non est alia via, qua illud resarciamus, nisi debitum ei caritatis cultum exhibeamus. Cum advertimus, Dei inimicos sanctæ a Deo legis oblivisci, mœrore & tædio affecti esse debemus, ut affectus erat Rex Propheta: *Tabescere* (inquit Ps. 118.) *me spiritus zelus meus, quia oblitus sunt verba tua inimici mei.*

Obijcies contra præcedentes conclusiones. Multi sunt viri alioquin pii, qui diu sunt, absque eo quod caritatis actum eliciant: immo exeunt nonnunquam ex hac vita, absque eo quod dixerint: *Domine, dilige te super omnia*: & tamen viri illi pii non censentur per omissionem illam peccasse lethaliter: ergo præceptum caritatis non obligat ad frequenter eliciendos caritatis actus.

Ad solvendum argumentum illud, observare est 1. actum amoris non esse positum in externo horum verborum sono, *Diligo te super omnia*; quam enim multæ sunt matres, quæ ardentissime filios suos amant, quibus tamen nunquam venit in mentem, ejusmodi verbis amorem testari suum.

Observare est 2. amorem non esse positum in cognitione: siquidem cognitio est actus intellectus, cum e contra amor sit operatio voluntatis: unde elici potest sine amantis conscientia, seu, absque eo quod amans advertat, se elicere actum hujusmodi; idque in matre videre est, quæ cum agrotantem filium sollicitè curat, sinceri amoris actus in eum elicit; quamvis illi tunc non ve-

niat in mentem, quod filium amet actu.

His præmissis, ad argumentum respondemus, conc. ant. neq. conseq. Ratio est, quia amor est quoddam animi pondus, seu quidam voluntatis motus in rem amatam: *Caritatem voco* (inquit Augustinus) *motum animi ad fruendum Deum propter ipsum, & se atque proximo propter DEUM.* Illud autem pondus, ille motus, vim exerunt suam in viris piis, quamvis viri pii ea non advertant. Scilicet diebus festivis cultu divino, cui vacant, suam in Deum reverentiam testantur; Eucharistia se se reficiunt, ut illi arctius se conjungant; in exitu vitæ ad illum anxie suspirant; & morbi, quo languent, humili patientia se se divinæ illius voluntati subiciunt. *Ea sunt* (inquit eruditus quidam recentior, suis adversus Calvinistas, & Casuistas molliores Operibus de Ecclesia optime meritus) *varie illa quas amor induit formas.*

ARTICULUS II.

De ordine Caritatis.

Not. Queremus hic 1. an & quotuplex in exercitio caritatis servandus sit ordo. 2. Quid ex parte nostri exigat amor Deo debitus. 3. Quid is qui debetur proximo.

§. I. An & quotuplex ordo sit in caritatis exercitio servandus.

CONCLUSIO 1. In caritatis exercitio aliquis servandus est ordo.

Probat 1. Ecclesia, Canticorum 2. Deum laudat; quod in illa caritatem ordinaverit: *Ordinavit* (inquit) *in me caritatem.* 2. Instantum juste & sancte vivit, cujus dilectio ad ordinem debitum exacta est. *Ille* (inquit Augustinus in l. 1. de Doctrina Christiana, c. 27.) *juste & sancte vivit, qui rerum integer estimator est: Ipse est autem, qui ordinatam dilectionem habet, ne aut aliquid diligit, quod non est diligendum, aut amplius diligit, quod minus est diligendum, aut æque diligit, quod vel minus, vel amplius diligendum est, aut minus vel amplius, quod æque diligendum est: ergo in caritatis exercitio aliquis est ordo servandus.*

CONCL. 2. In caritatis exercitio duplex est ordo servandus, dilectionis nimirum & beneficii.

Probat 1. ex Scriptura. Totuplex est ordo in caritatis exercitio servandus, quotuplicem Pastor Evangelicus circa oves sibi creditas servavit: atqui circa eas duplicem caritatis servavit ordinem, dilectionis nimirum & beneficii: scilicet ordine dilectionis prætulit nonaginta novem oves, quas in deserto reliquerat, ovi centesimæ quæ erraverat; sed centesimam illam errantem, ordinem

dine beneficii prout alii nonaginta novem; has enim a sua cura dimisit, illasque permixta sibi ipsis, cum e contra unice de centesima sollicitus fuisset, in eaque quarendam, & in reducenda ad ovile, totum dederit se se: ergo, &c.

Probatur 2. ex Patribus. August. in Epist. 139. alias 158. expresse meminit ordinis dilectionis & beneficii, qui in caritatis exercitio servari debet: *Caritas* (inquit) *que tanquam nutrix fovet filios suos, non ordine amandi, sed ordine subveniendi, infirmiores foribus anteponit, quos tales vult esse, quales jam illi sunt, quos non contemnendo, sed de his confidendo, interim praterit.*

Sanctus Bernardus duplicem quoque illum in exercitio caritatis servandum ordinem tradit Sermone quinquagesimo in Cantica: eo nimirum loci docet, quod licet perfectiores sint ordine dilectionis infirmioribus præferendi, ordine tamen beneficii, cura, & sollicitudinis, infirmiores sint perfectioribus anteponendi: *In bene affecta mente* (inquit) *non dubium, quin dilectioni hominis Dei dilectio præponatur, & in hominibus ipsi perfectiores infirmioribus, celum terra, aternitas tempori, anima carni. Attamen in bene ordinata assione sæpe, aut etiam semper, ordo oppositus invenitur. Nam & circa proximi curam & plus urgemur, & plures occupamur, & infirmioribus fratribus diligentiori sedulitate assistimus.... Nam & vera in hoc est caritas, ut qui indigent amplius, accipiant prius: & rursus in ea clara apparet veritas, si ordinem tenemus affectu, quem illa ratione.*

Quæres 1. quinam in rebus quæ sunt objectum caritatis, servandus sit ordo dilectionis.

Resp. In exercitio caritatis talem debere esse ordinem dilectionis, qualis est ordo rerum, hoc est, quo res majoris sunt illi se pretii, vel minoris, magis aut minus in ordine dilectionis amanda sunt.

Hinc autem inferitur 1. Deum esse super omnia diligendum, cum sit ens, quo perfectius, aut æque perfectum cogitari non possit: *Omnes tamen* (inquit Augustinus lib. 1. de Doctrina Christiana c. 7.) *certatim pro excellentia Dei dimicant, nec quisquam inveniri potest, qui hoc Deum credat esse, quo melius aliquid est. Itaque hoc omnes Deum consentiant esse, quod ceteris rebus omnibus anteponunt.*

Inferitur 2. creaturas quæ præ aliis sanctitate sunt Deo viciniore, præ ceteris ordine dilectionis amari debere; quæ autem æque vicina, æqualiter amandas esse.

Inferitur 3. Deum propter bonum aliquod creatum ultimo non esse diligendum, nec ordine dilectionis, creaturam nobiliorem ad ignobiliorem tanquam ad finem referri posse.

Inferitur 4. Animam diligere debere magis

quam corpus; illa enim potest Deo perfrui, non autem istud. Sed Augustinum de eo dilectionis ordine differentem audire placet: sic ergo loquitur in lib. 1. de Doctrina Christiana; c. 27. *Omnis peccator, in quantum peccator est, non est diligendus: & omnis homo, in quantum homo, est diligendus propter Deum, Deus vero propter seipsum. Item amplius alius homo diligendus est, quam corpus nostrum, quia propter Deum omnia ista diligenda sunt, & potest nobiscum alius homo Deo perfrui, quod non potest corpus, quia corpus per animam vivit, qua fruimur Deo. Cum autem iustorum qui nobiscum in humanis agunt, iustitiæ & sanctitatis gradus non cognoscimus: Omnes* (ait ibidem Augustinus) *æquo, ordine dilectionis, diligendi sunt.*

Quæres 2. unde peti debeat ordo amoris, qui beneficii dicitur.

Resp. peti cum debere aut ex carnis, aut amicitie, aut societatis, aut alterius vinculi conjunctione cum persona amante, vel ex illorum infirmitate aut indigentia.

Regulam illam tradidit Augustinus in libro primo de Doctrina Christiana, c. 27. sic loquitur: *Sed cum omnibus prodesse non possit, his potissimum consulendum est, qui pro loco, & temporum, vel quarumlibet rerum opportunitatibus, conscribitur tibi, quasi quadam sorte junguntur: Sicut enim si tibi abundaret aliquid, quod dari oportet ei, qui non haberet, nec duobus dari posset, si tibi occurrerent duo, quorum neuter alium vel indigentia, vel erga se aliqua necessitate superaret; nihil iustius faceres, quam ut forte legeres, cui dandum esset, quod dari utrique non possit: Sic in hominibus, quibus omnibus consulere nequeas, pro sorte habendum est, prout quisque tibi temporalius colligatus adherere potuerit.*

Quæres 3. utrum in pari necessitate a viro uxori potius quam patri aut matri succurrendum sit?

Resp. a viro succurrendum esse potius patri, aut matri, quam uxori. Desumpta est responsio ex S. Thoma: Scilicet 2. 2. q. xxvii. art. xi. quærit, *Utrum homo plus debeat diligere uxorem quam patrem & matrem.* Ad illius autem quæstionis solutionem, hanc conclusionem statuit: *Quamquam uxor intensius diligatur, tanquam magis conjuncta; major tamen ex caritate parentibus reverentia est exhibenda.*

Hanc vero conclusionis suæ rationem proferret: *Gradus dilectionis attendi potest, & secundum rationem boni, & secundum conjunctionem ad diligendum: secundum ergo rationem boni, quod est objectum dilectionis, magis sunt diligendi parentes, quam uxor, quia diliguntur sub ratione principii, & eminentioris cuiusdam boni. Secundum autem rationem conjunctionis, magis diligenda est uxor, quia uxor conjungitur viro, ut una caro existens, secundum*

secundum illud Matthaei 19. Itaque jam non sunt duo, sed una caro: & ideo intensius diligitur uxor, sed major reverentia est parentibus exhibenda.

Obiicit sibi S. Doctor illud Genesis c. 1. ubi dicitur, quod propter uxorem relinquet homo patrem & matrem. Obiicit sibi iterum illud ad Ephesios 5. ubi Apostolus docet, quod vir, sicut semetipsum, uxorem diligere debeat.

Ad primum autem respondet, quod non quantum ad omnia deferatur pater & mater propter uxorem: In quibusdam enim magis debet homo assidere parentibus, quam uxori. Sed quantum ad unionem carnalis copulae, & cohabitationis, relictis omnibus parentibus, homo adhæret uxori.

Ad secundum S. Doctor hisce verbis respondet: Dicendum, quod in verbis Apostoli non est intelligendum, quod homo debeat diligere uxorem aequaliter sibi ipsi: sed quia dilectio, quam aliquis habet ad seipsum, est ratio dilectionis, quam quis habet ad uxorem sibi conjunctam.

ARTICULUS III.

Quid ex parte nostri exigit Deo debita Caritas.

Not. **Q**Uæremus hic 1, utrum amor Deo debitus debeat esse summus: 2, an debeat esse universalis: 3, utrum debeat esse perfectus.

§. I. Utrum amor Deo debitus debeat esse summus.

CONCLUSIO. Amor Deo debitus debet esse summus tum extensive, tum intensive.

Probatur prima pars conclusionis. Amor extensive summus, est amor summus (ut loquuntur) appetitiue, hoc est, super omnia: atqui amor Deo debitus, debet esse summus appetitiue, seu super omnia. Nimirum debet esse ex toto corde: at ex toto corde non est, si cor aliquam aliam rem aut minus aut æque ac Deum diligit: tunc enim divisus erit cordis affectus; unde merito sic Christus loquitur Lucæ 14. capite: Si quis venit ad me, & non odit patrem suum & matrem, & uxorem, adhuc autem & animam suam, non potest meus esse discipulus.

Ex ea Christi sententia, & ex his verbis Proverb. 24. Da mihi, fili, cor tuum; nec non ex ipso primo mandato Decalogi, Diliges Dominum Deum tuum, Augustinus Sermone 34. alias de Diversis c. 2. hanc elicit conclusionem. Vide si aliquid voluit dimittere in te, unde amet te, qui tibi dicit; Diliges Dominum Deum tuum ex toto corde tuo, & ex tota anima tua, & ex tota mente tua. Quid remanet de corde tuo, unde diligas te ipsum? quid de anima tua? quid de mente

tua? Ex toto (inquit) totum exiit te, qui fecit te. Hæc etiam ait lib. x. Confessionum cap. 218. Minus te amat. (Deum alldouitur) qui tecum aliquid amat, quod non propter te amat.

Probatur altera conclusionis pars. Amor intensive summus, quatenus hic in via potest haberi, est ille cuius fervoris gradus correspondent æstimationi, quæ de aliquo objecto habetur: atqui gradus amoris nostri, quantum hic in via fieri potest, debent correspondere æstimationi, quam hic de Deo habemus: ita ut major sit illius intensio, major fervor, quam sit intensio, quam sit fervor, quibus & nos, & proximum, creataque omnia diligimus. Nimirum recta ratio postulat, ut objectum, quod ceteris per appretiationem anteponimus, intensius & majori cum fervore diligamus.

Impositam illam hominibus legem expriment ipsa Decalogi verba, Ex toto corde, ex tota anima, ex tota mente tua. Eam quoque continet hæc ipsiusmet Christi apud Matthæum sententia: Qui amat Patrem aut matrem plusquam me, non est me dignus: Et qui amat filium aut filiam super me, non est me dignus.

Obiicies. Doctrina, quæ secunda conclusionis parte continetur, viros pios exponit variis scrupulorum periculis: quis enim novit, an gradus amoris quo Deum prosequitur, correspondeant amoris appretiationis qui illi debetur? ergo, &c.

Resp. nimis probare argumentum: si enim valeat, ex eo quoque concludi poterit, non esse legem de Deo super omnia diligendo: quis enim novit, an suus in Deum amor aliis cordis affectibus prædominetur? Dicendum est ergo, homini ut quietus sit, & ne scrupulis angatur, satis esse debere, ut totis viribus suam in Deum caritatem augere conetur, ab eoque cum Ecclesia petat: Da nobis fidei, spei & caritatis augmentum, & ut mereamur assequi quod promissis, fac nos amare quod præcipis.

§. II. Utrum amor Deo debitus debeat esse universalis.

CONCLUSIO. Hominis in Deum amor debet esse universalis.

Probatur. In eo Dei amor debet esse universalis, qui nihil præter Deum, aut saltem nisi in ordine ad Deum diligere debet: atqui homo nihil præter Deum, aut saltem nisi in ordine ad Deum, diligere debet: Hæc enim regula dilectionis (ait Augustinus in libro 1. de Doctr. Christiana cap. 22.) divinitus constituta est: Diliges proximum tuum sicut teipsum: Deum vero ex toto corde, ex tota anima, ex tota mente, ut omnes cogitationes tuas, & omnem vitam, & omnes

Et omnem intellectum in illum censerat, a quo habet ea ipsa qua confert. Cum autem ait. Toto corde, tota anima, tota mente, nullam vite nostra partem reliquit, qua vacare debeat, & quasi locum dare, ut alia velit frui; sed quicquid aliud venerit in animum, illuc rapiatur, quo totus dilectionis impetus currit. Quisquis ergo recte proximum diligit, hoc cum eo debet agere, ut etiam ipse toto corde, tota anima, tota mente diligat Deum. Sic enim cum diligens tanquam seipsum, totam dilectionem sui, & illius refert in illam dilectionem Dei, que nullum a se rivulum duci extra patitur, cujus derivatio minuitur. Hactenus S. Doctor.

Confirmatur argumentum quod in Augustini doctrina, & in disciplina morali palmarium est: Res alia sunt (ait S. Doctor in libro 1. de Doctr. Christ. cap. 3.) quibus fruendum est: alia quibus utendum; alia qua fruuntur & utuntur. Illa quibus fruendum est, beatos nos faciunt. Istis, quibus utendum est, tendentes ad beatitudinem adjuvamus, ut ad illas que nos beatos faciunt, pervenire, atque hic inhaerere possimus. Nos vero qui fruimur & utimur, inter utrasque constituti, si eis, quibus utendum est, frui voluerimus, impeditur cursus noster, & aliquando etiam deflectitur, ut ab his rebus, quibus fruendum est, obtinendis, vel retardemur, vel etiam recedamus inferiorem amore praecepti. Hactenus Augustinus.

Exponit immediate post S. Doctor, quanam sint res illae, quibus fruendum est; aitque Deum esse solum: Res (inquit) quibus fruendum est, Pater, & Filius, & Spiritus Sanctus, eademque Trinitas, unaquodam summa res, communisque omnibus fruendis ea.

Explicat quoque quanam res sint, quibus fruendum non est; asseritque eas esse res quae aliae sunt a Deo: Nemine autem (inquit) homine, quamvis amicitissimo frui debemus, quia nemo homo propter se diligendus est: Quod enim propter se diligendum est, in eo constituitur vita beata: cuius etiam nondum res, tamen spes ejus nos hoc tempore consolatur. Maledictus autem qui spem suam ponit in homine. Sed nec seipso quisquam frui debet, quia nec seipsum debet propter seipsum diligere, sed propter illum quo fruendum est.

Docet tandem, quanam res sint, quibus uti nobis licitum est: Rebus denique creatis debemus uti; non quasi manserita quadam dilectione atque delectatione, sed transitoria potius, tanquam via, tanquam vehiculum, vel aliorum quorumlibet instrumentorum, aut si quid congruentius dici potest, ut ea, quibus fruimur, propter illa ad quod ferimur, diligamus.

Ex eo, quod (ut jam observavimus, & iterum inculcandum ducimus) palmarium est & capitale in disciplina morali principium, *Juxta. Instit. Theol. Tom. III.*

sic argumentum conficitur. Is qui seipsum, proximum, opera, creata omnia, ad Deum non refert, seipso, proximo, operibus, creatis non utitur, sed fruitur: liquidem, ex Augustino, frui, est amore alicui rei inhaerere propter seipsum: uti autem, quod in usum venerit, ad id, quod amas, obtinendum referre: Sed qui seipsum, proximum, opera, creata aliqua, ad Deum non refert, sibi, proximo, operibus, creatis rebus, propter se ipsum, proximum, opera, rem creatam amore inhaeret: ergo seipso, proximo, operibus, re creata, fruitur; ac proinde reus est infracti primi praecepti, quod in Decalogo continetur: Tota nimirum (Augustinus teste) humani cordis perversitas in eo posita est, quod uti fruendis & utendis frui velit.

Quare, utrum ut quis debito omnia in Deum referendi faciat satis, sufficiat, quod illius opus ex se tendat ad finem honestum, nec aliquo pravo fine ex parte operantis inficiatur.

Resp. satis non esse. Ratio est, quia relatio operis alicujus ad Deum, quae creaturae rationali per primum Decalogi mandatum praecipitur, differt a motu, quo bruta animalia ad finem sibi naturalem feruntur: ergo illi praecepto non fit satis, nisi per cognitionem & amorem finis.

Desumpta est ea responsio ex S. Thoma, qui in questionibus disputatis de Caritate art. 18. sic loquitur: *Habitualiter refert in Deum & qui nihil agit, nec aliud actualiter intendit, ut dormiens: sed virtualiter aliquid referre in Deum, est agentis propter suam inclinationem in Deum.* Vide quae diximus agentes superius de actibus indifferentibus in individuo.

Confirmatur ex eo, quod debitum referendi omnes actus in Deum, creaturae rationali hisce Decalogi verbis, *Dilige Dominum Deum tuum ex toto corde tuo, &c.* impositum sit: his autem verbis praecipitur, ut Deus a creatura rationali ametur, saltem virtualiter, in omnibus operibus suis deliberatis; nam ea Decalogi verba, non habitum amoris (ut superius demonstratum est) sed actum, saltem virtualem, praescribunt: ergo ei debito non fit satis per actus, in quibus creatura rationalis nec de Deo, saltem virtualiter cogitat, nec eum diligit amore saltem virtuali, seu qui oriatur ex aliquo actu amoris, qui in corde non multo ante praecesserit.

Hinc patet, hominem fidelem, qui pauperi largitur eleemosynam, aut aliquam actionem miseriae proximi sublevandi causa deliberate operatur, non peccare quidem quod id agat; opus enim illud altera Decalogi tabula praeceptum est; sed tamen non tacere eum satis praecepto, quo Deum ex toto corde diligere, seu ad ipsum omnia opera nostra, non actu quidem, sed saltem virtualiter, referre jube.

jubemur. Opera misericordiae in proximum, & alia quae tum ratione substantiae, tum ratione finis proximi sunt bona, viae sunt, (Augustino teste) vehicula, instrumenta, quibus non frui, sed uti debemus propter illud, ad quod ferimur, Deum scilicet, diligendum.

Se habet fidelis qui misericordiae opus in proximum exercet, aut aliquid aliud, in se alioquin bonum, operatur, sicut Regis servus, qui cum a Rege iussus fuerit Romam Parisiis proficisci, Lugdunum se confert, quae urbs est, qua Parisiis Romam itur. Quemadmodum ergo servus ille licet nihil operatus sit mali, quod Lugdunum se contulerit, mandatum tamen Regis, quo Romam usque proficisci iussus fuerat, non adimplevit, ita nec fidelis debito de Deo diligendo ex toto corde, ac proinde de referendis omnibus ad ipsum operibus deliberatis, non facit satis, qui opus misericordiae in proximum exercet, nec ulterius tendit, hoc est, qui illud idem opus misericordiae, in Deum (ut jubetur primo Decalogi mandato) saltem virtualiter, non refert. Implevit quidem homo ille fidelis praeceptum secundae tabulae, sed non implevit illud, quod in prima Decalogi tabula continetur, quodque ab aliis distinguitur: ut his verbis docet S. Thomas 2. 2. q. 44. art. 1. ad 1. *Modus dilectionis non cadit sub illis praeceptis, quae dantur de aliis actibus virtutum, puta sub hoc praecepto: Honora patrem tuum & matrem tuam, non cadit, quod hoc ex caritate fiat; cadit tamen actus dilectionis sub praeceptis specialibus.*

Confirmatur ex Clero Gallicano, qui in Comitibus generalibus ann. 1700. hanc propositionem damnavit: *Sufficit, ut actus moralis tendat in finem ultimum interpretative.*

S. III. Utrum hominis in Deum Caritas debeat esse perfecta.

Not. Non est hic quaestio, utrum nostra in Deum caritas tantum hic in terris debeat habere perfectionem; quantum post vitam hanc habebit in caelis. Scilicet impossibile est, ut vitatorum amor in Deum tantus sit, quantus est amor comprehensorum: Deus (inquit S. Thom. 2. 2. q. 44. art. 6.) *intendit per hoc praeceptum ut homo Deo totaliter uniatur: quod fiet in patria, quando Deus erit omnia in omnibus. Et ideo plene & perfecte in patria implebitur hoc praeceptum. In via autem impletur, sed imperfecte; quod nimirum in via non pervenitur in finem quem Deus in illo ferendo sibi proposuit.* Sed quaestio est, utrum in hac vita adhuc constituti teneamur pro viribus ad perfectam caritatem conari, efficereque, ut illius fervor, illius intentio, in nobis augeantur.

CONCL. Primo Decalogi mandato, *Dilige Dominum Deum tuum ex toto corde tuo, &c.*

jubemus hic in terris ad perfectam caritatem pro nostra virili parte conari.

Probatur 1. ex Scriptura. Proverb. c. 4. haec leguntur: *Iussorum semita quasi lux splendens, procedit & crescit usque ad perfectam diem.* Unde sic arguitur. Homo in caritate Deo debita se habere debet, sicut sol debet in itinere, quod decurrit atque sol ab ortu suo, singulis momentis quoad faciem crescit, donec meridiem attigerit: ergo a pari homo iustus, quandiu est in via, crescere debet in caritate, donec meridiem attigerit; hoc est, donec in patria, ad caritatis plenitudinem & totalitatem per perfectam amantis cum objecto amato unionem pervenerit.

Psal. 83. Propheta Rex de iustis, quibus cordi est aeterna salus, haec ait: *Ibant in virtute in virtutem. Et videbitur, hoc est, donec videatur, Deus Deorum in Sion.* Neminem excipit Profeta sanctus, sed omnes omnino iustos indefinite complectitur: ergo iustis omnes, quaecumque sint in via perfectionis, conari debent in singulis suis actibus, ut in sua in Deum caritate proficiant.

S. Petrus in Ep. 11. c. 111. omnibus omnino fidelibus dat in mandatis, ut in gratia proficiant: *Crescit (ait) in gratia, & in cognitione Domini nostri & Salvatoris Jesu Christi.* Atqui in gratia non crescitur, nisi crescat in caritate: Quid enim aliud est gratia, quam caritas diffusa in cordibus nostris per Spiritum sanctum qui datus est nobis? Quid gratia, nisi iustitia, seu sanctitas? at iustitia caritas est: ergo quisque fidelis conari tenetur, ut suae ipsius caritati augmentum accedat. *Caritas inchoata* (inquit Augustinus in lib. de Natura & Gratia cap. ult.) *inchoata iustitia est; caritas perfecta, perfecta iustitia est; Caritas perfecta, perfecta iustitia est. Sed caritas de corde puro, & conscientia bona, & fide non ficta; quae tunc maxima est in hac vita, quando pro illa ipsa contemnitur vita: Sed miror, si non habes quo crescat, cum de mortali excesseris vita.* Haec tenet S. Doctor. Itaque ex S. Petro, & ex Augustino, ad mortem usque in caritate crescere jubemur.

Probatur 2. ex Concilio Tridentino. Sacra Synodus caput decimum sessionis sextae sic interibit, *De accepta justificationis incremento;* quo quidem ex titulo patet, sacram synodum ex professo & dedita opera de justificationis incremento tractare.

Proponit deinde media quibus conari debemus acceptae justificationis incrementum comparare: *Sic ergo iustificati, & amici Dei, ac domestici facti, cunctis de virtute in virtutem renovantur, ut Apostolus inquit, de die in diem (seu continuo, & nulla interposita interruptione) hoc est, mortificando membra carnis suae, & exhibendo arma iustitiae in sanctificationem, per observationem mandatorum Dei* &c.

& Ecclesia, in ipsa iustitia per Christi gratiam accepta, cooperante fide bonis operibus, crescunt atque magis iustificantur.

Mox eadem sacra Synodus ex Scriptura probat debitum, cuius meminit crescendi in iustitia & caritate, & quidem ad ultimam usque vitæ periodum. Sicut (inquit) scriptum est: *Qui iustus est, iustificetur adhuc. Et iterum, Ne verearis. usque ad mortem iustificari. Et rursum: Videtis quoniam ex operibus iustificatur homo. & non ex fide tantum.*

Profert & Ecclesia in suis Orationibus praxim, ut idem crescendi in caritate debitum iustis omnibus impositum probet? Hoc vero (inquit) iustitia incrementum petit sancta Ecclesia, cum orat: *Da nobis, Domine, fidei, spei, & caritatis augmentum.*

Probat 3. ratione theologica. 1. Homo, quandiu in humanis est, bellum debet indicare concupiscentiæ, cujus vires & impetum ad extremam usque vitæ periodum, quantumcumque sanctus sit, experitur; juxta illud Concilii Tridenti sess. 5. can. 5. *Manere autem in baptizatis concupiscentiam vel fornicationem, hæc sancta Synodus fatetur, & sentit, quæ cum ad æternam reliqua sit, nocere non consentientibus, seu utiliter per Christi Jesu gratiam repugnantibus non valet.* Atqui per repetitos & frequentes caritatis actus homo viator comprimit concupiscentiæ vires, & sistit impetum: siquidem (ut ait Augustinus) amor non nisi amore pellitur, amor creaturæ amore creatoris: & in tantum deprimitur hostis ille domesticus, in quantum Dei caritas in nobis per frequentes illius actus crescit; vera enim est hæc ejusdem Augustini sententia in lib. III. de Doctrina Christiana, cap. x. *Quanto magis (ait) regnum cupiditatis destruitur, tanto caritatis augetur: ac proinde e contra, quanto magis regnum caritatis augetur, tanto regnum cupiditatis destruitur.*

Præterea homo in omnibus his quæ agit ex deliberatione, uti tantum debet creaturis, solo autem Deo frui: ergo continuo tenetur agere ex caritate; non enim quis aut creaturis solum utitur, hoc est, illis ad Deum refert, aut Deo fruitur, nisi per caritatis actum: *Frui enim (ut jam observatum est ex Augustino) est amore alicui rei inbrere propter seipsum: Ut autem, quod in usum venerit, ad id, quod amatur, obtinendum referre.* Si autem homo continuo ac sine interruptione tenetur agere ex caritate, tenetur & ad profectum in caritate: cum (ut jam dictum est) profectus caritatis non aliud sit, quam incrementum, & continuum caritatis exercitium.

ARTICULUS IV.

Quid ex parte nostra exigit caritas proximo debita.

Not. **Q**Uæ in hoc articulo expendantur, reducuntur ad hæc capita. 1. Per quid fiat satis præcepto Caritatis in proximum: 2. utrum vi caritatis ei debita, debeantur tum fraterna correptio, tum elemosyna corporea: 3. An Caritas in proximum, sese etiam ad inimicos extendat.

§. 1. *Per quid fiat satis præcepto caritatis in proximum.*

CONCL. 1. Præcepto caritatis in proximum non fit satis per solos actus externos, seu per beneficia tantum externa.

Probat 1. Verba ex quibus constat præceptum caritatis in proximum, imperant internum caritatis actum: *Dilige proximum tuum sicut teipsum* hæc nimirum vox, *Dilige*, motum animi significat: unde Augustinus asserit, interiore animi motum esse caritati, sive in Deum, sive in proximum, essentialem: *Caritatem* (ait lib. 11. de Doctrina Christiana cap. x.) *voco motum animi ad fruendum Deo propter ipsum, & se ac proximo propter Deum.* 2. Contraria nostræ conclusioni sententia damnata fuit ab Inquisitoribus Romanis coram Innocentio XI. & postea a toto Clero Gallicano, ut dicetur inferius: ab utrisque nimirum proscripta est hæc propositio: *Præcepto proximum diligenti satisfacere possumus per solos actus externos.*

CONCL. 2. Varii actus externi requiruntur, ut fiat satis præcepto caritatis proximo debita.

Probat 1. Requiritur 1. ut quantum in nobis est, illius æternæ salutis consulamus: *Quod ergo (inquit August. in libro de Moribus Ecclesiæ, cap. 25.) agit tecum, id agendum cum proximo est, hoc est, ut ipse etiam perfecto amore diligat Deum. Non enim cum diligis tanquam te ipsum, si non ad bonum, ad quod ipse tendit, adducere satagis.*

Requiritur 2. ut vitam corpoream exponamus certo etiam mortis periculo, si mors corporea prudenter existimetur requiri ad consulendum æternæ illius salutis. Scilicet in eo casu urget præceptum illud primæ hominis 3. *In hoc cognovimus caritatem Dei quoniam ille animam suam pro nobis posuit: & nos DEBEMUS pro fratribus animas ponere.* Idem aperte docet Augustinus in libro de Mendacio, cap. 6. ubi sic loquitur: *Temporalem plane vitam suam pro æterna vitæ præmissi non dubitabit Christianus amittere: hoc enim præcessit exemplum, ut pro nobis Dominus ipse moreretur.*

Quod quisque proximo in extrema necessitate constituto debet ex caritate, ex iustitia

præterea illi in gravi necessitate posito Pastores debent: *Bonus Pastor* (ait Christus Joannis 10.) *animam suam dat pro ovibus suis*; *Mercenarius autem, & qui non est Pastor, videt lupum venientem, & dimittit ovem & fugit*. Vide de fuga Pastorum, cum sævit persecutio, epistolam Augustini ad Honoratum, quæ in editione veteri erat numero 180. in nova vero numero 218.

Requiritur 3. ut magnum temporale proximi bonum servemus, etiam cum iactura nostri boni temporalis, sed longe minoris momenti. Unde ordinem amoris evertunt, qui pro defensione bonorum, fortuna, famæ, honoris proximum occidunt auctoritate privata: *Quomodo* (inquit Augustinus in lib. 1. de libero arbitr. cap. 5.) *a peccato liberi erunt, qui pro iis rebus, quas contemni oportet, humana cade polluti sunt?*

§. II. *Utrum correptio fraterna ex vi præcepti caritatis proximo debetur.*

Nos. Expendendum est hæc 1. an correptio fraterna sit præcepta: 2. A quibus fieri debeat: 3. Quibus cautionibus adhibenda sit.

CONCLUSIO 1. Vi præcepti caritatis, correptio fraterna proximo debetur.

Probatur 1. Vi præcepti caritatis consulere debemus æternæ proximi nostri salutem: cum enim sicut nos ipsos diligere debemus: ergo tenemur peccantem corripere: nimirum correptio est medium, quo salus illius æterna promovetur: qui autem efficaciter vult finem, debet velle media quæ ad illum finem aut conferunt, aut absolute requiruntur.

Probatur 2. Christus ipse correptionis præceptum tulit in Nova Lege: sic enim loquitur Matthæi cap. 18. *Si peccaverit in te frater tuus, vade & corripe eum inter te & ipsum solum. Si te audierit, lucratus eris fratrem tuum*. Clarioribus verbis exprimi non potuit præceptum strictè sumptum.

Quæres, quid significant hæc duo verba in te, quibus Christus in ferenda lege correptionis usus est.

Resp. verba illa duobus modis explicari posse 1. ut idem sint ac *TE SCIENTE*, sive in nos ipsos, sive in tertiam personam, sive immediate in Deum proximus peccaverit. Ita exponuntur ab Augustino, Sermone xxxii. alias xv. cap. 1. Explicari possunt 2. ut idem sint, ac *IN TE IPSUM*, ita ut significant injuriam nobis illatam. Ita ab eodem Augustino in mox laudato Sermone explicantur. Illi vero expositioni favet textus Evangelicus, ubi narratur, Petrum audita, de qua agitur, Christi sententia, mox Dominum sic interrogasse: *Domine, quoties peccabis in me frater meus, & dimittam ei?* Præterea Lucæ 17. idem præceptum sic exprimitur: *Si peccaverit in te frater tuus,*

incepta illum: & si penitentiam egerit, dimitte illi.

Obijcies. Si Christi sententia: *Si peccaverit in te frater tuus, vade, & corripe illum inter te, & ipsum solum, &c.* intelligatur de peccatis quæ in nos immediate commissa sunt, hinc inferri poterit, non esse præceptum de corripiendo fratre cum aut in Deum immediate, aut in aliam a nobis personam peccaverit: sed falsum est consequens: ergo, &c.

Resp. neg. maj. Ratio est, quia proximum non nostræ utilitatis causa corripere jubemur, sed ideo quod peccando animam interemerit suam: at non minus peremit, cum in Deum immediate, aut in proximum nostrum peccaverit, quam cum nos ipsos offendit. Desumptum est responsum illud ex Augustino, qui Sermone 83. alias 26. *De Verbis Domini*, c. 7. sic loquitur: *Quare illum corripis? Quia tu doles quod peccaverit in te? Absit. Si amore sub id facis, nihil facis. Si amore illius facis, optime facis. Denique in ipsis verbis attende, cujus amore id facere debeas: utrum tui, an illius. Si te audierit (inquit) lucratus eris fratrem tuum. Ergo propter illum fac, ut lucreris illum. Sic faciendo lucraris: nisi fecisses, perierat.*

CONCLUSIO 2. Debitum corripiendi fratrem omnibus quidem impositum est; eo tamen Superiores strictius tenentur.

Probatur prior pars: Ecclesiastici cap. 17. hæc leguntur: *Mandavit, Deus, unicuique de proximo suo: hoc est Deus unicuique dedit in mandatis, ut pro virili parte æternæ proximorum suorum salutem consulat. Præterea unius ac ejusdem corporis membra sumus omnes: Ergo aliqua ratione singulorum Ecclesiæ membrorum cura omnibus committitur: Si quid (inquit Apostolus 1. ad Corinth. 12.) patitur unum membrum, compatiuntur omnia membra.*

Probatur altera pars. Subditi Superiorum omnium, sive carnalium, sive spiritualium, curæ magis commissi sunt, quam aliis hominibus: *Si quis (ait Apostolus) suorum curam non habet, factus est infideli deterior*. Ad id operis Episcopi, Pastores, Parochi, & alii qui animarum regimini præpositi sunt, non solum titulo caritatis, sed præterea titulo justitiæ tenentur. Ita docet Augustinus in libro 3. de Civitate Dei, cap. 9. *Quare (inquit agens de Pastorum officio) non utique parem, sed longe graviores habent causam, quibus per Prophetam dicitur: Ille quidem in suo peccato morietur: sanguinem autem ejus de manu speculatoris requiram. Ad hoc enim populorum præpositi constituti sunt in Ecclesiis, ut non pareant objurando peccato.*

Quæres, an inferiores superiores corripere teneantur.

Resp.

Resp. inferiores nec teneri, nec posse corripere superiores per correctionem quæ sit actus iustitiæ per coercionem poenæ; posse vero per correctionem quæ sit actus caritatis, & quidem occulte: ita definitur ab Innocentio III. Capite, *Cum ex iniuncto*, Ext. de hæreticis, ubi dicitur: *Aliud esse fratrem in se peccantem occulte corripere; quod quisque tenetur efficere secundum regulam Evangelicam: Et aliud esse Patrem suum delinquendo reprehendere manifeste: quod utique nulli licet secundum Evangelicam veritatem.*

Excipitur tamen casus, quo fidei periculum immineret: Tunc enim inferior Prælatus etiam manifeste corripere tenetur. Ita Paulus Antiochiæ se gessit in Petrum cum Judæis cum Gentilium periculo judaizantem, quod quidem Pauli factum ipse Petrus probavit, ut hisce verbis docet Augustinus Epistola 82. alias 19. *Ipse vero Petrus quod a Paulo fiebat utiliter libertate caritatis, sancta ac benigna pietate humilitatis accepit: Atque ita rarius & sanctius exemplum posteris præbuit, quo non dedignarentur, si ubi forte recti tramitem reliquissent, etiam a posterioribus corrigi: quum Paulus, quo confidenter auderent etiam minores Maioribus pro defendenda Evangelica veritate, salva fraterna caritate resistere.*

CONCL. 3. Cautiones variæ in fraterna correptione adhibendæ sunt.

Probatur enumeratione. 1. Tunc tantum adhiberi debet, cum probabilis spes affulget eam peccatori utilem fore: scilicet in eo tantum casu locum habet finis præcepti: *Si te audierit, lucratus eris fratrem tuum.* Nec opus est, ut iudicetur eam statim profuturam esse: sed satis est, ut prudenter existimetur, illam aliquando utilem fore. Ita Augustinus Epist. 210. alias 87. ac aliis pluribus locis docet.

II. Cum peccatum ejus, qui deliquit, occultum est, occulta adhibenda est correptio: *Si peccaveris in te frater tuus* (ait Christus Matthæi 18.) *vade & corripe eum inter te, & ipsum solum.* Divini illius præcepti hanc rationem tradit Hieronymus in caput 18. Matthæi: *Corrumpendus est frater seorsum, ne si semel pudorem ac verecundiam amiserit, remaneat in peccato.* Ac præterea necesse est, ut famæ consulatur, ad quam delinquens jus habet, quandiu occultum est quod admisit peccatum. Vide Augustinum Serm. 82. alias 16. *De Verbis Domini*,

III. Si adhibita occulta correptio sceleris reo non profuerit, hoc est, si se non emendaverit, servandum est illud Christi præceptum: *Si autem te non audierit, adhibe tecum adhuc unum vel duos, ut in ore duorum vel trium testium, stet omne verbum.* Cui iterata monitioni si reus non obtemperet, tunc deferri debet ad superiores, qui poenæ metu

illum coerceant: *Quod si* (inquit Christus) *non audierit eos, dic Ecclesia.*

IV. Ea tamen monitionis cautio adhibenda non est, cum rei peccatum vergit in aliorum nosumentum, sive spirituale sit, sive corporale. Tunc enim absque præmissa monitione propter commune bonum, quod privata peccantis famæ ac commodo præponendum est, statim Superioribus denunciari debet: *Quædam peccata* (inquit S. Thomas 2. 2. qu. 33. art. 7.) *occulta sunt, quæ sunt in nosumentum proximorum vel corporale, vel spirituale, puta si aliquis occulte trahet, quomodo civitas tradatur hostibus; vel si hæreticus privatim homines a fide avertat. Et quia ille qui sic occulte peccat, non solum in se peccat, sed etiam in alios: oportet statim procedere ad denuntiationem, ut huiusmodi nosumentum impediatur.* Conditionem adhibet Sanctus Thomas, quæ cum de patriæ proditoribus, hæreticis, aut corruptæ moralis disseminatoribus agitur, licet speculative vera sit, in praxi tamen nusquam, propter periculum boni communis, locum habere debet: *Nisi forte* (inquit ibidem) *aliquid firmiter existimaret, quod statim per secretam admonitionem posset huiusmodi mala impedire.* Vide Leonem Magnum Sermone xv. de jejunio decimi mensis, ubi de hæreticis hæc ait: *Qui tales non prodendos putant, in iudicio Christi inveniuntur rei de silentio, etiam si non contaminentur assensu.*

V. Cum quis prudenter iudicat, correptionem utiliore fore, si a Prælato, aut alio Superiore fiat, potest absque occulta monitione, peccatum licet occultum ad Prælatum deferre, non tanquam ad iudicem, a quo puniatur, sed tanquam ad Patrem & medicum, a quo reus salvetur, & sanetur: *Si ergo scio* (inquit S. Thomas Quodlibeto xi. quæst. x. art. 11.) *quod frater per me corrigetur, tunc non debeo hoc denunciare Prælato. Si autem videtur, quod hoc melius fiat per Prælatum, & nihilominus Prælatus sit pius, discretus, & spiritualis, non habens rancorem, seu odium adversus illum subitum, tunc licite potest hoc denunciare ipsi; & tunc non dicit Ecclesia, quia non dicit ei sicut Prælato, sed sicut personæ proficienti ad correctionem proximi & emendam.* Eum agendi modum hausit S. Thomas ex Augustino Sermone qui jam superius laudatus est.

VI. Cum peccatum est publicum, publica adhibenda est correptio, præsertim a Prælati & Superioribus: *Peccantes* (inquit Apostolus 1. ad Timoth. 5.) *coram omnibus argue, ut & ceteri timorem habeant.* Hinc Ecclesia his etiam temporibus (ut patet ex Concilio Tridentino) iis qui certorum quorundam peccatorum publicorum rei sunt, publicam poenitentiam injungit.

VII. Correptio fraterna exerceri debet 1.

A a 3

cum

Juvenin. Instit. Theol. Tom. III.

cum humilitate, 1. cum caritate, 3. cum mansuetudine: *Frater*, (inquit Apostolus in Epistola ad Galatas, c. 6.) *& si praecipuus fuerit homo in aliquo delicto, vos qui spirituales estis, huiusmodi instruite in spiritu lenitatis, considerans te ipsum, ne & tu tentaris.* Vide Augustinum Serm. 85. alias 18. *de Verbis Domini* cap. 18. Vide etiam Gregorium Magnum libro 24. *Moralium*, cap. 10. Vide quoque Bernardum Sermone 1. ex iis quos habet Paschali tempore.

Quæres 3. utrum is peccet, qui fratrem arguit de peccato, cuius ipse reus est.

Respondet S. Thomas 2. 2. quæst. 33. art. 5. non peccare, si corripiendo fratri notum non sit corripientis peccatum; 2. non peccare quoque etiam si illius peccatum sit fratri corripiendo notum, modo illius poenitentiam demonstret; immo etiam si sit publicum, modo videatur illud detestari. Afferit S. Doctor teneri corripientem ad interiorum sui peccati poenitentiam, ne affectus ad peccatum impedimento sit divinis auxiliis, quibus corripendus indiget ad sui emendationem. Addit, peccatum, cuius quis reus est, cum ab exercenda in fratrem correptione non eximere. Nec mirum, cum debitum correptionis fraternæ jure naturali ac divino, cuique impositum sit. Vide de eo argumento Augustinum in libro 1. de Civitate Dei, c. 9.

Quæres 2. utrum omissio fraternæ correptionis sit peccatum.

Resp. omissionem fraternæ correptionis esse peccatum lethale: *Quando* (ait S. Thomas 2. 2. quæst. 32. art. 2. in responsione ad tertium) *aliquis probabiliter presumit de aliquo delinquente, quod posset eum a peccato retrahere, & tamen propter timorem, vel cupiditatem prætermittit.* Addit S. Doctor, veniale tantum esse peccatum, cum timor ac cupiditas, extra tamen gravem necessitatem, correptionem fraternam tardiores faciunt. Ita etiam docet Augustinus in lib. 1. de Civitate Dei, cap. 9. Excipiendus est tamen casus pastoris: is enim, etiam in communi necessitate, non potest diu fraternam correptionem, quam utilem fore judicat, in longum tempus protrahere. Vide eundem Augustinum loco proxime laudato.

§. III. Utrum ex vi præcepti de caritate incumbeat eleemosyna debitum.

Not. De Eleemosyna quæremus 1. utrum cadat sub caritatis proximo debita præceptum: 2. a quibus erogari possit: 3. quibus danda sit: 4. quænam conditiones illam comitari debeant.

CONCLUSIO 1. Eleemosyna cadit sub caritatis proximo debita præceptum.

Probatur. Eleemosyna cadit sub præceptum illius virtutis, quæ jubet, ut proximi mi-

seriam sublevemus; sed id jubet caritas proximo debita: Cum enim ex caritatis præcepto proximum, non lingua & verbo, sed opere & veritate diligere debeamus, jubemur quoque, quantum in nobis est, illius miseriam sublevare: ergo eleemosyna cadit sub præceptum caritatis proximo debita.

Quæres 1. utrum omissio eleemosynæ sit peccatum lethale.

Resp. affirmative: Ratio est 1. quia Matthæi 25. igne perpetuo damnantur, qui eleemosynam debito loco & tempore non erogaverint: *Discedite in ignem æternum; esurivi enim, & non dedistis mihi manducare.* 2. Primæ Joannis 13. dicitur: *Qui habuerit substantiam huius mundi, & viderit fratrem suum necessitatem habere, & clausit viscera misericordie sue ab eo, quemodo caritas Dei manet in eo?* Ecclesiastici 2. 4. exprimitur præceptum de eleemosyna eroganda: *Eleemosynam pauperis ne defraudes*: iis enim verbis debitum strictè sumptum significatur; qui autem præceptum infringit, per se reus est peccati mortalis.

Quæres 1. quo tempore obliget eleemosynæ præceptum.

Resp. obligare 1. in extrema proximi necessitate, hoc est, cum proximo imminet periculum mortis, mutilationis membri, incidendi in perpetuam amentiam, aut in perpetuam infamiam. Resp. 2. obligare in gravi proximi necessitate, id est, cum adest periculum gravis alicujus damni, ut est gravis ægrotudo, jactura notabilis bonorum, aut notabilis acceleratio mortis paulatim procedens, & incommoda alia, quæ vitam reddunt miseram & multo molestant: hæc autem necessitatis species vocari solet *quasi extrema*. Resp. 3. obligare in communi necessitate, ea scilicet quam patiuntur ii qui vulgo *pauperes* vocantur. Nec nomine *pauperum* soli mendicis intelligi debent, sed etiam ii qui licet honeste vivant, carent iis quæ ad congruam sustentationem, & sumptus, quos tertiorum status, ad modestiæ tamen christianæ normam exactus, requiruntur.

Quæres 3. quibus ex bonis in illa triplici necessitate eleemosyna sub reatu peccati lethalis dari debeat.

Ut illa quæstio solvatur, notandum est, bona alicui necessaria triplicis esse generis. Nonnulla sunt simpliciter necessaria natura, quia scilicet sine illis homo non potest se ipsum, aut suos alere. Alia sunt necessaria status, hoc est, ut conservetur status honestus, & ad christianæ modestiæ & temperantiæ regulas exactus. Et tandem alia sunt bona superflua & naturæ & statui honesto. His præmissis, dicendum est 1. bona quæ naturæ sunt superflua, erogari debere in extrema proximi necessitate. Ratio est, quia tertio ordo caritatis, ut cum di-

pen.

pendio proprii minoris boni, ut est beneficium naturae, conservetur majus bonum proximi, cujusmodi est illius vita. Dicendum est 2. in gravi proximi necessitate erogari debere, quae ad honestum statum conservandum necessaria sunt; idque propter eandem rationem quae jubet, ut superflua naturae dentur in extrema proximi necessitate. Dicendum est 3. superflui status ad christianae modestiae regulas exacti, erogari debere in communi proximorum necessitate.

CONCLUSIO 2. Si tantum possunt ac debent eleemosynam dare, quibus aut dominium rei erogandae, aut illius administratio libera competunt.

Probat. Eleemosyna ex iis tantum bonis fieri potest, quae eroganti propria sunt; neque enim alienum dari potest: atqui iis tantum, quibus rei erogandae aut dominium, aut administratio libera competunt, sunt aliqua bona propria: ergo si solum eleemosynam dare possunt.

Hinc autem colligitur 1. Monachum cui dispensatio, vel administratio honorum Monasterii non est concedita, non posse sine Superioris licentia aut expressa aut prudenter praesumpta eleemosynas elargiri. Ratio est, quia voto paupertatis obstrictus, rei alienae dominium non habet, immo nec usum, nisi a Superiore concessus sit. Idque intelligitur non tantum de Monasterii bonis, sed etiam de iis quae aut a parentibus acceperit, aut quae industria, aut alio quovis modo comparaverit: nisi tamen pauperi in extrema necessitate constituto, aut absente Superiore, *aliquid modicum, sub spe*, ut ait S. Thomas, *re habitationis*.

Excipiendi sunt tamen duo casus. Primus, cum quaequam ei conceduntur dispensanda, aut in proprios usus, aut in alios pios; ex iis enim bonis, quod vel parsimonia, vel frugalitate superfluerit, potest pauperibus erogare, siue sit in Monasterio, siue extra Monasterium negotiorum aut studiorum causa versetur: *Quia* (ut loquitur S. Thomas in iv. sent. dist. xv. q. 11. art. v. quaestiuicula iv.) *tum dantur ei expensae, committitur ei earum dispensatio*. Alter casus est, cum Parochus est, aut alio aliquo beneficio donatus; tunc enim ex jure beneficii est administrator: ac proinde ex fructibus illius pauperes recreare potest, ac debet. Scilicet oblationes, & fructus beneficiorum, accepta honesta sustentatione, patrimonium sunt pauperum.

Colligitur 2. Uxorem ex bonis mariti, vel ex bonis communibus, quorum administratio ad virum pertinet, non posse eleemosynas erogare, nisi ex marito vel dato, vel praesumpto consensu, aut saltem modice quae ibi ejusdem conditionis materiis fieri consueverunt, aut in extremae necessitatis articulo.

Ita docet Augustinus Epistola 63. alias 199. quae est ad Ecdiciam.

Excipi tamen debet ab illa regula casus quo maritus ad proprium ornatum, & honestas expensas nonnullam pecuniam summam concesserit, aut, minime neglecta familiae cura, nonnihil arte, vel ludo, lucrata fuerit, aut bona paraphernalia, id est, praeter dotem bona a parentibus, aut aliis in proprios usus expendenda habuerit; ex iis scilicet omnibus potest eleemosynas elargiri. Ita docet S. Thomas 2. 2. q. 32. art. 8. in responsione ad secundum.

Colligitur 3. filios familias eleemosynam erogare non posse absque licentia: *Quia* (ut ait S. Thomas ibid. in resp. ad tertium) *quae sunt filii familias, sunt Patris*.

Excipi debent ab ea regula duo casus. Primus, cum ex consensu Patris iter agit, aut extra domum paternam negotiorum aut studiorum causa versatur. Quae enim aut solent parvis conditionis filii familias, aut quae sibi ex frugalitate subtraxerit, potest pauperibus elargiri: eorum scilicet bonorum concessa est ei libera administratio. Alter casus est cum habet bona Castrensis, aut quasi Castrensis; eorum enim est dominus: non autem cum habet adventitia; nempe quavis eorum dominium habeat, liberam tamen, nisi ex Patris consensu, non habet administrationem.

Nomine honorum *Castrensiarum*, intelliguntur ea quae filios familias militando comparaverit: *Quasi Castrensiarum*, quae ex Officio publico, aut Beneficio adquisierit: *Adventitiarum*, non quae ex bonis Patris oriuntur, sed quae arte, vel propria industria habuerit; & in hoc *Adventitia* differunt a *Professitiis*, quod ista aut ex Patre originem ducant, aut ei Patris causa donata sint.

Colligitur 4. famulos, & ancillas non posse ex rebus dominorum suorum absque eorum consensu eleemosynas, nisi forte quaedam parvis fragmenta, pauperibus erogare: *Dicendum* (ait S. Thomas in 4. Sentent. dist. 15. q. 2. art. 5. quaestiuicula III.) *de servis & ancillis, & etiam de famulis, quavis sint liberae conditionis, quod non possunt eleemosynas dare de rebus dominorum sine eorum consensu, nisi panem & huiusmodi, quae non interunt sensibile nutrimentum; quia cum sit dispensator rerum, non tamen ponitur dispensator qui potestatem aliquam in re domini habent, sed quae tractantur cum ad utilitatem domini: De pretio autem servitii sui, constat quod possit eleemosynam dare*.

CONCLUSIO 3. Eleemosynam variae conditionis comitari debet.

Probat. enumeratione. I. Eleemosyna debet esse *iusta*: scilicet debet esse ex bonis propriis, & non alienis, aut male partis. Ita ex Scriptura docemur: *Honora* (inqu.

Ad 4. Pro-

Proverbiorum 3.) *Dominum DE TUA substantia*. Ita etiam docemur a Patribus: *Dicunt, rapere res alienas, Mammona est iniquitatis* (ait Augustinus Serm. 133. alias 35. de verbis Domini, c. 5.) *Erogare inde aliquid, maxime egentibus Saulis, hoc est facere amicos de Mammona iniquitatis. Intellectus iste corrigendus est, immo de tabulis cordis vestri omnino tollendus est. De iustis laboribus facite eleemosynas. Ex eo quod recte habetis, date: non enim corrupturi estis iudicem Christum, ut non vos audiat cum pauperibus, quibus tollitis.* Idem docent Ambrosius lib. 1. de officiis Ministrorum c. 30. Gregorius part. III. Pastoralis curæ, Admonitione 22. S. Thomas, 1. 2. q. 32. art. 7.

II. Eleemosyna debet esse prompta: *Ne dicas* (Proverbiorum 3.) *amico tuo: Vade & revertere, cras dabo tibi; cum statim possis dare.* Unde Job. c. 31. *Si negavi quod volebant, pauperibus, & oculos vidua expectari feci: in quæ verba sic loquitur Gregorius Magnus l. 21. Moralium cap. 21. Potentem se viduam expectare noluit, ut non solum ex munere, sed etiam ex celeritate muneris, bonorum operum merita augeret.*

III. Eleemosyna debet esse hilaris. *In omni dato* (ait Scriptura, Ecclesiast. c. 35.) *hilarem fac vultum tuum, & in exultatione sanctifica decimas tuas.* Eandem conditionem Apostolus secundæ ad Cor. 9. Eleemosynæ præfinit: *Unusquisque* (inquit) *prout destinavit in corde suo, non ex tristitia, aut ex necessitate: hilarem enim datorem diligit Deus.* Vide Chrysostomum Hom. 16. in Epistolam 2. ad Cor. hom. 21. in Epistolam ad Romanos, & Augustinum enarratione in Ps. 42. ubi ait, eleemosynam a nonnullis non misericordie causa dari: *Plerumque fit a tristibus, & a murmurantibus, ut careant radio interpellantis, non ut reficiant viscera indigentis.*

IV. Eleemosyna debet esse abundans & copiosa. *In presenti tempore* (ait Apostolus 11. ad Corinth. 7.) *vestra abundantia illorum inopiam suppleat, ut & illorum abundantia vestræ inopie sit supplementum, ut fiat æqualitas, sicut scriptum est: Qui multum non abundavit: & qui multum non minoravit.* Quisquis igitur pro suarum facultatum modulo eleemosynam largitur, tanquam (inquit Augustinus enarratione in Psalmum 146.) *quasi fisco reddendum. Habet rempublicam suam Christus, habet fiscum suum.*

V. Tandem eleemosyna debet esse humilis. *Te autem* (ait Christus ipse Matth. c. 6.) *faciente eleemosynam, nesciat sinistra tua, quid faciat dextera tua, ut sit eleemosyna tua in abscondito: & Pater tuus qui videt in abscondito, reddet tibi.* Sinistra eo loci (ut docet Augustinus lib. 2. de Sermone Domini in Monte, capite 21.) significat, *Delectationem*

laudis: Dextera vero significat, Intentionem implendi præcepta divina.

CONCL. 4. Pauperibus omnibus erogari debet eleemosyna.

Probatur. Tobiz 4. *Noli avertere faciem tuam ab ullo paupere.* Lucæ 5. *Omni petenti te, tribue.* Augustinus (Enarratione in Psalm. 102.) *Aliud quod homo, aliud quod peccator: quod homo, opus est Dei; quod peccator, opus hominis. Da operi Dei, noli operi hominis.... Qui donat histrionibus; qui donat aurigis; qui donat meretricibus, quare donat? Numquid & ipsi hominibus donant? Non tamen ibi attendunt naturam operis Dei, sed nequitiam operis humani.*

Excipiendi sunt tamen mendicantes validi, ignavi, & otiosi: iis enim si detur, parce admodum dari debet: *Cum essemus* (inquit Apostolus II. ad Thessalonicenses IV.) *apud vos, hoc denunciabamus vobis: Quoniam si quis non vult operari, nec manducet.* Hinc S. Augustinus Epist. 93. alias 48. *Utilius esuriens panis tollitur, si de cibo securus, iustitiam negligat; quam esurienti panis frangitur, ut in iustitia seductus adquiescat.*

Non obviis tantum pauperibus, sed iis etiam qui pro pudore mendicare erubescunt: *Altius ad te venit, ut petat* (inquit Augustinus Enarratione in Psalm. 103.) *altius præveni, ne pereat. Si ut enim de illo qui te querit dictum est: Omni petenti te da: Sic de illo quem tu debes querere, dictum est: Sudet eleemosyna tua in manu tua, donec invenias iustum cui eam tradas.* Non sunt quoque prætermittendi Religiosi ex Ordinibus Mendicantium, qui cum pro Christo facultatibus omnibus nuntium remiserint, & de Ecclesia suis in eam obsequiis optime meriti fuerint, digni sunt, qui sedulo a divitibus quaesiti, præveniantur.

§. IV. Utrum Caritatis præceptum se se ad inimicos extendat.

Not. Expendemus hic 1. utrum inimici ex caritate diligendi debeant; 2. quid ex parte nostra exigat debita inimicis caritas.

CONCL. 1. Inimici ex caritate diligendi debent.

Probatur 1. Quilibet proximus noster ex caritate diligendi debet: indefinitum enim est, ac proinde æquivaleret universali, præceptum de caritate exhibenda proximo: *Dilige proximum tuum sicut te ipsum*: atqui inimici sunt proximi nostri: ii enim omnes (ut superius observatum est ex Augustino) qui aut suis beneficiis nos afficiunt, ut Angeli, vel qui nostris indigent obsequiis, nobis sunt proximi loco: ergo, &c.

Probatur 2. auctoritate Christi Domini, qui quidem Matthæi c. v. sic loquitur: *Audistis quia dictum est: Dilige proximum tuum, & ego habebis inimicum tuum:*

Ege

Ego autem dico vobis: Diligite inimicos vestros; benefacite his qui oderunt vos, & orate pro persequentibus, & calumniantibus vos. Christus eo loci rectum tradit sensum Legis: Dilige proximum tuum, quem pharisæi corruperant; isti enim per proximum, aut solum amicum, aut saltem solum Judæum, intelligi volebant: alios vero ex nationibus homines odio haberi posse contendebant. E contra Christus proximi nomine non amicum tantum, non solum hominem ejusdem religionis, sed omnes etiam ex nationibus & sectis homines intelligendos esse docet: prohibetque 1. ne quis odio habeatur: jubet 2. ut amore sincero diligatur, idque ex vi præcepti: Dilige proximum tuum sicut te ipsum: ergo, &c.

Dices. Patres sapius asserunt, præceptum de diligendis inimicis, esse præceptum speciale religioni christianæ: ergo censuerunt, juris esse positivi tantum, non autem naturalis: ac proinde non sequi ex Lege: Dilige proximum tuum sicut te ipsum.

Sed vana est illi obiectio. Eo nimirum sensu Patres dixerunt, præceptum de diligendis inimicis esse speciale religioni christianæ, quod soli Christiani illud servarent: a Christo nimirum edocti, inimicos etiam proximi nomine intelligendos esse: hinc Tertullianus in Apologetico scribit: *Christianus nullius est hostis*; e contra omnes habet fratrum loco, *Frates autem etiam vestri sumus* (alloquitur infideles idololatrias) *pura natura matris unius, etsi vos parum homines, quia mali fratres*. Quid autem boni præcipue optare debeamus inimicis etiam discoloris, docet Augustinus Tractatu VII. in Epistolam Sancti Joannis: *Quare (inquit) diligit inimicum? Quare illum diligit? Ut sanus sit in hac vita? Ut dives sit? Ut uxorem ducat? Ut filios habeat? Incerta sunt ista, quæ videris optare inimico tuo, quia diligit eum. Opta illi, ut habeat tecum vitam æternam. Opta illi, ut sit frater. Si ergo hoc optas, cum diligit inimicum ut sit frater tuus: cum enim diligit, fratrem diligit: non enim amat in illo quod est, sed quod vis ut sit.*

CONCL. 2. Caritas, seu amor inimico debitus, plura exigit ex parte nostra.

Probatur enumeratione. Exigit nimirum 1. cordis affectum, qui quidem voce ista Dilige exprimitur.

Exigit 2. linguæ officium: *Orate pro persequentibus & calumniantibus vos*. Exigit 3. etiam officium manus: *Benefacite his, qui oderunt vos*.

Illæ cordis, linguæ, & manus officia in casu tantum necessitatis, actu inimicis exhibere tenemur; nam extra casum necessitatis, satis est ut animus ad ea exhibenda, cum oportuerit, sit paratus. *Potest* (inquit S. Thomas 2. 2. q. 27. Art. 8.) *considerari di-*

lectio inimicorum in speciali; ut scilicet aliquis in speciali moveatur motu dilectionis ad inimicum. Et istud non est de necessitate caritatis absolute, quia nec etiam moveretur motu dilectionis in speciali ad quolibet hominem singulariter, est de necessitate caritatis, quia hoc esset impossibile. Est tamen de necessitate caritatis secundum preparationem animi, ut scilicet homo habeat animum paratum ad hoc, quod in singulari inimicum diligeret, si necessitas occurreret. Sed quod absque articulo necessitatis homo etiam hoc actu impleat, ut diligit inimicum propter Deum, hoc pertinet ad perfectionem caritatis. Cum enim ex caritate diligatur proximus propter Deum, quanto aliquis magis diligit Deum, tanto etiam magis ad proximum dilectionem ostendit, nullam inimicitiam impediens. Sicut si aliquis multum diligeret aliquem hominem, amore ipsius, filius ejus amaret, etiam inimicos ipsi. Hætenus S. Doctor.

Exigit 4. ut inimicis demonstrentur dilectionis signa & officia, quæ proximis exhibentur in communi. Nec mirum: si enim ab iis dilectionis signis aut officiis excluderentur, hoc (inquit S. Thomas) ad livorem vindictæ pertineret.

Hinc vero colligitur 1. eum qui dum alicui societati aut communitati obsequium impendit, ab eo beneficio aut obsequio excludit inimicum, peccare lethaliter contra præceptum caritatis inimico debita. E contra specialia beneficia, aut dilectionis signa quæ amicis speciatim exhibentur, vi præcepti, quod præcipit inimicorum amorem, inimicis extra casum necessitatis non debentur: hincque colligitur quod quis pro inimico, nisi casus necessitatis urgeat, non teneatur specialiter orare, aut illum ad familiare suum colloquium admittere.

Exigit 5. Ut specialia dilectionis signa & officia inimicis exhibeantur in casu necessitatis, non extremæ tantum, sed etiam gravis, ut scilicet impediatur grave malum, quod impendit eis. Salutationes, colloquia ipsi quoque debentur, cum autem ex eorum omissione est periculum scandali, aut cum necessaria judicantur, ut ipse alliciat ad depoñendum odium, quo suum proximum prosequitur. Tunc nimirum locum habet illud Evangelii: *Orate pro persequentibus & calumniantibus vos. Benefacite his qui oderunt vos*. Hinc autem colligitur, admitti non debere hocce Joannis Maldonati in mox laudata Christi verba Commentarium: *Constiti, est, ut est etiam non ad extremam necessitatem indigentibus, benefaciamus, ut eos nominim salutemus, ut familiariter alloquamur*. Scilicet præceptum est, ut eis in gravi necessitate constitutis opem feramus.

Exigit 6. ut inimico in odio pertinaci injuria

ex

ex animo remittamus; & si ipse veniam petat, præter injuriæ remissionem, quæ sit ex animo, tenemur ei externa benevolentia & reconciliationis signa, sub pœna peccati lethalis, exhibere, habita tamen ratione circumstantiarum, quæ varia pro variis personis esse solent. Vide Augustinum Serm. 56. alias *de Diversis* 48. Vide etiam S. Thomam 2. 2. quæst. 83. art. 8.

Verum licet inimico veniam petenti injuria ex animo remitti debeat, & necesse sit aliqua ei reconciliationis signa exhibere, actionem tamen juridicam remittere non tenemur. Nec mirum, justitiæ enim non est contra caritatem; ac proinde præceptum caritatis non infringit, qui aut bonorum, sive fortunæ, sive honoris restitutionem, coram legitimo judice servato juris ordine, absque l'vore vindictæ, & ex animo illatam sibi injuriam remittens, exposcit.

Si tamen reus æquam satisfactionem ad arbitrium virorum prudentum offerat, oreque, ne litis intentandæ sumptibus oneretur, caritas exigit, ut a læso hujusmodi satisfactio accipiatur, nisi tamen requiratur judicis sententia, ut inimicus deinceps, & alii ad ejus exemplum, in officio contineantur: tuncque læsus rei pœnam, sive pecuniariam, sive corpoream, necessariam sibi aut reipublicæ bono, non tanquam inimici malum, sed ex zelo justitiæ, non ex ultionis libidine, exposcat necesse est. In praxi tamen quoties agitur de privatis injuriis, satius est, ut accepta debita satisfactione, læsus pœnam aliam, præsertim si capitis sit, aut mutilationis, a judice non exposcat. Vide S. Thomam 2. 2. q. 108. art. 1. Vide etiam Tertullianum in libro *de Patientia*, ubi multa in inimicum caritatis præcepta tradit.

Unum hic exhibemus: *Patientiam* (inquit) *in detrimentis, exercitatio est largiendi & communicandi. Non piget donare eum, qui non timet perdere. Aliquit quomodo duas habens tunicas, alteram earum nudo dabit, nisi idem sit qui* (secundum præparationem animi, ut Sanctus Augustinus docet lib. 1. de Sermone Domini in Monte c. 24.) *auferenti tunicam, etiam pallium offerre possit? Absit a servo Christi tale inquinamentum, ut patientia majoribus tentationibus præparata, in frivolis exeat.*

CAPUT V.

Quæ sit Clericis Gallicanis doctrina de præceptis Caritatis in Deum & proximum.

Not. QUÆ, tota hac quaestione de Caritate, doctrina 2 nobis tradita est, confirmari potest ex censura, quam Clerus Gallicanus, ad Comitium Generalia anno 1700. in Palatio Regio S. Germano con-

inussit quibusdam Propositionibus, quæ a nonnullis recentioribus sive in thesibus, sive in scriptis publicis, sive in libris editis, tum in Ecclesiæ Catholicæ dedecus, tum in fidelium animarum perniciem promulgatæ fuerant.

De Dei Dilectione.

Prima propositio. Sufficit, ut actus moralis tendat in finem ultimum interpretative: hinc homo non tenetur amare, neque in principio, neque in decursu vite sue moralis.

Censura. Hæc propositio est hæretica. Eadem censura ei jam inusta fuerat ab Inquisitoribus Romanis coram Alexandro Papa VIII. die 24. Augusti anno 1690.

Secunda propositio, quæ est 5. inter damnatas ab Inquisitoribus Romanis coram Innocentio Papa XI. An peccet mortaliter qui actum dilectionis Dei semel tantum in vita eliceret, condemnare non audemus.

Tertia quæ & sexta est inter Innocentianas. Probabile est, ne singulis quidem rigore quinquennii per se obligare præceptum Caritatis in Deum.

Quarta, quæ & septima est inter Innocentianas: Tunc solum obligat, quando tenemur justificari, & non habemus aliam viam, qua justificari possumus.

Quinta. Præceptum amoris Dei per se tantum obligat in articulo mortis.

Sexta. Præceptum affirmativum amoris Dei & proximi non est speciale, sed generale, cui per aliorum præceptorum adimplerionem satisficit.

Censura. Hæc propositiones sunt scandalosæ, perniciosæ, piarum aurium offensivæ, erronæ, impiæ, primum & summum mandatum irritum faciunt, atque Evangelicæ Legis spiritum extinguunt.

De Proximæ Dilectione.

Prima propositio, inter Innocentianas X. Non tenemur proximum diligere actu interno & formali.

Secunda, inter Innocentianas XXII. Præcepto proximum diligendi satisfacere possumus per solum actum externum.

Tertia, inter Innocentianas XIII. Si cum debita moderatione facias, poteris absque peccato mortali, de vita alicujus tristari, & de illius morte naturali gaudere, illam inefficaci affectu petere & desiderare, non quidem ex displicentia personæ, sed ob aliquod temporale emolumentum.

Quarta, inter Innocent. XIV. Licitum est absoluto desiderio cupere mortem patris, non quidem ut malum patris, sed ut bonum cupientis, quia nimirum eo obventura est pinguis hereditas.

Quinta. Injuriarum condonatio commendatur nobis ut quid perfectius, sicut commendatur virginibus sine conjugio.

Censura. Hæc propositionum doctrina, scanda-

culæ-

dalosa & perniciofa est, piarum aurium offensiva, & secundo caritatis precepto contraria, respectu heretica, & omnem, vel in ipsis parentibus & liberis, humanitatis sensum extinguens.

De Elemosyna.

Propositio, inter Innocentianas XII. Vix in secularibus invenies, etiam in regibus, superfluum statui: & ita vix aliquis tenetur ad elemosynam, quando tenetur tantum ex superfluo statui.

Censura. Hec propositio est temeraria, scandalosa, perniciofa, erronea, Evangelicum de elemosyna preceptum pessundat.

Declaratio de Dilectione Dei in Penitentia Sacramento requisita.

Pest absolutas propositionum censuras (inquiunt Gallicani Patres) supersunt quedam pro rei gravitate enucleatius exponenda.

Et quidem de dilectione Dei sicut ad Sacramentum Baptismi in adultis, ita ad Sacramentum Penitentiae, quae est laboriosus baptismus, requisita, ne necessariam doctrinam omittamus, hac duo in primis ex sacrosancta Synodo Tridentina monenda & docenda esse duximus: Primum, ne quis putet, in utroque Sacramento requiri, ut pravam, contritionem eam, quae sit caritate perfecta, & quae cum voto Sacramenti, antequam actu suscipiatur, hominem Deo reconciliet. Alterum ne quis putet, in utroque Sacramento securum se esse, si praeter fidei, & spei actus, non incipiat diligere Deum tanquam omnis iustitiae fontem.

Neque vero satis adimpleri potest utrique Sacramento necessarium vitae nova inchoanda, ac servandi mandata divina propositum, si penitens primi ac maximi mandati, quo Deus toto corde diligitur, nullam curam gerat: nec sit saltem animo ita preparato, ut ad illud exequendum, divina opitulante gratia, se se excitet ac provocet.

Placet etiam cavere Sacramenti Penitentiae ministris, ne in hoc Penitentiae Sacramento, aliisque Sacramentis conferendis, sequantur opinionem probabilem de valore Sacramenti, relicta tutiore: neve penitentes ipsorum fidei animam suam committentes, admonere cessent, ut in penitendo inchoata saltem dilectionis Dei incant viam, quae sola secunda sit, sit, graviter peccaturi in hoc salutis discrimine, vel eo lolo quod certis incerta proponant.

Iidem Gallicani Patres, Titulo De Dispositionibus penitentis, duas propositiones notarunt quae traditae in Declaratione doctrinae exponuntur.

Prima propositio sic habet: *Attritio ex metu gehennae sufficit, sine ulla dilectione Dei, sine ulla ad Deum offensum respectu: quia talis, honesta & supernaturalis est.*

Censura. Hec propositio quae a dispositionibus necessariis ad absolutionem excluditur quilibet ad Deum offensum respectu, temeraria est, scandalosa, perniciofa, & in haeresim inducit.

Alteram Propositionem Concilium Tridentinum adeo expresse definit, attritionem quae non vivificet animam, quaeque supponatur sine amore Dei esse, sufficere ad absolutionem ut anathema pronuntietur adversus negantes.

Censura. Hec propositio, falsa est & temeraria, Concilio Tridentino contraria, & in errorem inducit.

Interferat, sed insciis (ut opinamur) Illustrissimis Episcopis, in nonnullarum Galliae Ecclesiarum Catechismos Articulis, quo populi docebantur, Attritionem, modo supernaturalis esset, sufficientem esse dispositionem ad recipiendam gratiam in Sacramento Penitentiae, etiam si nullum vel inchoata caritatis Dei super omnia actum includeret. Verum ubi iidem Illustrissimi Episcopi attenderunt ad Ecclesiae Gallicanae Comitia Generalia congregatae relatae a nobis Declarationem, iusserunt (ut audivimus) ut Articulus ille e Catechismo ad usum Ecclesiarum suarum editis deleteretur, certaque de necessitate inchoatae caritatis amoris in Sacramento Penitentiae doctrina, incerta illi & ad summum probabili proponeretur: neque enim in Sacramentis conferendis licitum est sequi opinionem probabilem de valore Sacramenti, relicta tutiore.

DISSERTATIO QUINTA.

De Virtutibus Moralibus.

Not. Virtutes Morales, ex sunt quae circa mores immediate versantur: & in hoc a Theologicis differunt, quod (ut dictum est) istae circa Deum immediate versantur, hoc est, Deum habent pro objecto immediato. Non hic dicemus de omnibus virtutibus Moralibus, sed tantum de Prudentia, Iustitia, Fortitudine, & Temperantia, quae Cardinales dicuntur, hoc est, ad quas aliae virtutes Morales tanquam januae ad cardines volvuntur: seu ad quas, tanquam quae principem inter eas locum obtinent, ceterae reducuntur.

Q U A E S T I O P R I M A.

De Prudentia.

Not. Prudentiae nomen accipitur 1. late pro ea omni veri cognitione, quae aliqua ratione voluntatem ad bonum honestum dirigit: eo sensu fides, theologia, & habitus intelligentiae, prudentia dici possunt. Sumitur 2. stricte pro notitia veri, quae voluntatem dirigit, ut in his aut illis circum-

stantis operetur : quo sensu est virtus inter Morales Cardinalis, de qua cum Theologis quaerimus 1. quid & quod simplex sit : 2. quodnam sit illius obiectum : 3. quas habeat proprietates.

CONCL. 1. Prudentia recte definitur virtus, qua in quavis negotiorum genere cognoscitur quid tanquam bonum agenda sit, aut quid fugiendum tanquam turpe.

Probatur 1. Cum prudentia versetur circa humanas actiones singulares, quae sunt contingentes, differt ab aliis virtutibus intellectualibus, sapientia & scientia, quae circa actus humanos in communi versantur. 2. Differt ab aliis virtutibus moralibus, quod cum sit notitia, non in voluntate, sed in intellectu, tanquam in subiecto, recipiatur.

Obijcies. Judicium prudentiae est aliquando falsum, ut patet in Jacob, qui accessit ad Liam, quam prudenter judicavit esse uxorem suam; licet tamen non esset ejusmodi.

Resp. neg. ant. Ad cujus probationem dico, actum, quo Jacob judicavit Liam esse suam uxorem, non fuisse actum prudentiae; sed intellectus speculativi, cui haud dubie falsum subesse potest. Actus e contra, quo judicavit hic & nunc esse honestum ad illam accedere, fuisse judicium prudentiae, quod quidem fuit rectum, supposito intellectu speculativi errore invincibili.

CONCL. 2. Multiplex est prudentiae divisio.

Probatur. Prudentia dividitur in Personalem & Gubernatricem. Prior, solum bonum operantis, posterior, bonum communis attendit. Gubernatricis species sunt Oeconomica, qua quis recte familiam regit; Politica, qua curatur, ut in republica leges observentur; Legislatrix, qua iuxta conduntur leges; Militaris, qua recte administratur Militia. 2. Prudentia tam Personalis quam Gubernatrix dividitur in naturalem & supernaturalem. Illa hominem dirigit ad finem naturalem; ista, ad supernaturalem. 3. Prudentia tam naturalis, quam supernaturalis, alia est completa, quae nimirum extendit se ad id omne quod est agendum; alia vero incompleta, quae respicit aliqua tantum negotiorum genera. 4. Prudentia, sive completa, sive incompleta, nonnumquam est infusa, aliquando vero acquisita, & quidem supernaturalis, si repetitis actibus supernaturalibus comparata fuerit.

CONCL. 3. Obiectum materiale prudentiae est actio humana singularis. Formale vero est conformitas illius actionis cum veritate practica, seu quae circa res hic & nunc agendas versetur.

Probatur prima pars. Prudentia, tota circa actiones humanas singulares versatur: de eis enim, antequam fiant, judicat, an honestae sint, an turpes; ac praeterea ad earum electionem & executionem liberum arbitrium movet & inclinat.

Probatur altera pars. Obiectum formale prudentiae est verum; nam prudentia, cum sit judicium, emanat ab intellectu, cuius solius est veritatem attingere. Illud autem verum, non est verum speculativum: nam verum speculativum est obiectum sapientiae, aut scientiae; nec etiam verum practicum in communi sumptum; huiusmodi quippe verum attingitur ab intellectu, qui circa prima principia moralis disciplinae occupatur: Ergo est verum singulare practicum, seu, quod idem est, conformitas actionis singularis cum veritate practica.

Obijcies. Prudentia est virtus Moralis; tota enim occupatur in regulandis moribus; Sed virtutes Morales habent pro obiecto bonum, non autem verum; ergo, &c.

Resp. Prudentiam esse virtutem Moralem directive, eo quod eius sit judicare de mediis hic & nunc aptis ad consequendum finem honestum: Non autem elicitivae; ipsa enim non amat bonum, nec fugit malum, sicut Iustitia, Fortitudo, & Temperantia.

CONCLUSIO 4. Prudentia infusa reperitur in omnibus iustis, non est vero in iis, qui sunt in affectu peccati mortalis; acquisita saepe non est in iustis, quamvis sit in peccatoribus.

Probatur prima pars. Iusti, ut iusti sunt, habent gratiam sanctificantem. At cum gratia sanctificante infunduntur non tantum virtutes theologicae, ut docet Concilium Tridentinum, sed etiam morales, ut ostendunt haec verba Catechismi Romani ad Parochos, parte 2. titulo de baptismo, numero 50. Huic additur nobilissimus omnium virtutum comitatus, quae cum gratia divinitus infunduntur.

Probatur altera pars. Prudentia infusa inclinat voluntatem ad opera, quae in omni negotiorum genere recta sunt; ac proinde supponit appetitum in omnibus negotiis rectum, cum unusquisque prout affectus est, judicare soleat; At appetitus in omnibus rectus, non est in iis, qui peccati lethalis affectu laborant.

Probatur tertia pars. Prudentia acquisita, ex frequenti exercitio actuum prudentiae nascitur; unde ad sui generationem indiget tempore, & experimento, quae multis, etiam iustis, defunt. E contra, cum in aliquibus peccatoribus sit nonnumquam tempus & experimentum, aditque gratia actualis, reperiri in eis possunt frequentes prudentiae actus, qui prudentiam habitualement generent.

CONCL. 3. Duae sunt praecipuae proprietates prudentiae, necessitas, & influxus in omnes alias virtutes.

Probatur prima pars. Virtus, ex Augustino, est ordo amoris. Amor autem non potest esse ordinatus sine prudentia. Ut enim sit ordinatus, voluntas amans debet eligere medi

media apta ad finem honestum consequendum; sed ea non potest eligere, nisi ante intellectus de eis deliberaverit, ac expendit, an hic & nunc sint adhibenda, an sint convenientia in his vel illis circumstantiis: ergo neque sine prudentia, ad quam illud iudicium praeiticum spectat.

Probatur altera pars. Prudentiae tres sunt actus, 1. Inquirere, quae circumstantiae necessariae sint, ut opus honeste fiat: 2. Judicare, quanam media pro loco, & tempore adhibenda sint: 3. Recte imperare, seu movere voluntatem ad exercitium operis: sed (ut patet) tres illi actus in omnes virtutes directive influunt: ergo, &c.

Q U A E S T I O II.

De Justitia.

Justitia sumitur in Scripturis 1. pro complexione omnium virtutum, *Beati, qui esuriunt & sitiunt justitiam* (inquit Christus Matthaei 5.) 2. pro quibuslibet pietatis operibus: *Attendite* (ait idem Christus Matthaei 6.) *ne justitiam vestram faciatis coram hominibus.*

Idem Justitiae nomen apud Patres accipitur 1. pro Deo, ut in se est, id est, sine ordine ad creaturas. *Quando timore pona, non amore justitia fit bonum, nondum bene fit bonum* (ait Augustinus lib. 2. ad Bonifacium, c. 9.) *Est ille summus Deus vera justitia* (inquit idem Sanctus Doctor Epistolae 222.) Sumitur 2. pro virtute reddente alteri debitum ad aequalitatem. *Justitia est virtus, quae sua cuique tribuit* (ait Augustinus lib. 19. de Civitate Dei, c. 21.) De Justitia in illo ultimo sensu dicemus in hac quaestione, quaremusque 1. quid & quotuplex sit: 2. quodnam sit illius, tum objectum, tum subiectum: 3. dicemus de dominio quod quidem est fundamentum, quo nititur: 4. de Contractibus: 5. de Restitutione: 6. de Injustitia: 7. Cleri Gallicani de justitia doctrinam proponemus: 8. Dicemus de Virtutibus justitiae annexis.

C A P U T I.

Quid & quotuplex sit Justitia.

CONCL. 1. Justitia definitur: *Constant & perpetua voluntas ius suum cuique tribuendi ad aequalitatem.*

Probatur. 1. Quatenus justitia est ad alterum, differt a reliquis virtutibus cardinalibus, quae respiciunt solum subiectum, in quo recipiuntur. 2. differt a Religione, pietate, & obedientia, quod servet aequalitatem, illa vero nequaquam; neque enim Deo, Parentibus, & Gubernantibus tantum possumus reddere, quantum debemus.

Obiicies 1. Justitia non potest perpetuo du-

rare: ergo immerito perpetua voluntas appellatur.

Resp. conc. ant. dist. conseq. Immerito dicitur perpetua perpetuitate actus, conc. conf. nec enim necesse est, ut justus sine intermissione hunc actum eliciat: *Volo dare unicuique quod suum est*: non est perpetua in praeparatione animi, nego conseq.

Obiicies 2. Voluntas est subiectum justitiae, cum omnes virtutes, quae circa bonum versantur, recipiantur in voluntate: ergo justitia non est ipsamet voluntas.

Resp. dist. conseq. Non est voluntas sumpta pro ea animae potentia, quam voluntatem dicimus, conc. conseq. pro proposito habituali, quod in ea recipitur, neg. conf. nam justitiae virtus dicit habituale propositum cuique tribuendi quod suum est.

CONCL. 2. Justitia adaequate dividitur in Commutativam, Distributivam, & Legalem.

Probatur. Totuplex est justitia, quotuplex est ordo, in quo statui potest aequalitas, quae est objectum formale justitiae. Sed triplex est tantum huiusmodi ordo in republica; totius nimirum ad partes, partium ad totum, & partium ad se invicem. Pro priori ordine statuitur justitia distributiva, quae praemia, aut bonum commune civibus dispensat. Pro altero constituitur justitia legalis, per quam unaquaeque pars se gerit, prout bono totius expedit. Pro tertio tandem ordine est justitia commutativa, per quam pars compari, quod ejus est, tribuit.

Quaeres 1. quomodo distributiva & commutativa justitia, cum habeant idem objectum formale; nempe constituere aequalitatem, specie differant.

Resp. eas differre a se invicem ratione modi specie differunt, quo idem formale objectum attingunt. Nam justitia distributiva constituit aequalitatem, servando proportionem geometricam, ita ut qualis est proportio inter merita eorum, quibus fit distributio, talis etiam servetur in distributione bonorum: contra justitia commutativa servat aequalitatem arithmetica; cum efficiat, ut tantum reddatur, quantum acceptum fuit, nulla habita ratione dignitatis, aut meriti personarum, inter quos fit commutatio.

Quaeres 2. ad quam justitiae speciem vindicativa reducatur.

Resp. eam reduci ad commutativam, quia Respublica puniens malefactorem recuperat honorem, quem ille per legem infractionem laeserat.

C A P U T II.

De objecto & subiecto Justitiae.

CONCL. 1. Objectum materiale justitiae sunt actiones, quibus cuique redditur, quod suum est.

Probatur. Justitia primario & per se versatur

fatur circa actiones, quibus cuique redditur quod suum est, verbi gr. circa redditionem depositi, solutionem mutui, &c. siquidem per illas actiones constituitur medium, aut rei, aut rationis, quod iustitia attingit; seu ponitur aequalitas, quam illa virtus intendit; sive, quod idem est, servatur illatum jus alterius, quod iustitia sibi servandum proponit.

CONCL. 2. Objectum formale iustitiæ est æquale debitum, seu jus alienum strictè sumptum.

Probatur. Iustitia in actionibus, quibus cuique redditur quod suum est, intendit æqualitatem, debitum, jus strictè sumptum: Ideo enim circa illas externas actiones occupatur, ut illam æqualitatem statuatur, ut alteri debitum reddat, ut jus alienum servet integrum.

CONCLUSIO 3. Imperfecta quidem iustitia, non vero perfecta, est in creaturis respectu Dei, in Filio respectu Patris, in servo respectu domini.

Probatur prima pars. 1. Patres asseruerunt creaturam Deo per suum peccatum inferre injuriam, & consequenter infringere iustitiam; supposuerunt igitur, Deum inter & hominem nonnullam iustitiam reperiri. 2. Filius, qui necessaria Patri negat, reus sit violatæ iustitiæ; quippe qui id largiri detrectet, quod naturali jure debet. 3. Servus qui, invito domino, fugit, incidit in peccatum furti; rapit enim bonum alienum, invito rationabiliter domino. At furtum est contra iustitiam.

Probatur altera pars. Rigorosa & stricta iustitia tres condiciones includit. 1. debet esse ad alterum: 2. debitum supponit: 3. debet constituere æqualitatem. Sed primæ & tertiæ non reperiuntur inter creaturas & Deum, Filium & Patrem, servum & dominum. Nam 1. Creatura sunt Dei effectus, filii partes parentum, servi instrumenta domino: ac proinde nec Deus, nec pater, nec dominus sunt perfecte aliquid aliud ab ipsis. 2. Nec creatura Deo, nec filii patribus æquale reddere possunt: ergo, &c.

Obijcies in secundam partem. Inter creaturas & Deum, patrem & filium, potest esse vera amicitia: ergo & iustitia strictè sumpta. Non minus enim amicitia est ad alterum, quam iustitia.

Resp. neg. conseq. Ratio est, quia major distinctio requiritur ad fundamentum strictæ iustitiæ, quam ad fundamentum amicitiae; ita enim aliquo modo, per affectum nimirum, identificat personam amantem cum amante.

Obijcies 2. Filius per emancipationem redditur alter a patre: ergo in eo casu inter patrem & ipsum potest esse perfecta iustitia.

Resp. posse tunc esse in bonis civilibus, non autem in debitis jure naturæ. Ratio est, quia

efficit igitur, ut in rebus, quæ ad naturam pertinent, filius & pater sint perfecte distincti.

CAPUT III.

De Dominio.

Not. 1. Dominium est fundamentum, quo iustitia commutativa nititur.

Not. 2. Dominium definitur vero, *Facultas disponendi in proprium commodum de re aliqua tanquam sua ad omnem usum lege non prohibitum*.

Not. 3. Ea definitio convenit omni, & soli dominio. Nam 1. quatenus dominium est facultas, convenit cum usu, & possessione alicujus rei; cum is, qui usum rei habet, aut eam possidet, in eam habet facultatem aliquam, seu potestatem. 2. Prout est ad omnem usum, differt ab aliis omnibus possessionum speciebus: siquidem res, quæ possidetur alia possessione ab ea, quæ est per dominium, nec consumi, nec distrahi, nec venire, nec dari potest. 3. Per hæc verba, *ad usum lege non prohibitum*, excluditur dispositio rei contra leges. Idque patet in pupillis, qui licet in suas opes verum habeant dominium, eas tamen, utpote lege prohibiti, nec vendere, nec dare possunt.

Not. 4. Dominium multipliciter dividitur.

Est sane aliud est dominium proprietatis, de quo mox actum fuit: Aliud vero jurisdictionis, quod definitur, *legitima potestas regendi subditos liberos*. 1. Dominium dividitur in utile, & directum. Illud confert rei usum, non vero proprietatem: Illud vero, si sit imperfectum & semiplenum, usum rei non importat, sed solam proprietatem; si vero perfectum & plenum, utrumque complectitur. De dominio, cujus essentia & species mox explicatae sunt, exponemus in hoc capite: 1. Objectum: 2. Subiectum: 3. Proprietates.

ARTICULUS I.

De Objecto Domini.

Not. Quæremus hic 1. utrum subalternaria sint objectum domini: 2. an homo respectu alterius hominis: 3. an proprium corpus & fama respectu cujuslibet.

CONCL. Homo innocens jure naturæ, rerum omnium subalternarium erat dominus.

Probatur ex Scriptura. Genesis 1. *Faciamus hominem ut præsit, &c. Replete terram & subdite eam, & dominamini piscibus maris*. Pl. 8: *Omnia subieci sunt sub præibus ejus*.

Quæres, utrum idem dominium in homine lapso permaneret.

Resp. illud permanisse in ipso genere humano, sed non in quolibet individuo. Ratio est, quia post peccatum facta sunt rerum divisio, quæ legi humanae, & consuetudini contraria sunt.

non omnes in omnia sublunaria habent dominium; nec etiam in iis, qui eo fruuntur, aque perfectum est, ac erat prius.

CONCLUSIO 2. Homo potest esse obiectum domini, seu potest esse servus & mancipium alterius hominis.

Probatur 1. ex Antiquo Testamento, in quo legimus, apud Iudaeos fuisse servos tam ex Israelitis, quam ex Gentilibus; cum hoc tamen discrimine, quod isti iure hereditario transferrentur in posteros; illi vero, expleto sexennio, deberent dimitti, Exodi 21. & Levitici 25.

Probatur 2. ex novo Testamento. Petrus primae Epistolae cap. 2. praecipit, ut servi conversi ad fidem, dominis, etiam discoloris, obediant. Paulus 1. ad Corinth. 2. hac ait: *Unusquisque in qua vocatione vocatus est, in ea permaneat. Servus vocatus est, non sit tibi cura.*

Probatur 3. ex Patribus. Nullus ex iis, qui a Christo ad 12. usque saeculum scripserunt, damnavit ut illicitam, etiam apud Christianos, servitutem legalem.

Probatur 4. ratione. Ad majus & precipuum bonum conservandum, licet illud profundere, quod minus est: ergo, cum vita sit pretiosior libertate, licitum est, saltem ad conservationem vitae, libertatem vendere.

Obijcies 1. Servitus juri naturali contraria est, cum omnes homines nascantur liberi: ergo est illicita.

Resp. servitutem repugnare juri naturali sumpto pro prima hominum institutione; non autem sumpto pro lege prohibente; neque enim servitus est intrinsece mala sicut est peccatum.

Obijcies 2. Servitus repugnat Legi Christianae dicente Domino Matthaei 17. *Liberi sunt filii.*

Resp. libertatem, de qua Matthaei 17. esse libertatem a peccato, non autem a subjectione legali. Nec enim lex nova jus gentium abrogavit, imo Christus suos illi subiecit Discipulos, dicens: *Reddite quae sunt Caesari. Caesari.*

Obijcies 3. Nulli videntur esse iusti tituli domini in homines: ergo, &c.

Resp. neg. ant. 1. Licitus est titulus belli: Nam cum bellum det juxta interficiendi hostes, dat a fortiori jus captos redigendi in servitutem. 2. Aequus est natiuitatis titulus, quando quis nascitur ex matre serva; iusta quippe est hac lex, *Partus sequitur ventrem.* 3. Aequus etiam titulus condemnationis ob delicta, quorum quis reus est. 4. Denique iustitiae legibus non repugnat titulus emptionis; nam, cum quisque sui ipsius dominus sit potest se alterius obsequio mancipare.

Quaeres, utrum aequalis sit conditio servorum titulo belli, ac servorum titulo emptionis.

Respondet Dominicus Soto negative. Contendit quippe, bello captos posse vendere;

modo non promiserint contrarium; alios vero id non posse sine iniustitia. Addit idem auctor, bona, quae istis accidunt, quocumque medio id contingit, esse dominorum, non autem ea, quae bello captis obveniunt.

CONCLUSIO. 3. Homo nec suae vitae, nec membrorum sui corporis est dominus: in famam tamen verum habet dominium.

Probatur prima pars. 1. Homo non potest pro libitu de sua vita, aut de membris sui corporis disponere. Unde Deus Deuteronomii 22. hac ait: *Ego occidam, & ego vivere faciam*, id est, solus ego sum vitae & necis dominus. 2. S. Thomas 2. 2. q. 64. art. 5. asserit quod occidens seipsum, non solum peccet contra caritatem, sed etiam contra iustitiam: nocet nimirum republicae, cujus est vita hominis privati.

Probatur altera pars 1. auctoritate Patrum. Ambrosius dicitur perditas mulieres excepisse propria domo, ne Mediolanensium Episcopus eligeretur; quod tamen exemplum caute est accipiendum. Hieronymus Epistolae 47. lapsum suum scriptis mandavit. Varia sua occulta peccata Augustinus propalavit in libris Confessionum: ergo illi sancti Patres existimarunt, detrimentum voluntarium famae non esse contra iustitiam, quae enim sunt contra iustitiam, nullo in casu licita sunt. 2. S. Thom. 2. 2. q. 73. art. 4. ad 1. ait: in arbitrio cujuscumque esse pati detrimentum suae famae, nisi id vergat in alterius nocumentum. 3. Praecipui actus domini, quoad famam, homini conveniunt. Primo enim proprio labore eam sibi comparare potest. Secundo, ablata proprio nomine velut rem suam repetere potest pro libito. Tertio, penes ipsum est illius restitutionem condonare.

Obijcies 1. Honor pretiosior est vita: ergo si homo non sit vitae suae dominus, fortiori nullum habet in famam dominium.

Resp. dist. ant. Honor qui in vera coram Deo iustitia positus est, conc. ant. qui positus est in aestimatione & iudicio hominum corrupti huiusce saeculi, neg. ant. Nam 1. hanc honoris speciem appetere non licet: *Sanius videt* (inquit Augustinus in lib. 5. de Civit. Dei, c. 13.) *qui & amorem laudis, vitium esse cognoscit.* 2. Juxta S. Thomae doctrinam, licet occidere in vasorem vitae, servato moderamine inculpatae tutelae; non licet tamen interficere iniustum in vasorem honoris, ut definitur videtur Innocentius Papa XI. proferbens hanc propositionem: *Fac est viro honorato occidere in vasorem, qui nictum calumniam inferre, si aliter hac ignominia vitari nequit. Idem quoque dicendum si quis impingat alapam, vel fuste percutiat, & post impatam alapam, vel ictum fustis fugiat.*

Obijcies 2. Bona fama a nobis non pendet, sed ab aliorum hominum opinione, in quam nihil omnino possumus: ergo, &c.

Resp.

Resp. bonam famam pendere a nobis casualiter, quatenus scilicet ea possumus agere, quæ ex se apta sunt ad illam conciliandam & ad movendum proximos, ut bene de nobis opinentur.

Quæres 1. in quam virtutem is peccet, qui infamat seipsum.

Resp. cum peccare in caritatem, quam quisque sibi debet: nisi tamen id fiat ad aliorum ædificationem, & ad satisfaciendum pro peccatis: unde, cum utrumque illum finem Hieronymus & Augustinus sibi proposuerint, non peccarunt in caritatem sibi debitam, cum sua occulta crimina propalarunt.

Quæres 2. utrum urgente gravium tormentorum metu liceat viro detegere occultum crimen, quod scit morte postea puniendum.

Resp. non posse modo, sed etiam debere, ubi juridice interrogatur. Ratio est, quia tunc non datur causa mortis, sed tantum detegitur causa, per quam quis mortem meritus est. Si tamen illud crimen esset falsum, non liceret illud fateri; tum quia esset mendacium in materia gravi, quod quidem, ne in re quidem levi, licet unquam admittere; tum etiam quia accusatio hujusmodi præberet occasionem morti, quam æquum non est ut innocens patiatur, quamque ut amittat locum injustum dare non potest. Vide Hieronymum Epistola 47. quæ est ad Innocentium, ubi loquitur de muliere septies icta, & de adolescente quodam, qui crimen, falso (ut contendebat illa mulier) confessus, hæc ab ipsa audit: *Miser homo, si interire festinas, cur duos interimis innocentis?*

ARTICULUS II.

De subiecto Domini.

Not. 1. **H**oc in articulo quæremus 1. utrum Religiosis aliquod dominium conveniat, tum in mobilia, tum in immobilia. 2. An clericis competat respectu reddituum Ecclesiasticorum, quibus fruuntur. 3. An qui patrimonium habent, possint Ecclesiasticos redditus in expensas sibi necessarias impendere.

§. I. An Religiosi dominium conveniat.

CONCLUSIO. Religio potest habere dominium in res temporales, tam mobiles, quam immobiles: non autem privati Religiosi Professi.

Probatur prima pars. 1. ex Christi Collegio Religionum omnium exemplari. Possedit illud Collegium bona nonnulla, ex Evangelio constat; legimus enim, Apostolos ex bonis communibus sapius emisse sibi necessaria; proindeque certum est, rerum, quas habebant, in venditores verum transfuisse dominium.

Probatur 2. ex jure Canonico, quo defi-

nitur ea, quæ acquirit Monachus, adquiri Monasterio. Concilium Tridentinum sess. 15. cap. 3. concessit omnibus Monasteriis, tam virorum, quam mulierum, etiam Mendicantium, exceptis Capuccinorum & Minorum de Observantia domibus, ut deinceps eis bona immobilia possidere liceret.

Probatur altera conclusionis pars ex jure canonico, & ex jure civili, quibus expresse definitur.

Quæres 1. an Episcopi assumpti ex Ordine aliquo religioso, sint incapaces cujuslibet domini, ut erant prius in religione, in qua professi fuerant.

Respondet S. Thomas affirmative, hancque suæ responsionis rationem reddit, 2. 2. q. 88. art. 1. ad 4. Sicut religiosus, qui fit Episcopus, non absolvitur a voto continentiae; ita nec a voto paupertatis, quia nihil debet habere tanquam proprium.

Respondent Dominicus Soto, multique alii Theologi, negative, eo quod (inquiunt) Canon *Statutum* 18. q. 1. diserte asserat, quod Monachus, quem canonica electio a jugo regulæ Monasticæ Professionis absolvit, & sacra ordinatio de Monacho Episcopum facit, velut legitimus heres paternam sibi hereditatem postea vindicandi jus habeat.

Respondemus nos, in locis, ubi viget consuetudo antiqua, ut Monachi facti Episcopi consanguineorum hereditatem adeant, adquirent, possideant dominia, eos id posse tuta conscientia, eo quod consuetudo illa antiqua (qualis viget in Gallia) sit dispensatio, seu relaxatio legis Ecclesiasticæ, quæ illos ad dominium inhabiles effecerat.

§. II. De Dominio Clericorum in redditus Ecclesiasticos.

Not. 1. Reditus Ecclesiastici triplicis sunt generis. Nonnullos Clericus percipit vi tituli sui beneficii: iique vel acceptæ honestæ sustentationi supersunt, vel ad eam sunt necessarii. Alios recipit propter laborem: hujusmodi sunt distributiones quæ dantur præsentibus choro canonicis fidelium, ut sunt stipenda Missarum, administrationis Sacramentorum. De iis omnibus singillatim est hic dicendum.

Not. 2. Conveniunt tum Theologi, tum Canonistæ, Clericos teneri in pios usus impendere redditus ex beneficiis perceptos, qui honestæ eorum sustentationi supersunt: idque (ajunt) ex triplici capite. 1. ratione virtutis quæ fidelitas dicitur: nimirum redditus Ecclesiastici ea intentione clericorum in manus ab Ecclesia traditi sunt, ut ex honesta sustentatione superstitibus pauperibus illius curæ commissis largiantur. 2. ratione virtutis quæ dicitur Religio, nempe census Ecclesiastici res sunt sacre, quæ proinde sine

sine sacrilegio in prophanos usus converti non possunt.

Hinc autem inferunt, gravi se peccato devincire Clericos, qui ad usus iniquos, spectacula v. gr. secularem fastum, delicatioribus cibis, meræ curiositatis & voluptatis itinera, beneficiorum suorum redditibus utuntur; qui his distant consanguineos alioquin non egentes; aut qui, cum aliunde patrimonium suppetat, eorum ope zre alieno, quod non ad usus pios contraxerunt, sese liberant.

Nos. 3. Licet in eo articulo unanimis sit (ut observatum est) Theologorum & Canonistarum sententia, non conveniunt tamen, an ex virtute quæ justitiæ strictæ sumpta dicitur, clerici teneantur redditus Ecclesiasticos, suæ honestæ sustentationi superstitit, in pios usus impendere. Duplex est eade re in scholis tum Theologorum, tum Canonistarum opinio. Nonnullis placet clericos ad id non teneri ex rigore justitiæ: hoc autem fundamento nituntur, quod Clericis in redditus illos dominium strictæ sumptum competit: unde inferunt, quod licet (ut dictum est) graviter peccent, cum redditus illos dilapidant; ad restitutionem tamen, nec ipsi Clerici, nec bonorum illorum heredes teneantur. Alii e contra contendunt, peccare eos contra justitiæ strictæ sumptam, eo quod, inquit, Clerici dominium propriè sumptum, proprietatem strictæ sumptam, in redditus Ecclesiasticos non habeant: Unde inferunt eosdem clericos, eorumque heredes ad restitutionem teneri, si in prophanos usus, si ad consanguineos ditandos eis usi fuerint.

CONCLUSIO. Clerici dominium non habent in redditus Ecclesiasticos, qui honestæ & ad modestiæ & frugalitatis normam exactæ sustentationi supersunt.

Probatur. Beneficia Ecclesiastica considerari possunt vel antequam erecta essent in particulares titulos, vel postquam in illos particulares titulos erecta fuerunt ab Ecclesia: atqui nec ante beneficiorum erectionem in titulos particulares, nec post illorum erectionem in particulares titulos, Clerici habuerunt olim, & nunc habent dominium in redditus Ecclesiasticos, qui honestæ eorum sustentationi supersunt: ergo revera nec, alias, nec modo, competit illis in illos redditus dominium.

Prima minoris propositionis pars sic ostenditur. In confesso est apud omnes, Ecclesiasticas facultates, Apostolorum temporibus, bona fuisse communia, in quæ nemo clericus sibi dominium vindicare poterat; neque enim bonorum, quæ a fidelibus copiose offerebantur, Apostoli proprietatem sumebant sibi; gerebant e contra se se tanquam oeconomicos, qui in illis dispensandis ad pauperum, & viduarum oegritatem attenderent:

Juvenin Instit. Theol. Tom. III.

Qui possessores agrorum, aut domorum erant (inquit Lucas Actorum 4.) vendentes, afferbant pretia eorum quæ vendebant, & ponebant ante pedes Apostolorum. Dividebatur autem singulis, prout cuius opus erat. Tantum abest, ut Apostoli in illas fidelium oblationes sibi tanquam dominis aliquid tribuerent, quin postea, ut expeditiores essent ad orationem, & verbi divini prædicationem, Diaconos postea elegerint, quibus oblationum dispensationem credidere.

Paullo post Apostolorum mortem, facultates inter Christianos desierunt esse communes, ut erant antea. Verum Judæi Deomas ex Legis præscripto ad Levitarum sustentationem offerre soliti, Gentiles quibus ante conversionem in usu fuerat, ex suis facultatibus ad Sacrificia conferre, utrique aut ex suis censibus, aut ex pretio immobilium, quæ ab eis vendebantur, offerebant Ecclesiæ, ut sive ministrorum, sive pauperum sustentationi consulerent. Oblatorum autem dispensatio penes erat Episcopum, sed ea lege, ut quidquid, accepta modesta sustentatione, supererat, reliquis ministris, viduis, ac pauperibus erogaret, *Omniùm rerum Ecclesiasticarum* (verba sunt Canonis xxxviii. ex iis qui Apostolici dicuntur, quique complectuntur disciplinam quæ in Ecclesia tribus prioribus sæculis observata est) *Episcopus curam gerat, & eas administret tanquam Deus intuentem. Ne liceat autem ex eis aliquid sibi vindicare, vel propriis sibi cognatis, quæ Dei sunt, largiri: Si autem sint pauperes, ut pauperibus suppediet, sed non eorum prætextu vendat, quæ sunt Ecclesiæ.*

Ubi per Constantinum Magnum pax Ecclesiis affluit, Legibus etiam Imperialibus concessum est fidelibus, ut prædia, agros, immobilia Ecclesiæ offerrent. A Gentibus ad fidem conversis, Martyrum prædia, quæ, dum persecutio sæviret, fisco addicta fuerant, iisdem Ecclesiis restituta sunt. Decimæ quarum oblatio antea erat penes uniuscujusque arbitrium, lata lege tanquam vestigial sacrum persolutæ sunt. His mediis, Ecclesiæ facultatibus maximum augmentum accessit. Verum eadem, quæ prius, illarum facultatum dispensatio remansit; hoc est, unius Episcopi fidei & prudentiæ commissa est ea lege, ut iis & se ipsum, & pauperes reficeret, iisque in pios tantum usus uteretur.

Facti, quod mox retulimus, veritas petitur ex Concilio Antiocheno, quod medio 4. sæculo celebratum, ubique postea receptum est; sic enim habet Can. 25. *Episcopus Ecclesiasticarum rerum habet potestatem ad dispensandum erga omnes qui indigent, cum summa reverentia & timore. Participet autem & ipse quibus indiget, si tamen indiges, tam in suis, quam in fratrum, qui ab eo suscipiuntur, necessariis usibus profuturis.*

B b

ita

ita ut in nullo qualibet occasione fraudentur, iuxta S. Apostolum sic dicentem, Habentes victum, & tegumentum, his contenti simus. Quod si contentus istis minime fueris, convertat autem res Ecclesie in suos usus domesticos . . . Synodo Provincia panes persolvat.

Non in Oriente tantum, sed etiam in Occidente Episcopus tunc temporis habebatur non pro domino, sed dispensatore & œconomo Ecclesiasticorum reddituum: Ut Episcopus (ait Canon 13. Concilii Carthaginensis. IV. cui Augustinus interfuit) rebus Ecclesie tanquam commendatis, non tanquam propriis utatur.

Probata prima parte minoris propositionis arguenti, quod contencimus, ostenditur altera, hoc est, quod Clerici ante erectionem oblationum in beneficiorum titulos, non habuerint aliquando, aut nunc habeant, dominium in redditus Ecclesiasticos suæ honestæ sustentationi superstites, sic demonstratur.

Licet certa asseri non possit, quo præcise tempore ex Ecclesie facultatibus quibusque; pauperibus nimirum, templorum fabricis, Episcopis & aliis regularibus, data pars determinate assignata sit, extra tamen controversiam est, id jam contigisse medio sæculo viuto: eam nimirum partitionem aperte supponit Simplicius, qui circa medium illud æmpus Romanæ Ecclesie præerat; sic enim Epistola V. quæ est ad Florentium, Equitium, & Severum Episcopos, loquitur: De redditibus Ecclesie, vel oblatione fidelium, quid deceat nescienti, nihil licere permittat; sed sola ei ex his una quarta pars remittatur, duas Ecclesiasticis fabricis, & erogationi peregrinorum, & pauperum profutura, ab Onagro Presbytero sub periculo sui ordinis ministrantur: ultima inter clericos pro singulorum meritis dividatur.

Eandem Ecclesie facultatem in quatuor partes divisionem jam ante sua tempora factam fuisse asserit Gelasius Papa Epistola IX. cap. XXVII. ubi hæc habet: Quatuor autem eam de redditu quam oblatione fidelium, prout iustislibet Ecclesie facultas admittit (sicut dudum rationabiliter est decretum) convenit fieri portiones; quarum una sit Pontificis; altera Clericorum, tertia pauperum; quarta fabricis applicanda.

Atqui Patres qui post quintum sæculum, ac proinde post factam oblationum in quatuor partes distributionem, scripserunt, non minus aperte quam ii qui antea scripserant, asseruerunt Clericis non competere dominium in Ecclesiasticis redditus, qui supersint honestæ eorum sustentationi.

Et sane Patres, de quibus agitur, asseruerunt 1. redditus Ecclesiasticos esse pauperum patrimonium, Nihil aliud sunt res Ecclesie, (inquit Julianus Pomerius l. 2. de vita contemplativa, c. 9.) nisi vota fidelium, pretia

peccatorum, & patrimonium pauperum. Si autem res Ecclesie sint pauperum patrimonium, in eos Clerici dominium non habent. Asseruerunt 2. Ecclesiam, clericorum quidem curæ credidisse facultates suas, sed earum in illos proprietatem non contulisse: Non sunt (inquit Concilium Parisiense VI.) res Ecclesie ut propria, sed ut Domini, & a Domino commendata, tractanda. Asseruerunt 3. Clericis earum rerum proprietatem non competere: Cum Episcopus, & quilibet Prælati (inquit Alexander Papa III. c. fraternitatem, Extr. de Donationibus) rerum Ecclesiasticarum sit procurator, non dominus. Asseruerunt 4. Clericos qui in pios usus non infumunt Ecclesiasticos redditus, non solum peccare contra caritatem, sed etiam contra iustitiam: Quidquid (ait Bernardus Epist. 2. quæ est ad Fulconem) præter necessarium victum, ac simplicem vestitum de altari retinet, tuum non est, rapina est, sacrilegium est. Et ne quis in metaphoricum sensum laudata ex Bernardo verba detorqueat, obstat ipse in hæc Evangelii verba: Ecce nos reliquimus omnia: eo nimirum loci scribit, ideo furti & rapinæ reos esse clericos de quibus agitur, quod meri sint œconomi & dispensatores creditorum ipsis reddituum: Sacrilega (ait) eis, pauperibus, crudelitate surripitur, quidquid sibi ministri & dispensatores, NON UTIQUE DOMINI, VEL POSSESSORES, ultra victum accipiunt, & vestitum.

Respondent adversarii, laudatos Patres loqui de bonis immobilibus Ecclesie, de quibus haud dubie pro libito Beneficarii disponere non possunt: 2. In allatis ex Patribus locis agi de beneficiis, quibus ex fundatione cura animarum incumbit. 3. Bernardum locutum fuisse hyperbolice, imitatumque fuisse nonnullos ex Patribus, qui agentes de præcepto eleemosynæ, dixerunt divites atrocissimi reos esse, cum superflua pauperibus non largiuntur.

Sed 1. stare non potest prior responsio, non dico cum sensu Patrum, sed nec cum ipsorum verbis; loquuntur enim expresse de bonis, quibus uti potest beneficiarius ad honestam sui sustentationem. At ea bona non sunt immobilia: de eis enim (etiam ut subveniat suæ necessitati) Clericus pro libito disponere non potest.

2. Veram non esse alteram solutionem, ex eo evincitur, quod laudati Patres loquantur generatim, sine ulla exceptione, absque aliqua beneficiorum distinctione: Quidquid retinet (inquit Bernardus) tuum non est. Præterea semper incumbit cura pauperum, quoties sunt superflua, cum Patres asserant, fundatores sua bona credidisse Clericis, tanquam dispensatoribus, procuratoribus & œconomis.

3. Vir nostri argumenti non enervat tertia adversariorum responsio. Nam cum Patres asse-

asseruerunt, reos esse furti divites illos, qui superflua pauperibus non erogant, locuti sunt de pauperibus in extrema necessitate constitutis, qui quidem tunc jus habent strictum in superflua divitum. Præterea nunquam illi Patres asseruerunt divites non esse superfluum dominos, ac proprietarios; ea solius Dei esse; Christi esse patrimonium: At id dixere de beneficiariis, & de facultatibus, quibus fruuntur.

Canonista, & Theologi primi nominis eadem ratione, qua mox laudati Patres loquuntur, hoc est, asserunt, Clericos, etiam facta bonarum Ecclesiarum in varias partes divisione, & iis in beneficia erectis, non esse illorum dominos, sed dispensatores tantum.

Gratianus in Canonem, *Nulli Episcoporum*, docet, Ecclesiasticos redditus in varias præbendas dividi potuisse: sed ea lege, *Ut* (inquit) *ex his quæ sibi* (de Canonico loquitur) *assignata sunt primum sibi necessaria percipiat; si quæ vero suis necessitatibus supersunt, in communes usus Ecclesie expendat.* Ne quis autem illum undecimi sæculi scriptorem de solo debito aut religionis aut caritatis, non autem de debito iustitiæ, exponat, obstant quæ præmittit; Clericis scilicet post redituum Ecclesiasticorum divisionem in varias partes, & illorum erectionem in particulares præbendas, idem onus circa illorum dispensationem incumbere, quo antea tenebantur.

S. Raymundus qui sæculo XIII. Decretales Summorum Pontificum, habente Gregorio IX. in corpus redegit, in Summa libro II. Titulo de Raptoribus, §. VIII. sic loquitur: *De meretricibus autem & fornicariis, de quibus quaestum est, dico, Prelatos, & Clericos, qui rei Ecclesie talibus, vel similibus personis conferunt, vel etiam consanguineis, non propter naturam sustentandam, sed ut faciant eis divites de patrimonio Crucifixi: item divitiis & potentibus, non propter causam licitam vel honestam, sed propter favorem sæculi, & pompam: tales* (inquam) *Prelatos, & Clericos, qui talibus conferunt bona Ecclesiastica pauperibus debita, dico esse raptores, & per consequens teneri ad restitutionem.* Id laudatus Canonista probat auctoritate Hieronymi, & ex Canone, *Si illi*, qui desumptus est ex Concilio Toletano.

S. Antoninus, in Summa, III. parte, Titulo XV. cap. 1. §. 19. laudatis ex S. Raymundo verbis aperte subscribit: *Quidquid* (inquit) *Clerici habent, pauperum est; unde ad restitutionem tenentur omnium pauperibus, vel in utilitatem Ecclesie.*

Panormitanus in Caput Cum secundum, Extr. De præbendis, hisce verbis de causa, de qua agitur, mentem aperit suam: *Si Beneficiarii, haberent patrimonium, tenerentur de suo reddere Ecclesie, quod male expenderunt.*

Alexander de Ales non ultimus inter Theologia Scholastica parentes, 3. par. quæst. 36. membr. 5. art. 2. & 3. hæc in eundem scopum habet: *Clerici qui in malos usus bona Ecclesie expendunt, sunt raptores & fures. Sed nunquid tenentur ad restitutionem, si habent aliunde unde possint restituere? Aliud certe non videtur, quia non dimittitur peccatum, nisi restituatur ablatum.*

Sanctus Carolus in Concilio Mediolanensi 1. Titul. 63. hocce promulgavit edictum: *Episcopi, Abbates, Praepositi, Parochi, ac ceteri omnes, cuiuscunque dignitatis & gradus, Ecclesias, etiam eorum administrationem commissas, ac quacunque beneficia ecclesiastica, etiam simplicia, quomodocunque etiam commendata, beneficia obtinentes, omni diligentia cognoscere studeant, quibus oneribus eorum Ecclesie, & beneficia, ex bonorum Ecclesiasticorum natura, vel ex illorum qua obtinent, propria institutione, vel ex conditione Apostolicis Litteris in provisione dictorum beneficiorum eis præsumpta, vel alia quacunque ejus generis ratione subjaceant, illisque integre satisfaciunt. . . . Quod si facere omiserint, sed eos fructus sibi vindicare, vel ad alios transferre aus fuerint, vel in quem non debent usum, impenderit, se ex sacris Canonibus, & Sanctorum Patrum sententia sacrilegii reos esse intelligant; & eorum necessaria restitutione teneant, neque ulla omnino, etiam inmemorabili, consuetudine excusent.*

Ex iis autem, tum Canonistarum, tum Theologorum sententiis, sic argumentum conficitur. Illi non habent dominium in redditibus ecclesiasticis eorum honestæ sustentationi superfluitates, qui fures sunt & latrones, si in pios usus illos non expenderint; qui ad eorum, si patrimonium habeant aliunde, restitutionem tenentur: scilicet qui in rem aliquam verum & proprie sumptum dominium habet, non est fur, & latro; non tenetur ad restitutionem, etiamsi rem illam dissipaverit. Atqui (ut ex laudatis Canonistarum, & Theologorum sententiis patet) Clerici qui etiam facta præbendarum divisione, Ecclesiasticos redditus eorum honestæ sustentationi superfluitates; in pios usus non expendunt; fures sunt & latrones, ac præterea ad restitutionem tenentur; ergo clerici, etiam facta præbendarum divisione, non sunt domini Ecclesiasticorum reddituum, qui honestæ eorum sustentationi superfluit.

Solvuntur Adversariorum Argumenta.

Not. Quæ ab adversariis obijciuntur argumenta, reducuntur 1. ad mutationem quam in bonis Ecclesiasticis per divisionem in quatuor partes contigisse contendunt; 2. ad ho-

Rb 2

clesia-

diernam jurisprudentiam, quæ beneficiariis permittit, ut testamenta etiam de bonis Ecclesiasticis condant: 3. ad quædam, sed male intellecta S. Thomæ principia: 4. ad absurda quædam quæ ex nostra sententia sequi videntur: 5. tandem ad quemdam posteriorum Conciliorum & Summorum Pontificum loquendi modum. Quatuor priora argumentorum capita hic solvemus, quantum vero paragrapho proxime sequenti.

Objicies 1. Ecclesiæ bona quæ unius Episcopi œconomia prioribus quatuor sæculis credita fuerant, ineunte quinto in quatuor partes divisa sunt: scilicet Episcopo pars propria, ministris inferioribus altera, tertia Basilicarum fabricis, & quarta pauperibus determinate assignata est ab Ecclesia: atqui per eam bonorum Ecclesiæ divisionem in partes quatuor, Beneficarii constituti fuerunt domini, & proprietarii reddituum omnium, qui honestæ eorum sustentationi supersunt; alioquin enim frustra auctoritate Ecclesiæ facta fuisset illa divisio: ergo Clericis competunt dominium & proprietas in redditus omnes Ecclesiasticos, qui supersunt eorum honestæ sustentationi.

Resp. conc. maj. neg. min. Scilicet ea bonorum Ecclesiasticorum divisio in partes quatuor, nullam in eorumdem bonorum naturam mutationem inexit: ac proinde cum antea redditus honestæ clericorum sustentationi supersites, Dei ipsius patrimonium essent in persona pauperum, novum in illos jus clericis adquisitum non est. Et sane 1. mutatio illa, quam obtinent adversarii, nulla aut Conciliorum, aut Patrum auctoritate probari potest. 2. Ecclesiæ, cum fidelium oblationes in partes quatuor divisit, nusquam propositum fuit, clericis in assignatas illis oblationes dominium & proprietatem transferre, tum quia intentio de qua nullo monumento constat, præsumi non debet; tum quia iniqua foret illa intentio; aperte enim esset contraria pio proposito fidelium: *Qui* (ut ait S. Thomas) *non dederunt divitias suas Prelatis propter se, sed propter pauperes: & ideo non decerunt eis, sed pauperibus: Prelatis autem dantur tanquam pauperum dispensatoribus.* 3. Partes divisæ servant semper naturam totius quod divisum est: ergo cum ante divisionem dominium in totum nondum divisum, clericis, ut adversarii fatentur, non competeret, ita nec est aliquid in partes, in quas Ecclesiæ auctoritate divisum est. 4. Patres, Canonistæ, & primi nominis Theologi, eodem modo (ut inter nostræ conclusionis probationes dictum est) de bonis ecclesiasticis, quæ supersunt honestæ Clericorum sustentationi, post eorum divisionem, & erectionem in particulares titulos, locuti sunt, quo ante divisionem, hoc est, æque aperte alienaverant, Clericis, non con-

petere proprietatem, ac antequam illa bona in partes quatuor dividerentur.

Nec inde sequitur, quod in argumento objiciebatur, frustra factam alioquin fuisse illam in quatuor partes bonorum Ecclesiasticorum divisionem: Nempe facta est illa divisio, ut extinguerentur rixæ, diffidia, lites quæ inter Episcopos, Capitula, Fabricæ præpositos, & Eleemosynarios ante bonorum partitionem oriri solebant, non autem ut Clerici liberarentur onere, quo prius tenebantur, alendi pauperes ex superfluis, aut ea in pios usus expendendi.

Objicies 2. Valent testamenta, quibus Clerici in gratiam consanguineorum, aut aliorum, etiam prædivitum, de redditibus Ecclesiasticis disponunt: Ergo in ipsos verum illis dominium competit, cum potestas condendi testamentum dominium in testatore supponat.

Resp. 1. per duodecim priora sæcula nec licita, nec valida fuisse Clericorum de redditibus Ecclesiasticis testamenta: idque probari potest ex Can. 49. Apostolico, ex 24. Antiocheni Concil. ex 29. tertii Carthaginensis, ex Greg. Magno lib. 9. Ep. 14. ubi Summus ille Pontifex prohibet filio mortui in Episcopatu patris, ne vel illius vestes sumat: *Quia* (inquit) *sacris canonum legibus nescitur esse definitum, ut in his quæ antea Episcopatus tempore adquisiverit, non alius nisi sola succedat Ecclesia.* Antiquum usum, de quo agitur, Concilium Later. III. sub Alexandro III. habitum confirmavit; sic enim loquitur: *Ecclesiastici quidam Clerici, cum ab Ecclesiis suis multa bona perciperint, bona per Ecclesias acquisita in alios usus præsumunt transferre. Hoc igitur quia & antiquis canonibus constat inhibendum, nos etiam nihilominus inhibemus. Indemnitate itaque Ecclesiarum providere volentes, siue intestati decesserint, siue aliis conferre voluerint, penes Ecclesias eadem bona præcipimus remanere.*

Resp. 2. trecentis fere ab hinc annis consuetudinem invaluisse, ut Clerici testentur, etiam de redditibus Ecclesiasticis: Inde tamen non sequitur, Clericos in redditus huiusmodi habere dominium. Ratio est, quia Ecclesia illam facultatem eis fecit, non ut ea ad consanguineos, aut alios divites dandos abuterentur; sed ut occurreret litibus, quæ orirentur haud dubie ex difficultate bona ex Ecclesiasticis proventibus parva distinguendi a bonis, vel industria, vel hereditate, vel aliquo alio modo comparatis. Dici igitur debet, Ecclesiam Clericorum morientium conscientia credidisse pios usus, in quos ipsamet suos proventus impenderet, si Clericis succederet ab intestato; quemadmodum succedebat antiquitus, ut ex Canonibus probatum est.

Objicies 3. Divites, qui succedunt Clericis vel testamentis, aut ab intestato, ad restitu-

tuendo

tutionem a iudicibus compelli non solent : Igitur Iudices supponunt , Clericis in re-
ditus Ecclesiasticos verum dominium com-
petere.

Resp. divites , de quibus in argumento ,
non compelli quidem ad restitutionem in fo-
ro exteriori , eo quod iudices scire non pos-
sint , an Clerici suis heredibus tanquam pau-
peribus bona Ecclesiastica per testamentum
largiti fuerint , vel utrum facultates , quas
reliquerunt , ex redditibus Ecclesie , aut ex
patrimonio , vel industria , aut aliqua ali-
li ratione comparata fuerint . Sed ad res-
tutionem in foro interiori compellendi sunt
iidem divites , tum quia est de jure natu-
rali , ac divino ut proventus Ecclesiastici in
usus pios expendantur , tum etiam quia (ut
habetur de regulis juris in Sexto) nemo po-
test plus juris transferre in alium , quam sibi
competere dignoscitur .

Confirmatur responsum 1. auctoritate S.
Caroli , qui in primo Concilio Mediolanen-
si , Titulo LXIII. ubi asseruit , beneficiatos
qui redditus suos dilapidant , ad restitutionem
teneri , sic de iis quibus eos dispensarunt ,
loquitur : *Noverint etiam ii , ad quos scientes
hujusmodi fructus , vel aliquod ex eis com-
modum pervenerit , se eadem restitutionis lege
teneri .*

Confirmatur 2. ex S. Raymundo , qui in
Summa lib. 11. Titulo de raptoribus , §. 13.
hac de iis habet , qui redditus Ecclesiasticos
a Clericis accepere : *Sed quid de fornicariis ,
& hujusmodi turpibus personis , & aliis supra-
dictis , qui sic pascuntur , vel dantur de rebus
Ecclesie , numquid & ipsi tenentur ad restituti-
onem ? Utique .*

Confirmatur tandem 3. ex S. Antonino ,
qui III. parte Summæ , Titul. 15. cap. 1. §.
19. sic loquitur : *Male autem recipientes a
personis Ecclesiasticis de bonis Ecclesiarum , vi-
delicet de fructibus , & elemosynis benefico-
rum , ut fornicariis , & bisitones , & consan-
guineis , non ratione indigentia , sed parente-
la : & iusures , & alii hujusmodi , & domini
potentes per fraudes , minas , & importunitates
secundum Raymundum tenentur restituere : non
quidem illi qui turpiter dedit , sed auctoritate
Superioris convertere in utilitatem illius Eccle-
sie , vel pauperibus erogare .*

Nec dictis obstat hac Augustini Sententia
Tractat. 6. in Joannem : *Quisquis possidet
quod possidet , nonne jure humano ? Tolle ju-
ra Imperatorum , & quis audeat dicere , Mea
est illa villa ?* Non obstat (inquam) nam
ea sententia intelligitur de bonis seculari-
bus , non autem de Ecclesiasticis , quæ qui-
dem per consecrationem Deo factam , veluti
naturam mutarunt suam , cum ex prophanis
facta fuerint sacra : unde fatentur ii etiam
qui nobis adversantur , Clericos , a quibus post
honestam sustentationem in profanos usus im-
juvin. Instit. Theol. Tom. III.

pendunt , contra Religionis virtutem pec-
care , & ab illi fieri sacrilegos .

Obicies 4. Qui elemosynam erogat , in
eam verum pauperi transfert dominium : Er-
go etiam qui instituit beneficium , in Clerici
dominium transfert illius redditus annuos :
Nam quavis ei injungat , ut infumat in pios
usus ; non tamen cum tanto onere , ut obli-
gat ad restitutionem , si dilapidaverit : sicut
nec dives pauperem , qui elemosyna abuti-
tur , obligat ad restitutionem .

Resp. eg. conseq. Ratio disparitatis est ,
quia ex Ecclesie Canonibus & 12. priorum
seculorum praxi constat , beneficiorum fun-
datores eo fine largitos fuisse sua bona Ec-
clesie ministeriis , ut ea Ecclesie , aut pauperi-
bus restituerent , si uterentur in prophanos
usus . Autem dici non potest de divitibus ,
qui elemosynam erogarunt pauperibus , qui
ea abusi sunt .

Obicies 5. S. Thom. 2. 2. q. 185. art. 7.
docet , facta divisione reddituum Ecclesiasticorum
in quatuor partes , nempe in partem Epi-
scopi , in portionem ministris Ecclesiasticis
debitam , in fabricam templorum , in paupe-
rum sustentationem ; docet (inquam) Epi-
scopo , proindeque cuilibet alteri Clerico ,
idem jus convenire in ea , quæ sibi sunt spe-
cialiter deputata , quod ei in propria bona
convenit : *De his autem (inquit) quæ sunt
specialiter suo usui deputata , videtur esse ea-
dem ratio , quæ est de propriis bonis : Sed Epi-
scopo convenit dominium in propria bona ,
dicente ipso S. Thoma : Proprium bonorum
verum habet dominium : ergo , &c.*

Resp. 1. in paucis beneficiis extare illam
divisionem reddituum in quatuor partes . Plu-
res enim sunt Episcopatus , multæ Abbatie ,
multi Prioratus , in quibus nihil ex annuis
redditibus est specialiter destinatum in pau-
perum sustentationem : Ergo ex mente S.
Thomæ , illorum saltem beneficiorum titu-
lares non habent dominium in redditus , qui
honestæ sustentationi supersunt . Unde idem
S. Thom. hac ait : *Si vero non sunt prædi-
cta bona distincta , eorum distributio fidei ejus
committitur .*

Resp. 2. supponere argumentum , in be-
nificiis , in quibus reperitur facta illa divi-
sio , S. Thomam credidisse , id omne , quod
est distinctum a reliquis tribus partibus , de-
putatum esse Beneficarii sustentationi . At
absurdum est asserere , S. Doctorem id sensis-
se , cum in aliquibus Provinciis pars a capi-
tulari mensa separata quinquaginta millium
nummorum Gallicorum summam excedat , &
cum aliunde de Episcoporum vivendi gene-
re sic post antiqua Concilia loquatur Trid.
Synodus sess. 25. de refor. cap. 1. *Quapro-
pter exempla Patrum nostrorum in Concilio
Carthaginiensi , non solum jubet (Sancta Syn-
odus) ut Episcopi modesta suppellectili &*

mensa, ac frugali victu contenti sint, verum etiam in reliqua vita genere, ac tota domo caveant, ne quid appareat, quod a sancto hoc instituto sit alienum, quodque non simplicitatem, Dei zelum, ac vanitatum contemptum præ se ferat. Expendant (quæso) eam Sacra Synodi sententiam beneficiarii, quorum suppellex, & victus nihil nisi mundanum sapiunt, ac redolent.

Resp. 3. de his, quæ beneficiarii usui honesto & modesto sunt specialiter deputata & necessaria, judicasse S. Thomam eandem esse rationem, ac de propriis, non quantum ad omnia, sed quantum ad aliqua, nempe quantum ad integram & plenam administrationem. Alioquin ea posset, sic, ut propria bona, largiri suis consanguineis; quod tamen fieri non posse docet Concilium Tridentinum sess. 25. cap. 1. de Reformatione; & ante S. Synodum, ipse S. Thomas in responsione ad primum, ubi sic loquitur: *Et ideo si de eo, quod usui Episcopi, vel alicujus Clerici est deputatum, vellet aliquis sibi detrabere, & consanguineis, vel aliis dare, non peccat, dummodo illud faciat moderate; id est, ut non indigeant, non autem ut disorietur inde fiant.*

Instabis. Sanctus Thomas loco relato opponit portionem, quæ usui Episcopi est specialiter deputata, opponit (inquam) portionibus, quæ ministris & pauperibus debentur; atque ad illarum restitutionem teneri, si eas dilapidet, aut ad usum proprium insumat: Ergo censet, Episcopum non teneri ad restitutionem portionis suo usui specialiter destinatæ; alioquin distinctio, quam affert S. Doctor, per membra opposita non fieret: *Si ergo (inquit) distincta sint bona, quæ debent in usum Episcopi cedere, ab his, quæ sunt pauperibus eroganda, vel etiam in usum ministrorum, aut in cultum Divinum expendenda, non est dubium, quin contra fidem dispensationis agit, & mortaliter peccat, & ad restitutionem tenetur.* De his autem, quæ sunt specialiter suo usui deputata, videtur esse eadem ratio, quæ est de propriis bonis; ut scilicet propter immoderatum affectum & usum peccet quiaem, si immoderate sibi retineat, & aliis non subveniat, sicut requirit debitum Caritatis.

Resp. oppositionem unius membri cum alio non esse petendam ex restitutione, ita ut S. Thomas voluerit eum, qui retinet portionem Clericis, Fabricæ, aut pauperibus specialiter destinatam, ad restitutionem teneri; non vero illum, qui in usus pios non insumit partem, quæ sibi ex speciali deputatione contingit. Sed illa oppositio peti debet ex modo administrationis: ita ut, quamvis Episcopus portionem ministris debitam in alios pios usus convertere non possit, penes tamen eum sit disponere de propria portione, in quem usum pium voluerit, immo ea uti ut oble-

quia sibi, vel a consanguineis, vel ab extraneis præstita, moderate compenset. Confirmatur ex eo quod non sit verisimile, S. Thomam voluisse recedere a Traditione, quæ (ut ex subsequenti paragrapho patebit) expresse docuit, nec in ea quæ honestæ eorum sustentationi supersunt, nec in portionem Canonice eidem sustentationi specialiter destinatam, Clericis dominium competere.

An beneficiatis conveniat dominium in portionem Canonice suis usibus destinatam.

CONCL. Beneficiati non habent dominium in portionem Canonice suis usibus specialiter destinatam.

Probatur 1. auctoritate Canonum. 1. Injungunt Sacri Canones, ut post Clerici mortem patrimonialia bona ab Ecclesiasticis separentur, jubentque, ut illa dentur consanguineis, ista vero omnia penes Ecclesiam remaneant, 12. q. 1. Canone Episcopi: *Episcopi de rebus propriis, vel adquisitis, vel quidquid de proprio habent, heredibus suis, si voluerint, relinquunt: quidquid vero de provisione sua Ecclesia fuerit, sive de agris, sive de fructibus, sive de oblationibus, omnia in jure Ecclesia reservare consuevit.* 2. Præcipiunt iidem Canones, ut quærat diligenter, an beneficiarius, qui moriens domos aut prælia reliquit, frueretur patrimonio aliquo, antequam beneficio donaretur. Si nullum possedisse invenitur, jubent Canones, ut illæ domus, illaque prædia, Ecclesiæ conferantur, præsumentes scilicet, ea bona Clericum emisse redditibus Ecclesiasticis. *Placuit, inquit Canon Placuit, titulo de peculio Clericorum* ut Episcopi, Presbyteri, Diaconi, vel quicumque Clerici, qui nihil habentes ordinantur, & tempore Episcopatus, vel Clericatus sui agros, vel quæcumque prædia nomine suo comparant, tanquam rerum Dominicarum invasionis crimine teneantur, nisi admoniti Ecclesia eadem ipsa contulerint: Ergo supponunt Canones, Clericos non esse dominos, etiam portionis Canonice, licet suis usibus specialiter destinata sit.

Nec valet adversariorum responsio contententium, laudatos Canones loqui de bonis, quæ Clerico post acceptam honestam sustentationem supererant, non autem de portione specialiter ejus usibus destinata. Nam 1. Illi Canones loquuntur de omnibus Ecclesiasticis redditibus, cujuscumque sint generis; utuntur enim terminis qui omnes omnino redditus complectuntur, *Omnia, quidquid*, 2. Antequam bona, quæ Clerici morientes reliquerunt, adscribantur Ecclesiæ, Canones non præcipiunt, ut inquiratur, an ii fractus ex portione Canonice, seu specialiter usui Clerici mortui assignata, provenerunt; sed simpliciter, an ex patrimonio, aut aliquo alio civi-

civili jure. Idem igitur tulerunt judicium de illa speciali Canonica portione, ac de aliis Ecclesiasticis facultatibus.

Obijcies 1. Canones fidem faciunt, portionem Canonice datam Clericis, Ecclesie obsequio mancipatis, esse stipendium, quod debetur eorum laboribus, quodque pro majori vel minori opera minuendum est, aut augendum. *Clerici omnes* (inquit Concilium Agathense can. 36.) *qui fideliter Ecclesie deserviant, stipendia sanctis laboribus debita secundum servitii sui meritum, vel ordinationem canonicam, a Sacerdotibus, seu Episcopis consequantur*. Atqui is, cui datur stipendium, stricte & simpliciter est illius dominus: ergo, &c.

Resp. Minorem propositionem esse veram de stipendio, quod datur pro labore Civili & Politico: sic Consul est dominus annuorum reddituum, quibus donatus est a Republica propter sua in eam obsequia: sed falsa est eadem propositio intellecta de stipendio, quod quis accipit propter laborem omnino spiritualem. Ratio est, quia stipendium datum pro laboribus politicis est vera merces stricte sumpta, data scilicet ei, qui laboravit, ad quemcumque voluerit usum. At idem dici non potest de stipendio accepto a Clericis propter laborem mere spiritualem: est enim potius honesta quædam eleemosyna, data tantum ad sustentationem ministri, qui operam suam in Ecclesie obsequium impendit. Accepta igitur illa sustentatione, ejus partis, quæ superest, quocumque casu superfit, nullo modo est dominus.

Obijcies 2. Pius V. in Bulla, quæ incipit, *Romani Pontificis*, declarat, bona, aut suppellectilem, quæ supersunt post mortem Clerici, cujus ecclesiastici proventus non excedunt triginta ducatorum summam, non esse numeranda inter Clericorum spolia, quæ Ecclesie conferri debent. Atqui non ob aliam rationem exigui illi redditus non debent numerari inter Clericorum spolia relinquenda Ecclesie, quam quia, cum sint Canonica portio honestæ sustentationi specialiter destinata, beneficiarius vivens stricte in eos dominium habuit: ergo &c.

Resp. 1. Pii Papæ V. decretum ad solum forum exterius pertinere, seu Summus ille Pontifex tanquam temporalis Princeps prohibet, ne in Provinciis Cameræ Apostolicæ subditis detur jus ad repetendos in foro exteriori proventus, de quibus est questio. Resp. 2. neg. min. Ideo enim ita decrevit SS. Papa, quod id quod summæ, de qua agitur, superest, necessarium sit ad compensandos servorum labores; vel quod ex præsumptione judicaverit, proventus, quorum meminit, Clericum aliunde, quam ex beneficiis, percepisse; plerumque enim triginta

ducatorum summa beneficiario opus est, ut suæ honestæ sustentationi consulat.

De Dominio in distributionibus quotidianis.

CONCL. Canonici non sunt domini distributionum, quas ex cantu in choro percipiunt: Nec Concionatores sui honorarii: Nec celebrantes Missam eleemosynæ oblata: Nec Vicarii Parochorum stipendii, quo propter exhibita a se populo fidei obsequia donantur.

Probatur 1. Distributiones, honoraria, eleemosynæ, stipendium hujusmodi, alterius non sunt naturæ a reliquis bonis Ecclesiasticis, quæ beneficiarii vi sui tituli percipiunt; cum clerici jus ad ea non habeant, nisi ex officio aliquo Ecclesiastico, & opera spirituali. 2. Nec Patres, nec Canones, reditus, de quibus agitur, excipere, cum clericis in bona Ecclesiastica dominium non competere definierunt. 3. Omnia omnino bona Ecclesiastica complectitur Alexander Papa III. cap. *Quia nos, de Testam.* ubi sic loquitur, *De his tamen, qua consideratione Ecclesia percipiunt, nullum de jure possunt facere testamentum*.

Obijcies 1. Canones definiunt, clericos debite ministrantes *lucrari stipendia, facere fructus suos*: qui quidem termini, cum intelligantur de fructibus quos clerici ex officiorum executione colligunt, eorundem clericorum in illos fructus dominium denotare videntur.

Resp. 1. observatum superius fuisse a nobis objecta ex Canonibus verba non esse ita intelligenda, ut stipendia, de quibus loquuntur, ut fructus quos definiunt clericos facere suos, sint vera & stricte merces laboribus debita: Nam 1. idipsum conceptis terminis negat S. Thomas 2. 2. q. 100. art. 2. in corpore, ubi sic loquitur: *Accipere aliquo ad sustentationem eorum, qui sacramenta Christi ministrant, non est peccatum, non enim sumitur tanquam pretium mercedis, sed tanquam stipendium necessitatis* (ut ait Augustinus): *Qui presunt Presbyteri, accipiant sustentationem necessitatis a populo, mercedem dispensationis a Deo*. 2. Ecclesia quæ mercedem illam tribueret, esset rea criminis simoniæ, juxta istud mox laudati S. Thomæ principium: *Pro spiritualium administratione aliquid dare, vel accipere tanquam mercedis pretium, simoniacum, atque illicitum est*.

Resp. 2. cum Panormitano sic loquente, *Clericus recipiendo fructus sui beneficii, dicitur illos facere suos quoad hoc, ut sui provideat primo, de superfluis impendat in usus pias, non autem ut de ipsis possit testari, vel pœlatis voluntati facere*.

Obijcies 2. Concilium Tridentinum definit clericos, qui jus habent ad quotidianas distributiones, earum dominium nullo modo adquirere si personaliter non impleverint com-

petens sibi servitium. Hæc enim leguntur sess. 22. c. 3. de Reform. *Qui eas obtinent, si personaliter competant sibi servitium juxta formam ab Episcopis præscribendam quolibet die statuto non impleverint, illius diei distributionem amittant, nec ejus quoque modo dominium adquirant*: Ergo Concilium supponit, clericos, qui servitium hujusmodi impleverint, *adquirere dominium* in illas distributiones.

Resp. allata ex Concilio verba non esse intelligenda de dominio perfecto & absoluto, quod est positum in potestate disponendi pro libito de re aliqua; sed tantum de dominio imperfecto, quod complectitur facultatem disponendi de re ad certos usus determinatos. Ratio est 1. quia Concilium non dicit absolute, quod absentes a choro clerici non adquirant dominium in distributionibus quotidianas: sed addit hæc verba, *quoque modo*; sive quacumque ratione sumatur dominium, proprie, aut improprie. Ratio est 2. quia Synodus Tridentina non concedit dominium aliud ab eo, quod Canones concesserunt, quodque requirit natura bonorum Ecclesiasticorum: Sed canones imperfectum dumtaxat dominium concessere, illudve solum bonorum Ecclesiasticorum naturæ convenit, ut fuse supra fuit probatum.

Confirmatur responsio, 1. ex ipsomet Concilio Tridentino, quod quidem sess. 25. c. 1. asserit, nulla facta distinctione inter portionem clericorum usui destinata, & eam quæ superest eorum honestæ sustentationi, asserit, redditus Ecclesiasticos, Dei ipsius esse: *Ne res Ecclesiasticas (inquit) quæ Dei sunt, consanguineis dantur*.

Confirmatur 2. ex Conciliis Provincialibus, quæ post Tridentinum habita sunt, quæque, si superest in eo nonnulla difficultas, eam plane tollunt. Quod ann. 1581. habitum est Rothomæ, 1. Titulo de Monasteriis, sic loquitur: *Nec Commendatarii sibi commendatum Monasteriorum regimen, ad luxum vel prodigalitatem, aut ad augendam rem suam, & consanguineorum familiam; sed ad piam & justam alienarum rerum dispensationem, & quarum non habeant proprietatem*. Eodem plane modo loquitur, quod ann. 1585. Aquis Sextiis habitum est: *intelligant (ait) ad piam & justam alienarum rerum dispensationem, & quorum non habeant proprietatem, sibi mandatum Monasteriorum regimen*.

Objicies 3. Qui offert Ecclesiæ facultates suas ut erigatur Præbenda, non aliud onus beneficiato intendit imponere, quam ut tot v. g. vicibus tremendam offerat sacrificium; nec illi in animo est, ut si, parce vivendo, redditus non impenderit, eos in elemosynas largiatur: ergo, habita ratione intentionis fundatorum, clericus est dominus proventus assignati sibi per fundationem, cujus munera objerit.

Resp. dist. ant. Non aliud onus explicitum imponit, conc. ant. implicitum, neg. ant. eo ipso quod bona aliqua Ecclesiæ offerantur, sunt sacra; ac proinde (ut jam observatum est) sive supersint Canonice sustentationi, sive ex ea fuerint, non in alios usus, quam in pios, impendi possunt. Robur additur illi solutioni ex Ecclesiæ decretis; quæ quidem, licet fundatores non expresserint, ut Clerici aut accepta honesta sustentatione, aut, præ frugalitate & parsimonia, non accepta, in pios usus res Ecclesiasticas impenderent: conceptis tamen terminis (ut superius dictum est) eis onus illud imposuerunt.

Quæres, quid intelligant Canones nomine honestæ sustentationis, quam Clericum ex proventibus Ecclesiasticis percipere posse definiunt.

Resp. 1. in definienda illa honesta sustentatione non esse habendam rationem nobilitatis personæ, quæ donata est beneficii titulo. Ratio est, quia beneficia erecta non fuerunt ad fovendum humanum fastum, & mundanum splendorem. Unde Canones nusquam injunxerunt Episcopis, ut in distributione oblationum aut aliorum reddituum Ecclesiasticorum, attenderent ad clericorum nobilitatem; sed ad labores, & (ut ait Concilium Agathense) ad servitii meritum.

Resp. 2. attendendam esse Ecclesiasticam dignitatem beneficiarii; ita ut major portio assignetur Episcopo, quam Decano; Decano major, quam Canonicis; & major Canonicis, quam Presbytero præbenda simplici donato. Ratio est 1. quia clerici constituti in dignitatibus, passim ad majores expensas tenentur; hisque præ aliis convenit hoc Concilii Trid. monitum sess. 25. cap. 8. de Reform. *Admonet (Sancta Synodus) quascumque Ecclesiastica beneficia secularia, seu regularia obtinentes, ut hospitalitatis officium a sanctis Patribus frequenter commendatum, quantum per eorum proventus licebit, prompte benigneque exercere assuescant*. Ratio est 2. quia expedit Ecclesiæ, ut qui primas in ea sedes occupant, ipsi etiam populo majori sint venerationi: At ad id populum movet non virtus modo, sed etiam aliquis exterior apparatus, modo tamen modestiam Clericalem, non vero humanum fastum, sapiat; ut ait Concilium Tridentinum sess. 25. de Reform. cap. 1.

Resp. 3. ad definiendum, quid requiratur ad honestam & modestam alicujus Clerici sustentationem, habendam esse rationem loci: quod enim in uno loco vix sufficit, sæpe superabundat in alio.

§. III. Utrum Clerici quibus satis est patrimonium, possint ex Ecclesiasticis redditibus sustentationem accipere.

Not. Non una est (fatemur) de proposita quaestione

sione, seu Scholasticorum seu Canonitarum, sententia. Nonnulli cum Prospero Fagnano contendunt, Clericum cui satis sint patrimonii bona, posse suam ex Ecclesiae redditibus sustentationem accipere: Alii vero cum Thomafino nostro, aliisque permultis, negant licere Clerico, cui ad honestam sustentationem satis est patrimonii, licite vesci posse ex Ecclesiae redditibus. Quid nos eo de argumento sentimus, proxima sequenti conclusione dicetur.

CONCLUSIO. Clerici, quibus ad honestam sustentationem satis est patrimonii, vesci non possunt ex Ecclesiae redditibus.

Probatur. An aliquid liceat, aut licitum sit, judicandum est ex Ecclesiae Canonibus, scriptis Patrum, & primi nominis theologorum operibus. Scilicet Traditio, quae non ex aliis monumentis, quam Canonibus, scriptis Patrum, & primi nominis theologorum operibus constat, regula est, ad quam christianorum mores exigendi sunt. Atqui & Ecclesiae Canonibus, & scriptis Patrum, & primi nominis theologorum operibus docemur, Clericum, cui ad honestam sustentationem patrimonium satis est, vesci non posse ex Ecclesiae redditibus: ergo id revera non licet. Minor propositio sic per partes ostenditur.

Proferuntur Canonet.

I. Canon, numero quadragesimus quintus inter eos qui passim Apostolici dicuntur, ea tantum conditione facultatem facit Episcopo vescendi ex Ecclesiae redditibus, ut iis revera ad honestam sui sustentationem indigeat. *Jubemus* (inquit ex versione Dionysii Exigui) *verum Ecclesia habere potestatem... ut in ejus sit potestate omnia administrare, & iis qui egent, per Presbyteros & Diaconos subministrare, cum annuitimore & omni religione; Etiam, SI TAMEN INDIGET, in necessarium suum usum accipere, & fratrum qui hospitio suo accipiuntur, ita ut ipse nullo modo egeat.*

Eadem conditione Concilium Antiochenum, quod medio quarto saeculo celebratum est in Oriente, facultatem facit Episcopo, ac proinde Clerico cuilibet, ut ex Ecclesiae bonis honeste sibi necessaria sufficiat: *Ipsae autem* (inquit Canone 25.) *sit particeps quibus indiget, SI TAMEN INDIGET, AD SUAS NECESSARIAS EXPENSAS.*

Ex iis vero Canonibus sic argumentum conficitur. Ea tantum conditione Clerici possunt vesci ex Ecclesiae redditibus, sub qua sacri Canones vescendi facultatem illis faciunt; cum enim Ecclesia in res suas dominium & proprietatem habeat, potest, suppositis tantum quibusdam conditionibus, & non aliis, earundem rerum usum permittere: atqui (ut ex laudatis locis patet) sacri Canones Cleri-

cis sub conditione tantum quod indigeant, hoc est, quod ex propriis bonis sustentari non possunt, facultatem faciunt vescendi ex redditibus Ecclesiasticis, ergo Clericis, qui aliunde sustentari possunt, licitum non est vesci ex Ecclesiasticis redditibus,

Respondent adversarii 1. mirum non esse, quod quatuor prioribus Ecclesiae saeculis, solis Clericis egentibus vesci liceret ex Ecclesiasticis redditibus: nullus enim (inquit Prosper Fagnanus) Ecclesiasticz militie dabat nomen, nisi patrimonio nuntium remitteret.

Sed inanis est illa responsio. Nam 1. si Clerici omnes tunc pauperes essent, cur in laudatis Canonibus hac conditione: *Si tamen indiget*, Episcopo, penes quem erat auctoritas, conceditur ut ex oblatis vesci posset? 2. Falsum est Clericos omnes nuntium remisisse patrimonio: scilicet quadragesimus canon Apostolicus aperte distinguit in Clericis bona patrimonialia a bonis Ecclesiasticis; ac proinde supponit, nonnullos tunc iis abundasse: *Sint* (inquit) *manifesta res propria, si tamen habet proprias; & manifesta Dominica, ut potestatem habeat de propriis meritis Episcopus, sicut voluerit, & quibus voluerit, derelinquere, ne sub occasione Ecclesiasticarum rerum interdicant res Episcopi.* Eadem est, iisdemque plane verbis concepta in Concilio Antiocheno, quod laudavimus, sententia: *Iustum namque & acceptum est coram Deo & hominibus, ut sua Episcopus quibus voluerit, derelinquant.*

Respondent 2. alii voces istas, *Si tamen indiget*, intelligi eo sensu, quod Clerici ex Ecclesiae bonis non plus accipere possint, quam quod ad honestam sui, & suorum sustentationem requiritur: *Hac verba* (inquit eruditus Doctor Natalis Alexander, ex inclyto Dominicanorum Ordine, Theologiae Moralis Tom. V. pag. 701.) *non significant, Episcopum, vel Clericum, cui sufficiens patrimonium est, Ecclesiasticis redditibus ad sustentationem suam uti non posse; sed ex hujusmodi redditibus tantum accipere, & ex eundem ei licere, quantum opus erit, & ad peregrinos suscipiendos, & hospitalitatem exercendam.*

Verum admitti non potest illa responsio. Nam 1. vim apertam commentarius ille Canonibus insert: nimirum Canones hisce verbis, *Quibus indiget ad suas necessarias expensas*, satis evidenter definiunt, Episcopo non licere ultra honestam sustentationem aliquid ex redditibus Ecclesiasticis sibi tribuere: ergo cum addunt, *Si tamen indiget*, aliud significant; cum scilicet ex iisdem redditibus accipere non posse ad suas necessarias expensas, si eis ad illas non indiget, hoc est, si aliunde honeste vesci possit. 2. Is loquendi modus, *Si tamen indiget*, aptus non est,

ut significet, Episcopum ad proprias expensas ex Ecclesie redditibus accipere posse: si enim paterfamilias œconomo diceret: Sume ex meis thesauris ad conficiendum iter in patriam tuam, si tamen re mea indigeas; non censeretur præcipere, ut quidquid ad iter est necessarium, acciperet, sed tantum, ut acciperet, si revera non haberet aliunde.

Respondent 3. aliqui, inter quos jam laudatus Prosper Fagnanus, Ecclesie disciplinam post erectionem beneficiorum in titulos, eorumque in partes quatuor divisionem, aliam in Ecclesiasticorum bonorum usum mutationem invexisse. Antea (ait) Clericus, cui sufficiens erat patrimonium, vesci non poterat ex Ecclesiasticis redditibus; at jam, facta illorum in partes quatuor divisione, id licite potest.

Sed illa evasio facile præcluditur. Nam 1. si Episcopus, cum penes illum erat rerum omnium summa, ea tantum conditione supposita, quod patrimonium non haberet, vesci poterat ex Ecclesie bonis, ea etiam tantum supposita conditione, iis jam uti potest; nec enim jus illi novum acquisitum est ex eo, quod summa illius in bona Ecclesiastica potestas, per eorum divisionem immutata fuerit. 2. Ostendimus supra, divisionem bonorum Ecclesiasticorum in partes quatuor, nullo modo mutasse in partibus ex toto præcisis naturam rerum Ecclesie: ac proinde titularibus partium ex toto præcillarum idem onus incumbit, eosque eadem conditio, quæ prius, nunc afficit: ergo, cum ante divisionem Clericis, aliunde divitiibus, vesci non liceret ex Ecclesie redditibus, nec id quoque possunt facta illorum in partes quatuor divisione.

Profertur auctoritas Hieronymi.

Hieronymus, relatus a Gratiano in Canone Clericos, docet 1. Clericos quibus aliunde bona ad sustentationem non sufficiunt, posse vesci ex Ecclesie redditibus: *Clericos autem (inquit) illos convenit Ecclesia stipendiis sustentari, quibus parentum & propinquorum nutu suffragantur bona.* Docet 2. eos, quibus aliunde bona sufficiunt, reos fieri sacrilegii, cum ex Ecclesie rebus vescuntur: *Qui autem (ait) bonis parentum sustentari possunt, si quod pauperum est, accipiunt, sacrilegium profecto committunt.* Docet 3. praxim Clericorum, qui, cum parentum bonis sustentari possint, rebus Ecclesie sustentantur, abusum esse qui præ se fert condemnationis sententiam: *Et per abusionem salium (inquit) iudicium sibi manducant, & bibunt.*

Respondent aliqui ex iis qui nobis advertantur, 1. Hieronymum loqui de Clericis, qui licet Ecclesie obsequiis operam suam non

conferrent, jus tamen in illius facultatum usum vindicabant sibi.

Sed 1. in laudato Hieronymi textu ne apex quidem est, ex quo sensus ille colligi possit. 2. Termini, quibus Hieronymus utitur, sunt indefiniti, ac proinde secundum Logicæ regulas, æquivalent universalibus: de omnibus igitur Clericis, sive in Ecclesie obsequium laborent, sive non laborent, intelligendi sunt: *Qui autem (inquit) bonis parentum sustentari possunt, &c.*

Respondent iterum alii, Hieronymum agere de Clericis, qui non solum ex assignata sibi portione vescuntur, sed de iis qui præterea partem pauperibus destinata sibi tribuunt.

Verum quam falsa sit illa responsio demonstrari potest variis argumentis. Nam 1. Hieronymus Clericos qui patrimonio fruuntur, opponit Clericis, qui patrimonialibus bonis plane vacui sunt; aitque istos vesci posse ex Ecclesie redditibus, non autem illos: non loquitur igitur de portione hominibus egenis specialiter destinata; alioquin enim asserere non potuisset (quod asserit tamen) Clericos quibus patrimonium non suppetit, bonis illis uti posse ad sustentationem sui. Nec obstat, quod S. Doctor portionem, ad quam Clericis jus tribuit, vocet censum & redditum pauperum: *Si quod (inquit) pauperum est, accipiunt.* Non obstat (inquam); ideo enim docet, omnes Ecclesie redditus ad pauperes pertinere, quod nullus, ne clericus quidem, jus ad illos habeat, si pauper non sit, hoc est, si aliunde honeste sustentari possit.

Respondent tandem alii, Hieronymi textu contineri quidem consilium; praxis nimium quam laudat, majoris est perfectionis; non contineri vero præceptum, quod sub peccati reatu clericos liget: *Denique (ait R. P. Natalis Alexander) absolute, & absque istis exceptionibus verba Canonis accipiantur, exhortationem, & consilium, non præceptum continent.*

Sed 1. gratis asseritur, Canonem illum, non præceptum, sed merum consilium continere: neque enim in verbis ex quibus constat, aliquid est, quo ad meram exhortationem, nudumque consilium determinetur. 2. Qui consilium non exequitur, reus non fit sacrilegii: at ex Hieronymo, clericus, qui licet patrimonio fruatur, utitur Ecclesie redditibus, reus fit sacrilegii. 3. Qui rem ad merum consilium pertinentem non agit, iudicium sibi non manducat & bibit: manducat tamen, ex Hieronymo, & bibit clericus qui patrimonio fruens, Ecclesie redditibus vescitur.

Profertur auctoritas Juliani Pomerii.

Auctor librorum *De vita Contemplativa*, quem plures quondam putarunt esse Prosperum, sed quem jam omnes docti conveniunt

non esse, quam Julianum Pomerium, aperte Conclusioni nostræ favet. Docet enim 1. Ecclesiastica bona non aliud esse quam *res fidei, pretia peccatorum, patrimonium pauperum*: hincque sequitur, clericos, qui non indigent, jus non habere, ut eis sustententur. Docet 2. ea omnia quæ ab Ecclesia possidentur, esse illi cum pauperibus communia: *Quod habet Ecclesia* (inquit lib. 11. c. 19.) *cum omnibus nihil habentibus habet commune*. Hinc autem colligitur: quod sicut eleemosyna non aliis quam pauperibus erogari debet, ita nec usus bonorum Ecclesiæ aliis clericis, quam iis qui indigent, concedi licite possit: *Nec aliud* (ait) *inde eis qui sibi de suo sufficiunt, debet erogare, quando nihil aliud sit habentibus dare, quam perdere*. Docet 3. Clericos qui cum aliunde honeste sustentari possint, Ecclesiæ redditus in proprias expensas impendunt, grandi se peccato devincire: *Nec illi* (ait) *qui sua possident, dari sibi aliquid volunt, sine grandi peccato suo, unde pauper victurus erat, accipiunt*. 4. Idem auctor objicit sibi Prophetæ textum, ubi dicitur Sacerdotes comeduros esse populi peccata, hoc est facultates, quas populus ad suorum peccatorum redemptionem oblaturus est: *De Clericis quidem dicit Spiritus Sanctus: Peccata populi mei comedunt*. Ad illud vero effatum, respondet intelligi ipsum de clericis, quibus aliunde non suppetit, quo possint honeste sustentari: *Sed* (inquit) *sicut nihil habentes proprium, non peccata, sed alimenta, quibus inutere videntur, accipiunt: ita possesores, non alimenta, quibus abundant, sed aliena peccata suscipiunt*.

Si qui nobis adverterantur, respondere non possunt, laudatas ex Juliano Pomerio sententias, non de præcepto, sed de mero consilio intelligi, cum iis asseratur, gravis peccati reos se constituere clericos, qui cum habeant unde sustententur, peccata tamen, hoc est oblationes, populi comedunt: *Sine* (inquit) *grandi peccato suo*: cum asseratur 2. eos qui sic se gerunt, in se aliena peccata suscipere: *Aliena peccata suscipiunt*; cum asseratur, ejusdem criminis reos esse, cujus foret reus dives homo, qui debitam solis pauperibus eleemosynam acciperet.

Coguntur igitur qui nostræ conclusioni non subscribunt, ad aliud effugium confugere. Respondent nimirum, Julianum Pomerium loqui de Clericis qui avaritia ducti, sese in Congregationes Clericorum recipiebant, ut suo patrimonio parcerent: *Ea verba* (inquit R. P. Natalis Alexander) *perstringunt eos, quibus cupiditas ingressum in Congregationes Ecclesiasticas suadebat, non ut Ecclesia servirent, sed ut patrimonium augerent, & ex substantia pauperum interim viverent*.

Verum facile præcluditur effugium illud. Nam esto, quod Julianus Pomerius Clerico-

rum illorum cupiditatem damnaverit. Sed 1. antea damnaverat in genere Clericos omnes qui, cum patrimonio vesci possent, alimenta ex Ecclesiæ bonis sumebant sibi, *Nec illi qui sua possident, &c.* 2. Ratio qua Clericos illos imperit, ad eos omnes spectat, quibus patrimonium suppetit: dicit nimirum, eam non aliam esse, quam quod Ecclesiæ facultates pauperibus tantum clericis concedi debeant: *Patrimonia pauperum*. 3. Idem argumentum, quod probat eos, qui Congregationibus Ecclesiasticis dant nomen, ex earumque Congregationum bonis vescuntur, licet patrimonio sufficienti potiantur, peccare graviter; probat quoque peccare eos, qui licet extra Congregationes illis versentur, & habeant patrimonium, Ecclesiæ tamen redditus in expensas sibi necessarias impendunt: nempe ideo valet argumentum Pomerii, quo bona Congregationibus illis a fidelibus oblata, sint pauperum clericorum, non autem divitum, patrimonium.

Profertur auctoritas Augustini.

Augustinus Juliano Pomerio præverat: scilicet in sua ad Bonifacium Epistola, aperte docet, Clericos quibus sufficiens ad honestam sustentationem patrimonium suppetit, vesci non posse Ecclesiasticis redditibus, quin reos se constituent criminis rei alienæ usurpatæ: *Si privatim possidemus quod nobis, Clericis, sufficit, non sunt illa nostra, sed pauperum*. Addendum est, Concilium Tridentinum confirmasse Canonem Apostolicum, qui superius laudatus est. *Cum* (inquit sess. 25. cap. 1.) *& Apostolorum Canones prohibeant, ne res Ecclesiasticas, quæ Dei sunt, consanguineis donent*: eo autem Apostolico Canone, ea tantam conditione sit facultas Clericis impendendi in expensas necessarias bona Ecclesiastica, ut tamen non habeant aliunde, quo possint honeste sustentari.

Profertur auctoritas Scholasticorum.

Adrianus Papa VI. in Commentario quem ante suum Pontificatum edidit in librum quartum Sententiarum, sic loquitur: *Ex natura bonorum ecclesiasticorum deducitur, Clericum ex patrimonio divitem, non posse ex redditibus ecclesiasticis vivere*.

Alexander de Hales, pluribus ante sæculis eadem ratione, iisdemque verbis sic mentem aperuerat suam: *Clericus habens stipendium sufficiens vel redditum, unde possit aliter quam Decimis sustentari sufficienter secundum statum personæ, potest recipere Decimas ut prælator, in necessitates pauperum, vel utilitate Ecclesiæ expendendas: non autem in usus proprios convertendas, vel in malos usus distrabendas. Immo si in usus proprios convertas, committis sacrilegium*.

erilegium: si in malis usus impendat, incurrit iudicium.

Eandem doctrinam propugnant Dionysius Carthusianus; Thomassinus noster, Samborius Sorbonicus Doctor, Casuum Conscientiæ Tom. II. pag. 114. Editionis Parisiensis, in quarto; & tandem plures alii, quos loco proxime relato apud eundem auctorem legere est.

Solventur adversariorum argumenta.

Not. Quæ ab adversariis obijciuntur, reducantur 1. ad auctoritatem Apostoli qui asserit, eum qui Altari servit, posse de Altari vivere; 2. ad Ecclesiæ praxim, quæ nusquam Clericis imperavit, ut patrimonium dimitterent; 3. ad textum S. Thomæ, quo Sanctus Doctor asserit peccare lethaliter Clericum, qui urgente gravi populorum necessitate, parcat patrimonio, bonaque Ecclesiæ in expensas sibi necessarias impendit. Sed hæc singillatim proponenda & solvenda sunt.

Obijcies 1. Apostolus 1. ad Corinth. ix. docet Clericos qui altari deserviunt, competere jus ex obligationibus fidelium expensas sibi necessarias sumendi: Ita (ait) & Dominus ordinavit illi qui Evangelium annuntiant, de Evangelio vivere. Quam æqua sit illa Domini ordinatio; idem Apostolus probat ex antiqua Lege: Nescitis (inquit) quoniam qui in Sacrario operantur, quæ de Sacrario sunt, edunt: & qui Altari deserviunt, cum Altari participant? Probat iterum ex lege naturali quæ jubet, ut miles vivat illius stipendii cuius nomine pugnat: Quis (ait) militat suis stipendiis unquam? Quis plantat vineam, & de fructu ejus non edit? Quis pascit gregem, & de lacte gregis non manducat? Ex iis autem Apostoli sententiis sic argumentum conficitur. Apostolus docet, Clericum habere jus vivendi ex Ecclesiæ redditibus, eo præcise titulo, quod Ecclesiæ serviat; nec distinguit inter Clericum pauperem & divitem: ergo utrique asserit jus vivendi ex Ecclesiæ redditibus. Vis additur illi argumento ex auctoritate S. Chrysostomi, cui ita persuasum fuit, operam quam quis Ecclesiæ narraverit, esse titulum qui det jus utendi fidelium oblationibus, ut ei qui magis laboraverit, majorem portionem deberi censuerit; in eumque sensum hanc aliam Apostoli sententiam traxerit: Qui bene præfunt Presbyteri, duplici honore digni habeantur, maxime qui laborant in verbo & doctrina.

Resp. 1. dist. ant. Apostolus non distinguit inter Clericum divitem & pauperem, & eam distinctionem ex natura bonorum Ecclesiasticorum, quæ solum pauperum sunt patrimonialia, supponit, conc. ant. & eam non supponit, neg. antec. Ratio est, quia eam con-

ditionem Traditio, quæ legitima est Scripturam interpret, supponit: ut variis argumentis superius ostensum est.

Resp. 2. utrique Clerico, pauperi scilicet & diviti, Apostolum tribuere jus percipiendi expensas sibi necessarias ex Ecclesiæ redditibus; sed in eo casu patrimonium divitis, erit ex iis bonis quæ superflua dicuntur; ac proinde si clericus dives vivat ex Ecclesiæ redditibus, tenebitur patrimonium pauperibus erogare. Nec obstat Apostolus, cum ait, majorem ex fidelium oblationibus portionem deberi iis qui magis laboraverint: siquidem supponit, eum cujus labores graviores sunt, majori indigere alimentorum copia, tum ut exhaustas vires suas reficiat, tum ut consulat variis, quæ occurrunt, necessitatibus propriis, quarum alioquin cura animum illius in solitudinem distraheret, sicque impediretur, ne totum se daret Evangelicæ prædicationi: hincque patet, quam æquus sit Chrysostomi Commentarius in laudatum ex Apostolo textum: Qui bene præfunt Presbyteri, duplici honore digni habeantur, maxime qui laborant in verbo & doctrina.

Obijcies 2. Perpetua hæc fuit Ecclesiæ praxis: 1. Nusquam Clericos, etiam divites, exclusit a jure expensas sibi necessarias percipiendi ex decimis, oblationibus, & distributionibus quotidianis. 2. Nusquam coegit eos, ut patrimonium dimitterent, cum eis Beneficiorum Ecclesiasticorum titulum contulit. 3. Quovis sæculo Clericis facultatem fecit, per testamentum aut alium quemvis contractum, derelinquendi patrimonialia bona parentibus: Ergo supposuit, Clericos, etiam divites, potuisse ex Ecclesiæ redditibus vivere.

Resp. ad 1. falsum esse antecedens. Scilicet Ecclesia quovis sæculo declaravit 1. Clericos uti non posse Ecclesiæ bonis, si aliunde suppeteret eis, quo sustentarentur: Si tamen (inquit Concilium Antiochenum) indiges. Declaravit 2. eos, qui cum sint divites, Ecclesiæ redditus impendunt in necessarias impensas, fieri sacrilegii reos: Sacrilegium (inquit Hieronymus) committunt. Declaravit 3. eosdem Clericos esse reos usurpationis bonorum, quæ illorum non sunt: Non sunt (ait Augustinus) illa vestra, sed pauperum.

Resp. ad 2. variis de causis Ecclesiam Clericis divitibus non jussisse, ut patrimonium, cum Ecclesiis adscribebantur, ac proinde cum Beneficiis donabantur, dimitterent. Nam 1. alioquin Ecclesia pluribus ministris ministerio sacro aptissimis defraudata fuisset: pauci enim reperti fuissent inter divites, qui patrimonium dimittere voluissent. 2. Ecclesia hoc emolumentum ex ministris divitibus colligebat, quod cum ministri illi non essent Ecclesiæ oneri, ex oblationibus fidelium, quibus illi ad proprium usum non utebantur,

tur, facilius pauperum indigentia consulerent. 3. Ob eandem rationem Ecclesia, his etiam temporibus, hominibus divitibus beneficia confert, quod praesumat, eos, Ecclesiae redditus, non in usus proprios, sed ad sublevandam pauperum miseriam converterlos esse.

Objicies 3. Sanctus Thomas docet, Clericos, quibus patrimonium suppetit, in casu urgentis necessitatis non posse vesci ex Ecclesiae redditibus: ergo persuasum est illi, Clericos divites extra casum illum posse redditus ecclesiasticos in usum proprium convertere; siquidem (ut ajunt) exceptio firmat regulam. Probatur ant. Sanctus Thomas 2. q. 185. art. 7. ad 3. sic loquitur: *Non enim omnia bona Ecclesiarum sunt pauperibus largienda, nisi forte in articulo necessitatis, in quo etiam pro redemptione captivorum, & aliis necessitatibus pauperum, vasa cultus divino dicata distribuuntur: Et in tali necessitate peccaret Clericus, si vellet de rebus Ecclesiae vivere; dummodo haberet patrimonialia bona, de quibus vivere posset.*

Resp. 1. Sanctum Thomam loco in objectione laudato non tractare ex professo quaestionem, An Clericus qui sufficiente patrimonio fruitur, vivere possit ex Ecclesiae redditibus, & suo eidem patrimonio parcere: sed hanc tibi expendendam expresse proponit: *Utrum Episcopi mortaliter peccent, si bona ecclesiastica qua procurant, pauperibus non largiantur.* At ratum est apud omnes axioma, auctorem, qui ex professo quaestionem aliquam non pertractat, cum eadem circumspeditione non loqui, ac si expresse eam sibi expendendam proponeret.

Resp. 2. conc. ant. neg. consequ. Ratio est, quia Sanctus Thomas loquitur de speciali debito, quod Clerico in casu necessitatis imponitur: unde is est S. Doctoris sensus: *Nusquam Clericus qui patrimonio ad sustentationem sufficiente fruitur, potest Ecclesiae facultates in expensas sibi necessarias convertere, & in primis cum populum gravis necessitas urget.* Confirmatur ex eo, quod verisimile non sit S. Thom. voluisse favere inordinato Clericorum amoris in parentes, quorum, alioquin non egentium, mundanum fastum, & splendorem per reddituum patrimonialium collationem foverent ac nutrent, viventes interim ex bonis quae idem S. Doctor post antiquos Patres saepius asseruit esse vota fidelium, pretium peccatorum, & patrimonialia pauperum.

Objicies 4. Grave sequitur incommodum ex sententia, quae in conclusione propugnatur. Nempe si clericus ex beneficii sui redditibus vivere non possit, & parcere patrimonio, plures reperire erit clericos, qui cum spe mercedis, ex laboribus spiritualibus percipiendis, frustrandi sint, torpescunt otio, nec tuam Ecclesiae operam conferent: ergo, &c.

•Resp. 1. perutile esset Ecclesiae, ac viri ex

patrimonio divites, ecclesiasticis laboribus incumbant, ii enim cum non sint futuri oneri Ecclesiae, redditus quos ex Beneficiis percipient, pauperibus quibus gravatur Ecclesia, largientur.

Resp. 2. divitibus clericis indignum esse labores spirituales obire, ut aut parcant patrimonio, aut ut eo rem suorum, alioquin non indigentium, augeant; ea nimirum agendi ratione probarent se pluries patrimonii splendorem, quam Ecclesiam fatere. *Si propterea* (inquit Augustinus libro 11. de Sermone Domini in Monte, c. 24.) *evangelizamus, ut manducemus, vilius habemus Evangelium, quam cibum.* Cujus quidem essati hancce rationem profert S. Doctor, ejusdem libri cap. 16. *Quaecumque res propter aliquid aliud queritur, sine dubio inferior est* (in assimilatione querentis) *quam id propter quod queritur.* Quapropter si Evangelium, & regnum Dei propter cibum quarimus, priorem facimus cibum, & posterius regnum Dei. A Clericis serviendum est Ecclesiae eodem motivo, quo Christus ipsi suam contulit operam, hoc est, non aliud sibi proponere debent, quam Ecclesiae sanctificationem, quae Christo non contulit opes: sed quae (ut ait Augustinus) ab illo dotata, ab illo redempta, ab illo sanata fuit. Clerici imitentur Apostolum, qui propriis manibus victum quaesivit, ne Ecclesiis, quibus annuntiavit Evangelium, oneri esset.

Objicies 5. Plures sunt de Schola Theologi qui docent, Clericos quibus satis est patrimonium ad vitam honeste sustentandam, posse nihilominus redditus ecclesiasticos in necessarias expensas convertere: ergo revera id eis ligitum est.

Resp. 1. Theologos illos loqui nullo nixos traditionis fundamento: 2. Theologis illis opponimus Conciliorum Canones, Hieronymum, Augustinum, Julianum Pomerium, Bernardum, & alios, quorum magna est in Ecclesia pondus. 3. Iis Theologis sic cum Dionysio Carthusiano, De vita Canoniorum, c. 24. respondemus: *Securius ac salubrius creditur, aut pareatur distis Sanctorum, per quos locutus est Spiritus Dei, quam Scholasticorum quorundam, qui suo magis, quam expedit, credunt & utuntur ingenio, auctoritatemque Sanctorum ad suam retorquent opinionem.*

ARTICULUS III.

De Dominiorum origine.

CONCLUSIO 1. Creatura rationalis a Deo, ut prima causa, dominium habet in suos actus. Ab eo quoque Adamus innocens in universum orbem dominium accepit.

Pro-

Probatur prima pars. Quilibet creatura rationalis libertate a Deo donata fuit: ergo & dominio in proprios actus, cum illud dominium sit essentielle libertati.

Altera conclusionis pars constat ex dictis de Deo Creatore.

CONCL. 2. Jure Gentium statim post peccatum introducta fuit in orbem dominiorum divisio.

Probatur prima pars. Cain obtulit de frugibus terre, & Abel de optimis sui gregis: Sed siambo illi fratres distincta & divisa peculia non habuissent, Abel pro Cain, propter oblata, specialem laudem promeritus non fuisset; quod est falsum.

Probatur altera pars: Statim post peccatum ratio homines docuit, supposita corruptione naturæ per peccatum, necesse esse, ut quisque suum possideret, ne lites & jurgia ori- rentur, & ne tellus inculta remaneret. Eo- dem argumentum evincitur quoque, jure gen- tium investam fuisse hereditariam filiorum in bona paterna successionem; nam ratione na- turali statim omnes docti fuerunt, æquitati consonum esse, ut penes eos esset heredi- tas, in quos ipsa parentum natura trans- funditur.

CONCL. 3. Jure civili & politico, in va- riis regionibus facta est bonorum divisio.

Probatur. Jus civile invexit primogenitu- ræ præscriptionisque jura, nec non multas particulares leges, quæ in diversis locis di- versas efficiunt dominiorum divisiones.

ARTICULUS IV.

De modis, quibus dominium transferri potest.

Dominii translatio, quæ definitur trans- misso rei ab eo, qui prius eam legiti- me possidebat, in alterum, qui in eam nul- lum habebat jus, duo, ut valeat, requirit: voluntatem nempe legitimi dominii, & au- ctoritatem legis positivæ. Conveniunt om- nes Theologi, permutationis, venditionis, mutui, donationis contractus, qui duplici illa conditione nituntur, esse media, quibus fit translatio, de qua agitur; sed dubium est inter eos: 1. An dominium per ludum alearum transferatur. 2. An per contractum cui defunt juris sollemnitates: 3. Utrum per præscriptionem. Cum non levis momen- ti sint illa dubia, seorsim subjicienda sunt examini.

§. I. Utrum per ludum alearum dominium transferatur.

CONCL. 1. Spectato solo jure naturali, per ludum alearum dominium transfertur.

Probatur. In translatione dominii per alea- rum ludum, nihil reperitur, quod juri natu- rali repugnet. 1. Non sit (ut supponitur) con-

tra liberam legitimi dominii voluntatem. 2. Forma, sub qua fit, ex se non est injusta; cum non dicat inæqualitatem: est enim hu- jusmodi: *Pecuniam expono ludo, ut tu vicissim exponas tuam*. Non est etiam injusta ratione periculi, quia cuique licet rem suam non- nunquam exponere periculo, ut patet in contractu assecurationis, mercium maritima- rum lucrandi alienum, cum vehemens est, arguit quidem summam inludente avaritiam, proindeque, ex S. Antonino, est peccatum mortale; sed irritum non reddit pactum, quod inter se ludentes inierunt, cum ei omnino accidentalibus, sicut & ceteris con- tractibus. 4. Quod spes lucri committatur fortunæ, non est contra rationem, tum quia Christianos non latet, nihil omnino fieri casu; proindeque nomine fortunæ aliud a Dei providentia non intelligant: tum et- iam quod usus sortium ad dividendum inter fratres hereditatem, non sit malus, quam- vis eventus a fortuna. (ut loquuntur homi- nes) pendeat: Ergo ex nullo capite, do- minii per ludum alearum translatio juri na- turali repugnat.

CONCLUSIO 2. In locis, in quibus le- ges positivæ prohibent lucrum per alterum ludum, per ipsum nequaquam dominium transfertur.

Probatur 1. quia positivæ leges possunt con- tractus alioquin jure naturali validos, red- dere nullos, cum id bonum commune re- quirat. Ita sentit Sanctus Thomas, ut patet ex his illius verbis 2. 2. q. 32. art. 7. ad 2. Circa illa, quæ per aleas adquiruntur... aliud videtur esse ulterius illicitum ex jure po- sitivo civili, quod prohibet universaliter tale lu- crum. Sed quia jus civile non obligat omnes, sed eos solum, qui sunt hinc legibus subiecti, & iterum per dissuetudinem abrogari potest; ideo apud illos, qui sunt hujusmodi legibus obstru- cti, tenentur universaliter ad restitutionem quæ lucrantur, nisi forte contraria consuetudo præ- valeat.

Quares 1. quid de lucro per aleas define- rint tum Romanæ, tum Francicæ leges?

Resp. ad primum, leges Romanas nullam dare actionem victori in victum: 2. cogere victorem ad restitutionem, si victus reporat juridice pretium perfolutum: *Victum in alea lusu* (inquit Justinianus Cod. l. 3. de Aleatoribus & Alearum usu. l. victum) non posse conveniri, & si solverit, habere repeti- tionem tam ipsum, quam heredes ejus: idque perpetuo, & etiam post triginta annos. Ex qui- bus verbis patet, leges Romanas a victore non auferre dominium in pretium, nisi vi- ctus in iudicio repetierit.

Resp. ad secundum, Francorum leges nus- quam meminisse perfoluti pretii, sed tantum debiti: dominium igitur in illud non auffer- runt a victore, sed tantum in illud. Colli- gitur

gitur ea responsio ex edicto a Ludovico XIII. Francorum Rege lato Parisiis, die 30. Maii anno 1611. sic enim habet: *Faisons des- fenses a toutes personnes de quelque qualite & condition qu'elles soient, de tenir berlant en au- cune Ville, & endroits de nostre Royaume, ni s'assembler pour jouer aux cartes, ou aux dez. Declaronz toutes ces contraindes per le jeu nul- les, & toutes obligations & promesses faites par le jeu, quelques deguiser qu'elles soient, nul- les, & de nul effet, & debargées de toutes obligations civiles & naturelles.*

Quæres 2. an sint aliqui alii casus, quibus comparata per alearum ludum victor ser- vare sibi non possit?

Respondet S. Thomas his verbis: *Circa ea, que per aleas adquiruntur, videtur aliquid esse illicitum ex divino jure, scilicet quod aliquis lucretur ab his, qui rem suam alienare non pos- sunt, sicut sunt minores, & furiosi, & bujus- modi, & quod aliquis trahat alium (fraude scilicet, vel vi, vel nimium importunis pre- cibus) ex cupiditate lucrandi ad ludum, & quod fraudulenter ab eo lucretur: in his casibus tenetur ad restitutionem. Nisi tamen aliquis lu- cratus sit ab eo, qui traxit illum ad ludum, quo casu non tenetur restituere, quia ille qui amisit, non est dignus recipere, nec potest lici- te restituere, jure positivo (quod vetat domi- nium hujusmodi) durante: unde debet de eo elemosynam facere, in hoc casu.*

Respondemus præterea, idem ferendum esse judicium de iis, qui lucrati sunt bona Ecclesiastica: cum enim Clerici non sint eo- rum domini; aliquid in ea dominium ludo transferre non valent. Victo tamen, in præ- nam actus illiciti, restitui non debent, sed Ecclesie, vel pauperibus. Idem debet dici de iis, qui vicerunt mulieres matrimonio con- junctas, quæque alia non habent bona a do- talibus, nisi tamen exigua sit summa ludo obtenta; tunc enim earum mariti alienatio- nis consentium præbere consentur. Idem quo- que statuendum est de filio-familias, qui cum non potuerit ingentem pecuniam summam va- lide ludi periculo exponere, non potuit quo- que valide lucrari multam summam a viro, quem vicit. Nec mirum; nam justitia postu- lat, ut quis non possit ludo plus obtinere, quam possit amittere.

S. II. An per contractum, qui jure civili nullus est, dominium transferatur?

Conclusio. Per contractum jure civili in- validum, quamvis jure naturali valeat, dominium non transfertur.

Probatur 1. Leges civiles (ut suo locodi- ctum est) obligant in conscientia: Ergo sub- diti eis obedire tenentur: ergo, si leges non habita ratione contractus, cui defunt solem- nitates juris, rei per illum contractum data

cessionem præcipiant, subditi ad illam cessio- nem tenentur. Sed si ad cessionem tenentur, nullum in rem datam per illum eundem con- tractum dominium adquisierunt, ut patet: er- go, &c.

Non obstat, quod leges in casu, de quo est quæstio, non præcipiant cessionem sub hac formula, *In conscientia*: Nam non ex illa for- mula, sed ex natura sua politica leges sub- ditos obligant in interiori foro.

Probatur 2. Ideo Respublica nullos & irri- tos facit contractus, sine præscriptis solem- nitatibus initos, ut impediatur, ne absque so- lemnitatibus illis (quarum usus maxime uti- lis est communi bono) civium bona alienen- tur. At Respublica finem illum non asseque- retur, si in conscientia per illos contractus imperfectos dominium transferretur. Nam qui sine solemnitatibus juris agrum vendidisset, eum postea tuta conscientia non posset repetere; immo nec ipsamet Ecclesia, si co- nomus aut commutasset, aut vendidisset, non servatis requisitis ab ea formalitatibus: quod est absurdum.

Objicies 1. In casibus quibus cessat finis le- gis, lex nullam vim habet. Sed in contractu, qui habita ratione solius juris naturalis, valet, sed irritus est secundum jus civile, cessat fi- nis legis, quæ solemnitates præscribit; ideo enim præscriptæ fuerunt nonnullæ solemnitates, ut vitentur fraudes, At in contractu, de quo est quæstio, nullæ omnino sunt frau- des, ut supponitur: ergo, &c.

Resp. veram esse majorem propositionem, cum finis cessat generaliter in Republica: sed contende falsam esse, si cesset tantum in particulari casu. Ratio est, quia lex ab ac- cidentariis & particularibus casibus abstra- hit, cum tota sit in iis, quæ ut plurimum contingant: Unde quamvis illis in casibus fi- nis legis locum non habeat, ipsa tamen lex totam suam vim retinet; ut patet 1. in pu- pillo, qui licet maturi iudicii supponatur, non potest tamen ante ætatem jure civili præ- scriptam bonorum suorum dominium in al- lium trans-ferre, inconsulto & non consenti- ente tutore: patet 2. in viro pæficio, in quo quamvis cesset ratio legis prohibentis, ne quis arma noctu dederat, vim tamen summo & robur habet ea lex, etiam illius hominis pæ- fici respectu.

Objicies 2. Quando jus civile est contra jus naturale, tunc nulla est habenda ratio juris ci- vilis; illud enim majus habet pondus, quam istud. Atqui jus civile irritans contractum na- turali jure validum, est ipsi juri naturali opposi- tum; Illius ergo nulla est habenda ratio.

Resp. concessa majore, neg. min. Ratio est, quia exigit jus naturale, ut pars de suis sa- cultatibus contra voluntatem totius non dis- sponat; partes enim sunt propter totum. Re- nuente igitur Respublica propter bonum pub- licum

blicum, ut per contractus initos non servatis servandis transferatur dominium, exposcit jus naturale, ut de facto non transferatur.

§. III. Utrum dominium transferatur per prescriptionem.

CONCLUSIO. Dominium vere transfertur per legitimam prescriptionem.

Probatur. Principes suis legibus efficere possunt, ut quis per prescriptionem dominium adquirat. Nam divisio bonorum non a lege naturali, quæ omnes fecit æquales, sed legibus humanis olim inuenta est, & sit his etiam temporibus: Quisquis possidet, quod possidet (inquit August. tract. 6. in Joannem circa finem) nonne jure humano? Tolle jura Imperatorum, & quis audeat dicere: Mea est illa villa? Atqui principes suis legibus definierunt transferri dominium per prescriptionem. Hæc enim leguntur lib. 1. de Præser. Constitutionem promulgavimus, qua cautum est, ut res quidem mobiles, per triennium: immobiles vero, per longi temporis possessionem, id est, inter presentes, decennio, inter absentes, viginti annis, usucapiantur. Et his modis in omni terra, quæ imperio nostro gubernatur, dominia rerum, jura possessionis præcedente, adquirantur. Nec valet, quod ajunt nonnulli, Imperiales de prescriptione leges habere quidem locum in foro externo, non autem in foro conscientiæ. Nam 1. nullus ex Patribus, quibus cognita fuerunt illæ leges, sic distinxit: 2. e contra sua auctoritate generatim & sine restrictione leges illas Ecclesia confirmavit, ut ostendi potest ex Gelasio Papa Epist. X. quæ est ad Siciliæ Episcopos, sic loquente; Illud annecti placuit, ut si facultates Ecclesia, nec non & dioceses, quæ ab aliquibus possidentur Episcopis, jure sibi vendicent, quod Triennalis lex conclusit, quia & filiorum nostrorum Principum ita emanavit auctoritas, ut ultra triginta annos nulli liceat pro eo appellare, quæ legem tempus exclusit.

Ostendi potest iterum ex eo, quod Ecclesiæ legibus, quas de prescriptione Imperatores tulerunt, usæ fuerit semper, ut causas Ecclesiasticas dirimeret; unde in Jure Canonico expressum de prescriptionibus titulum legere est.

Obijcies 1. auctoritatem nonnullorum Patrum: 1. Augustinus libro de fide & operibus, cap. 7. sic loquitur: In jure prædiorum, tamdiu quisque bona fidei possessor rectissime dicitur, quamdiu se possidere ignorat alienum: Cum vero sciverit; nec ab aliena possessione recesserit, tunc mala fidei perhibetur, tunc juste injustus vocatur. 2. Sanctas Raymundus de hac quaestione in sua Summa agens, asserit, quod suæ ætatis Theologi docerent, eos, qui post legitimam prescriptionem agnoscunt se possidere alienum, ad restitutionem teneri.

Resp. ad primum, adverbium istud tamdiu, intelligendum esse ante legitimam prescriptionem. Ratio est, quia post prescriptionem, id, quod possidetur, non dicitur alienum; ita ipsum Augustinum sensisse, probant hæc illius verba Epist. 54. Hoc certe alienum non est, quod jure (id est legum auctoritate) possidetur.

Resp. ad secundum, quaestionem, de qua agitur, S. Raymundum dubiam reliquisse; hæc enim ait: Consulerem ei (qui per prescriptionem aliquid possidet) ut restitueret, saltem propter ambiguum dupliciter. Si nolle acquiescere, non audeam sibi dare securitatem, quod sit in statu salvandorum. . . . Non audeo etiam precise definire cum teneri, vel esse propter hoc in statu damnandorum. Addi potest, quod si nonnulli auctores S. Raymundi ætate prescriptionis legem, quoad forum interius, non valere censuerint; alii, & quidem insigniores, qui postea scripserunt, contrarium docuerint: inter eos sic loquitur S. Thomas quodlib. 12. art. 24. Dicendum est, quod si quis præscribat, bona fide possidendo, non tenetur ad restitutionem, etiam si sciat alienum fuisse post prescriptionem. Sic etiam Scotus in 4. dist. 15. quaest. 2. Si lex justa potuit juste determinare prima dominia, & non minor est auctoritas legis post divisionem dominiorum, quam ante: Ergo propter eandem causam & eundem finem potest juste transferri dominium. Ex hoc dico, quod prescriptio in immobilibus, & usucapio in mobilibus, est justa translatio.

Obijcies 2. Proferri non potest ratio, propter quam Imperatores legem de prescriptionibus juste condere potuerint: ergo, &c.

Resp. neg. ant. Promulgata enim fuit illa lex propter bonum publicum, quietem scilicet civium & familiarum. Cum antiquarum conventionum instrumenta non raro evanescant, cum nihil sit facilius, quam falsa instrumenta pro veris supponere, mortuis scriba & testibus; par fuit ut Principes, prescriptionis lege, tot tantisque malis occurrerent, impedirentque, ne iniqui injustis litibus, & falsis testibus cives & familias vexarent.

Obijcies 3. Est de jure naturali, ut Respublica invitos cives bonis non spoliaret, nisi in duplici casu; 1. cum ipsa Respublica civium suorum facultatibus ad commune bonum indiget; 2. cum cives propter nefandum aliquod scelus bonorum jactura mulctari debent. Atqui, si in foro conscientiæ valeret prescriptionis lex, cives sine prævio delicto, & sine urgente Republicam necessitatis casu, inviti nonnunquam suis bonis spoliarentur, ut patet: Ergo, &c.

Resp. neg. maj. Nam præter duplicem allatum casum est tertius, nempe cum id exposcant pax & tranquillitas publica (ut re-
vera

vera exposcent in causa prescriptionis): Est enim de iure naturali, ut bonum privatum publico postponatur.

Quæres 1. quænam conditiones ad legitimam prescriptionem requirantur?

Resp. multas ad legitimam prescriptionem conditiones requiri. Requiritur nimirum 1. ut res ipsa sit præscriptibilis. Defectu illius conditionis laici pro causarum Ecclesiasticarum, seu spiritualium cognitione prescriptionem Episcopis objicere non possunt.

Requiritur 2. continuata possessio, ut colligitur ex l. *Cum notissimi*, Cod. De præscriptiõibus, ubi definitur, per litis contestationem, immo & per solam citationem impediri prescriptionem.

Requiritur 3. bona fides, *Quoniam* (inquit Concilium Lateranense IV. Can. 41.) *omne quod non est ex fide. peccatum est, synodali iudicio definimus, ut nulla valeat absque bona fide præscriptio tam canonica quam civilis, cum sit generaliter omni constitutioni derogandum, qua absque mortali non potest observari peccato.* Ex quo patet, in foro conscientie nullam habendam esse rationem legum (si quæ tamen sint) quæ possessorem male fidei in sua possessione confirmant.

Requiritur 4. probabiliter præsumptus titulus. Nam defectu tituli alicujus, fur, & usurarius non præscribunt: sufficit tamen, ut titulus ille sit præsumptus, quamvis de facto sit nullus: si enim esset certus, independentem a prescriptione transferret dominium.

Requiritur denique 5. tempus lege definitum. Nec mirum, cum præscriptio illud tempus essentialiter præsupponat. Ex paragr. 1. Instit. de usucapione, constat, requiri triennium ad adquirendum dominium rerum mobilium; decem vero annos inter præsentes id est eos, qui commorantur in eadem provincia: & viginti inter absentes, pro rebus immobilibus; modo tamen adit titulus coloratus: Si enim nullus sit, requiruntur triginta anni non interruptæ possessionis bonæ fidei, sive in mobilibus, sive in immobilibus bonis laicis: at in immobilibus Ecclesiasticis requiruntur quadraginta tam jure civili Auth. *quas actiones*, Cod. De sacro sacræ Eccles. quam jure Canonico, Cap. De quarto Cap. ad aures. Illi quadraginta anni non sufficiunt, ut contra Ecclesiam Romanam præscribatur, quippe quod centum requirantur: Auth. *Quas actiones*.

Quæres 2. utrum dubium, an res, quæ possidetur, sit aliena, prescriptionem impediat?

Resp. affirmative. Ratio est, quia dubium impedit bonam fidem: bona enim fides idem est ac fides tranquilla & quieta, quæ certissime cum dubia non componitur. Unde actio, quæ fit cum dubio, an sit peccatum, certum

Juvenin. Inst. Theol. Tom. III.

est peccatum, nempe eo quod non sit ex bona fide, sive ex conscientia certa dicente Apostolo, *Quod non est ex fide, peccatum est.* Observandum est, eum, qui dubitat, an res, quam possidet, sit aliena, teneri explorare diligenter cujus sit; Si autem id detegere non valeat, potest eam servare sibi, cum in dubiis melior sit conditio possidentis, ac reo potius quam auctori jura faveant.

Quæres 3. an leges civiles possint in possessorem male fidei transferre dominium in poenam negligentie legitimi domini, qui rem suam inter prescriptionis tempus non repetit?

Resp. negative. Nec mirum: pugnat enim contra æquitatem naturalem, quod leges ei faveant, qui rem alienam per voluntarium diuturnumque scelus possidet, ut revera a male fidei possessore detineatur. Id tamen non impedit, quin leges jure possint legitimum dominum, qui negligens fuisse supponitur, privare actione, qua post expletum prescriptionis tempus rem suam in foro exteriori repetat: id enim nonnunquam necesse est, ut bono publico consulatur.

CAPUT IV.

De Contractibus in communi.

Not. **H**ic agimus de Contractibus, quod sint actus præcipui, per quos iustitia exercetur. Eorum essentiam, subjectum, objectum, & divisionem exponemus.

ARTICULUS I.

De essentia Contractuum.

CONCL. Contractus recte definitur, plurius ad idem placitum conventio libera.

Probat. Contractus recte dicitur 1. *Conventio plurius*, eo quod nemo cum se ipso pacisci possit. 2. *Conventio libera*. Unde ab amentibus, furiosis, & infantibus, contractus iniri non possunt.

Quæres 1. an error in alterutro ex contrahentibus contractum irritum efficiat?

Resp. affirmative, si error sit circa substantiam rei, ut cum quis vendit aurum, quod judicabat aurichalchum: secus vero si sit tantum circa qualitates, aut accidentia rei; ut cum quis emit agrum sterilem, quem fertilem putabat. Ratio est, quia in priori casu non est consensus in rem venditam, qui tamen reperitur in posteriori; in quo quidem posteriori casu licet contractus valeat, rescindi nihilominus potest in conscientia, si tamen sit solubilis: nempe ad arbitrium ejus, qui per fraudem, & dolum ita inductus fuit ad contrahendum, ut de facto non fuisset contracturus, si dolum hujusmodi perspectum habuisset. Nec mirum, ei enim, qui sic contraxit, illata est injuria. Unde in integrum debet restitui: aut, si non a contrahente,

C c

hente,

hente, sed ab aliqua tertia persona deceptus fuerit, de rei venditæ pretio secundum prudentem estimationem detrahi debet.

Quæres 2. an irritus sit contractus initus ex metu?

Resp. contractum, etiam ex gravi metu initum, jure naturæ esse validum; cum metus, etiam gravis, non tollat in eo, qui sui est compos, internum consensum, qui solus, spectato jure naturæ, essentialis est contractui. Rescindi tamen postea potest idem contractus in foro conscientiæ, si metus, quamvis levis, qui vera fuit illius causa, injuste incussus fuerit, eo quod per illum metum injuria illata fuerit contrahenti, qui proinde debet in integrum restitui, modo tamen contractus juramento non fuerit confirmatus; in eo quippe casu promissis stare debet, donec per legitimam potestatem absolutus fuerit a juramento; quam quidem absolutionem potest petere, quamvis se non perituro juraverit: *In juramento quod quis constitit facit* (inquit S. Thomas 2. 2. q. 89. art. 7. ad 3.) potest quis repetere in iudicio quod solvit, vel prelatum denunciare, non obstante, quod contrarium juravit, quia tale juramentum vergeret in deteriorem exitum; esset enim contra iustitiam publicam.

ARTICULUS II.

De illis, qui contrahere possunt.

CONCL. Spectato solo jure naturali, ii omnes, qui fruuntur usu rationis, possunt inire contractus: At jure positivo multis illa potestas adimitur.

Probatum prima pars ex eo, quod jus naturale nihil aliud in contractu requirat, quam liberum contrahentium consensum. Altera vero pars colligitur ex variis juris Civilis legibus. Lex *Si curatorem habens*, pupillos reddit inhabiles ad contrahendum sine curatoris auctoritate: Sin autem nondum eis de curatore provisum fuerit, valent quidem initi ab eis contractus, sed per repetitionem in integrum restitui possunt. Lib. 3. Instit. c. 20. §. 9. decernitur, filium familias ante pubertatem, id est ante annum 14. completum, non posse valide contrahere, etiam de bonis, quorum habet proprietatem & usum, quamvis patris consentientis auctoritate muniatur.

Quæres, an pupillus teneatur ad solutionem pecuniæ, quam inconsultis tutore aut curatore, mutuo accepit?

Resp. eum teneri, si pecuniam mutuo acceptam in usus utiles & necessarios impenderit, ita ut ea pecunia factus fuerit aliquo modo ditior; non teneri vero, etiam in foro conscientiæ, si mutuo acceptum in ludis, aut in rebus minime sibi necessariis consumpserit. In priore casu non subsistit ratio le-

gis, qua pupilli ad contrahendum inhabiles efficiuntur: in posteriore e contra tota viget ejusdem legis ratio.

Quæres, quænam sit materia contractuum.

Resp. materiam contractuum esse bona omnia, quorum quis & dominio & libera administratione fruitur. Ratio est, quia bona illa possunt in alienum dominium, aut administrationem transire.

Hinc colligitur 1. uxorem nec de dote, nec de illius fructibus posse, incio & non consentiente marito, per contractum aliquem disponere; e contra filium familias inconsulto patre posse contrahere de bonis Castrensibus, aut quasi Castrensibus, cum eorum absolutum dominium & completum usum habeat. Idem dici non debet de adventitiis; nam licet eorum habeat dominium, usus tamen est patris. Unde a fortiori concluditur, cum non posse contractum inire de profectitiis, cum profectitiorum nec proprietatem, nec usum habeat.

Quæres, an filius familias contrahere possit de bonis, quæ proprio labore & industria in domo paterna lucratur.

Resp. 1. eum non posse, si ea bona nomine & auctoritate patris lucratus fuerit; ea enim bona inter profectitia numerantur. Hinc infertur, filium cauponis, fabri, aut mercatoris, post obitum patris nihil in detrimentum coheredum posse sibi ex illis bonis retinere.

Resp. eum e contra post obitum patris posse lucra ex solis operibus artificialibus provenientia retinere sibi, si ita cum patre convenerit, deductis tamen deducendis ex alimentis, quæ accepit a patre. Ratio est, quia illa bona inter adventitia recententur.

Quæres 3. quomodo contractus dividantur?

Resp. contractus multipliciter dividi. Dividuntur enim 1. in Innominatos, qui non habent speciale nomen, sed genericum tantum: sunt autem isti quatuor; *Do ut des*, *do ut facias*, *facto ut des*, *facto ut facias*; & Nominatos, quibus proprium ac speciale nomen convenit, quales sunt emptio, locatio, mutuum, &c. 2. Dividuntur in onerosos & gratuitos. Priores, ii sunt, in quibus pro dato aliquid rependitur: Posteriores, in quibus pro dato nihil rependitur, v. g. donatio, commodatum, precarium. 3. Dividuntur in contractus stricti juris, & in contractus bonæ fidei. Illi, sunt ii, in quibus iudex ad verba contrahentium adstringitur. Isti vero, in quibus iudex ex æquo & bono aliquid potest arbitrari, quod a contrahentibus non fuit expressum, sed bona fide subintellectum censetur. 4. Contractus dividuntur penes effectum. Nonnulli transferunt rei dominium, ut Permutatio, Venditio, Mutuum. Alii transferunt solum usum rei, ut Commodatum, Precarium: Alii solum rei custodiam, ut Depositum, Pignus, &c.

CA.

CAPUT V.

De Venditione, & Emptione.

Not. **N**ON agemus de singulis in specie contractibus, sed tantum de subsequentibus, Venditione nimirum, Emptione, Mutuo, Commodato, Deposito, Pignore, Precario, Locatione, Promissione, contractu Dotali, contractu Societatis, Cambio, Asseruatione, Fideiussione, & tandem de Testamentis.

ARTICULUS I.

De Contractibus in particulari.

CONCL. 1. Emptio definitur, contractus, per quem, mediante pretio determinato, dominium in rem aliquam acquiritur: Venditio vero est contractus, per quem, mediante pretio determinato, alicujus rei in alterum transfertur dominium.

Probatur & explicatur simul conclusio 1. Cum Venditio, & Emptio perficiantur mutuo paciscentium consensu, merito dicuntur contractus. 2. Cum differant a Permutatione, necesse est, ut fiant ex pacto determinati pretii. 3. Cum res vendita non debeat redire in potestatem venditoris, sed maneat penes emptorem, essenziale est Emptioni & Venditioni, ut, per eas non solus rei usus (ut fit in locatione) sed ipsa etiam res, a venditoris dominio in emptoris dominium transeat.

Ex his inferitur 1. post completum venditionis contractum, rem, quæ fuit vendita, non venditori, sed emptori perire, etiam si remanserit apud venditorem, modo tamen ex istius negligentia culpabili detrimentum non contingerit. Colligitur 2. emptorem non teneri ad persolvendum aliud a promisso pretium, quamvis antequam rem emptam penes se habeat, illa eadem res casu aliquo fiat melioris conditionis, quam esset, cum empti fuit. Nec mirum: equum enim est, ut, qui sentit incommodum, sentiat & commodum.

CONCL. 2. Duplex est pretium rerum, quæ vendi, aut emi possunt: Legale & Naturale, seu (ut alii vocant) Vulgare.

Probatur. Vel pretium est lege aliqua positiva determinatum, & sic est legale: vel determinatum relinquitur prudenti hominum æstimationi, & sic est vulgare. Prius, positum est in indivisibili: unde venditori ipsam augere non licet. Posterius vero, aliquam habet latitudinem; dividitur quippe in summum, medium & infimum: ita ut si medium pretium sit centum v. g. infimum poterit esse nanaginta quinque; summum; centum & quicquid aut circiter secundum prudentum æstimationem.

Quæres, unde vulgare rerum pretium peti debeat?

Resp. non peti illud pretium 1. ex eo quod res vendita, commoda sit & utilis emptori, Nam (ut ait S. Thomas 2. 2. quæst. 77. art. 1.) alienum commodum, venditoris dominio non subjacet. 2. Nec ex eo, quod præfens numeretur pecunia, vel promittatur tantum; siquidem expectatio solutionis, est mutuum, vi cuius nihil licet recipere. 3. Nec ex brevi futura mercium copia, aut inopia, quia (ut docet S. Thomas articulo tertio ad quartum) pretium sumi debet ex præfenti rerum statu, non autem ex futuro. Unde concludit idem S. Doctor, mercatorem, qui detulit triticum ad locum, ubi est inopia frumenti, posse allatum vendere secundum pretium quod invenit, quamvis certo sciat, multos alios mercatores brevi ingentem copiam delaturos esse. Dicendum igitur, pretia vulgaria rerum sumenda esse 1. ex variis circumstantiis, v. g. penuria, vel copia mercium, emptorum, venditorum, aut pecuniarum; 2. ex detrimento quod quis incurrit ex venditione rei, quæ emptori est valde utilis, aut quæ probabiliter majoris pretii futura esset alio tempore, ad quod mercatur, deductis tamen deducendis, illam servare statuerat; 3. ex modo vendendi, sub hasta, in discessu, minutatim: modo tamen ex parte e mentis, nec fraus, nec dolus venditioni locum aliquem dederint.

CONCL. 1. Materia venditionis & emptionis, sunt ea tantum, quorum venditor habet dominium.

Probatur ex eo quod venditor non possit transferre dominium earum rerum, in quas ipse nullum habet: quæ tamen translatio contractibus emptionis & venditionis essentialis est.

Hinc colligitur, emptorem, qui etiam bona fide emit a fure rem alienam, eam sibi servare non posse, ubi agnoverit verum illius dominum, a quo tamen pretium, quod persolvit, repetere non potest, nisi sciens alienam esse, eo sine comparaverit, ut postea domino redderet. Ratio est, quia nemo plus juris potest transferre in alium, quam sibi competere dignoscitur. Ab ea tamen regula excipiendus est emptor, qui dum esset bonæ fidei possessor, rem a fure emptam vendidit, aut consumpsit. 1. Quia tunc tantum aliquis ad restitutionem tenetur, cum alienum iniuste detinet. 2. Pretium, quod per alieni venditionem accepit, quodque bona fide fuit consumptum, non est furto comparatum. Ita haud dubie tenet Sanctus Thomas 2. 2. q. 100. art. 6. ad 3. ubi hac habet: *Non tenetur restituere fructus consumptos, quia bona fide possedit.*

Quæres, an fiat valida emenditio rei, in quam quis plenum habet dominium, ita etiam sit semper licita?

Cc 2

Resp.

Resp. negative. Ratio est, quia nonnunquam res vendita vergit in detrimentum, aut corporale, aut spirituale proximi. Hinc concluditur contra caritatem peccare 1. Typographos, apud quos veneunt famosi, aut amatorii libri. 2. Pictores, qui obscenas imagines aut pingunt, aut vendunt. 3. Cauzones, qui vinum præbent iis, quos vident eo se se inebriaturos. 4. Pigmentarios, qui fucatum mulieribus divendunt, cum ex S. Thoma, lectione 2. c. 2. primæ ad Timotheum: *Fucatus ornatus semper sit peccatum. Mulieribus enim non permittitur ornatus nisi propter viros: at viri nolunt decipi, ut fucata eis appareant.* 5. Venditores taxillorum, chartarum, iis saltem, quos vident ex nimia lucrandi cupiditate ludere, aut ingentem pecuniæ summam ludo legibus politicis vetito exponere; per ludum enim vetitum, dominium rei non transfertur.

ARTICULUS II.

De Mutuo, Commodato, Precario, Deposito.

CONCL. 1. Mutuum est contractus, quo rei dominium & usus transferuntur in mutuatarium, ea lege, ut similem, tum in specie, tum in qualitate, redditurus sit.

Probatur per allatam definitionem: Mutuum ab omnibus aliis contractibus differt: 1. quidem a Venditione, quæ transfert rei dominium sine onere reddendi similem: 2. a Commodato, in quo res eadem non specie tantum, sed & numero reddi debet: 3. a Deposito, quod ita alterius fidei creditur, ut eo non possit uti, nisi explicito, aut saltem implicito deponentis consensu.

Hinc sequitur 1. rem mutuo datam perire mutuatario, quocumque casu pereat. 2. Mutuatarii, non vero mutuantis, esse omnes omnino fructus, qui ex re mutuo accepta percipiuntur.

CONCL. 2. Materia mutui, sunt solum res usu consumptibiles, quæ in determinata quantitate & qualitate consistunt.

Probatur ex eo, quod res, quæ usu non consumuntur, ad venditionem, locationem, & commodatum pertineant: unde concluditur, rei mutuo acceptæ usum & dominium esse omnino idem; unde pro illius usu aliquid sine iniustitia exigi non potest a mutuante; alioquin enim bis idem ei solveretur, ipsa nempe rei substantia & ejus usus, quæ sunt omnino idem, ut videre est in tritico, oleo, pecunia, ceterisque hujusmodi.

CONCL. 3. Commodatum, est contractus, per quem usus alicujus rei, alteri gratuito conceditur, ea lege, ut eadem numero reddatur.

Alii, qui rem commodato accepit, hæc incurantur onera. 1. Re commodata debet uti

ad eum dumtaxat usum, ad quem eam accepit a domino: aut saltem ad eum, cui ex æquo & bono judicet rei dominum, consenturum esse. 2. Sub pœna restitutionis, ad rei commodatæ conservationem tenetur; unde eandem curam, quam ad conservanda propria, debet adhibere.

Cum Precarium sit Commodatum revocabile ad nutum concedentis, non differt a Commodato, nisi ratione temporis; in commodato enim dominus rem suam non potest repetere, nisi post certum determinatum tempus; in Precario vero, quoties, & quando libuerit.

CONCL. 4. Depositum, definitur contractus, per quem res aliqua alterius fidei committitur, & alter eandem recipit in suam fidem.

Depositarii onera multa sunt. 1. Invito domino rem depositam in suos usus convertere non potest. 2. Tenetur ad restitutionem, si gravi ejus culpa perierit; immo si ex levi, cum aut indemnem promissit, aut de pretio pro illius custodia convenit, aut cum a deponente repetita, sed non reddita, fortuito periit, vel deterioris conditionis facta fuit. 3. E contra liberatur a restitutione, si rem, heri nomine a servo depositam, alteri reddiderit, quem prudenter, licet falso, judicavit esse illius servi dominum. Tunc enim (ut supponitur) nec fraus, nec dolus, nec negligentia culpabilis habent locum.

ARTICULUS III.

De Locatione, Promissione, Donatione, & Contractu dotali.

CONCL. 1. Locatio, est contractus, quo res, vel persona, ad usum, vel ad fructum pretio comparatur. Ea conclusio patet ex iis, quæ superius de emptionis, & venditionis contractibus dicta sunt.

Quæres, quamnam sint locantis obligationes.

Resp. varias esse. 1. Periculum rei locatæ remanet apud locantem. Nec mirum, remanet enim rei verus dominus: Secus vero, si locator ad sustinendos fortuitos casus se ipsum per contractum obstrinxerit.

2. Tenetur detegere rei locatæ vitia, etiam occulta, quæ locatario damno esse possunt. Immo tenetur rem locatam probare, antequam pro non vitiata eam elocet. Unde *L. Si quis dolia, §. Locati*, hæc leguntur: *Si quis dolia vitiosa ignorans locaverit, deinde vinum effluerit, tenebitur in id, quod interest; nec ignorantia ejus erit excusata.*

3. Debet remittere, aut saltem minuire, agri v. g. locati pretium, si casu fortuito nullus ex eo, aut modicus fructus collectus fuerit: *Nisi tamen* (ut ait Greg. IX. cap. propter sterilitatem de locato) *cum abortiva præcedentis, vel subsequenteris anni, valeat fructus compensari.*

4. Lit.

4. Licitè non potest elocare suum domum meretricibus, concubinariis, hospitibus, qui parata exhibent cubacula ad tabellarum char-tacearum, aut alearum ludos: Alioquin enim criminum, quorum iniqui illi homines sunt rei, ipso fieret particeps, quippe qui ad ea crimina rem conferret suam.

5. Non potest servo, qui necessitate co-actus elocavit se, minorem, quam par sit, mercedem rependere, nisi tamen ex caritate illum conduxerit, ejus opera alioquin non indigens.

6. Si absque causa, cui servus nullum de-derit locum, ante definitum tempus dimittat eundem servum, totius temporis mercedem debet; nisi tamen dimissus, alteri postea se elo-caverit, aut saltem facile se elocare potuerit.

CONCL. 2. Promissio est contractus, quo quis alteri se nonnihil gratuito daturum, aut quidpiam in ejus gratiam futurum pollicetur. Unde patet, eam differre 1. a pacto, quod pactum utriusque paciscentis consensum essen-tialiter requirat. 2. a contractibus onerosis, cum sit omnino gratuita.

Quæres, utrum promissio, sub poena gra-vis peccati promittentem obstringat?

Resp. affirm. si res promissa magni sit mo-menti, & ab eo, cui promissa est, fuerit acceptata. Ratio est, quia acceptata promif-fio dat jus ad rem promissam: Unde contra fidelitatem peccat, qui non stat suis promissis.

CONCL. 3. Multi assignantur casus, quibus is, qui promissit, non tenetur stare promissis.

Probatum enumeratione: Quando accidit causa non prævisa, ut cum quis promissit pec-uniam pro eo tempore, quo postea ipsa indi-get; aut is, cui facta fuerat gratuita pro-missio, sit infensibilis promittentis inimicus: neque enim promittens voluit se pro illis ca-sibus obstringere. 2. Præ impotentia mora-li, aut physica. 3. Cum id, quod promif-fum fuit, est illicitum. 4. Quando aliquid, licitum quidem in se, promissum fuit, sed propter illicitum, sive illud illicitum vergat in damnum tertii, ut homicidium, adulte-rium, iniqua judicis sententia; sive non ver-gat in damnum tertii, ut sunt munera pro licita judicis sententia; pro actu scortatio-nis, saltem in Galliis, ubi meretricium le-gibus non toleratur. Addi potest, nihil dari licite posse 1. in pretium turpis illius actus; sicut enim venales non sunt virtutes, ita nec venalia sunt vitia; 2. nec ut ad illum actum meretrix inducatur: naturali enim & divi-no jure quique prohibetur inducere proximi-mum suum ad peccandum; nec ut servetur liber & facilis ad perditam mulierem acces-sus: scilicet nemini licet parare aut servare sibi occasionem peccandi; nec denique ut il-li mulieri, alioquin non multum egenti, sit subsidio; laveret enim iniquæ conditioni, in qua lucri spe allecta permanet. Confirmari

Juvenin Instit. Theol. Tom. III.

possunt ea omnia 1. ex August. qui tract. 110. in Joan. (referente S. Thoma 2. 2. q. 168. art. 3. ad 3.) docuit, *Quod dare res suas histrionibus vitium est immare, non vit-tur, nisi forte aliquis histris esset in extrema necessitate, in qua esset ei subveniendum.* Con-firmari possunt 2. ex his quæ de restitutione rei ex turpi actu comparatè inferius dicemus.

CONCL. 4. Donatio, quæ definitur *Reti-litijus gratuita concessio*, ut valeat, multas condiciones requirit.

Probatum enumeratione. Necesse est 1. ut fiat a persona quæ sit sui juris: 2. ut is cui sit, possit eam recipere: 3. ut res donata, sit donantis, nec jam alteri sit obligata: 4. ut fiat cum debitis juris solemnitatibus, in-ter quas in Galliis, ex Henrici II. Edicto, quod latum est anno 1553. est inscriptio pu-blicorum instrumentorum libro, si tamen do-natum quinquaginta librarum Gallicarum pre-tium exceßerit.

Quæres 1. quotuplex sit donatio?

Resp. esse duplicem, donationem nimirum inter vivos, & donationem causa mortis. Per priorem, donatarius, vivente donatore, in rem datam dominium acquirit; per po-steriorem vero, post mortem donatoris tan-tum. Ista, ad arbitrium donatoris rescindi potest; illa vero propter ingratum donatarii animum; v. gr. si in donatorem violentas manus injecerit, si atrocibus eum affecerit injuriis, si grave illius bonis damnum, vel vitæ periculum inferre, aut ad victum ho-nestum necessaria negare præsumpserit: 5. *Quod autem, ff. De Donat. inter virum & u-xorem.*

Quæres 2. an mutua bonorum donatio in-ter conjuges valeat?

Resp. non valere in Galliis, si sit donatio inter vivos; secus, si causa mortis. Nec mirum: alioquin enim (ut habetur in jure) conjugati, mutuo ac cæco amore sese invi-cem expoliarent, ad extremaque, ubi elan-guisset amor, redigerentur.

CONCL. 5. Contractus dotalis est ille, quo certa bona a muliere, vel saltem ejus no-mine, dantur marito, ut onera matrimonii fer-re valent.

Ex ea contractus dotalis idea colligitur 1. viro, quandiu matrimonium stat, convenire dominium in usum dotis; cujus tamen pro-prietas, uxoris est: unde de dotalibus fru-ctibus, marito invito, mulier disponere non potest. Colligitur 2. dotem, dissolum per u-xoris mortem conjugio, non esse amplius, e-tiam quod usum, ipsius mariti, sed heredum uxoris, cum qua matrimonium inierat.

Quæres, utrum parentes dotem patris suis constituere teneantur?

Resp. affirmative. Ratio est, quia paren-tes, pro sua virili parte, tenentur patris præbere necessaria ad legendum onera status, quem

quem sapienter amplectuntur. Hinc autem colligitur 1. parentes teneri dotem filiabus constituere, quæ dare volunt nomen monasterio pauperi: quamvis tamen cum illo monasterio pacisci non possint, nisi iis cautionibus, quæ cum agetur de Simonia, inferius referentur.

Colligitur 2. parentes teneri pariter ad dotem constituendam filiis, qui ex eorum consensu, immo & aliquando iis non consentientibus, nubere volunt, saltem in Galliis, post expletum trigessimum ætatis annum; & filiabus post expletum vicesimum quintum. Scilicet viget, etiam nunc, Edictum ab Henrico Rege II. latum anno 1556. cuius quidem Edicti is est tenor: *En tant, qu'en Nour est (inquit laudatus Rex Christianissimus) executant le vouloir, & le commandement de Dieu, disons, statuons, & ordonnons. que les enfans de famille ayant contracté, & contracteront cy apres mariages clandestins contre le gré, vouloir, & consentement, & au desceu de leurs pere & mere, puissent pour certe irreverence & ingratitude, mépris, & contemnement de leurs dits pere & mere, transgression de la ley & commandement de Dieu, & offense contre le droit de l'honnestete publique, inseparable d'avec l'utilité, estre par lesdits pere & mere, & aucun d'eux, exheredez & exclus de leur succession, sans esperance de pouvoir querreller l'exheredation, qui aura ainsi esté faite.... Ne veulons aussi, & n'entendons comprendre les mariages, qui aurent esté faits, & seront contractez par les fils, excédans l'age de treize ans, les filles ayant vngt cinq ans passés & accomplis, pourvu qu'ils se soient mis en devoir de requerrre l'avis, & conseil de leur pere & mere; & ne seront lesdits enfans tenus audit cas d'attendre leur consentement. Ce que veulons aussi estre gardé pour le regard des meres qui se marient, desquels suffira de requerrre le conseil & avis.*

Idem illud Edictum Henrici secundi confirmarunt Henricus tertius in Comitibus Bleffensibus anno 1579. & postea Ludovicus decimus tertius Parisiis anno 1629.

ARTICULUS IV.

De Contractu Societatis.

Not. 1. **N**omine contractus Societatis intelligitur convenientia plurium, qui ad negotiationem, quæcumque communem, conferunt pecuniam, operam, industriam, aut aliquid aliud, quod pretio æstimari possit.

Not. 2. Nemo dubitat, quin contractus Societatis sit licitus; est enim quædam negotiationis species: at negotiatio lege, tum

Canonica, tum Civili, permittitur. Sed quæri potest, quænam conditiones requirantur, ut ille contractus cum æquitate fiat.

CONCLUSIO. Multæ conditiones requiruntur, ut æquus sit Societatis contractus.

Probatur enumeratione. Necessè est 1. ut is qui pecuniam, vel animalia tradit in societatem, capitale a fortuitis casibus intactum non servet sibi. Ita definit Sixtus Papa V. in Bulla, quæ incipit, *Detestabilis*. Nec immerito: tradere nimirum pecuniam, aut animalia cum onere ea reddendi immunia a periculo quolibet, & præterea de fructu, si ve determinato, si ve indeterminato pacisci, non aliud est, quam pecuniam, aut animalia mutuo dare: at (ut dictum est superius) vi mutui nihil omnino recipere licet.

Necessè est 2. ut singuli socii quidpiam in commune, si ve pecuniam, si ve industriam, si ve negotiationis instrumenta, ut sunt naves, equi, vehicula, si ve labores & operam conferant; qui enim in societatem nihil confert, jus non habet, ut aliquod ex ea emolumentum percipiat.

Necessè est 3. ut lucrum, damnum, expensæ, inter socios dividantur, habita ratione proportionis eorum, quæ singuli ad societatem contulerint: par enim est, ut fructuum copia, ex majori vel minori periculo, quod conferens in se suscipiat, pro majori vel minori labore, uberius sit aut parcius.

Ex iis quæ hucusque dicta sunt, concluditur tria, cum societas dirimitur, observari debere. 1. Si solum capitale absque lucro superfit, totum soli capitalis domino reddi debet. 2. Si capitale absque socii culpa perierit, soli domino pereat oportet; solius enim est domini, non sociorum. 3. Lucrum quod superest, dempto capitali, dividi debet inter socios pro rata contributionis ad societatem; æqualiter quidem iis qui æqualiter, inæqualiter vero iis, qui inæqualiter contulerunt.

Innumera fraudes, innumeraque usurarum palliationes, sub obtentu contractus societatis, a mercatoribus, & aliis hominibus committuntur, quas exponemus ad partem huiusce Tomi, ubi de Usura dicemus.

ARTICULUS V.

De Cambii contractu.

Not. 1. **C**ambium nihil aliud est, quam lucrosa pecuniæ cum altera pecunia permutatio: hincque patet, Cambium differre ab aliis contractibus, per quos dominum confertur, quod pecunia sit adæquata illius materia.

Not. 2. Cambium multipliciter dividitur. Siquidem dividitur 1. in fictum, & reale. Posteriorius, est illud quo realiter fit pecuniæ per-

permutatio; Prius vero, quo pecunia fidei tantum in aliam pecuniam permutatur. 2. *Cambium reale* subdividitur in *Minutum*, & *Locale*. Illud, est permutatio presentis pecuniae cum alia presente pecunia, sed quae vel sit inaequalium ac disparium specierum ut aureae cum argenteae; vel pecuniarum quae cum diverse signatae sint, in una regione admittuntur quidem, sed in aliis rejiciuntur. Illud, hoc est, *Cambium Locale*, quod & *cambium per litteras* vocant, est permutatio cum alia pecunia, quae in alio loco ad chirographum campforis persolvatur.

Not. 3. De Cambio quari potest, 1. utrum reale, superaddito moderato pro campfore lucro, licitum sit; 2. utrum pro fidei aliquid recipere campfori liceat; 3. quamnam ad iustum & legitimum locale, seu, per litteras, cambium conditiones requirantur.

CONCLUSIO 1. Utinque cambium Reale, Minutum & Locale, superaddito moderato pro campfore lucro, licitum est.

Probatur. Neutrum ex iis cambiis, iustitiae oppositum est. Siquidem lucrum campfori contingit vel ratione industriz, laboris, periculi, quibus pecuniam campfario in alia regione solvendam procurat; vel ratione officii: si enim campfor sit publicus, necesse est, ut diversa speciei pecunias conservet, quas ad mutationem paratas habeat. *Dicendum* (inquit S. Thomas in Opusculo 73. de Usuris, c. 3.) quod ars campforia de se est iusta. Et ratio est, quia illud plus quod accipitur a campforibus in tali permutatione monetae, non accipitur ratione pecuniae, quae de se est invendibilis, sed ratione periculi, vel interesse, ut suboeniatur salariis pensionum, domorum, ministrorumque, & laboribus & expensis in arte necessaria & licita, ne frustra ponant opera & sudorem suum in re licita ad utilitatem aliorum.

CONCLUSIO 2. Campfori non licet aliquid accipere pro cambio fidei,

Probatur 1. ex Sixto Papa V. qui id aperte definit in Bulla quae incipit: *In eam pro nostro*. Nec immerito: nam cambium vetum (quod & *Sticum* vocant, eo quod, sicut arboris adinstar, nullum fructum ferre possit) simplex est mutuum; neque enim in ea cambii specie fit realis permutatio pecuniarum, nec solutio in aliqua distante regione procuratur; at ratione mutui aliquid recipere praeter sortem, aperta est usura. Hinc autem patet, usurarium esse campforem, qui datam cambii epistolam in alio loco solvendam redimit 2. campfario, accepta praeter sortem pecunia,

CONCLUSIO 3. Quatuor praecipuae conditiones ad iustum & legitimum per litteras cambium requiruntur.

Probatur enumeratione. Requiritur 1. ne campfor ratione dilatae solutionis pecuniae,

campfario sine presente pecunia datae, quidpiam exigit, quia (ut ait S. Thomas) expectatio pretii solvendi, habet rationem mutui.

Requiritur 2. ne paciscatur de aliquo determinato, aut indeterminato interesse, in casu quo nummularius, ad quem Syngrapham mittit, non solvat pecuniam, quam campfarius a campfore sine alia presente pecunia accepit. Tunc enim dilatio solutionis esset titulus aliquid ultra sortem recipiendi; qui tamen titulus (ut jam fuit observatum) campforem ab usura non eximit.

Requiritur 3. ne campfor pro cambio aliquid ultra pretium a republica determinatum accipiat: quod quidem pretium, si a republica determinatum non fuerit, a peritis artis campforiae, habita ratione locorum distantiae, laborum, periculorum, usus, & qualitatis monetarum commutandarum, definiri debet.

Requiritur 4. ne campfor aliquid a campfario exigit ratione laboris, vel temporis, quod vel ad numerandam pecuniam, vel ad scribendas ad suos correspondentes litteras impendit. Ratio est, quia labor ille, tum a campfore, tum ab illius correspondente, debetur ex contractus cambii natura non minus quam labor emptoris in pecunia venditori numeranda debetur.

ARTICULUS VI.

De Affecuratione & fideiussione.

Not. 1. **A**ffecuratio est contractus, quo quis rei alienae periculum in se suscipit, obligando se gratis, vel pretio, ad eam, si perierit, compensandum.

Not. 2. Fideiussio est alienae obligationis in se susceptio: seu, est contractus, quo quis sine pignore, & hypotheca, se se obligat accessorie, & in defectum debitoris principalis, ad solvendum pretium ab eo debitum.

Not. 3. De Affecuratione quaerimus, quae conditiones requirantur, ut licita sit: De Fideiussione, ad quod fideiussores teneantur.

CONCL. 1. Variarum ad legitimum Affecurationis contractum conditiones requiruntur.

Probatur enumeratione. Requiritur 1. ut qui mediante pretio, est affecurator, sit incertus de rei, cuius periculum in se suscipit, eventu: alioquin enim iniquum esset lucrum, quod ex affecuratione reciperet: ideo nimirum pretium aliquod ratione affecurationis potest accipere, quod rei periculum in se suscipiat.

Requiritur 2. ut affecurator non plus accipiat quam laborum & periculi quantitas a viris prudentibus aestimatur.

CONCL. 2. Fideiussor ad multa tenetur. Probatur enumeratione. Fideiussores tenen-

tur 1. ad compensandum damnum creditori ex dilata ultra præfixum tempus solutione, ad quam debitor erat obstrictus.

2. Post datam fidem, fidejussores non possunt disponere de facultatibus æquivalentibus debito quod nondum a principali debitore persolutum est, si tamen alias æquivalentes non habeant.

3. Non possunt aliquid, quod pretio æstimabile sit, exigere propter fidejussionem; Siquidem fidejussio, est quidam mutui species: cum enim ipse fidejussor mutuum amico dare non valeat, alium per suam fidejussionem rogare videtur, ut det illius loco.

ARTICULUS VII.

De Testamentis.

Not. **D**E Testamento quod est, *Voluntatis iusta sententia de eo, quod quis post suam mortem vult fieri*, quæremus hic 1. utrum abique juris solemnitatibus celebratum valeat. 2. an qui per fideicommissum institutus est heres, possit, tuta conscientia, hereditatem tradere fidei-commisario, quem Leges excludunt a successione.

CONCLUSIO 1. Irritum est, etiam in foro conscientie, Testamentum, quod conditum est sine requisitis a jure solemnitatibus.

Probatur ex iis, quæ superius dicta sunt de contractibus in communi: ibi enim ostendimus, irritos esse, tum in foro conscientie, tum in foro exteriori, contractus, quibus defunt requisita a jure solemnitates.

Respondent nonnulli, testamenta excipi debere a regula, quæ de contractibus in communi asserta est: hoc est, condita abique juris solemnitate testamenta valere in conscientie foro, seu heredes obligare, quamvis in eodem conscientie foro alii contractus sine juris solemnitatibus celebrari non valeant.

Sed inanis est illa responsio. Nam 1. Testamenta non minus subjiciuntur Principum legibus, quam ceteri contractus, qui inter vivos celebrati fuerint, scilicet non minus per ea, quam per contractus venditionis, v. gr. emptionis, donationis, perturbantur familiarum pax & tranquillitas, quibus servandis per juris solemnitates consulitur. 2. Eodem modo jura de testamentis loquuntur, ac de ceteris contractibus, quibus defunt præscriptæ a legibus conditiones: nam 1. *hæc consultißima, Cod. de Testamentis*, hæc habentur. *Ubi testamentum non fuerit conscriptum, pro infecto haberi convenit. Ex imperfecto testamento voluntatem tenent defuncti non volumus.*

Nec audiendi sunt qui contendunt, leges illas intelligi de testamento condito ab homine, qui perfecte sui non esset compos, non autem de condito ab homine, qui dum

plene sua ratione frueretur, coram aliquibus, & ipso etiam qui heres esset ab intestato, viva voce alienum heredem nuncupaverit.

Non sunt (inquam) audiendi. Nam 1. quamvis de facto constaret, hereditas in foro exteriori adjudicaretur ei, cui hereditas ab intestato debetur: ergo etiam in foro interiori adjudicari debet; de isto nimirum, in hoc capite, idem ferri debet iudicium ac de illo: alioquin enim Ecclesia deberet abrogare eam judicandi formam, qua absolvi-tur is, qui sine iniustitia, ac proinde sine peccato mortali, non potest adherere in praxi lata a laicis iudicibus sententia. 2. Si valeret illa responsio, sequeretur, tutorem ad eas aliquando angustias redigi, ut peccatum lethale, cui etiam nullam occasionem dedisset, vitare non posset, quin omnium propriarum facultatum detrimentum pateretur. Nempe si pupillus, cujus curam gerit, ab intestato succederet consanguineo, qui per testamentum in foro exteriori invalidum, externum heredem nuncupavit, & tutor hereditatem pupillo suo servaret, in foro conscientie, ex adversariis, peccaret lethaliter. Si vero non servaret, ad illam pupillo ex propriis bonis restituendam a iudicibus secularibus compelleretur. Sed absurdum est consequens: ergo & antecedens.

Objicies. Ex conclusione, in qua statuitur, non valere, etiam in interiori foro, conditum absque requisitis a jure solemnitatibus testamentum, sequitur, virum morti proximum, qui sui juris est, quique perfecte sui mente fruitur, non posse aliquando condere testamentum; videlicet cum in iis est circumstantiis, in quibus juris solemnitates servari non possunt. Sed hoc videtur absurdum esse, neque enim verisimile est, Rempublicam velle, sapientem virum ad eam necessitatem redigere; ergo, &c.

Resp. sequelam illam, in se ipsa spectatam, nonnihil quidem incommodi continere; non vero si consideretur in ordine ad bonum publicum & ad tranquillitatem Reipublicæ, quæ alioquin impedire non posset, ne per fraudem plura mortuis hominibus circa bonorum suorum dispensationem imponerentur.

Objicies 2. cum Caballurio nostro. Probabilis est opinio, quæ asserit, valere in foro interiori testamenta, quibus defunt juris solemnitates; Probabilis est pariter ea, quæ contendit ea irrita esse; ac proinde jus stare debere penes possessorem, sicut in omnibus fere aliis ambiguitatibus, saltem donec a re possessa per declarativam iudicis secularis sententiam evincatur: ergo, &c.

Resp. neg. ant. seu, nego, jus in eo casu stare debere penes possessorem. Ratio est 1. quia ideo iudex in casu, de quo agitur, hereditatem adjudicat ei, cui ab intestato debebatur, quod

quod supponat, invalidum fuisse testatoris testamentum: ergo absque legitimo titulo possessor retinet rem sibi per invalidum instrumentum datam. 2. Ideo possessor retineret rem, quam jam penes se habet, quod dubius esset, an valeret testamentum, quod in illius favorem conditum est: Sed in casu, de quo agitur, nequaquam potest esse dubius; clarissime nimirum (ut supponitur) videt deesse illi testamento sollemnitate essentialiter a jure requisitam: non enim tunc magis debet dubitare de nullitate testamenti, quam si ipsemet iudex esset, ad eumque similis causa iudicanda deferretur? At, si ipsemet iudex esset, ex ipsiusmet Cabassutii principiis, certo, sine errore, sine culpa, decerneret, irritum esse ac invalidum testamentum, cui juris sollemnitates defuissent: ergo apud semetipsum, idem, ante Magistratus declarationem, ferre debet iudicium. 3. In conflictu duarum opinionum probabilium, eligi debet in praxi sententia, quæ legi favet; at opinio, quæ docet, hominem, de quo est questio, non posse retinere rem, quam per invalidum testamentum accepit, legi aperte favet: ergo eam in praxi tenetur eligere.

Quæres, utrum heres ab intestato, teneaturolvere legata per testamentum, cui hoc unum defuerit, quod conditum non sit eum præscriptis a jure sollemnitatibus?

Resp. 1. cum ad solvenda teneri in iis provinciis, in quibus vigent Romanæ leges: hæc enim habentur lib. 2. *Institur.* Titul. 23. §. ultimo: *Quod si it, a quo relictum dicitur, constet quidem aliquid a se relictum esse, sed ad Legis subtilitatem recurrat, omnino solvere cogendus est.*

Resp. 2. in Galliis heredem teneri legata ob pias causasolvere, etiamsi in legatis huiusmodi non fuerint servatz juris sollemnitates; immo quamvis irritum sit ipsiusmet testamentum defectu debiti testium numeri: Ita enim, teste Cabassutio nostro, fert apud Francos recepta consuetudo. Secus vero, si illa legata ad causas sint prophanas: sic nimirum ferunt Regum Christianissimorum statuta, quæ (inquit idem Cabassutius) a Parlamentis ad litteram servantur in eo, de quo agitur, casu. Sed de hoc facto fides sit penes illum auctorem.

CONCL. 2. Qui per fidei commissum institutus est heres, non potest tuta conscientia, hereditatem tradere fidei commissario, quem a successione leges excludunt.

Probaturs. Leges justæ (ut de Legibus agentes diximus) obligant, non in foro tantum exteriori, sed etiam in foro conscientiz: ergo bona, quæ alteri traduntur contra legum intentionem & dispositionem (ut fit in casu, de quo est questio) illicitè & iniuste traduntur.

Ex iis inferitur, eum qui per fidei commissum hereditatem, aut legitum accepit, filio spurio aut naturali deferenda, teneri hereditatem, aut legatum, penes eos relinquere, qui ab intestato succederent. Ratio est, quia is qui per fidei commissum rem aliquam accepit, eadem ratione se se gerere debet, ac si a defuncto nullum omnino testamentum conditum fuisset. Nisi tamen quod accepit, absolute requiratur ad spurii aut naturalis filii sustentationem, nec ad eandem sustentationem legitimi filii eadem necessitate requiratur. Scilicet est de jure naturali, ut pater spuriiis alimenta præbeat.

Confirmatur nostra responsio ex S. Hieronymo, qui de fidei commissis Epistola II. sic loquitur: *Provida, severaque legis cautio: Et tamen nec sic refranatur avaritia: Per fidei commissi legibus vivimus.*

C A P U T VI.

De Restitutione.

Not. QUÆ ad restitutionem pertinent, ad hæc capita reducemus: quæremus 1. unde oriatur illius obligatio: 2. utrum sit ad salutem necessaria: 3. quænam sint causæ ab ea eximentes: 4. quanam ordo, in illius executione servari debeat.

A R T I C U L U S I.

Unde oriatur restitutionis obligatio.

Not. CERTUM est, restituendi obligationem oriri ex quadruplici capite: 1. ex acceptione: 2. ex cooperatione ad acceptionem: 3. ex parte rei acceptæ: 4. ex parte damni quod illatum est. De quadruplici illo ad restitutionem obliganti capite seorsim agendum est.

§. I. De restituendi obligatione ex parte acceptionis.

Not. Tribus modis alienum accipi potest: 1. illicitè, invito illius domino: 2. illicitè quidem, sed domino consentiente: 3. iuste & licite. Quæ ratione ex illo triplici accipiendi modo ad restitutionem teneamur, subsequentes conclusiones aperient.

CONCL. 1. Qui rem alienam illicitè, & cum injuria accepit, tenetur ad restitutionem; & præterea pænæ legibus damnata subijcitur.

Probaturs prima pars. Justitiæ commutativæ, in quam peccavit is, qui illicitè & cum injuria accepit, munus est reintegrare æqualitatem a fure vel a raptore lafam: atqui æqualitas illa reintegrari non potest, nisi res ablata legitimo illius domino restituta fuerit; aut, si res ipsa non extet, saltem illius pretium: ergo, &c.

Probaturs altera pars. Principes a Deo inspirati habent.

habent potestatem in eos animadvertendi, qui malefactores sunt: at illi potestati, ex Apostolo (ut de Legibus agentes superius diximus) omnis anima subiecta est; ergo qui illicite & cum injuria rem alienam accepit, poenis per leges definitis subicitur.

Quæres, an diversæ poenæ pro variis furibus, & diversis alienæ rei raptoribus, iuste a Legibus definitæ fuerint?

Resp. affirmative. Ratio est, quia fures furibus nonnunquam gravius peccant, aut saltem peccare præsumuntur, ut patet ex sequentibus exemplis: 1. Domestico furi gravius poena, quam externo, decernitur, eo quod non tantum contra iustitiam peccet, sed etiam contra fidelitatem.

2. Furi nocturno gravius quoque decernitur, quam diurno, quia non fortunis tantum, sed etiam vitæ, insidias struere præsumitur. 3. Exercentes latrocinium in viis publicis, severius castigantur, quam qui in privatis locis, eo quod publicam viatorum securitatem tollant.

CONCL. 2. Qui illicite, id est, contra leges, alienum accepit, tenetur ad restitutionem, quamvis non invito domino acceperit.

Probatur. Contra prohibitionem legum, dominium in rem aliquam adquiri non potest, ut de translatione domini differentes, ostendimus. Ergo qui contra leges alienum accepit, ad restitutionem tenetur.

Hinc concluditur 1. usurarios teneri iis restituere, a quibus, licet consentientibus, acceperunt usuras, cum & naturali & positivo jure usurarum prohibita sint.

Concluditur 2. Judices servare non posse pecuniam, aut munera, quæ acceperunt a litigantibus, sive pro iusta, sive pro injusta sententia; id enim vetant tum divinæ, tum humanæ leges.

Concluditur 3. in Galliis apparitores, qui una & eadem die latus a magistratibus sententias in plures loca exequantur, non posse a singulis totum unius executioni definitum per leges pretium accipere. *Pour éviter aux grandes exactions, que font les Huissiers, ou autres Sergens, qui ne craignent de prendre salaire excessif de plusieurs journées selon le nombre des exécutions, faites par jour. Nous voulons (inquit Franciscus I. Rex Christianissimus in edicto a se lato anno 1535.) & ordonnons que lesdits Huissiers & Sergens ne puissent pour un jour besoignant hors des Villes, prendre salaire que d'une journée tant seulement, jacoit qu'en iceluy jour ils fassent plusieurs exécutions, & pour plusieurs personnes.*

Concluditur 4. accepta a muliere conjugata propter adulterium, vel propter fornicationem a soluta, si non sit meretrix publica, nullibi posse retineri, eo quod ubique, saltem apud Christianos, castigantur illa scelerata. Nec mirum, sicut enim res sanctæ

pretio æstimari non potest, ita nec iniquum opus compensari.

Idem quoque ferri debet iudicium in Galliis de pretio scortationis; Meretricium quippe prohibetur apud Francos, nec legibus politicis toleratur.

Aliud senserunt plures Canonistæ, aliud quoque S. Thomas pro iis regnis, in quibus Meretricium poenis non coercetur: *Dicendum est* (inquit S. Doctor 2. 2. qu. 62. art. 5. ad 2.) *quod aliquis dupliciter dat; uno modo quia ipsa datio est illicita, & contra legem, & talis meretur amittere, quod dedit. Et quia etiam ille, qui accepit, contra legem accepit, non debet sibi retinere. Alio modo aliquis illicite dat, quia propter rem illicitam dat, licet ipsa datio non sit illicita; sicut cum quis dat meretrici propter fornicationem. Unde & mulier potest sibi retinere, quod ei datum est.*

Sed observandum est in casu, de quo Canonistæ & S. Thomas, pretium, quod perditæ mulieri publice perfolvitur, in locis ubi Meretricium toleratur, non esse flagitii mercedem, sed illius qualiscunque utilitatis, quam ex meretricibus percipit Respublica. Nec tam exilimari debet datum ab eo, qui flagitium emit, quam ab ipsa respublica, majora, quæ vitare studet, flagitia hoc dispendio dirimente.

CONCL. 3. Qui iuste & licite alienum accepit, aliquando ad restitutionem tenetur. Qui rem sibi debitam vi, vel dolo abstulit, nonnunquam illo eodem onere non premitur, aliquando vero premitur.

Probatur prior conclusionis pars. Contingit nonnunquam, ut res accepta fuerit sub falso titulo, vel ex suppositione facti, quod veritate non nitebatur. Sed tunc urget restitutionis præceptum. Nam 1. sic Augustinus loquitur de Aurelio Episcopo Carthaginensi, qui acceptas a viro, cui non erat spes futuræ proles, facultates reddidit ubi accepit, genitricem ipsi postea fuisse prolem: *In potestate habebat Episcopus non reddere, sed jure fuit, non jure possit.* 2. Jus civile decernit, ut nulla habeatur ratio testamenti, quod pater ex falsa de morte filii suppositione condiderit.

Probatur altera conclusionis pars. 1. Non tenetur ad restitutionem, qui accepit rem, quam, etiam latente possessore, vel sic declarante iudicis sententia, scit sibi esse debitam. Nec est, quod quis objiciat, peccare eum aliquando, qui, ordine juris prætermisso, rem suam sibi vindicat. Nam omne peccatum non obligat ad restitutionem ejus, quod ablatum est, quia quodlibet non est contra iustitiam. Et contra tenetur ad restitutionem, qui rem sibi non manifeste debitam abstulit; æquum est quippe, ut possessor, etiam ante litem contestationem, in integrum restitutor per redditionem rei ablatæ, necnon fructum, qui ex ea percepti sunt.

sunt. Unde concluditur, Innocentium Papam XI. merito proscriptisse hanc propositionem: *Famuli & famula domestica possunt occulte heris suis surripere ad compensandam operam, quam majorem judicant salario, quod recipiunt.*

Concluditur iterum, filios familias, qui pro suo labore, sive rure, sive in officina patris, tantum sibi, non contentiente patre, surripiunt, quantum datum fuisset externo artifice, peccare contra justitiam; proindeque ad restitutionem teneri.

§. II. De restituendi obligatione ex parte cooperationis.

CONCL. Iis qui illicitæ & injustæ acceptioni rei alienæ efficaciter cooperati sunt, incumbit restitutionis obligatio.

Probat 1. ex eo, quod hujusmodi homines injustæ acceptionis sint rei, juxta illud Apostoli ad Romanos 1. *Non solum qui ea faciunt, sed etiam qui consentiunt facientibus.* 2. Gregorius IX. Extrav. de injuriis, Cap. Si culpa, sic loquitur: *Si culpa tua datum est damnum, vel injuria irrogata, seu aliter irrogantibus opem forte tulisti, aut hac imperitia tua, sive ex negligentia evenerunt, jure super his satisfacere te oportet, nec ignorantia te excusat, si scire debuisti ex facto tuo injuriam verisimiliter posse contingere, vel jacturam.*

Quæres, quot modis efficaciter cooperari possit detrimento per injustam rei alienæ acceptionem illato?

Resp. novem modis, quos hi duo versus complectuntur,

Jussio, Consilium, Consensus, Palpo, Recursus, Participans, Mutus, Non obstant, Non manifestans.

Nunc illi modi quibus quis justitiam lædit, ac obligatur ad restitutionem, seorsim explicandi sunt.

Jussio.

1. Igitur qui jussione, sive auctoritate, qua pollent, influunt in damnum proximo illatum, tenentur ad restitutionem. Hujusmodi sunt 1. Respublicæ, quæ cives injustis vectigalibus opprimunt. 2. Aulici, qui sua apud Principem gratia abutuntur, ut eos, quos oderunt, mittant in exilium, ubi necessariis sumptibus suas facultates exhauriunt. 3. Urbium aut aliorum locorum præfecti, qui amicos liberant publicis oneribus, ut aliis imponant. 4. Judices, qui sive per dolum malum, sive præ imperitia culpabili, iniquas ferunt sententias. 5. Denique medici, qui ut pharmacopoli profit, iacula ægrotis remedia præscribunt.

Consilium.

Ad restitutionem tenentur, qui per suum

consilium sunt alieni detrimenti suasores, vel dolo malo, seu ut rei per furtum ablatae fiant participes, aut ut vindictam in inimicum exerceant: vel etiam dolo malo, seu scienter, ut cupiditati alienum accipientis faveant, aut ignoranter ignorantia culpabili. Unde hæc juris axiomata, *Consilii non fraudulenti nulla obligatio est: Nullus ex consilio, dummodo fraudulentum non fuerit, obligatur*, habent locum tantum in foro exteriori, aut si in interiori, respectueorum dumtaxat, in quibus ignorantia culpabilis non præcessit.

Ratio est, quia quamvis post acceptum consilium fur sit adhuc liber ad furandum, vel non furandum, agit tamen ex influxu morali suasoris, proindeque suasor sit furti moralis causa.

Si tamen idem suasor ante externum furti actum revocet, quod dedit, consilium, liberatur ab onere restitutionis, modo consilium fuerit de jure, per assertionem nimirum rei illicitæ tanquam licitæ, non autem si fuerit de facto injusto: Nec mirum: nam in priori casu per manifestationem veritatis desinit influxus suasoris, non vero in posteriori: licet non sit certus, immo dubius sit an ex dato a se consilio furtum subsequutum fuerit: Tunc (inquit S. Thom. 1. 2. qu. 62. art. 7.) tenetur consiliator, aut palpo, ad restitutionem, quando probabiliter estimari potest, quod ex hujusmodi causis fuerit injusta acceptio subsequuta.

Consensus.

Restitutionis onere tenentur, qui injuriosæ acceptioni præbent consensum, quo nomine (inquit Sylvius) comprehenduntur omnes illi consentientes, faventes, approbantes, suffragantes, a quorum consensu, favore, approbatione, vel suffragio, pendebat, ut injusta actio fieret, aut non fieret.

Ejus generis sunt 1. duces, qui militibus, urbibus, aut vici, aut familiæ depredationem postulantibus, injuste indulgent, præsertim in Galliis, cum (ut patet ex statutis Ludovici XIII. anno 1633.) teneantur de iniquis omnibus militum exactionibus. 2. Iis quoque accendi sunt magistratus, qui scribis, aliisque similibus permittunt, ut ultra definitum suo labori pretiam, quidpiam a litigantibus accipiant. 3. Iis pariter annumerandi sunt parochiani, qui, vel ex negligentia, vel ex malitia, consentiunt in facultatum parochiæ usurpationem factam a pagi domino. 4. Alieno damno consentiente cententur judices, qui in damnationem Innocentis suum ultionem dant iustitiam, quamvis jam completus sit iustitiarum numerus requiritus, ut sententia valeat. Ratio est, quia non tantum tenentur rectum consilium dare; sed etiam admonendo, si fieri possit, efficere, ut collegæ injusta judicia rescindant.

5. De-

5. Denique detrimento proximi consentiunt Notarii, qui cum voluntariam habeant jurisdictionem, ligant mutuatarios instrumentis usuram palliatam continentibus; saltem si ea instrumenta in usurarii gratiamificent, secus tamen si ad preces mutuatarii: Nec mirum, in priori enim casu cooperantur usurario, & in posteriori mutuatario, cui (ut supponitur) mutuum est necessarium.

Palpo.

4. Palpones, qui adulationibus suis & laudibus probabiliter existimantur induxisse ad acceptionem injuriosam, teneantur ad restitutionem. Palponis autem nomine intelligitur adulator, ille nimirum, qui laudando, applaudendo, commendando, causa est detrimenti, quod reipsa subsecuta fuit.

Inter Palpones sunt 1. nobiles, qui laudant duello confligentes, aut eos qui a duellis temperant, ignaviz infimulant coram iis, qui gravem aliquam injuriam acceperunt a proximo. 2. Eis accenserj debent, qui adulationibus, quas comitantur detractiones, efficiunt, ne hereditas ad eos transeat, qui, alioquin successione non indigni, ab intestato succedere deberent.

Recurfus.

5. Restitutionis praeceptum urget recursus praebentes, seu (ut ait S. Thomas) receptatores latronum, & eis patrocinium praestantes. Unde colligitur teneri ad restitutionem 1. eos qui domo sua latrones, aut res furto ablatas excipiunt. 2. Qui nomen praebent ad simulatos contractus, ut sic locorum dominos jure ex venditione debito spolient. 3. Qui per fidei commissum accipiunt hereditatem transferendam postea in eos, quos leges ab hereditate excludunt.

Participans.

6. Restitutioni obnoxius est participans, sive (ut loquitur S. Thomas) qui participat in crimine latrocinii, aut in praeda. Participans (ait Sylvius) intelligi potest dupliciter, aut qui participat in crimine tanquam socius furti, vel alterius maleficii, v. g. simul furando, scalas, fure ascendente, sustinendo, excubias, aliis furantibus, agendo, instrumenta suppeditando: aut qui solum participat in praeda, seu re furtiva. Hinc concluditur 1. generum, qui a socero bona furto ablata in dotem uxoris accepit, non posse ea servare sibi, ubi primum aliena esse noverit; cum, qui adfuit convivio ex rebus furtivis, teneri ad restitutionem pro rata ciborum, quos comedit.

Mutus.

7. Restitutionem debet Mutus, seu is, qui tacet, cum loquendo, consilium aut praeceptum dando, impedire potest, ne alteri damnum inferatur. Hinc inferitur teneri ad restitutionem: 1. Advocatos, qui pra cupiditate, malitia, aut praesumptione, argumenta praetermittunt, quibus partium causam obtinerent: 2. Patres familias, qui filios, aut servos suis consiliis, aut praeceptis non advocant a furto: 3. Servum domesticum, qui silet, dum latro heri bona surripit.

Non obstant.

8. Restitutionis debitor est, Non obstant, id est, qui cum possit & ex officio teneatur alterius damnum impedire, illud tamen non impedit. Ex quo inferitur locorum dominos teneri ad restitutionem latrociniorum, quae fiunt in pagis suis, cum (ut loquitur Doctor Angelicus) per eorum defectum latrones incrementum: 2. Caupones, in quorum domibus hospitibus sarcinarum nonnihil perit, nisi tamen absque cauponum culpa ab aliis hospitibus idipsum subreptum fuerit; aut nisi iidem hospites noluerunt suas sarcinas arcis a cauponibus exhibitis concludere; aut nisi vis major cauponi domui illata fuerit.

Non manifestans.

9. Denique ad restitutionem tenetur Non manifestans, sive qui commissum ab aliquo latrocinium non detegit. Hinc sequitur, debere restitutionem 1. eos, qui non obtemperant Ecclesiae, quae per monitorium praecipit furti manifestationem: 2. Servos qui latrocinia conservorum aut aliorum, hero non aperiunt. Observat Sylvius post S. Thomam, tres requiri conditiones, ut mutus, non obstant, non manifestans, teneantur ad restitutionem. 1. ut ex iustitia obligati sint loqui, obstar, vel manifestare; 2. ut reipsa non impedierint damnum: 3. ut rationabiliter potuerint impedire, & absque imminenti & gravi, aut rerum suarum, aut vitae periculo.

Quaeres, an ii, qui aliquo ex novem modis relatis alieni injustae acceptioni cooperantur, teneantur in solidum ad restitutionem?

Resp. affirmative. Ratio est, quia omnes & singuli illi, de quibus est quaestio, influunt in injustam rei alienae acceptionem. Nonnulli tamen ad restitutionem magis obligantur, quam alii (ut docet S. Thomas 2. 2. quaest. 62. art. 7. ad 2.) ubi sic loquitur: *Ad secundum dicendum, quod principaliter tenetur restituere ille, qui est principalis in facto: principaliter quidem, praecipiens; secundario vero, exequens, & consequenter alii per ordinem. Uno tamen resistente illi, qui passus est damnum, alius*

aliis eidem restituere non tenetur: sed illi, qui sunt principales in facto, & ad quos res pervenit, tenentur illi restituere, qui restituerunt.

§. III. De obligatione restitutionis ex parte rei acceptæ.

Not. Res, quam quis penes se habet, vel accepta fuit per furtum, aut simoniam; vel inventa fuit; vel bello parva; vel per injustam emptionem & venditionem adquisita; vel per donationem, vel per commodatum, mutuum, locationem, depositum. De restitutione rerum, quæ commodato, mutuo, locatione, deposito acceptæ sunt, satis superque diximus agentes de contractibus in particulari. Unde hic de iis tantum agemus, quæ furto, inventione, bello, donatione fuerunt adquisitæ.

CONCL. 1. Res, vel rapina, vel furto accepta, eadem numero debet restitui, si extiterit vero non extet, illius pretium restituatur oportet.

Probatur 1. ex Scriptura. Exodi 22. hæc leguntur: *Si inventum fuerit apud eum, quod furatur est vivens, sive bos, sive asinus, sive ovis, duplum restituet.* Quod rei furto ablata extanti superadditur, poena est, quam Iudex in antiqua lege infligere tenebatur. 2. Is, a quo res per furtum ablata est, verum habet in eam dominium, etiam si sit penes furem: Ergo ipsamet est ei restituenda, si extet in specie. 3. Præcipit iustitia commutativa, ut serveatur æqualitas, seu, ut tollatur læsio illata per injuriam: ergo si res furto aut rapina ablata penes furem aut raptorem non sit, fur, aut raptor, debent illius pretium restituere.

Quæres 1. an fur debeat non tantum rem, quam surripuit, restituere, sed etiam fructus quos ex ea percepit?

Resp. teneri restituere fructus rei naturales, v. g. frumentum, quod collegit ex agro, quem rapuerat: non autem industriales, cuiusmodi sunt ii, qui percipiuntur ex rebus usu consumptibilibus, & iis, quarum dominium & usus non possunt separari. Ratio est, quia pecunia, aliæque usu consumptibilia, ex seipsis sterilia sunt: non autem ea quæ usu non consumuntur, ut ager, equus, & similia. Unde insertur 1. usurarium non debere mutuuario emolumentum, quod ex usuraria pecunia collegit, nisi in mutuuario locum habuerint lucrum cessans, aut damnum emergens: Ita expresse docet S. Thomas 2. 2. q. 78. art. 3. Insertur 2. servum posse servare sibi lucrum, quod ex cambio pecuniæ acceptæ ab hero ad solvendum creditorem percepit: Insertur 3. furem, qui pecuniam alienam exposuit periculo ludi, non teneri restituere, talem pecuniam domino, lucrum, quod ludo comparavit.

Quæres 2. utrum fur, aut raptor possint repetere pecuniam, quam ad boni alieni augmentum aut conservationem insurpere?

Resp. cum distinctione: si necessarias se-

corint impensas, repereant: si utiles, eas, si velint, auferant sine læsione prioris status rei. Ita decernitur in Jure Civili, L. Domini, Cod. de rei vend.

Quæres 4. an debeat ablatum restitui, quamvis domino minime necessarium?

Resp. Affirmative. Ratio est 1. quia solus rei dominus est ejus dispensator. 2. Alioquin famuli, aut famulæ domesticæ principum, aut aliorum prædiorum, ingentia committerent furtiva absque obligatione restitutionis: quod est absurdum.

Quæres 5. utrum vir post mortem uxoris abscondere possit, & retinere nonnihil ex bonis in communitate comparatis, hæc ratione nixus, quod pro illis bonis ipsemet, non mulier, sudaverit, adieritque pericula, quibus uxor nullo modo sese exposuit?

Resp. negative. Ratio est, quia id, quod vir ille, supra sortem sibi debitam, retinet, certum esset furtum, cum lex & contractus matrimonialis dividant æqualiter bona in communitate adquisita.

Quæres 6. an quis surrepta in extrema necessitate ad sui sustentationem, teneatur postea restituere, si possit.

Resp. affirmative. Ratio est, quia surrepta in extrema necessitate habet rationem mutui. Nam is penes quem erat, non amittit illius dominium ex eo, quod alteri sit absolute necessaria.

CONCL. 2. Rerum inventor nonnunquam potest eas servare sibi; nonnunquam vero ad earum restitutionem tenetur.

Probatur. Res inventæ duplicis sunt generis. Nonnullæ sunt (ait S. Thomas 2. 2. q. 66. art. 1. ad 2.) quæ nunquam fuerunt in bonis alicujus, sicut lapilli & geminæ, quæ inveniuntur in litore maris. Nonnullæ vero fuerunt aliquando in bonis alterius. Quæ prioris sunt generis, occupanti conceduntur (ait idem S. Doctor) si tamen eas Princeps non reservavit sibi, ut potuit reservare, & quibusdam tantum eas quarrendi facultatem facere. Eadem est ratio (prolequitur laudatus Doctor) de thesauris antiquo tempore sub terra occultatis, quorum non extat aliquis possessor. Nec mirum, habentur enim pro derelictis. Si tamen quis eas non in agro proprio, sed in alieno repererit; in locis ubi vigent Romanæ leges, earum rerum medietatem debet agri domino, in Gallis tertiam earum partem potest servare sibi, tertiam debet agri possessori, tertiam quoque domino pagi, in quo est ager ille.

Res, quæ non ita pridem fuerunt in bonis alienis, retineri non possunt ab inventore, nulla enim lex extat, quæ in illum earum rerum dominium transferat: Ipsum quoque non habet a voluntate legitimi illarum domini, cum is qui rerum suarum jacturam patiuntur, velint, ut sibi reddantur: unde solent eas diligenter requirere, & gratias agere.

agere, si reddantur, etiam postquam querere desierunt. Res igitur, de quibus est questio, vero earum domino, si tamen cognosci possit, restituendae sunt; si vero post adhibitam morelem diligentiam incognitus remaneat, pauperibus erogandae sunt.

Confirmantur dicta haecenus auctoritate Gregorii Papae VII. qui apud Antonium Augustinum lib. 35. tit. 10. sic loquitur: *Quoniam Dei iudicio nonnulli naufragio perire cognoscimus . . . statuerunt, & sub anathematis vinculo, ut a praedecessoribus nostris statutum est, iubemur, ut quicumque naufragum quemlibet, qui bona illius invenerit, tam eum, quam omnia sua dimittat.*

CONCL. 3. Injusto bello parva servari non possunt.

Probatur ex eo quod possessionis eorum, quae injusto bello comparata sunt, non alius sit titulus quam rapina. Unde inferitur 1. subditum, qui nonnihil bello, quem movit in principem, adquisivit, semper teneri ad restitutionem, cum nullum unquam subditi in principem bellum possit esse justum: 2. teneri quoque ad reparandum damnum, quod populis iniquo illo bello intulit.

CONCL. 4. Nonnulli sunt casus, in quibus accepta per donationem debent restitui.

Probatur enumeratione aliquorum ex iis casibus; 1. Qui pecuniam accepit ab eo, qui aere alieno erat multum gravatus, tenetur eam creditoribus restituere. 2. Restitutionis lege tenentur quoque ii, qui adiere eorum bona; qui vel ira, vel odio natos suos, alioquin dignos, hereditate spoliaverunt. 3. Idem praeceptum eos urget, qui a filiis familias, a mulieribus conjugatis, aliisque qui liberam non habent bonorum administrationem, aliquid, quod magni sit momenti, accipiunt.

ARTICULUS II.

De Necessitate restitutionis.

CONCL. Restitutio est ad salutem necessaria.

Probatur 1. auctoritate Scripturae. Ezechielis 33. haec leguntur: *Si pignus restitueris impii rapinamque reddideris, in mandatis vitae ambula veris, & non morietur.* Hic Matthaei 23. ait Christus: *Reddite, quae sunt Caesaris, Caesari.* Haec quoque Paulus ad Romanos 13. *Nemini quidquam debeat, nisi ut invicem diligatis.*

Probatur 2. auctoritate Patrum. Augustinus Epist. 54. haec scribit: *Si res aliena, propter quam peccatum est, cum reddi potest, non redditur, penitentia non agitur, sed fingitur. Si autem veraciter agitur, non committitur peccatum, nisi restituatur ablatum.* Haec etiam Bernard. Ep. 77. *Nulla illi penitentia remittitur, qui non restituit ablatum.*

Probatur 3. hac ratione. Qui rem alienam detinet invito domino, iustitiam violat, quia impedit, ne dominus utatur dominio, quod habet in rem suam. Caritatem quoque laedit; facit enim alteri, quod sibi fieri noller: ergo quandiu est in eo statu, remanet in affectu peccati. Sed necessarium est ad salutem, non remanere in affectu peccati mortalis: ergo & rem alienam restituere.

Obijcies 1. Restitutio non est ad salutem necessaria necessitate medii, cum ignorantia ab ea excuset; nec etiam necessitate praecepti, saltem naturalis; illud enim praeceptum non est negativum, cum per illud (si quod sit) imperetur actus; nec etiam affirmativum, saltem juris naturalis, cum in Decalogo non contineatur.

Resp. praeceptum restitutionis esse affirmativum, quatenus praescribit actum iustitiae commutativae, redditionem scilicet rei alienae, & simul etiam negativum, quatenus vetat, ne retineatur alienum invito domino. Ex quo patet ipsum septimo decalogi praecepto contineri: *Non furtum facies*, perinde enim est, rem alienam invito domino retinere, ac eam furari.

Obijcies 2. Nonnunquam impossibilis est restitutio; ergo non est ad salutem necessaria, cum Deus impossibilia non jubeat.

Resp. nullo unquam tempore restitutionem esse impossibilem quoad actum animi preparationem, licet quoad actum externum aliquando propter inopiam debitoris mandari non possit executioni.

Obijcies 3. Dici non potest, quo tempore obliget restitutionis praeceptum: ergo nullum est.

Resp. obligare, quantum ad internum propositum, quoties in mentem venit alicui, quod alienae rei, invito domino, sit possessor; quantum vero ad externum actum, urget, ubi primum fieri potest.

Instabis. Non est necesse, ut restitutionis actus externus statim fiat, ut quis resurgat a peccato, nec etiam ut vitet novum: ergo, &c.

Resp. ad utrumque esse necessarium; ad primum quidem, cum ex Augustino, non remittatur peccatum, nisi, actu restituatur ablatum, si id possibile sit. Ad secundum etiam, proponat non restituere: 1. Si habens alienum, proponat non restituere: 2. quoties rei dominus eam legitime perit: 3. cum detentor alieni, videt legitimum dominum gravi premi necessitate. Extra illos casus per dilationem restitutionis non committitur quidem novum peccatum, sed prius augetur, ita ut si tempus, in quod differitur, sit longius, circumstantia illa multum aggravet furti peccatum. Nec obstat, quod dilatio restitutionis non noceat legitimo domino, multumque prodest mercatori v. g. rem alienam detinenti. Nam 1. per accidens est, quod dilatio

reki-

restitutionis rei domino non necesse: 2. Nemo jus habet utendi aliena pecunia invito domino.

Obijcies 4. Contingit nonnunquam, ut fieri statim non possit restitutio absque eo quod debitor ad inopiam, immo & ad mendicitatem, reducat: ergo, saltem in illo casu, precepti restitutionis executio potest differri.

Respondet Covarruvias, debitorem, qui habita ratione status, & dignitatis, gravissimam pateretur laturam ex prompta restitutione, posse aliquandiu eam differre, modo leve tantum & non grave detrimentum ex ea dilatione creditori imminet.

Respondet Sylvius 2. 2. quest. 62. art. 8. his verbis: *Si quis non potest statim restituere, aut debita solvere sine notabili detrimento suarum rerum, vel sui status jure adquisit, potest restitutionem, sive solutionem differre, donec sine tali detrimento id possit, modo tamen ipse creditor non patitur ejusmodi damnum. Quia clausula ideo additur, quia debitor etiam magno suo damno tenetur statim restituere, vel debita solvere, si alioquin creditor poteratur gravem laturam.*

Obijcies 5. Leges civiles permittunt debitoribus, qui publice bonis suis cedunt, ut retineant suæ artis instrumenta, nec non proventus illos, qui ad sustentationem necessarij sunt: ergo (illis saltem hominibus) integra alieni restitutio non est ad salutem necessaria.

Resp. 1. neg. conf. si enim gravi sua culpa & laute vivendo debitores inciderint in paupertatem, frui non possunt in foro conscientie legum beneficio.

Resp. 2. si casu, & mala aliorum fide id contigerit, gravatos a re alieno posse retinere necessaria ad parce vivendum: si tamen aut labore suo, aut quocumque alio modo, pinguiores fortunam postea consequantur, bonæ quæ sibi obvenerunt, cedere tenentur.

Ex hæcenus dictis tria colligenda sunt. 1. absolutionis incapacem esse illum, qui licet possit, non vult restituere ea, quæ injuste possidet: 2. ejusdem absolutionis beneficio donandos non esse, qui prorogant in longius tempus restitutionem, ad quam tenentur. 3. admittendos pariter non esse ad reconciliationis gratiam illos, qui urgente mortis periculo, cum ipsi per se possint restituere, satis habent, restitutionem per testamentum injungere suis heredibus. Nam (ut ait Dominicus Soto de justitia & jure lib. 3. q. 7.) non habent illi sincerum & candidum animum restituendi: qui enim tunc non restitunt, judicium apertum perhibent, quod neque si vixerint, restituent; atque adeo restituendi intentio illis non est, nisi conditionalis, si moriantur: quæ profecto ad poenitentiam non sufficit.

ARTICULUS III.

De causis a restitutione eximentibus.

Not. Quæremus hic 1. utrum bona fides, qua quis alienum consumpsit, eximat a restitutione: 2. an qui internuncius alienum restituendum commisit, liberetur restituendi onere, si internuncius vel amiserit, vel retinuerit creditam sibi pecuniam: 3. utrum teneatur restitutionis lege, qui alienum vel erogavit pauperibus, vel contulit in templorum extruccionem aut ornatum: 4. denique, an per prescriptionem, publicam bonorum cessionem, eadem restituendi obligatio tollatur.

CONCLUSIO 1. Bonæ fidei possessor, qui alienum consumpsit, restitutionis lege non tenetur.

Probatur 1. Bonæ fidei possessor ad restitutionem non tenetur ratione *injuste accepti*, cum nec illicite, nec injuste, alienum acceperit; nec etiam ratione *rei acceptæ*, cum, ut supponitur, eam penes se non habeat. 2. Idipsum asserit S. Thomas 2. 2. q. 100. art. 6. ad 3. *Non tenetur, inquit, restituere fructus consumptos, qui bona fide possedit.* Unde colligitur, non tantum in foro fori, sed etiam in foro poli, locum habere civilem legem, §. de petit. hered. L. *Utrum autem*, ubi decernitur, bonæ fidei possessorum ad rei consumptæ, cujus usu non factus fuit locupletior, restitutionem non teneri; censetur autem alieni detentione factus fuisse locupletior, cum eo usus est, ut debita solveret; vel cum infumendo in usus domesticos, redditibus suis pepercit.

Quæres 1. an bonæ fidei possessor, qui alienum a fure per donationem accepit, teneatur postea pretium legitimo domino persolvere? 2. An qui alienum emptum a fure, pluris vendiderit quam comparaverit, ratione bonæ fidei, pretium superexcedens sibi servare possit?

Resp. ad primum affirmat. Ratio est, quia nullo titulo extans illud, quod superest, pretium, bonæ fidei possessor potest servare sibi.

Resp. ad secundum neg., cum illud pretium minime fuit consumptum. Nam extante pretio apud illum venditorem, extat æquivalenter res vendita. Præterea ideo tantum bonæ fidei venditor extans rei pretium servare posset, quod ad illius emptionem suam pecuniam insumpsisset, quam postea recuperat per venditionem: At illi ratio non habet locum, ut patet, cum quis alienum dono accepit ab eo, qui non erat verus illius dominus: ergo, &c.

Ex his inferitur 1. Usurarium, qui bonæ fide consumpsit acceptas a mutuatarijs usuras, non teneri ad restitutionem, cum ea consumptione non est factus ditior: quod quidem in praxi vix contingit. 2. & contra pos-

possessorem male fidei non liberari a restitutionis præcepto, quamvis eam postea consumpserit absque eo, quod factus fuerit locupletior, immo quamvis fortuito aliquo casu eam amiserit; nec immerito, cum male illius fidei quodcumque rei periculum debeat.

CONCLUSIO. 2. Cum internuncius non restituit alienum, debitor aliquando tenetur iterum solvere, aliquando vero non tenetur.

Probatur 1. Tenetur, si dubie probitatis internuncium elegerit: tunc enim peccavit contra prudentiam. 2. Tenetur iterum, si rem alienam injuste acceperit, quamvis probate probitatis internuncio usus sit. Ratio est, quia debitoris culpa casum, quamvis fortuitum, præcessit. Confirmatur ex eo, quod æquum sit, ut creditor nullum omnino damnum ex iniqua alterius acceptione patiatur. 3. Si per mutuum acceperit alienum, pecuniam v. gr. triticum, vinum, oleum, remanet obligatus ad restitutionem, cum internuncius creditori non reddidit mutuo acceptum: quocumque casu id acciderit, sive ex dolo internuncii, sive ex eo, quod in itinere per vim spoliatus fuerit. Ratio est, quia mutuarius, rei acceptæ per mutuum est dominus, donec de facto creditori persoluta fuerit. 4. E contra, si debitor per depositum, locatum, commodatum, rem alienam acceperit, liberatur restituendi onore, quamvis restitutio facta non fuerit ab internuncio, alioquin fidei, quacumque ratione id acciderit. Ratio est, quia ubicumque res deposita, locata, commodata, perit sine debitoris culpa, domino suo perit; modo tamen nulla in oppositum conventio intercesserit.

Non est prætermittendum Navarræ saluberrimum de internunciis monitum: nempe confessarium, aut alium quemvis restitutionis internuncium monet, ut pro securitate debitoris testetur per creditorum syngraphas, se dato pretio fecisse satis.

CONCLUSIO 3. Debitor qui rei acceptæ dominum novit, non liberatur a restitutione per illius in pauperes erogationem: Secus vero si incertus de domino, moralem adhibuerit diligentiam, ut eum detegeret.

Probatur prior pars 1. ex eo quod per erogationem alieni in pauperes, dominus rem suam non accipiat; nondum igitur redintegrata est æqualitas, quam iustitia commutativa præscribit. 2. Priorem illam conclusionis partem definierunt Patres, inter quos sic apud Gratianum 1. q. 1. Cap. *Non est putanda*, loquitur Gregorius Magnus, *Non est putanda elemosyna, si pauperibus dispensetur, quod ex illicitis rebus accipitur.*

Probatur altera pars. 1. Is, qui moralem adhibuit diligentiam, ut dominum rei acceptæ detegeret, antequam in pios usus eam insuumeret, non tenetur ad restitutionem rei

acceptæ, cum eam penes se non habeat; nec ratione *injuste acceptionis*, cum eam sem illam rem secundum prudentiæ ac præscriptas a canonibus regulas distribuerit.

Quæres, in quo posita sit moralis diligentia, quam debitor adhibere tenetur ad detegendum certum rei restituendæ dominum?

Resp. 1. eam positam eis, in accurata inquisitione secundum iudicium prudentiam: Illa autem accurata inquisitio non solet fieri intra breve tempus; sed diuturniori opus est.

Resp. 2. Confessariis omnibus maxime utile esse hoc Synodi Carnotensis an. 1526. statutum: *Prohibemus, ne de bonis & vagis restitutionibus Confessores aliquid ad suam, vel suorum utilitatem prætextu divini officii, vel aliam, retineant. Sed restituta, si sexaginta solidorum summam non excedant, distribuant infra mensem in elemosynas, ubi major erit necessitas. Quod si major sexaginta solidis restitutio sit, deferatur ad nos, aut officialem nostrum, ut in similes usus convertatur, & non in aliam quampiam causam. Item ut in Sacramento penitentiae committendi abusus suspicio tollatur, districte inhibemus sub pena suspensionis, ne illas presbyteri celebrent Missas, quas in confessione injunxerunt celebrandas.* Resp. 3. mandandum esse executioni illius Sylvii monitum: *Si sine gravi incommoda potest, debitor videatur debere monere, vel pauperes, penes quos adhuc extant bona incerta, ut ipsi ea dominis restituant, vel ipsos dominos, ut sciant a quibus ea repetere debeant.*

CONCLUSIO 1. Per legitimam præscriptionem tollitur restitutionis obligatio.

Probatur ex eo quod (ut supra probatum fuit) per legitimam præscriptionem valide, etiam in foro conscientie, transferatur rerum dominium,

CONCLUSIO 2. Per bonorum cessionem, debitor restitutionis onere non liberatur.

Probatur ex eo quod si is, qui bona cedit, postea aliquid adquirat, teneatur illud creditoribus tradere. Unde etiam in foro interiori compelli debet ad laborandum juxta modum, qui suo statui, ac conditioni conveniat. Duo tamen consequitur juxta beneficium: 1. ut non possit incarcerationi pro debitis, quæ contraxit: 2. ut si quidpiam deinceps adquisierit, non in amplius conycaiat, quam ejus sustentationi superfit.

Quæres, an filii per cessionem hereditatis paternæ liberentur a solutione debitorum, quæ pater contraxit?

Resp. affirm. Ratio est, quia creditor non potuit sibi obligare, nisi paternam illorum filiorum bona, aut materna, si mater debitis secundum leges consenserit. Non sunt tamen filii hujusmodi tuti in conscientia foro, si quidpiam occulte surripiant & abscondant de paternâ hereditate; nec uxores quoque quæ communis bonis nuntium in foro

ex-

exteriori remittentes, nonnulla dolose sibi servant, quæ in creditorum notitiam, nisi ab illis mulieribus detegantur, devenire non possunt.

ARTICULUS IV.

Quinam in restitutione sit ordo servandus.

Not. **O**RDO in restitutione servandus potest considerari, vel ex parte debitorum, vel ex parte creditorum, De eo igitur secundum duplicem illum respectum est agendum.

CONCL. 1. Ordo ex parte debitorum servandus in restitutione, certis quibusdam regulis definiri potest.

Probatur enumeratione illarum regularum.

1. Dum plures restitutioni adstringuntur in solidum, is qui rem habet adhuc in specie existentem, aut æquivalentem, qua nimirum factus fuit ditior, tenetur primus ad restitutionem. Hoc vero non restituente, tenetur secundo ordine is, qui jussione damnum alteri intulit: nec mirum, est enim causa principalis. Tertio ordine, qui iniquæ jussionis executor fuit. Quarto is, qui consuluit. Quinto ille, qui sciens sua excepit domo eos, qui damnum intulerunt. 6. Is, qui cum teneretur ex justitia, seu ex officio, alienum detrimentum impedire, non impedit tamen.

2. Cum omnes & singulos in solidum urgeat præceptum restitutionis, si præcipuus damni auctor restituerit, ad nihil omnino, siue in ejus auctorem, siue in personam laesam, ceteri tenentur. E contra si una ex minus præcipuis damni causis restituit, causæ magis præcipuæ tenentur indemnem eam efficere: nec mirum, siquidem minus præcipua causa per suam solutionem debiti, negotium magis præcipuè utiliter gessit.

CONCL. 2. Ordo ex parte creditorum consideratus, aut naturali jure, aut positivo definitur.

Probatur prior pars. Jus naturale exposcit, ut in concursu creditorum, quibus omnibus solvendis bona debitoris non sufficiunt, hic restitutionis ordo servetur. 1. Res aliena, si extet in specie, reddi debet ei, a quo, siue injuste, siue juste, accepta fuit. 2. Debita certa anteposenda sunt incertis, hoc est, eis, quorum creditor ignoratur. 3. Onerosa, ut sunt contracta ex emptione, locatione, permutatione, solvi debent ante debita gratuita. 4. Realia, quibus affectatum est pignus, Personalibus, siue Chirographariis sine pignore, anteponi debent. 5. Ubi una & eadem res pluribus est oppignorata, præferendi sunt anteriores in hypotheca non privilegiata.

Probatur altera pars. Jus positivum quædam creditoribus hypothecariis præ ceteris privilegia concessit, quæ hic enumeranda sunt.

1. Qui suam credidit pecuniam ad ædificandam, vel reparandam domum, vel navim

Juenin. Inf. Theol. Tom. III.

alterius, aut aliquid aliud hujusmodi, speciale habet in res illas hypothecam, ratione cujus præferri debet omnibus etiam anterioribus hypothecariis, siue generalibus, siue in ea re specialibus: Nec mirum, cum sine hujusmodi mutuo pignus illud vel non extitisset, vel saltem modicum commodum anteriori creditor ex illo percepturus fuisset. Idem respectu aliorum hypothecariorum, licet anteriorum, dici debet de eo, qui pecuniam suam contulit ad emendum equum v. g. postulat enim æquitas, ut ceteris præferatur is, qui est causa, cur debitor equum, aut rem aliam habeat.

2. Jus positivum, in mercibus specialem hypothecam aliis omnibus specialibus anteposendam concedit ei, qui pro earum vectura suam pecuniam tradidit: eandem quoque in suppellectili, aut mercibus in domum a conductore comparatis, indulget ei qui illam domum elocavit.

3. Doti mulieris hypotheca specialis tribuitur in omnibus viri bonis, ita ut mulier, aut ejus heredes, anteposantur ceteris creditoribus habentibus anteriorem hypothecam generalem, non vero habentibus expressam & specialem, eo quod æquum non sit, ut per sublequens matrimonium anteriores omnes creditores excidant jure suo speciali.

4. Leges in hypothecam, quæ est in favorem fisci, reliquis, etiam anterioribus, jus prælationis annuunt, siue debitor cum fisco contraxerit, ut contingit in receptoribus, & redemptoribus vectigalium; siue alius quivis debitum tributum non solverit.

Quæres 1. utrum qui specialem, & anteriorem habent hypothecam non privilegiatam, ita ceteris pariter non privilegiatis præferri debeant, ut iis totum debitum solvendum sit, quamvis nihil sit futurum, quo posterioribus hypothecis satisfiat?

Resp. affirmat. Ratio est, quia is qui prior est in tempore, potior est in jure; nec immerito; nam ratione prioris hypothecæ specialis, res oppignorata debetur creditori; æquum igitur non est, ut per hypothecam posteriorem, & ejusdem ordinis, jure excidat suo.

Quæres 2. utrum creditoribus personalibus prioribus, in detrimentum posteriorum, debeantur omnia debitoris bona; cum requiruntur ad exhaurienda anteriora debita?

Resp. negative; ferunt enim lex & consuetudo in Galliis receptæ, ut nullus ex personalibus creditoribus anteposatur aliis personalibus, etiam posterioribus concurrentibus. Inter eos dividuntur debitoris bona sine ullo discrimine anteriorum, aut posteriorum obligationum, ita ut singuli pro rata, & partem lucris & partem jacturæ fortiantur, recipiendo & amittendo, ut dici solet, solidum pro libra. Unde si postquam integre

D d

satis,

satisfactum fuit creditoribus hypothecariis, trecenti aurei ex discussione supersint, sintque sex chirographarii creditores, quibus singulis centum aurei debeantur, singulis assignanda est portio quinquaginta aureorum: si creditorum illorum jura sint inæqualia, proportio inæqualis servari debet in divisione pro rata inæqualitatis, tam in divisione facultatum viventis debitoris, quam in inventario facultatum hereditatis.

Observandum est (inquit Cabassutius noster) in communi bonorum discussione revocandas esse omnes, tum solutiones, tum alienationes factas intra illum annum, qui discussionem præcessit; ut nimirum in discussionis massam, & partitionis inter creditores faciendæ molem reducantur: Sed (ait idem auctor) si quis creditor, sive realis, aut hypothecarius, sive personalis, ac chirographarius, ante annum illum aliquid in solutum acceperit, non potest quidem conveniri, ut solutum reducat in discussionem communem; at si consummata discussione supersint creditores, quibus bona debitoris non sufficiant, illi creditores, si antea, aut potius jus se habere putant, possunt intentare regressus actionem, quæ post discussos principales debitores, & fidejussores, adversus tertios possessores moveri solet.

Quæres. 3. an debitor, solutis realibus creditoribus, quem voluerit ex personalibus, alteri possit anteporre?

Resp. 1. eum posse tuta conscientia præferre posteriorem personalem, a quo, sive in judicio, sive extra judicium, interpellatus fuerit, aliis personalibus creditoribus omnino silentibus. Ratio est, quia inter creditores mere personales diligentia in petendo parit jus prælationis præ aliis creditoribus personalibus, etiam tempore prioribus. Confirmatur illa ratio ex *L. Pupillus, 24. §. quæ in fraud. cred.*

Resp. 2. debitori, qui omnibus creditoribus solvendis est impar, non licere posteriores personales anteporre prioribus similiter personalibus, si non magis ab illis interpellatur, quam ab istis: alioquin enim tenebitur de damno & expensis creditoris potius jus habentis, scilicet creditor potest id, quod alteri in sui detrimentum solutum fuerit, in judicio repetere; Creditor tamen qui recepit, potest sibi solutum retinere quamdiu ad restituendum a judice non compellitur: neque enim tenetur rei suæ, quam possidet, jacturam sponte subire, ut aliis prospiciat.

Quæres. 4. an debita contracta ex delicto, furto v. gr. usura, prius quam contracta ex conventionione licita, solvi debeant?

Resp. videri nobis probabiliorum eorum opinionem, qui asserunt, liberum esse debitori, quæ ex illis debitis voluerit, solvere;

nisi tamen contingat superesse in specie rem propriam unius creditorum, equum v. gr. aut commodatum, aut furto ablatum: vel nisi accedat ex una parte privilegium hypothecæ, aut anterioritas (ut loquuntur) unius debiti præ alio.

C A P U T VII.

Doctrina Cleri Gallicani de justitia.

Not. Justitia violatur per furtum, rapinam, adulterium, homicidium, turpi lucro, judicum corruptelis, alieni, invito rationabiliter domino, detentione, & usura. Quæ sit Cleri Gallicani doctrina de furto, diximus Tom. III. Diss. 4. q. 1. c. 8. art. 7. quæ de adulterio, ibid. art. 6. quæ de homicidio, ibid. art. 5. Superest igitur ut hic aperiamus, quid idem Clerus de turpi lucro, judicum corruptelis, & alieni detentione docuerit. Id autem excuspemus ex variis propositionibus, quæ ab eodem Clero in Comitiis generalibus ann. 1700. damnatæ sunt.

Prima propositio. Non tenetur quis sub pena peccati mortalis restituere, quod ablatum est per pauca furtiva, quantumcumque sit magna summa totalis.

Censura. Hac propositio est falsa, perniciofa, & furta, etiam gravia, approbat.

Secunda propositio. Qui altum movet, aut inducit ad inferendum grave damnum tertio, non tenetur ad restitutionem ipsius damni illati.

Tertia propositio. Etiam si donatarie perspetum sit, bona sibi donata a quopiam, ea mente ut creditores frustrentur, non tenetur restituere, nisi eam donationem suaserit, vel ad eam induxerit.

Censura. Hæ propositiones falsæ sunt, temerarie, fraudibus & dolis patrocinantur, & justitia regulis repugnant.

Quarta propositio. Incantatores, alique ejusmodi deceptores (Magi, Astrologia judicaria professores, Arioli, Conjectores) ex pessimis quibusque artibus captantes lucrum, licite servare possunt bona his modis adquisita.

Censura. Hac propositio intellecta de prædictis falsis ac deceptoris artibus, falsa est, temeraria, fovendis fallaciis, etiam diabolicis, idonea.

Quinta propositio. Quando litigantes habent pro se opiniones æque probabiles, potest iudex pecuniam accipere pro ferenda sententia in favorem unius præ alio.

Sexta propositio. Possunt iudices accipere munera a litigantibus, nec tenentur restituere quæ acceperint ad pronuntiandam sententiam injustam.

Censura. Hæ propositiones, falsæ sunt, perniciofa, verbo Dei contraria, & iudicum corruptelas inducunt.

C A P U T VIII.

De Virtutibus iustitiæ annexis.

Not. 1. Virtutes quæ iustitiæ annexæ sunt, quasque Scholastici vocant partes iustitiæ potentiales, novem a S. Thoma referuntur; Religio, Pœnitentia, Pietas, Observantia, Gratitude, Vindicta, Veritas, Amicitia, & Liberalitas.

Ratio, cur novem illæ virtutes ad iustitiam reducantur, petitur ex eo quod novem illæ virtutes creaturam rationalem inclinent ad actus qui sunt ad alterum, quique proinde ad iustitiæ virtutem, quæ essentialiter est ad alterum, reducuntur.

Not. 2. Non est nobis mens hic de singulis illis iustitiæ annexis virtutibus differere, sed tantum de Religione, quæ quidem definitur, Virtus quæ cultum Deo tamquam primo omnium principio debitum tribuit.

Not. 3. Religionis actus, sunt Devotio, seu prompta Deo serviendi voluntas cum aliquo fervore conjuncta, Adoratio, Sacrificium, Oblatio, Juramentum, Sanctificatio Sabbati, Oratio, Votum. De duobus tantum illis posterioribus actibus, Oratione nimirum & Voto, dicemus in hoc capite.

A R T I C U L U S I.

De Oratione.

Not. IN hoc articulo dicemus 1. de Oratione in genere; 2. de Oratione Dominicæ; 3. de Oratione quæ propria est Sacerdotum & Monachorum, & quæ passim Horarum canonicarum, seu Breviarii nomine appellatur. 4. tandem de Oratione Mentali.

§. I. De Oratione in genere.

CONCLUSIO 1. oratio recte definitur a S. Thoma, *Actus rationis practica, voluntatis desiderium explicantis, & ab alio aliquid postulantis.*

Probatur, & simul explicatur allata definitio. 1. Oratio dicitur *Actus rationis*, eo quod sit interna quædam locutio cum eo, ad quem preces diriguntur; at interior locutio, non est actus voluntatis, sed mentis, sed rationis. Dicitur 2. *Actus rationis practica*, non autem speculativæ tantum, quia non ad metaphysicam cognitionem veri, sed ad boni alicujus impetrationem præcipue ordinatur. Dicitur 3. *Actus rationis explicantis desiderium voluntatis*: ei nimirum cui funditur, proponit orantis affectum. Dicitur denique 4. *Ab alio aliquid postulantis*, eo quod explicet desiderium rei, quæ non est in orantis sibi relictæ potestate.

CONCL. 2. Oratio singulis adultis est ne-

cessaria necessitate præcepti Naturalis, & Divini positivi.

Probatur prima pars. Jure naturali creatura adorationis internæ, & gratiarum actionis actum debet divino suo creatori: cum hoc tamen discrimine, quod creatura innocens gemere non debuerit, cum e contra oratio hominis lapsi cum gemitu conjuncta esse debeat: unde de Adamo innocente Augustinus dicit, *Non gemit, sed laudat*; & e contra Scriptura de nobis per peccatum lapsis dicit, quod Spiritus interpellat pro nobis *gemitibus inenarrabilibus*, hoc est (ut sancti Patres interpretantur) nos gemere faciat.

Probatur altera conclusionis pars. Christus Lucæ 18. sic loquitur: *Oportet semper orare, & nunquam deficere*. Præterea mores nostros ad Decalogi & Evangelii normam componere non possumus sine speciali per Christum auxilio, juxta illud Christi apud Joan. c. 15. *Sine me nihil potestis facere*: at illud auxilium, quamvis nonnunquam detur minime petentibus, ut v. gr. initium fidei, passum tamen iis solum confertur, qui orant ex fide quæ per dilectionem operatur: *Non habetis* (ait Jacobus in Epist. Can. can. 4.) *propterea quod non postulatis*: quibus quidem verbis consonat hæc Augustini sententia, in libro de dono perseverantiæ, c. 16. *Com confect Deum, alio etiam non orantibus, sicut initium fidei; alia non nisi orantibus præparasse, sicut usque in finem perseverantiam; profecto qui in se ipso hanc se habere putat, non orat ut habeat.*

CONCL. 3. Oratio multipliciter dividitur, hoc est, variæ sunt orationis species.

Probatur enumeratione. Oratio dividitur 1. in *Publicam*, quæ scilicet nomine totius populi fidelis ab Ecclesiæ ministris in templis potissimum celebratur; & in *Privatam*, quæ ad singulos pertinet, & de qua hæc habet Paulus 1. ad Timoth. 2. *Volo ergo viros orare in omni loco levantes puras manus sine ira, & disceptatione.*

Dividitur 2. in mentalem & vocalem. Priorem, quæ mente solum funditur, maxime utilem esse probat hæc Ambrosii sententia in lib. 6. de Sacramentis, cap. 4. *Qui in silentio orat, fidem deservit, & conficitur, quod Deus scrutator cordis & renis sit, & orationem tuam ante ille audiat, quam tu ore fundatur.* Posterior, seu vocalis, non mento tantum, sed etiam ore exterius exprimitur. Si quæ ore tantum funditur, utilis non est ad placandum Deum (inquit Cardinalis Bellarminus), sed confert potius ad provocandum illius iram, juxta illud Dei ipsius apud Isaiam, c. 29. *Populus hic labilis me donat, cor autem eorum longe est a me.* Hincque patet Orationem vocalem non sic appellari, quod ore tantum fundatur.

Dd 2

Divi-

Dividitur 3. ab Apostolo 1. ad Timoth. 2. in Obsecrationem, Orationem, Postulationem, & Gratiarum actionem: *Obsecro igitur primum omnium fieri Obsecrationes, Orationes, Postulationes, Gratiarum actiones pro omnibus hominibus.* Per ea autem verba Paulum rem eandem diversis nominibus exprimere, contendunt aliqui Patres. Censent alii, unum membrum alteri nonnihil addere. Per obsecrationes Augustinus intellexit *Deprecationes malorum*, per Orationes *Petitiones bonorum*, quæ nobis necessaria sunt: Postulationes Theodoretus interpretatur *Interpellationes*, seu adversariorum accusationes. Tandem per *Gratiarum actiones* intelligitur pia & grata beneficii a Deo accepti memoria. Vide S. Thomam 2. 2. tota q. 83. Vide etiam Bellarminum in Tractatu de Oratione.

§. II. De Oratione Dominica.

Not. 1. Oratio Dominica est regula, ad quam omnia cordis desideria exigere tenemur: *Forma est* (inquit Augustinus Serm. xvi. Editionis novæ cap. 4.) *desideriorum.* *Non sicut tibi aliquid petere, quam quod ibi scriptum est.*

Not. 2. De oratione Dominica egerunt Tertullianus in libro *De oratione*: Cyprianus in opere, quod inscripsit *De Dominica Oratione*; Augustinus in variis Sermonibus, & in libro *de dono perseverantiae* a capite secundo usque ad caput quintum inclusive; Sanctus Thomas 2. 2. q. 83.

CONCL. 1. Quæcumque per orationem a Deo peti possunt, continentur in oratione Dominica, quæ incipit, *Pater noster qui es in celis.*

Probatur ex eo quod Oratio Dominica contineat tum ea, quæ ad gloriam Dei, tum quæ ad nos ipsos spectant.

Prima nimirum petitione; *Sanctificetur nomen tuum*, oramus, ut Dei nomen omnibus innotescat, ab iisque sanctificetur: quod quidem fit (inquit Bellarminus) quando homines relictis idolis, vel peccatis, agnoscunt Deum verum, illi credunt, in eum sperant, eum toto corde diligunt, laudant, prædicant, venerantur; atque ita illud impletur, quod Malachias aliquando futurum prædixit: *Ab ortu solis usque ad occasum, magnum est nomen meum in gentibus.*

Alterâ petitione, *Adveniat regnum tuum*, postulamus consecutionem beatitudinis, quæ in Dei clara visione & summo ejus amore posita est: quam quidem beatitudinem ubi adepti fuerimus, Deus perfecte in nobis regnabit, destructa nimirum cupiditate, & omnibus nostris hostibus superatis.

Tertiâ petitione. *Fiat voluntas tua sicut in celo & in terra*, Deum rogamus, ut nobis

præbeat auxilia, quibus ejus mandata fideliter observemus, & quibus præparatam nobis gloriam promereamur: *Hæc est enim voluntas Dei, sanctificatio vestra*, ait Apostolus 1. ad Thessalon. 4.

Quarta petitione: *Panem nostrum quotidianum da nobis hodie*, precamur, ut Deus suppeditet alimenta sustinendæ vitæ nostræ, tum spiritali, tum corporeæ necessaria, seu præcipue petimus sacramentorum, concionum, scripturæ, aliorumque ejus generis subsidia; panem vero corporeum non tanquam finem primum, sed veluti quidpiam, quod panis spiritali superaddatur.

Quinta petitione, *Dimitte nobis debita nostra, sicut & nos dimittimus debitoribus nostris*, rogamus Deum, ut peccata quorum rei sumus, condonet nobis. Nomine enim debitorum non aliud, quam peccata, intelligi necesse est, cum Lucæ 11. eadem, de qua agitur, petitio, his exprimitur terminis, *Et dimitte nobis peccata nostra*, cui quidem petitioni hæc sententia additur, *Sicut & nos dimittimus debitoribus nostris*, qua non significatur, Deum nos imitari solitum esse, sed dicimus illatæ nobis injuriæ condonationem viam esse, qua impetremus, quam petimus, reatum veniam.

Sexta petitione, *Et ne nos inducat in tentationem*, precamur (ajunt Hieronymus, Cyrillus Catechesi 5. mystagogica, Augustinus Epist. 21. cap. 3.) non quidem, ut non tentemur, sed ne a tentatione vincamur. Et contra Tertullianus in lib. de oratione, Gregorius Nyssenus oratione 5. de Oratione Dominica, Chrysostomus ad c. 6. Matthæi, docet nos petere, ut tentatio ne quidem nos aggrediatur. Duplicem illum sextæ petitionis sensum sic nonnulli auctores conciliant, ut velint peccatum non futurum peti tamquam finem, immunitatem vero a tentatione tamquam medium; tentatio enim neminem urget, quin periculo criminis exponat.

Tandem septima petitione, *Sed libera nos a malo*, rogamus (interpretibus Patribus Græcis) ne diabolus insensissimus inimicus noster, nobis noceat: At secundum Patres Latinos, oramus Deum, ut liberet nos a calamitatibus hujus vitæ, in quas per Adæ peccatum incidimus.

Quæres 1. an qui ex animo illatas sibi injurias non remittit, debeat prætermittere hanc sententiam, qua quinta petitio concluditur, *Sicut & nos dimittimus debitoribus nostris*?

Respondet Cassianus collatione 9. cap. 12. eam sententiam sua ætate nonnullos solitos fuisse prætermittere, ne scilicet in sua oratione Deo mentirentur; sed inutilis erat ea cautio, cum, etiamsi ea verba prætermitterent, suorum peccatorum veniam sperare non possent: quippe quod aperte a Chri-

Ita dictum sit: Si non remittitis dominibus peccata eorum, nec Pater vester remittet vobis peccata vestra. Præterea (ut advertit Catechismus Romanus) quivis e fidelium numero preces suas fundit totius Ecclesie nomine, in qua pios aliquot esse necesse est, qui debitoribus debita ex animo dimittunt.

Quæres 2. an qui ex animo remittunt injurias, & tamen in affectu alterius peccati voluntarie perseverant, quinta petitione, *Dimitte nobis, &c.* aliquid impetrare possint?

Respondet Bellarminus his verbis: *Vel si, qui in peccato voluntarie perseverat, cupit sibi dari gratiam perfectæ conversionis, eamque serio postulat, vel non cupit, nec serio postulat. Si cupit gratiam conversionis, quamvis interim concupiscentia vitæ peccatum non relinquat, non inutiliter dicit Deo: Dimitte nobis debita nostra: Nam qui cupit opus bonum inspirando illi desiderium & petitionem conversionis, perficit sine dubio, si cum perseverantia petat ille, ut Deus ipsius adjuvet infirmitatem, & rebellem ad se convertat propitius voluntatem. Sin autem non cupit gratiam conversionis, neque ex animo illam petit, sed vel orat solis labijs ex consuetudine, vel (quod gravius est) ut videatur ab hominibus; is non solum nihil impetrat, sed etiam oratio ejus fiet in peccatum, cum in singulis fere petitionibus mentitur. Quomodo enim dicere potest: Pater noster, qui non vult esse filius? Et sanctificetur nomen tuum, per quem nomen Dei assidue blasphematur? Adveniat regnum tuum, qui nihil magis timet, quam Dei adventum? Fiat voluntas tua, qui suam, non Dei voluntatem semper facit? Hæcenus eruditus Cardinalis.*

CONCL. 2. Omnes, excepta quinta, orationis Dominicæ petitiones intelligi possunt de dono perseverantiæ, quod a Sanctis postulatur.

Probat ex Augustino. Sanctus Doctor sic loquitur in libro de dono perseverantiæ, cap. 2. *Cum ipsa oratione, qua Dominica nuncupatur, quia eandem Dominus docuit; quando oratur a Sanctis nihil pene aliud quam perseverantia posci intelligatur.* Ejusdem libri c. v. hæc iterum habet: *Quinto Orationis loco dicimus, Dimitte nobis debita nostra, sicut & nos dimittimus debitoribus nostris: in qua sola petitione non invenitur posci perseverantia.*

Idem Augustinus laudat auctoritatem Cypriani, sigillatimque probat, si Martyrem omnes petitiones Orationis Dominicæ (quinta excepta) explicuisse de dono perseverantiæ, quod a Sanctis in eadem oratione Dominica poscitur.

In primam petitionem: *Sanctificetur nomen tuum*, laudat hæc Cypriani verba; *Id peti-*
Juvenis Inssis. Theol. Tom. III.

mus & rogamus, ut qui in baptismo sanctificati sumus, in eo quod esse capimus, perseveremus.

In secundam petitionem: *Adveniat regnum tuum*, sic idem Augustinus c. 2. loquitur: *Qui cum dicimus, Adveniat regnum tuum, non aliud poscimus, nisi ut veniat & nobis, quod esse venturum non dubitamus omnibus Sanctis. Ergo & hi qui jam sancti sunt, quid orant, nisi ut in ea sanctitate, qua illis data est, perseverent? Neque enim aliter eis veniet regnum Dei, quod non aliis, sed his qui perseverant usque ad finem, certum est esse venturum.*

In tertiam petitionem: *Fiat voluntas tua sicut in celo & in terra*, sic ad mentem ejusdem Sancti Martyris loquitur, c. III. *Quam perseverantiam, petunt utique etiam Sancti qui faciunt voluntatem Dei, dicentes in oratione, Fiat voluntas tua: Cum enim jam facta sit in eis, cur, ut fiat, adhuc petunt, nisi ut perseverent in eo quod jam esse ceperunt?*

In quartam petitionem profert c. 4. hanc Cypriani sententiam: *Hunc autem panem dabit nobis quotidie postulamus, ne qui in Christo sumus, & Eucharistiam quotidie ad cibum salutis accipimus, intercedente aliquo graviore delicto, dum absenti, & non communicantes, a celesti pane prohibemur, a Christi corpore separemur; in quam quidem sententiam sic Augustinus loquitur: Hæc verba sancti hominis Dei, perseverantiam prorsus a Domino sanctos indicant poscere, quando hac intentione dicunt: Panem nostrum quotidianum da nobis hodie, ne a Christi corpore separentur: sed in ea sanctitate permaneant, qua nullum, quo inde separari merentur, crimen admittant.*

In sextam petitionem: *Ne nos inducas in tentationem*, c. 6. sic idem Augustinus loquitur: *Imperavit autem Deus, ut sancti ejus dicant orantes: Ne inferas nos in tentationem: Quisquis igitur exauditur hac poscens, non infertur in contumacia tentationem, ut non possit, vel dignus sit perseverantiam sanctitatis amittere.* In hujus autem rei probationem, ad capitis calcem profert hanc B. Cypriani sententiam: *Quando autem rogamus, ne in tentationem veniamus, admonemur infirmitatis & imbecillitatis nostræ, dum sic rogamus, ne quis se insolenter extollat, ne quis superbe arroganterque aliquid assumat, ne quis aut confessionis aut passionis gloriam suam augeat; cum Dominus ipse humilitatem docens dixerit: Vigilate & orate, ne veniatis in tentationem: Spiritus quidem promptus est, caro autem infirma: Ut dum præcedit humilis & submissa confessio, & datur totum Deo; quidquid suppliciter cum timore Dei petitur, ipse pietate præstetur.*

Ex ea, ad S. Cypriani mentem, Orationis Dominicæ explicatione, Augustinus hanc ejusdem libri cap. 7. conclusionem adversus Semipelagianos elicit: *Si ergo alia docu-*
men-

menta non essent, Dominica Oratio nobis ad causam gratia, quam defendimus, sola sufficeret: quia nihil nobis reliquit, in quo tanquam in nostro gloriemur.

§. III. De Horis Canonicis.

Not. Quæremus hic 1. quid Horarum Canonicarum nomine intelligendum sit; 2. Quibusnam recitandi horas canonicas onus incumbat; 3. Quænam requirantur, ut quis illi debito faciat satis; 4. Quid sacri Canones de illis qui Choro adesse tenentur, statuerint.

Quid sint Horæ Canonicae.

CONCL. Horæ Canonicae definiuntur, Preces vocales, ex præscripto canonum, corporis Ecclesiae nomine recitandæ a personis quibusdam, quibus id oneris specialiter commissum est.

Explicatur definitio. Dicuntur 1. *Preces vocales*, ut excludantur mere mentales. 2. *Recitandæ ex præscripto Canonum*; per quod differunt ab iis quas quilibet privatus potest eligere. 3. *Nomine Corporis Ecclesiae*, eo quod sint preces publicæ, sive in choro a Canonicis, sive extra chorum & privatim a clericis persolvantur. 4. *A personis, quibus id oneris specialiter commissum est*; quia aliquin totius Ecclesiae nomine fieri non censentur.

Quæres 1. Cur illæ preces dicantur Horæ Canonicae. 2. cur Breviarium.

Respondeo ad primum, eas dici 1. *Horas*, eo quod certis horis diurnis & nocturnis recitandæ sint; 2. *Canonicas*, tum quod canonicis, sive, quod idem est, Ecclesiasticis legibus præscriptæ & determinatæ fuerint; tum etiam quia clerici, quibus præcipue eas persolvendi onus incumbit, sunt ii, quos passim Canonicos dicimus; eo quod (ut ait Yvo Carnotensis) canonicarum regularum observationi ceteris artius se obstrinxerint; aut quod olim Ecclesiae Canonici inscripti, præbendam, aut sportulam reciperent.

Respondeo ad secundum, illas preces dici *Breviarium*: 1. quia sunt quoddam Scripturarum & Sanctorum Patrum compendium; 2. eo quod sint longiorum precum, quæ quondam erant in usu, contractio. Illa contractio ineunte sæculo decimo tertio primum facta est in sacello Romani Pontificis, & ob id preces, de quibus agitur, vocatæ fuerunt *Officium brevisimum Curia Romana*. Sanctus Franciscus in sua regula injunxit suis Religiosis, ut Divinum officium, *secundum ordinem Ecclesiae Romanae* recitarent; quæ quidem verba Franciscani de officio, quod tunc fiebat in Curia Romana, interpretati sunt. Correxerit Haymo præpositus illorum generalis contractum illud officium; contractionem & correctionem Gregor. Papa IX. probavit.

Nicolaus III. ejus usum urbis Romæ Ecclesiis præscripsit; obtemperarunt omnes, una excepta basilica Principis Apostolorum, in qua, etiam nunc, obtinet antiqua Horarum Canonicarum forma. Contractum illud idem officium postea plures Ecclesiae Occidentales admiserunt; unde illud vocarunt *Breviarium* per oppositionem ad veterem formam, quæ prius utebantur.

Quænam ad Horas Canonicas teneantur.

CONCL. Ad Horas canonicas tenentur 1. constituti in aliquo ex sacris ordinibus; 2. Clerici beneficiati, sive pingue sit eorum beneficium, sive tenue; 3. Religiosi Professi in quibusdam Religionibus, quæ Breviarii recitationem præscribunt.

Probatur 1. Quod ad Horas canonicas tempore Sancti Thomæ tenerentur Subdiaconi, & Clerici, qui Ecclesiasticis beneficiis potiebantur, ostendunt hæc ejusdem sancti Doctoris verba opusculo 65. cap. 1. *Dicendum, quod ad has septem horas tenentur Sacerdotes, & alii Clerici constituti in sacris ordinibus, sive habeant beneficium, sive non, & omnes illi qui percipiunt Ecclesiastica stipendia, in quocumque ordine sint.* Antiquum illud debitum confirmavit Leo Papa X. in Bulla quæ incipit: *Suprema disponentis*, ubi sic loquitur: *Statuimus quoque & ordinamus, ut quilibet habens beneficium, cum cura, vel sine cura, & post sex menses ab obtento beneficio officium non dixerit, legitimo impedimento cessante, beneficiorum suorum fructus suos non faciat pro rata recitationis officii; sed eos tanquam injuste perceptos, in fabrica hujusmodi beneficiorum, vel in pauperum elemosynas erogare teneatur.* Si vero ultra dictum tempus in simili negligentia contumaciter permanserit, legitima monitione precedente, beneficio ipso privetur; cum propter officium detur beneficium. *Intelligatur autem officium omittere, quoad hoc ut beneficio privari possit, qui per quindecim dies illud bis saltem non dixerit: Deo tamen, ultra præmissa, de dicta omissione redditurus rationem.* Eandem legem sua auctoritate Pius Papa V. in Bulla quæ incipit, *Ex proximo*, confirmavit.

2. Quod ad easdem horas teneantur omnes clerici, qui vel tenui beneficio potiuntur, ostenditur ex eo quod Summi Pontifices, qui de eo onere locuti sunt, nusquam exceperint clericos, de quibus agitur; immo eos complexi fuisse videntur his generalibus terminis, quibus uti sunt, *Quilibet, Omnes*. Generalem illam loquendi formulam imitatur Synodus Gallicana: Rhemensis habita anno 1583. titulo de Breviario, hæc habet: *Quisquis beneficium aliquod Ecclesiasticum adeptus est, sciat se ad preces quotidianas, quæ Breviario continentur, recitandas obligari.* Sic Burdigalensis eodem anno celebrata, *Omnes*

ipso jure obligantur, quicunque beneficiis Ecclesiasticis possidentur. Nec obest exiguitas beneficii; nam (ut advertit S. Antoninus) imputare sibi debent clerici, quod tenuium illorum beneficiorum titulum receperint aut retineant. Cum tamen negetur a multis relata hactenus statuta omnes omnino beneficiatos comprehendere, poterit quisque clericus, quoad hoc, sui Episcopi judicio stare; nam quando lex aliqua positiva dubia est, penes Episcopum est illius explicatio.

3. Religionis proflis incumbere idem onus, colligitur ex consuetudine ubique observata, quæ expressæ legis vim habet. Viguisse illam consuetudinem, ac debitum invaluisse ante Concilium Viennense sub Clemente V. probant hæc ejusdem Clementis verba in Clementina Dudum de celebratione Missarum: *Clerici tam Religiosi, quam alii Cardinalium sacrosanctæ Romanæ Ecclesiæ, ac quorumcumque Pontificum... Commensales & Domestici... ut illud quod iidem Cardinales, seu Pontifices, dicunt officium, licite dicere valeant, nec ad dicendum aliquid aliud teneantur, sacra approbatione Concilii indulgemus.*

Quæres 1. an qui Ecclesiastica pensione donati sunt, ad Breviarium teneantur?

Respondeo negative; ad alias enim preces non tenentur, quam ad eas, quæ parvo Beate Mariæ Virginis officio continentur; ita definiit Pius Papa V. in Bulla 135. *Quicumque*, inquit, *pensionem, fructus, aut alias res Ecclesiasticas, ut clericus, percipit, cum modo prædicto ad dicendum officium parvum Beate Mariæ Virginis decernimus obligatum, & pensionum, fructuum, rerumque ipsarum amissionem obnoxium.*

Quæres 2. an clerici a suorum ordinum, vel beneficii functionum executione suspensi, vel depositi, aut excommunicati, ab onere persolvendi horas canonicas liberentur?

Respondeo negative: poenæ scilicet, de quibus est questio, non liberant a vinculo, quo prius clerici ratione beneficii, aut ordinis tenebantur. Confirmatur ex eo quod e contra suspensionis, depositionis, aut excommunicationis status, in quo versantur, debeat illos movere ad fundendas prolixiores preces, quibus veniam criminum obtineant, propter quæ ab Ecclesia in eos animadvertum est.

Quæres 3. num aliqui sint casus, quibus clericos non urget præceptum recitandi Horas canonicas?

Respondeo affirmative. 1. enim ægrotantes, quorum morbum ex Medici judicio augeret attentio ad illas preces necessaria, eo præcepto nequaquam tenentur: nec ii, qui capti sunt oculis, saltem quoad partes quas non sciunt memoriter, quasque cum socio, quem penes se habeant, recitare non valeant; nam quoad eas, quas commendarunt suæ me-

moræ, præcepto Ecclesiastico tenentur. Unde merito Innocentius Papa XI. proseripxit hanc molliorem quorundam Casuistarum propositionem: *Qui non potest recitare matutinum & laudes, potest autem reliquas horas, ad nihil tenetur, quia major pars trahit ad se minorem.* 3. Ea lege liberantur, qui alicui caritatis exercitio, quod non potest differri absque proximi detrimento, dant operam, nec postea Horas persolvendi tempus superest.

Quamam requiruntur, ut quis horas canonicas persolvendi debito faciat satis.

CONCL. Multa sunt ad debitam Breviarii recitationem necessaria.

Probatum enumeratione. Requiritur 1. ut illud numero officium persolvatur, quod pro ea die præscriptum est: non enim Breviarii, ut sic, sed prout has, vel illas preces continet, recitationem Ecclesia injunxit. Unde infertur 1. Alexandrum Papam VII. merito damnavisse hanc propositionem: *In die Palmarum recitans officium Paschale satisfacit præcepto.* Infertur 2. cum qui per inadvertentiam officium unius diei recitavit pro officio alterius, teneri eodem die, si commode id possit, illud persolvere, quod omisit.

2. Clerici seorsim degentes, nullique societati approbata, cujus usus fuerit contrarius, alligati, quamdiu versantur in diocesi, ex qua sunt oriundi, debent uti eo Breviario, quo diocesis utitur; cum enim sint membra Cleri ejus diocesis, in qua nati sunt, & in qua degunt, ceteris ejusdem Cleri membris, & Episcopo capiti sese conformes exhibere tenentur. Si vero in aliena versentur, possunt illius usum sequi, juxta hanc præclaræ Augustini sententiam Epistola 118. quæ est ad Januarium: *Quæ per loca terrarum regionesque variantur... totum hoc genus rerum liberat habet observationem, nec disciplina ulla est in his melior gravi prudentique Christiano, quam ut eo modo agat, quo agere videri Ecclesiam, ad quancumque sorte devenerit.*

Nec obstat constitutio, *Quod a nobis*, Pii Papæ V. qua declarat, *neminem ex iis, quibus dicendi psallendique munus impossum est, nisi sola formula, Breviarii Romani, satisfacere posse.* Nam 1. illa constitutio locum non habet in Galliis, nec in multis aliis orbis regionibus, cum in eis promulgata nequaquam fuerit. 2. In illa eadem Bulla excipiuntur Ecclesiæ, quæ peculiari Breviario ducentis ante Pium V. annis utebantur. 3. Laudatus Pontifex de iis Clericis loquitur: *Qui horas canonicas ex more & ritu Romanæ Ecclesiæ, jure, vel consuetudine dicere, vel psallere debent; non autem de ceteris.*

Requiritur, ut itatis & determinatis æ jure horis Breviarium persolvatur. Sed hoc ita dictum velim, ut 1. non peccet lethaliter, qui ante mediam noctem totum diei officium re-

citas; ita S. Antoninus 2. par. tit. 13. cap. 4. & 5. ubi sic loquitur: *Non videtur de se esse mortale, quandocumque tarde quis dicat officium, dummodo non transeat dies, qui tantum ab hoc videtur terminari circa mediam noctem.* 2. ut ne quidem venialiter delinquat, qui propter honestam aliquam causam aliquantulum vel antevertit, vel protrahit tempus Chori Cathedralis Ecclesie servat. Ratio est, quia potuerunt capitula ex approbatione Episcoporum antiquam circa horas disciplinam in aliam novam commutare. 3. Ut tantum quis peccet, cum multum recedit a legitimo tempore: *Consetur ab eo longe recedere* (inquit Cardinalis Bellarminus lib. 1. de bonis operibus in particulari cap. 18.) *qui tunc alicujus hora officium persolvit, cum verba que leguntur, aut canuntur, cum tempore nullam rationem continent, ut si quis ante lucem dicat, Jam lucis orto fidere, vel ante meridiem, Jam sol recedit igneus.* Excipi tamen debent ab illa Bellarmini regula matutinum & laudes, quæ mox a cœna, vel etiam paulo ante possunt recitari; invaluit enim illa consuetudo: unde is qui eo tempore legit hæc hymni, qui sæpe occurrit, verba, *Somno refectis artibus, spreto cubili surgimus, antiquorum in persolvendis Deo laudibus diligentiam veneretur oportet, compensetque singulari attentione & pietate illius diligentia defectum.* Confirmat illam exceptionem auctoritate S. Thomæ, qui quodlibeto 7. art. 18. hæc scribit: *Consideranda est intentio ejus, qui prevenit tempus in matutinis dicendis, vel in quibuscumque horis canonicis; si enim hoc facit propter lasciviam, ut scilicet quietius somnolentia & voluptati vacet, non est absque peccato: si vero hoc faciat propter necessitatem licitarum & honestarum occupationum, licite potest de sero dicere matutinum, & in aliis horis canonicis tempus prævertere? sed aliquantulum tantum. Nam (ait mox laudatus Cardinalis) esse peccatum saltem veniale, a canonico tempore in officio persolvendo multum recedere, communis est sententia Theologorum & Canonistarum.*

Quæres 1. an qui matutinum post occasum solis recitat, possit laudes in sequentem diem differre?

Respondeo affirmative. Nam 1. multa sunt in laudibus, quæ cum matutino tantum tempore convenire possunt; hujusmodi sunt ista: *Deus Deus meus, ad te de luce vigila. Memor fui tui super stratum meum, in matutinis meditabor in te.* Ecce jam noctis tenuatur umbra. Ales diei nuntius lucem propinquam præcinit. Aurora jam spargit polum, terris diæ illabitur. Laudes, quas simpliciter Matutinum majores nostri vocabant, a nocturnis seorsim ac divisim recitabantur; ista enim in omnibus Cathedralibus Ecclesiis implebant

media nocte, illæ vero prius ante solis ortum. Nec est, quod quis obijciat rubricas Breviarii Romani, quibus asseritur laudes immediate conjungendas esse nocturnis: Num 1. (ut jam observatum fuit) non obligant illæ rubricæ nisi eos, qui de jure & consuetudine tenentur Romanæ Ecclesie ritui peculiari adherere. 2. loquuntur rubricæ de iis, qui matutinum ante solis ortum recitant: ii enim, ut cum tempore verba conveniant, non debent laudes multum post solis ortum differre.

Quæres 2. utrum hac ætate laudabilius sit officia singularum horarum suis propriis temporibus celebrare, quam multa simul sine ulla horarum & temporum distinctione conjungere?

Respondet Cardinalis Bellarminus affirmative. 1. Enim sic satisficit Ecclesiasticæ intentioni, quæ ideo in certas horas diurnas, atque nocturnas officium distribuit, ut in iisdem horis, atque adeo per omnes totius diei partes, Deum laudemus. 2. Sic etiam maxima utilitas ex officii recitatione ad nos accedit, dum tam crebro ad nos redimus, & a tumultibus sæculi ad pacem animum revocamus. 3. Sic denique labor precum horarum in tot partes divisus, ita minuitur, ut levissimus, ac pene nullus inveniat, proindeque majori cum pietate & attentione brevissima illa preces recitentur.

5. Denique requiritur in recitante brevium pietas, quæ duo dicit, attentionem nimirum ex parte intellectus, & nonnullam in impio contritionem ex parte cordis. Necessitas attentionis colligitur ex ipsa orationis natura; nihil enim aliud est ex Augustino, quam pius mentis affectus directus ad Deum. 2. Ex eo quod Deus damnet in Scriptura, voce non corde orantes: *Populus hic labiis me honorat, cor autem eorum longe est a me.* Ex quo inferitur, eum, qui per insignem aliquam horæ partem voluntarias patitur evagationes mentis, non satisfacere Ecclesie præcepto: neque enim syllabarum prolationem dumtaxat externam præcipit, sed orationem, de cujus essentia est interna intentio non ad sonum verborum tantum, sed vel ad sensum quem includunt, vel saltem ad Deum ad quem diriguntur. Necessitas contritionis alicujus impio horas recitante colligitur ex Scriptura: *Non est* (inquit Ecclesiast. cap. 15.) *speciosa laus in ore peccatoris*: qui nimirum non affectu tantum habituali, sed etiam actuali inhæret suo peccato; unde ait David Ps. 65. *Iniquitatem si aspexi in corde meo, non exaudiet Dominus.*

Quid sacri Canones de iis statuerint, qui choro adesse tenentur.

Quæritur, quod de Canonicis, & aliis qui tenentur adesse choro, statuerint Ecclesiasticæ leges.

R. L.

Respondeo 1. eos Ecclesiasticis legibus prohiberi, ne in choro secum invicem contabulentur; 2. ne literas aut alias scripturas legant; 3. ne dum in communicantur horae, dicant privationem officii; 4. ne exeant ante finem horarum: ita Concilium Basileense sessione 4.

Respondeo 2. illis legibus eos teneri 1. ad cantum cum ceteris: Dum psallitur (inquit Concilium Byrdigalense, habitum ann. 1583.) *Canonici omnes & sacellani, nisi per invaletudinem, aut aliam legitimam causam impediuntur, psallant; nec maneant in suis sedibus otiosi.* 2. Ut per se & non per substitutos sui obeant officia: Omnes vero Divina per se & non per substitutos, compellantur obire officia (ait Concilium Tridentinum sess. 24. de reformat. cap. 12.), atque in choro ad psallendum instituti, hymnis & canticis Dei nomen reverentur, distincte, devote, seque laudare. Ex quo concluditur, peccare eos, qui horarum minorum, Primae nimirum, Tertiae, Sextae, Nonae, & Completorii recitationem vicaria tantum opera persolvunt. 3. Ut distributiones acceptas restituant, cum abfuerint a choro, aut quando non cantarunt cum ceteris: Distributiones vero (ait mox laudata Tridentina Synodus) qui statim horis interfuerint, recipiant; reliqui vera, quavis collusione, aut remissione exclusa, his careant, juxta Bonifacii VIII. decretum quod incipit, *Constitutionem*, quod sancta Synodus in usum revocat, non obstantibus quibusvis, uniusque statutis & consuetudinibus.

§. IV. De Oratione Mentali.

Not. Non hic trademus mentalis orationis regulas; sed dicemus tantum de Oratione Quietis; de eaque quaeremus 1. quid de ea dogmatizent Quietistae: 2. quibus argumentis eorum systema impugnari possit.

Quae sit Quietistarum de Oratione doctrina.

Doctrina de Oratione quietis, quam ii, qui Quietistae dicuntur, postremis hisce temporibus docuerunt, hisce propositionibus continetur.

Prima propositio. *Contemplatio, vel oratio Quietis, in eo posita est, quae quis ubi se in Dei praesentia per actum fidei obscurae simplicitatis, & amantis constituerit, in ea sine ullo vel rationis, vel voluntatis, vel alicujus alterius potentiae actu otiosus maneat.*

Secunda propositio. *Reverentia in Deum devota reus est, qui primum illum actum iterato efficere tentaverit: scilicet tam constans est, ut perdurando toto illo tempore, nisi per actum contrarium revocatus fuerit; tantaque virtutis, ut in se simul & semel omnium aliarum virtutum actus, & quidem eminentiori modo, continent; unde sit, ut illum necesse non sit iterare.*

Tertia propositio. *Sine contemplatione, quam meditatio adjuverit, ne passus quidem noster ad perfectionem fieri potest.*

Quarta propositio. *Scientia sacra, & ipsa etiam Theologia doctrina, impedimento est contemplationi, de qua non homines docti, sed ipsi dumtaxat contemplativi iudicium ferre possunt.*

Quinta propositio. *Perfecta contemplatio versatur circa ipsam tantum divinitatem. Incarnationis Dominicae, vitae & passionis Christi mysteria apta non sunt contemplationi obiecta: immo illam impediunt: unde contemplativi, ut ea a sua mente removeant, debent in primis fatigari; nec possunt, nisi veluti fugiendo, de illis cogitare.*

Sexta propositio. *Nec corporis maceratione, nec penitens vita contemplativis conveniunt. Hominis conversio non a purgationis & penitentiae, sed a contemplationis via incidere debet. Contemplativi, devotionis sensibilibus effectibus, teneras cordis affectiones, lacrimas orationum, & eo etiam animi solatia, quorum Spiritus Sanctus sic auctor, contemnere & fugere debent, tanquam res quae contemplationem impediunt.*

Septima propositio. *Perfecta & vera contemplatio uni Dei essentiae, personae & attributi veluti spoliatae, inhaerere debet. Actus fidei erga Deum sic conceptum, perfectior est & magis meritorius, quam actus, qui circa Deum eum personae & attributis conceptum versatur.*

Octava propositio. *In contemplatione jam acquisita, anima cum Deo unitur immutabiliter: quoniam ad eam plane inutilis est idea qualibet, vel imago, vel species.*

Nonae propositio. *Omnes contemplativi, in ipsa actuali contemplatione tam graves patiantur labores & cruciatus, ut Martyrum labores & cruciatus non aequent modo, sed etiam superent.*

Decima propositio. *Cum offertur Missa sacrificium, dum Sanctorum festa celebrantur, sanctius est inhaerere actui fidei & contemplationis, quam ad ipsa sacramenta, & ad sanctorum, & varias illorum vitae circumstantias attendere.*

Undecima propositio. *Librorum spiritualium lectio, praedicatio verbi divini, oratio vocalis, Sanctorum invocatio, impedimento sunt contemplationi, & orationi; quae oratio affectus dicitur, cuique nulla est adhibenda praeparatio.*

Duodecima. *Penitentia sacramentum animabus interioribus & contemplativis necessarium non est ante Eucharistiae communionem, sed tantum quae sunt in via activa, quaeque adhuc incumbunt meditationi.*

Decima tertia. *Meditatio Deum non respicit fidei lucem, sed lumen naturale, licet in spiritu & veritate: unde nullus est eorum Deus meriti.*

Deci-

Decima quarta. Is, qui semel dedit se contemplationi, redire non debet ad meditationem: alioquin a meliori in pejus proficeret.

Decima quinta. Si tempore contemplationis accidant cogitationes terrestres & animales, de his expellendis satagendum non est, nec ad aliquam piam cogitationem est recurrendum: sed e contra delectandum est in eo cruciatu.

Decima sexta. Nec actio, nec affectus interior, licet cum reflexione producta fuerint virtute pure fidei, possunt Deo placere, quia ex amore proprio nascuntur, quoties ante omnem mentis applicationem, & ante omnem ex parte nostra applicationem, a Spiritu Sancto inspirata non fuerint. Unde in contemplatione, vel in oratione affectuum, permanendum est in otio & in actione, & se expellenda est miraculosa Spiritus sancti inspiratio.

Decima septima. Quisquis est actu in contemplatione, vel in oratione Quietis: siue religiosus sit, siue filius familias, vel alio modo alteri subiectus: non debet tunc obedire regule, nec superiorum mandata servare, ne contemplationem interrumpat.

Decima octava. Contemplativi ita immunes esse debent a rerum omnium affectu, ut a se longius repellant, & aspernantur ipsa etiam Dei dona, ipsos Dei favores, & ut ipsarum etiam virtutum amore sese ipsos expolient. Tandem ut ab omnibus rebus liberi sint, ea etiam debent agere, quae modestiae & honestati repugnant: modo tamen ex his non sint, quae decalogi praeceptis expresse adversantur.

Decima nona. Contemplativi nonnunquam tantos excessus patiuntur, ut omnis eis adinatur usus liberi arbitrii: ita ut cum in gravissima peccata exteriora incidunt, interiora tamen eorum minime rei sint: unde quae tunc egerint, confiteri non debent: idque Jobi exemplo confirmatur: scilicet cum iungit proximum laeserit, imo & blasphemias in Deum evomeret, nullo modo peccabat: eo quod ea omnia violento demonis impulsu perageret. Apti vero non est Theologia Scholastica, aut Moralis, ut de his violentis statim iudicium ferat: sed opus est supernaturale Spiritu, qui in paucissimis reperitur, & in quibus non de interiori per exteriora, sed potius de exteriori per interiora iudicandum est.

Ex propositiones, quas exscripsimus ex Actis condemnationis Quietistarum, quae apud Illustrissimum & Doctissimum Meldenium Episcopum legere est ad calcem libri, quem gallice inscripsit: *Instruction sur les états d'oraison*, respectively desumptae sunt ex Epistola Falconi ad mulierem poenitentem, ex Molinosi damnatis ab Innocentio XI. propositionibus, ex Analyti orationis mentalis Paris Dom. Francisci de la Combe, ex libro cui titulus Gallicus, *Moyen court*, &c. ex alio, cui hac est superscriptio, *Cantique des Cantiques interprété selon les sens mysti-*

ques: & tandem ex manuscripto quodam quod inscribitur, *les Torrens*: qui quidem omnes libri variis, tum Romanae Inquisitionis decretis, tum plurium Gallicanae Ecclesiae Episcoporum Instructionibus Pastoralibus, seu (ut vocant) Mandatis, damnati sunt.

Quae sint argumenta, quibus Quietistarum dogmata impugnari possunt.

1. Non dari in perfectis animabus actum continuum contemplationis, quae nec exercitiis externis, nec mentis evagationibus, nec ipso somno dormientium interrumpatur, variis argumentis ostendi potest. 1. Nec Scriptura, nec Traditio ninitur illius actus perpetuitas. 2. E contra perpetuitati actus, de quo est quaestio, adversantur Patres, ut videre est apud Augustinum lib. 9. Confessionum c. 10. Bernardum & alios passim, a quibus asseritur, homines etiam perfectos raptim tantum nonnunquam perfecta frui contemplatione. 3. Ea est actus semel eliciti a voluntate natura, ut desinat, etiam virtualiter, aut per actum contrarium, aut per moralem aliorum actuum interruptionem. 4. Si perpetuus sit actus quo quis per puram fidem, & castum amorem Deo seipsum dedit, nusquam debebit iterari: at iteratus est tamen a viris etiam perfectissimis: *Diligam te* (ait Plantes regius Ps. 17. licet jam se totum tradidisset Deo) *fortitudo mea*. Paulus sincere petierat, ut liberaretur ab Angelo Satanae, qui eum colaphizabat: & tamen iter, hoc est sepius, eandem iteravit orationem, *Ter* (inquit 2. ad Cor. 12.) *Domini rogavi*. Ipse etiam Christus non semel, sed tertio oravit, ut ab eo passionis calix transiret.

II. Explicitos fidei actus, & distinctas petitiones convenire animabus, etiam perfectissimis, ostenditur ex eo, quod alioquin sequeretur 1. perfectos contemplativos nusquam teneri, immo nec posse, quin exciderent ex perfectionis statu, elicere explicitos fidei actus in mysteria, quae in Apostolorum symbolo continentur: sicque reddere symbolum, imperfectorum tantum esset & incipientium: quod dictum impium est, cum tam saepe Apostolus ipse plura illius capita in suis Epistolis distincte recitaverit, eorumdemque capitum explicitam fidem hominibus etiam perfectissimis unanimi consensu tota traditio praecepit, ut agentes de fide probavimus.

Sequeretur 2. perfectam contemplationem versari circa solam divinam essentiam, cum exclusionem attributorum, personarum, Dei Verbi incarnati, ceterorumque Salvatoris mysteriorum; ac proinde Prophetarum, qui tam saepe particularia Dei attributa, Christi futurum mysteria, contemplati sunt, inter imperfectos habendi forent: Paulus ipse, qui

tam saepe sibi Christi labores, mortem, passionem, resurrectionem ob oculos ponit, & perfectorum statu desiciendus esset: quod quidem quam blasphemum sit, nemo non videt.

Sequeretur 3. Orationem Dominicam, quae perfectae orationis est forma, recitari non debere a perfectis contemplativis: scilicet (inquiunt) omnes ad unam orationis Dominicae petitiones continentur eminenter in actu perfectae contemplationis; immo si sigillatim illarum petitiones iterentur, impedimento erunt perfecto contemplativorum statui, qui ex Quietistis, totus est circa divinam essentiam in se sumptam; nec circa singularia, licet in se sanctissima, versari potest. Praeterea (inquiunt) singularia desideria, singulares petitiones, proprium interesse sapiunt; ac proinde perfectos, qui quolibet interesse spoliati esse debent, ut toti sint Deo, minime decent. Apostoli igitur, licet id a Christo iussi, non potuerunt, quin deicerentur e perfectorum numero, orationem Dominicam recitare: tota Ecclesia imperfecta est, cum toties & ore ministrorum, & ore omnium fidelium, recitat orationem Dominicam: immo sacra liturgia, in qua tot sunt petitiones singulares, ad imperfectos tantum, non autem perfectos pertinet. Paulus repebat inter imperfectos, cum eliciebat actum desiderii esse cum Christo: *Cupio dissolvi, & esse cum Christo.*

Quod dictum est de petitionibus, locum habet & in gratiarum actione. Si enim actus speciales post elicitum actum purae fidei circa divinam essentiam, perfectorum statui (ut Quietistae volunt) adveniant, fideles perfecti jubendi erunt ut a gratiarum actionibus temperent, ne suam cum divina essentia in se sumpta unionem interrumpant: sicque tot praecepta, quibus specialiter injungitur gratiarum actio, tot exempla sanctissimorum hominum, qui tam saepe speciali ac distinctae gratiarum actioni sese dederunt, imperfectis tantum, non autem perfectis, documento erunt.

III. Actus reflexos & perspectos convenire, & necessarios esse perfectis, ostenditur ex eo quod contrarium dogma Scripturis & traditioni adversetur. Et sane 1. Scriptura & traditio perfectis etiam hominibus praescribunt, ut attendant ad proprios actus, ut revolvant suae conscientiae latebras, ut continuo circa se ipsos vigilant, ut peccata in memoriam revocent, quo illa speciali contritione detestentur: at nullum ex his sine actibus reflexis fieri potest: ergo actus reflexi sunt etiam perfectis hominibus necessarii. 2. Reflexio humanam egestatem & miseriam ponit ob oculos, movetque homines, ut auxilia petant, quibus infinita illi egestati, altissima illi miseria consulatur. 3. Reflexio movet ad gratiarum actionem, ad

fiduciam, filialemque timorem, reliquarumque virtutum praxim; non igitur imperfectis tantum, sed etiam perfectis, propria est: Ecclesia filiis suis jubet; ut de incertitudine perseverantiae usque in finem saepius cogitent, quo nimirum ad illam, ut par est, petendam excitentur: at id sine actibus reflexis fieri minime potest.

IV. Perfectos debere a Deo petere aeternam salutem, & propriam sanctificationem, ostenditur ex eo, quod aeterna salus, quae in Dei perfecta cognitione, & amore perfecto posita est, ab his omnibus, qui ad normam a Christo Apostolis praescriptam orare fatigunt, peti debeat & desiderari; nimirum non aliud quam aeterna salus, & media quae ad eam consequendam conferunt, in oratione Dominica petuntur, ut post Cyprianum demonstravit Augustinus in libro de dono perseverantiae: unde impia est propositio, quae asserit, perfectos contemplativos debere esse indifferentes circa aeternam salutem, circa media quae ad eam comparandam necessaria sunt. Velle jubemur omne id, quod Deus vult ut velimus: at Deus vult, ut velimus nostram propriam & aliorum hominum salutem; ipse enim pius illud desiderium, hominem illam voluntatem inspirat nobis: nam, Augustino teste, in hac Apostoli verba, *Deus vult omnes homines salvos fieri*, Deus in nobis per suam gratiam efficit, ut nostram & aliorum salutem velimus.

V. Perfectos curare debere de pravis cogitationibus, de motibus inordinatis, qui in animo, & nonnunquam etiam in corpore exoriuntur, ostenditur ex eo, quod Scripturae id aperte variis modis praecipunt.

Nam 1. Ideo Scriptura, mentis, & corporis mortificationem etiam perfectis praescribit, ut illius ope aut extinguant, aut saltem comprimant insurgentes libidinis astus: unde est illud Pauli: *Castigo corpus meum, & in servitutem redigo.* 2. Eadem Scripturae vetant, ne libidini consentiamus: ergo adhibenda est singularis cura, ne alicui libidini consentiamus. 3. Paulus, qui se ipsum, ad Philippenses scribens, inter perfectos recenset, non tanquam indifferentem circa aestuantis concupiscentiae vim se se gessit, cum Dominum saepius deprecatus sit, ut a se auferret Angelum Tatanae, qui eum colaphizabat. Indifferentes quoque non sunt circa prava illos motus homines illi, qui licet perfecti sint, jubentur hanc orationis Dominicae petitionem exprimere: *Ne nos inducas in tentationem.* Sane mirum non est, quod Quietistarum hodiernorum coryphaeus Michael de Molinos spurcitiis etiam crassissimis se dederit: cum enim axioma esset apud ipsum, petenda non esse auxilia, quibus fremens concupiscentia comprimatur, iusto Dei iudicio factum est, ut in illas spurcicias praeceptum querit.

VI. Ani-

VI. Animam quæ perfectionis statum attigerit, quæ purissimum fidei amorem consecuta sit, non posse sine grandi scelere, absoluto & reali sacrificio propriam salutem, cuius privatio non poenas inferni tantum, sed etiam odium Dei complectatur, Deo offerre, æternæque damnationi consentire, cum persuasum erit ei, sic Dei ferre supremam voluntatem, variis argumentis demonstratur. Siquidem 1. sacrificium illud est rei intrinsece malæ; nempe privatio caritatis, odium Dei, sunt res per se malæ; ac proinde nulla in suppositione animæ, non dico perfectæ, sed nec imperfectissimæ, permitti possunt. 2. Sacrificium de quo agitur, realis est & verus desperationis actus; ac proinde gravissimum est adversus spei virtutem peccatum. 3. Licet ex Sanctis aliqui usi sint terminis, qui in speciem additioni poenis favere viderentur, nusquam tamen realiternaverunt; sed argumentati sunt ex suppositione, quam certo iudicabant impossibilem: sic hæc Pauli verba: *Optabam ego ipse anathema esse a Christo pro fratribus meis*, sunt, Chrysostomo teste, argumentum ex suppositione impossibile; ita ut is sit eorum sensus: Si per impossibile (Deus enim cum sit infinite sapiens, & infinite iustus, id velle non potest) vellet me a Christo quoad torrentem illum voluptatis, quo potabit electos, separare; si me poenis æternis, servato tamen sincero in illum amore, addicere vellet, & ea lege mihi fratrum salutem concedere; ejusmodi suavitatis privationem, illum poenarum sensum, pro salute fratrum eligerem; tanta est mea in illos caritas. 4. Denique licet Deus voluntate, quam *Beneplaciti* vocant, nonnullos poenis æternis addicere velit, & negare eis singulare perseverantiæ donum; nusquam tamen pro morum nostrorum regula, æterna illa & occulta decreta proposuit nobis; sed unam, quam *Signi* vocant, voluntatem: at ea *Signi* voluntate vult, hoc est, præcipit nobis, ut æternam salutem sincere velimus; ut ab eo per Christi merita semper eandem æternam salutem speremus; sit media, quæ ad eam comparandam necessaria sunt, ab illo distincte flagitemus.

VII. Hoc Quietistarum principium, Nihil nos unquam agere debere, nisi per inspirationem, quam sine aliquorum distinctorum actuum exercitio otiosi expectare debeamus, falsum est omnino: cum enim per inspirationem non intelligant ordinaria gratiæ excitantis auxilia, sine quibus haud dubie nihil quod ad æternam salutem conferat, tentare possimus, juxta illud Evangelii, *Sine me nihil potestis facere*; sed intelligant miraculosam, extraordinariam, & passivam Spiritus Dei impressionem, audiri minime debent. Nam 1. Deus non imperfectos tantum, sed etiam perfectos, passim regit & movet

per ordinaria gratiæ excitantis auxilia. 2. Expectare semper miraculosas & extraordinarias impressiones, peccatum est, quod in Scripturis Dei tentatio vocatur. 3. Scriptura & traditio continent innumera exempla sanctorum, qui cum ordinariis gratiæ auxiliis per varios virtutum actus se se excitant & cohortati sunt ad currendum in stadio perfectionis; qui proinde extraordinarias divini Spiritus impressiones non expectaverunt.

VIII. Hoc aliud eorum dogma; Non esse curandum de expurgandis per poenitentiam peccatis venialibus, de deponendo illorum affectu ad frequentem, immo & ad quotidianam Eucharistiæ communionem, falsissimum esse demonstravimus in nostro de Sacramentis tractatu: & hic iterum ex S. Francisco Salesio possumus ostendere; is enim sapientissimus animarum moderator ad Eucharistiæ communionem singulis hebdomadis statuendam exigit, ut quis non solum a peccatorum mortalium perpetratione, verum etiam a vitiosa in culpis veniales affectione, liber sit ac solutus; ac præterea ut celestem hunc cibum ex caritate vehementer appetat: nempe docet, illud desiderium esse in anima, ut in corporibus esuries, integræ atque optimæ valetudinis argumentum.

Iis, quos hucusque retulimus, erroribus opponenda est 1. Bulla Innocentii Papæ XI. adversus Molinosum, lata Romæ xii. Kal. Decembris ann. 1687. Opponenda est 2. Constitutio in forma *Brevi*, Innocentii Papæ XII. lata die 12. Maji an. 1699. Opponendi sunt 3. quatuor supra triginta articuli adversus Quietistas Istei prope Parisios conscripti a tribus doctissimis Gallicanæ Ecclesiæ Præsulibus. Opponenda sunt 4. varia mandata, variæ declarationes plurium Nostrarum Episcoporum. Legendi sunt etiam libri editi ab Illustrissimo Meldensium Episcopo, quorum hic est titulus: *Summa doctrinæ, Schola in tuto, Mystici in tuto. Instructio sur les états d'oraison*.

ARTICULUS II.

De Voto.

Not. **H**OC in articulo quæremus 1. quid & quod sit votum: 2. quænam sint voti materia & forma: 3. quodnam habeat subjectum, seu quinam vovere possint: 4. dicemus de illius effectibus: 5. denique de variis modis, quibus potest mutari.

§. 1. Quid & quod sit Votum.

CONCLUSIO 1. Votum definitur promissio facta Deo de meliori bono.

Explicatur. Votum dicitur 1. *Promissio*, eo quod sit fidei oppignoratio: 2. *Facta Deo*,

Deo, quia est actus virtutis, quæ dicitur religio: 3. *De bono*, quod nempe de re Deo grata esse debeat, cum votum in illius honorem emittatur: 4. *De meliori bono*, id est, quod majus non impediatur; hinc concluditur, nullum fore votum ejus, qui matrimonium voveret.

CONCL. 1. Multiplex est voti divisio.

Probatur. Votum dividitur 1. in absolutum & conditionatum. Illud emittitur absque ulla conditione, istud vero aliquam conditionem præsupponit. Hujus generis sunt, quæ a periclitantibus fieri solent; ajunt enim: Si evasero, ibo visum limina Apostolorum, dabo nomen approbatæ religioni. Vovens non tenetur voto conditionato, nec etiam absoluto, si ad eorum executionem aliquid ab eo independens necessario præsupponatur; sic qui vovit se convolaturum ad Carthusianos, voti liber est, si Carthusiani illum admittere detrectent: e contra qui promissit se daturum nomen alicui religioni approbatæ, nullam in particulari determinans, voto tenetur, ut ait S. Thomas, quamvis ab aliquibus religionibus repudiam passus fuerit.

2. Votum dividitur in Personale, Reale, & Mixtum. Prius est illud, quo persona, vel actio illius vovetur. Alterum, quo nec persona, nec ejus actio, sed ejus tantum res vovetur. Tertium denique, quo & persona, vel ejus actio & illius bona promittuntur.

3. Dividitur in Expressum seu Explicitum, & in Tacitum sive Implicitum. Istius speciei est votum continentie, quod emittitur ab iis, qui subdiaconi consecrantur: Ejus quoque generis erat olim votum Monachismi, dum scilicet quis habitum monachalem induebat.

4. Dividitur in Perpetuum, quod fit absque temporis limitatione, ut votum castitatis in totam vitam; & in temporale, quod emittitur ad certum, & determinatum tempus; hujusmodi est quo quis abstinentiam a piscibus pro quadragesimali tempore pollicetur.

5. Denique dividitur in Sollemne, & Simplex; istud, sponsalibus (inquit Basilii de virginitate) illud vero, matrimonio correspondet; unde præter promissionem, (ait Innocentius Papa I. Epistola 2. cap. 12. & 13.) personæ voventis actualem traditionem, & institutas ab Ecclesia sollempnitates includit. Vota sollempnia tria numerantur, ex quibus secundum institutionem Ecclesiæ professio religiosa constat, scilicet vota Paupertatis, Castitatis, & Obedientiæ. Votum paupertatis est quo aliquis possellis & possidendis huiusmodi remittit, ut instar pauperum vivat absque divitiis, absque splendore, absque superfluis rerum commodis, absque aliqua rei cujuscumque proprietate. Votum continentie est illud, quo quis non solum matrimonio renuntiat, sed etiam omni carnali copulæ, & omni carnis inquinamento.

Votum obedientie est, quo quis voluntatè propriæ renuntiat, ut præpositi sui nutibus obtemperet, non simpliciter quidem, sed secundum regulam quam profitetur. Emittunt obedientie votum sacerdotes in sua ordinatione; unde jure divino tenentur suis Episcopis morem gerere in iis, quæ ad Ecclesiæ utilitatem spectant, servatis tamen regulis quas jura & leges præscribunt.

§. II. De materia & forma voti.

CONCL. 1. Materia voti non est 1. res illicita: 2. nec indifferens: sed est bonum possibile ac liberum.

Probatur prima pars, ex eo quod res illicita Deo displiceat. Hinc Jephthæ, de quo Judicum 11. qui voverat occisionem ejus, qui primus ei post relatam ex Ammonitis victoriam occurrisset, nec debuit, nec potuit interficere filiam, quæ prior occurrit. Altera pars ex eo colligitur, quod ex re indifferenti nihil Deo gloriæ accrescat. Tertia vero ex eo quod stultum sit ea promittere, quæ penes promittentem nec sunt, nec esse possunt; hinc irritum est votum de non peccando etiam venialiter. 4. Denique ex eo colligitur, quod ea quæ necessario futura sunt, stulte promittantur: hinc quis vovere non potest se moriturum. Possunt tamen voveri ea, quæ jam alio titulo debentur: unde Augustinus docet, impudicum posse castitatem vovere, quamvis aliunde, & naturali & divino jure ad eam tenetur.

CONCL. 2. Forma voti non est voluntas adimplendi, quod promissum est; sed est voluntas promittendi, id est, voluntas proferendi verba eo modo, quo fides solet oppignorari.

Probatur prima pars. Promissio & ejus executio a se invicem distinguuntur; proindeque votum non est positum in voluntate adimplendi, quæ promissa sunt.

Altera pars colligitur 1. ex S. Thoma qui 2. 2. q. 99. art. 4. ad 4. docet, promissionem juratam non solvi per retentionem intentionis. 2. ex eo quod verba, quæ instituta sunt ad significandum mentis conceptum, etiam coram Deo obligent, si voluntarie & serio proferantur. 3. Alioquin fraus & dolus impiis voventibus sæpe patrocinarentur: vota nimirum in fraudem Ecclesiæ fingere possent, quod est absurdum.

§. III. De iis, qui vovere possunt.

CONCL. 1. Subiectum voti est homo qui ratione fruitur, & sui juris est.

Probatur prima pars: 1. Ex jure Canonico, quo nulla & irrita declarantur vota emissæ ante pubertatis annum, id est, duodecimum completum in puellis, & decimumquartum in viris. 2. Votum est essentialiter voluntaria promissio; hinc pueri, amantes, & furiosi,

& furiosi, voti cujuslibet sunt incapaces: nec immerito, cum votum sit actus virtutis, qui libertatem in operante necessario praeponit.

Probatur altera pars 1. ex Scriptura. Numerorum 30. mandatur, quod si puella in domo patris sui, & adhuc existens in puellari aetate, quidpiam voverit, rea voti non teneatur; nisi illius pater consenserit: idem quoque de muliere conjugata dicitur; 2. ex eo quod promitti non possit, quod alterius est, quam promittentis, hoc est, quod est in aliena potestate: Ergo in iis, in quibus aliquis subditus est alteri, votum stare non potest. Hinc infertur 1. Monachum vovere non posse horarum, vel precum aliquarum recitationem, quia nullum est tempus, quo Praelatus non possit ei aliquid praecipere, quod cum ejusmodi precibus componi non valeat. Infertur 2. nec uxorem sine consensu viri, nec puellam sine consensu patris aliquid ex iis, quae ad dispensationem domesticam spectant, posse Deo promittere; quamvis vovere possint ea, quae ad propriam personam pertinent. Puella enim post expletum pubertatis annum potest vovere castitatem, sicut mulier eandem vovere potest, sed quam post mariti obitum servatura sit.

Quaeres 1. utrum pueri teneantur implere vota, quae illorum nomine parentes emisserint; nec non heredes vota eorum, quorum facultates adierunt?

Resp. ad primum, negative, si pueri post annum pubertatis emissa pro se a parentibus vota suo assensu non firmaverint. Resp. ad secundum, affirmative, si illa vota sint realia, non autem si personalia extiterint.

Quaeres 2. an vota ex metu emissa valeant?

Resp. 1. valere, si metus usum rationis non tollat, & sit a causa extrinseca: hinc valent vota eorum, qui metu naufragii pium aliquod opus Deo promittunt. Resp. 2. ea valere quoque si metus iuste incussus fuerit; hinc voto tenetur mulier lapsa, quae sororum poenitentium religioni dat nomen, ut poenam suo crimini debitam declinet. Resp. 3. non valere si iniuste incussus fuerit idem metus, idque ex jure positivo vota sic emissa irritante; si tamen per quinquennium non reclamavit, qui per viam professus est in aliquo monasterio; tenetur reus voti, eo quod silentium illud sit ad votum prius exterius emissum virtualis consensus.

Quaeres 3. Quid de votis, quae quis ex ignorantia emisit, sentiendum sit?

Resp. ignorantiam culpabilem non eximere a voto: hinc qui temere voverit, rei sunt, si votum non impleant. Resp. 2. ignorantiam inculpabilem liberare a voto: hinc multi monachi non tenentur observare regulam in iis, quae non sunt contra substantiam votorum, sed tantum tenentur servare eam, prout a piis

alioquin monachis observari videbant, dum voverent.

§. IV. De Votorum effectibus, & modis, quibus mutari possunt.

CONCL. 1. Multiplices sunt voti effectus.

Probatur enumeratione 1. Vota ligant, Eccl. 5. *Quodcumque voveris, redde*; idque multo magis quam promissio hominibus facta. Hinc mortaliter peccant, qui vota non implent; nisi tamen res promissa parvi sit momenti, ut est recitatio Angelicarum salutationis.

2. Votum efficit, ut actus sit magis meritorius, quia efficit, ut a religione, quae ceteris virtutibus moralibus praestantior est, imperetur.

3. Si sit sollemne irritum reddit subsequens matrimonium, non quidem jure naturali, sed canonico; ut in commentario nostro historico, & dogmatico de Sacramentis ostendimus.

CONCL. 2. Vota variis modis mutari possunt.

Probatur. Vota mutari possunt per irrationem; per eam enim (ut supra offensum fuit) votum ejus, qui in alterius est potestate, nullum redditur.

1. Per commutationem, qua nimirum voti materia in aliam permutatur; a quolibet quidem, si sit in meliorem; a superiore vero, si sit in inaequalem, aut minorem, juxta haec S. Thomae verba 2. 2. q. 88. art. 12. *Praelatus in Ecclesia gerit vices Dei, & ideo in commutatione, vel dispensatione votorum requiritur Praelati auctoritas, qui in persona Dei determinet, quid sit Deo acceptum.*

3. Mutari possunt per dispensationem, qua fit, ut id quod erat materia voti, propter novam aliquam circumstantiam desinat esse illius materia; vel quia sit malum, vel indifferens, vel impeditivum majoris boni. *Non est voti dicendus transgressor, inquit Innocentius Papa III. l. 3. Decretalium, tit. 34. c. 5. qui quod vovit, auctoritate Sedis Apostolica distulit adimplere. Sane significavit nobis Rex Hungariae, quod, cum in regni perturbatione consilium & auxilium suum sibi senserit hactenus profuisse, utilitati ejus non modicum derogaret, si Jerusalem, sicut ex voto teneret, regno pergeret impacato. Ad hoc ut licita sit tam ex parte dantis, quam ex parte recipientis dispensatio, necesse est, ut fiat ex causa certo justa, aut saltem de qua dubium est, an justa sit: Ideo (ait laudatus Angelicus Doctor, art. 12. q. 88. ad 2.) in manifestis dispensatio Praelati non excusaret a culpa, puta si Praelatus dispensaret cum aliquo super voto de ingressu religionis, nulla apparente causa obstante. Justae autem dispensationis causae sunt. 1. majus Ecclesiae bonum. 2. defectus requisitae considerationis in emissionem voti, qui quidem defectus plerumque occurrit in iis, quos vel morbus premit, vel urget metus impendentis gravis alicujus*

mali . 3. impossibilitas ex parte materiæ , ut sit in iis , qui ante morbum votum de jejuni-
nio emiserunt .

Quæres 1. quoniam sit Prælati , ad quem
votorum dispensatio spectat?

Resp. 1. Tria esse vota , in quibus solus
Romanus Pontifex , ordinariæ , non quidem
ex aliquo iure scripto , sed ex consuetudine ,
quæ æquivaleret reservationi virtuali , potest
dispensare . Ea autem vota sunt . 1. votum
castitatis perpetuæ ; 2. votum dandi nomen
religioni approbatæ ; 3. votum peregrinationis
ad limina Apostolorum , ad S. Jacobum ,
ad urbem Hierosolymitanam .

Sed advertendum est 1. in voto peregrina-
tionis huiusmodi , dispensandi facultatem re-
servatam non esse respectu Episcoporum , qui
jure communi utuntur ; sed eorum tantum
quibus olim consuetudo erat non ex iure
communi , seu ex privilegio , dispensare :
alicubi tamen usus contrarius invaluit : ideo-
que servandus . Observandum est 2. circa
votum castitatis perpetuæ , Episcopum dis-
pensare posse in aliquibus casibus , nempe
si vovens post votum contraxit matrimonium ,
sive matrimonium fuerit consummatum , sive
non ; modo tamen ad Romanum Pontificem
facilis aditus non pateat ; si imminet peri-
culum infamiae , vel incontinentiæ ; si ex in-
iusto metu votum emissum fuerit ; si voti con-
ditio nondum impleta fuerit .

Resp. 2. in aliis a mox relatis votis Episco-
pum posse dispensare , v. gr. a voto Religionis
non approbatæ a Summo Pontifice , a voto ca-
stitatis non perpetuæ , a voto abstinendi ab usu
matrimonii , a voto austerioris Religionis .

Quæres 2. an Romanus Pontifex possit dispen-
sare circa votum sollemne castitatis , seu emissum
in approbata per Ecclesiam religione?

Respondet S. Thomas negative , eo quod ,
inquit , illud votum sit quædam spiritualis con-
secratio personæ : consecrationes autem tolli
non possunt a suis subjectis sine eorum destru-
ctione , ut in vase sacro videre est .

Respondet contra Scotus affirmative : Con-
tendit nimirum , votum sollemne castitatis non
differre essentialiter a voto simplici , sed
tantum accidentaliter , nempe penes sollem-
nitatem , quam asserit iuris esse Ecclesiasti-
ci . Unde concludit quod sicut Ecclesia po-
test in voto simplici dispensare , ita & in vo-
to sollemni .

Q U Æ S T I O III.

De Fortitudine .

CONCL. 1. Fortitudo definitur Virtus coer-
citiva timoris , & audaciæ moderativa
instantibus periculis .

Probatur 1. Fortitudo est virtus specialis ,
cum specialem honestatem , nempe firmitatem

in suscipiendis periculis , & in laboribus to-
lerandis constantiam includat . 2. Dicitur vir-
tus *coercitiva timoris* , impedit nimirum , ne
periculorum timor mentem perturbet , aut
voluntatem ad aliquid indecorum determinet .
3. Dicitur quoque *moderativa audaciæ* , eo
quod comprimat temeritatem ; efficit nempe ,
ne quis plus tentet , quam suadet re-
cta ratio . 4. Ubi nulla sunt pericula locum
non habet fortitudo , cum circa specialem
difficultatem superandam versetur .

CONCLUSIO 2. Objectum materiale forti-
tudinis sunt pericula & labores , formale
vero est difficultas superandi pericula & to-
lerandi labores .

Probatur prima pars ex eo quod fortitudo
circa pericula , & labores tota versetur , ut
supra dictum est . Altera vero pars ex di-
ctis quoque sequitur ; in periculis nimirum
adeundis , & tolerandis laboribus , fortitudo
difficultatem specialiter attingit .

CONCL. 3. Subjectum immediatum forti-
tudinis est voluntas prout est appetitus sensitivus
irascibilis .

Probatur ex eo quod fortitudinis virtus resi-
deat in anima , prout tendit ad bonum ar-
duum , fugitque grave aliquod malum . Sed
anima sic considerata , est idem cum appe-
titu sensitivo irascibili . Ita sentiunt Philoso-
phi , qui animæ potentias ab ipsa realiter non
distinguunt .

CONCLUSIO 4. Fortitudinis actio duo
sunt , Aggressio , & Perperessio .

Probatur . Ratio nonnunquam exigit , ut
qui bonum impugnant , arceantur : At arceri
non possunt , nisi per aggressiorem , quæ
fortis sit ac prudens . 2. Necessè est , ut su-
stineantur incommoda , quæ virum virtute
præditum sæpius premunt : proindeque opus
est illi perperessionis actu .

Quæres , in quo ex mox relatis actibus ma-
ior emineat fortitudo?

Respondet S. Thomas , perperessionem esse
actum aggressionem præstantiorem . Ratio est ,
quia difficilius est stare immotus in pericu-
lis , quam ipsa adire pericula . Nec mirum ;
malum enim præsens magis movet , quam
futurum . Ex illo principio S. Doctor con-
cludit , martyrium esse fortitudinis actum
præstantissimum ; quippe quod non in aggres-
sione , sed in perperessione totum positum sit .

CONCLUSIO 5. Quatuor sunt virtutes For-
titudini annexæ , Magnanimitas nimirum , Ma-
gnificentiæ , Patientia , Perseverantia .

Probatur . Quatuor illæ virtutes in rebus dif-
ficilibus ad fortitudinis exercitium requirun-
tur . Nam 1. ex parte Aggressionis , neces-
sè est , ut vir fortis magno sit animo , ut ardua
intrepide tentet ; illum autem animum Magna-
nimitas tribuit . Requiritur quoque , ut non
deficiat , cum difficilia mandat executioni ;
proindeque ei opus est Magnificentiæ , quæ de-

definitur virtus magnorum operum effectiva. 2. Ex parte Sastinentie seu Perpetuationis requiritur, ut animus difficultate malorum presentium per tristitiam non frangatur: at ea in malis constantia non habetur, nisi per patientiam. 3. Tandem requiritur, ut vir fortis ex sua constantia, diuturniori difficultum passione victus non excidat: sed id habet tantum per perseverantiam. Ergo Magnanimitas, Magnificentia, Patientia, & Perseverantia sunt quatuor virtutes, quæ fortitudini annexæ sunt. Vide apud S. Thomam fusius pertractata, quæ hic de fortitudine, annexisque illi virtutibus a nobis compendiose tradita sunt.

Q U Æ S T I O IV.

De Temperantia.

Not. **H**IC dicemus 1. de essentia & objecto Temperantiæ: 2. de variis illius speciebus: 3. de virtutibus ei annexis: 4. de jejuniis, quod ad eam tanquam effectus ad causam reducitur.

C A P U T PRIMUM.

De essentia & objecto Temperantiæ.

CONCL. 1. Temperantia definitur, Virtus quæ moderatur usum rerum, quæ ad delectationem movent.

Explicatur definitio. Temperantia 1. dicitur moderari, non vero omnino tollere omnem usum delectabilium: peccaret nimirum contra rationem, qui nec cibo, nec potu uti vellet; peccaret pariter conjugatus, qui debitum reddere detrectaret. 2. Dicitur moderari usum, non vero affectum seu amorem delectabilium; amor quippe delectabilium propter se rectæ rationi repugnat, cum ratio doceat, in omnibus operibus deliberatis quærendam esse honestatem. 3. Temperantia dicitur moderari usum rerum, quæ sensus ad delectationem movent, eo quod id, quo omnes etiam spirituales actus humani in debita mensura continentur, non sit habitus specialis, ut est Temperantiæ virtus; sed conditio essentialis cuilibet virtuti morali, cum sit de illius essentia, ut in mediocritate consistat.

CONCL. 2. Objectum materiale Temperantiæ sunt omnes delectationes corporeæ, sed præsertim eæ quæ ex cibo, potu, rebus venereis percipiuntur: Objectum vero formale, est earundem delectationum usus honestus.

Probatur prima pars. Temperantia circa omnes delectationes sensuum versatur; est enim in illorum usu specialis superanda difficultas, cum sit periculum, ne homo illis aut utatur præter modum, aut propter finem indebitum.

Alterâ pars patet ex eo, quod cibis, potibus, rei venereæ usus, intensiorem & su-

viorem excitent sensationem in anima, quam ceteræ res delectabiles. Tertia tandem pars colligitur ex eo, quod Temperantia non ad aliud inclinet, quam ad delectabilium usum honestum, seu rationi consentaneum: per hoc enim a ceteris virtutibus cardinalibus differt. In quo autem positus sit ille usus honestus, docet Augustinus libro de moribus Ecclesiæ cap. 21. ubi sic loquitur: *Habet vir temperans in rebus mortalibus, & fluentibus, vitam regulam, ut eorum nihil diligat, nihil per se appetendum putet; sed ad vitam hujus, atque officiorum necessitatem, quantum satis est, usurpet utentis modestiam, non amantis affectum.*

C A P U T II.

De variis Temperantiæ speciebus & virtutibus illi annexis.

CONCL. 1. quatuor sunt Temperantiæ species, Castitas, Pudicitia, Abstinencia, & Sobrietas.

Probatur. Multiplicantur generis alicujus species secundum diversa specie objecta, quæ ab illo genere attinguntur: Sed temperantia quatuor objecta specie diversa attingit; 1. enim moderatur actum conjugalem, 2. actiones quæ ad illum ordinantur, ut sunt tactus, & oscula: 3. delectationes quæ ex alimentis percipiuntur; 4. delectationes ad quas potus movet. Castitas est species temperantiæ consideratæ secundum priorem respectum; pudicitia secundum alterum: abstinencia secundum tertium: & sobrietas secundum quartum.

Quæres, quotuplex sit castitatis status?

Resp. triplicem esse, conjugalem nempe; vidualem, & virginalem. Castitas conjugalitatis est donum Dei, quo venereorum usus intra conjugii limites coercetur. Libido quæ in illo usu reperitur, mala est; unde ejus experimentum voluntarium illicitum est, nisi siue honesto compensetur, generatione scilicet filiorum, & debiti redditione. Immunis non est conjugalitatis castitas a variis ærumnis: scilicet conjugatos carnis tribulationem pati, docet Apostolus 1. ad Corinth. 7. Posita est autem tribulatio illa carnis insuspicionibus zeli conjugalitatis, in procreandis nutriendisque filiis, in timoribus & mœroribus orbitatis, &c.

Vidualis castitas est Dei donum, quo quis in perpetuum respuit veneris illecebras, quas expertus est sive licite sive illicite: qui enim vult nubere, corpore viduus est, non animo.

Virginale castitas definitur, donum Dei, quo quis animæ & corporis integritatem Deo consecravimus. Non amittitur per quodlibet experimentum venereæ voluptatis; potest quippe contingere, ut virgo sit quæ voluptatem veneream passa sit, sive dormiendo, sive per violentiam barbaricam,

ut

ut ait August. lib. 1. de Civit. Dei, c. 25. Sed; teste eodem Augustino, servata etiam corporis integritate, deperditur ab eo qui vel semel venereæ voluptati consensum præbet: Neque enim (ait S. Doctor) virgo est, quæ ad deceptorem suum vitianda pergit.

CONCLUSIO 1. Tres sunt virtutes, quæ temperantiæ sunt annexæ, mansuetudo, clementia, & modestia.

Probatur 1. auctoritate S. Thomæ, qui tres illas virtutes ad temperantiam reducit. 2. Illæ virtutes annexæ sunt temperantiæ, quæ in objectis, circa quæ versantur, imitantur modum, quem temperantia circa propriam materiam servat: Atqui mansuetudo, clementia, & modestia modum illum imitantur: Sicut enim temperantia comprimit passionem, quæ sunt circa delectabilia, ita mansuetudo, clementia, & modestia iis modum præscribunt, quæ sunt circa actiones externas. Mansuetudo quippe sic iram coercet, ut non sinat eam exurgere, nisi cum oportet, & sicut oportet, seu ea mensura ac ordine, quibus fuerit necessarium. Clementia vindictam refrænat, ne scilicet exiliat extra fines debitos, nonnihilque minuit ex pœna quæ reo debetur. Modestia modum statuit, quem quis servare debeat in humanis affectibus & actibus externis, cujusmodi sunt corporis gestus, cultus, vestitus.

Quæres 1. num mulieres peccent exterioribus cultu & ornatu, quem præferunt?

Respondet S. Thomas 2. 2. qu. 169. art. 2. his verbis: *Potest mulier licite operam dare ad hoc quod viro suo placeat, ne per ejus contemptum in adulterium labatur... Et ideo si mulier conjugata ad hoc se ornet, ut viro suo placeat, potest hoc facere absque peccato. Illæ autem mulieres quæ viros non habent, nec volunt habere, vel sunt in statu non habendi, non possunt absque peccato appetere placere virorum aspectibus ad concupiscendum, quia hoc est dare eis incentivum peccandi. Et, si quis daret hoc intentione se ornent, ut alios provocent ad concupiscentiam, mortaliter peccant: Si autem ex quadam levitate, vel etiam ex quadam vanitate propter jactantiam quamdam, non semper est peccatum mortale, sed quandoque veniale. Et eadem ratio, quantum ad hoc, est de viris. Hactenus S. Doctor.*

Respondet his verbis ad idem quæsitum S. Carolus in instructionibus, quas pro Confessariis edidit: *Si quis vestitu splendidiore induitur, vel eo se ornat ob finem peccati mortalis, utique mortaliter peccat. 2. Qui sumptuosius vestimenti gratia vel ipse delinquit, vel alii ejus nomine præceptum Domini vel Ecclesiæ transgrediuntur. 3. Si causam præstet conjugii, ut ad quos spectat ejus sustentatio, ut plusquam privata opes ferunt, in vestitum impendant. 4. His addo eos, qui ornatus gratia, non sine peccato mortali superseant elemosynis Juven. Instit. Theol. Tom. III.*

necessariis, aut legatis plæ non raquantur; aut similia, quibus obstricti sunt, complere negligunt. 5. Qui pro veste mercedem operantis denegant solvere, vel differunt. 6. Qui are alieno sic se obruunt, ut cum tempore, solvendo parci non sint futuri. 7. In hoc ordine ponendi sunt, qui ut se splendide vestiant, discrimen proximo notabile inferunt. 8. Qui ita se exhauriunt, ut filias, cum ad ætatem nubilem pervenerint, in matrimonio collocare non possint. 9. Non solum mortaliter peccatur, cum facta expensæ in vestes, ordinem & facultatem domesticarum excedunt, verum etiam peccatum committitur in modo se se exornandi. Quid enim si ornatus ad lasciviam pertrahat, ut revera per se pertrahunt mulierum reseratae sinus, detecta contra modestiam brachia, ceteraque ejusmodi corporis nuditates?

CAPUT IV.

De Jejunio.

Not. **O** Uzremus hic 1. utrum jejunium sit aliquo jure præceptum: 2. utrum omnes jejunii lege teneantur: 3. an unica in die refectio ad jejunium requiratur: 4. quæ diei hora jejunium frangere liceat: 5. an jejunantes, carnibus, ovis, lacticiis convenienter interdican- tur.

ARTICULUS I.

Quo jure jejunium præcipitur, & quoniam ad illud teneantur.

CONCL. 1. Jure naturali & Ecclesiastico jejunium præcipitur.

Probatur prior pars ratione S. Thomæ. Jure naturali quisque tenetur satisfacere pro peccatis præteritis, temperare a futuris, & spiritalia meditari. Ergo si ad ea necessarium sit jejunium, ut est aliquorum hominum respectu, jure naturali præcipitur.

Probatur altera pars ex variis legibus, quas Ecclesia de jejunio sancivit, quasque in jure canonico legere est. Ex autem leges, licet humanæ, fideles in conscientia ligant, ut harum Instit. tomo 1. ostensum est.

Quæres, quænam tempora jejunii Ecclesia destinavit?

Resp. 1. destinatum fuisse Quadragesimale tempus ex traditione Apostolica. Ratio est, quia Quadragesimale jejunium quovis sæculo observatum fuit a fidelibus, nec illius initium aliquo in Concilio reperitur: ab Apostolis igitur fuit determinatum, juxta regulam, quam Augustinus tradidit Epist. 118.

Resp. 2. quatuor anni tempora, quæ Ministrorū

E c

con-

consecrationem præcedunt, merito fuisse jejuniis destinata, tum ut singulæ anni partes poenitentia consecrentur, tum ut pio illo opere moveatur Deus, ut optimos in messem suam operarios mittat.

CONCL. 2. Omnes fideles jejunii lege tenentur, nisi tamen adsit justa causa quæ ab ea lege quæpiam eximat.

Probatur prima pars ex eo, quod leges ferantur secundum quod multitudini conveniunt. Unde legislator in eis statuendis attendit id quod communiter & in pluribus accidit.

Probatur altera pars ex eo, quod mens legislatoris humani non sit ad ea obligare, quorum executionem æqua ac rationabilis causa impedit. Unde tunc iis in casibus non ligat jejunii lex, in quibus legislator eam non tulisset, si menti casus hujusmodi occurrissent.

Quæres, quinam lege jejunii eximantur?

Resp. a lege communis jejunii immunes esse 1. pueros usque ad tertium septennium: *Quamdiu (inquit S. Thomas) sunt in statu augmenti, quod est ut in pluribus usque ad finem tertii septennii, non tenentur ad Ecclesiastica jejunia observanda. Conveniens tamen est, ut etiam in hoc tempore se ab jejunando exerceant plus vel minus secundum modum suæ ætatis.* Dictum est in responsione, pueros eximi a lege communis jejunii, non vero specialis, quod ipsis etiam pueris præcipitur, ut magna, quæ impendet, calamitas avertatur: *Quandoque tamen (inquit Angelicus Doctor) magna tribulatione imminente, in signum poenitentiaæ arctioris etiam pueris jejunia indicuntur.*

2. Peregrinantes & operarii eximuntur a lege jejunii, cum tantus est eorum labor, ut sine valetudinis detrimento observari non possit; si tamen iter susceptum fuerit voluntatis causa, aut labor differri possit sine detrimento, nec peregrini, nec artifices jejunii legeliberantur. *Dicendum (inquit S. Thomas) quod circa peregrinos & operarios distinguendum videtur, quia si peregrinatio & operis labor commode differri possit, aut dimitti absque detrimento corporalis salutis & exterioris status, qui requiritur ad conservationem corporalis vel spiritualis vitæ, non sunt propter hoc Ecclesiæ jejunia prætermittenda.* Hinc colligitur, Ecclesiasticæ legis reos esse Pictores, Tonfores, Sutores, alique hujus generis artifices, quorum gravia non sunt opera, cum non jejunant. Ejusdem peccati conscia sunt mulieres, quæ non jejunant, quod capite (ut ajunt) nonnunquam laborent; quod non dormiant, si incœnatæ decumbant; & a fortiori, quod e sua forma exteriori, quam depereunt, per jejunium excedant. Nec aut molliores Confessarii, aut impii Medici, qui illis lenocuantur, eas in foro conscientiaæ tutas efficiunt.

3. Jejunii lege liberantur pauperes qui o-

stiatum victum quærunt, quod nempe ipsis cibi ad unam, quæ honesta sit, refectioem satis non sit. *Pauperes (ait S. Thomas) qui possunt sufficienter habere, quod eis sufficiat ad unam comestione, non excusantur propter paupertatem a jejuniis Ecclesiæ, a quibus tamen excusari videntur illi qui frustratim elemosynas mendicant, qui non possunt simul habere, quod eis ad victum sufficiat.*

4. Mulieres prægnantes, aut nutrices, lege juniorum eximuntur; ne scilicet jejunium fœtui, aut parvulo lactenti noceat.

Quæres 2. num quisque se ipsum a jejunio eximere valeat, cum causam adesse judicat?

Respondet S. Thomas his verbis: *Si causa sit evidens, ut est gravis morbus, aut opus valde laboriosum, per se ipsum licite potest homo statuti observantiam præterire, præsertim consuetudine interveniente, vel si non posset de facili recursus ad Superiorem haberi. Si vero causa sit dubia, debet aliquis ad Superiorem recurrere, qui habet potestatem in talibus dispensandi.*

ARTICULUS II.

An unica in die refectio ad jejunium requiratur, & qua hora solvi possit.

CONCLUSIO 1. Unica in die refectio ad jejunium requiritur.

Probatur. Id in jejuniis semper fuit observatum, tum apud Latinos, tum apud Græcos, ut unica in die refectio sumeretur: Illius usus meminit S. Thomas 2. 1. quæst. 146. art. 6. ubi sic loquitur: *Ecclesiæ moderamine statutum est, ut semel in die a jejunantibus comedatur.*

Hanc rationem reddit S. Doctor, quod nempe unica comestione concupiscentia refrænetur quidem, sed tamen naturæ infirmitati consulatur. Eidem consuetudini patrocinatur illis, quam sæculo undecimo Latini Græcis intentarunt, quod serotinis horis cœnulam ex herbis & fructibus pararent.

Obijcies 1. Aliquibus ab hinc sæculis usus apud Latinos invaluit, ut sub vespere præter solitam hora meridiana comestione, serotinis horis cœnula utantur: ergo altera comestione jejunium non solvitur.

Resp. cœnulam illam tolerari ab Ecclesia, cujus quidem multis sæculis firmata consuetudo, optima est legum interpret. Sed monendi sunt fideles, eam cœnulam debere esse parcissimam, quippe quæ adhibeatur ad refrigerium potius quam ad sustentationem: unde S. Carolus hunc illius modum figit, *Act. Mediol. pag. 812. Semel tantum in die post meridiem cibum capiant. Quod si aliquid alicui amplius erit, vespere panis unicam cum dimidia & vini peculium capere liceat.*

Hinc

Hinc concluditur 1. ferri non debere hoc cuiusdam recentioris assertum: nempe ad colationem serotinam posse licite sumi quartam partem eorum, quae jejunanti sufficiunt ad prandium, seu iustam refectioem cujuscunque cibi, seu panis, seu fructuum, seu piscium.

Colligitur 2. non accurate servari jejunii leges ab iis qui hauriunt in cœnula julecula ex iis expressa, quæ maxime nutriunt, quæque propter spiritus, quibus abundant, multæ ciborum copiarum adinstar sunt.

Objicies 2. Aliquorum Casuistarum dogma est, non frangi jejunium per iteratas in die plures cœnulas: ergo &c.

Resp. proscriptam fuisse illorum Casuistarum doctrinam, quippe quod subsequenter propositionem Alexander Papa VII. damnavit: *In die jejunit qui saepius modicum quid comedit, etiamsi notabilem quantitatem in fine comederit, non frangit jejunium.*

Objicies 3. Electuariis pluries in die uti licet absque jejunii dispendio, ut his verbis docet S. Thomas: *Non solum jejunium, sicut nec aliarum medicinarum assumptio.* Idem S. Doctor asserit, potum post & ante sumptam comestionem, jejuniorum diebus nequaquam prohiberi; sic enim loquitur: *Non intendit Ecclesia interdicare abstinentiam potus... Et ideo licet pluries jejunantibus bibere.*

Resp. supponere S. Doctorem electuaria ebibi in pacissima quantitate & cum necessitate, ita ut sint loco medicina decoquendis cibis necessaria: hæc enim habet: *Esti. forte aliquis in fraudem electuaria in magna quantitate assumat per modum cibi.* Uade colligitur, peccare contra jejunii legem eos omnes, quibus electuaria ad ciborum decoctionem non sunt necessaria.

Resp. ad secundum, S. Thomam de eo tantum potu loqui, qui parum nutrit, ut est aqua, quique (ut ipsemet loquitur) non ad nutritionem, sed ad alterationem corporis & digestionem ciborum assumptorum assumitur. Hinc patet, eos a S. Doctoris mente alienos esse, qui censent, hâsto pluries vino, etiam usque ad ebrietatem, peccari quidem contra virtutem temperantiæ, non vero contra jejunii leges.

CONCL. 2. Non licet solvere jejunium nisi circiter horam meridianam, seu juxta antiquum Romanum computum, ante horam sextam aut circiter.

Probatur ex eo quod sic ferat, quæ nunc servatur, Ecclesiæ consuetudo: quæ quidem ab antiquo more plurimum distat est, cum certum sit, majores nostros aut ad solis occasum, aut ad horam nonam, quæ tertia est pomeridiana, suum jejunium protulisse. *Hærenus* (inquit S. Bernardus serm. 3. de Quadragesima) *usque ad horam nonam jejunamus soli.* Nunc usque ad vesperam jejunamus nobiscum universi, Reges & Prin-

cipes, Clerus & populus, nobiles, & ignobiles, simul in unum dives & pauper.

Ex his patet, decipi eos, qui jentaculum matutinis horis adhibent, & comestionem amplissimam sub vesperam parant.

Patet 2. plerasque mulieres ex jejunio parum fructus percipere: quamvis enim ipsum ante meridiem non solvant, nec quoad illud caput peccent contra Ecclesiasticam legem, toto mane indulgent somno, proindeque nihil debilitationis, aut mortificationis eis accidit ex jejunio, licetque Ecclesia in iis mulieribus sine suo, libidinem nempe per carnis mortificationem comprimendi, frustratur.

ARTICULUS III.

Quibus cibis jejuniorum diebus uti liceat.

CONCL. Jejunantes, carnibus, ovis, ac lacticiis interdiciuntur.

Probatur ex Ecclesiæ legibus, quas fufius pertractatas legere est apud Thomasin nostrum libro accuratissimo ac doctissimo, quem de jejniis conscripsit. Nec illæ leges per non usum evanuerunt, ut colligitur ex hac propositione, quam Alexander Papa VII. damnavit: *Non est evidens, consuetudinem non comedendi ova & lacticia in quadragesima obligare.*

Probatur 2. ratione Sancti Thomæ. Jejunium (inquit art. 8.) ab Ecclesiâ institutum est ad reprimendas concupiscentias carnis: quæ quidem sunt delectabilia secundum tactum, quæ consiliunt in cibis & venereis. Et ideo illos cibos jejunanti interdixit, qui & in comedendo maxime habent delectationem, & iterum maxime ad venerem provocant; hujusmodi autem esse carnes, ova, ac lacticia, S. Doctor contendit.

Quæres, an qui, urgente publica aliorum ciborum inopia, ab Episcopo dispensantur, ut jejuniorum diebus carnes manducent, aut (inquam) a jejunii lege liberentur?

Resp. negative. Ratio est, quia ii qui dispensantur, ut ovis ac lacticiis utantur, non ob id censentur eximi a jejunii lege: ergo nec ii quibus indulgetur, ut carnibus utantur. Præterea Ecclesiâ & jejunium & abstinentiam a carne prohibet: at is cui duplex opus impositum est, & qui uno ex iis per dispensationem liberatus est, non censetur alio liberari.

De jejunio, & cautionibus in illius dispensationibus concedendis, legenda sunt quæ S. Carolus in Conciliis Mediolanensibus statuit; legi quoque debet Instructio Pastoralis de quadragesimali jejunio, quæ ab Eminentiſſimo Cardinale DE NOAILLES, Archiepiscopo Parisiensis, hocce anno 1702. promulgata est.

Ec 2.

DIS.

DISSERTATIO SEXTA.

De peccatis in genere.

Not. IN hac dissertatione agemus 1. de essentia peccati: 2. de illius objecto: 3. de illius subiecto: 4. de causis illius: 5. de mutua ab invicem peccatorum distinctione: 6. de connexionione quam inter se habere possunt: 7. de illorum inæqualitate: 8. de illorum effectibus: 9. de varia illorum divisione: 10. Cleri Gallicani de peccatis doctrinam proponemus. Itaque dissertatio hæc decem quæstiones complectetur.

QUÆSTIO I.

De essentia peccati.

Not. CUM rei essentia in illius definitionibus posita sit, hic, ut peccati essentiam explicemus, operæ pretium est, ut varias illius definitiones a Patribus traditas proponamus.

CONCLUSIO 1. Peccatum in genere, recte definitur, Inordinatus sui & creaturarum amor.

Probatur ex Augustino, qui lib. 14. de Civitate Dei, cap. 18. sic loquitur: *Fecerunt civitates duas amores duo, terrenam scilicet amor sui usque ad contemptum Dei: celestem vero amor Dei usque ad contemptum sui.* Unde sic arguitur: Virtus, ex Augustino, posita est in amore Dei usque ad contemptum sui: ergo a contrario peccatum est amor sui usque ad contemptum Dei. Præterea, ex eodem Augustino, virtus non aliud est, quam ordo amoris, seu amor ordinatus: ergo a contrario, peccatum nihil aliud est, quam amor inordinatus.

Quæres, in quo posita sit amoris inordinatio?

Resp. positam esse in eo, quod aut diligantur quæ diligenda non sunt, aut non eo ordine diligantur quo sunt diligenda, aut ut utamur fruendis, aut utendis fruamur: quænam autem sint res quibus uti debemus, & quænam sint quibus fruendum est, seu quænam sint quæ propter alias amare debemus, & quænam quæ propter seipsas amari debent, docet Augustinus lib. 1. de doctrina Christiana, cap. 3. ubi sic loquitur: *Res ergo alie sunt, quibus fruendum est; alia, quibus utendum est; alia quæ fruuntur & utuntur. Illa, quibus fruendum est, beatorum nos faciunt (Pater nimirum, Filius, & Spiritus Sanctus, ut ibidem asserit Augustinus); istis quibus utendum est, tendentes ad beatitudinem, adjuvamus, & quasi adminiculamur, ut ad illa quæ nos beatos faciunt, pervenire atque inhaerere possimus.*

Quæres 2. utrum illa definitio conveniat omni & soli peccato?

Resp. affirmative. Et quidem convenit 1.

peccato personali, quod quidem cum sit actualis, aut habitualis conversio ad creaturam, est actualis, vel habitualis sui aut alterius creaturæ amor inordinatus. Convenit 2. peccato originali; ideo enim infantes, quibus nondum remissum est, sunt in statu peccati, quod habitualiter, inordinate, utpote amore prædominanti, seipsos diligant. Convenit 3. peccato, sive mortali, sive veniali. De mortali quidem id evidens est: de veniali vero facile probari potest: licet enim homo per peccatum veniale finem suum simpliciter ultimum, hoc est, finem ultimam totius vitæ, in creatura non constituat: constituit tamen finem ultimum secundum quid, hoc est, finem operis alicujus particularis, cum operi illi amore inhæreat, nec ad Deum, ut par est, illud referat.

CONCL. 2. Peccatum recte definitur: *Factum, dictum, vel concupitum contra æternam Dei legem.*

Probatur 1. ex Augustino, a quo conceptis terminis libro 22. contra Faustum, c. 17. traditur illa definitio. 2. Definitio illa convenit omni peccato materialiter sumpto: siquidem peccatum perficitur, vel opere, vel ore, vel mente, ac proinde materialiter sumptum, est vel factum, vel dictum, vel concupitum. Convenit quoque peccato sumpto secundum formale, hoc est, secundum malitiam quam includit: in eo nimirum posita est actus alicujus malitia, quod sit contra æternam Dei legem, id est, adversus legem quæ ordinem naturalem conservari jubet, perturbari vetat.

Obijcies 1. Ex Augustino lib. 1. Retract. c. 1. peccatum sola voluntate committitur: ergo peccatum non est factum, vel dictum, sed concupitum tantum.

Resp. dist. ant. Sola voluntate committitur, hoc est, non est peccatum, si non sit voluntarium, conc. ant. sola voluntate committitur, hoc est, non perficitur alio, quam voluntate, neg. ant. Ipse nimirum Augustinus non semel meminit peccati operis, oris, & eordis.

Obijcies 2. Peccatum originale non est aut factum, aut dictum, aut concupitum; neque enim infantes, quibus nondum per baptisma remissum est, capaces sunt aut facti, aut dicti, aut concupiti; ergo allata definitio non convenit omni peccato.

Resp. ad 1. neg. ant. Ad 2. dist. ant. Infantes per propriam voluntatem non sunt capaces alicujus vel facti, vel dicti, vel concupiti, conc. ant. per alienam voluntatem, Adami nimirum in quo peccaverunt, neg. ant. *Peccatum originale* (ait Augustinus lib. 1. Retractationum, c. 13.) *voluntarium dici poterit in parvulis, quia ex primi parentis voluntate contractum est, factumque quodam modo hereditarium.*

Obijcies

Objicies 3. Peccatum omissionis, est peccatum strictè ac propriè dictum: atqui allata definitio non convenit peccato omissionis; quod quidem tantum abest, ut sit factum, vel dictum, vel concupitum, quin e contra sit ommissio aut facti, aut dicti, aut concupiti: ergo allata peccati definitio non valet, cum definitio omni definito convenire debeat.

Resp. ad 1. conc. mai. neg. min. Ad 2. conc. ant. neg. conseq. Ratio est, quia (ut Logici docent) affirmatio & negatio ad idem genus reducuntur: unde qui dicit peccatum esse factum, vel dictum, vel concupitum, implicite complectitur omissionem facti, vel dicti, vel concupiti.

Objicies 4. Non est de essentia peccati, quod sit contra legem æternam: ergo immerito dicitur quod peccatum sit factum, vel dictum, vel concupitum contra æternam Dei legem. Probatur ant. Sunt actus aliqui, qui independentè ab æterna Dei lege sunt peccata, ut patet in odio Dei & in mendacio; quæ quidem sunt intrinsece mala, etiamsi considerentur in instanti rationis ante æternam Dei legem: ergo, &c.

Respondent nonnulli Thomistæ, odium Dei, & mendacium, in illo, quod supponitur, rationis instanti, non esse mala formaliter (ut vocant), sed tantum materialiter & fundamentaliter: in illo nimirum instanti (inquiunt) opposita sunt divinis perfectionibus, divinæ scilicet bonitati, & incommutabili illius veritati.

Respondent alii, quibus subscribimus, ad 1. neg. ant. Ad 2. neg. odium Dei, & mendacium, esse in instanti rationis ante æternam Dei legem peccata.

Ratio est, quia in illo instanti odium Dei, & mendacium non sunt contra regulam, non sunt contra rectum ordinem; cum ante legem æternam, nulla sit agendorum regula, nullus rerum ordo: ipsa enim est prima agendorum regula, ipsa est quæ ordinem naturalem constituit, jubet conservari, ac perturbari vetat.

Instabis. Augustinus lib. 1. de libro arbitrio cap. 3. approbat, quod Evodius dicit: Adulterium non ideo malum, quia prohibitum; sed ideo prohibitum, quia malum: ergo quidam sunt actus, qui in instanti rationis, ante legem æternam considerati, sunt peccata.

Resp. dist. ant. Non ideo malum, quia prohibitum lege positiva, conc. ant. quia prohibitum lege æterna, neg. ant. Scilicet Sanctus Augustinus agit eo loci de legibus humanis: unde querens adhuc c. 3. & 4. cur malum sit, respondet, ideo malum esse, quia libidine fit, id est, amore rerum, quas quisque in vatus amittere potest; libidinem vero asserit ideo malum esse, quia discordat ab æterna lege, qua nimirum justum est, ut omnia sint ordinatissima.

Juven. Instit. Theol. Tom. III.

Instabis iterum. Si Deus mendacium, aut libidinem non prohiberet æterna lege, adhuc tamen mendacium & libido essent in se mala: &c.

Resp. in ea suppositione mendacium & libidinem non fore mala, quia contra morum regulam non fierent; sicut enim linea curva esse non posset, si nulla esset rectitudo, a qua declinare posset; ita nec esset peccatum, si nulla esset lex a qua deficeret. Ex simili & falsa suppositione Augustinus in libro 3. de libero arbitrio, cap. 20. contendit, quod si concupiscentia & ignorantia a Deo essent, Deus non foret culpandus, sed laudandus: Si (inquit) *difficultas*, id est, infirmitas agendi bonum, quæ oritur ex concupiscentia, & *ignorantia*, essent *primordia nature*, non esset culpandus, sed laudandus Deus: Scilicet in ea falsa suppositione obsequi concupiscentiæ non esset peccatum; ac proinde Deus, si concupiscentiam indidisset homini, non foret auctor peccati.

Q U Æ S T I O I I

De materiali, formali, & subiecto peccati.

CONCLUSIO 1. Materiale peccati est quilibet actus humanus, formale vero est privatio debite rectitudinis.

Probatur prima pars. Illud est materiale peccati, ex quo peccatum physice constat: atqui peccatum physice constat ex actu humano; immo essentialiter est actus humanus, cui (ut mox dicitur) deest debita rectitudo: ergo actus humanus est materiale peccati.

Objicies 1. Peccatum omissionis est peccatum strictè sumptum: sed actus humanus non est illius materiale: siquidem excludit omnem actum, & in hoc differt a peccato commissionis; ergo materiale peccati non est actus humanus.

Resp. ad 1. neg. min. Ad 2. dist. ant. Peccatum omissionis excludit omnem actum a lege præceptum, conc. ant. omnem actum simpliciter, neg. ant. Hoc est, peccatum omissionis jejunii v. g. excludit quidem actum externum jejunii, lege præscriptum; sed non excludit actum, per quem eligitur ommissio jejunii.

Probatur altera pars ex dictis superius de actu humanorum malitia, quam quidem in mera debita rectitudinis privatione essentialiter esse positam asseruimus: Rectitudo autem illa, cujus peccatum est privatio, non est aliud, quam conformitas actus cum regulis morum, ut agentes de bonitate actuum humanorum suo loco diximus.

Objicies 2. Materia debet esse indifferens ad quamlibet formam, hoc est, debet per se esse apta ad recipiendam quamlibet formam: atqui datur aliquis actus humanus, qui

E c 3 non

CAPUT PRIMUM.

non est indifferens ad quamlibet formam moralem, seu & ad bonitatem, & ad malitiam; neque enim malitia potest inesse actui quo Deus amatur: ergo actus humanus non est materiale peccati.

Resp. ad 1. neg. min. Ad 2. dist. ant. Actui, quo Deus diligitur, non potest inesse malitia reduplicative, & specificè, prout est amor Dei, conc. ant. generice, & prout est actus humanus simpliciter, neg. antecedens: hoc est, amor Dei secundum suum genus, id est, prout est actus humanus deliberatus, indifferens est ad malitiam & bonitatem; ac proinde nihil impedit quin in omni peccato se se per modum materialis habeat.

Probatur altera pars ex dictis superius de malitia actuum humanorum, quam quidem in mera debita rectitudinis privatione essentialiter esse positam asseruimus. Rectitudo autem illa, cujus peccatum est privatio, non est aliud, quam conformitas actus cum regulis morum, ut agentes de bonitate actuum humanorum suo loco diximus.

CONCL. 2. Quælibet creatura rationalis, quam Deus nondum in bono confirmavit, est subiectum peccati.

Probatur. Nulla unquam creatura rationalis extitit hætenus, aut aliquando futura est, quæ in via non possit non peccare, immo quæ actu non peccaverit, una excepta Virgine Deipara, quam, propter singulare privilegium ei concessum, nusquam actu peccasse, tenet Mater Ecclesia.

Quæres, num peccatum in anima, aut in ejus potentiis immediate recipiatur?

Resp. In peccato duo esse distinguenda, materiale scilicet & formale. Primum, cum sit actus, habet pro subiecto immediato potentiam a qua emanat; sic hæresis, cum dicat errorem, licet includat consensum voluntatis, immediate recipitur in potentia, ad quam spectat veritatis cognitio, hoc est, immediate recipitur in intellectu. Formale peccati, cum sit (ut dictum est) mera debita rectitudinis privatio, ipsomet actu recipitur.

Q U Æ S T I O III.

De causis peccati.

Not. Peccati causæ sunt duplicis generis, nonnullæ enim sunt internæ, ignorantia nimirum & concupiscentia: aliæ vero externæ, mundus nempe & diabolus; de singulis illis causis breviter hic a nobis est agendum, & quærendum præterea, utrum Deus sit causa efficiens, seu physica, seu moralis, peccati.

Utrum ignorantia, & concupiscentia sint causæ peccati.

CONCL. 1. Ignorantia aliquando est causa peccati.

Probatur. Quod respectu peccati se habet per modum removens prohibens, est causa peccati; ideo enim quævertit columnam, quæ nititur ædificium, est causa ruinæ ædificii, quod removeat prohibens, ne ædificium corruat: atqui ignorantia respectu peccati se habet per modum removens prohibens; removet nimirum cognitionem, quæ si adesset, voluntas ad actum qui a parte rei est contra legem non ferretur, juxta illud Apostoli: *Si cognovissent, Dominum gloriæ nunquam crucifixissent.*

Quæ autem ignorantia species sint causæ peccati, & quæ ipsa sit peccatum, iam ex parte exposuimus iis locis, ubi expendimus, quænam augeant, minuant, tollant voluntarium: ac præterea de eo quæstio occurret inferius, ubi de singulis peccati speciebus dicetur.

CONCL. 2. Conscientia est causa peccati.

Probatur 1. ex c. 1. Epistolæ Canonice Jacobi: *Unusquisque tentatur a concupiscentia sua abstractus & illeclus; concupiscentia vero cum conceperit, parit peccatum.* 2. Concupiscentia nihil aliud est, quam propensio, quæ post peccatum unicuique inest fruendi se ipso & creaturis aliis, seu amor inhærendi sibi, aut cuivis alteri creaturæ; atqui propensio illa est causa peccati: movet enim ad id, quod per se malum est, seu ad fruitionem creaturarum, quæ quidem est mala, cum lex æterna jubeat, ut Deo solo fruamur, ceteris vero utamur tantum.

Quæres, quot modis mens se se circa concupiscentiæ motus habeat, & quandonam eis suum consensum præbere censeatur?

Resp. varios esse motus mentis circa objecta, ad quorum amorem a concupiscentia provocatur. Primus dicitur simplex objecti delectabilis apprehensio; alter delectatio morosa, seu quædam veluti confabulatio cum objecto; tertius est consensus, quem voluntas præbet concupiscentiæ suggestioni.

Simplex objecti delectabilis apprehensio non est peccatum, si nec in se, nec in causa, voluntaria fuerit: omnem nimirum rationis usum prævenit. Hincque patet, quam merito Concilium Tridentinum Lutheranos damnaverit, quod contenderent, primos concupiscentiæ motus, quantumcumque sint involuntarii, esse peccata. Verum licet simplex objecti delectabilis apprehensio per se non sit peccatum; eniti tamen debet quisque christianus, ut illam mali apprehensionem, quantum in se est, devitet: id enim

vigilantia, quam Christus toties in Scripturis commendavit, officii est ac muneris.

Morosa delectatio est peccatum, si adsit consensus, aut in delectationem, aut in actum, ad quem delectatio movet: ille vero consensus adesse censetur, saltem virtualiter & interpretative, cum mens non inde se avertit, licet possit & debeat avertere.

Tandem consensus, vel est actualis, vel virtualis, vel interpretativus, & semper est peccatum, immo est ipsummet peccatum, seu est actus, in quo posita est peccati ratio.

Nonnulli nuper contenderant, consensum in ipsum actum peccaminosum non esse peccatum mortale, si in consentiente remaneat alicujus caritatis actualis sensus: afferuerant, satis non esse ad peccatum mortale, ut concupiscentia transitorie dominetur, sed præterea requiri, ut dominetur permanenter, hoc est, diuturno aliquo tempore: sed scriptorum illorum doctrinam damnavit Clerus Gallicanus anno 1700. ad Comitia Generalia congregatus, ut infra dicitur.

Merito Clerus Gallicanus declaravit, propositionem, quam notavit, esse Augustino contrariam: nempe lib. 12. de Trinitate, c. 12. docet delectationes morosas esse peccatum sufficiens ad pertrahendum hominem in damnationem æternam, nisi per Sacramentum culpa remittatur: Ita dici potest (inquit) in homine uno, si delectationibus illicitis, a quibus se continuo deberet avertere cogitatio, libenter sola pascatur, nec facienda decernantur mala, sed tantum suaviter in recordatione teneantur, quasi mulierem posse sine viro damnari: absit hoc credere. Hæc quippe una persona est, unus homo est, totusque damnabitur, nisi hæc quæ sine voluntate operatur, sed tamen cum voluntate animum talibus oblectandi, solius cogitationis sentiuntur esse peccata, per Mediatoris gratiam remittantur.

Ad calcem operis de Trinitate satis aperte testatur, quantum oderit eas delectationes, quæ furtim in animum irrepunt: Multa sunt (ait Deum alloquens) cogitationes meæ tales quales nosti, cogitationes hominum, quoniam vana sunt. Dona mihi non eis consentire: & si quando me delectant, eas nihilominus improbare, nec in eis velut dormitantes immorari. Nec in tantum valeant apud me, ut aliquid in opera mea prodeat ex illis: sed ab eis mea saltem sit tutasententia, tua conscientia, te tuente.

C A P U T II.

Utrum Mundus & Diabolus sint cause peccati.

CONCL. 1. Mundus est causa moralis peccati.

Probatur. Mundus movet moraliter ad peccatum, scilicet amatorum mundi collo-

quiis, exemplis, externo vultu, mores vel optimos corrumpi, quotidiana experientia docemur.

Quares, quot modis mundus sit causa peccati; hoc est, quot modis ad peccatum hominis voluntatem pertrahere soleat?

Resp. Mundus ad peccatum moraliter pertrahere tribus modis.

Primo provocat perversa doctrina, qualis est hæreticorum, pseudo-prophetarum, & Casuistarum illorum qui sic habenas relaxant hominibus, ut permittant & sua auctoritate confirmant regulas, quæ Decalogo, positivis legibus, divinis & humanis adversantur.

Provocat 2. pravis exemplis & consuetudinibus, unde Augustinus in libro 3. de doctrina christiana c. 10. sic loquitur: *Sed quoniam proclive est humanum genus non ex momentis ipsius libidinis, sed potius sua consuetudinis, æstimare peccata, fit plerumque, ut quisque hominum ea tantum culpanda arbitretur, quæ sua regionis & temporis homines vituperare, atque damnare consueverunt; & ea tantum probanda, atque laudanda, quæ consuetudo eorum, cum quibus vivit, admittit: eoque contingit, ut si quid Scriptura vel præceperit, quod abhorret a consuetudine audientium, vel quod non abhorret, culpaverit, si animum eorum jam verbi vixit auctoritas, figuratam locutionem putent.*

Ex judicio, quod quis ad mundanæ consuetudinis normam exegerit, innumera requantur mala. Hinc enim fit, ut ambitus ad munera sive Ecclesiastica, sive Civilia, saculo deditis hominibus laudabilis videatur; ut ingentium divitiarum adquisitio, quæque possidentis conditionem minime decent, innocens judicetur: ut elegans, superba, ac vana suppellex, laudanda censetur; ut impudicus mulierum ornatus dicatur honestus; ut spectacula, saltationes, ludi, cantilenæ, musicorum concentus, & cuiuscunque generis oblectamenta, nihil mali continere creduntur; ut tandem alia huiusmodi quæ Christianæ modestiæ, castitati, mortificationi adversantur quam maxime, veluti indifferentia judicentur.

Provocat 3. auctoritatis abusu, ut cum ii qui in potestate constituti sunt, jubent ea fieri, quæ sunt adversus Dei legem; ut cum pater præcipit natò, ut rebus sæculi serviat; cum mater potestate sibi tradita per naturam abutitur, ut filiam suam ad mundanos cœtus, sæculi colloquia, spectacula, choreas pertrahat. Verum ut subditi in iis casibus a suis superioribus caveant, meminisse debent illius Petri sementiæ in Actis: *Oportet magis obedire Deo, quam hominibus.* In suam mentem revocare debent hanc Christi regulam: *Qui amat patrem aut matrem suam plus quam me, non est me dignus.*

E c 4

CON-

CONCL. 2. Diabolus est causa peccati.

Probatur 1. ex Scriptura, qua docemur, diabolum sub specie serpentis Evam, & postea Adamum innocentes ad peccatum impulsisse; circumire eum, tanquam leonem qui quaerit quem devoret; immisisse eum in cor Judæ, ut Christum Judæis traderet. Unde passim tentator appellatur.

Quæres 1. quot modis diabolus ad peccatum pertrahat?

Resp. diabolum ad peccata pertrahere 1. transfigurando se in Angelum lucis, & sub ea forma consilia maxime nociva hominibus nonnumquam dedit: 2. Diabolus, licet animam immediate movere non possit, id enim Deo soli proprium est; movet tamen mediate & indirecte, per imaginationem nimirum, cui (Deo permittente) nonnumquam illudit per species, quas in ea efformat, quæque, ex lege unionis animæ cum corpore, mentem avocant ac distrahant.

Quæres 2. quid diabolus sibi in hominum tentatione proponat?

Resp. diabolum velle 1. ab hominibus Dei loco adorari: 2. impedire, ne verus Deus colatur ut decet: 3. efficere ut homines concupiscentiæ servant. Ut autem Dei loco haberetur, idolatriam in mundum inexit. Ut impediret, ne Deus verus sincere, ut par est, adoretur, introduxit hæreses, artes superstitiosas, aliaque ejusmodi quæ virtuti religionis opposita sunt. Ut concupiscentiæ regnum promoveat, delectabilia, vana, ambiciofa imaginationi proponit. Tantæ sunt in hominem infirmum diaboli vires, ut non nisi auxiliante Christo vinci ac superari possint; unde & jubemur Deum deprecari, ut ab illius viribus, artibus, insidiis nos liberet; malum enim sunt, a quo liberari in oratione Dominica petimus, *Libera nos a malo*.

C A P U T III.

Utrum Deus sit causa peccati.

Not. Deus duobus modis fingi posset esse causa peccati, moraliter nimirum & physice: moraliter quidem suadendo, præcipiendo, non impediendo peccatum; physice vero, producendo ipsam peccati malitiam, aut physice voluntatem ad eandem malitiam determinando.

CONCL. 1. Deus non est moralis causa peccati.

Probatur 1. Deus non suadet peccatum; e contra in Scripturis homines hortatur ad non peccandum, ipsosque, propositis gravissimis pœnis, a peccato deterreret. 2. Deus non præcipit peccatum, immo tum in veteri, tum in novo Testamento illud prohibet; 3. Quamvis peccata non impediat, non est tamen moralis illorum causa: ut enim aliquis sit causa moralis actus alienius, satis non est, ut illum, quamvis

possit, non impediat, sed præterea requiritur ut illum impedire debeat: atqui Deus non debet impedire peccata; exigit nimirum illius providentia, ut creaturam rationalem, quæ naturaliter sui juris est, sibi ipsi permittat aut ad bonum, aut ad malum, aut ad pœnam, aut ad præmium: ergo, &c.

ONCLUSIO 2. Deus non est causa physica peccati.

Probatur. Deus non est causa physica peccati respectu sui ipsius; hoc est, non est causa physica peccati, quod ipse admittere possit; est enim infinite bonus, infinite sapiens; atqui ens infinite bonus, infinite sapiens, non potest peccare; alioquin dari posset ens illo melius, illo sapientius, illud nimirum quod peccare non posset: ergo, &c.

Præterea, Deus non est causa efficiens peccatorum quæ a creatura rationali committuntur. Nam 1. non producit malitiam peccati; siquidem malitia peccati non producitur: posita nimirum est in mera privatione debite rectitudinis, quæ quidem privatio (ut patet) non est ens physicum. 2. Non est causa efficiens determinando ad actum, ex quo resultat malitia: tum quia (ut harum Instit. Tom. 1. dictum est) Deus physice voluntatem non determinat ad actus liberos ordinis naturalis, sed tantum ad eos qui sunt ordinis supernaturalis: tum etiam quia, dato etiam quod ad entitatem physicam actum, qui sunt ordinis naturalis, voluntatem physice determinaret, non determinaret tamen ad malitiam, eo quod, cum malitia sit defectus, cadat tantum in causam determinatam defectibilem; ut patet in anima, quæ licet physice determinet pedem claudum ad motum, non est tamen causa claudicationis; sed ille defectus unice refertur ad causam deficientem, seu, ad pedem cui defuit, quæ necessaria sunt ad motum rectum, & minime deficientem.

Objicies 1. Primi Regum 2. filii Heli dicuntur non obtemperasse patri, quod Deus vellent eos occidere; ergo Deus voluit inobedientiam filiorum Heli. Resp. conc. ant. dist. conseq. voluit permissive, conc. efficienter, neg. Cum Deus in multa filiorum Heli crimina pœna mortis animadvertere statuisset, permisit, non quidem impertiendo malitiam, sed subtrahendo gratiam, ut inobedientie rei constituerentur.

Objicies 2. Lib. 2. Reg. cap. 16. Dominus præcepit Semei, ut Davidi malediceret: ergo Deus est auctor peccati: qui enim peccatum præcipit, est illius causa moralis.

Resp. dist. ant. Dominus præcepit Semei præcepto improprie sumpto, ut malediceret Davidi, conc. ant. præcepto proprie sumpto, neg. ant. Præceptum improprie sumptum non aliud est, quam permissio: unde sensus est, Deum permisisse maledictionem illam.

illam in Davidem fieri, eaque usum fuisse ad castigandum Davidis peccatum, & ut ei caritatis, ac mansuetudinis occasionem daret. Desuper est illa responsio ex Augustino, qui in libro de gratia & libero arb. c. 20. sic loquitur: *Quomodo dixerit Dominus huic homini maledicere David, quis sapiens, & intelligit? Non enim iubendo dixit, ubi obedientia laudaretur; sed quod ejus voluntatem proprio suo vitio malam in hoc peccatum judicio suo iusto & occulto inclinavit (subtrahendo gratiam); ideo dictum est: Dicit ei Dominus. Nam si iubenti obtemperasset Deo, laudandus potius quam puniendus esset, sicut ex hoc peccato postea novimus esse punitum. Nec causa tacita est, cur ei Dominus isto modo dixerit, maledicere David, hoc est, cor ejus malum in hoc peccatum miserit vel dimiserit, ut videat (inquit) Dominus humilitatem meam, & retribuat mihi bona pro maledicto ejus in die isto. Ecce quomodo probatur, Deum uti cordibus etiam malorum ad laudem atque adiumentum bonorum.*

Obijcies 3. Augustinus l. 3. contra Julianum c. 3. asserit, Deum, non per patientiam tantum, sed etiam per potentiam, impios tradidisse desideriis eorum: quam quidem sententiam cum Julianus arguisset in Augustino: *Quomodo ergo per potentiam tradendis Dei putandi sunt in talia facta cecidisse?* S. Doctor ei opponit Apostoli verba ad Rom. 9. *Posuit hoc duo Apostolus, & patientiam & potentiam, ubi ait: Si autem volens Deus ostendere iram, & demonstrare potentiam suam, attulit in multa patientia, vasa irae, qua perfacta sunt in perditionem, &c.* Unde sic arguitur: Impios per potentiam tradere desideriis eorum, est operari iniqua impiorum desideria: atqui, ex Augustino, Deus per potentiam tradit impios in desideria cordis eorum: ergo Deus illa operatur, ac proinde est causa peccati.

Resp. dist. maj. impios per potentiam tradere desideriis eorum, quatenus illa desideria habent rationem culpæ, est operari iniqua impiorum desideria, conc. maj. hoc, quatenus habent rationem pœnæ, neg. maj. hoc, non autem illo modo Deus per potentiam impios tradit desideriis eorum: hoc est, iusto judicio per potentiam suam novis peccatis utitur, ut castiget præteritas illorum iniquitates, efficitque ut eorum desideria, quæ peccata sunt, sint etiam pœnæ præteritorum peccatorum: quod negabat Julianus: unde Augustinus, postquam variis Scripturæ locis, ac præsertim hac Apostoli sententia, 2. ad Thessalon. 10. *Pro eo quod dilectionem veritatis non receperunt, ut salvi fierent, &c. ideo mittet illis Deus operationem erroris, ut credant mendacio* probavit aliqua esse facta, quæ simul sunt peccata, & peccatorum pœnæ iuste a Deo inflicta, sic Julianum allo-

quitur: *Ecce pœna peccati, peccatum est. Utrumque claret, breviter dictum est, aperte dictum est, cujus alia verba in tuam sententiam frustra detorquere conatur es.*

Obijcies 4. Ille est causa peccati, qui concurrir ad actum, cui malitia est intrinseca: qui enim operatur id cui aliud est intrinsecum, censetur & aliud operari: atqui Deus concurrir ad actum cui malitia est intrinseca: nimirum concurrir ad odium Dei, quod quidem ita est intrinsece malum, ut bonum esse non possit: ergo, &c.

Resp. prætermisita eorum opinione, qui contendunt, Deum non alio modo concurrere cum creatura, quam per continuam illius conservationem, dicendum est, odium Dei physice sumptum (secundum quem respectum Deus ad illud concurrir) esse actum humanum, qui abstrahit a malitia, quæ illi, considerato prout est averfio a Deo, est intrinseca. Unde in forma resp. dist. ant. Malitia est intrinseca odio Dei, prout est odium Dei, seu averfio a Deo, conc. ant. simpliciter prout est actus humanus, neg. ant.

QUÆSTIO IV.

De distinctione peccatorum ab invicem.

Not. 1. **A**CTUS ab invicem distinguuntur, vel numero, vel specie: Numero quidem, in quantum sunt actus individuales: Specie vero, in quantum diversis specie virtutibus opponuntur: sic furtum differt ab alio furto tantum numerice; sic e contra furtum specie differt ab adulterio.

Not. 2. Plura sunt, ex quibus peti potest five numerica, five specifica distinctio peccatorum; præceptum scilicet, interruptio, objectum materiale, finis operantis, circumstantiæ; hic igitur querendum est, utrum ex iis capitibus tum numerica, tum specifica peccatorum distinctio petatur.

CONCL. 1. Nec specifica, nec numerica distinctio peccatorum sumitur ex præcepto.

Probatur. Si aut numerica, aut specifica peccatorum distinctio peteretur ex præcepto, tot essent aut numero aut specie peccata, quot sunt aut numero aut specie præcepta, quibus peccata opponuntur: atqui falsum est consequens; scilicet unum numero ac specie peccatum nonnunquam opponitur præceptis numero, & specie distinctis: sic furtum quod hic & nunc admittitur, opponitur legi naturali, legi positivæ divinæ, legi positivæ humanæ, civili & Ecclesiasticæ; quæ quidem leges & numero & specie differunt; & tamen furtum semel admissum, nec numero, nec specie differt.

CONCL. 2. Distinctio numerica peccatorum sumitur aut ex interruptione, aut ex objecto materiali, circa quod peccata versantur.

Pro-

Probatur prima pars. Ab eo sumitur distinctio numerica peccatorum, ex quo fit, ut actus, non unus sit, sed multiplex; atqui ex interruptione fit ut actus sit multiplex: sic qui hodie furatur, distinctum numero peccatum admittit ab eo quod heri admisit furando: nec mirum; actus enim qui moraliter interruptus fuit, non censetur perdurare usque ad tempus, quo alius actus elicitus est.

Quares, quandonam accadat illa moralis interruptio?

Resp. accidere eam 1. cum prioris actus voluntas revocata fuit, aut per contrariam voluntatem, aut per poenitentiam. 2. Cum ea voluntas, licet habitualiter permanens, actu tamen desit per cogitationem voluntariam de re aliqua quæ nullam habet cum priori voluntate connexionem. 3. Cum inter unum & alium actum tantum temporis intercedit, ut prudentum iudicio, unus actus cum alio actu non colligetur: sic qui odio in fratrem ante somnum exarsit, & expergestus eundem odii actum renovat, duplex peccatum admittit. Excipiendus est tamen ab ea regula vir, qui in actu, quem elicit, virtualiter perseverat: ut patet in eo qui mane proficiscitur, ut serotinis horis inimicum interficiat: is enim quamvis in itinere cogitet de variis rebus quæ ad inimici necem nulla ratione referuntur, nonduplicis tamen, sed unius tantum numerice peccati reus est.

Probatur altera pars, seu distinctionem numericam peccatorum sumi quoque ex distinctione objectorum materialium, quæ intra eandem speciem multiplicia sunt: ideo enim triplicis peccati reus est, qui tres homines uno actu perimit, quod actus, quo interficiuntur illi homines, versetur circa triplex objectum materialiter & numericè distinctum.

Eandem ob causam, hoc est, propter multiplicationem objectorum materialium, impius apud Sacerdotem accusare tenetur varios tactus impudicos, aut morosas delectationes, quæ fornicationem subsecutæ sunt; nimirum non dicunt ordinem ad fornicationis actum prius habitum, nec ex illo sequuntur, sed oriuntur ex mera operantis malitia: secus de iis dicendum est, quæ brevi fornicationem præcesserunt: unum nempe cum illa actum constituunt, utpote quæ ad eam tanquam proxima dispositio censeantur.

CONCL. 3. Specifica peccatorum distinctio petitur ex objectis specie diversis, circa quæ peccata versantur.

Probatur. Ideo qui furatur, committit peccatum specie diversum ab eo qui mentitur, quod furtum versetur circa objectum specie diversum ab objecto circa quod mendacium versatur. Præterea peccatum ab eo sumit distinctionem specificam, a quo sumit priva-

tionem specie distinctam; scilicet peccatum positum est in privatione rectitudinis quæ actui humano debita sit: atqui privatio specie distincta sumitur ab objecto specie diverso; objecta enim specie diversa, si mala sint, privationem includunt specie diversam, privationem nimirum rectitudinis, quæ in virtutibus, quibus illa objecta opponuntur, includuntur: sic perjurium est specie diversum a furto, quod perjurium dicat privationem specificæ rectitudinis quæ continetur in virtute religionis, per quam perjurium prohibetur.

CONCL. 4. Specifica distinctio peccatorum sumitur aliquando a fine operantis; nonnunquam etiam a circumstantiis, quæ actum peccati comitantur.

Probatur prior pars. Specifica distinctio peccatorum sumitur ab eo, quod in peccato principem tenet locum: atqui finis operantis specie diversus ab objecto peccati nonnunquam in actu peccati principem tenet locum; cum nimirum actus peccati sumitur non quidem prout elicitus, sed prout ex volitione finis specie diversi imperatur: unde qui furatur, ut postea se se commaculet adulterio, potius adulter, quam fur, appellatur.

Probatur altera pars. Ab eo petitur specifica distinctio peccatorum, per quod actus peccati privatur honestate specie diversa ab ea, qua ratione actus peccaminosi privatur: atqui actus peccati, ratione circumstantiarum aliquando privatur honestate specie diversa ab honestate qua privatur ratione sui: idque patet in furto quod quis in templo committit; in eo nimirum furto, non solum est privatio honestatis, quam iustitiæ virtus præscribit, sed etiam est privatio honestatis, quam virtus religionis imperat. Vide quæ superius dicta sunt iis locis ubi egimus de specificatione actuum humanorum.

Q U Æ S T I O V.

De connexion peccatorum.

CONCL. Peccata non sunt inter se connexa. Unde qui unius reus est, necessarius reus non est aliorum.

Probatur 1. ex Scripturis, quibus docemur, homines justos reos esse plurium peccatorum venialium; quamvis tamen immunes sint a quolibet peccato mortali.

2. Objecta peccatorum non sunt inter se connexa: ergo nec ipsa peccata. 3. Peccata speciem sumunt a privatione honestatis, quæ est in virtutibus, quibus opponuntur: Atqui ejusmodi privatio non est connexa cum aliis privationibus; siquidem privatio illius honestatis, quæ est in misericordia, nullam habet connexionem necessariam cum privatione illius honestatis, quæ in iustitia reperitur.

Objicies. 1. Virtutes omnes, saltem iustitia

perfecto sumptæ, inter se invicem connexæ sunt: ergo peccata sunt pariter inter se connexa.

Resp. conc. ant. neg. conseq. Ratio disparitatis est, quia (ut observat S. Thomas) virtutes omnes in uno tertio conveniunt, in caritate nimirum, quæ quidem totum operantis affectum colligit: peccata vero, cum sint creaturarum amor, tantum abest, ut in unum colligant totum operantis affectum, quin e contra ad multa, & quidem opposita, objecta sensibilia, distrahunt.

Objicies 1. Si peccata non essent inter se connexa, fieri posset, ut qui unum admisisset, non esset aliorum omnium reus: Sed id falsum est; siquidem contrarium docent hæc verba Jacobi in Epistola Canonica, cap. 1. *Quicumque totam legem servaverit, offendat autem in uno, factus est omnium reus: ergo, &c.*

Resp. 1. textum illum non favere Stoicis qui censuerunt, peccata omnia esse æqualia: non enim dicit Jacobus eum, qui infringit aliquod legis præceptum, esse æqualiter reum, ac si omnia ad unum introgisset. Resp. 2. eundem textum non favere quoque Calvinistis, quibus placet, omnia, etiam justorum opera, peccata esse mortalia: neque enim Jacobus eo loci de quibuscumque peccatis loquitur, sed de iis tantum, quibus præcipua Decalogi mandata violantur, ut patet ex subjuncta declaratione: *Quod si non machaberis, occides autem, factus es transgressor legis.*

Resp. 3. dist. ant. Factus est omnium reus, hoc est, non servat totam legem, conc. ant. factus est omnium reus, hoc est, infringit omnia & singula præcepta legis, neg. ant. Ratio est 1. quia Jacobus ipse expresse asserit, loqui se de homine, qui aliqua legis præcepta servaverit: *Quod si (inquit) non machaberis, occides autem, factus es transgressor legis.* Ratio est 2. quia Jacobus eo loci probare vult, eum qui reus est vitii acceptionis personarum, de quo paullo ante locutus fuerat, esse vere transgressorem legis; ac proinde incurrere eam maledictionem quam Lex vel unus ex suis præceptis transgressoribus minatur, ut post Moysen hisce verbis testatur Paulus in Epist. ad Galatas cap. 3. *Maledictus omnis qui non permanserit in omnibus quæ scripta sunt in libro legis, ut faciat ea: at ut Jacobus probaret eum, qui reus est vitii acceptionis personarum, in illud Legis maledictum incurrere, necesse non fuit, ut doceret, eum reum esse aliorum omnium Legis mandatorum; sed e contra satis fuit, ut ostenderet, hominem illum vere esse transgressorem Legis; ac proinde subijci eum maledictioni, quam Lex minatur ei qui eam etiam collective, hoc est, secundum omnia & singula præcepta quæ continet, non servaverit. Vide Augustinum, Epistol. ad Hieronymum, veteris Editionis 29.*

Q U Æ S T I O VI

De peccatorum inæqualitate.

Not. S Toicis olim visum est, peccata omnia esse inter se æqualia: ita ut non minus reus sit qui leve, quam qui grave peccatum committit. Ut eum errorem confutemus, quaeremus hic 1. utrum peccata omnia sint æqualia: 2. unde sumatur inæqualitas peccatorum.

CONCLUSIO. 1. Omnia peccata non sunt inter se æqualia.

Probatur ex Scriptura, quæ expresse asserit aliqua peccata esse aliis graviora. Thren. 4. *Major est iniquitas filia populi mei peccato Sodomorum.* Joannis 19. idem dicitur de peccato Judæ proditoris respectu peccati, quod a Pilato in damnatione Christi admissum est: *Qui me tradidit tibi, majus peccatum habet.* Præterea iisdem Scripturis docemur, peccata quædam esse quæ gravius castigantur, quam alia: nam Genesis 4. Lamech gravius castigatur, quam Cain. Matthæi 11. Tyriis & Sodomitis remissius erit in die judicii, quam Judæis. Matthæi 5. Quidam in peccato gradus constituuntur, quibus homo sit reus judicii, concilii, aut gehennæ: ergo, &c.

Probatur 2. ratione. Peccatum est recessus ab ordine quem recta ratio præscribit, quemque lex æterna conservari jubet, perturbari vetat: atqui recessus ab illo ordine non est æqualis; nimirum recessus ille oritur ex inordinata conversione ad creaturam; illa vero conversio non est in omnibus peccantibus æqualis, e contra modo est major, modo minor, eo quod inter eos qui creaturam inordinate diligunt, nonnulli sint, qui tenacius & intensius, quam alii, eam amant: ergo &c.

Objicies. Peccatum positum est formaliter in privatione debitæ rectitudinis: atqui privatio debitæ rectitudinis est æqualis in omnibus peccatis; non enim datur privatio quæ sit alia major, vel minor, cum & ratione & experientia doceamur, privationes non suscipere magis & minus.

Resp. ad 1. neg. min. Ad 2. dist. ant. Privationes quæ nihil omnino retinent de forma, cujus sunt privationes, non suscipiunt magis & minus, conc. ant. quæ aliquid retinent de forma, cujus sunt privationes, ut in nobis respectu sanitatis, cujus sunt privationes, videre est, neg. ant. Inter illas, non autem inter illas, privatio quæ peccato essentialis est, recenseri debet: nec mirum: neque enim in quocumque peccato tollit omnem rationis ordinem; sed aliquem tantum.

CONCL. 2. Essentialis inæqualitas peccati sumitur ex objecto, ad quod actus peccati ex se tendit.

Pro-

Probatur. Actus morales (ut superius ostensum est) mortalitatis speciem essentialiter desumunt ab objecto: unde sic arguitur. Ex eodem fonte essentialis inaequalitas peccati sumitur, ex quo peccati species sumitur atque essentialis species peccati sumitur ex objecto: ergo, &c.

Hic autem colligitur 1. peccata quae sunt immediate contra Deum, ut idololatria, blasphemia, & alia huiusmodi, esse essentialiter omnium gravissima. Ea proxime excipiunt, quae sunt contra hominem, ut homicidium. Tertium vero locum tenent quae sunt contra externa hominis bona, ut furtum, aliaque ejus generis mala.

Colligitur 2. ea peccata esse secundum essentialitatem graviora, quae praestantiori virtuti, eodem oppositionis modo, contrarietatis nimirum, aut privationis, opponuntur; pejus enim habent objectum, & peccantem privant majori bono. Monitum volumus lectorem, non sine causa addita fuisse haec verba: *Quae eodem oppositionis modo praestantiori virtuti opponuntur*: scilicet ideo addita sunt, quod constet, peccatum quo Sacrum omittitur die festo, minus esse peccato homicidii, quod quidem est commissionis peccatum.

CONCLUSIO 3. Inaequalitas accidentaliter peccatorum petitur ex circumstantiis intra eandem speciem, aut aggravantibus, aut minuentibus malitiam actus.

Probatur. Circumstantiae quae intra eandem speciem remanent, conferunt (ut superius dictum est) ad malitiam actus: atqui non conferunt ad essentialitatem, cum non sint actui intrinsecæ: ergo conferunt ad solam malitiam, seu gravitatem accidentalem.

Quæres, utrum malitia, quae ex circumstantiis advenit actui, sit (absolute loquendo) nonnunquam gravior malitia, quae eidem actui accidit ex objecto?

Resp. affirmative: idque patet in homicidio, quod licet ratione objecti minus sit peccatum, quam blasphemia; tamen ratione circumstantiarum quae illud comitantur, & ratione effectuum qui ex eo sequuntur, simpliciter in praxi gravius est peccatum, quam blasphemia.

Ex his colligitur 1. peccatum a persona publica commissum, accidentaliter gravius esse peccato quod privatus admisit; nimirum ratione scandali. Colligitur 2. majorem malitiam accidentalem reperiri in furto viginti aureorum, quam in furto decem tantum, eo quod subreptio viginti aureorum, secundum se, legitimo domino magis noceat, quam subreptio decem aureorum tantum.

Quæres, utrum malitia, quae ex circumstantiis advenit actui, nonnunquam gravior sit malitia essentiali quae ex objecto petitur?

Resp. affirmative: idque videre est in homicidio, quod quidem licet, ratione objecti

sit minus peccatum, quam blasphemia; ratione tamen circumstantiarum quae illud comitantur, & effectuum qui ex illo sequuntur, absolute loquendo, in praxi gravius est uno blasphemiz peccato.

Q U A E S T I O VII.

De effectibus peccatorum.

Not. Tres concipi possunt effectus peccati: macula nimirum, reatus poenae, & tandem aliud peccatum: hic igitur querendum est 1. utrum peccatum, cujus actus jam transiit, maculam permanentem causet in anima: 2. utrum causet quoque reatum poenae 3. utrum unum peccatum nonnunquam sit poena alterius peccati praeteriti.

CONCLUSIO. 1. Peccatum, licet illius actus transierit, maculam permanentem causat in anima.

Probatur. Peccatum causat id, ratione cujus anima, etiam postquam actus peccati transiit, non est Deo grata: sed id non aliud est, quam macula: ergo peccatum maculam causat in anima.

Quæres, in quo posita sit natura maculae quae per actum peccati contrahitur?

Resp. 1. maculam non esse positam in sola obligatione ad poenam; siquidem obligatio ad poenam praesupponit maculam peccati; scilicet ideo quis obligatur ad poenam, quod peccati maculam contraxerit. Praeterea, etiamsi Deus statuisset nullam peccatori poenam infligere, peccator tamen peccati maculam contraxisset. 2. Macula peccati non est posita simpliciter in peccasse: nempe ipsum peccasse manet in homine etiam postquam per sacramentum poenitentiae delevit contractam ex peccato maculam. 3. Non est quoque in sola inordinatione voluntatis, hoc est, in habituali creaturarum amore praedominante: siquidem per actum imperfectae contritionis, modo includat inchoatum Dei amorem super omnia, tollitur praedominans creaturarum amor; & tamen, nisi actu poenitentiae sacramentum receptum fuerit, contracta per peccata macula non tollitur. 4. Dicendum est igitur, maculam peccati non aliud esse, quam ipsam Dei offensam, quae licet actu transierit, nondum tamen per Sacramentorum virtutem est remissa. Ratio est, quia creatura rationalis ratione offensae nondum remissae odio habetur a Deo, exorsa est illi & gratia sanctificante destituta est.

CONCL. 2. Reatus poenae, hoc est, debitum, seu obligatio ad poenam, est effectus peccati.

Probatur. Illud est effectus peccati, quod per peccatum contrahitur: atqui per peccatum contrahitur debitum, seu obligatio ad poenam: quemadmodum enim per actum virtutis homo justus meretur praeium, ita per actum peccati creatura rationalis contrahit obligationem ad poenam.

Quæ-

Quæres 1. utrum poena, quæ peccato debetur, debeat esse æterna?

Resp. 1. fide catholica certum esse, peccatum mortale in hac vita quoad culpam non dimissum, in futura puniendum esse æterna poena. Ratio est, 1. quia æternam illam poenam Scripturæ aperte recentent. Isaia 66. de iis, qui in statu peccati lethalis mortui sunt, dicitur: *Vermis eorum non moritur, & ignis eorum non extinguitur*. Hæc quoque de iisdem leguntur Apocalypsis 14. *Cruciantur igne & sulphure in sæcula sæculorum*. Tandem Matthæi 25. Christus sic in ultimo iudicio allocuturus est reprobos: *Ite maledicti in ignem æternum*. Nec audiendus est Origenes, cum responderet, æternitatem in laudatis Scripturæ textibus non sumi proprie, seu pro duratione quæ nullum unquam finem habitura sit; sed improprie tantum, pro duratione nimirum, quæ diu quidem stabit, sed quæ tamen tandem aliquando desinet. Non est (inquam) audiendus: siquidem æternitas beatæ vitæ, quæ in Scriptura electis promittitur, proprie ab ipso etiam Origene sumitur: ergo proprie quoque sumi debet æternitas poenarum, quæ, ex Scriptura, reprobis infliguntur.

Resp. 2. poenam quæ peccato mortali debetur, non fore æternam tantum ab extrinseco, seu ex lege qua Deus peccato mortali infligi voluit cruciatum æternum; sed etiam ab intrinseco, hoc est, ratione malitiæ quæ peccato mortali est intrinseca. Ratio est, quia peccatum mortale includit malitiam & gravitatem in esse moris simpliciter infinitam, cum sit offensæ in personam infinitam, Deum nempe; cum non ab alio, quam ab homine Deo persona infinita, condigne pro eo satisfieri potuerit: ergo ei debetur poena infinita, non quidem in intensione, seu in acerbitate, cum creatura, utpote finita, illius capax non sit, sed infinita in duratione tantum.

Præterea peccatum mortale ex se dicit inordinationem perpetuam, cum secundum suam naturam importet irreparabilem aversionem a Deo, & conversionem ad creaturam, non absimili ratione, qua mors ex se importat perpetuam vitæ privationem: Sed æterna inordinatio, ex intrinseca sua malitia, exigit poenam quæ perduret semper; nulla enim alia secundum iustitiæ rigorem illi conveniens est.

Hinc vero solum manet adversariorum argumentum, petiit ex eo, quod facti prohibiti commissio, aut omisso actus imperati, brevissimo tempore perdurent; ac proinde poena æterna cum eis minime sit proportionata. Nam licet tum electio rei prohibita, tum omisso imperata, finitæ sint in esse physico, sunt tamen infinitæ in esse morali: Unde non alia poena, quam

æterna iis, seu commissioni, seu omissioni, in illo esse morali consideratis, est proportionata.

Resp. 3. Peccatum veniale non remissum quoad culpam in hoc sæculo, per accidens in alio sæculo puniendum esse poena æterna: Secus vero si quoad culpam in hac vita dimissum fuerit.

Ratio primæ partis est, quia peccata venialia in hoc sæculo quoad culpam non dimissa, quoad eandem culpa in damnatis non dimittentur in altero: tum quod dimissio culpæ, etiam venialis, non fiat sine aliqua applicatione meritorum Christi; at ejusmodi applicatio nullum omnino locum in inferis habet: tum etiam quod damnati nusquam detestaturi sint venialis peccati culpam; neque enim salutaris detestatio peccati potest esse sine aliquo pio motu per Salvatoris gratiam, quæ quidem in inferis nemini concedetur: ergo peccatum veniale in inferis non dimittetur quoque quoad poenam: scilicet æquifinnum est, ut tamdiu perduret poena, quamdiu delicti culpa, & illius amor perdurant.

Ratio alterius partis est, quia ideo peccatum veniale non dimissum in hoc sæculo, in damnatis punietur æterna poena, quod illius culpa in æternum permanens sit: ergo cum peccatum veniale quoad culpam in hoc sæculo dimissum fuerit, ipsi etiam, per accidens, æternum supplicium in altera vita non debebitur.

Dices. Peccatum veniale quoad culpam, non autem quoad poenam in hac vita dimissum, in damnatis punietur aliqua poena: sed illa poena non potest esse ad tempus tantum; alioquin enim quædam aliquando foret mitigatio in damnatorum poenis: quod quidem repugnat receptæ apud theologos doctrinæ.

Sed nullius est roboris illud argumentum siquidem (ut ait S. Thom. in 4. Sentent. dist. 11. q. 1. art. 1. ad 5.) *Non est inconveniens, quod, quantum ad aliquid accidentale, poena inferni minuatur usque ad diem iudicii, sicut etiam augetur*.

CONCL. 3. Quædam sunt quæ simul sunt peccata, & peccatorum poena.

Probatur argumentis, quibus S. Augustinus libro 5. contra Julianum, cap. 3. utitur.

I. Laudat hæc Apostoli verba: *Et mutaverunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium: Propter quod tradidit illos Deus in desideria cordis eorum, in immunditiam, ut contumeliis afficerent corpora sua in semetipsis*. In ea autem verba sic loquitur S. Doctor: *Et hic utique vides causam, propter quam traditi sunt, sine ulla ambiguitate monstratam. Dixit quippe, quod mali ante fecissent, & adjunxit: propter quod tradidit illos Deus in desideria cordis eorum*. Proinde

inde præcedentis est hæc pœna peccati, & tamen etiam ipsa peccatum, quod verbis consequentibus explicat.

II. Laudat plures alias, tum Veteris, tum Novi Testamenti sententias, & inquit, Non est peccatum, & pœna peccati, ubi legitur: Dominus enim miscuit illis spiritum erroris, & seduxerunt Ægyptum in omnibus operibus suis, sicut seducitur ebrius?

Non est peccatum, & pœna peccati, ubi Deo dicit Propheta: Quid errare fecisti nos, Domine, a via tua, obtudisti corda nostra, ut non timeremus te? Non est peccatum, & pœna peccati, ubi rursus Deo dicitur: Ecce in iratus es, & non peccavimus, propterea erravimus & affecti sumus sicut immundi omnes?

Non est peccatum & pœna peccati, ubi legitur de gentibus quas debellavit Jesus Nave, quia per Dominum factum est. confortari eorum, ut obviam irent ad bellum ad Israel, ut exterminarentur?

Non est peccatum & pœna peccati, quod non audit Roboam Rex plebem bene monentem, quoniam sicut Scriptura loquitur, erat converso a Domino, ut statueret verbum suum, quod de illo locutus est in manu Propheta?

Non est peccatum & pœna peccati in eo quod scriptum est, Amasiam Regem Juda noluisse audire Joam Regem Israel bene monentem, ne procederet ad bellandum? Sic enim legitur: Et non audit Amasias, quoniam a Deo erat, ut traderetur in manus, quoniam quaesierunt Deum Edom.

Et multa alia commemorare possumus, in quibus liquido apparet, occulto iudicio Dei fieri perversitatem cordis, ut non audiat quod verum dicitur, & inde peccatur, & sit ipsum peccatum præcedentis etiam pœna peccati: Nam credere mendacio, & non credere veritati, utique peccatum est. Venit tamen ab ea cœcitate cordis, quæ cœculo iudicio Dei, sed tamen iusto, etiam pœna peccati monstratur. Quale est etiam illud quod ad Thessalonicenses scribit Apostolus: Pro eo quod dilectionem veritatis non receperunt, ut salvi fierent, & ideo mittet illis Deus operationem erroris, ut credant mendacior. Ecce pœna peccati peccatum est. Utrumque claret, breviter dictum est, aperte dictum est, ab eo dictum est, cujus alta verba in tuam sententiam (Julianum alloquitur). frustra detorquere conatus es. Hactenus & Doctor.

Quæres, quomodo peccatum ex parte Dei sit pœna præcedentis peccati?

Resp. peccatum sumptum pro reatu culpæ, non esse ex parte Dei pœnam quæ præcedentibus peccatis infligatur: scilicet culpa a Deo efficienter esse non potest, ut tamen esse deberet, si ex parte Dei pœna esset peccatori infligenda; e contra peccatum sumptum pro eo, quod ipsum non impedit, est, ex parte Dei, pœna præcedentis peccati: hoc

est, Deus peccata præcedentia castigat aliis peccatis, in quantum eum, a quo desertus est, deserit, non quidem impertiendo malitiam, sed subtrahendo gratiam: Cum ergo (inquit Augustinus in lib. 5. contra Julianum, cap. 3.) dicitur homo tradi desiderantis suis, inde fit reus, quia desertus a Deo cedit eis atque consentit, vincitur, capitur, trahitur, possidetur. & quo enim quis devotus est, huic & servus additus est; & fit ei peccatum consequens præcedentis pœna peccati.

Q U Æ S T I O VIII.

De divisione peccatorum.

CONCLUSIO 1. Peccatum dividitur in peccatum Originale, & in peccatum Personale.

Probatur. Peccatum dividitur in illud quod aliena voluntate, Adami nimirum, commissum per viam generationis in posteros traducitur; & in illud quod cujuslibet hominis propria voluntate committitur: Sed illud est peccatum originale; istud vero, personale: ergo peccatum dividitur in Originale, & Personale.

CONCLUSIO 2. Peccatum Personale dividitur in Actuale, & Habitale.

Probatur. Peccatum personale, vel transiit, vel remanet. Si primum, est peccatum actuale; si secundum, est peccatum habituale. Prius, est actus, vel omisso difformis regulis morum; posterius, secundum aliquos, est inordinata conversio ad creaturam remanens in anima ex peccato actuali, quod præcessit; secundum alios vero, non aliud est, quam macula, seu offensa Dei, quæ in anima post peccatum actuale remanet, donec per gratiam sanctificantem deleatur.

CONCLUSIO 3. Peccatum actuale multipliciter dividitur.

Probatur enumeratione tum variarum specierum, quas peccatum actuale sub se continet, tum variorum inodorum quibus committitur.

I. Peccatum actuale, aliud est cordis, aliud oris, aliud operis. Primum, interius in animo, ut hæresis, perficitur: Alterum perficitur locutione, ut mendacium: Tertium opere, ut facinora & flagitia quæ ab Apostolo ad Romanos 1. recensentur: ut homicidium, adulterium, & alia huiusmodi.

Per peccata Cordis, Oris, Operis, intelliguntur etiam varii ejusdem actualis peccati gradus, ita ut per peccatum Cordis, significetur voluntarium illius desiderium: per peccatum Oris, externa illius manifestatio per locutionem; per peccatum Operis, exterior ejusdem consummatio. Triplicem illum peccati gradum videre est in ira, quæ quis ini-

fra-

fratrem ardet: hæc enim concipitur in corde, erumpit in verba contumeliosa, tandem exterius se prodit per facta injuriosa, ut sunt percussio, & alia hujusmodi.

II. Peccatum, sive cordis, sive oris, sive operis, subdividitur ratione objecti 1. in peccatum in Deum; 2. in peccatum in nos ipsos, animam scilicet, aut corpus nostrum; 3. in peccatum contra proximum. Ratio est, quia tria illa sunt objectum caritatis, & aliarum virtutum: ergo sunt pariter objecta peccatorum, quæ caritati, & aliis virtutibus opponuntur: Oppositorum enim (ut ajunt Logici) eadem est ratio.

III. Peccata in Deum, in nos ipsos, in proximum, subdividuntur ratione modi, quo admittuntur, in peccata commissionis, & in peccata omissionis. Primum, consistit in productione alicujus actus oppositi regulis morum: posterius vero, est carentia actus debiti, seu lege præscripti: per prius, infringitur præceptum negativum, per posterius e contra præceptum affirmativum infringitur.

IV. Peccatum ratione subjecti, iterum subdividitur in Carnale, & in Spirituale. Prius, ex S. Thoma, illud est quod carnali voluptate consummatur, ut sunt gula, luxuria; posterius, cujus consummatio fit actione spirituali; ejusmodi generis sunt invidia, & superbia. Quæ prioris sunt generis, quoad adhesionem ad objectum, & quoad infamiam, sunt majora; quæ vero posterioris, ceteris paribus, quoad culpam sunt graviora.

V. peccata ratione effectus dividuntur in mortalia & venialia. Illa, uno ictu (ait Augustinus) animam perimunt, seu mortem inferunt animæ: quippe quæ caritatem expellant, per quam unam anima vivit; proindeque peccantem excludunt a regno cælorum. Ista, seu venialia, animam vulnerant quidem, sed non ad mortem; non enim tollunt amorem Dei super omnia, nec proinde ipsam gratiam sanctificantem: unde simpliciter & absolute non avertunt ab ultimo fine, sed minuunt caritatis fervorem, cælestisque beatitudinis assecutionem retardant.

VI. Peccata ratione causæ intrinsece ad ea moventis, sunt peccata vel ignorantie, vel infirmitatis, vel malitiæ. Prima, sunt vel actus, vel omissio, quæ ex hominis inertia procedunt. Altera, sunt quæ ex passione, seu ex ardore concupiscentiæ, proficiuntur: Tertia, sunt quæ ex plena voluntate, ac libertate, absque ignorantia, & passione sensitiva, committuntur.

VII. Nonnulli recentiores peccatum dividunt in Philosophicum, & Theologicum. Prius definiunt, illud quod opponitur quidem rationi, sed non Deo: posterius vero quod & rationi & Deo contrarium est.

De illa posteriori peccati divisione nihil hic dicemus, quippe quæ ficticia sit. Quæ-

cumque enim rectæ rationi opponuntur, opponuntur quoque æternæ legi, cum ratio non aliud sit, quam æternæ legis participatio per inspirationem luminis & amoris; & aliunde lex æterna non aliud sit, quam summa ratio in Deo existens, quæ (ut in nostro tractatu de legibus dictum est) ordinem naturalem conservari jubet, perturbari vetat.

Excogitata fuit a recentioribus quibusdam illa peccati divisio, ut excusarentur ii omnes, qui nescientes Deum existere, innumeris facinoribus & flagitiis se ipsos deturparunt; immo & eos etiam ex fidelibus, qui dum peccant, advertunt quidem actum suum esse legi naturali, seu rationi dissentaneum, sed non advertunt esse illum contra Deum ipsum, aut esse injuriam illi illatam: eo progressi fuerant illi scriptores, ut assererent, ipsa etiam adulteria posse esse peccata philosophica tantum, ita ut per ea adulteri poenam quidem temporalem, sed non æternam, demererentur. Sed doctrinam illam damnavit Clerus Gallicanus, ut quæstione decima dicetur.

QUÆSTIO IX.

Quæ sit doctrina Cleri Gallicani de peccatis.

Not. **U**T eandem, in dissertatione de peccatis in genere, methodum servemus, quam servavimus in præcedentibus, operæ pretium est, ut hic exscribamus censuram, quam nonnullis circa peccata propositionibus Clerus Gallicanus, ad Comitata Generalia anno 1700, in Palatio Regio San Germano congregatus, inussit.

Prima propositio. *Si peccatores consummata malitia, cum blasphemant & flagitiis se immergunt, non habent conscientie stimulos, nec mali quod agunt notitiam, cum omnibus theologis propugno, eos hisce actionibus non peccare.*

Censura. *Hæc propositio falsa est, temeraria, perniciofa, bonos mores corrumpit, blasphemiat, aliaque peccata excusat, & ut talis a Clero Gallicano (in Comitibus Generalibus anni 1641.) jam damnata est.*

Secunda propositio, ab Inquisitoribus Romanis coram Alex. Papa VIII. die 24. Aug. 1590. jam damnata. *Peccatum philosophicum, seu morale, est actus humanus dissonans naturæ rationali, & rectæ rationi: Theologicum vero & mortale, est transgressio libera divini legis. Philosophicum, quantumvis grave, in illo qui Deum vel ignorat, vel de Deo actu non cogitat, est grave peccatum, sed non est offensiva Dei, neque peccatum mortale dissolvens amicitiam Dei, neque æterna pena dignum.*

Censura. *Hæc propositio scandalosa est, temeraria, piarum aurium offensiva, & erronea.*
Ter-

Tertia propositio. Pleaque peccata, de quibus ait Apostolus, quod qui talia agunt, regnum Dei non possidebunt, & quae expresse aduersantur praeceptis Decalogi, mortalia dici possunt, . . . quoniam . . . horum facinororum rei, aut amittere omnem caritatis sensum, aut exitium retinent, ita ut ipsis omnino dominetur cupiditas.

Quarta Prop. Id tamen intelligi posset, adhibito eo temperamento, ut qui plane repugnantes, ac velut involti ista perpetrassent, aut grauius mali impendentis metu, aut asu libidinis abrepti, ita ut ab istis angustis liberati, acuti dolore tangerentur ob commissum peccatum: tam certo affirmari non potest excidisse illorum gratiam, aut incurrisse penam damnationis: quamquam enim hoc momento dominata sit cupiditas, brevis & transitoria potuit esse huiusmodi dominatio, qua voluntatis antiqua dispositio non mutatur . . . hoc temperamentum naturaliter consequitur ex doctrina S. Augustini.

Censura. Haec propositiones, quae diuina caritatis habitum docent, aut significant posse consistere cum peccatis aduersus decalogum, ac de quibus ait Apostolus, quod qui talia agunt, regnum Dei non possidebunt; falsa sunt, erroneae, verbo Dei contrariae. Quae enim participatio iustitiae cum iniquitate . . . aut quae conventio Christi ad Belial? ad excusanda & imminuenda cuiusvis generis peccata viam aperiunt, & imponunt sancto Augustino.

Quinta propositio. Hinc inferre debemus, cum consensum qui praebetur cogitationibus praestit, cum tendit ad delectationem cogitandi tantum de re illicita, puta de ulciscenda injuria, secundum Augustinum, non esse aliud, quam veniale peccatum, licet ipse ulsionis actus, cujus cogitatione animus delectatur, sit pessimus, & certissimum mortale peccatum.

Censura. Haec propositio quaslibet cogitationes & delectationes, quas morosas vocant, regulariter imputans peccato veniali tantum, falsa est, temeraria, scandalosa, in praxi pernicioiosa, concupiscentiam fovet, in temptationem, & in grauius peccatum inducit, contraria (lib. 12. de Trinitate c. 12.) & injuriosa sancto Augustino.

DISSERTATIO SEPTIMA.

De peccato Originali.

Not. **Q**uae ad peccatum originale spectant, reduci possunt ad illius existentiam, essentiam, propagationis modum, poenas, & subiectum: hic igitur querendum est 1. utrum existat peccatum originale, 2. quid sit; 3. quomodo propagetur; 4. quodnam sit illius subiectum, hoc est, quinam contrahant originale peccatum; 5. denique quibus castigetur poenis.

QUESTIO PRIMA.

Utrum existat peccatum originale.

Not. **S**anctus Augustinus libro de haeresibus, num. 88. docet, Pelagium, Caesetium, & illius discipulos negauisse existentiam originalis peccati. In eum Pelagianorum errorem abierunt elapso proxime saeculo plures haeretici, & in primis Sociniani, qui haeresim illam cum aliis fere omnibus, quae in Conciliis Generalibus jam diu scriptae fuerant, innovarunt.

CONCLUSIO. Datur peccatum originale, hoc est, qui ex Adamo per libidinem generantur, contrahunt peccatum, quod ideo originale dicitur, quod uniuscuiusque hominis per viam ordinariam geniti originem comitetur.

Nostri conclusio probari potest 1. ex Scriptura; 2. ex Traditione Patrum; 3. argumentis ex ratione naturali petitis.

CAPUT I.

Proferuntur Scripturae testimonia. Ex veteri Testamento.

PRimo. In libro Job, c. 14. juxta versionem Septuaginta interpretum, haec leguntur, *Nemo mundus a sorde, nec infans, cujus est unius diei vita super terram*; juxta vero vulgatam nostram: *Quis potest facere mundum de immundo conceptum semine? nonne tu qui solus es?* Unde sic arguitur: Infans, cujus est unus dies super terram, non est mundus a sorde; conceptus est de immundo semine, cumque Deus solus potest mundum facere: sed sordes illa, immunditia illa, non aliud sunt, quam peccatum; nullius enim rei natura per se sordida est, & immunda: *Vidit Deus* (inquit Scriptura) *cuncta quae fecerat, & erant valde bona*. Illud autem peccatum non est actuale, cum infantes, utpote ratione destituti, actu peccare non possint: ergo est peccatum originale, seu peccatum, quod per originem trahitur. Augustinus in libro 20. de Civit. Dei c. 26. urget argumentum illud, eoque utitur ut probet, Judaeorum sacrificia non fuisse oblata ab hominibus quolibet peccato vacuis, cum omnes originis peccatum contraxissent. *Ceterum* (inquit S. Doctor) *ex quo commissa praerogationis causa, inde (primi parentes) dimissi sunt, atque humana in eis natura damnata est, excepto uno Mediatore, & post lavacrum regenerationis quibusque adhuc parvulis, nemo mundus a sorde, sicut scriptum est, nec infans, cujus est vita unius diei super terram.*

II. Propheta Rex Psal. 50. sic loquitur: *Eccie enim in iniquitatibus conceptus sum, & in*

Et in peccatis concepit me mater mea. Ea verba usurpat David, ut argumentum conquirat, quibus ad se divinam misericordiam fleat; proindeque intelligi non possunt de peccatis parentum; neque enim argumento ex alienis peccatis petito uti potuisset, ut ad se Dei misericordiam fleteret; & præterea falsum supposuisset ea ratio, scilicet certum est, Davidem non ex fornicatione, vel adulterio, sed ex honesto, sanctoque conjugio natum fuisse. Unde sic argumentum conficitur: Idem debet ferri iudicium de aliis hominibus via ordinaria genitis, ac de Davide: atqui David contraxit peccatum originale; natus est nimirum in iniquitate: at ea iniquitas non est actualis: ergo originis est iniquitas.

Dices: Propheta Rex ait, se natum non in iniquitate, in singulari numero, sed in iniquitatibus, in plurali numero: ergo non loquitur de peccato, quod per originem contraxerit; peccatum enim quod per originem contraheretur, non esset multiplex, sed unum tantum.

Verum inanis est illa responsio. Scilicet in uno Adami peccato, quod totam postea infecit humanam speciem, non una, sed multiplex fuit noxa; ac proinde de eo peccato quasi in plurali numero loqui potuit Propheta Rex. Nititur illa responsio auctoritate S. Augustini, qui Enchiridii cap. 45. sic de Adami peccato loquitur: *Superbia est illis, quia homo in sua potius esse, quam in Dei potestate dilexit: & sacrilegium, quia Deo non credidit: & homicidium, quia semetipsum praecepit in mortem & fornicatio, quia integritas mentis humanae serpentina suasionem corrupta est: & furtum, quia cibis prohibitis usurpatus est: & avaritia, quia plus quam illi sufficere debuit appetiuit.*

III. Genesis 17. hac habentur: *Masculus cujus caro praeputii circumcisa non fuerit, peribit anima ejus de populo suo, quia pactum meum irritum fecit.*

In eam autem Scripturae sententiam, S. Augustinus observat 1. reveram illam interminationem: *Peribit anima ejus de populo suo*, non intelligi de morte temporali, cum & circumcisis, suo quoque tempore infligatur. Observat 2. causam, cur masculi non circumcisi anima peritura sit de populo suo, esse, quod Dei pactum irritum fecerit: *Quia pactum meum irritum fecit.* Observat 3. circumcisionem antiquitus medium fuisse, quo impediri poterat, ne masculi anima periret de populo suo.

Iis tribus observationibus praemissis, S. Doctor ex laudato Geneseos textu eruit triplex argumentum pro existentia peccati originalis. Infans non circumcissus, spiritualiter mortuus est, nec in altera vita ad populum laicum, sanctos nimirum Patriarchas, apponetur: atqui mortis illius spiritualis, ejusmodi defe-

Juvenin Instit. Theol. Tom. III.

ctus appositionis ad populum, non alia est causa, quam peccatum, non actuale quidem, cum infantes octo dierum non sint illius capaces: ergo solum peccatum originale: *Quid enim peccati, quæso, parvulus propria voluntate commisit* (inquit August. in libro de peccato originali c. 30.) *ut alio negligente, & cum non circumcidente, ipse damnetur damnatione tam severa, ut pereat anima illa de populo suo? Neque enim temporalis mortis terror incussus est, cum de justis, quando moriebantur, tunc potius diceretur. Et appositus est ad populum suum; vel appositus est ad patres suos; quoniam necneque homini nulla tentatio formidatur qua illum separet a populo suo, si populus ejus ipse est populus Dei. Quid sibi ergo vult pro nullo propriae voluntatis admissa tanta damnatio? nisi quia infans pertinet ad massam damnationis, & juste, ex Adam natus, nisi inde fuerit, non secundum debitum, sed secundum gratiam liberatur.*

Præterea (est aliud Augustini argumentum lib. 2. de nuptiis & concupiscentia c. 11.) Ille reus est peccati originis, qui in Adamo irritum fecit Dei pactum: sed infans octo dierum irritum fecit in Adamo Dei pactum: ergo reus est peccati originalis: *Dicitur iste, si potest* (verba sunt Augustini de Juliano loquentis l. 2. de nupt. & concupisc. c. 11.) *quomodo puer ille testamentum Dei dissipavit octo dierum; quantum ad ipsum attinet, innocent infans, & tamen nullo modo Deus vel Scriptura sancta id mendaciter diceret. Tunc ergo dissipavit testamentum Dei, non hoc de imperata circumcissione, sed illud de ligni prohibitione, quando per unum hominem peccatum intravit in mundum, & per peccatum mors, & ita in omnes homines pertransiit, in quo omnes peccaverunt.*

Tandem. Id existit (tertium est argumentum Augustini in lib. 3. contra Julianum c. 18.) In ejus remedium quondam instituta fuerat circumcisio: atqui circumcisio quondam instituta fuerat in remedium peccati originalis, seu ad medendum peccato, in quo infans Dei pactum irritum fecerat: ergo existit peccatum originale.

Sed hæc satis fiat de antiquo Testamento, jam ex Novo ostendenda est peccati originalis existentia.

Testimonia ex Novo Testamento petita.

Ex Cap. 5. Epistola ad Rom.

Apostolus in Epistola ad Romanos, c. 5. sic loquitur: *Sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.* Unde sic arguitur. Datur peccatum quod per unum hominem in hunc mundum intravit, quod omnes in primo homine admiserunt; atqui

F f illud

illud peccatum non aliud est, quam peccatum originale, scilicet, quod origine contrahitur: ergo, &c.

Pelagiani nullum non moverunt lapidem, ut argumenti ex laudato Apostoli textu petiti vim declinarent. Respondebant igitur 1. per mortem illam, cuius in Apostoli textu fit mentio, intelligi non debere corporis mortem (quam nolebant Adami lapsum in mundum inexistere) sed mortem animæ, quæ ex ipso peccato sequitur. Respondebant 2. ipsummet esse actuale peccatum Adami, quod in mundum intravit; non propagatione, sed imitatione.

Sed pravum illum sensum, & acutissime & solidissime variis argumentis confutavit Augustinus.

Nam 1. in ea suppositione falsa esset Apostoli propositio: cum enim Angelus ante hominem peccaverit, peccatum non per unum hominem, sed per Angelum in mundum intrasset: nimirum Angelus sua inobedientia hominibus pravo fuit exemplo: unde & ipsum Adamus, cum peccavit, imitatus est, & nos imitatur, quoties infringimus Dei præceptum, divinumque ejus jugum a nostra cervice excutere conamur. Augustini est argumentum illud lib. 2. de Nuptiis & Concupisc. c. 17.

2. Si Apostolus de peccato imitationis loqui voluisset, dixisset potius, per unam feminam, quam per unum hominem, peccatum intrasse in mundum. Ita ratiocinatur Augustinus lib. 2. Operis imperfecti contra Julianum, c. 16. Numquid (ait) Eam non imitarentur peccantes, aut peccatum generis humani non magis ex ipsa sumit initium? A muliere initium factum est peccati; & propter illam, sicut scriptum est, morimur omnes. Cur ergo non vis attendere, propterea potius Apostolum, unum dixisset hominem, per quem peccatum intravit in mundum; quia non imitationem, sed generationem volebat intelligi; sicut enim a muliere initium peccati fuit, sic initium generationis a viro est.

3. Si eo in loco Apostolo propositum fuisset loqui de imitationis peccato, non debuisset opponere uni homini, per quem peccatum intravit in mundum, Adamo nimirum, alium hominem; Christum scilicet, per quem intrasset justitia; nempe ad imitationis exemplum debuisset Abelem proponere; is enim nullius iusti imitator, primus justitiæ præbuit exemplum: at Adamo tamen, per quem peccatum in mundum intravit, Christum, per quem injecta est justitia, opposuit: ergo propositum non fuit Apostolo loqui de peccato imitationis.

4. Eadem ratione, ex Apostolo, peccatum per Adamum intravit in mundum, quia justitia in eum per Christum injecta est; eodem enim modo, ex eodem Apostolo, Ada-

mus est causa peccati, quo Christus est causa justitiæ: atqui Christus non est causa justitiæ per imitationem tantum, sed per realem, & veram justitiæ communicationem: ergo Adamus pariter, non per imitationem tantum, sed per realem & veram peccati communicationem, est causa peccati. Augustini est illud argumentum, l. 2. de peccatorum meritis c. 9.

5. Doctor urget idem argumentum lib. 6. contra Julianum c. 12. sic enim ratiocinatur: Sicut non imitantur Christum parvuli, quia nondum possunt; & tamen ad ejus gratiam spiritualiter pertinere possunt: ita sine imitatione primi hominis, contagione tamen ex ipso carnalis generationis obstricti sunt: Si autem propterea vis est a primi hominis alienos esse peccato, quia cum non sunt imitati propria voluntate, ista ratione alienabitis eos & a justitia Christi, quia nec ipsum imitati sunt propria voluntate. Vide idem argumentum fufius pertractatum in lib. 2. Operis imperfecti, cap. 101.

6. Apostolus eodem sensu in Epistola ad Romanos asseruit, per unum hominem peccatum intrasse in mundum, & per peccatum mortem, quam eo quo 1. ad Corinthios, 5. hanc sententiam protulit: Per hominem mors, & per hominem resurrectio mortuorum: & sicut in Adam omnes moriuntur, ita & in Christo omnes vivificabuntur. At illa sententia intelligitur de vera & reali corporis resurrectione Christi, ut probet futuram corporum nostrorum resurrectionem: ergo Apostolus, cum in Epistola ad Romanos asserit per Adamum peccatum & mortem intrasse in mundum, intelligi debet de peccati & mortis reali ingressu in mundum, non autem de metaphorico, qui sit per imitationem. Ita ratiocinatur idem Augustinus lib. 1. de peccatorum meritis cap. 8.

Obicies 1. Si peccatum per generationem, non autem per imitationem tantum, in mundum intravit, non per unum hominem (ut asserit Apostolus) sed per duos intrare debuit: siquidem generatio, non per unum, sed per duos efficitur: ergo, &c.

Resp. neg. ant. Siquidem (ait Augustinus lib. 2. Operis Imperfecti c. 83.) Ideo dictum est, per unum hominem, non per duos, quia non a femina concipiente & pariente, sed a viro seminante est generationis exordium: aut, quia jam non sunt duo, quando per coitum una fit caro.

Obicies 2. Si mors in mundum per Adamum intravit, primi hominis iniquitas multo plus virtutis ad nocendum habuisset, quam gratia Christi ad medendum obtineret: neque enim Christi gratia aufert mortem, cujus debitum per primi parentis peccatum contraxerat: Sed absurdum est consequens: ergo mors, ergo peccatum, per unius delictum, non generatione, sed imitatione tantum intravit in mundum.

Resp.

Resp. neg. sequelam maj. Nam (ut ait Augustinus lib. 2. Operis imperfecti contra Julianum, cap. 97.) Gratia Christi 1. aufert originalis peccati reatum; 2. dimittit etiam peccata, quæ homines addiderunt, juxta illud Apostoli: *Gratia vero ex multis delictis in justificationem*; 3. donat, ut contra carnis concupiscentiam Spiritus concupiscat; 4. si quando in hoc certamine venialiter vincitur homo, delicta dimittit oratio; 5. quamvis damnabiliter vincatur, ipsa dat humiliorem poenitentiam, cui tribuitur indulgentia; 6. donat postremo vitam æternam & animæ & corpori: *Quomodo ergo (ait Augustinus) plur nocuit primi hominis iniquitas, quam presuit secundi hominis, hoc est Christi, bonitas?*

Ideo autem in hac via non perfecte nos reparat Christi gratia: 1. ut magnitudo peccati intelligatur; 2. quia si merces fidei continuo redderetur, jam nec fides ipsa esset; quæ mala presentia videns, ideo pie tolerat, quia bona promissa, non videns, fideliter & patienter expectat. Ita respondet Augustinus l. 2. Operis imperfecti, cap. 75.

Obicies 3. Apostolus (argumentum est Juliani, apud Augustinum lib. 2. Operis imperfecti cap. 142.) docet, multo in plures abundasse beneficia, quam dispendia: at id falsum esset si peccatum per generationem, non autem per imitationem, traduceretur; neque enim iis omnibus, qui in Adam peccarunt, profunt Christi merita: ergo Apostoli locus ex Epistola ad Romanos intelligi debet de peccato per imitationem, non autem per generationem contracto.

Resp. neg. maj. hoc est, nego, Apostolum dixisse, gratiam Christi in magis multos abundasse, sed simpliciter, magis abundasse. Non dixit Apostolus (verba sunt Augustini) gratiam abundasse in magis multos, sed magis abundasse. In comparatione namque pereuntium pauci sunt qui salvantur; sine comparatione autem & ipsi multi sunt. Quo autem sensu Christi gratia magis abundaverit, superius jam exposuimus, ubi dictum est magis abundasse in prædestinatis: multo enim plura sunt dona quæ per gratiam eis conferuntur, quam dispendia quæ per Adami peccatum contraxerunt, ut eodem in libro cap. 100. Augustinus asserit.

Obicies 4. In hac Apostoli sententia: *Per unum hominem peccatum intravit in mundum, & per peccatum mors, & ita in omnes homines mors pertransiit, in quo omnes peccaverunt*; vox Omnes de multis tantum intelligitur; ita ut sensus sit omnes adultos in Adamo peccasse, non autem parvulos, cum, utpote ratione destituti, Adamum imitari non possint: Scilicet eos, quos Apostolus Omnes dixerat, multos postea dixit 1. ad Corinth. 13. Et sicut in Adam omnes mortui sunt, ita & in Christo omnes vivificabun-

tur, Si enim in his verbis, ita & in Christo omnes vivificabuntur, vox Omnes, non sumeretur pro Multis, sed pro omnibus, Apostolus falsum dixisset; siquidem omnes qui per Adam nascuntur, non renascuntur per Christum. Ita discurret Julianus apud Augustinum l. 2. Operis imperfecti, c. 145.

Resp. utroque in loco vocem, Omnes, sumi universaliter: ita ut sensus sit, quod sicut omnes qui intrant in mundum, peccarunt in Adamo, ita etiam omnes qui vivificantur, in Christo vivificentur.

Petita est ea responsio ex Aug. l. 6. contra Julian. c. 12. Cum autem (inquit) multos, quos dixit postea, non vis intelligi omnes, quod ubi prius dixerat, ideo existimas dictum fuisse multos, ne omnes intelligerentur, poteris hoc dicere & de semine Abrahæ, cui promissa sunt gentes, non omnes gentes, si fuisse promissar: quia dictum est in alio loco: Patrem multarum gentium posui te. Est autem sanus intellectus, ideo sic locutam fuisse Scripturam, quia possunt esse aliqua omnia, quæ non sunt multa, sicut omnia dicimus Evangelia, & tamen brevi numero, id est, quaternario continentur. Et rursus possunt esse aliqua multa, non tamen omnia, sicut multos dicimus credere in Christum, nec tamen omnes credunt: non enim omnium est fides, ait Apostolus.

Quod autem dictum est, In semine tuo benedicentur omnes gentes: & Patrem multarum gentium posui te, eosdem omnes multas, omnes esse monstratum est. Ita etiam cum dictum, Per unum in omnes transiit peccatum; & postea, Per unius inobedientiam peccatores constituitur multos, ipsi sunt multi, quæ & omnes. Similiter cum dictum est, Per unius obedientiam justii constituntur multi, non aliquibus exceptis, sed eosdem multos, omnes oportet intelligi: non quia omnes justificantur in Christo: sed quia omnes, qui justificantur, non aliter possunt justificari, quam in Christo; sicut possumus dicere, in aliquam domum per unam januam intrare omnes, non quia omnes homines intrent in eandem domum: sed quia nemo intrat, nisi per illam.

Omnes ergo ad mortem per Adam, omnes ad vitam per Christum; quia sicut in Adam omnes moriuntur, ita & in Christo omnes vivificantur: id est, ex prima origine generis humani, nemo ad mortem, nisi per Adam, & nemo per Adam, nisi ad mortem, & nemo ad vitam nisi per Christum, & nemo per Christum, nisi ad vitam. Eo igitur tenent ea Augustini responsio, ut in utroque textu, quem Julianus objecerat, vox Omnes, de omnibus intelligatur.

Ex eodem capite 5. Epistola ad Romanos.

Apostolus in Epistola ad Rom. c. 5. sic loquitur: Commendat autem suam caritatem Deus

Deus in nobis, quoniam cum adhuc peccatores essemus, Christus pro nobis mortuus est. Unde sic arguitur: Christus non tantum pro adultis, qui illum imitari potuerint, sed etiam pro parvulis, qui non potuerint illum imitari, mortuus est: atqui Christus non est mortuus, nisi pro iis qui peccaverunt; non enim mortuus est, nisi pro mortuis morte spiritali, hoc est, morte peccati; ergo parvuli non quidem propria voluntate, sed aliena, Adami nimirum, mortui sunt; hoc est, peccaverunt. Ita ratiocinatur Augustinus libro 3. contra Julianum, cap. 1.

Respondebat Julianus, Christum mortuum quidem esse pro peccatoribus, hoc est, mortuum eum esse etiam pro iis qui nunquam peccaverunt.

Sed responsum illud variis argumentis Augustinus ibidem convellit. Primo (ait) nunquam legis in divinis auctoritatibus, mortuum scilicet esse Christum etiam pro eis, qui nullum habuerunt peccatum. 2. Dicit Apostolus secunda ad Cor. 5. Quoniam unus pro omnibus mortuus est, ostendens fieri non potuisse, ut moreretur, nisi pro mortuis: ex hoc enim probavit omnes mortuos esse, quia pro omnibus mortuus est Deus; quia ergo non in tempore, restat ut in peccato, esse mortuos omnes, si pro omnibus mortuus est Christus, nemo negat, nemo dubitet, qui se non negat, aut dubitat esse Christianum. Quamobrem si nullum trahunt peccatum parvuli, non sunt mortui; si non sunt mortui, non est mortuus pro eis, qui non est mortuus nisi pro mortuis; tu autem jam in primo tuo libro contra nos clamans dixisti, Christum etiam pro parvulis mortuum: nullo modo igitur negare permittis eos habere originale peccatum.

Huc referri potest quod ait Apostolus ad Rom. 5. Et enim Christus pro impiis mortuus est. Referri etiam potest, quod sanguis Christi fusus sit in remissionem peccatorum; quod testetur ipsemet Christus filium hominis venisse quærere & salvum facere quod perierat. Quod est pretium (ait Augustinus l. 3. Operis impertecti, c. 139.) quo fit, ut renascantur parvuli, nisi sanguis agni immaculati, qui cum sit effusus, clamat ipse agnus; nec non ipse ait, Hic est sanguis meus, qui pro vobis effundetur in remissionem? Tu vero dicis illum sanguinem, etiam pro parvulis fundi, & negas eis per illum peccata ulla dimitti.

Ex his locis, in quibus Christus dicitur Jesus, Salvator, Redemptor.

I. Christus, est Jesus parvulorum qui baptizantur, cum enim deferuntur ad baptismum, deferuntur ad Jesum, ut sit illis Jesus, id est, Salvator: ergo perierunt, antequam ad Jesum deferantur, non utique pro-

pria voluntate, eum illius capaces non sint, sed aliena, Adami nimirum, in quo omnes peccaverunt. Augustinus urget argumentum illud serm. 14. de verbis Apostoli. Qui dicit, aliquibus baptizatis Christum non esse Jesum, omnino a sancta fidei regula alienus est. Qui autem dicit, infantium aetatem non habere quod salvet Jesus in ea, nihil aliud dicit, quam Christum Dominum, fidelibus infantibus, id est, in Christo baptizatis non esse Jesum. Jesus enim quid est? Interpretatur Jesus Salvator: Salvator est Jesus: quæ non salvat, non habendo quod in eis salvet, non est illis Jesus.

II. Sicut Christus est Jesus, seu Salvator parvulorum, ita etiam est eorum Redemptor; quemadmodum ergo non est illorum Salvator, nisi ipsi habeant, unde salventur, hoc est, peccatum; ita nec illorum est Redemptor, nisi habeant unde redimantur id est, captivitatem sub peccato, & peccati principe diabolo.

Augustinus utramque illam conditionem, & Salvatoris, & Redemptoris, in Christo conjungens, sic loquitur in libro de peccatorum meritis c. 24. Quis audeat dicere, non esse Christum infantium Salvatorem, nec Redemptorem? Unde autem salvos facit, si nulla in eis est originalis agnitio peccati? Unde redimit, si non sunt per originem primi hominis reconditi sub peccato?

Ex locis, in quibus de Baptismo agitur.

Duplex ex Baptismo desumitur argumentum ad probandam peccati originalis existentiam; Unum quidem ex eo quod Baptismus parvulis detur in remissionem peccatorum; Alterum ex eo quod Baptismus sit parvulis ad salutem necessarius necessitate medii.

Primum argumentum. Baptismus parvulis datur in remissionem peccatorum; ergo parvuli ante baptismum rei sunt peccati originalis. Antecedens constantissime negatum est a Pelagianis; licet enim ultro faterentur, infantes baptizari, ut adoptentur in filios Dei, ut heredes fiant regni calorum; contendebant tamen, eos in remissionem peccatorum minime baptizari: unde sic eos urget Augustinus l. 3. contra Julianum, c. 3. Non eos dicitis non debere baptizari, sed pro magnitudine sapientie vestre, res mirabiles dicitis. In Sacramento Salvatoris baptizantur, sed non liberantur; lavantur, sed non abluuntur; exorcizantur & exsufflantur, sed a potestate diaboli non eruantur. Hæc sunt sententiarum peritæ vestrarum. Itaque illud antecedens, quod Pelagiani negare cogeantur, variis momentis ex Augustino demonstratur.

Baptismus est sacramentum mortis Christi: ait enim Apostolus: *Quicumque baptizati sumus, in Christo Iesu in morte ipsius baptizati sumus*; atqui sacramentum mortis Christi datur in remissionem peccatorum; siquidem sacramentum mortis Christi debet exhibere illius mortem; hoc est, sicut Christus peccato, cujus similitudinem in carne ferebat, mortuus est; ita & peccato: nemo autem peccato moritur, nisi per remissionem peccatorum; ergo baptismus datur in remissionem peccatorum. Eam rationem urget Augustinus l. 8. contra Julianum, c. 1.

Alterum argumentum. Si parvuli peccatum originale non contraherent, baptismus eis ad salutem necessarius non esset; nempe baptismus ad salutem eis necessarius non est, qui sunt innocentes: atqui si parvuli peccatum originale non contraherent, essent innocentes: ergo baptismus eis ad salutem non est necessarius; contra quod tamen ipse Christus edixit: *Nisi quis renatus fuerit ex aqua & Spiritu Sancto, non potest introire in regnum celorum.*

Respondabant olim Pelagiani, baptismum parvulis non esse necessarium ad vitam æternam, sed tantum ad regni celestis consecutionem: unde inferebant, parvulos, qui sine baptismo moriuntur, non consecuturos quidem esse regnum celorum; sed propter innocentiam habituros esse vitam æternam.

Augustinus pluribus in locis responsum illud convellit. Scilicet docet 1. parvulos, si sint innocentes, jussu excludi non posse a regno celorum. Docet 2. parvulos non baptizatos, non modo regnum celorum non habituros, sed nec ipsam vitam æternam; licet a regno celorum (quod tamen falsum est) distingueretur. Itaque sic S. Doctor argumentatur: Vita æterna extra regnum celorum est verum exilium: atqui innocentes (ut sunt in Juliani suppositione) infantes, ad imaginem Dei creati, eo exilio mulctari non possunt: ergo nec excludi ex regno celorum: *Quid igitur offenderunt* (verba sunt Aug. l. 6. contra Julianum, c. 4.) *quos pariter innocentes, mundos, ad imaginem creatos, annumerabiles ab isto numero alienas, nec eorum voluntatem hujus ineffabilis prævenit largitate beneficii, separans tot imagines suas a regno suo? Si hoc eis non erit malum: non ergo amabunt regnum Dei tot innocentes imagines Dei: Si autem amabunt, & tantum amabunt.* Itaque S. Doctor sic argumentatur. Vita æterna extra regnum celorum verum ac durum est exilium: atqui parvuli (in Juliani suppositione) exilio mulctari non possunt. *Quid offendit, dic mihi,* (verba sunt Augustini Serm. 14. de verbis Apostoli) *ut non intret in regnum celorum, ut separaretur a sorte Sanctorum, ut sit esul a societate Angelorum? Videris enim tibi misericors, quia non auferis ei vitam, damna*

nas tamen quem separas a regno celorum; damnas, non eum percussis, sed in exilium mittis. Si amatur patria, magna pena: Si autem non amatur patria, peior est cordis pena. Parvum malum est in hominis corde qui societatem non querit Sanctorum, qui non desiderat regnum celorum? Si non desiderat, pena est de pervertitate; si autem desiderat, pena est de fraudata caritate; sed si (quod vis) parva sit pena, & ipsa pena magna est, si nulla culpa est hic: defende justitiam Dei, quare vel pena infligitur innocenti, in quo nullum invenitur omnino peccatum?

Docet 2. parvulos non baptizatos non modo regnum celorum non habituros, (quod Julianus fatebatur) sed nec ipsam vitam æternam: idque variis argumentis demonstrat. 1. Novitatis arguit dogma, quod vitam æternam a regno celorum distinguit: Ergo (inquit Sermone 14. de verbis Apostoli) *est æterna vita extra regnum celorum.* Primus hic error adversandus ab auribus, extirpandus a mentibus. Hoc novum in Ecclesia, prius inauditum est, esse vitam æternam præter regnum celorum, esse salutem æternam præter regnum Dei.

II. Vita æterna iis tantum concedenda est, quibus tribuetur resurrectio vitæ: atqui parvulis non baptizatis vitæ resurrectio non tribuetur, nimirum resurrectio in carnem incorruptibilem est effectus resurrectionis spiritus, quæ quidem non nisi per baptismum acquiritur: *Ad quam beatam perfectionem* (inquit Aug. in libro de peccato Origin. c. 39.) *hujus, quod nunc datur, sancti lavacri gratia pervenitur; quia enim regeneratione spiritus modo fit, ut peccata omnia præterita remittantur, ejus merito fiet etiam regeneratio carnis in æternam vitam, quia in ipsa carne incorruptibiliter resurgente peccatorum omnium incitamenta sanantur.*

III. Ut quis vitam æternam habeat, necesse est, ut Christi carnem manducet, juxta illud Evangelii, *Nisi manducaveritis carnem filii hominis, non habebitis vitam in vobis*; at non manducatur in voto etiam implicito, nisi facta per baptismum mystico corpori Christi insertio præcesserit, ut docet Aug. lib. 1. de peccatorum meritis c. 20. Ergo sine Baptismo vita æterna non habetur.

IV. Si tantum habebunt vitam æternam, qui in filium Dei crediderint; ait enim Dominus Joannis tertio: *Qui credit in filium Dei, habet vitam æternam: qui autem incredulus est filio, non habet vitam æternam, sed ira Dei manet super illum*: quæ quidem verba non minus ad infantes pertinere, quam illa: *Nisi manducaveritis carnem filii hominis*, docet Aug. l. 1. de peccatorum meritis, c. 20. In qua igitur ait (horum genere) *ponetis infantes? An in eorum qui credunt in filium, an in eorum qui sunt increduli filio? In neutro, ait aliquis,*

F f 3

quia

quia cum adhuc credere non possunt, nec increduli deputandi sunt. Non hoc iudicabat ecclesiastica regula, qua baptizatos infantes, fidelium numero adiungit. Porro si isti qui baptizantur, propter virtutem celebrationemque tanti sacramenti, quamvis suo corde atque ore non agant quod ad credendum, confitendumque pertineat, tamen in numero credentium computantur; profecto illi quibus sacramentum defuerit, in eis habendi sunt, qui non credunt filio; atque adeo si huius inanes gratiae de corpore exterint, sequitur eos, quod dictum est: Non habebunt vitam, sed ira Dei manet super eos. Et unde hoc, quando eos clarum est peccata propria non habere, si nec originali peccato teneantur obnoxii?

V. Vita aeterna non est praeter Christi societatem: sed ab illa societate prorsus alieni sunt qui baptizati non sunt: ergo parvuli qui hinc exeunt sine baptismate, vitam aeternam a regno caelorum distinctam non consequuntur. Petitum est illud argumentum ex Aug. Epist. 225. veteris Editionis: Testimonium divinarum eloquiorum dilucidissime apparet, nec praeter Christi societatem, ad vitam salutemque aeternam posse quemquam hominum pervenire, nec divino iudicio in iusto aliquem posse damnari, hoc est, ab illa vita & salute separari. Unde fit consequens, ut quoniam nihil agitur aliud, quando parvuli baptizantur, nisi ut incorporantur Ecclesiae, id est, Christi corpori, membrisque sociantur, manifestum est ad damnationem, nisi eis consultum fuerit, pertinere: non autem damnari possent, si peccatum utique non haberent. Vide apud Augustinum plura similia loca.

Ex locis, in quibus agitur de igne aeterno.

Primo. Dominus iudicaturus est vivos & mortuos, nulla aetate excepta. 2. Alios ponet ad dexteram, alios ad sinistram: nullus locus medius erit pro infantibus, sive baptizatis, sive non baptizatis. 3. Ad dexteram pertinet regnum caelorum. 4. Ad sinistram ignis aeternus. 5. Ignis ergo aeternus regno caelorum opponitur; proindeque qui in regno caelorum non erunt, erunt utique in igne aeterno. 6. Regnum caelorum vocatur ibi a Deo vita aeterna, cum ita concludit: Tunc abibunt ipsi in combustionem aeternam, iusti autem in vitam aeternam. Atqui parvuli sine baptismate decedentes non erunt in vita aeterna, ut jam ostensum est: erunt igitur in aeterna combustione. Ita ratiocinatur Aug. serm. 14. de verbis Apostoli,

Ex locis in quibus agitur de morte secunda.

Duplex mors distinguenda est, prima & secunda: Nosse debemus (inquit Aug. serm. 162. de Tempore) duas esse mortes. Dici-

tur enim mors prima, dicitur & Gen. Porro prima mortis duae sunt, una qua peccatrix anima per culpam dicitur a corpore suo; Altera, qua, iuxta c. 1. est per poenam de corpore suo. Prima est per poenam de corpore suo. Secunda, est & anima & corporis per poenam aeterna. De hac secunda morte, Scriptura, Apoc. c. 20. Beatus & f. 16. i. habet partem in resurrectione prima: in hac secunda morte non habet potestatem. Ibid. v. 9. dictum est: Dignolus qui sedebat eos, missus est in stagnum ignis & sulphuris, ubi & bestia & pseudopropheta cruciabuntur die ac nocte in saecula saeculorum: v. 14. subjungitur: Haec est mors secunda. Et c. 21. v. 8. Invidis autem, & exoratis, & incredulis, pars illorum erit in stagno ardenti igne, & sulphure, quod est mors secunda.

Hanc duplicem mortem, id est, Primam & Secundam, Deus primo parenti, si peccaret, minatus est: Quaecumque dno ederitis ex eo, morte moriemini. Cum duplicis illius mortis debito nascuntur, qui ex Adamo per viam seminalem propagantur; ab illa duplicis mortis obligatione illi tantum infantes liberantur, qui per Christi gratiam renascuntur: Ergo infantes qui sine baptismo moriuntur, cum prima morte teneantur, damnabuntur & secunda: ac proinde tantum abest, ut habituri sint vitam aeternam, quin potius in mortem sempiternam praecipitandi sint. Vide argumentum illud fufse portractatum apud Aug. serm. 162. de Tempore, nec non l. 15. de Civ. Dei, c. 3. 4. & 14.

Praeterea qui non sunt cum Christo, necesse est ut sint cum diabolo; nam post peccatum primi parentis nihil omnino inter Christum & Diabolum, medium tenet: Sicut (ait Aug. l. 1. de peccatorum meritis, c. 28.) per unum omnes ad condemnationem, sic per unum omnes ad justificationem: nec est ullus ulli medius locus, ut possit esse nisi cum Diabolo, qui non est cum Christo. Id vero ex ipsiusmet Christi verbis: Qui non est mecum, contra me est; S. Doctor confirmat. Atqui tantum abest, ut diabolus habeat vitam aeternam, quin e contra miseria aeterna in igne crucietur: ergo & infantes qui sine baptismo moriuntur.

III. Parvuli nondum baptizati sunt sub potestate diaboli, atqui ii tantum sunt sub potestate diaboli, qui peccati alicujus rei sunt: ergo infantes nondum baptizati rei sunt alicujus peccati, non actualis quidem, ergo originalis. Ita ratiocinatur Aug. l. 1. de Nuptiis & Concupiscentia, c. 20.

Idem argumentum urget S. Doctor l. 2. Operis imperfecti, n. 76. ubi sic loquitur: Dic, parvulus, cum baptizantur, non erui de potestate tenebrarum, & cum magna injuria Dei per universam Ecclesiam exorari & exsuffari imagines Dei. Vide idem argumen-

tum

tum l. 1. de peccatorum meritis c. 34. libro de peccato originali c. 40. l. 2. de nuptiis & concup. c. 18.

C A P U T II.

Profertur argumentum ex Traditione peti- tum.

Not. 1. Nihil hic dicemus de Patribus, qui post Augustinum vivere; in confesso nimirum est, quotquot a S. illius Doctoris ætate, tum in Oriente, tum in Occidente floruerunt, agnovisse in hominibus, qui via ordinaria generantur, peccatum originale; sed nonnullorum ex Patribus, qui tribus prioribus sæculis scripserunt, textus referemus, ut eamus obviam Pelagianis, qui de existentia peccati originalis S. Augustinum novitatis infamabant. Sic enim loquuntur apud eundem Augustinum libro 2. de nuptiis & concupiscent. c. 13. *Confitearis ergo necesse est, originale quod finxeris, inseruisse peccatum.* Ad quæ verba sic respondet S. Doctor: *Non ego finxi originale peccatum, quod Catholica fides creditur antiquitus: sed tu, qui hoc negas, sine dubio es novus hæreticus.* Eam a se & ab Ecclesia Catholica columniam Augustinus variis in locis depellit, sed præsertim lib. 1. contra Julianum c. 3. & aliis.

Nempe Sanctus Doctor laudat 1. Cyprianum, qui consultus a Fido Episcopo, utrum infans statim post natiuitatem baptizandus sit, an vero ad octavum usque diem illius baptismi protrahi debeat, respondit, statim baptizari debere; eo quod infantes solo baptismo consequi possint remissionem non quidem proprii, sed alieni peccati: at alienum illud peccatum non in alio, ex eodem Cypriano, positum est, nisi quod infans secundum Adam carnaliter natus, contagium mortis antiquæ prima natiuitate contraxit.

Laudat 2. idem S. Doctor Reticius Episcopum Augustodunensem, qui in Opusculo, quod jam non extat, asserit, Ignorantia præfata delicta per baptismum in infantibus deleri, eosque in illo sacramento veterem hominem cum ingentis sceleribus exuere. Reticii testimonio conjungit auctoritatem Olympii Hispani desumptam ex quodam illius sermone, qui quidem licet Augustini tempore fidelium manibus tereretur, jam tamen nullibi extat.

Laudat 3. Hilarium Pictaviensem, qui de hac Apostoli sententia, *In quo omnes peccaverunt*, sic loquitur: *In quo, id est, in Adam omnes peccaverunt. Manifestum, in Adam omnes peccasse quasi in massa: ipse enim per peccatum corruptus, omnes quos genuit, nati sunt in peccato.*

Laudat 4. S. Ambrosium, qui lib. 1. in Lucam asserit, parvulos per baptismum a

malitia reformari. Vide apud eundem Aug. lib. 1. contra Julianum c. 2. plures alios in eundem scopum Ambrosii textus.

Laudat 5. Irenæum, qui lib. 4. adversus hæreses, c. 5. & c. 6. asserit, homines non salvari ab antiqua serpentis plaga, nisi per fidem in Christum; non nisi per eam fidem res solvi eos vinculis, per quæ protoplasti peccato alligati erant.

Laudat 6. S. Athanasium, qui in Opere de Incarnatione Verbi, sic loquitur: *Ut lapsa Adam in omnes homines peccatum dimanavit: ita domino præcedente, rigor ille in nos tandem transmeabit.* Vide apud eundem Augustinum plura alia Athanasii loca.

Laudat 7. S. Basilium, qui sermone 1. de ieiunio, hæc scribit: *Si jejunasset a ligno Eva, non isto indigeremus jejunio: non enim opus habent valentes medicos, sed male habentes.*

Laudat 8. S. Gregorium Nazianzenum, qui in Oratione in Natalem Christi, puello post initium, sic loquitur: *Sicut in Adam omnes mortui sumus, ita in Christo omnes vivificabimur.*

Laudat 9. S. Joannem Chrysostomum, qui in sua ad Olympiam Epistola sic loquitur: *Quando enim Adam peccavit, illud grate peccatum & omne genus humanum in commune damnavit.* Laudat & ejusdem S. Patris plures alios textus petitos tum ex homilia de resurrectione Lazari, tum ex homil. 10. in Epist. ad Romanos.

His Patribus adjungi potest Tertullianus, qui in libro de testimonio animæ cap. 3. sic de Adamo loquitur: *Exinde totum genus humanum de suo semine infectum, sue etiam damnationis traducem fecit.* In libro de anima c. 2. scribit, ex fidelibus natos eo sensu ab Apostolo Sanctos vocari, quod parentum fidelium cura baptismo sint abluendi. In libro 1. contra Marcionem c. 12. supponit, & sibi, & Marcioni persuasum esse quod omnes per primi parentis peccatum, peccati maculam contraxerint.

Adjungi potest & laudatis veritatis testibus S. Justinus Martyr, qui in Dialogo cum Tryphone expresse asserit, totum genus humanum per Adam in mortem, seductionemque serpentis contraxisse. Asserit quoque in Apologia II. ad Antoninum, unumquemque in baptismo renasci.

Origenes, Pelagianis quoad originalis peccati existentiam fuisse quidem videtur in lib. 2. Periarchon cap. 9. ubi hujus vitæ misérias refundit non in peccatum originale, sed ad superiorem vitam actam in peccatis, quorum animæ postea in corporibus pœnas darent. Verum multis aliis in locis catholicam de peccato originali doctrinam profitetur. Scilicet Homilia VIII. in Levit. expresse docet, uno excepto Christo, quemlibet hominem in peccato nasci: addis, b-

ptissima parvulis dari in remissionem peccatorum; hincque concludit, esse aliquid infantibus quod indulgentia, & remissione indigeat: Cum utique (ait) si nihil esset in parvulis, quod ad remissionem deberet & indulgentiam pertinere, gratia baptismi superflua videretur.

Iis, quæ hucusque dicta sunt pro asserenda peccati originalis existentia, addendum est argumentum petatum ex unanimi consensu omnium, quæ florebant, Ecclesiarum eo tempore quo Pelagius negare ausus est, Adami peccatum in illius posteros transfundi: Scilicet illarum Ecclesiarum & Carthagine, & Romæ, & Diospoli, dogma huiusmodi, ubi primum prodit, damnarunt: ergo doctrinam contrariam ex iis hauserant, qui florentissimis illis Ecclesiis præfuerant, antequam Pelagius ipse prodiret in lucem. Tanta eo in capite fuit Ecclesiarum vis, ut Pelagius earum definitioni, saltem verbo tenus, coactus sit adherere, ne intentato sibi fulmine obrueretur. Urget argumentum illud August. l. 1. contra Julianum, c. 3. *Hactenus* (inquit) *alii Episcopi Orientales 14. quos uno loco simul inventos in istum confessum introducere valeamus; illos ipsos, qui Pelagio iudices præfuerunt, eumque ut homines nullo ex altera parte urgente adversario, putantes Catholicum pronuntiarent. Nisi enim in eorum conspectu damnasset eos qui dicunt, &c. nullo modo inde indemnatus exisset.*

C A P U T III.

Afferitur existentia peccati originalis argumento ex ratione petito.

S Augustinus in l. 22. de Civ. Dei c. 22. *textuit catalogum miseriarum*, quibus homo a primis infantium vagitibus usque ad extremos morientium halitus premitur. Ex vero miseriæ non in aliam causam refundi debent, quam in peccatum originale: ergo existit peccatum originale.

Quidam ex Philosophis miseriæ illas refundebant in naturam, quæ a scopo suo aberraverit, & operi suo nobilissimo parum fuerit æqua. Ita Tullius apud August. l. 4. contra Julianum cap. 12. Verum naturam eo in capite arguere, quid aliud est, quam ipsum creatorem reprehendere? siquidem natura, prout opifex est, a creatore minime distinguitur.

Alii ex Philosophis contendebant, miseriæ, de quibus agitur, refundi debere in quamdam materiam inobsequentem & inobedientem, ex qua factus sit mundus, quamque plurimi defectus necessario consequantur: sicut (inquirebant) rubigo ferrum, & fragilitas lignum, præter artificis voluntatem. Sed ita philosophari, non aliud est, quam dicere, Deum infirmum & impotentem, ut mundum

conderet, indiguisset aliqua materia, quam ipse non fecerit: aut si eam fecerit, non in omnibus obsequentem potuerit habere.

Placuit aliis Philosophis, animas in superiore aliqua vita, antequam carni committerentur, peccavisse, & inde in peccatorum poenam præcipites actas fuisse in carneos carceres, in quibus puniantur. Sed huic sententiæ adversatur Apostolus ad Roman. 9. ubi de electione Jacob, & Esau reprobatione loquens, ait, quod cum nondum nati essent, aut aliquid boni, aut mali egissent, ut secundum electionem propositum Dei maneret, non ex operibus, sed ex vocante dictum est: Jacob dilexi, Esau autem odio habui.

Manichæi duplicem quamdam naturam commenti sunt, alteram per se bonam quæ ipsius divinæ substantiæ esset emanatio: alteram per se malam quæ de gente esset tenebrarum. Cum autem (inquirebant) ex duplicis illius naturæ commistione Mundus a Deo bono factus sit, necesse est, ut in ipso homine sit quidpiam bonum, & quidpiam malum: ac proinde (addebant) mirum non est, quod homo, quandiu est in hac vita, plurimis miseriis afficiatur. Verum illius doctrinæ tum impietatem, tum absurditatem demonstravit Augustinus in operibus, quæ ab eo contra Manichæos exarata sunt. Inter eas autem rationes, quæ principem tenet locum, est ea quæ petitur ex Scripturæ locis, quæ docent, omne ens a Deo esse; ac proinde omne ens esse in se bonum, nullumque ex natura esse malum.

Pelagiani aliam inierunt viam. Scilicet contenderunt 1. ignorantiam veri, & difficultatem ad bonum, eum quibus nascimur, ceterasque vitæ calamitates quibus obruimur, esse naturæ prius institutæ conditiones inginitas, & (ut loquebantur) humanæ naturæ primordia. Contendebant 2. illam ignorantiam veri, eam ad bonum difficultatem, eas calamitates, non esse mala, sed aut bona, aut indifferentia; occasiones esse ad piorum & iustorum exercitationes. Contendebant 3. eas, sive ignorantiam, sive difficultatem, sive calamitates, ipsam etiam mortem, futuras fuisse in humano genere, etiam si Adamus non peccasset. Vide August. lib. 4. ad Bonifacium cap. 2.

Verum illud Pelagianorum systema, quo funditus evertitur catholica de peccato originali doctrina, variis Augustini principis confutari potest.

Primo quidem, calamitates quas patimur, esse mala, Scripturis aperte docemur. Ait enim Job: *Homo natus de muliere, brevis vivens tempore, repletur multis miseriis*. Sic etiam loquitur Propheta Rex: *Homo vanitati similis factus est, dies ejus sicut umbra prætereunt*. Hac quoque leguntur Ecclesiast. 4. *Jugum grave quod imposuit Deus super humeros filio-*

filiorum Adæ a die exitus de ventre matris eorum, usque in diem sepulture. Eodem spectant hæc Sapientie verba: Corpus quod corrumpitur aggravat animam, & deprimis terrena inhabitatio sensum multa cogitantem. Plures sunt alii similes Scripturarum textus.

II. Id malum est, ad cujus tolerantiam indigemus auxilio virtutis; non enim opus est virtute, nisi ad malum, ut par est, perseverandum: atqui virtutis auxilio indigemus, ut hujusce vitæ miserias, ut par est, perferamus: ergo illæ miserie sunt aliquod malum. Augustini est illud argumentum lib. 19. de Civit. Dei, cap. 4.

III. Humanam vitam cum fletibus ipsi infantes, tanquam Propheta suæ calamitatis, exordiantur: hinc Augustinus libro 2. Operis imperfecti c. 16. sic exclamant: *O domentiam singularem! hæc disputare, an insanire est? cum miseria se natos esse parvuli flendo testantur; & felices eos dicis?*

IV. Mors, cui omnes homines subjacent, summo est horrore cuilibet homini: ergo non est connaturalis homini, sed pœna peccati, cujus reus est: Si autem peccati pœna est; ergo & malum & miseria. Ita Augustinus libro 2. Operis imperfecti cap. 186.

V. Innumera sunt corporis & animæ vitia, surditas v. gr. cæcitas, fatuitas, & alia ejusmodi, quæ sine non esse mala, nemo nisi fatuus dicere audebit. Hinc Augustinus lib. 4. contra Julianum cap. 4. loquens de puerorum infantia, quam multis laudibus Julianus extollebat, multum eam ipse deprimat.

VI. Nonnulli infantes a dæmone vexantur; id enim aperte Scripturæ testantur: at vexatio illa malum est grave: ergo est pœna præcedentis peccati, non actualis quidem, sed originalis. Ita Augustinus argumentatur lib. 5. contra Julianum capite quinto.

VII. Malum nihil aliud est, quam substantiæ, seu naturæ, corruptio, vel defectus. Cum præterea substantiæ corruptio sit duplex, una voluntaria, & culpabilis, quam mirum animus diligendo creaturam pro creatore, ad id quod minus est, vergit: altera, involuntaria & inculpabilis, qua scilicet peccatum aliquod castigatur; necesse est, ut duplex sit malum; unum quod quis injuste facit: alterum, quod quis juste patitur. Illud, proprie peccatum dicitur; istud vero, pœnæ peccati. Prima mali species a Deo esse non potest: at posterior, ipsius est Dei tanquam vindicis: Cum ergo (inquit Augustinus in libro contra Fortunatum) duo sint genera malorum, peccatum, & pœna peccati: peccatum ad Deum non pertinet, pœna peccati ad vindicem pertinet: at licet malum pœnæ ad Deum tanquam vindicem pertineat, non est tamen prima illius causa, sed sola cupiditas; ad cupiditatem enim, tanquam ad primam causam, malum omne refunditur ab Apostolo: Si

enim (inquit August. in libro contra Fortunatum) radicem omnium malorum quæris, habet Apostolum dicentem, radicem omnium malorum esse cupiditatem: radicem radicis quærere non possum. 2. Solum malum culpæ, seu peccatum, potest esse prima causa mali pœnæ: ejusmodi enim est naturalis ordo rerum, quem lex æterna conservari jubet, perturbari vetat, ut peccatum præcedat pœnam, non e contra pœna peccatum: Si enim (ait August. lib. 3. de lib. arb. c. 9.) peccatis animarum detractis, miseria perseverat, aut etiam peccata præcedit, recte deformari dicitur ordo atque administratio universitatis.

Ex iis, quæ hucusque dicta sunt, sic argumentum conficitur: In eis est peccatum originale, qui multis miseriis premuntur; nam illæ miseriæ sunt jam in homine ad Dei ipsius fruitionem creato, & semel posito rerum statu, ut se habet, aliquod malum pœnæ; pœna autem si justa sit, præsupponit peccatum: nam, ut ait Augustinus lib. 1. Operis imperfecti cap. 39. *Sub Deo justo miser esse quisquam, nisi mereatur, non potest*: atqui infantes premuntur multis miseriis, quæ habent rationem mali; ac proinde, cum non sint malum culpæ, necesse est, ut sint malum pœnæ, ergo in infantibus est peccatum originale. Ita argumentatur Augustinus lib. 4. contra Julianum cap. ult. multisque aliis in locis, quos studiosus lector adire poterit, quosque hic brevitatæ causa prætermittimus.

CAPUT IV.

Solvuntur quæ adversus peccati originalis existentiam obijciuntur.

Not. QUæ contra peccati originalis existentiam obijciuntur, reducuntur 1. ad nonnulla Scripturæ loca; 2. ad quosdam Justin Martyris, Clementis Alexandrini, Lactantii, Theodoret, & Chrysostomi textus; 3. ad argumenta quædam ex absurdis petita, quibus Julianus adversus Augustinum agens, usus est.

Solvitur argumentum ex Scripturis petatum.

Obijcies. Ezechielis c. 18. hæc leguntur: *Anima, quæ peccaverit, ipsa morietur; filius non portabit iniquitatem patris; & pater non portabit iniquitatem filii: justitia justus super eum erit; & impietas impius super eum*: atqui, si daretur peccatum originale, falsa esset illa sententia; filius enim portaret iniquitatem patris.

Resp. 1. dist. maj. Filius non portabit iniquitatem patris, si iniquitatis paternæ non sit sit particeps, conc. maj. si illius particeps sit, neg. maj. Qui ex aliis hominibus generantur, sunt participes culpæ, cujus Adamus per suam ino-

inobedientiam factus fuit reus: unde micum non est quod tot tantisque malis infantes in hac vita premantur, & tot ac tantis in altera, si hinc exeant non regenerati, castigandi sint.

Resp. 2. dist. maj. Filius non portabit iniquitatem actualem patris, conc. maj. originalem, neg. Ezechielem non de ista, sed de illa tantum loqui evidens est, scilicet consolari voluit Judæos, apud quos invaluerat hoc proverbium: *Patres comederunt uvam acerbam, & dentes filiorum obsupescunt*: at ea ratione Judæos solatur, ut, si parentes iniquos non imitentur, poena, saltem æterna, qua parentes castigati sunt, ipsi minime castigandi sint: *Si autem* (inquit) *impius egerit penitentiam ab omnibus peccatis suis, que operatus est, & custodierit omnia præcepta mea, & fecerit judicium & justitiam, vita vivet, & morte, æterna, non morietur.*

Solvantur quæ obijciuntur ex Patribus.

Obijcies 1. Auctor quæstionum & responsum ad Orthodoxos, quem dicunt esse Justinum Martyrem, quæst. 88. asserit, Jobi sententiam: *Nemo mundus a sorde*, &c. ad infantes non pertinere: ergo censet, peccatum originale in parvulis non reperiri.

Resp. 1. auctorem illum non esse Justinum Martyrem qui circa medium secundum sæculum floruit; nempe meminit Origenis, qui octoginta annis post Martyrem Justinum vixit. Resp. 2. conc. ant. neg. consequ. Ratio est, quia auctor, de quo agitur, quæstione 88. agit de Peccato actuali: Porro (inquit) *natura ad peccandum natur est, qui per libert arbitrii delictum sibi ipsi dux est*: ac proinde mirum non est, quod asseruerit, textum ex Jobo petiit ad infantes non pertinere, hoc est, non probare eum, infantes esse alicujus actualis peccati reos.

Obijcies 2. Clemens Alexandrinus libro 3. Stromatum, aperte negat originale peccatum. Scribens adversus Encratitas, sive Tatianos, qui (ut ait Epiphanius hæresi 46.) *Saluti primæ hominis contradicunt, & nuptias damnant, atque omnino pares erant fornicationibus*; nec recipiunt in suorum numerum conjugia utentem, sive marem, sive feminam: scribens (inquam) *adversus Encratitas, negat Adami peccatum infantibus imputari; quem quidem articulum Encratitæ suo dogmati tanquam basim sustinebant; ex eo enim concludebant nuptias, seu actum conjugalem, per quem tantum malum propagaretur, esse malum: Dicant ergo Encratitæ, sive Tatiani, nobis* (inquit) *ubi fornicatus est infans natus? vel quomodo sub Ada cecidit execrationem, qui nihil est operatus? Restat ergo eis, ut videtur, consequenter ut dicant, malum esse generationem, non solum eam, que*

est corporis, sed etiam que est anima, propter quam etiam corpus. Adlit, Davidem ex conceptu nullum traxisse peccatum: Et quando dicit David: *In peccatis conceptus sum* dicit prope hoc quidem matrem suam, sed Eva mater fuit viventium: & si in peccatis fuit conceptus, sed non ipse in peccato, neque vero ipse peccatum.

Præterea eorundem Stromatum lib. 5. confutans Basilidem, qui ex verbis Job inferebat, infantium animas aliquid in vita superiore peccasse antequam carni conjungerentur, ne minimam quidem facit mentionem peccati originalis, quamvis argumentum quod pertrahabat, eum veluti cogere videretur, ut illius existentiam assereret.

Resp. ad 1. neg. ant. Ad 2. nego, quod Encratitæ peccatum originale tanquam basim suo dogmati subtraverint; e contra dogmati suo substernebant peccatum actuale in superiore vita commissum, & in cujus poenam animæ corporeis vinculis illigarentur; idque etiam aperte demonstrant verba, quibus Clemens Encratitas urget: *Dicant ergo nobis, ubi fornicatus est infans natus?* unde hæc alia ejusdem Clementis verba: *Quomodo sub Ada cecidit execrationem?* intelligenda sunt de execratione, in quam per peccatum actuale, quod in superiore vita, hoc est, ante unionem animæ cum corpore, admissum fuerit. Eadem ratione explicari debent hæc alia: *Sed non ipse David in peccato*, intelligenda sunt de peccato actuali, de quo Clementi inter & Encratitas erat quæstio; non autem de peccato originali, de quo non agebatur.

Obijcies 3. Tertullianus in libro de resurrectione carnis cap. 47. mortem quidem corporis refert in Adami prævaricationem, sed ad eandem prævaricationem non refert animæ mortem, seu maculam; ergo Tertullianus non alium effectum peccati Adami agnovit, quam carnis, non autem animæ mortem.

Resp. dist. ant. Tertullianus in lib. de resurrectione carnis, animæ maculam non refert in Adami peccatum, & refert alibi, conc. ant. & non refert alibi, neg. ant. Ideo in loco qui nobis objectus est, Tertullianus de sola corporis morte loquitur, quod ad quæstionem, de qua eo loci agebat, conferret, seu ad quæstionem de corporis resurrectione, quæ a Marcione negabatur, quamque Tertullianus probandam susceperat: in eo autem positum est illius argumentum, quod sicut antiquus Adam corpori mortem intulerat; ita & novus, qui est Christus, vitam illi collaturus sit. Jam vero quod idem Tertullianus animæ mortem, seu maculam, refuderit in Adami peccatum, superius variis ex ipso laudatis testimoniis ostensum est; quibus & addi potest illud capituli octavi lib. 7. de resurrectione carnis: *Carnis, in baptismo, abluatur, ut anima emaculetur.*

Obij-

Obiicies 4. Lactantius, Crispi Casaris præceptor, calamitates omnes, quas in hac vita patimur, refert non in peccatum originale, sed ad solam naturam: ergo non agnovit existentiam originalis peccati: alioquin enim in ipsum, sicut & postea Augustinus, non vero in naturam calamitates illas retulisset. Probatur aut. ex ejusdem Lactantii lib. 7. Inst. cap. 3. ubi de vita beata differens, pugnam carnis adversus animam, aliasque misérias docet insertas nobis fuisse, ut essent exercitationis occasio: *Cur igitur (inquit) cum, Deus, mortalem, hominem, finxit atque fragilem... ut proponeret homini virtutem, id est, tolerantiam malorum, ac bonorum, per quam posses premium immortalitatis adipisci*: ergo, &c.

Resp. dist. ant. Lactantius calamitates, quas patimur, sumptas in ordine ad finem, ad quem conferunt, conc. ant. sumptas quoad veram causam & originem, ex qua oriuntur, neg. ant. hoc est, Lactantius docet, naturam, seu Deum, eas in homine misérias permittere, ut sint in homine exercitationis occasio: sed non docet, naturam esse primam causam, & primam originem illarum misérarum. Scilicet Lactantius contra Philosophos probandum suscepit, hominem propter Deum fuisse conditum, & universum orbem propter hominem. Ubi vero illud principium variis argumentis confirmavit, solvit c. 5. ejusdem libri hanc ab Epicuro propositam quæstionem: *Si tantum honoris hominis Deus habuit, ut ipsius causa mundum fabricaret... cur mortalem, fragilemque constituit?* asseritque, ita Deum se gessisse, ut homines iis malis uterentur ad virtutem & præmium: *Ut ad illud (inquit) eterna vite inolequibile premium, summa cum difficultate, & magnis laboribus pervenirent*. Itaque Lactantius satis fuit adversus Philosophos ostendere finem, quem Deus sibi in hominis anima cum fragili corpore illiganda proposuit; nec opus fuit, ut altiore & abstrusiore causam, nempe originis peccatum, expresse-rit; ne scilicet nova illa difficultate Philosophos ab amplectenda veritate deterreret, quos ad veræ sapientiæ cultum adducere sibi constituerat. Itaque Lactantius æconomiz causa, tacet peccatum originale; sed illud non negat: unde ex ejus silentio nihil contra ejusdem peccati originalis existentiam concludi potest.

Obiicies 5. S. Gregorius Nyssenus in Oratione de infantibus præmatura morte abreptis, ab Hierio quæsitus, an infantes illi ad universale judicium vocandi essent, respondet exclamandum cum Apostolo, O ALTI-TUDO! 2. Docet, infantes esse omnis malitiæ expertes, nec indigere sanitate: *Puellus (inquit) infans simplex, omnisque malitia expertus... sanitate quæ per purgationem contin-git, non indigens*; ergo Gregorius, &c.

Resp. Gregorium Nyssenum eo in loco loqui de infantibus baptizatis. Nam 1. unice loquitur de infantibus qui in lucem prodierunt, non autem, de iis qui utero materno moriuntur: *Qui (inquit ibidem) in ære fuit*. 2. Asserit, infantes, de quibus agit, hoc est, baptizatos, beatitudine fruituros esse, non æquali quidem ei, qua donandi sunt adulti qui baptismate initiati sunt: Addit, eam infantium felicitatem proprie dici non debere retributionem, quia retributio est cum operibus præcedentibus correlativa. Nec obstat, quod Gregorius Nyssenus dubitaverit, an qui infantes mortui sunt, in universali judicio sistendi sint coram Christo judice: Nam sicut tempus quo futurum est universale judicium, incertum est; ita & Gregorio incertus fuit modus, quo judicium illud fieri debet: unde cum Apostolo exclamandum dixit, *O altitudo!* Sed si Gregorii sententia ex aliis ejus operibus investigetur, evidenter patebit, per-suasum ei fuisse, existere peccatum originale. Instar omnium sint hæc ejus verba in libro de vita Moysis: *Occultior quadam (inquit) traditio & verus sermo ad nos usque descendit, quo creditur, posteaquam in peccatum natura nostra lapsa est, non emulino a clementia divina neglectam, neque absque suo patrocinio dimissam*.

Obiicies 6. S. Joannes Chrysostomus in hom. 1. ad Neophytos, scribit, infantes ideo baptizari, ut eis addatur sanctitas, non autem ut abluantur a peccato: *Hæc de causa (inquit) etiam infantes baptizamus, cum vel quamvis non sint coinquinati peccato, ut eis addatur sanctitas, justitia, adoptio, hereditas, fraternitas Christi, ut ejus membra sint*: ergo &c.

Resp. dist. ant. Sanctus Joannes Chrysostomus scribit, infantes baptizari, quamvis non sint coinquinati peccato actuali, conc. ant. peccato originali, neg. ant. Ratio est, quia Græca Chrysostomi verba non habent peccato, in singulari numero, sed peccatis, in plurali; sic enim latine reddi debent: *Ideo & infantes baptizamus, quamvis peccata non habentes*. Ita respondet Augustinus l. 1. contra Julianum, c. 3. Quærenti vero Juliano, cur, si ea fuerit mens Chrysostomi, non addiderit, propria, hisce verbis Augustinus respondet: *Quia disputant in catholica Ecclesia, non se aliter intelligi arbitrabatur; talenim quæstione nullius, vel nullus pulsabatur, & votis nondum litigantibus, securius loquebatur*. Vide alia ejusdem S. Patris opera, quæ inter nostræ conclusionis probationes superius allata sunt.

Instabis 1. Chrysostomus hom. 10. in Epistolam ad Romanos docet, mortem ex Adamo quidem in ejus posteros transmissam fuisse, non vero peccatum inobedientiæ, cujus factus est reus: *Adamo (inquit) peccante, ac mortali effecto, & qui ex eo orti sunt, cor-
tale*

tales esse, nihil absurdum. At ex illius inobedientia alterum peccatorem existisse. id vero quam, obsecro, congruentiam, consequentiamque habeat? Invenietur enim, nec penas habere qui talis fuerit, siquidem non ex ipso peccator extiterit. Quid igitur hoc loco verbum hoc Peccatores, significat? Mibi videtur tantumdem significare, quantum illud, Supplicio obnoxii & mortis rei: ergo Chrysostomus non solum peccata actualia, sed originale ab infantibus minime baptizatis excludit.

Resp. dist. ant. Chrysostomus docet, actuale peccatum inobedientiae, cuius Adamus factus est reus, in nos transmissum non fuisse, conc. ant. alioquin enim (ut ibidem ait Chrysostomus) ei qui non peccasset, poena infligeretur: peccatum quod sit actualis peccati Adami effectus, neg. ant. nempe mors, ex Chrysostomo, poena est quae omnibus hominibus infligitur: ergo supponit demeritum quod praecesserit; poena enim est correlativa ad demeritum: illud autem demeritum non est actuale, cum infantes, qui tamen morti obnoxii sunt, incapaces sint alicujus actus: ergo est originale tantum.

Objicies 7. Theodoretus docuit, remissionem peccatorum non esse effectum baptismatis; ut autem id probet, utitur Ecclesiae praxi, quae infantes abluit, licet nullius peccati rei sint: Si enim (inquit lib. 5. haeretic. fabul. c. 18. adversus Messalianos) hoc solum opus erat baptismatis, quorsum infantes, qui peccatum nondum gustaverunt, baptizarentur? ergo &c.

Resp. dist. ant. Theodoretus docuit, remissionem peccatorum actualium non esse solum effectum baptismatis, conc. ant. remissionem actualium, & ipsius etiam originalis, neg. ant. Ratio est, quia de eadem peccati specie loquitur Theodoretus, de qua inter Ecclesiam & Messalianos erat quaestio: Sed quaestio erat de solis peccatis actualibus; haec enim sola Messaliani contendebant per baptismum, quasi adhibita novacula, tolli; originale vero non per baptismum, sed per orationem dimitti; quod quidem absurdum esse Theodoretus probat ex Ecclesiae praxi, quae infantes abluit, quamvis rei sint solius originalis peccati.

Solvuntur argumenta ex ratione petita.

Objicies 1. Christi justitia non prodest iis, qui non credunt; ergo neque peccatum Adae nocet non peccantibus: at infantes non peccant, cum sint expertes libertatis: ergo, &c.

Resp. dist. ant. Christi justitia non prodest iis, qui nec propria nec aliena voluntate credunt, conc. ant. qui non propria quidem, sed aliena voluntate credunt, neg. ant. Dist. pariter consequ. Ergo neque peccatum Adae nocet non peccantibus, aut propria,

aut aliena voluntate, conc. consequ. non peccantibus quidem propria, sed aliena, neg. consequ. Desumptum est ex Augustino responsum illud; nempe lib. 3. de peccat. meritis c. 2. docet, quod sicut justitia Christi prodest aliena voluntate credentibus, eorum nimirum a quibus aut offeruntur, aut baptizantur, aut ipsius Ecclesiae: ita Adami iniquitas nocet iis qui aliena voluntate, in primo scilicet hominum parente, peccarunt.

Objicies 2. Homines baptizati carent originalis peccati culpa; ergo eam in posteros transmittere non possunt: nemo enim dat quod non habet.

Resp. conc. ant. neg. consequ. Ratio est, quia homines baptizati non generant secundum spiritum, secundum quem sunt filii Dei; sed secundum carnem, secundum quam, cum in ea vigeat libido, sunt adhuc filii saeculi. Ita ratiocinatur Augustinus in lib. 2. de Nuptiis, & Concupisc. cap. 34.

Objicies 3. Si anima inficeretur peccato originali, illud peccatum in Deum ipsum refundi deberet; sed absurdum est consequens: ergo, &c. Probatur maj. Quae rei alicui ab origine conveniunt, refunduntur in ejusdem rei causam efficientem; sic ignis calor in Deum creatorem refunditur, eo quod igni ab origine conveniat: atqui Deus est causa efficiens, & quidem unica, animae; neque enim anima per traducem ab homine, sed per creationem a Deo producit: ergo peccatum originale in Deum refunderetur.

Resp. ad 1. neg. maj. Ad 2. dist. maj. Quae rei alicui ab origine conveniunt, refunduntur in ejusdem rei causam efficientem, si ei conveniant ex vi actionis, per quam producit, conc. maj. secus neg. maj. Peccatum originale non accidit animae ex vi actionis, per quam a Deo producit, sed ex vi unionis cum corpore; quod ratione feminis, est pars ipsiusmet Adami. Anima ex vi suae creationis se habet sicut aqua purissima: quemadmodum igitur aqua, in se licet purissima, corrumpitur, si vase immundo & sordido concludatur: ita & anima foeditatem contrahit ex sua cum carne vitata conjunctione. In carne (inquit Augustinus lib. 5. contra Julianum, cap. 3.) sicut aqua in vase vitata corrumpitur.

Objicies 4. Non peccat ille qui nascitur, cum electionis capax non sit: non peccat ille qui genuit, alioquin enim illicitus esset conjugii usus: non peccat ille, qui condidit: per quas igitur rimas inter tot praesidia peccatum singis ingressum? Argumentum est Juliani apud Augustinum in lib. 2. de Nuptiis & Concupiscencia c. 18.

Respondet hisce verbis Augustinus: Quid quæris latentem rimam, cum habeat apertissimam januam? Per unum hominem (ait Apostolus), per unius delictum (ait Apostolus)

per unius hominis inobedientiam (ait Apostolus). Quid quæris amplius? quid quæris apertius? quid quæris inculcatus?

Obijcies 5. Si peccatum originale per generationem traducereetur in posteros, sequeretur usum matrimonii fore illicitum; in eo enim casu usus matrimonii foret peccati causa: ergo &c.

Resp. ad 1. neg. seq. maj. Ad 2. dist. ant. In eo casu usus matrimonii per accidens foret causa peccati, conc. ant. per se; neg. ant. hoc est, usus matrimonii non est causa, aut occasio peccati, nisi in quantum exercetur cum libidine: at illa libido, per se, usui matrimonii annexa non est: illius enim expers fuisset in Adami innocentis nuptiis: sed per accidens tantum, in quantum scilicet sit per semen ex Adamo corrupto decisum: unde, si non propter illam libidinem, sed prolis generandæ causa, matrimonii usus exerceatur, illicitus non est, quamvis malum, peccatum nimirum originale, præter exercentis intentionem sequatur. Ita Augustinus lib. 2. Operis imperfecti contra Julianum cap. 42. Adit idem Sanctus Doctor in l. 1. de nuptiis & concupisc. cap. 18. Propter hanc, libidinem, fieri, ut etiam de iustis, & legitimis filiis Dei, non filii Dei, sed sæculi filii generentur, quia & ii qui generant, si jam regenerati sunt, non ex hoc generant, ex quo filii Dei sunt, sed ex quo adhuc filii sæculi.

Obijcies 6. Omne peccatum est voluntarium: atqui peccatum originale non potest in infantibus esse voluntarium: ergo nec peccatum. Juliani est illud argumentum; scilicet querenti de parvulis, Per quid subjiçentur diabolo, quod Deus facit, respondente Augustino, Per peccatum, non per naturam, sic Julianus urgebat: Sed non potest esse sine sexibus fetus, ita nec sine voluntate potest esse peccatum.

Resp. dist. maj. Omne peccatum est voluntarium, vel physice, vel moraliter, conc. maj. physice tantum, neg. maj. Dist. pariter min. Atqui peccatum originale non potest in infantibus esse voluntarium physice, conc. min. voluntarium moraliter, neg. min. Ratio est, quia licet infantes non sint capaces actus quo physice, hoc est, propriæ voluntatis actu, peccatum eligitur, sunt tamen capaces electionis moralis, ejus nimirum quæ sit ab eo qui se habet tanquam, non physicum tantum, sed etiam morale aliorum caput: In quantum enim sunt membra illius moralis capitis, eorum voluntas moraliter in capitis voluntate includitur: proindeque æquum est, ut malum quod eligitur a capite, membris etiam imputetur, sicut æquum est, ut pacta conventa inter principem, & populi majores natu, ab omnibus civibus serventur. Augustini est illa responsio: sic enim Pelagianis argumentum illud

urgentibus respondet lib. 4. Operis imperfecti c. 90. Ad hoc peccati genus ex libera voluntate perventum est, non ejus propria quæ nascitur; sed ejus in quo omnes originaliter fuerunt, quando communem naturam mala voluntate vitiauit. Non habent ergo parvuli tempore conceptus, vel ortus sui, peccandi voluntatem: sed ille tempore prævaricationis suæ magnum illud peccatum libera voluntate commisit, a qua originalis peccati contagium humana natura contraxit.

Q U Æ S T I O I I.

Quid sit peccatum originale.

Not. Circa essentiam originalis peccati varie varii opinati sunt. Mathias Illyricus, Lutheranus, & non ultimus ex Centuriatoribus Magdeburgensibus, in libello de iustitia originali docuit, originale peccatum esse substantiam, in quam per primi parentis inobedientiam anima posterorum illius immutata fuit: ita ut ex substantiali imagine Dei, facta fuerit substantialis imago diaboli.

Albertus Pighius Controversia 1. de peccato originali, contendit, peccatum originale esse ipsummet Adami peccatum, quod Deus illius posteris imputet ea ferme ratione, qua princeps patris rebellionem imputat filio.

Plures Thomistæ contendunt, peccatum originale esse meram privationem iustitiæ originalis, seu iustitiæ, in qua Deus primos parentes condiderat, cujus quidem privationis, concupiscentia, seu propensio ad malum, sit effectus. Non pauci alii, secuti (ut putant) S. Augustinum, docent, essentiam peccati originalis non in alio positam esse, quam in concupiscentia. Quid nos de ea controversia sentiamus, subsequentibus conclusionibus aperietur.

CONCL. 1. Peccatum originale non est substantia.

Probatur 1. Omnis substantia, cum rationem entis habeat, est a Deo; primum enim in unoquoque genere, est causa ceterorum: atqui peccatum originale non est a Deo: implicat nimirum, ut id, quod per se malum est, sit ab ente quod bonum est per essentiam. 2. Peccatum, reduplicative prout est peccatum, non est ens, sed debita rectitudinis privatio, eo nimirum principio usus est Augustinus contra Manichæos agens, ut probaret, non existere primum aliquod substantiale principium nequam, ex quo mala omnia nascerentur. 3. Mathias Illyricus falso supponit, animam substantialiter per primi parentis peccatum immutatam fuisse: scilicet, mutatio in substantia spiritali fieri potest tantum per mutationem voluntatis, aut intellectus: at illa mutatio non potest substantialiter animam immutare: siquidem non mutatur voluntas, nisi per mutationem affectuum, nec intellectus nisi per subtractionem aut

aut augmentum luminis; sed nec affectuum mutatio, nec subtractio luminis possunt substantialiter animam immutare: sunt enim variae modificationes, quae substantiae in suo esse physico remanenti de novo accidunt: ergo &c.

Obijcies 1. Imago Dei est substantia: ergo & imago diaboli: sed peccatum originale non aliud est, quam imago diaboli: ergo peccatum originale est substantia.

Resp. conc. ant. neg. conseq. Ratio disparitatis est, quia imago Dei in homine est vis illius intellectiva: homo enim est imago Dei, in quantum est substantia intellectu & voluntate praedita: e contra vero imago diaboli non aliud est, quam inordinatio voluntatis, hoc est, conversio ad bonum commutabile, & aversio a bono incommutabili: illa autem conversio, illa aversio non sunt substantia aliqua de novo producta, sed accidentales tantum animae modificationes.

Obijcies 2. Peccatum originale hominem constituit diaboli filium: atqui homo non constituitur diaboli filius, nisi per substantiam diabolicam similem; scilicet filius gerere debet substantialem patris similitudinem: ergo, &c.

Resp. cum S. Augustino libro contra Adimantum, c. 5. aliquem tribus modis posse esse alterius filium: 1. quidem per naturam; sic Adamus est omnium hominum pater: 2. per doctrinam; eo sensu Apostolus Corinthios vocat filios suos: 3. denique per imitationem, & in hoc ultimo sensu intelligi debet textus, qui ex Joanne nobis objectus est.

Probatur. 2. Peccatum originale non est ipsum in individuo Adami peccatum.

Probatur. Ipsum in individuo Adami peccatum posteris illius non communicatur; est enim formalis & singularis inobedientia Adami: atqui peccatum originale posteris Adami communicatur, non autem sola illius poenae; ita enim definit altera Synodus Arausica canone 11. ubi haec habentur: *Si quis soli Ada praevaricationem suam, non & ejus propagini, asserit nocuisse; aut certe mortem tantum corporis, quae poena peccati est, non autem & peccatum, quod mori est anima, per unum hominem in omne genus hominum transisse testatur; iniustitiam Deo dabit, contradicens Apostolo dicenti, Per unum hominem, &c.*

Concilium Trident. sess. 3. c. 11. docet, peccatum originale omnibus inesse, ac unicuique proprium: atqui ipsum actuale Adami peccatum non est unicuique proprium. 2. Eadem sacra Synodus mox laudata sessionis tertiae canone 4. definit, parvulos in remissionem peccatorum baptizari, ut in eis regeneratione mundetur quod ex generatione contraxerunt: ergo in parvulis non est sola denominatio externa petita ex praeterito Ada peccato, sed verum aliquod & reale pecca-

tum. Idem docet Augustinus in lib. 3. de peccatorum meritis, cap. 8.

Obijcies. Apostolus in epistola ad Romanos asserit 1. omnes peccasse in uno Adami peccato: *In quo (inquit) omnes peccaverunt*. Asserit 2. Judicium esse ex uno delicto in condemnationem. Asserit 3. Per unius hominis inobedientiam, & per unius delictum peccatores constitutos esse multos: Sed ex loquendi formulae significant, unum in individuo esse peccatum Adami & posterorum illius: ergo, &c.

Resp. conc. maj. neg. min. scilicet ex loquendi formulae significant, Adami peccatum esse causam peccati originalis, quod inheret singulis illius posteris; non autem quod ipsummet Adami peccatum actuale, sit formaliter ipsum posterorum peccatum. Confirmatur ex eo quod sicut ex his Apostoli verbis: *Per unius obedientiam iusti constituti sunt multi*, concludi non potest, hominem esse justum per ipsam actualem Christi obedientiam; sed tantum eam actualem obedientiam esse causam meritoriam nostrae justificationis; ita nec ex hoc loquendi modo, *Per unius inobedientiam peccatores constituti sunt multi*, colligi potest, homines constitui formaliter peccatores & reos per ipsam actualem Adami inobedientiam; sed tantum quod ea actualis inobedientia constituentur peccatores.

CONCL. 3. Materiale peccati originalis est concupiscentia: ita expresse docet S. Thom. 1. 2. quaest. 82. art. 3.

Probatur 1. auctoritate S. Augustini, qui in omnibus fere suis operibus contra Pelagianos, dicit peccatum originale esse concupiscentiam, ut videre est lib. 1. contra Julianum, cap. 13. lib. 2. cap. 11. lib. 4. cap. 1. ejusdem libri c. 8. lib. 6. c. 19. lib. 7. de nuptiis & concupisc. c. 19. lib. 1. contra duas epistolas Pelagianorum, cap. 12.

CONCL. 4. Peccatum originale, sumptum secundum esse formale, est concupiscentiae reatus.

Probatur 1. auctoritate S. Augustini qui expresse docet, peccatum originale esse concupiscentiae reatum; ut videre est in libro 1. de nuptiis & concupiscentia c. 19. 26. 31. iis enim in locis aperte docet peccatum originale remanere actu, transire vero reatu: *Mans (inquit) actu, transit reatu*. Non aliud in parvulo nondum per baptismum renato Deus odit, quam concupiscentiae reatum, non aliud in eodem parvulo damnationis est causa; non aliud est in eodem parvulo quod adversetur aeternae legi, quam idem concupiscentiae reatus: ergo peccatum originale sumptum secundum esse formale, est reatus concupiscentiae.

Quaerit, quid intelligatur per illum concupiscentiae reatum?

Resp. 1. non intelligi reatum poenae. Res-

tio est, quia reatus poenae in parvulo nondum regenerato praesupponit peccatum originale: nempe reatus poenae, est debitum, quo quis, ex iustitiae regulis, obnoxius est poenae; est obligatio ad poenam subeundam: atqui & illud debitum, & illa obligatio praesupponunt peccatum; siquidem sub Deo iusto nemo, nisi mereatur, miser esse potest.

Resp. 1. concupiscentiae reatum, esse reatum culpae, seu privationem iustitiae originalis: ita loco superius laudato expresse docet S. Thomas; & quidem merito: nam ex eo quod infantis anima propter finem supernaturalem, ut supponitur, creata, privetur iustitia originali, necessario sequitur, eam esse immundam & iniquam: habitualiter ipsam esse concupiscentiae, seu creaturarum amoris mancipium ac servam; esse extra ordinem illum quem lex aeterna conservari jubet, perturbari vetat; in eo nimirum positus est ille ordo, ut anima uni Deo per amorem subiecta, creaturae per eundem amorem dominetur.

Objicies. Si formale peccati originalis in reatu culpae positum sit, explicari non poterit, quomodo idem peccatum originale per baptismum in parvulis deleatur: sed absurdum est consequens: ergo, &c.

Resp. neg. ant. Ratio est, quia parvulis per baptismum infunditur caritas, quae cum eorum animam cum Deo uniat, ac conjugat, tollit concupiscentiae dominium ac imperium; delet ejusdem concupiscentiae reatum & culpam, restituitque animae, quod praecipuum erit in iustitia originali, gratiam nimirum sanctificantiem: *Jam procul dubio certis* (inquit Augustinus libro 2. contra Julianum cap. 5.) *atque concedis esse in homine aliquid mali, quod non ipsum, sed reatus, qui ex illo contractus fuerat, auferatur in baptismo.*

Q U A E S T I O III.

De causa proxima transfusionis peccati originalis.

Not. Tres sunt sententiae. Prima docet, causam proximam peccati originalis esse animae generationem, ita ut anima non minusquam corpus a parentibus generetur; hincque concludit, quod sicut parentes corporis morbos filijs suis plerumque communicant, ita etiam in animam peccatum originale, quod, materialiter saltem, positum est in concupiscentia, in posteros transfundatur. Eum propagationis modum pluribus in locis Augustinus asseruit, sed de eo postea ad mortem usque dubitavit, ut patet ex ejusdem S. Doctoris epistola 28. quae est ad Hieronymum, nec non ex libro de anima c. 13. ubi expresse scribit, se ideo ab asserendo animarum creatione retardari, quod non

conciat, quomodo innocens anima iuste in carne creetur, ubi peccatum contrahat. Altera sententia supponit 1. Deum in una primi hominis voluntate, omnium illius posterorum voluntates inclusisse; supponit 2. Deum abstrahendo a libidine, qua proles generatur, pactum iniisse cum Adamo, aut de transfundenda in illius posteros iustitia originali, si ipse in ea staret, nec impositum sibi de non edendo fructu vetito praecceptum transgrediretur; aut de subtrahendo posteris omnibus eandem iustitiam originalem, si ipse inobediens fieret.

Tertia sententia docet, proximam causam originalis peccati in parvulis esse libidinem, cum qua a parentibus generantur.

CONCLUSIO 1. Peccatum originale non transfunditur in posteros per actionem, quae sit eorum animae generativa.

Probatur. Licet Augustini tempore Ecclesia expresso decreto nondum statuisset, quid de animarum productione sentiendum sit, statuit tamen postea, definitque (ut in secundo harum Instit. Tomo dictum est) eas a parentibus non generari, sed a Deo immediate creari, infundique corporibus, quibus uniuntur. Ergo animae per parentes generatio non est causa transfusionis peccati originalis in posteros.

CONCL. 2. Peccatum originale non transfunditur in posteros vi pacti, quod Deus cum primis parentibus inierit.

Probatur 1. Nullum est ejusmodi pacti vestigium aut in Scripturis, aut in traditione; ergo sine fundamento asseritur. 2. Altum est de eo pacto silentium apud Augustinum, licet toties de propagatione peccati originalis contra Pelagianos differuerit. 3. Sententia quae peccati originalis transfusionem per pactum illud explicat, abstrahit a libidine, cum qua parentes filios generant: at abstractio illa cum Augustini principiis non cohaeret, ut mox dicetur; ergo, &c.

CONCL. 3. Causa proxima transfusionis peccati originalis in posteros, est generantium libido, seu concupiscentia.

Probatur variis Augustini principiis.

I. S. Doctor in generantium concupiscentiam, tanquam in causam proximam, refundit peccatum, quod eorum posteri nascendo contrahunt: *Hae concupiscentiae* (inquit in libro de nuptiis & concupiscentia cap. 23.) *quae solo sacramento regenerationis excipitur, profecto peccati vinculum generatione transiit in posteros.* Eodem modo loquitur lib. 2. Operis imperfecti contra Julianum cap. 250. lib. 2. de peccatorum meritis cap. 6.

II. Idem S. Doctor Pelagianis quaerentibus, *Quomodo peccatum transiit in filios fidelium, quod in parentibus non dubitamus per baptismum esse dimissum?* sic respondet lib. 2. de peccatorum meritis cap. 15. *Propter hanc*

ergo; concupiscentiam, fit, ut etiam de iustis & legitimis nuptiis filiorum Dei, non filii Dei, sed filii saeculi generentur: quia & ii qui generant, si iam regenerati sunt, non ex hoc generant, quod filii Dei sunt, sed ex quo adhuc, per concupiscentiam, filii saeculi.

III. Idem S. Doctor non ex alio capite peccatum originale depellit a Christo, quam quod conceptus non sit ex maris cum femina conjunctione, quae quidem in statu naturae lapsae non sit sine astantis concupiscentiae motu: Quod autem attinet ad peccati originalis in omnes homines transitum, quoniam per concupiscentiam carnis transiit, transire (inquit lib. 5. contra Julianum cap. 12.) in eam carnem non potuit, quam non per illam Virgo concepit. Eodem modo loquitur in lib. 1. de nuptiis cap. 2. nec non lib. 6. contra Julianum capite ultimo, & passim aliis in locis, ubi quaestionem illam pertractat.

Quæres, quomodo per parentum concupiscentiam peccatum originale in illorum postereros transfundatur?

Resp. Augustinum modum, de quo agitur, explicare lib. 3. contra Julianum cap. 14. lib. 5. cap. 4. lib. 2. de nuptiis cap. 8. lib. 2. operis imperfecti contra Julianum cap. 389. lib. 6. contra Julianum c. 7. lib. 1. de nuptiis cap. 19. Loca illa lector ad quaestionis, de qua agitur, solutionem consulere poterit.

Q U A E S T I O IV.

De subiecto peccati originalis.

Not. **N**omine subiecti, hic eos intelligimus, ad quos peccatum originale transfunditur: quæri autem potest 1. utrum humanitas Christi peccatum originale contraxerit: 2. an Virgo Deipara: 3. utrum alii omnes homines.

CONCL. 1. Fide Catholica certum est humanitatem Christi nec contraxisse, nec contrahere debuisse peccatum originale.

Probatur. Ille nec contraxit, nec contrahere debuit peccatum originale, qui per concupiscentiae ardorem conceptus non est; scilicet (ut superius dictum est) concupiscentia sola est via, per quam Adami peccatum in posteros propagatur: atqui Christus non fuit conceptus per ardorem concupiscentiae, neque enim conceptus fuit ex virili semine, sed Spiritus sancti operatione mirabili, ex purissimo sanguine virginis efformatum est illius corpus. Augustini est illud argumentum lib. 5. contra Julianum cap. 13.

CONCLUSIO. 2. Virgo Deipara contraxit debitum originalis peccati.

Probatur. Virgo Deipara concepta fuit per parentum concupiscentiam. Vix alioquin concipi posset, quomodo Christus sit Mariae liberator & redemptor; quomodo pro ea Chri-

stus mortuus sit; scilicet Christus pro iis tantum mortuus est, qui aut actu per peccatum mortui sunt, aut qui secundum legem ordinariam mori debuerunt, & revera mortui fuissent, nisi per speciale beneficium a peccati reatu preservati fuissent. Vide Epistolam Zosimi Papæ, quæ ab Augustino Epistola 154 laudatur.

CONCL. 3. Quaestio, an Virgo Deipara peccatum originale actu contraxerit, non pertinet ad fidem Catholicam.

Probatur 1. ex Sixto Papa IV. qui Constitutione lata anno 1483. sub anathematis poena prohibuit tum affirmantibus tum negantibus, B. Virginem immunem fuisse ab originali peccato, ne sibi invicem censuræ alicujus theologicæ notam inurant.

Probatur 2. ex Concilio Tridentino, quod quidem sess. 5. sic loquitur: *Declarat hac ipsa sancta Synodus, non esse suæ intentionis comprehendere in hoc decreto, ubi de peccato originali agitur, beatam & immaculatam Virginem Mariam, Dei genetricem; sed observandas esse Constitutiones felicitis recordationis Sixti Papæ IV. sub panis in eis Constitutionibus contentis, quas innovat.* Vide plures alias de eodem argumento Summorum Pontificum Constitutiones apud Bonacinam in tractatu de peccatis. Quæ contra conclusionem nostram obijciuntur ex Concilio Basileensi, lector pertractata reperiet harum Institutionum Tom. 1. ubi decreta Concilii Basileensis explicuimus. Vide tractatum eximii Doctoris Sorbonici D. Feu De peccatis.

CONCL. 4. Filii fidelium nascendo peccatum originale contrahunt. Est contra Pelagianos, Zuinglium in libro de Baptismo, Calvinum in Antidoto Concilii Tridentini, & Bucerum in c. 3. Matthæi.

Probatur. 1. ex Scriptura, quæ cum de peccato originali loquitur, non distinguit inter homines natos ex parentibus fidelibus, & eos qui ex infidelibus progeniti sunt: e contra terminis (ut suo loco dictum est) universalibus utitur.

Probatur 2. ex traditione, quæ docuit 1. omnes homines qui ex viri semine generantur, sive ex fidelibus nati sint, sive ex infidelibus, contrahere peccatum originale. Docuit 2. baptismum omnibus omnino hominibus ab Evangelii promulgatione necessarium esse necessitate medii. Vide Augustinum iis locis quæ superius a nobis laudata sunt. Ea tamen loca interpretetur lector ea cautione, quam Conclusionem tertiam ex Concilio Tridentino retulimus.

Obijcies 1. Apostolus ad Rom. cap. 11. sic loquitur: *Quod si deliberatio sancta est, & massa: Et si radix sancta, & rami.* Ea ratione utitur idem Apostolus primæ ad Cor. 7. ut christianas uxores deterreat a dimittendo marito infideli: *Alloquimur (inquit) filiis vestris*

refri immundi essent: nunc autem sancti sunt: ergo, &c.

Resp. Massa est sancta, rami sunt sancti, si per baptismum regenerentur, conc. ant. si non regenerentur, neg. ant. Apostolus de prioribus tantum loquitur: idque patet 1. ex scopo quem sibi proponit in Epistola ad Romanos; scilicet vult probare, gentiles ad fidem conversos non debere Judaeos conversos aspernari eo quod sint veluti delibatio, veluti rami, qui ex judaica radice, in Christo per baptismum nati sunt; ita ut Judaeis tanquam antiquae arbori veluti rami sylvestres inserti fuerint. Patet 2. ex scopo quem in laudata Epistola ad Corint. idem Apostolus sibi proponit: nempe eo loci hoc argumento mulieres christianas deterret a dimittendis maritis infidelibus, quod profuturae sint suae proli, apud quam, propter educationem, bene audiet Evangelium; & quae tandem aliquando mulieris fidelis precibus, exemplo, monitis, religioni christianae nomen dabit.

Obijcies 2. Levi (ut patet ex Epistola ad Hebraeos) in lumbis Abrahae ita decimatus est, ut postea natus decimari non debuerit: ergo a pari filii fidelium ita in parentum lumbis sanctificati sunt, ut alia per baptismum sanctificatione non egeant.

Resp. conc. ant. neg. conseq. Ratio disparitatis est, quia ideo Levi jam in lumbis Abrahae a Melchisedecho decimatus, iterum postea decimari non debuit, quia tum ei, tum ejus posteris sacerdotium credendum erat: at filiis fidelium, praeter ex eo, quod sint a fidelibus nati, nullum privilegium concedendum fuit: non minus enim per parentum concupiscentiam nascuntur, quam ii qui ex parentibus infidelibus generantur. Ita ratiocinatur Augustinus lib. 2. de peccatorum meritis cap. 5.

Q U A E S T I O V.

De paucis peccato originali in altera vita debitis.

Not. 1. Pœna peccato originali in altera vita debita sunt 1. exclusio a regno caelorum; 2. privatio vitae aeternae; 3. dolor internus, qui tum ex exclusione a regno caelesti, tum ex privatione vitae aeternae nascetur; 4. denique poena sensus, seu ignis, quo in illud animadvertetur.

Not. 2. Exclusionem a regno caelorum poenam esse, qua peccatum originale in altera vita puniri debeat, negavit Vincentius quidam, cujus Augustinus meminit lib. 2. & 3. de anima, & ejus origine.

Pelagiani (Augustino teste in libro de haeresibus, haeresi 88. Epistola 106. Sermone 14. de verbis Apostoli, lib. 3. contra Julianum cap. 12.) confessi sunt quidem, infantes sine baptismo mortuos, a regno caelorum

Juven. Instit. Theol. Tom. III.

excludendos esse; sed contenderunt, illos esse fructuosos aeterna vita, & constituendos esse in loco, qui inter damnatos & beatos medius sit.

Albertus Pighius, Catharinus, nonnullique alii docuerunt, infantes sine baptismo mortuos excludendos quidem esse tum a regno caelorum, tum a vita aeterna, sed addiderunt, eos nullum ex illa exclusionem passuros esse dolorem. Immo contenderunt, infantes illos quadam beatitudine naturali post extremum judicii diem fructuosos esse. Eum vero beatitudinem censuerunt positam esse 1. in vegetis & sanis corporibus, quae infantibus, de quibus est quaestio, a Deo concedantur: 2. in abstractiva Dei, & clara plurium veritatum cognitione; 3. in immunitate a pravis concupiscentiae motibus; 4. in aliqua cognitione Christi, quem in ultimo judicii die conspiciant & reverentur sint; 5. denique in amenissima terrae, quam incolent, superficie.

Bellarminus, cui in eo capite multi scriptores praeiverunt, quemque non pauci alii deinceps secuti sunt, censuit, parvulos, de quibus agitur, gravissimum quidem ex sui tum a regno caelorum, tum a vita aeterna exclusionem, dolorem percepturos esse; sed negavit, eos torquendos esse poena sensus, seu aeterno illo igne, qui (ut ait Evangelium) paratus est diabolo & angelis ejus.

E contra alii theologi, inter quos Sylvius, cui praeiverunt plures alii, & quem postea non pauci secuti sunt, asseruerunt, infantes illos non tantum gravissimo animi dolore, sed etiam ignis poena in inferis cum diabolo torquendos esse. Quenam ex iis sententiis eligi debeat, subsequentibus capitibus fusa a nobis est expendendum.

C A P U T P R I M U M.

An parvuli sine baptismo mortui, immunes sint ab interno animi dolore.

CONCL. 1. Infantes sine baptismo mortui, a regno caelorum excluduntur.

Probatum ex his Christi verbis, Joannis 3. *Nisi quis renatus fuerit ex aqua & Spiritu sancto, non potest introire in regnum caelorum.* Probatum iterum ex traditione, quae quidem (ut de Sacramentis agentes diximus) unanimi consensu hucusque docuit, baptismum esse ad salutem necessarium necessitate medii.

CONCL. 2. Infantes sine baptismo mortui, nusquam aeterna vita fruuntur.

Probatum 1. Regnum caelorum, seu intuitiva Dei cognitio, & vita aeterna, sunt unum & idem, juxta illud Christi in Evangelio: *Hae est aeterna vita aeterna, ut cognoscant te solum Deum verum, & quem misisti Jesum Christum.* 2. Sententiam, quae parvulis absque baptismo mortuis vitam

Gg

aterg

æternam, etiam extra regnum calorum, pollicetur, damnaverunt Concilia, quæ tum Romæ, tum in Africa, tum in Palestina contra Pelagium habita sunt, ut superius dictum est.

CONCL. 3. Infantes sine baptismo mortui, internum animi dolorem patientur ex sui, tum a regno calorum, tum ab æterna vita exclusione.

Probatur. Infantes sine baptismo mortui, regnum calorum amabunt: nimirum in regni calorum possessione, seu intuitiva Dei visione posita est beatitudo, ad quam creatura rationalis condita fuit. Ingens vero illud & summum regni celestis desiderium, quo, supposito præsentis rerum statu, infantes sine baptismo mortui tenebuntur, expleri nusquam poterit: idque iisdem infantibus certo persuasum erit: ergo summa afficientur tristitia, summo dolore cruciabuntur: ita nimirum comparata est creaturæ rationalis natura, ut non possit non dolere, cum frustratur bono quod enixe desiderat, & a quo pendet illius felicitas; ac præsertim si certo noverit, se nusquam bono illo fruituram esse: *Qui enim appetit (inquit Augustinus in libro de moribus Ecclesiarum cap. 3.) quod adipisci non potest, cruciatur.*

Quod hucusque propositum est argumentum, eodem modo, licet aliis verbis, urget Augustinus in libro 6. contra Julianum, c. 4. ubi sic loquitur: *Quid igitur cum offenderunt, quos pariter innocentes, mundos, a se ad imaginem suam creantes, innumerabiles ab ipso munere alienat, nec eorum voluntatem huius ineffabilis prævenit beneficii largitate, separant tot imagines suas a regno suo? Si hoc eis non erit malum; non ergo amabunt regnum Dei tot innocentes imagines Dei: Si autem amabunt, & tantum amabunt, quantum innocentes amare debent regnum ejus, a quo ad ipsius imaginem creantur, nibilne mali de hac ipsa separatione patientur?*

Ex iis Augustini verbis evidenter colligitur S. Doctorem censuisse 1. infantes, qui sine baptismo moriuntur, vehementi in regnum celeste desiderio teneri; 2. valde cruciari eos, quod illud regnum aliquando possidendi spes ipsis affulgeat nulla; scilicet mali nomine, quo S. Doctor eo in loco utitur, intelligitur internus animi dolor, tum quod malum illud colligat ex beatitudinis amore, quem supponit in infantibus, de quibus agitur; tum quod lib. 13. de civit. Dei c. 2. malum, dolorem interpretetur: *Aut (inquit) quia vita qualiscumque aliquod bonum est, dolor autem malum, ideo nec vivere corpus dicendum est, in quo anima non vivendi causa est, sed dolendi?* 3. Si negetur, infantes, de quibus agitur, aut celestis regni desiderio teneri, aut ex frustrato illo desiderio non cruciari, corruet argumentum, quod Augustinus pro peccati originalis in

parvulis existentia ex illo desiderio, ex illo cruciatu desumit.

Obijcies 1. infantes sine baptismo mortui, nec amant, aut desiderant regnum celeste, seu intuitivam Dei visionem; nec, dato etiam quod illud ament aut desiderent, cruciantur ex amore illo, ex desiderio illo frustrato torquentur: ergo nullum animi dolorem ex sui a celesti regno exclusione patientur. Probatur ant. 1. Infantes, qui sine baptismo mortui sunt, nullam de intuitiva Dei visione ideam habent, nullam cognitionem; neque enim, cum sit supernaturalis, sine gratia (quam haud dubie non habent) cognosci potest. 2. Dato quod intuitivæ Dei visionis aliquam ideam habeant, non eam tamen desiderant, quia nesciunt se ad eam ordinatos aliquando fuisse, cum id cognosci non possit, nisi per fidem, quam infantes, de quibus agitur, nusquam habuerint, aut habituri sint aliquando. 3. Deus pro sua singulari providentia impedit, ne parvuli sine baptismo mortui, ex sui a regno celesti exclusione perpetua dolorem aliquem patientur: ergo, &c.

Resp. neg. ant. Ad cujus priorem & alteram probationem, dicendum est 1. eas, si valeant, probare, non tantum parvulos qui sine baptismo mortui sunt, sed etiam adultos qui in gentilitate, ubi nihil unquam de Evangelio audierunt, diem clausurunt extremam, aut regni celestis desiderio non teneri, aut ex frustrato, si quod sit, illo desiderio non cruciari; neque enim adulti illi aliquando fidem habuerunt, per quam unam (ut adversarii contendunt) homo scire potest, beatitudinem in intuitiva Dei visione positam esse; creaturam rationalem in ordine ad claram illam Dei visionem conditam esse.

Dicendum est 2. homines omnes, sive sint adulti, sive parvuli, in iudicio tum particulari, tum universali, cognituros esse, beatitudinem esse positam in possessione regni celestis, in intuitiva Dei visione, se ad eam conditos fuisse; privari se ea in poenam peccati, aut actualis, aut originalis, aut utriusque finul.

Adultos qui aut in infidelitate, aut in impietate obierunt, Scriptura, Sapientia quinto, sic de prædestinatis hominibus loquentes inducit: *Hi sunt quos aliquando habuimus in derisum... Nos insensati vitam illorum aestimabamus insaniam, & finem illorum sine bono; ecce quomodo computati sunt inter filios Dei, & inter sanctos fors illorum est.* Quæ quidem infidelium, aut impiorum verba aperte supponunt, eos cognituros esse statum & conditionem prædestinatorum, seque in poenam peccatorum ab eo statu, ab ea conditione exclusos esse.

Parvuli, qui sine baptismo mortui sunt, qui-

quique adfuturi sunt universali iudicio, audient hanc in seipso, cum ad Christi iudicis sinistram futuri sint, ferendam sententiam: *Ite maledicti in ignem eternum, qui paratus est diabolo & angelis ejus*. Scient præterea, quam æqua futura sit sententia quæ in eis feretur: ac proinde noscent causam, seu peccatum originale, in quod tam severo iudicio in eos animadvertetur. Noscent insuper felicitatem, quæ parvuli post acceptum baptismum mortui domandi sunt: audient enim hanc de iis, qui ad Christi iudicis dexteram erunt, sententiam: *Venite benedicti Patris mei, possidete regnum, quod vobis paratum est ab origine mundi*.

Ad tertiam antecedentis probationem dicendum est 1. figmentum esse quod aligeritur, Deum impediturum, ne infantes, de quibus agitur, ex sua a calorum regno exclusionem crucientur: nullam enim ejusmodi providentiæ vestigium, aut in sacris codicibus, aut in Patrum traditione reperitur. Dicendum est 2. postulare e contra Dei providentiam, ut a regno calorum exclusio infantes, de quibus est questio, interius torqueat, & quidem eo intensius, quo tunc in eis intensius erit ejusdem regni celestis desiderium, tanto majus futurum, quo mens tunc minime in aliud distracta, horrendum miseriam, quæ ex regni celestis privatione sequeretur, comprehensura est.

Quæres, an ex sola exclusionem a regno celesti, an etiam ex aliquo alio capite nascitura sit ingens tristitia, qua infantes sine baptismo mortui cruciabuntur?

Resp. infantes, de quibus agitur, ingenti tristitia, acutissimo dolore afficiendos esse ex multiplici capite.

Et quidem nascetur 1. ex exilio quo mulstabuntur: *Nam & qui exsulant* (ait Aug. Serm. 14. de verbis Apostoli) *vivunt & si sunt sunt, in doloribus non sunt, nec torquentur: non carceris tenebris affliguntur: hæc illis sola pena est, non esse in patria. Si amantur patria, magna pena: si autem non amantur patria, peior est carceris pena. Parvum malum est in hominis corde qui societatem non querit sanctorum, qui non desiderat regnum calorum? Si non desiderat, pena est de perversitate: Si autem desiderat, pena est de fraudata caritate*.

Nascetur 2. ex tenebricoso carcere, quo in perpetuum infantes illi concluduntur: Scilicet ex iis erunt, quibus in Christi iudicis sinistra existentibus dicetur: *Ite in ignem eternum, qui paratus est diabolo & angelis ejus*.

Nascetur 3. ex servitute demonis, qua scient se in æternum opprimendos esse: *Hoc generi humana* (inquit Aug. lib. 1. de Nupt. & Concupis. cap. 23.) *instructum videtur a diabolo, quidquid per illud nascitur, cogit esse*

sub diabolo, tanquam a suo fratre fructum jure decerpit.

Nascetur tandem 4. ex concupiscentia quæ infantibus illis in perpetuam dominabitur, tuncque (ut ait Aug. l. 6. contra Julianum cap. 5.) non ad delectamentum excitabitur, sed vertetur in tormentum.

CAPUT II.

Utrum infantes sine baptismo mortui ignis penam patiantur.

CONCL. Infantes qui sine baptismo moriuntur, perpetuam ignis poenam patiantur.

Prob. 1. ex Scriptura. Sacris codicibus docemur 1. omnes homines, qui via ordinaria nascuntur, originale peccatum contrahere: *Nemo mundus a sorde, nec infans, cujus est unius diei vita super terram*. Docemur 2. hominibus qui rei sunt etiam solius originalis peccati, condemnationem, seu poenam deberi: *Judicium quidem ex uno in condemnationem*; Atqui illa condemnatio, illa poena, non est sola exclusio a regno calorum, non est solum tristitia, qua exclusi afficiuntur, sed etiam est poena sensus, est condemnatio ignis: Siquidem poena est, qua damnabuntur ii qui in extremo iudicio reperti fuerint a sinistris Christi iudicis: *Tunc* (verba sunt quæ apud Matthæum leguntur c. 25. v. 41.) *dicet & iis qui a sinistris erunt: Discedite a me maledicti in ignem eternum, qui paratus est diabolo, & angelis ejus... Et ibunt ibi in supplicium eternum*: Sed infantes sine baptismo mortui, in extremo iudicio reperientur a sinistris Christi iudicis: Dux enim tantum manus in Evangelio recensentur, a quibus esse possunt qui iudicium subituri sunt, dextra nimirum & sinistra: at infantes non erunt a dextra; scilicet qui a dextris erunt, ibunt in vitam æternam, percipient regnum paratum ipsis a constitutione mundi: ergo erunt a sinistra; ac proinde ex iis erunt contra quos Christus hanc feret sententiam: *Discedite a me maledicti in ignem eternum, qui paratus est diabolo & Angelis ejus*. Augustinus argumentum illud urget Serm. 14. de verbis Apostoli, cap. 9.

Resp. 1. adversarii, negari non posse quin parvuli sine baptismo mortui, in extremo iudicio futuri sint a sinistra Christi iudicis; sed inde tamen non sequi, eos in ignem æternum ituros esse. Ratio est, quia in eo Evangelii loco describitur iudicium eorum qui in Ecclesia fuerint, tum quod Dominus eo loci bonos & malos comparet cum ovibus & hœdis, qui in eodem ejusdem pastoris grege numerantur: constat vero eandem ejusdem pastoris gregem non aliud esse quam Ecclesiam, in qua boni & mali reperiuntur: tum etiam quod Evangelium ad solos fideles spectet; neque enim nisi fideles Evangelio

credunt: tum denique quod ii qui a sinistris erunt, & in quos proferetur hæc sententia: *Ite maledicti in ignem æternum*, non alii sint, quam adulti, qui in Christum crediderunt: hæc nimirum redditur prolata in eos sententia causa: *Esurivi enim, & non dedistis mihi manducare.*

Confirmant adversarii responsionem illam ex Augustino, qui Sermone 5. de verbis Domini, non obscure innuit, laudatam ex Evangelio iudicii formam ad solos adultos, & quidem baptizatos, spectare; sic enim loquitur: *Pene quidem omnes Sacramentum corpus ejus dunt, quia omnes in pascuis ejus pascunt: Sed venturus est qui dividat, & alios ponat ad dextram, alios ad sinistram; & utraque pars dictura est: Domine, Domine, quando te vidimus, & ministravimus tibi? vel quando te vidimus, & non ministravimus tibi? pars utraque dictura est: uni tamen dices, Venite benedicti Patris mei, percipite regnum; alteri, Ite in ignem æternum.*

Confirmant iterum ex eodem S. Doctore, qui in libro uno ad Donatistas post Collationem cap. 3. aperte iudicii extremi formam, quæ in Evangelio recensetur, refert ad solos fideles; nempe asserit, eos qui judicandi sunt, futuros esse in area Domini sicut palea & frumentum, donec in extremo iudicio a summo Pastore ab invicem separentur.

Ex duplici illo Augustini textu evidens est (inquiant adversarii) eos qui in Evangelio dicuntur futuri aut in sinistra, aut in dextera Christi iudicis, esse fideles tantum, sive boni sint, sive mali: ac proinde, cum parvuli, qui sine baptismo mortui sunt, non fuerint aliquando fideles, ad eos non spectat iudicii forma, quæ in Evangelio describitur: unde consequens est, ad eos non pertinere hanc iudicis sententiam: *Ite maledicti in ignem æternum, qui paratus est diabolo, & angelis ejus.*

Verum facile præcludi potest, quod mox recensitum est adversariorum effugium; scilicet falsum est, relatum ex Evangelio iudicii formam ad solos fideles pertinere.

1. Si ad solos fideles pertineat, nec ex Scriptura, nec ex Traditione ostendi poterit, parvulos qui sine baptismo mortui sunt; infideles qui nihil unquam audierunt de Evangelio; hæreticos, qui extra Ecclesiam sese variis criminibus commacularunt, in extremo iudicio non esse futuros a sinistra Christi iudicantis; neque enim id ex alio loco colligi potest, quam ex eo quem ex Matthæo in nostro argumento laudavimus.

2. Non obstat, quod proferenda a iudice sententia in specie fideles respiciat: siquidem id est Scripturarum usus, ut quandoque a genere ad speciem, & a specie (non negato tamen genere) transeat; ut videre est apud Augustinum in l. 3. de Doctrina Christiana,

c. 34. regula quarta: unde falso colligitur, sententiam hanc: *Ite maledicti in ignem æternum*, nec parvulos sine baptismo mortuos, nec adultos qui nihil unquam audierunt de Evangelio, nec hæreticos qui in suo schismate pertinaces diem clauserunt extremam, comprehendere, licet specialiter de fidelibus asseratur.

3. Si ii tantum ea sententia, *Ite maledicti in ignem æternum*, comprehendere debeant, quos specialiter spectat prolata sententia causa, *Esurivi enim, & non dedistis mihi manducare*: inde colligi poterit, eandem sententiam non pertinere ad fideles, qui cum misericordiae opera, quorum tantum Evangelium eo loci meminit, non omiserint, flagitiis alioquin & facinoribus sese ad mortem usque dederint. Hincque patet, quod licet Augustinus, tum Serm. 5. de verbis Domini, tum in libro uno contra Donatistas, eam, de qua agitur, iudicii formam de fidelibus bonis & malis intellexerit, non excluderit parvulos sine baptismo mortuos, ad quos iis locis ubi contra Julianum probavit existentiam originis peccati, eandem formam pertinere conceptis terminis asseruit; *De vitis* (inquit Serm. 14. de verbis Apostoli, cap. 3.) *& mortui judicabitur; alii erunt ad dexteram, alii ad sinistram. Non novi aliam. Et paullo post: Si ergo dextera erit, & sinistra, & nullum medium locum in Evangelio novimus; ecce in dextera regnum calorum est: Percipite* (inquit) *regnum. Qui ibi non est, in sinistra est. Qui erit in sinistra: Ite in ignem æternum.*

4. Si dubium foret, an iudicii forma quæ apud Matthæum describitur, omnes omnino homines complectatur, & an ad adultos tantum pertineat, confugiendum esset ad alia loca, in quibus extremi iudicii fit mentio: at iis in locis aperte asseritur, parvulos qui sine baptismo mortui sunt, ituros esse in ignem æternum: unde sequitur hanc apud Matthæum sententiam: *Ite maledicti in ignem æternum, qui paratus est diabolo & angelis ejus*, ad eos etiam spectare. Scilicet hæc habentur Apocal. cap. 20. ubi Joannes hisce verbis extremum iudicii diem describit. *Et vidi thronum magnum candidum, & sedentem super eum, a cujus conspectu fugit terra & calum, & locus non est inventus eis. Et vidi mortuos, magnos & pusillos, stantes in conspectu throni, & libri aperti sunt, & alius liber apertus est, qui est vita. Non multo post, iis verbis adduntur hæc alia: Et qui non inventus est in libro vite scriptus, missus est in stagnum ignis. Atqui parvuli qui sine baptismo mortui sunt, in extremo iudicio non reperientur scripti in libro vite: ergo ex Christi iudicis sententia mittentur in stagnum ignis.*

Minor argumenti propositio est certissima: siquidem

quidem liber vitæ non aliud est, quam liber in quo prædestinati æterno Dei decreto conscripti sunt: *Non Deum* (inquit August. lib. 20. de Civit. Dei, c. 15.) *iste liber commemorat, & oblivione fallatur; sed prædestinationem significat eorum, quibus æterna dabitur vita: neque enim nescit eos Deus, & in libro eos legit, ut sciat; sed potius ipsa ejus præscientia de illis, qua falli non potest, liber est vitæ, in quo sunt scripti, idest, ante præcogniti.* Sed parvuli qui sine baptismo moriuntur, conscripti non sunt in libro, in quo prædestinati æterno Dei decreto conscripti sunt: ergo neque in vitæ libro; ac proinde in extremo judicio mittentur in flagnum ignis.

Unde ad argumentum adversariorum sic in forma respondendum est: Hæc Christi judicis verba, *Ite maledicti in ignem æternum*, ad fideles pertinent, sumendo speciem judicandorum pro toto genere, conc. ant. non sumendo pro toto genere, neg. ant. Scilicet (ut observatum est ex Augustino) Scriptura eo loci a genere judicandorum, hoc est, eorum omnium qui futuri sunt in sinistra, transit ad speciem, eorum scilicet fidelium qui opera misericordiae prætermiserint; sed sicut speciem in genere comprehendit, ita & genus in specie, de qua quidem Christus expressius loqui voluit, ut opera misericordiae fidelibus commendaret.

Resp. 2. adversarii, infantes qui sine baptismo moriuntur, in ignem quidem æternum, ex sententia Christi judicis, ituros esse; sed non passuros ejusdem ignis ardorem, seu dolorem quo ad ignis præsentiam demones, alique propter actualia peccata damnati torquentur. Scilicet (inquit) infantes illi in altiore ignis loco constituentur. 2. Deus, pro sua in eos, qui nusquam actu peccarunt, providentia, impediet ne ignis occasione dolorem aliquem percipiant. 3. S. Aug. l. 7. contra Julianum, c. 8. non audet definire, an parvulis, de quibus agitur, melius futurum fuisset non nasci, quam esse in loco, in quem post hanc vitam detrudentur: *Quæ (poena) qualis & quanta erit, quamvis (inquit) definire non possim; non tamen audeo dicere, quod eis ut nulli essent, quamvis ibi essent, potius expediret: at si infantes, de quibus agitur, ignis dolorem paterentur, Augustinus non dubitasset definire, melius eis futurum fuisse non nasci, quam igne perpetuo torqueri.*

Sed ea responsio variis argumentis refellitur. I. Iis omnibus qui in extremo judicio a Christi sinistris erunt, dicetur: *Ite in ignem æternum*: at nomine ignis æterni intelligitur æterna combustio; ita nimirum docet Augustinus in libro de fide & operibus, cap. 15. ubi redarguit nonnullos qui fatebantur quidem, eos qui cum fide mortui, hoc est,

quæ per dilectionem non operatur, mortui fuerint, ituros in ignem æternum; sed contendebant, ignis in eos actionem non fore perpetuam.

2. Supplicium quod in his verbis: *Et ibunt in supplicium æternum*, quæ apud Matthæum sequuntur descriptionem judicii finalis, Augustinus ibidem per hoc verbum, *Combustionem*, exponit: *Sic ibunt illi in combustionem æternam*: Augustino igitur persuasum fuit, eos omnes qui ituri sunt in ignem æternum, (ut ire parvulos qui sine baptismo moriuntur, fatentur responsionis quam confutamus auctores) æternam passuros esse combustionem.

3. Scriptura quoad poenæ speciem, non distinguit inter eos, qui a sinistris in extremo judicio positi, audient a Christo giudice: *Ite maledicti in ignem æternum, qui paratus est diabolo & Angelis ejus*: ergo sicut adulti qui reprobi sunt, non tantum erunt in supplicii loco, sed etiam igne torquebuntur; ita etiam & illo torquebuntur parvuli, qui in extremo judicio a sinistris Christi judicis reperti fuerint.

4. Absque ullo aut ex Scriptura, aut ex Traditione petito fundamento asseritur, quod parvuli in ignem projiciendi sint, & nullum sint ex eo percepturi dolorem; quod enim adversarii dicunt de providentia, per quam contendunt, Deum impediturum esse actionem ignis, est fictitium, cum non venerit in mentem alicuius ex scriptoribus, qui hanc, de qua agitur, sententiam: *Ite maledicti in ignem æternum*: per quindecim priora sæcula interpretati sunt.

Prob. 2. nostra conclusio ex traditione. 1. Ex iis quæ ex Augustino hucusque retulimus, evidenter patet, persuasum illi fuisse, quod infantes sine baptismo mortui passuri sint æternam ignis poenam.

II. S. Fulgentius in libro de fide ad Petrum, docet ad fidem pertinere sententiam, quæ asserit, parvulos, de quibus agitur, passuros esse æternam in inferis ignis poenam: sic enim loquitur cap. 27. *Firmissime tene, & nullatenus dubites, non solum homines jam ratione usentes, verum etiam parvulos, qui sive in utero matrum vivere incipiunt, & ibi moriuntur; sive cum de matribus nati, sine sacramento sancti baptismatis, quod datur in nomine Patris, & Filii, & Spiritus Sancti, de hoc sæculo transeunt, ignis æterni supplicio puniendos, quia etsi propria actionis peccatum nullum habuerint; originalis tamen peccati damnationem carnali conceptione & natiuitate traxerunt.*

III. Episcopis Africanis in Sardinia exilatis idem persuasum fuit; sic enim loquuntur in sua Epistola Synodica, cap. 8. *De parvulis vero indubitanter tenenda catholica regula veritatis: Quia parvulus qui baptizatur,*

gratuita Dei bonitate saluatur: qui vero sine baptismo moritur, propter peccatum originale damnatur.

IV. Gregorius Magnus lib. 9. Moral. c. 16. Augustini, Fulgentii, & Præfulum in Sardinia exsulantium doctrinæ inhæsit; hæc enim habet: *Perpetua tormenta percipiunt, qui nihil ex propria voluntate peccaverunt*: Tormenti vero nomine, cum de reprobis agitur, æternam significat ignis pœnam.

V. Isidorus lib. 1. Sent. c. 22. sic loquitur: *Pro solo originali reatu suunt in inferno nuper nati pœnas, & renovati per lavacrum non fuerint*. Luere pœnas in inferno, quid aliud est, quam igne sempiterno torqueri?

VI. Hæc etiam habet Anselmus libro de conceptu Virginis, c. 22. *Post diem iudicii, nullus erit Angelus, aut homo, nisi aut in regno Dei, aut in inferno.*

VII. Concilium Florentinum in definitione fidei, sic loquitur: *Illorum autem animas, qui in actuali mortali peccato, vel solo originali decedunt, mox in infernum descendere, panis tamen disparibus puniendos*. Ex quibus verbis patet, Florentino Concilio persuasum fuisse 1. infantes sine baptismo mortuos, detrudendos esse in inferos; 2. puniri eos in inferis; 3. pœnas quas patiuntur, secundum gradum disparem quidem esse ab iis quas adulti reprobi patiuntur; sed ejusdem esse speciei, cum in eundem locum, in eundem ignem detrudantur.

C A P U T III.

Utrum parvuli sine baptismo mortui beatitudine naturali fruuntur.

CONCLUSIO. Parvuli sine baptismo mortui non fruuntur modo, nec post extremum iudicii diem beatitudine naturali fruuntur. Est contra quosdam recentiores.

Probatur. Infantes sine baptismo mortui, non erunt beati, 1. quoad locum; siquidem post extremum iudicii diem non erit medius locus inter cælos, ubi sancti regnabunt, & inferos, ad quos reprobi detrudentur. Scilicet Ecclesia Catholica Pelagianos medium illum locum (ut argumentum pro peccati originalis existentia ex damnationis loco peti- rum declinarent) admittentes proscripsit: *Non baptizasti parvulis* (ait Augustinus lib. 2. de anima & ejus origine cap. 9.) *nemo promittat inter damnationem, regnumque celorum, quietis vel felicitatis cujuslibet, atque ubilibet, quasi medium locum: hoc enim eis etiam hæresis Pelagiana promissit*. Idem demonstrant argumenta quæ capitibus immediate præcedentibus, a nobis prolata sunt.

II. Infantes, de quibus est quæstio, immunes non erunt a tristitia & dolore: summa nimirum tristitia, ingenti dolore affi-

cientur, cum intelligent se nusquam fructuros esse regno cælesti, seu clara Dei visione, ad quam primum conditi fuerant in primo parente. Argumenta quibus tristitia illa, dolor ille asseruntur, recensimus hujusce quæstionis c. 2. Atqui cum summa tristitia, cum ingenti dolore, stare non potest beatitudo etiam naturalis: ergo infantes sine baptismo mortui, ejusmodi beatitudine non fruuntur.

III. Infantes, qui sine baptismo mortui sunt, patientur in inferis pœnam ignis, licet mitiorem ea qua reprobi adulti torquebuntur, ut ostendimus c. 3. ergo beati esse non poterunt beatitudine etiam naturali.

IV. Infantes, de quibus agitur, erunt per totam æternitatem sub diaboli potestate: in eo nimirum statu quisque per totam æternitatem remanet, in quo diem clausit extremam; nempe post hanc vitam, non est tempus misericordiæ, sed justitiæ. Erunt (quod omnes homines natura sunt) filii iræ. Ex iis erunt, de quibus hæc ait Apostolus: *Per unius delictum omnes homines in condemnationem*. Aversi erunt a Deo, & ad creaturam conversi tamquam ad finem simpliciter ultimum. Sed qui semper futuri sunt sub diaboli potestate; qui futuri sunt semper filii iræ; qui semper futuri sunt aversi a Deo, & ad creaturam tamquam ad finem simpliciter ultimum conversi, non sunt fructuri beatitudine, etiam naturali: beatitudo enim & miseria simul & semel stare non possunt: at quæ major miseria fingi potest, quam manere semper sub diaboli potestate? quam manere filii iræ? quam averti a Deo, & conversum esse ad creaturam, seu, subjici dominantis amoris creaturæ?

V. Sententia, quæ asserit, infantes, de quibus agitur, aut in limbis, aut in superficie terræ, aut alio in loco fructuros esse quadam beatitudine naturali, ab Ecclesiæ exordio, usque ad sæculum decimum sextum, a nemine christiano, præterquam a Pelagianis, propugnata fuit: ergo commentum est, quod nulla veterum auctoritate nititur. Hincque patet, quo in pretio apud theologos esse debeat doctrina cujusdam recentioris, qui in Catechismo, in quo nihil deberet esse nisi certi, matres, quarum infantes sine baptismo mortui sunt, hac fabula pascit, quod infantes illi plena quiete fruuntur, & constituti in loco paradisi vicino, identidem angelorum cantibus demulceantur. Non minus risu dignum est, quod scribit alius recentior theologus, infantes, de quibus est quæstio, post extremum iudicii diem redituros esse in terram, ibique nullo concupiscentiæ affectu exagitandos, nulla rerum naturalium ignorantia laborantes, fructuros esse elementorum amœnitate, & in æternum quietos fore.

CAPUT IV.

Solvuntur argumenta, quæ contra duorum præcedentium capitulum doctrinam obijciuntur.

Nos. **H**IC proferemus 1. argumenta, quibus nonnulli probare contendunt, infantes post extremi iudicii diem fruituros esse beatitudine naturali; 2. rationes, quibus aliqui omnem ab iisdem infantibus tristitiam depellunt; 3. momenta, quibus alii eos, non quidem ab interno dolore, sed ab ignis æterni pœna liberare conantur.

Obijcies 1. Post extremi iudicii diem, infantes sine baptismo mortui, a reatu peccati originalis solvantur: alioquin enim Christus frustraretur sine, ad quem venit: nimirum venit, ut solvat peccatum originale, & ut inimica mors tandem destruat. Sed si infantes sine baptismo mortui, post extremi iudicii diem solvendi sunt reatu peccati originalis, nihil obstat, quin post illam diem fruituri sint beatitudine naturali: sublata enim culpa; pœna ulterius infligi non debet: ergo &c.

Resp. neg. maj. Ad cuius probationem, dist. ant. Christus venit, ut in omnibus hominibus solvat diverso modo peccatum originale, cont. ant. eodem modo, neg. ant. Nempe Christus venit ut peccatum originale in omnibus solveret sufficienter, cum pretium ad exhaustiendâ omnium peccata plusquam sufficiens obtulerit æterno Patri, præparaveritque per voluntatem antecedentem media, quibus omnes salvari possint; sed non venit, ut peccatum originale in omnibus parvulis efficaciter solveret: per medium nimirum, seu sacramentorum, quæ ab ipso instituta sunt, actualement & realem applicationem.

Obijcies 2. Infantes per peccatum originale non sunt averſi a Deo tamquam a fine naturali, sed tantum tamquam a fine supernaturali: ergo æquum non est, ut propter peccatum originale in æternum priventur beatitudine naturali.

Resp. neg. ant. Ratio est, quia peccatum originale (ut docet fides) est peccatum mortale; ac proinde convertit hominem ad creaturam tamquam ad ultimum finem, hoc est, efficit, ut homo suum finem ultimum ac dominantem in creatura habitualiter constituit: at conversio ad creaturam tamquam ad finem ultimum, avertit a Deo, etiam tamquam auctore naturæ: neque enim amor habitualis creaturæ super omnia stare potest cum amore habituali Dei, etiam ut auctoris naturæ, super omnia.

Obijcies 3. Gregorius Nazianzenus, Oratione in S. lavacrum, ante medium, scribit, infantes qui sine baptismo moriuntur, nec cœlesti gloria, nec supplicio aliquo afficien-

dos esse: ergo censet esse a quovis dolore, a quavis tristitia immunes; ille nimirum dolor, illa tristitia in eis esse non possunt, nisi per modum supplicii. Probat. ant. Gregorius loco mox laudato sic loquitur: *Postremi (inter quos numerat infantes) nec cœlesti gloria, nec supplicio a iusto iudice afficiuntur: utpote qui licet baptismo consignati non fuerint, improbitate tamen careant; atque hanc, baptismi, iacturam passi potius fuerint, quam fecerint.* ergo, ex Gregorio, infantes sine baptismo mortui non adicientur aliqua pœna, sive interiore, sive exteriori; hoc est, sive (ut loquantur) sit pœna damni, sive sit pœna sensus.

Resp. ad 1. neg. ant. Ad 2. dist. consequ. Ergo infantes sine baptismo mortui non afficiuntur aliqua pœna, propter non receptum baptismum, cont. consequ. propter peccatum originale, neg. consequ. Sanctus Gregorius Nazianzenus in loco qui nobis obiectus est loquitur de iis hominibus qui baptismum contempserunt, nec omiserunt ex negligentia; sed quibus, licet desiderantibus, vel præ infantili ætate non desiderantibus, datum non est. His S. Doctor contendit non infligendam esse pœnam quæ actuali contemptui, aut virtuali negligentiz tamquam actuali culpæ infligi debet; sed quamvis infantes sine baptismo mortui, tamquam aut contemptus, aut negligentiz rei castigandi non sint, Deus tamen in eos propter originale peccatum sæviet, pœnisque in eos animadvertet.

Jam vero quod non aliud voluerit Gregorius, facile potest ostendi ex oppositione, quam statuit inter hominum genera; de quibus loquitur. Scilicet asserit, ex iis qui sine baptismo moriuntur, esse 1. eos qui præ contemptu illud minime recipiunt; 2. eos qui illud quidem non contemnunt, sed negligunt illud recipere; 3. eos qui ex aliorum negligentia, ut infantes, & nonnulli adulti, ipsum alioquin desiderantes, non recipiunt. Ea præmissa distinctione, Nazianzenus asserit, duplicis prioris generis homines reos esse, quod baptismum non receperint; ac proinde par esse, ut ob id in altero sæculo pœnis castigentur; contendit e contra, reos non esse aut contempti, aut neglecti baptismatis, posterioris generis homines, inter quos recenset infantes, ac proinde negat eos ob id puniri debere in altera vita.

Sed placet hic ipsamet Gregorii verba (quæ quidem benigna explicatione indigent, quatenus innuunt, eos quibus, licet enixe desiderantibus, ex aliorum negligentia, aut malitia baptismus non datur, non fruituros esse cœlesti gloria) lectorum oculis subijcere: *Existimo (inquit) futurum, ut primo quidem, tum aliorum scelerum, tum etiam baptismi contempti pœnas lauant; alii autem pœnas quidem, sed leviores pendunt; ut qui non tam animi pravitare,*

tate, quam sultitia a baptismo oberraverint: postremi denique nec caelesti gloria, nec supplicii a iusto iudice afficiantur; utpote qui licet baptismo consignati non fuerint, improbitate tamen (contempti aut neglecti baptismatis) carcant, atque hanc iacturam passi potius fuerint, quam fecerint.

Obijcies 4. S. Augustinus variis in locis innuit parvulos sine baptismo mortuos, a damnatione immunes futuros esse, idque pluribus ex eo desumptis textibus ostendi potest.

Primo, libro quinto contra Julianum c. 8. non audet definire, quanam in specie, an ignis, aut alia, futura sit mitissima poena, quae parvulis sine baptismo mortuis, post hanc vitam infligetur: *Qua* (inquit) *qualis & quanta erit, quamvis definire non possim; non tamen audeo dicere, quid eis ut nulli essent, quam ut ibi essent, potius expediret: at si sentisset, infantes illos ignis poena torqueri, non veritus fuisset aperte definire, eos ignis poenam passuros esse.*

Secundo, Idem S. Doctor eodem in loco profitetur, se non audent dicere id, quod de Juda proditore Dominus in Evangelio dixit: *Melius erat ei, si natus non fuisset homo ille: sed si fuisset illi persuasum, infantes illos esse ignis poena torquendos, non fuisset causa, cur id de illis non asseruisset: quis enim dubitat, melius illis futurum fuisse non nasci, quam postea natos igne perpetuo torqueri?*

Tertio, Idem Augustinus in lib. 3. de libero arbitrio c. 23. non tribuit quidem parvulis sine baptismo mortuis (ut olim Pelagiani, & nunc aliqui ex Catholicis) medium locum inter caelum & infernum, sed asserit, mediam fore sententiam inter primum iis debitum qui propria voluntate aliquid meruerint, & supplicium quod iis debetur, qui propria voluntate peccaverint: *Non est metuendum* (inquit) *ne vita potuerit esse media quaedam inter recte factum, atque peccatum; & sententia iudicis media esse non possit inter primum, atque supplicium.* Hincque concluditur, mediam fore poenam, inter poenam qua castigabuntur adulti, & eam qua in parvulos solius originalis peccati reos animadvertetur. Confirmatur ex eo, quod nusquam sententiam illam retractaverit, quamvis eam retractandi ipsi saepius occasio data fuerit, & praesertim in libro primo Retractionum c. 9. ubi diligenter illos de libero arbitrio libros expendit, nec non Epistola 28. veteris editionis, in qua disputat de quadam parte capitis 23. in quo laudata ex ipso sententia legitur.

Resp. ad 1. neg. ant. Ad cuius priorem & alteram probationem, dist. ant. Augustinus non aulus est definire, utrum hæc Domini sententia de Juda proditore, *Melius erat ei, si natus non fuisset homo ille*, quod

id ad Ecclesiae contra Pelagianos causam non pertineret, conc. ant. quod revera ita se res non habeat, neg. ant. Satis fuit Augustino, ex perpetuo igne, cui parvuli sine baptismo mortui addicentur, ex Christi iudicis adversus omnes omnino reprobos sententia, *Beati maledicti in ignem aeternum*, probare existere in parvulis peccatum originale; nec debuit illi curæ esse de incommodo, quod ex additæ probationis certitudine sequitur, *An melius fuisset eis omnino non nasci*; si enim id asseratur, si propter poenam, mitissimam alterius respectu, quæ adultis infligetur, negetur, stat S. Doctoris argumentum petatum ex certissima Christi sententia: *Beati maledicti in ignem aeternum, qui parati sunt diabolo & angelis ejus.*

Ad alteram ejusdem antecedentis probationem ex libro 3. de libero arbitrio petitam, dicendum est 1. Augustinum, cum fuit conversionis initio de libero arbitrio libros scriberet, nondum plane expendisse, an peccatum originale ignis poena castigandum sit in altero seculo; unde mirum non est, quod tunc manifeste non definierit, an media quaedam circa parvulos sententia a Christo in extremi iudicii die proferenda sit, nec ne. Verum certior postea factus, cum adversus Pelagianos scriberet, aperte professus est, illud ignis poena plebendum esse. Petatum est illud responsum ex Augustino libro de dono perseverantiae cap. 12.

Dicendum est 2. Augustinum in libris de libero arbitrio nihil determinasse de damnatione parvulorum, qui sine baptismo moriuntur: unde ex iis libris ejus sententia erui minime potest: *Nam & de baptismo parvulorum* (inquit S. Doctor in Epistola 28.) *non quidem sufficienter, sed quantum illi operi satis esse videbatur, utrumque respondi, quod etiam nescientibus, & fidem suam nondum habentibus prodest: non tamen de damnatione eorum qui sine illo ex hac vita migrant, tunc aliquid dicendum putavi, quia non quod nunc agitur, agebatur.* Dixerat tamen in lib. 3. c. 23. quod nobis objectum est, parvulos illos esse a caelesti gloria beatorum excludendos: ergo etiam tunc censebat, licet non tam certo, ac postea, illam damnationem esse aliquid præter exclusionem a regno caelorum.

Ratio autem quæ eum movit, ut nunc de parvulorum damnatione siceret, petatur ex eo quod probari tantum possit ex libris sacrae Scripturae, quibus Manichæi, contra quos tunc agebat, eas pro libito aut admitterent aut rejicerent: id nimirum ipse docet in libro de dono perseverantiae capite undecimo.

Dicendum est 3. S. Augustinum, hypothetice, non autem absolute, affirmasse, *non metuendum esse, ne vita potuerit esse media quaedam inter factum, atque peccatum, & sen-*

sententiam iudicis mediam esse non posse interpretari premium atque supplicium. Hypothesis autem erat Manichæorum contendendum, inutiliter & frustra creari parvulos qui in extremi iudicii die, nec inter bonos, nec inter malos collocandi sint; hoc enim est argumentum quo utebantur: Dicant (ait Augustinus) imperiti: Quid opus erat, ut nasceretur, qui antequam iniret ullum vite meritum, exisset a vita? aut qualis in futuro iudicio deputabitur, cui nec inter iustos locus est, quoniam nihil recte fecit: neque inter malos, quoniam nihil peccavit? Ex quo Manichæi concludebant creari infantes illos a substantia nequam, cui inutilitas illa parvulorum tribui deberet, non autem principio bono, siue Deo bono. Data itaque hypothese illa, Augustinus contendit admitti non debere conditionem Manichæorum, infantes illos inutiliter creari, & eorum creationem principio nequam tribui debere. Nam 1. (ut ait) confert eorum infantium creatio ad universi complementum. Quibus respondetur, Ad universitatis complementum & totius creatura, vel per locos, vel per tempora ordinatissimam connexionem, non posse superfluo creari qualescunque hominem, ubi solum arboris nullum superfluo creatur: sed sane superfluo queri de meritis ejus, qui nihil meruerit. 2. (addit idem S. Doctor) potius fatendum esse mediam erga parvulos fore iudicis sententiam, mediumque illis inter bonos & malos statum admitti debere, quam contendere (ut Manichæi contendebant) parvulos inutiliter nasci, & eorum creationem principio nequam tribui debere: Non enim metuendum est (inquit), hoc est, potius tanquam minus absurdum admittendum est, ne via esse patueris media quadam inter recte factum, atque peccatum, & sententia iudicis media esse non possit inter premium, atque supplicium.

Ex iis quæ hucusque dicta sunt, patet 1. Augustinam, licet in libro tertio de libero arbitrio expresse asseruerit, parvulos sine baptismo mortuos excludi a regno calorum; nihil de eorum supplicio scripasse, quod id ad Ecclesiæ contra Manichæos causam de origine mali nihil conferret. Patet 2. quod licet tunc in eadem de illorum parvulorum damnatione esset sententia, in qua erat, dum scriberet postea contra Reliquos & Semipelagianos, tunc tamen tanquam rem certa definitam, minime protulerit. Patet 3. quod cum mediam asserit fore sententiam iudicis circa parvulos, id hypothetice, & non absolute, tanquam suam doctrinam, asseruisse.

Obijciēs 5. Ambrosius in Commentario in Epistolam ad Romanos, exponens hæc Apostoli verba: Et per peccatum mors, expresse asserit mortem secundam, quæ in ge-
na

na sit, non habituram esse locum in parvulis qui sine baptismo moriantur; sic enim loquitur: Mors autem (de qua loquitur Apostolus) dissolutio corporis est, cum anima a corpore separatur: est & alia mors, quæ secunda dicitur, in gehenna, quam non peccato Adæ patimur, sed ejus occasione propriis peccatis adquirimus. Ambrosio igitur persuasum fuit parvulos, qui sine baptismo moriuntur, immunes esse ab ignis poena.

Resp. Ambrosium non esse auctorem Commentarii qui nobis obijciatur: E contra festus est hominis aperte Pelagiani. Omnia enim Scripturæ loca, quibus Augustinus, Fulgentius, & S. Prosper uti sunt ad explicanda prædestinationis & gratiæ mysteria, in alienos sensus detorquet. Nam 1. in caput secundum Epistolæ ad Romanos asserit, gentiles, duce natura, in Christum credere. 2. Non aliam admittit gratiam, quam peccatorum remissionem, nec alicubi meminit gratiæ illius quæ per inspirationem luminis, & amoris infunditur; ut videri est in caput tertium. 3. In caput 11. docet, meritum præsupponi gratiæ; in hæc nimirum verba, Quos prædestinavit, hos & vocavit, sic loquitur: Vocare est cogitantem de fide adjuvare, aut compungere eum, quem sciat audire. 4. Prædestinatione nubique meram Dei præsentiam interpretatur: Scis enim Deus, (ait in caput nonum) cui debeat misereri, & nulla neglecta iustitia gratiosus est, ut unum e duobus paribus accipiat, alterum respiciat. 5. Evertit dogma de propagatione peccati originali; siquidem in caput septimum Epistolæ ad Romanos negat condemnationem de qua loquitur Apostolus dicens, Per unius delictum omnes homines in condemnationem, esse universalem: e contra asserit iis tantum convenire, qui propria voluntate peccantes, Adami prævaricationem imitantur: Quia (inquit) si solum ex uno Adæ peccato condemnantur, qui in similitudine prævaricationis ejus peccaverunt.

Obijciēs 6. Innocentius Papa III. Capite, Majores, Titul. De Baptismo & ejus effectu, asserit, poenam peccati originalis esse carentiam divinæ visionis: Eum vero loqui cum exclusionis pœnæ quæ sensus adiciat, seu quæ ignis actione percipiatur, colligitur ex eo, quod illam divinæ visionis carentiam opponat pœnæ sensibili, quæ peccato originali debetur: opposita vero se invicem excludunt. En ipsamet Pontificis verba: Præterea poena originalis peccati, est carentia visionis Dei: actualis vero poena peccati, est gehenna perpetua cruciatus: unde si dimitteretur alicui primum, altero non dimisso, talis non careret visione Dei propter originale dimissum, & cruciaretur in gehenna perpetuo propter tantum criminis actualis. Sed hæc tanquam impossibilia, se sibi

se minime patiuntur, immo sibi mutuo adversantur, ergo, &c.

Resp. neg. min. seu, neg. Innocentium opponere carentiam divinæ visionis poenæ sensus, hoc est, cruciati æterno. Ratio est, quia, cum, ut docent adversarii, opposita se se invicem excludant, sequeretur, perpetuum ignis cruciatus, quem laudatus Pontifex asserit, esse poenam actuali peccato debitam, excludere carentiam divinæ visionis, ita ut carentia divinæ visionis non sit poena actuali peccato debita, sed solus ignis cruciatus; quod est absurdum: sequeretur enim hominem adultum cui per baptismum peccatum originale dimissum est, cruciandum esse ignis poenæ, & tamen non cariturum divina visione.

Dicendum est igitur, summum Pontificem nihil de quæstione, de qua agitur, definiisse, sed eum argumentatum fuisse ex re certa, ex carentia nimirum divinæ visionis, quam omnes fatentur esse poenam originalis peccati, nec curasse eum de incerta, cruciati nempe gehennæ, quem theologis quibusdam negantibus debitum esse originali peccato, affirmant alii deberi. Ex ea autem re apud omnes certa concludit, baptismum non debere conferri amentibus, aut dormientibus adultis, qui sani & vigilantes, nullum demonstrarunt desiderium recipiendi baptismum. Alioquin (argumentum est Innocentii) sequeretur gravissimum absurdum, nimirum adultos illos in suo somno, in sua stultitia morientes, propter peccatum actuale passuros esse perpetuum gehennæ cruciatum, quamvis non carituri divina visione, peccato originali ex una parte in eis per baptismum dimisso; & ex altera actualibus mortalibus, debitæ detestationis defectu, remanentibus.

Objicies 7. S. Thom. in 2. sent. diff. 33. q. 2. art. 1. & q. 5. de malo, art. 2. ad 1. sic loquitur: *Quod nomen, tormenti, ignis, supplicii, gehennæ, cruciatus, vel si quod simile in dictis Augustini, vel aliorum Sanctorum inveniat, est large accipiendum pro poenâ, ita ut ponatur species pro genere. Ideo autem Sancti tali modo loquendi usi sunt, ut detestabilem redderent errorem Pelagianorum, qui assererent, in parvulis nullum peccatum esse, nec illi poenam aliquam deberi: ergo ex S. Thoma, parvuli sine baptismo mortui ignis poenæ non cruciantur: nec id, ex eodem S. Doctore, credidit Augustinus.*

Confirmatur ex eo, quod juxta quorundam recentiorum scholasticorum mentem Augustinus de poenâ parvulis sine baptismo mortuis debita agens, locutus sit per excessum. Scilicet (inquiunt) S. Doctor, ut unum extremum, Pelagianorum nempe, declinaret, in aliud abiit extremum: idque (addunt) non infrequens est apud Patres alios, qui

cum hæreticos impugnarent, non semel aliud extremum amplexi sunt, eorum hominum adinstar, qui ut curvatam arborem erigant, in aliud eam latus flectunt.

Respondet Sylvius in 1. 2. qu. 86. n. 6. *Beatum Thomam variis quidem in locis loqui juxta sententiam suo tempore communem. Si tamen (addit idem auctor) suam summam Theologicam absolvisset, non deest ratio existimandi, eum in partem alteram fuisse declinaturum, quia lib. 3. contra gentes cap. 156. habet pro absurdo, quod sint aliqui homines, qui nec beatitudinem consequantur, nec poenam a Deo patiantur, quod juxta Scripturam, Matth. 25. omnibus in divino judicio existentibus dicetur, Venite, possidete paratum vobis regnum, vel, Discedite in ignem æternum.*

Ad confirmationem ex quibusdam recentioribus scholasticis petitam, dicendum est 1. eam & Augustino, & aliis Sanctis Doctoribus, qui adversus hæreticos pugnarunt, maxime injuriosam esse: Quid est enim asserere, Augustinum, aliosque sanctos Doctores in extremum (quod, ex adversario, falsum est) declinasse, quam eos fuisse mentitos, ut hæreticos mentientes ad veritatem reducerent? Si (ut adversarii respondent) res ita se habet, fatendum erit, Augustinum & alios Patres, cum adversus hæreticos disputarent, suo agendi genere favisse Priscillianistis, apud quos palmarium erat Axioma, *Licet loqui mendacium cum iis qui nobis societate conjuncti non sunt.*

Quam autem id alienum sit ab Augustini mente, docet ipse in libro contra Mendacium ad Consentium, cap. 1. ubi sic loquitur: *Non mihi persuadetur eos (Priscillianistas) de latebris suis nostris esse mendaciter eruentes. Ut quid enim eos tanta cura investigare, atque indagare conamur, nisi ut captos, in apertumque perductos, aut etiam ipsos veritatem doceamus, aut certe veritate convictos nocere aliis non sinamus? ad hoc ergo, ut eorum mendacium deleatur, hoc caveatur, Deum autem veritas augetur. Quomodo igitur mendacio recte potero prosequi? an & latrocinio latrocinia, & sacrilegio sacrilegia, & adulterio adulteria persequenda? Si autem veritas Dei in meo mendacio abundabit, numquid & nos dicendi sumus, faciamus mala, ut veniant bona, quod vides quemadmodum (ad Roman. 3.) detestetur Apostolus?*

Dicendum est 2. sequi ex eadem adversariorum confirmatione; nullum de fide, aut moribus dogma ex sanctis Patribus probari posse: quoties enim pro aliquo dogmate delumetur argumentum petatum ex eorum adversus hæreticos disputationibus, responderi poterit, eos (ut hæreticos longius propellerent) debitum modum excessisse: sicque corraunt argumenta omnia quæ Ecclesia

Catholica pro suis dogmatis ex Patrum adversus hæreticos disputationibus depromit.

Nec rationis nostræ vim declinant, qui respondent, Patres non fuisse quidem mentitos, cum in aliud extremum abfisse visi sunt, sed figurate, aut hyperbolice locutos fuisse. Non declinant (inquam), siquidem non decuit, Patres in suis adversus hæreticos disputationibus figurate & hyperbolice loqui; cum enim ejusmodi locutiones ex se ipsis obscuræ sint, parum conveniunt, ut iis Scripturarum obscuritates tollantur, unde Augustinus in libro quarto de Trinitate cap. 8. docet, Scripturarum expositores non debere figuratum auctorum Canonicorum loquendi modum imitari.

Objicies 8. Bernardus Serm. 3. de Paschate, asserit, ignem æternum non desavire, nisi in propriam voluntatem: ergo non desavit in peccatum originale, cum propria parvulorum voluntate commissum non sit.

Resp. dist. antec. Bernardus asserit, ignem æternum non desavire, nisi in propriam voluntatem, & nomine propriæ voluntatis non excludit communem, quæ fuit in primo parente, cum Dei mandatum infregit, conc. ant. & eam excludit, neg. ant. Scilicet Doctor mellissus per voluntatem propriam intelligit eam omnem quæ est contraria caritati: *Voluntatem (inquit) dico propriam, quæ non est communis cum Deo & hominibus, sed nostra tantum.*

Objicies 9. Poena sensus debetur soli peccato quod per delectationem operantis commissum est, juxta illud Apocalypseos 13. *Quantum glorificavit se, & in deliciis fuit, tantum date illi tormentum & luctum.* Atqui peccatum originale a parvulis commissum non fuit per delectationem, cum illud per actum proprium, utpote illius incapaces, non contraxerint: ergo ei non debetur poena sensus.

Resp. ad 1. neg. maj. ad 2. dist. ant. Quantum glorificavit se, & in deliciis fuit, tantum date illi tormentum; & Scriptura nomine glorificationis, & deliciarum non excludit peccatum, quod sine glorificatione & deliciis hominis rei commissum est, conc. ant. & illud excludit, neg. ant. Ratio est, quia qui glorificationem & delicias castigat, non ideo censendus est eximere a poena sensus peccata quæ alio modo, quam per delectationem & delicias, contrahunt; alioquin dicendum esset, Scripturam docere, sola peccata vanæ gloriæ, & carnalis concupiscentiæ mereri poenam sensus, quod est absurdum. Dicendum est igitur, Joannem eo loci peccati speciem, quæ frequentius occurrit, sumpsisse pro genere: ita ut docere voluerit, pro majori vel minori peccati, cujuscunque sit speciei, demerito, majorem vel minorem fore poenam, quæ in altero sæculo punietur.

Objicies 10. Poena sensus debetur soli conversioni ad creaturam, non autem simplici privationi, ut est originale peccatum. Præterea indignum Dei bonitate, ac justitia videtur, ut poena sensus in eos animadvertat, qui nec propria voluntate, nec per sensuum ministerium peccaverunt. Tandem, saltem populis inculcanda non est sententia, quæ asserit, parvulos sine baptismo mortuos ignis poena torqueri; nullum enim ex ea fructum percipere possunt.

Resp. ad 1. argumentum esse de non supponente; siquidem (ut suo loco fuit ostensum) peccatum originale dicit libidinem, seu concupiscentiam, seu amorem creaturæ, animæ parvulorum dominantem. Præterea falsum est, simplici privationi, quæ subiectum, in quo reperitur, reddit Deo inimicum, non deberi poenam sensus.

Resp. ad 2. falsum esse, quod Dei bonitate ac justitia indignum sit eos ignis poena torqueri, qui nec propria voluntate, nec per sensuum ministerium peccaverunt. Nam 1. fides docet, parvulos in hac vita pati poenam sensus, mortem scilicet, aliasque corporis misérias: mors enim & aliæ, quas in corpore patiuntur, miseriæ, sunt simul effectus & poena peccati originalis, cum ex iis Augustinus argumentum petat, quo contra Pelagianos ejusdem peccati existentiam in eis asserat. 2. Eadem fides docet, parvulos, de quibus agitur, passuros esse poenam damni, hoc est, excludendos esse a vita æterna, a regno cælorum, a visione beatificæ: Sed illa damni poena longe gravior est poena sensus seorsum sumpta: *Tam grandis est poena (inquit Augustinus in Enchiridio ad Laurentium, cap. 112.) ut ei nulla possint tormenta, quæ novimus, comparari, si illa sit æterna, ista autem sit quamlibet multis sæculis longa.* 2. Parvuli, qui baptismate initiati sunt, etiamsi propria voluntate non crediderint, regno cælesti potentur; ergo par est, ut ii torqueantur, qui non propria voluntate, sed aliena tantum peccaverunt.

Resp. ad 3. fidelem populum, has ex sententia, quam defendimus, utilitates colligere, 1. Veritatem Scripturis & Traditioni consignatam docebitur: 2. gravitatem peccati originalis ex illa metietur: 3. argumentum ex ea sumet, quo Catholicam de peccati originalis propagatione doctrinam adversus hodiernos Pelagianos, Socinianos nimirum, asserere poterit. 4. Mulieres prægnantes, timentes pro foetu poenam ignis, temperabunt, sicut & earum mariti, ab iis omnibus quæ tum in usu conjugii, tum extra illius usum, eidem jam conceptu foetui nocuimento esse poterunt; dabuntque operam, ut parvulis mox post nativitatem, ac sine ulla dilatione, sicut Canonibus præscribitur, per baptismum consulatur.

DIS.

DISSERTATIO OCTAVA.

De peccato actuali in genere.

NOMINE peccati actualis intelligitur actus, vel omissio difformis regulis morum. Actus ille, omissio illa, vel sunt mortalia, vel venialia tantum. Actus, vel omissio mortalis, animam (ut ait Augustinus) perimunt; hoc est animæ mortem spiritualem inferunt, in eo positam, quod creaturæ cum Deo amicitia dissolvatur. Actus, vel omissio venialis animam quidem vulnerat, sed non ad mortem; & licet caritatis fervorem minuant, eam tamen prorsus non extinguunt, nec plane dissolvunt creaturæ cum Deo amicitiam.

Circa peccatum actuale quæremus hic 1. utrum mortale a veniali differat; 2. quænam sint regulæ, quibus mortale peccatum a veniali discerni possit; 3. an mortale nonnunquam fieri possit veniale; & vicissim utrum veniale possit fieri mortale; 4. utrum cum solo originali possit in aliquo subiecto esse solum veniale.

QUÆSTIO PRIMA.

Utrum peccatum mortale & veniale differant.

Not. **E**xpendemus hic 1. an distinctio peccati mortalis a veniali sit de fide; 2. an ex natura sua differant; 3. in quo positum sit verum eorum discrimen.

CONCLUSIO 1. Est de fide, aliqua esse peccata mortalia, & aliqua venialia.

Probatur ex Scriptura, qua docemur 1. multa esse peccata quæ a regno Dei excludunt: *Quoniam* (inquit Apostolus ad Romanos) *qui talia agunt, regnum Dei non possidebunt*. Docemur 2. multa esse peccata, in quæ Deus per æternam pœnam animadvertet: *Ite maledicti in ignem æternum* (ait Christus ipse Matth. 25.); *esurivi enim, & non dedistis mihi manducare*. Docemur 3. nonnulla esse quæ præsentem mortem animæ inferunt: *Qui non diligit* (inquit Joannes 1. epist. cap. 3. *manet in morte*. Item Sapientiz 5. *Os quod mentitur, occidit animam*. Peccata illa, quorum effectus enumeravimus, in Traditione vocantur, *Scelera, flagitia, crimina*: ergo Scriptura aperte definit, quædam esse peccata mortalia: ac proinde fide catholica certum est, nonnulla esse mortalia.

Jam vero quod nonnulla quoque sint venialia tantum, ostenditur, tum ex Scriptura, tum ex Traditione. Primæ ad Corinth. 7. mixtio cum conjugæ propter alium finem, quam procreationem prolis, aut reddendum debitum, dicitur venialis. Justi dum recitant orationem Dominicam, peccatorum suorum ve-

niam petunt: *Dimitte nobis debita vestra*. At ea peccata quorum indulgentiam exorant, non sunt mortalia: neque enim cum peccatis mortalibus status gratiæ componitur. Augustinus passim in suis adversus Pelagianos operibus utitur illo argumento, ut probet justum sine speciali privilegio (quod uni Virgini Deiparæ concessum est) non posse hic in terris vitam ab omni peccato veniali immunem ducere: ergo fide quoque catholica certum est dari quædam peccata venialia.

CONCL. 2. Peccatum mortale non differt a veniali solum ex parte subiecti. Est contra Lutherum & Calvinum, qui docuerunt, omnia peccata, vel levissima, esse mortalia reprobis, venialia vero, licet gravissima, prædestinatis; utpote istis non imputata, cum e contra illis vel levissima, ad mortem & pœnam æternam imputentur.

Probatur 1. Adamus cum fructum veritum comedit, peccavit lethaliter, & tamen de prædestinatorum erat numero. 2. Mortaliter quoque David peccavit, cum se ipsum commaculavit adulterio. 3. Eodem peccati genere devinxit se Petrus, cum ter Dominum negavit. 4. Reus fuerat peccati lethalis ille latro, qui, postquam dixit: *Nos quidem digni factis recipimus*, a Christo audire meruit: *Hodie mecum eris in paradiso*: ergo discrimen peccati mortalis a veniali non sumitur ex parte peccantis, sive sit prædestinatus, sive sit de reprobis numero. Vide quæ supra in hoc de inamissibilitate justitiæ contra Lutherum & Calvinum diximus.

CONCLUSIO 3. Peccatum mortale non differt a veniali ex parte solius divinæ voluntatis miserantis; hoc est, discrimen illud non petitur ex sola Dei voluntate, peccatum veniale nec in electis, nec in reprobis puniente. Est contra Joannem Gerlonem Alphabeto 6. Littera A. Almainum tract. 3. Moral. cap. 20. & Rossensem Art. 31. contra Lutherum.

Probatur 1. ex Scriptura & Traditione, quæ quidem, cum de peccati mortalis a veniali discrimine loquuntur, nunquam recurrunt ad Dei voluntatem, quæ illud per misericordiam æterna pœna non castiget, in illud e contra æterna pœna sæviat: sed recurrunt semper, aut ad materiæ levitatem, aut ad defectum consensus, aut ad aliqua alia capita, quæ inferius suo loco recensentur.

Confirmatur auctoritate Papæ Pii V. a quo damnata fuit hæc propositio: *Nullum est peccatum natura sua veniale, sed omne peccatum meretur pœnam æternam*.

CONCLUSIO 4. Peccatum mortale ex natura sua differt a veniali. Est omnium (iis tantum exceptis, quos recensuimus) Theologorum.

Probatur 1. Paulus primæ ad Corinth. 3. quædam peccata comparat cum feno & stipula

pula superimpositis ædificii fundamento; ergo sicut stipula & fenum, ex se, ex natura sua, non possunt ædificii fundamentum destruere: ita & quidem sunt peccata, quæ ex se, & ex natura sua non possunt caritatem, quæ spiritualis ædificii forma est & fundamentum, destruere: ac proinde nonnulla sunt peccata, quæ per se, & ex natura sua, differunt a mortalibus, quæ illam ædificii spiritualis formam, illud fundamentum evertunt.

Probat 2. Quædam sunt peccata, quæ per se, & ex natura sua, dominantem in anima, creaturarum amorem non inferunt; huiusmodi vero sunt (ut advertit Augustinus Serm. 12. de Diversis) attendere aliquid quod non debeat, audire aliquid quod non fuit audiendum, cogitare aliquid quod non fuit cogitandum: Et enim (ut ejusdem Sancti Doctoris verbis utamur) parvi sunt morbi: E contra vero nonnulla sunt peccata quæ per se, & ex natura sua, dominantem in anima creaturarum amorem inferunt, quæque per se, parvi non sunt morbi: ergo quædam sunt peccata mortalia, quæ per se & ex natura sua differunt a venialibus; in eo nimirum (ut dicetur inferius) peccatum mortale differt a veniali, quod illud dominantem creaturam amorem in anima, non autem istud, inferat.

Obicies. Scriptura docet 1. peccata (non distinguendo mortalia a venialibus) creaturæ cum Deo amicitiam dissolvere, ut videre est Isaïæ 59. Ezechielis 18. primæ Joannis 3. Docet 2. (ut patet ex Matth. cap. 23.) eum, qui minima mandata non custodit, non introitum esse in regnum celorum. Docet 3. iustum non habiturum esse partem cum Christo, si eum Christum a levioribus non abluerit: Si non laveris te (ait Christus Petro, Joannis 13.) non habebis partem mecum: ergo, &c.

Resp. ad 1. per minima mandata intelligi mandata quæ in secunda Decalogi tabula continentur: sicque vocantur comparata ad primum mandatum, quo fides, spes & caritas præcipiuntur. Ita Augustinus lib. 1. de Sermone Domini in monte.

Resp. ad 2. peccata quidem generatim dici in Scripturis solvere creaturæ cum Deo amicitiam; sed aliis Scripturæ locis docemur, id de omnibus peccatis non intelligi, sed de mortalibus tantum.

Resp. ad 3. peccati venialis fordes eo sensu excludere a regno celorum, quod nisi prius ablata fuerint, aut hac in vita per poenitentiam, aut in altera per satisfactionem, (ut loquuntur) liberum non sinant animabus iustis celorum introitum: nihil enim coinquinatum in celeste regnum intrabit.

Obicies 2. Ecclesia orat, ne Deus simas, quæ sine letali peccato mortuæ sunt, in tartarum delabi: Ne absorbeat (inquit in liturgia) eas tartarus, ne cadant in obscurum;

sed significat S. Michael eas representet in lucem sanctam, quam olim Abrahæ promissit, & semini ejus: ergo Ecclesia supponit, peccatis etiam levibus poenam æternam deberi; ac proinde ea a mortalibus ex natura sua non differre.

Resp. nomine tartari Ecclesiam intelligere locum, quem Catholici Purgatorium vocant; locus autem ille dicitur tartarus, quod anime justæ, quæ plene pro peccatis, sive mortalibus sive venialibus, in hac vita Deo non satisfecerunt, in eo loco crucientur. Dicitur etiam obscurus, eo quod anime, quamdiu in eo detinentur, uberiori illa luce, qua beati fruuntur, minime potiantur.

Quæres, in quo positum sit discrimen peccati mortalis a veniali?

Resp. 1. Illud discrimen non esse positum in eo quod mortale sit contra præceptum, veniale vero contra consilium tantum. Ratio est, quia actus qui sunt tantum contra consilium, non sunt peccata; neque enim homo sub poena peccati tenetur consiliis adherere: unde Apostolus primæ ad Corinth. 7. isti sententiæ: De virginibus præceptum Domini non habes, consilium autem do, hanc aliam subjicit: Si nupserit virgo non peccat.

Resp. 2. discrimen, de quo agitur, non peti ex eo quod peccatum mortale sit contra legem, veniale vero præter legem. Ratio est, quia in quolibet peccato, etiam veniali, est inordinatus amor creaturæ; sed quilibet inordinatus amor est contra legem æternam, quæ ordinem naturalem conservari jubet, perturbari vetat. Præterea in omni peccato veniali voluntas creatura fruitur; frui enim, ex Augustino, est amore inherere creaturæ propter ipsam; at frui creatura est contra legem æternam; in eo enim posita est inordinatio, quam æterna lex vetat, ut creatura aut fruatur utendis, aut fruendis uratur.

Respondendum est igitur 3. peccatum mortale in eo præcise differre a veniali, quod finem simpliciter ultimum, hoc est, finem omnibus animæ affectibus prædominantem, in creatura constituit: cum e contra veniale non constituat finem simpliciter ultimum in creatura, sed ultimum tantum secundum quid: scilicet quamvis venialiter solum peccans excludat actualem sui ipsius relationem ad Deum, non excludit tamen habitualem: unde licet habeat affectum ad peccatum veniale, non amittit tamen caritatem habitualem, quæ omnibus animæ affectibus prædominetur.

Q U Æ S T I O II.

*De regulis, quibus peccatum Mortale potest
a Veniali discerni.*

CONCLUSIO 1. Difficillimum est, & periculosum definire, an hic, aut ille actus in individuo, sint peccatum mortale, an veniale tantum.

Probatur ex Augustino, qui lib. 21. de Civit. Dei, c. 8. sic loquitur: *Quis sit ille modus, & quæ sint illa peccata, quæ ita impediunt perventionem ad regnum Dei, difficillimum invenire, definire periculosissimum. Ego certe usque ad hoc tempus, cum id satagerem, ad eorum indaginem pervenire non potui.*

Quæres, cur difficillimum sit, peccatum mortale in individuo a veniali discernere?

Resp. plures esse difficultatis illius rationes. Nam 1. mens circa moralia longe magis cæca est, quam circa alia omnia. 2. Voluntas per peccatum corrupta inducit intellectum ad judicandum prout est affecta: unde fit, ut sæpe non ex regula veritatis, sed ex cupiditate rem metiatur. 3. Non raro fit, ut peccata, quamvis multum gravia, cum in consuetudinem venerint, aut levia, aut nulla esse credantur: *Usque adeo* (inquit Augustinus Enchiridii c. 8.) *ut non solum tunc occultanda, verum etiam prædicanda, ac diffamanda videantur.*

CONCLUSIO 2. Ad dignoscendum, quidnam actus sint peccata mortalia, qui vero venialia tantum, quatuor regulæ statui possunt.

Probatur enumeratione. I. Discrimen peccati venialis a mortali non ex humana ratione per peccatum corrupta, sed ex Scriptura & traditione, quantum fieri potest, petendum est: *Quæ sint levia, & quæ gravia peccata, non humano* (inquit Augustinus Enchiridii cap. 18.) *sed pensanda sunt iudicio divino.* II. Quæ in Scripturis dicuntur excludere a regno cælorum, aut quæ morte æterna castigantur, sunt semper peccata mortalia. III. Quæ iustis legibus civilibus, aut canonicis gravi poena mulstantur, non sunt venialia. IV. Ea quibus grave damnum aut operanti, aut alteri tertio ex se inferunt, non sunt delicta, seu peccata venialia, sed sunt crimina, hoc est, mortalia peccata.

Q U Æ S T I O III.

Utrum peccatum mortale nonnunquam fieri possit veniale, & e contra.

Not. Peccatum, sive mortale, sive veniale, duobus modis considerari potest, vel in se, vel per accidens, hoc est, vel independenter a quibusdam circumstantiis ex-

trinsecis, seu secundum suam naturam; vel dependenter a quibusdam exterioribus circumstantiis, quæ se teneant, aut ex parte levitatis materiæ, aut ex parte peccantis.

CONCLUSIO 1. Peccatum mortale ex se nunquam potest fieri veniale, nec vicissim.

Probatur. Quod ex se est mortale, natura differt ab eo quod ex se est tantum veniale: sed natura rei in naturam alterius mutari non potest; ergo, &c.

Objicies 1. Peccata venialia tandem per sui multiplicationem possunt animæ mortem inferre: ergo fieri possunt mortalia. Probatur ant. auctoritate Sancti Augustini, qui in ep. 108. sic loquitur: *Timenda sunt parva peccata, quæ humana fragilitati, quamvis parva, tamen crebra, subrepunt. Quæ collecta contra nos si fuerint, ita nos gravabunt & opprimunt, sicut unum aliquod grave peccatum.* Sanctus Doctor id confirmat hac comparatione: *Quid enim* (inquit) *interest ad naufragium, utrum uno grandi fluctu novis operiatur, an paulatim subrepens aqua in sentinam, & per negligentiam derelicta, atque contempta, impleat navim, atque submergat?*

Resp. dist. ant. Venialia tandem possunt animæ inferre mortem dispositive, conc. ant. effective & formaliter, neg. ant. Peccata venialia minuunt caritatis fervorem, ac proinde cupiditatem augent, juxta illud Augustini, *Decrementum caritatis est incrementum cupiditatis.* Præterea Deo dant locum subtrahendi lumen uberius, & auxilium efficacius, quod ad actus præceptorum observationem in statu naturæ lapsum requiritur: unde est illud Bernardi: *Argumentum superbia, privata gratia.*

Objicies 2. Multa levia furtiva tandem, ubi adfuerit gravis materia, constituunt peccatum mortale: ergo multa, ex se venialia, transire possunt in peccatum, quod ex se mortale sit.

Resp. conc. ant. neg. conseq. Ratio est, quia ultimum rei levis furtum, prout moraliter prioribus accrescit, & unam cum aliis materiam efficit, est per se peccatum mortale, licet præterita singula levis materiæ furtiva venialia sint, si seorsum & non conjunctim considerentur.

CONCL. 2. Peccatum mortale potest per accidens fieri veniale; & vicissim veniale potest per accidens fieri mortale.

Probatur prima pars. 1. Peccatum, quod ex genere suo est mortale, fieri potest absque plena ad actum ipsum deliberatione, sed tamen ex aliqua levi negligentia: at tunc in individuo est tantum veniale, eo quod non sit perfecte liberum: hujusmodi sunt subiti motus infidelitatis, iræ, impudicitie, qui ita mentem perturbant, ut voluntas statim eos non comprimat. De iis motibus intelligi possunt hæc verba quarti Canonis Concilii

cilii Neocæsariensis : *Si quis mulierem concupiscens, proposuerit cum ea concumbere, & cogitatio ejus non perveniat ad effectum; appareat, quod gratia Dei servatus sit.*

II. Idem peccatum quod ex suo genere est mortale, nonnunquam in individuo sumptum versatur circa levem, seu parvi momenti materiam; sed in eo casu sit in individuo veniale, ut patet in furto unius pomi, aut in detractione quæ ex se non potest grave damnum inferre proximo. Excipiendi sunt tamen ab ea regula actus, in quibus reperitur integra in divinam Majestatem irreverentia; ii enim non sunt peccata venialia ex levitate materiz, si ex plena deliberatione committantur, ut videre est in perjurio assertorio respectu rei levis; & in simonia, per quam res aliqua spiritualis, licet parvi videatur esse momenti, venditur.

Probatur altera conclusionis pars enumeratione casuum, in quibus peccatum, quod ex se est tantum veniale, potest per accidens fieri mortale.

I. Ia contingit ratione conscientiz erroneæ, qua scilicet exercet actum, quem judicat, licet falso, esse peccatum mortale.

II. Id quoque contingit ratione gravis scandali, & id videre est in iis, qui (ut ait Paulus 1. ad Corinth. 10.) idolothyta coram infirmis edebant. Censetur autem dati scandali reus non tantum is qui expresse intendit alios ad peccatum impellere, sed is etiam qui potest abstinere ab actu, quem prævidet, aut prævidere potest esse futurum alteri homini scandalo, nec ad id agendum tenetur, aut ratione officii, aut alicujus alterius necessitatis.

III. Id contingit ratione contemptus in legislatorem, cujus lex infringitur: non quidem interpretativi tantum; is enim reperitur in quolibet peccato; sed formalis, ut cum aliquis infringit legem, ut legislatorem afficiat injuria.

IV. Id quoque contingit ratione finis ultimi: cum scilicet operans, in actu suo, ex se alioquin veniali, finem simpliciter ultimum constituit; seu cum ita in ipsum affectus est, ut paratus sit Deum potius deserre, quam ab eo actu temperare: sic fuit affectus Esau, cum Jacob fratri suo primogenita vendidit: *Esau* (inquit Augustinus epistola 86.) *non esca, sed usque ad contemptum sacramenti, quod in primatu suo habebat, concupita esca damnavit.*

V. Id etiam contingit ratione ordinationis ad finem mortaliter malum; hujusmodi vero foret verbum jocosum, quod aliquis proferret, ut mulierem aliquam ad adulterium provocaret.

VI. Id quoque contingit aliquando ratione proximi periculi peccati lethalis: cum nimirum quis ei proximo peccati lethalis periculo, per peccatum, quod ex se sit veniale

tantum, sese exponit: qui enim amat periculum, peribit in illo: & qui vult causam, vult efficaciter effectum quem prævidet, aut prævidere potuit ac debuit ex ea causa secuturum.

Q U Æ S T I O IV.

Utrum cum peccato originali solum veniale reperiri possit.

Not. **C**irca eam questionem duplex est Scholasticorum sententia. Thomistæ negativam propugnant: plures autem alii affirmativam.

CONCLUSIO. Solum peccatum veniale potest cum originali reperiri.

Probatur. Adultus, cui peccatum originale nondum per baptismum remissum est, ubi primum incipit frui rationis usu, potest actum ex se malum elicere sine integra & sufficiente ad peccatum mortale deliberatione: nam 1. non potest assignari ratio, cur id fiat sæpius ab adulto, qui sit in statu peccati mortalis actualis, & id non possit ab eo fieri, qui solius originalis reus est. 2. Reus solius peccati originalis potest verbum aliquod jocosum proferre absque eo quod finem suum simpliciter ultimum in illo constituat. 3. Adultus, de quo agitur, potest pomum furari; sed in neutro ex iis casibus adultus ille peccaturus erit lethaliter, cum in eis lethaliter non peccet, qui multa mortalia originali conjunxit.

Objicies 1. Juxta doctrinam S. Thomæ, quilibet adultus in primo rationis instanti, jure naturali tenetur elicere actum amoris Dei super omnia: unde sic arguitur. Vel adultus, qui reus est solius peccati originalis, in primo suæ rationis instanti eliciet actum illum, vel non eliciet: Si primum, non peccabit ne venialiter quidem: Si vero secundum, peccabit, ex S. Thomæ, lethaliter: ergo solum peccatum veniale non potest cum originali reperiri.

Resp. veritati (ut agentes de caritate diximus) consonam esse doctrinam, qua S. Thomas asserit, quemlibet adultum post acceptum rationis usum non posse sine peccato mortali in multum spatium differre actum amoris Dei super omnia; verum potest in brevissimum aliquod tempus actum illum protrahere, intra quod nihil (ut observatum est) impedit, quin vel levem aliquam materiam ex se malam, seu quæ parvi momenti sit, eligat; vel ex imperfecta deliberatione, & ad lethale peccatum non sufficiente, opereatur: ac proinde nihil impedit, quin peccet tantum venialiter.

Objicies 2. ac simul instabis. Adultus in primo suæ rationis instanti debet per actum, quem elicit, finem ultimum sibi constituere: non

non enim potest operari, nisi ex influxu alicujus ultimi finis, cui alii omnes subordinentur, juxta illud Philosophorum axioma: *Primum in unoquoque genere est causa ceterorum*. Ille autem finis vel est Deus, vel creatura: Si primum, Deus anteponitur creaturæ, ac proinde super omnia diligitur: Si secundum, creatura Deo præfertur, & consequenter operans peccat lethaliter: ergo, &c.

Resp. 1. non esse necesse, ut adultus in primo metaphysico suæ rationis instanti finem sibi simpliciter ultimum actu sibi constituat, quippe, ut operetur, satis est, ut sibi proponat finem secundum quid ultimum; id est, non est necesse, ut actu sibi proponat ultimum totius vitæ suæ finem; sed satis est, ut aliquem sibi proponat, qui sit ultimus solius operis quod exercet.

Resp. 2. verum non esse, quod adultus ille non possit operari, nisi ex influxu finis, cui alii omnes subordinentur; ac proinde nihil impedit quin impius finem simpliciter ultimum in creatura habitualiter constituat, & per actum suum, finem ultimum tantum secundum quid. Confirmari potest illa responsio exemplo hominis justi, qui licet habeat Deum habitualiter pro fine simpliciter ultimo, per peccatum tamen veniale finem secundum quid ultimum potest in creatura constituere, ei scilicet inhærendo per amorem transitorium.

DISSERTATIO NONA.

De peccato Actuali in specie.

Dicemus hic 1. de peccatis ignorantie; 2. de peccatis infirmitatis & malitiæ; 3. de Usura; 4. de Simonia.

QUESTIO PRIMA.

De peccatis ignorantie.

Not. **D**E peccatis ignorantie quæremus 1. utrum dentur: 2. utrum ignorantia invincibilis excuset a peccato: 3. utrum ignorantia actus prohibiti liberet a pœna, quæ illi actui jure tantum humano annexa est; 4. denique, utrum ignorantia sit peccatum speciale.

CAPUT I.

Utum dentur ignorantie peccata.

CONCL. 1. Fide Catholica certum est dari quædam ignorantie peccata.

Probatur 1. ex Scriptura, qua docemur 1. injuncta fuisse Judæis sacrificia pro obtinenda venialium indulgentia: *Anima que peccaverit per ignorantiam* (inquit sacer textus, Levit. c.) *offeret artem immaculatum de gregibus sacerdoti juxta mensuram, estimationemque peccati: qui erabit pro eo, quod nesciens fecerit*, & dimittetur ei, quia per errorem deliquit in Dominum. Docemur 2. Sanctos tum in veteri, tum in nova lege pro suis ex ignorantia delictis veniam a Deo poposcisse: *Delicta juventutis meæ, & ignorantias meas ne memineris*: verba sunt Davidis Psal. 24. *Misericordiam consecutus sum* (ait Apostolus), *quia ignorans feci in incredulitate*. Docemur 3. Judæos qui Christum affixerunt cruci, per ignorantiam deliquisse: *Sci* (inquit Petrus, illos alloquens Actor. III.) *quia per ignorantiam fecistis*: Ergo aperte constat ex Scripturis, dari ignorantie peccata.

Prob. 2. ex Traditione. I. Palastina Syngodus Diospoli habita, & cui unanimis accessit omnium orbis Ecclesiarum consensus, hanc Pelagii propositionem damnavit: *Ignorantia & oblitio non subjacent peccato, quoniam non secundum voluntatem eveniunt, sed secundum necessitatem*. II. Augustinus in suis adversus Pelagianos operibus non semel docet, ad fidem catholicam pertinere articulum, quo docetur, dari quædam ignorantie peccata. Legi quoque potest Bernardus in Epistola ad Hugonem a sancto Victore.

Obijcies 1. *Numquam peccatur, nisi previa peccati cognitione animus illustratur, ejusque vitandi desiderii extimuletur*: ergo nulla dantur ignorantie peccata.

Resp. neg. ant. Nam 1. de ea propositione hocce judicium tulit Facultas Theologica Parisiensis an. 1641. *Falsa est, & viam aperit ad excusandas excusationes in peccatis*. Hoc pariter tulit an. 1657. Facultas Lovanienfis: *Est contra communia Christiana Theologia principia, & innumera, etiam immanissima, hominum peccata excusat, cum perniciose animarum*. Eam pariter censuram, quam in ultimo capite de peccatis in genere differentes retulimus, Clerus Gallicanus anno 1700. ad Comitia coactus notavit. II. Tantum abest ut omnes qui Christum & Apostolos persecuti sunt, persecutiones ejusmodi vitanda desiderio extimulati fuerint, quin e contra (Scriptura teste) arbitrati sint, se obsequium præstare Deo. III. Petrus cum Judæis ad fidem conversis Antiochiæ legalia observans, arbitrabatur rectam esse suam agendi rationem: & tamen a Paulo merito reprehensus est. Idem dicendum est de Cypriano, cui adversus Stephanum Papam exciderunt verba quædam, quæ licet ipsi a zelo proficisci viderentur, indiguerunt tamen, ut deleterentur, Augustino teste, fervente ejusdem S. Martyris caritate.

Obijcies 1. Omnibus peccantibus datur gratia actualis: ergo omnibus peccantibus cognita est malitia operis, quod ab eis exercetur: nimirum gratia actualis posita est, saltem ex parte, in mentis illustratione, qua bonum aut malum opus detegatur: ergo nulla dantur ignorantie peccata.

Resp.

Resp. quidquid sit de antecedente, de quo actum est Tom. III. neg. conf. Ratio est, quia gratia actualis non semper efficit, ut operans, sui operis malitiam actu & de facto advertat: sed aliquando efficit tantum, ut eam advertere potuerit, vel ad orationem, qua lumen necessarium impetretur, confugiendo, vel non consentiendo occulte aut aperte cupiditati, qua mens hominis per ignorantiam peccantis excecata est.

Obijcies 2. Nihil est actu volitum, nisi sit actu cognitum: sed in peccatis quæ ignorantia peccata dicuntur, malitia ab operante non est actu cognita: ergo nec actu volita: ac proinde peccatum quod ignorantia dicitur, non est peccatum, saltem (ut vocant) formaliter, cum voluntarium sit essentiale peccato.

Resp. neg. maj. Ratio est, quia ut actus sit peccatum etiam formaliter, satis est, ut illius malitia, saltem remote, cognosci potuerit ac debuerit. Unde malitia, licet actu cognita non sit, est, saltem indirecte, voluntaria; quatenus nimirum operans vult actum, cum quo intellectus scit aut scire potuit, malitiam esse conjunctam: hoc autem ipsum est quod August. in lib. 1. Retractionum cap. 15. vocat voluntarium voluntate facti, non autem voluntate peccati: Ita (inquit) nec tale peccatum sine voluntate esse potuit, sed voluntate facti, non autem voluntate peccati.

CAPUT II.

Utrum ignorantia invincibilis operantem excuset a peccato.

CONCLUSIO. 1. Ignorantia simpliciter, & omnino invincibilis operantem excusat a peccato.

Prob. argumento generali. 1. Quod sit ex ignorantia omnino invincibili, non est ratione malitiae voluntarium in se, ut patet in eo qui venando occidit patrem, credens invincibiliter esse feram. Non est quoque voluntarium in causa, ex qua sequitur, quia illa causa est ignorantia, cui operans (ut supponitur) ne remotum quidem locum dedit.

II. Quamvis (ut superiore capite demonstratum est) non requiratur ad peccandum, ut operans sui actus malitiam actu cognoscat; requiritur tamen ut vel proxime, vel remote eam cognoscere potuerit, ac debuerit; voluntarium enim, etiam indirectum, presupponit in agente praviam illius cognitionem, saltem in potentia remota: Sed in qui operatur ex ignorantia simpliciter & omnino invincibili, nec proxime nec remote potest aut potuit operis sui malitiam cognoscere: ergo malitia non est illius respectu voluntaria etiam indirecte.

Probatur iterum conclusio argumentis spec.

Juvénis Instit. Theol. Tom. III.

cialibus. Ignorantia invincibilis potest esse vel circa facta aliqua, vel circa jus positivum, vel circa jus naturale; atqui ignorantia circa tria illa objecta omnino ac simpliciter invincibilis, excusat a peccato: ergo, &c. Prob. min. per partes.

I. Nemo dubitat, quin ignorantia omnino invincibilis circa facta aliqua operantem excuset a peccato: siquidem Scriptura non damnat Jacob, qui ad Liam accessit, ratus invincibiliter eam esse Rachel, quam in matrimonium duxerat.

II. Certum est quoque, ignorantiam simpliciter invincibilem excusare a peccato in iis quæ sunt de jure mere positivo, etiam divino. Id nimirum patet 1. ex Joann. c. 15. ubi Christus hæc ait de peccato infidelitatis Judæorum: *Si non venissem, & eis locutus non fuissém, peccatum (infidelitatis in me) non haberent.* Patet 2. ex Pio Papa V. qui (ut jam alibi observatum est) merito propositionem hanc damnavit: *Infidelitas pure negativa, in iis, quibus Christus non est prædicatus, peccatum est:* atqui ea infidelitas ideo peccatum non est, quod oriatur ex juris positivi, Evangelii nimirum, ignorantia omnino & simpliciter invincibili: nec enim illa Evangelii ignorantia superari potest, nisi via extraordinaria, in eo posita, quod ad infidelem qui ea laborat, Evangelii concionatores mittantur.

III. Non minus exploratum esse debet, ignorantiam circa jus naturale, si sit omnino, simpliciter & absolute invincibilis, excusare a peccato. Siquidem actus qui ex illa ignorantia sequerentur, se haberent sicut motus concupiscentiæ: qui quidem si nec naturæ viribus, nec auxilio gratiæ superari possent, reum non redderent hominem, qui eis suum consensum præberet. Confirmatur auctoritate Alexandri Papæ VIII. a quo scripta est hæc propositio, quæ nostræ conclusioni aperte contraria est: *Tametsi actus ignorantia invincibilis juris naturæ, hæc in statu naturæ lapsæ operantem ex ipsa non excuset a peccato formali.*

Quæres, utrum ignorantia vincibilis minuat peccati malitiam?

Ut solvatur illa quæstio, notandum est, ignorantiam vincibilem duplicem esse, affectatam nimirum, & minime affectatam. Prima est ea, quam quis de industria elegit, ne sciat ea quæ aut jure naturali, aut positivo, sive sit divinum, sive sit humanum, civile aut canonicum, agere debet: Posterior est ea, quæ de industria non eligitur, sed ex quadam culpabili negligentia nascitur. Iis præmissis, ad quæstionem respondendum est 1. ignorantiam affectatam nihil de peccati malitia detrudere, immo eam augere potius: unde Propheta Rex affectatam legis ignorantiam exhibet tanquam circum-

H

cum.

cumstantiam, qua is qui legem infringit, multo magis reus efficitur: *Noluit* (inquit) *intelligere, ut bene ageret*. Nec mirum: siquidem ignorantia affectata, non interpretativum tantum, sed etiam formalem legis ac legislatoris contemptum includit: *Voluntatem proprii domini velle nescire* (inquit Isidorus in lib. 2. Sentent. c. 17.) *quid aliud est, quam velle dominum superbiendo contemnere?* Præterea ignorantia, de qua agitur, includit explicitam voluntatem infringendi legem: unde S. Bernardus de gradibus humilitatis agens, hanc elicit conclusionem: *Frustra sibi de ignorantia blandiuntur, qui, ut libenter peccant, libenter ignorant*.

Respondendum est 2. ignorantiam minime affectatam, quidpiam de peccati malitia detrahare: *Ille autem servus* (ait Christus ipse Lucæ 12.) *qui cognovit voluntatem domini sui, & non fecit voluntatem ejus, vapulabit multis: qui autem non cognovit, & fecit digna plagis, vapulabit paucis*.

Sed opere pretium est, ut observemus, quod licet ignorantia vincibilis, quæ affectata non fuerit, quidpiam de actus malitia detrahat, eam tamen non omnino tollat: unde celebre est apud Patres axioma, eam excusare quidem *a tanto*, sed non *a toto*: Quod quidem estatum non sic accipiendum est, ut id quod est peccatum mortale, ratione ignorantie vincibilis fiat veniale tantum; alioquin enim Judæi venialiter tantum peccassent, cum Christum in crucem egerunt, Paulus quoque venialiter tantum deliquisset, dum ignorantia laborans, Ecclesiam Christi prosequeretur. A mortali quoque peccato immunes fuissent Pagani, dum simulacris thus adolebant, Idem denique ferendum esset judicium de iis omnibus quorum flagitia & facinora Paulus in Epistola ad Romanos describit, necnon de pluribus ex iis, de quibus ait: *Quoniam qui talia agunt, regnum Dei non possidebunt*: Multi enim nesciebant pleraque ex iis flagitiis & facinoribus esse peccata.

Q U Æ S T I O II.

De peccatis infirmitatis, & malitiæ.

Not. **N**emini dubium est, quin dentur infirmitatis peccata: nimirum certum est, hominem plerumque peccare ex motu passionis, quam ipse ex malitia non excitaverit, sed quæ prævenit usum rationis, & cui postea ipse consenserit: Sed queri potest 1. utrum passio, seu infirmitas, excuset a peccato: 2. an saltem minuat illius malitiam.

Not. 1. Nemini quoque dubium est, quin dentur peccata, quæ proprio nomine dicuntur peccata malitiæ: scilicet ratum est, peccare quodam de industria, & ex electione

excitare passiones, quarum motibus suam præbent consensum; verum de iis malitiæ peccatis queri potest, utrum sint irremissibilia.

CONCLUSIO 1. Passio, seu infirmitas, quidpiam quidem detrahit de peccati malitia, sed eam omnino non tollit.

Probatur prima pars. Passio, seu infirmitas: quæ (ut contingit in peccatis quæ infirmitatis dicuntur) ab operante non excitatur, quæque ob id dicitur antecedens, minuit voluntarium: ergo & peccati malitiam. Ita ratiocinatur S. Thomas 1. 2. quæst. 78. art. 6. ubi sic loquitur: *Si legimus acceptum passio secundum quod præcedit actum peccati, sic necesse est, quod diminuat peccatum; actus enim in tantum est peccatum, in quantum, est voluntarius, & in nobis existens: esse autem aliquid in nobis dicitur per electionem & voluntatem: unde quanto ratio & voluntas ex se a liquid agunt, non ex impulsu passionis, magis est voluntarium, & in nobis existens: & secundum hoc passio minuit peccatum, in quantum minuit voluntarium*.

Probatur altera pars. Passio (ut supponitur) non tollit omnem rationis usum, licet antecedens supponatur, hoc est, licet ab operante libere excitata non fuerit: ergo non impedit, quin voluntas libere illius motibus obtemperet; & proinde peccatum omnino non tollit.

CONCLUSIO 2. Dantur quædam malitiæ peccata. Ita S. Thomas loco laudato.

Probatur. Puccata malitiæ sunt, ex observatis, ea quæ de industria fiunt: atqui dantur hujusmodi peccata; juxta illud Job. 34. *Quasi de industria recesserunt a Deo, & vias ejus intelligere noluerunt*: ergo &c.

Obijcies Peccata malitiæ, prout distincta a peccatis infirmitatis, sunt ea, quæ ex antecedente passione non oriuntur; atqui in statu nature lapsæ nulla dantur peccata, quæ ex antecedente passione, seu libidine non oriuntur: omne nimirum peccatum hominis lapsi nascitur ex impulsu amoris habitualis ad bonum commutabilem, quem ex primi Adami prævaricatione contraxit; sicut vera & casta pietas oritur ex ejusdem hominis lapsi in Deum amore, quem per alterius Adami gratiam accepit: *Duo amores sunt* (ait Leo Magnus Serm. de jejunio septimi mensis) *ex quibus omnes prodeunt voluntates: Rationabilis enim animus, qui sine dissolutione esse non potest, aut Dei amator est, aut mundi*. Atqui habitualis ille amor in bonam commutabilem est passio, seu libido, quæ in hominibus etiam baptizatis ad agonem remanet: ergo, &c.

Resp. neg. maj. Scilicet peccata malitiæ, sicut ea quæ infirmitatis dicuntur, in homine lapsi nascuntur ex libidine illi innata: sed hoc ab illis est discrimen, quod peccata

ex malitia libere excitet innata nobis libinis motus, eisque dedita opera & absque contrarii actus etiam inefficaci voluntate suum consensum præbeat; unde obsequitur ille non tantum passioni antecedenti, sed etiam consequenti; hoc est, excitata de industria, ut majori nisu pravo quod sibi proponit objecto fruatur; hincque fit, ut graviora sint peccata malitiæ, quam peccata quæ infirmitatis dicuntur: *Passio autem consequens* (ait S. Thomas) *non diminuit peccatum, sed magis augeat, vel potius est signum magnitudinis ejus, in quantum statim demonstrat intentionem voluntatis ad actum peccati; & sic verum est, quod quanto aliquid majori libidine vel concupiscentia peccat, tanto magis peccat.* Vide quæ concupiscentia augente vel minuente voluntarium, diximus hæc Tom. pag. 263.

CONCL. 3. Peccata malitiæ non sunt simpliciter & absolute irremissibilia.

Probatur. Eum, qui in malitiæ peccata lapsus est, posse poenitere (illius enim voluntatem Deus efficacissima sua gratia emollire potest ad contritionem) ac postea se subjicere absolutioni sacramentali, cujus virtus se extendit ad omnia peccata, quæ post baptismum admissa fuerint.

Obijcies 1. Lucæ 12. Christus asserit, peccata in Spiritum sanctum nec in hoc sæculo, nec in altero dimittenda esse: Sed inter peccata in Spiritum sanctum numerantur ea, quæ dicuntur peccata malitiæ: ergo, &c.

Resp. disting. maj. Christus asserit, peccata in Spiritum sanctum esse, moraliter loquendo, irremissibilia, conc. maj. absolute & simpliciter loquendo, neg. maj. Petium est responsum illud ex S. Thoma, qui in 4. Sent. dist. 20. q. 1. art. 1. quaestione 1. ad 1. sic loquitur: *Sicut aliquis morbus dicitur incurabilis secundum naturam morbi, per quem tollitur id, per quod morbus potest curari, puta cum morbus tollit virtutem naturæ, vel inducit fastidium cibi, vel medicinæ, licet morbum Deus possit curare: ita etiam peccatum in Spiritum sanctum dicitur irremissibile secundum suam naturam, in quantum excludit ea, per quæ fit remissio peccatorum (auxilia scilicet gratia, quarum largitio Spiritui sancto specialiter adscribitur): per hoc tamen non precluditur via remissionis & sanandi omnipotentia, & misericordia Dei, per quam aliquando tales quasi miraculose sanantur.*

Obijcies 2. Primæ Joannis 5. hæc habentur: *Est peccatum ad mortem, non pro illo dico ut roget quis: ergo quædam sunt peccata prorsus irremissibilia, ea nempe pro quorum remissione prohibet Joannes, ne quis Deo preces fundere audeat.*

Resp. cum Augustino, per peccatum ad mortem intelligi finalem impenitentiam, illud scilicet peccatum, quod tum corporis morte conjungitur; ac proinde quod conjun-

ctam habet æternam hominis mortem; unde cum se extra viæ statum extendat, non licet pro illius remissione divinam indulgentiam deprecari.

Q U A E S T I O III.

De peccatis Commissionis, & Omissionis.

Not. 1. DE peccato commissionis unum theologi quarunt, in quo scilicet posita sit illius natura formalis, an in positiva quadam entitate (ut nonnullis placet), an vero in mera debita rectitudinis privatione. Cum eum nodum, de mortalitate actuum humanorum agentes, solverimus, hic quinque de commissionis peccato silebimus.

Not. 2. Circa peccatum omissionis multa verti possunt in controversiam. Nempe queri potest 1. utrum dari possit omissio culpabilis sine omni actu voluntatis, seu (ut loquuntur scholastici) pura omissio libera: 2. An id omne quod cum omissione culpabili componi non potest sit peccatum: 3. Utrum quis peccet tantum cum omissionis causam apponit, an etiam tunc cum opus præscriptum omittit.

CONCLUSIO. 1. Nulla dari potest omissio libera absque omni voluntatis actu: si tamen per impossibile daretur, esset culpabilis.

Probatur prima pars. Si daretur omissio libera absque omni voluntatis actu, esset vel cum actu ponitur omissio, vel antequam poneretur: atqui neutrum dici potest. Non primum: sicut enim intellectus nusquam vacat cogitatione; ita nec voluntas seriatim: *Habet omnis amor* (inquit Augustinus in Psalm. 37.) *vim suam, nec potest vacare in anima amantem.* Nec etiam secundum dici potest: Siquidem nihil omnino potest esse liberum sine aliquo voluntatis influxu: ergo dari non potest omissio libera, cujus præcedens aliquis voluntatis actus non sit causa.

Probatur altera conclusionis pars. 1. Voluntas esset omissionis, de qua agitur, causa, saltem moralis: scilicet omissio illa sequeretur ex eo, quod voluntas libere haberet in suspenso, hoc est, ex eo quod libere temperaret ab omni actu. 2. In casu, de quo est quaestio, intellectus adverteret, aut saltem posset advertere præceptum affirmativum, per quod omissio vetatur: ergo per ejusdem præcepti omissionem voluntas peccaret, quamvis actum hunc non eliceret, *Nolo præceptum implere.*

Obijcies contra secundam conclusionis partem. Nulla omissio potest esse meritoria sine aliquo voluntatis actu: ergo si quæ datur sine omni actu, non erit culpabilis.

Resp. neg. conseq. Ratio disparitatis, est quia

H h 2

quia actus, ut sit meritorius, debet imperari a caritate saltem imperfecta: *Præcipit Apostolus* (verba sunt Augustini in libro de corrept. & gratia cap. 3.) *ut omnia vestra in caritate fiant*: at actus non potest absque voluntatis actu imperari a caritate, ac proinde nec esse meritorius.

CONCLUSIO 2. Id quod cum omissione culpabili componi non potest, est peccatum, si sit omissionis causa, vel occasio: secus vero si nec illius sit causa, nec occasio voluntaria.

Probatur. Illud est peccatum, quod in ipsum aut actu, aut virtualiter, aut interpretative saltem, influit: quo enim præcepto peccatum prohibetur, illius quoque causa & occasio vetantur: Quod vero nec est causa, nec occasio peccati, nullum habet in omissionem influxum: ac proinde prius est peccatum, non autem posterius.

Quæres, quandonam quidpiam censeatur nec esse causa, nec occasio omissionis culpabilis?

Resp. id omissionis culpabilis nec causam esse nec occasionem, quod presupponit voluntatem efficacem non observandi præceptum affirmativum; eo nimirum in casu nullo modo influit in omissionem: sic qui præsupposita efficaci voluntate non audiendi Sacrum, ludit, aut aliquid aliud cum actuali observatione præcepti impossibili operatur, non censetur omissioni causam aut occasionem præbere.

Observatum tamen velim, quod ut aliquid non censeatur influere in omissionem culpabilem, necesse sit, quod nulla sit spes in operante mutandi propositum: si enim spes assulgeat fore, ut operans mutaturus sit propositum, opus cum omissione impossibile, & cui postea mederi non potest, censetur in omissionem culpabilem influere. Hinc autem colligitur, Subdiaconum, qui post firmum propositum horas canonicas non persolvendi in navigatione, Breviarium in mare projicit, peccare lethaliter, non solum cum omissionem illam proponit, sed etiam cum actu in mare projicit Breviarium.

CONCL. 3. Qui præcepti observationem omittit, peccat non solum cum apponit causam, sed etiam cum actu & de facto rem præceptam omittit.

Probatur prima pars. Eo instanti quo quis omissionis causam apponit, censetur ipsam omissionem velle, aut virtualiter, aut saltem interpretative: qui enim vult causam, vult & effectum qui ex illa sequitur. Hinc autem colligitur reum esse qui die festo horis matutinis se somno tradit, prævidens, quod non nisi sub vespere excitabitur a somno: idque, licet deinde per accidentem excitetur; ac postea Sacro se præsentem sistat.

Probatur altera conclusionis pars, r. auctoritate S. Thomæ, qui 1. 2. qu. 79. art. 3. ad 3. sic loquitur: *Dicendum, quod omisso in-*

cipit ei imputari in culpam, quando fuit tempus operandi. 2. Si quis se voluntarie vino ingurgitet, aut somno tradat prævidens, quod aut in ebrietate, aut in somno clericum interfectorius sit, eo instanti reali incidat in excommunicationem, quo iniquum illum actum perpetrat: ergo pariter in eo reali instanti peccat. Hinc vero colligitur, poenitentem teneri aperire in confessione sacramentali non tantum omissionis causam, sed etiam ipsam actualem omissionem.

Objicies 1. Omissio nullo modo fuit libera eo instanti quo contingit: ergo tunc non fuit peccatum; est enim de ratione peccati ut sit voluntarium.

Resp. omissionem, in casu de quo agitur, fuisse liberam libertate morali, neque enim (ut supponitur) rescissus fuit actus, quo ebrius, dum sui compos esset, omissionem elegit.

Objicies 2. Qui inter dormiendum Sacramentum aliquod conficit, ipsam non conficit valide, quamvis ante somnum propositum habuerit illud in somno conficiendi: ergo neque peccat is qui præceptum omittit, cum sui non esset actus compos, quamvis dum causam prius apposuit, omissionem libere voluerit.

Resp. conc. ant. neg. conseq. Ratio est, quia Christus noluit, ut sacramentum a ministro dormiente datum valeret, tum ob reverentiam, quæ Sacramento debetur, tum quod necesse sit, ut sacramentum conficiatur cum certitudine, saltem morali, de subjecti, cui applicatur, præsentia.

Quæres, utrum actus ex natura sua indifferens, & ex quo culpabilis ommissio sequitur, non habeat malitiam aliam ab ea quæ includitur in omissione?

Resp. non habere aliam. Ratio est, quia actus ille (ut supponitur) non habet finem intrinsece malum: ac proinde non potest esse malus, nisi a fine extrinseco, qui malus sit: ille autem finis extrinsecus (ut supponitur) non alius est, quam culpabilis ommissio. Hinc autem sequitur, poenitentem non teneri in confessione sacramentali explicare causam omissionis in specie, nisi illa causa malitiam habeat intrinsecam: in illo nimirum casu, hoc est, si intrinsecam malitiam habeat, aliud est ab omissione peccatum.

Q U Æ S T I O V.

De Usura peccato.

Not. **D**E Usura quæremus 1. quid & quod duplex sit: 2. quo jure sit prohibita: 3. qui sint tituli, ratione quorum aliquid a mutuante præter sortem exigi potest: 4. denique dicemus de iis qui sub usura mutuum accipiunt; hoc est, expendemus, an & quæ necessitas requiratur, ut quis

aliquis sub usurarum onere mutuum petere, & accipere possit.

CAPUT PRIMUM.

Quid & quod duplex sit usura.

Not. **M**agni refert nosse usurae naturam: ex illius nimirum distincta cognitione controversia omnes, quae ad illam spectant, dirimi possunt.

CONCL. 1. Usurae natura hac illius definitione continetur: *Usura est lucrum ex mutuo.*

Explicatur definitio. Usura dicitur 1. *lucrum*, sive pecuniae, sive alicujus alterius rei, quae pretio aestimari possit; ut sunt munus a manu, munus ab obsequio, munus a lingua. *Ad tertium dicendum* (inquit S. Thomas 2. 2. qu. 70. art. 2. ad 3.) *quod si aliquis ex pecunia mutuata expectet vel exigat, quasi per obligationem passim tacitam vel expressam, recompensationem muneris ab obsequio, vel a lingua, perinde est, ac si expectaretur munus a manu, quia utrumque pecunia aestimari potest.*

2. Dicitur *lucrum ex mutuo*, quod scilicet usura in nullo alio contractu praeterquam in mutuo locum habeat; si quae enim in venditione & emptione reperitur, id contingit, quod in illis contractibus tacitum & implicitum mutuum contineatur. Unde inferitur 1. in contractu reddituum, quem & censuum constitutionem vocant, usurae non esse locum, cum per eum contractum pecunia mutuo non detur, quippe quae in perpetuum alterius dominium transeat; immo verus est venditionis contractus: datur enim pecunia, ut ematur jus percipiendi pensionem, vel annuum redditum. Merito itaque Martinus Papa V. & Calixtus III. Censuum contractus approbarunt, ut videre est in Extravagantibus communibus capite *Regimini*, Titulo, *de Emptione & venditione*. Inferitur 2. non reperiri quoque in Montibus Pietatis, qui nihil sunt aliud praeter pecuniae, aut aliarum rerum, quae usu consumuntur, summa, quae mutuo detur pauperibus ea lege, ut quidpiam modicum ultra sortem persolvant: Siquidem id ratione mutui non exigitur, sed ratione expensarum quae ad Montis indemnitatem, & ministrorum sustentationem necessariae sunt. Hincque patet, quam merito Paulus II. Sixtus IV. Innocentius VIII. Leo X. in Concilio Lateranensi sess. 1. & tandem Concilium Trident. sess. 22. Montes Pietatis probaverint. Inferitur 3. non reperiri quoque in contractibus Societatis; in his enim, si leges servantur, de quibus suo loco diximus, nullum omnino mutuum reperitur.

Quaeritur, utrum sit usura, cum lucrum exigitur quidem vi mutui, sed non titulo iustitiae, sed gratitudinis tantum ac benevolentiae.

Juvenin Instit. Theol. Tom. III.

Resp. affirmative. Ratio est, quia ratione mutui nullum a mutuantem jus acquiritur in lucrum, ex quocumque capite jus illud procedere fingatur: unde Innocentius Papa XI. hanc quorundam recentiorum propositionem merito proscripsit: *Usura non est, cum ultra sortem aliquid exigitur tanquam ex benevolentia & gratitudine debitum, sed solum si exigitur tanquam ex iustitia debitum.* Confirmatur ex eo, quod si id, de quo agitur, liceret, nulla unquam fieret usura, nequidem a Judaeis, modo illam Calaeitarum metaphysicam distinctionem didicissent. Aut imperiti, aut iniqui fuerunt Patres, qui hocce arcana, quo omnis usura plane tollitur, Ecclesiam non docuerunt. Confirmatur nostra conclusio ex SS. Patribus.

Tertullianus libro IV. contra Marcionem sic loquitur: *Usura est mutui redundantia.* Sic etiam Basiliius in Plal. xv. *Usura est, si plus quam sortem acciperis.* Sic pariter Ambrosius in libro de Tobia, c. 25. *Usura est quodcumque sortis accedit.* Sic quoque Hieronymus in cap. xviii. Ezechielis: *Usura est, si plus acceperis, quam dederis.* Sic etiam Aug. in Pl. xxxvi. *Usura est, si plus quam dedisti, expectes accipere.* Idem colligitur ex Canone xvii. Niceni primi Concilii. Idem ex Concilio Agathensi: *usura est (inquit) ubi amplius requiritur, quam datur.* Idem denique ex Sancto Thoma, qui 2. 2. q. 78. haec scribit, art. 1. *Usura est, pretium pro usure mutuo data, quae usum (ab ipsa rei substantia) non habet.*

CONCL. 2. Usura recte dividitur in mentalem & realem.

Probatur. Simonia ideo dividitur in mentalem & realem, quod quis ob rem spirituales munus aliquod cum pacto, aut sine pacto comparet; Ergo a pari usura debet dividi in mentalem & realem, quod nonnulli aut sine pacto, aut cum pacto, lucrum ex mutuo ita sibi proponant, ut alioquin mutuo non darent. Unde qui in mentalem solum usuram incidunt, licet innoxii sint in foro exteriori, hoc est, licet poenis iure definitis castigari non possint; in foro tamen interiori, & coram Deo rei sunt; ac proinde mentalem usuram subiciant oportet Ecclesiae clavibus.

CAPUT II.

Quo jure usura prohibetur.

CONCL. Usura prohibetur jure naturali, divino, & humano.

Probatur prior pars. Id quod praeter sortem a mutuuario persolvitur, nullo titulo per se debetur mutuantem: Non quidem ratione sortis, quia, ut suppono, tota persolvitur; Non ratione usus, quia in rebus, quae sunt mutui

H h 3 mate-

materia, substantia & usus nequaquam distinguuntur, ut patet in oleo ac ceteris quæ usu consumuntur, necnon in pecunia, quæ præcipue inventa est, ut quis ead commutationes utatur. Ita ratiocinatur S. Thomas 2. 2. q. 78. art. 1. Confirmatur ex eo quod ipsis etiam Gentibus usurarum iniquitas perspecta fuerit, ut ex Aristotele lib. 1. Politicorum, c. 7. ac legibus Imperatorum evidens est, ut videre est libro 11. Instit. Just. tit. 4.

Probatur altera pars. 1. Conceptis terminis lex Mosaica usuram prohibuit: *Si pecuniam mutuam dederis populo meo pauperi, qui habitat tecum, non urgebis eum quasi exactor* (inquit Deus Exodi 22.) *nec usuris opprimes*. Levitici 25. hæc pariter habentur: *Nec accipias usuras ab eo, nec amplius quam dedisti*. 2. Idem Christus edixit in Evangelio: *Mutuum date* (ait Lucæ 6.) *nihil inde sperantes*: quibus quidem in verbis consilium & præceptum simul Traditio intellexit, quam sic explicat S. Thomas: *Ad quartum dicendum, quod dare mutuum non semper tenetur homo: & quantum ad hoc ponitur inter consilia; sed quod homo lucrum de mutuo non querat, cadit sub ratione præcepti*.

Probatur altera pars ex innumeris Conciliorum Canonibus, ex legibus Romanis, ex legibus Francicis, quæ legi possunt in eximio ac accuratissimo tractatu de usura & fenore, quam D. Jacobus Gaite Sorbonicus, & Canonicus Lucionensis nuper in lucem edidit. Vide Cyprianum libro de lapsis, Hilarium in Psalmum 14. Basilium in eundem psalmum, Gregorium Nyssenum hom. 6. in Ecclesiasten, Ambrosium in libro de Tobia, c. 14. Hieronymum in cap. Exod. 18. Augustinum in Psal. 36.

Objicies 1. Scriptura veteris Testamenti, usuram prohibet tantum respectu Judæorum; dicit enim, Deuteronomii 23. *Fratri tuo id, quod indiges, commodabis*: ergo respectu aliorum, qui non erant fratres, erat licita.

Resp. neg. conseq. Ratio est, quia frater est omnis homo; seu (ut loquitur S. Augustinus in lib. 1. de Doctrina Christiana) proximus est noster, qui opera nostra indiget.

Objicies 2. Deuteronomii c. 25. usura Judæis permittitur alienigenarum respectu: *Non fenerabitis fratri tuo ad usuram . . . sed alienigeno*: ergo, &c.

Resp. 1. usuram respectu alienigenarum permissam fuisse ad duritiam cordis, ut nempe vitaretur fenus in fratres Judæos, non autem tamquam rem licitam. Ita docet S. Thom. 2. 2. qu. 78. art. 1. ad 1.

Resp. 2. permissam fuisse, quod Deus Judæis gentium alienigenarum bona dedisset (vel saltem Chananæorum respectu) jure belli, quod Judæi Chananæis inferre tenebantur. Ita S. Ambrosius, ut ibidem diximus Dissert. 3. qu. 5.

Objicies 3. Quoties vetus Testamentum usuram prohibet, eam non vetat, nisi respectu pauperum: *Si pecuniam mutuam dederis populo meo pauperi, qui habitat tecum, non urgebis eum quasi exactor*, (inquit Deus ipso Exodi 22.) *nec usuris opprimes*: ergo licita est respectu divitum.

Resp. neg. conseq. Ratio est 1. quia pauper exempli loco positum est: plerumque enim non nisi pauperes, hoc est, qui indigent, mutuum ab aliis accipiunt: Unde sensus est, si pecuniam mutuam dederis populo meo, præsertim pauperi, cum usuris non opprimes.

Ratio est 2. quia pluribus aliis in locis vetus Testamentum, cum usuram prohibet, indefinite loquitur, nulla scilicet facta distinctione inter pauperes & divites, inter alienigenas & Judæos: *Qui pecuniam suam* (inquit Psalter regius Psalm. 14.) *non dedit ad usuram*. Hæc etiam habentur Ezechielis c. 18. *Vir si fuerit justus, & fecerit judicium & justitiam . . . ad usuram non commodaverit; & amplius non acceperit*:

C A P U T III.

De titulis, quibus aliquid a mutuante præter sortem exigi potest.

CONCL. Duo sunt tantum tituli, quorum vi mutuans, aliquid præter sortem exigere potest, nimirum *Damnum emergens*, & *lucrum cessans*.

Probatur. Id quod duplici illo casu exigitur, non accipitur vi mutui (in quo quidem uno posita est usura) sed ad mutuantis damnum vitandum, aut compensandum lucrum quod propter mutuum amisit.

Quæres 1. quænam conditiones requirantur, ut ratione damni emergentis, aliquid præter sortem accipiat?

Resp. requiri 1. ut mutuum certa sit ac vera causa damni, non autem culpa mutuantis: 2. ut summa, quæ præter sortem exigitur, major non sit detrimento, quod accidit mutuanti; 3. ut mutuarius de damno illo moneatur, ita ut penes ipsum stet pecuniam reddere, aut censu aliquo damnum redimere.

Quæres 2. quænam necessaria sint, ut ratio lucri cessantis eum eximat ab usura, qui præter sortem aliquid accipit?

Resp. requiri 1. ut pecunia, quæ mutuo datur, negotiationi exposita sit, aut rei frugiferæ destinata: 2. ut mutuans nullas alias habeat pecunias otiosas; si enim habuerit, vi mutui detrimentum lucricessantis non patitur, cum habeat unde illi occurrere possit. Ad hoc tamen (inquit Caballatus noster) non est necesse illam pecuniam computare, quæ in alios eventus gravi ex causa seposita sit, ut ea est quæ familiæ

sustinea-

sustentationi, filiarum doti, ac inopinatis casibus vitandis destinata est. Requiritur 3. ut lucrum sit probabile, nec satis est, quod simpliciter sit possibile. Requiritur 4. ut deducantur expensæ quæ in re frugifera, quæ alioquin emeretur, colenda, aut conservanda necessaria sunt.

Objicies 1. Quod quis obstringat se ad non repetendam pecuniam, nisi post annum v. g. res est pretio astimabilis. 2. Pretiosior est præsens pecunia, quam numeranda. 3. Periculum sortis, quod mutuans incurrit, res est quæ potest compensari.

Resp. ad 1. de essentia mutui esse, quod res mutuo tradita non nisi post certum tempus repetatur: præterea nullus est præter Deum temporis dominus: unde vi mutui accipit, qui ratione temporis exigit aliquid: merito igitur ab Alexandro Papa VII. damnata fuit hæc propositio: *Libitum est mutuantibus aliquid ultra sortem exigere, si se obliget ad non repetendam sortem usque ad certum tempus.*

Resp. ad 2. pretium præsentis pecuniæ supra numerandam, ab usura non eximere, cum illud pretium sit mutui essentiale. Confirmatur ex Innocentio Papa XI. qui hæc propositionem dampnavit: *Cum numerata pecunia pretiosior sit numeranda, & nullus sit qui non majoris faciat pecuniam præsentem, quam futuram, potest creditor aliquid ultra sortem a mutuatario exigere, & eo titulo ab usura excusari.*

Resp. ad 3. periculum sortis quocumque in mutuo reperiri; quamobrem vi periculi sortis quidpiam accipere, est accipere vi mutui; quod quidem de fide est non licere. Robur additur illi responso 1. ex Gregorio Papa IX. qui Extra. de usuris cap. Naviganti, sic loquitur: *Naviganti vel eunti ad mundinam, certam mutuam pecuniam quantitatem, pro eo quod suscipit in se periculum, recepturus aliquid ultra sortem, usurarius censendus est:* 2. ex eo quod alioquin plus a pauperibus recipi ac exigi posset, quam a divitibus, cum majus suæ pecuniæ periculum incurrat, qui pauperi, quam qui diviti eam mutuo tradit. Valet idem argumentum contra recentiorum quendam, qui paucis ab hinc annis apud Sequanos scripserat, detrimentum pacis ac quietis interorū sufficientem esse titulum, ut quidpiam ultra sortem accipi possit, nam præterquam quod magis ex sortis periculo turbetur is cui factor inest cupiditas, magis etiam pro sorte sua timere debet, cum eam pauperibus, quam cum præpotentibus mutuat.

Objicies 2. Francorum legibus interesse damnatur mutuatarius, qui juridice sequitur, est in solvendi mora. 2. Tutores jubentur sub pœna compensationis, ex pupillorum pecunia fructus colligere. 3. Genes, dotis quam pro uore accepit, reditus non tenetur in

sortem computare, nec feudi dominus qui vassalli agrum messuerit: ergo &c.

Respondent Thomæ ad 1. in foro conscientie eos legis beneficio uti non posse, qui ex mora aut dampnum, nec lucrum cessans incurrant.

Respondent illi in pœnam moræ, si tamen ex parte mutuatarii multum culpabilis fuerit, litem summe statutam, de qua agitur: unde inferitur mutuantem non recipere aliquid ultra sortem vi sui mutui, sed vi legum, penes quas est dominiorum translatio.

Resp. ad 2. S. Carolum in Concilio Mediolan. 1. conceptis terminis definire, usurarios esse contractus, quibus tutores ex pupillorum pecunia mutuo data fructus colligunt: id igitur nulla ratione licet; unde ex consanguineorum consilio, ac magistratus decreto, alios in usus fructiferos eam tradant oportet, ne postea pupilli facessant illis negotium.

Resp. ad 3. ideo Innocentium Papam IV. fructus dotis genero adscribere, quod præsumat generum ex uxoris dote, aut societatem fructiferam initurum fuisse, aut empturum agros, ex quibus ad ferenda matrimonii onera fructus collegisset.

Resp. ad 4. ideo feudi dominos non teneri ad computandum fructus, quos collegant ex agris vassalli, quod debita a vassallo obsequia excedere non censeantur.

Objicies 3. Consuetudo invaluit multis in locis, ut ex mutuo interesse accipiatur. 2. Mercator fructum colligit ex pecunia; quid igitur idem poterit mutuans? 3. Contractus, qui Hispani Mohatra vocitant, videtur licitus: in eo tamen nec lucrum cessans, nec dampnum emergens locum habent.

Resp. ad 1. nullam consuetudinem humanam (ut de legibus agentes diximus) quidquam de jure naturali, aut divino posse detrahere.

Resp. ad 2. commodum, quod aliquis percipit ex re aliena, non posse vendi, si percipiat sine domini detrimento (ut ex S. Thoma de contractibus venditionis & emptionis differentes observamus); et eo nec a fortiori mutuans emolumentum colligere potest ex pecunia, quam per mutuum juris alieni locit, aut ex industria mercatoris, cui eam tradidit.

Resp. ad 3. contractum Mohatra usurarius esse, ut patet ex hac propositione, quæ Innocentius papa XI. proscripsit: *Contractus Mohatra licitus est, etiam respectu quicunque personæ, & cum contractu retrovenditionis prævio inito cum intentione lucri.* Mohatra velim lectorem, contractum Mohatra sic perfici. 1. Indigens quis 20. aureis emit equum 30. post annum venditori solvendis: 2. eundem equum venditori mox revendit viginti aureis, sed præsentibus & numeratis. In eo contractu

H h 4

ideo

ideo est iniquitas, quod simplex sit mutuum, sed venditionis & emptionis pallio tectum.

Quæres, quid dicendum sit de tribus contractibus famosis?

Resp. 1. sic iniri tres famosos contractus. Primus dicitur, *Societatis*, in quem unus pecuniam, alter operam & industriam confert, ita ut ambo lucri, damnique communionem habeant. Secundus, dicitur contra-
ctus Affecuationis fortis, sive Capitalis, quo is qui pecuniam confert, cum socio paciscitur de securitate capitalis, & pro tali securitate socius, cum quo paciscitur, dat ei certum pretium. Tertius, dicitur *venditionis luti majoris*, quod speratur; pro lucro minori, sed certo, quo is qui pecuniam contulit, ac de sui capitalis securitate pactus est, cum socio rursus paciscitur de certo lucro probabili pro incerto lucro sperato; atque ita socium ab onere rationum reddendarum, tam quoad lucrum, quam quoad damnum, eximit.

Resp. 2. usum triplicis illius contractus damnatum esse a Sixto Papa V. Constitutione, quæ incipit: *Detestabilis*, lata anno 1586. Præterea Facultas Theologica Parisiensis anno 1664. doctrinam asserentem, quod pactio duplicis securitatis contractui societatis licite adjici possit, damnavit, ut *falsam, scandalosam, inducentem ad usuras committendas, variasque operientem artes, eas palliandi, justitiamque & caritatem violandi*.

C A P U T I V.

De illis, qui mutuum sub usura accipiunt.

CONCLUSIO 1. Extra necessitatis casum nemini licet mutuum petere sub usurarum onere.

Probatur 1. ex eo quod vetet caritas, ne proximo detur peccandi occasio; quam tamen præbet, qui mutuum sub usurarum onere petit; inducit nimirum ipsum ad usuram, quæ ex se grave est malum.

CONCLUSIO 2. Urgente necessitate, cuique licitum est mutuum sub usuris accipere.

Probatur 1. Is de quo agitur, rem in se licitam ac sibi debitam petit, mutuum scilicet: & præter ejus voluntatem accidit, quod sibi sub usurarum onere detur 2. Se habet mutuarius in hoc casu, sicut qui juramentum ab idololatra exigit; ergo quemadmodum urgente necessitate istud licitum est, quamvis idololatra per falsos Deos juraturus prævideatur; ita & istud, quamvis mutans sub usuris daturus sit. Si quod autem mutuanti det scandalum, passivum simpliciter est, non activum: quippe quod (ut ait S. Thomas) ex mera mutuantis malitia procedat, qui se in se bona, mutuo scilicet, ad peccatum abutitur.

Quæres 1. quæ necessitas requiratur, ut mutuum cum usura licite accipiatur?

Resp. eam necessitatem gravem esse debere: *Propter aliquod bonum* (inquit S. Thomas) *quod est subventio suæ necessitatis, aut alterius*. Unde colligitur eum peccare, qui mutuum sub usuris petit, ut superfluis magis abundet, ut majores & sibi non necessarias opes accumulet. Ita Parisienses Theologi anno 1671. judicarunt; damnarunt nimirum peccato virum, qui centum nummos extra gravem suam necessitatem sub usuris mutuatus fuerat.

Quæres 2. an, & quibus usura restituen-
da sint?

Resp. ad 1. restitui debere, cum quis his factus est ditior, sive bona fide, sive mala comparata fuerint.

Resp. ad 2. restitui debere iis ipsis, a quibus accepta sunt, aut eorum heredibus, nisi tamen ab ipsis mutuataris condonentur; quod quidem non contingit, nisi tres hæc conditiones occurrant: 1. quod iis usuris mutuataris non indigeant: 2. quod mutuantibus ex animo & efficaciter velint restituere: 3. quod mutuataris non sit timendi locus, ne si condonare detrectent, cum maximo sui damno ad fortis præcipuæ solutionem mox compellantur. Quæ hæcenus de usura a nobis dicta sunt, majori ex parte Concilium L. Mediolanense sub S. Carolo definiit.

Q U Æ T I O V.

De Simonia.

Not. Simonia sic appellatur a Simone Magico, qui (ut constat ex Actorum c. 8.) Spiritus sancti dona pretio comparare tentavit, ut ea postea divenderet. De Simonia quæremus 1. quid & quotuplex sit, ac quo jure prohibeatur: 2. dicemus de pretio Simonie: 3. de rebus circa quas versatur: 4. quibus poenis Simoniaci subiaceant.

C A P U T PRIMUM.

Quid, quotuplex, ac quo jure Simonia prohibita sit.

CONCLUSIO 1. Simonia recte definitur a S. Thoma, *Studiosa voluntas emendi, aut vendendi spiritualia, aut spiritualibus annexa*.

Explicatur 1. simonia dicitur, *voluntas studiosa*, quod nempe sit propositum deliberatum voluntatis. 2. Dicitur *voluntas emendi, aut vendendi*, quibus quidem verbis species pro genere sumitur, seu pro quolibet contractu oneroso, vi cujus aliquid pretio æstimabile aut exigitur, aut confertur. 3. Est voluntas emendi *spiritualia*, sive in se, ut sunt dona Spiritus sancti: sive in effectu, ut sunt Sacramenta, quæ gratiam producant: sive in ordine ad finem, ut vasorum consecratio, quæ ad Eucharistiæ ministerium refertur. 4. Dicitur voluntas emendi *spiritualibus annexa*, ut beneficia, quæ onus officii spiritualis præsupponunt.

CON-

CONCLUSIO 2. Simonia multifariam dividitur.

Probatur. Simonia dividitur in Mentalem, Conventionalem, & Realem. Prior, vel ad rei pretio æstimabilis largitionem non procedit, vel procedit quidem, sed sine pacto expresse, quod præcesserit: Altera ea est, in qua pactum exterius quidem expressum est: sed vel nihil realiter datum fuit, vel datum est ab una tantum parte, ut beneficium, cuius pretium promissum persolutum non fuit. Tertia denique est ea, in qua hæc tria concurrunt, Pactio, Solutio pretii, & Receptio rei sacra.

CONCLUSIO 3. Simonia jure naturali, Divino & Ecclesiastico prohibita est.

Probatur prima pars. Simonia opponitur virtuti religionis, cum includat irreverentiam in res sacras, quibus res temporales coquat. Opponitur etiam virtuti iustitiæ, quia res spiritualis quodlibet temporale pretium excedit, nec homines in illam dominium habent. Sed irreligiositas, & injustitia jure naturali prohibentur, quippe quæ sint contra Decalogi præcepta, quibus jus naturale continetur.

Probatur altera pars. Hæc Christi verba Matth. 10. *Gratis accepistis, gratis date*, de rebus omnibus aliqua ratione spiritualibus intelliguntur, strictumque præceptum includunt. Tertia tandem pars evidens est ex innumeris de Simonia Canonibus, quos Ecclesia a suis incunabulis ad hæc usque tempora & condidit, & confirmavit.

C A P U T I I.

De pretio Simonia.

Not. Simonia pretium triplex est, a manu nempe, a lingua, & ab obsequio. Prius dicit pecuniæ aut rei similis pactum: Alterum complectitur sollicitationes & preces quas quis in alterius gratiam fuderit; Tertium dicit obsequium, quod aut exigitur aut confertur ad rei spiritualis aut largitionem aut assecutionem. Triplicis illius pretii simoniaci variis in locis Jus Canonicum meminit. Ut ea qua ad illud spectant clarius explicentur, querendum est seorsim quanam per triplex illud munus Simoniam incurrant.

CONCLUSIO 1. Simonia per munus a manu variis in casibus incurritur.

Probatur enumeratione. Simoniam a manu incurrunt 1. qui pro rebus sacris quidpiam, quod pretio æstimabile sit, tanquam pretium accipiunt; nec non iis, qui in functionibus spiritualibus res temporales sibi tanquam motivum præcipuum proponunt, aut qui accipiunt aliquid tanquam gratuitam compensationem: Si enim hæc distinctio metaphysica divi, pretii, compensationis gratuitæ,

eximeret a Simonia, nulla omnino nisi a viris plumbeis committeretur; Patres qui illud Casuistarum arcanum nusquam docuerunt populos, veritatem detinuerunt in injustitia: immeritoque Innocentius Papa XI. subsequentes propositiones damnavit, *Dare temporale pro spirituali non est Simonia, quando temporale non datur tanquam pretium, sed dumtaxat tanquam motivum conferendi vel efficiendi spirituale; vel etiam quando per temporale fit solum gratuita compensatio pro spirituali, aut contra.* Et id quoque locum habet, etiam si temporale sit principale motivum dandi spirituale; immo etiam si sit finis ipsius rei spiritualis, sic ut illud pluri æstimetur quam res spiritualis.

2. Incurrunt Simoniam per munus a manu qui dant vel accipiunt beneficium cum promissione remittendi debitum vel proprium vel alienum, idque licet per officium spirituale contractum fuisset; ut videre est in parochis, qui ea ratione honorarium vicario suo debitum extinguere.

3. Ejusdem sceleris rei sunt qui beneficia resignant sub pinguioris pensionis onere, quam jura permittant, aut de qua redimenda, vel procurando aliud beneficium, vel numerando pecuniam, paciscunt.

4. In idem crimen incidunt, qui de beneficio litigantes, jus mutuum emunt: pecunia nimirum parant sibi viam ad rem spirituales. Licitum est tamen injustam vexationem pretio redimere, ut sit ab eo qui intentatam litem componit cum eo, quem certum est nullum omnino jus habere ad beneficium; eo enim in casu datur pecunia, sicut daretur, ut quis se a prædonum manibus eriperet.

5. Contrahunt Simoniam per munus a manu qui accipiunt beneficium cum onere restituendi pecuniam, quam resignans ad illius assecutionem impenderat: illæ scilicet expensæ fuerunt factæ in resignantis commodum, nec quidpiam habuerunt commune cum præsentis resignatione. Eodem se scelere devincunt, qui beneficium resignant ea lege, ut resignatarius domum resignantis aut elocet aut emat; illud enim onus est aliquid, quod pretio æstimetur. Idem ferri debet judicium de admissione ad Canonicatum cum onere conferendi pecuniæ summam, quæ non piis causis, sed Canonicorum privatis lucris cedat; ita enim decernit Concilium Trid. sess. 24. de ref. cap. 4. Vide Tom. 1. Diff. 4. quæ 3. cap. 2. art. 10. §. 1.

CONCLUSIO 3. Qui principaliter attendens ad preces, ut laudem humanam, confert beneficium, incurrat Simoniam per munus a lingua: necnon is qui præcipue ex illis precibus & illa laude beneficium sperat.

Probatur ex eo, quod prior propter rem, quæ sub pretium cadit, rem spirituales conferat, posterior autem illam consequatur.

Con

Confirmatur ac explicatur ea ratio verbis S. Thomæ: *Ideo* (inquit 2. 2. quæst. 100. art. 5.) *si quis principaliter ad hoc attendit, Simoniam committit. Videtur autem ad hoc principaliter intendere, qui preces pro indigno porrectas exaudit: unde ipsum factum est Simoniacum: Si autem preces pro digno porrigantur, ipsum factum non est Simoniacum, quia subest debita causa, ex qua illi, pro quo preces porriguntur, spirituale aliquid conferatur. Tamen potest esse Simonia in intentione, si non attendatur ad dignitatem personæ, sed ad favorem humanum. Si vero aliquis pro se rogat, ut obtineat curam animarum, ex ipsa presumptione redditur indignus, & sic preces sunt pro indigno: Licite tamen potest aliquis, si sit indigens, pro se beneficium Ecclesiasticum petere sine cura animarum.*

Ex iis S. Thomæ verbis patet, cum incurrere Simoniam per munus a lingua, 1. qui cum indignus sit, preces aut proprias aut alienas adhibet, ut beneficium consequatur: 2. qui assentatur alteri, ut illum sibi ad beneficii collationem demereatur, 3. indignum esse beneficio, cui cura animarum incumbit, qui illud vel per suas, vel per alienas preces exposcit. Non peccat tamen is qui, ubi vacat ejus generis beneficium, offert se Episcopo, ut expendat, an ad illud idoneus sit.

CONCL. 4. Varii sunt casus, in quibus Simonia incurritur per munus ab obsequio.

Probatur præcipuorum enumeratione. 1. Simoniacis hujusmodi accensendi sunt clerici, qui prælatis obsequium temporale exhibent præcipue, ut beneficia obtineant. Idem dicendum est de prælatis, qui primario propter exhibita illa obsequia, famulantibus sibi clericis beneficia conferunt. Nec mirum; nam (ut ait S. Thomas) *idem est, quod aliquis det rem spirituales pro aliquo obsequio temporali exhibito, vel exhibendo, ac sic daret pro pecunia data vel promissa, quo illud obsequium æstimari posset.* Secus vero dicendum est, si propter exhibita spiritualia officia, quæ ad Ecclesiæ utilitatem ordinantur, ut ibidem S. Doctor.

2. Simonia per munus ab obsequio rei sunt, qui sua obsequia exhibent iis, quos apud collatores favore pœllere noverint, eo fine, ut per favorem illum beneficia consequantur. Id autem expendant qui Magnatum sunt ab obsequiis, serioque cogitent, num primario eis obsequantur, ut per eos sibi beneficiorum collatores devinciunt.

CAPUT III.

Quænam sint objectum Simonia.

CONCL. Objectum Simonia sunt res omnes spirituales, vel spiritualibus annexæ.

Probatur ex eo, quod nec quæ sunt in se spiritualia, nec quæ spiritualibus annexa sunt, pretio æstimari possint. Nec obstat consuetudo, si quæ contraria sit, cum nulla consuetudo juri naturali ac Divino, quibus Simonia vetatur, præponderare possit.

Quæres, quænam recentiori debeant inter res in se spirituales, & quænam inter eas, quæ spiritualibus annexæ sunt?

Resp. ad 1. dona Spiritus sancti, Sacramenta, prædicationem verbi Dei, horarum canonicarum persolutionem, esse res quæ in se ipsis sunt spirituales.

Resp. ad 2. beneficia Ecclesiastica, jus patronatus, professionem in monasterio, vasa sacra, numerari inter res, quæ spiritualibus annexæ sunt.

Quæres 2. an ii omnes simoniaci sint, qui pro rebus spiritualibus, aut quæ spiritualibus annexæ sunt, aliquid aut accipiunt aut conferunt?

Resp. 1. reos esse Simonia eos omnes, qui pro Sacramentorum, verbi Dei dispensatione, persolutione horarum Canonicarum aliquid tanquam pretium aut conferunt aut recipiunt; secus vero si recipiant aut conferant ad ministrorum sustentationem: quippe quæ jure naturali ac Divino illis debeatur. Non tamen inde sequitur, licere rerum spiritualium dispensationem suscipere, aut choro interesse, præcipue ut quis habeat, unde suæ sustentationi consulat, quia sic res magni pretii ad vilem & ignobilem finem referretur.

Resp. 2. in iis, quæ spiritualibus annexæ sunt, nonnulla esse, quæ a spiritualibus dependent, ac ea consequuntur: nonnulla vero, quæ spiritualia antecedunt. Pro prioribus nihil absque Simonia aut dari aut recipi potest.

De beneficiis, quæ sic se habent, (cum beneficium detur propter officium) res ex canonibus ita certa est, ut nulli liceat ex propriis bonis erigere Canonicarum ea lege, ut sibi conferatur.

Circa monasteriorum ingressum, id quoque evidens est, cum Canones excommunicatione damnent eos, qui pacta ineunt, antequam profiteantur: adhibitam tamen velim prudentem S. Thomæ distinctionem 2. 2. q. 100. art. 3. ubi sic loquitur: *Ad quartum dicendum, quod pro ingressu monasterii non licet aliquid exigere vel accipere quasi pretium; Licet tamen, si monasterium sit tenuis, quod non sufficiat ad tot personas nutriendas, gratis quidam ingressum monasterii exhibere, sed accipere*

aliquid pro viâta persona, quæ in monasterio fueris recipienda, si ad hoc non sufficiant monasterii opes. Ex eo S. Thomas loco constat 1. si monasterio sufficiant opes, nihil posse ab iis exigi, qui in eo profiteri cupiunt: 2. In monasteriis tenuibus id exigitantum posse, quod victui necessarium est, ita ut qui professurus est, monasterium non grave. Sambovius Sorbonicus Doctor ad calcem libri, quem de conscientia casibus inscripsit, docet, per sustentationem intelligi debere non amplissimarum pecuniarum summam, sed censum annuum; quem tamen consanguinei illius, qui proficetur, eo pretio redimere possint, quo pensiones Ecclesiasticæ redimi solent. Eminent. Card. LE CAMUS imitatus non modo zelum & penitentiam S. Caroli, sed etiam sanctam ab eo disciplinam amplexus, in Statutis Synodalibus districte prohibuit, ne in Dioecesi Gratianopolitana Moniales pro admittendis ad monasterium paciscantur: ipse suo iudicio determinatum vult, quid ad sui sustentationem admittendæ conferre debeant. Vide Tom. 1. Diff. 4. qu. 3. cap. 3. art. 11, §. 2.

Resp. 3. ea spiritualia quæ quidpiam temporale præsupponunt, ut sunt vasa sacra, jus patronatus, pretio quidem æstimari non posse, prout sunt aliquid spirituale: sed materia, quam præsupponunt, vendi aut emi potest, ut docet S. Thomas; ita tamen ut si in pretio habeatur ratio consecrationis, aut rei spiritualis, Simonia committatur.

C A P U T III.

De Simoniacarum penis Canonice.

CONCLUSIO Tribus pœnarum generibus jura in Simoniacos animadvertunt.

Prob. ex Extravag. *Cum detestabile*, quæ Simoniacum castigat 1. privatione rerum, quas per Simoniam adquisierit: 2. restitutione pretii quod acceptum est; 3. censuris, Excommunicatione quidem latæ sententiæ, si sit laicus, Suspensione vero ab exercitio Ordinum, si sit Clericus.

Quæres 1. num illæ pœnæ sint tantum juris Ecclesiastici?

Resp. duplicem priorem juris esse naturalis; neque enim retineri possunt quæ, aut prohibente Deo, rerum spiritualium unico Domino, aut contra leges accepta sunt.

Hinc colligitur, dimittendum esse beneficium, quod simoniace acquisitum est, siue Simonia fuerit realis, siue conventionalis, siue mentalis tantum; siue peracta ab ipso possessore, siue ab alio; siue cognita fuerit cum beneficium fuit acceptum, siue incognita. Ratio est: quia possessor ille non plus juris habet in beneficium quam quis habeat in rem furto ablatam.

Quæres 2. cuiam restituere debeat Simoniae pretium?

Resp. si res spiritualis nondum tradita sit, pretium restituere debere ei, a quo acceptum est; non enim datum est, nisi supposita conditione, quæ completa non fuit: Si vero res spiritualis actu data fuerit, restitutio pretii fieri debet, non quidem ei, qui dederit, cum jure exciderit suo; sed vel pauperibus, vel Ecclesiæ, cui per Simoniam illata fuit injuria.

Quæres 3. an excommunicationis & suspensionis pœnæ in quemlibet Simoniacum vim habeant?

Resp. neg. fert enim usus, ut valeant tantum in Simonia reali, cum nempe pretium aut ex parte, aut ex toto persolutum est, & ipsa res spiritualis actu tradita fuit; unde concluditur, Clericum mente Simoniacum non fieri irregularem, etiamsi ordinis sui munia sollemniter obierit.

Quæres 4. num eadem pœnæ in Simoniam Confidentialem decretæ fuerint?

Resp. Simoniacam confidentiam, quæ definitur, *Conventio siue tacita, siue apertis verbis expressa*, ut qui beneficium recipit, illud ipsum in aliam certam personam transferat, aut beneficii fructus ab alio percipi sinat: respondeo (inquam) illam Confidentialiam per Bullam Pii Papæ V. quæ incipit, *Intolerabili*, multo gravioribus pœnis castigari, quam Simonia beneficiaria. Nam 1. eodem instanti, quo quis beneficium accipit confidentialiter, in latæ sententiæ excommunicationem incidit, etiam antequam promissa compleverit. 2. Beneficium sic acceptum, quod quidem ipso jure vacat, solius Apostolicæ sedis collationi reservatur; in Francia tamen id locum non habet vi contrariæ consuetudinis, quæ est legitimæ præscriptionis loco. 3. Non ipsum modo beneficium, quod confidentialiter receptum est, ipso jure vacat, sed etiam alia omnia, quæ ante confidentialiter obtinuerat, ac præterea idem confidentialiter sit inhabilis ad alia possidenda in futurum, nisi specialiter cum ipso dispensatum fuerit; quæ tamen duo in Simonia beneficiaria, etiam quæ ex utraque parte completa fuerit, vim non habent. Vide Causutium nostrum de Simonia.

C A P U T V.

Quæ sit Cleri Gallicani doctrina circa Usuram & Simoniam.

Not. CLERI Gallicani circa Usuram & Simoniam doctrina colligi potest ex censuris, quam an. 1700. ad Comitia Generalia congregatus, propositionibus, quas hic exscribimus, inussit.

Pro,

Propositiones de Usura.

Prima propositio. Contractus *Mshatra* (id est; ille contractus quo a mercatore res majore pretio ad certum tempus solvendæ distrahuntur, ac statim ab eodem, stante eo contractu, minori pretio, præsentem pecunia redimuntur) licitus est, etiam respectu ejusdem personæ, & cum contractu retrovenditionis prævio inito cum intentione lucri.

Secunda propositio. Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutuario exigere, & eo titulo ab usura excusari.

Tertia propositio. Usura non est, dum ultra sortem aliquid exigitur tanquam ex benevolentia & gratitudine debitum; sed solum si exigatur tanquam ex iustitia debitum.

Quarta propositio. Licitum est mutuant, aliquid ultra sortem exigere, si se obliget ad non repetendam sortem usque ad certum tempus.

Quinta propositio. Tam licet ex alienatione per aliquot annos censum annum exigere, quam licet exigere censum perpetuum ex alienatione perpetua.

Censura. Hæ propositiones, in quibus, mutato tantum mutui & usura nomine, licet res eodem recidat, per falsas venditiones & alienationes, simulatasque societates, aliasque ejusmodi artes & fraudes, vis divina legis eluditur, doctrinam continent falsam, scandalosam, cavillatoriam, in praxi perniciosam, palliativam usurarum, verbo Dei scripto ac non scripto contrariam, jam a Clero Gallicano reprobata, conciliorum ac Pontificum decretis sæpe damnata.

Sexta propositio. Usura, etsi esset prohibita Judæis, non tamen Christianis, lege veteri in judicialibus præceptis abolita per Christum.

Censura. Hæc propositio verbo Dei contraria est, novæ legi perfectionem, & gentium æquum in Christo adunatarum fraternitatem tollit.

Propositiones de Simonia.

Prima propositio. Non est contra iustitiam beneficia Ecclesiastica non conferre gratis, quia collator conferent illa beneficia Ecclesiastica, pecunia interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur.

Secunda propositio. Dare temporale pro spirituali non est simonia, quando temporale non datur tanquam pretium, sed dumtaxat tanquam motivum conferendi, vel efficiendi spirituale; vel etiam quando temporale sit solum gratuita compensatio pro spirituali, aut e contrario.

Tertia propositio. Et id quoque locum habet, etiam si temporale sit principale motivum dandi spirituale, immo etiam si sit finis ipsius rei

spiritualis, sic ut illud pluri aestimetur, quam res spirituali.

Censura. Hæ propositiones temerariae sunt, scandalosae, perniciosae, erroneae: hæresim simoniacam, sacra Scriptura, Canonibus, & Pontificiis Constitutionibus reprobata, mutato tantum nomine, per fallacem mentis, siue intentionis directionem, inducunt.

De beneficiis conferendis.

Unica propositio. Cum dixit Concilium Tridentinum, eos alienis peccatis communicantes mortaliter peccare, qui non, quos digniores, & Ecclesia magis utiles ipsi judicaverint, ad Ecclesias promoveant: Concilium, vel primo videtur per hoc, digniores, non aliud significare velle, nisi dignitatem eligendorum, sumptis comparativo pro positivo: vel secundo, locutione minus propria, ponit, digniores, ut excludat indignos, non vero dignos: vel tantum loquitur tertio, quando sit concursus.

Censura. Hæc propositio Concilio Tridentino contraria est, Ecclesia utilitati, ac saluti animarum, quæ a Pastorum despectu præcipue pendet, adversatur.

Monitum notatu dignum.

Cum sæpius in hoc opere Censuram adversus plures Moralis corruptæ propositiones a Clero Gallicano ad Comitata Generalia anno 1700. coacto latam laudaverimus, par est, ut antequam huic Tomo finem imponamus, illius ferendæ causam ex ipsismet Gallicanis Patribus referamus: sic igitur ad caput suorum Comitatorum loquuntur.

Nunc ut ad aliud fidei caput veniamus: ad moralem scilicet Theologiam his postremis temporibus prava ingeniorum licentia ac subtilitate corruptam, præmittenda putamus verba felicitis recordationis Alexandri VII. (In Præfat. decreti 24. Septembris 1665.) quibus magno animi sui dolore testatur, complures opiniones christianæ disciplinæ relaxativas, atque animarum perniciem inferentes, partim antiquatas iterum discutari, partim noviter prodire, & summam illam luxuriantium ingeniorum licentiam in dies magis excrecere, per quam in rebus ad conscientiam pertinentibus modus opinandi irrepsit, alienus omnino ab evangelica simplicitate, sanctorumque Patrum doctrina, & quem si pro recta regula fideles in praxi sequerentur, ingens eruptura esset christianæ vitæ corruptela.

Quæ sententia non modo erroris increvisse queritur, verum etiam, quod caput est, adnotari voluit ipsam rei tradendam rationem jam introductam esse; unde videremus corruptelam morum non modo secururam, verum etiam factam esse.

De velut impetu irrupturam, quam vix cobidere possimus.

Neque vero satis fuit sanctissimo Pontifici novam hanc methodum iustificandæ conscientie, & involvenda veritatis, hoc est, ipsum mali detexisse fontem; sed exitialis doctrina rivulus infectatus, complures propositiones, Ut minimum tanquam scandalosas (non probatis aliis qua occurrere possent) sub interminatione divini iudicii, atque excommunicationis poena, a qua nemo posset, præterquam in articulo mortis, nisi a Romano Pontifice absolvi, damnavit & prohibuit. Quod salubre opus Innocentius XI. pro sua pietate persecutus, plures alias partique doctrina ac diligentia laude solutas (nec probatis ceteris) sub iisdem pænis damnavit & prohibuit: dumque eas omnes, ut minimum tanquam scandalosas, & in praxi perniciosas, damnandas stituit & decrevit, non tantum a libris & predicatione, sed ab omni etiam vita christiana præcul amandandas iudicavit.

Atque utinam sanctissimi Pontifices decretorum formulis antiquæ ac nostræ usæ receptis, quæque ad universas Ecclesias pertinerent, infandam doctrinam præscripsissent. Sed dum expectamus, fore ut tantum opus more majorum & canonico ordine perficiatur: Nos interim Cardinales, Archiepiscopi, & Episcopi in unum congregati, ne atrum virus serperet, has propositiones a prædictis Pontificibus, uti memoravimus, applaudente toto orbe christiano, condemnatas, etiam præcipuis expresse adnotatis, primum ut magis in promptu essent, ad certa capita redigendas; tum censorie notandas, & ad ampliorem cleri & christiana pietatis informationem, suis quasque censuris consignandas esse duximus.

Sed enim incredibile distu est, ex pessimis principijs, tota licet Ecclesia reluctante, quanta malorum incrementa provenierint: subtilioribus ingentis in id unum intentis, ut eo quisque se maxime Theologum videri velit, quo plura ejusmodi inventa in probabilitatis auctoritatem adduxerit. Verum hæc constabilire, aut per eam speciem mentes infirmorum in falsam & noxam securitatem inducere, nihil est aliud quam animas perdere, ac doctrinas & mandata hominum, vagasque traditiones, exemplo Phariseorum, divini mandati loco obtrudere.

Quare tot errorum experientia vixi necesse habuimus ipsam malorum radicem exscindere, eam scilicet optinandi rationem, qua ignota S. Patribus, tanta de rebus maximis dissidia peperit, ut eisdem in parochijs, iisdem in templis passim concineremus ab alijs teneri & ligari, quæ ab alijs solverentur, ac plebem christianam in varia, atque incerta discerpi, nec scire quibus credat, magno dedecore Ecclesiastica auctoritatis, magna que aperta janua ad salutis incuriam & indifferentiam, quam vincere non Episcopi singulares, sed solo Episco-

palis unanimitas & auctoritas possit; dicente Apostolo. Obsecro vos fratres ut id ipsum dicatis omnes, & non sint in vobis schismata.

Sequuntur autem damnata propositiones, nec probatis aliis propositionibus, aut erroribus, quos pro angustia temporis prætermisimus.

Recensita causa quæ Gallicanos Patres movit ut laxioris moralis propositiones censura notarent, recenseri quoque debent Mandata (ut vocant) quibus Episcopi, Comitiorum Generalium auctoritati diocesano quoque auctoritatem addidere; instar omnium sit, quod ab Eminentissimo Cardinale, Archiepiscopo Parisiensi, latum est.

M A N D A T U M

Eminentissimi Cardinalis DE NOAILLES, de promulgandis Cleri Gallicani decretis.

Ludovicus Antonius, misericordie divina, Sancta Romana Ecclesie Cardinalis DE NOAILLES, Archiepiscopus Parisiensis, Dux Sancti Clodoaldi, Par Francie, Regii Ordinis Sancti Spiritus Commendatar, universo Clero Diocesi nostræ, tum Seculari, tum Regulari, Salutem & Benedictionem in eo qui est omnium vera salus.

Dolendum nobis est cum Osea Propheta, qui maledictum, & mendacium, & furtum, & adulterium inundaverunt: veruntamen non arguatur vir: Il vero magis arguatur, qui de rebus moralibus effreni quadam libidine scribentes, verbum Dei adulteraverunt. & regulas morum funditus everterunt. Quare fientes cum S. Cypriano dicimus, Scelus non tantum geritur, sed & docetur. Hinc malo accurrere Episcoporum est, quos posuit Spiritus Sanctus regere Ecclesiam Dei.

Cum enim Ecclesia sit civitas illa fortis apud Isaiam descripta, In qua (ut exponit S. Hieronymus) ponitur murus bonorum operum, & antemurale rectæ fidei, ut duplici septa sit munimento; non enim sufficit munus habere fidei, nisi ipsa fides bonis operibus confirmetur: utrique a Nobis consulendum est, ut & sacra dogmata divinitus sancita, quibus constat Catholica fides, semper propugnemus, & leges Evangelicas Christi auctoritate constitutas, ad quas mores christiani componuntur, firmiter in dies stabiliamus.

Satis non est, ut amplectamur eum, qui secundum doctrinam est, fidelem sermonem, & exhortemur in doctrina sana, seu insuper potentes esse debemus eos, qui contradicunt, arguere, & animose ac fortiter resistere inobedientibus, vaniloquis & seductoribus, donec adquiescant sanis sermonibus Domini nostri Jesu Christi, & ei, quæ secundum pietatem est, doctrinæ: illorum quippe sermo ut cancer serpit, & subvertit fidem ac mores: ruina autem hæc sub manu nostra, no-

hisque imputanda, si vocem nostram non exaltemus in plateis Jerusalem.

Et certe, si in Christi judicio (ut ait S. Leo) rei de silentio inveniantur, etiamsi non contaminentur assensu, quicumque tales non prodendos putant: Quia sicut incauta locutio (inquit alter Pontifex) in errorem pertrahit, ita indiscretum silentium eos, qui erudiri poterant, in errore derelinquit, quo possemus vitare id periculum, de quo pramonerebat Celestinus Episcopus Gallia in epistola adversus Massilienses ab eo Augustino obrepentes: Timeo, ne connivere sit hoc tacere; timeo, ne magis ipsi loquantur, qui permittunt illis taliter loqui; in talibus causis non caret suspitione taciturnitas, quia occurreret veritas, si falsitas displiceret: merito namque causa non respicit, si cum silentio faveamus errori: ergo corripiantur hujusmodi, nec sit his liberum pro voluntate habere sermonem.

His monitis obsecut, qua sunt in Summos Pontifices religione, Ecclesia Gallicana Praesules, & officii sui memores, veritati ac morum integritati adversantem doctrinam insectari non desierunt. In Comitibus suis qualibet occasione habitis (ut jam a primis temporibus, sive in Oriente, sive in Occidente, ab Episcopis actum legimus) qua de rebus ad religionem spectantibus ipsis visa sunt, decrevere.

Tandem operi, quod a Decessoribus fuerat incubatum, manum admoveus nuperrimus Conventus, fideliter perfecit, quod hominum vota,


fidelium salus, temporum iniquitas postulabant, dum praecipua laxioris doctrina commenta, certis distincta capitibus, suis Censuris percussit ac notavit. Vocati ut praesessent Comitibus (quod novam dignitatem, non tenuitatem nostram decebat) cum Collegis nostris Archiepiscopis & Episcopis, quos omnes vidimus singularem cum laetitia unanimes & id ipsum sentientes, sollemne iudicium tulimus, & illorum auctoritati Diocesani auctoritatem addidimus.

Quocirca mandamus ac praecipimus omnibus & singulis Ecclesiarum, Collegiorum, Communitatum, Monasteriorum, Ordinum Superioribus, ut hanc Censuram, Declarationem & Appendices curent observari, & identidem legi in Ecclesiasticis & Religiosis catibus. Districte etiam inhibemus omnibus seu Secularibus, seu Regularibus Confessariis, Concionatoribus, Theologia aliarumque scientiarum Professoribus, ne quis eorum, aut ullus alius in nostra Diocesi, etiamsi impunitum, & exemptum se fecerit, quidquam ullo modo dicat, scribat, doceat, aut consulat, quod in illa sit Censura damnatum.

Datum Lutetiae Parisiorum in Palatio nostro Archiepiscopali III. Nonas Octobris, anno salutis M. DCC.

✠ Ludovicus Antonius Cardinalis DE NOAILLES, Archiepiscopus Parisiensis.

FINIS TOMI TERTII.



INGENUITYPOGRAPHI

M O N I T U M.

AGRE equidem tuli gravissimorum Theologorum querelas, quid mihi tandem in mentem venerit Juenini Institutionibus illum ex Turnelyo quasi centonem assuere. Quo vero stomacho illas recinebant tituli ampullas *vera Doctrina Ecclesie*! Inuri mehercule maculam Theologo integerrimo: apponi per summam injuriam Juenino censorem ac magistrum Turnelyum. Quis ille porro germanæ Ecclesiæ Doctrinæ excerptor egregius ex Turnelyo? cujus naris? cujus fidei? quin se proderet ostentator grandiloquus, suumque operi nomen inscriberet, ne cordatis Theologis nebulo forte aliquis ac Sycophanta videretur? Hæc illi. Interim ego non de re modo mea, verum de alienis etiam judiciis sollicitus, id cepi consilii, ut quasdam subijcerem idem in argumentum particulas e Theologis longe clarissimis Laurentio Cardinali de Lauræa & Jacobo Boudart Lovaniensi; quo facilius adolescentes Theologiæ studiosi rem omnem suis momentis perpendant, sibi que persuadeant agere me ex fide bona, neque cujusquam cupiditati, sed omnium utilitati inservire.

DOCTRINA D. AUGUSTINI DE GRATIA.

MONITUM.

Qua brevis damus, accepta sunt totidem verbis ex Cardinali de Laurea Laurentio Brancato, in Opusc. III. de Gratia actuali, cap. 3. 4. & 5. edition. Rothomagens. ann. 1705. a Pag. 312. ad 331. nisi quod pro Capitulis §§. substituitur.

§. I. An detur, qualisque sit Gratia efficax.

ADverte 1. Quod vocabulum hoc, *efficax*, apud omnes tum sacros quam profanos auctores significat rem aliquam, sive personam, sive formam, aut virtutem, potestatem aut qualitatem producentem suum effectum in esse reali; & per hoc distinguitur efficacia affectiva ab effectiva, quia per primam, quis vult quantum est in se & toto conatu facere; at non potest in effectu ponere, quia impeditur ab aliquo interno vel externo obstaculo: ut quilibet in se experitur, quia vellet dignitatem aliquam, favorem, divitias, sanitatem, &c. & adipisci non potest: Effectiva autem est quae & potest ponere & de facto ponit effectum in esse, exempla habemus prophana. Plin. lib. 24. cap. 16. *adversus serpentes ex aceto pota efficax*. Caelius ad Ciceronem, *Nosti Marcellum, quam tardus & parum efficax sit*. Ecclesiastici 9. 4. datur consilium hoc: *Cum saltatice ne assiduus sis, nec audias illum, ne forte pereat inefficacia illius*: Heb. 3. 12. *Sermo Dei vivus & efficax*. Illam ergo gratiam, quae secum habet annexum effectum principalem, qui praecipitur vel consulitur, Theologi appellant *Gratiam efficacem*; illam vero, quae effectum conjunctum non habet, vocant *inefficacem*, & alio nomine (nescio quare ut patebit postea) dicunt *sufficientem*.

Adverte 2. Quod hic quaerimus etymologiam & proprietatem gratiae istius, quae dicitur efficax, an sit eadem cum praeviente & adjuvante seu subsequente, vel ab istis differat, & per quid. Unde vero habeat quod sit vel non sit efficax, an ex natura sua, seu decreto Dei, an ex se sit indifferens, & a voluntate humana volente ea uti, evadat efficax, id est, obtineat effectum ad quem datur, videbimus postea. Hac enim est celeberrima controversia in tota hac materia. At quae hic nunc discutimus, facilia sunt.

Dico 1. Admitti debet gratia dicta *Efficax*; estque illa quae opus bonum, sive praeccepti, sive consilii a Deo inspiratum connexum habet.

Probatur facile: *Experientia docet quod in una concione multi sunt vocati seu inspirati, & tamen non omnes, sed aliqui tantum convertuntur, sive ad credendum, sive ad aliud opus bonum faciendum, & interdum nullus: experientia patet ex praedicatione Christi. Is enim integro triennio, & aliis tribus mensibus continuo praedicavit verbis & factis viam salutis, eamque miraculis patientibus comprobavit: At non omnes crediderunt, neque conversi sunt, ut ex Evangelistis patet; sed valde pauci, respective ad magnam hominum qui eum audierunt & inspirati fuerunt multitudinem: Omnium primum vocavit Philippum. Sequere me, & secutus est eum: vocavit Petrum & Andream, Venite post me: factam vos fieri piscatores hominum, & illi continuo relinquit retibus secuti sunt eum. Paulo post vocavit Jacobum & Joannem resicientes retia cum Patre Zebedaeo ac mercenariis: & illi statim relicto Patre, mercenariis, ac retibus, secuti sunt eum: ita de Mattheo & aliis Apostolis ac Discipulis. At non sic accidit de aliis: nam Joannis 2. 23. praedicante Christo ingenti turba, dicitur, multi crediderunt in eum, non dicitur omnes: idem dicit Evangelista in cap. 6. & 8. & alibi multi crediderunt in eum. Immo Joannis 5. 40. inquit salvator: Non vultis venire ad me, ut vitam habeatis. In aliquibus ergo fuit efficax gratia, id est suum habuit effectum; at non in omnibus.*

Confirmatur ex Act. Apost. cap. 17. 34. Praedicante Paulo Athenis in conferta multitudine Areopagi; quidam adhaerentes ei, crediderunt, in quibus Dyonisius Areopagita, & mulier nomine Damaris, & alii & cum eis: in his ergo solis, non in omnibus gratia habuit suum effectum principalem, nempe credendi. Idem Act. 16. 14. Philippis praedicante Paulo, una tantum mulier Lydia purpuraria conversa est ad fidem, & baptizata est cum domo sua, dicit autem textus, *cujus Dominus aperuit cor intendere his quae dicebantur a Paulo*. In cap. vero 13. 46. praedicantibus Paulo & Barnaba Antiochiae Pisidiae coram innumera multitudine Judaeorum & Gentilium, cum proluxa illa oratione, qua distincte narrarunt omnia beneficia a Deo collata Judaeis, ex quo eos eduxit usque tunc, sic eis exprobarunt; *Vobis oportebat primum loqui verbum Dei: At quoniam repellitis illud, & indignos vos judicatis aeterna vita, ecce convertimur ad gentes &c.* & paulo post. *Audientes autem gentes gaudio sunt, & glorificabant verbum Domini, & crederunt quotquot erant*

erant præordinati ad vitam æternam. Ecce quomodo Gratia illa vocationis divinæ, effectum conversionis habuit in quibusdam gentilibus qui tunc conversi sunt, non vero in aliis, nec in turba Judæorum.

Probari tandem potest ex communi sensu omnium Theologorum Scholasticorum, incipiendo a S. Augustino, qui licet hoc vocabulo gratiæ efficiens non utatur (& sit Phrasis modernorum, incipiendo forte a Sententiarum Magistro, vel alio anteriore) tamen S. Augustinus significatum ejus, nempe quod ponat effectum in esse, in omnibus suis tractatibus frequenter explicat, dum docet aliquem ita vocari, ut respondeat & exequatur; alium vero non ita vocari, ut respondeat ac exequatur. In libro enim de bono Perseverantiæ cap. 9. ait: *Ex duobus etate gravioribus impiis, cum ille ita vocetur, ut vocantem sequatur; ille autem, aut non vocetur, aut non ita vocetur, inscrutabilia sunt judicia Dei; ex duobus autem piis, cur huic datur perseverantia usque in finem, illi autem non donetur, inscrutabilia sunt judicia Dei.*

In libro 1. Retractionum. cap. 18. inquit: *Sed parum de ipsa vocatione differui, quæ fit secundum propositum Dei. Non enim omnium qui vocantur talis est, sed electorum tantum.*

In libro de Correptione & Gratia cap. 7. de prædestinatis dicit: *Non est dubium quod & procuratur eis audiendum Evangelium; & cum audiant, credunt, & in fide quæ per dilectionem operatur usque in finem perseverant; & si aliquando exorbitant, correpti emendantur; & quidam eorum, qui ab hominibus non corripiantur, in viam redeunt; & post aliqua ad idem, subdit: Aut si qui deficiunt, reparantur antequam vita ista finiatur &c. & alia plura in suo loco adducenda: ergo per S. Augustinum datur gratia efficax; immo, ut verum fateor, si eum capio, in omnibus suis scriptis fere semper de hac loquitur.*

Dico 2. Gratia efficax non est diversa ab adjuvante.

Probat: Ex communi sensu Doctorum dicitur efficax gratia, quæ habet secum conjunctum effectum a Deo inspiratum; sed hoc præstat gratia adjuvans ut fiat, ex modo dictis; ideo enim est & dicitur *Adjuvans*, quia juvat voluntatem ad faciendum opera, quæ ipsa sine illa nec faceret, nec facere potest; igitur eadem dicitur adjuvans & efficiens seu efficax.

Probat 2. in Sacra Scriptura bistantum, ut patuit, efficaciam vocabulum invenimus, sed sapissime vocabulum adjutorii ac auxilii, & hoc petebant Sancti a Deo, & præsertim David, ut hucusque patuit: at petebat virtutem, seu formam illam quæ bona opera facere posset ac faceret. Hæc autem est gratia efficax: ergo diversa sunt nomina *efficax* & *adjuvans* ut fiat; una autem res.

Confirmatur: Concilium Arausicanum II. anno 529. celebratum pro materia de Gratia & libero arbitrio sub Felice IV. in omnibus illis 25. Canonibus gratiam ad opera exercenda *ut oportet* necessariam, nunquam vocat nomine *efficacis*, sed in 6. 9. & 10. can. vocat *Adjuvatorium*: igitur hæc appellatio tunc erat in usu, idemque significat ac *efficax*, sic communiter nunc dicta. Nam istud Concilium definit in dictis locis, quod ad resurgendum a peccato, & ad bene operandum necessarium est divinum *Adjuvatorium*: eodem modo loquitur *Celestinus I. epist. 1. cap. 4. & Innoc. I. epist. 24. & 25.* igitur eadem est adjuvans ut fiat, ac efficax.

Confirmatur 2. Concilium Tridentinum in sess. 6. cap. 5. ac 6. & can. 3. quibus in locis de dispositione ad justificationem dogmatice loquitur, de gratia præveniente seu excitante atque adjuvante, per quam dispositio perficitur, verba facit; nunquam nominans *efficacem*; igitur signum est pro eadem sumi adjuvantem atque *efficacem*.

Sanctus Augustinus Doctor, ac Magister gratiæ in Ecclesia Dei, utitur quidem æquipollentibus vocabulis, quibus significat gratiam, effectum in re ponentem, vocans eam victricem, liberatricem, cooperantem libero arbitrio, dantem vires efficacissimas, & se habentem ad liberum arbitrium tamquam fessor ad jumentum, facientem velle ac perficere (ut de natura efficaciam unde proveniat in suo loco dicemus) at non appellat, ut videre potui, hoc puro nomine *efficacem*, sed modo *Adjuvantem*, modo *Adjuvatorium*, modo *Auxilium* faciens operari, modo *sine quo*, modo *quo*, modo gratiam *medicinalem*, modo gratiam *sanantem*, & aliis similibus epithetis, juxta pluralitatem effectuum quos causat in anima; semper tamen vocabula illa significant efficientiam aliquam in suo ordine; immo interdum vocat eam *efficitricem bonæ voluntatis*, præsertim in lib. 1. ad Simplicianum, *quæst. 2.* post medium. Quapropter omnes Theologi unanimiter agnoscunt gratiam efficacem, & eam talem dicunt quæ habet annexum principalem effectum, v. gr. si inspiratur actus fidei, poenitentiae, &c. si hic effectus sequitur, seu ponitur in esse, gratia illa dicitur, estque efficax: si non sequitur, dicitur; estque inefficax & vulgariter dici solet *Sufficiens*. At unde habeat quod sit efficax, id est habeat annexum effectum, num ex sua intrinseca natura, num ex voluntate illius cui datur, quasi de se sit indifferens, & homo cui datur ex suo consensu illam reddat efficacem, vel potius ipsa gratia faciat consentire, altioris indaginis est, & in proprio loco discutietur. Sufficiat nunc scire vocabula, & aliquas alias proprietates divinæ gratiæ ad opera bona exercendo necessaria.

§. II. An detur, & qua, qualisque sit Gratia non efficax, communiter dicta *sufficiens*.

Adverte 1. Quod antequam de proprietatibus alicujus rei disseratur, prius firmandum est quid sub nomine talis rei intelligitur. Cum ergo inter Theologos maxima fuerit, & penes quosdam adhuc adsit controversia, an detur gratia quaedam dicta *sufficiens*, & quinam sit effectus ac finis ejus; firmandum est prius quidem nomine gratiae *sufficiens* intelligatur, quamvis plures Theologi de illa multa scripserint.

Adverte 2. quod verbum *Sufficio*, tam apud Grammaticos, quam apud Scriptores prophanos, immo & sacros significat verbum impositum ad ostendendum aliquid idoneum & aptum ad ponendum effectum aliquem inesse reali; & significat idem ac *satis est ad faciendum*. Ideoque saepe cum aliis viris doctis miratus sum, cur Theologi moderni gratiam illam divinam, qua homo vocatur, excitatur, illuminatur & inspiratur ad bonum faciendum, & effectum non obtinet, vocare ceperunt *sufficientem*, ad distinctionem efficacis, quae semper habet annexum effectum, cum satis non sit ad eum ponendum, sicut efficax quae in rigore dici deberet *sufficiens*. At nolo nunc etymologiam vocabuli investigare, quod postea exequar: sed supponendo quod gratia quaedam sic dicatur, quia effectum principalem annexum non habet, licet det posse ad illum; quæro an detur, & quid proficit.

Adverte 3. Quod, cum Deus ex sua benignitate præveniat aliquem, sive infidelem, excitando, illuminando & inspirando ut veniat ad fidem; sive fidelem lapsam, ut veniat ad poenitentiam; sive fidelem justum ut faciat opera præcepti, aut consilii: dum in his excitationibus sunt consideranda; unum est ipsa passiva excitatio, illuminatio & inspiratio, quas Deus solus causat in nobis sine nobis, quæ recipiuntur in intellectu & voluntate, & isti effectus semper a solo Deo efficiuntur; & sic semper gratia excitans, quoad hos effectus illuminandi & inspirandi, est efficax. Alterum autem quod considerandum venit, est ipsum opus de quo fit excitatio seu illuminatio & inspiratio, ut in propositis exemplis, pro infideli, fides; pro baptizato peccatore, poenitentia; pro fidei justo, observantia præcepti, vel consilii, vel operum supererogationis: Ista autem appello opera principalia, quia ad hac ordinantur excitationes. Hac autem opera non semper ponuntur in esse ab excitatis. Unde autem hoc proveniat postea dicetur.

Adverte 4. & recolo quod dixi in cap. 2. de Gratia excitante cum S. Augustino, estque fundamentum, uedum hujus, sed multarum hujus materiae conclusionum, quo spe-

to in varios errores labi necesse est; nempe, quod cum Deus per seipsum externe homines hortatur ad bonum operandum, vel per Angelos, vel per Prophetas, Apostolos, aliosve Missionarios, vel Concionatores, semper interne etiam loquitur illuminans & inspirans ad cognoscendum & volendum id quod externe auditur; alias frustranea esset externa doctrina seu locutio, essetque gratia Pelagiana. Audiamus Augustinum tractatu 3. in epistolam 1. Joannis super illud. *Unctio spiritus docet vos*, ait: *Videte fratres magnum Sacramentum. Sonus verborum nostrorum aures percutit, Magister intus est. Et non sit intus qui doceat, inanis est strepitus noster: & post aliqua: Magisteria forissecus adjutoria quaedam sunt & admonitiones; Cathedram in Cælo habet, qui corda docet propterea dicit in Evangelio, nolite vobis Magistrum dicere in terra. Unus Magister est Christus. Ipse vobis ergo intus loquitur, quando nemo hominum illic est: & infra. Interior est Magister qui docet. Christus docet, inspiratio illius docet. Ubi illius inspiratio & unctio non est: forissecus inanimiter præstebunt verba: & assignat exemplum de Agricola qui arborem irrigat, sed nec dat ei incrementum, nec ipse poma producit; ideo dicit Apostolus, Ego plantavi, Apollo rigavit, Deus autem incrementum dedit: ideo cum Deus Prophetæ, Apostoli, Christus ipse forissecus locutus est, cum non inaniter verba protulerit, intrinsecus quoque locutus est; & tamen non omnes, quibus locutus est verbis ac factis, crediderunt, vel a malo recesserunt. His positis.*

Dico. Datur gratia non efficax vulgo dicta *sufficiens*, quæ non habet annexum effectum principalem pro quo datur, & ei gratiæ resistitur.

Probatur facile ex Sacra Scriptura Veteris Testamenti. Prov. 1. 24. ubi Deus sic loquitur: *Convertimini ad correptionem meam: en proferam vobis spiritum meum & ostendam vobis verba mea. Quia vocavi & renuistis, extendi manum meam, & non fuit qui aspiceret. Desperistis omne consilium meum, & increpationes meas neglexistis: ego quoque in interitu vestro videbo, & subsannabo, cum vobis id quod timebatis advenerit.* Deus autem non inaniter foris tantum perstrepat, sed intus etiam loquitur, & tamen populi ad quos loquebatur, non parebant: ergo.

Confirmatur Itaque 1. 2. Deus conqueritur de inobedientia populi Judaici: *Miseramini mihi & exaltavi; ipsi autem spreverunt me. Cognovit hoc possessorem suum, & asinus præsepe Domini sui; Israel autem me non cognovit, & populus meus non intellexit; & infra idem Dominus hortatur ad recedendum a malo, & accedendum ad ipsum. Lavamini, mundi estote; auferite malum cogitationem vestram ab oculis meis: quiescite agere perverse, &c.*

venica

venite & arguite me. Deus autem non in-
ter loquitur solum extra sed illuminat &
inspirat intus; & tamen populus a malo
Idololatria non avertetur; & Achaz tunc
pessimus rex fuit; & tandem Manasses im-
pius, a quo Propheta per medium sceleris
occisus est: isti ergo noluerunt ab Idolola-
tria recedere.

Confirmatur 2. Conqueritur Deus per Da-
vid Psal. 94 *Quadragesima annis proximus fui
generationi huic, & dixi semper hi errant cor-
de. Insi vero non cognoverunt vias meas, &c.*
Deus autem non frustra foris tantum loqui-
tur, ait Augustinus ubi supra, sed intus;
& tamen populus *nolet intelligere, ut bene
ageret.*

Confirmatur tandem ex toto Veteri Testa-
mento & praesertim ex Prophetis libris:
Per Prophetas enim omnes, Deus locutus
est ad populum; nec inaniter & frustra ex-
terius tantum per verborum strepitum, quia
agebatur de abolenda Idololatria, ut patet
de Ahia cum Jeroboam, de Elia cum Achab;
& sic de aliis Prophetis cum Regibus Sa-
mariae seu Israel, & cum Regibus Juda seu
Jerusalem. His enim Prophetis foris in-
stantibus, Deus intus loquebatur illuminan-
do ac inspirando, ut ab Idololatria recede-
rent, & tamen conversiones ad quas excita-
bantur reges, & populi non sunt semper
securae, nisi in paucis regibus Juda, Eze-
chia, Josia, &c. in nullo autem Samariae
seu Israel: ergo in omnibus non fuit efficax
gratia. Datur ergo ista gratia interior non
efficax, cui resistitur.

Probatur 2. clarius ex Novo Testamento.
Christus qui venerat peccatores salvos facere,
ut ipse testatus est qui dixit *se missum ad
filios Israel*, fere menses 40. praedicavit fi-
liis Israel, & quod praedicabat, factis ac
miraculis confirmabat: nec frustra ac inani-
ter foris tantum & per sensibiles voces lo-
quebatur: sed intus illuminando & inspi-
rando: & tamen valde pauci tunc conversi
sunt. Ideo conquerebatur, *Jerusalem, Jeru-
salem, quoties volui congregare filios tuos, quomodo-
modum gallina congregat pullos suos sub
alio, & noluit.*

Confirmatur ex facto Apostolorum. Act. 2.
post Christi Ascensionem in Caelum, cum in
die Pentecostes accidit miraculum illud gran-
de, ut linguae ignis apparerent in capiti-
bus Apostolorum: & omnes duodecim (ele-
cto Matthia) loquerentur variis linguis ma-
gnalia Dei, & Petrus declarante mysterium,
quod nempe in Christi virtute hoc factum
esset: quamvis maxima, ratione festi, ex to-
ta Paletina adesset multitudo, tria millia
hominum tantummodo conversi sunt, & ta-
men in aliorum etiam cordium facta est
Spiritus Sancti allocutio: ergo in his non
conversis, gratia fuit illuminans tantum &

Juvenis Instit. Theol. Tom. III.

inspirans, non autem adjuvans & efficax:
idem dicendum de omnibus aliis eorum pra-
dicationibus in quibus vel pauci vel nemo
quandoque conversus est.

Confirmatur 2. ex Act. 7. Postquam S. Ste-
phanus prolixam illam fecit concionem in
Synagoga, referens omnia beneficia a Deo
collata populo, incipiendo ab Abraham &
prosequendo usque ad illud tempus, praedi-
cans Christum esse Jesum, & impropere
eis obstinationem continuam in credendo,
ait: *Dura cervice, & incircumcisi cordibus,
& auribus vos semper Spiritui Sancto resisti-
tis, sicut Patres vestri, ita & vos, &c.* igitur
admittenda est gratia cui resistitur; &
utinam non resisteremus omnibus Dei voca-
tionibus; omnes namque salvaremur.

Confirmatur 3. Ex 2. Cor. 6. 1. *exhortamur
ne in vacuum gratiam Dei recipitis.* Glossa
Lyrani ait: gratiam, quae datur *ad bene
vivendum in praesenti vita, & ad consequendam
gloriam in futuro.* Propter quod hanc *affertum
non consequitur, si in vacuum recipitur, sicut
medicina, ad quam sanitas non sequitur.* Hæc
Lyrannus.

Anselmus in eum locum ait: *In vacuum
gratiam Dei recipit, qui cum ea non laborat,
nec ei suum studium adjungit, quique per de-
sidium facit ut gratia in ipso sit otiosa, dum
eam bonis expellere operibus non sinit.* Sic
Anselmus.

Contrarium vero de se dicit Paulus 1.
Cor. 15. 10. *Gratia Dei sum id quod sum,
& gratia ejus in me vacua non fuit; sed abun-
dantius iis omnibus laboravi, non ego autem,
sed gratia Dei mecum.* Glossa Lyrani, *vacua
non fuit, inquit, id est carens operibus: ergo
in aliquibus datur gratia in vacuum recepta,
ad quam scilicet, non sequitur opus
bonum propter quod datur.*

Confirmatur 4. Ex Rom. 10. 16. *Sed non
omnes obediunt Evangelio: Isaias enim dicit,
Domine quis credidit auditui nostro?* At pro-
mulgatio Evangelii facta est cum interna
etiam Dei locutione, alioquin frustra, &
supervacanea, ut ex Augustino diximus, per-
strepuissent verba Evangelizantium in exter-
ternis auribus, nisi etiam interne Deus il-
luminasset ac inspirasset quod Evangelizantes
docebant.

Confirmatur 5. Ex Apocalyp. 3. 20. *Ego
sto ad ostium & pulso; si quis audierit vocem
meam & aperuerit mihi januam intrabo ad il-
lum, & cenabo cum illo & ille mecum.* At
certum est quod non omnes aperiunt: ergo.

Probatur 3. Ex Concilio Tridentino sess. 6.
c. 5. ubi loquens de Gratia ad dispositionem
justificationis requisita, praeter ceteris hæc ha-
bet: *eidem gratia libere assentiendo & co-
operando disponuntur; ita ut tangente Deo
cor hominis per Spiritus Sancti illuminatio-
nem, neque homo ipse nihil omnino, agat*

inpirationem illam recipiens, quippe qui illam oblectere potest: & in can. 4. habetur: *Si quis dixerit liberum hominis arbitrium a Deo motum & excitatum nihil cooperari assensu Deo excitanti & vocanti, quo ad obtinendam justificationis gratiam se disponat ac praeparet, neque posse dissentire, si velit; sed veluti inanimo quoddam nihil omnino agere, necque passivo se habere, anathema sit.* Ergo ex Concilio datur gratia cui homo potest dissentire; & sic non habere effectum principalem, ad quem datur.

Confirmatur ex duplici Constitutione, Innocentii scilicet Decimi, & Alexandri Septimi, qui damnantur quinque propositiones Jansenii, ut haereticæ, quarum secunda est: *Interiori gratiae numquam resistitur.* Ergo datur gratia cui resistitur, ne effectum suum principalem, ad quem datur, obtineat.

Confirmatur ex praxi totius Ecclesiae in correptione & reprehensione fidelium, quod Dei non observent, & quod divinis inspirationibus non respondeant. Isti non essent corripiendi, nec reprehendendi si gratiam aliquam non haberent, per quam possent ea facere. Sicut non potest reprehendi claudus, vel alio modo impotens, si non ambulat. Neque caecus reprehendi potest, si recta via non gradiatur.

Confirmatur 4. Ex alia praxi Ecclesiae circa praedicationem Evangelii inter infideles: frustra enim Missionarios ad infideles mitteret, nisi persuasum haberet quod dum illi Evangelizant foris ad aures infidelium, Deus per illuminationem intellectus & inspirationem voluntatis Evangelizat intus; quia nisi crederet sic fieri, frustra mitteret Praedicatores; & infideles non essent arguendi, si verbum Dei non reciperent; quia carerent supernaturali lumine, quo disponderentur ad illud recipiendum. Unde ex hoc capite merito Paulus Antiochiae Pisidiae, cum prolixam concionem habuisset ad Judaeos, videns quod nullus eorum ibi converteretur, immo omnes ei contradicerent, zelo repletus dixit: *Vobis oportebat primum loqui verbum Dei; sed quoniam repellit illud, & indignus vos iudicatis aeterna vita, ecce convertimur ad gentes; sic enim praecepit nobis Dominus; posui te in lucem Gentium. Audientes autem Gentes gavisa sunt, & glorificabant Verbum Domini; & crederunt quotquot erant praedesignati ad vitam aeternam.* Quomodo autem potuisset reprehendere Judaeos, quod Verbum Domini non reciperent, si principium nullum supernaturale, ad posse saltem recipere, non habuissent; cum ipsemet Paulus 1. Cor. 3. 5. doceat, non sumus sufficientes cogitare aliquid a nobis, quasi ex nobis, sed omnis sufficientia nostra ex Deo est: adfuit ergo in Judaeis illis oburgatis illuminatio & inspiratio, quibus non consenserunt. Unde autem tam in iis,

quam in aliis proveniat quod gratiam adjuvantem seu efficacem ad consentiendum necessariam non habuerunt & non habeant, an ex decretis reprobationis, vel aliunde, in suo loco dicetur.

At quoniam aliqui moderni, nescio quo fundamento imponunt Sancto Augustino quod non admittant ullam gratiam, cui voluntas dissentiat & resistat ne affectus principalis sequatur; sed quod per eum omnis gratia sit efficax, id est conjuncta sit cum suo principali effectu ad quem datur, libet mihi eum vindicare ab hac injuria; ideo aliqua ejus loca in medium afferam, quae clare demonstrant, quod hanc etiam agnoverit & asseruerit.

Primum ergo Augustini dictum desumitur ex libro de bono Perseverantiae cap. 9. ubi ait: *Ex duobus atate grandibus impiis, cur iste ita vocetur ut vocantem sequatur; ille autem, aut non vocetur, aut non ita vocetur; insensibilia sunt iudicia Dei: ex duobus autem piis cur unus detur perseverantia usque in finem, illi autem non donetur, incomprehensibilia sunt iudicia Dei.* Ex prima igitur propositione per Augustinum datur gratia vocationis, quam vocatus non sequitur.

Secundum desumitur ex libro de Spiritu & Littera cap. 12. ubi habetur quod *Gentibus animo occurrebat ut quaerent, unde habere poterant cognitionem veritatis; sed cum cognovissent, non coluerunt, sed evanuerunt in operationibus suis: igitur gratiam illuminationis ac inspirationis secuti non sunt, nec modo sequuntur, dum audiunt concionatores.*

Tertium desumitur ex libro 1. ad Simplicianum quaest. 2. inter medium, ubi cum dixisset quod gratia vocationis est effectrix bonae voluntatis, movet difficilem quaestionem, quomodo concilientur duo illa dicta, ambo de fide tenenda, *multi sunt vocati, pauci vero electi, Matth. 20. cum illo, non volentis, neque currentis, sed Dei est misericordis, Rom. 9. & refert primo opinionem quae dicere posset (sicut hodie a quibusdam asseritur,) quod quamvis multi uno modo vocati sint, illi soli sequuntur vocationem, qui ei capiendi reperiuntur idonei, & illud non minus verum sit: Igitur non volentis, neque currentis, sed misericordis est Dei, qui hoc modo vocavit, quomodo aptum erat eis qui secuti sunt vocationem. Ad alios autem vocatio quiaem pervenit, sed quia talis fuit, qua moveri non possent, nec eam capere apti essent, vocati quidem dicti perierunt, sed non electi. Hunc dicendi modum impugnare videtur Augustinus inquit: Igitur non misericordis est Dei, sed volentis atque currentis est hominis, quoniam non potest effectus misericordiae Dei esse in hominis potestate, ut frustra ille misereatur, si homo nolit, quia si vellet etiam ipsorum miseri, posset ita vocare, quomodo illis aptum esset*

esset ut & monerentur & intelligerent & sequerentur: deinde ad rem nostram dicit: Verum est ergo, multi vocati, pauci vero electi. Illi enim electi, qui congruenter vocati: illi autem qui non congruebant, neque contempnabantur vocationi, non electi, quia non secuti, quamvis vocati. Item verum est non volentes, neque currentes, sed miserentis est Dei: quia etiam si multos vocet, eorum tamen miseretur, quos ita vocat, quomodo eis vocari aptum est, ut sequantur: Igitur per Augustinum omnes vocati, non electi, gratiam vocationis inefficacem, & sine principali affectu habent.

Deinde adducit exempla de utrisque vocatis, scilicet sequentibus vocantem, & non sequentibus, etiam visis post vocationem miraculis.

De Simeone Lucæ 2. credente in Christum infantem ex simplici revelatione. De Nathanaele. Joannis 1. qui ad simplex Christi dictum, Priusquam Philippus vocaret te vidite sub ficu, credidit confitendo, tu es Christus filius Dei, tu es Rex Israel. Quod tanto post, quia confessus est Petrus Matthæi 16. meruit audire quod Beatus esset, & quod ei darentur claves Regni Cælorum. Miraculo facto in Cana Galilæe de aqua in vinum conversa, crediderunt in eum Discipuli ejus. Multos loquendo Christus invitavit ad fidem; multi nec suscitatis mortuis crediderunt. De Cruce atque morte ejus conterriti etiam Discipuli titubarunt, & tamen lauro tunc credidit, cum eum non præstantiorem videret in operibus, sed consortio crucis æqualem. Unus etiam de numero Discipulorum post ejus resurrectionem, non tam viventibus membris, quam recentibus cicatricibus credidit: multi ex eorum numero a quibus crucifixus est, qui videntes eum miracula facientem contempserunt, Discipulis eum predicantibus & in nomine ejus talia facientibus crediderunt & concludit. Cum ergo alius sic, alius autem sic moveatur ad fidem, eademque res sæpe alio modo dicta moveat, alio vero modo dicta non moveat, aliumque moveat, alium non moveat; quis audeat dicere defuisse modum vocandi, quo etiam Esau ad eam fidem mentem applicaret, voluntatemque conjungeret, in qua Jacob iustificatus est. Quod si tanta quoque potest esse obstinatio voluntatis, ut contra omnes modos vocationis obdurescat mens aversio, queritur utrum de divina pena sit ipsa duritia? Et probat, quod sit, per eundem Apostolum Rom. 9. exemplo Pharaonis: itaque aperte ex Augustino habemus quod datur gratia vocationis, cui voluntas humana resistit, & est sine effectu.

§. III. An detur, & quid sit Gratia Sanans seu Medicinalis.

Adverte 1. Quod ex diversis effectibus, quos in anima producit gratia actualis, tam

adjuvans quam proveniens, sortitur diversa nomina, quorum hæc duo *Sanans* & *Medicinalis*, ratione infirmitatis humanæ in ordine ad sancte operandum, sive respectu justificationis adquirendæ, sive respectu aliorum bonorum operum ipsiusmet justificati, sunt apprimè congrui; quia ad ea faciendâ infinitatem liberi arbitri sanat, ipsumque principaliter juvat ut ea efficiat.

Adverte 2. Quod ex peccato Adæ liberum arbitrium quamvis extinctum non fuerit, sicut somniabat Calvinus, fuit tamen valde attenuatum ac debilitatum, tam in eodem Adamo, quam in omnibus nobis posteris. Sic definit Concilium Trident. sess. 6. cap. 1. his verbis: *tamen in eis liberum arbitrium minime extinctum esset, viribus licet attenuatum & infirmum*; quod ante mille annos definierat Concil. Arauc. II. can. 13. & ante istud definierat Concil. Diospolitanum quatuordecim Episcoporum anno Domini 415. Hanc autem infirmitatem ad bene operandum, ut dicemus in capite de necessitate gratiæ, medetur Deus ex merito Christi per actualem gratiam elevantem liberum arbitrium ad ordinem operandum supernaturaliter, & adjuvantem illud ut possit facere & faciat ineluctabiliter, ut in suo loco dicetur.

Dico ergo, datur gratia dicta *Medicinalis* seu *sanans*, estque eadem ac præveniens & adjuvans; ab effectu tantum medendi seu sanandi liberum arbitrium sic appellata.

Probatur prima pars de nomine sanantis spiritualiter, sive habitualiter, sive actualiter: est enim valde usitatum in Sacro Textu. Ps. 6. *Sana me Domine, quia conturbata sunt ossa mea*. Psal. 29. *Clamavi ad te, & sanasti me*. Psal. 40. *Sana animam meam, quia peccavi tibi*. Psal. 105. *Misisti verbum suum, & sanavit eos*: & Psal. 146. *qui sanat contritos corde*. Proverb. 28. 25. *Qui sperat in Deo, sanabitur*. Sap. 16. 10. *Misericordia enim tua adveniens sanabat illos*. Et v. 11. *Taus sermo, Domine, qui sanat omnia*. Isaïa 6. 10. *Ne forte convertatur, & sanem eum*. cap. 11. 5. de Christo prædicitur; *Livore ejus sanati sumus*. Jeremias in cap. 17. 14. petit a Deo, *Sana me Domine, & sanabor*: cap. 51. 9. *Curavimus Babylonem & non est sanata, derelinquamus eam*: & alia plura suppetunt loca, in quibus actio illa qua Deus aliquem a peccato liberat, & iustificat, vel ad justificationem disponit, vel ad alia opera bona faciendâ idoneum facit, & adjuvat ut faciat, dicitur *sanatio*; quia revera ad ea faciendâ homo infirmus est; & sic forma illa seu gratia, per quam idoneitatem illam facit & sanat, dici debet *sanans*, sicut effectus ejus, dicitur spiritualis sanitas, paritate deducta a forma sanante, a sanatione & sanitate corporis.

De alio vocabulo *Medicinali* est eadem ratio, quia remedium afferens sanitatem, dicitur medicina seu medela: & ita gratia illa quæ animam infirmam sanat, elevando eam ad ordinem operandi supernaturaliter, sive disponendo ad justificationem, sive adjuvando justificatum ad opera bona & meritoria exercenda, quæ de se nullo modo faceret vel facere posset anima, medicina spiritalis ac supernaturalis est, sanitatem illam producens: aliqua etiam de hoc vocabulo habemus exempla in Sacro Textu. Prov. 6. 15. de homine perverso consuetudinario, multisque peccatis onusto dicitur; *huic exemplo venit perditio sua, & subito conteretur, nec habebit ultra medicinam.*

S. Augustinus de Gratia medicinali sanante liberum arbitrium infirmum, pluries loquitur: In libro 2. de peccatorum meritis, ait: *In libero arbitrio secutum est ex debita iusta pena (id est peccati Ada) tale vitium, ut jam molestum ei sit obedire iustitiæ. Quod vitium nisi adjuvante gratia superetur, ad iustitiam nemo convertitur, nisi operante gratia sanetur.*

In libro 1. ad Simplicianum quæst. 1. multa dicit de lege & gratia, ponens inter eas differentiam, inquires: *Legem ad hoc datam esse, non ut peccatum infereretur, aut extirparetur (concupiscentia) sed ut demonstraretur. Unde apparet, per legem, concupiscentiam non esse instam, sed demonstratam.* Et postea: *Data est ergo lex, ut agrum de morbo convinceret, qui sibi sanus videbatur, ut peccata demonstrarentur, non ut auferrentur: & plura centies hunc legis divinæ effectum declarat. Sed in homil. 50. declarat effectum legis & gratiæ: Optime autem sequitur & dicit: Etenim benedictionem dabis, qui legem dedit; ad hoc enim lex data est ut vulnera ostenderet peccatorum, quæ gratia benedictio sanaret. Ad hoc lex data est, ut superbo infirmitatem suam notam faceret, infirmo paenitentiam suaderet. Ad hoc etiam lex data est, ut diceremus in convallibus plorationis: Video aliam legem in membris meis repugnantem legi mentis meæ, & captivantem me in lege peccati, quæ est in membris meis; & cum ipso ploratu clamarem, Infelix homo, quis me liberabit de corpore mortis huius? Gratia Dei per Iesum Christum.*

In libro de Natura & Gratia cap. 53. ait: *Ecce quod vitium natura humana inobedientia voluntatis infixit. Orare finatur, ut sanetur. Quid tantum de natura possibilitate presumitur? vulnerata, sauciata, vexata, perditæ est; vera confessione, non falsa defensione opus habet. Gratia ergo Dei, non qua instituitur, sed qua restituatur queratur: & in cap. 54. ait. Sed contraria est spiritui caro; ut non ea qua volumus faciamus; vitium est, non natura: gratia medicinalis queratur, & controversa finatur.*

In p. 64. inquit: *Agitur de gratia Dei, qua sanatur natura per medicum Christum, qui non indigeret, si sana esset, quæ ab ipso tanquam sano, vel tanquam sibi sufficiente voluntatis arbitrio, posse non peccare defenditur. Et post aliqua. De gratia Dei agitur, quæ nobis per mediatorem medicinæ opitulatur. Et infra loquens de Pelagio Gratia adversario, dicit: Ita & exhortatus sum, quantum potui, ad recte vivendum, & gratiam Dei non evacuavi, sine qua natura humana jam contenebrata, & vitata illuminari non potest & sanari.*

In libro de Perfectione iustitiæ cap. 2. loquitur de cæcitate intellectus, & de infirmitate voluntatis, & de necessitate gratiæ ad utrumque morbum sanandum, dicens: *Natura in tantum sana non est, in quantum id quod faciendum est, aut cæcitate non videt, aut infirmitate non implet, dum caro concupiscit adversus spiritum, & spiritus adversus carnem, ut non ea quæ vult homo faciat.*

De iisdem morbis humanæ naturæ, & de necessitate sanationis per gratiam, ut possit bene ut oportet operari, loquitur idem Sanctus in libro 2. de peccatorum meritis cap. 17. *Nolunt homines facere quod iustum est, sive quia latet quod iustum sit, sive quia non delectat. Tantum quidquam vehementius volumus, quanto certius, quam bonum sit novimus, eoque delectamur ardentius. Ignorantia & infirmitas vitia sunt, quæ impediunt voluntatem, ne moveatur ad faciendum opus bonum, vel ab opere malo abstinendum. Ut autem innotescat quod latebat, & suave fiat quod non delectabat, gratia Dei est, quæ hominum adjuvat voluntates.*

Dico 2. Gratia sanans seu medicinalis eadem est ac adjuvans seu efficax, & ratione diversorum respectuum diversa hæc sortitur nomina.

Probatur ex modo dictis. Nam & ex Sacra Scriptura & ex S. Augustino gratia quatenus respicit subiectum infirmum, id est, naturam debilitatam ac languidam, impotentem opus bonum facere, & eam medetur, erigit ac sanat, dicitur medicinalis & sanans; quatenus auxilium præstat, ut simul cum natura possit facere & facit, dicitur adjuvans; quatenus simul cum ea ponit opus bonum in re, dicitur efficax: & ex præfatis Augustini locis, patet quod eandem gratiam dicit sanare naturam, eamque adjuvare & cum ea operari.

Probatur ex S. Augustino ferm. 13. de Verbis Apostoli cap. 11. ubi loquens de Gratia qua liberam arbitriam agitur ut bene operetur juxta dictum Apostoli Rom. 8. *Qui spiritui Dei aguntur, si sunt filii Dei, quæ est gratia efficax & sanans, ait: & agis, & ageris; & tunc bene agis, si a bono ageris. Spiritus enim Dei qui te agit, agentibus adiutor est. Ipsum nomen adiutoris præscribit ubi,*

sibi, quia & tu ipse aliquid agis: & de his ipsa gratia adjuvante loquens in libro de Spiritu & littera cap. 3. dicit eam sanare liberum arbitrium, & alia bona facere: *Fis per gratiam sanatio animae, abolitio peccati; per animae sanitatem libertas arbitrii; per liberum arbitrium iustitia dilectio; per iustitiam dilectionem legis operatio, &c. Na liberum arbitrium per Dei gratiam non evacuatur, sed statuitur, quia gratia sanat voluntatem, qua iustitia libere diligitur.*

Idem sanctus in lib. 2. de peccatorum meritis cap. 19. de utroque gratiae efficacis effectui loquitur. *Quod vitium (id est impotentia ad bene operandum) nisi adjuvante gratia superaretur, ad iustitiam nemo convertitur; nisi operante gratia sanetur, iustitia pace nemo perfruitur.* Eadem ergo gratia efficax, id est, quae facit operari bonum, abstinere a malo, & disponit ad iustitiam, dicitur *adjuvans, medicinalis, sanans, efficax, & in phrasi Augustini gratia qua, & simul sine qua, ut infra.*

M O N I T U M

Qua hic ponuntur sumimus ex Tom. I. Manualis Theologici Jacobi Boudart edit. Insulana ann. 1710. in tractatu V. de Deo Creatore & Redemptore, a pag. 124. ad 129.

De gratia Dei per redemptionem quae est in Christo Jesu.

§. Quid est Gratia & quotuplex?

Resp. Gratia est beneficium Divinum naturae superadditum ipsique indebitum. Aliquando vero sumitur tam generaliter, ut comprehendat omne beneficium Dei etiam naturale, & ita accepit S. Aug. in Psal. 144. in illud & iustitia tua exultabunt: attendamus inquit, Gratiam Dei, non solum qua fecit nos, verum etiam qua refecit, cui ergo debemus quia sumus, illi debemus quia iustificati sumus. Duplex est gratia, scilicet gratia data, & gratia gratum faciens. Gratia gratis data est donum supernaturale & indebitum ad aliorum salutem praecipue ordinatum, ut gratia sanctorum, miraculorum, linguarum, &c. de hac dicit Apost. 1. ad Cor. 12. *unusquisque datur manifestatio spiritus ad utilitatem, scilicet aliorum, ait S. Thom. q. 110. art. 1. ut probant ea quae mox sequuntur, quod scilicet Deus sic temperavit corpus ut non sit schisma in corpore, sed in id ipsum proximam sollicita sint membra.* Gratia gratum faciens est donum supernaturale indebitum ad propriam uniuscuiusque spiritualem salutem potissimum ordinatum, 2. ad Cor. 12. *sufficit ei*

*bi gratia mea, sicut enim duo genera virtutum sunt, quaedam privata & necessariae unicuique ubicumque vivat, ut temperantia, & continentia, quaedam vero communes, & necessariae in republica propter aliorum societatem, ut iustitia & liberalitas, ita etiam Deus in republica Christiana duo esse voluit genera adjumentorum, privatum, quo unusquisque sit bonus, & commune quo indigemus ad aliorum juvandam salutem. Licet vero gratia gratum faciens serviat etiam utilitati aliorum, scilicet quod alii videant opera nostra bona, & glorificent Patrem nostrum, qui in Caelis est, & gratia gratis data referatur etiam ad salutem propriam, quia dum per eam saluti proximi incumbimus, Deum nobis conciliamus & ab eo audire meremur, *Euge serve bone, & fidelis, &c.* tamen neque hoc, neque illud eis respective ex primario fine competit, sicut etiam finis ultimus gratiae gratis datae est salus sempiterna, licet per ea bona corporalia, ut est bona valetudo aegrotantis, interdum consequamur.*

Duplex autem est gratia gratum faciens, scilicet gratia habitualis seu iustificans, & gratia actualis, de qua hic breviter agetur, infra acturi de gratia iustificante in tract. de Merito.

De Gratia actuali.

§. Quid gratia actualis, & quotuplex?

Resp. Gratia actualis est Divinum auxilium quo Deus nos movet ad bene volendum & agendum, ut ait S. Thom. q. 111. art. 2. soletque distingui multiplex, scilicet gratia praeventiva, & subsequens, operans, & cooperans, excitans, & adjuvans. Istas autem gratias. S. Aug. & alii SS. P. distinxerunt occasione Pelagian., & Semipelagian. qui volebant nos saltem aliquo primo motu & conatu Dei gratiam praevenire, eamque subsequi: nos generosi pectoris stimulis ad primum velle bonum excitari, illud autem velle tamquam infirmum Deum juvare: nos operari primum motum bonum sine gratia Dei, ipsumque deinceps nobis cooperari. Contra ejusmodi hereticos S. Aug. & alii SS. P. gratiae, praeventivae, excitantis, & operantis necessitatem egregie tutati sunt & depraedicaverunt: non tamen ita, ut illae gratiae re differant, sed tantum consideratione, dicitur enim aliqua gratia praeventiva quatenus praevenit omnem bonum motum & primum conatum ex parte nostra. De gratia praeventiva & subsequente loquitur S. Aug. lib. 2. ad Bonif. cap. 9. his verbis: *Si enim sine illo nihil possumus facere, profectio nec incipere, nec perficere: quia ut incipiamus dictum est: misericordia ejus pra-*

veniet me, ut perficiamus dictum est, misericordia ejus subsequetur me. Eadem gratia preveniens dicitur excitans quatenus comparatur ad eum qui peccati mortifera dulcedine est contopitus, inmo Deo mortuus est: juxta illud ad Ephes. 5. surge qui dormis, & exurge a mortuis, & illuminabit te Christus: de qua re S. Aug. Conc. 1. in Psal. 58. tuum nihil aliud nisi natura, quam creasti: cetera mala mea, qua delevisi: non ego prior ad te exurrexi, sed tu ad me excitandum venisti; nam misericordia ejus preveniet me. Antequam aliquid boni ego faciam misericordia ejus preveniet me. Quid hic respondebit infelix Pelagius? & S. Bernard. lib. de grat. & lib. arb. conatus nostri & iusti sunt, si gratia non adjuvet, & nulli, si non excitentur. Eadem gratia excitans dicitur operans, quatenus sine nobis, id est sine ullo prævio motu bono qui ex nobis per vires naturæ, emergat, operatur in nobis, de hac loquitur S. Aug. lib. de grat. & lib. arb. cap. 17. ut ergo velimus sine nobis operatur, cum autem volumus, & sic volumus ut faciamus nobiscum cooperatur, tamen sine illo vel operante ut velimus, vel cooperante cum volumus ad bona pietatis opera non valeamus.

Fatendum tamen est quod SS. PP. non semper ita distinguant, quia aliquando gratia preveniens lunitur pro omni auxilio gratiæ hujus vitæ, & ita opponitur gratiæ subsequenti in altera vitæ, de qua dicit S. Aug. lib. de nat. & grat. cap. 3. prevenit ut pie vivamus, subsequitur ut cum illo semper vivamus. Similiter omnis gratia hoc ipso quo voluntatem tangit dicitur excitans, ut quando dicitur excita Domine tuorum fidelium voluntates, &c. Dom. 24. post Pent. omnis gratia dicitur cooperans quatenus consentum voluntatis non sola, sed simul concurrente voluntate operatur. Dicitur adjuvans, quatenus voluntati ex se infirmæ & insufficienti ad opus bonum vires confert: hinc generaliter in Litanis dicimus, exurge, Christe adjuva nos.

S. De Gratia efficaci & sufficiente.

Agnosendam esse gratiam efficacem manifeste probant Script. ut Psal. 16. persee gressus meos in semitis tuis, ut non moveantur vestigia mea. Ezech. 36. Spiritum meum ponam in medio vestri & faciam ut in præceptis meis ambuletis, & iudicia mea custoditis: ad Philip. 2. Deus est qui operatur in vobis velle & perficere pro bona voluntate: Hinc petimus a Deo in officio quotidiano: dirigere, sanctificare, regere, & gubernare dignare Domine hodie corda, & corpora nostra, sensus, sermones & actus nostros. S. Aug. passim in suis scriptis necessitatem ejus demon-

strat & Canon. 9. Concil. Araus. sic habet: Divini est muneris cum & recte cogitamus, & pedes nostros a falsitate & injustitia tenemus, quoties enim bona agimus, Deus in nobis atque nobiscum operatur. Quæ omnia probant dari gratiam efficacem & quidem ad singulos actus, ut definitum est in Synod. Diospol. in Palæstina, teste S. Aug. epist. 107. his verbis: hac est illa Pelagianorum mala male diffamata meritoque reprobata, & ab ipso etiam Pelagio timente damnari in Orientalium Episcoporum iudicio damnata sententia, quæ docuit gratiam Dei non ad singulos actus dari, sed in libera arbitrio esse, vel in lege atque doctrina. Quod vero ad gratiam sufficientem attinet: quidam volunt gratiam efficacem nihil esse aliud quam gratiam mere sufficientem quantum est ex parte Dei, quam voluntas creata pro libitu & nutu suo efficacem reddit: quæ doctrina teste Bellarm. tollit gratiam efficacem, propositumque, & prædeterminationem Dei in nudam præscientiam resolvit. Illi vero qui efficaciam gratiæ volunt consistere in quadam determinatione morali, & congruitate interioris vocationis quæ sit ut vocatus vocantem non respuat, relinquunt locum gratiæ sufficienti physice & realiter, quæ non sit efficax: sic tamen ut illa gratia sufficiens numquam exitura sit in actum, nisi addatur inspiratio & suasio interior ad illud moraliter determinans. Verum alii qui efficaciam gratiæ in omni statu ex generali conditione voluntatis creatæ constituunt in influxu determinativo ad bonum opus, consequenter negant dari gratiam vere sufficientem, id est talem, cui nihil desit ad operandum ex parte Dei, quæ non sit efficax: quamvis admittant gratiam sufficientem in certo genere & secundum quid, scilicet sufficientem ad posse: licet enim non sufficiat ad actualiter bene operandum, sufficit tamen ut quis per eam possit bene operari; sicut qui instructus est potentia visiva rite disposita, recte dicitur posse videre, licet ad actualiter videndum requiratur lumen. Sed magna est differentia inter potentiam visivam absente lumine, & gratiam, quæ in sui ratione includit carentiam prædeterminationis physice; quia alias esset gratia efficax, & non mere sufficiens. De qua latius infra.

S. In quo consistit illa gratia quæ dicitur efficax?

Rsp. **J**uxta S. Script. & S. Aug. consistit in quadam luce interiori & suavitate Celitus immissa. De illa luce dicitur, Dominus illuminatio mea, Psal. 26. illumina oculos meos, ne unquam obdormiam in morte; Psal. 12. estque illa lux quam videbat Tobias, quando cæcus oculi corporeis filio dabat

mau-

mandata vita, Tract. 13. in Joan. & quando timens injustitiam, clamabat propter badum, ne de furto esset. Serm. 18. in Matt. De suavitate vero dicitur a Psalmista, prout legit S. Aug. Dominus dabis suavitatem, & terra nostra dabis fructum suum, & S. Aug. Serm. 15. ille nisi prior det suavitatem, terra non habet nisi sterilitatem. De utraque S. Aug. Serm. 4. de verbis Apost. tunc disco, ait, ut faciam, & in suavitate tua doceat me. Ceterum quando blanditur iniquitas, & dulcis est, amara est veritas; in tua veritate doce me, ut suavis sit veritas, & dulcedine tua condemnatur iniquitas. Et lib. de Spir. & litt. cap. 3. & cum id quod agendum est ceperit non latere nisi etiam delectat & ametur, non cogitur, non suscipitur, non bene vivitur. Et Lib. 2. de peccat. merit. cap. 17. cum autem ab illo, inquit, adiutorium deprecamur ad faciendam, perficiendamve justitiam, quid aliud deprecamur, quam ut aperiat quod latebat & suave faciat, quod non delectabat, quia & hoc ab illo esse deprecandum, ejus gratia didicimus, dum antea lateret, ejus gratia dileximus, dum antea non delectaret. Porro illi suavis est efficax & victrix quando Deus facit plus delectare quod precipit quam delectet quod impedit, Cap. 28. lib. de Sp. & Litt. auget prohibitio desiderium operis illius quando justitia non sic diligitur, ut peccandi cupiditas ejus delectatione vincatur, ut autem diligatur, & delectet vera justitia, non nisi Divina subvenit gratia, ait S. Aug. Lib. 13. civit. cap. 5. quando ergo delectatio justitiae est major dilectione, & delectatione peccati & e converso, tunc delectatio est victrix; quod enim amplius nos delectat secundum id operemur necesse est, ait idem S. Doctor in epist. ad Gal. Scilicet necessitate consequentiae non consequentis, ne dicatur non esse necessaria libertas a necessitate in hoc statu ad meritum vel demeritum, quod absit a mente fidelium.

Quod vero attinet ad illam lucem interio-rem, in hoc ipsa consistit, quod Deus menti aperiat quod ante latebat, & suavis de qua jam dictum est, resultat ex amore & complacentia Dei seu boni infiniti & incomparabilis, aeternaeque veritatis, sapientiae, caritatis & aequitatis infinitae, &c. vel etiam gloriae, laudis, & obsequii Divini, quatenus ea ad bonum Dei pertinent. Sub illo amore intellige reliquos affectus qui ex eo profluere solent, ut sunt desiderium, gaudium, odium, tristitia, &c. de quibus S. Aug. Lib. 14. civit. cap. 7. Suscipit autem Anima amorem illum & complacentiam primam Caelitus immissam *improvisè & ineliberate*, eaque excitatur, & invitatur ad suscipiendam veritatem, amandum Deum, & bene vivendum, & ideo ad bene vivendum, quia ad Deum amandum, juxta illud Psal. 118. *Fiam mandatorum tuorum cucurri, cum dilatast cor meum. Et si*

angusta est, scilicet via, paucis diligentibus, facili tamen omnibus diligentibus, Ait S. Aug. dicit Psalmista propter verba laborum meorum ego custodivi vias duras, sed quae durae sunt laborantibus, aisdem ipsi misereant amantibus. Et paullo ante, *omnia enim secula & immensa praesens facili & prope nulla facit amor*. Ser. 48. de tempore.

§. In quo consistat efficacia Gratiae.

Quidam volunt gratiam efficacem dici talem ab eventu & cooperatione liberi arbitrii, ita ut gratia sufficiens dicatur efficax, vel inefficax, pro libito liberi arbitrii: sed ejus modi opinionem destruit sua facilitas. I. quia S. Paulus pressus illa difficultate, cur unius misereatur Deus, gratiam efficacem largiendo & non alterius, ad Rom. 9. non habuit aliud refugium, quam ad inscrutabilitatem Judiciorum Dei, quod nequaquam fecisset, si censuisset efficaciam gratiae mere dependere a cooperatione liberi arbitrii: neque unquam aliud respondit S. Aug. dicitque nihil melius inveniri posse, Epist. 105.

2. Sequitur in illa sententia quod unus homo praeter alio in usu bono gratiae se iscerat contra illud Apost. 1. ad Cor. 4. *quis te discernit, quid autem habes quod non acceperis*, cum enim secundum ipsos duo affectu Dei erga illos, & donis ejus sint pares, unus illorum usu bono gratiae quem non acceperat, sed sibi donavit, se disparem facit: sequitur etiam quod sibi det velle & operari, non Deus, contra illud ad Phillip. 2. *Deus est qui operatur in vobis & velle & perficere pro bona voluntate*, id est, non ex meritis nostris.

3. Illa sententia adversatur S. Aug. multis locis: praesertim famono discrimini quod ipse operose describit Lib. de corrept. & grat. cap. 11. ubi dicit quod gratia hominis lapsi non tantum det posse sed ipsum operari, non tantum det posse perseverare sed ipsam perseverantiam, nam si in tanta infirmitate vita hujus, ipsi, scilicet hominibus lapsis relinqueretur voluntas sua, & in adiutorio Dei sine quo perseverare non possent, manerens, si vellet, nec Deus in illis operaretur ut vellet, inter tot, & tantas infirmitates voluntas ipsa succumberet. Et Lib. 1. de gratia Christi cap. 76. multum commendat hoc dictum S. Ambrosii. *Deus quos dignatur, vocat, & quem vult, religiosum facit*, quo plane significatur efficaciam gratiae dependere a voluntate Dei & non mere a voluntate hominis.

4. Sicut illa opinio non convenit cum S. Aug. ita nec cum precibus Ecclesiae, quibus rogamus non solum posse converti, sed ipsammet cordis conversionem, non solum posse credere, sed & ipsum piam credulitatis affectum; patere S. Aug. cap. 3. Lib. de cor. & grat. *O homo in praecognitione cognosce quid debeat habere*,

re, in correptione cognosce tuo te villo non habere, in oratione cognosce, unde accipias quod vis habere.

Quidam alii auctores etiam inter primarios, efficaciam gratiae constituunt in *suasione* & *inspiratione*, qua interiori tali congruitate invitat Deus, ut vocatus vocantem non respuat, idque certo prænoscatur Deus praesidio scientiae mediz: sed ut apparet etiam minus recte: quia in primis illa *suasio* vel *inspiratio* tantum movet voluntatem *objective* & determinat tantum *moraliter*, ut fatentur etiam praefati Auctores: inde autem sequitur quod Deus det quidem *posse* sed non *velle*, nam & nos v. g. precibus rite fufis determinamus moraliter Sanctos ut orent pro nobis, non tamen in eis operamur velle. Multo aliter S. Aug. lib. 7. de grat. Christi cap. 14. ubi ait Deum interna atque occulta ac ineffabili potestate operari in cordibus hominum non tantum veras revelationes, adde suasiones, & inspirationes moraliter tantum determinantes, sed etiam bonas voluntates.

2. Illa opinio etiam minus convenit cum orationibus Ecclesiae quibus petitur ipsa *cordis conversio*, ipsa *penitentia*, & non solum *posse physicum*, multo minus *moraliter* ad eiusmodi actus, de qua re sic S. Aug. O homo, non verborum, verum etiam cogitationum tuarum testis est Deus: si aliquid a tanto divite veraciter ac fideliter posciti, ab illo a quo posciti, te accipere crede quod posciti; noli cum labitis honorare & super eum corde te extollere, crederis a teipso tibi esse, quod ab illo te fingis orare, Lib. de bon. persev. cap. 2. labia dolosa si in hominum quibuscumque sermonibus sunt, saltem in orationibus non sunt, Epist. 107.

Positis ejusmodi motibus nos ipsos realiter determinamus ad actum liberum v. g. ad amorem Dei, adeoque praecipua gloria operis boni nobis debetur, non Deo, qui autem se a semetipso factum bonum arbitratur, consequens est, ut in seipso non in Domino gloriatur, Epist. 130. cap. ult. & quidem nos determinamus cum concursu ex se indeterminato, neque enim refert quod is sit supernaturalis, quia id non mutat naturam concursus quem ipsi volunt esse *simultaneum* non *praevium*, & quia nos determinamus, Deus nobis coagit, atque ita partes primas nobis vindicamus in opere bono; sicut in opere malo, in quo nobis Deus coagit, quia nos ad illud determinamus. Longe aliter S. Aug. in enarrat. Psal. 69. Ergo semper magnificetur Dominus. Qui hoc dicunt? Qui diligunt salutare suum. Ecce magnificetur Dominus, nunquam tu, nusquam tu. In illo aliquid, in me nihil. Si autem in illo quidquid ego, ille sc. magnificetur, non ego. Tu ergo quid? Ego vero egenus & pauper sum. Uno verbo illa gratia moraliter tantum determinans, physice determinatur a libero arbitrio, non illud determi-

nat, est *pedissequa*, non *pravia*, est *ancilla*, non *Dominus*, est gratia primae *Integritatis* & *sanitatis*, non gratia *medicinalis* Redemptoris: de qua pulcre S. Prosper Canit.

At vero omnipotens hominem cum gentia salvat.

Ipsa suum consummat opus cui tempus agendi

Semper adest, quae gesta velit, nec moribus illi.

Etsi mora, nec caussis anceps suspenditur ulli.

Unde ad efficaciam ejus non est opus exploratione scientiae mediz.

§. Corollarium pro veriori sententia.

EX dictis facile est pro sententia, quae verior apparet, ferre iudicium, sc. efficaciam gratiae consistere in inspiratione dilectionis Dei: cum enim non sit in potestate nostra quibus *visit tangamur*, inspirat nobis Deus dilectionem sui *indeliberatam*, vi cuius eum libere diligimus & gradientes per amena virtutum, officia earum bene exequimur; nam *sine amore Creatoris nullus bene utitur creaturis*, nequidem *honestate virtutis*, ut docet S. Aug. lib. 3. contra Jul. cap. 3. *sine amore Creatoris non bene colitur Deus*, non bene onoramus parentes, non bene miseremur pauperis. Pelagius nos quidem a Domino Deo agnoscebat habere *adjutorium cognitionis*; sed respuebat *inspirationem dilectionis*, ut cognita *sancto amore faceremus*, quae proprie gratia est, ait S. Doctor, Lib. 4. ad Bonif. cap. 5. *quidem enim boni faceremus, nisi diligeremus, aut quomodo bonum non facimus, quando diligimus?* ait S. Aug. lib. de grat. Christi cap. 26. Hauserat ex Apostolo qui 1. ad Cor. 13. dicit: *Caritas patient est, benigna est; caritas non amulatur, non agit perperam, non est ambitiosa*, & quidem hac bene, quia in iis non quaerit quae sua sunt, sed quae Jesu Christi. Unde rectissime S. Doctor vocat caritatem *decus sanguinis Christi*, Serm. 5. de tempore, totaque disputatio quae viguit inter S. Aug. & Pelagium in eo versabatur, an eximium illud decus esset a nobis, an a Deo? Nam si non est ex Deo, sed ex hominibus, inquit ille, vicerunt Pelagiani, si autem ex Deo est, vincimus Pelagianos. Lib. de grat. & lib. arbit. cap. 18.

Ex dictis colligitur efficaciam gratiae eandem esse cum efficacia gratiae praevientis, ea enim praevinit dilectionem liberam, qua Deum diligimus, eamque efficiendo nobis donat Deus, & donando efficit, agit quippe in nobis, ut quod vult Deus, & nos velimus & agamus, ait S. Celestinus summus Pontifex in Epistola ad Episcopos Galliae: in tantum quip-

quippe Spiritu Sancto attenditur voluntas eorum, ut ideo sic possint quia volunt, & ideo sic volunt quia Deus operatur ut velint, Lib. de cor. & grat. cap. 12. Certum & nos velle cum volumus, sed ille facit, ait idem S. Doctor, ut velimus bonum, certum est nos facere cum facimus, sed ille facit ut faciamus, praebeo vires efficacissimas voluntati, qui dicit, faciam ut in justificationibus meis ambuletis. Lib. de grat. & lib. arbit. cap. 16. Quin & sanctissima Virgo Theresia Caelestis magistra tota certat pro veritate hujus doctrinae: ipsa enim Deum alloquens dicere solebat: Da quod jubes, & jube quod vis. Sepe revolvebam, inquit, verba illa Apostoli, omnia possum in eo qui me confortat; quantum ad me attinet, inquit, videbam nihil posse me ex me, idque novi mihi esse valde utile ad humilitatem sc. & devotionem, ut exponit c. 14. Doctrina illa Caelestis est, eam ex sacra Scriptura, quam Epistolam e Caelo missam vocat S. Aug. ipse & reliqui PP. didicere.

Quod vero ad certitudinem, qua asserenda est doctrina gratiae per se efficacis in hoc statu infirmitatis, attinet; S. Aug. ita loquitur: verumtamen in omnibus qua quisque agit secundum Deum, misericordia ejus praevenit eum, quod isti nolunt, quia non esse Catholicis sed Pelagianis esse volunt; quorum opinionem novam haeresim paullo superius appellat. Et iterum, de hac re, quam nunc adversus novos haereticos non commemoraret tantum, sed plane videri & defendere compellitur, numquam tacuit in precibus suis Ecclesia, etsi aliquando in sermonibus non exorandam nullo urgente adversario putavit: quando enim non oratum est in Ecclesia pro infidelibus atque inimicis ut crederent? Lib. 2. de bono perseverantiae cap. 23. & ita sparsim saepius S. Augustinus.

*Sequentia exstant apud eundem Boudart
a pag. 184. ad 204.*

§. De quinque famosis Propositionibus.

Notanda hac est primo duplex hypothesis: una qua supponitur agnoscendam esse in statu naturae lapsae unicam internam gratiam medicinale, seu per se efficacem, alia qua supponitur insuper agnoscendam esse gratiam, quantum est ex natura rei efficacem, quae sine ulteriori auxilio haberet effectum, nisi poneretur impedimentum ex parte suscipientis.

Notandum 2. quinque Propositiones famosas fuisse reprobatae tamquam falsas, & ad minus erroneas, a duobus summis Pontificibus in secunda hypothesis, idque omnium iudicio: item reprobatae esse ut prius etiam in prima hypothesis, quia per necessariam con-

sequentiam sequuntur ex illa, falsum autem & erroneum non sequitur nisi ex consimili antecedente. Igitur prima hypothesis est falsa & erronea: cum vero Auctor illarum propositionum illas asseruerit in alterutra illarum hypothesis, sequitur, quod reprobatae sint in sensu ab Auctore intento.

Notandum 3. tantum abesse quod summi Pontifices reprobando istas quinque propositiones aliquid detraxerint necessitati gratiae per se efficacis ad actum pietatis, ut potius eam adstruxerint, quia tuitio gratiae quantum est ex natura rei efficacis ante descriptae, gratiae per se efficacis est solidamentum. Hanc produunt qui unicam eam internam gratiam in statu naturae lapsae esse contendunt. Igitur gratia per se efficax in tuto & quasi in Caelo posuit nidum suum, nec sancta Sedes prohibendo dictas propositiones ullatenus doctrinam gratiae per se efficacis (ut ipsa declaravit) voluit perstringere, sicut & postea professus est SS. Augustini, & Thomae dogmata esse inconcussa & tuta.

§. De prima Propositione.

PRIMA propositio condemnata sic habet: *Aliqua Dei praecepta hominibus iustis volentibus & conantibus secundum praesentes quas habent vires, impossibilia sunt, deest quoque gratia qua fiant possibilia.* Refragatur Trid. Sess. 16. cap. 11. Nemo, inquit, temeraria ista & a PP. sub anathemate prohibita vocari debet, praecepta homini iustificato ad observandum esse impossibilia: nam Deus impossibilia non jubet, sed jubendo monet & facere quod possit, & petere quod non possit, & adjuvat ut possit.

Ubi adverte quod dum ex S. Augustino, S. Synodus dicit & petere quod non possit, id intelligi de potentia proxima, alias enim mandatum esset impossibile: quod vero addit Trid. & adjuvat ut possit, intelligitur hoc sensu, & adjuvat ut possit petere, quo significatur eum qui non potest potentia proxima servare mandata, possit saltem potentia remota, quod frequens est apud SS. Patres, nominatim apud S. Augustinum. Sic lib. de grat. & lib. arb. cap. 17. qui ergo vult facere Dei mandatum & non potest, (Sc. potentia proxima) jam quidem habet bonam voluntatem, sed adhuc parvam & invalidam (quae tamen quantum est ex natura rei consequetur effectum, nisi ei opponeretur fortior in oppositum cupiditas, quae tamen dat posse remotum ad mandatum Dei servandum, quare enim minus quam gratia data Corozaitis de qua amte (poteris autem) subjungit S. Doct. cum magnam habuerit & robustam sc. potentia proxima. Idem S. Doctor in Psalm. 106. loquens de homine secundum vitam veterem seductoria securitate vivente (adeoque non iustus) sic.

ſic ait : *invenis ergo ſe ligatum difficultatibus cupiditatum & non poſſe*, ſc. potentia proxima, *viam propter compedes ambulare*, quia alias mandata eſſent ei impoſſibilia, contra ipſum S. Auguſtinum, alios SS. Patres & ipſam S. Synodum Trid. Subjungit S. Doctor, *incluſum ſe ſentis difficultatibus vitiorum*, & *tamquam muro impoſſibilitatis erecto*, portisque *cluſis qua evadat*, & *recte vivat*, non *invenit* : illud tamquam muro impoſſibilitatis, idem ſonat quod tamquam quadam impoſſibilitate, quod impoſſibilitatem minuit, ita ut intelligatur tantum negari poſſibilitas proxima, ſicut in aliis locis ubi dicitur homo non poſſe : & ita debere intelligi pater ex iis verbis, *qua evadat*, ut *recte vivat*, non *invenit*. Ubi negatur aſſeſſe gratia per ſe efficaci, qua ſola quiſpiam, invenit ut *recte vivat*, ac proinde tantum negatur poſſibilitas proxima ad mandatum Dei obſervandum, vel indicatur maxima difficultas ad eundem effectum, prout impoſſibile non inuſitato modo Scripturæ Sacræ non ſemel accipitur, ut videre eſt apud Janſenium Gandefem conſecr. Evang. cap. 100. Iniqua igitur & abſurda eſt illatio, qua ex illis & ſimilibus SS. Patrum ſcriptis inferitur aſſertio prædicta, proſtrata a S. Sede, & damnata ut impia, blaſphema, & hæretica.

Neque videtur ſibi conſtare, quia intelligitur de hominibus juſtis volentibus & conantibus per vires gratiæ; hic enim ſenſus debet ſupponi in aſſertore Catholico; id autem fundat potentiam remotam ad obſervanda Dei mandata, ac proinde ipſa non ſunt impoſſibilia, ut habet aſſertio. Unde nonnulli fautores hujus aſſertionis ſic intelligunt, aliqua Dei præcepta... ſunt impoſſibilia potentia proxima: ſed contra ſenſum Auctoris, qui merito rejecit gratiam ſufficientem primæ integritatis pro hoc ſtatu, ſicut etiam gratiam ſufficientem Thomiſticam quorundam; quomodo enim alias ſibi conſtaret aſſerens gratiæ interiori in ſtatu naturæ lapſæ numquam reſiſti? ac proinde admittit in hoc ſtatu unicam interiorem gratiam per ſe efficacem. Hac hypotheſis fuit illi funeſta radix multorum errorum, qua eradicat, evellitur totum ſyſtema Janſeniſtarum. Fascinatio proprii ſenſus multos ſefellit, & fallit: ſtupenda eſt mortalium cæcitas: veritas prope eſt, adjacet interiori cubili cordis, & lux ejus obvia non videtur. Numquid cupiditas ex natura rei inductiva eſt erroris, & impietatis & in iſta pertraheret, niſi obſtaret lux & majus robur gratiæ? Cur ergo repugnat gratia quantum eſt ex natura rei efficaci reſpectu veritatis, & actus pietatis, cui tamen opponitur impedimentum, ex parte fortioris cupiditatis? Sol juſtitiæ quantum eſt ex natura rei illuſtrativus eſt, & accenſivus amoris juſtitiæ: *ſuperoccidit ignis & non videntur Solem* Plu-

57. nam plurimi non viderunt nec amarunt Caleſtem ejuſmodi Solem. Deus paratus eſt, ait S. Auguſtinus, *ſemper omnibus dare lucem ſuam intelligibilem in actu ſecundo*, ſeu illuſtrationem, *ſed non ſemper parati ſumus accipere*, cum *inclinamur in alia*, & *rerum temporalium cupiditate tenebramur*, Lib. 2. de Sermon. Dom. in monte cap. 7. Ejuſmodi gratia Scripturæ Sacræ ſcatent & SS. Patres, ſi bene conſiderentur. Ea commode vocatur initialis medicina Chriſti, qua ipſe quantum eſt ex natura rei medetur vulneribus noſtris, prout opponitur gratiæ initiali Maſſiliensium, cum qua per liberum arbitrium dicebant ſe velle ſanari vel credere, *atque ita ſalus eſſet dignis ſalvari ex fonte volendi*, ut canit S. Proſper carm. de ingratis.

Occaſione illorum verborum, & *petere quod non poſſis*, dixi tract. de Deo Creatore & Redemptore §. 44. quod ſi orare negligas, prout ſæpe contingit, ſacra Synodus ſatetur te non poſſe aliquo ſenſu ſc. potentia proxima, ne tamen tunc Deus impoſſibilia præcipiat, potes potentia remotæ ſervare mandata, vel etiam forte propinqua; (prout ante ex Bellarmino dictum eſt) propinqua, inquam, quia quando agitur de novo peccato vitando, dicit vir ille eminentiſſimus pie credi concedi hominibus gratiam ſufficientem, ſed non ſemper gratiam proxime ſufficientem, Lib. 2. de grat. & lib. arbit. Sed quid ibi non conforme Tridentino? quid non ſecundum normam Catholicæ fidei? Numquid Palavicinus quem nepte objicis, mihi hac in re conformis eſt? ſic enim ait, ut dicis Lib. 8. hiſt. cap. 14. *hæc aſſertio eſt Auguſtini*. Lib. de nat. & grat. cap. 43. *exceptis verbis poſtremis*, & adjuvat ut poſſis, *qua ex aliis ejuſdem Doctore locis collecta*, cum in prima decretorum forma non fuiſſent poſtea conſulto die adiecta ſunt ut palam fieret illum præſtatū defectum ad præcepta adimplenda, *baud eſſe in nobis niſi Divinam opem implorare noſtro vitio negligamus*. Ubi clare agnoſcit in nobis illum poteſtatis defectum negligentæ noſtræ vitio: non utique poteſtatis alicujus remotæ eſſe adſcribendum, quia alias præcepta Dei eſſent impoſſibilia, ſed poteſtatis proximiæ, plane conformiter doctrinæ Cardinalis Bellarmini & noſtræ. Neque ex eo quod dixi in hypotheſi prædicta, mandata Dei eſſe aliquo ſenſu impoſſibilia, ullo modo ſequitur eſſe impoſſibilia, quia alias qui diceret mandatum Dei eſſe impoſſibile viribus naturæ ſibi relictis, diceret illud eſſe impoſſibile, quod prorsus a ratione alienum eſt. Sed cur non reddis mihi verba mea, & omittis illa quæ in fine parentheſi incluſi, ſc. (prout ante ex Bellarmino dictum eſt) niſi quia non audeſ eadem mecum calumnia ſapientiſſimum, & eminentiſſimum Cardinalem involvere? Locus autem ejus ad quem

remitto, habetur Lib. 2. de grat. & lib. arbit. cap. 7. ubi dicit perspicuum esse aliquos non habere sufficiens auxilium quo possint immediate evitare peccata; idque ex Scripturis, quæ jubent nos orare ne intremus in tentationem, Matth. 6. & 26. Innocentio in epist. ad Concil. Cartag. ubi docet non posse vinci a nobis tentationem nisi gratia Dei in nos implorata descendat: Cælestino in epist. ad Episc. Galliarum cap. 6. ubi dicit iussus etiam homines, nedum peccatores, sine oratione ad Deum non esse vincendis tentationibus pares. Et denique ex S. Augustino verbis ante cit. & lib. de grat. & lib. arbit. cap. 43. ideo, inquit, quædam jubet quæ non possumus, ut sciamus quæ ab eo petere debeamus. Ponatur igitur (quod nimis frequenter accidit) quod non debite applicuerimus nos orationi, adhuc sine dubio præcepta debent dici possibilia, non quidem potentia proxima, ut constat ex SS. Patribus, ergo potentia aliqua remota. Quid igitur mihi insultas? Quid dixi nisi Scripturæ S. Trid. S. Aug. & aliis SS. PP. consentaneum?

Porro vix dici potest quam calumniose innoxium traducas, quando dicis me neglectum orandi reducere in defectum gratiæ efficacis, quam, inquis, agnosco solam proxime sufficientem, immo peiorem hac in parte me Calvino facis. Nonne Bellarminus & primarii quique Theologi id asserunt, reducuntne ideo in Deum, & defectum auxilii ejus culpam creaturæ? Quod gratia quantum est ex natura rei efficax effectu frustretur, non provenit ex parte Dei, sed ex defectu hominis, & duritie voluntatis ejus. Absit ut ego ullum defectum, præfertim culpæ, refundam in Deum. Id prorsus existimo impium; ne dixeris per Deum habet, ait Ecclesiasticus cap. 5. ille me impleavit; Deus enim non prius se avertit ab homine, quam homo avertat se ab eo, ait S. Thomas 2. 2. quæst. 24. & 1. 2. art. 3. ad 2. defectus, inquit, prima causa est ex nobis, sed collationis gratiæ prima causa est a Deo, secundum illud Osee 13. perditio tua ex te Israel, tanquam modo in me auxilium tuum; & ante eum S. Augustinus, ut autem innotescat, ait, quod latebat & suave fiat quod non delebat, gratia Dei est, quæ hominum adjuvat voluntates, quæ ut non adjuventur in ipsi itidem causa est non in Deo. Lib. de peccat. merit. cap. 13.

Pergis, & ludibrio me, sed magis te ipsum exponens, ais, breviter ergo juxta Auctorem, Manualis mens Tridentini & Innocentii, hæc est: Deus iustis impossibilia non jubet, sed jubendo monet ut faciant impossibilia & adjuvat ut possint, & non adjuvat ut possint, adeoque recedere a propositione damnata & non recedere videtur. Sed quæso ubinam dixi, Deum ju-

bendo monere ut faciamus impossibilia, & non adjuvare justificados ut possint servare mandata, licet non semper habeant ea servandi proximam potestatem, ut ex SS. PP. ante dictum est? Admitto quidem gratiam per se efficacem solam esse proximam sufficientem, sed non nego interiorem aliam gratiam quæ dat posse saltem remotum ad servanda mandata: immo ejusmodi gratiam contendo necessario esse admittendam ex SS. Litteris, SS. PP. & invicta ratione. Impejis ergo prædictis istis verbis, Janfenistam, cui semper me opposui, & per Dei gratiam opponam semper.

S. Recens expositio S. Synodi Tridentina.

EXhibita porro expositione mea, quæ tamen est necessaria, subjungis tuam his verbis: „Mens Tridentini, & Augustini „breviter hæc est: jubendo monet Deus, „& facere quod possis facile, & petere quod „non facile possis, & adjuvat ut possis. „Deus igitur secundum te jubendo non monet justos ut faciant quæ difficulter facturi sunt, ergo non monet jubendo ut inimicos diligant, gravi tentationi resistent. Non, jubendo monet peccatores, ut odium fraternum deponant, concubinam deferant, &c. Juxta te etiam Deus monendo jubet petere quod non facile possis; ergo non tememur orare, ut Deus sancti sui nominis amorem inspi-ret, & timorem, quia facillimum est juxta principia eorum quos colis timere, & amare Deum. Immo juxta quosdam tam facile pœnitere, & contritionem elicere quam nallum emungere. Sed quid si orare sit valde difficile, tunc juxta te non tenebimur orare, quia Deus jubendo monet, & facere quod possis facile. Quid si igitur non ores & depreceris Deum pro gratia necessaria ad opus, quod non facile possis, gratia tali casu necessaria ad opus illud tibi deerit: adeoque ad illud opus non teneberis, quia tibi impossibile; verum, teneberis propria confessione, quia ut dicis inferius, adjuvat ergo Deus non orantes dono gratiæ sufficientis; igitur teneberis, & non teneberis, ergo incidis in contradictionem, quam superius Janfenistæ impingis. Nescio ubi tam bellam, & novam expositionem Tridentini repereris: digna videtur, quæ ponatur in capite Libri ubi S. Sedes permiserit edi commentarios in Sacrosanctum Concilium Tridentinum. Certe ea expositio non reperitur in Scriptura Sacra vel SS. Patribus; nam Scriptura jubet nos orare ne intremus in tentationem, non utique semper gravem, sed etiam levam. Immo teste S. Greg. Lib. 5. in 1. Regum, magni judicio Dei occulto, sed iusto, magna prælia electis permittit Deus, quæ vincant, lecta excitat, in quibus cadant, ut cadentes se facile erigant, ut eos fortia in quibus vi-

stare

Orare, se'erant non extollant. Quod ergo tempus intervenit, ait S. Zosimus Papa quo ejus egeramus auxilio; In omnibus igitur actibus causisque, cogitationibus, moribus, Adjutor & Protector orandus est. Et S. Innocentius epist. 9. apud S. Augustinum, quotidiana, inquit, prestat ille remedia, quibus nisi freti confisquor utamur, nullatenus humanos vincere poterimus errores. Quotidiana remedia praeantur adversus quotidianas tentationes, quae non sunt semper graves, & vinci difficiles: nec Tridentinum, nec S. Augustinus quem citas, illud possis, cum dicimus, & petere quod non possis, restringunt ad non facile posse. Dicit quidem S. Augustinus Lib. de nat. & grat. cap. 69. eo quippe ipso quo firmissime creditur Deus impossibilia non potuisse precipere: hinc quidem admonemur, & in facilibus quid agamus, & in difficilioribus quid petamus; admonemur, inquam, in facilibus quid agamus, quia pie possumus confidere quod in facilibus Christus nobis aderit per ordinariam suam gratiam; sed quia in difficilioribus & arduis requiritur potentior & extraordinaria Dei gratia temerarium esset non confugere ad orationis subsidium. Verum non inde sequitur, quod Deus nos monendo jubeat ad ista facilia pogredi non interposita oratione, quia sicut recte de bonitate Dei confidimus, ita etiam in istis recte de nobis propter infirmitatem diffidimus. Subjungit quidem immediate S. Doctor, omnia quippe sunt facilia Caritati, cui Christi sarcina levis est, ac proinde promptius esse videtur, nos admoneri in facilibus quid agamus: verum etiam in eo infirmitas nobis insidiatur, cum primus homo in tanta Caritate & felicitate conditus, lapsus sit; immo ipse, vir erudite, infra ex SS. PP. dicis Adamum, & Evam cecidisse, quia neglexerunt orare. Itaque non est generatim verum, quod etiam praeditus caritate, cui sarcina Christi levis est, non jubendo admoneri in facilibus quid agat non interposita oratione. Absit igitur ut gratiam petamus ad ea, quae tantum difficilia sunt, cum etiam in facilibus, nisi Deus nobis succurat, saepe cadamus; & cur etiam juxta vestra principia non debeamus etiam in iis, quae facile possumus, petere gratiam, cui Deus praevidet nos respiciendos!

Uterius progredieris & dicis, „adjuvat „ergo Deus justos orantes dono facilitatis, „non orantes autem dono gratiae sufficientis, „quasi vero omnes justis orantes consequerentur donum facilitatis, quod quidem oratione consequi possunt, sed si ita oretur & petatur quantum & quomodo res tanta petenda est, quotusquisque enim est qui sic orat, ut donum istud facilitatis consequatur, quod tamen omnibus justis orantibus concedis! Adfers quidem ex Libro de perfect.

justit. ex cap. 10. ut dicis, & oret gemitu voluntatis, ut impetret donum facilitatis, seu, ut ais, facilitatis. Sed quo jure mutas nomen facultatis, in illud facilitatis, cum adeo multa praebent facultatem, quae tamen non tribuunt facilitatem! Sed nec illa verba, quae ita possunt reperiri, in capite 10. quia Liber ille non distinguitur per capita, sed per ratiocinationes, neque verba illa, ut citas, sunt in toto Libro, sed ratiocinatione 17. haec verba habentur & oret gemitu voluntatis, ut impetret donum facilitatis. Verum id nihil te juvat dicentem generaliter adjuvare Deum orantes justos dono facilitatis, cum multi justis orent & tamen cum Apostolo castigant corpus suum, & in servitutem redigunt, ne cum aliis praedicaverint ipsi reprobi efficiantur: neque enim omnes habent illam perfectam caritatem quam loco citato exigit. S. Augustinus, quae mittat, ait, faciat timorem & facit praecepti sarcinam levem, non solum non prementem onere ponderum, verum etiam sublevantem vice pennarum. Ex quo apparet te alienis perspicillis, sed parum fidelibus, legisse Augustinum.

Prius citatis a te verbis continuo subjungis „certe Adam, & Eva negligentiae in „orando a Patribus arguuntur, immo & a „Pelagio Papa epist. contra Pelag. tom. 2. „Concil. pag. 257. & pag. 259. nemo tamen, ne Calvinus quidem dixerit, eos peccasse defectu gratiae sufficientis. Sed ubi ego id dixi! jam ante professus sum impium esse culpam suam refundere in defectum gratiae Dei, ideo autem primi parentes ceciderunt, quia illi volendo quod non debuerunt, perseverandi voluntatem deseruerunt, & deserendo non tenuerunt, ut dicit S. Anselmus de Angelis apostatis Lib. de casu diaboli: quod vero bonam voluntatem perseverandi deseruerunt, potuit oriri ex negligentia qua omiserunt orare, ut Deus largiretur eis gratiam cum qua praevideret eos non esse lapsuros & in bona voluntate perseveraturos.

S. De secunda Propositione.

Propositio secunda est haec: *interior gratia in statu naturae lapsae nunquam resistitur.* Falsitatem ejus evincit veritas contradictoriae ipsi correspondentis: dantur enim tractus gratiae vitio, & duritiae voluntatis humanae inefficaces, dantur tractus gratuiti ad quos non sequitur ejus apertio. Id palam significant Scripturae, vocavi, scilicet quantum est ex me & natura rei efficaciter, & renuisti. Si quis audierit vocem meam, quantum est ex natura rei efficacem, & aperuerit mihi januam, intrabo ad illum Apoc. 3. & plures consimiles. Hinc etiam Sancti saepe se accusant, quod inspirationibus sanctis, & gratiae

gratiz Divinz non responderint. Ejusmodi motus gratiz comparat S. Augustinus, *conatibus expurgiscentium, qui tamen soporis altitudine remerguntur*. Et ne conqueraris, resistantia illa persæpe est actus moralis, & humanus, seu ipsius hominis gratiam frustantis effectu, qualem ipsemet requiris, ut quis dicatur gratiz interiori resistere, non enim frustra de eo Sancti se accusant. Deinde simili modo resistendi, etiam gratiz, quantum est de se efficaci resistitur, quando impeditur effectu, & finis ejus remotus: gratia enim secundum SS. PP. est aqua viva, de qua Joan. 4. quæ numquam quiescit sed dando initium boni operis, quantum est de se, tendit ad consummationem, & ulteriorem virtutis progressum, estque fons aquæ salientis in vitam æternam. Unde qui ponit obicem ejus progressui, ei resistit, sicut is qui impedit fluxum, & impetum aquæ. Adde, prout etiam adverti in Manuali, in hac vita semper aliquo modo resisti gratiz efficaci, nam gratia efficax & caritas, licet sensim diminuunt cupiditatem; hæc tamen, ut sic loquar, reagit, & inde fit quod non perfecte, & toto corde diligatur Deus, nam cum est adhuc aliquid carnalis concupiscentia quæ vel continendo frangitur, non omnimodo ex toto corde diligitur Deus, ut dicit S. Augustinus Lib. de perfect. justic. ratiocin. 16. Non enim caro sine animo concupiscit, quamvis caro concupiscere dicatur, quia carnaliter Anima concupiscit: resistantia tamen illa non est actus moralis & humanus, quia gratia per se efficax & victrix tollit omnem ejusmodi resistantiam respectu illius actus ad quem determinat, quia ut pulcre canit S. Prosper, *ei tempus agendi semper adest, quæ gesta velit, nec moribus illi sit mora, nec causis anceps suspenditur ullis*. Addis me rejicere gratiam proxime sufficientem, id est, quæ non requirit ulterius Dei auxilium ut in actum exeat: immo eam necessariam dico ad omnem actum pietatis & salutis. Vis dicere, ut existimo, me rejicere gratiam proxime sufficientem quæ non sit efficax. Verum est, sed id assero cum S. Scriptura SS. Augustino & Thoma, & aliis SS. Patribus, quid inde mali? sequiturne inde interiori gratiz in statu naturæ lapsæ unquam resisti? Infers tandem: "ergo Auctor Manualis damnatam damnare & absolvere videtur." Verum quomodo absolvere, cum diserte pronunciem erroneum esse & hæreticum dicere, quod interiori gratiz in statu naturæ lapsæ numquam resistatur?

§. De tertia Propositione.

PROPOSITIO tertia damnata, est hæc: *Ad merendum & demerendum in statu naturæ lapsæ non requiritur in homines libertas a Juvén. Instit. Theol. Tom. III.*

necessitate, sed sufficit libertas a coactione. Docui in Manuali in homine lapsæ, reperiri libertatem non solum a coactione, verum etiam a necessitate, certum esse de fide, & dixi cum S. Thoma opinionem quarundam, qui ponebant voluntatem hominis ex necessitate moveri ad agendum, non tamen *conatibus moveri ad eligendum, esse hæreticum, quia, inquit, tollit rationem meriti, & demeriti in humanis actibus*, quæst. 6. de malo. Dixi etiam propositionem istam esse æquissima censura a summis Pontificibus damnatam.

Addis me illud celebre dictum S. Augustini in epist. ad Galat. *quod amplius nos delectat, secundum id operemur necesse est*, intelligere de delectatione, indeliberata victrice seu Cælesti, seu terrena, determinante ac necessitante voluntatem ad consensum, tract. de Deo, Creatore & Redemptore §. 22. sed quot verba, pace tuam dixerim, vir erudite, tot sunt hallucinationes aut mendacia: in primis enim nec ibi nec ullibi dixi delectationem justitiæ necessitare voluntatem ad opus pietatis: licet enim juxta communem doctrinam determinemus concursum Dei ad actum peccati, determinamusne ideo Deum ex necessitate ad illum actum, ac privamus Deum libertate ad illum actum, quam non nisi ipso largiente habere possumus! Ais insuper me docere delectationem terrenam necessitare ad consensum peccati; item delectationem terrenam determinare physice ad ejusmodi consensum, quod etiam aperta & fallax est impostura; id enim nunquam docui, immo docui oppositum, quia dixi generaliter delectationem victricem non debere physice, sed tantum moraliter concurrere, quando agitur de eo ad quod natura ex se potens est, sicut est ad actum peccati. Quia tamen natura creaturæ rationalis post lapsum non est potens ex se determinare se ad actum amoris Dei propter se, nec subinde ad actum vere, & Christiane bonum; ideo dixi non sufficere, quod delectatio victrix justitiæ determinet tantum moraliter ad consensum, illum dimittens, & committens libero arbitrio, sed requiri quod vel ipsa delectatio cælitus immissa ad consensum realiter determinet, vel potius quod Deus illam imittens, & ei se connaturaliter accomodans suaviter, determinansque eam physice, fortiter de consensu ejus libero disponat.

§. Explicatur famosum dictum S. Augustini: quod amplius nos delectat secundum id operemur necesse est.

Illud porro celebre dictum S. Augustini intelligis, de delectatione deliberata seu efficaci voluntate, cui vita, & hominis operatio exterior necessario conformatur, ut centies, ais, demonstratum est. Mibi

K k

fane

sane sufficeret quod semel. Sed quomodo id vel semel demonstratum est, cum delectatio deliberata iustitiæ non sit in nobis, a nobis ipsis, nec possit esse deliberata, si subito, & inopinate calitus immittatur, adeoque requiritur ad eam gratia excitans, quæ secundum communem ac receptam doctrinam consistit in aliquo actu indeliberato, simili illi ad quem excitat, alioquin enim non posset esse deliberata. Id disertè explicat S. Augustinus Lib. 3. de lib. arbit. cap. ult. *voluntatem*, inquit, *non allicit ad faciendum quod lubet, nisi aliquid visum; quod autem quisque vel sumat, vel respuat, est in potestate, sed quo viso tangatur (vel subitaneæ delectetur) non est potestatis*. Igitur amor ille & delectatio deliberata iustitiæ major delectatione peccati, oritur ex simili amore indeliberato iustitiæ, qui in potestate nostra non est, adeoque etiam in amore, & delectatione deliberata iustitiæ verum est illud, *quod amplius nos delectat, secundum id operemur necesse est*: alioquin delectationem victricem requirere tantum ad opus salutare externum, & ad delectationem iustitiæ non requirere ullam gratiam excitantem, seu similem delectationem indeliberatam, error Pelagianus est, quia eo supposito, nequidem gratia requiretur ad opus externum, quod sufficienter ponitur vi imperii delectationis iustitiæ majoris noxia delectatione peccati. Hinc S. Augustinus juxta principia fidei sollicitè monet, *ut cum delectat lex Dei, & sic delectat ut omnem delectationem lascivie vincat, non sibi arroget illam delectationem*, Lib. 3. de verb. Apost. cap. 8. quia nempe est magna illa gratia, quam Christus homini infirmo attulit, & de qua ut ibidem scribit Augustinus, *dicit Propheta regius, Dominus dabit suavitatem; & terra nostra dabit fructum suum*; Et lib. operis imperfecti contra Julianum ait, *Deum donare per spiritum caritatem, cuius delectatione vincatur delectatio peccati*. Et infra docet quod concupiscentia probetur non regnare in homine, dum ea, quæ concupiscuntur mala, iustitia delectatione vincente, non sunt. Hæc centenis aliis locis doceri potest, tantum abest ut ejus oppositum centies, ut nimis magistraliter dicis, demonstratum sit. Sed undenam tibi tam subtilis expositio? ex tui ne ipsius Jovis capite ista Minerva? Non existimo, nam memini legisse traditam a quodam recentiore, de quo infra, qui ut alter Hercules apud te suspicatur. Verum, plane ineptus est commentarius, ut patet ex contextu, in quo immediate subjungitur, ut v. g. *occurrit forma speciosa femina & movet ad delectationem fornicationis: sed si plus delectet pulchritudo illa intima & sincera species castitatis per gratiam, quæ est in fide Christi secundum hanc vivimus, scilicet secundum interiorem hominem, & con-*

delectamur pulchritudini illi intimæ ac legi Dei, resistentes delectationi noxiæ, & secundum hanc operamur. Nimis enim supinum est existimare, ut cum illo Austore censet, illud *vivimus* confundere cum illo *operamur*, prout significat opus hominis externum; vita enim hominis præcipue consistit in eligendis actibus interioribus. Concupiscitur, ait S. Augustinus, *adversus carnem fertur robore caritatis, ut ex fide iustus vivat, iustoque vivat in quantum non cedit mala concupiscentia, vincente delectatione iustitia*. Nec perterreat te, illud necesse, quia quid promptius quam illud intelligere de necessitate consequentia quæ nullatenus repugnat libertati a necessitate consequentis, sicut quando S. Celestinus episc. ad Episcopos Galliarum dicit: *necesse est ut quo auxiliante vincimus, eo iterum non auxiliante vincamus, necessitate scilicet consequentia non consequentis, quæ posterior libertati a necessitate repugnat*.

Porro illud dictum celebre S. Augustini, dixi non habuisse locum in statu naturæ integræ; alias enim cum Adamus fuerit conditus in dilectione & delectatione iustitiæ, nulla prorsus pulsatus delectatione peccati, non peccasset: ideo dixi hominem in statu integritatis fuisse talem qualem finxit Philosophia humana, noxæ originalis ignaræ, sc. qui posset omnibus suis motibus dare leges, quamdiu nempe ipse legi Dei foret subditus.

S. Quæstio impertinens & inanis Austoris Thesum.

Hoc posito quæris ridicule, & nugaciter, „ quare delectatio Cælestis ut quatuor „ non necessitabat Adamum immunem a de- „ lectione terrena, & quomodo post la- „ psus necessitabat pulsatum delectatione „ terrena, v. g. ut duo vel tria, cum concu- „ piscencia non augeat sed minuat gratiæ ef- „ ficaciam, ut ipse fateor tract. de Deo „ Creatore, & Redemptore §. 30.

Resp. In primis falso supponis me dixisse delectationem Cælestem necessitasse. Adamum, vel quempiam post lapsum, itaque in tua quæstione pro ly *necessitas*, reponenda est vox *determinat* aut *æquivalens*: responsio vero in promptu est; quia Adamus quandiu Deo mansit subiectus poterat ingenitis sibi motibus dare leges, servus autem peccati non potuit proxime ejus illecebris valedicere, nisi *inspirata gratia suavitatem per spiritum sanctum faceret Deus magis delectare quod præcipit, quam delectaret quod impedit: hoc est quam quodcumque bonum temporale cuius delectatione peccatur*, ait S. Augustinus lib. de spir. & litt. cap. 28. Hinc idem S. Doctor lib. de cor. & grat. cap. 11. operose distinguit inter gratiam datam Adamo in statu naturæ integræ, & gratiam datam ipsi & nobis in

statu

statu naturæ corruptæ; prima est, inquit, quia fit ut habeat homo iusticiam si vult, secunda ergo plus potest quia fit etiam ut vult, tantoque ardore diligit, ut carnis voluntatem contraria concupiscentem voluntate spiritus educat: & paullo superius, tale quippe erat adiutorium (scilicet primi hominis innocentis) quod desereret cum vellet, non quo fieret ut vellet. Hinc cap. 12. primum adiutorium vocat adiutorium sine quo aliquid non fit, & aliud, adiutorium quo aliquid fit. De secundo ibidem dicit: subventum est igitur infirmitati humana voluntatis, ut Divina gratia indeclinabiliter & insuperabiliter ageretur; & ideo quamvis infirma non deficeret, neque ad versitate aliqua vinceretur. Sane mirum est, vir erudite, quod ea legeris & quæris a me quod quæris.

Progrederis nihilominus & dicis: „ si ergo imminuit, scilicet concupiscentia gratiæ efficaciam, quomodo augeat? Immo & tribuit gratiæ ex natura sua indifferenti vim determinandi ac necessitandi morbus „ ille naturæ lapsæ? Nodum hunc nunquam t, solveris licet ædipus fueris. „ Superi quantum est in rebus inane! ubinam vel per omnium dixi concupiscentiam augere vim gratiæ, perinde ac si quis diceret morbum augere vim remedii? Ubinam dixi morbum illum naturæ lapsæ tribuere gratiæ ex natura sua indifferenti vim determinandi ac necessitandi? Absit ut gratia Christi accipiat vim necessitandi; tua tamen est ordinaria impostura: absit ut gratia Salvatoris requisita ad opus pietatis sit ex natura sua indifferens. Est ex natura sua & per se efficax, ut constanter ex Scripturis docet S. Augustinus, & alii SS. PP. quam quidem animose, sed irrito semper istu aggredieris. Iudicet jam æquus lector, an id quo insolubiliter me adstringere jactas, sit nodus qui cepido egeat. Stupidus sit, immo stuppeus, qui id vel nodum putet.

§. De quarta Propositione.

Quarta propositio est hæc: *Semipelagiani admittebant prævenientis gratiæ interioris necessitatem ad singulos actus, etiam ad initium fidei, & in hoc erant hæretici, quod vel lent eam gratiam talem esse cui posset humana voluntas resistere vel obtemperare.* Ubi nota, gratiam prævenientem posse sumi dupliciter, primo ut est gratia Christi quæ ita prævenit assensum vel consensum, ut ea per ipsam donentur a Deo. Secundo ut est gratia quæ ita prævenit assensum vel consensum; sic tamen ut ea non donentur a Deo, sed expectentur a libero arbitrio.

Semipelagiani, de quibus loquitur S. Prosper, admiserunt necessitatem gratiæ secundo modo ad initium fidei: cum enim consi-

terentur peccatum originale, atque per illud attenuatum fuisse & infirmatum liberum arbitrium, non potest rationabiliter dici ipsos initium fidei nobis assignasse sine auxilio gratiæ, cum Adamus sanus & integer non potuerit a semetipso, sine gratuito Dei auxilio, habere. Sub initio fidei comprehendebant desiderium quo unusquisque ægrotus cupiebat & volebat sanari. Id autem quod dicitur apud S. Hilarium epist. ad S. Augustinum, ceterum ad nullum opus, vel incipiendum, nedum perficiendum, quemquam sibi sufficere posse sentiant, non probat quod initium fidei, aut velle sanari, gratiæ Dei non adscripserint, quia opera distinguebant a fide & initio ejus; quia ut refert S. Hilarius ibidem, agebant, *dicunt Apostolus, idem Deus qui operatur omnia in omnibus, nusquam autem dictum est, Deus credit omnia in omnibus.* In eo autem quod dicebant ad nullum opus vel incipiendum, nedum perficiendum, quemquam sibi sufficere, intelligitur de gratia medicinali Christi, quia alias nulla ratio potest dari cur ipsi correptionis utilitatem restrinxissent ad ea, quæ opera antecederant, & noluerint habere locum in operibus ipsis: ipsi enim sic loquuntur apud eundem S. Doctorem loc. cit. quo pertinent, inquit, *tanta extrinsecus correptionis instantia, nisi ab homine, etsi fides non integra, saltem vel dolor compuncta infirmitatis exoritur, aut periculum demonstrata mortis horretur?* Si enim non gratia medicinalis Christi, sed tantum gratia præveniens secundo modo sumpta requiratur ad opera, cur modum & utilitatem correptionis limitarent? *Si non ad fidem integram saltem ad initium ejus vel dolorem compuncta infirmitatis, &c.*

Hinc assertio intellecta de gratia præveniente, prout abstrahit a gratia præveniente primo vel secundo modo, est vera, id accomodate intelligendo, sicut initium fidei haberetur per gratiam prævenientem secundo modo sumptam, seu ejusdem speciei cum gratia primæ integritatis, & gratia præveniens primo modo sumpta, seu gratia per se efficax requiratur ad alios singulos actus: tu vero incunstanter primam partem assertionis affirmas damnatam esse ut falsam, in quo principiis eorum, quos colis, contradicis, quia Massilienses asseriebant, teste S. Prospero in epist. ad S. Augustinum, quod *retractati priorum de hac re opinionibus, pene omnium par inveniretur, & una sententia quæ propositum & prædestinationem Dei secundum præscientiam receperunt, ut ab hoc Deus alias vasa honoris, alios contumelia fecerit, quia si non unusquisque præviderit, & sub gratia adiutorio in qua futurus esset voluntate præcederet.* Igitur asseriebant gratiam esse necessariam ad singulos actus, alias enim non posset quis ad certum gloriæ gradum omnibus meritis

correspondentem prædestinari. Illa vero sententia Massiliensium est eorum quos amas, valde celebris sententia. Unde Vasquez l. 2. in 1. p. disp. 91. cap. 3. "Oforius, inquit, & recentiores qui ipsum sequuntur, existimant se reipsa Augustino adversari, quod ille dixerit prædestinationem ante merita prævisa factam esse. Quam quidem Augustini sententiam severam & difficilem admodum arbitrantur, & sententia Græcorum Patrum, & Massiliensium asserentium prædestinationem ex meritis fieri, se sentire putant. Articulus vero vicesimus, quem Facultas Theologica Lovaniensis reprobavit, habet quod istam sententiam tenuerint omnes Græci Patres, adeo ut communiter dicatur sententia Græcorum. Non fuit additum, Gallorum & Massiliensium, quamvis viciniore & ad opitulandum promptiores, quia satius fuit declinare fidelium invidiam. Ripalda etiam censet Ecclesiæ doctrinam, ut ipse dicit, contineri iis S. Prosperi versibus, quibus de gratia sic loquitur:

*Ut cunctos vocet illa quidem invitetque,
nec ullum*

Præteriens, studeas communem adferre salutem

Omnibus, & totum peccato absolvere mundum;

Sed proprio quemque arbitrio parere vocanti,

*Judicioque suo nota se extendere mente
Ad lucem oblatam qua se non subtrahit ulli.*

„Audis, ait Ripalda, gratiam Dei cum eos vocare, nullum præterire, nulli subtrahi, & in omnium arbitrio ejus obedientiam constitui, ideoque inobedientibus ad culpam deputari! Audio vestram doctrinam ibi genuine describi. Sed fallitur cento Ripalda existimans prædictis verbis contineri doctrinam Ecclesiæ, quia illis haud dubie continetur doctrina Semipelagianorum, ut evidenter constat ex verbis immediate præcedentibus, quibus alloquens ingratos sic ait: *Gratia qua Christi populus sumus hoc cohibetur limite vobiscum, & formam hanc adscribitis illi, ut cunctos vocet illa quidem &c.*

Rectius ergo & conformius principiis eorum, quos colis loquereris, si diceres primam partem assertionis non esse damnatam: neque enim in illam partem potest cadere nota hæresis, quam tamen S. Sedes illi inurit: damnatur ergo propositio quarta propter secundam partem; ad hoc epim, ut assertio copulativa sit falsa, & hæretica, sufficit quod una ejus pars sit talis.

Vehementer tamen suspicor Massilienses attribuisse falso antiquis PP. suam sententiam, quia S. Cælestinus in epist. ad Episcopos

Galliarum arguit Massilienses novitatis, indicitque eis silentium his verbis: *Definat novitas incessare vetustatem, defuât Ecclesiarum quietem inquietudo turbare*; præcipitque vitari hujusmodi qui laborant per terras aliud quam ille noster jussit Agricola seminare. Unde respondens Prospero & Sancto Ilario S. Augustinus, sic loquitur. *Quid igitur opus est ut eorum scrutemur opuscula, qui prius quam ista hæresis oriretur, non habuerunt necessitatem, in hac difficili ad solvendam questione versari, quod procul dubio facerent si respondere talibus cogerentur? Unde factum est ut de gratia Dei quod sentirent breviter quibusdam scriptorum suorum locis, & transeuntes attingerent, immererentur vero in iis qua adversus alios inimicos Ecclesiæ disputabant; & in exhortationibus ad quasque virtutes, quibus Deo vivo & vero pro adipiscenda vita aeterna & vera felicitate servitur, frequentationibus aut orationibus simpliciter apparebat Dei gratia quid valeret; non enim poscerentur a Deo fieri que præcipit, nisi ab illo donarentur ut fierent.* Licet igitur veteres nondum exorto vel manifestato Pelagio, quid de gratia, & prædestinatione Dei sentiendum esset, non tam aperte diserteque explicarent, contraria tamen atque adversa tradidisse nusquam deprehenduntur. Jansenius existimat S. Prosperum aliquando fuisse infectum errore Pelagianorum, atque suspendisse prædestinationem ex præscientia meritorum; vix credidi oculis meis dum id legerem, idque probat ex epistola ejusdem S. Doctoris ad S. Augustinum, ubi dicit: *Illud etiam qualiter dilatur, quasumus patienter insipientiam nostram ferendo demoustrare, quod retractatis priorum de hac re opinionibus pene omnium paritur, & una sententia, &c.* Sed perperam omnino insipientiam ibi existimat sumi pro errore quem S. Augustinus continuo infectabatur, immo existimabat esse contra fidem, quem proinde ab ipso patienter ferri non poterat sperare S. Prosper; & quomodo talis error poterat incidere in eum, qui in eadem epistola numerat se inter paucos perfectæ gratiæ intrepidos amatores? Tenuitatem igitur suam, qua minus sapiens erat ad demonstrandam questionem facti, de quo quærebatur, ibi exprimit, alias fixus, non recipere prædestinationem secundum sensum Massiliensium, de quibus ea in re conqueritur; adeo ut nihil antedictis petat nisi quod dixit inferius, *adde eruditionem humilibus, scilicet timentibus veram Christi gratiam; adde intrepationem superbis qui prædestinationem suspendunt ex præscientia meritorum, quæ se sibi existimant donare, non Deus.*

§. An S. Augustinus, dum erat in errore Semipelagianorum existimavit nulla opus esse Divino adiutorio ad initium fidei aut perseverantiam in eo?

Respondeo negative, quia ad initium fidei admisit gratiam ejusdem speciei cum gratia primæ integritatis; si igitur initium fidei a nobis erat cum ejusmodi gratia, etiam a nobis esse in eo permanentiam, perspicuum est. Id declarat S. August. Lib. de bono persever. cap. 17. Neque isti, inquit, ad sola illa exhortantur dona qua non a Deo dari sed a nobis esse contendunt, sicut sunt initium fidei, & in ea usque ad finem perseverantia; & rursum nonnullis interjectis: sed hæc (inquiunt Massilienses) ut a Deo donantur, nobis fides impetrat, qua incipit a nobis. Quam fidem & incipere habere, & in ea usque ad finem permanere, tamquam id non a Domino accipiamus, nostrum esse contendunt: & mox, hoc dicentes nolunt hominibus predicari dona Dei esse ut veniantur ad fidem & permaneant in fide, &c.

Hinc S. Aug. dum fuit in errore Semipelagianorum iis similiter erravit; neque enim potest dici ipsum initium fidei arrogasse mere viribus naturæ, quia alte animo suo semper infixum habuit hoc principium, liberum arbitrium ad bonum nihil est nisi adjuvetur ab omnipotenti Bono.

Pergit nihilominus, & ut probes S. Augustinum aliquando sic errasse, ut ad initium fidei nullum omnino auxilium gratiæ arbitratus sit esse necessarium, adfers testimonium ejusdem S. Doctoris ex lib. de prædest. Sanctorum cap. 3. ubi fatetur se olim errasse; putans fidem qua in Deum credimus non esse donum Dei, neque eam Dei gratia præveniri. Sed multum falleris, quia advertere debueras donum Dei multipliciter sumi. 1. Pro eo quod ab eo solo accipimus nulla interveniente opera nostra, ut sunt corpus, Anima, facultates ejus naturales &c. 2. Pro eo quod a Deo accipimus interveniente aliquo actu nostro, ad quem Deus influxu generali concurrat: ita motus naturalis, scientia, officium virtutis, etiam quando non bene fit, sunt dona Dei. 3. Pro actu cujus facultatem per auxilium gratiæ suæ nobis concedit Deus, non ipsum actum donat. 4. Donum Dei sumitur strictè pro actu quem in nobis per gratiam Christi Redemptoris producit, operans in nobis velle & perficere pro bona voluntate; atque de ejusmodi dono passim loquitur S. Augustinus agens de gratia Christi; illud donum efflagitabat quando dicebat Lib. 11. Confess. cap. 29. continentiam jubet, da quod jubet, & jubet quod vis: neque enim petebat solum posse continere, sed ipsam continentiam. De tali dono Dei intelligitur S. August. loco cit. ut clare patet per textum Libri; & per gratiam Theol. Moral. Tom. III.

tiam prævenientem intelligitur gratia, quæ præexigitur ad opus bonum, illud per se operando independentem a prævia determinatione liberi arbitrii. De hac loquitur quando cap. 16. Lib. de bono persever. ait: Si autem gratia prævenit fidem, quoniam prævenit voluntatem, profecto prævenit omnem obedientiam, prævenit etiam caritatem; qua unus Deo veraciter & suaviter obeditur, & hæc omnia gratia in eo cui datur, & cujus hæc omnia prævenit, operatur. Unde cap. 3. Lib. de prædest. Sanctorum verbis præcit. subjungit: Ut autem predicato nobis Evangelio consentiremus, nostrum esse proprium, & nobis ex nobis esse arbitrabar, quæ non excludunt gratiam sufficientem primæ institutionis & integritatis, cum enim illa det tantum posse, sicut ut velle & nolle in nostro relinquat arbitrio, ei consentire nostrum est, & in nobis ex nobis est, quia illam ad agendum determinamus.

Quod veroraddis "Semipelagianos, adeoque & S. Augustinum dum in eorum errore versaretur, non tantum initium fidei, sed ipsam etiam finalem perseverantiam, in eo donum Dei esse, negasse; verum est, de dono Dei strictè sumpto, non autem de dono Dei 3. modo sumpto, quia primum membrum discriminis famosi libenter amplexabuntur Semipelagiani, ut ante dictum est. Et quidni cum illa gratia nihil efficere, libertati, correctioni, & universum nihil incommodi adferret. Hinc de ea nunquam litigavit cum Pelagio S. August. Igitur Semipelagiani initium fidei, & finalem perseverantiam adscribebant gratiæ primæ conditionis, quam Adamo etiam in statu infelicitatis ad istos defectus concedebant fuisse necessarium, sic tamen ut cetera bona ad vitam piam pertinentia Dei dona strictè dicta esse concederent; id enim testatur S. Aug. Lib. de bono persever. cap. 24. his verbis: satis docuisse me existima dona Dei esse, & incipere in Domino credere, & usque in finem in Deo permanere, cetera vera bona ad vitam piam pertinentia, etiam ipsi propter quos hæc agimus, Dei dona esse concedunt. Addis ulterius progressos Semipelagianos non tantum initium fidei, sed etiam ipsam finalem perseverantiam donum Dei esse negasse, caput, & caudam bestiæ non Deo, sed libero arbitrio consecrantes contra præscriptum legis. Levit. cap. 3. & 7.

Resp. Verum quidem est Semipelagianos negasse initium fidei esse donum Dei strictè dictum, ut ante explicatum est, sicut, & negarunt finalem perseverantiam esse hujusmodi donum Dei. Semipelagiani igitur initium fidei & perseverantiam in eo, Domino non consecraverunt, sed libero arbitrio; secus est de operibus (distinctis ab initio fidei, vel ab eo quod est velle sanari, aut implorare opem medici) illa enim Domino

Deo consecrarunt, & finalem in eis perseverantiam: tu vero, vir erudite, nec initium fidei, nec in eo permanentiam, nec opera, quibus in hac vita Domino Dei fideliter & perseveranter finitur, ei consecras; ac proinde contra praeceptum Levit. nec caput nec caudam hostiae Deo consecras, sed libero arbitrio.

S. Quadam commentitia expositione famosi discriminis Augustiniani referuntur & refelluntur.

Quod vero tandem dicis, "atque hac finalis perseverantia est illud famosum adjutorium quo, ut vocat Aug. Lib. de cor. & grat. cap. 11. Praecise nodum tangis, quasi S. Aug. istuc non ageret de auxilio ad perseverandum, sed tantum de ipsa perseverantia, quae nequaquam potest dici auxilium gratiae respectu sui ipsius. Si autem dicatur esse auxilium quo respectu ipsius beatitudinis, de tali auxilio, non agit ibi S. Aug. quod si cum nonnullis eo usque delirare lubet, ut dicas finalem perseverantiam esse auxilium quo formaliter sumus finaliter perseverantes; quomodo Angelus bonus non habuit auxilium quo respectu suae perseverantiae? Quomodo Adam in statu integritatis non habuit auxilium quo respectu amoris liberi, quem formavit, quod tamen directe repugnat doctrinae S. Augustini? Immo quomodo demon vel Adamus non habuere auxilium quo respectu sui peccati, eo ipso quo concursus Dei determinarunt ad actum peccati? Quod si velis, ut nonnullis jam incipit placere, S. Aug. ibi agere de gratia, qua Sancti in Regnum Dei praedestinati perseverant, quae sit auxilium quo respectu perseverantiae, non autem respectu aliorum operum salutarium: ecce totus Molinismus, quem avide sectaris, corrui; cur enim Deus poterit coronare finalem perseverantiam Sanctorum, & non poterit praemiare alia eorum opera, si ad illa, auxilium quo, sive gratia Christi efficaciter extendatur. Ubinam illi inconditi clamores toties vibrati in efficaciam gratiae Christi tanquam libertatis humani arbitrii eversum? Sane doctrina S. Aug. efficaciam gratiae Christi ad omnia opera salutaria constanter & semper extendit, ut patet ex cap. 14. Lib. de bono persever. ante cit. cujus Libri cap. 17. postquam dixerat quod Deus illum, quem castum esse futurum praescivit, agit ut castus sit, subjungit postea: quod autem dixi de castitate, hoc de fide, hoc de pietate, de Caritate, de perseverantia, & ne pergam per singula, hoc de omni obedientia, qua obediunt Deo, veracissime dici potest. Sed & in cap. 11. de cor. & grat. non solum de auxilio quo finalis perseverantia agit; sed etiam respectu aliorum operum & per-

severantiae non finalis, quia sic loquitur: prima est, sc. gratia integritatis, quae fit ut habeat homo justitiam si velit. Secunda ergo plus potest, quae etiam fit, ut velit, & tantum velit, tantoque ardore diligit, ut carnis voluntatem contraria concupiscentem, voluntate spiritus vincat, & cap. 12. allegatis his verbis Joannis 15. Non vos me elegistis, sed ego elegi vos, & posui vos ut estis & fructum afferatis, & fructus vester maneat: subjungit, quibus verbis, inquit, non solum justitiam, verum etiam in illa perseverantiam se dedisse monstravit. Si vero dixeris cum quodam recentiore, qui tibi percarus est, famosum discrimen in eo consistere, quod Adamus in statu integritatis non eguerit auxilio gratiae ut vellet perseverare, sed dumtaxat ad perseverandum; quia dicit S. Augustinus, ut autem vellet, in ejus libero re-siquit arbitrio. Neque dicit S. Aug. inquit ille, liberum arbitrium sine adjutorio gratiae nihil prorsus ad bonum valere, sed dicit, liberum arbitrium ad malum sufficit; ad bonum autem parum est nisi adjuvetur ab omnipotenti Deo. Ubi dicit notandum illud parum, quia poterat illud quidem sine illo adjutorio velle, & parum erat vel-le, nisi ille qui illum fecerat adjuvaret: in statu autem naturae lapsae homo eget adjutorio gratiae, non tantum ut perseveret, sed ut velit perseverare. Verum quis non videt id penitus esse frivolum, 1. Quia ista explicatio confundit adjutorium datum homini in statu innocentiae ad perseverandum, & datum homini in statu naturae lapsae ad eundem effectum: S. Aug. vero illa clare distinguit, dicens datum esse primo homini in statu innocentiae adjutorium perseverantiae, non quo fieret ut perseveraret, sed sine quo per liberum arbitrium perseverare non posset: in statu autem naturae lapsae ipsi & reliquis Sanctis in regnum Dei per gratiam ejus praedestinati, non tantum tale adjutorium perseverantiae datur, sed tale, ut eis perseverantia ipsa donetur. 2. Semipelagiani ad-mittebant ad initium fidei, & perseverantiam finalem, necessitatem adjutorii mere possibilitatis in homine sano; ergo a fortiori fatebantur ejusmodi adjutorium ad praedictos effectus requiri in homine post ruinam: nihilominus tamen S. Augustino nequaquam satisfecerunt, quia S. Doctor eos totis duobus Libris sc. Libro de praedest. Sanctorum & Libro de bono persever. quibus Litteris SS. Prosperi & Hilarii respondet, refutavit, ostendens tam initium fidei quam finalem perseverantiam esse gratiae Dei donum; gratiae inquam quae non tantum posse donet, sed quae a nullo duro corde respuitur, gratiae quae avertit cor lapideum, & dat cor carneum, sicut Deus Propheta praedicante promisit, ut habetur cap. 8. de praedest. Sancto-

etorum, gratia quæ ex *volentibus* facit *volentes*. Ibidem. *Qua fecit ut faciamus*; dicitur enim cap. 10. *qua facit ut illi*, scilicet homines, *faciant quod precipit non illi faciant*, ut ipse Deus faciat quod promissit. Deinde quod dicit ad bonum parum est nisi adjuvetur ab omnipotente Bono, illud parum idem est quod non sufficit ad bonum: unde in margine loco parum additur *nihil*, juxta illud ejusdem S. Doctoris tract. de Cant. novo cap. 6. *Et dicitur arbitrium non adjutum, ad malum sufficit sibi, ad bonum non nisi adjutum*. Et etiam ex illo, *sive ergo parum, sive multum, sine illo fieri non potest, sine quo nihil fieri potest*. Tract. 81. in Joannem. Et quamvis hæc plus quam satis sint, ut demonstretur quam inani labore se fatigent nonnulli, ut famosum discrimen, quod illis quæstionibus fixa est, in alienam sensum detorqueant, non possum tamen omittere quin adhuc aliam expositionem quam in anterioribus citatus Auctor, ex quo ante rejectam explicationem celebris dicti S. Aug. ex commentario in epist. ad Galat. avide rapuisti, paucis hic referam, in qua tradenda ita se torquet ut vix suus esse videatur. 1. Docet gratiam naturæ integræ mere consistere in *illustratione intelligentiæ*, adeo ut Adam in statu integritatis, & Angelus potuerint sine novo gratiæ beneficio Creatorem suum, ut oportet, amare, non difformiter Pelagio contendenti a Domino Deo nostro habere adiutorium *cognitionis*, non inspirationem *dilectionis*, qua cognita sancto amore faciamus. Lib. 4. ad Bonifac. cap. 5. & contra S. Augustinus qui Lib. 14. de Civit. cap. 13. dicit Adamum ab *immutabili Bono illustratum fuisse ut videret*, & *accensum ut amaret*. 2. Dicit Adamum in statu integritatis & Angelum potuisse postea illa *illustratione*, amore deliberato diligere suum Creatorem: sed tamen *illustrationem* illam necessario profudisse amorem Dei indeliberatum, ex quo sequitur potuisse Adamum amare Deum propter. Se amore deliberato, & indeliberato, eodem instanti, quod est impossibile. Sed, & majus illud absurdum sequitur, quod Adamus non peccaverit, quia juxta ipsum *illustratio* illa mentis tam necessario profudit dilectionem indeliberatam Dei, quam, ut ipse explicat, oculus bene sanus, nec ullo suffusus humore, propositum sibi debite obiectam, & temperata collustratum luce intuetur. Inde autem evidenter sequitur, quod Adam non peccaverit; cum enim eo instanti quo peccavit, non caruerit illa *illustratione* mentis, quæ unicuique erat ei auxilium sufficiens, (si enim ea caruisset, sine sua culpa cecidisset) non potuit peccare, quia amor inordinatus creaturæ non poterat simul eodem instanti consistere etiam cum amore indeliberato Creatoris. Explicatio igitur illa peccatum originale destruit. Quod si verum est,

Molinismo, quem colis, contra S. Aug. palmam concedimus, eo magis, quod jam dicta explicatio etiam dæmonibus evacuat infernum, quia nec illi juxta dictum principium peccaverunt. Numquid multo consultius foret in lumine quod accendit Deus in Augustino ambulare, quam semitas adversariorum ejus inire, relicta via regia doctrinæ ejus, & in singulis fere passibus cespitare?

S. De quinta Propositione.

Quinta propositio damnata, est hæc: *Semipelagianum est dicere Christum pro omnibus omnino hominibus mortuum esse aut sanguinem fudisse*. Non est dubitandum quin adversus eam justissima sit sanctæ Sedis censura, etenim S. Augustinus censet Lib. 6. contra Jul. cap. 4. Christum Dominum pro omnibus omnino hominibus mortuum esse, dicens: *in illo uno scilicet Adamo mortui sunt omnes, ut moreretur unus pro omnibus*, idem repetit cum sanctis Litteris Lib. 20. Civit. cap. 6.

Quo sensu igitur mortuus est pro omnibus Christus?

Resp. Mortuus est Christus pro salute omnium quoad *sufficientiam*, mors enim ejus fuit infiniti pretii: quoad *efficaciam* vero mortuus est pro salute omnium & solum electorum, quia omnes & soli prædestinati æternam salutem consequantur: ita docet S. Thomas in illud ad Hebræos 2. *Et gratia Dei pro omnibus gustavit mortem*, sic enim intelligit, ut *gratia Dei, id est Christus* inquit, *auctor omnis gratiæ sit mortuus*, quoad *efficaciam*, pro salute æterna omnium, & solum prædestinatorum. Consonat, ut semper S. Augustino scribenti epist. 102. non perit unus ex illis pro quibus Christus mortuus est. Neque obstat, quod asserere Christum pro salute æterna duntaxat prædestinatorum esse mortuum, damnatum sit ut *impium, blasphemum, contumeliosum, Divinæ pietati derogant, & hereticum*, quia toto Cælo distant Christum mortuum esse quoad *efficaciam*, pro salute æterna omnium, & solum prædestinatorum, & esse mortuum duntaxat pro salute ipsorum, quia mortuus est insuper pro justitia, perseverantia, & multis gratiis actualibus ipsis concessis, sicut pro justitia, poenitentia, & multis gratiis actualibus reproborum.

Quod si in illo dicto, pro omnibus omnino hominibus Christus mortuus est quoad *sufficientiam*, fiat vis in sola *sufficientia* pretii, sic dici posset Christus mortuus pro dæmonibus liberandis: „ quod quidem „ non gravate, inquis, admittet Auctor Lib. „ 3. de grat. Salvatoris cap. 20. Sed quid hoc ad me, nisi calumniose supponas, prout soles, me esse Jansenistam. Quod ad me

attinet, id non admissi nec unquam admittam, quoniam enim est consequentia, pretium mortis Christi est sufficiens redimendis demonibus; ergo Christus mortuus est pro illis quoad sufficientiam, prorsus enim nulla est, quia pro demonibus Christus non obtulit se Deo Patri in Redemptionem.

Porro Trid. Sess. 6. cap. 3. sic loquitur: *et si pro omnibus mortuus est Christus, non tamen omnes beneficium mortis ejus recipiunt*. Hinc invalida est consequentia, Christus mortuus est pro omnibus, ergo omnes ex morte Christi in se derivant gratiam sufficientem ad salutem: licet enim supponeretur consequens esse verum, non sequitur tamen ex illo antecedente, quia gratia sufficiens in hoc statu non potest non esse beneficium mortis Christi.

Eo collimabat objectio nona Gallorum apud S. Prosperum, quod juxta doctrinam S. Augustini, *pro totius mundi redemptione Salvator non sit crucifixus*, & prima Vincent. quod *Dominus noster Jesus Christus non pro omnium salute & redemptione sit passus*: patiter Faustus Lib. 2. de grat. & lib. arb. cap. 7. *totum plane gratia est*, ait, scilicet concursu concomite, non praevio, (alias enim agnosceret gratiam per se efficacem) *sed omnibus eam offert atque ingerit ad salutem omnium Conditor atque Redemptor*. Omnes illi contra Trid. arbitrabantur validum esse sequelam hujus argumenti; „ Christus pro omnibus mortuus est, ergo omnes omnino beneficium mortis ejus recipiunt, sed non subsistit, nam revera potuit Christus offerre pro omnibus omnino pretium mortis suae, sic tamen ut nulli in particulari illud applicuerit, sed reliquerit id Patri determinandum, nam recte dicitur quod Christus misertus super turmam totius generi humani, portans iniquitatem *omnium nostrum*, se obtulerit Deo Patri pro omnibus omnino hominibus indefinitis, nec ullum excludens, reliquerit Deo Patri applicationem pretii infiniti mortis suae quibus vellet; arcanum enim *mysterium* electionis & discretionis aliquorum, sive ad gratiam sive ad gloriam, prae aliis, ultimo in voluntatem Patris refundendum videtur. Hinc Christus electos dicit sibi a Patre datos.

Addis, & de me conquereris dicens „ ce-
„ terum optamus intelligere quid amplius
„ Auctor Manualis prae Auctore propositio-
„ nis damnatae, ex morte Christi pro omni-
„ bus derivet utilitatem in eos, qui non per-
„ severant, praeter inanem sonum & strepi-
„ tum syllabarum. Iterum censes me inter
Jansenianos, semper *aperta columna*, Jan-
senius tamen assignabit tibi justitiam inte-
riorem, & gratias actualis quibus ad illam
pervenerunt: ego autem ulterius assignabo
tibi gratiam quantum est ex natura rei suf-

ficienter efficacem ad poenitentiam, quam Jansenius non agnovit. Estne illa inanis sonus & strepitus syllabarum? credo id bene velles. Consentis Auctori quinque propositionum, & dicis merito cum docere quod proprie mori pro aliquo sit mori ex intentione salutis ejus, quae, ut ipse dicis, non potest esse inanis. Unde Auctor iste, ut Christus dicatur mori pro aliquo, requirit aliquem effectum mortis Christi in ipsum derivari, cum tamen rectissime juxta Trid. SS. Augustinum, & Prosperum, dicatur Salvator pro totius mundi redemptione crucifixus, etsi totus mundus beneficium mortis ejus non recipiat. Deinde si mortuus est pro omnibus *omnino* hominibus ex intentione salutis omnium, quomodo intentio ejusmodi potest esse *sincera*, vi cujus distribuuntur innumerae gratiae non congruae ad perseverandum, cum Deus, qui eas distribuit, possit sine ullo incommodo singulis elargiri gratiam congruam ad perseverandam? quomodo is sincere intendit finem, qui dat media incongrua ad consecutionem ejus, cum ipse nullo negotio possit congrua ministrare? quomodo is sincere intendit salutem eorum quibus dat gratiam ad perseverandum, cui praevidet certo non responsurus, cum nullo negotio possit dare gratiam, cui praevidet certo cooperaturos?

Tandem subjungis ex Trid. Sess. 6. can. 21. *Si quis dixerit justificatum vel sine speciali auxilio Dei in accepta justitia perseverare posse, vel cum eo non posse, anathema sit*: & cap. 12. *Deus namque sua gratia justificatos non deserit, nisi ab iis prius deseratur* & cap. 13. *nisi ipsi ejus gratia defuerint* &c. ex illis autem sic infero „ ergo clare Tridentinum docet „ pro salute aeterna saltem omnium omnino „ justorum, mortuum esse Christum. Verum quare dicis saltem omnium omnino justorum, cum Tridentinum exprimat Christum esse mortuum pro omnibus, id est, pro salute omnium, etsi non omnes beneficium mortis accipiant? Vis dicere „ arbitror, quoad efficaciam non solum ratione gratiae actualis respectu operis pietatis, sed etiam quoad *finalem perseverantiam*. Unde subjungis „ quod Auctor Manualis omnibus justis „ gratia exidentibus ac salute aeterna de- „ neget auxilium proxime sufficiens ad per- „ severantiam, cui scilicet nihil desit ex parte Dei, ita quod ipse deo tantum *posse* „ perseverare, ipse vero homo justus *sibi* „ donec perseverantiam, non ipse Deus.

Resp. Verum est, hoc est quod ipse nego, hoc est quod scripturae pernegant, non enim est *volentis* neque *currentis* perseverantia, sed *Dei misericordis*; hoc est cujus contradictorium innumeris locis Sacrae Scripturae constanter, & valide S. Augustinus propugnavit. Addis „ solum me negare auxilium re-

motu sufficiens, hoc est tale, cui cooperando, auxilium proxime sufficiens habeam in potestate, excludendo a singulis actibus pietatis necessitatem gratiae per se efficacis. Resp. Hoc est iterum cuius contradietorium SS. Augustinus, Chrysostomus, & ceteri SS. Patres constanter tenuere. Contrarium plane videtur habere doctrina Massiliensium, qui in potestate se habere iactabant cum gratia mere possibilitatis initium fidei, & perseverantiam in ea: cetera vero bona ad vitam piam pertinentia (quod tu ipse negas, ne evertas libertatem) dona Dei esse concedebant, ut patet per Augustinum Lib. de bono persever. cap. 24.

Ceterum cum perditio nostra ex nobis sit, Osee 13. salus autem in Deo, quid restat nisi ut in ejus auxilio firmissimam spem reponamus, ut docet Trid. Sess. 6. cap. 13. Dei, inquam, auxilio operantis in nobis velle & perficere, ut ait S. Synodus ibidem, non in firmitate brachii nostri (id est, in viribus & determinatione liberi arbitrii) ne, ut contra Massilienses, & reliquos Pelagianorum docet S. Augustinus, quisque speret sibi sit, & in illud incurrat quod non poetice sed prophete, dictum est: *Maledictus omnis qui spem habet in homine*. Lib. de praedest. Sanctorum cap. 1. Cum vero plus quam notum sit quam timida sint cogitationes mortalium, & incerta providentiae nostrae, merito miratur S. Augustinus, homines infirmitati suae se malle comittere, quam firmitati promissionis Divinae, & mox superbi simul & miseri humani cordis tergiversationem excludens, subiungit, *sed incerta est mihi*, inquis, *de incerta voluntas Dei*. Quid ergo tua in tibi voluntas de seipso certa est, nec times? quia fiat, videat ne cadat: cum igitur utraque incerta sit, cur non homo firmitati, quam infirmiori fidem suam, spem, caritatemque comittit. Lib. de praedest. Sanctorum cap. 22. Certe Adamus in tanta felicitate, & tanta non peccandi facilitate non stetit, & inextricabilis peccati grandi ruina nos omnes involvit.

Tandem, vir erudite, tædet me Jansenismi, cuius frequenter me intumulas, calumniarum, & censurarum, quas inique mihi inuris. Tædet me crambis toties recoctæ, quam opponis; lubet nunc breviter necessitatem gratiae per se efficacis suis fundamentis adstruere, & videre num argumenta nonnullorum, quæ & tua sunt, sint validiora quam ea quæ in anterioribus profudisti.

§. De necessitate gratiae per se efficacis.

EA probatur primo ex Sacris Litteris. Illustris est locus apud Ezechielem cap. 36. ubi dicit Dominus: *Ab universis idolis vestris mundabo vos, & dabo vobis cor novum, & auferam cor lapideum de carne vestra, &*

dabo vobis cor carneum; spiritum meum ponam in medio vestri, & faciam ut in praeceptis meis ambuletis. Hæc erat mutatio dexteræ Excelsi, prout etiam dicit de se Psalmographus Psal. 76. *ego dixi; nunc capti, hæc mutatio dexteræ Excelsi*. Quo etiam pertinet illud Psal. 66. *confirma hæc Deus quod operatus est in nobis*; & illud ad Philippenes I. *qui capit in vobis opus bonum, perficiet usque in diem Jesu Christi, quo nimirum remunerabit singulos*, & cap. 2. *Deus est enim qui operatur in vobis velle & perficere pro bona voluntate*, & Joan. 6. *nemo potest venire ad me nisi Pater, qui misit me, traxerit eum*, per gratiam, scilicet per se efficacem, unde infra dicit, *nemo potest venire ad me, nisi ei fuerit datum a Patre meo*; & ut paucis absolvam, adduco illud ad Rom. 9. *non est volentis, neque currentis, sed miserentis est Deus*, utique prævio concursu, non comite tantum, alias sermo posset converti & dici, non miserentis est Deus, sed volentis & currentis est hominis. Quod pia aures ferre non possunt, ait S. Thomas in Comment. sequutus S. Augustinum Lib. de grat. & Lib. arbit. cap. 7. Qui vero aliter explicat prædictas Scripturas, quam de gratia per se efficaci, a sensu S. Augustini, & aliorum SS. Patrum devius est.

Probatur 2. ex SS. Patribus ante Pelagium existentibus. In primis Chrysostomo homil. 13. in Joan. *gratia Dei semper in beneficiis priora sibi partes vendicat*. Homil. 12. in priorum ad Corinth. cap. 5. *quid igitur habes quasi quod non acceptum habeas? num ipso per te relictus operatus est? non sane, sed accepisti, & idcirco magni te facis? propterea cohibere oportet, non enim tuum id munus est, sed largientis*. Item homil. 4. in posteriorem ad Thymotheum, *totum est gratia Dei*. Et homil. 6. in posteriorem ad Corinth. *totum Deo tribus*, inquit, *nominis Auctor est Christus, non quod idonei sumus a nobis ipsis quidquam cogitare, aut quasi ex nobis ipsis: hoc autem non ita dicebam, fiduciam habens, ut id partim sit nostrum, partim sit Dei (per concursum nempe simultaneum) sed totum illi (primitus) attribui acceptumque fero*. Sicut vero Gregorius Nazianzenus, Basilii, Chrysostomi; ita Chrysostomus norma doctrinae fuit posteris Græcis. Hinc Theophylactus Bulg. Archiepiscopus in Comment. suis in Evang. & Epistolas Pauli, ita Chrysostomum secutus est, ut Chrysostomi abbreviator dici possit.

Joannes Cassianus quidem fuit Discipulus, & Diaconus Chrysostomi, sed ab eo errorem non hausit, qui postea ad Gallos accedens, ibique sedem apud Massiliam figens, Presbyter ordinatus, secutus est errorem Massiliensium, quem ibi plurimi etiam summum Sacerdotii honore supereminentes sectantur, & demptis pueris perfectis gratia &

intrepidis amatoribus, inter quos S. Prosper se censet epistola, ad S. Augustinum.

S. Cyprianus, Hilarius Pictaviensis, S. Ambrosius exiterunt ante Pelagium ejusque heresim praeferant: S. Cyprianus quidem in orat. Domin. praecedit, ait, humilis & submissa confessio, & datur totum Deo, nihil ergo bonum valet admittere quod non sit ex Divina gratia, ac proinde nec ejus initium nec profectum vel perseverantiam in eo. Unde Hilarius Pictaviensis Episcopus Can. 25. in Matth. de Deo dicit quod ei debeamus, & originem & profectum. S. Ambrosius vero Lib. 2. de bon. merit. cap. 12. Sequimur te Domine, inquit, sed ut sequamur accersis, quia sine te nullus ascendit: & Lib. 2. in cap. 3. Lucra audeo dicere quod homo non possit viam adoriri nisi Dominum habeat praeventem, ab illo habuit id quod sapissime usurpat S. Augustinus, in nullo glorandum, quando nostrum nihil sit. Lib. 2. retract. cap. 1.

Probatur 3. ex Patribus Pelagio corvis. Hieronymus Lib. 2. adversus Pelagianos cap. 7. illud Psalmi, & dixit nunc capi, hac mutatio dextera Excelsi, ita ex persona iusti explicat, nunc capi vel penitentiam agere, vel scientia limen intrare, & hac ipsa de bonis ad meliora mutatio, non mercedis virium, sed dextera & potentia Dei. Epist. ad Cresiphontem sic scribit: libertatem arbitrii sit asserendum, ut agamus semper gratias largitori, sciamusque nos nihil esse, nisi quod donavit, ipse servaverit, dicente Apostolo, non est volentis neque currentis, sed miserentis est Dei: velle & querere meum est, sed ipsum meum fuit Dei semper auxilio non erit meum: divit enim idem Apostolus, Deus est qui operatur in nobis velle, & perficere pro bona voluntate. Conformiter lib. 4. in Jerem. libertatem arbitrii ita reservandam esse asserit, ut in omnibus excellat gratia Largitoris: quod sane vigili memoria semper est retinendum, nos esse qui volumus & perficimus, sed Deus est qui operatur in nobis velle, & perficere, nos esse qui praecepta Dei servamus, sed Deus facit ut in praeceptis ejus ambulemus. Ezech. 36.

S. Augustinus vero totus est in eo, ut gratiam per se efficacem contra novos hereticos ut ipse non semel asserit, ubique propugnet. Manifeste eam nobis commendat, ipso teste, Oratio Dominica, qua Deum oramus ut a nobis sanctificetur Nomen ejus & fiat a nobis voluntas ejus, & in tentationem non inducamur, adeo ut si alia documenta non essent, hac Oratio Dominica, inquit, ad causam gratiae quam defendimus sola sufficeret, quia nihil nobis relinquit, in quo tamquam nostro gloriamur. Lib. de bono persever. cap. 7. Subdit generaliter. Si quidem ut non discedamus a Deo, non ostendit dandum esse nisi a Deo, cum poscendam dicit a Deo, qui enim non infertur in tentationem non discedit a Deo: non est hoc

omnino in viribus liberi arbitrii, quales utique sunt, fuerat in homine antequam caderet. Subdit S. Doctor, post casum autem hominis, non nisi ad gratiam suam Deus voluit pertinere, ut homo accedat ad eum, neque nisi ad gratiam suam Deus voluit pertinere ut homo non recedat ab eo. Quamquam gratiam ubertim commendent, evidentique asserant, & aliae preces de quibus eodem loco S. Augustinus: prorsus in hac re, inquit, non operosae disputationes expellant Ecclesia, sed attendit quotidianas orationes suas. Orat ut increduli credant. Deus ergo eos convertit ad fidem. Orat ut credentes perseverent. Deus ergo donat perseverantiam usque in finem: & quamvis haec perabunde sufficiant, lubet addere haec pauca: quod vitium superbia, nisi adjuvante gratia superetur, nemo ad justitiam convertitur: nisi operante gratia sanctur, iustitia pace nemo perfruitur. Cujus autem gratia vincitur, & sanatur, nisi illius cui dicitur: converte nos Deus sanitatum nostrarum, & averte iram tuam a nobis? Lib. 2. de peccat. merit. cap. 19. Et paullo infra docet: Drum ideo Sanctos, & fideles suos in aliquibus vitis tardius sanare.... in eo commendans gratiam suam, ne facilitatem in omnibus affecit, nostrum patemus esse quod ejus est, qui error inquit multum est religioni praeiudicium contrarius.

Hinc Pelagium hostem gratiae per se efficacis cum suis adherentibus Honorius Imperator Roma expulit: rediit Pelagius in Britanniam natale solum, inde S. Prosper vocat eum serpentem Britannicum, ibique eum S. Germanus Antisiodoriensis, & S. Lupus Trecentis valide confutarunt, & convicerunt.

Probatur 4. ex SS. Prospero, Fulgentio & aliis Pelagio posterioribus. Tantum abest ut S. Prosper approbet gratiam, quae tantum det posse, efficaciam suam emendicantem a Libero voluntatis arbitrio, eaque sit contentus; ut veram Christi gratiam dicat esse omnipotentem cap. 15. carm. de ingratis, his verbis: ac vero omnipotens hominem cum gratia salvat, ipsa suum consummat opus, non moribus illi sit mora, nec causis anceps suspensio dicitur ulli. Ubi locabitur gratia sufficiens, Massiliensium, vel congrua, nisi forte in spatiis imaginariis? & cap. 34. vocat Massilienses solos querulos, solosque superbos, solos ingratos, quos inquit, urit gratia, nempe gratia per se efficax quam oderant, agnoscebantque solam gratiam, cuius, inquit, ipsos alloquens, omne opus arbitrio vultis subsistere vestro, & breviter optimeque distinguens inter concursum simultaneum & praeivum contra Collat. cap. 26. sic ait: Memento autem liberum arbitrium a vanitatibus, & cupiditatibus fuit, in quas negligenter Dei lege defluxit, non a seipso, sed a Creatore mutatur, ut quibus quid in eo in melius resistitur, nec sine illis sit quod

fama.

sanatur, nec nisi ab illo sit qui medetur, cuius sumus nova creatura novumque figmentum, creati in Christo Jesu in operibus bonis, quae preparavit Deus.

Hoc pertinet quod idem S. Doctor narrat in chronico ad annum Christi 418. his verbis: Concilio apud Chartaginam habito ducentorum quatuordecim Episcoporum ad Papam Zozimum decreta perlata sunt, quibus probatis per totum mundum haeresis Pelagiana damnata est; & cap. 10. contra Collat. sic eum alloquitur: secundum quippe tuam censuram, qua Sanctorum & fidelium voluntatem asseris non in omnibus hominibus ex Deo esse principium; erravit Papa Innocentius, & Petri Sede dignissimus, qui cum de istis loqueretur, qui in libero arbitrio gloriabantur: nam quid, inquit, nos de eorum posthac ratum-mentibus existimemus qui sibi reputant debere quod boni sunt.... errarunt Africana Concilia, quae decretis suis constituerent, utrumque donum Dei esse, & scire quid facere debeamus & diligere ut faciamus, ut edificante caritate scientia non possit inflare; erraverunt ducenti quatuordecim Sacerdotes, qui in Epistola quam sibi constitutionibus praeulerunt, ita Sedis Apostolica antistitem Beatum Zozimum sunt allocuti: Constitutum in Pelagium atque Celestium per venerabilem Episcopum Innocentium de Beatissimi apostoli Petri Sede prolata manere sententiam, donec optissima confessione fateantur gratiam Dei per Jesum Christum Dominum nostrum, non solum ad agnoscendam, verum etiam ad faciendam iustitiam nos per alius singulos adjuvari, ita ut sine illo nihil vera sanctaeque pietatis habere, cogitare, dicere, vel agere valeamus. Deinde commemorata Zozimi ad Fratres & Coepiscopos epistola & rescripto eorum pro gratia per se efficaci: sic affatus Collatorem concludit: videsne regular tuar invictarum constitutionum soliditate confractas, & in fidei structura pravae runosaeque juncturas, velut Jerichuntinos muros ad Sacerdotium tubarum ruisse concensum? Et paullo infra: prostrata est, inquit, inimica acies, bellum confectum est, victores sumus, per illum qui fecit potentiam in brachio suo, qui dissipavit superbas mente cordis ipsorum. Ita ille.

S. Fulgentius etiam fidelis S. Augustini Discipulus totus decernat pro gratia per se efficaci, ut lib. de Incarnat. cap. 20. Omnia inquit, quae pertinent ad bona voluntatis initium vel profectum, Deum in nobis, & incipere, & perficere sine aliqua bastatione credimus. Item Lib. 1. ad Monim. cap. 4. Ipse facit, ut faciamus, quo in nobis operante sit omne bonum quod facimus, & epist. 6. cap. 8. quidquid habes bona voluntatis, vel bona operationis, Deo assigna qui dedit, & ipsum humillime roga ut conservet & augeat quod donavit.

Neque hic omittendus S. Gregorius qui

homil. 9. super Ezech. sic loquitur: sciendum est, inquit, quia mala nostra solummodo nostra sunt, bona autem nostra & omnipotentis Dei sunt & nostra, quia ipse aspirando nos praevenit ut velimus, qui adjuvando subsequitur.... praeveniente ergo gratia & bona voluntate subsequente, hoc quod omnipotentis Dei donum est, sit meritum nostrum. S. Bernardus omnibus praedictis consonat in tract. de grat. & lib. arbit. Quidquid boni in te invenis, illi tribue a quo omne bonum est, sine quo non parvum aliquid, sed nihil omnino potes incipere, ne dicam perficere.

Si vero quis objiciat, quid tu ergo operaris, aut quid mercedis ac praemii expectas, si totum dandum est Deo, ut ex SS. Patribus audivimus. Resp. Totum primum est Dei, id expressit subtiliter & diserte S. Bernardus Lib. de grat. & lib. arbit. ejusmodi argumento respondens, his verbis: Quod a sola gratia capium est, pariter ab utroque perfectum, ut minimim, non sigillatim, simul, non vicissim, per singulos profectus operentur, non partim gratia, partim liberum arbitrium, sed totum singula opere individuo peragunt, totum quidem hoc, & totum illa, sed sicut totum in illo, sic totum ex illa.

Tandem Concilium Arausicanum Can. 5. Apostolicis dogmatibus adversari pronunciat eum, qui sicut argumentum, ita & initium fidei ipsumque credulitatis affectum negat per inspirationem Spiritus Sancti haberi; sicut & Cant. 6. eum, qui ut credamus, velimus vel alia sicut oportet agere valeamus, non fatetur fieri per infusionem, & inspirationem Spiritus Sancti. Quod non facit, qui dicit ea posse haberi per gratiam mere possibilitatis. Ne quis autem suspicetur in damnando hoste gratiae Dei Pelagio dissentisse erigentem ab occidente, Patres Graecos a Latinis; sicut Occidentalis Ecclesia sententiam magni Augustini, ita Orientalis in Ephesina Synodo Celestini, Romanaeque Ecclesiae, secuta est judicium.

§. De gratia, quantum est ex natura rei, efficaciter sufficiente.

Quia vero gratia quantum est ex natura rei efficaciter sufficiens saepius ante descripta, est ejusdem speciei cum gratia per se efficaci, hic non erit inutile de ea breviter aliquid inferere.

In primis nullus dubitare finitur lucem Caelestem gratiae, quantum est de se esse illuminativam & accensivam cordis, idque illuminaret & accenderet nisi tenebrae & frigus nostrum ad aeterna ponerent obicem.

Notum etiam est quod delectatio Caelestis, eam elevante Deo, sit attractiva ad dilectionem summi Boni, eamque sine ope alterius auxilii attraheret (quod evidens signum est

est ex natura rei non requiri prædeterminationem physicam ad omnem actum) nisi maior concupiscentia poneret obicem: *Poculum namque immortalitatis, quod confectum est ex infirmitate nostra, & virtute Divina habes quidem in se ut omnibus proferat*, ait S. Prosper. respons. 1. ad Vincent., *sed si a nauseabundo non bibitur, non medetur*. Igitur datur gratia interior distincta a gratia per se efficaci, quæ illa verum posse ad actum pietatis, immo daret agere sine concursu alterius auxilii, nisi cordis durities obsteret; quod multis Sacrarum Litterarum testimoniis & SS. Patrum Auctoritate in anterioribus demonstratum est.

Neque hæc sententia mihi nova est, eam expressi in Apologia ante sexdecim annos impressa, quam evulgavi in anterioribus partim *contractam*, partim *ampliatam*, contra os in Sanctam Sedem loquentium iniqua, his verbis: Quod vero attinet ad locum Trid. *Deus sua gratia justificatos non deserit, nisi deseratur*, juxta nonnullos habet hunc sensum, quod Deus, qui est vita Animæ nostræ ab ea per gratiam justificata non abscedat, nisi ipsa mortaliter peccando eam deseruerit: Deus enim tale bonum est, ut invitum pullo modo deserturus sit, hoc est bonum, ait S. Augustinus, *quod non potes inquit amittere; potes enim aurum perdere etiam nolens; potes domum &c.* Bonum vero quo vere bonus es, nec invitum accipis, nec invitum amittis, serm. de verb. Dom. cap. 5. dicit enim ibi Trid. *quod justus quantumvis in peccata venialia cadat, non desinat esse justus & subjungit, Deus namque sua gratia justificatos non deserit, nisi prius deseratur*. Verum hæc posteriora verba non immediate subjunguntur prædictis, sed interponuntur hæc, *quæ sit, ut justus ipsi eo magis se obligatos ad ambulandum in via justitiæ sentire debeant, quo liberati jam a peccatis, servi autem facti Deo sobrie, pie, & juxte viventes, proficere possunt per Christum Jesum, per quem accessum habuerunt ad gratiam istam*. Postea immediate subjungit, *Deus enim sua gratia semel justificatos non deserit &c.* Etiam quantum ad gratiam actualem, qua possint pie viventes proficere, nisi per peccatum mortale ab iis deseratur. Locus etiam S. Augustini de nat. & grat. cap. 26. qui citatur ad marginem dicti capituli 11. ejusdem Trid. etiam agit de gratia actuali, quia ibi S. Augustinus loquitur contra Pelagium contendentem solam esse admittendam gratiam remissionis peccatorum, seu non esse necessariam Dei gratiam *ne peccemus, sed quia peccavimus*: cui respondit S. Augustinus, Deum non esse instar hominis Medici, qui cum agrum sanaverit, ut in ea sanitate persistat, Deo ipsum commendat; *Deus autem, inquit, cum spiritualiter sanat agrum vel vivificat mortuum, id*

est, justificat impium, & cum ad perfectam sanitatem, hoc est ad perfectam vitam justitiæ perduxerit, non deserit si non deseratur, ut pie semper juxteque vivatur. Deinde contra Pelagium concludit: *Sanat ergo Deus, non solum ut deleat quod peccavimus, sed ut præstet etiam ne peccemus*. Loc. cit. de nat. & grat. Porro homines sæpe desunt gratiæ Dei actuali, quia hæc de sursum veniens, etiam sursum nititur, eoque nos suaviter trahit, nisi obstaculum ponamus; non raro enim contigit quod præ duritie cordis nostri, gratia quæ alias foret efficax, effectu frustreretur. Hinc S. Augustinus præfat. in Psal. 124. de impiis loquens, *cor eorum congelascit, inquit, adversus imbrem gratiæ Dei ne fructum ferat*. Amor proprius etiam repetens originem suam (de terra enim sic) semper magis magisque deprimit, & resistit gratiæ, quando facit plus delectare quod impedit, quam delectat id quod præcipit Deus: unde & S. Thomas verba Psal. 18. *non est qui se abscondat a calore ejus* explicans, ait, *quod sicut sol ex parte sua exhibet se omnibus; sic Spiritus Sanctus effunditur ubique & petis ab omnibus recipi, nisi quis per malitiam se abscondat*. Quod igitur gratia quantum est ex natura rei efficax destituatur effectu, non ex parte Dei oritur, sed ex defectu hominis; idque localem docet S. Augustinus: ut autem innotescat quod latebat, & suave fiat quod non delectabat, gratia Dei est quæ hominum adjuvat voluntates, quæ ut non adjuvantur in ipsi indidem Causa est, non in Deo, ita ibi. Idem insinuavi in Manuali 1. Editionis tract. de Deo Creat. & Redempt. §. 21. Gratias speciales, & magnas Deo debeo, & ego quod in errorem doctrinæ isti contrarium nunquam inciderim: scio nullum errorem esse, in quem labi nequeat mens humana, si Deus lumen Cælestis gratiæ suæ subtraheret.

§. Quibus machinis nonnulli conantur diruere necessitatem gratiæ per se efficaciæ ad alios singulos pietatis.

Resp. Nonnulli allegant varias scripturas, quibus probare conantur hominem posse per se ipsum ad gratiam præparari, quæ præparatio non potest non esse actus pietatis, & salutaris. 1. enim Proverb. 6. dicitur *hominis est præparare Animam & Domini gubernare linguam*: ejusmodi antithesis non videtur posse salvari, nisi solidis hominis sit præparare Animam, cum gubernare linguam (quod dicitur esse Domini) etiam sit hominis gratia Dei adjuvata.

2. Zachariæ 1. dicitur, *convertimini ad me, & ego convertar ad vos*, illud convertimini debet intelligi sine gratia, nam alias Deus non

non diceret convertar ad vos, quia prius ad eos esset conversus gratiam eis impertiendo.

3. Psalm. 80. dicit Deus, *dilata os tuum* (seu ut alii legunt, *aperi os tuum*) & *implebo illud*; ergo prima dispositio, primique conatus boni operis, qui per apertionem oris significantur, sunt a nobis ipsis, etsi complementum sit a Deo: unde Isaia 30. dicitur, *expectat Dominus ut misereatur vestri*.

Hinc Cyrillus Hierosol. initio praeferat ad suas Catecheses, *liberalis est*, inquit, *Deus & pronus ad benefaciendum*, *expectat tamen cuiuslibet propriam voluntatem*; & catechesi 1. *Dominus delectum faciens Animarum voluntates illarum scrutatur*. Et S. Hieronymus Lib. 1. adversus Pelagianos cap. 2. *nostrum est velle*, inquit, *& querere, sed ut voluntas nostra compleatur, & cursus, ad Dei misericordiam pertinet*. Et rursus Lib. 3. cap. 1. *nostrum est rogare, illius tribuere quod rogamus, nostrum incipere, illius perficere, nostrum offerre quod possumus, illius implere quod non possumus*.

Ad 1. respondeo hominis esse preparare Animam ad bene, & salubriter loquendum, quod citra gratiam Dei non fit, sed post omnem nostram industriam pendemus ab adiutorio Dei solius, cuius est sic linguam moderari, ut bene, utiliter & cum gratia adiutorii eloquamur quae concepimus: immo aliquando contingit hominem, etsi multum conetur, non posse tamen eloqui quod cogitavit, ideoque gubernare linguam, recte dicitur esse solius Dei. Hanc sententiam satis congruere communi dicto: *homo proponit, Deus disponit*, censet Jansenius Gandensis in istum locum.

Ad 2. & 3. dico convertimus quidem nos ad Deum, & aperimus ei cor nostrum, sed non sine speciali Dei auxilio, unde Threnorum 3. dicitur: *converte nos Domine ad te, & convertemur*, & Psalm. 50. *Domine labia mea aperies*; & Act. 16. *cujus Dominus operuit cor*. Trid. Sess. 6. cap. 5. ait, *cum dicitur convertimini ad me, & ego convertar ad vos, libertatis nostrae admonemur: cum respondemus convertite nos Domine ad te, & convertimur, Dei nos gratia praevocari consistimus*. Recte Fulgentius comprehendens id quod saepe repetit S. Augustinus, dum praecipit nobis, inquit, *ostenditur quid habere debeamus, sed quia id in nobis habere non possumus, admonemur ut a quo nobis datur praeceptum, ab ipso petamus auxilium, quod tamen non possumus petere, nisi Deus in nobis operetur & velle*.

Verum dicit quispiam, quomodo, quomodo conatu adsciscemus e caelo efficacem illam gratiam, quae in nobis operetur, & velle? sed repono, quomodo, quia industria adscisces, ut ipse e caelo gratiam congruam, aut eam cui praesentat Deus te respondentem? Refugium meum est cum S. Augustino medita-

litus dicere; *tota spes mea in Deo*! non nisi magna misericordia tua, quia juxta Trid. in Dei auxilio firmissimam spem collocare, & non ponere omnes debent: Deus enim nisi gratia illius defuerint, sicut capite opus bonum: ita perficiet operans velle, & perficere: quod non possunt facere adversarii, quia gratiam per se efficacem libertatem evertere existimant, sine qua nulla spes, nullum meritum. In quo ergo reperit firmissimam illam spem nisi in lubrico gratiae sufficientis, de qua eis voluntas incerta est, nec constat an Deus praescierit eos illi cooperaturos? Si dixerint certum esse quod ex muniti possint velle, possint orare, & ita praeparare gradum ad gratiam proxime sufficientem; verum quid hoc ad firmissimam spem, cum id potius accedat ad metum damnationis? Deinde id quod dicunt posse, incertum est, immo assero fictitiam esse potentiam in statu naturae lapsae; omnes enim jacemus oppressi concupiscentia, & in aeternum faceremus, nisi nos Christi relavasset adventus: ergo sicut non inde erigimur ad actum pietatis, nisi per gratiam per se efficacem, ita non possumus erigi nisi per gratiam de se & ex natura rei efficacem, qualis non est gratia sufficiens Macilientium, quae de se est inefficax, estque gratia primae conditionis & integritatis, ut diserte docet S. Augustinus, non gratia huius infirmitatis. Hinc Scriptura S. non agnoscit nisi gratiam quantum est ex natura rei efficaciter sufficientem, qualis non est etiam gratia congrua, quae ex natura rei non est efficacem, dans tantum posse, non agere.

Deus autem dicitur expectare nostram voluntatem more humano, quia exigit unum, ut postea det alterum, sic exigit poenitentiam antequam flagella auferat, quibus sublati expectari dicitur poenitentiam: exigit autem id, quod non nisi ex dono ejus haberi potest, quia est actus, qui non nisi a libera voluntate exequendus est: non expectat autem Deus nostram voluntatem aut consensum, immo nullum prorsus motum bonae voluntatis habemus sine ejus speciali gratia. Unde Araus. cap. 4. sic definit: *quis ut a peccato purgemur voluntatem nostram Deum expectare contendit, non autem ut etiam purgari velimus, per Spiritus Sancti infusionem, & inspirationem in nobis fieri non consistit, resistit Spiritui Sancto*.

Ad id quod subjungitur, recte observat Sylvius cum Ektio S. Cyrillum annumerandum esse illis Patribus, qui nondum exorta haeresi Pelagii, non satis caute & plene, toti intenti defendendo libero arbitrio, contra tum grassantem haeresim Manichaeorum, locuti sunt, quorum proinde sententiae in materia gratiae non sunt urgendae, sed si quid durius sonant, ad catholicum sensum benigna

na interpretatione flectenda, ab iisdem aliis locis expressum.

Itur respondeo S. Cyrillum censere Deum expectare propriam hominis voluntatem a gratia præveniente excitandam, ut ulteriorem gratiam & abundantiorum ei largiatur, quia Chatechesi 5. ait *fidem a Deo donari*; & Chatechesi 6. sic loquitur: *vobis dei (Deus) tale idium contra draconem, ut quemadmo-*

dum ille infidatur calcante, sit vos caput illius conculectis.

Ad id quod subjungitur ex Hieronymo, dico *nostrum esse*, velle, & querere, rogare & offerre, *Dei* autem complere & perficere quoad externam executionem & eventum. Solum itidem Dei est sic impedimenta avertere & externam actionem dirigere, ut effectus qui desideratur, eveniat.

F I N I S.



NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del Pubblico Revisor D. Natal dalle Laste nel Libro intitolato *Aggiunta al Juenin nel Trattato de Gratia MS.* non v'esser cosa alcuna contra la Santa Fede Cattolica, e parimente per Attestato del Segretario Nostro, niente contra Principi, e buoni costumi, concediamo Licenza all' *Erede di Niccolò Pezzana*, che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 29. Aprile 1778.

✧ *Piero Barbarigo Rifor.*

✧ *Francesco Morosini 2^{do}. Kav. Proc. Rifor.*

✧ *Girolamo Grimani Rifor.*

Registrato in Libro a Carte 376. al Num. 1263.

Davidde Marchesini Segr.

Addi 4. Maggio 1778.

Registrato nel Magist. Eccellentiss. contra la Bestemmia.

Gio: Pietro Dolfi Segr.

NOTICE

...

...

...

...

...

...

...

...

...

...

...

...

...

...

...

...

...

...



